

Niko Berdzenishvili Institute

**SOUTH-WESTERN GEORGIAN
HISTORICAL ESSAYS**

— *A d j a r a* —

Volume III

Batumi Region - 1877-1920

**EDITORS: †Abel Surguladze
Malkhaz Sioridze**

**Publishing House „Shota Rustaveli State University“
BATUMI - 2008**

Институт Нико Бердзенишвили

ОЧЕРКИ ИСТОРИИ
ЮГО-ЗАПАДНОЙ ГРУЗИИ

— *А д ж а р и я* —

Том III

Батумская область - 1877-1920

РЕДАКТОРЫ: †Сургуладзе А.Т.
Сиоридзе М.М.

ტომის ავტორები – ისტ მეცნ დოქტორებო: **ჩაბელ სურგულაძე**, **ოთარ თურმანიძე**, **ალექსანდრე ბენდიანიშვილი**, **მალხაზ სიორიძე**, **მამია ჯიჯეიშვილი**, **თეიმურაზ კომახიძე**, **თამაზ ფუტყარაძე**, **ნუგზარ მგელაძე**, **ოთარ გოგოლიშვილი**, **ერმილე მესხია**, **აკადემიური დოქტორები: რევაზ უზუნაძე**, **ურა ოქროპირიძე**, **ნუგზარ ზოსიძე**, **ჩდემურ გურეშიძე**, **გენადი მახარაძე**, **ფილოლ. მეცნ დოქტორები: თინა შიოშვილი**, **იური ბიბილეიშვილი**, **მედიცინის მეცნ დოქტორი რამაზ სურ-მანიძე**, **პედაგოგიურ მეცნ. დოქტორი ნანი გუგუნავა**, **ჩვახტანგ წულუკიძე**.

მთავარი რედაქტორი – **საქართველოს მეცნიერებათა აკადემიის წევრ-კორესპონდენტი, ისტორიის მეცნიერებათა დოქტორი, პროფესორი ქადვეთ ხახუტაიშვილი**

მთავარი რედაქტორის მოადგილე – **ისტორიის მეცნიერებათა დოქტორი, პროფესორი ამირან კახიძე**

სარედაქციო კოლეგია - **საქ მეცნ აკად. წ/კ პროფ. ვახტანგ შამილაძე** (თავმჯდომარე), **ისტ. მეცნ დოქტორი ნაკახიძე (მდივანი)**, **ფილოს მეცნიერებათა დოქტორი მიხეილ მახარაძე**, **ისტ. მეცნ დოქტორი ჩასურგულაძე**, **ისტ. მეცნ დოქტორი ო.თურმანიძე**, **ისტ. მეცნ დოქტორი მსიორიძე**, **აკადემიური დოქტორი რ.მალაყმაძე**.

სარედაქციო საბჭო - **საქ მეცნ აკად. წ/კ პროფ. ვახტანგ შამილაძე** (სარედაქციო საბჭოს თავმჯდომარე), **ისტ. მეცნ დოქტორი ნოდარ კახიძე** (პასუხისმგებელი მდივანი), **ისტ. მეცნ დოქტორი მალხაზ სიორიძე**, **აკადემიური დოქტორი ნინო ინაიშვილი**, **აკადემიური დოქტორი მათა ჭიჭილეიშვილი**, **აკადემიური დოქტორი ნანა ხახუტაიშვილი**, **აკადემიური დოქტორი ნაილა ჩელებაძე**, **ფსიქოლოგიის მეცნ დოქტორი გურამ ჩაგანავა**, **აკადემიური დოქტორი ჟანი შიქაშვიძე**, **ფილოლ. მეცნ დოქტორი მიხეილ ქაშადაძე**, **ფილოლ. მეცნ დოქტორი თინა შიოშვილი**.

რეცენზენტები – **ისტ. მეცნ დოქტორი ალექსანდრე ბენდიანიშვილი**
ისტ. მეცნ დოქტორი ფარნაოზ ლომაშვილი

ISBN 978-9941-409-30-1 (საერთო ყველა ტომისათვის)
ISBN 978-9941-409-31-8 (მე-3 ტომის)

© გამოცემლობა „შოთა რუსთაველის სახელმწიფო უნივერსიტეტი“ – 2008

სარჩევი

შესავალი (წაბ.სურგულაძე).....	7
§1. წყაროები (აბ.სურგულაძე, ო.თურმანიძე, მ.სიორიძე).....	10
§2. ისტორიოგრაფია (აბ.სურგულაძე, ო.თურმანიძე, მ.სიორიძე, თ.ფუტყარაძე)	22
თავი I. სამხრეთ-დასავლეთ საქართველოს დაბრუნება. ცარიზმის კოლონიური პოლიტიკის შედეგები	
§1. რუსეთ-ოსმალეთის 1877-1878 წლების ომი და სამხრეთ-დასავლეთ საქართველოს დაბრუნება (ო. თურმანიძე).....	43
§2. რუსული მმართველობის სისტემა და მხარის კოლონიზაცია (ო. თურმანიძე).	55
§3. მუჰაჯირობა (აბ. სურგულაძე).....	68
§4. მოსახლეობის დინამიკა, ეთნოკონფესიური და სოციალური სტრუქტურა (ნ. მგელაძე, თ. ფუტყარაძე).....	80
თავი II. ბათუმის ოლქის მრეწველობა	
§1. კაპიტალისტური მრეწველობის აღმოცენება და განვითარება XIX საუკუნის 80-90-იან წლებში (ა. ბენდიანიშვილი).....	101
§2. ახალი ტენდენციები მრეწველობის განვითარებაში 1900-1917 წლებში (ა. ბენდიანიშვილი).....	108
§3. სამთო-მეტალურგიული მრეწველობა (მ. სიორიძე).....	113
თავი III. სოფლის მემურნეობა (ო.თურმანიძე)	
§1. ძირითადი დარგები	133
§2. კაპიტალისტური საწარმოები სოფლად	145
§3. სასოფლო-სამეურნეო სასოგადოებები	154
თავი IV. საადგილმამულო ურთიმართობები და აბრარული მოძრაობა (ო.თურმანიძე)	
§1. ცვლილებები მიწათმფლობელობა-მიწათსარგებლობის ხასიათში და ფორმათა ევოლუცია	169
§2. მიწის რენტის ფორმები და საგადასახადო სისტემა	184
§3. აგრარული მოძრაობა	192
თავი V. ტრანსპორტი, საქალაქო მემურნეობა, ვაჭრობა და საბანკო-საქმედითო ურთიმართობანი 1878-1920 წლებში	
§1. ტრანსპორტი	209
ა. საზღვაო ტრანსპორტი (რ.უსუნაძე).....	209
ბ. სამდინარო ტრანსპორტი (რ.უსუნაძე).....	218
გ. სარკინიგზო ტრანსპორტი (აბენდიანიშვილი).....	223
§2. ქალაქები, სავაჭრო-სამრეწველო დაბებია საქალაქო თვისმმართველობა და კომუნალური მეურნეობა (აბენდიანიშვილი).....	229
§3. ვაჭრობა და საბანკო-საქმედითო ურთიმართობანი (აბენდიანიშვილი).....	257
§4. პორტო-ფრანკო ბათუმში (აბ. სურგულაძე).....	265
თავი VI. სოციალურ-პოლიტიკური მოძრაობა	
§1. მუშათა კლასის ჩამოყალიბება და სოციალური მოძრაობის დასაწყისი (უოქროპირიძე).....	293

§2. პოლიტიკური ორგანიზაციების წარმოშობა და საქმიანობა (მ.ჯიჯეიშვილი) ..	306
§3. მუშათა და გლეხთა მოძრაობა 1900-1904 წლებში (მ.ჯიჯეიშვილი).....	317
§4. ბათუმის ოლქი 1905-1907 წლების რევოლუციაში (ო.გოგოლიშვილი).....	327
§5. საზოგადოებრივ-პოლიტიკური ვითარება 1908-1914 წლებში (ო.გოგოლიშვილი).....	339

თავი VII. ბათუმის ოლქი პირველი მსოფლიო ომის დროს (1914-1918 წწ.)

§1. ბათუმის ოლქი ოსმალეთისა და მისი მოკავშირეების გეგმებში. ბრძოლა ბათუმისათვის 1914-1915 წწ. (მ.სიორიძე).....	357
§2. ომის სიძნელეები და სამეურნეო ნგრევა (მ.სიორიძე).....	367
§3. საზოგადოებრივ-პოლიტიკური ვითარება (აბ. სურგულაძე, მ. სიორიძე)	373
§4. ბათუმის ოლქი 1917 წლის თებერვლის რევოლუციის შემდეგ (მ.სიორიძე).....	393
§5. კაეკასიის ფრონტის მოშლა და სამხედრო მოქმედების განახლება (მ.სიორიძე).....	406
§6. ტრაპიზონის საზაფო კონფერენცია (მ.სიორიძე).....	416
§7. ბათუმის საზაფო კონფერენცია და საქართველოს დამოუკიდებლობის აღდგენა (მ.სიორიძე).....	423
§8. ბათუმის ოლქის ოკუპაცია ოსმალთა მიერ (1918 წ.) (ნ. ზოსიძე).....	432

თავი VIII. ბათუმის ოლქი საქართველოს დემოკრატიული რესპუბლიკის პერიოდში (1918-1920 წწ.)

§1. ბათუმის ოლქი დიდი ბრიტანეთის ოკუპაციის პერიოდში (მ.სიორიძე)	457
§2. ბათუმი და რუსეთის სამოქალაქო ომი (მ.სიორიძე).....	470
§3. „ბათუმის საკითხის“ ინტერნაციონალიზაცია 1919-1920 წწ. (მ.სიორიძე).....	478
§4. სამუსლიმანო საქართველოს განმათავისუფლებელი კომიტეტი (ე. მესხია)	489
§5. ბათუმის ოლქის დაბრუნება საქართველოს შემადგენლობაში (ნ. ზოსიძე).....	499
§6. სოციალურ-პოლიტიკური ვითარება 1920 წ. მეორე ნახევარში (მ. სიორიძე)....	504

თავი IX. განათლება, კულტურა და ჯანმრთელობის დაცვა

§1. განათლება (წე. წულუკიძე, ნ. გუგუნიავა)	529
§2. კულტურული და საჭეველმოქმედო საქმიანობა (წე. გუგუნიძე)	538
§3. მწერლობა (ი. ბიბიღეიშვილი).....	543
§4. სისტორიო უპირსიტყვიერება (თ. შიოშვილი).....	553
§5. პრესა და საგამომცემლო საქმე (გ. მახარაძე)	560
§6. თეატრალური წარმოდგენები (თ. კომახიძე, შაბ. სურგულაძე).....	568
§7. სამედიცინო სამსახური (რ. სურმანიძე).....	578

ძირითადი შემოკლებანი.....	601
---------------------------	-----

„აჭარის ისტორიის ნარკვევების“ წინამდებარე ტომი ქრონოლოგიურად მოიცავს 1877-1920 წლებს. ეს პერიოდი აღინიშნა საყურადღებო მოვლენებით. უპირველესი ისაა, რომ 1877-1878 წწ. რუსეთ-ოსმალეთის ომში, რუსეთის გამარჯვების შედეგად, სამხრეთ-დასავლეთი საქართველო სამუდამოდ დაუბრუნდა მშობლიურ კერას და ამიერიდან მისი ჭირისა და ლხინის განუყრელი მოზიარე გახდა. ისტორიული ტერიტორიების, განსაკუთრებით კი ბათუმის შესანიშნავი ნავსადგურის შემოერთებით, ეს მხარე არა მარტო ჩაერთო ერთიან მსოფლიო საქონელმომოქცევაში, არამედ მკვეთრად დააჩქარა კაპიტალისტურ ურთიერთობათა ზრდის პროცესი საქართველოში. მართალია, ქვეყნის განვითარების ტემპი და დონე არ იყო მაღალი მისი ნახევრად კოლონიური მდგომარეობის გამო, მაგრამ რუსეთის ევროპული გუბერნიების დიდ ნაწილს გარკვეულად სჭარბობდა კიდევც.

ახლდაბრუნებული სამხრეთ-დასავლეთ საქართველო ადმინისტრაციულ-ტერიტორიული მოწყობის მიხედვით დაიყო ბათუმის და ყარსის ოლქებად, ბათუმის ოლქში შევიდა თანამედროვე აჭარის ავტონომიური რესპუბლიკის ტერიტორია (ე.წ. ბათუმის ოკრუგი), აგრეთვე, ართვინის ოკრუგი. 1883 წ. გაუქმდა რეგიონის საოლქო მოწყობა და მასში შემავალი ოკრუგები გაერთიანდა ქუთაისის გუბერნიაში. 1903 წელს ეს ოკრუგები ქუთაისის გუბერნიას გამოეყო და ისევ აღსდგა ბათუმის ოლქი. ამ სახით მოადწია მან 1921 წლამდე და შედიოდა საქართველოს პირველი რესპუბლიკის შემადგენლობაში.

აღნიშნულ თავისებურებათა გამო წინამდებარე ტომში გადმოცემულია არა მარტო აჭარის, არამედ მთლიანად ბათუმის ოლქის, როგორც ერთიანი ადმინისტრაციულ-ტერიტორიული, ეკონომიკური და სტრატეგიული რეგიონის, ისტორიის საკვანძო საკითხები.

საერთო ეკონომიკურმა პროგრესმა შეარყია მხარის საუკუნეობრივი რუტინა და ჩამორჩენილობა, რაც უპირველესად გამოიხატა ნატურალური მეურნეობის რღვევაში. XIX-XX საუკუნეთა მიჯნაზე ბათუმი თანდათან გადაიქცა მნიშვნელოვან სავაჭრო-სამრეწველო ცენტრად (ამას ნათობის ექსპორტთან ერთად, გარკვეულწილად, განსაზღვრავდა მძლავრად განვითარებული სპილენძის წარმოებაც), რაც, თავის მხრივ, სასაქონლო-ფულად ურთიერთობათა ორბიტაში ითრევედა სოფელს და ამით აჩქარებდა კაპიტალიზმის შინაგანი ბაზრის გაფართოებას.

ასეთ ვითარებაში გამწვავდა სოციალური და ეროვნული ურთიერთობანიც. გააქტიურდა ხალხის ბრძოლა არსებული სისტემისა და მისი დამცველი ცარიზმის წინააღმდეგ. აჭარაში აზვირთებული საზოგადოებრივ-პოლიტიკური მოძრაობა ერწყმოდა საქართველოს სხვა რეგიონების მშრომელთა გამოსვლებს არსებული რეჟიმის წინააღმდეგ და მეტი გაქანება და სიმწვავე შეჰქონდა სოციალური და ეროვნული თავისუფლებისათვის ბრძოლაში.

ამ დროის სამხრეთ-დასავლეთ საქართველოსათვის დამახასიათებელია მოსახლეობის პოლიტიკური აქტივობის მნიშვნელოვანი ზრდა. საკითხის შეუსწავლულობის შედეგი იყო, რომ უკანასკნელ დრომდე პოლიტიკური მოძრაობა მთლიანად პროლეტარიატის რევოლუციურ ბრძოლასთან იყო გაიგივებული. მართლაც, მკვლევარებს მთელი ყურადღება გადატანილი ჰქონდათ „კაპიტალიზმის წინააღმდეგ მუშათა კლასის და გლეხობის გამიჯნული ბრძოლის“ შესწავლაზე, რის გამოც ფართო საზოგადოებამ ნაკლებად, ანდა თითქმის არაფერი იცოდა აქ პოლიტიკური პარტიების არსებობისა თუ პრაქტიკული მოღვაწეობის შესახებ (ცხადია, გარდა სოციალ-დემოკრატებისა). არადა, XIX საუკუნის დამლევიდან აჭარაში საფუძველი ჩაეყარა პოლიტიკური გაზეთების გამოცემას და წიგნების ბეჭდვას, იმართებოდა თეატრალური წარმოდგენები, დაარსდა პირველი ქართული სკოლა და ასპარეზზე გამოვიდა ამ სკოლის აღზრდილი ახალი თაობა, გაააქტიურეს მოღვაწეობა სოციალისტ-ფედერალისტებისა და სოციალისტ-რევოლუციონერების ადგილობრივმა ორგანიზაციებმა, შეიქმნა „სამუსლიმანო საქართველოს განმათავისუფლებელი კომიტეტი“ და სხვ., რომლებმაც დიდი როლი შეასრულეს სამხრეთ-დასავლეთ საქართველოს მოსახლეობის ეროვნულ-პოლიტიკურ გათითცნობიერებასა და დამპყრობელთა მიერ ხანგრძლივი დროით მიტაცებული მხარის მშობლიურ სხეულთან შერწყმა-შეკავშირებაში. განსაკუთრებით აღსანიშნავია „სამუსლიმანო საქართველოს განმათავისუფლებელი კომიტეტის“ პატრიოტული საქმიანობა. უადრესად რთულ ვითარებაში, როდესაც აჭარაში გაბატონებისათვის ერთმანეთს ეცილებოდნენ დიდი სახელმწიფოები, კომიტეტმა მემედ აბაშიძის მეთაურობით, ათასგვარი დევნისა და რეპრესიების პირობებში, შეძლო ეპოვა ხსნის ერთადერთი გონიერული გზა და უზრუნველყო აჭარის შენარუნება (თუნდაც ავტონომიის სახით) საქართველოს შემადგენლობაში. ეს იყო უდიდესი მნიშვნელობის ისტორიული ფაქტი, რამაც საბოლოოდ განსაზღვრა ამ მხარის ეროვნული განვითარების გზა.

საერთოდ, XX საუკუნის პირველი ოცწლეული მძიმე გამოცდის პერიოდი იყო დედასაქართველოსთან დაბრუნებული აჭარისათვის. პირველი მსოფლიო ომის საწყის ეტაპზე რუსეთის იმპერიულმა მთავრობამ უსამართლოდ შეურაცხყო ადგილობრივი მოსახლეობა და იგი „საერთო სახელმწიფო ღალატში“ დაადასაშაულა. ცარიზმს ეს სჭირდებოდა აღნიშნული რეგიონის საბოლოოდ ათვისებისა და კოლონიზაციის დასრულებისათვის. ქართველ მამულიშვილთა თავდადებით და შეთანხმებული საქმიანობით მაშინ შესაძლებელი გახდა აღნიშნული ბრადდების გაბათილება. ეს იყო მნიშვნელოვანი ნიშანსვეტი ქართველ მაჰმადიანებში ეროვნული თვითშეგნების ჩამოყალიბება-გაძლიერების საქ-

მეში, რაც, თავის მხრივ, ქმნიდა მტკიცე საფუძველს ერთიანი ქართული სახელმწიფოებრიობის აღდგენისათვის.

მსოფლიო ომის დამამთავრებელ ეტაპზე უკიდურესად გამაფრდა დიდ სახელმწიფოთა ბრძოლა ბათუმის მიტაცებისათვის. მხარის სამეურნეო-ეკონომიკური პოტენციალი, განსაკუთრებით კი მისი სტრატეგიული მდებარეობა იზიდავდა ოსმალეთსაც, ევროპის სახელმწიფოებსაც (ინგლისი, საფრანგეთი, იტალია), რუსეთსაც. ბრესტის ზავის შემდეგ, ერთი შეხედვით, ხელსაყრელი პოზიციები ოსმალეთს ჰქონდა, მით უმეტეს, რომ ცალმხრივად და უხეშად ჩატარებული რეფერენდუმის წყალობით თითქოს საიმედოდ გაინადდა ბატონობა ბათუმის ოლქში. ამის მიუხედავად, თურანიზმის მომხრეთა გეგმები ადრინდელი იმპერიის აღსადგენად ვერ განხორციელდა. გერმანიის ბლოკის ქვეყნების მარცხმა გამორიცხა აქ ოსმალეთის გაბატონების შესაძლებლობა. ამით ისარგებლა ინგლისმა და დაიწყო აქტიური ბრძოლა ამ მხარეში დამკვიდრებისათვის. ამ მიზნით სცადა ბათუმის საკითხის ინტერნაციონალიზება, მაგრამ ქართველი ხალხის პროტესტისა და საქართველოს დემოკრატიული რესპუბლიკის მთავრობის დიპლომატიური ღონისძიებებით განაზრახი მასაც ჩაეშალა. ამ მოვლენების ფონზე შესამჩნევად აქტიურობდა რუსეთი (თეთრგვარდიულიც, საბჭოთაც), რომელიც იბრძოდა „ერთიანი და განუყოფელი“ იმპერიის შენარჩუნებისათვის. ყოველ შემთხვევაში, ბათუმის რუსული ეროვნული საბჭო, მისი მეთაურის კადეტ მასლოვისა და ცნობილი გენერალ დენიკინის საკმაოდ ინტენსიური ურთიერთობა მიზნად ისახავდა საქართველოსაგან ბათუმის ოლქის ჩამოშორებას. ამავე მიმართულებით არანაკლებ აქტიურობდა, აგრეთვე, ანგორის მთავრობაც. ასეთ რთულ ვითარებაში სწორი პოზიცია დაიკავა თვით აჭარამ, რომელმაც საქართველოს რესპუბლიკის მთავრობის აქტიური მხარდაჭერით სწორად გადაწყვიტა თავისი მომავალი.

სამუსლიმანო საქართველოს პროგრესისტ მოღვაწეებს ჩინებულად ესმოდათ, რომ მხარის გამთლიანება ეროვნულ სხეულთან მნიშვნელოვანი იყო არა მარტო მომავალი საქართველოს ერთიანი სახელმწიფოებრიობის აღდგენის თვალსაზრისით, არამედ, პირველ ყოვლისა, სასიცოცხლო პოლიტიკურ-ეკონომიკური და ისტორიულ-კულტურული დანიშნულება ჰქონდა თვით ქართველი მუსლიმანების ეროვნული ღირსების შენარჩუნების, აგრეთვე, მომავალი განვითარებისა და კეთილდღეობის უზრუნველყოფისათვის.

ასეთია აღნიშნული ეპოქის უმთავრესი სოციალურ-ეკონომიკური და პოლიტიკური მოვლენები, მათი დამახასიათებელი ნიშნები თუ თავისებურებანი.

§ 1. წყაროები

საარქივო მასალა. სამხრეთ-დასავლეთ საქართველოს 1877-1920 წლების ისტორიის შესახებ დიდძალი მასალა არქივებში. საქართველოს ცენტრალურ სახელმწიფო საისტორიო არქივში ბათუმისა და ყარსის ოლქების მასალები გაბნეულია სხვადასხვა ფონდში. მრავალფეროვნებით გამოირჩევა კავკასიის მთავარმართებლის სამოქალაქო ნაწილისა (ფონდი № 12) და კავკასიის მეფის-ნაცვლის კანცელარიები (ფონდი № 13). აქ არის 1878-1883 და 1905-1917 წლების მასალები, ხოლო კავკასიის მთავარმართებლის სამოქალაქო ნაწილის კანცელარიის ფონდში - 1884-1904 წლებისა. ეს მასალები ძალზე მნიშვნელოვანია საკვლევი პერიოდის სამხრეთ-დასავლეთ საქართველოს საზოგადოებრივ-პოლიტიკური და სოციალურ-ეკონომიკური ისტორიის შესასწავლად.

ამავე თვალსაზრისით საყურადღებოა იგივე არქივის სხვა ფონდებიც. კერძოდ: „საგარეო საქმეთა სამინისტროს მოხელე კავკასიის მეფისნაცვალთან“ (15), „ქუთაისის გუბერნიის უანდარმთა სამმართველოს უფროსის თანაშემწე ბათუმის ოლქში“ (157), „კავკასიის საბაჟო ოკრუგის სამმართველო“ (378) და სხვ.

საქართველოს ცენტრალურ სახელმწიფო საისტორიო არქივში მნიშვნელოვანი მასალებია, აგრეთვე, 1918-1920 წწ. ბათუმის ოლქის საზოგადოებრივ-პოლიტიკური და ეკონომიკური ცხოვრების შესახებაც. ამ მხრივ გამოეყოფილი ფონდებია: „ამიერკავკასიის სეიმი“ (1819), „საქართველოს დამფუძნებელი კრება“ (1833), „საქართველოს დემოკრატიული რესპუბლიკის ფინანსთა, ვაჭრობისა და მრეწველობის სამინისტრო“ (1891), „საქართველოს დემოკრატიული რესპუბლიკის საგანგებო რწმუნებული ბათუმსა და მის ოლქში“ (1872), „საქართველოს დემოკრატიული რესპუბლიკის საგარეო საქმეთა სამინისტრო“ (1864); „საქართველოში რსფსრ წარმომადგენლობის სამხედრო ატაშე“ (1874). უაღრესად მნიშვნელოვანია სამშობლოში უკანასკნელ ხანს დაბრუნებული და ამავე არქივში დაცული საქართველოს დემოკრატიული მთავრობის არქივის მასალები.

მიწათმფლობელობა-მიწათსარგებლობის, აგარარული მოძრაობის, კოლონისტების მიერ ადგილმამულების შექენის, მათი სამეურნეო-სამეწარმეო საქმიანობის შესახებ საყურადღებო მასალებია ამ არქივის ისეთ ფონდებში, როგორცაა „კავკასიის მეფისნაცვლის კანცელარიასთან არსებული სამხედრო-სამოქალაქო მმართველობა“ (545, 229), „წოდებრივ-საადგილმამულო კომისია“ (231), „მიწათმოქმედებისა და სახელმწიფო ქონებათა სამინისტროს კავკასიის რწმუნებული“ (343), ამავე სამინისტროსთან არსებული „კავკასიის საგადასახლებო ნაწილის“ (242), „მიწათმოქმედებისა და სახელმწიფო ქონებათა ქუთაისის სამმართველო“ (246), „ქუთაისის სახაზინო პალატა“ (256) და სხვ. აქ არის ბათუმისა და ყარსის ოლქების სასოფლო საეარგულების აღწერები, ჩამოთვლილია სოფლებს შორის სადავო მიწები, ზოგჯერ დასახელებულია ადგილმამულების მფლობელი პირები (545), დაცულია, აგრეთვე, მასალები კერძო მფლობელთა, საიჯარო და მუჰაჯირების ადგილმამულებზე, მიწების ყიდვა-გაყიდვის, კოლონისტების დასახლების, ბეგარა-გადასახადების შესახებ და სხვ.

ამავე ფონდებშია ბათუმის ოლქის ადგილობრივი მოსახლეობისა და მოახალშენების თხოვნა-საჩივრები, ქუთაისის, ბათუმისა და ყარსის გუბერნატორების მიმორწმუნებულები, პეტერბურგის ცენტრალური ხელისუფლებიდან ინსტრუქციები, დადგენილებები და სხვა მასალები, რომლებიც უშუალოდ ეხება მიწათმოქმედებას, მიწათმფლობელობა-მიწათსარგებლობას მოიპოვება მასალები ბათუმის ოლქის, სასოფლო-სამეურნეო საზოგადოებების, სოფლის მეურნეობის ცალკეული დარგების შესახებ და ა.შ.

ამიერკავკასიის სააქციზო სამმართველოს ფონდში (370) დეტალური ცნობებია ბათუმის ოლქის სასოფლო-სამეურნეო წარმოების დარგების შესახებ (მწიკიობა, მეთამბაქოობა, მევენახეობა-მეღვინეობა). აქვეა დაცული დავერილობითი ცნობები ჩაისა და თამბაქოს მრეწველობის, სახაზინო-სააქციზო გამოსაღების შესახებ და სხვ. გამოქვეყნებული მიმოხილვებისა და ანგარიშებისაგან განსხვავებით, სააქციზო უწყების ფონდში ჩამოთვლილია სოფლები, სადაც მისდევდნენ სასაქონლო მიწათმოქმედებას, დასახლებულია თითოეული კულტურის ფართობი, მოსავალი, მეწარმეები, დაქირავებული მუშახელი, პროდუქციის გასაღების, საერთო და წმინდა შემოსავლების მანქვენებლება ამ სახის ცნობები კი მეტად მნიშვნელოვანია საკითხების სრულყოფილად გაშუქებისათვის, ამა თუ იმ რეგიონის სპეციფიკის დასადგენად.

სამხრეთ-დასავლეთ საქართველოს შესახებ მრავალმხრივ საყურადღებო მასალებია დაცული პეტერბურგის ცენტრალურ საისტორიო არქივში. მასალები გაბნეულია შინაგან საქმეთა, იუსტიციის, თავდაცვის, ფინანსთა, ვაჭრობისა და მრეწველობის, მიწათმოქმედებისა და სახელმწიფო ქონებათა სამინისტროების, საუფლისწულო უწყების მთავარი სამმართველოს ფონდებში. შინაგან საქმეთა სამინისტროს ფონდში (1284) არის ქუთაისის გუბერნიის, ბათუმისა და ყარსის ოლქების გუბერნატორების ყოველწლიური ანგარიშები, რაც სხვაგან იშვიათად გვხვდება. მათში აღწერილია წლის განმავლობაში საგამგებლო ოლქებში მიმდინარე პროცესები. მიწათმოქმედების, მიწათმფლობელობა-მიწათსარგებლობის შესახებ მასალები მოიპოვება მიწათმოქმედების დეპარტამენტის ფონდში (398).

ფინანსთა სამინისტროს ფონდში (22) გვხვდება ბათუმის ოლქის მრეწველთა მოხსენებითი ბარათები და მეურნეობების აღწერის მასალები. მათ შორის აღსანიშნავია კ. პოპოვის მოხსენება (ანაწ.2,ს.1810), რომელშიც დაწერილობითი ცნობები მოიპოვება აჭარის ზღვისპირა ზოლში არსებული ჩაისა და სუბტროპიკული კულტურების კაპიტალისტური მეურნეობების შესახებ. ბათუმის ოლქის სავაჭრო-სამრეწველო განვითარების შესახებ მასალები დაცულია ვაჭრობისა და მრეწველობის სამინისტროს ფონდში (396).

ჩაქვის საუფლისწულო მამულის შესახებ მასალები მოიპოვება საუფლისწულო უწყების მთავარი სამმართველოს ფონდში (515), რომლის 91-ე ანაწერში არის ჩაქვის მეურნეობის ყოველწლიური ანგარიშები, ხარჯთაღრიცხვები, მიმორწმუნებულები, მოხსენებითი ბარათები. ამავე ფონდის 45-ე ანაწერის ზოგიერთ საქმეში ასახულია ჩაქვის მეურნეობის მუშა-მოსამსახურეთა სოციალურ-პოლიტიკური და აგრარული მოძრაობის ამსახველი მასალები. მათ გააჩ-

ნიათ მეცნიერული ღირებულება ჩაქვის საუფლისწულო მეურნეობის ისტორიის შესასწავლად.

საყურადღებო მასალა იქნა მოძიებული მოსკოვში რუსეთის საგარეო პოლიტიკისა (АВПР) და რუსეთის ფედერაციის სახელმწიფო არქივებში (ГАРФ; ყოფ. ოქტომბრის რევოლუციისა და სოციალისტური მშენებლობის არქივი ЦГАОП СССР). რუსეთის საგარეო პოლიტიკის არქივში საინტერესოა ფონდები: „საგარეო საქმეთა სამინისტროს კანცელარია“, „პოლიტარქივი“, „საელჩო კონსტანტინეოლში“. პირველი ფონდის მასალები ააშკარავენ გერმანიის და ავსტრიის ცდებს – ჩაებათ ოსმალეთი რუსეთის წინააღმდეგ ომში და ამით შეემსუბუქებინათ თავიანთი მდგომარეობა ევროპის ფრონტებზე.

ფონდი „პოლიტარქივი“ შეიცავს რუსეთის დიპლომატიების შეტყობინებებს. მათშია ცნობები რუსეთთან ომისათვის ოსმალეთის მზადების შესახებ, კავკასიის საზღვრისპირა რაიონებში ჯარების კონცენტრაციის და გაძლიერებული შეიარაღების, ბათუმის სასაზღვრო ზოლით გერმანელების დაინტერესების და ბათუმის ოლქში გერმანია-ოსმალეთის ემისართა სადაზვერვო და სააჯანყებო საქმიანობის შესახებ.

ფონდში „საელჩო კონსტანტინეოლში“ მრავლადაა ტრაპიზონსა და ერზურუმში რუსეთის გენერალური კონსულების მოხსენებითი ბარათები, რომლებიც შეიცავს ცნობებს ომის წინ გერმანია-ოსმალეთის სადაზვერვო-ძირგამომთხრელი საქმიანობის შესახებ. აქ დაცულია მასალები ერზურუმში გერმანიის კონსულის ედგარ ანდერსის შესახებ, რომელსაც ევალებოდა აჯარასა და აფხაზეთში ანტირუსული აჯანყების მომზადება ამავე ფონდშია ცნობები კავკასიის საზღვრისპირა რაიონებით ავსტრია-უნგრეთის დაინტერესების შესახებაც.

რუსეთის ფედერაციის სახელმწიფო არქივში (ГАРФ) საყურადღებოა ფონდები: „სამხრეთ რუსეთის შეიარაღებული ძალების მთავარსარდალთან არსებული განსაკუთრებული სათათბიროს პროპაგანდის განყოფილება“ (440), „სამხრეთ რუსეთის შეიარაღებული ძალების მთავარსარდალთან არსებული განსაკუთრებული სათათბიროს თავმჯდომარის პოლიტიკური კანცელარია“ (446) და „სამხრეთ რუსეთის შეიარაღებული ძალების მთავარსარდალთან არსებული ვაჭრობისა და მრეწველობის სამმართველო“ (356). აქ დაცულია დენიკინის და ვრანგელის ოფიციალური და არაოფიციალური წარმომადგენლების ანგარიშები და მოხსენებითი ბარათები, რომლებიც საინტერესო ცნობებს შეიცავენ ბათუმის ოლქში და, საერთოდ, ამიერკავკასიაში დიდი ბრიტანეთის გემებისა და საქმიანობის შესახებ.

საყურადღებო მასალებია აჯარის ცენტრალურ სახელმწიფო არქივში (აცსა). მართალია, მეცნიერული ღირებულებით თბილისისა და პეტერბურგის არქივის მასალებთან შედარებით ნაკლებად ფასეულია, მაგრამ მაინც ანგარიშგასაწეია. აღსანიშნავია, რომ აქაურ ფონდებში ზოგიერთი ისეთი მასალაა, რაც სხვაგან არ გვხვდება. იგი ეხება განათლებას, კულტურას, საქველმოქმედო საზოგადოებათა საქმიანობას, საქალაქო და ქალაქის ტიპის დასახლებული პუნქტების მეურნეობას და სხვ.

ბათუმის ოლქის სამხედრო გუბერნატორის ფონდში (№1) მოიპოვება

მასალები აჭარაში რევოლუციური მოძრაობისა და პოლიტიკური პარტიების საქმიანობის შესახებ. ამავე ფონდშია ცნობები მრეწველობის, სოფლის მეურნეობის, ვეტერინარული სამსახურის შესახებ და ა.შ. საადგილმამულო ურთიერთობის შესახებ მწიბრი, მაგრამ საინტერესო ცნობებია მიწათმოქმედებისა და სახელმწიფო ქონებათა ქუთაისის სამმართველოს ბათუმის ოლქის სატყეოს ფონდში (24), აგრეთვე რაიონების (უბნები) სატყეო სამმართველოების ფონდებში (31, 39, 41, 42).

მიწების ყიდვა-გაყიდვის, იჯარის, ადგილმამულების საკუთრებაში დამტკიცებაზე თხოვნა-საჩივრები, ნოტარიუსის მიერ გაცემული საბუთები და სასამართლოს განაჩენები დაცულია სანოტარო კანტორისა და ბათუმის მომრიგებელი განყოფილების სასამართლოს ფონდებში (19, 25). საქალაქო მეურნეობის, წყალმომარაგების, განათლების, კულტურის, მრეწველობისა და ტრანსპორტის შესახებ საყურადღებო ცნობებია ბათუმის საქალაქო სათათბიროს (7), ქალაქის გამგეობისა (6) და წყალსადენის (32) ფონდებში.

მნიშვნელოვანი მეცნიერული ღირებულება გააჩნია ნავთობის სააქციზო სამმართველოს ბათუმის ოლქის საბჭოს ფონდში (12) დაცულ მასალებს ნავთობის პროდუქტების ექსპორტთან ერთად, აქ არის ცნობები ალკოჰოლიანი სასმელების წარმოებისა და საზღვარგარეთ გატანის შესახებ. საინტერესოა ბათუმის საბაჟო ოკრუგის სამმართველოს და მის უწყებაში შემაჯავლი კ ბათუმისა და ქობულეთის (ნიკოლაევის და ჩურუქ-სუს) საბაჟოების ფონდებში (13, 14, 15, 48) არსებული მასალაც.

ბათუმის ნავსადგურის მშენებლობის, პორტში გემების მიღებისა და გაშეების, ტვირთბრუნვის, პორტო-ფრანკოს შესახებ საყურადღებო მასალებია პორტის მშენებლობის სამმართველოს უფროსისა და ბათუმის სავაჭრო პორტის სამმართველოს ფონდებში (16, 34). იგი მოიცავს 1878-1920 წწ. ასევე საინტერესოა ცნობები წმ. ნიკოლოზის ფორტისა (შეკეთილი) და ჩურუქ-სუს (ქობულეთი) ნავისადგომებისაკენ საკაბოტაჟო გემებით მოძრაობის, ტვირთების სახეობისა და მათი გატანა-შემოტანის, რევოლუციური მოძრაობის, პოლიტიკური პარტიების საქმიანობის შესახებ (2, 3, 4, 13, 15).

განათლების შესახებ საერთოდ, კერძოდ კი ბათუმის სკოლებში სასწავლო პროცესის, მოსწავლე-ახალგაზრდობისა და პედაგოგების რაოდენობის, სასწავლო გეგმების და პროგრამების თაობაზე მასალები დაცულია ბათუმის გაუთა და ქალთა გიმნაზიების, რუსული დაწვეებითი სკოლებისა და სახელმწიფო სასწავლებლის ფონდებში (9, 10, 11, 27, 30).

აჭარის სახელმწიფო არქივის ფონდებში „ბათუმის ოლქის სამხედრო გუბერნატორის კანცელარია“ (1), „ამიერკავკასიის რკინიგზების თბილისის ჟანდარმერიის სამმართველოს ბათუმის განყოფილება“ (2), „ბათუმის დაცვის პუნქტი“ (4), „ბათუმის ქალაქის სათათბირო“ (7), „ბათუმის სავაჭრო ნავსადგურის სამმართველო“ (34), „ბათუმის საბაჟო“ (14), „ბათუმის პოლიცმანისტერის სამმართველო“ (52), „მიხეილის სიმაგრე“ (63) და სხვ. დაცული მასალები საშუალებას იძლევა ბათუმსა და მის ოლქში უცხოური კაპიტალის გავრცელების, ბათუმის ნავსადგურის სავაჭრო ოპერაციების, ბათუმის ოლქში

დასავლეთის სახელმწიფოების სადაზვერვო საქმიანობის, პირველი მსოფლიო ომის პერიოდში ბათუმის მიმართულებით გერმანია-ოსმალეთის სამხედრო ოპერაციების და სხვ. შესწავლისათვის. „ბათუმის ოლქის მმართველი საბჭოს“ (67) ფონდის მასალები საშუალებას გვაძლევს თვალი გადავდევნოთ უცხოელი ოკუპანტების საქმიანობას ამავე ოლქში. აქვეა ცნობილი შავრაზმელის პ. ნ. მასლოვის შემუარული თხზულება „ბათუმი 1917-1920 წლებში“. ავტორის აშკარა ტენდენციურობის მიუხედავად, მისი ნაშრომი მნიშვნელოვანია ბათუმში უცხოელთა ბატონობის პერიოდის გაშუქებისათვის. აქვეა ცნობები ბათუმის საკითხში ჯერ გერმანია-ოსმალეთის, ხოლო შემდეგ ანტანტის ქვეყნებს შორის არსებულ წინააღმდეგობათა შესახებ.

ბათუმის ოლქის შესახებ მნიშვნელოვანი მასალებია ქუთაისის სახელმწიფო ცენტრალურ საისტორიო არქივში. 1884-1903 წწ. ბათუმისა და ართვინის ოკრუგები ადმინისტრაციულად შედიოდა ქუთაისის გუბერნიაში. გარდა ამისა, ამ გუბერნიის ჟანდარმთა სამმართველოს, საოკრუგო სასამართლოს, მიწათმოქმედებისა და სახელმწიფო ქონებათა საგუბერნიო სამმართველოების უფლებამოსილება ვრცელდებოდა ბათუმის ოლქსეც, სადაც მათ სპეციალური წარმომადგენლები პყავდათ თანაშემწის რანგში. ისინი ამ უწყებებს აწვდიდნენ მოხსენებებს და რაპორტებს მათ კომპეტენციაში შემავალი საკითხების შესახებ.

საინტერესო მასალები ინახება თბილისის კორნელი კეკელიძის ხელნაწერთა ინსტიტუტის, სიმონ ჯანაშიას სახელმწიფო მუსეუმის, განათლების სამინისტროსა და გიორგი ლეონიძის ქართული ლიტერატურის მუსეუმის ფონდებში. ბათუმის ოლქის შესახებ დიდადი მასალებია აჭარის ხარტონ ახელდიანის სახელობის მუსეუმის ხელნაწერთა ფონდში. აქ ინახება ბათუმის ოლქის შესახებ ყოფილი საბჭოთა კავშირის არქივებიდან ამოკრეფილი მასალები, მიგონებები, საეკლე მუშაობისას შეკრებილი ეთნოგრაფიული ცნობები. მათში მოთხრობილია 1878-1920 წლებში ბათუმის ოლქის მრეწველობის, სოფლის მეურნეობის, საბანკო-საკრედიტო ურთიერთობების, ვაჭრობის, მიწათმფლობელობა-მიწათსარგებლობის, საზოგადოებრივ-პოლიტიკური და აგრარული მოძრაობის, პოლიტიკური პარტიების, განათლებისა და კულტურის შესახებ.

ბამოქმეცნებული დოკუმენტები. გამოქვეყნებული დოკუმენტური წყაროებიდან საყურადღებოა რუსეთის იმპერიის კანონთა კრებულები¹ მათში შესულია 1881-1917 წლების ნორმატიული აქტები, რომლებიც უშუალოდ ეხება ბათუმის ოლქს და საინტერესოა ცარიზმის კოლონიური პოლიტიკის დასახასიათებლად.

ამიერკავკასიის ფაბრიკებისა და ქარხნების ისტორიის ზოგად მიმოხილვაში, რომელიც საგულიშაგბაროემა შეადგინა,² არის ცნობები ბათუმში ნავთობის საწარმოების შესახებაც. რამდენიმე ცნობა ბათუმისა და ართვინის ოკრუგებში არსებული მიწის ფონდის შესახებ დაცულია სახელმწიფო საგლეხო ბანკის

¹ Полное собрание законов Российской империи, СПб., 1881-1917.

² Гулишамбаров С., Обзор фабрик и заводов Закавказского края. Тиф., 1894.

ამიერკავკასიაში მოქმედებასთან დაკავშირებით შეკრებილ მასალებში.³

სააქციო გამოსაღებების შესასწავლად მნიშვნელოვანია ამიერკავკასიის სააქციო უწყების ანგარიშები და მიმოხილვები. პირველი (ანგარიშები) გამოდოდა 1887-1901 წლებში,⁴ მეორე კი - 1902-1912 წლებში.⁵ მათში არის, აგრეთვე, ცნობები მრეწველობასა და სოფლის მეურნეობაზე, დასაქმებული მუშახელის რაოდენობაზე, შრომასა და საყოფაცხოვრებო პირობებზე. ბათუმის ოლქის შესახებ მასალები ძირითადად ეხება მეთამბაქოეობას, მეჩაიეობას, მევენახეობას.

საერთოდ, სააქციო უწყების მასალა კრიტიკულ მიდგომას მოითხოვს, რადგან მწარმოებლები, გადასახადებზე თავის არიდების მიზნით, მაღავედნენ თავიანთ შემოსავლებს და იძლეოდნენ არასწორ ცნობებს.

ბათუმის ოლქის კოლონიზაციის, რუსული ახალშენების მოწყობის შესახებ საინტერესოა ამიერკავკასიაში საგადასახლებო სამმართველოს საქმეთა მიმოხილვები.⁶ მართალია, მათში ძირითადად 1908-1912 წლების ცნობებია დაცული, მაგრამ შესავალში მოკლედ არის მიმოხილული კავკასიის კოლონიზაციის ისტორია XIX საუკუნეშიც და წარმოაჩენს ცარიზმის მისწრაფებას როგორც მთლიანად კავკასიის, ისე ბათუმისა და ყარსის ოლქების კოლონიური ათვისებისათვის. მიმოხილვებში კონკრეტული ცნობებია მოცემული 1879-1913 წლებში ბათუმისა და ყარსის ოლქებში საკოლონიზაციო მიწების გამოყოფისა და მატერიალური დახმარების შესახებ.

ბათუმისა და ყარსის ოლქებში რუსული მმართველობის სისტემისა და ფორმების შესასწავლად საყურადღებოა სპეციალური დებულება,⁷ რომელიც შედგენილია რუსულ და თურქულ ენებზე. იგი ასახავს ცარიზმის მისწრაფებას – გადააქციოს სოფლის მმართველობა თავის სიმძვინვარე დასაყრდენად და სახელმწიფო გადასახადების ამოღების მთავარ საშუალებად.

საინტერესოა მასალებია ქუთაისის გუბერნიისა და ბათუმის ოლქის მიმოხილვებში. ბათუმის ოლქის მიმოხილვა სულ ორჯერ გამოქვეყნდა,⁸ ქუთაისის გუბერნიისა კი სისტემატურად გამოდიოდა ამ მიმოხილვებში შესულია 1883-1903 წლების ცნობები ბათუმისა და ართვინის ოკრუგების შესახებაც. ეს მიმოხილვები გვეხმარება სამხრეთ-დასავლეთ საქართველოს სოციალურ-ეკონომიკური, დემოგრაფიული, კულტურული, ადმინისტრაციული მმართველობის მართლმსაჯულებისა და რელიგიის მდგომარეობის შესასწავლად. მიმოხილვებს დამატების სახით დაერთვის ცხრილები, რაც აადვილებს არსებული ვითარების უფრო მკაფიოდ წარმოსახვას.

³ Материалы по вопросу о распространении действия крестьянского подземельного банка на Закавказский край. Тиф., 1904.

⁴ Отчеты заведующих акцизными сборами Закавказского края и Закаспийской области о положении акцизного дела 1887-1901 гг., СПб., 1888-1902.

⁵ Обзор отраслей промышленности в Закавказском крае, служащих источников косвенных налогов и поступления акцизного по краю дохода за 1902-1912 гг., Тиф., 1903-1913.

⁶ Обзор переселенческого дела на Кавказе за пять лет 1908-1912 гг., СПб., 1913.

⁷ Положение о сельском управлении Карской области, Батумского и Артвинского округов Кутаийской губернии. Тиф., 1901.

⁸ Обзор Батумской области за 1903 год. Бат., 1904; Обзор Батумской области за 1910 год. Бат., 1912.

ქუთაისის გუბერნიისა და ბათუმის ოლქის მიმოხილვებში ასახულია არა მარტო ოლქსა და ოკრუგებში, არამედ, აგრეთვე, ცალკეულ საპოლიციო უბნებში არსებული მდგომარეობაც. ეს საშუალებას გაძლევს წარმოვიჩინოთ რეალური ვითარება თითოეულ რაიონში და განვსაზღვროთ მათი ხვედრითი წილი მხარის სოციალურ-ეკონომიკურ ცხოვრებაში.

ბათუმის ოლქის მოსახლეობის სოციალურ-წოდებრივი, ეროვნული და დემოგრაფიული მდგომარეობის შესასწავლად მნიშვნელოვანია იმპერიის მოსახლეობის 1897 წლის აღწერის მასალები,⁹ რომლითაც შესაძლებელია გლახების, მუშების, ბურჟუების, მემამულეების რაოდენობის, ქალაქისა და სოფლის მოსახლეობის თანაფარდობის, სქესობრივი და ასაკობრივი შემადგენლობის, მიგრაციული პროცესების, რელიგიური კუთვნილების, განათლების დონის და სხვ. დადგენა.

საყურადღებოა 1880-1917 წლებში გამოცემული სერია „კავკასიის კალენდარი“, რომელშიც წარმოდგენილია მრავალფეროვანი სტატისტიკური ცნობები და ისტორიულ-გეოგრაფიული თუ სოციალ-ეკონომიკური მიმოხილვები მრეწველობის, სოფლის მეურნეობის, მიწათმფლობელობა-მიწათსარგებლობის, ბეგარა-გადასახადების, კულტურის, რელიგიის, ეროვნული და სოციალურ-კლასობრივი შემადგენლობის, ადმინისტრაციული მმართველობის და სხვათა შესახებ. ეს მასალა, რამდენადაც იგი კავკასიის ეხება, შესაძლებლობას იძლევა თვალი გადავდევნოთ სხვა რეგიონების ვითარებასაც, შევაჯეროთ ისინი ბათუმის ოლქის მდგომარეობას, რათა განვსაზღვროთ სამხრეთ-დასავლეთ საქართველოს სპეციფიკა, მისი ლოკალური თავისებურებანი.

მნიშვნელოვანია ყარსის ოლქის სტატისტიკური კრებული,¹⁰ რომელიც ასახავს ამ რეგიონის სოციალურ-ეკონომიკურ მდგომარეობას XIX საუკუნის 80-იან წლებში. ანალოგიურ ცნობებს აჭარის შესახებ ვხვდებით სტატისტიკურ კრებულებში, რომლებიც XX საუკუნის 20-იან წლებში გამოქვეყნდა,¹¹ მართალია, ისინი ეხება 1909-1921 წლებს, მაგრამ საგრძნობლად ავსებენ ხარვეზებს, რაც ადრინდელ გამოცემებს გააჩნდა.

ბათუმის ოლქში სამთამადნო და სამთო-მეტალურგიული მრეწველობის გასაცნობად საყურადღებოა კავკასიის სამთამადნო მრეწველობის სამმართველოს ანგარიშები. მათში დეტალური ცნობებია ბათუმისა და ართვინის ოკრუგებში წიაღისეულის ძიების, მადნეულის ამოღების, მეტალურგიული ქარხნების მშენებლობისა და წარმოების შესახებ. აქვე დასახელებულია ის უცხოელები, რომლებიც სამეწარმეო საქმიანობას ეწეოდნენ ამ ოკრუგებში.¹²

მრავალმხრივი მასალაა ბათუმის ოლქის რუსეთის იმპერიასთან შეერთების 25 წლისთავთან დაკავშირებით გამოცემულ კრებულში.¹³ მ. დერჟავინის, ტ.

⁹ Первая всеобщая перепись населения Российской империи 1897 года. LXVI, Кутаийская губерния. СПб., 1905.

¹⁰ Карская область. Свод статистических данных, Тиф., 1889.

¹¹ Закавказье. Статистико-экономический сборник, Тиф., 1925; ამიერკავკასიის სტატისტიკური კრებული 1909-1921. ტფ., 1925; აჭარის ასსრ, სტატისტიკური კრებული 1913-1923, ბათ., 1924.

¹² Отчёты Кавказского управления горнорудной промышленности за 1890-1913 гг., Тиф., 1914.

¹³ Батумь и его окрестности, Бат., 1906.

სტეპანოვის, ი. მესხის, ს.ტიმოფეევის, ნ.წერეთლის, მ.ჯანაშვილის სტატიებში განხილულია მხარის ისტორიულ-არქეოლოგიური და გეოგრაფიული, ადრინისტრაციული მმართველობის, მართლმსაჯულების, მრეწველობის, სოფლის მეურნეობის, ვაჭრობის, საბანკო-საკრედიტო ურთიერთობების, მიწათმფლობელობა-მიწათსარგებლობის საკითხები. მართალია, კრებული შედგენილია ტენდენციურად, ცარიზმის კოლონიური ინტერესების გათვალისწინებით, მაგრამ გვაწვდის დიდძალ ფაქტობრივ მასალას ამა თუ იმ საკითხის გასაშუქებლად.

სასოფლო-სამეურნეო წარმოების შესასწავლად მნიშვნელოვანია „კავკასიის სოფლის მეურნეობის საზოგადოების“ 6 ტომი, რომლებიც 1878-1883 წლებში გამოიცა. 1885-1890 წლებში ასევე 6 ტომად დაიბეჭდა ამ საზოგადოების „შრომები“. 1893-1905 წლებში გამოდიოდა მისი ყოველკვირეული ჟურნალი „კავკასიის სოფლის მეურნეობა“ (12 ტომი). 1908 წლიდან 1918 წლამდე იბეჭდებოდა ჟურნალი „კავკასიის მეურნეობა“. ამ გამოცემებში ძვირფასი მასალებია ბათუმის ოლქში სოფლის მეურნეობის დარგების განვითარების, მათი საქონლიანობის დონის, მოახალშენების სამეწარმეო საქმიანობის შესახებ და ა.შ.

კავკასიის ეკონომიკური ათვისებისას რუსეთის მთავრობა განსაკუთრებულ ინტერესს ამჟღავნებდა სოფლის მეურნეობის სამხრეთული კულტურების მიმართ. ამიტომ XIX საუკუნის 90-იან წლებში რამდენიმე კრებული გამოვიდა მათში დაბეჭდილია აგრონომ ს.ტიმოფეევის მიმოხილვები, რომლებიც მიეძღვნა ბათუმის ოლქში მესაიეობის, მეციტრუსეობის, მკვენახეობის, ზეთისხილის, ბრინჯის კულტურის განვითარებას.¹⁴ ყარსის ოლქის, ბათუმისა და ართვინის ოკრუგების ბუნებრივი და ეკონომიკურ-გეოგრაფიული დახასიათებანი მოცემულია რუსეთის გეოგრაფიული საზოგადოების კავკასიის განყოფილების პერიოდულ გამოცემებში.¹⁵

მნიშვნელოვანია გამოყენებთან დაკავშირებით შეკრებილი ცნობები. ამ მხრივ აღსანიშნავია 1913 წელს პეტერბურგში მოწყობილ გამოფენაზე „რუსკაია რიეიერა“ სამ წიგნად¹⁶ წარდგენილი მასალები. გამოფენის მოწყობისა და მასალების გამოცემის ძირითად მიზანს შეადგენდა კავკასიის შავიზღვისპირეთში მრეწველობისა და სოფლის მეურნეობის მიღწევების პოპულარიზაცია მათში საინტერესო ცნობებია ბათუმის ოლქში ტექნიკური და სუბტროპიკული კულტურების გაშენების, სასაქონლო-კაპიტალისტური მეურნეობების მოწყობის, სასოფლო-სამეურნეო საზოგადოებების დაარსებისა და მრეწველობის ზოგიერთი დარგის შესახებ.

ბათუმის სოფლის მეურნეობის საზოგადოებამ 1909-1911 წლებში სამ ტომად გამოსცა ჟურნალი „ბატუმსკი სელსკი ხოზიანი“, 1912-1918 წლებში შვიდ

¹⁴ Сборник сведений по культуре ценных растений на Кавказе. вып. I, II, III. Тиф., 1895-1897; Сборник сведений по виноградарству и виноделю на Кавказе, вып. IV, Тиф., 1896.

¹⁵ Записки Кавказского отдела русского географического общества. - Известия Кавказского отдела русского географического общества.

¹⁶ Обзорные выставки Черноморского побережья Кавказа «Русская ривьера». СПб., 1913; Каталог сельскохозяйственной и культурно-промышленной выставки Черноморского побережья Кавказа «Русская ривьера». СПб., 1913; Первая выставка Черноморского побережья Кавказа «Русская ривьера». СПб., 1914.

ტომად უურნალი „რუსიკი სუბტროპიკი“. მათში გამოქვეყნებულ მასალებს დიდი მნიშვნელობა აქვთ ბათუმის ოლქში მეციტრუსეობის, მეჩაიეობის, ზეთისხილისა და ამ დარგებთან დაკავშირებული მრეწველობის შესასწავლად. ანალოგიურია ამ საზოგადოების მიერ დაბეჭდილი ორი კრებულიც,¹⁷ რომლებშიც შევიდა ს. ანისიმოვის, ი. დიადიუშის, ა. კრასნოვის, ლ. ელკანსკის, დ. ფენსტერის, ი. სინიცინის და სხვათა სტატიები.

უცხოელი მოახალშენების მიერ აჭარის ზღვისპირეთში მიწების შექენასა და სასაქონლო-კაპიტალისტური ტიპის მეურნეობების მოწყობას მიეძღვნა ნ. ვერუს წიგნი.¹⁸ მართალია, მასში მოკლედია აღწერილი მოახალშენთა მამულები და აგარაკები, მაგრამ მაინც გარკვეულ წარმოდგენას გვიქმნის მათ სამეწარმეო საქმიანობაზე.

მნიშვნელოვანია ბათუმის ოლქში ჩამოსახლებულ კაპიტალისტ მეწარმეთა (კ. პოპოვის,¹⁹ ა. სტოიანოვის²⁰ და სხვ.) ნაშრომები, განსაკუთრებით კი ბათუმის სოფლის მეურნეობის საზოგადოების, ბოტანიკური ბაღის და სმეკალოეკის სოფლის მეურნეობის საზოგადოების ანგარიშები, წესდებები, ინსტრუქციები და შრომები. ბათუმის სოფლის მეურნეობის საზოგადოების ანგარიშები წიგნად ორჯერ გამოვიდა (1916-1917 წლებში). 1915 წლის ანგარიშში გადმოცემულია საზოგადოების დაარსება და საქმიანობა, 1916 წლის ანგარიშში კი ერთი წლის მოღვაწეობა და სხვ.

სამხრეთ-დასავლეთ საქართველოს ისტორიის შესახებ მასალების დიდი ნაწილი ჯერჯერობით არ გამოცემულა. დღემდე მათი მხოლოდ მცირე ნაწილია გამოქვეყნებული პ. გუგუშვილის, ირ. ანთელავას და შ. ჩხეტიას მიერ შედგენილ დოკუმენტების კრებულებში.²¹

ბათუმის ოლქში 1905-1907 და 1917-1921 წლების საზოგადოებრივ-პოლიტიკური და აგრარული მოძრაობის, უცხოელი ოკუპანტების საქმიანობის შესახებ ზოგიერთი საბუთი დაბეჭდილია საქართველოს ცენტრალური სახელმწიფო საარქივო სამმართველოს მიერ გამოქვეყნებულ დოკუმენტების კრებულებში. მათი ერთი ნაწილი გამოცემულია საქართველოს დემოკრატიული რესპუბლიკის მთავრობის მიერ,²² მეორე დიდი ნაწილი – საბჭოთა ხელისუფლების დროს.²³ ეს გამოცემები შედგენილია ტენდენციურად, მათში შევიდა ის საბუ-

¹⁷ Батумское побережье «Русские тропики». Сборник статей. Бат., 1911; Цитрусовы. сборник трудов профессора А.Н.Краснова, т.1, Бат., 1915.

¹⁸ Батумъ и его окрестности в описании Н.А.Веру. Бат., 1910.

¹⁹ Попов К.С., Краткая история первого русского чая Константина Попова. М., 1904.

²⁰ Стоянов А., Батум. К истории дач поселения Батум. ცალკე ამონაბეჭდი ინახება აჭარის ხ. ახვლედიანის მუზეუმის ბიბლიოთეკაში.

²¹ Сельское хозяйство и аграрные отношения. т. IV. сост. проф. П.Гугушвили. Тб., 1965; Антелава И.Г., Реформа поземельного устройства государственных крестьян Закавказья в конце XIX века (документы и материалы). Сухуми, 1952; Документы по истории Грузии (1862-1917 гг.), под редакцией Ш.Чхетია, т. I, Тб., 1958.

²² Документы и материалы по внешней политике Закавказья и Грузии. Тб., 1919.

²³ Революция 1917 г. в Закавказье. Тиф., 1919; 1917 წლის რევოლუცია ისტორიულ საბუთებში. თბ., 1930; გერმანელი ოკუპანტები საქართველოში 1918 წელს (შემდგენელი მ.გაბრიჩიძე, თბ., 1942; ს.მაღლაკელიძე, ინგლის-ამერიკელი ინტერვენტების საქართველოში (დოკუმენტები) „საისტორიო მოამბე“, №7, თბ., 1957; Революция 1905-1907 гг. в Грузии. Сборник документов, сост. С.Маглакелидзе и А.Иовидзе, под ред. Ш.Цагаренишвили, Тб., 1956; Пипия Г.В., Политика Германии в Закавказье в 1918 году, Тб., 1971; Борьба за

თები, რომლებიც ხელისუფლების პოლიტიკას პასუხობდა.

1920 წლის მეორე ნახევარში აჭარაში შექმნილი პოლიტიკური ვითარებაა გადმოცემული პეტრე გელეიშვილის მოხსენებით ბარათში, რომელიც მან წარუდგინა საქართველოს დემოკრატიული რესპუბლიკის მთავრობის თავმჯდომარეს.²⁴

1917-1921 წლების ისტორიის შესასწავლად მნიშვნელოვანია კრებული, რომელიც აჭარის ცენტრალური სახელმწიფო საარქივო სამმართველოს თანამშრომლებმა შეადგინეს.²⁵ მასში დოკუმენტები და მასალები დალაგებულია სამ განყოფილებადად. პირველი ასახავს 1917 წლის მარტ-ნოემბრის ამბებს, მეორე - 1917 წლის ნოემბრიდან 1921 წლის მარტამდე მიმდინარე მოვლენებს, ხოლო მესამე - აჭარის გასაბჭოებას (1921 წლის მარტი). სულ დაბეჭდილია 269 დოკუმენტი, რომლებიც ამოკრებილია მოსკოვის, თბილისის, აჭარის სახელმწიფო არქივებიდან, იმდროინდელი პრესიდან, საქართველოსა და ამიერკავკასიის შესახებ სხვადასხვა დროს გამოცემული კრებულებიდან.

საქართველოში მეჩაიეობის განვითარების, ამ საქმეში ჩინელი სპეციალისტების, მათ შორის ლაო ჯონ-ჯაუს სამეწარმეო საქმიანობაზე მასალები მოიპოვება დოკუმენტების კრებულში, რომელიც შეკრიბეს და გამოსცეს აჭარის ცენტრალური სახელმწიფო არქივის თანამშრომლებმა.²⁶ მასში დაბეჭდილია 31 დოკუმენტი. მათგან საყურადღებოა კავკასიის სოფლის მეურნეობის საზოგადოების თავმჯდომარის 1884 წლის 12 დეკემბრის მოხსენებითი ბარათი დასაყლეთ საქართველოში ჩაის კულტურის განვითარების პერსპექტივებისა და ჩინეთიდან ამ საქმის სპეციალისტების მოწვევის აუცილებლობის შესახებ. აქვეა 1891 წლის 11 აგვისტოს ხელშეკრულების ტექსტი, რომელიც დაიდო ჩინელ სპეციალისტებსა და საუფლისწულო უწყებას შორის.

არანაკლებ საინტერესოა კრებულში დაბეჭდილი დოკუმენტები ჩაქვის ხეობაში ახალი სამხრეთული კულტურების დანერგვის საცდელი სადგურების დაფუძნების, 1900 წელს ბათუმში მოწყობილი სასოფლო-სამეურნეო გამოფენის შესახებ, ჩაქვის საუფლისწულო მამულის მმართველის გ. სიმონსონის, ჩაის ფაბრიკის დირექტორის ლაო ჯონ-ჯაუს 1904 წლის მოხსენებითი ბარათები ძვირფას მასალას შეიცავს ლაო ჯონ-ჯაუს მივლინება „ჩემი ცხოვრებისა და შრომის ნახევარი საუკუნე“. ბიოგრაფიული ხასიათის ცნობებთან ერთად მოვლინებაში არის მასალები, რომლებსაც გარკვეული მნიშვნელობა აქვთ აჭარის სუბტროპიკულ მეურნეობათა და ჩაის მრეწველობის შესასწავლად.

პრობლემისათვის ძვირფასია წყაროა უცხოური დოკუმენტების კრებულებიც. მათგან განსაკუთრებით აღსანიშნავია ინგლისის საგარეო პოლიტიკის დოკუ-

победу Советской власти в Грузии. Документы и материалы (1917-1921 гг.), Тб., 1958; «Демократическое правительство» Грузии и Английское командование, Тиф., 1928; Документы внешней политики СССР, т. I-III. М., 1957-1959 и др.

²⁴ პოლიტიკური სიტუაცია აჭარაში (1920 წ.).-ბ. გელეიშვილის მოხსენებითი ბარათის ტექსტი გამოსაცემად მოამზადა და შესავალი წერილი დაურთეს ა. სილაგაძემ და ვ. გურულაძე, თბ., 1998.

²⁵ Борьба за победу Советской власти в Аджарии. Документы и материалы (1917-1921 гг.), сост. Л.Каландаришвили, Т.Нефедова, С.Табагуа, Ш.Тодадзе, Д.Челидзе. Бат., 1961.

²⁶ Друг издалека. Документы из истории грузинско-китайской дружбы, сост. Л.Каландаришвили и Б.Пурадов. Бат., 1958.

მენტების მრავალტომეული.²⁷ ამ გამოცემის II, VII, VIII, XII და XV ტომებში გამოქვეყნებული დოკუმენტები მოიცავს 1919-1921 წლების მიმოწერებს, ნოტებს, ხელშეკრულებათა პროექტებს, ანტანტის უმაღლესი საბჭოს სხდომების თუ ცალკეულ პოლიტიკურ მოღვაწეთა შეხვედრა-საუბრების ოქმებს. ამ მრავალტომეულში დაცული მასალები საყურადღებოა დასავლეთის სახელმწიფოების აღმოსავლური და ანტისაბჭოთა გეგმებისა და პოლიტიკის გამოკვლევისათვის, მნიშვნელოვანი ადგილი ეთმობა ბათუმის საკითხსაც. ამ მხრივ საგულისხმოა XII ტომი, რომელშიც მთელი განყოფილება (თავი IV) ეძღვნება ამიერკავკასიას და მოიცავს პერიოდს 1920 წლის 3 თებერელიდან - 1921 წლის 20 აპრილამდე. აქ გამოქვეყნებული 170-მდე დოკუმენტიდან 2/3-ზე მეტი უშუალოდ ბათუმის საკითხს ეხება.

ბათუმის შესახებ ზოგიერთ ცნობას ვხვდებით, აგრეთვე, გერმანიის იმპერიის საგარეო პოლიტიკის დოკუმენტების მრავალტომეულშიც.²⁸

მმშპარშპი. მნიშვნელოვანია შემუარული ლიტერატურა. მართალია, იგი მკვლევრისაგან მოითხოვს სიფრთხილეს, რამდენადაც პირადი წარმომავლობისა და ზოგჯერ ამა თუ იმ ფაქტს სუბიექტურად აფასებს. ამის მიუხედავად, მათში საინტერესო ცნობებია მიმდინარე მოვლენებზე. ამ მხრივ აღსანიშნავია ნ. ჟორდანიას, გ. მაზნიაშვილის, გ. კეინიტაძის და სხვათა მოგონებები. ნ. ჟორდანიას²⁹ შემუარებში გაკერითაა აღნიშნული ბათუმის სოციალ-დემოკრატიული წრის, 1921 წლის მარტის ამბების შესახებ და სხვ. გ. მაზნიაშვილი მოგვითხრობს 1918 და 1921 წლებში ბათუმის ოლქში ოსმალთა წინააღმდეგ სამარ მოქმედებებზე, რომელიც მისი უშუალო მეთაურობით ჩატარდა,³⁰ გ. კეინიტაძე კი - სამხრეთ-დასავლეთ საქართველოში 1917-1921 წლების საბრძოლო ოპერაციებზე.³¹ ამავე პერიოდის ბათუმის ადგილსა და როლზე საერთაშორისო ურთიერთობებში საინტერესო ცნობებს გვაწვდიან ზ. ავალიშვილი,³² რ. გაბაშვილი და გ. გოგუაძე.³³

ბათუმის ოლქის შესახებ შედარებით დაწვრილებითი ცნობებია მოცემული დაეით კლდიაშვილის შემუარულ ნაშრომში „ჩემი ცხოვრების გზაზე“ (ბათ., 1984). ავტორი საინტერესოდ მოგვითხრობს ბათუმის ოლქის სღვისპირეთში კოლონისტების მიერ მიწების დატაცების, აგარაკებისა და მეურნეობების მშენებლობის შესახებ. ზოგადად აღწერილია სოლოეცოვის, სტოიანოვის, სიბირიაკოვის, დაღფონისის სამეწარმეო საქმიანობა. მოთხრობილია ბათუმის მოსახლეობის, მრეწველობის, უწინარესად, ნავთის ჭურჭლის წარმოებისა და მუშათა კლასის შესახებ. საინტერესოა დ. კლდიაშვილის ცნობები ეროვნულ-განმათავისუფლებელი და სასოციადოებრივ-პოლიტიკური მოძრაობის, ცარი-

²⁷ Documents on British foreign policy 1919-1939, ser. I.v.v. I-XV. London, 1947-1967.

²⁸ Die Grosse Politik der Europäischen Kabinete 1871-1914. Band 5, 38. Berlin 1926.

²⁹ ნ. ჟორდანიას, ჩემი წარსული. თბ., 1990.

³⁰ გ. მაზნიაშვილი. მოგონებანი. ბათ., 1990.

³¹ Квинитадзе Г. И. Воспоминания. 1917-1921. Париж, 1985.

³² ზ. ავალიშვილი, საქართველოს დამოუკიდებლობა 1918-1921 წლების საერთაშორისო პოლიტიკაში. მოგონებანი, ნარკვევები. ტფ., 1929.

³³ რ. გაბაშვილი, რაც მასსოვს; გ. გოგუაძე. მოგონებები. - ქართული ემიგრანტული ლიტერატურა „დაბრუნება“, ტ. 3, თბ., 1992.

მის მართლმსაჯულების ორგანოების საქმიანობის, აგრეთვე, იმ საგანმანათლებლო მუშაობის შესახებ, რასაც ეწეოდნენ ქართველთა საექველმოქმედო საზოგადოება და მოწინავე ინტელიგენცია, დ. კლდიაშვილის ცნობები საყურადღებოა აჭარის წარსულის მრავალი მოვლენის შესასწავლად.

ასევე საყურადღებოა მოგონებათა კრებული „1905 წელი ბარიკადები ბათუმში“.³⁴ მართალია, მასში გაზუიადებულია სოციალ-დემოკრატიის ღვაწლი რევოლუციურ მოძრაობაში, მაგრამ აქაური მასალები საინტერესოა და გარკვეულ წარმოდგენას გვიქმნის მუშათა, გლეხთა და მოსწავლე-ახალგაზრდობის გამოსვლებზე 1905 წელს მოგონებებთან ერთად კრებულში დაბეჭდილია რსდმპ ბათუმის კომიტეტისა და ანტიქართული მუსლიმანური საზოგადოების პროკლამაციები და მოწოდებები. მნიშვნელოვანი ცნობებია აგრარული ურთიერთობისა და აგრარული მოძრაობის შესახებ. კრებულს თან ახლავს რსდმპ ბათუმის ორგანიზაციის აქტივისტების სია 1896-1917 წლებში (სულ დასახელებულია 180 კაცი). მას გარკვეული მნიშვნელობა აქვს სოციალ-დემოკრატიული პარტიის ბათუმის ორგანიზაციის ისტორიის შესასწავლად.

პრესა. ძვირფასი წყაროა პერიოდული პრესა მართალია, 1880-1921 წლების პრესა თავისი პოლიტიკური მრწამსით არაერთგვაროვანია, რამდენადაც იგი სხვადასხვა პარტიისა და ჯგუფის ინტერესებს გამოხატავდა, მაგრამ განსახილველი ხანის სამხრეთ-დასავლეთ საქართველოს შესასწავლად უაღრესად მნიშვნელოვანია. კერძოდ, საადგილმამულო ურთიერთობისა და აგრარული მოძრაობის, სოფლის მეურნეობისა და მხარის კოლონიზაციის შესახებ მასალები გეხვედბა როგორც რუსეთის ცენტრალურ, კავკასიის სამხარეო და საერთო ქართულ, ისე ადგილობრივ საოლქო პერიოდულ პრესაში. ამ მხრივ აღსანიშნავია გაზეთები: „დროება“, „ივერია“, „ობზორი“, „ნოვოე ობოზრენიე“, „ცნობის ფურცელი“, „აზრი“, „სამშობლო“, „ქართული გაზეთი“ (ბერლინი), „თანამედროვე აზრი“, „თანამედროვე ცხოვრება“, „სახალხო ფურცელი“, „ახალი ივერია“, „ერთობა“, „ბრძოლა“, „საქართველო“ და სხვ. ჟურნალები: „კვალი“, „მოგზაური“, „ნიშადური“, „თეატრი და ცხოვრება“, „რევოლუციის მატია-ნე“ და ა.შ.

ცხადია, საინტერესო მასალებია ადგილობრივ პრესაშიც. 1878-1920 წლებში ბათუმის ოლქში გამოდიოდა გაზეთები: „ბათუმი“ (1886-1906, 1918-1920 წწ.), „ბატუმსკაია ჟიუნ“ (1890 წ.), „ბათუმის ფურცელი“ (1890 წ.), „ბატუმი“ (1905-1906 და 1912-1916 წწ.), „ჩერნომორსკი ვესტნიკი“ (1897-1909 წწ.), „ბატუმსკაია გაზეთა კოპეიკა“ (1913 წ. №1-4), „ბატუმსკი ვესტი“ (1911-1916 წწ.), „ბატუმსკიე ნოვოსტი“ (1909 წ.), „ჩერნომორსკი ობზორი“ (1909 წ.), „ბატუმსკი გოლოს“ (1909-1912 წწ.), „ბატუმსკაია პრავდა“ (1912 წ.), „ბატუმსკი ლისტოკ ტელეგრაფი“ (1905-1906 წწ.), „ბათუმის გაზეთი“ (1911-1914 წწ.), „ბურვესტნიკი“ (1917-1920 წწ.), „სამუსლიმანო საქართველო“ (1919-1920 წწ.), „ბატუმსკიე ვესტი“ (1919-1920 წწ.), „ეხო ბატუმა“ (1920 წ.), „გოლოს ტრუდა“ (1919-1920 წწ.), „ბათუმის ცხოვრება“ (1920 წ.), „ნაშ კრაი“ (1920 წ.) და სხვ.

³⁴ 1905 წელი. ბარიკადები ბათუმში (მოგონებათა კრებული). ბათ., 1925.

აღნიშნული პერიოდის სამხრეთ-დასავლეთ საქართველოს ისტორიის შესასწავლად მნიშვნელოვანია ილია ჭავჭავაძის, აკაკი წერეთლის, იაკობ გოგებაშვილის, ნიკო ნიკოლაძის, გიორგი წერეთლის, გრიგოლ ორბელიანის, სერგეი მესხის და სხვათა პუბლიცისტური წერილები. ცხადია, მათში ამა თუ იმ საკითხის შესახებ ლაპარაკია როგორც ზოგადად, ისე კონკრეტული ფაქტებით. დაინტერესებული მკვლევარი ამ წერილებში შეხვდება საყურადღებო მოსაზრებებს ეპტრობისა და მრეწველობის, საადგილმამულო ურთიერთობების, ბეგარა-გადასახადების, მუჰაჯირობის, აგრარული მოძრაობის, მხარის კოლონიზაციის, კულტურის, განათლების, საზოგადოებრივ-პოლიტიკური ცხოვრებისა და სხვა საკითხების შესახებ.

აჭარის საზოგადოებრივ-პოლიტიკურ ცხოვრებაზე, განათლებაზე, კულტურაზე, რელიგიაზე, ეროვნულ-განმათავისუფლებელ მოძრაობაზე მოთხრობილია მემედ აბაშიძისა და ჰაიდარ აბაშიძის პუბლიცისტურ წერილებში.³⁵

§ 2. ისტორიოგრაფია

1877-1920 წლების ისტორიის მეცნიერული შესწავლა ინტენსიურად დაიწყო XX საუკუნის 50-იანი წლებიდან. ამ მხარის წარსულის ცალკეული საკითხები სხვადასხვა კუთხით განიხილეს პ. გუგუშვილმა, ირ. ანთელავამ, ა. ბენდიანიშვილმა, ა. იოსელიანმა, ი. მირცხულავამ, ი. კაჭარავამ, ი. ხუციშვილმა, ფ. მახარაძემ, ნ. მახარაძემ, გ. ხაჭაპურიძემ, გ. ჟვანიამ, შ. მეგრელიძემ, ი. მელქაძემ, ნ. სტურუამ, აკ. სურგულაძემ, გ. ღამბაშიძემ, გ. ფიფიამ, ი. ტაბაღუამ, ო. გიგინეიშვილმა, ლ. ებანოძემ, ნ. ჩახვაშვილმა, ხ. ახელედიანმა, გ. ჯანგველაძემ, მ. ცერცვაძემ, ს. ჩხარტიშვილმა, ე. ახოზაძემ, ა. კიკეიძემ, ი. სიხარულიძემ, გ. ჯამბურია, მ. ჯიჯეიშვილმა, ა. ჩხეიძემ, მ. სვანიძემ, გ. მარგიანმა, ა. ავალიანმა, გ. შარაძემ, გ. გურულმა, მ. ეანაძემ, ლ. თოიძემ, შ. ვადაჭკორიამ, ნ. კირთაძემ, რ. ცუხიშვილმა, ო. ჯანელიძემ, დ. შველიძემ, გ. ჭანტურია, გრ. ბაბილოძემ, გ. მოჩალოვმა, აბ. სურგულაძემ, ე. სიჭინავამ, პ. ცქვიტარია, ა. ბაჯელიძემ, ჯ. ჩხეიძემ, ი. ჩულოკმა, მ. ჩაველიშვილმა, ო. თურმანიძემ, რ. სურმანიძემ, ე. წულუკიძემ, თ. კომახიძემ, ნ. კახიძემ, მ. სიორიძემ, ო. გოგოლიშვილმა, ე. მესხიამ, დ. ჭუმბურიძემ, ფ. სიხარულიძემ, რ. უზუნაძემ, ნ. ზოსიძემ, უ. ოქროპირიძემ, ი. ბარამიძემ, დ. გურეშიძემ, მ. ჩოხარაძემ, ჯ. კარალიძემ, ნ. ვარშანიძემ, ზ. შაშიკაძემ, ჯ. ვარდმანიძემ, რ. მაღაყმაძემ ა. ვარშალომიძემ, ი. მანველიძემ და სხვ.

განსახილველი ხანის სამხრეთ-დასავლეთ საქართველოს ისტორიის საკითხებზე მოკლედ და საუბარი ისეთ კოლექტიურ შრომებში, როგორცაა

³⁵ მემედ აბაშიძე, თხზულებანი, გამოსცა გ. შარაძემ, თბ., 1998; ჰაიდარ აბაშიძე, წერილები, მეორე გამოცემა, ბათ., 1973.

„საქართველოს ისტორიის“ დამხმარე სახელმძღვანელო უმაღლესი სკოლები-სათვის (ტ. II, თბ., 1962), „საქართველოს ისტორიის ნარკვევები“ (ტ. V, თბ., 1970; ტ. VI, თბ., 1973), „საქართველოს კომუნისტური პარტიის ისტორიის ნარკვევები“ (ტ. I, თბ., 1957), „ამიერკავკასიის კომუნისტური ორგანიზაციის ისტორიის ნარკვევები“ (თბ., 1971) და ა.შ.

უნდა აღინიშნოს, რომ საბჭოთა პერიოდში გამოცემული ნაშრომები მეტის-მეტად იდეოლოგიკურია. პოლიტიკური პარტიებისა და ორგანიზაციების მოღვაწეობა, გარდა ბოლშევიკებისა, შეფასებულია უარყოფითად.

ცხადია, ასევე ითქმის აჭარის შესახებ გამოქვეყნებულ ლიტერატურაზეც. ამის მიუხედავად, საბჭოთა ხელისუფლების წლებში გამოცემულ ნაშრომებს მეცნიერული ღირებულება დღესაც გააჩნიათ. უწინარესად, მათი მეშვეობით სამეცნიერო სფეროში შემოვიდა მრავალი საარქივო მასალა და სხვა პირველწყარო, რითაც შემდგომ კვლევა-ძიებას სათანადო ისტორიოგრაფიული ბაზა შეუმსადა, ამავე დროს გააძლიერა ინტერესი ჩვენი ისტორიის ამ ურთულესი მონაკვეთის მეცნიერული შესწავლისადმი.

შედარებით კარგადაა შესწავლილი ოსმალთა ბატონობისაგან სამხრეთ-დასავლეთ საქართველოს განთავისუფლების ისტორია და სასოგადოებრივ-პოლიტიკური მოძრაობა აჭარაში.

რუსეთ-ოსმალეთის 1877-1878 წწ. ომის ისტორია, სამხრეთ-დასავლეთ საქართველოს განთავისუფლება და ამ ეროვნულ საქმეში ქართველი ხალხის ერთსულეოანი მონაწილეობა განხილულია შ. მეგრელიძის ნაშრომებში.³⁶ მეკლევარმა სამეცნიერო მიმოქცევაში შემოიტანა მანამდე უცნობი მრავალი საარქივო მასალა. საინტერესოაა გადმოცემული საბრძოლო ოპერაციები, სამხრეთ-დასავლეთ საქართველოში გაშლილი განმათავისუფლებელი მოძრაობა. ქართველების თავგანწირული ბრძოლები ოსმალთა ბატონობისაგან თანამომხმეების განთავისუფლებისათვის. შ. მეგრელიძემ ცალკე ნაშრომი გამოაქვეყნა 1878-1882 წლებში აჭარის მოსახლეობის ერთი ნაწილის ოსმალეთში გადასახლების, ე.წ. მუჰაჯირობის შესახებ. ეს პრობლემა და მასთან დაკავშირებული სხვა საკითხები განხილულია თ. ფუტყარაძის, ჯ. ვარდმანიძის, ნ. კახიძის, ჯ. კარალიძის, ი. ბარამიძის, ნ. ვარშანიძის შრომებშიც.³⁷

რუსეთ-ოსმალეთის 1877-1878 წწ. ომის დროს კავკასიის ფრონტზე საბრძოლო ოპერაციები, კავკასიის ხალხების, მათ შორის ქართველთა აქტიური მონაწილეობა ამ ომში, სამხრეთ-დასავლეთ საქართველოს განთავისუფლება

³⁶ შ. მეგრელიძე, აჭარის განთავისუფლება თურქთა ბატონობისაგან. ბათ., 1956; სამხრეთ-დასავლეთ საქართველოს ისტორიიდან, ბათ., 1953; საქართველო აღმოსავლეთის ომებში. თბ., 1974; Грузия в Русско-турецкой войне (1877-1878 гг.), Батуми, 1955; Закавказье в Русско-турецкой войне 1877-1878 гг. Тб., 1978.

³⁷ შ. მეგრელიძე, აჭარის წარსულიდან (მუჰაჯირობა 1878-1882 წლებში). თბ., 1964; თ. ფუტყარაძე, აჭარის მოსახლეობის მიგრაცია და ეთნოდემოგრაფიული პრობლემები პოლიეთნიკურ რეგიონებში, ბათ., 2005; ჯ. ვარდმანიძე, მუჰაჯირობა და ეროვნული ცნობიერების ზოგიერთი საკითხი სამცხე-ჯავახეთისა და აჭარაში - ბათუმის სახელმწიფო უნივერსიტეტის სამეცნიერო-კვლევითი ცენტრის კრებული, I, 2001; ჯ. კარალიძე, აჭარის მუჰაჯირობა ისტორიის ზოგიერთი საკითხისათვის, - „საისტორიო მაცნე“, ტ. XV, ბათ., 2005; ნ. კახიძე, მუჰაჯირობა - საქართველოს ეროვნული ტრავმადია, - „საისტორიო მაცნე“ ტ. XIII, ბათ., 2004; ი. ბარამიძე, სამხრეთ-დასავლეთ საქართველოს საკითხი სან-სტეფანოს, ბერლინისა და კონსტანტინეპოლის ხელშეკრულებებში. - „საისტორიო მაცნე“, №9, 2000; ნ. ვარშანიძე, ბათუმის ოლქი რუსულ ადმინისტრაციულ სისტემაში (1879-1900). - „საისტორიო მაცნე“, I, 2002.

ოსმალთა ბატონობისაგან გაშუქებულია ნ. ბელიაევისა და ავტორთა ჯგუფის მიერ სპეციალურად გამოცემულ წიგნებში, ე. სიჭინავას და რ. უზუნაძის შრომებში.³⁸

აჭარის საზოგადოებრივ-პოლიტიკური მოძრაობის შესწავლაში მნიშვნელოვანი წვლილი შეიტანა პ. ცეკვიტარიამ. მან ამ თემაზე არა ერთი ნაშრომი გამოაქვეყნა, სადაც განიხილა რევოლუციური მოძრაობისა და კომუნისტური ორგანიზაციის ისტორიის საკითხები, გააშუქა აჭარაში 1890-1914 წლების და 1914-1921 წლების რევოლუციური მოძრაობა.³⁹ მან ცალკე წიგნი უძღვნა აჭარის კომუნისტურ ორგანიზაციას,⁴⁰ სადაც გადმოსცა ბოლშევიკური ორგანიზაციის ისტორია 1917-1922 წლებში. მისი შრომების ღირსებაა მდიდარი წყაროთმცოდნეობითი ბაზა.

გლესთა აგრარული მოძრაობა აჭარაში 1878-1907 წლებში განხილულია ო. თურმანიძის მონოგრაფიაში.⁴¹ ავტორმა აჭარის მაგალითზე პირველად განიხილა გლესობის სოციალურ-პოლიტიკური ბრძოლის მარტივი ფორმები. წიგნში ფართოდ აისახა ბათუმის ოლქის გლესობის რევოლუციური გამოსვლები ცარიზმის, კაპიტალისტებისა და მემამულეების წინააღმდეგ. ამით საფუძველი გამოეცალა ცარიზმის შესაბამისი სამსახურებისა და მასზე დაყრდნობით, ზოგიერთი მკვლევრის ვერსიას იმის შესახებ, თითქოს ბათუმის ოლქის ადგილობრივი მოსახლეობა ნაკლებად მონაწილეობდა მთაერობის საწინააღმდეგო გამოსვლებში.

ბათუმის კომუნისტური ორგანიზაციის 1890-1921 წლების ისტორიას სპეციალური ნარკვევი უძღვნა ი. ჩულოკმა.⁴² მასში გაშუქებულია მარქსისტული იდეების გავრცელება ბათუმში, პირველი მარქსისტული ჯგუფების, შემდეგ – რსდმპ ბათუმის კომიტეტის ჩამოყალიბება და საქმიანობა. ნარკვევში განხილულია, აგრეთვე, რსდმპ ბათუმის კომიტეტის საგამომცემლო, ორგანიზატორული, სააგიტაციო-პროპაგანდისტული მოღვაწეობა, შინაპარტიული მდგომარეობა, ნაჩვენებია მისი როლი რევოლუციურ მოძრაობაში განვითარების სხვადასხვა ეტაპზე ამასთან, აღსანიშნავია, რომ ი. ჩულოკის ნაშრომში რსდმპ ბათუმის კომიტეტის ისტორია გადმოცემულია დამახინჯებულად, გახეიადებულია ბოლშევიკების როლი. ავტორს მცდარად აქვს განხილული რსდმპ ბათუმის კომიტეტის ორი ჯგუფის - ბოლშევიკებისა და მენშევიკების შინაპარტიული დავა, უარყოფითად აფასებს ე.წ. „საერთო ნიდაგის“ თეორიის მომხრეებს, ასევე ქართველი თვალსაჩინო სოციალ-დემოკრატების – ნ. ჟორდანიას, ი. რამიშვილის, ნ. რამიშვილის საქმიანობას. ბოლშევიკური კომიტეტის საბრძოლო

³⁸ Беляев Н. Русско-турецкая война 1877-1878 гг. М., 1958; Русско-турецкая война 1877-1878 гг. М., 1977; ვლ. სიჭინავა, ბათუმის ისტორიიდან, ბათ., 1958; რ. უზუნაძე, ბათუმის დაუფლებისათვის რუსეთის საზღვაო ბრძოლების ისტორიიდან, თურნ. „ლიტერატურული აჭარა“ №8, 1998.

³⁹ პ. ცეკვიტარია, აჭარაში რევოლუციური მოძრაობის ისტორიის ნარკვევები. წ. 1, (1890-1914), ბათ., 1959; წ. II, (1914-1921). ბათ., 1962. ეს ორი წიგნი ავტორმა შემოკლებით ერთ მონოგრაფიად გააერთიანა და 1979 წელს რუსულ ენაზეც გამოიცა.

⁴⁰ პ. ცეკვიტარია, აჭარაში კომუნისტური ორგანიზაციის ისტორიიდან (1917-1922). ბათ., 1973.

⁴¹ ო. თურმანიძე, გლესთა მოძრაობა აჭარაში რუსეთის პირველი რევოლუციის წლებში. ბათ., 1979.

⁴² Чулок И. Очерки истории Батумской коммунистической организации (1890-1921 годы). Бат., 1970.

მოღვაწეობა განხილულია სპეციალურად ამ თემაზე დაწერილ მის წიგნში.⁴³ 1901-1902 წლების ბათუმის რევოლუციური მოვლენები გაშუქებულია ლ. მაირანოვსკის ნაშრომში,⁴⁴ სადაც ასევე გახეიადებულია ე.წ. ლენინურ-ისრიაული სოციალ-დემოკრატიული ჯგუფის საქმიანობა.

ბათუმში პირველი მარქსისტული წრეების აღმოცენება და მათი მოღვაწეობა, აგრეთვე, ცნობილი ბოლშეიკი სოციალ-დემოკრატის ა. წულუკიძის ცხოვრება და საქმიანობა ბათუმში განხილულია აბ.სურგულაძის ნაშრომებში.⁴⁵ მანვე ცალკე ნარკვევები მიუძღვნა გულო კაიკაციშვილისა და ჰაიდარ აბაშიძის ცხოვრება-მოღვაწეობას, შეაფასა მათი ღვაწლი განმათავისუფლებელ მოძრაობასა და საგანმანათლებლო საქმიანობაში.⁴⁶

სამხრეთ-დასავლეთ საქართველოში მოღვაწე გამოჩენილ ადამიანებს მიუძღვნა, აგრეთვე, ს. გერსამიას, რ. სურმანიძის და თ. კომახიძის წიგნები.⁴⁷

1878-1920 წლების ისტორიის შესწავლის თვალსაზრისით საყურადღებოა ხ. ახელედანიანის შრომები.⁴⁸ მათში ლაპარაკია მრეწველობის, სოფლის მეურნეობის, ტრანსპორტის, ვაჭრობის, მუჰაჯირობის, რელიგიისა და კულტურის შესახებ. ამ შრომების მთავარი ღირსებაა ის, რომ აეტორმა წინა პლანზე წამოსწია ეროვნულ-განმათავისუფლებელი მოძრაობა, სათანადოდ დაახასიათა ამ მოძრაობის ეტაპები, პირველმა მოგვცა განმათავისუფლებელი ბრძოლის თვალსაზრისით ეროვნული მოღვაწეების პორტრეტები.

საზოგადოებრივ-პოლიტიკური მოძრაობა ახლებურადაა შეფასებული ო. გოგოლიშვილის ნაშრომებში.⁴⁹ მათში გაანალიზებულია სოციალური და ეროვნული მოძრაობა სამხრეთ-დასავლეთ საქართველოში 1900-1921 წლებში. ავტორი იკვლევს რევოლუციურ მოქმედი სოციალ-დემოკრატების, სოციალისტ-ფედერალისტების და სხვა პარტიული ორგანიზაციების ისტორიას, შეისწავლის მათ პლატფორმებს და საქმიანობას.

სიახლის თვალსაზრისით ასევე საყურადღებოა დ. ჭუმბურიძის წიგნი, რომელშიც გაშუქებულია ქართული საზოგადოებრივი აზრის დამოკიდებულება აჭარის საკითხისადმი საქართველოს პირველი რესპუბლიკის პერიოდში.⁵⁰

აჭარის პროფესიული კავშირების ისტორია შესწავლილია მ. თავაძის წიგნ-

⁴³ Чулок И., Военно-боевая деятельность большевиков в Батуме в годы первой русской революции. Бат., 1960.

⁴⁴ Маирановский Л. Бутумская демонстрация 1902 г. М., 1959.

⁴⁵ აბ.სურგულაძე, პირველი მარქსისტული წრე ბათუმში, ბათ., 1972; მისივე, აღ. წულუკიძე ბათუმში, ბათ., 1974.

⁴⁶ აბ.სურგულაძე, გულო კაიკაციშვილი, თბ., 1973; მისივე, ცხოვრება და ღვაწლი ჰაიდარ აბაშიძისა, ბათ., 1994.

⁴⁷ ს. გერსამია, მეშვე აბაშიძე, ბათ., 1960; რ. სურმანიძე, ყადირ შერვაშიძე, თბ., 2001; მისივე, თემურ-ბეგ ხიმშიაშვილი, ბათ., 2006; მისივე, აბდულ მიქელაძე, ბათ., 2007; თ. კომახიძე, მეშვე აბაშიძე, ბათ., 1993. მისივე, ლუკა ასათიანი, ბათ., 2003; მისივე, ივანე ანდრონიკაშვილი, ბათ., 2003; მისივე, გ. ვოლსკი, - აჭარის მოამბე, ბათ., 2005 და სხვ.

⁴⁸ ხ.ახელედანიანი, ნარკვევი აჭარის წარსულიდან, ბათ., 1944; მისივე, სახალხო-განმათავისუფლებელი ბრძოლის ისტორიიდან სამხრეთ საქართველოში, ბათ., 1956; მისივე, ნარკვევები საქართველოს ისტორიიდან, ბათ., 1977; მისივე, სამხრეთ საქართველოს განთავისუფლებისათვის მებრძოლნი, ბათ., 1972.

⁴⁹ ო.გოგოლიშვილი, საზოგადოებრივ-პოლიტიკური ვითარება ბათუმის ოლქში 1910-1918 წლებში, ბათ., 1999; მისივე, სახალხო-განმათავისუფლებელი მოძრაობა გურიასა და ბათუმის ოლქში 1905-1907 წლებში რევოლუციის დროს, ბათ., 2003; მისივე სოციალური და ეროვნული მოძრაობა სამხრეთ-დასავლეთ საქართველოში 1900-1921 წლებში, ბათ., 2005.

⁵⁰ დ. ჭუმბურიძე, აჭარის საკითხი 1918-1921 წლებში და ქართული საზოგადოებრივი აზრი, თბ., 1999;

ში,⁵¹ რომელიც ასახავს პროფესიული კავშირების მრავალმხრივ საქმიანობას. აქ მოცემული შეფასებები და დებულებები ბევრ შემთხვევაში დღეს მეცნიერულ გადასინჯვას მოითხოვს.

ახალი და უახლესი ხანის საქართველოს ისტორიაში ყველაზე რთული პერიოდია 1914-1920 წლები. ამ დროს ქვეყანამ მძიმედ გადაიტანა რუსეთის 1917 თებერვლის რევოლუციისა და ოქტომბრის გადატრიალების ქარცეცხლიანი დღეები, მაგრამ თავგანწირული ბრძოლებითა და ეროვნული ძალების გაბედული მოქმედებით აღიდგინა დამოუკიდებლობა. კიდევ უფრო მტკივნეული იყო ეს წლები ბათუმის ოლქისათვის, რომელმაც რამდენჯერმე განიცადა უცხო ქვეყნების ოკუპაცია.

პირველი მსოფლიო ომის პერიოდის საქართველოს ისტორია, სამწუხაროდ, სუსტადაა შესწავლილი. ეს მით უფრო ითქმის სამხრეთ-დასავლეთ საქართველოზე, რომელზეც მხოლოდ რამდენიმე სპეციალური ნაშრომი გამოქვეყნებული.⁵² მათგან კ. ცქვიტარიას მონოგრაფიას, უხვი დოკუმენტური მასალების გამოყენების მიუხედავად, გამოკეთილად ატყვია საბჭოთა ეპოქის მძიმე საცენზურო პირობების შემბოჭავი გავლენა. იგივე ითქმის ჯ. ჩხვიძის ნაშრომზეც, რომელიც მიმოხილვითი ხასიათისაა. ა. ვაშაკიძის ნაშრომში წარმოჩენილია ბათუმის ოლქის მუშათა კლასის სოციალური და ეკონომიკური მდგომარეობის საკითხები.

პირველი მსოფლიო ომის პერიოდის სამხრეთ-დასავლეთ საქართველოს სოციალურ-ეკონომიკური და პოლიტიკური ისტორია მდიდარი მასალების საფუძველზე შეისწავლა მ. სიორიძემ.⁵³ წიგნში განხილულია რეგიონში პირველი მსოფლიო ომის წინ შექმნილი ვითარება, გაანალიზებულია სამხედრო ოპერაციები კავკასიის ფრონტზე, შესწავლილია საქალაქო ცხოვრება, გაშუქებულია 1917 წლის რევოლუციების შედეგად სამხრეთ საქართველოში შექმნილი სპეციფიკური ვითარება, სამხედრო ღონისძიებები, აგრეთვე, დიპლომატიური წიაღსვლები საქართველოს ტერიტორიული მთლიანობის შესანარჩუნებლად და ა.შ.

უაღრესად მნიშვნელოვანია „ეროვნული გამოღვიძების პატრიარქის“ ჰაიდარ აბაშიძის პუბლიცისტური წერილები⁵⁴ და აპოლონ წულაძის „მშური სიტყვა“.⁵⁵ ავტორებმა თანამედროვეობის წინაშე მთელი სიმწვავეით დასვეს ომით განადგურებული სამუსლიმანო საქართველოს საჭირობოტო პრობლემები.

პირველი მსოფლიო ომის ეპოქის ბათუმ-აჭარას გაკვრით ეხებიან სჩხარტიშვილის, ე. ახობაძის, შ. ბასილიას და ი. ცერცვაძის ნაშრომები,⁵⁶ რომლებ-

⁵¹ Тавадзе М. Очерки истории профсоюзов Аджарии, Бат., 1985.

⁵² ცქვიტარია, აჭარაში რევოლუციური მოძრაობის ისტორიის ჩარკვევები, წ. II (1914-1921 წწ.), ბათ., 1962; ჯ. ჩხვიძე, ბათუმი პირველი იმპერიალისტური ომის პერიოდში, - აჭარის სახ. მუზეუმის შრომები, ტ. III, ბათ., 1958; ა. ვაშაკიძე, მუშათა კლასი საქართველოში (ბათუმის ოლქი) პირველი იმპერიალისტური ომის წლებში, - საისტორიო მოამბე, №37-38, თბ., 1978.

⁵³ მ. სიორიძე, სამხრეთ-დასავლეთი საქართველო 1914-1918 წლებში, ბათ., 2002.

⁵⁴ ჰაბაშიძე, წერილები, თბ., 1963.

⁵⁵ აპ. წულაძე, მშური სიტყვა, ბათ., 1991.

⁵⁶ სჩხარტიშვილი, რევოლუციური მოძრაობის ისტორიიდან საქართველოში (1914-1917 წწ მარტი), თბ., 1957; ე. ახობაძე, ეროვნული საკითხის ისტორიიდან საქართველოში (1900-1917 წწ.), თბ., 1965; Башиаза Ш.,

საც ასევე ატყვიათ საბჭოთა ეპოქის ისტორიოგრაფიისათვის დამახასიათებელი ცალმხრიუობა და შეზღუდულობა. ამ თვალსაზრისით სერიოზული წინადადებულნი ნაბიჯია გ. ფიფიას და ო. გიგინეიშვილის ნაშრომები გერმანიისა და ოსმალეთის გეგმებისა და პოლიტიკის შესახებ საქართველო-ამიერკავკასიაში.⁵⁷ მათში გაშუქებულია პირველი მსოფლიო ომის ბევრი მანამდე უცნობი საკითხი. იგივე ითქმის ალ. ბენდიანიშვილის წიგნზე, რომელშიც, პირველად საბჭოთა ისტორიოგრაფიაში, ობიექტურადაა გაანალიზებული ქართული ეროვნული მოძრაობა. მკვლევარს ეკუთვნის აგრეთვე ნაშრომი, რომელშიც გაშუქებულია ბათუმის საქალაქო თვითმმართველობის საზოგადოებრივ-პოლიტიკური მიმართულება და პრაქტიკული საქმიანობა.⁵⁸

უკანასკნელ პერიოდში გამოქვეყნდა რამდენიმე ნაშრომი გერმანიისა და ოსმალეთში 1914-1918 წლებში მოქმედი „საქართველოს დამოუკიდებლობის კომიტეტისა“ და მისი „სამხედრო ლეგიონის“ შესახებ⁵⁹. მათში წარმოჩენილია აღნიშნული ეპოქის სამხრეთ-დასავლეთ საქართველოს ისტორიის რიგი საკითხებიც.

პირველი მსოფლიო ომის პერიოდის სამხრეთ-დასავლეთ საქართველოს ისტორიის ზოგიერთი საკითხი აისახა, აგრეთვე, აკ. სურგულაძის ნაშრომში,⁶⁰ რუსი ისტორიკოსების – დ. ზაერიევის, ნ. კორსუნის, ე. მასლოვსკის, ა. ზაიონჩიკოვსკის, ი. ნიკიტინსკის და პ. სოფინოვის მონოგრაფიებში,⁶¹ „პირველი მსოფლიო ომის ისტორიის“ ორტომეულში,⁶² გერმანელი სამხედრო მოღვაწეების – ე. ლუდენდორფის, ე. ფალკენაინის, კ. მიულმანის, ფ. კრესენ-შტაინის მემუარებში,⁶³ ფრანგი ისტორიკოსების – მ. ლარშეს, მ. გოლის, მ. პერნოს და პ. რენუვენის,⁶⁴ ინგლისელი მკვლევრის დ. ლენგის⁶⁵ შრომებში.

Закавказье в годы первой мировой войны, Сухуми, 1968; Церцвадзе И. Революционное движение в Грузии в 1914-1917 годах, ч.1, Тб., 1957.

⁵⁷ Пипия Г.В., Германский империализм в 1910-1918 гг., М., 1978; ო. გიგინეიშვილი, თურქიაში და ოსმალეთის საგარეო პოლიტიკა, თბ., 1963; მისივე, ნარკვევები ოსმალეთის ისტორიიდან, თბ., 1982;

⁵⁸ აბედიანიშვილი, ეროვნული საკითხი საქართველოში 1801-1921 წლებში, თბ., 1980; მისივე, საქალაქო თვითმმართველობა და ბრძოლა მისი დემოკრატიზაციისათვის საქართველოში 1875-1917 წლებში, თბ., 1982.

⁵⁹ აბ.სურგულაძე, კ.სურგულაძე, ქართული ლეგიონი თურქეთში, ბათ., 1994; აბ.სურგულაძე, ყადირ შერვაშიძე - თამარის ორდენის რაინდი, ქუთ., 1998; მ.სიორიძე, საქართველოს დამოუკიდებლობის კომიტეტი (1914-1918), ბათ., 1998.

⁶⁰ აკ.სურგულაძე, პირველი მსოფლიო იმპერიალისტური ომი და თებერვლის ბურჟუაზიულ-დემოკრატიული რევოლუცია საქართველოში, „საქართველოს ისტორიის ნარკვევები“, ტ. VI, თბ., 1972.

⁶¹ Завриев Д.С., К новейшей истории северо-восточных вилайетов Турции, Тб., 1947; Корсун Н.Г., Первая мировая война на Кавказском фронте (оперативно-стратегический очерк), М., 1946; Масловский Е.В. Мировая война на Кавказском фронте 1914-1917 гг. (стратегический очерк), Париж, 1933; Зайончковский А.М., Мировая война 1914-1918 гг. т.т. I, II, М., 1938; Никитинский И., Софинос П., Немешко шпионство в России во время войны 1914-1918 гг., М., 1942.

⁶² История Первой Мировой войны, т.т. I-2, М., 1975.

⁶³ Людендорф Э. Мои воспоминания о войне 1914-1918 гг., т.2, М., 1924; Фалкенгайн Э., Верховное командование 1914-1916 в его важнейших решениях, М., 1923; Мольман К., Германо-турецкий военный союз в Мировой войне (машиннописное издание) - ფრიდრიხ კრეს ფონ კრესენშტაინი, ჩემი მისია კავკასიაში (გერმანულიდან თარგმნა, ისტორიული ნარკვევი და კომენტარები მ.ბ.-გ. გაულს და მუშედიანმა), ქუთაისი 2002.

⁶⁴ M.Larcher, La guerre turque dans la guerre mondiale, Paris, 1926; M.B.-G. Gaulis, La Question turque, Paris, 1931; M.Pernot, La question turque, Paris, 1923; P.Renouvin, La crise Européenne et la première guerre mondiale (1904-1918), Paris, 1969.

⁶⁵ D.Lang, A modern history of Georgia, London, 1962.

უცხოელ ავტორთაგან უაღრესად საყურადღებოა ავსტრიელი მეკლევარის ვ. ბილის ორტომეული „ცენტრალური სახელმწიფოების კავკასიური პოლიტიკა (1914-1918 წწ.)“.⁶⁶ იგი დაწერილია ავსტრიისა და გერმანიის არქივებში არსებული დოკუმენტური მასალების საფუძველზე. ნაშრომში გარკვეული ადგილი ეთმობა ბათუმის ადგილისა და მნიშვნელობის ჩვენებას გერმანიის, ავსტრია-უნგრეთის და ოსმალეთის გეგმებში.

საბჭოთა ეპოქაში დიდი ყურადღება მიექცა 1917-1921 წლების საქართველოს პოლიტიკური ისტორიის შესწავლას. გამოიცა ფ. მახარაძის, გ. ხაჯაპურიძის, ა. სურგულაძის, გ. ჟვანიას, კ. ჩარკვიანის, ვ. ადამიას, ლ. ებანოძის, დ. ენუქიძის, ა. ებრაღიძის და სხვათა წიგნები. საბჭოთა იდეოლოგიური აპარატის გავლენით მათში გაზვიადებულიადაა წარმონეწილი ბოლშევიკური პარტიის როლი, მისი ხელმძღვანელობით საქართველოს მშრომელთა ბრძოლა „მენშევიკური დიქტატურის წინააღმდეგ“, ამ უკანასკნელის ანტისაბჭოთა ბლოკი „ანტანტის იმპერიალისტებთან“, იგნორირებულია ეროვნულ-განმათავისუფლებელი მოძრაობა და საერთოდ ეროვნული საკითხი, მიუხედავად იმისა, რომ იმ პირობებში საქართველო საბჭოთა კავშირის შემადგენელი რეგიონის სოციალურ-პოლიტიკური მდგომარეობა.

საქართველოს პირველი რესპუბლიკის ისტორიის ცალკეული საკითხები უფრო გაუკუღმართებულად აისახა ამავე პერიოდის სხვა ისტორიკოსების – დ. ზაერციევის, ა. კადიშვიის, ა. კუნინას, ვ. ტრუხანოვსკის, ბ. შტინინის, ნ. იაკოვლევის, ს. არკომედის და სხვათა შრომებში. ასეთმა მიდგომამ გამოიწვია აღნიშნული პერიოდის ისტორიოგრაფიის მეტისმეტად იდეოლოგიზება და გაყალბებაც. ამის მიუხედავად, მნიშვნელოვანია ზემოაღნიშნულ ავტორთა მიერ მოყვანილი ფაქტობრივი მასალა. რიგ შემთხვევაში გასათვალისწინებელია, აგრეთვე, მათი კვლევის მიმართულება და დასკვნები.

ზემოაღნიშნული ხარეგებები და კონიუნქტურის გავლენა ზოგადად ახასიათებთ 1917-1921 წლების პერიოდის აჭარის ისტორიის შესახებ გამოქვეყნებულ წიგნებს⁶⁷ და დისერტაციებს. ამის მიუხედავად, ისინი ემყარებიან მდიდარ პირველწყაროებს, რომელთა მნიშვნელოვანი ნაწილი სამეცნიერო ბრუნვაში პირველად სწორედ ამ ავტორებმა შემოიტანეს.

1918-1920 წლების სამხრეთ-დასავლეთ საქართველოს ისტორიის საკითხები ახლებურადაა განხილული ნ. ზოსიძის და ე. მესხიას ნაშრომებში.⁶⁸ მათში სწორადაა გაანალიზებული რეგიონის სოციალურ-პოლიტიკური მდგომარეობა

⁶⁶ W.Bihl, Die Kaukasus Politik der Mittelmächte, Teil I (1914-1917), Wien-Köln-Graz, 1975; Teil II(1917-1918), WIEN-KÖLN-WEIMAR, 1992.

⁶⁷ პ. ციციტიანი, აჭარაში რევოლუციური მოძრაობის ისტორიის ნარკვევები, წ. II (1914-1921 წწ.), ბათ., 1962; მისივე, აჭარის კომუნისტური ორგანიზაციის ისტორიიდან (1917-1922 წწ.), ბათ., 1973; მ. ჯიჯიშვილი, ბრძოლა საბჭოთა ხელისუფლებისათვის აჭარაში (1917-1921 წწ.), ბათ., 1957; ხახუელდანი, საბჭოთა ხელისუფლების დამყარება აჭარაში (1917-1921 წწ.), ბათ., 1971; Чавлишвили М.И., Великий октябрь и победа Социалистической революции в Аджарии, Бат., 1977; Его-же, Октябрьская революция и победа за установление Советской власти в Аджарии (1917-1921 гг.), Бат., 1987; Маргвелашвили В.И., Из истории английской оккупации Аджарии (1918-1920 гг.), Бат., 1973.

⁶⁸ ნ. ზოსიძე, პოლიტიკური სიტუაცია და ეროვნულ-განმათავისუფლებელი მოძრაობა აჭარაში 1918-1920 წლებში, ბათ., 1995; ე. მესხია, სამხრეთ-დასავლეთ საქართველოს ისტორიიდან (სამუსლიმანო საქართველოს განმათავისუფლებელი კომიტეტი), ბათ., 1997; მისივე, საქართველოს ერთიანობის მდგომარეობა (გაზეთი „სამუსლიმანო საქართველო“), ბათ., 1999; მისივე, საქართველოს ერთიანობისათვის ბრძოლაში, ბათ., 2004.

და ეროვნულ-განმათავისუფლებელი მოძრაობა, ობიექტურადაა შეფასებული საქართველოს დემოკრატიული რესპუბლიკის მოაერობის და „სამუსლიმანო საქართველოს განმათავისუფლებელი კომიტეტის“ საქმიანობა უცხოელთა ბატონობისაგან აჭარის განათავისუფლებისა და საქართველოს ტერიტორიული გამთლიანებისათვის. ასევე საყურადღებოა აბ. სურგულაძისა და მ. სიორიძის შრომები,⁶⁹ სადაც პორტო-ფრანკოს საკითხთან მიმართებაში გაანალიზებულია ბათუმის დაბრუნებისათვის საქართველოს დემოკრატიული რესპუბლიკის მთავრობის დიპლომატიური ღონისძიებები და ქვეყნის შიგნით გაშლილი საზოგადოებრივ-პოლიტიკური მოძრაობა.

საერთაშორისო არენაზე ბათუმის ადგილისა და როლის განსაზღვრისათვის პირველხარისისოვანია ემიგრანტი ისტორიკოსის ე. ნოზაძის და დიპლომატ ზ. ავალიშვილის წიგნები,⁷⁰ საყურადღებოა გ. ლამბაშიძის,⁷¹ ა. ჩხეიძის,⁷² ი. ტაბაღუას,⁷³ რ. ცუხიშვილის,⁷⁴ ა. ნოხელის⁷⁵ და დ. ჯოჯუას⁷⁶ შრომები და მონოგრაფიები.

სამხრეთ-დასავლეთ საქართველოს უახლესი ისტორიის ცალკეულ საკითხებს ეხება ლ. თოიძის, ა. მენთეშაშვილის, შ. ვადაჭკორიას, ა. სილაგაძის, გ. გურულის, მ. ვანნაძის, მ. სვანიძის, მ. დღვილაძის, ა. სონღულაშვილის, ნ. კირთაძის, ფ. სიხარულიძის შრომები.⁷⁷

უკანასკნელ პერიოდში გამოქვეყნდა აგრეთვე ნაშრომები, რომლებშიც გაანალიზებულია 1918-1921 წლების სამხრეთ-დასავლეთ საქართველოს სოცია-

⁶⁹ აბ.სურგულაძე, მ.სიორიძე, პორტო-ფრანკო ბათუმში, ბათ., 1996; Сиоридзе М.И. Батумский вопрос в Английском кабинете в феврале 1920 года, საქართველოს მეცნიერებათა აკადემიის „მთაბე“, 129, №2, 1988; მ. სიორიძე, გერმანია-ოსმალეთის წინააღმდეგობა სამხრეთ-დასავლეთ საქართველოში-1918 წ. - კრ. „საქართველო“, №1-2, თბ., 1999; მისივე, О попытках устройства вольной гавани в Батуми в 1917-1918 годах, журн. „Вопросы истории“, М., 2004, №1; მისივე, ბათუმის საკითხი ლონდონის კონფერენციის გეგმებში პარიზის საზოგადოებრივი ურთიერთობების კონფერენციის შრ., V, ბათ., 2007; მისივე, ბათუმი ანტანტის კონფერენციის გეგმებში პარიზის საზოგადოებრივი ურთიერთობების კონფერენციის შრ., V, ბათ., 2007; მისივე, ბათუმი ანტანტის კონფერენციის გეგმებში პარიზის საზოგადოებრივი ურთიერთობების კონფერენციის შრ., V, ბათ., 2007.

⁷⁰ ე. ნოზაძე, საქართველოს აღდგენისათვის ბრძოლა შესხუთის ვაში, თბ., 1989; ზ. ავალიშვილი, საქართველოს დამოუკიდებლობა 1918-1921 საერთაშორისო პოლიტიკაში, მოგონებები, თბ., 1929.

⁷¹ გ. ლამბაშიძე, იმპერიალისტური სახელმწიფოების აგრესიული პოლიტიკა საქართველოსა და ამიერკავკასიის მიმართ 1920 წ. თბ., 1970.

⁷² ა. ჩხეიძე, ბათუმი ინგლისის ახლოაღმოსავლურ პოლიტიკაში (1875-1878), თბ., 1974; ბათუმის საკითხი ბერლინის კონგრესზე. - აპუშკინის სახ.თბილისის სახ.პედინსტიტუტის შრომები, ტ.19, 1966; ბათუმის საკითხი რუსეთის იმპერიის შუამსახურისა (1876) და ბუდაპეშტის კონფერენციაში. - აპუშკინის სახ.თბილისის სახ.პედინსტიტუტის შრომები, ტ.25, 1973; ი.კუხიშვილი, ბერლინის კონგრესი და ბათუმის საკითხი. - ბათუმის სახ.პედინსტიტუტის შრომები, ტ. 11, 1952.

⁷³ ი. ტაბაღუა, ბათუმის საკითხი სან-რემოს კონფერენციაზე (1920 წ.). - „მაცნე“ (ისტორიის სერია), №3, 1982; მისივე, საერთაშორისო საგარეო საქმეთა სამინისტროს დოკუმენტები საქართველოს შესახებ (1919-1921 წწ.). - ევროპის ქვეყნების ისტორიის ბროშურები, III, თბ., 1983.

⁷⁴ რ. ცუხიშვილი, ინგლის-საქართველოს ურთიერთობა 1918-1921 წწ., თბ., 1995; მისივე, ტერიტორიული საკითხები ინგლის-საქართველოს ურთიერთობებში (1918-1921 წწ.), თბ., 1996.

⁷⁵ Чохели А.И. Политика Франции в отношении Грузии 1917-1921 годах, Тб., 1980.

⁷⁶ დ. ჯოჯუა, საქართველო-იტალიის ურთიერთობა 1919-1921 წლებში, თბ., 1997.

⁷⁷ ლ. თოიძე, საქართველოს პოლიტიკური ისტორია, თბ., 1994; ა. მენთეშაშვილი, საქართველოს პოლიტიკური ისტორია 1917-1921 წლებში, თბ., 1994; შ. ვადაჭკორია, ქართული სოციალ-დემოკრატია 1917-1921 წლებში, თბ., 2001; გ. გურული, მ. ვანნაძე, ქართული სოციალ-დემოკრატის ისტორია 1892-1918, თბ., 1999; ა. სილაგაძე, გ. გურული, საქართველოს სახელმწიფოებრივი დამოუკიდებლობის აღდგენა, თბ., 2000; მ. სვანიძე, ტრამპიზმის კონფერენცია, „ქართული დიპლომატია“, ტ. 5, თბ., 1998; მისივე, ბათუმის კონფერენცია და საქართველოს დემოკრატიული რესპუბლიკის დაარსება - „ქართული დიპლომატია“, ტ. 6, თბ., 1999; მ. დღვილაძე, გერმანიის როლი საქართველოს დამოუკიდებლობის აღდგენაში, თბ., 1997; ა. სონღულაშვილი, გერმანელები საქართველოში, თბ., 1995; ნ. კირთაძე, საქართველოს დამოუკიდებლობა და ქართულ-ევროპული ურთიერთობები, თბ., 1997; ფრ. სიხარულიძე, სამხრეთ კავკასია გარდაქმნის გზაზე, ბათ., 2004.

ლურ-პოლიტიკური ისტორიისა და საგარეო ურთიერთობათა მრავალი საკითხი.⁷⁸ აღნიშნული პერიოდისათვის მნიშვნელოვანია გ. შარაძის სამტომეული ქართველ პოლიტიკურ და კულტურის მოღვაწეთა შესახებ.⁷⁹

1918-1921 წლების ვითარების შესასწავლად საყურადღებოა აგრეთვე ლიოდ ჯორჯის, ფ. ნიტის და მ. ქემალის, პოლკოვნიკ პაუზის, გენერალ ლ. დენსტერვილის ნაწარმოებები⁸⁰ და სხვა.

შედარებით ღარიბია ისტორიოგრაფია სამხრეთ-დასავლეთ საქართველოს 1878-1920 წლების სოციალურ-ეკონომიკური განვითარების შესახებ. მართალია, ზოგიერთმა ავტორმა (პ. ცუქიტარია, ი. ჩულოკი, ჯ. ჩხეიძე⁸¹ და სხვ.) თავიანთ მონოგრაფიებში ზოგადად მიმოიხილეს აჭარის სოციალურ-ეკონომიკური მდგომარეობა XIX საუკუნის 80-90-იან წლებში, მაგრამ მხოლოდ იმისათვის, რომ შეემზადებინათ საერთო ფონი მათთვის საინტერესო თემის შესასწავლად.

1880-1920-იან წლებში სამხრეთ-დასავლეთ საქართველოს სოციალურ-ეკონომიკური განვითარების და აგრარულ ურთიერთობათა შესახებ გამოქვეყნდა სპეციალური მონოგრაფიები. მათგან აღსანიშნავია ო. თურმანიძის შრომები.⁸² მათში განხილულია სოფლის მეურნეობის და აგრარულ ურთიერთობათა საკვანძო საკითხები. ავტორმა შეისწავლა ისეთი დარგები, როგორცაა მარცვლეული კულტურები, მეჩაიეობა, მეთამბაქოეობა, მეციტრუსეობა, მეყვავილეობა, ზეთისხილის მეურნეობა, მეცხოველეობა. ნაშრომში გაანალიზებულია ცარიზმის აგრარულ-კოლონიური პოლიტიკის ხახიათი აჭარაში, სოციალური ძალების განლაგება და აგრარული მოძრაობა ო. თურმანიძემ საგანგებოდ შეისწავლა, აგრეთვე, ბათუმის ოლქის სოფელ ადგილებში არ-

⁷⁸ ე.შენიკა, „სედაი მილეთის“, ეურნ. „საისტორიო მაცნე“, №4, ბათ., 1996; მისივე, ბათუმის ოლქის დაბრუნების ისტორია, „საისტორიო მაცნე“, XIII, ბათ., 2004; მ.საბოროტი, ბათუმი და სამხრეთ რუსეთის კონტრაგვოლუცია (დენიკინი, ვრანგელი). - სამხრეთ-დასავლეთ საქართველოს ისტორიის საკითხები, I, თბ., 1991; მისივე, „აჭარის რესპუბლიკა“, ეურნ. „საისტორიო მაცნე“, №1, ბათ., 1995; მისივე, ბათუმის ოლქის მმართველი საბჭო (1918-1919), ეურნ. „საისტორიო მაცნე“, №5, ბათ., 1996; უ.კერობინიძე, აჭარის ავტონომიის შექმნის ისტორიიდან, ბათ., 2001; მისივე, საქართველოს სახელმწიფოებრიობის აღდგენა და აჭარის ავტონომიის პრობლემა, ბათ., 2004. მისივე, დენიკინი და აჭარის გარშემო შექმნილი პრობლემები, ეურნ. „პროზო“, №2,3, 1996; მ.ჩოხარაძე, ვაზ. „სამუსლიმანო საქართველო“ და რუსეთის ბოლშევიკები. - ლიტერატურული წერილები, ბათ., 1997, გვ. 87-93; ნ. ზოსიძე, საქართველო-თურქეთის დიპლომატიური ურთიერთობების ისტორიიდან (სვიმონ მდგენის წერილები), „საისტორიო მაცნე“, ტ. XIV, ბათ., 2005; მისივე, ბათუმის ოლქის ისლამური საზოგადოება თურქული წყაროების მიხედვით, -სსუ სამეცნიერო-კვლევითი ცენტრის კრებ., III, ბათ., 2002. ა. მანველიძე, ბათუმის ისლამური საზოგადოების ისტორიისათვის, - „საისტორიო მაცნე“, ტ. XV, ბათ., 2005; ზ. შამკიაძე, ვაზუთ „სედაი მილეთის“ და „სამუსლიმანო საქართველოს“ უცნობი ნომრების შესახებ, - „საისტორიო მაცნე“, ტ. XV, ბათ., 2005; ა. გარშალომიძე, ბათუმის ოლქის საკითხი ბრესტ-ლიტოვსკის საზავო კონფერენციებზე, ეურნ. „ლიტერატურული აჭარა“, №1, 2001; მისივე, ბრესტ-ლიტოვსკის საზავო კონფერენცია და საქართველოს დამოუკიდებლობის კომიტეტი-„საისტორიო მაცნე“, XV, 2005.

⁷⁹ გ. შარაძე, უცხოეთის ცის ქვეშ, წ. 1-3, თბ., 1993.

⁸⁰ Ллойд Джордж Д., Военные мемуары, т. VI, М., 1937; მისივე, Правда о мирных договорах, т. I, 2, М., 1957; Нитти Ф. Европа над бездной, Пб., 1923; Мустафа Кемаль, Путь новой Турции, т. III, М., 1934; Архив полковника Хауза, т. 4, М., 1944; Денстервилл Л., Британский империализм в Баку и Персии 1917-1918 гг., Тифл., 1925.

⁸¹ ჯ.ჩხეიძე, ბათუმის ისტორიისათვის, ბათ., 1962.

⁸² ო. თურმანიძე, აჭარის სოფლის სოციალურ-ეკონომიკური განვითარების ისტორიიდან (1878-1920 წწ.), ბათ., 1973; მისივე, სოფლის მეურნეობა სამხრეთ-დასავლეთ საქართველოში 1878-1920 წწ. ბათ., 2004; მისივე, სასოფლო-სამეურნეო საზოგადოებები აჭარაში, ეურნ. „პროზო“, №4-5, 1995; მისივე, რუსეთის ცარიზმის კოლონიური პოლიტიკა და რუსული ახალშენები საქართველოში, ეურნ. „პროზო“, №1-2, 1994. მისივე, საადგილმამულო ურთიერთობანი სამხრეთ-დასავლეთ საქართველოში ოსმალთა ბატონობის ხანაში (XVI ს. - 1877 წ.), ბათ., 2001.

სებული კაპიტალისტური მეურნეობები, სასოფლო-სამეურნეო საზოგადოებები, რუსული მმართველობის სისტემა და რუსული ახალშენების შექმნა მასვე ეკუთვნის ნაშრომი ოსმალთა მფლობელობის პერიოდის აგრარულ ურთიერთობებზეზე.

სამხრეთ-დასავლეთ საქართველოში საადგილმამულო ურთიერთობათა შესახებ ოსმალური მმართველობის უკანასკნელ და რუსული ხელისუფლების დამყარების პირველ წლებში საინტერესოა ა. ავალიანის და ი. ბარამიძის მონოგრაფიები.⁸³ ი. ბარამიძე განიხილავს, აგრეთვე, XIX ს. 70-80-იან წლებში აქ მიმდინარე სოციალურ-პოლიტიკურ პროცესებს, მუჰაჯირობას, ტერიტორიულ-ადმინისტრაციული მოწყობისა და მმართველობის საკითხებს.

XIX ს. 80-90-იანი წლების საადგილმამულო ურთიერთობის ისტორია ზოგადად განიხილა ა. ინაიშვილმა.⁸⁴ იგი შეეხო ბათუმის ოლქის ადმინისტრაციულ მოწყობას, რუსული მმართველობის სისტემას, მოსახლეობის რაოდენობრივ შემადგენლობას, მიწათმფლობელობა-მიწათსარგებლობას, ყურადღებას ამახვილებს მუჰაჯირობასა და ჩაქვის ხეობის მიწებზე, ანალიზებს მიწის საერთო ფონდისა და მისი განაწილების საკითხებს, რუსეთის მიერ ამ კუთხის კოლონიზაციის პირველ შედეგებს.

ა. ბაჯელიძის შრომაში, რომელიც 1973 წელს დაიბეჭდა რუსულ ენაზე,⁸⁵ შესწავლილია აჭარის ეკონომიკის საკენძო საკითხები 1878-1921 წლებში. კერძოდ, ნავთობპროდუქტების ექსპორტისათვის საჭირო სატარო წარმოება, ჩაის, თამბაქოსა და სამთამადნო მრეწველობა, აგრარული ურთიერთობანი. საჭიროა აღინიშნოს, რომ ა. ბაჯელიძეს აჭარის ეკონომიკის საკითხები შესწავლილი აქვს ზოგადად, სამთამადნო მრეწველობის შესახებ ცნობები 1902 წელს არ სცილდება მაშინ, როცა ამ დარგის აღმავლობა XX საუკუნის დამდეგიდან იწყება. არ არის ერთმანეთისაგან გამიჯნული წარმოების ისეთი ფორმები, როგორცაა მარტივი კაპიტალისტური კოოპერაცია, მანუფაქტურა და ფაბრიკულ-ქარხნული ინდუსტრია. აეტორი არ ეხება შინამრეწველობასა და ხელოსნობას.

ბათუმის სოციალურ-ეკონომიკური განვითარება 1878-1907 წლებში წარმოდგენილია ე. სიჭინავას ნაშრომში.⁸⁶ იგი ეყრდნობა მდიდარ პირველწყაროებს, უწინარესად, საარქივო მასალებს. ნაშრომში დაწერილებითაა შესწავლილი ბათუმის მრეწველობა და ვაჭრობა. ძირითადად გაშუქებულია ნავთის ჭურჭლის წარმოება, ნავთობპროდუქტების ექსპორტი, საბანკო-საკრედიტო ურთიერთობანი და ბანკების საოპერაციო საქმიანობა. განხილულია მუშათა კლასის ჩამოყალიბება, რაოდენობრივი შემადგენლობა და რეველუციური გამოსვლები. ნაშრომში საუბარი არ არის ბათუმის სოციალურ-ეკონომიკური განვითარების ზოგიერთი დარგის (თამბაქოს მრეწველობა, ხელოსნობა და წერილი

⁸³ ა. ავალიანი, მიწათმფლობელობის ფორმები აჭარაში, ბათ., 1960; ი. ბარამიძე, საადგილმამულო ურთიერთობათა ისტორიიდან სამხრეთ-დასავლეთ საქართველოში (XIX ს. 70-80-ანი წლები), ბათ., 1999.

⁸⁴ ა. ინაიშვილი, აჭარის სოფლის საადგილმამულო ურთიერთობის საკითხისათვის (XIX საუკუნის 80-იანი წლები). - აჭარის მოსახლეობის სამეურნეო ყოფის საკითხები, თბ., 1971.

⁸⁵ Баджелидзе А. Основные вопросы экономики Аджарии, Бат., 1973.

⁸⁶ ე. სიჭინავა, ბათუმის ისტორიიდან, ბათ., 1958.

კაპიტალისტური წარმოება) შესახებ.

ძველ ბათუმში საქალაქო ცხოვრების, ვაჭრობისა და მრეწველობის განვითარებას ეხება მ. სიორიძის წიგნი⁸⁷, რომელშიც ქართულ ისტორიოგრაფიაში პირველადაა შესწავლილი ბათუმის საბაჟოს ისტორია და მასთან დაკავშირებული საკითხები. აქვე ვხვდებით ცნობებს ტვირთების სახეობისა და რაოდენობის, ბათუმისა და კავკასიის სხვა საპორტო ქალაქების ტვირთბრუნვისა და საბაჟო შემოსაულებლის, აქ მოქმედი სავაჭრო-სამრეწველო ფირმებისა და უცხოეთის სახელმწიფოთა საკონსულოების შესახებ.

ბაქოდან ნავთობის ტრანსპორტირების, ბათუმში განვითარებული ნავთობპროდუქტების ჯურჯლის წარმოებისა და ექსპორტის საკითხები განიხილეს დ. ბეჟანოვმა და ი. ბულეიშვილმა, გ.მ არგიანმა, ა. კიკიძემ, ქ. მუშუკუდიანმა, ნ. ტყეშელაშვილმა, ო. ტატიშვილმა, მ. სიორიძემ და ჯ. კარალიძემ. მათ ნაშრომებში⁸⁸ დასაბუთებულია, რომ ნავთობის ყოველწლიურად მზარდმა ექსპორტმა განაპირობა არა მარტო ბათუმის გადაქცევა მსხვილ სავაჭრო-სამრეწველო ცენტრად, არამედ განსაზღვრა ამ მიმართულებით თვით ქ. ბაქოს დაწინაურება და მისი უმსხვილეს ნავთობმომწოდებელ რეგიონად ჩამოყალიბებაც.

საკელევი პერიოდის სამხრეთ-დასავლეთ საქართველოში მნიშვნელოვან განვითარებას აღწევს საზღვაო და სამდინარო ტრანსპორტი. აღნიშნულ პრობლემას ეძღვნება რ. უზუნაძის შრომები⁸⁹. მათში მონოგრაფიულადაა შესწავლილი ბათუმის ოლქში ნაოსნობის განვითარების საკითხი, წარმონიშნულია ნაოსნობაში მომხდარი ძვრები, რომლებმაც მნიშვნელოვანი როლი შეასრულა ქ. ბათუმის და, საერთოდ, რეგიონის ცხოვრებაში.

სამხრეთ-დასავლეთ საქართველო, კერძოდ, მდ. ჭოროხის აუზი იყო მეტალურგიული წარმოების უძველესი კერა, სადაც საქართველოსთან დაბრუნების (1878 წ.) შემდეგ დაიწყო ინტენსიური საძიებო-გეოლოგიური სამუშაოები. XIX საუკუნის უკანასკნელი ათწლეულიდან ეს რეგიონი იქცა სპილენძის მადნის მოპოვების და სამრეწველო გადამამუშავების მსხვილ კერად. ისახებოდა სამთომეტალურგიული მრეწველობის სხვა დარგების განვითარების პერსპექტივებიც. ამდენად, ეს საკითხიც მკვლევართა ყურადღების სფეროში მოექცა.⁹⁰

⁸⁷ მ. სიორიძე, ბათუმის საბაჟო, ბათ., 2003.

⁸⁸ Бежанов И.Г., Булейшвили Д.А. История развития нефтяной промышленности в Грузии, Тб., 1975; აბ.კიკიძე, საქართველოს ისტორია XIX-XX სს. წ. II, თბ., 1959; ქ.მუშუკუდიანი, ზე-ტყის დამუშავებელი მრეწველობა და სამრეწველო პროდუქტრიატი რევოლუციამდე დასავლეთ საქართველოში (1880-1914); თბ., 1982. ნ.ტყეშელაშვილი, ნარკვევები საქართველოს მრეწველობის ისტორიიდან (1861-1920 წწ.), თბ., 1958; ო.ტატიშვილი, ვაჭრობისა და მრეწველობის განვითარება ბათუმში 1878-1920 წწ. (საკანდიდატო დისერტაცია), თსუ, 1940; მ.სიორიძე, ვერძელი მრეწველები და ნავთობსაძიებო სამუშაოები დასავლეთ საქართველოში 1878-1914 წლებში. - საქართველოს შთავარი საარქივო სამმართველოს „სამეცნიერო-საინფორმაციო ბიულეტენი“, №51-52, თბ., 1987; მისივე, ბათუმის როლი ნავთობის მსოფლიო ბაზრისათვის ბრძოლაში (1883-1918 წწ.). - ბათუმის შოთა რუსთაველის უნივერსიტეტის შრომები I (კუმანიტ, მეცნ. სერია), ბათ., 1995; ჯ. კარალიძე, ნავთობის ექსპორტი ბათუმიდან XIX-XX სს. მიჯნაზე - უფრ. „ელიო“, №29, 2006.

⁸⁹ რ. უზუნაძე, ნაოსნობა ბათუმის ოლქში, ბათ., 2002; მისივე, სამდინარო ნაოსნობა და მისი როლი ბათუმის ოლქის სოციალურ-ეკონომიკურ განვითარებაში. - სამხრეთ-დასავლეთ საქართველოს ისტორიის საკითხები, თბ., 1991.

⁹⁰ გ.მარგიანი, საქართველოს მრეწველობა და სამრეწველო პროდუქტრიატი (1864-1917), თბ., 1976; თ.გ.ტანტიშვილი, კაპიტალისტური მრეწველობის ფაბრიკულ (მანქანურ) სტადიაზე გადასვლა საქართველოში, თბ., 1976; ნანითაშვილი Н.Л. Германский капитал в Закавказье. Деятельность фирмы «Сименс и Гальске» 1860-1917 гг., Тб., 1982; ნ.კახიძე, სპილენძ-ბრინჯაოს მეტალურგიის ისტორიიდან ჭოროხის აუზში და მო-

აჭარაში განათლების მდგომარეობა (1878-1921 წწ.) გაშუქებულია ეჭანტურიას მონოგრაფიაში.⁹¹ მასში ნაჩვენებია სასწავლებლების დაარსების დრო და მოსწავლეთა კონტინგენტი, დახასიათებულია რუსული სასკოლო განათლების სისტემა, სასწავლო-აღმზრდელი მუშაობა, შესწავლილია ყველა ტიპის სკოლების საერთო მდგომარეობა, დაწყებითი და უმაღლესი დაწყებითი სასწავლებლები, ბათუმის ეათა და ქალთა გიმნაზიები, ბათუმის პირველი ქართული სკოლა, სასწავლებლების მატერიალურ-ტექნიკური და ფინანსური მდგომარეობა, სასწავლო გეგმები და სასწავლო პროცესი.

აჭარის მოსახლეობის ეროვნული გათეთცნობიერების, კულტურისა და განათლების განვითარებაში ძალზე დიდია ბათუმის პირველი ქართული სკოლის მნიშვნელობა ამ სკოლის ისტორია არაერთმა მკვლევარმა გააშუქა აღსანიშნავია გ. ნიორაძის ნაშრომი,⁹² სადაც გადმოცემულია „ქართველთა შორის წერა-კითხვის გამავრცელებელი საზოგადოების“, პირველ რიგში, ილია ჭავჭავაძის, აკაკი წერეთლის, იაკობ გოგებაშვილის, სერგეი მესხის, ივანე მაჭაბლის, ნიკო ცხევედაძის მზრუნველობა ბათუმში ქართული სკოლის დაარსების და ამ სკოლაში ადგილობრივი ახალგაზრდობის აღზრდისათვის.

საკვლევი პერიოდის აჭარის განათლების საკითხები შესწავლილია აგრეთვე გრ. ბაბილოძის,⁹³ ე. ცივაძის,⁹⁴ ნ. გუგუნავას,⁹⁵ ე. წულუკიძის⁹⁶, აღ. გობრონიძის,⁹⁷ შ. თოდაძის,⁹⁸ აბ. სურგულაძის⁹⁹ და ნ. ვარშანიძის¹⁰⁰ ნაშრომებში. მათში განხილულია ბათუმის ოლქის ქართული სკოლების მატერიალურ-ტექნიკური ბაზა და ფინანსური მდგომარეობა, სასწავლო-აღმზრდელი მუშაობა, გარეული სასწავლო გეგმები და სასწავლო პროცესი, გარკვეული ოფიციალური ხელისუფლების დამოკიდებულება ქართული ეროვნული სასწავლებლების მიმართ. შთაბეჭდავია ცნობები მოსწავლეთა კონტინგენტის, სკოლის მზრუნველთა კომიტეტისა და მასწავლებელთა შესახებ. შეფასებულია მასწავლებლების – ა. ნანეიშვილის, ი. ნათაძის, გ. შარაშიძის, კ. ბერეკაშვილის, ი. რამიშვილის, ი. გოგოლაშვილის, ა. მგელაძის პედაგოგიური მოღვაწეობა ბათუმის პირველ ქართულ სკოლაში და რეგიონის სხვა სასწავლებლებში.

სახელობის საწარმოო და საზოგადოებრივი ცხოვის ზოგიერთი საკითხი. - სამხრეთ-დასავლეთ საქართველოს ყოფა და კულტურა, XIV, თბ., 1987; მ.სიორიძე, სამო-მეტალურგიაში მრეწველობა სამხრეთ-დასავლეთ საქართველოში და უცხოური კაპიტალი (1978-1921 წწ.). - აჭარის სოციალურ-ეკონომიკური პრობლემები VIII, თბ., 1987; მისივე, სიღღენძის წარმოება ართვინის მხარეში (1914-1920 წწ), ჟურნ. „საისტორიო მაცნე“, №6, ბათ., 1997; ო.თურმანიძე, სამომადრო მრეწველობა და სამრეწველო მუშაობა კლასი ტოპო-კლარჯეთსა და აჭარაში XIX-XX სს მიჯნაზე, ჟურნ. „ჭოროხი“, №6, 1991; რ. მალაყმაძე, ლივანის ხეობა (ისტ.-ეონ. გამოკვლევა), თბ. 2008 წ.

⁹¹ Чантурия В. Просвещение в Аджарии, Бат., 1956.

⁹² გ.ნიორაძე, პირველი ქართული სკოლა ბათუმში, თბ., 1958.

⁹³ გრ.ბაბილოძე, ნარკვევები განათლებისა და კულტურის ისტორიიდან აჭარაში, ბათ., 1975; მისივე, სახალხო განათლება აჭარის ასს რესპუბლიკაში (1921-1957), ბათუმი, 1958.

⁹⁴ ე.ცივაძე, ზოგადსაგანმანათლებლო სკოლის განვითარება აჭარის ავტონომიურ რესპუბლიკაში, ბათ., 1970.

⁹⁵ ნ.გუგუნავა, მემედ აბაშიძე განმანათლებელი, ბათ., 1998.

⁹⁶ ე.წულუკიძე, პირველი ქართული სკოლა აჭარაში, ბათ., 1982; მისივე, განათლების ისტორიისათვის აჭარაში, ბათ., 2002.

⁹⁷ აღ.გობრონიძე, ი.გოგებაშვილი და აჭარა, ბათ., 2000; მისივე, „დედა ენა“ აჭარაში, ბათ., 1976.

⁹⁸ შ.თოდაძე, ბათუმის ქალაქის №1 საშუალო პროფტექნიკური სასწავლებელი, ბათ., 1975.

⁹⁹ აბ.სურგულაძე, პირველი ქართული სკოლა ზუცუბანში, ჟურნ. „ჭოროხი“, №4, 1987.

¹⁰⁰ ნ. ვარშანიძე, ბათუმის ოლქი XIX ს. ბოლო მეოთხედში (ეთნოკულტურული ვითარება), ბათ., 2006.

აჭარაში 1881-1920 წლებში ნაყოფიერად მოღვაწეობდნენ ქართული კულტურისა და განათლების თვალსაჩინო წარმომადგენლები. ზოგიერთი მათგანის ცხოვრება და მოღვაწეობა გაშუქებულია კრებულებსა და წიგნებში.¹⁰¹ კერძოდ, განხილულია აჭარაში მომუშავე მასწავლებლებისა და კულტურის მოღვაწეთა – მ. ნათაძის, ა. ნანეთიშვილის, ი. ფერაძის, ე. შარაშიძის, ნ. ჯაყელის, ა. მეგლადის, ა. ქინქლადის, ლ. ჩიმაკაძის, ი. გულისაშვილის, ლ. ასათიანის, ი. მესხის, გ. ვოლსკის და სხვათა ცხოვრება და მოღვაწეობა. სათანადოდაა შეფასებული მათი დამსახურება ამ მხარეში ქართული კულტურის აღორძინება-განვითარებაში. გრ. ვოლსკის საქმიანობა ბათუმში შეისწავლა დ. ნაცვალაძემ.¹⁰² ლ. ასათიანის, გ. ვოლსკის, დ. კლდიაშვილის და სხვათა საქველმოქმედო და კულტურულ-საგანმანათლებლო საქმიანობა განხილულია თ. კომახიძის, რ. სურმანიძის, ი. ბიბილეიშვილის და ო. გვარიშვილის წიგნებში.¹⁰³ საყურადღებოა გ. ბუხნიკაშვილის წიგნი,¹⁰⁴ რომელშიც ასახულია თეატრალური ხელოვნების განვითარება აჭარაში 1878-1920 წლებში. აეტორი საინტერესოდ აშუქებს თბილისისა და ქუთაისის თეატრალური დასების გასტროლებს ბათუმში, ადგილობრივი სცენისმოყვარეთა წრეების მუშაობას, პროფესიული თეატრისა და თეატრალური საზოგადოების დაარსებას. ნაშრომში გაშუქებულია პროფესიული თეატრალური ხელოვნების განვითარებაში შალვა დადიანის და ლადო მესხიშვილის დამსახურება.

ამავე პერიოდის ბათუმის დრამატული თეატრის მოღვაწეობის შესახებ საყურადღებოა ს. გერსამიას ნაშრომი.¹⁰⁵

ქართული საზოგადოებრივი და საქველმოქმედო ორგანიზაციების უაღრესად პოზიტიური საქმიანობის შესახებ მნიშვნელოვანია დ. გურუშვილის მონოგრაფია.¹⁰⁶

სამედიცინო სამსახურის განვითარების ცალკეული ეტაპები განხილულია ა. პერტიას,¹⁰⁷ ე. კვაჭაძის და რ. სურმანიძის გამოკვლევებში.¹⁰⁸ მათში დადგენილია ბათუმის ოლქში მოღვაწე მედპერსონალის რაოდენობა საკვლევი პერიოდის სხვადასხვა ეტაპზე. შესწავლილია ბათუმის, ხულოს, ქობულეთის საექიმო პუნქტების, საავადმყოფოებისა და აფთიაქების საქმიანობა. ნაჩვენებია მალარიასა და სხვადასხვა ეპიდემიურ დაავადებებთან ბრძოლის ვითარება.

¹⁰¹ სახალხო განათლების ქართველი მოღვაწეები და სახალხო მასწავლებლები. კრებული, I, თბ., 1953; II, თბ., 1968.

¹⁰² დ. ნაცვალაძე, გ. ვოლსკი, ბათ., 1955.

¹⁰³ თ. კომახიძე, ბათუმის ამაგდარი, ბათუმი, 1993; მისივე, ისინი შევნოდნენ ქალაქს, ბათ., 1994; მისივე, აჭარის კულტურის ისტორია, ბათ., 1999; რ. სურმანიძე, დაუვიწყარი სახეები, ბათ., 1969; ი. ბიბილეიშვილი, ო. გვარიშვილი, შემდეგ აბაშიძე მწერალი და მოაზროვნე, ბათ., 1999.

¹⁰⁴ გ. ბუხნიკაშვილი, ბათუმის თეატრი, ბათ., 1979.

¹⁰⁵ ს. გერსამია, ბათუმის თეატრი 70 წლის მანძილზე, ბათ., 1949.

¹⁰⁶ დ. გურუშვიტი, ქველმოქმედება საქართველოში (ისტორიული ნარკვევი), ქუთ., 1993.

¹⁰⁷ ა. პერტია, ნარკვევი აჭარაში ჯანმრთელობის დაცვის ისტორიიდან, ბათ., 1958.

¹⁰⁸ ე. კვაჭაძე, რ. სურმანიძე, ჯანმრთელობის სამკედლო, ბათ., 1974; სურმანიძე პ., Развитие Советского здравоохранения в Аджарии, Тб., 1982; მისივე, Общество врачей Аджарии и русско-грузинские медицинские связи, Бат., 1978; მისივე, რეგიონული მედიცინის განვითარება საქართველოში, ტ. I, ბათ., 2001, ტ. II, ბათ., 2003.

XIX საუკუნის დამლევისა და XX საუკუნის დასაწყისის სამხრეთ-დასავლეთ საქართველოს წარსულის შესასწავლად აუცილებელია ეთნოგრაფიული მასალის გათვალისწინებაც. საერთოდ, მხარის ეთნოგრაფიული შესწავლა მდიდარ წყარომცოდნეობით ბაზას ემყარება. წყაროთა ასეთი სიუხვე ე. წ. „სამუსლიმანო საქართველოს“ მეცნიერული გაშუქების ინტერესებით იყო განპირობებული. ჯერ ერთი, ამ მხარის შესახებ მეცნიერებამ გაცილებით ნაკლები იცოდა, ვიდრე შიდა აფრიკის შესახებ; და, მეორეც, მზადდებოდა რუსეთ-ოსმალეთის ომი და ქართველი ინტელიგენცია სამხრეთ საქართველოს ისტორიული წარსულის წარმოჩენით ცდილობდა ცარიზმის დაინტერესებას ამ მხარის შემოერთებისადმი. სწორედ ამ მიზნით, ომის წინა წლებში, აქ იმოგზაურეს მეცნიერების გამოჩინებულ მოღვაწეებმა, რომლებმაც შემდეგ შექმნეს შესანიშნავი ნაშრომები. მათში, საინტერესო ისტორიულ ცნობებთან ერთად, მოცემულია საყურადღებო ცნობები აჭარელთა სამეურნეო ყოფის, მატერიალური კულტურისა თუ სოციალური ურთიერთობების შესახებ.

ამ მხრივ პირველი იყო დიმიტრი ბაქრაძე, რომელმაც 1873 წლის ზაფხულში იმოგზაურა გურია-აჭარაში და დაგეიტოვა შესანიშნავი აღწერილობა (წიგნი), სადაც მდიდარ არქეოლოგიურ მონაცემებთან ერთად, უხედადა წარმოდგენილი ეთნოგრაფიული ხასიათის ცნობებიც. განსაკუთრებით ფასეულია ავტორის მონაცემები აჭარელთა სამეურნეო ყოფის შესახებ. მკვლევარი მიუთითებდა, რომ ზემო აჭარაში მისდევენ მემინდერეობას და „სადაც კი ხორბალს თესავენ, ქართული წესით ღებენ - კვერით, ანუ მძიმე, წინა მხრიდან წაწვეტილებული და ჭვინტწამოწეული ძელებით, რომლებიც კეთის ნატეხებითაა მოჭედილი კვერს წრიულად აბრუნებენ უღელში შებმული ხარები“.¹⁰⁹ ნიშანდობლივია, რომ იმოგზაურმა ყურადღება გაამახვილა გეოგრაფიული ფაქტორის მნიშვნელობაზე სამეურნეო ყოფის ძირითადი ელემენტების ჩამოყალიბებაში,¹¹⁰ რაც ლიტერატურაში ვერტიკალური ზონალობის სახელწოდებითაა ცნობილი ნაშრომში წარმოდგენილია საყურადღებო მონაცემები აჭარელთა საოჯახო ყოფის, საცხოვრებელი და სამეურნეო ნაგებობების, სტუმარმასპინძლობის, ხალხური კულინარიის, საქორწინო ურთიერთობების, ქალის უფლებრივი მდგომარეობის, შრომის ორგანიზაციის ფორმების, მოსახლეობის ეთნიკური შემადგენლობის, კონფესიური სტრუქტურისა და სხვა საკითხების შესახებ.¹¹¹ ავტორი იძლევა ზოგიერთი გვარის გენეალოგიას,¹¹² ახასიათებს კულტურას და ხაზგასმით აღნიშნავს „თუ ახლანდელ აჭარლებს შეეადარებთ სენანებს, ხეესურებს, ფშაველებს, თუშებსა და მთიულებს, შეუძლებელია კულტურის მხრივ უპირატესობა არ მიეანიჭოთ პირველთ მეორეთა წინაშე“.¹¹³ დ. ბაქრაძე

¹⁰⁹ Бакрадзе Дм. Археологическое путешествие по Гурии и Аджаре, СПб, 1878; დ. ბაქრაძე, არქეოლოგიური მოგზაურობა გურიაში და აჭარაში, ბათუმი, 1987, გვ. 54.

¹¹⁰ იქვე გვ. 47.

¹¹¹ იქვე გვ. 16, 18, 44, 47, 49, 50.

¹¹² იქვე გვ. 68.

¹¹³ იქვე გვ. 74.

გეიხსნის კულტურის განვითარების უთანაბრობის მიზეზებსაც: „მთიელი ქართველები მუდამ ცივილიზაციის გავლენის ფარგლებს გარეთ იყვნენ და ამიტომ რწებოდნენ წინათ და ახლაც რწებიან განვითარების უმდაბლეს საფეხურზე. ამას ვერ ვიტყვი აჭარლებზე. ისინი ოდესღაც იმ ცივილიზაციის გავლენაში იყვნენ, რომელიც საბერძნეთიდან მოქმედებდა ძველ ზემო ქართლზე, ისე როგორც საერთოდ შავი ზღვის აღმოსავლეთ სანაპიროზე“.¹¹⁴

დ. ბაქრაძის მონაცემებს, ფრაგმენტული ხასიათის მიუხედავად, დიდი მნიშვნელობა აქვს XIX ს. მეორე ნახევრის აჭარის ეთნოგრაფიული შესწავლისათვის.

1874 წელს აჭარაში იმოგზაურა გიორგი ყაზბეგმა და გამოაქვეყნა ნაშრომები: «Три месяца в Турецкой Грузии» და «Военно-статистический очерк Лазистанского санджака». მათში მოცემულია აჭარის ფიზიკურ-გეოგრაფიული და ისტორიულ-ეთნოგრაფიული დახასიათება. მოგზაურმა დიდი შრომა გასწია მოსახლეობის რაოდენობის, ეთნიკური და კონფესიური სტრუქტურის დასაზუსტებლად. ეს ცნობები მკვლევარმა სპეციალური ცხრილის სახით წარმოადგინა. გ. ყაზბეგი საგანგებოდ ამახილებს ყურადღებას იმ გარემოებაზე, რომ აჭარა მთლიანად იყო დასახლებული ქართველებით (98%),¹¹⁵ ხოლო 2% შეადგენდნენ იმიგრანტი ჩერქეზები, ბერძნები, სომხები და ქურთები.¹¹⁶

დასახლების თავისებურებით ყურადღებას იმეორებს მკვლევარის ცნობა, რომ „ზემო აჭარის ყველა მდინარე და ხეობა ერთი ხასიათისაა - აქეთ ფართოფსკერიანი ქვაბულის ფორმა. ესენი ნაყოფიერი მდელოებია, რომელზეც კარმიდამოებად, ცალ-ცალკე გაფანტულია დასახლებული ადგილები“.¹¹⁷ სხვაგან მკვლევარი დაწვრილებით აღწერს სოფელ ღორჯომს, როგორც დასახლების გარკვეულ ერთეულს.¹¹⁸ მოგზაურის ამ მონაცემის საფუძველზე გაირკვა, რომ ძველად ღორჯომი ერთობლივ თემს წარმოადგენდა.¹¹⁹

გ. ყაზბეგს განხილული აქვს მემინდვრობის, მევენახეობის, მეხილეობის, მეფუტკრეობის, მებოსტნეობის, მეთამბაქოეობის, ხელოსნობისა თუ ვაჭრობის ადგილი მოსახლეობის სამეურნეო ცხოვრებაში. აღნიშნავს, რომ ზემო აჭარაში უპირატესად მესაქონლეობა იყო განვითარებული, რაშიც განსაკუთრებულ მნიშვნელობას ანიჭებდა ალაკური საძოვრების არსებობას. იგი მართებულად გამოიყოფდა მესაქონლეობის ინტენსიური განვითარების ზოლს და უპირატესობას ანიჭებდა ისეთ ხეობებს, სადაც პირუტყვი და მესაქონლეობის პროდუქტები ვაჭრობის სფეროში იყო მოქცეული.¹²⁰ მკვლევარმა აღწერა აჭარული კარ-მიდამო, სახლი, საცხოვრებლის მოწესრიგების ტრადიციები,¹²¹ წარმოგიდგინა სტატისტიკური მონაცემები, რომლებიც ადასტურებენ როგორც დიდი,

¹¹⁴ იქვე, გვ. 74.

¹¹⁵ გ. ყაზბეგი, სამი თვე თურქეთის საქართველოში, ბათ., 1985, გვ. 60.

¹¹⁶ იქვე, გვ. 61.

¹¹⁷ იქვე, გვ. 55.

¹¹⁸ იქვე, გვ. 33-34.

¹¹⁹ ა. როზაპოძე, დასახლების ფორმათა საკითხისათვის ზემო აჭარაში, ბსკი-ის შრომები, I, ბათ., 1960, გვ. 11.

¹²⁰ გ. ყაზბეგი, დასახ. ნაშრ., გვ. 57-58.

¹²¹ იქვე, გვ. 40-44.

ისე პატარა ოჯახების არსებობის ფაქტს¹²²

XIX საუკუნის 70-იანი წლებიდან ცარიზმი გარკვეულწილად ინტერესდება აჭარის სამეურნეო თუ კულტურული ცხოვრებით. ეს უპირატესად სტრატეგიული მოსაზრებებით იყო განპირობებული, მაგრამ მოხელეთა ჩანაწერები სცილდება მშრალ სტატისტიკურ ანალიზს და მეცნიერულ ღირებულებას იძენს ამ თვალსაზრისით საყურადღებოა სამხედრო კორესპონდენტ ა. ფრენკელის ნაშრომი «Очерки Чурук-Су и Батума». მასში მოტანილია მნიშვნელოვანი სტატისტიკური მასალა, რომელიც ეხება მოსახლეობის რაოდენობას მაზრებისა და სოფლების მიხედვით. აქვეა ცნობები ცალკეულ სოფლებში კომლთა რაოდენობასა და სულადობაზე. ეს კი გვაძლევს საფუძველს გაეარკვიოთ ოჯახის წევრთა საშუალო რაოდენობა, რაც უმთავრესი პირობაა ოჯახის ფორმების დასადგენად. გარდა ამისა, ავტორი გვაწვდის ცნობებს სამეურნეო ყოფისა და მატერიალური კულტურის საკითხებზე.¹²³ ხოლო პარაგრაფში „ქორწინება, ცოლები“ აღწერილია ქალის გარიგებით გათხოვება, ქორწინების ფინანსური მხარე, ორცოლიანობის შემთხვევები და მიზეზები. ნაშრომში დახასიათებულია ქალის მაღალი ქონებრივ-უფლებრივი მდგომარეობა, მისი დამსახურება ქართველობის შენარჩუნებაში „ქალებს უდიდესი გააღენა აქეთ ოჯახში, - წერს ავტორი, - რა თქმა უნდა, მუჰამედის რწმენამ ჩაკეტა ისინი ოჯახში, მაგრამ საფიქრებელია, სწორედ ეს მდგომარეობა იყო ძირითადი მიზეზი, რომ არ დაივიწყეს თავისი ქართული წარმომავლობა და შეინარჩუნეს ენა და ყველა წეს-ჩვეულება ქართველებისა“.¹²⁴ ა. ფრენკელი პირველი მკვლევარია, ვინც ქალის ქონებრივი მდგომარეობის გარდა ხაზი გაუსვა მის მაღალ უფლებებს საოჯახო ცხოვრებაში.¹²⁵ ეხებოდა რა ჩაცმულობის საკითხს, ა. ფრენკელი აღნიშნავდა, რომ აჭარლები ატარებენ ნაციონალურ ტანსაცმელს, ხოლო ქობულეთელი ქალების თავსაბურავში წითელი ფერიცაა გამოყენებული.¹²⁶ იგი ეხება, აგრეთვე, ხითხორობას; აღწერს კონუსისებურ გოდრებს (გიდელს) და მიუთითებს აქაური კალათების მსგავსებაზე შვეიცარიულთან.¹²⁷

აჭარის იმდროინდელი ეთნოგრაფიული ყოფის შესახებ საინტერესო ცნობებს გვაწვდის გ. ლაცარიუსი¹²⁸ და გ. მასალსკი.¹²⁹ განსაკუთრებულ ყურადღებას იმსახურებს გ. ლისოვსკის ნაშრომი «Чорохский край», სადაც მოცემულია მხარის ეთნოგრაფიული და ეკონომიკური ყოფის სწორი დახასიათება. აქ წარმოდგენილია სამეურნეო ყოფის ცალკეული საკითხები, ოჯახის ეკონომიკური საფუძვლები, ხალხური სამართალი, თურქული და რუსული საგადასახადო სისტემები, გ. ლისოვსკი პირველი იყო, რომელმაც ხაზი გაუსვა რეგიონში მიწათმოქმედებისა და მესაქონლეობის სიმბიოზურ (შერწყმულ)

¹²² Казбек Г. Военно-статистический и стратегический очерки Лазистанского санджака, Тиф., 1876, ст. 15.

¹²³ Френкель А. Очерки Чурук-Су и Батума, Тиф., 1879, ст. 115-150.

¹²⁴ იქვე გვ. 21.

¹²⁵ იქვე გვ. 21.

¹²⁶ იქვე გვ. 19, 187.

¹²⁷ იქვე გვ. 42.

¹²⁸ Лацариус В. Статистическое описание лесов Батумской области. - ТКОСХ, 1886, №7-8, с. 347.

¹²⁹ Масальский В. Очерк Батумской области. - ИИРГО, т. XII, вып. IV, 1887, с. 356-357.

ხასიათს და იგი ადგილობრივ სამეურნეო თუ ბუნებრივ-კლიმატურ პირობებს დაუკავშირა.¹³⁰ ავტორმა ყურადღება მიაქცია იმ ფაქტსაც, რომ აჭარაში ძირითადი ადმინისტრაციული ერთეული იყო სასოფლო თემი, რომლის სათავეში იდგა სოფლის მოსახლეობის მიერ არჩეული „ბაშ-მუხტარი“.¹³¹ ნაშრომში დახასიათებულია მოსახლეობის ეთნიკური და კონფესიური შემადგენლობა ქ. ბათუმის ეთნიკური სიტრფლე დაკავშირებულია რკინიგზის გაყვანასა და ქალაქის პორტო-ფრანკოდ გამოცხადებასთან.¹³² სხვადასხვა ეთნიკური ჯგუფის ანთროპოლოგიური თავისებურებების, ჩაცმულობის სპეციფიკის, საცხოვრებელი და სამეურნეო ნაგებობების ტიპოლოგიისა და სტრუქტურის, ხალხური ორნამენტისა და მოჩუქურთმების ტრადიციების შესახებ ნაშრომში წარმოდგენილ მონაცემებს უადრესად დიდი მნიშვნელობა აქვს აჭარის ყოფითი კულტურის შესწავლისათვის.¹³³

სამხრეთ-დასავლეთ საქართველოს ყოფისა და კულტურის ზოგადეთნიკური ელემენტების შესწავლას განსაკუთრებული ყურადღება მიექცა ოსმალთაგან აჭარის განთავისუფლების შემდეგ. ამ მხრივ საინტერესოა ცნობილი საზოგადო მოღვაწის ზაქარია ჭიჭინაძის საქმიანობა.¹³⁴ თავის შრომებში იგი აღწერს აჭარელთა სამეურნეო და სოციალური ურთიერთობის საკითხებს, ქალის მოტაცებას, მზითევს, გამოსასყიდს, ქალის საქმიანობას, აჭარულ კარმიდამოს, ხელოსნობისა და მჭედლობის თავისებურებებს. ადგილობრივ გადმოცემებზე დაყრდნობით ავტორი აღნიშნავს მაჭახლის ხეობაში რკინისა და სხვა მასალების მოპოვებას და ადგილზე დამუშავებას. მისივე ცნობით, თოფებსა და დამბაჩებს აკეთებდნენ ზემო აჭარაშიც.¹³⁵

მოგზაურს არც ხალხური ფეიქრობა დარჩენია ყურადღების მიღმა. თუ გავიზიარებთ მის მონაცემებს, აჭარაში დამზადებულ ქსოვილებს საქართველოს სხვა კუთხეებშიც აგზავნიდნენ. იგი ჩამოთვლის კიდევ ფეიქრულ ნაწარმს (არშიები, ჩაფარიშები...), რომლისგანაც იკერებოდა ყაბალახი, ტანისამოსი, ჩადრი, იქსოვებოდა პირბადე, წინდები, ყათნები და ა.შ.¹³⁶ ამასთან უნდა ითქვას, რომ ზოგიერთი წესისა თუ ტრადიციის არსებობას მკვლევარი უმართებულად მიაწერს ისლამის გავლენას, მაშინ როცა ისინი თავისი გენეზისით ზოგადქართული ხასიათისაა და არსებობდა საქართველოს სხვა ისტორიულ-ეთნოგრაფიული ოლქების ყოფაშიც.

XIX საუკუნის დამლევს აჭარის ეთნოგრაფიული თავისებურებების შესახებ საყურადღებო ნაშრომი შექმნა თედო სახოკიამ. მან ვრცლად გადმოგვცა მოსახლეობის შრომითი ჩვევები, კულტურული ვითარება, საწარმოო გამოცდი-

¹³⁰ Лисовский В. Чорохский край, - вып. I, II, Тифл., 1887, с. 83-87.

¹³¹ იქვე გვ. 47.

¹³² იქვე გვ. 52.

¹³³ იქვე გვ. 30-81.

¹³⁴ ზ.ჭიჭინაძე, სამცხე-საათაბაგო ისტორიული და ეთნოგრაფიული ცნობები ხალხზე, ვაჭრობაზე, კათოლიკობასა და მათ სამღვდელეობაზე, ტფ., 1906; მისივე, მუსლიმან ქართველთა სოფლები საქართველოში, ტფ., 1909; მისივე, მუსლიმანი ქართველობა და მათი სოფლები საქართველოში, ტფ., 1913; მისივე, ქართველი მამადაინაბები კინტრისის ხეობაში, ტფ., 1891; მისივე, ქართველ მამადაინაბთა გადასახლება ოსმალეთში, მუხაჯირობა-ემიგრაცია, ტფ., 1912 და სხვ.

¹³⁵ ზ.ჭიჭინაძე, მუსლიმანი ქართველობა და მათი სოფლები საქართველოში, გვ. 167-168.

¹³⁶ იქვე გვ. 166.

ლება, დაახასიათა ხალხური კულინარიული ხელოვნება, სტუმართმოყვარეობა, ყიშლური მეურნეობა, ალაური მესაქონლეობა.¹³⁷ მკვლევარი აღწერს ხალხური სამართლის საკითხებს, სისხლის აღების ჩვეულებას და მის გამომწვევე ფაქტორებს, მოსახლეობის რაოდენობრივ, ეთნიკურ, სქესობრივ და სოციალურ შემადგენლობას, ქორწინების, განქორწინების, შობადობისა და სიკვდილიანობის მაჩვენებლებს, ბუნებრივი მოძრაობის თავისებურებებს, ცალკეულ სოფლებსა და იქ მცხოვრებთა გეარებს.¹³⁸ ცალკე პარაგრაფების სახითაა წარმოდგენილი მხარის ეკონომიკური მდგომარეობა, მევენახეობა, მეღვინეობა, მეფუტკრეობა, შინა ხელსაქმე, ჩაცმულობა, ხალხური მედიცინა და სხვა საკითხები.¹³⁹ ავტორს მოგზაურობისას დაუმოწმებია 17 ჯიშის ვაზი (ადესა, ბუდეშური, ბურკაღლა, ბუტკარა, ბროლა, ვანური თეთრი ყურძენი, კლარჯული და სხვ.). ამავე დროს მიუთითებს მევენახეობის დაქვეითებაზე და ამას ხსნის ისლამის გავლენით.¹⁴⁰ აღნიშნული მოსაზრება მოითხოვს კრიტიკულ მიდგომას. მართალია, ისლამმა უარყოფითი გავლენა მოახდინა მევენახეობის განვითარებაზე, რადგან იკრძალებოდა ღვინის დაყენება, მაგრამ მუსლიმანობამ საფუძველი გამოაცალა არა მთლიანად მევენახეობას, არამედ მეღვინეობას ვაზი „ყურანში“ საოცნებო მცენარეთა რიგს განეკუთვნება, რასაც ადასტურებს ისლამურ ქვეყნებში ენახის სხვადასხვა ჯიშის არსებობა.

პარაგრაფში „ოჯახი და ცოლ-ქმრობა“ მკვლევარი გეაცნობს მისი დროის აჭარის ოჯახისა და ქორწინების საკითხებს, ქალის შრომას, მრავალცოლიანობას, ყურადღებას ამახვილებს ლევირატული ხასიათის მოვლენებზე, აკვანში ნიშნობის წესებზე, ქორწინებაში ნათესაობის გავლენაზე, განრიდების ჩვეულებასა და ნიშანდობის ინსტიტუტის არსებობაზე.¹⁴¹ იგი დიდ კმაყოფილებას გამოთქვამდა იმ გარემოებით, რომ ისლამური ზეგავლენის მიუხედავად, აქ შენარჩუნებული იყო ძირძველი ტრადიციები.

XIX ს. 80-იან წლებში კავკასიაში იმოგზაურა არქიტექტორმა ა. პავლინოვმა, რომელმაც მეჩეთებზე (ჯამეებზე) ქართული ორნამენტის არსებობას საგანგებო ყურადღება მიაქცია და იგი ოსტატთა მიერ ადგილობრივი ძეგლების შემკულობათა მდიდარი ტრადიციების ათვისებითა და გამოყენებით ახსნა.¹⁴²

ბათუმის ოლქის ფიზიკურ-გეოგრაფიული დახასიათება, მეურნეობა და ეთნოგრაფიული ყოფა დაწვრილებით წარმოგიდგინა ფრანგმა ორიენტალისტმა ჟან მურიემ, რომელმაც კავკასიაში XIX ს.-ის 80-იან წლებში იმოგზაურა იგი აღნიშნავდა, რომ ბათუმის ოლქის მკვიდრი მოსახლეობა „ეკუთვნის სუფთა ქართველებს“.¹⁴³ ავტორი საგანგებოდ მიმოიხილავს ოლქის მოსახლეობის რაოდენობას, საზღვრებსა და გზებს, აჭარელი კაცის ტიპსა და ხასიათს, ჩაცმულობასა და ადათ-წესებს, ხალხურ ავეჯს თემცა, ზოგიერთი პრინციპული

¹³⁷ თ.სახლია, მოგზაურობანი, ბათ., 1985, გვ. 140-155.

¹³⁸ იქვე, გვ. 205-213.

¹³⁹ იქვე, გვ. 213-229, 244, 245, 246.

¹⁴⁰ იქვე, გვ. 222-224.

¹⁴¹ თ.სახლია, დასახ. ნაშრ., გვ. 239-244.

¹⁴² Павлинов А. Материалы по археологии Кавказа, вып. III, М., 1893, с.76.

¹⁴³ ჟან მურიე, ბათუმი და ქოროხის აუზი, ბათ., 1962, გვ. 13.

საკითხის გარკვევისას ავტორს მოსდის შეცდომებიც. მაგ., იგი ქართველებად არ თვლის გურულებს, იმერლებს, ლაზებს.¹⁴⁴

ფრაგმენტული ხასიათის მიუხედავად, საინტერესოა გრაფინია პ. უვაროვას ჩანაწერები. მან აჭარაში 1888 წელს იმოგზაურა. იგი დადებითად ახასიათებს დ. ბაქრაძისა და გ. ყაზბეგის მოგზაურობათა შედეგებს, თუმცა, ზოგიერთ შეფასებას გაზიარებულად მიიჩნევს. აჭარელი კაცი, როგორც ტიპით, ისე ჩაცმულობით, მისი აზრით, ახლოს დგას კალაბრიელებთან (კალაბრია ქალაქია სიცილიაში).¹⁴⁵ მკვლევარი ეხება მხარის მეურნეობას, საახოე სისტემას, სასოფლო თემის, საქორწინო ურთიერთობების თავისებურებებსა და სხვა საკითხებს. ამავე დროს იგი შეშფოთებას გამოთქვამდა ტყეებისადმი მოსახლეობის ბარბაროსული დამოკიდებულების გამო.¹⁴⁶

კავკასიასა და საკუთრივ აჭარაში მეფუტკრეობის განვითარების შესახებ ცნობებს ეხედებით ნიკ. შაეროვის ჩანაწერებში. მკვლევარი ახასიათებს ფლორას, ფუტკრის ჯიშებსა და თაფლის ხარისხს.¹⁴⁷ სპეციალური რუკის სახით წარმოგიდგენს მეფუტკრეობის გაერცვლების არეალს.

900-იან წლებში გამოსული ლიტერატურიდან საყურადღებოა ნ. დერჯავინის,¹⁴⁸ ნ. ანდრეევსკის,¹⁴⁹ ე. ტურკინის,¹⁵⁰ ე. ერეკსონის¹⁵¹ და სხვათა შრომები. ავტორები აღწერენ აქაურთა საქორწინო და საოჯახო ურთიერთობების თავისებურებებს, მესაქონლეობის განვითარებას, ექტერიწარული მომსახურების დაბალ დონეს. ეერეკსონმა ყურადღება გაამახვილა ხალხური მუსიკალური კულტურის საკითხებზე, პირველი დანიტერესდა ქალურად ჩაცმული მამაკაცის ცეკვით, თუმცა, ვერ ჩაწედა მის შინაარსს და იგი მიიჩნია ცუდ ჩვეულებად, მაგრამ ამ ცეკვის სიმბოლური დანიშნულება შეუმჩნეველი არ დარჩენია.

საინტერესოა ი. ვორონოვის ნაშრომი, რომელშიც ავტორი აჭარის მცენარეულ საფარს ადარებს ტიპური ხმელთაშუაზღვისპირეთის ფლორას.¹⁵² ავტორი ახასიათებს მხარის ტომობრივ, ეთნიკურ და კონფესიურ მდგომარეობას, მევენახეობის, მეთამბაქოეობის, მებაღეობის, მეხილეობის განვითარების დონეს, რძის პროდუქტებსა და მათი დამზადების ტექნოლოგიას. ზოგიერთი მოხელე მხარეში სოფლის მეურნეობისა და მესაქონლეობის საეკონომიკურ მდგომარეობას მკვიდრი მოსახლეობის „უეციობითა და უყურადღებობით“ ხსნიდა,¹⁵³ მაგრამ მდიდარი ეთნოგრაფიული მონაცემები აქარწყლებენ მათ მცდელობას -

¹⁴⁴ იქვე გვ. 25.

¹⁴⁵ Уварова П. Кавказ, Абхазия, Аджария, Шавштия, Фосховский участок. - Путевые, заметки Графиня Уваровой, ч. II, 1891, с. 203, 204.

¹⁴⁶ იქვე გვ. 203.

¹⁴⁷ Шавров Н. Краткий очерк современного положения пчеловодства на Кавказе, Тифл., 1893, ст. 1-44.

¹⁴⁸ Державин Н. Свадьба у Гуришцев-мусулман в окрестностях Батума. - СМОМПК, 31, 1902.

¹⁴⁹ Андреевский Н. Военно-географическое описание Кавказского округа, административное устройство и поселение Черноморского района, т. I, 1906.

¹⁵⁰ Туркин В. К истории Батумского отдела Тифлисского общества покр. Животным. - Вестник общественной ветеринарии, 1907, № 23.

¹⁵¹ Эриксон Э. Опыт санитарного обзора окрестностей Батума, Тифл., 1901.

¹⁵² Воронов Ю. Н. Батумская область. - ИКОИРГО, т. XXI, 1911-1912, № 2, с. 80.

¹⁵³ Воронов Ю. Н. Батумская область. - ИКОИРГО, т. XX, вып. I, с. 99.

მიჩქალონ ჩამორჩენის ნამდვილი მიზეზები და იგი მშრომელი მოსახლეობის პასიურობას მიაწერონ.

სამხრეთ-დასავლეთ საქართველოს სამეურნეო ცხოვრებაში განსაკუთრებული მნიშვნელობა ჰქონდა წყლის ტრანსპორტს ამ საკითხთან დაკავშირებით საყურადღებოა გრ. ვეშაპელის ჩანაწერები. ავტორი აღნიშნავს, რომ ლაზები ვაჭრობას მისდევდნენ საკუთარი გემებით და წარმატებით უწევდნენ კონკურენციას ოსმალეთისა და სპარსეთის სავაჭრო ფლოტს.¹⁵⁴

იმდროინდელი აჭარის ეთნოგრაფიული შესწავლისათვის მნიშვნელოვანია სამუზეუმო კოლექციები. კერძოდ, საქართველოს სახელმწიფო მუზეუმში წარმოდგენილი აჭარული ჩაცმულობის ნიმუშები, სამცხე-ჯავახეთის ისტორიულ და განსაკუთრებით აჭარის მუზეუმებში დაცული საცხოვრებელი და სამეურნეო ნაგებობების, სამეურნეო დარგების, სამეურნეო იარაღ-ინვენტარის, ჩაცმულობის, სამკაულის, ავეჯის, დგამ-ჭურჭლის, საკულტო საგნების, ხალხური ხელოვნების ნიმუშების ამსახველი ექსპონატები საყურადღებო ჩანაწერებია აჭარის ხარიტონ ახელედიანის სახელობის მუზეუმის ხელნაწერთა ფონდში.¹⁵⁵

მატერიალური კულტურის შესწავლისათვის საინტერესოა ქართული ხალხური ხუროთმოძღვრებისა და ყოფის მუზეუმი ღია ცის ქვეშ, სადაც წარმოდგენილია აჭარული სახლი (სოფ. დიდაჭარიდან, VIII ზონა) ბოსლითა და ბედლით (XIX ს. მეორე ნახევარი). ამავე ზონის VI კარმიდამოში დაცულია ხის ჯამე საინტერესო ორნამენტებით (სოფ. ჩიქუნეთიდან). იგი შედარებით ადრინდელია, მაგრამ წარმოდგენას იძლევა სამშენებლო ხელოვნებაზე.

საინტერესოა დოკუმენტები დაცულია, აგრეთვე არქივებში. რუსეთის მეცნიერებათა აკადემიის ეთნოლოგიისა და ანთროპოლოგიის ინსტიტუტში არსებული მონაცემები წარმოდგენას გეიქმნის მოსახლეობის ადგილმონაცვლეობის, გეართა მოძრაობისა და მის გამომწვევ მიზეზებს.¹⁵⁶ მუჰაჯირობის, ამ ტრაგედიაში ცარიზმის წელილის, დასახლების, მიწისმფლობელობის ფორმების, უცხო ეთნიკური ელემენტების დამკვიდრების, სამეურნეო ყოფის შესახებ უხვი მასალებია საქართველოს ცენტრალურ სახელმწიფო საისტორიო არქივში, კერძოდ, კავკასიის არქეოგრაფიული კომისიის,¹⁵⁷ „ქართველთა შორის წერა-კითხვის გამავრცელებელი საზოგადოების“ მასალებსა¹⁵⁸ და სხვა ფონდებში. აჭარის ცენტრალურ არქივში თავმოყრილია კომლობრივი სიები, აგრეთვე სოფლისა და მახრის მოსახლეობის სტატისტიკური მონაცემები, სამეურნეო ყოფის, სამართლებრივი მდგომარეობის ობიექტური დახასიათება აღნიშნული და სხვა სახის მასალები დაცულია „ბათუმის წოდებრივ-საადგილმამულო კომისიის“, „ბათუმის ოლქის სატყეოს“, „ქ ბათუმის მომრიგებელი განყოფილების სანოტარო კანტორის“, „აჭარის სახკომსაბჭოს“ და სხვა ფონდებში.¹⁵⁹

როგორც მოგზაურ-მკვლევართა, ისე პრესის მასალებიდან, საარქივო დოკუ-

¹⁵⁴ Вешапели Г. Турецкая Грузия, М., 1916, с. 33.

¹⁵⁵ ამბფ., ს.ს. 2-9.

¹⁵⁶ АИЭ АНР, Материалы Грузинского отряда, ПК, Л., 101, 103, 104.

¹⁵⁷ სცსსა, ფ. 416, ან. 3, ს. 163, 539; ან. 4, ს. 72, 19; ან. 7, ს. 352, 359, 363, 372, 479; ფ. 545, ს. 2073.

¹⁵⁸ სცსსა, ფ. 481, ან. 1, ს. 58, 73, 74; ან. 3, ს. 170, 863, 1023, 1070.

¹⁵⁹ აცსა, ფ. 2, ან. 1, ს. 1; ფ. 178, ან. 1, ს. 60; ფ. 1, ან. 7, ს. 3.

მენტებიდან ირკვევა, აჭარამ მყარად შეინარჩუნა ძველთაგან მომდინარე ტრადიციული ინსტიტუტები. ოსმალთა ბატონობამ ძირძველ ჯანსაღ ტრადიციებს ეთნიკური ფუნქცია დააკისრა. სწორედ ამის შედეგად შეინარჩუნა ამ მხარემ ქართული ყოფისა და კულტურისათვის დამახასიათებელი ზოგადეთნიკური ელემენტები, რითაც იგი დაუპირისპირდა ისლამის მსოფლმხედველობაზე დაფუძნებულ ოსმალური ცხოვრების წესს. მართლაც, ქართული ხალხური ტრადიციების დაცვა, „უცხოური წესის“ მოძალების პირობებში, ემსახურებოდა ქართული ეროვნული თვითმყოფადობის განმტკიცების ინტერესებს.

ასეთია წყაროებისა და მეცნიერული ლიტერატურის კვლევის დღევანდელი ბაზა, რომელსაც ემყარება წინამდებარე ტომი.

სამხრეთ-დასავლეთ საქართველოს დაბრუნება.
ცარიზმის კოლონიური პოლიტიკის შეფასება

§ 1. რუსეთ-ოსმალეთის 1877-1878 წლების ომი და
სამხრეთ-დასავლეთ საქართველოს დაბრუნება

XIX საუკუნეში თვისებრივად ახალ პირობებში მიმდინარეობდა ქართველი ხალხის ბრძოლა ისტორიული მიწა-წყლის დაბრუნებისა და ტერიტორიული მთლიანობის აღდგენისათვის. პარტიოტული ინტელიგენცია რუსეთის ძალას უკაეშირებდა ისტორიული მიწა-წყლის გამოხსნას ოსმალთა ბატონობისაგან.

მართალია, ამ შემთხვევაში საქართველოს ეს ნაწილი ერთი დამპყრობლიდან მეორის ხელში გადადიოდა, მაგრამ ტერიტორიული გამთლიანება, თუნდაც კოლონიურ პირობებში, თავისთავად პროგრესული აქტი იყო. ერს ეძლეოდა ეროვნული თვითმყოფადობისა და თავისუფლებისათვის ბრძოლის მეტი შესაძლებლობანი. მაგალითად, ცარიზმის ბატონობის მიუხედავად, ქართველებმა გახსნეს ეროვნული სკოლები, კულტურულ-ბაგანმანათლებლო დაწესებულებები, საქველმოქმედო საზოგადოებები, რაც ქმნიდა ერის სულიერი აღორძინების საშუალებას.

ოსმალეთის ბატონობის პირობებში კი დაპყრობილ ხალხებს ამის შესაძლებლობა არ ჰქონდათ. ოსმალეთის იმპერიაში სულიერ, სოციალურ-პოლიტიკურ და სამეურნეო-ეკონომიკურ ცხოვრებას საფუძვლად ედო ისლამური მოძღვრება, რომელიც ანკარებდა ქართველების ეროვნულ გადაშენებას ყოველივე ეს ქართველ ხალხს კარგად ჰქონდა შეგნებული. ამიტომ იგი აქტიურად მონაწილეობდა რუსეთ-ოსმალეთის 1806-1812, 1828-1829 და 1853-1856 წლების ომებში და რუს მეომრებთან ერთად ქართველებმაც ბეერი სისხლი დაღვარეს ოსმალთაგან მშობლიური მიწა-წყლის გამოხსნისათვის.

70-იან წლებში ოსმალეთის კოლონიებში ახალი ძალით გაიშალა ეროვნულ-განმათავისუფლებელი მოძრაობა. სულთნის მთავრობა მთელი სისასტიკით ახშობდა ყოველგვარ გამოსვლას ბალკანეთის სლავების მფარველად რუსეთი გამოვიდა. ამან კიდევ მეტად დაძაბა რუსეთისა და ოსმალეთის ურთიერთობა. მათ შორის ომი დღითიდღე ახლოვდებოდა. ახალი ომისათვის მზადებაში სულთნის მთავრობა აიძულა იმპერიის მეურნეობა სამხედრო რელსებზე გადაეყვანა. ამან ქვეყნის სოციალურ-ეკონომიკური მდგომარეობა დაამძიმა.

მართალია, რუსეთს ბალკანეთისა და ამიერკავკასიის ხალხების მხარდაჭერის იმედი ჰქონდა, მაგრამ ომისათვის მზადების პირობებში მთავრობა განსაკუთრებულ მნიშვნელობას ანიჭებდა პოზიციის დაზუსტებას. ამას ჯეროვნად თვალისწინებდა როგორც ქართველი მოწინავე საზოგადოება, ისე რუსეთის სამხედრო უწყება გენე-

რალი კ. კომაროვი კავკასიის არმიის მთავარსარდლის მოადგილეს, გენერალ-ლეიტენანტ ნ. სეიატოპოლკ-მირსკის მოახსენებდა: „სიადილე და სიძნელე ჩვენი ოპერაციებისა დიდადაა დამოკიდებული იმ გარემოებაზე, თუ რა პოზიციას დაიკავენ ჩვენს მიმართ აჭარისა და ქობულეთის მოსახლეობა“.¹

ამ მიზნით XIX საუკუნის 60-70-იან წლებში სამხრეთ-დასავლეთ საქართველოში მოავლინეს ივ. კერესელიძე, ა. მეფისაშვილი, გ. წერეთელი, დ. ბაქრაძე, გ. ყაზბეგი და სხვ. მათ შეხვედრებსა და საუბრებს ადგილობრივ მოსახლეობასთან, კერძოდ, გველენიან პირებთან, არა მარტო წმინდა სამხედრო, არამედ, აგრეთვე, ეროვნულ-პატრიოტული მნიშვნელობა ენიჭებოდა, ოსმალთა ბატონობისაგან განთავისუფლებისათვის ბრძოლაში ქართველობას იმედს აძლევდა, ძალასა და ენერჯიას კმატებდა.

სამხრეთ-დასავლეთ საქართველოს მოსახლეობის პოზიცია რუსეთ-ოსმალეთის მომავალი ომის მიმართ გარკვევით გამოხატა მხარის გაველენიანმა პირმა შერიფ ხიმშიაშვილმა. ზაქარია ჭიჭინაძის ცნობით, ივანე კერესელიძესთან საუბარში შერიფს განუცხადებია: „ღმერთმა ქნას, რომ მალე დაიწყოს ომი. მე მზად ვარ მაშინათვე ჩემი ქვეყნის ქართველ შეილებს შევეურთდე და როგორც ადრე ყოფილა საქართველო, დღეის შემდეგაც ისე გახდეს“.²

სამშობლოს ტერიტორიული მთლიანობის აღდგენისათვის თავდადებული მებრძოლნი საკმაოდ იყვნენ რიგით ფენებშიც, რომელთა პოზიციამ მნიშვნელოვანი როლი შეასრულა სამხრეთ-დასავლეთ საქართველოს განთავისუფლებაში. ასეთი პატრიოტები იყვნენ გულო კაიკაციშვილი, აბდულ მიქელაძე, ახმედ ხალვაში, დედე ნიუბრაძე, ახმედ ხალიფაშვილი (სურმანიძე) და სხვ.

საქართველოს ეროვნულ-ტერიტორიული გამთლიანებისათვის ბრძოლაში განსაკუთრებული მნიშვნელობა ჰქონდა სამხრეთ-დასავლეთ რეგიონში აზიურთებულ განმათავისუფლებელ მოძრაობას, რომლისადმი დიდ ყურადღებას იჩენდა რუსეთის სამხედრო უწყება, განსაკუთრებით კი ქართველი მამულიშვილები (ილია ჭავჭავაძე, აკაკი წერეთელი, იაკობ გოგებაშვილი, ნიკო ნიკოლაძე, გიორგი წერეთელი, დიმიტრი ბაქრაძე, სერგეი მესხი და სხვ.).

რუსეთ-ოსმალეთის ომის დაწყების წინ სამხრეთ-დასავლეთი საქართველო მდელეარებათა აღში გაეხვია. მათგან საყურადღებოა 1862, 1873 და 1875-1876 წლების გამოსვლები. 1862 წლის მდელეარება თებერვალში დაიწყო და მისამდე გაგრძელდა. იგი განსაკუთრებული სიმძლავრით გაიშალა ბათუმის, ქობულეთისა და მაჭახლის სამუდიროებში (რაიონები). მოსახლეობა წინ აღუდგა სულთნის მთავრობის მცდელობას – გაედიდებინა გადასახადები, ნატურალური გამოსაღები შეეცვალა ფულადით, სახელმწიფო ხაზინის უშუალო დაქვემდებარებაში გადაეყვანა მთელი მოსახლეობა, განურჩევლად წოდებისა.³

1873 წლის მდელეარება დაკავშირებული იყო ლაზისტანის სანჯაყის მოსახლეობისა და ადგილ-მამულების აღწერასთან. ოსმალთა მოხელეები პირველად ქობულეთიდან გააძევეს, შემდეგ კი - აჭარიდან, ხოფიდან, არხავედან და სხვა რეგიონები-

¹ შ.მეგრელიძე, სამხრეთ-დასავლეთ საქართველოს ისტორიიდან, ბათ., 1963, გვ. 116.

² ზ.ჭიჭინაძე, ისტორია ოსმალეთის ყოფილი საქართველოსი, ბათ., 1912, გვ. 230.

³ შ.მეგრელიძე, აბსურდულად, ახალი საბუთები 1862 წლის მდელეარების შესახებ, ჟურნ. „ლიტერატურული აჭარა“, 1962, №4, გვ. 79; აბსურდულად, განმთავისუფლებელი მოძრაობა აჭარაში XIX საუკუნის 40-70-იან წლებში, ბათ., 1978, გვ. 3-15.

დან.⁴

ასევე მძლავრი იყო 1875-1876 წლების გამოსვლები.⁵ იგი დაკავშირებული იყო გადასახადების გადიდებასა და ოსმალეთის ჯარში ახალგაზრდების გაწვევასთან. მღელვარება 1875 წ. აგვისტოდან 1876 წ. ბოლომდე გაგრძელდა მთავრობამ ამოხეხულთა წინააღმდეგ რეგულარული არმიის ნაწილები გამოგზავნა მათ შორის მოხდა სისხლიანი შეტაკებები, რის შედეგადაც რამდენიმე კაცი დაიღუპა მართალია, მთავრობამ მღელვარება იარაღით ჩაახშო, მაგრამ გადასახადების გადიდება და მოსახლეობის ჯარში გაწვევა მაინც ვერ შეძლო.

მოსახლეობის მიმართ მკაცრი რეპრესიები გატარდა მარტო ქობულეთისა და ბათუმის სამუდროებში 1876 წლის სექტემბრისათვის დააპატიმრეს ათასზე მეტი კაცი.⁶

ასეთ პირობებში ქართველი ხალხი რუსეთ-ოსმალეთის მომავალ ომს იმედის თვალთ შეჰყურებდა. „გამოხსნა-აღდგომის“ იდეამ მთელი საქართველო მოიცვა ხალხი ერთიანად აღსდგა ოსმალთა ბატონობაში მყოფი თანამომკმეების გასათავისუფლებლად, რაც კარგად ჩანს რუსეთის მთავრობისადმი გაგზავნილ წერილებში. ქუთაისის მშრომელთა მიმართვაში ნათქვამია: „ამჟამად, როდესაც ჩვენი ძმები იტანჯებიან მძიმე უღლის ქვეშ, ნუთუ შეიძლება მათი დაეიწყება?“⁷ ანალოგიური დუქუშები გაიგზავნა თბილისიდან, ახალქალაქიდან, ახალციხიდან და სხვა რეგიონებშიდან.

რუსეთ-ოსმალეთის 1877-1878 წლების ომის წინ და ომის მსვლელობაში ქართველი ხალხი ხალისით ქმნიდა სახალხო რაზმებს. 1887 წლამდე ქართველები რუსეთის რეგულარულ არმიაში არ გააყავდათ. მათგან მხოლოდ სახალხო ლაშქარს, ე.წ. „მილიციელთა რაზმებს“ აყალიბებდნენ. ომის დასაწყისში ასეთი ლაშქარი შეიქმნა ქართლში, კახეთში, იმერეთში, სამეგრელოში, გურიაში და სხუ.

ამ რაზმებში მასობრივად ეწირებოდნენ შორაპნის მაზრაში, მაგალითად, ყოველი 100 გლეხიდან ორი კაცის ნაცვლად 20 მოლაშქრე გამოვიდა გურიაში სახალხო რაზმების ფორმირება დაეწავლა ქობულეთის რაზმის შტაბის უფროსს, პოლკოვნიკ ე. ყაზბეგს მოსახლეობამ უყოყმანოდ განაცხადა: „ჩვენ მზად ვართ ყოველის მიზეზის უთქმელად“.⁸ გათვალისწინებული ათასი კაცის ნაცვლად, აქ ოთხი ათასი მოლაშქრე გამოვიდა. ეს მაშინ, როდესაც გურიის მთელი მოსახლეობა 25 ათას კაცს ითვლიდა გურულების ასეთ ერთსულოვნებას აღტაცებაში მოჰყავდა რუსი სამხედროებიც. ქობულეთის რაზმის ოფიცერი ბ. კოლუბიაკინი აღნიშნავდა: გურიის მოსახლეობამ საყოველთაო სურვილი გამოთქვა ომში წასვლაზე და ხალისით ჩამოაყალიბეს რაზმები.⁹ ასეულის მეთაური ი. მაკაევი (მაყაშვილი) მოგვიანებით აღნიშნავდა: ომის დაწყებისთანავე მთელი გურია აღსდგა, ახალგაზრდებიდან დაწყებული მოხუცების ჩათვლით, ომში წასვლას ითხოვდა. თურმე 13-14 წლის ყმაწვილები

⁴ „დროება“, 3 მარტი, 1886.

⁵ აბ. სურგულაძე, აჯანყება აჭარაში 1875-1876 წლებში. - აჭარის სოფელი, თბ., 1969, გვ. 90-100.

⁶ „დროება“, 18 ოქტომბერი, 1876.

⁷ სანქტ-პეტერბურგის სკია, ფ. 2668, ან. 21, ს. 228, ფურც. 15; იხ. შემეგრელიძე, აჭარის განთავისუფლება თურქთა ბატონობისაგან, ბათ., 1956, გვ. 50.

⁸ „დროება“, 17 მარტი, 1877.

⁹ Колюбякин Б. Кобулетский отряд в минувшую войну 1877-1878 гг. - Военный сборник, 1883, №11, с. 175.

ტირილით ევედრებოდნენ, რათა ჯარში გაეწვიათ.¹⁰ ასეთი განწყობა სუფევდა საქართველოს ყველა კუთხეში.

თავდაპირველად ოზურგეთში 1000-კაციანი დრუჟინა შეადგინეს დანარჩენ მოხალისეებს კი უარი უთხრეს, თუმცა ისინი დაჟინებით მოითხოვდნენ გაწვევას. გყაზბეგმა მათ აღუთქვა, რომ ერთი წლის შემდეგ ჩარიცხავდნენ სახალხო ლაშქარში. „რად გვინდა ერთი წლის შემდეგ მიღება, როცა ომი უკვე დამთავრებული იქნება; ჩვენ ახლა გვინდა დავდეთ თავი სამშობლოსათვის“, - აცხადებდნენ ისინი.¹¹ მოხალისეების დაჟინებით მოთხოვნით, ომის დაწყების შემდეგ, მოკლე დროში, გურიაში დამატებით შეიქმნა სამი დრუჟინა (3000 კაცი), რომელთა რიგებში მრავლად იყვნენ 13-14 წლის ახალგაზრდები.

ომის დაწყებამდე შეკრებილი გურიის 1000 კაციანი სახალხო დრუჟინა ოთხ ასეულად დაიყო. თითოეულ მათგანში განაწესეს კადრის ოფიცრები და გამოცდილი მილიციელები (სახალხო მოლაშქრეები), რომლებიც კავკასიის არმიის სხვადასხვა დანაყოფებიდან გადმოიყვანეს. დრუჟინის მეთაურად დაინიშნა როტმისტრი თავადი იესე გურიელი, თანაშემწედ - ქუთაისის ცხენოსანთა პოლკის მაიორი დავით ჩხაიძე.

ასეულის მეთაურებად დანიშნეს პირველი ასეულისა - ახალციხის ქვეითი პოლკის პორუჩიკი დარისპან მიქელაძე, ოფიცრებად - მილიციის ვიცე-პოლკოვნიკი გიორგი ღლონტი და მილიციის პორუჩიკი თავადი დავით გურიელი, მეორე ასეულისა - პორუჩიკი თავადი ივანე აბაშიძე, ოფიცრებად - თავადი თომა ერისთავი და მილიციის პრაპორშნიკი სიო ბერიძე; მესამე ასეულისა - პრაპორშნიკი თავადი გიორგი გუგუნავა, ოფიცრებად - პრაპორშნიკები ვუაჲ მგელაძე და ანტონ ქარცივაძე; მეოთხე ასეულის უფროსად დაამტკიცეს ლენქორანის ქვეითი პოლკის პრაპორშნიკი თავადი ივანე მაკაევი (მაყაშვილი), რომელიც შემდგომ რუსეთის არმიის გენერალ-მაიორი გახდა. ოფიცრად დანიშნეს მილიციის პრაპორშნიკი ირაკლი კაპანაძე.¹²

ომის წინ, მოკლე დროში, ამიერკავკასიაში მობილიზებული იყო 42 ათასი კაცი, რაც კავკასიის არმიის ერთ მეოთხედს შეადგენდა. საქართველოში მოლაშქრეთა 37 საბრძოლო შენაერთი შეიქმნა (სულ 102 ასეული: 63 ქვეითი და 39 ცხენოსანი), რომელშიც 18395 კაცი ირიცხებოდა.¹³ ეს პროცესი ომის დროსაც გაგრძელდა. მთლიანად 1877-1878 წლების რუსეთ-თურქეთის ომში 30 ათასზე მეტი ქართველი მონაწილეობდა.¹⁴ სახალხო რაზმელები ეროვნული ტანსაცმლით გამოდიოდნენ. საბრძოლო სულისკვეთების ამაღლებისათვის თითოეულ დრუჟინაში ეკლესიის მსახურნიც გაამწესეს. გურიის პირველი ქართული დრუჟინის მღვდელი იყო რომანოზ დარჩია.

სახალხო რაზმელების უზრუნველყოფაში წვლილი ყველა კუთხეს შეჰქონდა. ფრონტისათვის ფულის შეგროვებამ კი მასობრივი ხასიათი მიიღო. ქართლის პატარა სოფელ მანგლისში 600 რუბლი შეაგროვეს, ხოლო ოზურგეთში 800 რუბლი და მოლაშქრეებისათვის იყიდეს საჭირო ნივთები. ფრონტისათვის ფულის შესაგროვებლად სპეციალური კონცერტები იმართებოდა. 1877 წლის მაისში გამართული კონ-

¹⁰ Макаев И.Р. Историческая записка I-й Грузинской пешей дружины в войну 1877-1878 гг., Тиф., 1913, с. 150.

¹¹ იქვე გვ. 150-151.

¹² იქვე. იხ. აგრეთვე, ვ.შარაძე, 1877-1878 წწ. რუსეთ-თურქეთის ომი და აჭარის დედამამშობლოსთან დაბრუნება, გაზ. „ლიტერატურული საქართველო“, 1998, №19, გვ. 13-14.

¹³ Мегрелидзе Ш.В. Грузия в русско-турецкой войне 1877-1878 гг., Бат., 1955, с. 47.

¹⁴ შ.მეგრელიძე, აჭარის განთავისუფლება თურქთა ბატონობისაგან, ბათ., 1956, გვ. 51.

ცენტრებიდან თბილისში 7 ათასი, ხოლო ქუთაისში 10 ათასი რუბლი შემოსულა¹⁵ არმიისათვის საჭირო საბრძოლო მასალები, სურსათი, ფურაჟი და სხვა ნივთები გლეხობას მამაპაპისეული ტრანსპორტით გადაჰქონდა.

სახალხო რაზმელების საბრძოლო მომზადება 1876 წლის დეკემბრის მეორე ნახევარში დაიწყო. რაზმელებმა ორი კვირის განმავლობაში შესანიშნავად აითვისეს ბრძოლის წესები და მეთოდები, იარაღის ხმარება და სხვ. რუსეთის არმიის კადრის მაღალი ჩინის ოფიცრები და გენერლები აღტაცებული იყვნენ ქართველი სახალხო რაზმელების საბრძოლო მომზადებით. კავკასიის მეფისნაცვალმა დიდმა მთავარმა მიხეილ ნიკოლოზის ძე რომანოვმა, რომელმაც 1877 წ. აპრილს ოზურგეთის სამხედრო შენაერთები დაათვალიერა, გურიის რაზმელების საბრძოლო მომზადებას მაღალი შეფასება მისცა და კმაყოფილებით განაცხადა: „ასეთი მამაცი ახალგაზრდებით შეიძლება ომში წასვლა“.

ომის დაწყების წინ, ოზურგეთის რაზმის მეთაურად დანიშნეს გენერალ-მაიორი დანიბეგოვი (დანიბეგაშვილი), რომელმაც გენერალი ციტოვიჩი შეცვალა გურულების ღრუშინა გენერალ დანიბეგოვის რაზმის მარცხენა კოლონის შემადგენლობაში შევიდა.

რუსეთ-ოსმალეთის ომი 1877 წ. 12 (24) აპრილს დაიწყო. საომარი მოქმედება ბალკანეთსა და კავკასიაში გაიშალა. რუსეთის არმია 437 ათას, ხოლო ოსმალთა - 450 ათას კაცს შეადგენდა ამიერკავკასიაში რუსეთის არმია ითვლიდა 180 ათას კაცს, რომელიც სამ კორპუსად იყოფოდა. პირველი (სარდალი ტარიელ ლორის-მელიქოვი) უშუალოდ ფრონტის ხაზზე იყო განლაგებული. მეორე, გ.წ. „რიონის რაზმი“, რომელიც 30-ზე მეტი ბატალიონისაგან შედგებოდა, გენერალ ი. ოკლობოვის მეთაურობით დასავლეთ საქართველოში ჯერ კიდევ 1876 წ. განალაგეს. მას ევალებოდა გურიის, სამეგრელოსა და იმერეთის დაცვა; მესამე კორპუსი გენერალ ს. ანდრონიკაშვილის სარდლობით კახეთში, ალაზნის პირას, დაბანაკდა ამიერკავკასიის ფრონტის მთავარ-სარდლად დანიშნა კავკასიის მეფისნაცვალმა, დიდი მთავარი მიხეილ ნიკოლოზის ძე რომანოვი (მეფის ძმა).

ამიერკავკასიაში მოქმედი კორპუსი 60 ათას კაცს შეადგენდა გეგმის თანახმად, შეტევა ოთხი მიმართულებით განეითარდა: ოზურგეთიდან – ბათუმისაკენ, ახალციხიდან – არტაანისაკენ, ალექსანდრეპოლიდან – ყარსისაკენ, ერევნიდან – ბაიაზეთისაკენ.¹⁶

ძირითადი საბრძოლო მოქმედების ასპარეზი ანატოლია იყო, რამდენადაც ისეთი სტრატეგიული მნიშვნელობის ციხესიმაგრეების აღებას, როგორცაა ყარსი, არტაანი, ბაიაზეთი, ერზურუმი, გადამწყვეტი მნიშვნელობა ჰქონდა ოსმალეთის დამარცხებაში არანაკლები როლი ენიჭებოდა კავკასიის შვიიზღვისპირეთის დაცვას და საბრძოლო მოქმედების განვითარებას ბათუმის მიმართულებით.

„რიონის რაზმის“ მეთაური გენერალი ივანე დიმიტრის ძე ოკლობოვი (1830-1884 წწ.). წარმოშობით სერბი ყოფილა. სხვათა შორის, ასევე სერბი იყო ოსმალთა ჯარის ბათუმის კორპუსის მეთაური ლევირიშ-ფაშა. ერთობ საინტერესოა მათი შეხვედრის ეპიზოდი ციხისძირში (1878 წ. 5 აპრილი). გ.წ. ვერეთელი, რომელიც ამ შეხვედრის თვითმხილველი იყო, ამ ამბავს ასე გადმოგვცემს: „ბრძოლის ველის ორი მოწინააღმ-

¹⁵ Мегрелидзе Ш.В. დასახ. ნაშრ., გვ. 41-43.

¹⁶ Война 1877 и 1878 гг., война в Азиатской Турции. под ред. Зыкова. С.-Пб., 1882, с. 95; Беляев Н.И. Русско-турецкая война 1877-1878 гг., М., 1958, с. 456-457.

დებე იჯდა ერთ საერთო მაგიდასთან. სჯა-ბაასს რვა კაცი ესწრებოდა. დევრიშ-ფაშა ოკლობუიოს პირდაპირ იჯდა; დროგამოშვებით ისინი მეგობრულ საუბარში სერბიულ ენასაც იყენებდნენ, რომელსაც ორივე მშობლიურ ენათ თვლიდა და ხანგრძლივი პრაქტიკის უქონლობის გამო თითოეული მათგანი ამ ენაზე ცუდად ლაპარაკობდა. მაგრამ, მიუხედავად ამისა, ამ ენაზე ლაპარაკის დროს ორივე რაღაც შინაგან ნათესაობას გრძნობდა და მათი დამოკიდებულება უფრო გულახდილი და გულწრფელი ჩანდა.¹⁷

ომის პირობებში აჭარლების განწყობას ასახავს გაზეთ „დროების“ კორესპონდენტის კ. მჭედლიშვილის სტატია „ქართველები ოსმალეთში“. ავტორის სიტყვით, აჭარლები იმედიანად უყურებენ ეროვნულ გამთლიანებას. ყოველ ნაბიჯზე გაიგონებთ: „ღეთით მალე შევეურთდებით ჩვენს თანამემამულეებსო“.¹⁸

ოსმალეთის მთავრობა მუსლიმანი და ქრისტიანი ქართველების დაპირისპირების, რუსეთის არმიისადმი სიძულვილისა და მტრობის გაღვივების მიზნით ყველა ხერხს მიმართავდა: შანტაჟს, მოსყიდვას, იდეოლოგიურ დამუშავებას, ძალადობას; საბოლოოდ, ოსმალებმა მაინც შეაკოწიწეს აჭარელთა რამდენიმე რაზმი, რომელთაც სათავეში გამუსლიმანებული ქართველი ფეოდალები ჩაუყენეს. მაგალითად, ქობულეთის რაზმში ხუთი ათასამდე კაცი შედიოდა. მას ოსმან და ალი ფაშა თავდგირიძეები მეთაურობდნენ; ჩაქეში ათასკაციან ადგილობრივ რაზმს სათავეში ედგა აქაური ბეგი ხუსეინ ბუჟანიძე; ზემო და ქვემო აჭარაში რეაათასკაციანი მილიციელთა რაზმის მეთაურობა შერიფ-ბეგ ხიმშიაშვილს დააქისრეს.¹⁹

ოსმალეთი დიდ იმედებს ამყარებდა ამ რაზმებზე, მაგრამ ამოდ. ბათუმის კორპუსის უფროსი დევრიშ-ფაშა ბეერს ეცადა შერიფ ხიმშიაშვილის რაზმი რუსეთის ჯარის წინააღმდეგ ბრძოლაში ჩაება, მაგრამ უშედეგოდ. პირიქით, შერიფ ხიმშიაშვილმა რუსეთთან გააბა საიდუმლო მოლაპარაკება. იგი რუსეთის სარდლობას აუწყებდა თავისი მოქმედების გეგმასა და ჩანაფიქრს. ოსმალებმა მისი პოზიცია ამოიცნეს, მოლაღატედ ჩათვალეს და სცადეს დაპატიმრება. შერიფ ხიმშიაშვილი ახალციხეში გადავიდა, ხოლო ცოლ-შვილი არტაანში გადამალა. მაშინ ფანატიკოსთა ბრბომ ხულოში მისი სახლ-კარი გადაწვა.

1878 წ. 19 ივნისს ახალციხეში გამართულ ერთ-ერთ სადილზე შერიფ ხიმშიაშვილმა ასე აღწერა ეს ამბავი: „დევრიშ-ფაშა მწერდა, რომ ახალციხეზე გაილაშქრეო, რას გაჩერებულხარ ერთ ადგილასო. ჯერ ვატყუებდი, რომ გზა მაქვს გამაგრებული, მერე დავიძირინე თავი აქედან, მაგრამ როცა რუსის ჯარი არტანუჯისაკენ გაეუშვი ხელუხლებლად, მაშინ კი სულ უფრო ეილო ეჭვი დევრიშ-ფაშამ. ახლა სხვა ოსტატობა ვიხმარე: ჩხუბი ავტეხე ქვემო და ზემო აჭარას შუა, წაეკიდე ისინი და ოთხი ბატალიონი იმათ დასამშვიდებლად გავგზავნე. დამრჩა ხუთი ბატალიონი. კიდევ ორი სხვაგან გავგზავნე და დამრჩა სამი ბატალიონი. ახლა კი მივწერე დევრიშ-ფაშას, რომ ამ სამი ბატალიონით წინ ვერ გავიწვიე, ისეუ აქ გაემაგრდებითქვა და ვიყავი, მაგრამ ბოლოს მაინც ეჭვი ჰქონდათ, კაცები მიდიოდნენ, ჩამასმინეს; იმას რუსისაკენ უჭირავს თვალიო და მეტი არ შემეძლო. ცოლ-შვილი არტაანში გავაგზავნე, მე კი ახალციხეში გამოვიპარე“.²⁰

¹⁷ გ.წერეთლის ბუბლიცისტკია. თბ., 1973, გვ. 130-131.

¹⁸ „დროება“, 3 სექტემბერი, 1877.

¹⁹ „დროება“, 7 სექტემბერი, 1878.

²⁰ „დროება“, 27 ივნისი, 1878; ს.მესხი, თხზ., ტ. 2, თბ., 1963, გვ. 400-409.

ოსმალთა ბატონობისაგან სამხრეთ-დასავლეთ საქართველოს განთავისუფლებაში მნიშვნელოვანი წვლილი შეიტანა აგრეთვე შავშეთის მმართველმა ნური ხიმშიაშვილმა.

სამწუხაროდ, აქაური პრივილეგირებული წოდების სოციერთი წარმომადგენელი ბოლომდე ერთგული დარჩა სულთნის მთავრობისა. მათ შორის იყვნენ ქობულეთელი ბეგები, ძმები ოსმან და ალი თავდგირიძეები.

აჭარის მოსახლეობა, მცირერიცხოვან ფანატიკოსთა გამოკლებით, რუსეთის არმიას სიმპათიით და პურმარილით ხედებოდა. ამის თაობაზე გაზეთი „დროება“ გადმოგვცემს: „თითქმის დღე არ გაივლის, რომ ქობულეთითგან არ მოვიდნენ ჩვენს ბანაკში... უბრალო მცხოვრებლები და არ მოიტანონ კარაქი, ერბო, გამომცხვარი პური და სხვა ხორაგეული და ხილეულობა რამდენიმე საათს რჩებიან ხოლმე ჩვენს ბანაკში, დიდის სიამოვნებით გვემასალათებიან (გვესაუბრებიან) სხვადასხვა ამბებზე და შემდეგ მეგობრულად გეშორდებიან და მიდიან“.²¹

საომარი მოქმედების დაწყების შემდეგ აქაური მოსახლეობა მასობრივად გადადიოდა რუსეთის მხარეს. მაგალითად, მუხახეტატეს ალების შემდეგ (1877 წ. 13 (25) აპრილი) ქობულეთელმა ყურშუმ ჭყონიამ თავისი რაზმით მიატოვა ალი და ოსმან-ფაშა თავდგირიძეების ბანაკი, გრიგოლ გურიელთან გამოცხადდა და რუსეთის ქვეშევრდომობა ითხოვა. მეორე დღეს რუსეთის მხარეს გადავიდა ქობულეთელთა 150-კაციანი რაზმი, რომელსაც ჭ. ჭყონიას მეგობარი შერიფ-აღა მეთაურობდა.²²

კიდევ მეტი, მებრძოლებთან ერთად რუსეთის მხარეს გადადიოდა მშვიდობიანი მოსახლეობაც, სხვათა შორის, ოჯახებთან ერთად. მაგალითად, ომის წინ ქობულეთიდან გურიის სოფელ ბაილეთში 200-მდე კომლი ჩასახლებულა ისინი მათივე თხოვნით სახალხო რაზმში ჩარიცხეს და ოსმალეთის წინააღმდეგ გამირულად იბრძოდნენ.²³ მაშინ ოსმალებმა აჭარლები მოლაღატებად მონათლეს და შეეცადნენ მშობლიური მიწა-წყლიდან მათ აყრას...²⁴

ომის პირველ პერიოდში (1877 წ. აპრილ-ივნისი) რუსთა არმიამ აქტიური შეტევითი ოპერაციები განახორციელა ფრონტის ყველა მიმართულებით. 1877 წ. აპრილში მან დაიკავა ბაიაზეთი, ყაღზევანი, ხოლო ორი დღის გააფთრებული ბრძოლის შედეგად 6(18) მაისს აიღო არტანანი. ოსმალეთის არმიამ დიდი ზარალი განიცადა. მხოლოდ არტანთან, რომელსაც 8-ათასიანი გარნიზონი იკავდა, ოსმალებმა 3 ათასი მებრძოლი დაკარგეს, ხოლო 300 კაცი ტყვედ ჩავარდა. არტანანის აღება იყო რუსეთის არმიის პირველი დიდი გამარჯვება 1877-1878 წლების ომში. ამ ოპერაციაში განსაკუთრებით გამოიჩინეს თავი ა. მუსხელიშვილისა და მ. ამირეჯიბის საჯარისო შენაერთებმა.²⁵

რუსთა შეტევის შეჩერების მიზნით ოსმალეთმა 1877 წ. აპრილის დამლევის აფხაზეთში გადმოსხა დესანტი (2000 კაცი) და ამ მხარის თითქმის ნახევარი დაიკავა, მაგრამ იმავე წლის ივლისში იგი სასტიკად დამარცხდა მდინარე მოქეთან. 20 აგვისტოს სოხუმშიც გაათავისუფლეს და აფხაზეთის ტერიტორია ოსმალებისაგან გაწმინ-

²¹ „დროება“, 23 ივლისი, 1878.

²² Макаев И.Р. Историческая записка I-й Гурийской пешей дружины. с. 51.

²³ შ.შვერდლიძე, სამხრეთ-დასავლეთ საქართველოს ისტორიიდან. გვ. 127.

²⁴ იქვე: Макаев И.Р., დასახ. ნაშრ., გვ. 51.

²⁵ Война 1877 и 1878 гг., т. III, под ред. Зыкова, СПб., 1882, с. 54-57.

დეს.²⁶ 1877 წ. შემოდგომაზე კახეთში დაბანაკებულმა რუსეთის ჯარმა, გენერალ ს. ანდრონიკაშვილის მეთაურობით, სასტიკად დაამარცხა ჩენეთისა და დაღესტნის მოლაშქრეები, რომლებიც ოსმალეთის დასახმარებლად ჩრდილოეთიდან დაიძრნენ.

ომის მეორე პერიოდში (1877 წ. ივნის-სექტემბერი) რუსთა არმია თავდაცვაზე გადავიდა აქტიური საბრძოლო ოპერაციები შეჩერდა. ორივე მხრიდან მიმდინარეობდა ძალების მოკრება ახალი შეტევისათვის. საომარი მოქმედებანი განახლდა 1877 წ. ოქტომბერში. 6(18) ნოემბერს კი, ათი დღის გააფრთხილებული ბრძოლის შედეგად, რუსთა ჯარმა ლორის-მელიქოვის სარდლობით აიღო ყარსი. აქ თავგანწირულად იბრძოდნენ ახალციხისა და თიანეთის სახალხო მოლაშქრეებმა. ოსმალეებმა დაკარგეს 2500 ჯარისკაცი და ოფიცერი, ტყვეთა სახით 17 ათასი კაცი, მათ შორის 5 ფაშა და 800 ოფიცერი. რუსეთის დანაკარგი მოკლულთა და დაჭრილთა სახით არ აღემატებოდა 2 ათას მებრძოლს.²⁷

სულ სხვა სურათი შეიქმნა ბათუმის მიმართულებით. ფრონტის ამ უბანზე ოსმალთა არმია 40 ათას კაცს ითვლიდა. მას უპირისპირდებოდა რუს-ქართველთა 25 ათასიანი ჯარი.²⁸ აქ შედიოდნენ როგორც რეგულარული სამხედრო შენაერთები, ისე სახალხო მოლაშქრეები. სერგეი მესხი, რომელიც გიორგი წერეთელთან ერთად ახლდა რუს-ქართველთა არმიას, წერდა: „ხუთი ათას კაცამდინ არიან მარტო მილიციონერები ჩვენის მხრით გაყვანილნი ბრძოლის ველზე; ისინი, რა თქმა უნდა, იომებენ, დანარჩენი ხალხი კი, სამხედრო კანონების ძალით, ბრძოლაში ვერ გაეგრევა დაუიარაღებელ ხალხს უფლება არ აქვს ხელი გაანძროს მტრის წინააღმდეგ.“²⁹

ომის წინ რუს-ქართველთა ჯარი განლაგებული იყო ოზურგეთში, წმინდა ნიკოლოზის საგუმბაგოზე (შეკვეთილში, ნატანებთან ახლოს), ნაგომარსა და ორპირში. ჯარებისა და საბრძოლო მასალების კონცენტრაციის მთავარ ცენტრად იქცა ოზურგეთი. რიონისპირა მხარის ჯარების შტაბი მარტის ბოლოს ქუთაისიდან ოზურგეთში გადმოიტანეს. საბრძოლო მზადებისათვის დიდი მუშაობა ჩატარდა გაამარგეს ოზურგეთის გარშემო მდებარე მალელობები, კერძო საცხოვრებელ სახლებში გახსნეს პოსპიტლები, მდინარე ბუჯუხე ააგეს ბურჯებიანი ხიდი და სხვ. გურიაში დაბანაკებულ ჯარს ოზურგეთის რაზმი ეწოდებოდა ამ რაზმში აქტიურად მუშაობდნენ გენერალ-მაიორები ლევან და დიმიტრი გურიელები.

1877 წ. 12(24) აპრილს, განთიადისას, რუს-ქართველთა ჯარმა გაარღვია ოსმალეთის დაცვა შეტევაზე გადავიდა ოზურგეთის რაზმის სამი კოლონა: წმინდა ნიკოლოზის საგუმბაგოდან (შეკვეთილ-ნატანებიდან) - მარჯვენა კოლონა, რომელსაც პოლკოვნიკი ი. აბაშიძე მეთაურობდა. შუათანა - გენერალ-მაიორ შელემეტიევის წინამძღოლობით ოჩხაშურისაკენ დაიძრა, ხოლო მარცხენა კოლონამ გენერალ-მაიორ დანიბეგოვის (დანიბეგაშვილი) მეთაურობით კურსი აიღო მდინარე ჩოლოქის საგუმბაგოსკენ.

ქართული ქვეითი რაზმის (დრუჟინის) შუა კოლონას ი. ჭავჭავაძე მეთაურობდა, ხოლო მარცხენა კოლონას - იესე გურიელი. გენერალი ი. ოკლობოვი და პოლკოვნიკი გ. ყაზბეგი შუა კოლონაში იყვნენ და საომარ ოპერაციას უშუალოდ ხელმძღვანე-

²⁶ Материалы для описания русско-турецкой войны 1877-1878 гг. на Кавказско-Малоазийском театре, т. VI, Тиф., 1910, с. 264.

²⁷ Война 1877-1878 гг., т. III, с. 410-416.

²⁸ Русско-турецкая война 1877-1878 гг., М., 1977, с. 119.

²⁹ მ.მესხი, თხზულებანი სამ ტომად, ტ. II, თბ., 1963, გვ. 310-311.

ღობდნენ. შუა კოლონაში იყენენ, აგრეთვე, საკორდონო ხაზის უფროსი პოლკოვნიკი გრიგოლ გურიელი და რაზმის კომენდანტი პოლკოვნიკი ა. მეფისოვი (მეფისაშვილი). გენერალ-მაიორ ლევან გურიელის (გრიგოლ გურიელის ძმა) რაზმს, რომელიც ოსურგეთში იყო დისლოცირებული, ევალებოდა გურიის დაცვა და ფრონტის სურგის გამაგრება.

რუს-ქართველთა ჯარმა უეცარი დარტყმით დაიკავე ქობულეთი და ონხამური. 13(25) აპრილს ლეღვა, ხოლო 14 (26) აპრილს მუხასესტატეც გაათავისუფლა მსხვერპლი ორივე მხარეს დიდი იყო. რუსეთის სარდლობა იძულებული გახდა შეტევა შეემურობინა, რათა განემტკიცებინა პოზიციები დაკავებულ ტერიტორიებზე. სათანადო მომზადების შემდეგ რუს-ქართველთა ჯარი მორიგ შეტევასე გადავიდა გენერალ დანიბეგაშვილის შენაერთმა, გენერალ შელემეტიევის რაზმთან ერთად, 29 აპრილს (11 მაისი) სოფელი ხუცუბანი აიღო. გურული დრუჟინის მეოთხე ასეულმა პორუნიკ ივანე მყაშვილის მეთაურობით, გ.ყაზბეგის რაზმთან ერთად, დაიკავე მდ. აჭყვასა და მდ. კინტრიშს შორის ტერიტორია.

ამ საბრძოლო ოპერაციების შემდეგ რუს-ქართველთა საჯარისო შენაერთებში საკადრო ცვლილებები განხორციელდა. 1877 წ. მაისში ოსურგეთის რაზმს დაერქვა ქობულეთის რაზმი, რომლის მეთაურად - დაინიშნა გენერალ-მაიორი დანიბეგაშვილი, ხოლო შტაბის უფროსად - პოლკოვნიკი გ. ყაზბეგი. რაზმი გაძლიერდა ახალი შენაერთებითა და საბრძოლო მასალებით. 16 (28) მაისს რუს-ქართველთა ჯარმა გაათავისუფლა სოფელი სამება და დაიკავე სტრატეგიულად ძალზე მნიშვნელოვანი მაღლობი სოფ. ზენითთან, მაგრამ მისი შენარჩუნება ვეღარ შეძლო.

რუს-ქართველთა ჯარმა გააძლიერა მზადება ციხისძირზე იერიშისათვის. პიატიგორსკიდან გადმოიყვანეს პოლკი, რომელსაც პოლკოვნიკი ნ. ბუჩკიევი (ბუჭკიაშვილი) მეთაურობდა და იგი რეზერვში ჩააყენეს. შეტევით ოპერაციისათვის გაამზადეს ორი რაზმი - მარცხენა და მარჯვენა კოლონები. მსხვერული სიმაშაცით გამოირჩეოდნენ გენერალ დანიბეგაშვილის და პოლკოვნიკ გ. ყაზბეგის სამხედრო შენაერთები. ქობულეთის რაზმის შესახებ გ. წერეთელი წერდა: „ამ რაზმში, თუმცა პირადი მამაცობა არ ფასდება, ეინაიდან სიმხდალე აქ წარმოუდგენელია, მაგრამ მათ შორისაც გამოირჩეოდნენ პირადი სიმაშაცით ქობულეთის რაზმის უფროსი გენერალი დანიბეგაშვილი და მისი შტაბის უფროსი პოლკოვნიკი გ. ყაზბეგი“.³⁰

ბრძოლებში განსაკუთრებით თავი გამოიჩინეს სახალხო რაზმელებმა. ბ. კოლუბიაკინის ცნობით, ისინი ფრონტის წინა ხაზზე იყენენ და ბრძოლის სიმძიმე თავიანთ მხრებზე გადაიტანეს გაბედულებითა და თავგანწირული ბრძოლით მათ რუსი ოფიცრები და ჯარისკაცები განცვიფრებაში მოჰყავდათ.³¹ მომორები აღტაცებული დარჩნენ, როდესაც გურიის დრუჟინის მეოთხე ასეულის წევრმა, ყირიმის ომის სამი ორდენის კავალერმა, გოგუაქემ ბრძოლის ველზე 14 წლის ვაჟიშვილი გამოიყვანა.³²

შემტევი ნაწილები ციხისძირთან ოსმალეთის მხრიდან დიდ წინააღმდეგობას წააწყდნენ. მართალია, ფრონტის ამ მონაკვეთზე ოსმალეებს ძალთა უპირატესობა ჰქონდათ, მაგრამ ამავე დროს რუს-ქართველთა წინსვლა შეაფერხა იმანაც, რომ რუსეთის სამხედრო სარდლობას ციხისძირისა და მისი მიდამოების შესახებ ზუსტი

³⁰ გ.წერეთელი, პუბლიცისტიკა, გვ. 59-60.

³¹ Колубякин Б. Кобулетский отряд, с. 179.

³² Макаев И.П., დასახ. ნაშრ., გვ. 67.

ტოპოგრაფიული მონაცემები არ გააჩნდა 1877 წ. 11(23) იენისის შეტევა ციხისძირთან წარუმატებლად და ამავე დროს დიდი მსხვერპლით დამთავრდა.

მეორე დღეს დიდი შეტაკება მოხდა სოფელ კვირიკეს მთაზე მსხვერპლი ორივე მხრიდან კელაე დიდი იყო. საერთოდ, 11-12 იენისის საბრძოლო ოპერაციების დროს რუსეთის მხრიდან ბრძოლის ველზე დაეცა 29 ოფიცერი და 885 ჯარისკაცი. ამის შემდეგ რუს-ქართველთა ჯარმა დატოვა ხუცუბანი, სამება, სხვა ადგილები და მუხახეტატეში დაბანაკდა. რიონისპირა მხარის არმიის შტაბი ოზურგეთიდან ადრინდელი დისლოკაციის ადგილას (ქუთაისი) გადავიდა.

მართალია, 1877 წ. საბრძოლო ოპერაციების დროს რუს-ქართველთა ჯარმა ბათუმი და აჭარა ვერ გაათავისუფლა, მაგრამ ბრძოლის ბედი იმავე წლის შემოდგომაზე გადაწყდა. რუსეთის არმიამ დიდი საბრძოლო წარმატებანი მოიპოვა ანატოლიაში. მან ოსმალეთი ბალკანეთშიც დაამარცხა. გააფრთხილები ბრძოლის შედეგად 1877 წ. 28 ნოემბერს (10 დეკემბერი) რუსთა არმიამ აიღო ბალკანეთის უპირველესი ციხესიმაგრე პლენა და საფრთხე შეუქმნა უშუალოდ კონსტანტინოპოლს.

მიუხედავად ამისა, კავკასიის არმიის სარდლობამ საჭიროდ ჩათვალა საბრძოლო ოპერაციების განახლება ბათუმის მიმართულებით. საამისო სამზადისსაც შეუდგნენ, თუმცა, ეს სულაც არ იყო საჭირო. 1877 წ. 15 ნოემბერს რუს-ქართველთა შენაერთებმა გენერალ-მაიორ დანიბეგაშვილის მეთაურობით სოფელი ხუცუბანი მეორედ დაიკავეს. ქობულეთის რაზმი შეივსო ცოცხალი ძალით, საბრძოლო იარაღითა და მასალებით.

კავკასიის არმიის სარდლობის საბრძოლო გეგმა ითვალისწინებდა მტრისთვის ზურგედან დარტყმას ეს ამოცანა დაეკისრა არტანანის რაზმს, რომელიც გენერალ კომაროვის ხელმძღვანელობით ჭოროხის ხეობის გზით ბათუმისაკენ მოემართებოდა. ეს ორი რაზმი გაერთიანდა გენერალ კომაროვის სარდლობით.

ციხისძირთან მეორე შეტევა 1878 წ. 18(30) იანვარს დაიწყო. რუს-ქართველთა მეწინავე ჯარი სამი კოლონისაგან შედგებოდა. მარცხენას გენერალი შელეშეტიევი მეთაურობდა, შუას - გენერალი დანიბეგაშვილი, ხოლო მარჯვენას - გენერალი შალიკოვი (შალიკაშვილი). რუს-ქართველთა ჯარი თავგანწირულად იბრძოდა, მაგრამ ეს ოპერაციაც ასევე წარუმატებლად დამთავრდა. მსხვერპლი კიდევ მეტი იყო, ვიდრე 1877 წ. 11-12 იენისის შეტევების დროს. აქ რუსეთმა დაკარგა ერთი გენერალი (შელეშეტიევი), 44 ოფიცერი და 1260 ჯარისკაცი. 1877-1878 წლების ბრძოლების დროს ქობულეთის მხარე მთლიანად გადაიბუგა, მოსახლეობის ნაწილი დაიხოცა, უმრავლესობა უსახლკაროდ დარჩა და თავშესაფარი სხვაგან გამონახა.

გ.წერეთელი წერდა: „იმ დროს კინტრიშის გამოღმა ქვეყანა, ოცდარვა ვერსი სიგანე და ოცდაათი ვერსი სიგრძე, ქობულეთის მხარე გავერანებული იყო. ხელის-გულსავე მოწმენდილი, მდიდარი სოფლების მაგივრად აქა-იქ ტიტეული ბუხრის მიღებს ამოწმთ თაყი, თითქოს საზოგადო აოხრების მღწმარე მოწმედ ყოფილიყვნენ დარჩენილი... აქა-იქ შიმშილით მოწაწკანე ძაღლები ნაოხარ სოფლებში დაწოლილიყვნენ, თითქოს იქ სურდათ სამარის გათხრა, ძველი პატრონისათვის ერთგულების დასამტკიცებლად. ისინი აქ უყარაულებდნენ გადახვეწილს, ან ჩვენი ტყვიით სადმე გაციებულს მეპატრონის ნაოხარს“.³³

ანატოლიასა და ბალკანეთში განცდილი დამარცხებების შემდეგ ოსმალეთს საომარი მოქმედების გაგრძელების უნარი აღარ შესწევდა. ასეთ ვითარებაში მან

³³ გ.წერეთელი, დასახ. ნაშრ., გვ. 230.

რუსეთს ზაეი შესთავაზა. 1878 წ. 19(31) იანვარს მათ შორის დროებითი შეთანხმება დაიდო. 9(21) თებერვალს ოსმალეთმა დათმო ერზურუმიც, რომელიც რუსეთის ჯარის მიერ ალყაშემორტყმული იყო. მოლაპარაკება სან-სტეფანოში გაგრძელდა და 1878 წ. 19 თებერვალს (3 მარტს) ორივე მხარემ ზავს ხელი მოაწერა. ამ ხელშეკრულებით აღიარეს სერბიის, ჩერნოგორიის, რუმინეთის დამოუკიდებლობა. ბულგარეთის ნაწილს ავტონომია ეძლეოდა ოსმალეთის მფლობელობაში, ხოლო მეორე ნაწილში დამოუკიდებელი სამთავრო იქმნებოდა.³⁴

ოსმალეთს რუსეთის სასარგებლოდ დიდი კონტრიბუციაც დაეკისრა - 1410 მლნ. რუბლი. მას კი, ფინანსური სიძნელეების გამო, ამ თანხის გადახდა არ შეეძლო. ამიტომ იგი, ნაწილობრივ, ტერიტორიის დათმობით შეიცვალა. აზიაში რუსეთის მფლობელობაში გადმოდიოდა ყარსი, ბაიაზეთი, ერზურუმი, ალაშქერტი, კოლა-არტანის, შავშეთ-იმერხეთი, ლივანა, არტანუჯი, ოლთისი, ტაოსკარი, მაჭახელი, ლაზისტანის ნაწილი, აჭარა-ბათუმი-ქობულეთი. ეს ტერიტორია მდინარე ჩოლოქიდან იწყებოდა და მდინარე ხოფამდე და სოღანლულის მთებამდე გადიოდა. ევროპაში რუსეთმა ბესარაბიის ნაწილი დაიბრუნა, რომელიც ყირიმის ომის შემდეგ დაკარგა. სან-სტეფანოს ხელშეკრულებით დადგინდა რუსეთის მფლობელობაში გადასული მოსახლეობის მუჰაჯირად წასვლის სამწლიანი ვადა რუსეთს ბოსფორისა და დარდანელის სრუტეებში თავისუფლად მიმოსვლის საშუალება ეძლეოდა.³⁵

რუსეთის ამ მიღწევებმა შეაშფოთა ევროპის სახელმწიფოები, ისინი საკმეში ჩაერივნენ და სცადეს მისი გამარჯვების გაქარწყლება. მათ რუსეთის წინააღმდეგ გააჩაღეს ცივი ომის ახალი კამპანია, რომელშიც ყველაზე მეტად ინგლისი აქტიურობდა. ამით წაქეზებული ოსმალეთი შეუდგა ახალი ომისათვის სამზადისს. ასეთ ეითარებაში რუსეთი იძულებით დათანხმდა ბერლინის კონგრესის მოწვევას და სან-სტეფანოს ხელშეკრულების გადასინჯვას.

ბერლინის კონგრესზე (1878 წ. I(13) ივნისი - I(13) ივლისი) რუსეთმა შეძლო სან-სტეფანოს ხელშეკრულების ძირითადი მუხლების შენარჩუნება. ტრაქტატით რუსეთი ოსმალეთს უბრუნებდა ბაიაზეთს, ერზურუმს, ალაშქერტს; ბათუმი პორტო-ფრანკოდ, ე. ი. თავისუფალ სავაჭრო ქალაქად ცხადდებოდა. სამაგიეროდ, კონგრესმა დაადასტურა რუსეთის შემადგენლობაში ყარსის, კოლა-არტანის, აჭარა-ტაო-კლარჯეთის, შავშეთ-იმერხეთის, ლაზისტანის ნაწილის, აგრეთვე ბესარაბიის გადასვლა.³⁶

ტრაქტატის მიუხედავად, ოსმალეთი აჭიანურებდა რუსეთისათვის აჭარისა და ბათუმის გადაცემას. ამ საკითხზე ქუთაისში 1878 წ. აგვისტოში რუსეთისა და ოსმალეთის წარმომადგენლობას შორის მოლაპარაკებაც გაიმართა რუსეთის სარდლობის მტკიცე მოთხოვნის შედეგად ოსმალეები იძულებულნი გახდნენ აჭარა დაეტოვებინათ.

ქობულეთში რუსეთის არმია 17(29) აგვისტოს შემოვიდა წინ მოუძლოდა გურიის სახალხო ლაშქარი. ადგილობრივი მოსახლეობის სახელით მათ მგზნებარე სიტყვით მიმართა გულო კაიკაციშვილმა:

„ჩვენო ქართველებო, ჩვენო ძმებო, ნათესაებო და ბიძაშვილებო, თქვენი ჭირიშუ, თქვენი, რომ ჩემმა თვალებმა დღეს თქვენ ჩვენი ძველი ძმებო... აქ ქობულეთში დაგინახათ. ემადლო ღმერთს და პატივს ვცემ მის განგებას, რომ ჩვენი და თქვენი

³⁴ Сборник договоров России с другими государствами 1856-1917 гг., М., 1952, с. 160-165.

³⁵ იქვე, გვ. 169-172.

³⁶ იქვე, გვ. 184-205; ბათუმის პორტო-ფრანკოს შესახებ იხ. აბუსერგულაძე, მ. სილორძე, პორტო-ფრანკო ბათუმში, ბათ., 1996.

ნატერა შესრულდა, ღმერთმა შეგვაერთა.

ეხლა ღვთის მე იმედი მაქვს, რომ რაკი ჩვენს ქვეყანაში ჩვენი ნამდვილი ძმები, ბიძაშვილები და ნათესავთაგან შემდგარი ქართველი ჯარი შემოვიდა... გაეძლიერდებით ჩვენ, ამაღლდებით სულით, გულით, თქვენც, ჩვენის დაახლოებით გაიხარებთ და მერე ჩვენის ასეთი შეერთებით და ამ ერთიანობის სიყვარულით აღსდგება და გაძლიერდება საქართველო... როგორც იყო იგი თამარ მეფის დროს. მაშ, გაუმარჯოს ჩვენ შემერთებას და თამარ მეფის დროის საქართველოს აღდგენას და გაძლიერებას.

ძმებო, ძია კაცობა და ჩვენი საყვარელო ქართველებო, გისურვებთ მშვიდობით შესვლას ბათუმის ქალაქში. ღმერთმა გააძლიეროს ქართველი მხედრობა.³⁷

ბათუმში რუსეთის საჯარისო ნაწილები სამი მხრიდან შემოვიდნენ: 25 აგვისტოს (6 სექტემბერს) ქობულეთიდან - კავკასიის არმიის მთავარსარდლის მოადგილის ნ. სვიატოპოლკ-მირსკის მეთაურობით, 30 აგვისტოს (11 სექტემბერს) - ართვინის გზით ჭოროხზე გამოვლით, გენერალ კ. კომაროვის, ხოლო 2(14) სექტემბერს ზემო აჭარიდან - გენერალ ტრეტიერის ხელმძღვანელობით.

მათ მოუძღოდა შემოერთებული მხარის მოსახლეობის დეპუტაცია ზემო აჭარიდან შერიფ ხიმშიაშვილის, ხოლო შავშეთ-იმერხევიდან - ნური ხიმშიაშვილის მეთაურობით. 1878 წ. 2(14) სექტემბერს რუსეთის ხელისუფლებამ მათთვის აზიციეს (დღეს ზვიად გამსახურდიას) მოედანზე სადილი გამართა.³⁸ გაზეთ „დროების“ კორესპონდენტის სიტყვით, ტოლუმბაშობა „იკისრა გენერალმა ხიმშიაშვილმა (შერიფ-ბეგმა), რომელმაც თავისი მახვილობით და აჭარული ბეგობით მთელი იმ მყოფნელები მადლობა დამსახურა... ბოლოს შეუდგა სხვა სადღეგრძელოებს და დაახლოვდა შემდეგი სიტყვებით: ესეც იმათი სადღეგრძელო იყოს, ვინც ამ ომში მონაწილეობა მიიღო და ჩვენ ძველი და ახალი განაწილებული ქართველები შეგვაერთა ვისურვოთ იმათი ბედნიერება და სიცოცხლე! არც ჩვენგან და ჩვენი შთამომავლობისაგან დაივიწყებული არ იქნება მათი შრომა და კაცობრიობა.“³⁹

ოსმალთა ბატონობისაგან ქართული მიწა-წყლის განთავისუფლება უდიდესი ისტორიული მნიშვნელობის მოვლენა იყო. ამით საქართველოს ეროვნულ-ტერიტორიული გამთლიანების გზაზე არსებითი გარდატეხა მოხდა. აღფრთოვანებული ილია ჭავჭავაძე 1879 წ. წერდა: „შარშანდელი წელიწადი ჩვენთვის ფრიად ღირსსახსოვარია: ჩვენი ძმები, ჩვენი სისხლხორცი, ჩვენთან ერთად „მებრძოლი შავი ბედისა“, ჩვენი გმირების ბუდე, ჩვენის უწინდელის განათლებისა და სწავლის აკვანი, ჩვენი ძველი საქართველო, - დღეს ჩვენ შემოგვიერთდა.“⁴⁰

ამასთან დაკავშირებით ამაღლელებელი შეკრება გაიმართა თბილისში მუხრანსკის სასახლეში 1878 წ. 20 ნოემბერს (2 დეკემბერს). მას 90 კაცი დაესწრო, მათგან 16 სამხრეთ-დასავლეთ საქართველოდან: შერიფ და ნური ხიმშიაშვილები, ხუსეინ აბაშიძე, ხუსეინ და ხასან ბეჟანიძეები, სული-ბეგ მაჭახელი (წულუკიძე), ახმედ-ეფენდი მარადიდელი, ოსმანდა მაკრიალელი, ემინ-ეფენდი მუფტი ზადე არტანუჯელი, პეტროს პუჩინიანი (ართვინიანი) და სხვ. პანკეტზე მგზნებარე ღრმა პატრიოტიზმით გამსჭვალული სიტყვები წარმოთქვეს გრიგოლ ორბელიანმა, აკაკი წერეთელმა, სერგეი მესხმა, დიმიტრი ყიფიანმა, ხუსეინ ბეჟანიძემ და სხვებმა. მოწო-

³⁷ აბსურგულაძე, გულო კაიკაცოშვილი, თბ., 1973, გვ. 3-4.

³⁸ Френкель А. Очерки Чурук-су и Батума. Тиф., 1879, с. 96.

³⁹ „დროება“, 8 სექტემბერი, 1878.

⁴⁰ ი. ჭავჭავაძე, თხზულებათა სრული კრებული, ტ. I, თბ., 1955, გვ. 18.

დებასავით გაისმა აკაკი წერეთლის სიტყვები: „...დღეს ჩვენ შეგვიძლია მივიდეთ ჩვენი წინაპრების საფლავებთან და ჩაეძახოთ, რომ მათი ანდერძი ჯერ კიდევ არ გაგვიფუჭებია!... ეს ანდერძი იყო: დედა ენა და ერთობა“.⁴¹

შეხვედრამ მნიშვნელოვანი როლი შეასრულა ქართველების სულიერი და ფიზიკური ერთიანობის განმტკიცებაში, მათ ეროვნულ გათვითცნობიერებაში. დაახლოებით ერთი წლის შემდეგ, შერიფ ხიმშიაშვილი თავის წერილში „გულწრფელი აღსარება“ წერდა, რომ ქართველმა საზოგადოებამ, მისმა მოწინავე რაზმმა „ისეთი საგრძნობი შთაბეჭდილება მოახდინეს ჩემს გულში, რომ ვერასოდეს ვერ დავივიწყებ ჩემს დღეობაში მე იმათ დიდ მოვალეობას, წრფელ კაცთმოყვარეობას და მიღებულეობას“.⁴²

სასიხარულო იყო, რომ ოსმალთა ბატონობაში მყოფმა ქართველებამ შეინარჩუნა ეროვნული სახე. რუსეთის სამხედრო კორესპონდენტი ა. ფრენკელი წერდა: „ორას წელწაღზე მეტია, რაც ისინი მოგეშორდნენ. იმათ შეიცვალეს სარწმუნოება, დაემორჩილნენ სხვა უცხო სახელმწიფოს, განსხვავებულ კანონებსა და წესებს, მაგრამ ერთი შეხედვა საკმაოა, რომ ამათში ახლაც ძველი, ნამდვილი ქართველები გამოიცინოს კაცმა: იგივე სახე, იგივე მიხრა-მოხრა, ხასიათი, ზნე, ჩეულება და სხვა ყველაფერი“.⁴³

დედასამშობლოსთან დაბრუნების შედეგად შემოერთებული მხარის ისტორიაში ახალი ხანა დაიწყო. ქართველი ხალხი ჩადგა მისი აღორძინების სამსახურში.

§ 2. რუსული მმართველობის სისტემა და მხარის კოლონიზაცია

რუსული მმართველობის სისტემა. ნებისმიერი იმპერიის ცენტრალური ხელისუფლება თავის პოლიტიკას დაპყრობილ ქვეყნებში საკუთარი მმართველობის სისტემით ახორციელებს. ასე იყო რუსეთშიც. იმპერიის მთავრობა კოლონიებს მართავდა საკმაოდ განშტოებული სამხედრო-პოლიციური აპარატით, რომლის შენახვისათვის არ იშურებდა სახსრებსა და საშუალებებს ადგილობრივ კოლონიურ მმართველობაზე დიდად იყო დამოკიდებული დაპყრობილი მხარეების რუსულ ორგანიზმთან ეკონომიკურად, სოციალურ-პოლიტიკურად და სულიერად შერწყმა.

რუსეთ-ოსმალეთის 1877-1878 წლების ომის შედეგად შემოერთებულ ქართულ ტერიტორიებზე ჩამოყალიბდა ორი ოლქი - ყარსისა და ბათუმის ყარსის ოლქში გაერთიანდა კოლა-არტანის, ოლთისი, აგრეთვე, ისტორიული სომხეთის მიწების ნაწილი. ბათუმის ოლქში - აჭარა, მაჭახელი, ბათუმ-ქობულეთი, ლივანა, შავშეთ-იმერხევი, არტანუჯი, ლაზისტანის ნაწილი (გონიო, სარფი, მაკრიალი, ლიმიანი).

ბათუმისა და ყარსის ოლქებს რუსეთისათვის განსაკუთრებული სამხედრო-სტრატეგიული მნიშვნელობა ჰქონდა ამიტომ 1878 წ. სექტემბერში შეიმუშავეს ამ ოლქების ტერიტორიულ-ადმინისტრაციული მოწყობის და სამმართველო აპარატის

⁴¹ „დროება“, 23 ნოემბერი, 1878; იხ. აგრეთვე, აკ.წერეთელი, რჩეული ნაწარმოებები ხუთ ტომად ტ. IV, თბ., 1990, გვ. 170; აბ.სურგულაძე, რ.სურგანიძე, შუქი ნათლისა, ბათ., 1990.

⁴² „დროება“, 11 ივლისი, 1879.

⁴³ Френкель А., დასახ. ნაშრ., გვ. 131-132.

სტრუქტურა 20 სექტემბერს კავკასიის არმიის მთავარსარდალმა მ. რომანოვმა დაამტკიცა დროებითი დებულება, რომლის თანახმად ბათუმის ოლქი დაიყო სამ ოკრუგად (ბათუმის, აჭარის, ართვინის) და ცხრა საპოლიციო უბნად.

თითოეულ ოკრუგში შედიოდა სამ-სამი უბანი: ბათუმის ოკრუგში - ბათუმის, კინტრიშის, გონიოს; აჭარისაში - ზემო აჭარის, ქვემო აჭარის, მაჭახლის; ართვინის ოკრუგში - არტანუჯის, შავშეთ-იმერხევისა და ართვინის საპოლიციო უბნები. ქალაქი ბათუმი, როგორც დიდმნიშვნელოვანი ნავსადგური, იყო ცალკე ტერიტორიულ-ადმინისტრაციული ერთეული და უშუალოდ გუბერნატორს დაექვემდებარა.⁴⁴

ყარსის ოლქი შედარებით დიდ ტერიტორიას მოიცავდა. ამიტომ იგი 4 ოკრუგად (ყარსის, ყალზევანის, არტაანის, ოლთისის) და 14 საპოლიციო უბნად დაიყო. აქედან არტაანის ოკრუგში იყო ოთხი საპოლიციო უბანი (არტაანის, ფოცხოვის, ჩილდირის, კოლას), ხოლო ოლთისისაში - ორი (ოლთისი, ტაოსკარი).

ბათუმის ოლქში, ისე როგორც ყარსისაში, შემოიღეს სამხედრო-საპოლიციო მმართველობა. ოლქის გუბერნატორი, ოკრუგების უფროსები და მათი თანამშემუშევები მხოლოდ კადრის სამხედროები უნდა ყოფილიყვნენ.

რუსული მმართველობის განმტკიცებისა და სრულყოფის მიზნით 1879 წ. 5 თებერვალს გამოვიდა ახალი დებულება. მის საფუძველზე გაფართოვდა ყარსისა და ბათუმის ოლქების სამხედრო გუბერნატორების უფლებამოსილებანი, სამხედრო-საპოლიციო მართვის სტრუქტურები, რამაც გააძლიერა და განამტკიცა მთელი აპარატი. მათ მოკლე დროში უნდა განეხორციელებიათ შემოერთებული მხარის კოლონიზაცია, რუსულ ორგანიზმთან მისი შერწყმით.

განსაკუთრებული სამხედრო-სტრატეგიული მნიშვნელობის გამო ოლქების მმართველობა უშუალოდ კავკასიის არმიის მთავარსარდალს დაექვემდებარა, მისგან იღებდა ინსტრუქციებს და მის წინაშე იყო ანგარიშვალდებული. 1879 წლის 5 თებერვლის დებულებით, სამხედრო გუბერნატორების მთავარი მოვალეობა გახდა მთავრობის საწინააღმდეგო გამოსვლების აღკვეთა და კოლონიური რეჟიმის დაცვა-განმტკიცება. ამ მიზნით, გუბერნატორებს უფლება მიეცათ შეექმნათ სამხედრო-საპოლიციო შენაერთები, კავკასიის უმაღლესი ხელისუფლების წინაშე დაეყენებიათ საგამგეო ოლქებიდან მთავრობის საწინააღმდეგო გამოსვლების მონაწილეთა გაძევების საკითხი და სხვ.

სამხედრო გუბერნატორებს მხოლოდ დაბალი თანამდებობების მოხელეთა დანიშვნის უფლება ჰქონდათ. მაღალი ჩინის მოხელეებს, კერძოდ, ოლქების სამხედრო კანცელარიის, სამხედრო-სამოქალაქო საქმეების გამგებლებს, ოკრუგების უფროსებს, გუბერნატორის წარდგინების საფუძველზე, ნიშნავდა კავკასიის მთავარმართებელი. ადგილობრივ მოსახლეობას იყენებდნენ მხოლოდ დაბალ სამოქალაქო სამსახურში დარჩით პოლიციელებად. დებულება აეალბდა ბათუმისა და ყარსის ოლქების სამხედრო გუბერნატორებს გამოეძენათ საჭირო მიწები და ეზრუნათ რუსული ახალშენების მოწყობისათვის.⁴⁵

1879 წ. სექტემბრიდან მოყოლებული, თანდათანობით ჩამოყალიბდა საოლქო მმართველობის სტრუქტურები: კანცელარია, სამხედრო და სამოქალაქო საქმეების გამგებლობა, სამშენებლო განყოფილება, პოლიცია, ჟანდარმერია, მომრიგებელი გან-

⁴⁴ ამხფ. ს. 64, ფურც. 5; „დროება“, 1 ოქტომბერი, 1878.

⁴⁵ სცსა, ფ. 13, ან. 7, ს. 2909, ფურც. 142-145.

ყოფილება, ნოტარიატი, სამედიცინო და ვეტერინარული ნაწილი, აგრონომიული სამსახური, ოკრუგებისა და საპოლიციო უბნების სამმართველო აპარატი.⁴⁶ ყველა უმნიშვნელოვანეს თანამდებობაზე რუსები დანიშნეს ბათუმის ოლქის პირველი სამხედრო გუბერნატორი იყო გენერალ-მაიორი კ. კომაროვი, რომელიც 1877-1878 წლების რუსეთ-ოსმალეთის ომის დროს სამხედრო შენაერთს მეთაურობდა კ. კომაროვმა ამ თანამდებობაზე მცირე ხანს დაჰყო. 1881 წ. აპრილში იგი გენერალმა სმეკალოვმა შეცვალა, რომელიც ბათუმის ოლქის გაუქმების შემდეგ (1883 წ.) ქუთაისის სამხედრო გუბერნატორად გადაიყვანეს.

შემოერთებულ რეგიონში მართლმსაჯულების ორგანოებიც მოეწყო იმპერიის კოლონიური ინტერესების შესაბამისად. ერთი მხრივ, შეინარჩუნეს მართლმსაჯულების არქაული ფორმები, რამდენადაც იგი ცარიზმის კოლონიურ ინტერესებს არ ეწინააღმდეგებოდა. მეორე მხრივ კი შემოიღეს რუსული კანონები და ახალი სასამართლო ორგანოები. იგი დაკანონდა კავკასიის არმიის მთავარსარდლის 1878 წ. 11 დეკემბრის დებულებითა და 1879 წ. 9 მაისის სპეციალური ინსტრუქციით. ამიერიდან ყარსისა და ბათუმის ოლქებზეც ვრცელდებოდა მთავრობის 1864 წ. 20 ნოემბრის სასამართლო დებულება და 1866 წ. 14 აპრილის კანონი ნოტარიუსის შესახებ. დაწესდა, რომ რუსული კანონებით გაარჩევდნენ, ძირითადად, სისხლის სამართლისა და იმ სასარჩელო საქმეებს, როდესაც ერთ-ერთი მოსარჩელე არამკვიდრი იყო.

ყარსისა და ბათუმის ოლქებში არ შექმნილა რუსეთის სასამართლოების ანალოგიური ორგანოები. მეფის მთავრობამ მოტივად გამოიყენა ის, რომ აქ ძველთაგანვე მოქმედებდა სიტყვიერი (ადათობრივი, სახალხო) სასამართლოები („სლოვესნი სუდ“). ამის მიუხედავად, მათ უფლებას არ აძლევდნენ განეხილათ სისხლის სამართლის, უძრავი ქონების შექმნა-გასხვისების საქმეები, რაც ქუთაისის გუბერნიის საოკრუგო სასამართლოს კომპეტენცია იყო.

მართალია, ბათუმის ოლქში 1879 წლიდან მომრიგებელი სასამართლო არსებობდა, მაგრამ ადმინისტრაციულად იგი ქუთაისის საოკრუგო სასამართლოს ექვემდებარებოდა. მისი უფლებამოსილება განისაზღვრებოდა წერილმანი საქმეების განხილვით. დამნაშავეს 2000 მანეთამდე დააჯარიმებდა, ანდა მიუსჯიდა 3 თვით პატიმრობას. ამიტომ ბათუმის ოლქის მცხოვრებთა საქმეების გარჩევა, ძირითადად, ქუთაისის სასამართლოში ხდებოდა, ყარსის ოლქის მოსახლეობისა კი - ერევანში. ამის გამო სასარჩელო საქმეებზე სიარული ერევანსა და ქუთაისში, ისიც მაშინდელ პირობებში, აუტანელი იყო. ამასთან, პროცესი მიმდინარეობდა რუსულ ენაზე, რომელიც ადგილობრივმა მოსახლეობამ არ იცოდა.⁴⁷

სიტყვიერი სასამართლოები წარსულში ცნობილი იყო მეჯლისის სახელით და მოსახლეობაში დიდი ავტორიტეტით სარგებლობდა. მართალია, დარღვევები და უსამართლობა მართლმსაჯულების ამ არქაულ ფორმაშიც იყო, მაგრამ სასარჩელო საქმეებს თვითონ ადგილობრივი მოსახლეობის წარმომადგენლები არჩევდნენ და ოსმალეთის მთავრობა მასში აშკარად ვერ ერეოდა. რუსეთის მთავრობამ კი ეს სასამართლოები თავის სამხედრო-საპოლიციო მმართველობას დაუმორჩილა და არარაობად აქცია.

ამის დასტურია მთავრობის საკანონმდებლო აქტივით და მოხელეების პრაქტი-

⁴⁶ Батумь и его окрестности. Бат., 1906, с. 465; სესსა, ფ. 1149, ან. 13, ს. 7, ფურც. 61-63.

⁴⁷ თ. ოქრმანიძე, რუსული მმართველობის სისტემა აპარა - ტაო-კლარჯეთში. ყურნ. „ჭოროხი“, 1996, №8, გვ. 131-132.

კული მოქმედებაც. კავკასიის არმიის მთავარსარდლის 1879 წ. 9 მაისის სპეციალური ინსტრუქციით ბათუმის ოლქში რვა სიტყვიერი სასამართლო შეიქმნა, განისაზღვრა მათი შემადგენლობა, უფლება-მოვალეობანი და საქმიანობის წესები.⁴⁸

ამ სასამართლოდან ერთი იყო საოლქო (ქბათუმში), ერთიც – საოკრუგო (დაბა ართენში), ხოლო ექვსი - საპოლიციო-საუბნო. საოკრუგო და საუბნო სასამართლოები პირველი ინსტანციის, ხოლო საოლქო სიტყვიერი სასამართლო – მეორე ინსტანციის ორგანოებად ითვლებოდა. სასარჩელო საქმეებზე საბოლოო სიტყვა კავკასიის არმიის მთავარსარდალს ეკუთვნოდა.

სიტყვიერი სასამართლოების თავმჯდომარესა და მოსამართლეს (ყადი) მთავრობა ნიშნავდა. მოსახლეობას უფლება ეძლეოდა მონაწილეობა მიეღო დეკუტატების არჩევაში, მაგრამ ფორმალურად არჩეული დეკუტატები მაშინ ითვლებოდნენ უფლებამოსილად, თუ მთავრობა დაამტკიცებდა. მაგალითად, საპოლიციო-საუბნო სიტყვიერი სასამართლოების დეკუტატებს ოკრუგის უფროსის წარდგინებით გუბერნატორი ამტკიცებდა. საუბნო სიტყვიერ სასამართლოში 3, ხოლო საოკრუგოში 4 დეკუტატს ირჩევდნენ სამი წლის ვადით.⁴⁹

როგორც წესი, სიტყვიერი სასამართლოების თავმჯდომარეები იყვნენ: საოლქოსი - სამხედრო გუბერნატორი, საოკრუგოსი - ოკრუგის უფროსი, უბნებში - საპოლიციო უბნის უფროსები. ფაქტობრივად, სასარჩელო საქმეებს ცარიზმის მოხელეები წყვეტდნენ. ოკრუგის მეჯლისის განაჩენი მაშინ შედიოდა ძალაში, როდესაც მას ოლქის სამხედრო გუბერნატორი დაამტკიცებდა.

საოლქო მეჯლისის გადაწყვეტილების მოქმედებაში შესვლისას გადამწყვეტი მნიშვნელობა ჰქონდა გუბერნატორის აზრს. იმ შემთხვევაში, თუ ის თანახმა არ იყო სასამართლოს განაჩენისა, გამოძიება თავიდან იწყებოდა და საქმეც ხელმოკრედ იხილებოდა. სასამართლოს გადაწყვეტილებას კი კავკასიის არმიის მთავარსარდალი ამტკიცებდა. საკუთრივ ბათუმის ოლქის სამხედრო გუბერნატორს უფლება ჰქონდა დამნაშავე თაეისი შეხედულებით დაესაჯა: სამი თვის ვადით დაეპატიმრებინა, ანდა 300 მანეთამდე დაეჯარიმებინა.⁵⁰

სასამართლო საქმეების გარჩევისას და განაჩენის გამოტანისას თეითნებობასა და განუკითხაობას ჰქონდა ადგილი. დაეით კლდიაშვილი აღწერს კავკასიის მოხელეების, კერძოდ, მთავარმართებელ გოლიციანის უშუალო მონაწილეობას ფირალების – მეველუდ დიასამიძისა და ილიას ხელაძის ბედის გადაწყვეტაში. მეველუდ დიასამიძე ადრე პოლიციელად მუშაობდა, ბრალად დასდეს ვინმე მგზაურის გაძარცვა იგი დააპატიმრეს, მაგრამ ციხიდან გაიქცა და ფირალად გაეარდა. მთავრობამ დაიჭირა და ბათუმში გაასამართლა.

დ. კლდიაშვილი იყო ამ პროცესის ერთ-ერთი თარჯიმანი. სასამართლოს თავმჯდომარეს დაეუალა მეველუდ დიასამიძისათვის სასიკედილო განაჩენის (ჩამოხრჩობა) გამოტანა, მაგრამ სასამართლომ ბრალდებულს მუდმივი პატიმრობა მიუსაჯა. ამ ფაქტზე გოლიციანი გააცოფა, პეტერბურგში უმაღლეს სასამართლოს განაჩენი შეაცვლევინა და მეველუდ დიასამიძეს ჩამოხრჩობა მიუსაჯეს.⁵¹

მმართველობის ყველა რგოლში საქმის წარმოება რუსულ ენაზე მიმდინარეობდა,

⁴⁸ Обзор Батумской области за 1903 год. Бат., 1904, с. 2-3.

⁴⁹ იქვე.

⁵⁰ სცხსა, ფ. 13, ან. 7, ს. 2909, ფურც. 142.

⁵¹ დ. კლდიაშვილი, ჩემი ცხოვრების გზაზე. ბათ., 1984, გვ. 31-32.

რაც მკვიდრი მოსახლეობის მდგომარეობას კიდევ უფრო ამძიმებდა. როგორც გაზეთ „დროების“ კორესპონდენტი აღნიშნავდა, აჭარის მოსახლეობა იმედით შეჰყურებდა ამ მხარეში რუსების შემოსვლას, მაგრამ მოლოდინი არ გაუმართლდა „ჩვენ არ მიგვიღეს არაეითარ სამსახურში, არ გეთელიან რუსეთის სხვა ქვეშევრდომების თანაბარ მოქალაქეებად, არ ვიცით რუსული ენა, რუსული კანონები და ამით უფრო დაჩაგრულები ვართ“.⁵²

ადგილობრივი მოსახლეობის შევიწროებით განსაკუთრებით გამოირჩეოდა ბათუმის ოლქის პირველი სამხედრო გუბერნატორი გენერალი კ. კომაროვი. იგი ფარულად თუ აშკარად ხელს უწყობდა აქაური მოსახლეობის აყრა-გადასახლებას, ე.წ. მუჰაჯირობას. სწორედ მისი მმართველობის დროს ჩაეყარა საფუძველი აჭარის კოლონიზაციას, არაქართველების მიერ ადგილი-მამულების შექმნას.⁵³

აღუქსანდრე მეორის მკვლელობის შემდეგ იმპერიაში გაძლიერდა პოლიტიკური რეაქცია. კავკასიის მეფისნაცვლის თანამდებობა მთავარმართებლის პოსტით შეიცვალა. 1883 წ. გაუქმდა ბათუმის ოლქი და მის ნაცვლად შეიქმნა ორი ოკრუგი - ბათუმისა და ართვინის, რომლებიც ქუთაისის გუბერნიას დაუქვემდებარეს ამ უკანასკნელს ამიერიდან სამხედრო გუბერნატორი მართავდა ასე იყო 20 წლის განმავლობაში.

რუსეთის იმპერიის სახელმწიფო საბჭოს 1903 წ. 17 მარტის დადგენილებით ამავე წლის პირველი ივლისიდან აღადგინეს ბათუმის ოლქი. ამჯერად იგი დაიყო ორ ოკრუგად და შეიდ საპოლიციო უბნად. ოლქს წინანდებურად განაგებდა სამხედრო გუბერნატორი. მისი უფლებები არ შემცირებულა პირიქით, რამდენადმე კიდევაც გაიზარდა. იგი თანამდებობით კავკასიის მთავარმართებლისა თუ მეფისნაცვლის მოადგილის დონეზე დარჩა.

ბათუმის ოლქის აღდგენის შემდეგაც, როგორც ადრე, სამხედრო გუბერნატორის, ოკრუგების უფროსების, მათი თანაშემწეების თანამდებობები კადრის გენერლებსა და ოფიცრებს ეკავათ. 1903-1905 წლებში ბათუმის ოლქის სამხედრო გუბერნატორად ფონ-პარკაუ მუშაობდა. 1906 წ. ოლქის გუბერნატორი იყო გენერალ-ლეიტენანტი მიხევეი. 1907 წ. იგი შეცვალა ბრომანოვსკი-რომანკომ, რომელმაც ამ თანამდებობაზე 1917 წლამდე დაჰყო.

1903 წლამდე ბათუმის ოკრუგის მმართველობაში თითო-ოროლა ქართველიც მონაწილეობდა. პირველ უფროსად გრიგოლ გურიელი დანიშნეს, რომელიც 1880 წ. აპრილში სამსონ ლორთქიფანიძემ შეცვალა. იგი ამ თანამდებობაზე თხუთმეტ წელზე მეტ ხანს მსახურობდა 1879-1900 წლებში ქვემო აჭარის საპოლიციო უბნის უფროსად იყო ამ მხარის მკვიდრი თუფან შერვაშიძე. XIX საუკუნის 80-90-იან წლებში ზემო აჭარის საპოლიციო უბნის უფროსად მუშაობდნენ: გ. ბერიძე, ს. ჯაფარიძე და მეფისაშვილი. ართვინის საპოლიციო უბნის უფროსები იყვნენ ახმედ ხალვაში, იასონ აბაშიძე, გონიოს უბნისა - ივანე მახვილაძე. 1903-1917 წლებში ქართველების გამოყენება უკვე იშვიათობაა. ერთადერთი პიროვნება, რომელიც 1910-1912 წლებში ზემო აჭარის საპოლიციო უბნის უფროსად მსახურობდა, იყო ჯემალ შერიფის ძე ხიმშიაშვილი.

რამდენადმე გამორჩეული იყო ქალაქ ბათუმის მართვა-გამგეობის სისტემა და ფორმა. ბათუმი 1878 წ. თავისუფალ სავაჭრო ქალაქად გამოცხადდა. ასე იყო 1886

⁵² „დროება“, 16 იანვარი, 1882.

⁵³ „დროება“, 29 აპრილი, 1881.

წლამდე. მეფის რუსეთის ხელისუფლებამ ბათუმის მართვა-გამგებლობის განსაკუთრებული წესები და სტატუსი შემოიღო. ქალაქი ოკრუგის შემადგენლობაში არ შედიოდა და საკუთარი ბიუჯეტი ჰქონდა. ბათუმზე დიდხანს არ გაერცვლებულა 1870 წ. საქალაქო თვითმმართველობის დებულება.

ბათუმს 1878-1888 წლებში მართავდა პოლიცემისტერი. მას ეხმარებოდა 4 დეპუტატი, რომელთაც ქალაქის მოსახლეობის ზედაფენები ირჩევდნენ. მათ რაიმე რეალური უფლებები არ გააჩნდათ. ქალაქის ცხოვრების ყველა საკითხს პოლიცემისტიერი წყვეტდა. დეპუტატების მოვალეობას შეადგენდა პოლიცემისტერისათვის დახმარების გაწევა გადასახადების გაწერა-აკრეფაში. ქალაქის პირველი პრისტავი და პოლიცემისტიერი იყო ქართველი დ. ჟურული, შემდეგ ამ თანამდებობაზე ეროვნებით რუსი, ვინმე ვოზნესენსკი დანიშნეს.

ბათუმელები 1885 წლიდან მოითხოვდნენ საქალაქო თვითმმართველობის შემოღებას. საამისოდ არაერთი თხოვნა მიართვეს როგორც ქუთაისის სამხედრო გუბერნატორს, ისე კავკასიის მთავარმართველსა და პეტერბურგის საიმპერატორო კარს. მხოლოდ 1888 წ. აპრილში დათანხმდნენ ბათუმში საქალაქო თვითმმართველობის შემოღებას, მაგრამ იგი მეტად შეზღუდული იყო. კერძოდ, ქალაქის სამშენებლო ნაწილი ქუთაისის გუბერნატორს დაექვემდებარა, ხოლო ქალაქის თავს პირველი ოთხი წლის განმავლობაში მთავრობა ნიშნავდა.⁵⁴

1888 წ. სექტემბერში მოეწყო ბათუმის საქალაქო თვითმმართველობის საკრებულოს არჩევნები. სათათბიროში აირჩიეს 36 ხმოსანი. გამგეობაში სამი კაცი შევიდა. ქალაქის თავად მთავრობის მოხელე კ. დ. გავრონსკი დაინიშნა. სათათბიროს არჩევნების დიდი ქონებრივი ცენზი იყო დაწესებული. ამით სავაჭრო-სამრეწველო ბურჟუაზია სარგებლობდა და სათათბიროში თავისი წარმომადგენლები გაჰყავდა.⁵⁵

ბათუმის სათათბიროს ხმოსნებმა ქალაქის თავის არჩევის უფლება 1894 წელს მიიღეს. ამ წელსვე, არჩევნებამდე, ქალაქის თავად კ. გავრონსკის ნაცვლად ა. კონდერი დაინიშნა. უფრო ადრე საქალაქო სათათბიროს არჩევნების დებულებაც შეიცვალა. 1894 წ. ოქტომბერში ბათუმის საქალაქო სათათბიროს მეორე არჩევნები გაიმართა (წესით უნდა გაემართათ 1892 წელს). უმრავლესობა ქართველებმა მიიღეს და ქალაქის თავად გაიყვანეს ლუკა ასათიანი, გამგეობის წევრებად - გრ. ვოლსკი, ი. ივანოვი, ხოლო მდიენად - ი. მესხი.

შემდეგში ბათუმის სათათბიროს არჩევნები ყოველ ოთხ წელიწადში ეწყობოდა. 1901 წ. ქალაქის თავის თანამდებობაზე ლუკა ასათიანი ივანე ანდრონიკაშვილმა შეცვალა, რომელიც ამ პოსტზე 1915 წლამდე დარჩა.⁵⁶ სათათბიროში ქართველები ყოველთვის უმრავლესობას შეადგენდნენ. ი. მესხი გამგეობის უცვლელი მდიენი იყო 1918 წლამდე.

მართალია, საქალაქო თვითმმართველობა, კერძოდ, სათათბირო რუსული მმართველობის სისტემის შემადგენელი ნაწილი იყო, მაგრამ სათათბიროში ქართველების აქტიური მონაწილეობა, ქალაქის თავად ქართველების არჩევა ამ ორგანოს ახლებურ იერსახეს აძლევდა. ბათუმის სათათბირო, განსაკუთრებით კი მისი გამგეობა, დიდ მუშაობას ეწეოდა ქალაქის მეურნეობის, განათლების, კულტურის განვითარები-

⁵⁴ ა. ბენდიანიშვილი, საქალაქო თვითმმართველობა და ბრძოლა მისი დემოკრატიზაციისათვის საქართველოში. თბ., 1982, გვ. 2, 258.

⁵⁵ იქნა- 88- 230-231.

⁵⁶ Памятная книжка гласных Батумской городской думы на 1914 год. Бат., 1915, с. 56-57.

სათვის.

სოფლად რუსული მმართველობის სისტემა 1900 წელს შემოიღეს მანამდე კი ყარსისა და ბათუმის ოლქებში სოფლის მმართველობის ოსმალური წესები არსებობდა. ოსმალთა ბატონობის დროს სოფელი იურიდიული ერთეული არ იყო და მმართველობის ორგანოები არ ჰქონდა. მუხტარი (მამასახლისი) სოფლად მხოლოდ გადასახადებს კრეფდა. იგი სახელმწიფო მოხელედ არ ითვლებოდა და არც ჯამაგირი ეძლეოდა.

1900 წ. 22 იელისს გოლიცინმა დაამტკიცა ყარსისა და ბათუმის ოლქების სასოფლო მმართველობის დებულება. ამიერიდან აღნიშნულ ოლქებში შემოდიოდა სასოფლო მმართველობის რუსული წესები და სისტემა. სასოფლო მმართველობა ორსაფეხურიანი იყო. პირველს სოფლის საზოგადოება შეადგენდა, რომელშიც ერთი ან რამდენიმე პატარა დასახლებული პუნქტი შედიოდა. მეორე იყო სასოფლო ოკრუგი. მასში რამდენიმე, ან ერთი დიდი სოფელი ერთიანდებოდა.⁵⁷

სოფლის საზოგადოების მმართველობის უმაღლესი ორგანო იყო კრება. მასში მონაწილეობდა სოფლის ყველა მუდმივი მცხოვრები, ირჩევდნენ მამასახლისს, მის თანაშემწესა და საგადასახადო საქმის მოხელეს, რომელთა კომპეტენციაში შედიოდა ადგილობრივი მნიშვნელობის მეორეხარისხოვანი საკითხების მოგვარება. მმართველობის ძირითადი რგოლი სასოფლო ოკრუგი იყო. მას სათავეში ედგა თავმჯდომარე (უფროსი), რომელსაც ერთი ან რამდენიმე მოადგილე ჰყავდა. სასოფლო ოკრუგის კრების წევრებად იყვნენ სოფლის საზოგადოებათა წარმომადგენლები. სასოფლო ოკრუგის მმართველობას თავისი ადმინისტრაციული აპარატი გააჩნდა (მდივან-მწერალი, სტრაჟნიკი და სხვ.), რაც სოფლის საზოგადოების მმართველობას არ ჰქონდა.⁵⁸

სასოფლო მმართველობის მთელი ხარჯები მოსახლეობას დააისრეს. იგი საკმაოდ დიდ თანხას შეადგენდა. ახალი მმართველობის შემოღებით სოფლად დამატებითი ბიუროკრატიული ბარიერები და სიძნელეები შეიქმნა. აქაური პირობები მთაგორიანი რელიეფი, უგზოობა, ერთმანეთისაგან დაშორებული მცირე დასახლებების სიმრავლე სიძნელეებს კიდევ უფრო ზრდიდა. 1906 წ. ყარსის ოლქში შედიოდა 812 სოფელი, სადაც ცხოვრობდა 296895 კაცი, ე.ი. მოსახლეობის საერთო რაოდენობის 93%. ოლქი 47 სასოფლო ოკრუგად და 200-ზე მეტ სოფლის საზოგადოებად დაიყო.⁵⁹

ბათუმის ოლქი ტერიტორიულად და მოსახლეობის რაოდენობით ჩამოუვარდებოდა ყარსის ოლქს. აქ 1906 წ. სოფლად 121 832 მცხოვრები ითვლებოდა (ბათუმის ოკრუგში - 63 414, ხოლო ართვინისაში - 58 418), მაგრამ რელიეფი უფრო რთული ჰქონდა და ერთმანეთს დაშორებული მცირე დასახლებული პუნქტები სჭარბობდა. ბათუმის ოლქში 462 სოფელი შედიოდა (ბათუმის ოკრუგში - 300, ართვინისაში - 162) და ადმინისტრაციულად 22 სასოფლო ოკრუგად და 108 სოფლის საზოგადოებად იყოფოდა.⁶⁰ თითოეულ საპოლიციო უბანში, კინტრიშის უბნის გამოკლებით, სამ-სამი სასოფლო ოკრუგი ირიცხებოდა.

საერთო შეფასებით რუსული მმართველობის წესები და სისტემა უფრო ბიუროკრატიული იყო, ვიდრე ოსმალური. ადრე ადგილობრივ პრივილეგიებულ წოდებას

⁵⁷ Положение о сельском управлении Карской области, Батумского и Артвинского округов Кутаиской губернии. Тиф., 1900, с. 1.

⁵⁸ იქვე, გვ. 2-3.

⁵⁹ Обзор Карской области за 1906 год, Карс, 1907, с. 3.

⁶⁰ КК на 1907 год. Тиф., 1906, с. 156-158.

ხელი მიუწვდებოდა მმართველობის სტრუქტურებში. ხიმშიაშვილებს, თავდგირიძეებს, აბაშიძეებს, ბეჟანიძეებს, ჯაყელებს საკმაოდ მაღალი პოსტები ეკავათ და სამხედრო-საპოლიციო ჩინებსაც ატარებდნენ.

ცარიზმის ბატონობის დროს ყარსისა და ბათუმის ოლქების გუბერნატორებად ქართველები საერთოდ არ ყოფილან. ოკრუგებისა და საპოლიციო უბნების უფროსებად კი - იშვიათად. ორმოცი წლის მანძილზე ოკრუგების უფროსად მხოლოდ ორი ქართველი მსახურობდა (გრიგოლ გურიელი და სამსონ ლორთქიფანიძე), საპოლიციო უბნების უფროსად შეიდი ქართველი (მეფისაშვილი, ბერიძე, ხალვაში, აბაშიძე, მახვილაძე, ხიმშიაშვილი, შერვაშიძე). მთავრობის აზრით, მკვიდრთა გამოყენება სახელმწიფო თანამდებობებზე საშიში და საზიანო იქნებოდა რეგიონის კოლონიზაციისათვის.

მხარის კოლონიზაცია. XIX საუკუნის ბოლოს რუსეთი მსოფლიოში ერთ-ერთ დიდ კოლონიურ სახელმწიფოდ ითვლებოდა. რუსეთ-ოსმალეთის 1877-1878 წლების ომის შედეგად ცარიზმმა ამიერკავკასიაში დამატებით 23.108 კმ² ტერიტორია შეიძინა აქედან 15.392 კმ² იყო საქართველოს ისტორიული მიწა-წყალი.⁶¹

ცარიზმი ყველა საშუალებით ცდილობდა არ დაეშვა ქართული მხარეების კონსოლიდაცია, მათი ერთიან ეროვნულ ორგანიზმად შექერა. ამიტომ სხვადასხვა კუთხის ქართველობას ერთმანეთს უპირისპირებდა. რუსეთის იმპერიის მოსახლეობის 1897 წ. აღწერის მასალებში შემოერთებული მხარის მოსახლეობა თურქებად იყო წარმოდგენილი.⁶² ოფიციალურ დოკუმენტებშიც კი ბათუმისა და ართვინის ოკრუგების ადგილობრივ მოსახლეობას ველურებსა და ფანატუკოსებს უწოდებდნენ.⁶³ ამავე დროს ცარიზმი აქაური მოსახლეობის მიმართ, პოლიტიკური მოტივაციით, გარკვეულ სიფრთხილეს იჩენდა: ნაკლებად ერეოდა მათ ყოფა-ცხოვრებაში, რელიგიასა და ადათ-წესებში, რათა ადგილი არ ჰქონოდა მუსლიმანი და ქრისტიანი ქართველების დაახლოებას.

ძალზე მნიშვნელოვანი იყო საქართველოს ეკონომიკური სარგებლობა რუსეთისათვის. მას, ამიერკავკასიის სხვა მხარეებთან ერთად, რუსეთისათვის უნდა გაეზავნა სამხრეთული პროდუქცია (აბრეშუმი, ბამბა). რუსეთის მფლობელობაში სამხრეთ-დასავლეთ საქართველოს გადასვლის შემდეგ კოლონიური პროდუქციის ასორტიმენტი გაიზარდა. ამიერიდან იგი რუსეთს ჩაის, ციტრუსებს, ზეთისხილს, თამბაქოს და სხვა პროდუქტებს მიაწვდიდა.

საქართველოს, კერძოდ, აჭარის მნიშვნელობა რუსეთის ეკონომიკურ ინტერესებში სატრანსიტო ეაჭრობითაც გამოირჩეოდა. იგი დასავლეთისა და აღმოსავლეთის დამაკავშირებელი იყო. ბათუმს, როგორც საზღვაო ჭიშკარს, იმპერიის ეკონომიკაში მნიშვნელოვანი ადგილი ეკავა.

ცარიზმის კოლონიურ პოლიტიკაში მთავარი ადგილი ეკავა მხარის ათვისებას. ცენტრალურ და ადგილობრივ ხელისუფლებას არაქართველი, კერძოდ, რუსი კოლონისტების ჩამოსახლება და მათთვის ახალშენების მოწყობა კოლონიური ბატონობის შენარჩუნებისა და განმტკიცების საფუძველად მიიჩნდა. ბათუმის ოლქის სამხედრო გუბერნატორი 1910 წ. კავკასიის მეფისნაცვალს სწერდა: „რუსეთის სახელმწიფო ინტე-

⁶¹ Обзор Карской области за 1906 год. Карс, 1907, с. 2-3; КК на 1902 год. Тиф., 1901, с. 28-29.

⁶² Первая всеобщая перепись населения российской империи 1897 г., Карская область. Тиф., 1904, с. 28-29; Кутаиская губерния. Тиф., 1905, с. 88-89.

⁶³ სკსსა, ფ. 229, ან. 2, ს. 1105, ფურც. 3; Обзор Батумской области за 1903 год. Бат., 1904, с. 1.

რესებიდან გამომდინარე, სასურველია, ადგილობრივი მოსახლეობის ემიგრაციაში წასვლა, უწინარესად იმ რაიონებიდან, სადაც კარგი ბუნებრივი-გეოგრაფიული და კლიმატური პირობები, მდიდარი წიაღისეულია“. ასეთ რაიონებად გუბერნატორი თვლიდა კინტრიშის უბანს, გონიოს უბნის სარფის სასოფლო ოკრუგს, ართვინიდან – მურღულის ხეობას. რუსები აქ უნდა დაეასახლოთ მტკიცედ მოფიქრებული გეგმით. ბათუმის ოლქის დანარჩენი ნაწილი კი მთაგორიანია, ძნელად მისასვლელია და ამდენად, ცხოვრებისათვის გამოუსადეგარია.⁶⁴

მთავრობამ კარგად იცოდა, რომ ამ მხარის პოლიტიკური დაპყრობა ჯერ კიდევ არ ნიშნავდა რუსულ ორგანიზმთან მის მიერთებას. ეს ამოცანა მაშინ გადაწყვეტოდა, როდესაც მას სოციალურ-ეკონომიკურად და დემოგრაფიულად აითვისებდა ხელი-სუფლავა ამას არც მალავდა იმპერატორი ნიკოლოზ I ამბობდა, რომ კოლონისტებს კავკასიაში უნდა განემტკიცებინათ ცარიზმის ბატონობა და უზრუნველყოთ ადგილობრივი მოსახლეობის სრული მორჩილება.⁶⁵ მეფისნაცვლის კანცელარიის 1845 წ. 29 ნოემბრის დოკუმენტში ნათქვამია: ამიერკავკასიაში რუსების ჩამოსახლება სასარგებლოა როგორც რუსეთის პოლიტიკური მფლობელობის განმტკიცების მიზნით, ისე სამრეწველო განვითარებისათვის.⁶⁶

კოლონიური ბატონობის განმტკიცებაში, უწინარესად, იგულისხმებოდა რუსული ენის, ფსიქოლოგიის, წესების დამკვიდრება.⁶⁷ რუსული ახალშენების მოწყობით საქართველოში დემოგრაფიული სიტუაცია მკვეთრად შეიცვლებოდა. ასეთ პირობებში უკიდურესად შეეწოვებებოდა ქართული ენის მოქმედების არეალი, მკვიდრი ეროვნების წინააღმდეგობაც ძალას დაკარგავდა და მათი დამორჩილება ადვილად მოხერხდებოდა.

ამიერკავკასიაში, კერძოდ, საქართველოში კოლონისტების ჩამოსახლება და რუსული ახალშენების მოწყობა XIX საუკუნის 10-იანი წლებიდან დაიწყო. 1817-1819 წლებში აღმოსავლეთ საქართველოში გერმანელთა 500,⁶⁸ ხოლო 1828-1829 წლების რუსეთ-ოსმალეთის ომის შემდეგ ოსმალეთიდან სომეხი და ბერძენი ეროვნების ექვსი ათასი კომლი ჩამოსახლდეს. ყველა ისინი მიწით უზრუნველყვეს, თან კრედიტებიც მისცეს.

XIX საუკუნის 30-იანი წლებიდან ინტენსიურად მიმდინარეობდა საქართველოში რუსების ჩამოსახლება. აქ იქმნებოდა სამიწათმოქმედო და სამხედრო კოლონიები. 1854 წ. ბოლოს საქართველოში 21 რუსული ახალშენი იყო (13 თბილისის, ხოლო 8 ქუთაისის გუბერნიაში). 1859 წლიდან რუსული სამხედრო ახალშენები სამხედრო უწყებებიდან სახელმწიფო ქონებათა უწყებას დაექვემდებარა. აქ მცხოვრები რუსები კი სახელმწიფო გლეხთა კატეგორიაში გადაიყვანეს.⁶⁹

რუსეთ-ოსმალეთის 1877-1878 წლების ომის შემდეგ გაიზარდა რუსეთის საკოლონიზაციო მიწები საქართველოში. ეს იყო ახალი რევოლუციის შემოერთების საფუძველზე შექმნილი მიწების ფონდი. მასში მუჰაჯირების მიწებიც შევიდა. მთავრობა მაშინვე შეუდგა ადგილ-მამულების სახაზინო საკუთრებაში გადარიცხვას და რუსუ-

⁶⁴ აშფ, ს. 220, ფურც. 41-42.

⁶⁵ Акты, т. 8, с. 381.

⁶⁶ Акты, т. 10, с. 110.

⁶⁷ Колониальная политика царизма в Азербайджане. I, М.-Л., 1936, с. 280.

⁶⁸ Акты, т. 8, с. 230-231; გამჯგვალაძე, გერმანელი კოლონისტები ამიერკავკასიაში, თბ., 1974, გვ. 77-

⁶⁹ Акты, т. 12, с. 1349.

ლი ახალშენების მოწყობას.

კაეკასიის არმიის მთავარსარდლის ნ. სვიატოპოლკ-მირსკის 1879 წლის 5 თებერვლის ინსტრუქცია ავალებდა ყარსისა და ბათუმის ოლქების სამხედრო გუბერნატორებს განსაკუთრებული მზრუნველობა გამოეჩინათ ამ მხარეებში საკოლონიზაციო მიწების შერჩევისა და რუსი ეროვნების მოსახლეობის ჩამოსახლებისათვის. ამასთან, მთავარსარდალი ითვალისწინებდა მკვიდრი მოსახლეობის მცირემიწიანობას და მოსალოდნელი გართულებების თავიდან ასაცილებლად გუბერნატორებს ურჩევდა საკოლონიზაციო მიწების შერჩევისას არ შეეღახათ ადგილობრივ მცხოვრებთა უფლებები.⁷⁰

მცირემიწიანობის მიუხედავად, ბათუმის ოლქში რუსული ახალშენების მოსაწყობად მიწები მაინც გამონახეს. აქ პირველი რუსული ახალშენი 1881 წ. მოეწყო ქობულეთის მახლობლად, ფიჭვნარში. მისთვის 2440 დესეტინა შეარჩიეს. მას სმეკალოკა ეწოდა (ბათუმის ოლქის სამხედრო გუბერნატორის ა. სმეკალოვის პატივსაცემად).

სმეკალოკაში რუსი მოახალშენეების პირველი ჯგუფი, სულ 114 ოჯახი, 1881 წ. ჩამოსახლდეს. თითოეულ კომლს ოფიციალურად 14 დესეტინა სავარგული გადასცეს, გამოუყვეს საერთო სარგებლობის საძოვრები და სათიბები. სახელმწიფო ფინანსურადაც დაეხმარა. 1884 წელს მოახალშენეებს 4991 რუბლი, ხოლო 1900 წ. - 2150 რუბლი სანუქრად გადასცეს. ასეთი დახმარება მომდევნო წლებშიც გრძელდებოდა.

რუსი ტლეხები პირველ წლებში ვერ შეგუვნენ აქაურ კლიმატურ პირობებს (მაღალი ტენიანი ჰავა, მაღარიის საშიშროება) და მათი დიდი ნაწილი უკან გაბრუნდა. 1897 წ. სმეკალოკაში 49 კომლია დარჩა.⁷¹ მალე აქაურობას კოლონისტების ახალი ტალღა მოასკდა. უკვე 1917 წ. ბოლოს სმეკალოკაში 234 კომლი (1031 სული) მოახალშენე სახლობდა.⁷² ეს სოფელი აჭარაში ყველაზე მსხვილი კოლონისტური დასახლება იყო.

ფიჭვნარში რუსული ახალშენის შექმნას ქართული პერიოდიკაც გამოეხმურა. გაზეთი „ივერია“ ერთ-ერთ თავის კორესპონდენციაში მიუთითებდა, უკვე ექვსი წელია ჩურუქ-სუში (ქობულეთი) ახალშენი აქეთ რუსებს, სადაც 100-მდე კომლი სახლობს.⁷³

აჭარაში მეორე რუსულ ახალშენს 1892 წელს ჩაეყარა საფუძველი ბათუმის შემოგარენში (ბარცხანა). მას „ხოლოდნაია სლობოდა“ შეარქვეს აქ დასახლებულ რუს მოახალშენეებს მუჰაჯირებისა და სახაზინო მიწები გადასცეს.⁷⁴

XIX საუკუნის 90-იან წლებში რუსეთის მთავრობის მოხელეებმა დეტალურად შეისწავლეს ბათუმის ოლქში რუსული ახალშენების შექმნის შესაძლებლობანი. ზღვისპირა ზოლის გარდა, ისინი ეწვივნენ ზემო და ქვემო აჭარას, მაჭახელს, შავშეთ-იმერხეეს, ლივანას, არტანუჯს, მაგრამ კოლონისტებისათვის თავისუფალი მიწები ვერ აღმოაჩინეს. მიწათმოქმედებისა და სახელმწიფო ქონებათა სამინისტროს რწმუნებული კაეკასიაში 1898 წლის 21 ოქტომბერს მთავარმართებელს მოახსენებდა, რომ აქ ახალშენების შექმნისათვის თავისუფალი მიწები არ მოიპოვებოდა.⁷⁵

სამაგიეროდ, ნაყოფიერი მიწების სიუხვით გამოირჩეოდა ყარსის ოლქი. 1880-

⁷⁰ სცსსა, ფ. 13, ან. 7, ს.2909, ფურც. 145.

⁷¹ ამხფ, ს. 172, ფურც. 12-15, 186.

⁷² იქვე, ს. 216, ფურც. 13.

⁷³ „ივერია“, 17 მაისი, 1887.

⁷⁴ ამხფ, ს. 235, ფურც. 45-46.

⁷⁵ სცსსა, ფ. 12, ან. 11, ს. 2011, ფურც. 116-117.

1903 წლებში აქ ხუთი რუსული კოლონია შეიქმნა (გიულგერანი, ოდინცოვსკი, პლოდოროდნენსკი, გოლიცინსკი, პეტროპავლოვსკი), სადაც 1365 მოახალშენე ცხოვრობდა მათ 8358 დესეტინა ნაყოფიერი მიწა გამოუყვეს, ერთ კომლზე საშუალოდ 61,3 დესეტინა ყველაზე მსხვილი დასახლება იყო ოდინცოვსკი და პლოდოროდნენსკი. პირველს მთავრობამ გადასცა 2120 დესეტინა, რომელზეც 397 მოახალშენე მოეწყო. მეორეში 381 კოლონისტი ჩამოსახლდა მათ 2429 დესეტინა მიწა გამოუყვეს.⁷⁶

რუსული ახალშენების ნაირსახეობას წარმოადგენდა საუფლისწულო მამულები. რომანოვების საგვარეულომ საქართველოში დიდძალი მიწები იგდო ხელთ და მსხვილი მეურნეობები მონაწყო. ამ მამულების სამმართველო აპარატის მოსამსახურენი და მუდმივი მუშახელის ნაწილი ძირითადად რუსები იყვნენ. ჩაქვის საუფლისწულო მამულში 100-მდე რუსი ეროვნების ოჯახი ჩამოსახლდა.

საიმპერატორო კარი, მთავრობის უმაღლესი და ადგილობრივი მოხელეები მიიხრუშნენ უკმაყოფილებას გამოთქემადნენ საქართველოს კოლონიზაციის დაბალი ტემპების გამო. ისინი წუხდნენ მიწის ფონდის სიმცირის გამოც. ეს ყველაზე მეტად ბათუმის ოლქზე ითქმის. 1898 წ. 6 აგვისტოს გოლიცინი იმპერიის ფინანსთა მინისტრს მოახსენებდა: ამიერკავკასიაში რუსების ჩამოსახლების შესახებ ზემდგომი ორგანოების დავალების შესრულებას მზრუნველობას არ ეაკლებ, მაგრამ დიდ დაბრკოლებებს ეაწყდები თავისუფალი მიწის ფონდის სიმცირის გამო. ამიტომ რუსების დასახლებლად კერძო მფლობელთა მიწები უნდა გამოიყენოთ. აქაური თავადაზნაურების მიწები, - განაგრძობდა გოლიცინი, - სომეხი ეროვნების ეაჭარ-მრეწველების ხელში გადადის. აუცილებელია ამ მიწების დასაკუთრება. ამისათვის საჭიროა თბილისში გაიხსნას რუსეთის სახელმწიფო საგლეხო ბანკის განყოფილება, რომელიც მიწებს შეიძენდა და რუს გლეხებს დაასახლებდა.⁷⁷

გოლიცინის მმართველობის დროს ამიერკავკასიაში, კერძოდ, საქართველოში, რუსი კოლონისტების ჩამოსახლების საქმე უფრო ორგანიზებულად წარიმართა. 1899 წ. მთავარმმართველის ადმინისტრაციასთან შეიქმნა სპეციალური საგადასახლებო სამმართველო. მას კავკასიის ყველა რაიონში ჰყავდა თავისი წარმომადგენელი, ე.წ. აგენტი. რუსული ახალშენების მოწყობის სპეციალური დებულებაც კი შეიმუშავეს მას საფუძვლად დაედო კავკასიის მეფისნაცვლის ი. ვორონცოვ-დაშკოვის 1907 წ. 13 თებერვლის ცირკულარი.

ამ დებულებით წინასწარ სწავლობდნენ ახალშენების შექმნისათვის საჭირო მიწის ნაკვეთებს, მათ ვარგისიანობას, მოახალშენეთა მეურნეობის მოწყობის, საცხოვრებელი სახლებისა და სხვა ნაგებობის მშენებლობის, გზების გაყვანის, წყლითა და ინვენტარით უზრუნველყოფის საკითხებს.⁷⁸ 1906 წ. თბილისში საგლეხო ბანკის განყოფილებაც გაიხსნა, რომელიც მიწების შექმნისათვის სესხს იძლეოდა, მაგრამ რევოლუციური მოძრაობის გაელენით მთავრობა კრედიტს მარტო რუსებს ვეღარ აძლევდა. ამით სხვა ეროვნების წარმომადგენლებიც სარგებლობდნენ.

კავკასიის კოლონიზაცია კიდევ უფრო დაჩქარდა ვორონცოვ-დაშკოვის მმართველობის დროს. კავკასია დაიყო ხუთ ქვერაიონად (ჩერნომორსკის, სოხუმის, ბაქო-დაღესტნის, ყუბან-თერგის, ელიზაუეტპოლის), სადაც საგადასახლებო სამმართველოს სპეციალური განყოფილებები შეიქმნა. თბილისის და ერევნის გუბერნიებში, ყარსისა

⁷⁶ სცსსა, 12, ან. 3, ს. 147, ფურც. 229.

⁷⁷ ა.ბენდიანიშვილი, აგრარული ურთიერთობანი საქართველოში, თბ., 1965, გვ. 145.

⁷⁸ Обзор переселенческого дела на Кавказе за пятилетие 1908-1912 гг. С.-Пб., 1913, с. 2.

და ბათუმის ოლქებში ასეთი ქვერეაიონების შექმნა საჭიროდ არ ჩათვალეს. აქ რუსული ახალშენების მოწყობისათვის სპეციალურ მოხელეებს აგზავნიდნენ.⁷⁹

საგადასახლებო სამმართველოს მოხელეებმა საგუბერნიო, საოლქო ადმინისტრაციასთან თანამოქმედებით გამოახეს მნიშვნელოვანი საკოლონიზაციო მიწები. კავკასიაში 1908-1912 წლებში რუსული ახალშენები მოეწყო 277 601 დესეტინაზე, სადაც 50 000 კოლონისტი დასახლდა. ეს საგრძნობლად აღემატებოდა იმ საკოლონიზაციო მიწების ოდენობას, რაც გამოიყო წინა 107 წლის განმავლობაში. მიუხედავად ამისა, კავკასიის მეფისნაცვალმა მინც უკმაყოფილო იყო. იგი, ისევე როგორც თავისი წინამორბედნი, უჩიოდა თავისუფალი სავარგულების სიმცირეს.⁸⁰

რუსული ახალშენების მოწყობისათვის მთავრობა დიდძალ თანხებსაც ხარჯავდა. მიუხედავად იმისა, რომ ფინანსურად უჭირდა, 1908-1912 წლებში ხაზინამ ახალშენებში გზების მშენებლობაზე მილიონ რუბლზე მეტი გაიღო, ხოლო კოლონისტებს საჩუქრად გადასცა 436 ათასი რუბლი.⁸¹

საქართველოში ფართო მასშტაბის კოლონიზაცია გაიშალა ყარსის ოლქსა და სოხუმის ოკრუგში. ყარსის ოლქში 1908-1912 წლებში რუსული კოლონიების მოსაწყობად შეარჩიეს 42 509 დესეტინა, ხოლო სოხუმის ოკრუგში - 31 ათასი დესეტინა. საგულისხმოა, რომ მეფის მთავრობა განსაკუთრებულ ინტერესს იჩენდა აფხაზეთის კოლონიზაციისადმი. 1908-1912 წლებში აქ 38 რუსული დასახლება შეიქმნა. მხოლოდ 3 წლის (1910-1912) განმავლობაში აფხაზეთში 688 რუსი მოახალშენე ოჯახი (2036 სული) ჩაასახლეს.⁸²

საკოლონიზაციო მიწები ბათუმის ოლქშიც გამოძებნეს, მიუხედავად იმისა, რომ იგი ვეღლაზე უფრო მცირემიწიანი იყო. 1909 წ. აქ 2 485 დესეტინა საკოლონიზაციო ნაკვეთები შეარჩიეს.⁸³ მდინარე კინტრიშის დაბლობში, ყოროლისწყლის ხეობაში, ჭოროხის ორივე ნაპირზე ერგედან დაწყებული ზღვისთან შესართავამდე განლაგებულ სოფლებში (თხილნარი, ჭარნალი, ახალსოფელი, გონიო) კოლონისტების ჩასახლებისათვის საქმარისი ნაყოფიერი მიწები გამოყვეს ახალსოფელსა და დონგუზადაში (მდინარე ჭოროხის შესართავის მარცხენა სანაპირო) რუსული ახალშენების მოწყობის მიზნით ჯერ კიდევ 1899 წ. 580 დესეტინა მიწა შეარჩიეს და 69 არაქართველი კოლონისტი ჩამოასახლეს. 1914 წ. აღნიშნულ ტერიტორიაზე ძირითადად სექტანტები და ბაპტისტები სახლობდნენ.

ყოროლისწყლის ხეობის (ბათუმის შემოგარენი) ხუთ სოფელში (ყოროლისთავი, ორთაბათუმი, აგარა, კაპრეშუმი, ყარადერე), ადგილობრივი მოსახლეობის შევიწროების ხარჯზე, 567 კოლონისტს 1151 დესეტინა გადასცეს. მოტივად ის გამოიყენეს, რომ ბათუმის კლიმატური პირობები მათთვის აუტანელია და ჯანმრთელობის გაჯანსაღებისათვის სოფლის აგარაკები ესაჭიროებოდათ.⁸⁴ სინამდვილეში კი ეს იყო კოლონიური პოლიტიკით ნაკარნახევი ღონისძიება.

900-იან წლებში ბათუმის შემოგარენშივე, მდინარე ჭოროხის შესართავის მარჯვენა მხარეს, შეიქმნა ახალშენი ალექსეევკა, სადაც 1917 წ. 46 კომლი (117 სული) ცხოვრობდა. ამავე ხანაში ქობულეთის მახლობლად, ზღვისპირა ზოლში, მოეწყო

⁷⁹ იქვე, გვ. 10-12.

⁸⁰ იქვე, გვ. 4, 36.

⁸¹ იქვე, გვ. 10-12.

⁸² იქვე, გვ. 2, 6, 24-26.

⁸³ იქვე, გვ. 26.

⁸⁴ სკისა, გვ. 12, ან. 3, ს. 28, ფურც. 9-11; გვ. 243, ან. 10, ს. 29, ფურც. 92; ამხფ., ს. 235, ფურც. 40-46, ს. 235.

ახალშენი კომაროვკა (ბათუმის ოლქის პირველი გუბერნატორის გენერალ კ. კომაროვის საპატივცემულოდ), რომელიც შედარებით მოზრდილი დასახლება იყო. აქ 1917 წ. 106 კომლი (362 სული) ცხოვრობდა.⁸⁵ 1912 წ. ქობულეთის მახლობლად კიდევ ერთი რუსული ახალშენი შეიქმნა, რომელსაც რომანოვკა ეწოდა (ეს სახელწოდებაც ბათუმის ოლქის გუბერნატორს რომანოვსკი-რომანკოს უკავშირდება).

აჭარაში, რუსული ახალშენების გარდა, არაქართველი ეპარ-მრეწველების, მეფის რუსეთის ჩინოვნიკების, კადრისა თუ თადარიგის სამხედრო პირების აგარაკ-დასახლებები მოეწყო ვრცელი ბალ-პარკებით (მახინჯაურში, მწვანე კონცხზე, ციხისძირში, ჩაქეში, კაპრეშუშში, სალიბაურში, ყარადერეში (განთიადი), ახალშენში, ანგისაში და სხვ.). 1905 წ. ციხისძირში არაქართველების 85, ხოლო მახინჯაურში - 70 ოჯახი ცხოვრობდა. 1914 წ. მწვანე კონცხზე 195, ჩაქეში კი 840 მოახალშენე აღირიცხა, რაც აღნიშნული სოფლების მკვიდრ მოსახლეობას საგრძობლად აღემატებოდა.⁸⁶

აჭარის ზღვისპირა ზოლში შექმნილ მამულებში მოახალშენებმა ჩაისა და სუბტროპიკული კულტურების მეურნეობები მოაწყვეს. მსხვილი კაპიტალისტური მეურნეობები ჰქონდათ საუფლისწულო უწყებას, კ. პოპოვს, ე. ბიხოვეცევს, მ. პასეკს, ა. სობეცკის, ა. სტოიანოვს და სხვებს ნიშანდობლივია, რომ მთავრობა ადგილობრივ მოსახლეობას მამაპაპისეულ ადგილ-მამულებზე ედავებოდა, მათ საკუთრების უფლებას არ აღიარებდა. კოლონისტებს კი შექმნილი მიწები კერძო საკუთრებაში დაუმტკიცა, რასაც საფუძვლად ის დაუდო, რომ ეს მიწები კულტურულ ნაკეთებად აქციეს. გააშენეს ჩაი, ციტრუსები, სხვა სუბტროპიკული კულტურები. რა თქმა უნდა, ამ კონკრეტულ შემთხვევაშიც საიმპერატორო კარი კოლონიური ინტერესებიდან გამოდიოდა.

საქართველოს კოლონიზაციის შედეგად დიდძალი ადგილ-მამულები მოექცა არაქართველების ხელში. მარტო აჭარის ზღვისპირა ზოლში კოლონისტებმა 70 000 დესტინა დაისაკუთრეს.⁸⁷ ამან საგრძობლად შეცვალა დემოგრაფიული სიტუაციაც. 1800 წ. საქართველოს საერთო მოსახლეობის 80% ქართველი იყო, 1865 წ. - 73,8%, 1897 წ. - 69,4, ხოლო 1926 წ. - 66,8%.⁸⁸ ამრიგად, საქართველოს კოლონიზაციის შედეგად არაქართველებმა ქვეყნის საერთო მოსახლეობის მესამედს გადააჭარბეს.

კოლონიზაციის შედეგად ქართველი მოსახლეობა მკვეთრად შემცირდა მესხეთ-ჯავახეთში, ქვემო ქართლში, აფხაზეთში, აჭარაში. 1914 წ. 1 იანვრის მონაცემებით აჭარის (ბათუმის ოკრუგის) მოსახლეობა 134 226 სულს ითვლიდა აქედან 46 589, ე.ი. საერთო რაოდენობის 35%-მდე არაქართველი იყო: რუსები 22 383 (17%), სომხები - 18 853 (14%), და სხვები - 5 353 (4%).⁸⁹

ამის შედეგად ბათუმი ტიპურ კოლონიურ ქალაქად გადაიქცა 1878-1914 წლებში მისი მოსახლეობა თითქმის 11-ჯერ (3 ათასიდან 32038 სულამდე) გაიზარდა, მაგრამ ქართველები მხოლოდ 9919 სულს (საერთო რიცხვის მესამედზე ნაკლებს) შეადგენდნენ. მოსახლეობის ორი მესამედი (20048 სული) რუსები და სომხები იყვნენ.⁹⁰

სხვა ეროვნების ხალხები შორეული წარსულიდან ბინადრობდნენ საქართველოში, მაგრამ ამის გამო აქ ეთნიკური პრობლემა არ წარმოქმნილა ცარიზმი კი

⁸⁵ ამხფ., ს. 216, ფურც. 12-15.

⁸⁶ სცსა, ფ. 13, ან. 10, ს. 604, ფურც. 12-46; აცსა, ფ. 1, ს. 697, ფურც. 4-10L.

⁸⁷ ამხფ., ს. 235, ფურც. 47-48.

⁸⁸ ე.ჯაოშვილი, საქართველოს მოსახლეობა XVIII-XX საუკუნეებში. თბ., 1984, გვ. 217.

⁸⁹ КК на 1915 год. Тиф., 1915, с. 222-223, პროცენტა გამოთვლილია ავტორის მიერ.

⁹⁰ აქე, გვ. 222-223; Батуи и его окрестности, Бат., 1906, с. 23.

ქართველების გადაშენებაზე ოცნებობდა. ამ მზაკერული ჩანაფიქრის აღსრულებას ემსახურებოდა სწორედ მისი კოლონიური პოლიტიკაც.

§3. მუჰაჯირობა

რუსეთ-ოსმალეთს შორის ომი არც იყო დაწყებული, როცა სამხრეთ-დასავლეთ საქართველოში თავი იჩინა საგადასახლებო მოძრაობამ. იგი „მუჰაჯირობის“ სახელითაა ცნობილი.⁹¹ ეს იყო უაღრესად მძიმე მოვლენა ამ დიდი რეგიონის მოსახლეობის ცხოვრებაში. ხალხი, რომელიც ადრე თავად ებრძოდა დამპყრობელს და ესწრაფვოდა მშობლიურ კერაზე დაბრუნებას,⁹² ახლა იყრებოდა სამკვიდრებლიდან, ჩალის ფასად ჰყიდდა სახლ-კარს, ბედის ანაბრად ტოვებდა სარჩო-საბადებელს, მდულარე ცრემლით ემშვიდობებოდა მშობლიურ კუთხეს, მამა-პაპათა საფლავებს და „ღამღუპველ ოსმალეთში“ (ილია) მიდიოდა. ეს იმდენად ტრაგიკული აღმოჩნდა, რომ გიორგი წერეთელი სამართლიანად შენიშნა: XIX საუკუნის 70-80 - იანი წლების მიჯნაზე ამიერკავკასიის საშინაო ცხოვრებიდან არ იყო სხვა ისეთი მოვლენა, რომელსაც მუჰაჯირობის მსგავსად ასე დაძაბულად, მღელვარედ და ხანგრძლივად მიეყარო მსოფლიო საზოგადოების ყურადღებაო.⁹³

ომის დამთავრებას თითქოს უნდა დაეშოშინებინა აყრა-გასახლების მსურველნი და პროცესიც უნდა შეეჩერებინა. სამწუხაროდ, ასე არ მოხდა. მუჰაჯირობამ ოფიციალური სახე მიიღო და თან ქრონოლოგიური ჩარჩოებიც (1879 წ. 3 თებერვალი - 1882 წ. 3 თებერვალი) დაუწესდა. ეს პროცესი შემდეგაც, დროგამოშვებით, 1921 წლამდე გაგრძელდა.

მუჰაჯირობის შესახებ არსებული ვრცელი მასალის განხილვით ჩანს, რომ ამ ტრაგიკული მოვლენის ძირითადი მიზეზი იყო სამხრეთ-დასავლეთ საქართველოს მიმართ ოსმალეთისა და რუსეთის ოფიციალური პოლიტიკა – ერთიც და მეორეც ცდილობდა ამ ვრცელი რეგიონის მოსახლეობის აყრა-გასახლებას, თანაც რაც შეიძლება მეტი რაოდენობით. ოსმალეთი ამით გეგმავდა, ჯერ ერთი, ვრცელი ადგილების შეესებას მცირე აზიის ჩრდილოეთით - შავი და დასავლეთით - ეგეოსის ზღვების სანაპიროებზე, რომლებიც ჯერ კიდევ მეჩხრად იყო დასახლებული; მეორეც, ჩასახლებულთა სახით იგი მიიღებდა კულტურულ მეურნეთ, რომლებიც დააჩქარებდნენ მათთვის დასახლებლად გამოყოფილი რეგიონის ეკონომიკურ გამოცოცხლებას-აღმავლობას (განსაკუთრებით ინტენსიური მიწათმოქმედების განვითარებას) და ადგილობრივი მოსახლეობის კულტურულ დაწინაურებას (ამით აიხსნება ის, რომ მუჰაჯირ ქართველებს მომთაბარეთა მეზობლად ან ერთად ასახლებდნენ);⁹⁴ და მესამეც, რუსეთის წინააღმდეგ მომავალ ომში ოსმალეთს ყოვლებოდა ჯარის უაღრესად საიმედო კონტინგენტი, რომლის შურისძიების გრძნობა და ბრძოლისუნარიანობა მნიშვნელოვნად მაღალი იქნებოდა (1878 წელს ოსმალეთმა კიდევ შექმნეს და

⁹¹ მუჰაჯირი არაბული წარმოშობის სიტყვაა და ეწოდება სამშობლოდან სხვა მხარეში წასვლა-გადასახლების მსურველს, ლტოლვილს.

⁹² იხ. აბსურგულაძე, განსათავისუფლებელი მოძრაობის ისტორიიდან აჭარაში, ბათ., 1978.

⁹³ Гая. «История», №95, 1881.

⁹⁴ მსგავსივე, ქართველები თურქეთში, თბ., 1996, გვ. 8.

მოქმედებდნენ ე.წ. „შურისმაძიებელთა რაზმები“).⁹⁵

ამით აიხსნებოდა ის, რომ ჯერ კიდევ ომის დაწყებამდე ოსმალებმა მძევლებად აიყვანეს აჭარელთა ოჯახები და ცოლ-შვილისათვის სიცოცხლის შენარჩუნების სანაცვლოდ მამაკაცებს აძალებდნენ რუსეთის წინააღმდეგ ბრძოლას.⁹⁶ ომისა და ომის შემდგომ პერიოდში კი მათ, როგორც გაზეთი „დროება“ იუწყებოდა, არაი-შეითადა, „ძალით მიჰყავდათ მოსახლეობა“.⁹⁷ სხვათა შორის, თანამედროვენი საამო-სოდ მრავალ ფაქტს ასახელებენ. მაგალითად, ქობულეთში შემოსელებისას დ. სეიატო-პოლკ-მირსკისთან გამოცხადდნენ ქვემო აჭარის გაელენიანი ბეგები და აღნიშნენ, რომ ოსმალები დაშინებით და ძალდატანებით ცდილობენ მოსახლეობის აყრა-გასახლებას. არადა, მათ ეს არ სურთ და რუსეთის მფარველობას ითხოვენ.⁹⁸ გას. „ობზორიც“ იუწყებოდა: სოფლების სამების და აკირიკის 200 ოჯახს, ოსმალებმა უკანდახევისას ძალით რომ გაირეკეს, იმედი აქონდათ, რუსთა ჯარი მიუსწრებდა და გასახლეობისაგან დაიხსნიდა.⁹⁹ კიდევ მეტი, ვინმე ნური-ბეგმა გრიგოლ გურიელს თხოვა ეშველა ოსმალთა მიერ ძალით წაყვანილთათვის. გრ. გურიელს ჩაშინ რაზმი გაუგზავნია და განწირულნი უკან დაუბრუნებია.¹⁰⁰ მოძალადეებს ზოგჯერ თავად ხალხიც ეურჩებოდა იარაღით. ა. ფრენკელი გვიდასტურებს, რომ 1878 წ. 14-15 აგვისტოს ქობულეთლებსა და ოსმალებს შორის ნამდვილი შეტაკება მოხდა.¹⁰¹

მოსახლეობის აყრა-გასახლება შედიოდა რუსეთის ინტერესებშიც, ოსმალეთ-თან ომი დაემთხვა ცარიზმის მიერ „ამიერკავკასიის ინტენსიური ათვისების“ პროცესს, რასაც მოჰყვა კოლონიური რეჟიმის დამიმბედა საქართველოში. ამის დადასტურება იყო თუნდაც ქვეყნის ისტორიული სახელწოდების ამოღება ხმარებიდან, აგრეთვე, რუსულ ენაზე სწავლა-განათლების დაკანონება, რასაც უნდა დაექარებინა ქართველთა ასიმილაცია. ცხადია, ასეთ ვითარებაში შემოერთებული რეგიონის მკვიდრ მოსახლეობას შეიძლებოდა შექმნილი გარკვეული პრობლემები. ამიტომ მისთვის უმჯობესი ჩანდა მუჰაჯირობა და ხელისუფლება სხვადასხვა საშუალებით ხელსაც კი უწყობდა ამ პროცესს. ამას ის არც მალავდა 1878 წ. 15 ოქტომბერს დ. სეიატოპოლკ-მირსკი ბათუმის სამხედრო გუბერნატორს წერდა: „ბათუმის ოლქით რუსეთ-მა მიიღო ბუნებრივი სიმაგრე კავკასიის საზღვრების ყველაზე უფრო საშიშ კუთხეში, რომელსაც ჰყავს მებრძოლი და ნახევრად დაუმორჩილებელი მოსახლეობა. ხალხი, რომელიც თურქეთთანაა დაკავშირებული რელიგიით, საშიში ელემენტია და მისი იქ ყოფნა შეუძლებელია“. იგი მოითხოვდა შემოერთებული რეგიონის მოსახლეობის დაუყოვნებლივ ასიმილაციას, რადგან „ვიდრე ეს არ მოხდება, ბათუმის ოლქის შექენა კავკასიაში ჩვენ (რუსეთის – ა.ს.) გაძლიერების მაგიერ დასუსტება იქნება“. ამიტომ, დ. სეიატოპოლკ-მირსკის აზრით, ხელი არ უნდა შეეშალათ მუჰაჯირობისთვის, პირი-ქით, უმჯობესია „ადგილობრივი მოსახლეობის მოცილება“.¹⁰²

მაშასადამე, ცარიზმის კოლონიური ხელისუფლება ამჯერადაც აგრძელებდა იმ

⁹⁵ გას. „დროების“ ცნობით, 1882 წელს ოსმალეთში თითქოს შექმნილი იყო ე.წ. „გურჯისტანის ჯარი“, რომლის მებრძოლები მთავრობას 6 წლით ჰყავდა დაქირავებული (№59, 1882).

⁹⁶ შ.მეგრელიძე, სამხრეთ-დასავლეთ საქართველოს ისტორიიდან, თბ., 1963, გვ. 115.

⁹⁷ გას. „დროება“, №108, 1880.

⁹⁸ სცსსა, ფ. 1027, ს. 1274, ფურც. 3.

⁹⁹ გას. «Обзор», №228, 1878.

¹⁰⁰ გას. „დროება“, №90, 1878.

¹⁰¹ Френкель А., დასახ. ნაშრ. გვ. 107.

¹⁰² სცსსა, ფ. 545, ს. 1668, ფურც. 3-6, იხ. აგრეთვე Ш.Мегрелидзе, Закавказье в русско-турецкой войне 1877-1878 гг., Тб., 1972, с. 265.

კურსს, რამაც 30-იან წლებში ქართველი მაჰმადიანებისაგან დაცალა სამცხე-ჯავახეთი. ასე რომ, იგი ახლაც მტრულად ეკიდებოდა ადგილობრივ მოსახლეობას და მათ გასახლებას გეგმავდა, რომ გამოთავისუფლებულ მიწებზე შემდეგ ჩამოესახლებინა ერთგული სომხები და იმპერიის უკიდევანო სიერცეებიდან გადმოყვანილი ქვეშევრდომები.

ქართულმა პრესამ ამხილა ორივე მხარის ვერაგული გეგმები. სერგეი მესხი სამართლიანად წერდა: „საუბედუროდ აქაურ ჩინონიკობაში არიან ისეთი პირები, რომელნიც პირდაპირ ეუბნებიან ხალხს: გადით აქედან, თქვენ არ გვინდახართ... თქვენს მაგივრად აქ ჩვენებურს ხალხს დაეასახლებთ. ერთის მხრივ, ამისთანა ჩვენებური მქადაგებლები უდგია გვერდით ხალხს და, მეორეს მხრივ, ამისთანა მოსული მოლები და საზოგადოთ ოსმალოს მქადაგებლები“.¹⁰³

რა თქმა უნდა, იყო სხვა ფაქტორებიც: შიში (უცნობი რუსეთის მიმართ), პროპაგანდა (ოსმალეთში „ოქროს მთების“ არსებობის შესახებ), იძულება (ოსმალეთელებისა და გაბატონებული წოდების მხრივ), ეკონომიკური (ომით გამოწვეული დიდი ზარალი, ნგრევა და გაპარტახება), რელიგიური (მოვლენ და გაგაქრისტიანებენ), კოლონიური ადმინისტრაცია (ეერძოდ, მისი უკუღმართი საქმიანობა) და სხვ. მაგრამ მათ მაინც განაპირობებდა ძირითადი მიზეზის არსებობა.

საერთოდ, ომს დიდი ცვლილებები შეაქვს ამა თუ იმ მხარის ცხოვრებაში. საბრძოლო ოპერაციების შესაძლო განვითარება ყოველთვის იწვევდა (და იწვევს) მოსახლეობის შიშს. ამიტომ ეს უკანასკნელი მუდამ ცდილობს განერიდოს ხიფათს და უშიშარ ადგილს შეაფაროს თავი. არანაკლები მნიშვნელობისაა რეგიონის მომავალი სტატუსის საკითხიც — იგი ძველ მფლობელს („შეჩვეულ ჭირს“) დარჩება თუ ახალი მებატონის (ჯერ კიდევ შეუცნობელის და შიშის მომგვრელის) ქვეშევრდომობაში გადავა. ასეთ პირობებში ადგილი აქვს თვითნებობას და ძალადობას, რასაც არაიშვიათად თან ახლავს ადრე დაპირებულის შეუსრულებლობა და ადგილობრივი მოსახლეობის უკმაყოფილება.

საომარ მოქმედებათა დაწყებისას რუსთა არმიის სარდლობამ, როგორც ეს ჩვეულებრივ ხდება, სათანადო ზომები მიიღო ხალხის დაშოშმინება-დამშვიდების, მისი უნდობლობისა თუ მტრული განწყობის განეიტრალებისა და შესაძლო მიმხრობის უსრუნველსაყოფად. ამ მიზნით დ. სვიატოპოლკ-მირსკიმ შეტყევის მოსალოდნელი მიმართულების რეგიონის მკვიდრთ სპეციალური მიმართვით აღუთქვა სრული თავისუფლება და უშიშროება, ოჯახის, ქონებისა და სარწმუნოების ხელშეუხებლობა, ადგილობრივი მმართველობისა და ძველი ვალდებულების შენარჩუნება.¹⁰⁴ ამასვე აღნიშნავდა გ.წ. „რიონის რაზმის“ სარდლობაც. გენ. ოკლობჯიომ თავის მხრივ, სპეციალურად გააფრთხილა თავისი ჯარისკაცები, არ დაერღვიათ მოსახლეობის ტრადიციული ზნე-ჩვეულებანი და პატივისცემით მოპყრობოდნენ ხალხს „დაე გახსოვდეთ, - ნათქვამი იყო შემდეგ მოწოდებაში, რომ თქვენ წინ გადაშლილია მინდვრები და მთები ძველი ქრისტიანული საქართველოსი, რომლის ათასობით მილიციელი და მოლაშქრე ამჟამად ჩვენს რეგებში დგას და საერთო მტერს ებრძვის“.¹⁰⁵

ცხადია, ეს გაკეთდა გარკვეული მოსაზრებით — საბრძოლო ოპერაციების გა-

¹⁰³ გაზ. „დროება“, №37. 1878.

¹⁰⁴ სესსა, ფ. 545, ს. 1337, ფურც. 27.

¹⁰⁵ ალბენდინიშვილი, რუსეთ-თურქეთის (1877-1878 წწ.) ომი და საქართველო. - საქართველოს ისტორიის ნარკვევები, ტ. 5, თბ., 1979, გვ. 442-443.

სადავილებლად, მაგრამ სინამდვილე გაცილებით მკაცრი აღმოჩნდა ამ მიმართებაში თუ გაფრთხილებამ სათანადო ეფექტი ვერ მოიტანა. ვერც მოიტანდა, რადგან ოსმალეთმა ყველაფერი გააკეთა საზღვრისპირა რეგიონის მოსახლეობის აყრისათვის, შემდეგ კი რუსეთმა თავისი მიზანდასახული პოლიტიკით ცეცხლზე ნათი დაასხა და ისედაც აღლელებულ ხალხს პირი ოსმალეთისაკენ აქნევინა.

ყველაფერი კი იმით დაიწყო, რომ ოსმალეთმა ომის წინ ძალზე დაამძიმა რეჟიმი ჩრდილო-აღმოსავლეთის ქართულ პროვინციებში. რუსეთის სულ უფრო აქტიური გამოსვლა მახლობელი აღმოსავლეთის პოლიტიკურ ასპარეზზე აიძულებდა პორტას 40-იან წლებში დაწყებული რეფორმების (კ.წ. თანზიმათის) სწრაფად განხორციელებას, რომ დაესრულებინა საზღვრისპირა რეგიონის გაოსმალების პროცესი და რუსეთთან მოსალოდნელი ომის დროისათვის უზრუნველყო მისი უშიშროება. ამიტომ გენ. თკობეიოს ცნობით, „ოსმალეთის მთავრობამ ენერგიული ზომები მიიღო თავის მოსაზღვრე სოფლებში ჩვენდამი (რუსეთისადმი - ა.ს.) მტრობისა და უკმაყოფილების გასაღვივებლად“.¹⁰⁶ მართლაც, როგორც გაზ. „დროების“ ქობულეთელი კორესპონდენტი (გულო კაიკაციშვილი) აღნიშნავდა, „მოსახლეობას ართმევდნენ ანდა უნადგურებდნენ სიმინდს, ღომს, ხარს, პროხას და სხვას, რასაც ნახავენ“.¹⁰⁷ იმავე „დროებაში“ უფრო შემაფოთებულ ამბებს შეეშუთიდან იწერებოდნენ: „ყველაფერს გეპართმევენ... რაც გაგვაჩნია, ერთიდა სული დაგვრჩენია და იმასაც მალე ამოგვაპრობენ. თუ აქამდე ერთხელ ძლიესლა ვაძლევდით სახელმწიფო ხარჯს, ესლა ორჯელ როგორდა შეეძლებო. მათთვის სულერთია გეაქეს თუ არა, უნდა გადაიხადოთ. გადასახადის აკრეფის დროს არაფერს არ ზოგავენ ამტვრევენ ხეხილს, გეფუჭებენ ბაღებს, მიაქეთ სახლიდან ავეჯეულობა ერთი სიტყვით, გეარბევენ“.¹⁰⁸ ფართოდ იყენებდნენ რელიგიურ მომენტსაც. ხოჯა-მოლები ქადაგებდნენ „ამოღვენ რუსი ურჯულონი, სჯულს წაგეიძღვანე“, შემდეგ კი „ჩვენც ვაგუაქრისტიანებენო“.¹⁰⁹ ოსმალებმა იწყეს საზღვრისპირა რეგიონის მოსახლეობის გასახლება შიგა პროვინციებში.¹¹⁰ ამასთან, ხალხს რუსთა მიერ საღლდათში მოსალოდნელი ვაწვევითაც აშინებდნენ.¹¹¹

ვითარება არც საომარ მოქმედებათა დასრულების შემდეგ შეცვლილა დიდად. პირიქით, ბერლინის კონგრესის მოლოდინში ოსმალთა სამხედრო, სამოქალაქო და სასულიერო ადმინისტრაცია აშკარა პროოკაციაზე წავიდა. იმისათვის, რომ კონგრესზე დაესაბუთებინათ სამხრეთ-დასავლეთ საქართველოს მოსახლეობის უარი და წინააღმდეგობა რუსეთისათვის გადაცემის გამო, ოსმალები აიძულებდნენ მათ საპროტესტო ხელმოწერების შეგროვებას ინგლისელთა ქვეშევრდომობაში გადასვლის მოთხოვნით. მალე ოსმალთა ამ ცდებს თავად ინგლისელებიც შეუერთდნენ. სამხედრო კორესპონდენტები დონოვანი და ჰუეერი, აგრეთვე, ბათუმში სპეციალურად ჩამოსული ინგლისელი გენერალი და მისი თანმხლები 12 „ინჟინერო“ აქტიურად მუშაობდნენ რუსეთის წინააღმდეგ ადგილობრივი მოსახლეობის ასამხედრებლად. მართლაც, 1878 წ. 13 მაისს ზემო აჭარიდან დანდალოს ხიდთან შეკრებილთ ხელი მოაწერინეს ბათუმში შედგენილ „რალაც ქალაღზე“, რომელშიც იყო თხოვნა დიდი სახელმწიფოებინადმი აჭარაზე ინგლისის მფარველობის დაწესების შესახებ. ალბათ ამან ათქმევინა

¹⁰⁶ სცსხა, ფ. 485, ს. 49630, ფურც. 30.

¹⁰⁷ გაზ. „დროება“, №40, 1876.

¹⁰⁸ გაზ. „დროება“, №56, 1876.

¹⁰⁹ ზ. კიკინაძე, ქართველ მაჰმადიანთა დიდი გასახლება ოსმალეთში, ტფ., 1912, გვ. 34.

¹¹⁰ სცსხა, ფ. 485, ს. 49630, ფურც. 20.

¹¹¹ ზ. კიკინაძე, დასახ. ნაწრ., გვ. 34.

კ. კომაროვს: „როგორც ჩანს, საქმე მიდის ახალ ომამდე. ყოველ შემთხვევაში, ასე მიიჩნევენ ბათუმში, სადაც დერეფი ფაშის სახელით ვიღაც ინგლისელი იძლევა ბრძანებებს“.¹¹²

რა თქმა უნდა, ოსმალთა და ინგლისელთა ამ პროვოკაციული მოქმედების განეიტრალება შეიძლებოდა, თუკი რეგიონში დამკვიდრებული ახალი ხელისუფლება ფრთხილი, გულმოწყალო და გულისხმიერი პოლიტიკით შეეცდებოდა საბრძოლო ოპერაციებით დაღლილ-აფორიაქებული მოსახლეობის დაშოშმინებას, ომით მიყენებულ ჭრილობების მოშუშებას. სამწუხაროდ, ასე არ მოხდა. გარდამავალი პერიოდის მოსამზადებელი გონიერი ღონისძიებების ნაცვლად, რუსეთი სამხრეთ-დასავლეთ საქართველოში შემოსვლისთანავე შეუდგა რუსული ადმინისტრაციის მოწყობას, თავისი წესებისა და კანონმდებლობის დანერგვას, რუსული სასამართლოს შემოღებას. ცხადია, ეს მოქმედება, რაგინდ პროგრესული ხასიათიც არ უნდა ჰქონოდა, წინააღმდეგობაში იქნებოდა ადგილზე საუკუნეებით ჩამოყალიბებულ და განმტკიცებულ ადათ-წესებთან და ზნე-ჩვეულებებთან.¹¹³ მით უმეტეს, რომ ინერგებოდა იძულებით და სასჯელის ფორმით.

მართლაც, ჯერ იყო და ცარიზმმა არ ცნო ადგილობრივი მოსახლეობის საკუთრების უფლება მიწაზე და აკრძალა მისი ყიდვა-გაყიდვა იმ მოტივით, რომ საადგილმამულო საკითხთა კომისიის (დიმ. ბაქრაძე) დასკვნით სრული შეუსაბამობა იყო ოსმალურ სამიწათმოქმედო კანონსა და ფაქტობრივ მფლობელობას შორის, რომ ომისა და შემდგომი არეულობის ეითარებაში მარტო აჭარაში მოხდა უამრავი (ზოგი ცნობით სამი ათასამდე)¹¹⁴ საადგილმამულო აქტის („თაფუ“) ფაღსიფიცირება.¹¹⁵ შემდეგ მთაერობამ ჩაატარა კამერალური აღწერა, რაც ხალხმა ახალი გადასახადების გაწერისა და საყოველთაო სამხედრო ბეგარის (ე.ი. საღდათში წაყვანის) დაწესების ნიშნად მიიჩნია. ამასთან, დარჩა ძველი მეჯლისი, მაგრამ საქმეების გარჩევა რუსული კანონებით დაიწყო, რამაც დიდი გაუგებრობა გამოიწვია.

სხვათა შორის, მალე დადასტურდა კამერალური აღწერისას გადასახადებთან დაკავშირებული ხმებიც. მართალია, ახალი გადასახადები მაშინ არ გაუწერიათ, მაგრამ 1878-1879 წლებში მოსახლეობისაგან მაინც ამოიღეს კომლზე 6-10 მანეთი (ე.წ. „აშარი“). ამან დიდი უკმაყოფილება გამოიწვია ქობულეთში, მით უმეტეს, რომ ომიანობისას იგი ძალზე დაზარალდა და მოსახლეობას სახსარი არ ჰქონდა ქართულმა პრესამ გულისწეროვით დაგმო ეს ფაქტი. ნიკო ნიკოლაძე სამართლიანად აღნიშნავდა, რომ „უცილებელი იყო ხალხისათვის შედავათის მიცემა რამდენიმე წლით“ და სინანულით დასძენდა: „ყოველ შემთხვევაში, ბერლინის კონგრესის მიერ დადგენილი გასახლების ვადის სამი წლის განმავლობაში მათ არ უნდა შეეზბოდნენ“.¹¹⁶ სერგეი მესხიც მიუთითებდა: „თუ გეინდა ჩვენ აჭარისა და ქობულეთის თანაგრძნობა დავიმსახუროთ და ესენი არ გასახლდნენ ოსმალეთში... ამთავითვე მაინც კაცურად უნდა მოექყროთ და სამი-ოთხი წლით ეადროვოთ აშარისა და სხვა ყოველგვარი ხარჯის გადახდა“, მით უმეტეს, რომ „ეს ხარჯი ხაზინას ვერ გაამ-

¹¹² Материалы для описания Русско-Турецкой войны 1877-1878 гг. на Кавказе и в Малой Азии, т. 4. დანართი 26, გვ. 204-210.

¹¹³ შემგერელიძე, აჭარის წარსულიდან, გვ. 13.

¹¹⁴ ა. ავალიანი, მიწათმფლობელობის ფორმები აჭარაში, ბათ., 1960, გვ. 11.

¹¹⁵ შემგერელიძე, დასახ. ნაშრ., გვ. 14.

¹¹⁶ გაზ. „დროება“, №14, 1879.

დიდრებს და გადატაკებულ ხალხს კი გულს მოუბრუნებს.¹¹⁷

მოსახლეობაში დიდ გაუგებრობა-უკმაყოფილებას იწვევდა მიმოსვლის შეზღუდვა-გაძინება და ამით გამოწვეული ეკონომიკური სირთულენი, მაროდობის და ძარცვა-ყაჩაღობის აღკვეთის, წესრიგის დამყარებისა და ცხოვრების ნორმალურ კალაპოტში ჩაყენების მიზნით ახალმა ხელისუფლებამ გზებზე მოაწყო საგუშაგოები და კარანტინები. სამწუხაროდ, იქ მოკალათებული მოხელე-ჩინოვნები არაიშვიათად ხალხს ფულს სიძალადენ გადაადგილებისა თუ საქონლის გატარების ნებართვისათვის, ერთხელ, თურმე, კ. კომაროვი დაინტერესდა მურღულიდან მოსახლეობის მუჭაჯირობის მიზეზებით. 1880 წლის საფხულში ჩაიფი კიდევ ადგილზე და შეხვდა გასახლებაში მიმავალ ახალგაზრდებს შეკითხვაზე - რატომ მიდიხართო, ამ უკანასკნელთ უპასუხიათ: ადრე სტამბოლს და სხვაგან მივდიოდით საშოვარზე, ფულს ვაკეთებდით, სახლ-კარს ვაწყობდით და ოჯახს ვეკიდებოდით. ახლა კი ამის საშუალება აღარ გვაქვსო. გენერალ-გუბერნატორმა იმასაც მიაქცია ყურადღება, რომ სატარიფო საგუშაგოებმა გააძინა მესობელ რაიონებთან ერზურუმ-ართიენულთა საეპარო ოპერაციებიც. ხარჯების გამო იქაურებს უკვე უჭირდათ თავიანთი ჯიშინი პირუტყვის გადარეკვა ხოფას ბაზრობაზე, რის გამოც დიდ ზარალს ნახულობდნენ.¹¹⁸

ცხადია, საგუშაგო-კარანტინების ორგანიზება ასე აუტანელი და მტკივნეული არ იქნებოდა მოსახლეობისათვის, რომ არა იქ მოკალათებული ბოროტი, ანგარებიანი მოხელე-ჩინოვნიკობა. მართლაც, შემოერთებული რეგიონში რუსული ადმინისტრაციული აპარატის უგერგილობასა და ბიუროკრატიზმზე, მოუქნელ საქმიანობაზე ქართულ პრესაში არაერთი მწვავე საყვედური და კრიტიკული შენიშვნა გამოთქმული.

აი რას წერდა ილია ჭავჭავაძე განთავისუფლებისთანავე აჭარას „კალიასავით მივისია, თურმე, ყველა კალიაზე უფრო მსუნავი, უფრო ხარბი და გაუმადარი წერილი ჩინოვნიკობა... როცა ამით ამბავს ლაპარაკობენ, თავზედ თმა ედღესედ დგება... საცა სამსახურიდან გამოგდებულნი კაცი იყო თურმე, გამოუსადეგარი, თავსუდ-ხელადებული იყო, იმ ახალ ქვეყანაში მოხელეობა მიიღო... არავის ეჭვი არ აქვს, რომ თუ ეს სამარცხინო საქმე მოხდა და აჭარა გასახლდა, ბრალი იმათ უნდა დაედოს, ვინც მოხელეთაგანი აქამდინ მიიყვანს საქმეს“.¹¹⁹

ასეთივე უნუგეშო სურათს გვიხატავს გრიგოლ ორბელიანი: აჭარაში მოხელეებად იგზავნებოდნენ „უცოდინარი და უპრაქტიკო მოხელეები, რომლებიც მხოლოდ გამდიდრებაზე ფიქრობდნენ“ და „თანამდებობასაც ბოროტად იყენებდნენ“. ისინი „ყველა საშუალებით წაიღებდნენ მთავრობის კარგ ღონისძიებებს, რის გამოც ბუნებრივად იბადება უკმაყოფილების გრძნობა და უნდობლობა, რომელთა გამომქადნება ხდება სახალხო მღელვარებაში“.¹²⁰

სერგეი მესხიც აღნიშნავდა, რომ მოხელე-ჩინოვნიკობას „ხალხის სიკეთე, საჭიროება, გაჭირვება ფეხზე ჰკიდიათო“.¹²¹

აღნიშნული შეფასებანი კარგად გვიხასიათებენ ახალი ადმინისტრაციის პირადი შემადგენლობის ღირსებასა და ნაკლს ეს სიმახინჯენი ჭარბად ახასიათებდა საგუ-

¹¹⁷ ვაზ. „დროება“, №4, 1880.

¹¹⁸ შ.მეგრელიძე, დსახ. ნაშრ., გვ. 83. საგუშაგო-კარანტინების უარყოფითი როლი აჭარულთა აჭარა-გასახლებაში მკვეთრად წარმოინდა ბათუმში პორტო-ფრანკოს არსებობის (1878-1886) მთელ მანძილზე (დაწვრილებით იხ. აბ.სურგულაძე, მსირობი, პორტო-ფრანკო ბათუმში, ბათ., 1996).

¹¹⁹ ი.ჭავჭავაძე, თხზ., ტ.5, გვ. 32-33.

¹²⁰ სცსსა, ფ. 410, ს. 114, ფურც. 37.

¹²¹ ვაზ. „დროება“, №14, 1879.

შავო-კარანტინების მოხელეებს, რადგან მათი საქმიანობა არანაირი კონტროლით არ იყო შეზღუდული.

ამის დასტურად შეგვიძლია დავიმოწმოთ გაზ. „დროების“ კორესპონდენცია კობულეთის მაზრის უფროსის ყორღანოვის შესახებ. უწმაწური სიტყვების გარდა, - ნათქვამია მასში, - სხვა არაფერი მოგვისმენია ამ ხელმძღვანელისაგან. „გულში ტყეია მოგვხედეს ის გვირგვინია, თავი მოგვჭრან იმას ვარჩევთ, ოღონდ კი ჩვენს დედა-მამაზე და მედრებზე ხელი აიღოს“. კორესპონდენტის სიტყვით, ახლა ხალხი სიმართლეს ითხოვს, რადგან „იგი დაგვაკამაყოფილებს სულ მთლად... მოგვიბრუნებს გულს, ხელს აგვაღებინებს გასახლებაზე, შეგვაყვარებს რუს მმართველობას და ტირილით გადახვეწილ მუჰაჯირებსაც დააბრუნებს უკან“.¹²²

რა თქმა უნდა, ყორღანოვი გამონაკლისი როლი იყო. მეტ-ნაკლებად ასე მოქმედებდნენ უფრო მაღალი თანამდებობის პირებიც. ცხადია, თუ ხელისუფლების ოფიციალური წარმომადგენელი ასე აბუნად ექცეოდნენ ქვეშეურდომებს, ადვილი მისახვედრია, როგორი იქნებოდა გასამხედროებულ რეგიონ საგზაო მოხელეთა თვითნებობა-ძალადობა დაუცველი მიმოსვლელების მიმართ.

ასეთ ვითარებაში ფართოდ გავრცელდა მთარული ხმები ოსმალეთში მდიდრული ცხოვრების, სამართლიანობის და მოთხოვნების ყოველმხრივ დამკაყოფილების შესახებ. ამას ხელს უწყობდნენ მუჰაჯირთათვის გამყოფილი ადგილების მოსანახულებლად ოსმალეთში ნამყოფი სოფლის წარმომადგენლები. ამ ე.წ. „დელეგატებს“ იქ ხელგამოშლით ხედებოდნენ, ჰპირდებოდნენ „ოქროს მთებს“ და უხედა დასაჩუქრებულთ უკან ისტუმრებდნენ დევალებით, რაც შეიძლება მეტი ხალხი წაეყვანათ.¹²³ დინტერესებულ პირთა ასეთი ცალმხრივი თუ ტენდენციური განმარტებები გონებას უმღერევდა ისედაც აფორიაქებულ მოსახლეობას და მას აყრა-გასახლებისათვის განაწყობდა.

უნდა ითქვას, ამ პროცესში საბედისწერო როლი შეასრულა გაბატონებულმა წოდებამაც. ის აქეზებდა და ხელმძღვანელობდა მთელ ამ პროცესს. საქმე ისაა, რომ რუსთა შემოსვლის შემდეგ შესამჩნევად შეიღაზა მისი ინტერესები. ყოფილმა ბეგებმა დაკარგეს თანზიმათის განხორციელებისას სულთნისაგან ბოძებული პენსიები¹²⁴ და სხვა ეკონომიკური პრივილეგიები, რაც მთავარია, პოლიტიკური უფლებები. მთელ ძალაუფლებას ახლა ცარიზმის მოხელე-ჩინონიკობა დაეუფლა. მაშასადამე, გაბატონებული წოდება უფუნქციოდ დარჩა. ამ ფაქტზე ყურადღებას ამახვილებდა რუსთა ხელისუფლებაც. მუჰაჯირობის მიზეზების გასარკვევად ბათუმში 1881 წელს ჩამოსული მეფისნაცვლის მთავარი სამმართველოს უფროსი გენ. - ლეიტენანტი დ.სტაროსელსკი მიუთითებდა ამ წოდების „მდგომარეობის გაურკვეველობაზე“. ამის მიზეზად იგი აღნიშნავდა: „თურქეთის ბატონობის დროს ბეგები სამსახურში იყვნენ, ღებულობდნენ ხელფასს და ჰქონდათ საარსებო წყარო. დღეს ისინი იზოლირებულნი არიან ყველა საქმისაგან და ამასთან ერთად დაკარგეს ცხოვრების საშუალებაც. ამით, ბუნებრივია, შეიღაზა მათი თავმოყვარეობა და ისინი ახალი წყობის წინააღმდეგ

¹²² გაზ. „დროება“, №9, 1881.

¹²³ გაზ. „დროება“, №7, 1879.

¹²⁴ არასრული ცნობით ომამდე ასეთ პენსიებს იღებდა: შავშეთ-იშრეხეში 6 ბეგი, ლივანაში - 23, ქვემო აჭარაში - 1, მაჭახელში - 1, ზემო აჭარაში - 1, ქობულეთში - 10, ბათუმში - 6 (ირ.ბარამიძე, საადგილმა-შორე ურთიერთობათა ისტორიიდან სამხრეთ-დასავლეთ საქართველოში, ბათ., 1999, გვ. 67).

აამხედრა.¹²⁵

ცხადია, ასეთ ვითარებაში გაბატონებული წოდება ამჯობინებდა წასვლას ოსმალეთში, მაგრამ მარტო კი არა, არამედ თავისი სოფლისა და მასზე ეკონომიკურად დამოკიდებული მოსახლეობის თანხლებით. ეს იმიტომ, რომ ახალ ადგილზე დამკვიდრებულს, ქვეშევრდომთა გარეშე, მის სოციალურ მდგომარეობას საფუძველი არ ჰქონდა. ასე რომ, ბეგები ცდილობდნენ, რაც შეიძლება, მეტი „მოკიდებული“ გაეყვანათ, რომ საარსებო წყაროც შეენარჩუნებინათ და თან ძალა და გავლენაც ჰქონოდათ.

ასეთივე იყო სასულიერო წოდების პოზიციაც. აქ საქმე მხოლოდ რელიგიის დაცვას როდი ეხებოდა, არამედ პირადი შემოსავლისა და გავლენა-ძალაუფლების მოსალოდნელ დაკარგვას. შიშს ის აძლიერებდა, რომ რუსული ადმინისტრაცია, ჯერჯერობით მაინც, ვერ (ან არ) იცავდა ხოჯა-მოლბების ინტერესებს, ვერ (ან არ) ემხარებოდა პრივილეგიების დაცვა-შენარჩუნებაში.¹²⁶

რა თქმა უნდა, ყველა ასე როდი იქცეოდა. საღორეთელ ხასან სურმანიძეს წერილი მოუვიდა ოსმალეთიდან წინადადებით, დაეწყო თანასოფელელთა გასახლება. ამის სასარგებლოდ კი მან არავითარი მუშაობა არ გასწვია, მიღებული ბარათიც არ გამოაჩინა.¹²⁷

1880 წელს ოსმალეთს გაემგზავრა ცნობილი სასულიერო მოღვაწე მოლა ლომან ეფენდი (ქარცივაძე). სხვათა შორის, მან სტამბოლში მიიღო უმაღლესი სასულიერო განათლება და სულთანთან ავტორიტეტით სარგებლობდა (ერთხანს მისი „ქარის მასწავლებელიც“ ყოფილა).¹²⁸ მან იქ მოინახულა მუჰაჯირთათვის გამოყოფილი ადგილები და, როგორც პატიოსანმა და სამშობლოს გულშემატკივარმა, მოიწერა □ გასახლების მსურველნი არ დაპრულიყვნენ ადგილიდან, თუ არ სურდათ ტანჯვა-უბედურებაში ჩაეარდნა.

დაბრუნების შემდეგ ლომან ეფენდი ეწვია გენერალ-გუბერნატორ ქ. კომაროვს. გულახდილ საუბარში მან განაცხადა „ადრე ეფიქრობდი ერთგული ეყოფილიყავი ჩემი ყოფილი ხელმწიფისა და მსურდა აჭარის მოსახლეობის თურქეთში წაყვანა, მაგრამ იმედი მთავრობისა დაპირებაზე არ გამართლდა. ჩვენ ერთგული ვიყავით თურქეთის მთავრობის, ეობროდით მისთვის - ხოლო კარგად თუ ცუდად, ეს თქვენ უკეთ იცით... ჩვენ ასევე ერთგული ვიქნებით რუსეთის სახელმწიფოსი და ისეთივე მამაცობით დაეიცავთ სამშობლოს მისი მტრებისაგან“.¹²⁹

ცხადია, გაელენიან და კოჰულარულ მოღვაწეთა ობიექტური აზრი დიდ როლს ასრულებდა მოსახლეობის დაშოშინება-დაწინარებასა თუ ადგილზე დამკვიდრებაში, მაგრამ ცალკე ოსმალეთის და ცალკე რუსეთის მიერ მუჰაჯირობა სახელმწიფო პოლიტიკის რანგში იყო აყვანილი და, ბუნებრივია, გონიერთა ხმას ნაკლები ეფექტი ჰქონდა.

¹²⁵ სცსსა, ფ-5, ან. 1, ს. 7089, ფურც. 14-19; შ.მეგრელიაძე, დასახ. ნაშრ., გვ. 81.

¹²⁶ შ.მეგრელიძის სიტყვით „1880 წლის დასაწყისიდან“ სასულიერო წოდებამ პოზიცია შეიცვალა და „გასახლების წინააღმდეგ ჰდაგებდა“. ამის მიზეზი კი ის იყო, რომ „ბეგნი მთავანი პირადად დარწმუნდა მუჰაჯირთა უბედურებაში“ (დასახ. ნაშრ., გვ. 39). ნაკლებ დამაჯერებელი აღსნაა. სინამდვილაში ცარიზმმა მოგვიანებით სასულიერო წოდება თავის დასაყრდენად მიიჩნია და მის მიმართ პოლიტიკა შეცვალა. ამასთან, ეს უკანასკნელიც დარწმუნდა მისდამი მთავრობის ლოიალობა-კეთილგანწყობაში. ასე რომ, ორივე მხარე შორივად მოსახლეობის ხარჯზე.

¹²⁷ გახ. „ღრობა“, №217, 1878.

¹²⁸ შ.ფუტყარაძე, ჩვენებურების ქართული, წ. 1, ბათ., 1993, გვ. 10.

¹²⁹ Газ. «Кавказ», №169, 1880.

* * *

მუჰაჯირობამ ინტენსიური ხასიათი მიიღო სწორედ საბრძოლო ოპერაციების დასრულების შემდეგ.¹³⁰ ბერლინის კონგრესზე გაფორმებული დოკუმენტის საფუძველზე 1879 წ. 27 იანვარს რუსეთმა და ოსმალეთმა შეიმუშავეს ე.წ. „კონსტანტინეპოლის ტრაქტატი“, რომლითაც ოფიციალურად დაკანონდა მოსახლეობის თავისუფალი გასახლება ამ შეთანხმების რატიფიკაციის დღიდან (3.02.1879) 1882 წლის 3 თებერვლამდე.

რუსეთის მფლობელობაში გადმოსული ტერიტორიებიდან მუჰაჯირობა ყველაზე ინტენსიური ყარსის ოლქიდან იყო. აქაური მაჰმადიანი მოსახლეობა პირწმინდად გადასახლდა¹³¹ ოსმალეთში. 1879 წ. იქ ოფიციალურად ცხოვრობდა 125 775 სული. მათგან მუჰაჯირად წავიდა 111 202. ამის შედეგად ოლქი თითქმის დაცალა მოსახლეობისაგან, მაგრამ მცირე ხანში მთავრობამ მათ ადგილზე ჩაასახლა სომხები, მალაკნები და იმპერიის შიგა რაიონებიდან გადმოყვანილი სხვა ხალხები. 1909 წ. ყარსის ოლქის მოსახლეობა შეადგენდა 315 534 სულს, მათგან სომეხი - 85199, ბერძენი - 45004, რუსი - 16801 სული და სხვ.¹³²

საინტერესოა, რომ ყარსის ოლქიდან მუჰაჯირობის ორგანიზაციისათვის რუსეთის მთავრობამ გამოყო 500 ათასი მანეთი, მაგრამ ამ თანხას დაკარგულად არ თვლიდა. არც მალავედა, რომ „რამდენიმე მილიონის წაგებაც კი მიზანშეწონილად და ხელსაყრელად“ მიანდა¹³³ ცხადია, „ყარსის ოლქში რუსული ელემენტის დასახლებას“ იმპერიისათვის გაცილებით დიდი მნიშვნელობა ჰქონდა.¹³⁴

რაც შეეხება ბათუმის ოლქს (ძირითადად აჭარას), აქედან გასახლებულთა როდენობაზე სხვადასხვა ავტორი სხვადასხვა ცნობას გვთავაზობს. ზაქარია ჭიჭინაძე ერთგან ასახელებს 30000 სულს,¹³⁵ მეორედ - 40000,¹³⁶ მესამედ - 100000.¹³⁷ სხვათა შორის, ამ უკანასკნელის გარდა, ძირითადად ეს რიცხვები ფიგურირებდა მეცნიერულ ლიტერატურაშიც: ფ. ლისოვსკისთან - 38 000,¹³⁸ ტ. სტეპანოვთან - 30137,¹³⁹ თ. სახოკიასთან - 12000 (ტრაპიზონსა და მის მიდამოებში - 7800, ორდუსა და უნიეს რაიონში - 4000),¹⁴⁰ ე. იაშვილთან - სტეპანოვისა და ლისოვსკის აღნიშნული ციფრები,¹⁴¹ ხ. ახვლედიანთან (როგორც თავად წერს) - ზ. ჭიჭინაძისა და მოსე ჯანაშვილის

¹³⁰ იმ.არამაძე მუჰაჯირობაში გამოყოფს ორ ეტაპს: 1878 წლის აგვისტო-სექტემბრამდე და 1878 წლის აგვისტოდან, როდესაც მთელი ხიმლაგვითი ამოქმედდა „იმპერიის კოლონიზატორული პოლიტიკა“ (დასახ. ნაშრ., გვ. 76-77).

¹³¹ გასახლება გარკვეული წესით ხდებოდა: წასვლის მსურველი ვალდებული იყო რუსული ადმინისტრაციისათვის ჩაებარებინა მიწის ნასყიდობის საბუთი. ანდა ხელწერილი მიწაზე საკუთრების უფლების სამუდამოდ უარყოფის შესახებ. ამის საფუძველზე მას ნება ეძლეოდა წავლო, გაევიდა ან გაეწუქებინა თავისი ქონება. შემდეგ კი ოკრუგის უფროსი კომპლობრივ აღრიცხავდა წამსვლელს და აძლევდა სპეციალურ საშვს (ბილეთს).

¹³² ზ.მეგრელიძე, დასახ. ნაშრ., გვ. 44. ყარსის ოლქით ცარიზმი დაინტერესებული იყო არა მარტო სტრატეგიული, არამედ ეკონომიკური თვალსაზრისითაც. იქ დიდი რაოდენობით იყო სახნავ-სათესი ფართობები და ვაჭარცხლებული იყო რუსეთისათვის ცნობილი ზორბლეულის კულტურა.

¹³³ სცსსა, ფ. 410, ან. 3, ს. 163, ფურც. 6-9.

¹³⁴ იქვე, ფურც. 11.

¹³⁵ ზ.ჭიჭინაძე, ქართველ მაჰმადიანთა..., ტფ., 1914, გვ. 89.

¹³⁶ იქვე, გვ. 117.

¹³⁷ იქვე, გვ. 123.

¹³⁸ Лисовский В. Чорохский край (Военно-статистический очерк), Тифл., 1887, стр. 37-38.

¹³⁹ Степанов Т. Исторический очерк вступления русских войск в г. Батум 25 августа. - Батум и его окрестность, Тиф., 1906, стр. 95.

¹⁴⁰ თ.სახოკია, მოგზაურობანი, ბათ., 1985, გვ. 190-191.

¹⁴¹ ე.იაშვილი, აჭარა ოსმალთა ბატონობის პერიოდში, ბათ., 1948, გვ. 154.

გადმოცემებზე დაყრდნობით - „ნახევარ მილიონზე მეტი“¹⁴² ირ. ბარამიძესთან „რამდენიმე ათეული ათასის ფარგლებში“¹⁴³ და ა.შ.

მითითებული ციფრების კრიტიკული ურთიერთშეჯერებით პროფ. შ. მეგრელიძე მივიდა იმ დასკვნამდე, რომ ბათუმის ოლქიდან (საკუთრივ აჭარადან) გასახლებულთა საერთო რაოდენობა მართლაც არ აღემატებოდა გაზ. „დროებაში“ 1882 წ. (№32) დასახლებულ რიცხვს - 10 ათას სულს მკელევიარი კიდევ უფრო აკონკრეტებს ამ ციფრს მისი სიტყვით, ამაში საუარაუდებელია 2-3 ათასი აფხაზი და ათასზე მეტი ლაზი ლტოლვილი, აგრეთვე უკან მიბრუნებული „მრავალი მუჰაჯირი“. ამის საფუძველზე აჭარიდან გასახლებულ ქართველთა რაოდენობას განსახლდრავს 5 ათასი სულით. ავტორი ვერ ასაბუთებს ამ რიცხვის სიზუსტეს, მაგრამ, როგორც თვად აღნიშნავს, ვიდრე „დამატებით ცნობებს მივაკლავდეთ“, იგი „დაახლოებით მანც დამაჯერებელი“ ჩანს.¹⁴⁴ ვიქტრობთ, ეს ციფრი რეალურ სინამდვილეს უნდა ასახავდეს ჩვენი აზრითაც, აჭარიდან წასულთა რიცხვი, მართლაც, არ აღემატებოდა 7-8 ათას კაცს.

მუჰაჯირები ოსმალეთში ორი გზით მიდიოდნენ: ყარსის ოლქიდან - ძირითადად ხმელეთით, ბათუმის ოლქიდან - საზღვაო გზით. საშინელი სანახაობა იყო გამგზავრება. აყრილი და ბათუმს ჩამოსული ასობით ადამიანი, დიდი თუ პატარა, ქალი თუ კაცი, ოსმალეთს მიმავალი გემის მოლოდინში ქუჩებში ათევენენ ღამეს, ხშირად მშიერ-მწყურვალნი. ისინი ცხარე ცრემლებით ემშვიდობებოდნენ მშობლიურ მიწა-წყალს, მხურვალედ კოცნიდნენ „დედამიწას, ხეებს, სახლებს, ყველაფერს სულიერსა და უსულოს“.¹⁴⁵ ყარსის ოლქიდან გასახლებულნიც „ტირილითა და ვაი-ვაგლახით ეთხოვებოდნენ აქაურობას. დარწმინდები რამდენიმე კერსზე აცილებდნენ და მერე ნამტირალევი და გაუმოკლული უკან ბრუნდებოდნენ“.¹⁴⁶

ოსმალეთში ჩასულნი კიდევ უფრო მიძიმე პირობებში აღმოჩნდნენ. ისინი სხვადასხვა პროვინციაში ჩაასახლეს („შაეი ზღვის სანაპიროზე ტრაპიზონისა და სამსუნის ვილაეტებში, ეგეოსის ზღვის სანაპიროზე ბურსას ვილაეტსა და იზმითის სანჯაყში). მართალია, ოსმალეთის ხელისუფლებამ მიიღო გარკვეული ზომები ლტოლვილთა დახვედრა-მიღებისათვის, მაგრამ ერთბაშად ზღვა ხალხის დაბინავება-მოწყობა მანც მეტისმეტად ძნელი აღმოჩნდა.¹⁴⁷ შემდეგაც, საკითხის მოგვარებისას აშკარად იგრძნობოდა აჩქარება. ამასთან, ვერ ითვალისწინებდნენ ლტოლვილთა მოთხოვნებს. ამის გამო დასასახლებლად გამოყოფილი ადგილები, უმეტეს შემთხვევაში, ან უვარგისი იყო, ან გასაკაფი ახო, ანდა სადავო ადგილობრივ მოსახლეობასთან. ამიტომ მუჰაჯირებს ძალზე გაუჭირდათ ახალ გარემოსთან შეგუება. ლტოლვილებს შიმშილმა და ათასგვარამ სენმა დარია ხელი. ასეთ ვითარებაში მრავალმა ფულის საშოვნელად გამოსავალი შეილების დაგირავებაში ნახა, ზოგმა-გაყიდვაშიც. რუსეთის ტრაპიზონელი კონსული იტყობინებოდა ადგილობრივი ფაშის მიერ „რვა

¹⁴² ხ.ახვლედიანი, სახალხო-განმათავისუფლებელი ბრძოლის ისტორიიდან სამხრეთ საქართველოში, ბათ., 1956, გვ. 149.

¹⁴³ ირ.ბარამიძე, მუჰაჯირობისა და მიმდინარე პოლიტიკურ პროცესებთან დაკავშირებული საკითხები სამხრეთ-დასავლეთ საქართველოში: მიზეზები და ისტორიული ასპექტები. - კულტუროლოგიური და ისტორიულ-ეთნოგრაფიური ძიებანი საქართველოში, 1, ბათ., 1996, გვ. 123.

¹⁴⁴ შ.მეგრელიძე, დასახ. ნაშრ., გვ. 63.

¹⁴⁵ გაზ. „დროება“, №40, 1878.

¹⁴⁶ გაზ. „დროება“, №151, 1879.

¹⁴⁷ მაჩიტაძე, ტრაპიზონში ჩასულ მუჰაჯირთა 4-ათასკაციანი ჯგუფიდან მთავრობამ მხოლოდ 200 მისკა თაყშესაფარი, დანარჩენი კი „სიცოცხემ და შიმშილმა... მათხრობამდე მიიყვანა“ (სცსა, ფ.545, ხ.9, ფურც.1-2).

ულამაზესი ქალიშვილის ყიდვას 60-80 რუბლად თითოეული¹⁴⁸. მაშასადამე, მკაცრი რეალობა შორს იდგა ადრე შეპირებული „ოქროს მთებისაგან“¹⁴⁹. ამიტომ ბევრს გული აუცრუვდა და უკან დაბრუნება მოინდომა. მოახერხა კიდევც — უკანასკნელი სარჩოსაბადებელი გაყიდა, სახლიდან მიღებული გროშებიც მიუმატა და ჩამოვიდა. ა ფრენკელი, რომელიც პირადად შეესწრო ქობულეთელთა ერთი ჯგუფის დაბრუნებას, წერდა: „უდიდესი სიხარული ბრწყინავდა მათ სახეზეო“¹⁵⁰.

უნდა ითქვას, რომ თავდაპირველად აკრძალული იყო მუჰაჯიროთა დაბრუნება და მიღება. ამის გამო სერგეი მესხი მამაურ პროტესტს გამოსთქვამდა მთავრობის მისამართით და გაზ. „დროებაში“ გამოქვეყნებული სტატიით მოითხოვდა ამ აბსურდული კანონის გაუქმებას არა მარტო კაცთმოყვარეობის ან ჰუმანურობის გამო, არამედ თუნდაც სარგებლიანობის თვალსაზრისით. „ერთი ამისთანა დაბრუნებული, - წერდა ს. მესხი, - რომელმაც ოსმალეთში ათასი ტანჯვა და წამება გამოიარა, რომელსაც იქ არც ადგილი მისცეს, არც თავშესაფარი სახლი, არც ლუკმა-პური... ჩაასახლეთ სოფელში და, რასაკვირველია, დარწმუნებული უნდა იყვნეთ, რომ მევე ამ სოფლიდან არცერთი აღარ გაივლებს ტყინში გასახლებას“¹⁵¹.

სხვათა შორის, აღნიშნული აკრძალვის გაუქმებას ა. ფრენკელიც მოითხოვდა თავის პოზიციას იგი ორი მოსახრებით ასაბუთებდა: ჯერ ერთი, აქ ჩამოსახლებული სხვა ერის შვილი, რომელიც შეუგუებელია ადგილობრივ პირობებს, ვერ დაამუშავებს აჭარის ბუნებრივ სიმდიდრეებს ისე, როგორც თავის მიწა-წყალს საუკუნეობით მუშარდით მოსახლეობდა. და მეორეც, ომებში გამოწვრილები ეს ხალხი თუ ადგილზე დარჩებოდა, რუსეთს აქ საზღვრის საიმედო დამცველი ეყოლებოდა სულ მალე მცირე აზია შეიძლება „გახდეს თურქეთთან და ინგლისთან ბრძოლის ასპარეზი და მაშინ ჩვენ (რუსეთი - ავტ.) ვინანებთ იმ მოუსვენარ აჭარლებზე, რომელთა მოცილებას ახლა ექპარობთ“¹⁵² - სინანულით დასძენდა ა. ფრენკელი.

ჩანს, საზოგადოებრივი აზრის ზეგავლენით 1879 წ. შემოდგომაზე მთავრობამ გააუქმა აკრძალვა და ბათუმის ოლქიდან გასახლებულთ დაბრუნების უფლება მისცა. ამას „კარგი ზემოქმედება ექნება, - გახარებული წერდა გაზ. „დროება“, - ხალხი დამშვიდდება, დაწინარდება და ოსმალთა ჩინოვნიკების ტყუებას დაინახავს, მიწა-წყალს მოეკიდება და მშვიდობიანად ცხოვრებას და მამულის დამუშავებას შეუდგებაო“¹⁵³.

დაბრუნებაზე აკრძალვის გაუქმება ქართული საზოგადოებრივი აზრის გამარჯ-

¹⁴⁸ სცხა, ფ.410, ს.1102, ფურც. 2

¹⁴⁹ ცხადია, ეს ადრე იყო, რაც ამდენი მუჰაჯირის მიღება-მოწყობის სირთულემ გამოიწვია, თორემ ლტოლვილებმა შემდეგ ბევრით შრომით თავიანთი დასახლების ადგილები წალკოტად აქციეს. თურქი ბუბლიცისტი მეზმედ არიფი, რომელმაც XIX საუკუნის 90-იან წლებში მოინახულა სამსუნის მიმდებარე ქართული სოფლები, აღტაცებული წერდა: ქართველებმა არაჩვეულებრივი გარჯის შედეგად „ყოველი მხარე კეთილმოაწყვეს და ისეთი ადგილებიც კი გამოაკოცლეს და ნოყიერი გახადეს, რომლებიც მიწათმოქმედებისათვის სრულიად გამოუსადეგარი იყო, მიწის დამუშავებასა და ხვნა-თესვაში დიდი გულმოდგინება გამოიჩინეს. ხუთი, ათი სულისაგან შემდგარმა ოჯახმა, რომელიც ოცდაათი ყურეშითა და გაქორცილები მოვიდა, მოკლე დროის განმავლობაში სული მოითქვა, ცხოვრებისათვის აუცილებელი ნივთები შეიძინა, მიწდროი, ხარულილი, საქონელი გამოარავდა, გაჭირვებისაგან თავი დაიხსნა და ისეთ კეთილდღეობას მიაღწია, რომ ადგილობრვმა მოსახლეობამ... ქართველებისაგან დაიწყო სესხება“. ეს იმითმ, რომ აქაურები „ბუნებით ზარმაცები და უდარდელი არიან“ (მარიფი, ქართული სოფლები (თურქეთში). იხ. მსჯანძე, ქართველები თურქეთში, გვ. 11; აგრეთვე აკარბლაშვილი, ქართველები თურქეთის ცის ქვეშ, თბ., 191).

¹⁵⁰ Френкель А., Указ. соч., с. 108.

¹⁵¹ გაზ. „დროება“, №183, 1879.

¹⁵² Френкель А., Указ. соч., с. 131.

¹⁵³ გაზ. „დროება“, №188, 1879.

ვება იყო.¹⁵⁴ ცხადია, ამ უფლებით ბევრმა თანამემამულემ ისარგებლა, რამაც პარტახად დაგდებული არა ერთი სახლ-კარი „გააცოცხლა“. ეს იყო უდიდესი ეროვნული მნიშვნელობის ფაქტი. ამ თანადგომით აჭარამ აიცილა 30-იანი წლების მესხეთის საეპალალო ხევდრი და მის მსგავსად არ დაიცალა მკვიდრი მოსახლეობისაგან.

* * *

მუშაჯირობამ შეაწუხა და საგონებელში ჩააგდო ქართველი სასოგადოება. მას გულს უკლავდა იმის შეგნება, რომ მშობლიურ კერაზე დაბრუნების მიუხედავად, მამამდიანი ქართველი ბედის ანაბრად ადგებდა მამულს, სახლ-კარს და „ცხრა მთას იქით“ უცხოეთში მიდიოდა. ილიამ განგაშის ზარუნად დარისხა და ხალხს შეჭირვებული აჭარლების დახმარებისაკენ მოუწოდა. იგი წერდა: „ქართველობაჲ— ხელი გაუწოდე შენს ძმებსა და დებსა... შევეწიენეთ, რითაც შეგვიძლიან, ფულით, საჭმელით, საცმელით, ხორავით! ამას ითხოვს ყველასაგან სასოგადოდ კაცთმოყვარეობა და ჩვენთვის კი საკუთრად ზნეობით მოვალეობაც ძმისა და დის წინაშე...“

აბა ქართველობაჲ, ეხლა შენ იცი, როგორ დაანახებ თავს შენს ახლად შემოერთებულ ძმებს. ეხლა შენ იცი, როგორ დაუმტკიცებ ქვეყანას მამა-პაპათ ანდერძს „ძმა-ძმისთვისა და შავი დღისთვისაო“.¹⁵⁵

კიდევ უფრო მკვეთრი იყო სერგეი მესხის წერილები. იგი ქართველ სასოგადოებას უკოჩინებდა აჭარის მოსახლეობისადმი უმოქმედობას და უყურადღებობასაც კი. „პირველი ალტაცების შემდეგ, - სამართლიანად წერდა იგი, - ჩვენ დაგვაიწყდა ყოველი ღეთიური და კაცობრიული მოვალეობა ჩვენი მოძმეების წინაშე. დაგვაიწყდა, რომ ამ ნაპოენ ძმას მოვლა-პატრონობა, გზის ჩვენება, ჩვენი თავის გაცნობა და შეყვარება უნდა. დაგვაიწყდა, რომ ასე მიტოვება იმათი, განსაკუთრებით იმ დროს, როდესაც ყოველი მხრიდან მოდიან მათთან და ეწურნულებიან, უქადაგებენ გადმოდით ოსმალეთში, გადმოსახლდით, ჩვენი მხრიდან დიდი წინდაუხედეულობა იყო, დიდი შეცდომა და დაბრკოლება...“

და შემდეგ: „თითქმის არცერთი ფაქტით, არცერთი სახსრით და ჩვენის მოქმედებით ჯერ არ დაგვიმტკიცებია ამ ხალხისათვის, რომ ჩვენ ამათვის ბედნიერება და სიკეთე გესურს, რომ ჩვენ ნამდვილ ძმებად მიგვანჩნა ივინი და ეზრუნათ მათთვის და ამის შემდეგ რად უნდა გვიკვირდეს, რომ ისინი მიდიან ოსმალეთში, სადაც საქმით თუ ვერ უსრულებენ, სიტყვით მაინც პირდებიან გაჭირვებულ მდგომარეობაში ხელის გამართვას და დახმარებას. ამაზე ყველა ქართველმა უნდა იფიქროს, რომ ნაპოენი ძმა ხელახლა არ დაგვეკარგოს“.¹⁵⁶

ყურადღებისა და დახმარების პირველ ნაბიჯად სერგეი მესხს მიაჩნდა პატიოსანი და მამულისმოყვარე ქართველი ახალგაზრდების მოზიდვა ბათუმ-აჭარაში სამუშაოდ, რადგან კეთილშობილური და უანგარო დამოკიდებულებით გამამადიანებული ქართველები „ნდობის თვალთ შეგვხედავენ— და აღარ იფიქრებენ ოსმალეთში გასახლებას“.¹⁵⁷

ქართველმა სასოგადოებამ დროულად გაისიგრძეგანა ერის მამების გულმხურვალე მოწოდება და ისევ დიდი ილიას თაოსნობით შემოშუაგა სამხრეთ-დასავლეთ

¹⁵⁴ შ.მეგრელიძე, დასახ. ნაშრ., გვ. 70.

¹⁵⁵ ი.ჭავჭავაძე, თხზ., ტ.5, გვ. 31.

¹⁵⁶ გაზ. „დროება“, №4, 1880.

¹⁵⁷ გაზ. „დროება“, №14, 1879.

საქართველოს აღორძინების ერცელი პროგრამა. იგი გულისხმობდა არა მარტო მატერიალურ დახმარებას, არამედ სახალხო მეურნეობის განვითარებას და, რაც მთავარია, განათლებისა და კულტურის დაწინაურებას მხოლოდ ამ გზით შეიძლება ეროვნული ცნობიერების ამადლება და ქვეყნის პოლიტიკური გამთლიანება.

ქართველმა ხალხმა გულთან მიიტანა მოძმეთა სატიკიარ-გასაჭირი და რითაც შეეძლო, დახმარების ხელი გაუწოდა. საკმარისია ითქვას, რომ 1879 წ. მარტო ფულად შეკრიბა და გამოუგზავნა 20 ათასი რუბლი¹⁵⁸ მათ, ვინც მუშაჯირად არ წავიდა.

რა თქმა უნდა, აღნიშნული თანხა ყველას ვერ გამოიყვანდა გაჭირვებიდან, მაგრამ ამ დახმარებას მაინც დიდი მორალური მნიშვნელობა ჰქონდა. ეს თანადგომა, როგორც გიორგი წერეთელი აღნიშნავდა, ადგილობრივ მოსახლეობას ჩააგონებდა: „სხვებთან ღხინს ისევ თქვენთან ჭირი გვირჩენიაო“.¹⁵⁹

კიდევ უფრო დიდი მნიშვნელობისა იყო 1881 წ. მარტში ბათუმში პირველი ქართული სკოლის გახსნა, რომელმაც მხარის აღორძინების უდიდესი მისია იკისრა. სწორედ ამ სკოლიდან გამოვიდა განათლებულ მამადიან ქართველთა ის პირველი თაობა, რომელთა აქტიური მოღვაწეობით მოხერხდა დედასაქართველოსთან აჭარის შემომტკიცება.

§4. მოსახლეობის დინამიკა, ეთნოკონფესიური და სოციალური სტრუქტურა

ბათუმის ოლქი, კერძოდ, აჭარა, საქართველოს ის ისტორიულ-ეთნოგრაფიული რეგიონია, სადაც დასახლების ძირითად ერთეულს წარმოადგენდა სოფელი და სასოფლო თემი. ეს ფაქტორი განსაზღვრავდა ეთნიკური სუბსტრატის მდგრადობას აჭარის ასეთი მონოეთნიკურობა სხვა ფაქტორებითაც იყო განპირობებული. მართალია, გვარ-სახელებში და ბუდე-შტოს სახელებში შეინიშნება არაქართული ელემენტი (ქურთიენთი, ჰემშიენთი...), მაგრამ ის გათქვეფილია მკვიდრ მოსახლეობასთან და გააჩნია ქართული ცნობიერება. ეს ბუნებრივიცაა, რადგან გარემოცვა, ძირითადი ეთნიკური მასა, ქართული იყო.

XIX საუკუნის მეორე ნახევრიდან ბათუმში თანდათანობით იქცა საქალაქო ტიპის დასახლებად. სტრატეგიულმა მდებარეობამ, სავაჭრო, ეკონომიკურმა თუ პოლიტიკურმა ფუნქციებმა გაზარდა მისი, როგორც საპორტო ქალაქის, მნიშვნელობა. ამან, თავის მხრივ, დააჩქარა მოსახლეობის ზრდა და სხვადასხვა ეთნიკური ელემენტის მოზიდვა.

სამხრეთ-დასავლეთ საქართველოში ეთნიკური პროცესები სპეციფიკური ნიშნით წარიმართა. ადრე სამცხე, ჯავახეთი, აჭარა და მესხეთის სხვა თემები მაწვეერელის, მტბეერის, ქუთათელის, იშხნელის, ანჩელის, ერუშნელის, ფანასკერტელის, ანელის, კარელის, ბანელის, დადაშნელის, წურწყაბელის, წყაროსთაველის სამწყსო ყოფილა.¹⁶⁰ საეკლესიო ცხოვრების ამგვარი სურათი იმ პერიოდის ანარეკლია, როცა ქრის-

¹⁵⁸ დაწვრილებით იხ. შ.შეგრელიძე, დასახ. ნაშრ., გვ. 74-75.

¹⁵⁹ გაზ. „დროება“, №32, 1879,

¹⁶⁰ Бахрадзе Д.З. Археологическое путешествие по Грузии и Аджаре. сс., 81-85.

ტიანული სამხრეთ საქართველო მესხეთის ანუ ზემოქართლის სახელწოდებას ატარებდა.¹⁶¹ ამ დროისათვის ეკლესიებში წირვა-ლოცვა ქართულად სრულდებოდა და სხვა იდეოლოგიური სისტემები მასზე ზეგავლენას ვერ ახდენდა.

სამხრეთ და სამხრეთ-დასავლეთ საქართველოში არც გეარობრივ-ეთნიკური შემადგენლობა იყო ისე ჭრელი, როგორც გვიანშუასაუკუნეებსა და საბჭოთა პერიოდში. ამაზე მეტყველებს წერილობით წყაროებში ასახული და ეროვნული ცნობიერების გამომხატველი ქართულ გვარეულობათა სახელწოდებანი: ბალასძე, ხინკილაძე, ვაშა-ნისძე, ხუცისძე, დიასამიძე, შალიკაშვილი, უზნასძე, გათენასძე, ფანასკერტელი, კოპასძენი და სხვ.¹⁶² რაფიელ ერისთავი შავშეთში ადასტურებდა გვარებს: ერისთავი, ხიმშიაშვილი, თეთთიძე, კოპაძე, ბასილიძე, წიქარიძე, ავალიშვილი, გუჯაბიძე, ლოთაძე, პანძიძე, ყომაშვიძე, სალარიძე, ბერიძე, შალიკაშვილი, თურმანიძე და ა.შ.¹⁶³ მას დაუმოწმებია არტანუჯში, აგრეთვე, კავკასიისძე, ლეიანში-ათაბაგი, ვაშალიძე, ზაქარიაძე, გვარელიძე, ირემაძე, პარხაღში – დებრაძე.¹⁶⁴ აქ წარმოდგენილ გვარეულობათა ერთი ნაწილი (ხიმშიაშვილი, ავალიშვილი, ავალიანი, ბერიძე, თურმანიძე, ათაბაგი, ირემაძე) აჭარაში დღესაც გვხვდება, რაც მესხეთის თემებს შორის მჭიდრო კულტურულ-ისტორიულ ურთიერთობას მოწმობს. ეს გვარეულობანი ქართული ფეოდალური საზოგადოების ფარგლებში იყო წარმოდგენილი და ტრადიციული სუფიქსებით გაფორმებული, რაც ასევე ეროვნული ცნობიერების სიმტკიცის მაჩვენებელია.

ქართული გვარეულობანი ძირითადად ყალიბდებოდა წინაპრის საკუთარი ან ზედმეტი სახელისაგან და ჩეულებრივ, წინაპრის პროფესიას ასახავდა (ხარაზი, უსტიაშვილი...), დამახასიათებელ თვისებებს (გრძელიძე, ცენტერაძე...) ან სადაურობას (მესხიძე, მეგრელიძე...) გამოხატავდა. უკანასკნელთა გეოგრაფიული სახელები ან ეთნონიმები უდევთ საფუძვლად და სუფიქსით სწორედ მათდამი კუთვნილებას ან მათგან წარმომავლობას ასახავს (ფლადიენთი, მესხიძე, ნოღაიდელი, მეგრელიძე, ლაზიშვილი, ლეკიშვილი, რუსეიშვილი და ა.შ.).

გვარსახელთა წარმოებაში უდიდეს როლს ასრულებს ონომასტიკაც. იგი დროში ცვლადია, რაც კულტურულ-ისტორიული და პოლიტიკური რეალობებით იყო განპირობებული. მაგალითად, ოსმალთა ბატონობის ხანაში აჭარის მოსახლეობის ერთ ნაწილში გავრცელდა თურქული სამყაროსათვის დამახასიათებელი სახელები (ხასანა, აბდულა, მუხამედი, ფერათი, ახმედი, ალი...), მაგრამ პატრონიმიული სახელწოდებები ტრადიციულ კანონზომიერებათა საფუძველზე იწარმოებოდა, ე.ი. წინაპრის სახელებზე ისტორიულად ჩამოყალიბებული ქართული სუფიქსების (ძე, შვილი, ენ ან იენთ) დართვით. ამდენად, ადამიანთა უცხო სახელებისაგან წარმომდგარმა გვარსახელებმა თუ ბუდე-ნათესაობებმა მაინც შეინარჩუნეს გენეალოგიური წარმოების ძირძველი ქართული პრინციპები (მაგალითად: შაქირდელიენთი, ისკენდერდელიენთი, მურადაშვილი...) შეიძლება დაბეჯითებით ითქვას, რომ ნაწილობრივ შეცვლილი ონომასტიკის საფუძველზე გაჩენილ გვარსახელებს, რომლებსაც ხშირად თურქული „ოღლი“-ს ან

¹⁶¹ გ.ტიციძე, ოსმალეთის დევროშობა და გლეხთა აჯანყებანი XVI საუკუნეში, თბ., 1946, გვ. 172-174.

¹⁶² იხ. ტბითის სულთა მატთან, ტექსტი გამოსაცემად მოამზადა, გამოკლევია და საძიებელი დაურთო თინა ენუქიძემ, თბ., 1977, გვ. 15-26.

¹⁶³ მესხური წარმომავლობის გვარეულობათა შესახებ აჭარაში, იხ. ნ.მგელაძე, აჭარაში მესხთა მიგრაციის საკითხისათვის. - ეთნოგრაფიული გამოკვლევები, თბ., 1989, გვ. 69-80; მისავე, სამცხურა წარმომავლობის გენეალოგიური (ნათესაური) ვჯგუფების ისტორიის ზოგიერთი საკითხი აჭარაში. - მესხეთი (ისტორია და თანამედროვეობა), ახალციხე, 2000, გვ. 140-147.

¹⁶⁴ ვაჟ. „დროება“, №80, 1875.

სპარსული „ზადე“-ს სახით ქართული „შვილი“-ს შესატყვისი ფორმა ერთვოდა, მხოლოდ გარეგანი მნიშვნელობა ჰქონდა. ოსმალეთში გეარის ტრადიცია არ არსებობდა და გენეალოგიის საფუძველზე არც გეარსახელი წარმოიქმნებოდა. აჭარაში გეარეულობათა წარმოშობის ძირქველი ტრადიცია უცვლელად შემონახა. წინაპრისაგან ერთხელ მიღებული სახელი თაობებს გადაეცემოდა, გენეალოგიას წარმოქმნიდა და გეარსახელის გამომხატველი ხდებოდა. ოსმალეთში კი წინაპრის სახელი შვილიშვილის თაობაში ქრებოდა.¹⁶⁵ ამგვარი ტრადიციების მდგრადობამ განაპირობა ეთნიკური ცნობიერებისა და თვითმყოფადობის შენარჩუნება.

ბათუმის ოლქი, რომელიც ძირითადად წარმოდგენილი იყო საკუთრივ ბათუმისა და ართვინის ოკრუგების სახით, გამოირჩეოდა ეთნიკური ერთფეროვნებით, თუმცა, მათში, ისტორიული ბედუკულმართობის გავლენით, შეიმჩნეოდა უცხოეთნიკური ელემენტების (თურქები, სომხები...), ბათუმის მიდამოებში კი – აფხაზების დამკვიდრების შემთხვევები.¹⁶⁶

XIX საუკუნის პირველ ნახევარში აფხაზეთიდან ოსმალეთში გადასახლდა 10 ათასი კაცი.¹⁶⁷ მათი ნაწილი დამკვიდრდა ბათუმის რეგიონში, რომელიც მაშინ ოსმალეთს ჰქონდა მიტაცებული. აფხაზთა ძირითადი მასა კი აქ 60-იან წლებში ჩამოსახლდა. თვით მუჰაჯირების განცხადებით, აფხაზების ერთი ჯგუფი ბათუმში 1862 წლისათვის დასახლებულა.¹⁶⁸ მაშინ დაუკავებიათ „ნურიეს“ ტბის (დღ. ახალგაზრდობის პარკის) ტერიტორია.¹⁶⁹ რუსეთის გენერალური კონსულის ა. მაშინის ცნობებზე დაყრდნობით, გ. ძიძარია ლტოლიელთა რაოდენობას დაახლოებით 6 ათასი ცაცით განსაზღვრავს.¹⁷⁰ ცალკეული ავტორი კი 1872 წლისათვის ბათუმის ოლქში მიუთითებდა ემიგრანტთა 300 ოჯახს, რომლებიც 1864-1867 წლებში აფხაზეთიდან გადმოსახლდა.¹⁷¹

ბევრი მუჰაჯირი ცდილობდა აფხაზეთში დაბრუნებას, მაგრამ ჯერ ოსმალეთის შემდეგ კი რუსეთის ხელისუფლება ამას კრძალავდა. ამის გამო მათი ნაწილი აჭარაში დამკვიდრდა. გადმოსახლებულთა შორის, როგორც ჩანს, იყვნენ კავკასიის სხვა რეგიონებიდან ლტოლიელებიც (ჩერქეზები, უბიხები...). ამის დამადასტურებელია როგორც ტოპონიმიკა („ჩერქეზიანთ უბანი“), ისე ადამიანთა საკუთარი სახელები („ჩერქეზა“).

1877-1878 წლების ომისა და ომის შემდგომ წლებში, რუსთა ჯარის შემოსვლის შემდეგ, ჩერქეზები და უბიხები თითქმის მთლიანად, ხოლო აფხაზების – ნაწილი, ისეე აიყარა ბათუმის მიდამოებიდან და ოსმალეთში გადავიდა. პარალელურად მიმდინარეობდა ემიგრანტთა ახალი ნაკადის შემოსვლა. ესენი იყვნენ ომის დროს ოსმალთა მიერ აფხაზეთიდან ძალით წაყვანილი ლტოლიელები,¹⁷² რომლებიც აპირებდნენ ისეე უკან დაბრუნებას, თუმცა, ბათუმის ხელისუფლება, უზენაესი ბრძანების შესა-

¹⁶⁵ მ.ბეჟია, ძველი და ახალი საქორწინო ტრადიციები აჭარაში, ბათ., 1974, გვ. 22.

¹⁶⁶ Дзидзария Г.А., Махаджирства и проблемы Абхазии XIX столетия, Сух., 1982, с. 36.

¹⁶⁷ ზ.ჭიჭინაძე, ქართველი მუსლიმანები და მათი სოფლები საქართველოში, ტფ., 1913, გვ. 169.

¹⁶⁸ თ.არეგბა, აჭარაში აფხაზთა დასახლების საკითხისათვის. - სსსკ, თბ., 1988, გვ. 78.

¹⁶⁹ იქვე, გვ. 79.

¹⁷⁰ Дзидзария Г.А. Указ. соч., с. 228-229.

¹⁷¹ თ.არეგბა, დასახ. ნაშრ., გვ. 79.

¹⁷² იანთელავა, ერთი ეპიზოდი XIX საუკუნის აფხაზეთის ისტორიიდან. - ივ.ჯავახიშვილის სახელობის ისტორიის ინსტიტუტის შრომები, IV, ნაკვეთი 1, თბ., 1958, გვ. 7, 8, 10.

ბამისად, ცდილობდა ეს არ დაეშვა.¹⁷³ აფხაზთა ცალკეული ჯგუფის შემოსელა ბათუმის ოლქში შემდგომ წლებშიც გაგრძელდა.

1881 წ. რუსეთის მთავრობამ გააუქმა სამშობლოში დაბრუნების აკრძალვა, რადგან მსურველთა რაოდენობა დღითიდღე იზრდებოდა.¹⁷⁴ ეს ფაქტი დაუმაღლეს ოსმალეთში მცხოვრებ აფხაზებს. 1860-იან წლებში აფხაზები დასახლდნენ შემდეგ უბნებში: კალტიბაური, ყუშაღიე ანუ ჩელტა, იმამიე ანუ სალიბაური, ბედენიე, ფეჩიფე, სოუქსუ, იჯაღიე, ფერიე, ადლიე, ნურიე, ერგე, ურეხი და ა.შ. იმავე პერიოდიდან აფხაზები ცხოვრობდნენ, აგრეთვე, გონიოში, ჭარნალში, მახინჯაურში, ჩაქეში, ციხისძირში, ბობოყეათში, ქობულეთში და სხვ. მოგვიანებით, ქალაქის გაფართოების მიზნით რუსეთის ხელისუფლებამ აძყარა ცენტრალურ უბნებში (ნურიე და სხვ.) მცხოვრები აფხაზები. მაშინ მათი ნაწილი ოსმალეთს გაბრუნდა, ნაწილი კი ბათუმის ახლომდებარე სოფლებს შეეხიზნა. 1882 წ. 19 მარტის მოსახლეობის ერთდღიანი აღწერით ბათუმში ცხოვრობდა 337 აფხაზი.¹⁷⁵

აფხაზთა შემოსახლება-დამკვიდრების პროცესი ეტაპობრივ ხასიათს ატარებდა. შესაბამისად, იცვლებოდა მიგრანტთა რაოდენობაც. ე. ლისოვსკი გონიოს უბანში ასახელებს ჩერქეზებსაც,¹⁷⁶ თუმცა, ისიც უნდა ითქვას, რომ ზოგი ავტორი აფხაზურ-ადიღურ ხალხს ერთმანეთისაგან არ ასხვავებდა და ზოგადი ეთნონიმით - „ჩერქეზი“-თ აღნიშნავდა (ე. ლისოვსკი, გ. ყაზბეგი).

ბათუმის ოლქში უცხოეთნიკური ელემენტის მოძალევა, ძირითადად, განაპირობა, ერთი მხრივ, ბათუმის საპორტო და სამრეწველო ქალაქად გადაქცევამ, მეორე მხრივ, ცარიზმის კოლონიზატორულმა პოლიტიკამ. რუსეთი ამ მხარის კოლონიზაციას პირველხარისხოვან მნიშვნელობას ანიჭებდა. 1879 წ. გენერალ-ადიუტანტი სეიატო-პოლკ-მირსკი ყურადღებას ამახვილებდა თავისუფალი მიწების რაოდენობის შესაბამისად არაქართველთა ფართომასშტაბიანი შემოსახლების აუცილებლობაზე: „ჩვენ თურქეთში გადასახლებაში ხელი არ უნდა შეუშალოთ მუსლიმანებს არც პირდაპირ, არც ირიბად, - ნათქვამია დოკუმენტში, - რუსეთის ხელისუფლებამ უნდა მიიღოს ზომები, რათა გადასახლებულ მუჰაჯირთა მიწები მოხედეს მთავრობის განკარგულეუბაში. ამიტომაც, უნდა წაეხაზისოთ ადგილობრივთა წასვლა მუჰაჯირად“.¹⁷⁷ ამის სანაცვლოდ ავტორი მოითხოვდა რუსების ჩამოსახლებას. აქვე აღნიშნულია, რომ მხარის სოფლის მეურნეობა უნდა განვითარდეს კოლონიზაციის გზით.

თავდაპირველად ცარიზმი ცდილობდა მკვიდრი მოსახლეობის გასახლებას ან ასიმილაციას და დარწმუნებულიც იყო, რომ შეძლებდა აქ რუსების დამკვიდრებას, მაგრამ მაღარიის გამო გართულდა ადაპტაციის პროცესი.¹⁷⁸ ამის მიუხედავად, მაინც მიმდინარეობდა არაქართული ელემენტების ჩამოსახლება-დამკვიდრება. 1887 წლისათვის ბათუმის ოკრუგში მცხოვრები მოსახლეობის ეთნოკონფესიური შემადგენლობა შემდეგნაირადაა წარმოდგენილი:¹⁷⁹

¹⁷³ თ.აჩუგა, დასახ. ნაშრ., გვ. 81.

¹⁷⁴ შ.მეგრელიძე, აჭარის წარსულიდან, თბ., 1964, გვ. 71, 72.

¹⁷⁵ Известия Кавказского отдела Императорского Российского географического общества (ИКОИРГО), т. VIII, 1884, с. 94.

¹⁷⁶ Лисовский В.Я. Чорохский край, Военно-стратегический очерк, Тиф., 1887, таб. 2.

¹⁷⁷ სცსა, ფ. 416, ან.3, ს. 163, ფ. 10-12.

¹⁷⁸ Френкель А. Очерки Чурук-су и Батума, Тиф., 1878, с. 5.

¹⁷⁹ ცხრილი შედგენილია ე. ლისოვსკის მონაცემების საფუძველზე იხ. Лисовский В. დასახ. ნაშრ., с. 11-12.

დასახლებული პუნქტი	სასოფლო თემა	სოფელი	ქალაქი	სულადობა	ყოფილება	რელიგიური აღმსარებლობა
ქ. ბათუმი			1	18945	რუსი-5645 ბერძენი-3797 ქართველი-1996 თურქი-2869 სომეხი-1898 ებრაელი-476 სპარსი-1780 სხვა-844	მართლმადიდებელი-11438 მაჰმადიანი-4649 სომეხი გრიგორიანი-1265 სომეხი კათოლიკე-633 კათოლიკე-407 იუდეველი-476 სხვა-77
ზემო აჭარა	2	136		12862	ქართველები	მაჰმადიანი
ქვემო აჭარა	23	64		9886	ქართველები	მაჰმადიანი
გონიოს უბანი	14	61		8993	ქართველი-5843 ლაზი-1889 ქურთი-929 ჩერქესი-172 თურქი-160	მაჰმადიანი
კინტრიშის უბანი	19	36		6030	ქართველი-5326 რუსი-704	მაჰმადიანი-5326 მართლმადიდებელი-704

უცხოეთნიკური ელემენტები ძირითადად ცხოვრობდნენ ბათუმში, გონიოსა და მის მიდამოებში. ეს მოსახლეობა ჭრელი იყო კონფესიურადაც, რაოდენობრივად ყველაზე უფრო მრავალრიცხოვანი რუსები იყვნენ. ბათუმის ოლქში მათი ჩამოსახლების ფართომასშტაბიანი გეგმების ჩაშლის მიუხედავად, ეს პროცესი მაინც გრძელდებოდა. ქალაქის გარდა ისინი სახლდებოდნენ მიმდებარე სოფლებშიც – ორთაბათუმში, მახინჯაურში, მწვანე კონცხის მიდამოებში, მდაჭყვასა და ოჩხამურს, შავ ზღვასა და მდ. ჩურუქსუს შორის.¹⁸⁰ 1880 წ. ბათუმის 3500 მცხოვრებიდან 895 იყო არაქართველი, 1893 წ. ბათუმის ოლქში იყო რუსთა ორი კომპაქტური დასახლება – „სმეკალოკა“ ქობულეთთან და „ხოლოდნაია სლობოდა“ ბათუმთან.¹⁸¹ ართვინის ოკრუგში ამ პერიოდში რუსები არ ცხოვრობდნენ.

რუსები საცხოვრებლად ძირითადად ქალაქს ირჩევდნენ. 1882-1890 წლებში ბათუმის რუსული მოსახლეობა 4-ჯერ გაიზარდა და 4 ათას კაცს მიაღწია. ქართველობა კი მოიმატა მხოლოდ 3-ჯერ (3574 სული). 1897 წ. რუსების რაოდენობამ 7 ათას გადააჭარბა (ქართველები - 6 ათასი).¹⁸²

ქალაქის სამრეწველო განვითარებამ განაპირობა მოსახლეობის ზრდა. 1917 წლისათვის რუსების რაოდენობა გაიზარდა 10 ათას კაცამდე (ქალაქის მოსახლეობის 30%), რაც შენარჩუნდა 1926 წლამდე.¹⁸³ XX საუკუნის დასაწყისიდან რუსები ჩნდებიან ართვინის ოკრუგშიც. 1902 წ. ართვინში ცხოვრობდა 315, 1917 წ. - 320 რუსი; მათგან

¹⁸⁰ ი.ბორიკი, აჭარაში რუსების დასახლების ისტორიისათვის. - სამხრეთ-დასავლეთ საქართველოს ისტორიის საკითხები, თბ., 1991, გვ. 71.

¹⁸¹ იქვე, გვ. 72.

¹⁸² აჭარის ასსრ, სტატისტიკური კრებული. 1913-1923, გვ. 3-21.

¹⁸³ იქვე.

217 — ქალაქში, 103 კი — სოფელში.¹⁸⁴ ისინი იყვნენ დროებითი მაცხოვრებლები, უპირატესად — მომსახურე პერსონალი.

ეთნოგრაფიული მონაცემებით ჩანს რუსთა გაქართველების ცალკეული შემთხვევა. გაზეთ „ცნობის ფურცელში“ (1898 წ., №578) დაბეჭდილია ვინმე „აჭარელ ხასანას“ კორესპონდენცია. ავტორის აზრით, აჭარაში მცხოვრები რუსეთში მიგრაციის წინაპრები ყოფილან რუსები. აღნიშნულთან დაკავშირებით საინტერესო ფაქტი აქვს დადასტურებული ეთნოგრაფ ვლ. მგელაძეს. კერძოდ, სოფელ ქაქუთში ცხოვრობდა ვინმე ივანე მართალიშვილი, რომელიც წარმოშობით იყო რუსი. ადრე დაობლებული ივანე შეხიზნია იუსუფ მართალიშვილს, რომელსაც მისთვის მიუცია სამოსახლო მიწა და დაუცოლშვილებია კიდევ. ივანე იუსუფის გვარზე დაწერილა და მართალიშვილად ქცეულა.¹⁸⁵

შავი ზღვის სანაპირო სოფლებში (ადლია, სამება, კაპრეშუში, მახინჯაური, მწვანე კონცხი, ჩაქვი და სხვ.) გვხვდება გვარსახელური ტოპონიმები: კაგანოვი, სინიციანი, ჩერკასი, გუბანოვი, გოლოვინი, ბიკოვი, სახაროვი და ა.შ. ესენი იყვნენ ამ ადგილების მფლობელები 1920-იან წლებამდე. კოლონისტები დიდი ხანია აქ აღარ სახლობენ, მაგრამ ტოპონიმსამ შემოინახა მათი გვარსახელები, როგორც წარსული ცხოვრების უტყუარი საბუთი.

ბათუმის ოლქში მცხოვრებ ეროვნულ უმცირესობათა შორის რიცხოვნობით ყველაზე მეტი იყვნენ სომხები. ბათუმის ოკრუგში მათი დამკვიდრება უკავშირდება 1877-1878 წლების ომსა და ომისშემდგომ პერიოდს, ართვინის ოკრუგში კი ოსმალთა ბატონობის ხანას. სომეხთა მცირე ჯგუფი ბათუმში ადრეც ცხოვრობდა. ავტორთა ერთი ნაწილი 1872 წლისათვის აქ მიუთითებდა 120 სომეხს.¹⁸⁶ ისინი იყვნენ გრიგორიანები, ნაწილი კი კათოლიკები. ართვინის მოსახლეობის ძირითად ნაწილს სომეხები შეადგენდნენ.¹⁸⁷

სომეხთა რაოდენობა ბათუმის ოლქში მკვეთრად გაიზარდა 1895 წელს ოსმალებში მათი ე.წ. პირველი გენოციდის შემდეგ. მათ შორის ბევრი იყო გამამადაიანებული სომეხი, რომლებსაც ჰემშილებს ეძახდნენ.¹⁸⁸ მ. ლიოზენის მიხედვით, ჰემშილები ცხოვრობდნენ როგორც ზღვის სანაპირო ზოლში, ისე მთიან ადგილებშიც: სოფ. კვარიათში - 6 ოჯახი (18 სული), კალნიდერეში - 5 ოჯახი (23 სული).¹⁸⁹

გ. ყაზბეგის ცნობით, ჰემშილები მთის ლაზებს უფრო ჰგავთ, ვიდრე სომეხებს, ლაპარაკობენ თურქულად და ლაზურად.¹⁹⁰ ჰემშილები აღწევდნენ ალპურ ზონაშიც. გოდერძის უღელტეხილის ალპურ საძოვრებზე დღესაც შეინიშნება მათი ცხოვრების კვალი.¹⁹¹

მ. ლიოზენის მიხედვით, ყარადერეში მოსახლე ჰემშილები XX საუკუნის დამდეგამდე ინარჩუნებდნენ ქრისტიანობას და ლაპარაკობდნენ სომხურ ენაზე. მათი მთავარი საქმიანობა იყო მესაქონლეობა (მეცხვარეობა), ზოგი ფლობდა მიწის ნაკვეთ-

¹⁸⁴ Кавказский календар на 1917, отд. статистический, с. 182-183.

¹⁸⁵ ვ. მგელაძე, მასალები და ჩანაწერები, პირადი არქივი.

¹⁸⁶ ვ. სიციანივა, ბათუმის ისტორიიდან, ბათ., 1958, გვ. 110.

¹⁸⁷ Кавказский календар на 1892 год. отд. II, Тифлис, 1892, с. 9.

¹⁸⁸ Марр Н.Я. Из позданки в Турецкого Лазистана, территория. - «Известия императорской Академии наук», №7, серия-И, Сб., 1910, с. 608.

¹⁸⁹ Лиюзен М. Берг русского Лазистана. - ИКОИРГО, т. XVIII, Тб., 1906, стр. 144.

¹⁹⁰ Қазбег Г. Военно-статистический очерки Лазистанского Санджака, Тифл., 1876, стр. 29.

¹⁹¹ ნ. მგელაძე, გოდერძის უღელტეხილის საეკლესიო-ეთნოგრაფიული ექსპედიციის დღაურები, რე. I, 1993. - ახ. ბირადი არქივი.

საც. სოფელ სარფში შემორჩენილი ტომონიმი „ქემშილლუდი“ (ციტრუსების ბაღი) მათი აქ ცხოვრების მანქვენებელია.¹⁹²

1915 წ. ოსმალეთში კელაე დაიწყო სომეხთა ელექტა, რამაც გაზარდა ლტოლვილთა რაოდენობა. 1916 წლისათვის ბათუმში იყო 4026 გრიგორიანი სომეხი, 1948 - სხვა რელიგიის მიმდევარი, მათგან 418 - დროებითი, დანარჩენი - მუდმივი მაცხოვრებელი, ბათუმის ოკრუგის სოფლებში 174 სომეხი ცხოვრობდა.¹⁹³ ართვინში ამავე პერიოდში სახლობდა 5451 სომეხი, რომელთაგან - 1551 გრიგორიანი იყო, 3900 კი - სხვა რელიგიის აღმსარებელი (სავარაუდოა - მამადაინი და კათოლიკე), ართვინის ოკრუგის სოფლებში - 2826 გრიგორიანი, 100 მართლმადიდებელი და 1051 სხვა რელიგიის მიმდევარი.¹⁹⁴ 1922 წლისათვის ბათუმში სომეხთა რაოდენობა გაიზარდა 14969 კაცამდე.¹⁹⁵ მათ შორის საკუთარი სალოცავი - გრიგორიანული ეკლესია (დღევანდელ კ. გამსახურდიას ქუჩაზე). მახლობლად იყო სომეხ კათოლიკეთა ეკლესიაც. აქაური სომეხები XX საუკუნის დასაწყისიდან აქტიურად მონაწილეობდნენ ბოლშევიკურ რევოლუციურ მოძრაობაში, რაც, უპირატესად, გეოპოლიტიკური მისწრაფებებით იყო განპირობებული. მათ ინტერესებში შედიოდა შავ ზღვაზე გასასვლელის მოპოვება, რასაც იდეოლოგიურად „დიდი სომხეთის“ ცნობიერება ედო საფუძვლად, სხვაგვარად შეუძლებელია გავიგოთ ოსმალეთის მოსაზღვრე შავი ზღვისპირა ქალაქში სომეხთა ასეთი აქტიურობა.¹⁹⁶

ბათუმის ოლქის ეროვნულ უმცირესობაში განსაკუთრებული ადგილი ეჭირათ ბერძნებს. მათი აქ დამკვიდრება დაიწყო მეცხრამეტე საუკუნის 50-60-იან წლებში. ბერძნებით დასახლებული ე.წ. „ურუმთა უბანი“ მდებარეობდა ქალაქის იმ ნაწილში, სადაც ბერძნებმა ჯერ კიდევ ოსმალთა ბატონობის ხანაში ააგეს მართლმადიდებლური ეკლესია. გამორიცხული არაა, რომ კონფესიური წარმომავლობის სახელწოდება „ურუმი“ აერთიანებდა არა მხოლოდ ბერძნებს, არამედ ლაზებსაც. გ. ჩიტაია ურუმებში ვარაუდობდა სხვადასხვა ეთნიკურ ჯგუფს: ქართველებს, ბერძნებს და სომეხებს.¹⁹⁷

ბერძენთა დიდი ნაკადი - 253 ოჯახი (2107 სული) - აჭარაში ჩამოსახლდა 1881 წ. 6 ნოემბერს.¹⁹⁸ ისინი იყვნენ სივასის ვილაიეთის სხვადასხვა სოფლიდან. მიდიოდნენ ყარსის ოლქში დასახლებლად, მაგრამ დიდთოვლობის გამო მიმართულება შეიცვალეს და ბათუმში შემოვიდნენ. გამოზამთრების შემდეგ სცადეს ყარსისაკენ წასვლა, მაგრამ არ მოხერხდა. მთაერობა მოერიდა საამისო ხარჯებს.

ახალშენი (ხელვაჩაურის რ-ნ.) ერთ-ერთი პირველი სოფელია, რომელმაც მიიღო ჩამოსახლებული ბერძნები. პირველი მოსახლე ბერძენთა გვარები იყო: იშხანიდი, აგოპულო, ასანიდი.¹⁹⁹ ბერძნები სახლდებოდნენ კომპაქტურ ჯგუფებად. მათ შორის იყვნენ შესანიშნავი კალატოზები. 1907 წლისათვის ბათუმის ოკრუგში ბერძნები ცხოვრობდნენ: სარფსა და გონიოში - 33 სული, ბათუმში - 3500, ახალშენში - 582,

¹⁹² ი. სიხარულიძე, სამხრეთ-დასავლეთ საქართველოს ტომონიმიკა, II, ბათ., 1959, გვ. 38.

¹⁹³ Кавказский календарь на 1917 г., отд. статист., с. 182-185.

¹⁹⁴ იქვე.

¹⁹⁵ აჭარის ასსრ, სტატისტიკური კრებული 1913-1923 წწ., გვ. 20.

¹⁹⁶ აცხა, ფ. 1, ან 293910, ს. 459, ფურც 2.

¹⁹⁷ გ. ჩიტაია, სიცოცხლის ხის მოტივი ლაზურ ორნამენტში. - ენიშის მოამბე, თბ., 1941.

¹⁹⁸ ლ. დემუროვა, ბერძენთა დასახლების ისტორიიდან აჭარაში. - სდსკე, X, თბ., 1983, გვ. 97.

¹⁹⁹ იქვე, გვ. 98.

ყოროდისთავში - 51, აჭყვაში - 500, დაგვაში - 602, კვირიკეში - 4002.²⁰⁰ 1917 წლი-სათვის ბათუმში ბერძენთა რაოდენობა შეადგენდა 4008 სულს, მთლიანად ბათუმის ოკრუგში, ქალაქის გამოკლებით - 2391,²⁰¹ ართვინის მხარეში კი ბერძენები უმნიშვნელო რაოდენობით ცხოვრობდნენ. 1922 წ. ბათუმში ბერძენთა რაოდენობა გაიზარდა 7629 სულამდე.²⁰²

ქრისტიან ბერძენებს ბათუმში ჰქონდათ სალოცავი - წმ. ნიკოლოზის სახელობის ეკლესია. მისი აგება დაიწყო 1865 წ. სამლოცველოები ჰქონდათ სოფლად მცხოვრებ ბერძენებსაც. ახალშენში პირველად ააგეს ხის საყდარი. შემოწირული თანხით იმავე ადგილას 1912 წ. აუშენებიათ ქვის ეკლესია მღვდლად იყენებ ბერძენები, რომლებიც განათლებას იღებდნენ ტრაპიზონის სასულიერო სემინარიაში.²⁰³

რუსეთ-ოსმალეთის 1877-1878 წწ. ომის შემდეგ ბათუმის ოლქში განდგა ებრაული მოსახლეობაც. ბათუმში მათ ჩამოაყალიბეს ორი სათვისტომო: აშქენაზური (ევრაპელი) და ქართული ებრაელების უმრავლესობას წარმოადგენდნენ აშქენაზები. 1882 წ. ბათუმში ცხოვრობდა 179, 1890 წ. - 862, 1897 წ. - 1182, 1917 წ. - 1148, 1920 წ. კი 1761 ებრაელი. მხოლოდ მათი მცირე ნაწილი (15-მდე ოჯახი) სახლობდა სოფლად (კინტრისის უბანი).²⁰⁴ ართვინის ოკრუგში ებრაელები, ფაქტობრივად, არ იყვნენ. 1902 წლის მონაცემებით იქ მხოლოდ 2 ებრაელი ცხოვრობდა.²⁰⁵

ებრაელთა რელიგიური და სასულიერო ცენტრი სინაგოგა (შეკრების სახლი) ბათუმში პირველად არაღებულურად დააარსეს შემდეგ 10 წლით იჯარით აიღეს ძველი, ერთსართულიანი ხის სახლი, რომელიც 1899 წ. შეისყიდეს და დაიწვეს ქვის სინაგოგის მშენებლობა 1922 წ. აქვე დაუარსებიათ საკვირაო სკოლაც.²⁰⁶

ბათუმის ოლქში ცხოვრობდნენ ქურთებიც, ისინი აქ გადმოსახლდნენ მცირე აზიიდან XVI-XVII საუკუნეებში. მათი ახალი ნაკადი ირანიდან ჩამოსახლდა 1918-1919 წლებში, ძირითადად, რელიგიური დევნის საფუძველზე. აჭარაში ქურთებს ჭოროხის სანაპირო ადგილები ეკავათ. ისინი ბარში მხოლოდ წლის ერთ ნაწილს ატარებდნენ. აქ ედგათ მიწით შეღვსილი ფაცხები, უფაჯრო, ერთი კართით. ოთახის შუაგულში იყო კერა.²⁰⁷ ზაფხულობით ქურთები მიემართებოდნენ ალაპურ საძოვრებზე, სადაც ედგათ საკუთარი ჯარგელები.²⁰⁸

გ. ყაზბეგი ბათუმის მიდამოებში, კერძოდ, კახაბერში ასახელებს 100 ქურთულ ოჯახს (600 სული), გონიოში - 20 კომლს (130 სული).²⁰⁹ აქედან ქურთები 1944 წელს გაასახლეს. მათი ცხოვრების კვალს ადასტურებს დღემდე შემორჩენილი ტოპონიმები: ნაქურთალი (კახაბერში), ქურთი მეზრები (ჩირუხში), ქურთლული და ა.შ.

ბათუმის ოლქში ცხოვრობდნენ ევროპელებიც. 1882 წ. 19 მარტის აღწერით ბათუმში იყვნენ: 145 გერმანელი, 24 ფრანგი, 19 იტალიელი, 10 ინგლისელი და ა.შ.

1922 წ. კ. ბათუმში სულ ცხოვრობდა 60810 კაცი. მათგან, ქართველი - 18252,

²⁰⁰ ი. სიხარულიძე, დასახ. ნაშრ., გვ. 41.

²⁰¹ აჭარის ასსრ, სტატისტიკური კრებული, 1913-1923 წწ., გვ. 3, 22, 23.

²⁰² იქვე, გვ. 3.

²⁰³ ლ. დემუროვა, დასახ. ნაშრ., გვ. 99-101; ხ. ლეკვეიშვილი, ასე იწყებოდა ქალაქი, ბათ., 2000, გვ. 28.

²⁰⁴ მ. ლორია, ო. ტეიფ, აშქენაზური სინაგოგა ბათუმში. - საისტორიო მაგნე, სპ, ბათ., 1997, გვ. 50; აჭარის ასსრ, სტატისტიკური კრებული 1913-1923 წწ., გვ. 23.

²⁰⁵ Кавказский календарь 1903 г., отд. II, Тифл., 1902, с. 320.

²⁰⁶ მ. ლორია, დასახ. ნაშრ., გვ. 51-52.

²⁰⁷ Ллюден М. დასახ. ნაშრ., გვ. 145.

²⁰⁸ თ. სახოკია, მოგზაურობანი, გვ. 276-278.

²⁰⁹ ი. სიხარულიძე, დასახ. ნაშრ., გვ. 37-38.

სომეხი - 14469, რუსი - 10720, ბერძენი - 7829, ებრაელი - 8899, სპარსელი - 1756, პოლონელი - 549, გერმანელი - 424, აფხაზი - 225, სხვა ეროვნების წარმომადგენელი - 2587.²¹⁰

ბათუმის ოლქის სოფლის მოსახლეობა, მართალია, ძირითადად ქართული იყო, მაგრამ 1900-იანი წლებიდან აქაც ჩნდება უცხოეთნიკური ელემენტების მცირე ჯგუფები. 1917 წ. მონაცემებით კინტრიშის, გონიოს, ქვედა და ზედა აჭარის უბნებში ცხოვრობდა 53848 ქართველი, 1469 რუსი, 246 სომეხი, 2391 ბერძენი, 15 ებრაელი, 3936 - სხვა ეროვნების წარმომადგენელი.²¹¹

მოსახლეობის ეთნიკური სიტრუელე განაპირობებდა კონფესიურ მრავალფეროვნებასაც. 1887 წ. ბათუმში მცხოვრებთაგან იყო: 6693 მართლმადიდებელი და სექტანტი; 3886 - ლუთერანი და კათოლიკე; 2271-სუნიტი, 1020 - შიიტი, 933 - იუდეველი.²¹² სოფლის მოსახლეობა კი ძირითადად მაჰმადიანური იყო. ასეთი ჭრელი კონფესიური სტრუქტურა შენარჩუნდა 20-იან წლებში და შემდგომ პერიოდშიც.

ოლქის ძირითად მოსახლეობას და ზოგიერთ ეთნიკურ უმცირესობას ჰქონდა საკუთარი სამლოცველო. ბათუმში არსებობდა ქართველ მართლმადიდებელთა (ახლანდელ ზ. გორგილასის ქუჩაზე) და კათოლიკეთა ეკლესიები, მაჰმადიანთათვის მენეთები (აზიზიეს მოედანზე, რომელიც აშენდა ხანუმ ვალიდეს მიერ სულთნის შვილის აბდულ აზიზის სახელზე),²¹³ სომხურ-გრიგორიანული და კათოლიკური ეკლესიები (ახლანდელ გამსახურდიას ქუჩაზე), ბერძენთა წმიდა ნიკოლოზის და წმიდა პანტელეიმონის (ახლა წმიდა ბარბარეს) ეკლესიები, ესტონელებისა და გერმანელების ლუთერანული ეკლესია, კათოლიკური ეკლესია და სხვ.

აღნიშნულ სამლოცველოთაგან საყურადღებოა ბათუმის კათოლიკური ეკლესია. მისი მშენებლობა ქართველმა მოღვაწეებმა ძეგბმა ზუბალაშვილებმა დაიწყეს 1898 წელს და განასრულეს 1902 წელს. მასში ღვთისმსახურება ქართულ ენაზე წარმოებდა, რაც ფრიად მნიშვნელოვანი იყო.


ამრიგად, XIX ს. უკანასკნელ მეოთხედში ბათუმი იქცა ამიერკავკასიის მნიშვნელოვან სამრეწველო ცენტრად და საპორტო ქალაქად. ამასთან, ცარიზმი ცდილობდა დაპყრობილი ტერიტორიების კოლონიზაციას ამაზ გაეღენა მოახდინა მოსახლეობის ეროვნულ შემადგენლობაზე და განსაზღვრა მისი ეთნიკური მრავალფეროვნება. ამის მიუხედავად, ბათუმის ოლქის მოსახლეობის ძირითადი ნაწილი მაინც ქართული დარჩა.

²¹⁰ აჭარის ასსრ, სტატისტიკური კრებული, 1913-1923, გვ. 20.

²¹¹ იქვე, გვ. 23.

²¹² ამავე, ს. 216.

²¹³ Дакишевич Н., Батум, Тиф., 1890, с. 2-3.



ართვისის ოკრუგები

1. ართვისის
2. არტანუჯის
3. შავშეთ-იმერხევის

ბათუმის ოკრუგის
საპოლიციო უბნები


4. ზემო აჭარის
5. ქვემო აჭარის
6. გონიოს
7. კიტნტრისის







რუსეთის სამხედრო შტაბი სოფ. ხუცუბანში, 1878 წ.



მოდრავი ლაზარეთი ციხისძირში, 1878 წ.



ხუცუბანი. ტელეგრაფის სადგური, 1878 წ.



რუსეთის ჯარის ბანაკი ხუცუბანში



ინჟანტერიის გენერალი
გრიგოლ ორბელიანი



გენერალ-ადიუდანტი
სვიატოპოლკ-მირსკი



გენერალ-ლეიტენენტი კონსტანტინე
კომაროვი. „ქობულეთის რაზმის“ სარდალი
და ბათუმის ოლქის პირველი გუბერნატორი



გენერალ-ლეიტენანტი ნიკოლოზ ერისთავი.
ბათუმის ოლქის გენერალ-გუბერნატორის
მოადგილე




გენერალი გიორგი ვაზბეგი



გენერალი გრიგოლ გურიელი.
ბათუმის ოკრუგის უფროსი



რუსეთ-ოსმალეთის 1877-1878 წწ. ომი.
ქართველ ოფიცერთა ჯგუფი. ციხისძირი, 1878 წ.



გურული მონაღისეები, 1878 წ.



პირველი ქართული დრუკინის მებრძოლები, 1878 წ.



ქართული დრუკინის მეთაური, გენერალ-მაიორი ივანე ჭავჭავაძე



ქართველი მოწყალეების დები რუსეთ-თურქეთის 1877-1878 წწ. ომში



გენერალ-მაიორი ილია ჩოლოყაშვილი, დაიღუპა ქ. ყარსთან, 1877 წ.



პოლკოვნიკი ივანე სავინაშვილი, არტაანის გმირი, 1877 წ.



ინფანტერიის გენერალი
იაკობ ალხაზიშვილი



კავალერიის გენერალი
ივანე ამილახვარი



კავალერიის გენერალი
მიხეილ ამირგუზი



ინფანტერიის გენერალი
ალექსანდრე ბაგრატიონ-მიხრეტინსკი



გენერალ-მაიორი
ალმასხან მიქელაძე



გენერალ-მაიორი
დიმიტრი მუსხელიშვილი



ინფანტერიის გენერალი
ალექსანდრე ქავთარაძე



კავალერიის გენერალი
ზაქარია ჭავჭავაძე



კავალერიის გენერალი
ნიკოლოზ ჭავჭავაძე




არტილერიის გენერალი
გიორგი ზემშიაშვილი



გენერალ-მაიორი ალექსანდრე
(შერიფი) ზემშიაშვილი



სან-სტეფანოს საზავო მოლაპარაკება



ბერლინის კონგრესი, 1878 წელი



ილია ჭავჭავაძე



დimitრი ყიფიანი



დimitრი ბაკრაძე



ნიკო ნიკოლაძე



სერგეი მესხი



ივანე კერესელიძე



გიორგი გურგენიძე



ზაკარია ჭიჭინაძე



თეოდო სახოკია



შერმუ ზიმშიაშვილი



ნური ზიმშიაშვილი



გულო კაკაცხვილი



ისკანლერ ცვაძე



ზუსეინ აბაშიძე



აბდულ მიქელაძე



ზუსეინ ბევანიძე



თოფან შერვაშიძე



ლედევალა ნიფრაძე



მემელ ჭყონია



ბათუმის ოკრუგის მმართველობა XIX ს. 70-იანი წლების ბოლოს



მეჯლისი – მოწვეული 1880-იან წლებში, ქ. ბათუმი
(რუსეთის აჭარაში დამკვიდრების შემდეგ პირველი მოწვევა)



რომანოვების დინასტიის 300 წლის ზეიმზე თბილისში,
მეფისნაცვალთან ჩასული ბათუმის ოლქის დეპუტაცია, 1913 წ.



ბათუმის ოლქის ადმინისტრაციის მოხელეები



ბათუმის ოლქის სამხედრო და სამოქალაქო გუბერნატორები - პეტრე ფონ პარკაუ და ბორის რომანოვსკი ადგილობრივ წარჩინებულ პირებთან ერთად, 1908 წ.

§ 1. კაპიტალისტური მრეწველობის აღმოცენება და განვითარება XIX საუკუნის 80-90-იან წლებში

1877-1878 წლების ომში რუსეთის ყველაზე დიდი შენაძენი იყო ბათუმი. ეს ქალაქ-ნავსადგური ხელსაყრელი გეოპოლიტიკური მდგომარეობის გამო ყურადღებას იქცევდა, როგორც მომავალი დიდი საეპატრო-სამრეწველო ცენტრი, რომელიც მნიშვნელოვან როლს შეასრულებდა რუსეთის იმპერიის საგარეო-ეკონომიკურ ურთიერთობებში.

შემთხვევითი არ იყო, რომ ბათუმს მოაშურეს ქართველმა, სომეხმა, რუსმა და ევროპელმა კომერსანტებმა. საქართველოსთან აჭარის დაბრუნებიდან ორიოდე თვის შემდეგ ს. მესხი წერდა: „დიდალი ხალხი ჩამოვიდა... უმეტესობა ვაჭრები არიან ყველა აქ მოულის ვაკეთებას“.¹ 1882 წ. ბათუმში აღირიცხა 8 ათასი, 1890 წელს კი 18 ათასი მცხოვრები.

ბათუმისაკენ უცხოელი ვაჭრების და სხვა საქმოსნების მოძალევა იმანაც განაპირობა, რომ ქალაქი თავისუფალ ზონად – „პორტო-ფრანკოდ“ გამოცხადდა აქ შემოტანილ სასაღვარჯაროულ საქონელს საბაჟო გამოსაღები არ ედებოდა. დაბრუნებიდან პირველი ხუთი წლის განმავლობაში ბათუმში სასაღვარჯაროთიდან გაცილებით მეტი საქონელი შემოდიოდა, ვიდრე აქედან გადიოდა. ამიერკავკასიის რკინიგზის მაგისტრალის ამოქმედების შემდეგ კი მდგომარეობა არსებითად შეიცვალა.

სამიტრედია-ბათუმის რკინიგზის შტოს ექსპლუატაციაში შესვლამდე აფშერონის ნახევარკუნძულზე ნავთობის ამოღება ძალიან ნელა იზრდებოდა 1876 წ. ბაქოს საბადოებიდან ამოქანეს სულ 11 მლნ ფუთი ნავთობი. მისი გადამუშავების შედეგად მიიღეს 3,2 მლნ ფუთი მზა სასაქონლო პროდუქცია, მაგრამ გასაღების სიძნელეების გამო მრეწველებმა დიდი ზარალი ნახეს და ნავთობის ამოღება საგრძნობლად შეამცირეს. ბევრი მათგანი თითქმის უსაქმოდ იჯდა და ხელსაყრელ კონიუნქტურას ელოდებოდა. ასეთი ნაადრევ კრიზისის ძირითადი მიზეზი ის იყო, რომ ბაქოს ნავთობის სარეწებს გზა ვერ გაეკვლია საერთაშორისო ბაზრებისაკენ რუსეთის შინაგანი ბაზარი კი, გეოგრაფიული სიფართოვის მიუხედავად, ჯერ კიდევ შეზღუდული, მეტრისმეტად ეწირო იყო. 1878 წ. მხოლოდ ნიუნი-ნოვგოროდში დაგროვდა 1,5 მლნ ფუთი გაუსაღებელი ნავთი. საწყის ეტაპზე ბაქოს ნავთობი გადიოდა ირანშიც. 1878 წ. კასპიის ზღვის მიმდებარე ბაზრებზე გაიყიდა სულ 6 მლნ ფუთი ნავთი. იმ ხანებში ს. გულიშვაბაროვმა მართებულად ივარაუდა, რომ ბაქოს ნავთის სარეწების აღმავლობის ძირითადი საფუძველი უნდა გამხდარიყო მისი პროდუქციის ფართომასშტაბიანი ექსპორტი მსოფლიო ბაზრებზე. ეს კი შესაძლებელი გახდებოდა ამიერკავკასიის რკინიგზის მაგისტრალისა და ბათუმის ნავსადგურის მეშვეობით.

ადგილობრივ და უცხოელ მწვარეებს რკინიგზის მშენებლობის დამთავ-

¹ გაზ. „დროება“, №176, 1878.

რებისათვის არ დაუცვლიათ. ბუნგემ და პალაშკოვსკიმ უკვე 1882 წ. ბათუმში დაიწვეს ნავთობის საექსპორტო ჭურჭლის (ხის ყუთებისა და თუნუქის ბიდონების) დამამზადებელი ქარხნის მშენებლობა, აქციების გამოშვებით კაპიტალი მიიზიდეს და მომდევნო წელს საწარმო გამართეს კიდევ, საქმეში ჩაებნენ სხვადასხვა ქვეყნის მეწარმენიც, მათ ძირითადად მოაწვეეს წერილი კაპიტალისტური კოოპერაციისა და მანუფაქტურის ტიპის საწარმოები. იმავეთვე მკაცრი საკონკურენტო ბრძოლა გაჩაღდა ბურჟუაზიის სხვადასხვა ფენებს, უცხოელ და ადგილობრივ ბიზნესმენებს შორის.

ეს ბრძოლა მიმდინარეობდა როგორც ბაქოში, ისე ბათუმში. აფშერონის ნახევარკუნძულზე მონოპოლისტური მისწრაფებები გაუნდათ ძმები ნობელების, მანთაშევისა და სხვა ფირმებს. ასეთივე ტენდენციები ცხადი გახდა ბათუმშიც. კაპიტალის კონცენტრაცია, წარმოების გამსხვილება თითქმის დროის მოთხოვნებიდან იქცა, მაგრამ ამ პროცესში დიდ ზარალს განიცდიდნენ წერილი მეწარმენი, რომელთა ინტერესების დამცველი უკვე XIX ს. 80-90-იან წლებში მოითხოვდნენ ანტიმონოპოლისტური კანონების მიღებას. მათ შორის იყო ნიკო ნიკოლაძე. ჯერ კიდევ 1882 წელს მან გამოაქვეყნა სტატიები და ბრალი დასდო ნობელს, რომელიც, ცდილობდა რა რუსეთის ნავთობის საბადოთა ბატონ-პატრონი გამხდარიყო, ხელს უშლიდა სხვა ფირმებს ნავთის გადამამუშავებელი ქარხნებისა და საექსპორტო ჭურჭლის საწარმოების გახსნა-ამოქმედებაში. 1882 წ. 15 ოქტომბერს „რუსეთის საიმპერატორო საზოგადოების“ სხდომაზე, ნობელის შემდეგ სიტყვით გამოვიდა ნ. ნიკოლაძე. მან საჯაროდ განაცხადა, რომ ნობელი გასაქანს არ აძლევდა წერილ მეწარმეებს, ნავთობის წარმოება-ექსპორტთან დაკავშირებულ მრავალრიცხოვან ფენას. ნიკო ნიკოლაძემ მთავრობას მოუწოდა, დაეცვა ისინი ზემოქმადი ფირმების გამანადგურებელი შემოტევებისაგან. მსხვილი ბურჟუაზიის ინტერესთა დამცველი პრესა სარკაზმითა და უკბილო იუმორით შეხედა ნ. ნიკოლაძის გამოსვლას. ამ უკანასკნელმა უკან არ დაიხია. გაზეთ „ნოვოე ვრემიაში“ გამოაქვეყნა ვრცელი წერილი, რომელშიც ასაბუთებდა, რომ მონოპოლია (განსაკუთრებით ვაჭრობის სფეროში) საზარალოა. არანორმალურია, რომ რუსეთის მთელმა ნავთობმა ნობელის ხელში გაიაროს და მომხმარებელმა მხოლოდ მისგან მიიღოს ეს ენერგორესურსი. მისი აზრით, მონოპოლია ძირს დასცემდა პროდუქციის ხარისხს, გაზრდიდა ფასს, რითაც საზოგადოებას ბედნიერებას კი არ მოუტანდა (როგორც ამტკიცებდა ნობელი), არამედ დააზარალებდა ნავთის მრეწველობასთან დაკავშირებულ ხალხს.²

ნ. ნიკოლაძისა და სხვათა ანტიმონოპოლისტურმა გამოსვლებმა წარმოების კონცენტრაციის პროცესი ვერ შეაჩერა, მაგრამ წერილი ბურჟუაზიის არსებობა რამდენადმე გაახანგრძლივა.

1885 წ. „ბურჟუარდტისა და კომპ.“ ფირმამ პირველმა დაიწყო ბათუმში ნავთობის საექსპორტო ჭურჭლის წარმოებაში უცხოური მანქანა-დანადგარების დამონტაჟება. მას მიმბაძველებიც გამოუჩნდნენ. მრეწველობის მანუფაქტურული სტადიიდან საფაბრიკო-საქარხნო სტადიაზე გადასვლის მძლავრი პროცესი სათავეს იღებს 1889 წლიდან. იგი დაკავშირებულია როტშილდის სახელთან, რომელმაც შეიძინა ბუნგესა და პალაშკოვსკის ქარხანა. კაპიტალის მობილიზაცია-კონცენტრაციის გზით კიდევ უფრო გააფართოვა საქმიანობა „კასპია-შავი ზღვის საზოგადოებამ“, რომლის აქციების მფლობელთა რიცხვი თანდათან გაიზარდა. აქციების საკონტროლო პაკეტი, რა თქმა უნდა, როტშილდი ფლობდა და წარმოებასაც ის აძლევდა მიმართულებას. ნავთის ტარის ქარხანაში დაიდგა ორთქლის ქვაბები, აშშ-დან შემოტანილი მექანიკური

² «Новое время», 1882 г., №2392.

დასაგები, რის შედეგად მოკლე ხანში ორ-სამჯერ გაიზარდა პროდუქციის (ხის ყუთებისა და თუნუქის ბიდონების) დამზადება „კასპია-შავი ზღვის საზოგადოებამ“ 1889 წ. პირველმა დაიწყო, აგრეთვე, ნავთის ექსპორტი გემ-ცისტერნებით (ტანკერებით).

პირველი ტანკერის გამოჩენამ ხენსაცია გამოიწვია ბათუმში და ძალიან შეაშფოთა ნავთის ტარის საწარმოთა მფლობელები, თუნუქის ბიდონებით ნავთის ექსპორტიორები. მათ საჩივარი აღძრეს და ქალაქის თავს კ. გაერონსკის აუწყეს ჩვენ საკმაოდ დიდი თანხები დაეზიანდეთ ნავთის საექსპორტო ჯურჯლის წარმოებაში. ავაშენეთ ხის ყუთების, თუნუქის ბიდონების, ხის კასრების დამამზადებელი მანუფაქტურები და ქარხნები. ასეთი ტარით ვეწოდით და ვეწევით ახლაც ნავთობის ექსპორტს ბათუმში როტშილდის გემ-ცისტერნების (ტანკერები) შემოსვლამ კი გაკოტრების საფრთხის წინაშე დაგვაყენაო. მომჩივნები არწმუნებდნენ ქალაქის თავს, რომ ტანკერებით ნავთობის ექსპორტი გამოიწვევს ბათუმის ქარხნების დახურვას, რითაც მარტო ჩვენ კი არა, საერთოდ რუსეთის მრეწველობა დაზარალდება. ამიტომ გადავიწყვიტეთ პეტერბურგში გაეაგზავნოთ დელეგაცია, შექმნილი მდგომარეობა უმაღლეს მთავრობას ვაცნობოთ და მოვითხოვოთ ტანკერებით ნავთობის ექსპორტის აკრძალვა თუ ასეთი წინადადება მიუღებელი აღმოჩნდება, მაშინ გემ-ცისტერნებით ნავთობის გატანას ისეთი მაღალი ბაჟი უნდა დაედოს, რომ მსხვილმა მრეწველებმა ვერ შესძლონ საკონკურენციო ბრძოლაში წერილ მეწარმეთა განადგურება. მექარხნეები შეახსენებდნენ საქალაქო თვითმმართველობის მესვეურებს, რომ ბათუმის არსებობა პირდაპირ დამოკიდებულია შიდა ნავთობის ტარის წარმოებასთან და ამიტომ საქალაქო თვითმმართველობა (და თვით უმაღლესი მთავრობაც) გვერდში უნდა ამოუდგეს ნავთის საექსპორტო ჯურჯლის მეწარმეებს, არ უნდა დაუშვას მრეწველობის ამ დარგის განადგურება.³

წერილ მეწარმეებს მართლაც ამოუდგა გვერდში ბათუმის რამდენიმე ხმოსანი. მათი მოთხოვნით 1889 წ. 17 მარტს საქალაქო სათათბირომ მიიღო სპეციალური დადგენილება, რომელიც მთავრობას თხოვდა, აეკრძალა ბათუმიდან ტანკერებით ნავთობის ექსპორტი.⁴

უმაღლეს მთავრობას, მართალია, არ დაუკმაყოფილებია ბათუმელთა თხოვნა, კანონით არ შეუზღუდავს მსხვილი სავაჭრო-სამრეწველო ფირმების საქმიანობა და არც ტანკერებით ნავთობის ექსპორტზე დაუწესებია მაღალი (ფაქტობრივად ამკრძალავი) ტარიფი, მაგრამ ნავთობის ტარის წარმოება თითქმის ორი ათეული წლის განმავლობაში გრძელდებოდა. იმის გამო, რომ სასიღვათ ნავსადგურებიდან აზია-აფრიკის ჩამორჩენილი ქვეყნების სიდრემში ნავთობის შეტანა მხოლოდ საჩალვადრო პორტუკეის (აქლემი, ცხენი) მეშვეობით ხის ყუთებითა და თუნუქის ბიდონებით შეიძლებოდა, ნავთობის ტარის წარმოება მაინც ხელსაყრელ ბიზნესად რჩებოდა და მას დიდი მასშტაბით ეწეოდა რამდენიმე ფირმა, მათ შორის ტანკერების მფლობელი როტშილდისა.

XIX საუკუნის 90-იან წლებში თანდათან გაფართოვდა „კასპია - შავი ზღვის საზოგადოების“ (როტშილდი და კომპ.) ქარხანა საწარმოო პროცესი ემყარებოდა ორთქლითა და ელექტროენერგიით მოქმედი მანქანების სისტემას ქარხანაში არსებობდა მასალების დამამზადებელი, ხე-ტყის სახმობი, სახერხი და სამოდელე განყოფილებები, აგრეთვე, მექანიკური სახელოსნო, რომელსაც გააჩნდა ჩამოსასხმელი, სასეინკლო და სამჭედლო სამაქროები. ხის ყუთებისა და თუნუქის ბიდონების დამზა-

³ ვ. სიჭინავა, ბათუმის ისტორიიდან, ბათ., 1958, გვ. 132.

⁴ იქვე, გვ. 133-134.

დება 280 დაზღაზე წარმოებდა. ქარხანასთან მოქმედებდა ნავთობის ჩამოსასხმელი სადგურები. ფირმის რეზერვუარები 3 მლნ ფუთ ნავთობს იტევდა. ქარხანა და ჩამოსასხმელი სადგურები ბათუმის პორტთან და რკინიგზის სადგურთან ლიანდაგით იყო დაკავშირებული. ქარხნის კორპუსები და დამხმარე ნაგებობანი წარმოადგენდა უზარმაზარ კომპლექსს, რომელიც განლაგებული იყო დიდ ტერიტორიაზე - ნავთობის ჯებორიანად მდინარე ბარცხანამდე.

„შავი ზღვა - კასპის საზოგადოებას“ (როტშილდი და კომპ.) თავის საწარმოებში სისტემატურად ჰყავდა დასაქმებული 1200-1500 მუშა და საკმაო რაოდენობით ინჟინერ-ტექნიკოსთა პერსონალი, რომელთა შრომა-გარჯის შედეგად ყოველდღიურად მზადდებოდა 18 ათასი ხის ყუთი და 36 ათასი თუნუქის ბიდონი. ფირმას იჯარით ჰქონდა აღებული ნავმისადგომი, რომლის აკვატორიაში მუდამ მოძრაობდა საკუთარი 27 ბარჟა და ორი კატერი, ელევატორი და მტერთაღვი მუშები. სრული დასაქმების სეზონში, ყოველდღიურად გემებში ტვირთავდნენ 60 ათას ხის ყუთს (ე.ი. 120 ათას თუნუქის ბიდონს).⁵

ნავთობის საექსპორტო ჯურჯლის წარმოების სარფიან საქმეს სხვა ფირმებმაც მოჰკიდეს ხელი. 1884 წ. ბათუმში ამოქმედდა რიხნერის და სიდერიდისის, 1887 წ. მანთაშევის და ხაჩატრიანცის, 1888 წ. - მმები ცოვიანოვების ქარხნები. მომდევნო წლებში ტარის წარმოება დაიწვეს ციმერმანმა, მატუესმა, გრამატიკოპულომ, სამხრეთ რუსეთის ბანკმა, შიზაევმა, ხშიანცმა და სხვა, შედარებით წვრილმა ფირმებმა. მათი ქარხნები მასშტაბითა და მწარმოებლურობით როტშილდის კომპლექსს ვერ შეედრებოდნენ, მაგრამ ზოგიერთი მათგანი ტექნიკური აღჭურვილობით მას არ ჩამოუვარდებოდა.

ბათუმში წარმოების მოცულობით მეორე ადგილზე იყო მანთაშევის საწარმოები, რომელთაც 3 ჰექტარი ფართობი ეკავა. მთავარი ქარხნის განყოფილებები და საამქროები 5 შენობაში იყო განლაგებული. მათში მოქმედებდა 4 ორთქლის ქვაბი, 6 ორთქლით მომუშავე მანქანა, 7 დინამომანქანა, 3 ტუმბო. ქარხანასთან არსებობდა ხეტყის საწყობი, მექანიზებული სახერხი, სადურგლო, სარჩილავი, სამჭედლო და საზეინკლო სახელოსნოები. იქვე იყო მოწყობილი ნავთობის გადასასხმელი სადგური, რომლის 13 რეზერვუარი 2 მლნ ფუთ ნავთობს იტევდა. წარმოებაში დასაქმებული მუშების უმრავლესობა (ათასამდე) მექარხნის კუთვნილ „ყაზარმაში“ ცხოვრობდა.

ე.წ. „ნავთობის გოროდოკის“ ჩრდილო-აღმოსავლეთ ნაწილში გაშენებული იყო რიხნერის ქარხნისა და დამხმარე საწარმოთა კორპუსები. ფირმას ნავთობის მარაგისათვის გაანდა 8 რეზერვუარი 266 ათასი ფუთის ტევადობით. ციმერმანისა და შუტციის საწარმოებს ეკავათ ნავთობის ქალაქის ჩრდილო-დასავლეთის კუთხე, იქ არსებობდა ქარხნის მთავარი კორპუსი, ნავთობის გადამსხმელი სადგური, რეზერვუარები 180 ათასი ფუთის ტევადობით.⁶

1891 წ. ბათუმში მოქმედებდა ნავთობის საექსპორტო ჯურჯლის 18 საწარმო (ქარხანა და მანუფაქტურა), რომლებშიც დასაქმებული 3 ათასამდე მუშა და შესაბამისი რაოდენობის ინჟინერ-ტექნიკოსთა პერსონალი წლიურად ამზადებდა 6,8 მლნ მანეთის პროდუქციას. მომდევნო 5-6 წელიწადში კონკურენციაში დამარცხებული რამდენიმე საწარმო გაჩერდა, ან სხვის საკუთრებაში გადავიდა. 1897 წ. მოქმედებდა მხოლოდ 8 ქარხანა, რომლებშიც დასაქმებული იყო თითქმის 3 ათასი კაცი (მუშა, ინჟინერ-ტექნიკოსი და სხვ.). ყველამ ერთად წლის განმავლობაში დაამზადა 7,6

⁵ გრ. მარგინი, საქართველოს მრეწველობა და სამრეწველო პროლეტარიატი 1864-1917 წწ., თბ., 1976, გვ. 206-207.

⁶ ელ. სიჭინავა, დასახ. ნაშრ., გვ. 123-126.

მღნ მანეთის პროდუქცია.⁷

კონკურენციაში გამარჯვებულთა შორის ერთ-ერთი სოლიდური საწარმოს მფლობელი იყო სიდერიდისის ფირმა. მის ქარხანაში მრავალი საამქრო და რამდენიმე განყოფილება მოქმედებდა. იყო დამხმარე სახელოსნოებიც, ქარხნის 52 დაზგაზე თუნუქის ბიღონები, ხოლო 12 დაზგაზე ხის ყუთები მზადდებოდა. წარმოების თითქმის მთელი პროცესი მექანიზებული იყო. ქარხნის ტერიტორიაზე დაგებული ჰქონდათ ლიანდაგი, რომელიც რკინიგზის სადგურამდე გრძელდებოდა. ფირმის რეზერვუარები 120 ათას ფუთ ნავთობს იტევდა.⁸

ტიქნიკურად კარგად იყო აღჭურვილი, აგრეთვე, ძმები ცოეიანოეების ქარხანა. მის 59 დაზგაზე მზადდებოდა თუნუქის ბიღონები, 18 დაზგაზე კი - ხის ყუთები. სამანქანე განყოფილებას ემსახურებოდა 2 ორთქლის ქვაბი, იქვე მოქმედებდა ხე-ტყის სახერხი, საუნიკლო და სამკვდლო სახელოსნოები. ქარხნის ტერიტორიაზე იდგა რეზერვუარები 2,5 მღნ ფუთი ნავთობის ტევადობით. იქვე არსებობდა რამდენიმე დამხმარე ნაგებობა.⁹

მექანიზებულ საამქროთა, განყოფილებათა და დამხმარე სახელოსნოთა ან-სამბლს წარმოადგენდა გრამატიკოპულოს ნავთობის საექსპორტო ჭურჭლის სა-წარმოც. სამანქანე განყოფილებაში იდგა 2 ორთქლის ქვაბი, რამდენიმე სამუშაო მანქანა. თუნუქის ბიღონები მზადდებოდა 24 დაზგაზე, ხის ყუთები კი 14-ზე. სარ-ჩილაე სახელოსნოში 6 ღუმელი იდგა, ჩამოსასხმელ სადგურში - 2 ორთქლის და ერთი ხელის ტუმბო მოქმედებდა. ქარხანა ლიანდაგებით უკავშირდებოდა რკინიგზის სადგურს.¹⁰

დაახლოებით ასეთივე იყო ხაჩატრიანცის ქარხანა. მის სამანქანე განყოფი-ლებაში მოქმედებდა ორთქლის ქვაბები და მისი ძალით მომუშაე მანქანები. ჩამო-სასხმელ სადგურს ემსახურებოდა მექანიკური და ხის ტუმბოები. ხე-ტყის სახერხში იდგა ექვსი დაზგა, სარჩილაე სახელოსნოში კი - ორი ღუმელი. ქარხანასთან არ-სებობდა სადურგლო და სამკვდლო სახელოსნოები. მისი რეზერვუარები 185 ათას ფუთს იტევდა.

ნავთობის საექსპორტო ჭურჭლის წარმოებას სამხრეთ რუსეთის ბანკმაც მოჰკიდა ხელი. მისი ქარხანა ტექნიკურად კარგად იყო აღჭურვილი. თუნუქის ბიღო-ნები 70 დაზგაზე, ხოლო ხის ყუთები 15 დაზგაზე მზადდებოდა. ნავთობის ჩამო-სასხმელ განყოფილებაში დამონტაჟებული იყო ორთქლის ქვაბი და ორი მუშა მანქანა. საწარმოსთან არსებული რეზერვუარები და როფები 177 ათას ფუთს იტევდა. ქარხანა და მისი სათავსოები ერთმანეთს და ნავსადგურს ლიანდაგებით უკავ-შირდებოდა. 1902 წ. ბათუმში ნავთობის ჩამოსასხმელი 31 სადგური მოქმედებდა.¹¹

ზემოთ დასახელებული რვა მექანიკური ქარხნის გვერდით XX საუკუნემდე ბათუმში პროდუქციას უშეებდა მანუფაქტურიდან მანქანურ წარმოებაზე გარდამავალი ნავთობის ტარის რამდენიმე საწარმო, რომელნიც თითქმის მთლიანად ხელით შრომას ემყარებოდა. ამ მანუფაქტურებს ტექნიკური აღჭურვილობით დიდად ვერ უსწრებდა მენროპოვის საწარმო, რომელშიც კასრები, ხის ყუთები და თუნუქის ბიღონები მზადდებოდა. მის საქებაე და სამანქანო განყოფილებაში ერთი ორთქლის ქვაბი და მისი ძალით მომუშაე მანქანა მოქმედებდა, რომელიც, ძირითადად, ხე-ტყის სახერხს

⁷ იქვე, გვ. 129.

⁸ გრ. მარგიანი, დასახ. ნაშრ., გვ. 208.

⁹ იქვე.

¹⁰ სანქტ-პეტერბურგის ცსია, ფ. 1405, ან. 542, ს. 1540, ფურც. 74-75.

¹¹ იქვე, ფურც. 80-82.

ემსახურებოდა აქ ხის ყუთებს, კასრებს და თუნუქის ბიდონებს ხელით ამზადებდნენ.¹²

XIX საუკუნის დამლევს რუსეთში მუშაობდნენ სპეციალური კომისიები, რომლებიც ამზადებდნენ მასალებს საფაბრიკო ინსპექციის შემოღებისათვის. ერთ-ერთმა ასეთმა ქვეკომისიამ საკმაოდ მაღალი შეფასება მისცა ბათუმის ნავთობის საექსპორტო ტურჭლის ქარხნებს. დაადასტურა, რომ თითქმის ყველა მექანიზებული იყო, ემყარებოდა ორთქლის ქვაბების ძალას და საკმაოდ მძლავრი სამუშაო მანქანების სისტემას. მან ეპოქის მოთხოვნილებების შესაფერისად მიიჩნია, აგრეთვე, ნავთობის ჩამოსასხმელი სადგურების ტექნიკური აღჭურვილობა, რომელიც გამართული ჰქონდათ „რუსეთ-კავკასიის ნავთობის საზოგადოებას“, „შუტცსა და ციმერმანს“, ვაგსტაფს, ბლეის, მატეიენის, ამიერკავკასიის რკინიგზის სამმართველოს და სხვ. მეტნაკლებად თითქმის ყველას გააჩნდა რეზერვუარები, მილსადენების ქსელი, რითაც ეს რეზერვუარები ნავთობით ივსებოდა და გარკვეულ დროს გემ-ციხტერნებში გადაიხმებოდა.¹³

ნავთობის პროდუქტთა ექსპორტს, როგორც ითქვა, ემსახურებოდა ბათუმში არსებული ხის კასრების დამამზადებელი საწარმოებიც. ისინი მეტ-ნაკლები რაოდენობით უშეებდნენ მუხისა და წიფლის კასრებს, რითაც უცხოეთში იგზავნებოდა ბენზინი, მასუთი, ნავთობის ნარჩენები, მცირე რაოდენობით ნავთიც. ქვეკომისიამ ეს საკასრეები დაათვალიერა, შეისწავლა და იმ დასკვნამდე მივიდა, რომ მათი უმრავლესობა პრიმიტიულია, ყველა ოპერაცია ხელით სრულდებოდა. შრომის დეტალურ, სისტემურ დანაწილებასე და მყარებულ იქნა საწარმოები, არსებითად, მანუფაქტურებს წარმოადგენდა. მსხვილ ექსპორტიორებს ხის კასრებიც სჭირდებოდათ და მათ ხსენებულ წერილ მეწარმეთაგან იძენდნენ. ზოგიერთ მსხვილ მეწარმე-ექსპორტიორს კი თავისთავად ქარხანასთან ჰქონდა გამართული საკასრე განყოფილება, რომელთაც ფლობდნენ რიხნერი, შუტცი, ციმერმანი, ხშიანცი, ბალფრუა, ვაგსტაფი და ბლეი. ხის კასრებით ნავთობის პროდუქტების ექსპორტს ფართო ხასიათი არ მიუღია. 1893-1899 წწ. ბათუმიდან კასრებით გაიგზავნა უცხოეთში ექსპორტირებული ნავთობის 7,8%.¹⁴

ასე რომ, ნავთობის ექსპორტში გადამწყვეტ როლს ასრულებდნენ ნავთობის ტარის მექანიზებული ქარხნები. ქვეკომისიის მიერ შეკრებილი მასალებიდან ჩანს, რომ ათიოდე ქარხანაში მოქმედებდა 13 დინამომანქანა 1736 ცხენისძალიანი ორთქლის ქვაბებით, 653 ცხენისძალიანი სამუშაო მანქანები. ხის ყუთების დამზადება ხდებოდა 301 მექანიზებულ დაზგაზე, თუნუქის ბიდონებისა - 546 დაზგაზე. ამ მანქანებთან არსებობდა 145 სარჩილაი ღუმელი.¹⁵ დასახელებული საწარმოები დღის განმავლობაში საშუალოდ ამზადებდნენ 38 ათას ხის ყუთს, 76 ათას თუნუქის ბიდონს. როცა ნავთობის ტარაზე დიდი მოთხოვნილება იყო და ქარხნები დიდი დატვირთვით მუშაობდა, ყოველდღიურად მზადდებოდა 71 ათასი ხის ყუთი და 142 ათასი თუნუქის ბიდონი. 1899 წ. ქარხნებმა სულ გამოუშვეს 11,1 მლნ ხის ყუთი და 22,2 მლნ თუნუქის ბიდონი. ქარხნების მთელმა შემოსავალმა შეადგინა 7,6 მლნ მანეთი.

ამგვარად, XIX საუკუნის 90-იან წლებში ბათუმის მრეწველობამ დიდი ნახტომი გააქეთა. თითქმის სამჯერ გადიდდა ნავთობის ტარის ქარხნებისა და მანუფაქტურების მწარმოებლურობა. შესაბამისად, გაიზარდა კაპიტალისტური ფირმებისა და კომპანიე-

¹² გრ. მარგიანი, დასახ. ნაშრ., გვ. 210.

¹³ სანკტ-პეტერბურგის ცსია, ფ. 1405, ან. 542, ხ. 1540, ფურც. 51-52.

¹⁴ იქვე, ფურც. 57-58.

¹⁵ გრ. მარგიანი, დასახ. ნაშრ., გვ. 212-213.

ბის შემოსავალი. მათი საგრძნობი ნაწილი გაიყვმოდა ხელფასის სახით, რაც საგრძნობლად ამცირებდა კაპიტალის მოგების ნორმას. მიუხედავად ამისა, საექსპორტო ჭურჭლის წარმოება სარფიან ბიზნესს წარმოადგენდა იგი პასუხობდა არა მარტო ადგილობრივ და უცხო კაპიტალისტთა ინტერესებს, არამედ დიდ სარგებლობას აძლევდა ბათუმის მშრომელ მოსახლეობას და მთელ ქალაქს.

ნავთობის ტარის წარმოებამ ბათუმში მრავალი სამუშაო ადგილი შექმნა, დაასაქმა 3-4 ათასი კაცი. ათასამდე მუშა ეწეოდა ნავთობის გადატანას და გემებში ჩატვირთვას, გაიზარდა ნავთობის გადამუშავება-ექსპორტთან დაკავშირებულ ინჟინერ-ტექნიკოსთა, ბუღალტერ-მონაგარიშეთა და სხვა პროფესიის ადამიანთა რიცხვი. მრეწველობა-ვაჭრობის გაფართოების წყალობით ბათუმი სწრაფად ივსებოდა ახალ-მოსულებით, რომელთაც, რა თქმა უნდა, სჭირდებოდათ თავშესაფარი, ბინა. ბათუმმა საკმაოდ დიდი რაოდენობით მოიხიდა მშენებელი ინჟინრები, მუშები, ხუროები, კალატოშები და სხვ. მათ ააგეს ნავთობის ტარის საწარმოთა კორპუსები, სხვა დამხმარე განყოფილება-სახელოსნოთა შენობები, ადმინისტრაციული და კულტურულ-საგანმანათლებლო ნაგებობანი, საცხოვრებელი სახლები. XIX საუკუნის მიწურულს აქ ცხოვრობდა და საქმიანობდა 30 ათასამდე ადამიანი, რომელთაც მრავალნაირი მოთხოვნები ჰქონდათ. თანდათან გამრავლდა ფართო მოხმარების საგნების (საქონლის) დამამზადებელი საწარმოებიც, რომელთა ნაწილმა წერილი კაპიტალისტური კოოპერაციისა და მანუფაქტურის სახე მიიღო. 1900 წ. მოქმედებდა ტანსაცმლისა და ფეხსაცმლის სამკერვალოები, სადურგლოები, სამშენებლო მასალების საწარმოები, პურის საცხობები, აფთიაქები, სასაკალო, ქეხეულის დამამზადებელი მანუფაქტურები და სხვ. სულ აღირიცხა ამგვარი სახის 366 წერილი საწარმო, რომელთა მფლობელების საგრძნობი ნაწილი მეტ-ნაკლები ოდენობით იყენებდა დაქირავებულ შრომას.

ამგვარად, ოციოდე წლის განმავლობაში - XX საუკუნის დამდეგამდე ბათუმის ოლქის მრეწველობამ განელო კაპიტალისტური განვითარების სამივე სტადია (მარტივი კოოპერაცია, მანუფაქტურა, ფაბრიკა-ქარხანა). პროდუქციის ღირებულებითა და დასაქმებული მუშების რაოდენობით ფაბრიკულ-ქარხნული მრეწველობა პირველობდა ბათუმის გარეთ, ოლქის სასოფლო რაიონებში არსებობას განაგრძობდა საოჯახო მრეწველობა და ხელოსნობა, მაგრამ ისიც განიცდიდა ბურჟუაზიულ ევოლუციას. ფულად-სასაქონლო და კაპიტალისტურ ურთიერთობაში მეტ-ნაკლებად შინამრეწველები და ხელოსნებიც იყვნენ ჩაბმულნი.

ბათუმის ოლქში მრეწველობის კაპიტალისტური განვითარების ერთ-ერთი შედეგი და გამოხატულება იყო მრავალეროვნული ბურჟუაზიისა და დაქირავებულ მუშათა გაჩენა-გამრავლება. ადგილობრივი ბურჟუაზიის სისუსტის გამო ბათუმში და მთელ ოლქშიც გაბატონებული მდგომარეობა უცხოურმა კაპიტალმა დაიკავა მუშათა კლასი, ძირითადად, საქართველოს სოფლის მოსახლეობის გაღატაკებული გლეხობის ხარჯზე ყალიბდებოდა. აქვე სამუშაოდ ჩამოდიოდნენ ნახევრად პროლეტარული ელემენტები რუსეთის იმპერიის სხვადასხვა რეგიონიდან, თურქეთიდან და ირანიდან.

§2. ახალი ტენდენციები მრეწველობის განვითარებაში 1900-1917 წლებში

XIX-XX ს.ს. მიჯნაზე მსოფლიოში გაძლიერდა კაპიტალისა და წარმოების კონცენტრაციის პროცესი, მონოპოლიურ კაპიტალიზმზე გადასვლის ტენდენცია. თანდათან მრავლდება აქციონერული საზოგადოებები (კორპორაციები), სადაც საკუთრება ასოცირებულია და ლეზულობს კოლექტიურ ფორმას. ასოცირებული საკუთრებისა და შესაბამისი წარმოების (ფაბრიკების, ქარხნების) თანამონაწილენი მეტ-ნაკლებად ხდებიან მოსახლეობის თითქმის ყველა კლასისა და ფენის წარმომადგენლები. აქციების (ფასიანი ქაღალდები) მფლობელი ლეზულობს საწარმოო მოგების შესაბამის წილს. ასეთი ტენდენცია საგრძნობი ვახდა ბათუმის ოლქშიც. აქაც მრეწველობის წამყვან დარგებში ტონის მიმცემნი ხდებიან სააქციო საზოგადოებები, მსხვილი კომპანიები. მაღე ბათუმისა და ართვინის ოკრუგებში გააქტიურდა უცხოური კაპიტალი. მან ნავთობის ექსპორტთან დაკავშირებულ წარმოებასთან ერთად დიდი ყურადღება მიაქცია სამთამადნო-საქარხნო მრეწველობას (ფერადი მეტალურგია).

XX საუკუნის დამდეგს ბათუმში კიდევ უფრო გაძლიერდა წარმოების კონცენტრაციის პროცესი. ზოგიერთი, შედარებით წერილი ქარხნის მეპატრონემ ვერ გაუძლო კონკურენციას, შეწყვიტა წარმოება, თავისი უძრავ-მოძრავი ქონება გაყიდა. ზოგიც თავისი ქარხნით მსხვილი გაერთიანების, გამარჯვებულ სააქციო საზოგადოებათა შემადგენლობაში შევიდა.

1902 წ. ბათუმში მოქმედებდა საექსპორტო ჭურჭლის მხოლოდ 5 ქარხანა, მაგრამ მათი წარმადობა რამდენადმე აჭარბებდა 3 წლის წინ არსებულ ყველა ქარხნისას. ამ ხუთი ქარხნის ძრავათა სიმძლავრე 2450 ცხენის ძალას შეადგენდა. მათში დასაქმებულმა 3500 მუშამ და შესაბამისი რაოდენობის ინჟინერ-ტექნიკურმა პერსონალმა 1902 წ. დაამზადა 8,8 მლნ რუბლის პროდუქცია.

საექსპორტო ჭურჭლის წარმოება კვლავ სარფიან ბიზნესად ითვლებოდა. ამიტომ 1903 წ. ზოგიერთმა ფირმამ („კასპიის ამხანაგობა“, „ფრანგ მეწარმეთა აქციონერული გაერთიანება“, „კავკასიის ვარსკვლავი“, „ინგლისური კომპანია - „ოლეუმი“) დაიწყო ხის ყუთებისა და თუნუქის ბიდონების ახალი ქარხნების აშენება-გამართვის პროექტების დამუშავება. მათ განხორციელებამდე ნავთობის მსოფლიო ბაზრებზე ძალთა მნიშვნელოვანი გადაადგილება მოხდა, რამაც არსებითად შეცვალა კონიუნქტურა ბათუმში. 1903-1904 წლებში ბაქოს ნავთობის მოპოვება-გადამუშავებასა და ექსპორტში გაბატონდა რამდენიმე მონოპოლისტური გაერთიანება. მათ შორისაც კი სიმძლავრით გამოირჩეოდნენ ნობელისა და როტშილდის ფირმები თავიანთი მრავალრიცხოვანი „ეასაღლებით“. ისინი დაეუფლნენ რუსეთის იმპერიის ნავთობის სხვა საბადოებსაც. XX საუკუნის დამდეგს მსოფლიო ბაზარზე გატანილი ბაქოს ნავთობის 67% ნობელის, როტშილდისა და მანთაშევის წილად მოდიოდა. მათგან, პირველი ორი ევროპის ბაზრებს იყრობდა, მესამე უპირატესად აზია-აფრიკის ქვეყნებში ეწეოდა კომერციულ საქმიანობას. ეს სამი უმსხვილესი ფირმა გაბატონდა ბათუმის მრეწველობაშიც. ხის ყუთებისა და თუნუქის ბიდონების წარმოება მათ ხელთ იყო კონცენტრირებული. ხანატრიანცისა და სიდერიდისის ქარხნები მთლიანად ნობელის დაკვეთით მუშაობდნენ. 1904 წ. საექსპორტო ჭურჭლის 4 ქარხანაში 4031 მუშა იყო დასაქმებული, აქედან მანთაშევის ქარხანაში – 1742 კაცი, როტშილდის -

1690, ხაჩატრიანცის - 661, სიდერიდისის ქარხანაში - 325 კაცი.¹⁶

კაპიტალისა და მუშახელის ასეთი კონცენტრაცია განაპირობა მსოფლიო მასშტაბით მიმდინარე სამრეწველო კრიზისმა, რომელიც ამიერკავკასიასაც მოედო და ამ რეგიონში საკონკურენტო ბრძოლა უკიდურესად გაამწვავა.

ეკონომიკურ კრიზისის და მის მომდევნო დეპრესიას დაემთხვა ბათუმის მუშათა ფართო საგაფიცვო მოძრაობა. ბათუმის მრავალათასიანი მშრომელთა სოციალურ მოძრაობას ბიძგი მისცა როტშილდისა და მანთაშევის ქარხნების მუშათა 1902 წ. იანვარ-თებერვლის გაფიცვამ, რომელსაც მომდევნო პერიოდში სხვა ქარხნების მუშებიც შეუერთდნენ. გაფიცულები მოითხოვდნენ ხელფასის მომატებას, სამუშაო დღის შემცირებას და უმუშევარი ამხანაგების წარმოებაში დასაქმებას. სამრეწველო-სავაჭრო ფირმები იძულებული გახდნენ მუშათა მოთხოვნები მნიშვნელოვანწილად დაეკმაყოფილებინათ. ქარხნებში ხელფასი გაიზარდა 20-30%-ით, სამუშაო დღის ხანგრძლივობა შემცირდა 10-დან 8 საათამდე. ნავსადგურის მუშები თუ ადრე 1000 ყუთის გემებში ჩატვირთისათვის იღებდნენ 10 რუბლს, 1904 წ. ქირა 40 რუბლამდე გადიდა. ყოველივე ამან, ბუნებრივია, გაზარდა პროდუქციის თვითღირებულება, შემცირდა კაპიტალისტთა მოგება. 1905 წ. მდგომარეობა კიდევ უფრო დამძაბა. გაფიცვებში ჩაებნენ ხე-ტყის დამცურებლები და სახერხი ქარხნების მუშები, რომლებიც ბათუმის ქარხნებს ხე-მასალას აწვდიდნენ. საერთო ტალღას აჟევენ მტკიერთავებიც. ბათუმის ნავსადგურში მდგარი გემები ამაოდ ელოდებოდნენ ტვირთს. ქარხნებსა და რესურსურებში ნავთობის მარაგი აღარ ეტეოდა.

ბათუმელ მრეწველ-ექსპორტიორებთან ერთად დიდად დაზარალდნენ გემთმფლობელები, რომლებიც ადრე მაღალ ფრახტს ღებულობდნენ. შექმნილ სიტუაციაში ისინი იძულებულნი გახდნენ ბათუმის ნავსადგურიდან უტვირთოდ წასულიყვნენ. ნავთობის ექსპორტი მინიმუმამდე შემცირდა. ამან აღმოსავლეთის ქვეყნებში ნავთობი 20%-ით გააძვირა. ამ ერცვალ ბაზრებზე ამერიკული პროდუქცია გაბატონდა.¹⁷

პირველი რევოლუციის მარცხის შემდეგ, 1907 წ. ბათუმში თითქოს კვლავ დაიწყო ნავთობის ტარის წარმოების აღორძინება. 1908 წ. ქალაქში მოქმედებდა 6 ქარხანა, რომელთა ძრავების სიმძლავრე 1000 ცხენის ძალას არ აღემატებოდა. ამ საწარმოებში დასაქმებულმა 825 მუშამ და ინჟინერ-ტექნიკოსთა პერსონალმა წლის განმავლობაში დაამზადა 1,6 მლნ რუბლის პროდუქცია.

1910 წელს ქალაქში მუშაობდა ნავთობის საექსპორტო ჭურჭლის წარმოების 4 ქარხანა: ძმები არვანიტიძეების საწარმოში დასაქმებული იყო 300 მუშა. ფირმამ თუნუქის ბიდონებით უცხოეთში გაიტანა 3,1 მლნ. ფუთი ნავთობი. ხაჩატრიანცისა და კომპ. ქარხანაში ხის ყუთებისა და თუნუქის ბიდონების დამზადებაზე მუშაობდა 250 კაცი. კომპანიამ საზღვარგარეთ გაიტანა 608 ათასი ფუთი ნავთობი, ხშიანცის საწარმოში მხოლოდ 50 მუშა იყო დასაქმებული. მან უცხოეთში გაგზავნა 222 ათასი ფუთი. ბათუმში მოქმედებდა, აგრეთვე, ნობელის ნავთობის გადასასხმელი სადგური, რომელმაც საზღვარგარეთ გაიტანა 1,2 მლნ ფუთი ნავთობი.¹⁸

მიუხედავად გამოცოცხლებისა, შეუძლებელი გახდა დარგის კვლავ აღმავლობა. მომდევნო წლებში ნავთობის ტარის დამზადება თითქმის მთლიანად შეწყდა. ბათუმიდან ნავთობის ექსპორტი შედარებით მცირე მოცულობით გაგრძელდა ტანკერებით.

უცხოელი კაპიტალისტები და ადგილობრივი მრეწველები ბათუმის ქარხნების

¹⁶ გრ. შარვაიანი, დსახ. ნაშრ., გვ. 217.

¹⁷ იქვე გვ. 218-219.

¹⁸ Список фабрик и заводов Российской империи, СПб., 1912, с. 140, 308; Обзор Батумской области за 1910 г., с. 37-39.

დახურვაში ადანაშაულებდნენ სოციალ-დემოკრატებს, რომლებმაც ეკონომიკურ ნიადაგზე დაწყებულ გაფიცვებს პოლიტიკური მიმართულება მისცეს. ამ ბრალდებაში არის ჭეშმარიტების ელემენტები. მშვიდობიანი, ეკონომიკური ხასიათის გაფიცვა იმ დროს დასავლეთის სამყაროში კანონმდებლობით უკვე იყო დაშვებული. გაფიცვების თავისუფლებისათვის რუსეთის იმპერიის მუშათა კლასიც იბრძოდა. მხოლოდ პროფ-კავშირული მოძრაობით, ეკონომიკური ხასიათის გაფიცვებით შეიძლებოდა შრომისა და კაპიტალის ურთიერთობის რეგულირება, მუშათა კლასის ცხოვრების დონის გაუმჯობესება, კლასობრივი ანტაგონიზმის შესუსტება, მაგრამ ექსტრემისტულად განწყობილი ბოლშევიკები ამას არ სჯერდებოდნენ. მათი პროპაგანდის შედეგად გაფიცვულები და დემონსტრანტები ხშირად გამოდიოდნენ ცარიზმისა და კაპიტალისტური წყობილების დამხობის ლოზუნგებით. სოციალიზმის აჩრდილი კი ძალიან აშინებდა ბურჟუაზიას და იგი თითქმის ყველგან ლოკაუტს მიმართავდა. ლოკაუტი გამოიყენეს ბათუმელმა მრეწველებმაც - მიიღეს გადაწყვეტილება ნავთობის ტარის ქარხნების დახურვის და უცხოეთში გადატანის თაობაზე.

ბოლშევიკებს ამოძრავებდათ ვიწრო პარტიული მიზანი, ხელისუფლების მოპოვების სურვილი. ისინი იეიწყებდნენ იმ ფაქტს, რომ ბურჟუაზია პროგრესულ მისიას ასრულებდა, ხელს უწყობდა საწარმოო ძალების განვითარებას, ჰქმნიდა ათასობით სამუშაო ადგილს. ამიტომ იყო, რომ ბევრი ქართველი პატრიოტი გმობდა ბოლშევიკთა ექსტრემისტულ საქმიანობას. ნიკო ნიკოლაძემ საჯაროდ განაცხადა, რომ სოციალ-დემოკრატულ პარტიას აყოლილმა მუშებმა მოკლეს ის ქათამი, რომელიც ადგილობრივი მოსახლეობისათვის „ოქროს კერცხს დებდა“. კიდევ უფრო მკაცრად გააკრიტიკა სოციალ-დემოკრატია ბათუმის ქალაქის თავმა ივ. ანდრონიკაშვილმა. ეს პარტია და მის მოწოდებას აყოლილ მუშები მან დაადანაშაულა იმაში, რომ ქალაქში ჩაკედა სამრეწველო-საეაჭრო ცხოვრება და თვითმმართველობამ დაკარგა შემოსავლის მნიშვნელოვანი წყარო, ნაყოფიერი მოღვაწეობის საშუალება.

ცხადია, გაფიცვებითა და 1905 წ. რევოლუციით შეშინებული ბიზნესმენები, მათი აქციონერული საზოგადოებები და კომპანიები, რევოლუციის დამარცხების შემდეგ, უთუოდ განაახლებდნენ ფართომასშტაბიან წარმოებას, მაგრამ ამას ხელი შეუშალა ძალთა ახალმა გადანაწილებამ. კიდევ მეტი, გამოითქვა აზრი, რომ ბათუმისა და ბაქოს მუშათა გაფიცვები პროვოცირებული იყო დასავლეთის მსხვილი კორპორაციების მიერ. ბათუმის ოლქის უფროსი წერდა: ბათუმსა და ბაქოში მომხდარი გაფიცვების ფართო მასშტაბი, დიდი ფულადი თანხები, რითაც უზრუნველყოფილი იყვნენ ამ გაფიცვათა ხელმძღვანელები, აგრეთვე, მათ მიერ გემების შემოსვლა-გასვლის გრაფიკის ზუსტი ცოდნა, ცხადყოფს, რომ გაფიცვების ორგანიზაციაში გადამწყვეტი როლი შეასრულეს დიდი კაპიტალის მქონე პიროვნებებმა, რომელთა ინტერესებში შედიოდა ბათუმიდან ნავთობის ექსპორტის შეწყვეტა. არის საფუძველი ვივარაუდოთ, რომ ასეთები იყვნენ „სტანდარტ-ოილ კომპანიის“, ევროპის ნავთობის კავშირისა და ინგლისური კომპანიების წარმომადგენლები, კონკურენციას რომ უწყევდნენ რუსეთის იმპერიიდან ექსპორტირებულ ნავთობს. ბათუმის ოლქის უფროსს მიაჩნდა, რომ ამ ფართომასშტაბიანი გაფიცვებით საერთაშორისო მონოპოლისტებმა შეაშინეს რუსეთში მოქმედი კომპანიები და თავისთვის ხელსაყრელ გარეგნობაზე დაიყოლიეს ისინი.¹⁹

საერთაშორისო მონოპოლიტები, მათი აგენტურა მუშათა მასასთან კავშირს ვერ დაამყარებდა. თუმცა, არაა გამორიცხული, რომ დროებით შეთანხმება დაედოთ სოციალ-დემოკრატებთან და ამ გაელენიანი ძალის დახმარებით ბაქო-ბათუმის მუ-

¹⁹ Обзор Батумской области за 1910 г., с. 37-38.

შათა მოძრაობისათვის მეტი გაქანება მიეცათ. საბჭოთა ისტორიკოსები, გასაგები მიზეზის გამო, მიუღებლად თელიდნენ ბათუმის ოლქის უფროსის ვერსიას, მაგრამ ფაქტია, ნავთობის საერთაშორისო მაგნატთა შორის კონკურენციის გააძლიერება და ბათუმელ მუშათა გაფიცვები ერთმანეთს დაემთხვა. ბათუმის სამრეწველო-საავტრო პოტენციალი ერთბაშად დაეცა, რამაც დიდად დაასარალა როგორც რუსეთის იმპერიის მრავალეროვნული ბურჟუაზია, ისე ბათუმის მრავალათასიანი პროლეტარიატი.

სათანადო მასალის შესწავლა-ანალიზის საფუძველზე ჩანს, რომ მისხილმა სამრეწველო და საავტრო ფირმებმა ჯერ კიდევ პირველი რევოლუციის დაწყებამდე მიიღეს ბათუმის ნავსადგურიდან ნავთობის ექსპორტის საგრძნობლად შემცირებისა და ნავთობის ტარის დამამზადებელი ქარხნების დახურვის გადაწყვეტილება. 1904 წ. 18 დეკემბერს ქუთაისის გუბერნიის უფროსი საფაბრიკო ინსპექტორი ვაჭრობა-მრეწველობის სამინისტროს აცნობებდა, რომ ხანატირანცმა უკვე გამოაკრა განცხადება ქარხნის განერების თაობაზე, ხოლო ნობელს გადაწყვეტილი აქვს ხელი აიღოს ბიღონებით ნავთობის ექსპორტზე ამასვე აპირებენ როტშილდი და მანთაშევიცო. საფაბრიკო ინსპექტორის ეს ცნობა მალე გამართლდა.

1904 წლის დამლევს ნობელმა შეწყვიტა თუნუქის ბიღონებით ნავთობის ექსპორტი. შემცირებული რაოდენობით აგრძელებდა ამ ენერგორესურსის ტანკერებით გატანას. 1905 წ. როტშილდმა დახურა ბათუმში არსებული თავისი ქარხანა და მანქანა-მოწყობილობები უცხოეთში გასიდა. მანთაშევიცმა შეაჩერა პროდუქციის გამოშვება, მოახდინა ხის ყუთებისა და თუნუქის ბიღონების დამამზადებელი ქარხნის დემონტაჟი. ასევე მოიქცნენ სხვა ფირმებიც, რომლებმაც თავიანთი საწარმოების მოწყობილობა უცხოეთში გადაიტანეს და იქაურ აქციონერულ სასოგადოებებთან გაერთიანდნენ, ნავთობის საექსპორტო ჭურჭლის ქარხნები ევეიპტესა და იტალიაში გამართეს.²⁰

ასეთ გადაწყვეტილებამდე რუსეთის იმპერიაში მოქმედი ნავთობის მაგნატები მიიყვანა აშშ მონოპოლისტური გაერთიანებების მხრიდან კონკურენციამ, მსოფლიო ბაზრის ახლებურად გადანაწილებისაკენ მისწრაფებამ. ბათუმიდან გასიღული ნავთობის 77% სწორედ დასახლებული მაგნატების წილად მოდიოდა. შექმნილ სიტუაციაში მათ მიზანშეწონილად მიიჩნიეს ბაქოს ნავთობისათვის მიმართულების შეცვლა.

ბაქოელი და ბათუმელი მრეწველ-ექსპორტიორები მჭიდრო კავშირში იყვნენ დასავლეთ ევროპის „ნავთობის კავშირში“. უმსხვილესი „გერმანიის ბანკის“ მიერ დაარსებული ეს მონოპოლისტური გაერთიანება კონტროლს უწყევდა ნავთობის გადა-მუშავება-გასაღებასთან დაკავშირებულ თითქმის ყველა საწარმოსა და საავტრო ფორმას გერმანიაში, ინგლისში, ბელგიაში, პოლანდიაში, სკანდინავიის ქვეყნებში. მათ აუცილებლად მიიჩნიეს ბაქოს ნავთობი გაეზიდათ კასპიის ზღვითა და ვოლგის დიდი სამდინარო არტერიით, აგრეთვე, შიდა რუსეთის რკინიგზებით. ამასთან, პროდუქციის ნაწილი გაეცაღებინათ რუსეთის ბაზრებზე, მეორე ნაწილი კი პოლონეთის გავლით - ცენტრალურ ევროპაში.

ცხადია, ნავთობის მოპოვება-გადამუშავება - ექსპორტთან დაკავშირებული საერთაშორისო მონოპოლიები, რომელნიც მეტ-ნაკლებად დაინტერესებულნი იყვნენ როგორც რუსული, ისე რუმინული და ამერიკული ნავთობის მოგებიანი რეალიზაციით, საერთაშორისო ბაზრებზე ნავთობის ისეთნაირად განლაგებას ცდილობდნენ, რომ უზრუნველყოთ ამ სტრატეგიულ ენერგორესურსზე მონოპოლიურად მაღალი

²⁰ გრ. მაგროანი, დასახ. ნაშრ., გვ. 219-220.

ფასების დაწესება. ამით იყო ძირითადად განპირობებული საერთაშორისო მონოპოლიური გაერთიანებების მიერ ბათუმთან ნავთობის ექსპორტის მინიმუმამდე შემცირება, სამხრეთ ევროპის, აფრიკისა და ზოგიერთ სხვა ქვეყნებში რუმინეთიდან შედარებით მდარე ხარისხის ნავთობის გატანა. ამან გამოიწვია თვით ბაქოში ნავთობის ამოღების შემცირება (თუ 1904 წ. ბაქოს საბადოთა მწარმოებლურობა 617 მლნ ფუტს შეადგენდა, 1905 წ. იგი შემცირდა 411 მლნ. ფუტამდე) და გადამამუშავებელი ქარხნების 50%-ის შეჩერება ამის შედეგად ნავთობზე მოთხოვნებიდან საგრძნობლად გადააჯარბა მის მიწოდებას, რამაც განაპირობა საგარეო ბაზრებზე ფასების ხელოვნური ამაღლება და საერთაშორისო მაგნატების მოგების ნორმის გაღივება.

მონოპოლიების ამგვარი პოლიტიკის შედეგი იყო ბათუმში არსებული ნავთობის გადამამუშავებელი და საექსპორტო ჯურჯლის საწარმოების დახურვა, რამაც ფრიად უარყოფითი გავლენა მოახდინა სხვა დარგებზე, კომერციულ საქმიანობაზე, საერთოდ საქალაქო ცხოვრებაზე დიდი ზარალი განიცადა არა მარტო მოსახლეობამ, არამედ რუსეთის სახელმწიფო ბიუჯეტმაც. ქუთაისის გუბერნიის საფაბრიკო ინსპექტორი ზემდგომ ინსტანციებს მოახსენებდა: შექმნილი ვითარება სახელმწიფოებრივი თვალსაზრისით უაღრესად წაგებიანია, რადგან უცხოეთში ნავთობის ექსპორტის ესოდენ შეკეცვამ საშინაო ბაზრებზე გამოიწვია ნავთობის ფასის შემცირება, რასაც შედეგად მოჰყვა რუსეთის სავაჭრო ბალანსის გაუარესება.

მომდევნო წლებში საერთაშორისო მონოპოლიურ გაერთიანებებს შორის გამოწვევა წინააღმდეგობა ამერიკულმა კომპანიებმა დასაჯელთევროპული ფირმები დაამარცხეს და დაიმორჩილეს, მაგრამ ამას ბაქო-ბათუმში კონიუნქტურა არ შეუცვლია. უცხოური მონოპოლიები - „სტანდარტ ოილი“, „ნობელი“, „შელი“ ბაქოშიც გაბატონდნენ. 1914 წ. მათ ხელთ აღმოჩნდა მთელი რუსეთის ნავთობის მრეწველობის სააქციო კაპიტალის 86%. ეს მონოპოლიები ნავთობის ექსპორტისათვის ბათუმსაც იყენებდნენ, მაგრამ ამას აკეთებდნენ ტანკერების მეშვეობით. თუნუქის ბიდონებით ნავთობის გატანა საზარალო გახდა და ამიტომ წარმოება თითქმის მთლიანად შეწყდა.

ნავთობის ექსპორტთან დაკავშირებული ქარხნები, მართალია, დაიხურა, მაგრამ ბათუმში მრეწველობის სხვა დარგების აღმავლობა გრძელდებოდა. 1910 წ. აქ მოქმედ მექანიკურ ქარხანაში დასაქმებული იყო 30 მუშა. თუთიის დამამზადებელ საწარმოში შრომობდა 20 კაცი. შედარებით მეტი ხვედრითი წონა ჰქონდა ბათუმის მრეწველობაში თამბაქოს წარმოებას. XIX საუკუნის დამლევს მხოლოდ ლ. ბინიატოლის თამბაქოს ფაბრიკა არსებობდა. მასში დასაქმებული 55 მუშა წლიურად ამზადებდა 74 ათასი რუბლის პროდუქციას. 1910 წ. ბათუმში უკვე მოქმედებდა თამბაქოს ორი ფაბრიკა, რომლებშიც 214 მუშა ითვლებოდა. იმავე წელს მინერალური საღებავების ორ ქარხანაში დასაქმებული იყო 49 მუშა.²¹ ბათუმში კვლავ მოქმედებდა ასობით წერილი სახელოსნო, რომელთა უმრავლესობაში მხოლოდ მეპატრონე-ოსტატი და, იშვიათად, მისი შეგირდი შრომობდა. შედარებით მსხვილ სახელოსნოებში გამოიყენებოდა 2-3 და იშვიათად კი 5-10 დაქირავებული მუშის შრომა.

²¹ Обзор Батумской области за 1910 г., с. 38-39.

§3. სამთო-მეტალურგიული მრეწველობა

სამხრეთ-დასავლეთ საქართველო, კერძოდ, მდ.ჭოროხის აუზი, მეტალურგიული წარმოების უძველესი კერაა. ამ თვალსაზრისით მნიშვნელოვანია მისი საქართველოსთან დაბრუნების (1878 წ.) მომდევნო პერიოდი, რომელიც დაემთხვა რევოლუციის შემდგომი რუსეთის მხარდ სამრეწველო მოთხოვნილებას სპილენძის ნაწარმზე.

წარმოების პროცესს წინ უძღოდა ინტენსიური საძიებო და გეოლოგიური სამუშაოები, რაც გასული საუკუნის 80-იანი წლების დამლევს დაიწყო. იგი თავდაპირველად გააჩნდა რუსეთის ბურჟუაზიამ. მანვე მოაწყო აქ პირველი მადაროები და შეუდგა მადნის ამოღებას, თუმცა, საბრუნავეი კაპიტალის ნაკლებობისა და საქმის სუსტი ორგანიზაციის გამო, ვერ შეძლო ადგილზე სპილენძის სადნობი საწარმოების გამართვა.

XX საუკუნის დამდეგს სამხრეთ-დასავლეთ საქართველოს სპილენძით დაინტერესდნენ ევროპელი სამრეწველო-საფინანსო წრეები და საქმეც მკვეთრად დაიძრა ბათუმის ოლქში უკვე ცნობილი იყო სპილენძის 45 საბადო; მათგან 34 - ართვინის და 11 - ბათუმის ოკრუგში. ბათუმის ოლქში აღმოჩნდა, აგრეთვე, ტყვია-ვერცხლის 30-მდე საბადოც. გამოკვლევებით დადგინდა აქ სხვა სასარგებლო წიაღისეულის (გოგირდის, თუთიის, რკინის, გრაფიტის და მარგანცის) არსებობაც.²² ცხადია, სამრეწველო ეპოქის ხასიათიდან გამომდინარე, უპირატესობა მიენიჭა სპილენძის წარმოებას ამიტომაც, მადნით უმდიდრესმა ართვინის მხარეც მიიღო ამ დარგში მკვეთრად სპეციალიზებული რეგიონის სახე.

რუსული და ევროპული კაპიტალის მეტოქეობაში გამარჯვდა ამ უკანასკნელმა, რის შედეგადაც ართვინის მხარეში ერთიმეორეს მიყოლებით ამოქმედდა სამთო საწარმოები და სპილენძსადნობი ქარხნები: ერგეს (1890-1911 წწ.), ჭინკათხე-ძანსულის (რუსულ წყაროებში - ალექსანდროესკის) უმსხვილესი კომპლექსი (1903-1918 წწ.), ხოდის (1908-1914 წწ.) და კეარცხანა-ბეშაულისა (1914-1921 წწ.).

უცხოური კაპიტალის აქტიუობის შედეგად XX ს-ის 10-იანი წლებიდან სამხრეთ-დასავლეთი საქართველო არა მარტო ამიერკავკასიის, არამედ მთელი რუსეთის იმპერიის სპილენძის მრეწველობის წამყვან ცენტრად გადაიქცა 1913 წ. აქ გამოადნეს 206 ათას ფუთზე მეტი სუფთა (ანუ წითელი) სპილენძი. მაშინ, როცა იმავე წელს მთელს ამიერკავკასიაში გამოადნეს 628 ათასი ფუთი, ხოლო რუსეთის იმპერიის სამ უმთავრეს რეგიონში - ურალში, ამიერკავკასიასა და ყირგიზეთში ერთად - 1 933 ათასი ფუთი.

სპილენძის მრეწველობის განვითარებასთან ერთად იზრდებოდა ამ დარგში დასაქმებული მუშახელის რაოდენობაც. არასრული ცნობით, 1900 წ. რეგიონში იყო 600 სამთამადნო მუშა, 1913 წ. კი - 2700-მდე.²³ თურქ, სომეხ და სპარსელ მუშათა გარდა, უმრავლესობას შეადგენდნენ ქართველები. მინდვრის სამუშაოებისაგან თავი უფაღ დროს აქ სესონრებად მუშაობდა ლაზეთის, აჭარის და დასავლეთ საქართვე-

²² «Батумъ и его окрестности», Бат., 1906 г. с. 20. აღსანიშნავია, რომ საძიებო-გეოლოგიური სამუშაოებმა ბათუმის ოლქში აქტიურად მიმდინარეობდა პირველ მსოფლიო ომამდე (სცსსა, ფ. 264, ან. I, ს. 5218-5239).

სწორ შემთხვევაში წიაღისეულის აღმოჩენისთანავე აწყებოდა მისი მოპოვებაც. შაგ. სოფ. ვაიოს (ქედის რ.) მიდამოებში აღებდნენ ტყვია-ვერცხლის მადანს. 1894 წ. აქ მოპოვეს 300 ფუთი, 1895 წ. - 250, 1896 წ. - 765 და 1897 წ. - 985 ფუთი ტყვია-ვერცხლი. ამ საბადოებში მუშაობდნენ ადგილობრივი მცირემწიფიანი გლეხები, აგრეთვე ოსმალეთიდან ლტოლვილი სომხები (Баджелидзе А.К., Основные вопросы экономики Абхазии (1878-1921 гг.), Бат., 1973, с. 69).

²³ გ. მარგანი, საქართველოს მრეწველობა და სამრეწველო პროლეტარიატი (1864-1917 წწ.), თბ., 1976, გვ. 349.

ლოს სხვა რაიონების გლეხობა. მათი ოჯახებისათვის ეს იყო დამატებითი შემოსავლის წყარო. გამომუშაებული ფულით ისინი ადგილზე იძენდნენ სამრეწველო ნაწარმს და სურსათს. საქარხნო წარმოების ცენტრები გარდაიქმნენ მუშათა მრავალრიცხოვან დაბედად. სამთამადნო წარმოების გარდა დიდძალი მუშახელი იყო დასაქმებული ამ რეგიონში გზების მშენებლობაზე, ხე-ტყისა და ნახშირის დამზადებაზე.²⁴

პირველი სპილენძსადნობი საწარმო რეგიონში აშენდა 1890 წ. ბათუმიდან 11 კერსის დაშორებით, სოფ. ერგეში, მდ. ჭოროხის მარჯვენა ნაპირზე.

ეს იყო პატარა, მაგრამ კარგად აღჭურვილი მეტალურგიული ქარხანა, რომელიც შედგებოდა მადნისმდნობელი ორი და სუფთა სპილენძის გამოსადნობი ერთი ღუმელისაგან. ქარხანას თავდაპირველად აშენებდა თბილისელი ინჟინერი ზოლოტარიევი; მან საქმეს თავი ვერ გაართვა და იგი გადასცა შვეიცარიელ კომერსანტს ბათუმში რობერტ რიხნერს და მის კომპანიონს ანტონ სალენერს, რომლებიც უკვე ეწეოდნენ მაღაროების ექსპლუატაციას სოფ. ხოდში (ართთისის ოკრუგი), უჩაბანაში და მდ. მერისის ხეობაში. თედო სახოიას ცნობით, გასული საუკუნის დამლევს დაბა ქედაში იყო „საწყობი და სასწორი სოფ. მერისიდან სპილენძის მწარმოებელ რიხნერისათვის ჩამოტანილი ლითონისთვის“.²⁵

მრეწველთა ვარაუდით, ერგეს ქარხანას წლიურად უნდა ეწარმოებინა დაახლოებით 20 ათასი ფუთი სუფთა სპილენძი, მაგრამ რთული ადგილობრივი პირობების გამო ქარხანა შეფერხებებით მუშაობდა და საწარმოო სიმძლავრეს ვერასოდეს მიღწია. ხოლო ერგედან 130 კერსით იყო დაშორებული. უგზოობის გამო იქაური მადანი მდ. ჭოროხამდე (22 კერსი) გადააქონდათ საჭაპანო ტრანსპორტით, ხოლო შემდეგ ნავეზე ტერიტორიებზე და მდ. ჭოროხით ჩამოქონდათ ქარხანამდე, რაც ძვირი ჯდება და სპილენძსადნობი ქარხნის მომარაგებასაც სერიოზულად აფერხებდა. ამის გამო მოიჯარებმა 1892 წ. ხოდის საბადოებთან ააშენეს ქარხანა, რომელშიც ხდებოდა მადნის პირველადი გამოწვა. მიღებული კუფერშტეინი იმავე გზით ჩამოქონდათ ერგეში მეტალურგიული პროცესის დასასრულებლად. ხოდის მაღაროებთან შეუდგნენ მადნის მექანიკური გამამდიდრებელი ფაბრიკის მშენებლობასაც, მაგრამ ერგეს ქარხნის შეფერხებელი მომარაგება მიიწვი ევრ მოხერხდა. რიხნერს შეექმნა ფინანსური სიძინელებიც. ამის გამო მან 1901 წელს სპილენძის მაღაროებისა და ქარხნის მფლობელობა დაუთმო რიგველ დოქტორ-ქიმიკოსს - ვ. ლივენსს. საქმეს ვერც ამან უშველა. ქარხანა კვლავ პერიოდულად მუშაობდა. 1908 წ. წარმოების ისევ რიხნერი დაუბრუნდა მაგრამ უგზოობა, საწვავის უკმარობა და სხვა სიძინელები საქმეს კვლავ აფერხებდა. ამიტომაც ქარხნის მწარმოებლურობა მეტად უთანაბრო იყო. 1890 წ. ერგეს ქარხანაში გამოადნეს 291 ფუთი სუფთა სპილენძი, 1900 წ. - 7800, 1901 წ. - 9562, 1910 წ. - 1 672 ფუთი.²⁶ 1911 წლიდან კი ქარხანამ ფაქტობრივად მუშაობა შეწყვიტა.

ერგეს ქარხნის არსებობასთან დაკავშირებულია ხოდის სპილენძსადნობი ქარხნის წარმოშობაც. 1908 წლიდან ხოდის ქარხანას, სადაც თავდაპირველად ერგეს ქარხნისათვის ამზადებდნენ კუფერშტეინს, სათავეში ჩაუდგა ს. სიმეონიდი. წლის ბოლოს მან იქვე შლეიზოფენი ააშენა და დამოუკიდებლად დაიწყო წითელი სპილენძის გამოდნობა, მაგრამ საწარმო იმავე პრობლემების წინაშე აღმოჩნდა, როგორც

²⁴ ნ. კახიძე, სპილენძ-ბირინჯის მეტალურგიის ისტორიიდან ჭოროხის აუზში და მოსახლეობის საწარმოო და საზოგადოებრივი ყოფის ზოგიერთი საკითხი. - სსსრკ, XIV, თბ., 1987, გვ. 45-47.

²⁵ თ. სახოია, მოგზაურობანი გურია, აჭარა, სამურზაყანოსა და აფხაზეთში, ბათ., 1985, გვ. 309.

²⁶ თ. ვახტანგიშვილი, კამიტალისტური მრეწველობის ფაბრიკულ (მანქანურ) სტადიაზე გადასვლა საქართველოში, თბ., 1976, გვ. 112-115.

ერგეს ქარხანა. ამის გამო მისი მწარმოებლურობაც უთანაბრო იყო. ხოდის ქარხანაში 1908 წ. გამოადნეს 1560 ფუთი სუფთა სპილენძი, 1909 წ. - 1400, 1910 წ. - 685, 1911 წ. - 700, 1912 წ. - 634, ხოლო 1913 წ. - 457 ფუთი.

მწარმოებლურობის გაზრდის მიზნით 1914 წ. აშენდა 500 კილოვატი სიმძლავრის ჰიდროელექტროსადგური, დაიწყო საკომარესოროს (ინჟინტური ბურღვისათვის) მშენებლობა, ხოლიდან ბათუმ-არტანის გზატკეცილიდან დამაკავშირებელი გზის გაყენა, მაგრამ კავკასიის ფრონტის გახსნამ სამუშაოები შეაჩერა.

ჭინკათხე-ძანსულის სპილენძის სამრეწველო კომპლექსი ერთ-ერთი უდიდესი იყო რუსეთის მასშტაბითაც კი. ის მდებარეობდა ბათუმიდან 62 კერსის დაშორებით მდ. ჭოროხის მარცხენა შენაკადის მდ. მურღულისწყლის ხეობაში. ეს მდინარე ჭოროხს ბორჩხასთან შეერთვის. აქედან სამხრეთით 18 კერსზე, სოფ. მურღულის მახლობლად – ჭინკათხეში განლაგებული იყო სპილენძის სადნობი ქარხანა, ხოლო სოფ. ძანსულის და ბეშულის მიდამოებში მდებარეობდა სპილენძის მალაროები და მადნის სამხსერეები ფაბრიკები.

ძანსულში სპილენძის მადანს, თავდაპირველად, მოიპოვებდა ძმები ლაზარეეების ფირმა, მაგრამ შემოადინიშნული სირთულეების გამო წარმოების შემდგომი გაშლა-გაფართოება მან ვეღარ შეძლო. XX საუკუნის დამდეგს ამ საბადოებით დაინტერესდნენ ინგლისელი და ამერიკელი მრეწველები, მათ შორის მილიარდერი ს. მორგანიც. ასე დაარსდა 1900 წ. ოქტომბერში ლონდონში „კავკასიის სპილენძის სამრეწველო საზოგადოება, შეზღუდული პასუხისმგებლობით“. მან 1901 წ. მურღულის ხეობაში ჩაატარა საფუძვლიანი გეოლოგიური გამოკვლევა, რის შედეგადაც აქ სპილენძის მადნის მარაგი დაახლოებით 400 მილიარდი ფუთით (66 მილიარდი ტონა) განასაზღვრა მართალია, მაღანი მცირე მეტალური შემცველობისა აღმოჩნდა, მაგრამ მარაგი ხანგრძლივ წარმოებას უზრუნველყოფდა.²⁷ ამიტომაც ფირმის ხელმძღვანელობამ სთხოვა რუსეთის მთავრობას მურღულის ხეობის საბადოების ექსპლოატაციის ნებართვა, რაზედაც მალე თანხმობაც მიიღო. ადგილზე საქმის უკეთ ორგანიზებისა და ახალი სამშენებლო ობიექტების შეუფერხებლად მომარაგების მიზნით, ფირმამ ბათუმში დანიშნა თავისი პასუხისმგებელი აგენტი ვ. სტიუარტი.

1901-1902 წლებში ჭინკათხეში აშენდა სპილენძსადნობი ქარხანა, რომლის მწარმოებლურობა, წინასწარი გათვლით, წლიურად უნდა ყოფილიყო 200 ათასი ფუთი სუფთა სპილენძი. მაგრამ საწარმოს ტექნიკური ხარვეზები აღმოაჩნდა ამას დაერთო უგზობობის გამო საწვავისა და ყველა იმ მასალის მიტანის სირთულე, რაც აუცილებელი იყო ქარხნის მოქმედებისათვის. მიხედვად ამ შეფერხებისა, საწარმო 1903 წ. მაინც შექლო დაემხადებინა 31 ათასი ფუთი სუფთა სპილენძი.

წარმოების შემდგომი ბუდით განსაკუთრებით დაინტერესდა ფირმის ერთ-ერთი დამფუძნებელი, ამერიკელი მილიარდერი მორგანი. იგი სპეციალისტებთან ერთად ჩამოვიდა საბადოებისა და ქარხნის დეტალური გამოკვლევების ჩასატარებლად. ადგილზე საქმის შესწავლის შემდეგ მორგანი დარწმუნდა, რომ საჭირო იყო ქარხნის საფუძვლიანი რეკონსტრუქცია და სპილენძის გამოდნობასთან დაკავშირებული ხსნა საწარმოებისა და ობიექტების დანქარებული მშენებლობა, რისთვისაც შესაბამისი მოწყობილობები ინგლისიდან და ამერიკიდან ჩამოიტანეს.²⁸

„კავკასიის სპილენძის სამრეწველო საზოგადოებამ“ მურღულის რაიონში მსოფლიო ომამდე დააბანდა იმ დროისათვის უზარმაზარი კაპიტალი - 20 მილიონი

²⁷ ვ. მარგანი, დასახ. ნაშრ., გვ. 356.

²⁸ იქვე, გვ. 357-375; თ. ვახტანგიშვილი, დასახ. ნაშრ., გვ. 118-129.

მანეთი. ამის შედეგად აიგო 900 კილოვატი სიმძლავრის ჰიდროელექტროსადგური, მადნის გამამდიდრებელი 4 ფაბრიკა. მალაროებიდან ამ ფაბრიკებამდე გაიყვანეს საჰაერო-საბავარო გზები, რომლის საერთო სიგრძე 2620 მეტრი იყო, ხოლო გამტარუნარიანობა ერთ საათში 100 ტონას აღწევდა.

მადნის მოპოვებაში მნიშვნელოვან ტექნიკურ სიახლეს წარმოადგენდა მალაროებში პნემატური ბურღვა და ელექტრომექანიკური ნიშბის გამოყენება ფუჭი ქანების გადასაადგილებლად. ეს ტექნიკა მუშაობდა სპეციალური საკომპრესორებისაგან მიღებული შეკუმშული ჰაერით. მალაროებიდან მადანი სამსხვრევე ფაბრიკებამდე გამოაქონდათ სარკინიგზო ვაგონებებით.

ადგილზევე აიგო თუჯსასხმელი საამქრო, სამჭედლო და მექანიკური სახელოსნოები. სპილენძსადნობი ქარხნის საწვავით შეუფერხებლად მომარაგებისათვის ბათუმიდან ჭოროხის და მურღულის ხეობებით გაიყვანეს 60 ეერის სიგრძის ნავთსადენი მილი. მურღული ბათუმი დაუკავშირდა სატელეფონო ხაზითაც. ქარხნიდან ბათუმ-ართვინის შარავნამდე გაიყვანეს 16 ეერის სიგრძის სამანქანე გზა, რის შემდეგაც მდ. ჭოროხით ტრანსპორტირება შეიზღუდა და ზოდებად ჩამოსხმული მზა სპილენძი ბათუმში გადაქონდათ ფურგონებით და ორთქლის მანქანებით (ე. წ. „მაგონებით“). თუმცა, გზების ბოლომდე კეთილმოწყობლობის გამო ამ უკანასკნელთა როლი უმნიშვნელო იყო. ამავე პერიოდში დღის წესრიგში დადგა ბათუმ-ყარსის სარკინიგზო ხაზის მშენებლობა, ძანსულის განშტოებით,²⁹ მაგრამ მსოფლიო ომის დაწყებამ იგი შეაჩერა.

კომპლექსში დასაქმებული იყო 2500-მდე მუშა, ხოლო ადმინისტრაცია - 100 კაცამდე აღწევდა.³⁰

მუშათა საცხოვრებელი სახლები, სააეადმყოფო, ადმინისტრაციული შენობები და სავაჭრო დუქნები განთავსებული იყო სოფ. ძანსულში, რომელშიც საუკუნის დასაწყისში 10-15 კომლი გამამდიანებული ქართველი ცხოვრობდა, ხოლო „ომის წინ პატარა ქალაქი გეგონებოდათ და მცხოვრებთა რიცხვიც 3 ათასამდე აღწევდა“.³¹

ზემოაღნიშნული ღონისძიებების შედეგად რამდენჯერმე გაიზარდა სპილენძის მადნის მოპოვება. თუ 1909 წლამდე ის წლიურად საშუალოდ 1 მილიონამდე ფუთს შეადგენდა, 1910 წ. აქ ამოიღეს 6,2 მილიონი ფუთი სპილენძის მადანი, 1913 წ. კი - 13,7 მილიონ ფუთზე მეტი. შესაბამისად გაიზარდა სპილენძსადნობი ქარხნის მწარმოებელობაც. თუ 1909 წ. აქ გამოადნეს მხოლოდ 47 ათასამდე ფუთი სუფთა სპილენძი, შემდეგ: 1910 წ. - 101 ათასი, 1911 წ. - 137 ათასამდე, 1912 წ. - 190 ათასი, 1913 წ. - 206 ათასამდე, 1914 წ. პირველ 10 თვეში კი - 179 ათას ფუთზე მეტი.³²

წარმოების ასეთი ზრდა და იაფი მუშახელი დიდ მოგებას აძლევდა „კავკასიის სპილენძის სამრეწველო საზოგადოების“ მფლობელებს. მხოლოდ 1913 წ. ჭინკათხევის ქარხანაში გამოდნობილი სპილენძის ღირებულება 3 მილიონამდე რუბლს შეადგენდა.³³

²⁹ Церетели А., Очерк торгово-промышленного развития города Батуми. - «Батумъ и его окрестности», Бат., 1906, с. 450.

³⁰ ჭინკათხე-ძანსულის კომპლექსის ადმინისტრაციის ბირთვი ამერიკელებისა და ინგლისელებისაგან შედგებოდა. პირველი მსოფლიო ომის წინ კომპლექსის დირექტორი იყო უაიტი, მალაროების მმართველი ნილანდი, ხოლო ამ უკანასკნელის მოადგილე დევიდი (სცსსა, ფ. 13, ან. 27, ს. 3589, ფურც. 12; ან. 30, ს. 27, ფურც. 20). ადმინისტრაციაში მუშაობდნენ, აგრეთვე, რუსები და ქართველები.

³¹ გაზ. „თანამედროვე აზრი“, №7, 1915 წ.

³² სცსსა, ფ. 1438, ან. 1, ს. 839, ფურც. 18; «Кавказский календарь на 1916 г.»., (отдел статист.), Тифл., 1915 г., с. 92.

³³ გ.მარგანი, დასახ. ნაშრ., გვ. 375.

მაღალ მოგებას გამოიყენებულნი ინგლისელ-ამერიკელი მრეწველები ნაკლებად 'ხრუნავდნენ შრომის უსაფრთხოებაზე და მდარაობის სათანადოდ გამაგრებაზე. ამის შედეგად, 1913 წ. 31 ოქტომბერს ძანსულის ერთ-ერთ მდარაოში მოხდა კატასტროფა - ჩაიტყა მდარაოში შეუვლად ნამაველი გვირაბი, რის შედეგადაც დაიღუპა ან მიიმეღა დაშავდა 36 მუშა.³⁴

აღნიშნული კატასტროფის შესახებ ცნობილი გახდა ფართო საზოგადოებისათვისაც. 1913 წ. 13 ნოემბერს სახელმწიფო სათათბიროს სოციალ-დემოკრატიულმა ფრაქციამ, ნ. ჩხეიძის ინიციატივით, სახელმწიფო საბჭოში შეიტანა შეკითხვა მომხდარი კატასტროფის შესახებ. 1914 წ. 4 თებერვალს სახელმწიფო საბჭომ სპეციალურად განიხილა ეს საკითხი და რუსეთის იმპერიის ვაჭრობისა და მრეწველობის მინისტრს და კავკასიის მეფისნაცვალს დააეხლა კატასტროფის მიზეზების გარკვევა და დამნაშავეთა პასუხისგებაში მიცემა.

კატასტროფის მიზეზი რომ „ქარხნის ადმინისტრაციის დაუდევრობა“ იყო, ამას თვით კავკასიის მეფისნაცვალი ვორონცოვ-დაშკოვიც აღიარებდა. მაგრამ გამოძიება გაჭიანურდა. ამასობაში კავკასიაში საომარი მოქმედებაც დაიწყო.

ჭინკათხევის ქარხნისა და საერთოდ საქართველოში წარმოებული სპილენძის მნიშვნელოვან ნაწილს პირველი მსოფლიო ომის დაწყებამდე იძენდა და ასაღებდა გერმანული საეაჭრო სახლი „უოგაუ და კომპანია“, რომლის მმართველობა მოსკოვში იჯდა, ხოლო განყოფილებები ჰქონდა ლონდონსა და პეტერბურგში.³⁵ მზა სპილენძი მოსკოვში ბათუმიდან გემებით იგზავნებოდა სევასტოპოლის, ნოვოროსიისკისა და ფეოდოსიის ნავსადგურების გაელით. პუტილოვის ქარხანა პეტერბურგში აქაური სპილენძით მარაგდებოდა.

კავკასიის ფრონტზე საომარი მოქმედების განადებისთანავე (1914 წ. ოქტომბერი) ოსმალეთის გენერალურმა შტაბმა, რომლის შემადგენლობაშიც მრავლად იყვნენ გერმანელი სამხედროები, თავის არმიას ერთ-ერთ მთავარ ამოცანად დაუსახა ქ. ბათუმისა და მისი ოლქის დაუფლება. სტრატეგიულს გარდა, ამ მიმართულებით სწრაფვის ერთ-ერთი მიზანი იყო სპილენძით მდიდარი რაიონები და სპილენძსადნობი ობიექტები. 1914 წ. 4 ნოემბერს ოსმალეთის ჯარი დაეუფლა ჭინკათხევის სპილენძსადნობ ქარხანას და მდარაობებს. რუსეთის მცირერიცხოვანმა ნაწილებმა მტერი ვერ შეაჩერეს და უკან დაიხიეს საწარმოს ადმინისტრაცია და მუშათა პერსონალის დიდი ნაწილი ქ. ბათუმში იქნა ევაკუირებული. მურღულუში ოსმალთა 3-ათასიანი გარნიზონი ჩადგა.³⁶ ოფიცრებს შორის რამდენიმე გერმანელიც იყო. მათი განკარგულებით ოსმალეებმა სოფ. ბორჩხას საწყობებში არსებული 3 ათასამდე ფუთი სპილენძის ზოდები ხოფაში ჩაიტანეს და გემით სტამბოლში გაგზავნეს.³⁷ გერმანელებისავე მითითებით ოსმალეები უფრთხილდებოდნენ და იცავდნენ ქარხანას არსებული ცნობებით, გერმანელები აპირებდნენ ქარხნის ექსპლოატაციის დაწყებასაც, მაგრამ საჭირო სპეციალისტების არყოლისა და საწვავის უქონლობის გამო, ამ გადაწყვეტილების განხორციელებას გარკვეულ დრომდე გადადეს.

1915 წ. იანვარ-თებერვალში რუსეთის ჯარებმა კვლავ დაიკავეს მურღულის ხეობა და მთელი ართვინის ოკრუგი. ოსმალთა ნეთნიკებმა³⁸ უკანდახევის დროს თან წაიღეს ყოველგვარი წვრილმანი - წერაქები, ნიჩბები, ჩაქუჩები, დაანგრეს რიგი

³⁴ სცსსა, ფ. 13, ანაწ. 30, ს. 27, ფურც. 1-21.

³⁵ გ. მარტიანი, დასახ. ნაშრ., გვ. 375-377.

³⁶ გაზ. „თანამედროვე აზრი“, №7, 1915 წ.

³⁷ სცსსა, ფ. 13, ან. 27, ს. 3586, ფურც. 14.

³⁸ ჩეთე-პარტიზანული, მოხალისე-მოლაშქრეთა რაზმი.

საცხოვრებელი სახლები და საპოლიციო უზნის შენობა, ურმებით გაზიდეს ავეჯი და სხვა ინვენტარი. მნიშვნელოვნად დაზიანდა საფაბრიკო-საქარხნო მოწყობილობები და აგრეგატები, ელექტრო და სატელეფონო ქსელი, განადგურდა ქიმიური ლაბორატორიაც. მოწინააღმდეგემ ააფეთქა ზოგიერთი მაღაროც. ამის მიუხედავად, როგორც პრესა იუწყებოდა, „სამთო მრეწველები აგროვებენ მუშებს. სამუშაოები განახლდება სამ კვირაშიო“.³⁹

ომით დაზიანებული წარმოების აღდგენის მიზნით „კავკასიის სპილენძის სამრეწველო საზოგადოებამ“ მიმართა რუსეთის ხელისუფლებას 1 მილიონი რუბლის სახელმწიფო სესხის გამოყოფის თხოვნით. შესაბამისი შუამდგომლობა აღძრა ბათუმის გამაგრებელი რაიონის კომენდანტმა, გენერალ-მაიორმა ლიახოვმაც. კავკასიის სამთო მმართველობის მიერ მურღულუში მიღწეულია სპეციალისტმაც დაასკვნა, რომ „საზოგადოებისათვის მიყენებული ზარალი, რომელიც გამოიწვია თურქთა მიერ ქარხნისა და მაღაროების დაკავებამ, აღემატება ერთ მილიონ რუბლს“. რუსეთის იმპერიის თავდაცვის განსაკუთრებულმა საკრებულომ 1916 წ. 6 ივლისს დაადგინა „ძანსულის ქარხნის აღსადგენად სამხედრო ფონდიდან 1 მილიონი რუბლის გამოყოფა, სამი წლის ვადით“. ამ თანხით იმავე წლის ბოლოსათვის წარმოება აღადგინეს.⁴⁰ 1917 წ. 1 იანვრიდან - 16 სექტემბრამდე ძანსულის მაღაროებში მოიპოვეს 1,4 მილიონამდე ფუთი მადანი.⁴¹ პარალელურად მიმდინარეობდა მისი გამოღობა, რამაც არასრული ცნობებით შეადგინა 27 635 ფუთი.⁴²

ბათუმის ოლქის სპილენძის მრეწველობაში თავისი სიდიდითა და მნიშვნელობით გამოირჩეოდა, აგრეთვე, მსხვილი გერმანული ფირმა „სიმენსი და ჰალსკე“-ს კავკასიური ფილიალის „იმები სიმენსები“-ს საწარმოები.⁴³ ფირმამ XX საუკუნის დასაწყისში ბათუმიდან 71 ვერსის დაშორებით, ართვინის ოკრუგის სოფ. კვარცხანისა და ბეშაულის მიდამოებში, იაფად შეიძინა სპილენძის მადნით მდიდარი მიწები და მოაწყო მაღაროები. მოპოვებულ მადანს სიმენსები თავდაპირველად მათსავე კუთვნილ ქვდაბქის (აზერბაიჯანში) სპილენძსადნობ ქარხანაში ეზიდებოდნენ, სადაც მადანი ამ დროისათვის უკვე გამოლეული იყო და, ამდენად, წარმოებაც შემცირებული. მადნის გარკვეული ნაწილით ერგას ქარხანაც მარაგდებოდა, მაგრამ უზოზობის გამო მისი ტრანსპორტირება ძვირი ჯდებოდა. ამიტომ სიმენსებმა გადაწყვიტეს სპილენძსადნობი ქარხნის ადგილზევე აშენება. კვარცხანა-ბეშაულის საბადოებში მადანი იმდენად უხვად მოიპოვებოდა, რომ დაბალი მეტალური შემცველობის (4%) მიუხედავად, უსრუხეველყოფდა სპილენძის ხანგრძლივ წარმოებას.

კვარცხანაში სპილენძსადნობი ქარხნისა და დამხმარე საწარმოების მშენებლობისათვის სიმენსების ფირმამ გამოჰყო ერთი მილიონი რუბლი. კომპლექსის მშენებლობის ხელმძღვანელად და მომავალში მის დირექტორად მიიწვია კავკასიის სამთო მმართველობის ინჟინერი, რუსეთის ქვეშევრდომი გერმანელი ადოლფ ერნი. მშენებლობა დაიწყო 1912 წ. და გაგრძელდა 1914 წ. შემოდგომამდე. ამ დროში კვარცხანაში აიგო უახლესი ტექნიკით აღჭურვილი მსხვილი სპილენძსადნობი ქარხანა, ჰიდროელექტროსადგური და მექანიკური სახელოსნოები, მადნის გამამდიდრებელი ფაბრიკები, მოეწყო ლაბორატორია. მაღაროები ქარხანას დაუკავშირეს სპა-

³⁹ «Кавказское слово», №49, 1915 г.

⁴⁰ სესხა, ფ. 264, ან. 1, ს. 5348, ფურც. 1.29-35.

⁴¹ იქვე, ს. 5555, ფურც. 2.

⁴² ა. ფარსადანიშვილი, საქართველოს მრეწველობა და სამრეწველო პროლეტარიატი 1914-1917 წლებში (საკანდიდატო დისერტაცია), თბ., 1974, გვ. 117-118.

⁴³ Наниташвили Н.Л., Германский капитал в Закавказье. Деятельность фирмы «Сименс и Гальске» 1860-1917. Тб., 1982, сс. 236-289.

ერო-საბაგირო გზებით. ქარხნიდან ბათუმ-ართვინის გზატკეცილამდე გაიყვანეს სამანქანე გზა, გერმანიიდან ჩამოიტანეს სატვირთო ავტომობილები.

კვარცხანის სპილენძსადნობი ქარხანა უნდა აემუშავებინათ 1914 წლის დამლევს და წლიურად უნდა მოეცა 100 ათასი ფუთი სუფთა სპილენძი, მაგრამ კავკასიის ფრონტის გახსნამ იგი შეაფერხა - სიმენსების სპილენძსადნობი კომპლექსიც ოსმალების მიერ დროებით ოკუპირებულ ტერიტორიაზე აღმოჩნდა თემცა, ჩანს, როგორც გერმანული ფირმის უშუალო საკუთრება, იგი გადაღურნა სეროიზულ დაზიანებებს. ამიერკავკ., 1915 წ. შემოდგომისათვის მისი სრულყოფა დასრულდა და შეუდგა მუშაობას იმავე წელს აქ მოიპოვეს 642 ათასი ფუთი მადანი და გამოადნეს 19 ათასამდე ფუთი სუფთა სპილენძი.⁴⁴ 1916 წ. ამოიღეს 2 მილიონზე მეტი ფუთი მადანი და გამოადნეს 96321 ფუთი, ხოლო 1917 წ. - 2,25 მილიონამდე ფუთი, საიდანაც მიიღეს 98343 ფუთი სუფთა სპილენძი.⁴⁵

აღსანიშნავია, რომ სიმენსებმა კვარცხანა-ბეშალელში საქმიანობის პერიოდში (1901-1917 წწ.) სულ მოიპოვეს 40 მილიონამდე ფუთი სპილენძის მადანი, ხოლო სპილენძსადნობი ქარხნის ამოქმედებიდან შემდგომ ორ წელიწადში, ანუ 1915 წ. შემოდგომიდან - 1918 წ. თებერვლამდე გამოადნეს 220 ათასი ფუთი სუფთა სპილენძი.⁴⁶

ომით გამოწვეულმა კრიზისმა მწვავედ იხინა თავი ართვინის სამრეწველო რეგიონშიც. მით უმეტეს, რომ აქ მუშახელი ძალზე იაფი იყო, ხოლო შრომისა და უსაფრთხოების პირობები - მეტად მძიმე არასრული ცნობებით, 1917 წ. კვარცხანისა და ჭინკათხევის ქარხნებსა და მალაროებში დასაქმებული იყო 1200-ზე მეტი მუშა. მდგომარეობა დაიძაბა 1917 წ. თებერვლის რევოლუციის შემდეგ წარმოქმნილი ანარქიის პირობებში. რუსეთის დროებითი მთავრობის ადგილობრივი ორგანოები მართვის უნარმოკლედულინი აღმოჩნდნენ. ეკონომიკური მდგომარეობა დაღიძვრდა დაღიძვრდა, მუშათა უთანხმოება აღმინისტრაციასთან სეროიზულ ხასიათს იღებდა.

დროებითი მთავრობის ბათუმის საოლქო ხელისუფლება 1917 წ. 1 ივნისს აცნობებდა ამიერკავკასიის განსაკუთრებულ კომიტეტს („ოზაკომი“), რომ ოლქში არსებული 7 საუბნო და 2 საქალაქო პოლიციის კომისარიატის გარდა, აუცილებელი იყო კიდევ ორი „პოლიციის განსაკუთრებული კომისარიატის“ შექმნა ძანსულსა და კვარცხანაში,⁴⁷ მაგრამ ყოველდღიურად მზარდი სიძვირის პირობებში, მხოლოდ აღმინისტრაციული ზომები საქმეს ვერ შეელოდა. ქარხნების აღმინისტრაციამ თხზვა ხელისუფლებას გაეზარდა შესასყიდი ფასები სპილენძზე, რომ დროულად დაეკმაყოფილებინა მუშათა მოთხოვნები ხელფასზე.

1917 წ. ბოლშევიკური გადატრიალების შედეგად ანარქიამ რუსეთიც მოიცვა. სატრანსპორტო მაგისტრალები ჩაიკეტა და შეწყდა სპილენძის იქ გატანა ამიტომ ამიერკავკასიის კომისარიატმა 1917 წ. დეკემბერში ართვინის მხარის ქარხნების აღმინისტრაციას ნება დართო დამზადებული სპილენძი გასასაღებლად სპარსეთში გაეტანათ,⁴⁸ მაგრამ ეს ეერ განხორციელდა რეგიონის რთული სამხედრო-პოლიტიკური ვითარების გამო. კავკასიის არმიის დაშლისა და ფრონტის რღვევის პირობებში 1917 წ. შემოდგომიდან იგი ჯერ ჩეთნიკების სათარეშოდ იქცა, ხოლო 1918 წ. მარტ-აპრილში, ბრესტის ზავის თანახმად, ოსმალებმა ხელახლა მოახდინეს მთელი სამუსლიმანო საქართველოს, მათ შორის ართვინის ოკრუგის ოკუპაცია ამიტომ

⁴⁴ ა.ფარსადანიშვილი, დასახ. სადისერტაციო ნაშრ., გვ. 116.

⁴⁵ Наниташвили Н., დასახ. ნაშრ., გვ. 272.

⁴⁶ სკსსა, ფ. 1891, ან. 1, ხ. 643, ფურც. 29.

⁴⁷ იქვე, ფ. 2080, ან. 1, ხ. 67, ფურც. 1.

⁴⁸ ა.ფარსადანიშვილი, დასახ. სადისერტაციო ნაშრომი, გვ. 119.

სპილენძის წარმოება გაურკვეველი დროით შეწყდა.

რეგიონის ოკუპაცია ოსმალეთმა განახორციელა გერმანიის თანხმობით. ართინის მეტალურგიული წარმოება გერმანიის სამხედრო სამინისტროს ინტერესის სფეროში რჩებოდა. ამიტომ აქ მოაველინეს სამთო საქმის სპეციალისტი, პროფესორი ე. კვიტიაიერი. მან მოიარა სამხრეთ-დასავლეთ საქართველოს რაიონები და 1918 წ. აგვისტოში ბერძენიში გაგზავნა დაწერილებითი ანგარიში. თუმცა, სპილენძის წარმოების ორგანიზება გერმანელებმა მაინც ვერ მოახერხეს. ეს მნიშვნელოვანწილად განაპირობა ოსმალეთის სამხედრო ხელისუფალთა მხრივ ხელოვნურად შექმნილმა დაბრკოლებებმა. გერმანელთა კონკურენციით შეჭოთებული თურქები ცდილობდნენ არ დაეშვათ მოკავშირეთა სავაჭრო-სამრეწველო წრეების წარმომადგენლების ბათუმში ჩამოსვლაც კი. უფრო მეტიც, თურქები მთლიანად დაეპატრონენ ბათუმის რეზერვუარებში არსებულ ნავთობის დიდ მარაგს და მოკავშირეებს თითქმის გადაუღალახავი წინააღმდეგობა შეუქმნეს თხეუად სავაჭრის მიღებისათვის.⁴⁹ ასეთ ვითარებაში კი, ბუნებრივია, შეუძლებელი იყო სპილენძსადნობი ქარხნების ამოქმედება და უწყვეტი წარმოების ორგანიზება.

1918 წ. დეკემბრის დამლევს მსოფლიო ომში დამარცხებული ოსმალეთის მიერ ოკუპირებული რაიონები დიდი ბრიტანეთის ჯარებმა დაიკავეს. ისინი ძირითადად განთავსდნენ ბათუმში, ხოლო დანარჩენ სამხრეთ-დასავლეთ საქართველოში უკონტროლოდა და ანარქია გამეფდა. ასეთ პირობებში სამთო-მეტალურგიულმა მრეწველობამ საგრძნობი მატერიალური ზარალი და ნგრევა განიცადა.


1920 წ. 7 ივლისს ინგლის-საფრანგეთის ჯარებმა ბათუმი დატოვეს და სამხრეთ-დასავლეთი ტერიტორიები კვლავ დაუბრუნდა საქართველოს. ამით იმედ-მოცემულმა სიმენსების ევარცხანის ქარხნის დირექტორმა ა. ერნიმ საქართველოს დემოკრატიული რესპუბლიკის მთავრობას მიმართა განცხადებით, რომ „ადგილობრივი მოსახლეობის კეთილი დამოკიდებულებისა და ქარხნის ადმინისტრაციის მიერ მიღებული ზომების წყალობით საცხოვრებელი სახლები და საწარმოები გადაურჩნენ დაზიანებას... ქარხანა შეიძლება ამუშავდეს ნებისმიერ დროს“. ამიტომ იგი სთხოვდა მთავრობას მიეცათ შესხი სპილენძსამრეწველო კომპლექსზე აღდგენითი სამუშაოების ნასატარებლად.⁵⁰

ეროვნული ეკონომიკის აღორძინების ინტერესებიდან გამომდინარე, საქართველოს მთავრობამ, ვითარების შესწავლის მიზნით, იქ მოაველინა სამთო სამმართველოს უფროსი ინჟინერი ყიფშიძე. მან დაადასტურა კომპლექსის ამუშავების შესაძლებლობა და მისი მნიშვნელობა. მთავრობამაც არ დააყოვნა და, ფინანსური სიმკლევების მიუხედავად, 1920 წლის 26 ოქტომბერს ევარცხანის სპილენძსადნობ ქარხანას სესხად გამოუყო 10 მილიონი მანეთი.⁵¹ დაიწყო კიდევ აღდგენითი სამუშაოები, მაგრამ წარმოების სრული დატვირთვით ამოქმედება ვეღარ მოხერხდა 1921 წლის თებერვალ-მარტში განვითარებული მოვლენების გამო. ბოლშევიკური რუსეთის მიერ ოკუპირებული და იძულებით გასაბჭოებული საქართველოს ეს სამრეწველო რეგიონი (მთელი ართინის ოკრუგი) კვლავ გახდა რუსეთ-თურქეთის პოლიტიკური გარიგების მსხვერპლი და ამ უკანასკნელის საზღვრებში მოექცა.

⁴⁹ Пиния Г.В. Политика Германии в Закавказье в 1918 году (сб. документов), Тб., 1971, №№11, 18, 54, 87.

⁵⁰ სესხა, ფ. 1891, ან. I, ს. 643, ფურც. 29-30.

⁵¹ იქვე, ფურც. 54-55.





ბათუმის ნავსადგური, 1878 წ.



ბათუმის ყურე, 1980-იანი წლები




სანაპიროს ქუჩა



ბაქოს ნავთობის სარეწები



ბათუმი, ნავთობის ქალაქი




ბათუმის რკინიგზის სადგური



გეომისადგომისაკენ მიმავალი რკინიგზა, 1903 წ.




ბათუმის პორტი, საბაჟო და პორტის რკინიგზის კლატფორმა



სარკინიგზო შემადგენლობა ბათუმის ნავთობის რეზერვუარებთან


ნოვების ჳირაგ ბათუმში




ნავთობპროდუქტების შენახვა და გადაზიდვა




ლუდვიგ ნობელი




ნობელის ამხანაგობის რეზერვუარები ბათუმში




როტმილდის ნავთის ქარხანა და საწყობები



კასპია-შავი ზღვის ნავთობგადამამუშავებელი და საეაჭრო საზოგადოების („როტმილდი და კომპ.“) ბათუმის ქარხნის შიგა ხედი. 1903 წ.



ნავთობის რეზერვუარები




როტმილდის ქარხნის საამქრო




როტშილდის ქარხნის ბიღონების საამქრო




ბიღონის დამზადება



ნავთის ბიღონების საწყობი



საჭაპანო ტრანსპორტით ნავთობპოლუქტების გადატანა აზიის ქვეყნებში




ბათუმის ნავთობის სამრეწველო რაიონი




ბათუმელი მეხანძრეები, 1900 წ.




ხანძარი მანთაშევის ქარხანაში. ბათუმი, 1901 წ. იანვარი




ტყავის დამამუშავებელი საწარმო




ფეხსაცმლის კერვა




არყის საამქრო




„რუსეთის ნაოსნობის და ვაჭრობის“ სააგენტოს შენობა,
ნაემისადგომი და საწყობები ბათუმში




ბათუმის სამრეწველო რაიონი



ბათუმის გარეუბანი




ძანსულის (მურღულის) მალაროები და
სპილენძსადნობი ქარხანა



სპილენძის ჭურჭლის
სახელოსნო



ბათუმის საერთო ხედი




ბათუმის პორტის მშენებლობა. 1880-იანი წლების მეორე ნახევარი



საწყობები ბათუმის ნავსადგურში



ბათუმი, კალაქის აზიური ნაწილი



სანაპიროზე



ბათუმის საბაჟო



ბათუმი, ქალაქის ევროპული ნაწილი

სოფლის მეურნეობა

§ 1. ძირითადი დარგები

ბათუმის ოლქის ტერიტორია 7118 კმ² ითვლიდა. აქედან ბათუმის ოკრუგზე მოდიოდა 3779 კმ², ართვინის ოკრუგზე - 3339 კმ².¹ თითოეული ამ კუთხის გეოგრაფიული მდებარეობა განსხვავებულია. ოლქის ტერიტორიის თითქმის 2/3 ტყეებზე, ბუნქნარებზე და უვარგის მიწებზე (კლდეები, ხრიოკები) მოდიოდა, საეარგულებს კი საერთო ფართობის 1/7 ეკავა. ბათუმის ოკრუგში ჭარბობდა ტყეები და ბუნქნარები, ხოლო ართვინისაში - კლდე-ხრიოკები. მართალია, ბათუმის ოლქში მერქნის საუკეთესო ჯიშები ხარობდა, მაგრამ აქაურ ტყეებს მეტწილად ბუნებრივი სტიქიისაგან დაცვითი მნიშვნელობა ენიჭებოდა. საეარგულები განფენილია მკვეთრად დაქანებულ ფერდობებზე (15-25 გრადუსი, 'სოგჯერ კი 30 გრადუსი).² ბუნებრივია, თითოეული გოჯი მიწა მაქსიმალურად იყო გამოყენებული.

სასოფლო-სამეურნეო წარმოების სპეციალიზაცია წარმართა: 'ხდვისპირა მხარეში - სუბტროპიკული კულტურების მიმართულებით, ართვინის სასოფლო-სამეურნეო 'სონაში წამყვანი გახდა მეხილეობა ('ხეთისხილი) და მევენახეობა; არტანუჯში, ქვემო აჭარასა და გონიოს უბნის ნაწილში - მეთამბაქოეობა; 'სემო აჭარაში, შავშეთ-იმერხეესა და არტანუჯის მთიან ნაწილში კი - მეცხოველეობა.

მეურნეობის სპეციალიზაციის გადრმაეების შედეგად შესამჩნევი ცვლილებები მოხდა სასოფლო-სამეურნეო წარმოების ტექნოლოგიაში, აგროტექნიკასა და შრომის ხასიათში. მნიშვნელოვანი სამიწათმოქმედო ტექნოლოგიური სიახლეა სოფლის მეურნეობის 'ზოგიერთი სახის ნედლეულის (ჩაის, თამბაქოს, ხეხილის) ფაბრიკული წესით გადამამეაება, შეფუთვა, დახარისხება, დაკონსერვება.

ამ სიახლის წამომწყებნი იყენენ უცხოელი მოახალშენეები. მათი თაოსნობით აჭარის სოფელში პირველად ჩნდება მცენარეთა მანებლების წინააღმდეგ ბრძოლის საშუალებები, მინერალური სასუქები, ევროპული და ამერიკული წარმოების ახალი სასოფლო-სამეურნეო ტექნიკა. იქმნება სანერგე მეურნეობები და სხვ. ამ სიახლეთა პოპულარიზაციის მისინით ჩატარდა მნიშვნელოვანი სამუშაოები, თუმცა, 'შესღედული მასშტაბით.

სასოფლო-სამეურნეო წარმოების რაციონალურად მოწყობა და ახალი სამიწათმოქმედო ტექნიკის გამოყენება დაკავშირებულია ფინანსებთან. იგი არ გაანდა ადგილობრივი მოსახლეობის აბსოლუტურ უმრავლესობას. ამიტომ ბათუმის ოლქის

¹ КК на 1902 год. Тиф., 1901, отд. статист., с. 28-29.
² Нигарадзе Н., Джибути Н., Аджария, Бат., 1979, с. 37.

გლეხურ მეურნეობაში აგროტექნიკა შუა საუკუნეების დონეზე რჩებოდა.

ბათუმის ოლქის 1910 წ. მიმოხილვაში ნათქვამია: სოფლის მეურნეობის იარაღები, რითაც ადგილობრივი მოსახლეობა ამუშავებს ნიადაგს, პირველყოფილი წარმოებისაა.³ ეს არ იყო ლოკალური მოვლენა. ევროპული და ამერიკული წარმოების სასოფლო ტექნიკის შემოსვლის მიუხედავად პ. გუგუშვილი აღნიშნა: მთლიანად ამიერკავკასიაში XIX საუკუნეში გაბატონებული იყო შუასაუკუნეობრივი წარმოების იარაღები.⁴

ბათუმის ოლქში გავრცელებული სამიწათმოქმედო სახენელი იარაღებიდან აღსანიშნავია კოლხური კავი, ჯილღა, არვანა. რკინის გუთანის იშვიათობას წარმოადგენდა კოლხურ კავს ძირითადად იყენებდნენ ქობულეთისა და ბათუმის რაიონების დაბლობ ადგილებში. იგი შემორჩა XX საუკუნის მეორე ნახევრამდე.⁵ ჯილღა გავრცელებული იყო შიდამთიან აჭარასა და ართვინის ოკრუგში. კოლხური კავისა და ჯილღისათვის გამოიყენებოდა ერთი უღელი ხარ-კამეჩი. შიდამთიანი აჭარის ზეგან ადგილებში სარგებლობდნენ შედარებით რთული კონსტრუქციის სახენელი იარაღით - „ჯილღა-გოგორათი“. იგი მძიმეა, ამიტომ მას ორი თუ სამი უღელი გამწევი ძალა ესაჭიროებოდა და მართავდა ორი კაცი (გუთნისდედა და მეხრე).

ართვინის ოკრუგში, სადაც ქვიანი ადგილები მეტია, ზოგჯერ უღელში აბამდნენ ხუთ წყვილ ხარ-კამეჩსაც და სამი კაცი ემსახურებოდა. ამ სახის გუთნის დაქირავება დღიურად ღირდა 5-6 მანეთი. მოსახლეობის უმრავლესობას ამის საშუალება არ ჰქონდა ამიტომ ართვინის ოკრუგში, ისე როგორც მთლიანად ბათუმის ოლქში, სახენელის უღელში აბამდნენ თითო წყვილ ხარ-კამეჩს.⁶

სოფლის მეურნეობაში ფართოდ იყო გავრცელებული თოხი. იგი წარმოადგენდა არა მარტო სათოხნ, არამედ საფხეკ საშუალებასაც. თოხის მასობრივი გამოყენება, ძირითადად, რელიეფთანაა დაკავშირებული, ვინაიდან ძლიერ დაქანებული ფერდობის სხვაგვარად დამუშავება შეუძლებელი იყო. აჭარაში გავრცელებული ყოფილა თოხის რამდენიმე სახეობა. ზოგიერთი მათგანი აისახა ხალხურ ზეპირსიტყვიერებაში („ჩაფათოხი“, „ყაზმა-თოხი“, „საფაჭვი-თოხი“, „სამარგალი თოხი“, „ბრინჯის თოხი“, „ლომის თოხი“).

ხორბლის მკისათვის იყენებდნენ ცელსა და ნამგალს. ხოლო თავთავის გასაღე-წად — კეერს. იგი ხის ფიცრებისაგან მზადდებოდა და ქვედა სიბრტყეში ჩამაგრებული ჰქონდა კაუის ნატეხები („ოხები“). ხორბლის გასაღეწად გამოყოფილი ადგილი ცნობილია კალოს სახელით. კეერში სამუშაოდ აბამდნენ ერთ წყვილ ხარ-კამეჩს და მას სამი ადამიანი ემსახურებოდა.

სოფლის მეურნეობაში ფართოდ იყენებდნენ ხალხურ სატრანსპორტო საშუალებებს. მათგან აღსანიშნავია ურემი, სელი, ძივლიგა, მარხილი, ხიზეკი, ციგა, თუში. აჭარაში გავრცელებული იყო ორბორბლიანი ურემი, რომელსაც ძირითადად იყენებდნენ ზღვისპირეთში და მთიანეთის ვაკე ადგილებში. ციგა უფრო მეტად გამოიყენებოდა ზამთარში მაღალმთიან რეგიონებში.

³ Обзор Батумской области за 1910 год. Бат., 1912, с. 16.

⁴ პ. გუგუშვილი, საქართველოსა და ამიერკავკასიის ეკონომიკური განვითარება XIX-XX სს., ტ. III, თბ., 1959, გვ. 4.

⁵ ნ. ივჯავაძე, დასავლურ-ქართული სახენელი იარაღები. - სესყე, IX, თბ., 1976, გვ. 52-57.

⁶ КК на 1884 год. Тиф., 1883, отд. статист., с. 331.

სამეურნეო-სამინწათმოქმედო იარაღებსა და სატრანსპორტო საშუალებებს მოსახლეობა ტრადიციულად ადგილზე ამზადებდა ბათუმის ოლქის თითქმის ყველა მსხვილ სოფელში არსებობდა სპეციალური სამკვლევოები. საკმაოდ იყვნენ ხის იარაღების, სატრანსპორტო საშუალებებისა და ჭურჭლის წარმოების საუკეთესო ოსტატებიც. ვახუშტი ბატონიშვილი ხასგასმით აღნიშნავდა, რომ აჭარლები ცნობილი არიან როგორც „კაცნი ხელოვანნი ხის მუშაკობითა“.⁷

ხის სამეურნეო იარაღების, ჭურჭლისა და ტრანსპორტის გასამართი მასალის შემოტანა საჭირო არ იყო. ადგილზევე არსებობდა ძვირფასი ხე-ტყე, მაგრამ ლითონის იარაღების დასამზადებლად საჭირო რკინასა და ფოლადს ადგილზე აღარ ამზადებდნენ. XIX საუკუნის მეორე ნახევრიდან მოყოლებული მათ ყიდულობდნენ ბაზარზე, ძირითადად კი ბათუმში, სადაც საამისო მაღაზიები არსებობდა.⁸

ბათუმის ოლქში ყურადღება ექცეოდა საირიგაციო მშენებლობას. XIX საუკუნის ბოლოს აჭარისწყლიდან გაიყვანა 25 კმ სიგრძის არხი, რომელიც 6 წლის განმავლობაში შენდებოდა. არხი 4 სოფელს ემსახურებოდა (კორტოხი, პაქსაქები, ბუღლეთი, გელაქები) და ადგილ-ადგილ რუსხმულით გადიოდა, ხოლო რუსხმულზე 12 ღარი იყო მიერთებული (თითოეული 10 მეტრი სიგრძის), რომელთა საყრდენებად გამოიყენებოდა ბურჯები. ტექნიკურად ასეთივე რთული არხი იყო გაყვანილი ს ჭვანაში. მას ემსახურებოდა ორი ადამიანი, რომელთაც თითოეული კომლი წელიწადში 1 ოყა სიმინდს უხდიდა.⁹

მარცვლეულის წარმოება. ბათუმის ოლქის სოფლის მეურნეობაში დიდი ხედრითი წილი მოდიოდა მარცვლეულ კულტურებს. იგი მოსახლეობის ძირითადი საარსებო წყარო იყო. მოჰყავდათ: ხორბალი, სიმინდი, ქერი, ფეტვი, ბრინჯი, ღომი, ღობიო და სხვ. ბათუმის ოკრუგში მარცვლეულ კულტურებს შორის ძირითადი იყო სიმინდი, ხოლო ართვინისაში - ხორბლეული.

ბათუმის ოლქში ხორბლისა და სიმინდის მრავალი ჯიში ხარობდა. პურეულის ჯიშებიდან აღსანიშნავია „დოლისპური“, „ყირმიზი“, „ღიკა“, „ტრედისფრა“, „ნიქსარულა“ და ა.შ. დიდი ტრადიციების გამო ამ კულტურათა სახეები ტოპონიმებშიც აისახა. ლივანაში (ართვინის ოკრუგი) ერთ-ერთ სოფელს დოლისყანა ერქვა. რაც ქართული ხორბლის ჯიშის დოლისპურის სახელიდან უნდა მომდინარეობდეს. მოჰყავდათ როგორც საგაზაფხულო, ისე საშემოდგომო ხორბლეული. ბათუმის ოკრუგში ჭარბობდა საშემოდგომო ხორბლეულის ნათესები, ხოლო ართვინისაში - საგაზაფხულო.

სიმინდის კულტურა სამხრეთ-დასავლეთ საქართველოში შემოუტანიათ XVII საუკუნეში.¹⁰ სიმინდმა, როგორც უხემოსაელიანმა კულტურამ, გამოდევნა ღომი და ფეტვი. გავრცელებული იყო სიმინდის ჯიშები: „ალთუნა“, „ბროლა“, „ალაზანა“, „ჯორიელა“, „იერლი“, „წიტი“, „ლაზური“, „ქორიბუღე“, „შეიდეკირა“, „წონიარისულა“.

⁷ ვახუშტი ბატონიშვილი, აღწერა სამეფოსა საქართველოსი, ქართლის ცხოვრება, ტ. IV, თბ., 1973, გვ. 877.

⁸ ნ. კახიძე, მჭედლობა აჭარაში. - სდსე, IV, თბ., 1976, გვ. 73.

⁹ ნ. ჩაგავაძე, სამინწათმოქმედო ყოფის ისტორიიდან აჭარაში, თბ., 1971, გვ. 116-122.

¹⁰ საქართველოში სიმინდის კულტურის გავრცელებას იგ. ჩაგავაძის მიერ აღწერილი ვარაუდობდა XVII ს. დამდეგს (იხ. საქართველოს ეკონომიური ისტორია, I, ტფ., 1930, გვ. 363); ბ. გუგუშვილი XVII ს. მეორე ნახევარში (იხ. საქართველოსა და ამიერკავკასიის ეკონომიკური განვითარება XIX-XX სს. ტ. III, თბ., 1959, გვ. 258), ს. ჯიქია კი მუთითობდა XVI ს. მეორე ნახევარს (იხ. შენიშვნები „სიმინდ-სემიდალის“ შესახებ. - თსუ, შრ., XXX, I, 1940, გვ. 438).

„გოდორა“, „მისირულა“, „რომანულა“, „ჩხალურა“, „ბოლოყურა“ და სხვ. ბარის რაიონებში მოჰყავდათ „ალაზანა“ და „ბროლა“, რომლებიც უფრო მაღალ მოსავალს იძლეოდა.

ბრინჯის კულტურას მისდევდნენ ზღვისპირა ზოლში, მდ. ჩოლოქიდან ს. მაკრიალამდე, ადრე ამ კულტურისათვის გამოიყენებოდა ჩაქვის, ციხისძირის, ბათუმის შემოგარენის, გონიოს, სარფის, მაკრიალის ჭაობიანი ადგილები. შემდეგში რუსეთის მთავრობამ აკრძალა იქ ბრინჯის თესვა იმ მოტივით, რომ ჰქმნიდა მაღარიის გავრცელების კერებს.

მოგვიანებით დაიწყო ურწყავი ბრინჯის მოყვანა, რისთვისაც მშრალ ადგილებს არჩევდნენ, ძირითადად ფერდობებს. XIX ს. 90-იანი წლებიდან ბრინჯის ნათესებმა ზღვისპირა ზოლის სიღრმეში გადაინაცვლა (ხალა, სახალეაშო, კეირიკე, ბობოყვათი, ხუცუბანი, სამება და სხვ.).¹¹

ნათესი ფართობი ორ ნაწილად იყოფოდა: ღელლომი და ზეგანი. სიმინდის კულტურას ძირითადად ღელლომზე თესდნენ. ზეგნის მიწები უფრო მეტად ფეტვისათვის გამოიყენებოდა.¹²

მარცვლეულ მეურნეობაზე წარმოდგენას გვიქმნის ცხრილი 1 (ფართობი - დესეტინობით, მოსავალი - ათასი ფუთობით):¹³

ცხრილი 1

წლები	ბათუმის ოკრუგი		ართინის ოკრუგი		სულ ბათუმის ოლქში	
	ფართობი	მოსავალი	ფართობი	მოსავალი	ფართობი	მოსავალი
1	2	3	4	5	6	7
1889	19927	384,1	7221	329,9	27148	712,0
1903	12794	950,7	6113	453,0	18907	1403,7
1912	12610	527,4	6194	265,4	18804	5537,8
1915	9860	2491,0	2550	994,0	12410	3196

მაშასადამე, ბათუმის ოლქში შესამჩნევია ნათესი ფართობის სისტემატური შემცირება: 1915 წ. 1880 წელთან შედარებით იგი 2,4-ჯერ შემცირდა, რაც უწინარესად გამოიწვია მოსახლეობის განუწყვეტელმა მიგრაციამ. მიტოვებული მიწები ხშირად დაუმუშავებელი რჩებოდა. ამასთან, სეაგრულების მნიშვნელოვანი ნაწილი დაიკავეს სუბტროპიკულმა და ტექნიკურმა კულტურებმა (ჩაი, ციტრუსები, თამბაქო).

იყო სხვა მიზეზებიც: უამინდობა, გამწვევი ძალისა და შრომის იარაღების უკმარისობა. ქუთაისის გუბერნატორი 1894 წ. აღნიშნავდა, რომ ბათუმისა და ართინის ოკრუგებში მარცვლეული კულტურების ფართობის შემცირების მიზეზია გვალვები და სიმინდზე დაბალი საბაზრო ფასები.¹⁴ 1915 წ. მაგალითად, ბათუმის ოლქში

¹¹ Сборник сведений по культуре ценных растений на Кавказе, вып. II, Тиф., 1895, с. 117.

¹² Журн. «Русские субтропики», 1914, №1, с. 32-33.

¹³ ცხრილი შედგენილია: სანქტ-პეტერბურგის სცია, ფ. 1284, ან. 223, ს. 122, ფურც. 15-16; «Русские субтропики», 1914, №1-2, с. 60-64; აგრეთვე შესაბამისი წლების «კავკასიის კალენდარი».

¹⁴ სცსსა, ფ. 12, ან. 1, ს. 1461, ფურც. 28.

სახნავი მიწის ფართობი 20624 დესეტინას ითვლიდა, მაგრამ მარცვლეულისათვის გამოყენებული იყო მხოლოდ 60%.¹⁵

ცხრილის მიხედვით, ბათუმის ოლქში მარცვლეული კულტურების არასტაბილური მოსავალია, მაგრამ საშუალო საჰექტარო მოსავალი საკმაოდ მაღალია. 1906-1910 წლებში აქ ერთ დესეტინასე მიიღეს: სიმინდი - 69,3 ფუთი, ხორბალი - 48, ქერი - 62 ფუთი. ეს გაცილებით მაღალია, ვიდრე მოიწიეს თბილისისა და ქუთაისის გუბერნიებში, მთლიანად ამიერკავკასიაში.¹⁶

მარცვლეულის საერთო სტრუქტურაში მცირე იყო ბრინჯის, ღომისა და ფეტვის ხვედრითი წილი. ბრინჯის ნათესები 1880 წლის 3,6 ათასი დესეტინიდან 1903 წ. 1,1 ათას დესეტინამდე შემცირდა, ე.ი. სამჯერ და მეტად. მოსახლეობა ბრინჯს თესდა მცირე ნაკვეთებზე, ჩვეულებრივ 40-50 კვადრატულ საენზე. იშვიათი იყო 100-200 კვადრატული საენი სიდიდის ნაკვეთები.¹⁷

გამოიყენებოდა მიწათმონაცვლეობის წესი. ორი - სამი წლის შემდეგ ბრინჯის ნაკვეთებზე სიმინდს თესდნენ. ბრინჯს კი სხვა ადგილს მიუხენდნენ.¹⁸

მარცვლეული კულტურების მოსავალი აჭარაში ორჯერ, სოფჯერ 3-4-ჯერ მეტი იყო, ვიდრე ართვინის ოკრუგში. ძირითადი მწარმოებელი იყო ზემო და ქვემო აჭარა, შეეშეთ-იმერხევი და ლივანა. 1903 წ. ამ რეგიონზე მოდიოდა ოლქში წარმოებული მარცვლეულის 71,7% (1007,4 ათასი ფუთი).¹⁹

ოლქში წარმოებული მარცვლეული სანახევროდაც ვერ უზრუნველყოფდა მოსახლეობას თანაც, მუჰაჯირობის მიუხედავად, მოსახლეობის რიცხოვნობა განუწყვეტლივ იზრდებოდა, ბუნებრივი და მექანიკური მატების ხარჯზე, მარცვლეულის წარმოება კი კლებულობდა. 1882 წ. ოლქის მოსახლეობა ითვლიდა 95455, 1886 წ. - 113801, 1891 წ. 123801, 1905 წ. - 154459, 1910 წ. - 160230 სულს. შესაბამისად, ართვინის ოკრუგის მოსახლეობა შეადგენდა: 45505, 52434, 62434, 60158, 63379 სულს.²⁰

XIX ს. 80-90-იან წლებში ბათუმის ოლქში ერთ სულ მოსახლეზე მოდიოდა 9-დან 11 ფუთამდე მარცვლეული, 1903 წ. - 9, ხოლო 1910 წ. - 4,8 ფუთი. მეტ-ნაკლებად ანალოგიური მდგომარეობა იყო მომდევნო წლებშიც. ცხადია, ასეთ პირობებში მარცვლეული სხვა რეგიონებიდან შემოჰქონდათ.

მარცვლეულის საერთო უკმარისობის მიუხედავად, ბაზარზე მაინც გადიოდა სიმინდისა და ბრინჯის საგრძნობი ნაწილი (1910 წ. სიმინდი გასაყიდად თურქეთშიც კი გაუტანიათ). ფუთი სიმინდის საბაზრო ფასი 50 კაპიკი იყო, ხოლო ბრინჯისა - 60 კაპ. დესეტინასე საშუალოდ იღებდნენ 80-120 ფუთ ბრინჯს, საიდანაც ფულადი შემოსავალი 150, ხოლო წმინდა მოგება - 80 რუბლს შეადგენდა.²¹

მეთამბაქოეობა. სასაქონლო მეთამბაქოეობის განვითარება იწყება XIX ს. 80-იანი წლებიდან და მან ოლქის ეკონომიკაში მნიშვნელოვანი ადგილი დაიკავა მეთამბაქოეობის რაიონები იყო: ქვემო და ზემო აჭარა, გონიოს უბნის ნაწილი, არტანუჯი, ლივანა და შეეშეთ-იმერხევი. მათ შორის გამორჩეული იყო არტანუჯის

¹⁵ КК на 1917 год. Тиф., 1916, отд. статист., с. 340-341.

¹⁶ ბეგუგუშვილი, დასახ. ნაშრ., გვ. 350-351.

¹⁷ სცსსა, ფ. 243, ან. 7, ს. 125, ფურც. 7.

¹⁸ Сборник сведений по культуре ценных растений на Кавказе, вып. II, Тиф., 1895, с. 120.

¹⁹ პროცენტი გამოთვლილია: Обзор Батумской области за 1903 год. Бат., 1904, с. 28.

²⁰ ცნობები მოყვანილია შესაბამისი წლების „კავკასიის კალენდრიდან“.

²¹ თ. თორმანძე, სოფლის მეურნეობა სამხრეთ-დასავლეთ საქართველოში (1878-1920). ბათ., 2004, გვ. 56.

უბანი.

1879 წ. 3 სექტემბერს მთავრობამ თამბაქოს წარმოებაზე ბათუმისა და ყარსის ოლქებშიც შემოიღო სააქციოს გამოსაღები. XIX ს. 80-იან წლებში ამიერკავკასიაზე მოდიოდა რუსეთის იმპერიაში წარმოებული თამბაქოს ნედლეულის 80%. 90-იან წლებში ამიერკავკასიის მხარეში (დაღესტანთან ერთად), თამბაქოს საერთო მოსავალში საქართველოს წილი 82% აჭარბებდა.²²

ბათუმის ოლქში 1879 წლიდან 1914 წლამდე სულ უფრო ფართოვდებოდა თამბაქოს კულტურის გეოგრაფია. თუ 1879 წ. თამბაქო 12 სოფელში მოჰყავდათ, 1889 წ. ამ კულტურას - 110, 1899 წ. - 177, 1909 წ. - 213, ხოლო 1913 წ. - 217 სოფელში მისდევდნენ.²³

ბათუმის ოლქში მეთამბაქოეობის განვითარება 1879 წ. დაიწყო. 1884-1888 წლებში, წინა ხუთწლეულთან შედარებით, თამბაქოს ფართობი გაიზარდა 4,3-ჯერ, ხოლო მოსავალი 13-ჯერ. მართალია, მომდევნო წლებში ზრდის ტემპი შენეულა, მაგრამ მაინც 1879-1913 წლებში ოლქში თამბაქოს ფართობი გაიზარდა 19-ჯერ, ხოლო მოსავალი 41-ჯერ.²⁴

სასაქონლო ხასიათის მეთამბაქოეობა ართვინის ოკრუგში 1884 წლიდან დაწინაურდა. 1884-1888 წლებში მასზე მოდიოდა ბათუმის ოლქის თამბაქოს საერთო ფართობის 70% და მოსავლის - 66%, 1889-1893 წლებში შესაბამისად - 74% და 73%, 1899-1903 წლებში - 63% და 73%, რაც აიხსნება ართვინის ოკრუგში, კერძოდ, არტანუჯის უბანში, მეთამბაქოეობის განვითარებისათვის შედარებით უკეთესი პირობებით. იქ გაცილებით მეტი იყო მუშაჯირებისაგან მიტოვებული მიწები, რასაც იჯარით ამუშავებდნენ პლანტატორები.

XIX ს. 90-იანი წლებიდან ბათუმის ოლქი მეთამბაქოეობის ერთ-ერთ მსხვილ რეგიონად იქცა, სადაც მაღალი იყო საშუალო საექტარო მოსავალიც. 1909-1913 წლებში აქ ერთ დესეტინაზე მიიღეს (საშუალოდ) 75,4 ფუთი ნედლეული, სოხუმის ოკრუგში - 59, ქუთაისის და თბილისის გუბერნიებში - 45,2 ფუთი თითოეულში.²⁵

მეთამბაქოეობა მეტწილად მწარმოებლის პირად შრომას ემყარებოდა, მაგრამ საიჯარო მიწებზე არსებობდა კაპიტალისტური ტიპის მეურნეობებიც. 1900 წ. ერთიდან ორ დესეტინამდე ფართობი ეკავა 67 პლანტაციას, სამიდან ხუთ დესეტინამდე 19 პლანტაციას.²⁶

დესეტინაზე დიდი პლანტაციის დამუშავება და თამბაქოს ფოთლის წარმოების ტექნიკური სამუშაოები (ანემსვა, საშრობის აგება, გახმობა, დახარისხება, დატუქვა) ნებისმიერი ოჯახის შესაძლებლობას აღემატებოდა და აქ დაქირავებული შრომა გამოიყენებოდა. ცხადია, ასეთი პლანტაცია თავისი ხასიათით კაპიტალისტურია. 1899 წ. ბათუმის ოლქის მეთამბაქოეობაში კაპიტალისტური ტიპის პლანტაციების ხეედრითი წილი 25%-ს აჭარბებდა.

თამბაქოს ნედლეულის შესყიდვის ძირითადი ცენტრი ბათუმი იყო. აქ საწყობები

²² Вестник финансов, промышленности и торговли, 1886, с. 228-229; отчет заведующего акцизными сборами в Закавказском крае в ходе акцизного дела в 1899 г., С-Пб., 1900, с. 94.

²³ სცსსა, ფ. 370, ან. 1, საქმეები 132, 401, 813, 989, 1076.

²⁴ Закавказье. Статистическо-экономический сборник, Тиф., 1925, с. 240.

²⁵ ქუთაისის ცსა, ფ. 130, ს. 166, ფურც. 7.

²⁶ ო. თურმანიძე, აჭარის სოფლის სოციალურ-ეკონომიკური განვითარების ისტორიიდან, ბათ., 1973, გვ. 50.

ჰქონდათ: ბინიათ-ოღლის, კანდილის, დანილოვს, თბილისის კომერციულ ბანკს, პოდოლევცის, მდოიანცს, გოკიელოვს. მეორე მნიშვნელოვანი ცენტრს წარმოადგენდა ართვინის ოკრუგი. აქ დამამზადებელი პუნქტები ეკუთვნოდათ სომეხ ვაჭრებსა და მრეწველებს (ძმებს ანანიანებს, ბატაიანს, აფანიანს, მანდოიანს, კიურჩიანს და სხვ.).

ართვინის ოკრუგის გლეხობის მდგომარეობას აგვიწერს გასეთ „ივერიის“ კორესპონდენტი ივ. ჯაიანი: „თუთუნისა და ფუხარის ბედ-იღბალი იმათ ხელში ტრიალებს, რომელნიც არიან სხვა ქვეყნიბიდან მოსულნი... ამ ვაჟბატონებისათვის მუდამ რთველია: სოფლიდან სოფელში დანაწარმოებენ, ატყუებენ ხალხს და ჩალის ფასად აცლიან ხელიდან თუთუნს... და ათასობით ფულს იგებენ“.²⁷ მოგება იმითაც იზრდებოდა, რომ გლეხებს ნედლეულის სანაცვლოდ აძლევდნენ ფართო მოხმარების საქონელს, უმეტესად იაფფასიან ქსოვილებს, რომელთა ფასებსაც თვითნებურად ადგენდნენ.

XIX ს. 90-იან წლებამდე ბათუმის ოლქის თამბაქოს ძირითადი მომხმარებლები იყვნენ ამიერკავკასიის ფაბრიკანტები: ბინიათ-ოღლი (ბათუმი), ბოზარჯიანცი, ენფინჯიანცი (თბილისი), მირზაბეგოვი (ბაქო) და სხვ. მომდევნო წლებში აქაური თამბაქო გაიტანეს რუსეთის შიდა გუბერნიებსა და საზღვარგარეთ. 1906 წ. ოლქიდან გაიქცა 10736 ფუთი თამბაქოს ფოთოლი, 1910 წ. - 30698, ხოლო 1912 წ. - 42921 ფუთი.²⁸ აღსანიშნავია, რომ 1912 წ. გატანილი თამბაქოს 69% საზღვარგარეთის ქვეყნებს (გერმანია, საფრანგეთი, ვენიკტე, თურქეთი, ამერია და სხვ.) მოდიოდა.

პირველი მსოფლიო ომის დაწყების შემდეგ საშინაო და საგარეო ბაზარი შეიზღუდა. 1915-1920 წლებში, მარცვლეულზე მოთხოვნილების ზრდის გამო, მნიშვნელოვნად შეიკეცა მეთამბაქოეობა.

მეთამბაქოეობის დაცემა შესამჩნევი გახდა 1915 წლიდან. წინა წელთან შედარებით თამბაქოს მოსავალი შემცირდა: 1915 წ. - 9-ჯერ, 1916 წ. დაახლოებით 6-ჯერ, 1920 წ. - 4,5-ჯერ. ეს დარგი უველაზე მეტად დაქვეითდა ართვინის ოკრუგში. 1915 წ. ამ რეგიონში აღირიცხა 40 პლანტაცია, რომელთა საერთო ფართობი შეადგენდა 1,3 დესეტინას, ხოლო მოსავალი - 400 ფუთს.²⁹

მეჩაიეობა. მეჩაიეობა საქართველოს სოფლის მეურნეობის არატრადიციული, ახალი დარგი იყო. აჭარაში მისი სამრეწველო განვითარება დაიწყო XIX საუკუნის 80-იან წლებში. ამ საქმის პიონერები იყვნენ უცხოელი მოახალშენებები: სილოვცოვი, პოპოვი, ეუჩინო, ვერუ, სტიანიოვი, გაიდებუროვი, რომანოვების საიმპერატორო სახლი.

პირველად ჩაის კულტურა გააშენეს ჩაქვის მიდამოებში, შემდეგ კი გავრცელდა ზღვისპირა ზოლის სხვა სოფლებში. თუ 1898 წ. აჭარაში შეჩაიეობას 7 მოახალშენი მისდევდა, ორი წლის შემდეგ მათი რიცხვი თითქმის გასამკეცდა (17), ფართობმა გადააჭარბა 215 დესეტინას, ხოლო მოსავალმა - 24644 გირვანქას.³⁰

1901-1915 წლებში აჭარაში 74 ახალი პლანტაცია გააშენეს, რის შემდეგაც ჩაის ფართობი 3,3-ჯერ, ხოლო მოსავალი 11-ჯერ და მეტად გაიზარდა: ზოგიერთ წელში (1906-1908, 1917-1920) ჩაის მოსავლიანობის შემცირება გამოწვეული იყო რეკოლუ-

²⁷ „ივერია“, 21 მაისი, 1894.

²⁸ ო. თურმანიძე, სოფლის მეურნეობა სამხრეთ-დასავლეთ საქართველოში (1878-1921 წწ.). ბათ., 2004, გვ. 70.

²⁹ КК на 1917 год. 1916, стд. статист., с.349.

³⁰ სცსსა, ფ. 13, ან. 12, ს. 576, ფურც. 5; ფ. 370, ს. 926, ფურც. 105-106.

ცოური მოძრაობით ან უცხოელთა ინტერვენცია-ოკუპაციით.

ადგილობრივი მოსახლეობიდან ჩაი პირველად 1906 წელს გააშენა მახინჯაურელმა ალი მასხარაძემ. 10-იან წლებში მას მიბაძეს დავის, აჭყვის და სხვა სოფლების მცხოვრებლებმა, ძირითადად ბერძენებმა. 1920 წ. ადგილობრივი მოსახლეობის ჩაის პლანტაციების ფართობი 80 დესეტინას აღწევდა, რაც საერთო ფართობის 9,5%-ს შეადგენდა.³¹

ცხრილი 2

ჩაის პლანტაციების რიცხვი, ფართობი და მოსავალი აჭარაში 1901-1920 წლებში³²

წლები	პლანტაციების რიცხვი	ფართობი (დესეტ.)	მოსავალი (გირვანქ.)
1901	20	248,0	14055
1903	28	312,0	252013
1905	39	378,8	638605
1907	64	446,5	278909
1909	95	568,8	798130
1911	112	644,2	822855
1913	146	788,7	1332866
1915	194	823,7	1570808
1917	„—“	837,0	956082
1920	„—“	837,0	1141614

ნედლეულის პირველადი გადამუშავება ადგილზევე ხდებოდა. 1899 წ. აქ ჩაის 2 ფაბრიკა იყო, 1907 წ. - 4, ხოლო 1909 წ. - 6. საოჯახო წესით დამუშავებული პროდუქცია 1900-1915 წლებში 0,7%-დან 2%-მდე აღწევდა. 1900-1915 წლებში ჩაის წარმოება 5846-დან 389432 გირვანქამდე, ე.ი. 66,5-ჯერ გაიზარდა.

აჭარაში 6 ხარისხის ჩაის ამზადებდნენ. 1915 წლამდე მაღალი ხარისხის (უმალესი, პირველი, მეორე) ჩაი სჭარბობდა, მაგრამ პირველი მსოფლიო ომის დაწყების შემდეგ მდგომარეობა შეიცვალა. საზღვარგარეთიდან ჩაის პროდუქციის შემოტანა შემცირდა და ქართული ჩაის ნაწარმი დაიჯავშნა არმიისათვის. ამის შედეგი იყო, რომ მესამე, მეოთხე და ე.წ. „ნამცეცა“ ანუ „სოლდატსკი“ ჩაის წარმოება მნიშვნელოვნად გაიზარდა.

მეხილეობა და მემენახეობა. მეხილეობა და მემენახეობა საქართველოს სოფლის მეურნეობის უძველესი დარგებია, მაგრამ სამხრეთ-დასავლეთ საქართველოში დაბლარი ვენახი და მეღვინეობა ოსმალეთის დროს თითქმის მოიშალა. მისი აღორძინება არ მოხერხდა რუსეთის მფლობელობის დროსაც.

ბათუმის ოლქში მიწის სიმცირის გამო მეხილეობის სპეციალური ბაღები არ ყოფილა (ციტრუსების გამოკლებით). ხეხილის გაშენებისათვის არჩევენ ისეთ

³¹ Друг издалека. Документы из истории грузинско-китайской дружбы. Бат., 1958, с.73.

³² ცხრილი შედგენილია: საქართველოს სტატისტიკის, ფ. 13, ან. 12, ს. 576, ფურც. 5, ფ. 370, ან. 1, საქმეები 926, 934, 940, 958, 989; აჭარის ასსრ სტატისტიკური კრებული 1913-1923, ბათ., 1924, გვ. 94-95; КК на 1917 год. Тиф., 1916, с. 358; Журн. «Русские субтропики», 1913, №10; с. 34-35.

მიწებს, რომლებიც სათესი კულტურებისათვის გამოუსადეგარი, ან ნაკლებად გამოსადეგი იყო.

სასაქონლო მნიშვნელობა ჰქონდა ვაშლს, მსხალს, ზეთისხილს, ციტრუსებს, ხურმას, კომშს, ბერძნულ ნიგოზს, თუთას, კურკოვან ხილს, ლეღეს და სხვ. აჭარაში ცნობილია ვაშლის 14-მდე ჯიში. მათ შორის პოპულარული იყო „დეკირალმა“ (რკინაეაშლი), „შაქარალმა“ (შაქარეაშლი), „ეელურა“, „ფაშაალმა“ და სხვ.³³ მსხლის ჯიშები ამასე მეტია. 1882 წელს აქ აღირიცხა: ვაშლი - 18566 ძირი, მსხალი - 17342, ბერძნული ნიგოზი - 6736, ლეღვი - 2675, თუთა - 440, ბალი - 660, ხურმა - 600, ქლიაეი - 1265 ძირი.³⁴

ხეხილის ნარგავების რაოდენობით წამყვანი იყო ბათუმის ოკრუგა აქ ვაშლის ნარგავები 2,4-ჯერ, მსხლის - 3,3-ჯერ, ნიგეზის - 25%-ით მეტი იყო, ეიდრე ართინის ოკრუგში.

ცხრილი 3

ხეხილის ნარგავების რაოდენობა სახეობათა მიხედვით 1917 წელს³⁵

ხეხილის სახეები	ბათუმის ოკრუგი	ართინის ოკრუგი	სულ ბათუმის ოლქში
ხეხილი სულ მათ შორის:	508072	28753	536825
ციტრუსი	272875	-	272875
ვაშლი	23710	6911	30621
მსხალი	14946	4431	19377
ნიგოზი	7310	6649	14959
თხილი	180510	131	180641
ქლიაეი	2797	8048	10845
ხურმა	50	1643	1693
ატამი	3952	-	3952
ტყემალი	912	749	1681
შინდი	-	171	171

გასაყიდად გადიოდა 40-60 ათას ფუთამდე ვაშლი, 12-26 ათასი ფუთი მსხალი, 14 ათას ფუთამდე ნიგოზი. 1888 წ. ბათუმის ოლქიდან გაუტანიათ 44 ათასი ფუთი ვაშლი (40 ათასი აჭარიდან, 4 ათასი ართინის ოკრუგიდან),³⁶ 1913 წ. კი - 60 ათასი.³⁷

სასაქონლო დონით გამოირჩეოდა ციტრუსები და ზეთისხილი. ციტრუსები გაშენებული იყო აჭარის ზღვისპირა ზოლში, ხოლო ზეთისხილი - ართინის მიდამოებში. ციტრუსოვანთაგან ადგილობრივი მოსახლეობა აშენებდა ფორთოხალს, ლიმონს, ციტრონს. 1894 წ. აღირიცხა 1300 სრულმოსავლიანი ფორთოხლის ხე, ხოლო 1912 წელს - 1500.³⁸ 1917 წ. აჭარაში ითვლებოდა ფორთოხლის 14354 და ლიმონის

³³ Журн. «Русские субтропики», 1914, №1, с. 33.

³⁴ КК на 1884 год. отд. статист., с. 326.

³⁵ ამხფ, ს. 216, ფურც. 69-75.

³⁶ სცსა, ფ. 12, ან. 1, ს. 733, ფურც. 7-8.

³⁷ «Русские субтропики», 1914, №1, с. 33.

³⁸ Тимофеев С.Н., Культура апельсинных и лимонных деревьев в Закавказском крас.- ссцрк, выпуск 1. Тиф.,

10662 ნარგავი.³⁹

მეციტრუსელობაში არსებითი გარდატეხა მოხდა 900-იან წლებში, როდესაც გააშენეს იაპონური მანდარინი („უნშიუ“). თუ 1901 წ. მანდარინის ფართობი 0,4 დესეტინა იყო, 1906 წ. - 11, 1909 წ. - 124, 1913 წ. - 262, 1917 წ. - 323 დესეტინას გადააჭარბა.⁴⁰

ზეთისხილი ხარობდა ართვინის ოკრუგის რამდენიმე სოფელში (თოლგოში, ლომაშენი, ცრია, მამაწმინდა, სეკტიბარი, ორჯოხი, დოლისყანა, სინგოტი, კურბული, არდალი, დაბა, გევრდა, ართვინი და სხვ.). XX ს. დასაწყისში აღირიცხა 15-მდე ჯიშის ზეთისხილი. ნაყოფიერებით გამოირჩეოდა „ბუტკო“, „ოთური“, „გურულა“, „თბილისი“. ზეთისხილის ნაყოფისაგან ამზადებდნენ ზეთუნის ზეთს, აგრეთვე, მოიხმარდნენ ხილის სახით.

ზეთისხილის ფართობი 1902 წ. 1000 დესეტინას შეადგენდა. 1914 წ. 110 ათასი ზეთის ხე აღირიცხა. იგი საგრძნობლად დაზიანდა პირველი მსოფლიო ომის დროს, მაგრამ ბათუმის საოლქო აგრონომიულმა სამსახურმა გ. გამხარაშვილის თაოსნობით მნიშვნელოვანი მუშაობა გასწია ზეთისხილის ნარგავების გადასარჩენად. 1915 წ. ართვინის ოკრუგში ითვლებოდა ზეთისხილის 94 190 ხე.

ზეთისხილის საშუალო წლიური მოსავალი 50-60 ათას ფუტს შეადგენდა. აქედან დაახლოებით ნახევარს ადგილზე მოიხმარდნენ, დანარჩენი ბაზარზე გაჰქონდათ (ბათუმი, თბილისი, შავიზღვისპირა ქალაქები, რუსეთი). ერთი ფუტი ზეთისხილის საბაზრო ფასი იყო 2,5-4,5 რუბლი, ხოლო საერთო ფულადი შემოსავალი 100 ათასიდან 200 ათას რუბლამდე აღწევდა.⁴¹

მევენახეობას ბათუმის ოლქის ყველა რაიონში მისდევდნენ. წარსულში ეს დარგი საკმაოდ განვითარებული ყოფილა, მაგრამ ოსმალთა მფლობელობის პერიოდში ძალზე შემცირდა. 1894 წ. აღწერით ქვემო და ზემო აჭარაში მაღლარი ვენახი მოშენებული ჰქონდა მოსახლეობის 75%-ს, ხოლო კინტრიშისა და გონიოს უბნებში - 50%-ს.⁴² ართვინის ოკრუგში მევენახეობის გავრცელების რაიონებია ლივანას ხეობა, არტანუჯის ნაწილი და შავშეთ-იმერხევის დაბლობი.

ბათუმის ოლქში მაღლარი ვაზის ათეულობით ჯიშში ხარობდა. 1913 წ. არტანუჯის რაიონში აღირიცხა 35 ჯიში.⁴³ XX ს. 60-იან წლებში ხულოს რაიონის სოფელ ჩაოში შემორჩენილი იყო 40-მდე ჯიში. გემოთი და უხემოსაველიანობით გამოირჩეოდა: „ჩხავერი“, „კლარჯული“, „ხოფათური“, „მეკერენხი“, „ჩოტი“, „წვითა“, „საწერი“, „ჩინიბე“, „ბურძგლა“, „ორჯოხული“, „საფერავი“, „ბუტკუა“ და სხვ.

დაბლარი ვენახის აღორძინება დაიწყო XIX ს. 80-იან წლებში. 1895 წ. იგი გააშენეს 182 დესეტინაზე (ბათუმის ოკრუგში - 8, ართვინის ოკრუგში - 174 დეს.). 1902 წ. დაბლარი ვენახის ფართობი 1478 დესეტინამდე (თითქმის 10-ჯერ) გაიზარდა. კინტრიშის უბანზე მოდიოდა 506 დესეტინა, გონიოს - 210, ართვინის - 590, არტანუჯის - 165, შავშეთ-იმერხევის უბანზე - 7 დესეტინა.

აჭარაში საშუალოდ წლიურად იკრიფებოდა 25-30 ათასი ფუტი ყურძენი, ხოლო

1895, с. 25.

³⁹ ამხე, ს. 216, ფურც. 69-70.

⁴⁰ თ. თურმინძე, აპარის სოფლის სოციალურ-ეკონომიკური განვითარების ისტორიიდან, ბათ., 1973, გვ. 62.

⁴¹ იქმე, გვ. 69.

⁴² Тимофеев С.Н. Очерк виноградарства в Батумском и Артвинском округах. - Сборник сведений по виноградарству и виноделю на Кавказе, выпуск IV, Тиф., 1896, с. 168-171.

⁴³ «Русские субтропики», 1914, №1, с. 25-26.

ართინის ოკრუგში - 50-60 ათასი ფუთი. 900-იანი წლებიდან მოსაყალი საგრძნობლად გაიზარდა. უწინარესად - დაბლარი ვენახის ხარჯზე. 1902 წ. მხოლოდ დაბლარი ვენახიდან მოიწიეს 45 ათასი, 1910 წელს - 50 ათასი ფუთი ყურძენი.⁴⁴

ყურძნისაგან ამზადებდნენ ხარდალს (ყურძნის დადუღებული წვენი), ჩურჩხელას, ძმარს, ბეთმეზს (მსხლის დადუღებული წვენი), ფელამუშს, აყენებდნენ ღვინოს. გასული საუკუნის 90-იან წლებში აწარმოეს 2500-3000 ფუთი ღვინო, 1908 წ. - 5800, 1913 წ. - 6000 ფუთი. ბაზარზე გადიოდა 35 ათასი ფუთი ყურძენი და ღვინის უმეტესი ნაწილი.⁴⁵

მეცხოველეობა. ბათუმის ოლქში მეცხოველეობაში ძირითადი იყო მესაქონლეობა. ჭარბობდა ქართულ-კავკასიური ჯიშის საქონელი, რადგან კარგად იყო შეგუებული რეგიონის ბუნებრივ-კლიმატურ პირობებს. აქაური საქონელი იყო მომცრო, მკერივი, მოქნილი აგებულების, ტემპერამენტიანი, გამოსაკეობად იოლი. ამიტომ მოსახლეობა ამ ჯიშის საქონელს აძლედა უპირატესობას.⁴⁶

ოლქში საძოვარ-სათიბების სიმცირის გამო მეცხოველეობა დიდი მასშტაბით ვერ განვითარდა და ძირითადად, გლეხურ მეურნეობად დარჩა. ვეტერინარული მომსახურება დაბალ დონეზე იდგა, ამიტომ ხშირი იყო ეპიდემიები. 1909 წ. გონიოს საპოლიციო უბნის 10 სოფელში შავი ჭირისაგან დაიხოცა 171 პირუტყვი, საერთო სულადობის თითქმის 10%.⁴⁷

საქართველოს მეცხოველეობაში დიდი მნიშვნელობა ჰქონდა მსხვილფეხა რქოსან პირუტყვს. ბათუმის ოლქში ამ სახეობაში ყველაზე მეტი იყო ფური. რაც შეეხება კამეჩს, მათი რიცხვი უმნიშვნელო იყო: 1896 წ. აღირიცხა 1319 სული, 1912 წ. - 2273 სული.

წერილფეხა საქონელში პირველობდა ცხვარი, რომელიც საგრძნობლად აღემატებოდა თხის სულადობას, თუმცა, აქაური ტერიტორია ყველაზე გამოსადეგია სწორედ მეთხეობისათვის. საგულისხმოა, რომ წერილფეხა საქონლის მნიშვნელოვან ნაწილს ფლობდა არაქართველი მოსახლეობა - ქემშილები, ქურთები, ბოშები.

მესაქონლეობის ძირითად რაიონებად ითვლებოდა ზემო აჭარა, შავშეთ-იმერხევი, არტანუჯის მთიანი ნაწილი, აქ, საშუალოდ, თითოეულ ოჯახს ჰყავდა 5-8 სული მეწველი ფური, 5-6 მოზარდი საქონელი, წვეილი მუშა ხარ-კამეჩი, 2-3 სული თხა-ცხვარი (შეძლებულ გლეხებს - 50 სული, ზოგიერთებს ამაზე მეტიც ჰყავდათ).⁴⁸

მცირემიწიან გლეხობას გაცილებით ნაკლები პირუტყვი გააჩნდა. 1917 წ. ბათუმის ოკრუგში სოფლის 9784 კომლიდან საქონელი არ ჰყავდა 2271 (სოფლის საერთო მოსახლეობის 24%). ართვინის ოკრუგში საქონლის გარეშე იყო სოფლის მოსახლეობის 10%-ზე მეტი (4700 კომლიდან 489 კომლი).⁴⁹

⁴⁴ იქვე გვ. 58-59, 64.

⁴⁵ Тимофеев С.Н. დასხ. ნაშრ., გვ. 172-189; КК на 1910 год. отд. статист. с. 572, КК на 1915 год. отд. статист. с. 336; Обзор Батумской области за 1903 год. Бат., 1904, с. 64.

⁴⁶ ვ. შამილაძე, აღბური მესაქონლეობა საქართველოში. თბ., 1969, გვ. 44, 52.

⁴⁷ Журн. «Батумский сельский хозяйн». 1909, №4, с. 108-113.

⁴⁸ Гамхарашвили Г. Сельско-хозяйственный обзор Батумской области. - «Русские субтропики», 1914, №2, с.

24.

⁴⁹ ამხფ., ს. 216, ფურც. 61-65.

ბათუმის ოლქში პირუტყვის საერთო სულადობა
ძირითად სახეობათა მიხედვით⁵⁰

ოკრუგების დასახელება	პირუტყვი	1884 წ.	1896 წ.	1903 წ.	1910 წ.	1912 წ.	1915 წ.	1917 წ.
ბათუმის	პირუტყვი სულ მათ შორის:	160910	52425	96580	123719	119450	39086	51782
	მსხვილფეხა რქოსანი	6500	19919	27181	47725	44603	24727	34439
	ცხვარი...	148000	21997	56889	42950	41814	13040	6009
	თხა...	-	6510	6311	25162	25150	251	8878
ართვინის	პირუტყვი სულ მათ შორის:	76491	76284	106779	52237	58313	20844	50355
	მსხვილფეხა რქოსანი	48610	35490	61222	30245	35708	1228	29973
	ცხვარი...	10710	15557	22238	18180	17010	3122	10969
	თხა...	12256	20000	19414	1968	1921	4458	9251
სულ ბათუმის ოლქში	პირუტყვი სულ მათ შორის:	237401	128709	203359	175956	177763	60930	102137
	მსხვილფეხა რქოსანი	55110	55409	88403	77970	80311	37655	63812
	ცხვარი...	158710	37554	79127	61130	58824	16162	1678
	თხა...	12256	26510	25725	27130	27071	4709	18129

მეღორეობას ქრისტიანი მოსახლეობა მისდევდა და მას უმნიშვნელო ადგილი ეჭირა. 1882 წ. ითვლებოდა 378, 1903 წ. - 381, ხოლო 1912 წ. - 715 სული ღორი.

შედარებით განვითარებული იყო *მეცხენეობა* 1896 წ. ბათუმის ოლქში აღირიცხა 6974 ცხენი, 213 სახედარი და ჯორი. 1903 წ. შესაბამისად, 7793 და 1599 ერთეული.⁵¹

მეფრინველეობა საკვები ბაზის სისუსტის გამო განვითარებულ დარგად რჩებოდა. მეფუტკრეობას კი ბათუმისა და ართვინის ოკრუგების ყველა კუთხეში მისდევდნენ, მაგრამ სოფლის მეურნეობის სხვა დარგებთან შედარებით მაინც სუსტად

⁵⁰ ცხრილი შედგენილია: КК на 1886 год. отд. статист. с. 224, обзор Кутаийской губернии за 1896 год. Кут., 1897, с. 22; Обзор Батумской области за 1903 год. Бат., 1904, с. 59-60; КК на 1912 год. отд. статист., 278-279; КК на 1914 год. отд. статист. с. 142-143; КК на 1916 год. отд. статист., с. 226, «Русские субтропики», 1917, №7-8, с. 20.

⁵¹ Обзор Кутаийской губернии за 1896 год. Кут., 1897, с. 22; Обзор Батумской области за 1903 год., Бат., 1904, с. 69.

იყო განვითარებული.⁵²

1882 წ. ბათუმის ოკრუგში აღირიცხა 3300-მდე ფუტკრის ოჯახი, საიდანაც მიიღეს 882 ფუთი თაფლი და 165 ფუთი ცვილი.⁵³ 1917 წ. მთლიანად ბათუმის ოლქში იყო 3605 ფუტკრის ოჯახი. აქედან საერთო რაოდენობის 2/3 მოდიოდა აჭარაზე. ფუტკრის ოჯახების შედარებით მეტი ოდენობა იყო ქვემო აჭარაში (791) და კინტრიშის უბანში (973).

ცხადია, ქალაქებისა და საეკატრო-სამრეწველო დაბების მოსახლეობის ზრდამ მეცხოველეობის პროდუქტებზე მოთხოვნილებაც გაზარდა. სოფლის მეურნეობის სასაქონლო პროდუქციის მოცულობა შესამჩნევად გაიზარდა. 1917 წ. ბათუმის ოლქიდან ბაზარზე გადიოდა 44658 ფრთა ფრინველი, 2367 ფუთი კარაქი, 2267 ფუთი ყველი, 672 ფუთი თაფლი და სხვ.⁵⁴ ასე რომ, საკუთარი წარმოების მეცხოველეობის პროდუქტებით ვაჭრობა უმნიშვნელო იყო. ბათუმს და შავიზღვისპირა ქალაქებს ძირითადად ყარსის ოლქი ამარაგებდა.

§2. კაპიტალისტური სანარმოები სოფლად

ბათუმის ოლქის სოფლად კაპიტალიზმის განვითარება დაიწყო XIX ს. 80-იან წლებში და გაგრძელდა 1917 წლამდე. ამ ხნის მანძილზე აქ ორასზე მეტი კაპიტალისტური მეურნეობა მოეწყო.⁵⁵

სასოფლო-სამეურნეო დარგებიდან კაპიტალისტურ საწყისებზე გაშენდა მეჩაიეობა, სუბტროპიკული კულტურები, ნაწილობრივ მეთამბაქოეობა. ჩაისა და სუბტროპიკული კულტურების მეურნეობები განლაგებული იყო ზღვისპირა ზოლში. მეთამბაქოეობის კაპიტალისტური მეურნეობები შეიქმნა ართვინის ოკრუგში საიჯარო მიწებზე.

ბათუმის ოლქის მეურნეობები პირობითად შეიძლება დაიყოს უმსხვილეს, მსხვილ, საშუალო და წერილ საწარმოებად. უმსხვილესი იყო ჩაქვის საუფლისწულო მამული, მსხვილი - პოპოვისა და სოლოცოვის მეურნეობები, საშუალო სიდიდის - სინიკინის, დიადიუშის, ბიხოვეკეის, სტოიანოვის, სობეკის, სიბირიაკოვის, პასეკის და სხვ. მართალია, დაყოფა პირობითია, მაგრამ რეალობასთან ახლოს დგას ამ შემთხვევაში საქმე ეხება შრომატევად და მაღალშემოსავლიან კულტურებს ღესეტინა სრულმოსავლიანი ჩაის პლანტაცია წლიურად იძლეოდა 700-1000 რუბლის საერთო შემოსავალს, 400-700 რუბლ წმინდა მოგებას, ხოლო თამბაქოს პლანტაცია - 2900-3000 რუბლს.⁵⁶

სამხრეთ-დასავლეთ საქართველოს სოფელში კაპიტალიზმის განვითარების ერთ-ერთი თავისებურება იყო წარმოებისა და მუშახელის კონცენტრაციის მაღალი

⁵² Обзор Кутаисской губернии за 1898 год. Тиф., 1899, с. 12.

⁵³ КК на 1884 год. Тиф., 1883, отд. статист., с. 326

⁵⁴ ამხმ., ს. 216, ფურც. 77-78.

⁵⁵ აცსა, ფ. 84, ს. 52, ფურც. 83-85.

⁵⁶ თ. თურმანიძე, სოფლის მეურნეობა სამხრეთ-დასავლეთ საქართველოში (1878-1920 წწ.), 2004, გვ. 109.

დონე. 1905 წ. ჩაის ფართობის 82% და მოსავლის 81,5%, ხოლო 1915 წ. შესაბამისად 76,2 და 91% ჩაქვის საუფლისწულო და პოპოვის მეურნეობებზე მოდიოდა. ასევე ორ მეურნეობაზე ნაწილდებოდა მუშა-მოსამსახურეთა კონტინგენტის 80-90%. ეს მაშინ, როდესაც ჩაის პლანტაცია 1915 წელს 194 მესაკუთრეს ჰქონდა.⁵⁷

აჭარის სოფლად იყო 10-მდე საშუალო სიდიდის კაპიტალისტური საწარმო. საერთოდ სჭარბობდა წერილი საწარმოები. 1905 წ. წერილ მეწარმეებს დაქირაებული ჰყავდათ ერთი-ორი მუშა, რომელთაც ყოველთვიურად უხდიდნენ 15-18 რუბლს.⁵⁸

მოახალშენეთა ნაწილი ადგილზე არც კი ცხოვრობდა. მათ მეურნეობებს დაქირაებულნი პირები თუ საამხანაგო კაეშირები უძღვებოდნენ. ერთ-ერთი ასეთი კაეშირი მოქმედებდა მახინჯაურში, რომელსაც 1914 წ. დაქირაებული ჰყავდა 100-მდე მუშა. მუშების დღიური ანახლადურება 40-80 კაპიკი იყო, ხოლო თვიურად მომუშავეებს - 20 რუბლი.⁵⁹

ქართველებიდან სოფლად წერილი კაპიტალისტური საწარმოები მოაწვევს კოპლატაძემ, მელიამ, საბაევამ (საბაშვილი), გუგუშვილმა, მახარაძემ. კოპლატაძეს მეურნეობა ჰქონდა ჩაქვში, სადაც ჩაის პლანტაციას ეკავა 4 დესეტინა. მელიას მეურნეობა მოწყობილი იყო სოფ. ფერიაში (ბათუმის მახლობლად) 3 დესეტინაზე, დანარჩენი ფართობი ეკავა ხეხილს.⁶⁰ სეზონური მუშების გარდა, მის მეურნეობას ემსახურებოდა 2 მუდმივი მუშა.⁶¹

მეთამბაქოეობაში 1905 წ. ითვლებოდა 9 კაპიტალისტური მეურნეობა, 1912-წ. - 15-მდე. ისინი ეკუთვნოდა სომხებს (ძმებს ანანიანებს, კიურჩიანს, მანდოიანს და სხვ.), სოფლად არსებულ საწარმოთაგან ყველაზე მსხვილი ეკუთვნოდა საუფლისწულო უწყებს, აგრეთვე პოპოვს, სოლოვცოვს.

ჩაქვის საუფლისწულო მამული ერთ-ერთი უმსხვილესი მეურნეობა იყო საქართველოში. იგი ეკუთვნოდა რუსეთის საიმპერატორო სახლს. რომანოვების საგვარეულო რუსეთში ფლობდა დიდძალ ყმა-მამულს, რომელზეც საგლეხო რეფორმის შემდეგ კაპიტალისტური ტიპის მეურნეობები მოაწვევს. მათი მართვისათვის შეიქმნა სპეციალური აპარატი - საუფლისწულო უწყება.

ბათუმის ოლქში მსხვილი სუბტროპიკული მეურნეობის შექმნა საუფლისწულო უწყებამ დაიწყო XIX ს. 90-იან წლებში. ამ მიზნით ჩაქვში დაისაკუთრა 14000 დესეტინამდე მიწა, რომელზედაც გააშენეს ჩაი, ციტრუსები, ბამბუკი და სხვა კულტურები.

ჩაის მოშენებას საფუძველი ჩაეყარა 1895 წ., ბამბუკსა და ციტრუსებს - მომდევნო წლებში. ამ საქმეს ხელმძღვანელობდნენ ჩინელი და იაპონელი სპეციალისტები, რომლებიც საუფლისწულო უწყების აღმოსავლეთის ექსპედიციამ ჩამოიყვანა. 1899 წ. საუფლისწულო მამულში ააგეს ჩაის ფაბრიკა, რომელშიც დაამონტაჟეს ინგლისიდან შემოტანილი მანქანა-მოწყობილობანი.

XIX ს. ბოლოს ძირითადად დამთავრდა მამულის მოწყობის პირველი სამუ-

⁵⁷ იქვე, გვ. 27.

⁵⁸ სკსსა, ფ. 370, ს. 926, ფურც. 112.

⁵⁹ „ბათუმის გაზეთი“, 13 აპრილი, 1914.

⁶⁰ «Батумский сельский хозяйни», №7, 1909, с. 212.

⁶¹ Каталог сельско-хозяйственной и культурно-промышленной выставки Черноморского побережья Кавказа. - «Русская ривьера», С.-Пб., 1913, с. 13.

შაოები. 1900 წ. დაამუშავეს 194 დესეტინა (საერთო ფართობის 1,6%). აქედან ჩაის პლანტაციას ეკავა 90, ციტრუსები - 2,4, ბამბუკს - 7,1, ხეხილს - 19,5, ქაღალდის ხეს (რამის მცენარე) - 4 დესეტინა.⁶² აქვე მოაწივეს ბამბუკის სანერგე და სახე-გლოსნო.

ჩაქის საუფლისწულო მამულის მოწიობაზე 1894-1899 წლებში დაიხარჯა 662.055 რუბლი. ამ თანხიდან მიწის შექენაზე (ხეხილისა და შენობების ჩათვლით) - 213.142, ჩაის კულტურის გაშენებაზე - 120.000, მანქანა-დანადგარების შექენასა და სამშენებლო სამუშაოებს - 155.587 რუბლი. დანარჩენი სხვა გასაყალი იყო.⁶³ 1902 წ. ხარჯებმა ერთი მილიონი რუბლი შეადგინა.⁶⁴

ჩაქის საუფლისწულო მამულის მშენებლობა მომდევნო წლებშიც გაგრძელდა. 1916 წ. აღნიშნულ მეურნეობაში აითვისეს 837 დესეტინა, საერთო ფართობის 6,7%. აქედან ჩაის კულტურა, ციტრუსები და ბამბუკი გაშენებული იყო 570, ხეხილი - 46, ლაქის ხე - 15 დესეტინაზე. ბოსტანს ეკავა 3, ხოლო სანერგეს 10 დესეტინა.⁶⁵ გაწეულმა ხარჯებმა ამავედ რამდენიმე მილიონი რუბლი შეადგინა.

საუფლისწულო მამულში სასოფლო-სამეურნეო სამუშაოები 1915 წლამდე წარმატებით მიმდინარეობდა, მნიშვნელოვნად გაიზარდა მუშა-მოსამსახურეთა რიცხვი. თუ 1904 წ. აღმინისტრაციულ-საწარმოო პერსონალი 83 კაცი ითვლიდა, 1917 წ. მათი რაოდენობა 127-მდე გაიზარდა.⁶⁶ სეზონური მუშები კი რამდენიმე ასეული იყო. 10-იან წლებში აქ დაახლოებით 1500-2000-მდე კაცი მუშაობდა.

მეურნეობაში ყველაზე შემოსავლიანი დარგი იყო მენაიეობა. მართალია, ამ დარგში მეტი იყო საწარმოო დანახარჯებიც, მაგრამ შემოსავალს და, შესაბამისად, მოგებას იგი მოკლე დროში იძლეოდა, ვიდრე დანარჩენი სუბტროპიკული კულტურები. ამიტომ მენაიეობას განსაკუთრებული ყურადღება ექცეოდა.⁶⁷

წლები	ფართობი დესეტინობით	მოსავალი გირვანქით	წლები	ფართობი დესეტინობით	მოსავალი გირვანქით
1901	110	102000	1914	500	1052508
1905	200	389899	1915	500	1266519
1910	400	781381	1918	500	431021
1913	500	1038476	1920	500	844545

მართლაც, საუფლისწულო მამულში ჩაის კულტურის ფართობი გაიზარდა 5-ჯერ, ხოლო მოსავალი - 1,8-ჯერ. ყველაზე მაღალი მოსავალი 1913-1915 წლებში მოიწიეს. 1916-1920 წლებში ჩაის ფოთლის მოსავლის შემცირება გამოიწვია მუშახელის სიმცირემ. მამულში უხვად იყო მოსაკრეფი ჩაის ფოთლი, მაგრამ აღმინისტრაციამ საჭირო რაოდენობის სეზონური მუშები ვერ მიიზიდა. მუშახელის უკმარისობის გამო 1918 წელს მოკრიფეს ჩაის ფოთლის 35%, ხოლო 1919-1920 წლებში - 60%.

საუფლისწულო უწყება ჩაის ყველაზე მსხვილი მწარმოებელი იყო საქართვე-

⁶² აცსა, ფ. 22, ს. 101, ფურც. 1-2.

⁶³ სანკტ-პეტერბურგის სცია, ფ. 515, ან. 91, ს. 164, ფურც. 238, 241, 301-302.

⁶⁴ აბენდანიშვილი, სოციალისტური რევოლუციის წინამძღვრება საქართველოში, თბ., 1971, გვ. 88.

⁶⁵ აცსა, ფ. 22, ს. 418, ფურც. 71-76; ს. 448, ფურც. 109.

⁶⁶ იქვე, ს. 65, ფურც. 3; ს. 175, ფურც. 42-45.

⁶⁷ თ. თურმანიძე, სოფლის მეურნეობა სამხრეთ-დასავლეთ საქართველოში (1878-1920 წწ.), გვ. 118, 126.

ლოში. აჭარის ჩაის პლანტაციების საერთო ფართობიდან ამ ერთ მეურნეობაზე მოდიოდა: 1902 წ. - 50%, 1913 წ. - 63%, ხოლო 1916 წ. - 60%. ანალოგიური მახასიათებელი მოსაეღის მიხედვით კიდევ უფრო მაღალი იყო. მაგალითად, 1905 წ. ჩაქვის საუფლისწულო მამულზე მოდიოდა აჭარის ჩაის საერთო მოსაეღის 61%, 1915 წ. - 80%, ხოლო 1916 წ. - 77%.⁶⁸

ჩაის ფაბრიკის საწარმო სიმძლავრე მთლიანად საკმარისი იყო ნედლეულის გადამუშავებისათვის. 900-იან წლებში მოხდა ფაბრიკის გადაიარაღება. 1905 წლიდან იგი ემსახურებოდა გარეშე მქაიე პლანტატორებს. გირვანქა ჩაის გადამუშავება და მეფუთვა ღირდა 28 კაპ. საუფლისწულო უწყება გარეშე პირებისაგან ჩაის ფოთოლს 13 კაპიკად ყიდულობდა, რითაც მნიშვნელოვან მოგებას იღებდა.

ჩაის ფოთლის კრეფის ზრდასთან ერთად, ცხადია, გაიზარდა მზა პროდუქციის მოცულობაც, ფაბრიკამ აწარმოა: 1900 წ. - 5000 გირვანქა ჩაი, 1905 წ. - 100 ათასი, 1910 წ. - 205 ათასი, 1915 წ. - 321 ათასი. მაშასადამე, 1900-1915 წლებში ჩაის მზა ნაწარმის გამოშვება 64,2-ჯერ გადიდა.

საუფლისწულო უწყებას ჩაის ნაწარმი გასაყიდად გაჰქონდა მოსკოვში, პეტერბურგში, კიევიში, ხარკოვიში, ვარშავაში, ოდესაში, ეკატერინოსლავში, ვილინიუსში და სხვა ქალაქებში. 1914 წ. ჩაის მეურნეობიდან მიღებული შემოსავალი 240 ათას რუბლს შეადგენდა. ეს მაშინ, როდესაც 500 დესეტინა პლანტაციიდან სრულმოსაეღიანი იყო 276 დესეტინა.⁶⁹

საუფლისწულო მამულში სასოფლო-სამეურნეო წარმოების მეორე უმნიშვნელოვანესი დარგი იყო მეციტრუსეობა. 1905 წ. ამ კულტურებს აქ 54 დესეტინა ეკავა. 1910-1911 წლების სუსხიან ზამთარში დიდძალი ნარგავი დაიღუპა. ამის შედეგი იყო, რომ 1914 წ. მანდარინის ბაღები შემცირდა 32 დესეტინამდე, ხოლო ლიმონი - 6 დესეტინამდე.

მნიშვნელოვან შემოსავალს იძლეოდა ბამბუკი. იგი იაპონიიდან XIX ს. დამლევს შემოიტანეს. 1900 წ. მისი ფართობი შეადგენდა 2, 1901 წ. - 6, ხოლო 1916 წ. - 32,5 დესეტინას.⁷⁰ ბამბუკის წარმოებიდან მიღებული შემოსავალი 1917 წ. 21010 რუბლი იყო.⁷¹

საერთოდ საუფლისწულო მამული რენტაბელური მეურნეობა იყო. მისი შემოსავალი და მოგება განუწყვეტლივ იზრდებოდა. მამულის საერთო შემოსავალი 1903 წ. 39720 რუბლიდან 1916 წ. 736600 რუბლამდე (თითქმის 11-ჯერ) გაიზარდა.⁷² შესაბამისად, მაღალი იყო წმინდა მოგებაც.

ამრიგად, მეურნეობის ბალანსის საშემოსავლო ნაწილში პირველ ადგილზე იყო ჩაის კულტურა: საერთო მოგებიდან მასზე მოდიოდა: 1914 წ. - 89%, ხოლო 1915 წ. - 97,4%.⁷³

ცხადია, მუშათა დიდი ნაწილი დასაქმებული იყო ჩაის მეურნეობაში: 1905 წ. - 600-800 კაცი, 1913 წ. - 850, ხოლო 1914 წ. - 900 მუშა. ჩაის ფაბრიკაში მუშების

68 ო. თურმანიძე, აჭარის სოფლის სოციალურ-ეკონომიკური განვითარების ისტორიიდან, ბათ., 1973, გვ. 28-29.

69 КК на 1916 год. отд. статист., с. 92.

70 აშყ., ს. 204, ფურც. 215; აცსა, ფ. 22, ს. 377, ფურც. 8, 13, ს. 418, ფურც. 76.

71 სანკტ-პეტერბურგის სკია, ფ. 515, ან. 91, ს. 93, ფურც. 10; აცსა, ფ. 22, ს. 445, ფურც. 5.

72 აცსა, ფ. 22, ს. 143, ფურც. 27, ს. 152, ფურც. 63; ს. 379, ფურც. 9; ს. 417, ფურც. 1.

73 აცსა, ფ. 22, ს. 377, ფურც. 15, ს. 379, ფურც. 9, პროცენტი გამოთვლილია ავტორის მიერ.

როდენობა შეადგენდა: 1905 წ. - 30-40, 1910-1915 წლებში - 50-80.⁷⁴

დაქირავებული მიწების უმრავლესობას ქართველები შეადგენდნენ (მუშაობდნენ აგრეთვე სომხები, ქურთები, რუსები, ბერძნები, თურქები და სხვ.). გამოყენებული იყო ბაეშეებისა და ქალების იაფფასიანი შრომაც. 1914 წ. ჩაის პლანტაციებში მოშეშავეთა 80% ბაეშეები იყვნენ, ხოლო 15% - ქალები.⁷⁵

შრომის პირობები უკიდურესად მძიმე იყო. სამუშაო იწყებოდა განთიადისას, მთავრდებოდა - შეღამებისას. ხანგრძლივი სამუშაო დღის მიუხედავად, მუშებს საზღაურად აძლევდნენ: მაიაკაცებს - 60-70, ქალებს - 40-45, ხოლო ბაეშეებს - 20-30 კაპ.⁷⁶

ასევე მძიმე იყო საბინაო პირობებიც. საერთო საცხოვრებელში, რომელიც 6 ბარაკისაგან შედგებოდა, მუშათა მცირე ნაწილი თავსდებოდა თითო ოთახში 20-30 კაცი ათევეა დამეს. მაშინდელი გასეთების დახასიათებით, მძიმე ანტისანიტარიული პირობებით იწამლებოდა ყაზარმების მობინადრეთა ორგანიზმი,⁷⁷ რის გამოც დაავადებებს მასობრივი ხასიათი ჰქონდა.

პირველი მსოფლიო ომის შემდეგ ჩაქვის საუფლისწულო მამულში კრიზისული სიტუაცია შეიქმნა. 1917 წ. თებერვლის რევოლუციის შემდეგ იგი სახელმწიფო საკუთრებაში გადავიდა. 1918 წ. ოსმალეთის ინტერვენციის შედეგად მეურნეობის მატერიალურმა ზარალმა 705534 რუბლი შეადგინა.⁷⁸ წარმოების კრიზისი გაგრძელდა ინგლისელთა დროსაც. საქართველოს დემოკრატიულმა რესპუბლიკამ ჩაქვის მეურნეობა 1920 წ. ივლისის მეორე ნახევარში ჩაიბარა, როდესაც სამუშაოების ძირითადი სეზონი დამთავრებული იყო. ასეთ არახელსაყრელ პირობებში მნიშვნელოვნად დაზიანდა ჩაის პლანტაციები, ციტრუსების ბაღები და ა.შ. ამიტომ ომამდელ დონესთან შედარებით საგრძნობლად შემცირდა წარმოებაც.

პოპოვის მეურნეობა. კონსტანტინე პოპოვა მსხვილი კაპიტალისტური მეურნეობა შექმნა XIX ს. 90-იან წლებში. იგი მდებარეობდა ჩაქვში, სალიბაურსა და კაპრეშუშში, სულ ეკავა 300 დესეტინა მიწა.

პოპოვი კომერსანტი იყო, რომელსაც მოსკოვში ჰქონდა ჩაით ვაჭრობის მსხვილი ფირმა. მისი ძირითადი კაპიტალი 1,5 მილიონ რუბლს შეადგენდა,⁷⁹ ხოლო წმინდა მოგება 1897-1898 წლებში - 493004 რუბლს, 1910-1911 წლებში - 601709 რუბლს.⁸⁰

პოპოვს საკმაო გამოცდილება გააჩნდა ჩაის ნაწარმით ვაჭრობაში. კარგად ჰქონდა გათვლილი მოგების ზრდის ფაქტორები. 1889-1895 წლებში მან მოაწყო ოთხი ექსპედიცია აღმოსავლეთის სუბტროპიკულ ქვეყნებში (ჩინეთი, ჰაიმალაი, ცვილონი, იაპონია და სხვ.). მათში მონაწილეობდნენ თვალსაჩინო მეცნიერები და ჩაის საქმის სპეციალისტები.⁸¹

1892 წ. პოპოვმა ბათუმის შემოგარენში შეიძინა ნაყოფიერი მიწები (სალიბაურში 140 დესეტინა, ჩაქვში - 100, კაპრეშუშში - 60 დესეტინა) და მომდევნო წელს დაიწყო

⁷⁴ სცსა, ფ. 370, ან. 1, ს. 926, ფურც. 112.

⁷⁵ КК на 1916 год., отд., статист., с. 89.

⁷⁶ სცსა, ფ. 370, ან. 1, ს. 926, ფურც. 112; КК на 1916 год., с. 89.

⁷⁷ „ლაშარი“, 27 აპრილი, 1906; «Черноморский вестник», 11 мая, 1906, „ბათუმის გაზეთი“, №69, 1911.

⁷⁸ აცსა, ფ. 22, ს. 502, ფურც. 6-7.

⁷⁹ Устав товарищества чайной торговли и складов братья К. и С. Поповы, М., 1891, с. 6.

⁸⁰ სანქტ-პეტერბურგის სცსა, ფ. 23, ან. 24, ს. 892, ფურც. 27-64.

⁸¹ იქვე, ფ. 1090, ან. 1, ს. 124, ფურც. 2.

ჩაის ნარკავების გაშენება, რაც 1901 წ. ბოლოს დასრულდა. ჩაის პლანტაციას ეკავა 127 დესეტინა, ხოლო სანერგეს - 13 დესეტინა. დანარჩენ ფართობზე ხეხილი გააშენეს.⁸²

პოპოვის მეურნეობის მშენებლობას ხელმძღვანელობდნენ ჩინელი სპეციალისტები, რომელთა პირველი ჯგუფი (13 კაცი) 1893 წ. ჩამოიყვანა. მათ შორის იყო ლაო ჯონ-ჯაუ, რომელსაც დიდი წვლილი მიუძღვის აჭარაში ჩაის მეურნეობის განვითარებაში.⁸³ ჩინელი სპეციალისტების მეორე ჯგუფი (14 კაცი) 1897 წ. ჩამოვიდა და მეურნეობის მოწყობის შემდეგ სამშობლოში დაბრუნდა, დარჩა მხოლოდ ლაო ჯონ-ჯაუ.⁸⁴

პოპოვმა აჭარაში (სალიბაური) 1898 წ. პირველმა ააგო ჩაის ფაბრიკა. ამ საქმეს ინგლისელი სპეციალისტები ხელმძღვანელობდნენ. მანქანა-დანადგარებიც ინგლისიდან შემოიტანა. მეურნეობაში აშენდა სამეურნეო-საყოფაცხოვრებო დანიშნულების არაერთი შენობა.⁸⁵

სამეურნეო-ადმინისტრაციული აპარატი (მუშათა და სპეციალისტთა საშტატო კონტინგენტი) 69 კაცს ითვლიდა. პოპოვს სამივე მამულში ჰყავდა გამგეები (სალიბაურში იყო მეურნეობის მთავარი ადმინისტრაცია), მებაღე, ექთანი და სხვა სპეციალისტები. ჩაის ფაბრიკას სესონზე ემსახურებოდა 30-მდე კაცი.⁸⁶ ძირითად სამუშაოებზე გამოიყენებოდა დროებით დაქირავებულები. 1894 წ. მაისში დაქირავებული იყო 600-მდე კაცი. მეტ-ნაკლებად ასეთი სურათი გვაქვს 1902 წლამდე. 1905 წ. ჩაის პლანტაციებში მუშაობდა 400-მდე მუშა. 1913 წ. - 130, ხოლო 1914 წ. - 200.⁸⁷

მეურნეობის შექმნაზე პოპოვმა დახარჯა 1.855000 რუბლი. აქედან ოთხი ექსპედიციის მოწყობაზე - 120000, მიწის ყიდვასა და ნასყიდობის საბუთების გაფორმებაზე - 75000, ჩაის ფაბრიკისა და სხვა ნაგებობათა მშენებლობაზე - 445000, ნიადაგის დამუშავების, ჩაისა და ხეხილის გაშენების, სანერგესა და სათბურების მოწყობაზე - 785000, ჩაის მცენარის თესლისა და ცოცხალი ბუჩქების შექმნაზე - 145000 მანეთი და ა.შ.⁸⁸

პოპოვის მეურნეობის ყოველწლიური ხარჯები იყო 40 ათასი რუბლი. პირველ წლებში გასაველი დიდად სჭარბობდა შემოსავალს, მაგრამ მათ შორის თანაფარდობა თანდათანობით იცვლებოდა ჩაის პირველი მოსავალი (85 გირვანქა) მოკრიფეს 1895 წელს. ორი წლის შემდეგ მოიწიეს 13080, ხოლო 1899 წ. - 15342 გირვანქა ნედლეული.⁸⁹ აქედან მიღებული ნაწარმი მსოფლიოს მრავალ ქვეყანაში გაიგზავნა ხარისხის შესამოწმებლად. გამოკვლევის შედეგი კარგი აღმოჩნდა.

1901-1917 წლებში მეურნეობაში ჩაის ფოთლისა და მზა ნაწარმის ოდენობა თითქმის 2,4-ჯერ გაიზარდა. ჩაის ფოთლის ყველაზე მაღალი მოსავალი 1905 მოიწიეს (221413 გირვანქა), მაგრამ რეეოლუციის გამო პოპოვი იძულებული გახდა წარმოება

⁸² Попов К.С. Краткая история первого русского чая Константина Попова. М., 1904, с. 1-2; სანკტ-პეტერბურგის სცია, ფ. 22, ან. 2, ს. 1810, ფურც. 7, 148-149.

⁸³ ახ. კრუბ. Друг издадека. Сост. Каландаришвили Л. Пирадов Б., Бат., 1958.

⁸⁴ სანკტ-პეტერბურგის სცია, ფ. 22, ან. 2, ს. 1810, ფურც. 9; აცსა, ფ. 4, ს. 303, ფურც. 52-53.

⁸⁵ სანკტ-პეტერბურგის სცია, ფ. 398, ან. 66, ს. 20689, ფურც. 6; ფ. 22, ან. 2, ს. 1810, ფურც. 151.

⁸⁶ იქვე, ფ. 22, ან. 2, ს. 1810, ფურც. 9, 147; სცსსა, ფ. 370, ან. 1, ს. 926, ფურც. 112.

⁸⁷ სცსსა, ფ. 370, ს. 926, ფურც. 112; «Кавказское сельское хозяйство», 1894, №21, с. 374. «Русские сунтропики», 1915, №3-4, с. 81. 1916, №1, с. 43.

⁸⁸ სანკტ-პეტერბურგის სცია, ფ. 22, ან. 2, ს. 1810, ფურც. 151-152.

⁸⁹ იქვე, ფ. 1571, ან. 1, ს. 89, ფურც. 4.

შეესრებიან, ხოლო პერსონალი დაეთხოვა.

ჩაის ფოთლის კრეფა განაახლეს 1908 წელს, ხოლო ფაბრიკა 1911 წელს აამოქმედეს. 1908-1910 წლებში მოკრეფილი ნედლეული ჩაქვის საუფლისწულო მამულის ფაბრიკაში გადაამუშავეს. 1911 წლიდან 1917 წლამდე მეურნეობა გამართულად მუშაობდა. 1916 წელს აქ მადალი მოსაეალიც მოიწიეს (258802 გირანქა).

პოპოვის მეურნეობაში მადალი ხარისხის ჩაის პროდუქციას აწარმოებდნენ (1905 წ. მადალი ხარისხისა იყო 85%, 1911 წ. - 95,5%, 1915 წ. - 84%).⁹⁰ ერთი გირანქა ჩაის საბაზრო ფასი იყო: დაბალი ხარისხის - 1 რუბლი, მადალი ხარისხის - 3 რუბლი რამდენადაც პოპოვი მადალი ხარისხის პროდუქციას აწარმოებდა, ძირითადად 3 რუბლად იყიდებოდა. ამის მიხედვით მისი საშუალო წლიური შემოსავალი შეადგენდა 1901-1905 წლებში - 80496, 1911-1915 წლებში - 101673, 1916-1917 წლებში - 159552 რუბლს. ამ თანხას თუ გამოეკლებთ ხარჯებს, წმინდა მოგება დარჩება 40496, 61673, 119552 რუბლი. ჩაის ფაბრიკაში მუშები დღე-ღამეში 18-19 საათს მუშაობდნენ, ხოლო კლანტაკიებში 15-16 საათს.⁹¹ დღიური და ყოველთვიური შრომის გასამრჯელო დაახლოებით იგივე იყო, როგორც ჩაქვის საუფლისწულო შრომის მამულში. კ. პოპოვი ცდილობდა მუშათა შრომის ისეთივე დაბალი სასაღური შემოედო, როგორც იყო ინდოეთსა და ცვილონში.⁹²

ა. სოლოვცოვის მეურნეობა. ალექსანდრე ალექსანდრეს ძე სოლოვცოვი იყო რუსეთის არმიის პოლკოვნიკი, სპეციალობით - სამხედრო ინჟინერი. თადარიგში გასვლის შემდეგ თბილისში ცხოვრობდა. 1882-1883 წლებში მან აჭარაში შეიძინა 300 დესეტინა მიწა. თავდაპირველად განზრახული ჰქონდა გაემუშებინა ხეხილი, ვაზი, ყუაილეები და სხვ. მაგრამ მალე განზრახვა შეცვალა და ენთუზიაზმით შეუდგა ჩაის მეურნეობის მოწყობას. მან წინეთიდან შემოიტანა ჩაის ნერგები და მოაწყო სანერგე მეურნეობაში გაჩაღდა ფართო მასშტაბის სამუშაოები: გაიყვანეს გზები, ბილიკები, არხები, ააგეს სამეურნეო-საყოფაცხოვრებო და ადმინისტრაციული შენობები. 300 დესეტინიდან დამუშაებული ჰქონდა 141 დესეტინა. აქედან ჩაის კულტურას 1899 წ. ეკავა - 66 დესეტინამდე.⁹³ მეურნეობის მოწყობას ინგლისელი სპეციალისტები ხელმძღვანელობდნენ.

სოლოვცოვის მეურნეობაში ჩაის პირველი პროდუქცია დაამზადეს 1890 წ. 1895 წ. მან ინგლისიდან ჩამოიტანა ჩაის ფოთლის საწნეხი მანქანები და სხვა მოწყობილობა, ჩამოიყვანა სპეციალისტებიც.⁹⁴ ამასთან იგი სასოფლო-სამეურნეო გამოყენებულ (1889 წ. - თბილისში, 1891 წ. - პეტერბურგში, 1892 წ. მოსკოვში) პოპულაროზაციას უწევდა თავის საქმიანობას, რისგანაც მნიშვნელოვან შემოსავალს იღებდა. მაგალითად, საუფლისწულო უწყებამ მას გადაუხადა 40 ათასი რუბლი ჩაქეში 20

⁹⁰ გამოთვლილია: სესსა, ფ. 370, ან. 1, ს. 926, ფურც. 113; ООПДАДЗ за 1911 год, Тифлис, 1912, с. 218-219; КК на 1917 год, отд. статист., с. 91.

⁹¹ აესსა, ფ. 1, ს. 198, ფურც. 2-4; „ბათუმის გაზეთი“, 5 სექტემბერი, 1911.

⁹² სანქტ-პეტერბურგის სცია, ფ. 1090, ან. 1, ს. 124, ფურც. 7; ბოლოვის ცნობით ინდოეთსა და ცვილონში დაქორაგებულ მუშებს დღიურად უხდიდნენ: მამაკაცებს 23 კაპიკს, ქალებს - 16, ხოლო მოზარდებს - 13 კაპიკს.

⁹³ Соловцев А., Опыты устройства чайной плантации в Чакве. - Сборник императорского кавказского общества сельскохозияства, 1894, с. 665, журн. «Вестник императорского общества садоводства», №6, 1897, с. 306.

⁹⁴ Соловцев А. დასახ. ნაშრო. გვ. 665, სანქტ-პეტერბურგის სცია, ფ. 22, ან. 2, ს. 1810, ფურც. 6.

დესეტინა ჩაის პლანტაციის გაშენებისათვის.⁹⁵

ხარკოველი ჩაით მოვაჭრე ეელიტჩენკო 1895 წელს სპეციალურად ჩამოვიდა აჭარაში, დაათვალიერა სოლოვცოვის მეურნეობა, გაუფორმა ხელშეკრულება და სესხად მისცა 63 ათასი რუბლი, რათა მას გაეზარდა ჩაის პლანტაციის ფართობი 90 დესეტინამდე და აღებული სესხი დაეფარა ჩაის მიყიდვით (გირვანქა 75 კაპიკად).⁹⁶

ცხადია, მწარმოებელის და კომერსანტის ურთიერთკავშირმა პირობები შექმნა წარმოების გაფართოებისათვის: 1898 წ. მეურნეობაში აწარმოეს 10 ფუთი ჩაი, 1899 წ. - 250, 1900 წ. - 950, 1901 წ. - 1400, ხოლო 1902 წ. - 1700 ფუთი.⁹⁷ სოლოვცოვის მეურნეობის ფულადმა შემოსავალმა 1902 წ. 51 ათასი რუბლი შეადგინა.

ბოლოს სოლოვცოვის მეურნეობა გაკორტდა და იგი საუფლისწულო მამულმა შეისყიდა.

სინიციინის მეურნეობა. მეუღლეები მარიამ და ივანე სინიციინები მემამულეები იყვნენ. მათ ბათუმის მახლობლად ს. ყარადერეში (ამჟამად განთიადი) იყიდეს 19 დესეტინა მიწა და 1898 წ. დაიწვეს ჩაისა და ხეხილის გაშენება.

მათ ჩაის პლანტაციას 1904 წ. ეკავა 4, ხოლო 1909 წ. - 9 დესეტინა. 1905 წ. სინიციინმა ააგო ჩაის ფოთლის გადასამუშავებელი საწარმო, რომლის მოწყობილობა ინგლისიდან შემოიტანა. 1909 წ. ფაბრიკას რეკონსტრუქცია ჩაუტარდა, რის შედეგადაც მისი სიმძლავრე მნიშვნელოვნად გაიზარდა. შესაძლებელი გახდა 50 ათასამდე გირვანქა ჩაის ფოთლის გადამუშავება. სინიციინს ბათუმში ჰქონდა ჩაის გადამწონი საწარმო და სპეციალური მაღაზია.

სინიციინის მეურნეობაში ჩაის ფოთლის პირველი მოსავალი 1902 წ. მიიღეს. აქედან მოყოლებული, 1918 წლამდე წარმოება აღმავლობით ვითარდებოდა: 1905 წ. მოიწიეს 9800 გირვანქა ჩაის მწკანე ფოთოლი, 1906 წ. - 11837, 1909 წ. - 15303, 1913 წ. - 21650, 1914 წ. - 21793, 1916 წ. - 26000 გირვანქა.

10-იან წლებში სინიციინი აწარმოებდა 8-10 ათას გირვანქა მზა პროდუქციას, რომელსაც ყიდდა როგორც ადგილზე, ისე ყირიმსა და ჩრდილოეთ კავკასიაში. თუ ჩავთვლით, რომ გირვანქა ჩაის პროდუქცია საშუალოდ გაიყიდა 1,5 რუბლად, მაშინ სინიციინის საერთო შემოსავალი მხოლოდ მყიადობიდან 1914 წ. 121500, ხოლო 1915 წ. - 129960 რუბლს შეადგენდა.

მ. სინიციინის მეურნეობა აჭარაში არსებულ კაპიტალისტურ მეურნეობებს შორის მეოთხე ადგილზეა. 1909 წ. ჩაის პლანტაციებში დაქირავებული ჰყავდა 20-30 მუშა, ძირითადად მოსარდები. 1912 წ. მუშა-მოსამსახურეთა რიცხვი 40 კაცს აღწევდა, ხოლო დღიური სასლაური 30-40 კაპიკს შეადგენდა.

ღიადიუშის მეურნეობა. იური ივანეს ძე ღიადიუში სპეციალობით აგრონომი იყო და მუშაობდა ჩაქვის საუფლისწულო მამულის სანერგე მეურნეობის გამგედ. XIX ს. ბოლოს ბათუმის შემოგარენში - სოფ. ფერიასა და სოუქსუზე შეიძინა მიწები და იქ მეურნეობა მოაწყო. ჩაის კულტურასთან ერთად გააშენა ციტრუსები, ბამბუკი, დაფნა, ბურძნული ნიგოზი, დეკორატიული მცენარეები (ყვავილები). 1909 წ. ააგო ჩაის ფოთლის პირველადი გადამუშავების საწარმო, გადამწონი საამქრო და სავაჭრო ფარდული.

⁹⁵ სანკტ-პეტერბურგის სკია, ფ. 515, ან. 45, ს. 658, ფურც. 49-50; ან. 91, ს. 59, ფურც. 6.

⁹⁶ სესსა, ფ. 12, ან. 1, ს. 1636, ფურც. 48.

⁹⁷ სანკტ-პეტერბურგის სკია, ფ. 22, ან. 2, ს. 1810, ფურც. 11.

საერთო შემოსავალში ძირითადი იყო ჩაი, რომლის ფართობი 1905 წ. იყო 5, ხოლო ოთხი წლის შემდეგ – 7 დესეტინა.⁹⁸ ჩაის ფოთლის პირველი მოსავალი მოიწია 1905 წ. (116 გირვანქა). 1906 წ. მოიკრიფა 814 გირვანქა ფოთოლი, 1909 წ. – 2836, 1910 წ. – 5998, 1916 წ. – 10000 გირვანქა.

ჩაის პროდუქციის გირვანქის ფასი იყო 1,2-2 მანეთი. ამის მიხედვით, ო დღი-დღეობის შემოსავალი მენაიუბიდან 1911 წ. 4801 რუბლიდან 8102 რუბლამდე აღწევდა.

ი. დიადიოში ძირითადად იყენებდა დღიურ მუშახელს 1909 წ. ცნობით, მის ფაბრიკაში 5 მუშა მუშაობდა.⁹⁹

ვასილ სტეფანეს ძე ბიხოვეციის მეურნეობა ს. მახინჯაურში მდებარეობდა მას 18,5 დესეტინა ეკავა. მოეწყო 1900-1906 წლებში. მთავარი დარგები იყო მეჩაიეობა, მეციტრუსეობა, მკეცავეილეობა. 1906 წ. ჩაის პლანტაცია გაშენებული იყო 10 დესეტინაზე.¹⁰⁰

მომდევნო წლებში ჩაის პლანტაციის ფართობი აღარ გაზარდილა, მაგრამ მოსავალი ყოველწლიურად მატულობდა. 1905-1913 წლებში ჩაის ფოთლის მოსავალი 2680 გირვანქიდან 13831 გირვანქამდე, ე.ი. 5-ჯერ და მეტად ამაღლდა. აქ სესონზე 20-25 კაცი მუშაობდა.¹⁰¹

ბიხოვეციის მეურნეობისგან ჩაის ფოთოლს ყიდულობდა ჩაქვის საუფლისწულო მამული, გირვანქას 13 კაპიკად. ამის მიხედვით მისი შემოსავალი მეჩაიეობიდან 1913 წ. 1798 რუბლს შეადგენდა. 1918-1920 წლებში მეურნეობა სერიოზულ სიძნელეებს განიცდიდა, რის გამოც წარმოება მნიშვნელოვნად დაქვეითდა. გასაბჭოების შემდეგ მოხდა მეურნეობის ნაციონალიზაცია.

სტოიანოვისა და სობეცკის მეურნეობები ალექსანდრე ილიას ძე სტოიანოვი XIX საუკუნის 80-იან წლებში ქუთაისის გიმნაზიის დირექტორად მუშაობდა. 1884 წ. ს. ჩაქეში იყიდა მიწები და საცხოვრებლად გადმოვიდა ბათუმში, სადაც ვაჟთა გიმნაზიის დირექტორად დაინიშნა.

სტოიანოვმა პედაგოგიურ მოღვაწეობასთან ერთად ხელი მოჰკიდა სამეწარმეო საქმიანობას და ჩაქეში მოაწყო კაპიტალისტური მეურნეობა, რომლის ფართობი 20 დესეტინას შეადგენდა. გააშენა ჩაი, ხეხილი, მათ შორის ციტრუსები, ვაზი, ყვავილები, ააგო სამეურნეო და საყოფაცხოვრებო ნაგებობები. პირველი ეტაპის სამუშაოებზე 1890 წლისათვის დახარჯა 23 ათასი რუბლი.¹⁰²

ძირითად სამუშაოებს სესონურად დაქირავებული მუშები ასრულებდნენ (როგორც ქართველები, ისე რუსები, სომხები, ბერძნები და თურქები), რომელთაც დღიურად უხდიდა 60-80 კაპ.

20 დესეტინა ფართობიდან ჩაის კულტურას ეკავა 3 დესეტინა, სადაც საშუალოდ კრეფდა 7-8 ათას გირვანქა ჩაის მწვანე ფოთოლს. მეურნეობაში მოწყობილი ჰქონდა სანერგე, რომელიც მნიშვნელოვან შემოსავალს აძლევდა.

სობეცკის მეურნეობა ბათუმის შემოგარენის ორ სოფელში – ფერიასა და

⁹⁸ სცსსა, ფ. 370, ან. 1, ს. 926, ფურც. 106; ს. 989, ფურც. 123.

⁹⁹ იქვე, ფ. 370, ან. 1, ს. 989, ფურც. 123.

¹⁰⁰ იქვე, ფ. 370, ან. 1, ს. 926, ფურც. 106, ს. 940, ფურც. 98.

¹⁰¹ იქვე, ფ. 370, ან. 1, ს. 926, ფურც. 106, სანკტ-პეტერბურგის ცსსა, ფ. 515, ან. 91, ს. 24, ფურც. 7; ს. 57, ფურც. 63.

¹⁰² ი. თურმანიძე, სოფლის მეურნეობა სამხრეთ-დასავლეთ საქართველოში (1878-1920 წწ.), ბათ., 2004, გვ. 153-154.

სოუქს-ზე მდებარეობდა. მეურნეობას სულ 10 დესეტინა ეკავა. თითოეული გოჯი მიწა მაქსიმალურად იყო გამოყენებული. 10 დესეტინიდან ჩაის კულტურას ეკავა 5 დესეტინა, დანარჩენზე მოწყობილი იყო სანერგე, გაშენებული იყო ხეხილი, ყვავილები, დეკორატიული მცენარეები და სხვა.

მეურნეობის ყველა დარგი მნიშვნელოვან შემოსავალს იძლეოდა. 1909 წ. სანერგეში აღირიცხა ციტრუსოვანთა 10000 ნერგი, აქედან მანდარინი - 4000, ლიმონი და ციტრონი - 6000. მანდარინის ნერგი იყიდებოდა 27 კაპიკად, ხოლო ლიმონისა და ციტრონის - 20 კაპიკად.¹⁰³ ამის მიხედვით სანერგედან მიღებული შემოსავალი 8280 რუბლს შეადგენდა.

ჩაის ფოთოლს სობეცკი დიადიუშის ფაბრიკაში ამუშავებდა და მზა ნაწარმს ასაღებდა როგორც ბათუმში, ისე თბილისში, პეტერბურგსა და პოლტავის გუბერნიაში, გირვანჯას ერთ რუბლად და 40 კაპიკად. ასე რომ 5 დესეტინა ჩაის პლანტაციიდან მას შეეძლო მიეღო 2000 რუბლი წმინდა მოგება. გარდა ამისა, 1909 წ. მოკრიფა 2100-მდე ცალი ციტრუსოვანთა ნაყოფი.¹⁰⁴ მიუხედავად იმისა, რომ სობეცკის მეურნეობას შედარებით მცირე ფართობი ეკავა, იგი საერთო შემოსავლის მოგებისა და წმინდა მოგების მიხედვით კაპიტალისტური ტიპის საშუალო მეურნეობად ჩაითვლება.

აჭარის გასაბჭოების შემდეგ კაპიტალისტური მეურნეობები სახელმწიფო საკუთრებად გამოაცხადეს, ბევრი გააერთიანეს და მათ ბაზაზე საბჭოთა მეურნეობები ჩამოაყალიბეს.

§3. სასოფლო-სამეურნეო საზოგადოებები

სასაქონლო-ფულადი ურთიერთობების განვითარებამ განაპირობა სოფლის მეურნეობის საზოგადოებათა და მასთან დაკავშირებული დაწესებულებების შექმნა. 1908 წ. დასაწყისში მათი რიცხვი რუსეთის იმპერიაში 1233 უდრიდა.¹⁰⁵ მომწიფდა პირობები სოფლის მეურნეობის საზოგადოების დაარსებისთვის სამხრეთ-დასავლეთ საქართველოშიც, მით უმეტეს, რომ აქ 100-ზე მეტ უცხოელ მეწარმეს ჰქონდა ჩაისა და სუბტროპიკული კულტურების მეურნეობა. „საზოგადოებაში“ ხედავდნენ ისინი ახალი დარგების განვითარების მთავარ მექანიზმს; ამიტომ მოითხოვეს ბათუმის ოლქშიც სოფლის მეურნეობის საზოგადოების დაარსება. კავკასიის სამხარეო ადმინისტრაცია დადებითად გამოეხმაურა ამ წინადადებას. მეფისნაცვალთა ევრონცოვ-დაშკოვი დათანხმდა, ყოფილიყო მისი საპატიო თავმჯდომარე. 1908 წ. ივლისში შეიქმნა „ბათუმის სოფლის მეურნეობის საზოგადოება“, რომლის 143 დამფუძნებელს შორის ადგილობრივთაგან მოიხსენიება მხოლოდ ჯემალ შერიფის ძე ხიმშიაშვილი.

საზოგადოების პირველ თავმჯდომარედ აირჩიეს ოლქის სამხედრო გუბერ-

¹⁰³ Журн. «Батумский сельский хозяин», №7, 1909, с. 216.

¹⁰⁴ იქვე, №9, 1910, с. 213-214.

¹⁰⁵ «Батумский сельский хозяин», 1909, №5, გვ. 156-157.

ნატორი ბ. რომანოვსკი. იგი მას 1917 წლამდე ხელმძღვანელობდა. საზოგადოება შედიოდა მიწათმოქმედებისა და სახელმწიფო ქონებათა სამინისტროს სისტემაში. 1908 წ. საზოგადოებამ გამოსცა ყოველთვიური ორგანო „ბატუმსკი ხელსკი ხობიანი“. ოთხი წლის შემდეგ ეურნალს სახელწოდება შეეცვალა (დაეკრეა „რუსსკიე სუბტროპიკი“) და 1917 წ. ბოლომდე გამოდიოდა.

საზოგადოების მიზანი იყო საქართველოში, კერძოდ, აჭარაში ჩაის, ციტრუსის, ბამბუკისა და სხვა კულტურათა სწრაფი განვითარებისათვის საჭირო პირობების შექმნა, წარმოების რაციონალურად მოწყობა საზოგადოების, მისი ქვედანაყოფების საქმიანობა მკაცრად იყო რეგლამენტირებული. ყოველი მათგანი საკუთარი წესდების ფარგლებში მოქმედებდა.

საზოგადოებაში მოახდლენენ მეწარმეებთან ერთად სოფლის მეურნეობის კვალიფიციური სპეციალისტებიც გაერთიანდნენ. მის საქმიანობაში თვალსაჩინო წვლილი შეიტანეს აგრონომებმა ს. ანისიმოვმა, ა. ვასილევსკიმ, ფ. პენკოვმა, გ. გამზარაშვილმა, ნ. ნორკინმა, ი. ჩხაიძემ, ფ. უშაკოვმა, მეცნიერებმა ნ. კასანოვმა, ვ. პაელოვმა, ა. ეოიკოვმა, ი. პალიბინმა, მიწათმოქმედების დეპარტამენტისა და საუფლისწულო უწყების ინსპექტორებმა ნ. ტიმოფეევა და ი. კლინგენმა. სპეციალისტების ეს ჯგუფი დიდი ინტელექტუალური ძალა იყო და საკმაო გამოცდილებაც ჰქონდა.

ბათუმის საზოგადოება მოკლე დროში ავტორიტეტული გაერთიანება გახდა (1915 წ. დასაწყისში იგი 216 კაცს აერთიანებდა). საზოგადოების საპატიო წევრი იყო სენატორი ებატიცი, ქართველთაგან წევრად 13 კაცი ირიცხებოდა აჭარიდან საზოგადოების საქმიანობაში მონაწილეობდნენ რ. ნივარაძე, ფ. აბაშიძე, დ. ქიქავა, შ. ჯიჯავაძე, ჯ. ხიმშიაშვილი.

საზოგადოების მთავარი საზრუნავი სუბტროპიკული კულტურები იყო, მაგრამ სხვა დარგების განვითარებაზეც ზრუნავდა ამიტომ, 1909 წ. საზოგადოებასთან 14 სექცია შეიქმნა, ხოლო მათი რაციონალური გაძღოლის მიზნით ცალკე ჩამოყალიბდა სასოფლო-სამეურნეო იარაღების, მცენარეთა მანებლებთან ბრძოლისა და სასუქების მეურნეობათა მიმოხილვის, საადგილმამულო ურთიერთობის, იურიდიული, ეკონომიკური, საკურორტო და საკომისიო სექციები.

თითოეულ სექციას მუშაობის საკუთარი პროგრამა ჰქონდა, რომელსაც საზოგადოების საერთო კრება ამტკიცებდა. მაგალითად, ძვირფასი სამრეწველო მცენარეების სექციის პროგრამა ითვალისწინებდა ამ კულტურების განვითარების მსოფლიო პრაქტიკის შესწავლას, მოწინავე გამოცდილების გადმოღებას და ადგილობრივ პირობებში დანერგვას, ახალი ჯიშების გამოვლენას, გამოყვანას და მასობრივად გავრცელებას. სექცია, აგრეთვე, იზრუნებდა მოსავლის სამრეწველო გადამუშავების პროგრესული წესებისა და მეთოდების პრაქტიკაში დანერგვისათვის და სხვა.¹⁰⁶

გამოცდილებამ ცხადყო, რომ ბათუმის ოლქში და მთლიანად საქართველოში სუბტროპიკული კულტურებიდან ყველაზე უფრო პერსპექტიული იყო ჩაი და ციტრუსები, ამიტომ 1911 წ. ცალკე ჩამოყალიბეს ჩაისა და ციტრუსების სექცია და დაამტკიცეს მისი საქმიანობის პროგრამა.¹⁰⁷

ადგილობრივ განყოფილებებს დიდი უფლებები ენიჭებოდათ. მათ თავიანთი

¹⁰⁶ იქვე, 1909, №5, c. 133,

¹⁰⁷ იქვე, 1911, №8, ud. 366.

მოქმედების რევიონში უნდა უზრუნველყოთ საზოგადოების მიერ დასახული პროგრამის განხორციელება. საზოგადოების ადგილობრივი განყოფილებების გახსნა მხოლოდ ართენსა და არტანუჯში მოხერხდა (1914 წ.).

კლიმატური პირობების შესწავლა ჯერ კიდევ XIX საუკუნის 80-იან წლებში დაიწყო. მალე ჩაქვის ხეობაში სამი მეტეოროლოგიური სადგური მოეწყო (ჩაქვი, ხალა, სახალეაშო). მოგვიანებით ახალი მეტეოროლოგიური სადგურები გაიხსნა სარფში, მწვანე კონცხზე, ქობულეთსა და ქედაში. ამის შემდეგ ადგილობრივი კლიმატური პირობების შესწავლა უფრო ინტენსიური გახდა. საზოგადოებასთან ჩამოყალიბდა საკრედიტო ამხანაგობაც, რომელსაც სახელმწიფო აფინანსებდა, ბათუმის საზოგადოებას კრედიტებს აძლევდა თბილისის თეად-აზნაურთა საადგილმამულო ბანკიც. საზოგადოების საქმიანობაში პრიორიტეტული იყო სუბტროპიკული კულტურების პროპაგანდა საზოგადოების ყურნალი მრავალმხრივ საინტერესო მასალებს ბეჭდავდა სოფლის მეურნეობისა და გადამამუშავებელი მრეწველობის, საადგილმამულო ურთიერთობისა და სხვათა შესახებ.

მნიშვნელოვანი სამეცნიერო-საგანმანათლებლო მუშაობა გაიშალა ბათუმის ბოტანიკურ ბაღში, რომელიც 1912 წ. დაარსდა ამ დროისათვის მსოფლიოში ტენიანი სუბტროპიკული კულტურების 5 ბოტანიკური ბაღი არსებობდა (ციელონზე, სინგაპურში, იაეაზე, კალკუტაში, ჰიმალაიში). ბათუმის ბოტანიკური ბაღი განსაკუთრებული მნიშვნელობისა იყო, რადგან მსოფლიოს ყველა კონტინენტის მცენარეულობას მოიცავდა ბაღის დაარსების ინიციატორი იყო თეალსაჩინო მეცნიერი ანდრია ნიკოლოზის ძე კრასნოვი.¹⁰⁸

1911 წ. ბათუმის სოფლის მეურნეობის საზოგადოებამ თავისი რწმუნებული ი. ვერუ მიაღწია პეტერბურგში ბოტანიკური ბაღისა და საცდელი სადგურის დაარსების თაობაზე. ი. ვერუ ხარკოვში ა. კრასნოვს შეხვდა, მისგან რჩევა-დარიგებანი მიიღო, შემდეგ კი პეტერბურგს ეწვია მთავრობა გამოეხმაურა ბოტანიკური ბაღის შექმნის წინადადებას. შეიქმნა სპეციალური კომისია (პროფესორი ა. კრასნოვი, თბილისის ბოტანიკური ბაღის დირექტორი ა. როლოვი, მიწათმოქმედების დეპარტამენტის წარმომადგენელი აგრონომი ს. ტიმოფეევი, ამავე უწყების საცდელი დაწესებულების უფროსი ბ. ვიტმური).

იმავე წლის ნოემბერში მიწათმოქმედების დეპარტამენტმა ბათუმში გამართა სპეციალური თათბირი, სადაც კიდევ ერთხელ დადასტურდა ბოტანიკური ბაღის, საცდელი სადგურისა და პონტოს ფლორის განყოფილების დაარსების აუცილებლობა. ბაღისათვის საჭირო ნაკვეთიც შეარჩიეს ჩაქვსა და მახინჯაურს შორის ნიკოლოზ II 1912 წ. 24 ოქტომბრის ბრძანებით ჩაქვის საუფლისწულო მამულის 65 დესეტინა მიწა გადაეცა სახელმწიფო ხაზინას ბოტანიკური ბაღის მოსაწყობად. სამაგიეროდ საუფლისწულო უწყება მიიღებდა შესაბამის მიწის ნაკვეთს ბათუმის ოლქში ან რუსეთში, ანდა 100 ათას მანეთს.¹⁰⁹

¹⁰⁸ ა.ნ.კრასნოვი (1862-1914) იყო დიდად განსწავლული მეცნიერი, მრავალ წამოწყებათა ინიციატორი და ორგანიზატორი. წლების განმავლობაში სწავლობდა სუბტროპიკული ქვეყნების მცენარეულობას. კვლევების შედეგები განაზოგავდა თავის ფუნდამენტურ ნაშრომებში: «Чайные округа субтропических областей Азии». С.-Пб, 1898; «Индия и Цейлон». С.-Пб, 1900; Южная колхида. С.-Пб, 1912; «Батумское побережье, как культурный центр влажных субтропических областей в России. С.-Пб, 1915.

¹⁰⁹ «Русские субтропики», 1912, №10, с. 603-604.

ბათუმის ბოტანიკური ბაღის პირველი დირექტორი იყო ა. კრასნოვი, რომელიც ამ თანამდებობაზე გარდაცვალებამდე (1914 წ. 19 თებერვალი) მუშაობდა. იგი, ამავე დროს, ასრულებდა ბათუმის სოფლის მეურნეობის საზოგადოების თავმჯდომარის მოადგილის მოვალეობასაც. 1915 წლიდან ბაღის დირექტორად დაინიშნა ასევე თვალსაჩინო მეცნიერი ა. პალიბინი, რომელიც 1917-1920 წლებში სოფლის მეურნეობის საზოგადოებასაც თავმჯდომარეობდა.

ბოტანიკური ბაღი სახელმწიფო დაწესებულება იყო და ხაზინა აფინანსებდა. 1912 წ. სახელმწიფომ ბაღის მოწყობისათვის გამოყოფილ 50 ათასი, 1913 წ. 25 ათასი, ხოლო 1914 წ. 40 ათას 246 რუბლი.¹¹⁰ მსოფლიო ომთან დაკავშირებული სიძნელების გამო 1916 წ. ბიუჯეტი 19 ათას 700 რუბლამდე შემცირდა, რაც მინიმალურადაც ვერ აკმაყოფილებდა ბაღის წინაშე დასახულ ამოცანებს.

მოკლე დროში ბოტანიკურმა ბაღმა საერთაშორისო აღიარება მოიპოვა რუსეთსა და მსოფლიოში მას მრავალი დამფუძნებელი და ქველმოქმედიც გამოუჩნდა. მრავალნაირი სუბტროპიკული მცენარის თესლი და ნერგი გამოავსავენეს ჰიმალაიდან, სამხრეთ ევროპიდან, ამერიკიდან, იაპონიიდან, სოხუმის საცდელი სადგურიდან, ბათუმის საქალაქო ბაღიდან და სხვ.

ომთან დაკავშირებული სიძნელების მიუხედავად, ბოტანიკურ ბაღს მსოფლიოს შესაბამის დაწესებულებებთან კავშირურთიერთობა არ გაუწყვეტია. მან ცოცხალ მცენარეთა კოლექციები და თესვები მიიღო ლონდონის სამეფო ბაღიდან, ვაშინგტონის გამოყენებითი ბოტანიკის ბიუროდან, პეტერბურგისა და თბილისის ბოტანიკური ბაღებიდან, სოხუმის ბაღისა და სასოფლო-სამეურნეო საცდელი სადგურიდან, დასავლეთ აფრიკიდან, პარიზიდან, როსტოვიდან და სხვ. განსაკუთრებული მნიშვნელობა აქონდა ტექნიკურ კომისიას, რადგან სუბტროპიკული კულტურების კერძოდ, ციტრუსების დაავადებამ ბათუმის ოლქში მასობრივი ხასიათი მიიღო (მართალია, „სოფლის მეურნეობის საზოგადოებასთან“ არსებობდა მცენარეთა მანქანების წინააღმდეგ ბრძოლის კომისია, მაგრამ მისი მუშაობა ეფექტიანი ვერ გამოდგა).

1915 წ. ჩამოყალიბდა ორი ათაკაციანი ჯგუფი, რომლებმაც ციტრუსოვანთა მკურნალობაზე 289 დღე იმუშავეს (მკურნალობა სულ 19 ბაღში ჩატარეს). 1916 წ. ასეთი სახის სამუშაოები ბოტანიკურ ბაღშიც მოეწყო, რისთვისაც „საზოგადოებაში“ 2675 რუბლი გაიღო.¹¹¹

ბათუმის „სოფლის მეურნეობის საზოგადოებაში“ 1912 წ. სოფელ ახალშენში (ბათუმის შემოგარენი) საკუთარი სანერგე მოაწყო. თავდაპირველად მას ეკავა 4 დესეტინა, რომელიც მიწათმოქმედების დეპარტამენტმა ამ მიზნისათვის საეციალურად გამოყო სახასიანო მიწის ფონდიდან. სანერგეში სამხრეთული მცენარეების, ძირითადად კი სუბტროპიკული კულტურების ნერგები გამოჰყავდათ, რომლითაც ბათუმის ოლქთან ერთად მთელ დასავლეთ საქართველოს ამარაგებდნენ. 1917 წ. სანერგეში გამოჰყავდათ ფორთოხლის 12, ლიმონის - 7 და მანდარინის 3 ჯიში. აგრეთვე დაფინს, ევკალიპტის, ყვავილების, ხეხილის ახალი ჯიშები. 1916 წ. საზოგადოების სანერგეში ბათუმის ოლქისა და ქუთაისის გუბერნიის მოსახლეობას მიაწოდა 73284 ძირი

¹¹⁰ იქვე, 1912, №7, ს. 339; 1913, №4, ს. 47; 1914, №2, ს. 53.

¹¹¹ Труды комиссии при Батумской обществу сельского хозяйства по борьбе с вредителями, выпуск I, Бат., 1917, с. 5-7, 14-15.

ნერგი.¹¹²

განზრახული იყო ხეხილის სანერგე შემო აჭარაშიც შეექმნათ. საზო-გადოებამ ეს საკითხი 1912 წ. 29 იანვრის სხდომაზე გაიტანა, საამისოდ ხულოში 1,5 დესეტინა მიწის ნაკვეთიც შეარჩიეს, რომელიც ჯ. ხიმშიაშვილმა საზოგადოებას საჩუქრად გადასცა.¹¹³ მაგრამ წამოწყება ვერ განხორციელდა.

1915 წ. ბათუმის სოფლის მეურნეობის საზოგადოებას გადაეცა და უშუალოდ ბოტანიკურ ბაღს დაექვემდებარა ართვინის ზეთისხილის სანერგე (შექმნა 1899 წ.). მისი ინიციატორი და დამაარსებელია მიწათმოქმედების დეპარტამენტის განყოფილების უფროსი მასალსკი. სანერგეს უნდა უზრუნველყო მოსახლეობა ზეთისხილის ნერგებით, რათა ფართო ასპარეზი მისცემოდა ამ ძვირფასი კულტურის განვითარებას.

ართვინის ოკრუგის ს. ლომაშენში მოეწყო ზეთის სახდელი ქარხანაც (მანქანადანადგარები და სხვა მოწყობილობანი საფრანგეთიდან შემოიტანეს). 1911 წ. ქარხანა წლიურად 150-200 ფუთამდე ზეთუნის ზეთს ხდიდა. საწარმოში დაიწვეს ხილის კონსერვების წარმოებაც. 1913 წ. ქარხნის ახალი შენობა ააგეს და მანქანადანადგარებიც განაახლეს. ზეთისხილის გაშენებისა და ნარგავების მოვლა-პატრონობის გაუმჯობესების მიზნით სანერგესთან გაიხსნა სპეციალური სკოლა, სადაც ადგილობრივი ახალგაზრდობა სწავლობდა.¹¹⁴

მსოფლიო ომმა მნიშვნელოვნად დააზარალა ლომაშენის ზეთისხილის სანერგე. ოსმალებმა სანერგე ორჯერ დაარბიეს, ხოლო მისი გამგე ა. ანდრონაკი წამებით მოკლეს (დაწვეს). 1917 წ. ბათუმის ბოტანიკური ბაღის ხელმძღვანელობამ დააყენა ლომაშენის ზეთისხილის სანერგის გაფართოების საკითხი.¹¹⁵

სოფლის მეურნეობის საზოგადოების ინიციატივით მრავალჯერ მოეწყო გამოფენა ჯერ ბათუმში, შემდეგ თბილისში.

სასოფლო-სამეურნეო ცოდნის პროპაგანდისათვის იყო გამიზნული საზოგადოების კლუბი და მუზეუმი (გაიხსნა 1912 წ.), სადაც სისტემატურად ეწყობოდა ლექცია-მოსხენებები, საუბრები, კონსულტაციები. „საზოგადოებამ“ იზრუნა მებადე მუშების პრაქტიკული სკოლის დაარსებისათვისაც (გაიხსნა 1914 წ.), სკოლის ხარჯები წლიურად შეადგენდა 7 ათას 800 რუბლს და წელიწადში 25 პრაქტიკოს მებადლეს ამზადებდა.¹¹⁶

„საზოგადოების“ ინიციატივით და უშუალო ხელმძღვანელობით 1912 წ. ბათუმში მოეწყო სოფლის მასწავლებელთა მოკლევადიანი კურსები (22 იენისი - 12 იელისი). კურსებზე ბათუმის, ართვინის ოკრუგებისა და ოზურგეთის მაზრიდან მოწვეული იყო 40 მასწავლებელი. მსმენელთა წინაშე ლექციებით გამოვიდნენ პროფესორი ა. კრასნოვი, მიწათმოქმედების დეპარტამენტის სპეციალისტები ლ. რედკო, ა. კალანტარი, ს. ტიმოფეევი, ბ. ჯაფარიძე, ი. ქუთათელაძე, ნ. სმირნოვი, ა. ვერმიშევი, ლ. ანდრონიკაშვილი, ართვინის ზეთისხილის სანერგეს გამგე ა. ანდრონაკი, აგრონომები ს.

¹¹² Отчет Батумского общества сельского хозяйства за 1916 год. Бат., 1917, с. 14-15.

¹¹³ «Русские субтропики», 1912, №1, с. 97.

¹¹⁴ იქვე, 1912, №5, с. 263-266;

¹¹⁵ იქვე, 1917, №7-8, с. 63.

¹¹⁶ იქვე, 1912, №1, с. 28-33; №4, 1913, с. 43; №9, с. 35, №2, 1914, с. 52.

ნორკინი, ი. დიადიუში, ნ. უპენეკი, ი. ლეონიძე და სხვ.¹¹⁷

1909 წ. ქობულეთში შეიქმნა სოფლის მეურნეობის ახალი საზოგადოება, რომელშიც ძირითადად გაერთიანდნენ ფიჭვნარის რუსი მოახალშენეები (იგი ცნობილია „სმეკალოეკის სოფლის მეურნეობის საზოგადოების“ სახელით). საზოგადოება 120 წევრს აერთიანებდა.¹¹⁸ თავმჯდომარე იყო ნ. უპენეკი, რომელიც ამავე დროს ბათუმის სოფლის მეურნეობის საზოგადოების ინსტრუქტორადაც მუშაობდა საზოგადოების საქმიანობაში ქართველებიც მონაწილეობდნენ. ნიშნდობილია, რომ 1913 წ. საზოგადოების საბჭოს 8 წევრიდან 5 ქართველი იყო.¹¹⁹

საზოგადოების მოქმედების არეალი შესაღწეველი იყო (ვრცელდებოდა ციხის-ძირ-ჩოლოქს შორის მდებარე ტერიტორიაზე).

მიწათმოქმედების დეპარტამენტის დაფინანსებით და ბათუმის სოფლის მეურნეობის საზოგადოების დახმარებით სოფელ ფიჭვნარში (სმეკალოეკა) 1910 წ. მოაწყვეს ხილსახობი კუსტარული საწარმო, რომელშიც 6 მანქანა დაიდგა და 12 კაცი მუშაობდა. აქ ახმობდნენ იაპონურ ხურმას, ატამს, ვაშლს, ხილის ხმობის ტექნიკურ პროცესებს ბათუმის სოფლის მეურნეობის საზოგადოების ინსტრუქტორი ნ. უპენეკი ხელმძღვანელობდა. შემდგომში საჭირო სპეციალისტები ადგილზეც მოამზადეს.

საზოგადოებასთან მოეწყო სანერგე მეურნეობა, საწყობი და საცდელ-საჩვენებელი ნაკვეთები. საზოგადოება მოსახლეობას უფასოდ და შეღავათიან ფასებში ემსახურებოდა. ასეთივე საცდელ-საჩვენებელი ნაკვეთები იყო აგრეთვე წყაეროკაში, კურიკეში, ალაშბარში, დაგვასა და რომანიოკაში. „საზოგადოება“ მოსახლეობას ამარაგებდა სასოფლო-სამეურნეო იარაღებით, სასუქებით, მცენარეთა მანებლებთან ბრძოლის ქიმიური საშუალებებით და სხვ.

აჭარის ზღვისპირეთი, როგორც საუკეთესო საკურორტო მხარე, უცხოელებსაც იზიდავდა. მახინჯაური, მწვანე კონცხი, ციხისძირი, ქობულეთი მათ საკურორტო დასახლებად გადაიქცა. ქობულეთში მოგარაკეთა შორის 14 გენერალი იყო, ციხისძირში 85 უცხოელმა მოიწყო აგარაკი, მახინჯაურში - 70, ხლო მწვანე კონცხზე - 23. მათი უმრავლესობა აქ მხოლოდ დასასვენებლად ჩამოდიოდა.

აგარაკების მოწყობისა და მეურნეობის რაციონალურად გაძლიერების მიზნით მოგარაკებმა ჩამოაყალიბეს ამხანაგობები და საზოგადოებები. ეს საზოგადოებანი თავიანთი წესდების ფარგლებში მოქმედებდნენ. მაგალითად, ციხისძირის მოგარაკეთა საზოგადოების წესდება, რომელიც ბათუმის ოლქის სამხედრო გუბერნატორმა 1907 წ. დაამტკიცა, ითვალისწინებდა საკურორტო ადგილებში გზების, ბილიკების, ხიდების, ნავმისადგომების მშენებლობას, აგარაკების მოვლა-პატრონობას, ზღვის სანაპიროს დაცვასა და გამაგრებას, სანიტარული და კულტურული მომსახურების გაუმჯობესებას, ჭაობების ამოშრობას, ბაღების, სკვერების, ხეივნების, რკინიგზის ბაქნების, საცურაო აუზებისა და სხვათა მოწყობას.¹²⁰

¹¹⁷ Сельско-хозяйственные курсы для народных учителей летом 1912 года в Батуми, Бат., 1912, с. 6-18.

¹¹⁸ Отчет о деятельности Смекаловского общества сельского хозяйства за 1910 год. «Русские субтропики», 1911, №6-7, с. 24.

¹¹⁹ «Русские субтропики», 1914. №5, с. 71-72.

¹²⁰ ი. თურმანიძე, სოფლის მეურნეობა სამხრეთ-დასავლეთ საქართველოში (1878-1920 წწ.), გვ. 174-175.

ბათუმის ოლქის სასოფლო-სამეურნეო საზოგადოებათა და ამხანაგობების სამეწარმეო საქმიანობის საყოველთაო აღიარება მოხდა 1913 წ. პეტერბურგში, სადაც მოეწყო კაეკასიის შავი ზღვის სანაპიროს სასოფლო-სამეურნეო და კულტურულ-სამრეწველო გამოყენება „რუსსკაია რივიერა“. გამოყენებაში მონაწილეობისათვის ოლქში მუშაობა 1912 წ. დამდეგიდან გაიშალა. შეიქმნა ერთი საოლქო და ორი საოკრუგო საგამოყენო კომიტეტი.

პეტერბურგის გამოყენებაზე ბათუმის სოფლის მეურნეობის საზოგადოებამ წარადგინა თავისი ჟურნალების „ბატუმსკი სელსკი ხოზიანი“ და „რუსსკიე სუბტროპიკის“ 1908-1913 წლების ნომრები, მცენარეთა ფოტოსურათები, ნაისა და ციტრუსების განვითარების დიაგრამები, ცოცხალ მცენარეთა კოლექციები, აჭარელთა სასოფლო-სამეურნეო იარაღები, ბამბუკის ავეჯი, თესვები, ტექნიკური და სუბტროპიკული კულტურების პროდუქცია.

ხმკალღოკის (ქობულეთის) სოფლის მეურნეობის საზოგადოებამ გამო-ყენაზე გაგზავნა ხმელი ხილი, ხილისა და ბოსტნეულის კონსერვები, ართვინის ზეთისხილის სანერგემ - ზეთისხილის ცოცხალი მცენარე, კონსერვები, ზეთუნის ზეთი, ხილი. ბოტანიკურმა ბაღმა 50-მდე ჯიშის ევკალიპტის ნერგები, ციხისძირის მოაგარაკეთა საზოგადოებამ - ციხისძირის რაიონის აღწერის მანუქნებლები.

„რუსსკაია რივიერას“ საგამოყენო კომიტეტმა და ექსპერტთა საბჭომ მაღალი შეფასება მისცა ბათუმის სოფლის მეურნეობის საზოგადოების, ბოტანიკური ბაღის, ართვინის ზეთისხილის სანერგის საქმიანობას. სუბტროპიკული და ტექნიკური კულტურების დარგში გაწეული მუშაობისა და სამაგალითო მიღწევებისათვის საზოგადოება დააჯილდოვა დიდი ოქროს მედლით, ხოლო ბოტანიკური ბაღი და ართვინის ზეთისხილის სანერგე - პატარა ოქროს მედლით, დიდი ოქროს მედლით დააჯილდოვეს, აგრეთვე, საზოგადოების წევრები, მოახალშენე მეწარმეები კ რეჯო და ი. დიადიში, პატარა მედლით - ე. ბარათოვი, აღსანიშნაეია, რომ სულ დაწესებული იყო 17 დიდი და 14 პატარა ოქროს მედალი.


მსოფლიო ომმა, ოსმალებისა და ინგლისელების მიერ ბათუმის ოლქის ოკუპაციამ ამ წამოწყებებს დიდი ზიანი მიაყენა. მოახალშენეებმა მიატოვეს მამულები, ხოლო იმათ, ვინც ადგილზე დარჩა, უსახსრობის გამო მეურნეობის გაძლიერა ვერ შეძლეს.



ბათუმის ოლქის სოფლის მცხოვრებთა ტიპები, 1910 წ.



გლეხები ურმით




მიწის ხენა მამაპაპისეული გუნით




აჭარელი შამაკატი




აჭარელი ბიჭუნა



ქართველი შამაქიანები სოფ. ქაქუთიდან




კოტე ფოცხვერაშვილი და აჭარელი მოძღვრლები: ხასან ირემაძე,
ზაბით ქარცივაძე, ასლან ნიკოლაიშვილი, ისეთ მურვანიძე




ძველი ხიდი სოფ. მაკრაილში



ჩაქვის საუფლისწულო მამულის ადმინისტრაციის შენობა



ჩაის პლანტაცია



ჩაქვის ჩაის ფაბრიკა



ბათუმი, სოფ. კაპრეშუმი. ჩინელი ჩაის სპეციალისტი
ლაუ ჯენჯაუ ოჯახთან ერთად, 1896 წ.



ჩაის ფოთლის კრეფა




ჩაის გადამწონი ფაბრიკა. ბათუმი, 1909-1914 წწ.



პოპოვის ჩაის პლანტაციის მუშები (1893 წ.)



სოფ. კაარეშუში. სიმინდის ნალია და სხვა ნაგებობები




რკინის კონსტრუქციის ხიდი მდ. აჭარისწყალზე



ზღვის სანაპირო „თურქულ ბაზართან“



„თურქული ბაზარი“ (მდებარეობდა ახლანდელი გოგებაშვილის და ჭავჭავაძის ქუჩების მონაკვეთში) 1903 წ.




ბათუმი. „ნურიის ბაზარი“ (თანამედროვე ხელოვნების მუზეუმის მიმდებარედ)


უცხოელ მოზაღაშენეთ აგარაკები აჭარის ზღვისპირეთში




ჩაქვი. სოლოვცოვის აგარაკი



ციხისძირი. სკარვინსკის აგარაკი



ჩაქვი. სტილიანოვის აგარაკი



სიბირიაკოვის აგარაკი



ტატარინოვის აგარაკი

საადგილმამულო ურთიერთობები და აზრანული მოძრაობა

§1. ცვლილებები მიწათმფლობელობა-მიწათსარგებლობის ხასიათში და ფორმათა ევოლუცია

ბათუმის ოლქში არსებული მიწათმფლობელობისა და მიწათსარგებლობის ფორმები და წესები მკვეთრად განსხვავებულია ქართულისაგან. საგლეხო რეფორმის შემდეგ საქართველოში მიწის საერთო ფონდის 30% თავადაზნაურობას ღარდა. მას ეკუთვნოდა კერძო საკუთრების მიწების 77%-ზე მეტი.¹ ოსმალეთის მთავრობის მიერ სამხრეთ-დასავლეთ საქართველოში განხორციელებული აგრარული რეფორმის შედეგად მოსახლეობას, კერძოდ, პრივილეგირებულ წოდებას კერძო საკუთრებაში მიწები თითქმის აღარ ღარდა (მცირე ნაწილის გამოკლებით). რეგიონის მიწები სახელმწიფო საკუთრებად გამოცხადდა. მაგრამ ფაქტობრივად ადგილ-მამულები კვლავ მოსახლეობის მფლობელობა-სარგებლობაში რჩებოდა.

რუსეთის მთავრობამ უგულვებელყო ახლად შემოერთებული ბათუმისა და ყარსის ოლქების მოსახლეობის კერძომესაკუთრული ფაქტობრივი მდგომარეობა ადგილ-მამულზე და თავგამოდებით იბრძოდა აქაურ მიწებზე ხაზინის უფლებების იურიდიული დაკანონებისათვის. ადგილობრივი მოსახლეობის მიწათმფლობელობა-მიწათსარგებლობის ფაქტობრივი მდგომარეობის იგნორირების მიზნით მან ოსმალური აგრარული კანონმდებლობაც მოიშველია. ამ კანონმდებლობის მიხედვით მიწის ერთადერთი მესაკუთრე იყო სახელმწიფო ხაზინა. მოსახლეობას მიწები ჰქონდა მფლობელობა-სარგებლობის უფლებით. ამის გამო ისინი იხდიდნენ საადგილმამულო ღირებულებას (მიწის შემოსავლის მესამედი), რასაც ოსმალეთში აზარი ეწოდებოდა.²

ასეთი მიდგომა ცარიზმის თავისი მიზნის მიღწევაში მოგებიანად ესახებოდა მთავრობის ვარაუდით, ოსმალური აგრარული კანონმდებლობა იურიდიული საფუძველი იქნებოდა აქაურ ადგილ-მამულებზე რუსეთის სახაზინო საკუთრების დაკანონების, ადგილობრივი მოსახლეობის (განურჩევლად წოდებისა) სახელმწიფო გლეხთა კატეგორიაში გადაყვანისათვის. ამ განზრახვის განხორციელებით სახაზინო შემოსავალიც გაიზრდებოდა და კოლონიზატებსაც წამოსახლებდა, რითაც აქ ერთგულ სოციალურ დასაყრდენს გაიქნა. ამასთან, მთავრობა გარკვეულ სიფრთხილესაც იქნა, რადგან ადგილ-მამულზე მოსახლეობის ინტერესებისა და უფლებების შეზღავდა მასობრივ სახალხო გამოსვლებთან იყო დაკავშირებული.

ბათუმის ოლქში საადგილმამულო საკითხის გასარკვევად კავკასიის მეფისნაც-

¹ ი. ანთელავა, აგრარული ურთიერთობები საქართველოში რეფორმის მომდევნო ხანაში. - საქართველოს ისტორიის ნარკვევები, ტ. V, თბ., 1970, გვ. 525-526.

² ი. თურმანიძე, საადგილმამულო ურთიერთობები სამხრეთ-დასავლეთ საქართველოში ოსმალთა ბატონობის ხანაში. ბათ., 2001, გვ. 49-53.

ვალმა 1879 წ. მარტში შექმნა სპეციალური კომისია, რომლის თავმჯდომარედ დაინიშნა მეცნიერი დიმიტრი ბაქრაძე. მთავრობის სპეციალური ინსტრუქციით კომისიას ექვს თვეში უნდა შეესწავლა მიწათმფლობელობა-მიწათსარგებლობის ყველა ფორმა, იურიდიულად და ფაქტობრივად არსებული მდგომარეობა, შეეკრება მიწათმფლობელობის დოკუმენტები და პირველ რიგში დაედგინა თავისუფალი სახაზინო მიწები.³

საადგილმამულო კომისიის მუშაობას რუსეთის მთავრობისათვის სასურველი შედეგი არ მოუტანია. კომისიის საქმიანობა 1880 წ. დეკემბერში შეწყდა. 1883 წელს ახალი საადგილმამულო კომისია შეიქმნა ბათუმის ოლქის გუბერნატორის თავმჯდომარეობით. კომისიამ ამჯერადაც გადასინჯა მიწათმფლობელობის დოკუმენტები და აქტების წიგნები (დეეთარი), მაგრამ საკითხი ბოლომდე ვერ გაარკვიეს.

რუსეთის მფლობელობის პირველ წლებში აქაური მიწები სამხედრო-სამოქალაქო მმართველობაში შედიოდა. აღნიშნული ოლქების ადმინისტრაცია მიწის საკითხს წყვეტდა კავკასიის მთავარმართებელთან შეთანხმებით. მხარის კოლონიური ათვისების დანიჭრების მიზნით იმპერიის ცენტრალური ხელისუფლების დაქვემდებარებაში მიწების გადასვლა უფრო მოგებიანი იყო. ამით იყო ნაკარნახევი 1888 წ. 14 ივნისის კანონი, რომლითაც ყარსის ოლქის, ბათუმისა და ართვინის ოკრუგების მიწები მიწათმოქმედებისა და სახელმწიფო ქონების სამინისტროს გამგებლობაში შედიოდა. 1889 წ. 8 იანვრის ინსტრუქციით ამ სამინისტროს გამგებლობაში იქნებოდა: დაუსახლებელი მამულები, ტყეები, საძოვრები, სათიბები, მუჰაჯირების მიწები და სხვ., რაც ადგილობრივი მოსახლეობის ნადელებს გარეთ რჩებოდა.⁴

1893 წ. მთავრობის ახალი ბრძანება გამოვიდა, რომელიც გლახთა ნადელებსაც შეეხო. ამიერიდან ყარსის ოლქის, ბათუმისა და ართვინის ოკრუგების ყველა სახის მიწა, რომელთა შესახებ მოსახლეობას საბუთები არ გააჩნდა, დაუყოვნებლივ გადადიოდა მიწათმოქმედებისა და სახელმწიფო ქონებათა სამინისტროს გამგებლობაში (ასეთი საბუთები კი მოსახლეობას არ ჰქონდა თითო-ოროდ გაშვებით). ამ ნორმატიული აქტით ყარსის ოლქის, ბათუმისა და ართვინის ოკრუგების ყველა სახის მიწის ერთადერთი მესაკუთრე სახელმწიფო ხაზინა გახდა მიწათმოქმედებისა და სახელმწიფო ქონებათა სამინისტროს სახით.

1895-1896 წლებში აღწერეს ყარსის ოლქის, ბათუმისა და ართვინის ოკრუგების მიწები, შეადგინეს სათანადო აქტები და მიწათმოქმედებისა და სახელმწიფო ქონებათა სამინისტროს ერევისა და ქუთაისის გუბერნიების შესაბამის სამმართველოებს გადასცეს.⁵ მართალია, აღნიშნული მხარეების მიწების მესაკუთრე სახელმწიფო ხაზინა გახდა, მაგრამ ძირითადი სავარგულები, სოფლის საზოგადოებების ტყეები, საძოვარ-სათიბები კვლავინდებურად მოსახლეობის სარგებლობაში დარჩა. სახელმწიფო ხაზინას უფრო მეტად გამოუყენებელი მიწები და სახელმწიფოებრივი მნიშვნელობის ტყეები რჩებოდა.

მიწათმოქმედებისა და სახელმწიფო ქონების სამინისტროს გამგებლობაში ყარსისა და ბათუმის ოლქების მიწების გადაცემა საკითხის იურიდიული გადაწყვეტა მაინც არ იყო. ეს რუსეთის მთავრობამ კარგად იცოდა და შეუდგა კიდევ საადგილმამულო კანონმდებლობის შემუშავებას. პირველი კანონპროექტი 1888 წ. მზად იყო.

³ სცსსა, ფ. 229, ან. 1, ს. 48, ფურც. 5.

⁴ იქვე, ფ. 229, ან. 1, ს. 48, ფურც. 18; ბათ., 1973, ო.თურმანიძე, აქარის სოფლის სოციალურ-ეკონომიკური განვითარების ისტორიიდან, ბათ., 1973, გვ. 87.

⁵ სცსსა, ფ. 243, ან. 4, ს. 88, ფურც. 42; ო.თურმანიძე, დასახ. ნაშრ., გვ. 88.

იგი 1890 წ. პეტერბურგში გაგზავნენ განსახილველად.

1892 წელს თბილისში შეიქმნა ამიერკავკასიის 5 გუბერნიის სახელმწიფო გლეხთა საადგილმამულო რეფორმის მოსამსადგებელი კომისია, რომელსაც ი. მედევედი თამაგდომარობდა. კომისიას განსახილველად გადაეცა აღნიშნული კანონ-პროექტი. საკითხის შესწავლის შემდეგ ი. მედევედემ შეადგინა ვრცელი წერილი ამიერკავკასიის 5 გუბერნიის სახელმწიფო გლეხთა მიწათმოწყობის შესახებ. იგი ხაზგასმით აღნიშნავდა, რომ ყარსის ოლქში, ბათუმისა და ართვინის ოკრუგებში ადგილობრივი მოსახლეობის მიწათმოწყობა შესაძლებელია იმავე საწყისებზე, როგორც ამიერკავკასიის 5 გუბერნიის სახელმწიფო გლეხებისაო. იგი გამოიციხავდა საკითხის სხვანაირად გადაწყვეტას.⁶

ი. მედევედის წერილი ჯერ სპეციალურმა კომისიამ განიხილა, შემდეგ მთაერობის შესაბამის ინსტანციებში იმსჯელეს 1894 წლის ოქტომბერში პეტერბურგში საგანგებო თათბირი გაიმართა, რომლის მუშაობაში მონაწილეობდნენ მიწათმოქმედებისა და სახელმწიფო ქონების, შინაგან საქმეთა, სამხედრო, იუსტიციის სამინისტროებისა და კავკასიის მთავარმართებლის წარმომადგენლები.⁷

თათბირმა კონკრეტული რეკომენდაციები ვერ შეიმუშავა. 1898 წელს კავკასიის მთავარმართებელმა გოლიცინმა გადაამუშავების მიზნით გამოითხოვა აღნიშნული კანონპროექტი. 1900 წ. პირველ მაისს იმპერატორმა ნიკოლოზ II დაამტკიცა კანონპროექტი ამიერკავკასიის 5 გუბერნიის სახელმწიფო გლეხთა მიწათმოწყობის შესახებ, მაგრამ იგი ყარსის ოლქის, ბათუმისა და ართვინის ოკრუგების საადგილმამულო საკითხს არ ეხებოდა.⁸ პეტერბურგის საიმპერატორო კარზე, მთავრობის უმაღლეს ინსტანციებში ერთხელ კიდევ დარწმუნდნენ, რომ აქაური მიწების ხაზინის საკუთრებაში მოქცევა იოლი არ იყო.

1905-07 წლების რევოლუციამ მთავრობაზე საგრძნობი გავლენა მოახდინა გამოსვლებით დამფრთხალი კავკასიის მეფისნაცვალი ეორონცოვ-დაშკოვი ლიბერალიზმის ნიღაბში გაეხვია. ეს კარგად ჩანს მისი 1907 წ. 10 თებერვლის „უქვეშევრდომილეს“ ვრცელი წერილიდანაც, რომელიც პეტერბურგში გაგზავნა მან გააკრიტიკა კავკასიის წინანდელი სამხარეო ადმინისტრაცია ბათუმისა და ყარსის ოლქებში საადგილმამულო საკითხის გადაწყვეტისას მკვიდრი მოსახლეობის უფლებებისა და მოთხოვნების უგულვებელყოფის გამო, აღიარებდა, რომ ამ პოლიტიკამ ადმინისტრაციის მიმართ უკმაყოფილება, ეჭვები და უნდობლობა გამოიწვია.

ეორონცოვ-დაშკოვი მთავრობისაგან მოითხოვდა ენოთ ბათუმისა და ყარსის ოლქების მოსახლეობის მფლობელობაში მყოფი მიწები მათსავე საკუთრებად. მოსახლეობას უნდა დაბრუნებოდა სახელმწიფო სახაზინო უწყების მიერ წართმეული ადგილმამულიც, თუ იგი უცხოელ მოახალშენეებს არ ჰქონდათ დაკავებული მიწების საკუთრებაში დამტკიცების საფუძველი იქნებოდა ხანდაზმულობითი საერო მფლობელობა.⁹

1907 წელს კავკასიის მეფისნაცვლის კანცელარიაში ბათუმისა და ყარსის ოლქების მოსახლეობის მიწათმოწყობის შესახებ კიდევ ერთი (რიგით მეორე)

⁶ Антелава И.Г., Реформа поземельного устройства Государственных крестьян Закавказья в конце XIX века (документы и материалы). Сух., 1952, с. 70-71.

⁷ სკსსა, ფ. 231, ან. 1, ს. 196, ფურც. 2-22; ი. თურმანიძე, დასახ. ნაშრ., გვ. 86.

⁸ Антелава И.Г., Государственные крестьяне Грузии в XIX веке, т. II, Тб., 1962, с. 215.

⁹ Сельское хозяйство и аграрные отношения. т. IV, составил проф. Гугушвили П.В., Тб., 1955, с. 86-87.

კანონპროექტი შეიმუშავეს, რომელზეც რევოლუციის გაელენა აშკარად იგრძნობოდა. კანონპროექტი ითვალისწინებდა ადგილობრივი მოსახლეობის, მოახალშენეებისა და იურიდიული პირებისათვის ადგილ-მამულების კერძო საკუთრებაში დამტკიცებას. მიწების გამოყოფა და გამოიჯენა სასამართლო მოხელეებს ევალებოდათ.¹⁰

რევოლუციის დამარცხების შემდეგ ვორონცოვ-დაშკოვმა ლიბერალიზმის ნიღაბი გადაიძრო და 1907 წლის კანონპროექტს მსუელელობა აღარ მისცა, ახალ კანონპროექტში, რომელიც 1910 წელს შეადგინეს, იგი აღარ მოითხოვდა ადგილობრივი მოსახლეობის საკუთრებაში ადგილ-მამულების უსასყიდლოდ დამტკიცებას.¹¹

გადამუშავებული კანონპროექტი კავკასიის მეფისნაცვლის საბჭომ 1912 წ. 18 აპრილს განიხილა. იგი მოიწონეს და დასამტკიცებლად პეტერბურგში გადააგზავენს. კანონპროექტი ითვალისწინებდა 1912 წ. პირველი იანვრიდან ბათუმისა და ყარსის ოლქების მოსახლეობას საკუთრებაში უნდა დამტკიცებოდა მათ მფლობელობა-სარგებლობაში არსებული ადგილ-მამულები: კარ-მიდამო, სახნავ-სათესი მიწები, ხე-ხილის ბაღები, ვენახები, სათიბ-საძოვრები, ადგილობრივი მნიშვნელობის ტყეები, რომლებსაც ისინი მანამდე იყენებდნენ. მომთაბარე მოსახლეობას (ქურთები, ბოშები და სხვ.) უფლება ეძლეოდა იჯარით აეღო საძოვრები, ადგილობრივი მოსახლეობის თანხმობით.

კანონპროექტი მოითხოვდა მიწების გამოიჯენას, მიწათდაქსაქსულობის მოსპობას და სხვ. ბათუმისა და ყარსის ოლქების მოსახლეობას მიწების საკუთრებაში დამტკიცებისათვის 28 წლის განმავლობაში უნდა ეხსადა გამოსასყიდი თანხა (წლიურად 18 ათასი მანეთის ოდენობით).¹² ჩვენი გაანგარიშებით, 28 წლის მანძილზე გამოსასყიდ თანხას 517440 მანეთი უნდა შეედგინა გარდა ამისა, მოსახლეობას დაეკისრა მიწათმოწყობაზე გაწეული ხარჯები (დესეტინაზე 50 კაპიკის ოდენობით).

ბათუმისა და ყარსის ოლქების მოსახლეობა საადგილმამულო საკითხის ამგვარ გადაწყვეტას არ დაეთანხმებოდა მოსახლეობის განწყობა კარგად იცოდნენ ადგილობრივ მმართველობაშიც და საიმპერატორო კარზეც. ბათუმის ოლქის სამხედრო გუბერნატორი კავკასიის მეფისნაცვლისადმი გაგზავნილ მიმართვაში აღნიშნავდა, რომ კანონპროექტში გათვალისწინებული არ იყო მიწათმფლობელობის ფაქტობრივი მდგომარეობა. იგი მოახალშენეებს იცავდა და მოითხოვდა მათ მფლობელობა-სარგებლობაში არსებული მიწების საკუთრებაში დამტკიცებას.¹³ ბათუმის ოლქის სამხედრო გუბერნატორის აზრი პეტერბურგში უმაღლეს ხელისუფლებას აცნობეს, მაგრამ დოკუმენტების შესწავლა-განხილვა გაჭიანურდა.

ამასობაში მსოფლიო ომიც დაიწყო და აღნიშნული საკითხი გაურკვეველი დროით გადაიდო. მართალია, ხელისუფლების საადგილმამულო კანონპროექტები პროექტებად დარჩა და განხორციელება არ ეღირსა, მაგრამ ისინი თვალნათლივ გვისურათებს ცარიზმის აგრარულ-კოლონიური პოლიტიკის ხასიათს.

რუსეთის 1917 წლის თებერვლის რევოლუციის შედეგად იმპერიაში აგრარული ურთიერთობის გადაწყვეტის ახალი ეტაპი დაიწყო, მაგრამ ჩვენს რეგიონს ამ მხრივ ცვლილებები ნაკლებად შეეხო. იმპერიის მასშტაბით ერთ-ერთი მნიშვნელოვანი ცვლილება ის იყო, რომ რომანოეების საგვარეულო ადგილ-მამულები სახელმწიფო

¹⁰ სცსა, ფ. 13, ან. 7, ს. 2866, ფურც. 8.

¹¹ იქვე, ფ. 13, ან. 7, ს. 2866, ფურც. 77-78. ა. ბენდიანიშვილი, აგრარული ურთიერთობანი საქართველოში 1890-1917 წლებში, თბ., 1965, გვ. 176.

¹² სცსა, ფ. 13, ან. 7, ს. 2909, ფურც. 116-120.

¹³ იქვე, ფურც. 137-138.

საკუთრებად გამოცხადდა. ასე მოხდა აჭარაშიც. ცარისის დამხობის შედეგად ჩაქვის საუფლისწულო მამული სახელმწიფო საკუთრება გახდა.

სიახლე გახლდათ გ.წ. „მომრიგებელი კამერების“ დაარსება. ისინი მეწარმეებსა და მუშათა შორის სადავო საკითხებს იხილავდნენ. მართალია, მომრიგებელი კამერები ქალაქებში შეიქმნა, მაგრამ ისინი სოფლის მეურნეობის მუშებსაც აერთიანებდნენ. მაგალითად, ჩაქვის სახელმწიფო მამულის მუშებს ბათუმის მომრიგებელ კამერაში 6 კაცი ჰყავდათ.

დროებითი მთავრობა აგრარული საკითხის ძირეულ გადაწყვეტას დამფუძნებელი კრების პრეროგატივად თვლიდა. თუმცა, 1917 წ. ოქტომბრის გადატრიალების შედეგად დროებითი მთავრობა დაემხო და დამფუძნებელი კრების იმედიც გაქარწყლდა. რუსეთის გამოეყო ამიერკავკასია, სადაც შეიქმნა დამოუკიდებელი მთავრობა □ კომისარიატი.

პირველი ნორმატიული აქტი, რომლის საფუძველზე დაიწყო რეფორმები საქართველოში, იყო ამიერკავკასიის კომისარიატის 1917 წ. 17 დეკემბრის დებულება „სახაზინო, ყოფილი საუფლისწულო, საეკლესიო, სამონასტრო, იურიდიული პირებისა და კერძომფლობელური მიწების საადგილმამულო კომიტეტებისათვის გადაცემის შესახებ“. ამ დებულებით 1918 წ. პირველი იანვრიდან უქმდებოდა გლეხთა სანადელო მიწების გამოსყიდვა და ხიზანთა ვალდებულებები, რისთვისაც ხალხი საგლეხო რეფორმის დროიდან იბრძოდა.

დებულება ითვალისწინებდა საეკლესიო, სამონასტრო და იურიდიულ პირთა მიწების კონფისკაციას, აგრეთვე თავადაზნაურებისა და კერძომფლობელთა ნორმაზე მეტი მიწების უსასყიდლოდ ჩამორთმევას. ამ მიწებისაგან საადგილმამულო ფონდი იქმნებოდა, საიდანაც მიწებს მცირემიწიანი და უმიწაწყო გლეხები მიიღებდნენ.¹⁴

ამიერკავკასიის სეიმის 1918 წ. 7 მარტის კანონით დაწესდა კერძომფლობელთა და მემამულეთა მიწების ნორმები. იგი 7-დან 40 დესეტინამდე აღწევდა კერძოდ, ძირფასი სასოფლო-სამეურნეო კულტურების რეგიონებში ნორმა 7 დესეტინით განისაზღვრა, მარცვლეულის რაიონებში - 15, ხოლო მესაქონლეობის რაიონებში - 40. ადგილობრივი საადგილმამულო კომიტეტების გადაწყვეტილებით ამ ნორმების გაზრდაც შეიძლებოდა.¹⁵ ამავე დროს უნდა განხორციელებულიყო მემამულეთა სამეურნეო ინვენტარის რეკვიზიცია, თუ იგი მათთვის საჭირო აღარ იქნებოდა.

ამიერკავკასიის სეიმის 1918 წ. 23 თებერვლის დადგენილებით აიკრძალა მიწის ყიდვა-გაყიდვა. პრაქტიკულად ეს აქტი მიწაზე კერძო საკუთრების გაუქმებას მოასწავებდა. ეს რეფორმები აგრარული ურთიერთობის მოწესრიგების გზაზე წინგადადგმული ნაბიჯი იყო. ამ ღონისძიებათა შედეგად გლეხობის მიწათმფლობელობა საგრძნობლად გაუმჯობესდა. საბოლოოდ მოისპო ბატონყმობის ნაშთები, მაგრამ კვლავაც გადაუჭრელი დარჩა მრავალი მწვავე პრობლემა. მცირემიწიან ქვეყანაში გლეხობა მიწის სიმცირეს ისევე მწვავედ განიცდიდა.

საქართველოს დემოკრატიული რესპუბლიკის მთავრობამ მემკვიდრეობად მიიღო ამიერკავკასიის მთავრობისა და პარლამენტის საკანონმდებლო აქტები, რომლებშიც რიგი ცვლილებები შეიტანა. საქართველოს პარლამენტის 1919 წ. 28 ივნისის კანონით მიწაზე კერძო საკუთრება შემოიღეს.

საადგილმამულო ფონდიდან მიწები გლეხობას, გარკვეული საფასურით, კერძო

¹⁴ გაზ. „ერთობა“, 19 დეკემბერი, 1917.

¹⁵ გაზ. „ერთობა“, 10 მარტი, 1918.

საკუთრებაში ეძლეოდა. ამასთან, საქართველოს დემოკრატიული რესპუბლიკის პარლამენტმა 1920 წ. თებერვალში გააუქმა ამიერკავკასიის სეიმის 1918 წ. 23 თებერვლის კანონი „მიწის ყიდვა-გაყიდვის აკრძალვის შესახებ“. ეს ღონისძიებები პასუხობდა გლეხობის ინტერესებსაც და ამავე დროს ქმნიდა სოფლად კაპიტალიზმის განვითარების საფუძველს.

ამიერკავკასიის მთავრობისა და საქართველოს დემოკრატიული რესპუბლიკის აგრარული კანონმდებლობანი აჭარაში პრაქტიკულად არ გატარებულა. 1918 წლის აპრილიდან 1920 წლის 20 იელისამდე აჭარა ოკუპირებული იყო ჯერ ოსმალეთის, შემდეგ კი ინგლისის მიერ. ამ მხარეში შემამუღეთა (აღა-ბეგები) და კაპიტალიზტების მიწები თითქმის ხელუხლებელი დარჩა. ამავე დროს, საქართველოს დემოკრატიული რესპუბლიკის აგრარული საკანონმდებლო აქტებით 1920 წ. მეორე ნახევარში მიწათმფლობელებს კერძო საკუთრებაში დაუმტკიცდათ მათ მფლობელობაში არსებული მამულები და გათავისუფლდნენ გამოსასყიდი თანხისაგან.

ამრიგად, ბათუმის ოლქის მოსახლეობის მიწათმფლობელობა-მიწათსარგებლობის ხასიათი და ფორმები ძირითადად იგივე დარჩა, როგორც ცარიზმის ხელისუფლებამ დატოვა: სახელმწიფო, საუფლისწულო (რომანოვების საგვარეულო), რელიგიური დაწესებულებების (მეჩეთები), საზოგადოებრივი (სოფლის მოსახლეობის საერთო სარგებლობის) და კერძო მფლობელთა საკუთრების მიწები.

აჭარაში მიწის ფონდის ყველაზე მსხვილი მესაკუთრე რუსეთის სახელმწიფო იყო. მან თავის მიზანს მიაღწია - ბათუმის ოლქის მიწები ხაზინის საკუთრებაში შეინარჩუნა, ხოლო ადგილობრივი მოსახლეობა სახელმწიფო გლეხთა დასახლების თანრიგში გადაიყვანა.

სოფლის მოსახლეობის მფლობელობა-სარგებლობაში სავარგულებთან ერთად შედიოდა ადგილობრივი მნიშვნელობის ტყეებიც, რომელიც ოსმალთა ბატონობის ხანაში ცნობილი იყო „ბათალიკის“ სახელწოდებით. ტყის მასივები, რომლებიც მთისა და მთისწინა ტერიტორიაზე მდებარეობდა, სახელმწიფო ხაზინის უშუალო საკუთრებაში რჩებოდა.

ბათუმის ოლქში სახელმწიფო მიწები ორ ნაწილად იყოფოდა: საკომლო-სანადელო და სათემო (სოფლის საერთო სარგებლობის). ყველა ამ მიწას სახელმწიფო ბეგრავდა სადალო გამოსაღებით. XX საუკუნის დასაწყისში ბათუმის ოლქის სოფლის მოსახლეობის მფლობელობა-სარგებლობაში არსებული ყველა სახის მიწა 138341 დესეტინას შეადგენდა (ართენინის ოკრუგში - 74066 და ბათუმის ოკრუგში - 64275 დესეტინა).¹⁶

სოფლის სათემო მიწებში შედიოდა ადგილობრივი მნიშვნელობის ტყეები, საძოვრები, ძირითადად ე.წ. „იალაღები“ (საწაფხულო) და „ყიშლაღები“ (საშემოდგომო). ამ სახის საძოვრები, მეტწილად, ზემო და ქვემო აჭარაში, მაჭახელში, შავშეთ-იმერხეეში, არტანუჯში, ლივანასა და ოლთისში იყო. საკუთრების ეს ფორმა ძველი დროიდან მომდინარეობდა.

მოსახლეობის საკომლო-სანადელო მიწებში შედიოდა როგორც სავარ-გულები (სახნავ-სათესი, სათიბ-საძოვრები, ბაღ-ვენახები, ტყე), ისე უვარგისი მიწებიც, მაგრამ ჭარბობდა სავარგულები. 1917 წ. აღწერით საკომლო ნადელებში უვარგისი მიწებს 177 დესეტინა ეკავა (175 დესეტინა - ქვემო აჭარაში, ხოლო 2 დესეტინა - ცენტრის

¹⁶ КК на 1907 год, Тиф., 1906, с. 22-23.

საპოლიციო უბანში). ბათუმის ოლქში მოსახლეობის მიწათმფლობელობის შესახებ წარმოდგენას გეიქმნის I ცხრილში მოყვანილი მონაცემები.¹⁷

ცხრილი I

ბათუმის ოლქის მოსახლეობის საკომლო-სანადგლო სავარგულები
ოკრუგებისა და უბნების მიხედვით (დეცეტინობით)

ადმინისტრაციული ერთეული	1890 წ.		1917 წ.	
	კომლკები	სავარგულები	კომლკები	სავარგულები
კინტრიშის საპოლიციო უბანი	1159	5862	2922	8818
გონიოს	1901	3341	907	2844
ქვემო აჭარის	2563	3530	2242	2185
ზემო აჭარის	2609	7491	3027	4471
საშუალოდ ბათუმის ოკრუგში	8232	20224	9098	18316
ართეინის საპოლიციო უბანი	1733	2011	617	262
არტანუჯის	2319	4294	843	483
შაეშეთ-იმერხევის	2693	5791	3347	13459
საშუალოდ ართეინის ოკრუგში	6745	12096	4807	14204
სულ ბათუმის ოლქში	14977	32320	13905	32520

ამ მონაცემების მიხედვით, ბათუმის ოკრუგში თითო კომლზე 1887 წელს საშუალოდ მოდიოდა 2,5 დეცეტინა, ხოლო 1917 წელს – 3,0 დეცეტინა. ართეინის ოკრუგში 1,8 და 1,4 დეცეტინა ცელილებები საკომლო-სანადგლო მიწათმფლობელობაში ძირითადად განპირობებულია მოსახლეობის მიგრაციით. XIX ს. 80-იან წლებში ბათუმის ოლქიდან მოსახლეობის მნიშვნელოვანი ნაწილი ე.წ. მუჰაჯირობაში წავიდა კინტრიშის საპოლიციო უბნიდან. პირველი მსოფლიო ომის წლებში მოსახლეობის მიგრაციას ადგილი ჰქონდა გონიოს საპოლიციო უბანში (ბათუმის ოკრუგი), ართეინისა და არტანუჯის საპოლიციო უბნებში (ართეინის ოკრუგი).

ბათუმის ოლქში გლეხური კომლისა და თითო სულის საკომლო-სანადგლო მიწები 8-ჯერ ნაკლები იყო, ვიდრე თბილისის გუბერნიაში. გამონაკლისი იყო კინტრიშის საპოლიციო უბანი, სადაც 1890 წ. თითო კომლზე საშუალოდ 5 დეცეტინა სავარგული მოდიოდა.¹⁸

სანადგლო მიწები უთანაბროდ იყო განაწილებული. საუკეთესო სავარგულებს ფლობდნენ სოფლის შექმნული გლეხები (აღები). მაგალითად, 1896 წ. ცნობით, სოფელ ხუცუბანში (კინტრიშის უბანი) ყველა სახის სავარგული 550 დეცეტინას ითვლიდა. აქედან 50 დეცეტინა ტყეს ეკავა და სათემო საკუთრებას შეადგენდა დანარჩენი კი, როგორც ნადელები, 48 კომლს შორის იყო განაწილებული. მათგან ორი ოჯახი – ოსმან და ხასან ნაკაიძეები - 265 დეცეტინას, ე.ი. სოფლის მთლიანი

¹⁷ ცხრილი შედგენილია: სცსსა, ფ. 229, ან. 2, ს. 674, ფურც. 284-289; ამხგ, ს. 216, ფურც. 53-59.

¹⁸ გამოთვლილია: სცსსა, ფ. 229, ან. 2, ს. 674, ფურც. 283; KK на 1899 год, с. 30-31.

სანადელო მიწების 53% ფლობდა.¹⁹

XX საუკუნის დამდეგს კახაბრის ველის ხუთ სოფელში (მინდია, ადლია, თოფანოვლი, ანგისა, ხელვაჩაური) ყველა სახის მიწა 697 დესეტინას შეადგენდა. აქედან 582 დესეტინა, ე.ი. საერთო ფართობის 83,5% პრივილეგირებულ ოჯახზე (ალაბეგები) მოდიოდა. 198 გლეხის ოჯახზე კი 115 დესეტინა ნაწილდებოდა (თითო კომლზე საშუალოდ 0,58 დესეტინა).²⁰ მეტ-ნაკლებად ასეთივე მდგომარეობა იყო სხვა სოფლებშიც.

კიდევ უფრო მძიმე მდგომარეობაში იყვნენ ხიზნები. ბათუმის ოლქში ხიზნების ორი კატეგორია არსებობდა: ადგილობრივი (ქართველები) და სხვა მხარეებიდან შემოხიზნულები. მათი ნაწილი მოჯამაგირე იყო, ხოლო დანარჩენები - მოიჯარე. ქართველი ხიზნების ზუსტი რიცხვის დადგენა არ ხერხდება, თუმცა, ერთი ცნობით, 900-იან წლებში აჭარაში (ბათუმის ოკრუგი) 750 კომლი (5200 სული) უმიწაწყო იყო და მოჯამაგირეობით ირჩენდა თავს. 1803 კომლი (12621 სული) მიწის მოიჯარეა.²¹ ფაქტობრივად, ისინი შეხიზნული იყვნენ კაპიტალისტების და ალაბეგების მამულებში, ან სახაზინო მიწებზე სახლობდნენ. ხიზანთა კატეგორიაში ირიცხებიან ქურთები, ბერძნები და ბოშები. XIX ს. 80-იანი წლების ბოლოს მათი რიცხვი 521 ოჯახს ითვლიდა. მათ შორის იყო: ქურთების - 309 კომლი, ბერძნების - 158, ხოლო ბოშების - 54 კომლი. ბერძნები დასახლებული იყვნენ კინტრიშის საოლღიციო სოფლებში (აჭყვა, დაბვა, კვირიკე, ბობოყვათი), აგრეთვე ორთაბათუმში, ყოროლისთავში, ახალშენში; ბოშები - ართვინის ოკრუგში, ხოლო ქურთები - კახაბრის ველზე, ჩაქეში და ართვინის ოკრუგში. ისინი სოფლის საზოგადოების წევრებად არ ირიცხებოდნენ, საკომლო ნადელებიც არ ჰქონდათ და საადგილმამულო გადასახადს (აშარს) არ იხდიდნენ. ქურთები და ბოშები ძირითადად მომთაბარეობდნენ, შესაქონლეობას მისდეოდნენ და იყენებდნენ როგორც საზაფხულო, ისე საზამთრო საძოვრებს.²²

უმიწო და მცირემიწიანი გლეხებისათვის მიწის იჯარას არსებითი მნიშვნელობა ჰქონდა რეგიონში გამოიყენებოდა როგორც მოკლევადიანი, ისე გრძელვადიანი იჯარა. არენდატორები იყვნენ: ხაზინა, ალაბეგები, მემეთები, საუფლისწულო უწყება და სოფლის ბურჟუაზია (მოახალშენები). ბათუმის ოლქში გაერცელებული იყო იჯარის ორივე ფორმა - ნატურალურიც და ფულადიც. ფორმის ამორჩევა დამოკიდებული იყო არენდატორზე. ხაზინა და კაპიტალისტები მიწებს ფულად იჯარაზე გასცემდნენ, ხოლო მემამულეები (ალაბეგები) - ძირითად ნატურალურ შემოსავალზე ნატურალურ იჯარაზე გაიცემოდა სათიბები, საძოვრები და სახნავი მიწები. მაგალითად, ხიმშია-შვილები საძოვრებზე საიჯარო ქირას მეცხოველეობის პროდუქტებით ახდევინებდნენ.

მიწებზე იჯარის ოდენობა დამოკიდებული იყო მის ვარგისიანობაზე და მემამულეებზე მიწას სანახევრო, მესამედ და მეოთხედ საიჯარო ქირაზე აძლეოდნენ.²³

უფრო მეტად მონახევრობა იყო გაერცელებული. 1899 წ. იგი ყველაზე მეტად მეთამბაქულობაში გამოიყენებოდა.²⁴ სანახევროდ საიჯარო მიწებს იღებდნენ როგორც ქართველი გლეხები (ადგილობრივი და თურქეთიდან გადმოსული ლაზები), ისე

¹⁹ აცსა, ფ. 24, ს. 6, ფურც. 10.

²⁰ 1905 წელი. ბარჯიკობა ბათუმში (მოგონებათა კრებული), ბათ., 1925, გვ. 87.

²¹ ამხე, ს. 208, ფურც. 17.

²² სცსსა, ფ. 229, ანაწ. 2, ს. 674, ფურც. 3-4.

²³ Тимофеев С.Н. Сельско-хозяйственный очерк Батумской окрестности. - «Батумь и его окрестности», Бат., 1906, с. 218.

²⁴ ქუთაისის ცხია, ფ. 130, ს. 166^ბ, ფურც. 7.

არაქართველებიც (სომხები და სხვ).²⁵

ყველაზე დიდი არენდატორი სახელმწიფო ხაზინა იყო. მის საიჯარო ფონდში, ძირითადად, თავისუფალი (დაუსახლებელი) ადგილ-მამულები და მუჰაჯირების მიწები შედიოდა. ეს უკანასკნელი სახნავე და საბაღე მიწების, აგრეთვე, საცხოვრებელი და სამეურნეო ხასიათის შენობებისაგან შედგებოდა.

ბათუმის ოლქის მუჰაჯირთა მამულების ზუსტი აღრიცხვა სიძნელეებთანაა დაკავშირებული. ეს იმით აიხსნება, რომ ემიგრაციას განუწყვეტელი ხასიათი ჰქონდა მიუხედავად ამისა, არსებული არასრული მასალები მუჰაჯირთა მიწების ოდენობის შესახებ გარკვეულ წარმოდგენას გეიქმნის.

მაგალითად, XIX ს. 90-იან წლებში ჩაქვისწყლის ხეობის ხუთ სოფელში (დიდი ჯამე (ჩაისუბანი), გორგაძეები, სახალეაშო, ხალა, ჩაქვისთავე) ამ კატეგორიის ადგილ-მამულები 1300,²⁶ ორთაბათუმში - 62,²⁷ ართიინის საპოლიციო უბანში - 190 (მათ შორის მურღულის ხეობაში - 133) დესეტინას ითვლიდა.²⁸ ამგეადად, ამ სოფლებში მუჰაჯირთა მამულები ერთად აღებული 1552 დესეტინას შეადგენდა.

მუჰაჯირების მიწები, როგორც ცნობილია, ნატურალური იჯარით სოფლის სასოფადოებებს გადასცეს, შენობებსა და ბაღ-ბოსტნებს, წინანდებურადვე, ფულადი იჯარით აძლევდნენ.²⁹

მიწები ნაკლებად ხვდებოდა ღარიბი გლეხობის ხელში. ისინი უპირატესად შეძლებული ფენების, ვაჭარ-მრეწველების მფლობელობაში ექცეოდა ეს უკანასკნელნი კი მეორადი იჯარით ღარიბ გლეხებზე გასცემდნენ. 1887 წ. კინტრისის საპოლიციო უბანში ხაზინამ იჯარით გასცა მუჰაჯირთა 539 ნაკეთი, სულ 1141 დესეტინა მათგან 793 დესეტინა (70%) აიღეს მოახალშენებმა (589 დეს.) და სოფლის შეძლებულმა ფენებმა (195 დეს.).³⁰ მათ კი ეს მიწები, მაღალ საიჯარო ფასებში, მცირემიწიან და უმიწაწყლო გლეხებზე გასცეს. ადგილ-მამულების მიწათმოქმედებისა და სახელმწიფო ქონების სამინისტროს სისტემაში გადასვლის შემდეგ მიწის საიჯარო საქმე კიდევ უფრო დამძიმდა. მეორადი იჯარა გაიზარდა, თანაც, მიწის ფასიც გადიდდა, საიჯარო ურთიერთობაში ფართოდ გავრცელდა სპეკულაცია.

მოვლენების ასეთმა განვითარებამ ბათუმის საოლქო ადმინისტრაციაც დააფიქრა, რამდენადაც იგი გლეხთა მოძრაობას აძლიერებდა. რეველუციით შეშინებული ბათუმის ოლქის გუბერნატორი 1906 წ. აღიარებდა, რომ ღარიბი გლეხობა მუჰაჯირების მიწებითა და სხვა უძრავი ქონებით ვერ სარგებლობდა. ამ მიწებს ისეთი პირები იღებენ, რომლებიც სოფლის საზოგადოების წევრებად არ ირიცხებიან და იჯარით აღებული მიწებით სპეკულაციას ეწევიან.³¹

საიჯარო მიწები კელაეც ხელიდან ხელში გადადიოდა. 1911 წ. „ბათუმის გაზეთი“ წერდა: „მიწას საესებით არსად არ ფლობს ის, ვინც მასზე შრომობს“.³²

ბათუმის ოლქში მემამულეთა (ალა-ბეგების) მიწათმფლობელობამ საგრძნობი ცვლილებები განიცადა, რაც აისახა, უწინარესად, მათი მამულების შემცირებაში,

²⁵ «Русские субтропики», №2, 1914, с. 21.

²⁶ სცსა, ფ. 351, ს. 8, ფურც. 7.

²⁷ აცსა, ფ. 22, ს. 36, ფურც. 70-71.

²⁸ სცსა, ფ. 12, ან. 11, ს. 2011, ფურც. 118, 122-123; ფ. 13, ან. 7, ს. 2805, ფურც. 7.

²⁹ სცსა, ფ. 12, ან. 10, ს. 162, ფურც. 16-17.

³⁰ აცსა, ფ. 22, ს. 36, ფურც. 70-74; დაჯამებულია და პროცენტა გამოთვლილია ავტორის მიერ.

³¹ სცსა, ფ. 231, ან. 1, ს. 387, ფურც. 10-11.

³² „ბათუმის გაზეთი“, 1911, №55.

ზოგიერთი მათგანის სახელმწიფო დასახლების თანრიგადან მიწის კერძომფლობელთა კატეგორიაში გადასვლაში, მეურნეობის რაციონალურად მოწყობაში.

1897 წ. აღწერით ბათუმის ოლქში მემამულეები (ორივე სქესის) 984 სულს ითვლიდა, რაც მოსახლეობის 1,1% იყო.³³ ამავე აღწერით არტაანისა და ოლთისის ოკრუგებში (ყარსის ოლქი) მათი რიცხვი 277 სულს, ე.ი. მოსახლეობის 0,3% შეადგენდა.³⁴ თუ ჩათვლით, რომ თითო ოჯახში საშუალოდ 5 სული იყო, მაშინ ბათუმის ოლქში მემამულეთა კომლი ორასამდე, ხოლო არტაანისა და ოლთისის ოკრუგებში – ორმოცდაათამდე აღწევდა.

მცირერიცხოვნების მიუხედავად, მემამულეთა მფლობელობაში რჩებოდა მიწების მნიშვნელოვანი ნაწილი. იგი სახელმწიფოს შემდეგ ყველაზე მსხვილი მიწის-მფლობელი იყო, თუმცა, რუსეთის მთავრობა აქაურ ალა-ბეგებს მიწის კერძო მესაკუთრეებად არ ცნობდა. ისინი სოფლის საზოგადოებისაგან გამოცალკავებულიც არ ყოფილან და თავიანთი საკრებულოებიც არ გააჩნდათ, როგორც ეს თბილისისა და ქუთაისის გუბერნიების თავადაზნაურობას ჰქონდა.

ცარიზმის ხელისუფლებასა და მემამულეებს შორის დაპირისპირება ადგილ-მამულეების კერძო საკუთრებაში იურიდიულად დაკანონებისათვის წლების მანძილზე გრძელდებოდა. ამ ბრძოლის შედეგად ალა-ბეგების ერთმა ნაწილმა ადგილ-მამულეები კერძო საკუთრებაში დაიმტკიცა უმრავლესობამ ეს ვერ შეძლო, თუმცა, მოსარგებლის უფლებით მიწები მაინც შეინარჩუნა.

მიწის ფართობის მიხედვით მემამულეები ოთხ ჯგუფად იყოფოდა: უმსხვილესი (500 დესეტინას ზევით), მსხვილი (100-დან 500 დესეტინამდე), საშუალო (25-დან 100 დესეტინამდე), წერილი (25 დესეტინამდე).³⁵

რუსეთის მფლობელობის პერიოდში მსხვილ მიწათმფლობელებად ხიმშიაშვილების საგვარეულო დარჩა. მათი ადგილ-მამულეები ბათუმის, ართვინისა და არტაანის ოკრუგებში მდებარეობდა. ამ საგვარეულოდან ყველაზე მეტი მამული შერიფ ხიმშიაშვილს ჰქონდა. ბათუმის ოლქის შემოერთებისთანავე რუსეთის მთავრობამ შერიფ ხიმშიაშვილს მიწები კერძო საკუთრებაში დაუმტკიცა. მდგომარეობა შეიცვალა 1881 წ. ალექსანდრე III-ის გამეფების შემდეგ. ახალმა ხელისუფლებამ ხიმშიაშვილებს ადგილ-მამულეები ჩამოართვა და სახელმწიფო საკუთრებად გამოაცხადა. შერიფ-ბეგს კერძო საკუთრებაში 16 დესეტინა დაუტოვეს.³⁶ ჩამოართვეს, აგრეთვე, ხულოს მეჩეთზე მიწერილი სოფლების საეაყუფო შემოსავალი, რომელიც წელიწად 300 მანეთს შეადგენდა. ამიერიდან აღნიშნული თანხა ხაზინაში შედიოდა.³⁷

შერიფ ხიმშიაშვილი და მისი შთამომავლობა ამის გამო დიდხანს დაობდა მხოლოდ ნიკოლოზ II, 1912 25 აპრილის ბრძანებით, შერიფ ხიმშიაშვილის მემკვიდრეებს კერძო საკუთრებაში 8296 დესეტინა მიწა დაუმტკიცა აქედან ზემო აჭარაში - 5834 დესეტინა, ხოლო არტაანის ოკრუგში (ფოცხოვის უბნის სოფლები ურო და ალაგუზ-ყარაბახი) - 2462 (მათგან: სახნავი და ბაღები 347, ტყეები - 1870, ხოლო საძოვრები და საბალახოები (სათიბი) - 6078 დესეტინა).³⁸ ხიმშიაშვილების მთავარი

³³ Первая всеобщая перепись населения Российской империи 1897 года. Кутагская губерния. С-Пб., 1905, с. 38-39.

³⁴ Первая всеобщая перепись населения Российской империи 1897 года. Карская область. С-Пб., 1904, с. 2.

³⁵ აანთელავი, დასახ. ნაშრ. - საქართველოს ისტორიის ნარკვევები, ტ. V, თბ., 1970, გვ. 526.

³⁶ სცსა, ფ. 13, ან. 7, ს. 2820, ფურც. 55, აქარის სახელმწიფო მუზეუმის შრომები, ტ. III, ბათ., 1963, გვ. 52.

³⁷ სცსა, ფ. 12, ან. 10, ს. 2026, ფურც. 17, 35.

³⁸ იქვე, ფ. 13, ან. 7, ს. 2820, ფურც. 103.

რუსიდან (ცია ხულოსა და სხალთაში მდებარეობდა, ხოლო საზაფხულო აგარაკები - ბეშუმსა და ქონახში (სოფელი ბაკი). მართალია, შეროფ ხიმშიაშვილის გარდაცვალების შემდეგ მისი მამული შეიღებს შორის გაიყო, მაგრამ ისინი მაინც მსხვილ მემამულეებად რჩებოდნენ.

აბაშიძეების მიწები, საკარმიდამოს გამოკლებით, XIX ს. 80-იან წლებში გამოიჯნული არ იყო; მაშინ ბათუმსა და მის შემოგარენში აბაშიძეების სამი ოჯახი სახლობდა (სალიხის, ხუსეინის, იბრაიმის). 90-იან წლებში მათი მემკვიდრეები, ბათუმისა და კინტრისის საუბრო სასამართლოების სიტყვიერი განაჩენით, ადგილმამულების გამოიჯნას ახდენენ. ეს მიწები ქალაქ ბათუმში, ს. ურეხისა და ს. ანგისაში მდებარეობდა, სულ 1500 დესეტინა, აქედან ანგისაში - 700, ურეხში - 229, ხოლო ბათუმში - 500 დესეტინამდე.³⁹

აბაშიძეებმა მიწების გაყიდვა დაიწყეს. ბათუმში მათ 470 დესეტინა პოლიკონიკ იასონ იოსელიანს მიჰყიდეს მათგან 60 დესეტინა ნავსადგურის ტერიტორიაზე მდებარეობდა, დანარჩენი კი ქალაქის გარეთ იყო.⁴⁰ სოფლების ურეხისა და ანგისის მიწების ნაწილი ა. მიქელაიშვილმა და ი. შარაშენიძემ შეიძინეს.⁴¹

რუსეთის მთავრობა აბაშიძეებს ამის გამო ედაუებოდა. 1895-1898 წლებში ქუთაისის საოკრუგო სასამართლოსა და თბილისის სასამართლო პალატაში აბაშიძეების ადგილ-მამულების საკითხი რამდენჯერმე განიხილეს.⁴²

მიწების გაყიდვის შედეგად აბაშიძეების საგვარეულო მამულები მნიშვნელოვნად შემცირდა. საგვარეულოს გაყოფისა და მიწების გამოიჯნვის გამო ისინი მსხვილი მიწათმფლობელების რანგიდან საშუალო მემამულეებად გადაიქცნენ. მაგალითად, 1905 წ. დურსუნ აბაშიძე 42,5 დესეტინას ფლობდა, შემდეგ აბაშიძე - 38,5, ფეიზ აბაშიძე - 33,3, რიზა და ზია აბაშიძეები - 200 დესეტინას.⁴³ რაც შეეხება ქობულთელ სანჯაყ ბეგ თავდგირიძეებს, ისინი 1878 წ. მუდმივ საცხოვრებლად ოსმალეთში გადაიხვეწნენ და მათი ადგილ-მამულები რუსეთის სახაზინო საკუთრებაში გადავიდა.

მსხვილ მიწათმფლობელებად ითვლებოდნენ ჩაქელი ბეჟანიძეები, მათი მამული ჩაქის ხეობასა და ბათუმის შემოგარენში (ყოროლისწყლის შესართავი) მდებარეობდა. მშობლიურ კერაზე აჭარის დაბრუნებისას ბეჟანიძეების მიწები 500 დესეტინამდე აღწევდა და სამი ოჯახისაგან შედგებოდა (ხუსეინი, ფერათი, მემედი). მომდევნო ხანაში ბეჟანიძეების მამულები შემცირდა იმის შიშით, რომ ადგილ-მამულებს დაკარგავდნენ, მათ გაყიდეს მიწების ნაწილი (მაგალითად, 1878-1881 წლებში 123 დესეტინა უცხოელ მოახალშენ დაღფონს მიყიდეს).⁴⁴

1892-1894 წლებში ბეჟანიძეების მიწების გარკვეული ნაწილი პოპოვმა და საუფლისწულო უწყებამ შეისყიდეს. 1895 წ. ჩაქის ხეობაში ბეჟანიძეების საკუთრებაში 279 დესეტინა რჩებოდა მათგან საძოვარ-საბალახოები, სახნავი და ბაღები 157, ტყეები - 104, ხროკი მიწები - 18 დესეტინას შეადგენდა.⁴⁵

საშუალო მემამულეთა ჯგუფში ირიცხებოდნენ აჭარელი ბიბინიშვილები, შერვაშიძეები, შავშეთ-იჩერხეველი ხიმშიაშვილები. მაგალითად, 900-იან წლებში

³⁹ იქვე, ფ. 229, ან. 2, ს. 1276, ფურც. 21; ამხფ. ს. 64, ფურც. 69.

⁴⁰ სცსა, ფ. 229, ან. 2, ს. 1276, ფურც. 21.

⁴¹ ამხფ. ს. 64, ფურც. 69-75.

⁴² იქვე.

⁴³ სცსა, ფ. 13, ან. 10, ს. 604, ფურც. 27, 37-38.

⁴⁴ იქვე, ფ. 229, ან. 1, ს. 48, ფურც. 5.

⁴⁵ იქვე, ფ. 351, ს. 16, ფურც. 58.

ბიბინიეშვილების საგვარეულო ერგესა და ხელეჩაურში 150 დესეტინაზე მეტ მიწას ფლობდა.⁴⁶

თუფან-ბეგ შერეაშიძეს მიწები ჰქონდა აჭარის სოფლებში (ოქტომბერი, ორცვა, მახუნცეთი, ზენდიდი, ქედა), მათი მამულები რამდენიმე ასეულ დესეტინას აღწევდა. ხიმშიაშვილების საგვარეულოდან შავშეთ-იმერხეში ფიგურირებდნენ სელიმ-ბეგი და ნური-ბეგი. თითოეული ათეულობით დესეტინა მიწას ფლობდა.

შავშეთ-იმერხეში, ლივანასა და არტანუჯში წერილ მემამულებს მიეკუთვნებოდნენ ამაბაგ ჯაყელების შთამომავლები. ამ საგვარეულოდან შავშეთ-იმერხეში 900-იან წლებში ოთხი ოჯახი (ზექერიას, ფუათის, მურთაზის, შერიფის) სახლობდა.⁴⁷ მათ ძველი დიდება და მამულები აღარ გააჩნდათ, ქონებრივად აღებს უტოლდებოდნენ, თუმცა ბეგების წოდება ჰქონდათ.

ერთ-ერთი ყველაზე საყურადღებო ცელილება, რაც ოლქის საადგილმამულო ურთიერთობაში მოხდა, იყო მიწის მესაკუთრეთა ახალი კლასის – სოფლის ბურჟუაზიის წარმოქმნა. პროცესი შედარებით ხანგრძლივად, თანაც წინააღმდეგობრივად, ადგილობრივ მიწისმფლობელებს, არაქართველ მოახალშენებსა და რუსეთის მთავრობას შორის დაპირისპირებისა და ბრძოლის პირობებში მიმდინარეობდა.

მიწისმფლობელთა ახალი ჯგუფი არაქართველი მოახალშენებია, ძირითადად რუსები, აგრეთვე სომხები, ბერძნები, ფრანგები, იტალიელები, გერმანელები, თურქები. სოციალური მდგომარეობით მოახალშენები ეკუთვნოდნენ სავაჭრო-სამრეწველო ბურჟუაზიას, მემამულებს და ნაწილი რუსეთის სახელმწიფოს მაღალი ჩინის მოხელები იყვნენ.

პირველმა მოახალშენებმა მიწები XIX ს. 70-80-იანი წლების მიჯნაზე შეისყიდეს. ისინი ზღვისპირეთით დაინტერესდნენ, რამდენადაც აქ სამეწარმეო საქმიანობისათვის შედარებით ხელსაყრელი პირობები არსებობდა. 1878-1890 წწ. ნაყოფიერი ადგილ-მამულები აქ 25 მოახალშენმ შეიძინა (დალფონსი, სოლოვცოვი, უჩინო, სტოიანოვი, ზეიდლიცი, ვაკიე, ლევაშევი, ზურაბოვი, ნესტოროვი, ოლინსკი და სხვ.). ზოგიერთმა შექენილი მამულები შემდეგ გაყიდა.⁴⁸

ბათუმის ოლქში ადგილ-მამულების არაქართველი მოახალშენების ხელში გადასვლა იმპერიის მთავრობის კოლონიურ ინტერესებს პასუხობდა. მთავრობა მათ კიდევაც ახალისებდა. ამასთან, ხაზინის შემოსავლის გაზრდაც აინტერესებდა.

ბათუმის ოლქში ადგილ-მამულებით ვაჭრობამ მასობრივი ხასიათი შეიძინა. ყიდვა-გაყიდვის საბუთებს მყიდველ-გამყიდველები ადგენდნენ, ხოლო სასამართლო-ნოტარიუსი შეუფერხებლად ამტკიცებდა. მაგალითად, მარტო 1892-1896 წლებში სასამართლო-ნოტარიუსის ორგანოებმა ბათუმის ოკრუგში მიწების ყიდვა-გაყიდვის 112 საბუთი დაამტკიცეს.⁴⁹

აჭარის ზღვისპირეთში ადგილ-მამულების შექენით დაინტერესებული იყო ბევრი უცხოელი. მაგალითად, 1894 წ. 200-მდე მოახალშენე მოითხოვდა მიწის ნასყიდობის საბუთის დამტკიცებას,⁵⁰ მაგრამ მათი გაფორმება მხოლოდ ოცამდე პირმა შეძლო. უცხოელების მოზღვაეების გამო, მიწის ფასმა თითქმის 8-10-ჯერ აიწია. თუ XIX ს. 80-იან წლებში დესეტინა მიწის ფასი 200 რუბლი იყო, 90-იანი წლების მეორე

⁴⁶ 1905 წელი, ბარიკადები ბათუმში (მოგონებათა კრებული), გვ. 87.

⁴⁷ აცსა, ფ. 1, ს. 993, ფურც. 1-26.

⁴⁸ სცსა, ფ. 229, ს. 48, ფურც. 20-21; ფ. 243, ან. 5, ს. 263, ფურც. 17.

⁴⁹ იქვე, ფ. 13, ან. 7, ს. 2909, ფურც. 92.

⁵⁰ იქვე, ფ. 13, ან. 7, ს. 2866, ფურც. 8.

ნახევარში კი 900-1200 რუბლამდე გაიზარდა.⁵¹

მართალია, რუსეთის მთავრობა მოახალშენეებს ადგილ-მამულების შექენაში ეხმარებოდა, მაგრამ ამავე დროს სახელმწიფო ხაზინის საღაროს შევსებაზეც ზრუნავდა. ამიტომ მიყვებელი იძულებული იყო ორი პატრინისათვის გადაეხადა საფასური. ამის შესახებ კ. პოპოვი წერდა: ბათუმის ოკრუგში მიყვებელი ორჯერ იხდის ერთი და იმავე მიწის ღირებულებას. პირველად კერძო მიწისმფლობელს უხდის, მეორედ - სახელმწიფოს, მიწათმოქმედებისა და სახელმწიფო ქონებათა სამინისტროს სახით. თანაც ფასები მათ ნება-სურვილზეა დამოკიდებული. მთავრობა მიწის ნახედილობის საბუთს მანამდე არ გააფორმებს, სანამ მიყვებელი გამყიდველს არ დააკმაყოფილებს. მიუხედავად ამისა, მიწის კერძო საკუთრებაზე საბუთს მთავრობა მაინც არ იძლეოდა.⁵²

მართალია, ყარსისა და ბათუმის ოლქებში მიწის საკითხი კანონმდებლობით გადაწყვეტილი არ იყო, მაგრამ რუსეთის მთავრობამ, კოლონიური ინტერესებიდან გამომდინარე, დააჩქარა საკუთრებაში მოახალშენეების ადგილ-მამულების დამტკიცება. ჯერ კიდევ 1895 წ. მიწათმოქმედებისა და სახელმწიფო ქონების მინისტრი კაეკასისის მთავარმართებლისადმი წერილში წინადადებას აყენებდა, რომ ბათუმის ოკრუგში მოახალშენეებისათვის მემკვიდრეობით დაემტკიცებინათ შექენილი ადგილ-მამულები, დესეტინაზე 25 კაპიკის დაბეგერით, ეს უკანასკნელი ამ წინადადებას ხალისით დაეთანხმა.⁵³

ამის შემდეგ, 1898-1902 წლებში, მთავრობის სპეციალური დადგენილებები გამოვიდა, რომლითაც მიწები საკუთრებაში დაუმტკიცეს (წლიურად დესეტინაზე 25 კაპიკის დაბეგერით) ოთხ პიროვნებას - სტოიანოვს, უეინოს, ოპატოს, დალფონსს.⁵⁴ სამეწარმეო საქმიანობისათვის ხელსაყრელი პირობების შექმნის მიზნით მთავრობამ 1902 წ. 11 მარტს ახალი კანონი გამოცდა ამიერიდან კოლონისტებს უფლება ჰქონდათ კაეკასისა და რუსეთის სოფიერთ გუბერნიაში სახელმწიფო მიწები ჯერ იჯარით აეღოთ, შემდეგ კი საკუთრებაში დაემტკიცებინათ, რისთვისაც საეაღდებულო იყო ამ მიწებზე მრავალწლიანი ნარგავების გაშენება და მათი კულტურულ ნაკეთებად გადაქცევა. იჯარის ვადა 5 წლით განისაზღვრა, ხოლო დამუშავებისა - ორით, ამ წესების დამრღვევს მიწის ნაკვეთი ჩამოერთმეოდა.

ამ დროისათვის ბათუმის ოლქის სუბტროპიკულ სონაში ორასამდე ე.წ. კულტურული ნაკვეთი აღირიცხა მთავრობის 1902 წ. 7 ივნისის კანონით მოახალშენეებს მიწები შეიდ სოფელში დაუმტკიცდათ სამემკვიდრეოდ (მწვანე კონცხი, მახინჯაური, განთიადი, სახორი, ჩაქვი, აჭყვა, ბარცხანა), სახელმწიფოს სასარგებლოდ დესეტინაზე წლიურად 25 კაპიკის გადახდით.

1902 წ. 20 ივლისს რუსეთის მთავრობის დამატებითი კანონი გამოვიდა, რომლითაც 7 ივნისის კანონი გაერცვლდა ბათუმის ოლქის კიდევ 13 სოფელზე (ანგისა, ქობულეთი, სოუქსუ, სალიბაური, ურეხი, ხუტუბანი, ჯაიათი, ფერია, ხოლოდნაია სლობოდა, კაპრეშუმი, ორთაბათუმი, ახალშენი, იჯადი).⁵⁵ 1902 წ. 11 მარტის კანონით მოახალშენეებს უფლება ჰქონდათ თავიანთი მამულები კერძო საკუთრებაში მიეღოთ,

⁵¹ Газ. «Черноморский вестник», 18 января, 1897 г.

⁵² იქვე, ფ. 243, ან. 7, ლ. 918, ფურც. 29; სანქტ-პეტერბურგის ცსია, ფ. 560, ან. 26, ლ. 1393, ფურც. 6.

⁵³ სცსსა, ფ. 229, ან. 1, ლ. 1388, ფურც. 25.

⁵⁴ სანქტ-პეტერბურგის ცსია, ფ. 23, ან. 9, ლ. 288, ფურც. 41; სცსსა, ფ. 13, ან. 7, ლ. 2866, ფურც. 47-48.

⁵⁵ სცსსა, ფ. 13, ან. 7, ლ. 2788, ფურც. 3-4; აცსა, ფ. 22, ლ. 63, ფურც. 199.

თუ დესეტინაზე 6 რუბლსა და 25 კაპიკს (გამოსასყიდი თანხა) გადაიხდიდნენ.

მართალია, ბათუმის ოკრუგში ნასყიდი მიწები მეგკეიდრეობაში ყველა მოახალშენეს დაუმტკიცეს, მაგრამ გაჭიანურდა მათი გამოსყიდვა - ადგილობრივი სამხარეო ხელისუფლება ამისათვის მეტ თანხას მოითხოვდა, ვიდრე კანონით იყო დაწესებული.

მიწათმოქმედებისა და სახელმწიფო ქონებათა სამინისტროს რწმუნებული კავკასიაში 1905 წელს მეფისნაცვლისადმი გაგზავნილ წერილში მოითხოვდა ბათუმის ოლქში (ციხისძირი) დესეტინა მიწის გამოსასყიდი ფასი 6 რუბლისა და 25 კაპიკის ნაცვლად დაეწესებინა 250-დან 1000 რუბლამდე.⁵⁶

ასეც მოხდა. ბათუმის ოკრუგის სოფელ ორთაბათუმში ვინმე ლემერმანმა და ზაბუქიძემ 1900 წ. სახელმწიფო სახაზინო უწყებისაგან იჯარით აიღეს ოთხი დესეტინა, დაამუშავეს, გააშენეს სუბტროპიკული ნარგავები, ე.ი. კულტივირებულ ნაკეთად აქციეს და 1902 წ. 11 მარტის კანონის საფუძველზე მონიდომეს მისი შესყიდვა, მაგრამ სახაზინო უწყებამ 6-ის ნაცვლად 300 რუბლი მოითხოვა.⁵⁷

მიუხედავად ამისა, კოლონისტები დიდი თანხის გაღებასაც არ ეპუებოდნენ. 900-იანი წლებიდან მოახალშენეთა რიცხვი მნიშვნელოვნად გაიზარდა. უკვე 1917 წ. აჭარაში 300-ზე მეტი მოახალშენე ითვლებოდა.⁵⁸ მათ მფლობელობა-საკუთრებაში 70000 დესეტინა იყო.⁵⁹

ართინის ოკრუგში მიწის მნიშვნელოვანი ნაწილი სომხური ბურჟუაზიის ხელში მოექცა რაც შეეხება არტაანისა და ოლთისის ოკრუგებს, იქ ბურჟუაზიული მამულები არ წარმოქმნილა.⁶⁰

მოახალშენთა მამულები საკუთრების ფორმების მიხედვით იყოფოდა კერძო საკუთრებად და საიჯარო-სამემკვიდრეო მფლობელობა-სარგებლობის კატეგორიის მიწებად. 1905 წ. მაგალითად, ბათუმის ოლქში კერძომფლობელთა მიწები 15229 დესეტინას, ხოლო 1915 წ. 33384 დესეტინას შეადგენდა (ართინის ოკრუგში შესაბამისად 23 და 12 დესეტინა). ბათუმის ოკრუგში სოფლის ბურჟუაზიის მამულები 1905 წ. 15 ათასს, ხოლო 1915 წ. 30 ათას დესეტინამდე აღწევდა.⁶¹ დანარჩენი მიწები მოახალშენეებს სამემკვიდრეო მფლობელობა-სარგებლობის უფლებით ჰქონდათ.

აჭარაში უმსხვილესი მამული რომანოვების საგვარეულოს ეკუთვნოდა. რომანოვების საიმპერატორო სახლი ადრე სახელმწიფოს კმაყოფაზე იყო. 1897 წ. დიდძალი ყმა-მამული საკუთრებაში დაუმტკიცეს, რომლის მართვისათვის შეიქმნა სპეციალური აპარატი - საუფლისწულო უწყება. საგლეხო რეფორმის წინ რომანოვების საკუთრებაში 10 მილიონი დესეტინა ირიცხებოდა, სადაც 826000 ყმა-გლეხი სახლობდა და ყოველწლიურად დალის სახით 3 მილიონამდე რუბლს იხდიდა.⁶² რეფორმის შემდგომ ხანაში საუფლისწულო უწყებამ საკუთარი მეურნეობები მოაწყო. საქართველოში მას 5 მეურნეობა ჰქონდა. მათგან ერთი - ჩაქეში.

საუფლისწულო უწყების დაინტერესება ჩაქვის ხეობით შემთხვევითი არ ყოფილა. ამ ხეობის საერთო ფართობი 16586 დესეტინას შეადგენდა XIX ს. 90-იანი წლების დასაწყისში ჩაქვის ხეობის ხუთ სოფელში (ჩაქვი, სახალეაშო, დიდი ჯამე,

⁵⁶ სკსსა, ფ. 229, აბ. 2, ს. 1388, ფურც. 27-28.

⁵⁷ «Батумский сельский хозяйин», 1909, №7, с. 202-203.

⁵⁸ აცსა, ფ. 84, ს. 52, ფურც. 81-87; 198.

⁵⁹ აშფ, ს. 235, ფურც. 47-48.

⁶⁰ обзор карской области за 1895 год. Карс, 1896, с. 5.

⁶¹ სკსსა, ფ. 13, აბ. 10, ს. 40, ფურც. 136-140.

⁶² Сто летъ уделов. С-Пб., 1897, с. 8.

გორგაძეები, ხალა) 177 კომლი ცხვორობდა. მათ მფლობელობაში 6177 დესეტინა ითვლებოდა.⁶³ დანარჩენ მიწებს ადგილობრივი მოსახლეობა საძოვრებად, სამშენებლო ხე-ტყისა და შუშის დასამზადებლად იყენებდა. საუფლისწულო უწყებამ აქ სახაზინო საკუთრების 10314 დესეტინა და მუჰაჯირების მიტოვებული 183 დესეტინა დაისაკუთრა. ხაზინას კი შესაბამისი ოდენობის მიწა ვიატკის გუბერნიაში დაუთმო. შემდეგ ადგილობრივი მოსახლეობისაგან მიწების შექენაც დაიწყო. 1900 წ. მოსახლეობისაგან შექენილი მიწები 2399 დესეტინას შეადგენდა. ჩაქველი ბეგების ბეჟანბეგების მიწებს გარდა, ნაკვეთები შეიძინეს ხალას, დიდი ჯამეს, სახალვაშოსა და გორგაძეების სოფლებში (სულ 69 ოჯახისაგან). ამრიგად, ჩაქვის ხეობის ტერიტორიის 98,8% რომანიოების საგვარეულოს ხელში მოექცა, ხოლო ადგილობრივი მოსახლეობის მფლობელობაში 1700 დესეტინა დარჩა.⁶⁴

ბათუმის ოლქში მსხვილ მიწათმფლობელად ოსთი პიროვნება ითვლებოდა. თითოეული მათგანის მიწები ასიდან სამას დესეტინამდე აღწევდა. მაგალითად, კ. პოპოვის მამული – 300, ა. სოლოვკოვის – 299, ა. აბაშიძის (შორაპნელი თავადი) – 265, მ. პასეკის – 101,4 დესეტინას შეადგენდა. საშუალო სიდიდის კაპიტალისტური მამულები ასევე მცირერიცხოვანი იყო. ამ სიდიდის მამული რამდენიმე კაპიტალისტს ჰქონდა (გ. მეგოურიანს – 75, ს. კიბირიაკოვს – 56, ა. ბუღაის – 35,6, ნ. უპენეკს – 26, ლაუ ჯონ-ჯაუს – 25,3, ა. გაიდაშაკს – 25,2 დესეტინა).⁶⁵

სოფლად წერილ მესაკუთრეებს შორის მიწის ფართობის სიდიდისა და მისი რაციონალურად გამოყენების მიხედვით საგრძნობ სხვაობას ვხვდებით. სოფიერთის მიწები საშუალო ბურჟუაზიულ მამულებს უახლოვდება. სასაქონლო მიწათმოქმედების განვითარების შედეგად საერთო შემოსავლის, მოგებისა და წმინდა მოგების სიდიდით საშუალო კაპიტალისტური მეწარმეების რანგისა იყვნენ: მ. სინიციანი, გ. ბიხოვეცივი, ი. დიადიუში, ა. სობეცი, ა. პასეკი, ა. სტოიანოვი, ო. ლოპატო და სხვ.

მიწისმფლობელთა ამ ახალ ჯგუფში ქართველთა რიცხვი მცირე იყო. მათგან აღსანიშნავია ალი-ალა ბაშა ზადე (მახარაძე), რომელსაც მახინჯაურში 13,7 დესეტინა კულტურული ნაკვეთი ჰქონდა და სასაქონლო პროდუქციას აწარმოებდა.

ცარიზმი მუსლიმანური რელიგიური დაწესებულებების მიწათმფლობელობას ნაკლებად ეხებოდა. მიუხედავად ამისა, მიწათმფლობელობის ამ ფორმამ საგრძნობი ცვლილებები განიცადა. 900-იან წლებში ბათუმის ოლქში 257 მეჩეთი აღირიცხა, ზემო აჭარაში კი – 31. მათ საკუთრებაში 144 დესეტინა ითვლებოდა. აქედან 85 დესეტინა ბათუმის ოკრუგის, ხოლო 59 დესეტინა ართვინის ოკრუგის მეჩეთებზე ნაწილდებოდა. ბათუმის ოკრუგში შედარებით მსხვილი ადგილ-მამული რამდენიმე მეჩეთს ჰქონდა მათგან კახაბრის მეჩეთს – 50, გონიოს – 23,5, სიმონეთის – 10, ზემოხევის – 15, ხალას – 8,3 დესეტინა. ართვინის ოკრუგში კი ყველაზე დიდი მიწის ფართობი (4,5 დესეტინა) სოფელ უნისხევის (შავშეთ-იმერხევი) მეჩეთს ჰქონდა.⁶⁶ ქრისტიანული ეკლესიებიდან მიწის ნაკვეთი მხოლოდ ართვინის ეკლესიას (0,74 დესეტინა)

⁶³ სანკტ-პეტერბურგის სცია, ფ. 515, ან. 91, ს. 9, ფურც. 20; ს. 164, ფურც. 292.

⁶⁴ Клинген И.Н. Краткое описание Чаквинского субтропического хозяйства в связи с результатами удельной экспедиции на дальнем востоке. С.-Пб., 1900, с. 14-20; ანუ, ს. 65, ფურც. 85-87.

⁶⁵ სცსსა, ფ. 13, ან. 10, ს. 604, ფურც. 15-42; Друг издали, Документы из истории Грузинско-Китайской дружбы, с. 70; აცსა, ფ. 24, ს. 6, ფურც. 10, ფ. 84, ს. 52, ფურც. 79, „ბათუმის გაზეთი“, 1911, №65.

⁶⁶ სცსსა, ფ. 12, ან. 10, ს. 2026, ფურც. 47-51.

გაანდა.⁶⁷

ცვლილებები მუსლიმანურ საეკუფო მიწათმფლობელობაში იმით გამოიხატა, რომ ზოგიერთ მათგანს საეკუფო სოფლები ჩამოართვეს. ასე მოხდა, მაგალითად, ზემო აჭარაში: ხულოს მეჩეთს ხიმშიაშვილების მიერ შეწირული სოფლები ჩამოართვეს და მათი შემოსავალი რუსეთის ხაზინაში გადავიდა.

ბათუმში სახელმწიფო საკუთრებასა თუ კერძო პირების ხელში მოექცა აზიზიეს, ახმედის, მუფთის მენეთების მიწები. მაგალითად, აზიზიეს მეჩეთს 9 დესეტინა და 2034 კვადრატული საენი ეკუთვნოდა, რაც 268 ნაკვეთად იყოფოდა. ეს მიწები კერძო პირებმა ჩაიგდეს ხელში. 1885 წლამდე მათგან გადასახადებს რუსეთის მთავრობის შესაბამისი უწყების მოხელეები კრეფდნენ და მეჩეთს აძლევდნენ. მომდევნო წლებში ეს მიწები გაიყიდა. ახალმა მფლობელებმა მეჩეთის სასარგებლოდ გადასახადზე უარი განაცხადეს. სახელმწიფო იძულებული გახდა თვითონ ეკისრა ამ თანხის გაღება მთავრობის 1885 წ. 8 თებერვლის დადგენილებით ბათუმის აზიზიეს მეჩეთს ქალაქის შემოსავლიდან ყოველთვიურად 51 რუბლი გამოეყო, რაც წლიურად 612 რუბლს შეადგენდა.⁶⁸

ამრიგად, ბათუმის ოლქის მიწათმფლობელობის ხასიათსა და ფორმებში საგრძნობი ცვლილებები მოხდა სახელმწიფოს საკუთრება ადგილ-მამულებზე რეალურად დამყარდა, რაც ოსმალეთის ბატონობის ხანაში ნომინალურად არსებობდა. ადგილობრივი პრივილეგირებული წოდების (აღა-ბეგების) მამულები გასხვისებისა თუ საგარეულოს გაყოფის შედეგად შემცირდა. ვაჭარ-მრეწველთა და ცარიზმის ჩინოვიების სახით სოფლად მიწისმფლობელთა ახალი ჯგუფი - აგარული ბურჟუაზია ჩამოყალიბდა. პროცესები ევოლუციურ ხასიათს ატარებდა, მაგრამ წინააღმდეგობრივად, ინტერესების დაპირისპირების ვითარებაში მიმდინარეობდა.

§2. მინის რენტის ფორმები და საგადასახადო სისტემა

ბათუმის ოლქში შესამჩნევი ცვლილებები განიცადა მიწის რენტის ფორმებმა და საგადასახადო სისტემამ. მართალია, არსებობდა მიწის რენტის სამივე ფორმა, მაგრამ სასაქონლო-ფულადი მეურნეობის განვითარების, საქალაქო ცხოვრებისა და ადგილობრივი ადგილობრივი კვალბაზე გაბატონდა ფულადი რენტა. ახალ პირობებში რენტის ეს ფორმა პასუხობდა როგორც ხაზინის, ისე ბურჟუაზიის, საუფლისწულო უწყებისა და ადგილობრივი აღა-ბეგების ინტერესებს. ამასთან, საადგილმამულო საგადასახადო სისტემაში ცვლილებები ნელი ტემპით მიმდინარეობდა. რუსეთის მმართველობის ხანაში, ისევე, როგორც ოსმალთა ბატონობის პერიოდში, რენტა და ბეგარა-გადასახადები ერთმანეთს ემთხვეოდა. გლეხკაცის ცხოვრება მძიმე და აუტანელი რჩებოდა, მის ნაშრომ-ნაოფლარს მრავალი წამგლეჯი ჰყავდა. მათგან ყველაზე დიდი ექსპლუატატორი სახელმწიფო იყო. ცხადია, მიწის რენტის უდიდესი ნაწილი ხაზინაში შედიოდა, რამდენადაც სახელმწიფო ყველაზე მსხვილი მესაკუთრე იყო.

⁶⁷ იქვე, გ. 13, ან. 22, ს. 174, ფურც. 1.

⁶⁸ იქვე, გ. 13, ან. 7, ს. 2909, ფურც. 82; გ. 12, ან. 10, ს. 2026, ფურც. 17; გ. 229, ს. 409, ფურც. 1-11.

ოსმალური გადასახადების სახეები, ბეგარა-ვალდებულებანი და საგადასახადო სისტემა რუსეთის მთავრობამ შეინარჩუნა 900-იან წლებამდე. ასეთი მიდგომა მთავრობისათვის პოლიტიკურად და ეკონომიკურად სარფიანი ჩანდა. ამასთან, იგი ცარიზმის კოლონიური პოლიტიკის შენიღების თავისებურ მცდელობად წარმოგვიდგება.

მოსახლეობის შესაძლებლობასა და მდგომარეობას ანგარიში არ გაუწიეს ცარიზმის საგადასახადო პოლიტიკით აღჭოფიებული გაზ. „დროება“ 1879 წელს წერდა: აჭარლების მდგომარეობა სამწუხაროა უკანასკნელი ორი წლის ომის გამო ხალხს არ მოუხნავს, არ დაუთესია და, მაშასადამე, მოსავალიც არ მიუღია. ასეთ პირობებში გადასახადების დაკისრება ძალზე ძნელი იქნება. გასეთი მთავრობისაგან მოითხოვდა გადასახადების სამი-ოთხი წლით მანაც გაუქმებას.⁶⁹

ოსმალური გადასახადებისა და გამოსადგებებიდან ცარიზმმა შეინარჩუნა აშარი, რუსუმათ-არაზი, აღნამ-რასმი და სალიანი. მართალია, აღწერასა და საგადასახადო უწყისებს კვლავ სოფლის მამასახლისი (მუხტარი) აკეთებდა, მაგრამ მთავრობის საოლქო ადმინისტრაცია მკაცრად აკონტროლებდა საგადასახადო უწყისებს ოკრუგის უფროსი, ან მისი თანაშემწე ამტკიცებდა.

რუსეთის ბატონობის პირველ წლებში ოლქის მოსახლეობა აშარს (მოსავლის მეთუდლი) ძირითადად ნატურით იხდიდა. სასოფლო-სამეურნეო პროდუქციას გლეხები საეპტრო პუნქტებამდე თვითონ ეზიდებოდნენ. შემდეგ კი გუბერნატორის განკარგულებით იყიდებოდა, ამონაგები თანხა კი სახელმწიფო ხაზინაში შედიოდა.⁷⁰

საძოვარზე დადგენილი გამოსადგები (აღნამ-რასმი და რუსუმათ-არაზი), აგრეთვე, საკომლო გადასახადი (სალიანი) ფულადი იყო - თითოეულ კომლზე 50 კაპიკის ოდენობით. 1886 წ. ბათუმის ოკრუგში (ქალაქის გამოკლებით) 8315, ხოლო ართვინისაში - 7130 კომლი ცხოვრობდა. საკომლო გადასახადი ორივე ოკრუგში ერთად აღებული 7723 რუბლს შეადგენდა.⁷¹ არტაანის ოკრუგში გაწერილი საკომლო გადასახადი 2929, ხოლო ოლთისისაში - 1686 რუბლი იყო.⁷²

საძოვარზე დაწესებული გამოსადგების ოდენობა პირუტყვის სულადობით განისაზღვრებოდა. მოსახლეობა ჯოგის თითოეულ სულზე 15-დან 20 კაპიკამდე იხდიდა (წერილფეხა პირუტყვზე - 15 კაპ. მსხვილფეხაზე - 20 კაპ.).⁷³ XIX საუკუნის 80-იან წლებში არტაანის ოკრუგის მოსახლეობას საძოვარ-საბაღახოებით სარგებლობისათვის 26812 მან. უნდა გადაეხადა (თითოეულ კომლზე საშუალოდ 4 მან. და 40 კაპ.). ოლთისის ოკრუგში საქონლის სულადობა არტაანთან შედარებით ნაკლები იყო და 8426 რუბლს იხდიდა (კომლზე საშუალოდ 2 რუბლი და 50 კაპ.).⁷⁴ დაახლოებით ასეთივე სურათი გვაქვს ბათუმისა და ართვინის ოკრუგებშიც.

ყველაზე მძიმე და საერთო გაანუკითხაობის პირობებში აღნიშნული გამოსადგები ბოროტმოქმედებისა და საერთო გაანუკითხაობის პირობებში აღნიშნული გამოსადგები კიდევ უფრო დამძიმდა. გაზ. „ივერია“ მიანიშნებდა: აშარი ხალხისათვის მძიმე და აუტანელი ტვირთია, დიდ უქმყოფილებასა და ბოროტმოქმედებას კბადებსო.⁷⁵

1878-1882 წლებში რუსეთის ადგილობრივმა მოხელეებმა აშარის შემოსავალი

⁶⁹ გაზ. „დროება“, 22 აპრილი, 1879.

⁷⁰ სცსსა, ფ. 229, ან. 2, ს. 674, ფურც. 49.

⁷¹ КК на 1899 год. 1898, с. 30-31.

⁷² Карсская область. Свод статистических данных. Тиф., 1889, с. 276.

⁷³ КК на 1917 год. Тиф., 1916, с. 324.

⁷⁴ Карсская область. Свод статистических данных. Тиф., 1889, с. 276, 279.

⁷⁵ გაზ. „ივერია“, 15 დეკემბერი, 1890.

ზუსტად ვერ დაადგინეს. ამას მთავრობის ჩინოვნიკები იმით ხსნიდნენ, რომ ბათუმისა და ყარსის ოლქებში მიწის მოსავლის საშუალო მახასიათებლები ცნობილი არ იყო. ამასთან, მოსახლეობის ნაწილის ოსმალეთში გადახვეწის გამო საერთო მონაცემების დაზუსტება შეუძლებელი იყო. ამიტომ თითოეულ სოფელს განსხვავებული გამოსადები ჰქონდა შეწერილი და შემოსავალიც უფრო შემცირდა, ვიდრე მთავრობა მოელოდა.⁷⁶

მომდევნო წლებში მთავრობის მოხელეებმა საგრძნობი მუშაობა გასწიეს: დეტალურად აღწერეს სოფლები, კომლები, ორივე სქესის მოსახლეობა, ყველა სახის მიწები, მოსავალი, შეადგინეს შესაბამისი ცნობები, დააზუსტეს გადასახადები. ეს მონაცემები საშუალებას იძლევა წარმოგვინა ვიქონიოთ აშარის ოდენობის შესახებ (იხ. ცხრილი 2).

როგორც ეხედავთ, აღნიშნულ წლებში ართინის ოკრუგიდან ხაზინაში შედარებით მეტი თანხა შედიოდა. ეს იმით აიხსნება, რომ ამ მხარეში დამუშავებული მიწები და მოსავალიც მეტი იყო. აღნიშნულ ოკრუგში შედარებით დიდი ოდენობით აშარს იხდიდნენ არტანუჯისა და შავშეთ-იმერხევის საპოლიციო უბნების სოფლის საზოგადოების წევრები (განურჩევლად წოდებისა).

ცხრილი 2

ბათუმისა და ართინის ოკრუგებში მოსახლეობის მიერ გაღებული აშარის ფულადი მაჩვენებლები (რუბლებით)⁷⁷

საპოლიციო უბნებისა და ოკრუგების დასახელება	1882 წ.	1883 წ.	1884 წ.	1885 წ.	1886 წ.	1882-1886 წწ. თითო კომლზე მოდიოდა
კინტრიშის	4367	5295	5407	3750	3817	4 15
გონიოს	6894	8222	8819	9846	7379	4 66
ქემო აჭარის	3684	3959	4025	5129	5283	1 72
ზემო აჭარის	7099	7690	7678	8120	9028	3 36
სულ ბათუმის ოკრუგში	22044	25166	25929	26845	25507	3 15
ართინის	8778	8179	7392	7528	6693	4 35
არტანუჯის	18438	15691	13223	16183	17694	6 49
შავშეთ-იმერხევის	11198	13690	12204	11214	9850	4 32
სულ ართინის ოკრუგში	38414	37560	32819	34925	34237	4 66

ბათუმის ოკრუგში 1882-1886 წლებში აშარის გამოსადებით მეტად დატვირთული იყო ზემო აჭარისა და გონიოს საპოლიციო უბნების მოსახლეობა. საერთოდ აღნიშნულ წლებში თითო კომლზე ყველაზე მეტი გამოსადები გაუღიათ არტანუჯის, ართინის, შავშეთ-იმერხევის, გონიოსა და კინტრიშის სოფლების მცხოვრებლებს.

აშარს ქალაქ ბათუმის მიწისმფლობელი მოსახლეობაც იხდიდა. მაგალითად, 80-იანი წლების მეორე ნახევარში აშარი 1058 მან. და 40 კაპ. ოდენობით ბათუმის 336

⁷⁶ სკსსა, ფ. 229, ან. 2, ს. 674, ფურც. 2.

⁷⁷ იქვე, ფ. 229, ან. 2, ს. 674, ფურც. 10-42.

კომლს გადაუხდია (თითო კომლზე საშუალოდ 3 რუბლ. და 15 კაპ.).⁷⁸ 90-იანი წლების საგადასახადო რეფორმამდე აშარისაგან თავისუფალი ყოფილან არაქართველი ხიზნები (ბერძნები, ქურთები, ბოშები) - სულ 521 კომლი, თუმცა, ისინი აქაურთ მიწებით სარგებლობდნენ.⁷⁹

აშარის ნატურით ამოღება ძნელი და მოუხერხებელი იყო - მთავრობის მოხელეები მოსაულის ოდენობის დადგენას ყოველთვის ვერ ახერხებდნენ. ბუნებრივია, მოსახლეობა შეეცდებოდა დაბალი მაჩვენებლები მიეცათ. ტრანსპორტირება და სავაჭრო პუნქტებში პროდუქციის რეალიზაცია მთელ რიგ სიძნელეებს უქაეშირდებოდა ადგილი ჰქონდა პროდუქციის დანაკარგებსაც.

რუსეთის მთავრობა მიწის ფულადი რენტის შემოღების აუცილებლობის წინაშე იდგა. მოსახლეობის წინააღმდეგობის მიუხედავად, ფინანსთა სამინისტრომ 1887 წლის 26 ივნისს სპეციალური დებულება დაამტკიცა ამიერიდან ნატურალური აშარი ფულადით იცვლებოდა. მიწის მათელი გამოსაღები მოწვეული მოსაულის ნაცვლად, დაწესდა უშუალოდ სავარგულ მიწაზე მისი სიდიდისა და ვარგისიანობის გათვალისწინებით.

ნატურალური რენტის ფულადით შეცვლასთან დაკავშირებით რუსეთის მოხელეებმა აღწერეს ყარსის ოლქის, ბათუმისა და ართვინის ოკრუგების ადგილმამულები, განსაზღვრეს მიწების ვარგისიანობა, შეადგინეს საგადასახადო უწყისები, დაადგინეს გადასახადების ოდენობა. საგადასახადო რეფორმა გატარდა ყარსის ოლქში 1887-1888, ხოლო ბათუმის ოლქში 1888-1891 წლებში.

ვარგისიანობის მიხედვით მიწები დაიყო: ყარსის ოლქში - 13, ბათუმის ოკრუგში - 6, ხოლო ართვინისაში - 5 კატეგორიად. ყველაზე ნაყოფიერი მიწები აღირიცხა არტაანის ოკრუგში, კინტრიშისა და შვეშუთ-იმერხეთის უბნებში. საღალლო გამოსაღების სიდიდე დამოკიდებული იყო მიწის ნაყოფიერებაზე.⁸⁰

ნატურალური გადასახადის ფულადით შეცვლამ მნიშვნელოვნად დააჩქარა სასაქონლო წარმოების განვითარება. ამ აქტმა სოფლის მწარმოებელი მოსახლეობა მჭიდროდ დააკავშირა ქალაქებსა და სავაჭრო დაბებთან. ამდენად, ფულადი გადასახადების შემოღება პროგრესული ღონისძიება იყო, მაგრამ იგი სოფლის მშრომელ მოსახლეობას დამატებით სიძნელეებს უქმნიდა - ბაზარზე საქონლის ტრანსპორტირება, მისი რეალიზაცია, დამეების თენება, ზოგჯერ ღია ცის ქვეშ, მოხერხებული როდი იყო. ამიტომ გლეხი ამჯობინებდა თავისი პროდუქცია ადგილზე ჩარჩ-ვაჭრებისათვის ჩალის ფასად მიეყიდა.

გადასახადების ოდენობაც მნიშვნელოვნად გაიზარდა თუ 1882-1886 წლებში ბათუმის ოკრუგის მოსახლეობა საშუალოდ წლიურად 25424 რუბლს იხდიდა. ფულადი გადასახადის შემოღების შემდეგ, აღნიშნული მახასიათებელი 28607 რუბლამდე, ე.ი. 3283 რუბლით და კიდევ მეტად გაიზარდა. ართვინის ოკრუგში ანალოგიური მაჩვენებლები შესაბამისად 35534 და 37206 რუბლს შეადგენდა. ზოგიერთ უბანში გადასახადები მესამედით და კიდევ მეტად გადიოდა (ასე იყო, მაგალითად, ქვემო აჭარაში).⁸¹

მოსახლეობისაგან გადასახადების ამოღება იოლი საქმე არ იყო. ხალხი ურჩობდა, გადასახადებზე უარს ამბობდა მართალია, ურჩების წინააღმდეგ პოლი-

⁷⁸ იქვე, ფ. 229, ან. 2, ს. 674, ფურც. 42-43.

⁷⁹ იქვე, ფურც. 3-4.

⁸⁰ იქვე, ფ. 229, ან. 2, ს. 674, ფურც. 51-55, 278-289.

⁸¹ იქვე, ფ. 229, ან. 2, ს. 674, ფურც. 279-289.

ციასაც იყენებდნენ, მაგრამ მოვალე კომპლები და სოფლები მაინც ბევრი იყო. საკმაოდ დიდი იყო გადასახადების ნარჩენებიც.

მოსახლეობის ურრობა სიღარიბით იყო გამოწვეული. მთავორიანი რელიეფი, ღვარცოფებისაგან ჩამორცეხილი მწირი მიწები და სისტემატური გვალები ხალხს საშუალებას არ აძლევდა საჭირო ჭირნახული მიეღო. მრავალჯერ აღინიშნა მოუსავლიანობა. 1893-1894 წლებში სოფელ ბორჩხადან (ართინის ოკრუგი) „ივერიის“ კორესპონდენტი ივანე ჯიანის იტყობინებოდა, — გვალებმა მოსავალს დიდი ზიანი მიყენაო.⁸² მეტწილად ასე იყო სხვა წლებშიც. ქუთაისის გუბერნიის სამხედრო გუბერნატორის 1896 წლის ანგარიშში ხაზგასმულია ბათუმისა და ართინის ოკრუგებში მოუსავლიანობის შესახებ.⁸³

გაზ. „ივერიის“ კორესპონდენტის აბდულ მიქელაძის ცნობით, 1897 წელს ქვემო აჭარაში გაზაფხულსა და ზაფხულში ხანგრძლივი გვალება, ხოლო შემოდგომაზე — კოკისპირული წვიმები ყოფილა. ამის შედეგად მოსავალი განადგურებულა.⁸⁴ უკვე 1900 წ. აბდულ მიქელაძე იტყობინებოდა უამინდობის გამო ქვემო აჭარაში სიმინდის ყანები დაიწვა, ხეხილის მოსავალი განადგურდა, ნიკეზის ხეები ისე დაზიანდა, რომ 5 წლის განმავლობაში ნაყოფს ვეღარ მივიღებთო.⁸⁵ გაზეთის ცნობით, 1901 წ. აჭარის წყლისა და მაჭახლის ხეობებში წვიმების შედეგად გამოწვეულმა ღვარცოფებმა მიწები მთლიანად ჩამორცხა და მოსახლეობას ყანების ნაცვლად გატივლებული ქედები შერჩათო.⁸⁶ უამინდობის შედეგად მოუსავლიანობა 1903 წელსაც აღინიშნა.⁸⁷

რუსეთის მთავრობა სისტემატიურ მოუსავლიანობას ანგარიშს არ უწევდა და მოსახლეობისაგან გადასახადებს ჯიუტად მოითხოვდა კიდევ მეტი, მას სისტემატიურად ზრდიდა. გაზ. „ივერია“ წერდა მოუსავლიანობის მიუხედავად, ხალხი მეტი გადასახადებით დაბეგრეს, ჯამაგირიანი მამასახლისების და მწერალ-მდივნების თანამდებობები შემოიღეს, სასოფლო მმართველობის კანცელარიების შენობების აგება და მათი მოწყობაც დააკისრეს „ამის გამო, — განაგრძობს კორესპონდენტი, — აქაური მცხოვრებლები დიდად შეწუხებული არიან“.⁸⁸

ცენტრალური მთავრობა, კავკასიის სამხარეო ადმინისტრაცია კარგად ხედავდა, რომ აჭარასა და ტაო-კლარჯეთში ოსმალური გადასახადების შენარჩუნება სარფიანი აღარ იყო. საგულისხმოა, რომ კავკასიის რეგიონში ერთიანი საგადასახადო სისტემა საერთოდ არ არსებობდა, რაც მრავალ გაუგებრობასა და სიძნელეს ქმნიდა არა მარტო ამ მხარის, არამედ, აგრეთვე, მთლიანად იმპერიის მასშტაბითაც. ამიტომ აუცილებელი იყო ცვლილებები. მთავრობის დადგენილებით, 1901 წელს კავკასიაში საგადასახადო სისტემის რეფორმა გატარდა. ყველა წინანდელი გადასახადი გააუქმეს და ადგილ-მამულების დაბეგრის ერთიანი წესები შემოიღეს. ეს რეფორმა ყარსის ოლქს, ბათუმისა და ართინის ოკრუგებსაც შეეხო. აქ, როგორც მთლიანად კავკასიაში, ადგილ-მამულები დაიბეგრა სახელმწიფო სადალო გამოსადებით, საერო მოსაკრებელით და სახელმწიფო მიწის გადასახადით. პირველი სახაზინო მიწებზე დაწესდა, მეორე — ყველა სახის მიწებზე, ხოლო მესამე — კერძო საკუთრებაში მყოფ მამულებზე. მთავრობის შესაბამის ორგანოები აღნიშნული სახის გადასახადების

⁸² გაზ. „ივერია“, 18 აგვისტო, 1893; 21 მაისი, 1894.

⁸³ სანქტ-პეტერბურგის სალტიკოვ-შენდრინის სახელობის ბიბლიოთეკის ფონდები, ან. 1, ს. 49, ფურც. 97.

⁸⁴ გაზ. „ივერია“, 11 ივლისი, 28 სექტემბერი, 1897.

⁸⁵ იქვე, 1 აგვისტო, 1900.

⁸⁶ იქვე, 18 აგვისტო, 1901.

⁸⁷ იქვე, 28 ოქტომბერი, 1903.

⁸⁸ იქვე, 18 აგვისტო, 1901.

ნუსხას სამი წლით წინასწარ ადგენდნენ ამიერიდან გადასახადები მიწის ფართობზე დაწესდა, მოსავალი სათვალავში აღარ მიიღებოდა.

გადასახადების ამოღება ადგილობრივი, საგუბერნიო, სამხარეო და თეთი ცენტრალური ორგანოების მთავარ საქმედ რჩებოდა რეფორმის შემდეგ ეს საქმე უშუალოდ გუბერნიების სახაზინო პალატებს დაეკლავათ. საქართველოში ორი ასეთი უწყება არსებობდა: ერთი ქუთაისის, ხოლო მეორე თბილისის გუბერნიაში. ბათუმის ოლქი ქუთაისის გუბერნიის სახაზინო პალატას ექვემდებარებოდა, ხოლო ყარსის ოლქი - ერევნის გუბერნიის ანალოგიურ უწყებას სახაზინო პალატების დასაყრდენი ძალა იყო სასოფლო საზოგადოებების მამასახლისები და სასოფლო ოკრუგების უფროსები.

საადგილმამულო რენტის ძირითადი სიმძიმე სახელმწიფო სანადგლო მიწებზე მოდიოდა (1905 წ. - 97 %, 1915 წ. - 84%), 1915 წელს საღალო და საერობო გამოსაღებით დაბეგრული იყო 465 სოფელი (ბათუმის ოკრუგში - 301, ართვინისაში - 164 სოფელი).⁸⁹

სანადგლო მიწებზე გაწერილი საღალო გამოსაღები მნიშვნელოვნად შეიცვალა. საერთოდ საგადასახადო განაკვეთები მყარი არ იყო. 1902-1907 წლებში სოფლის მოსახლეობის საადგილმამულო საღალო გამოსაღების განაკვეთები ძირითადად ერთი და იგივე დარჩა. შემცირების ტენდენცია 1908 წლიდან შემჩნევა. უკვე 1915 წელს 1905 წელთან შედარებით სანადგლო მიწებზე გაწერილი საღალო გამოსაღები მესამედით და კიდევ მეტადაა შემცირებული. ამის მიზეზი იყო მოსახლეობის მიერ მიწის ზოგიერთი ნაკვეთის მიტოვება ძირითადად ეს იყო საძოვრები და ტყე-ბუნქარები, ნაწილი კი მოახალშენებმა შეიძინეს.

კერძო მიწებზე გაწერილი გადასახადები საგრძნობლადაა გაზრდილი. მაგალითად, 1905-1915 წლებში ამ კატეგორიის ადგილ-მამულების გადასახადის ოდენობა თითქმის სამჯერ გადიდა, ძირითადად, კერძო საკუთრების მიწების გაზრდით. ადგილ-მამულების კერძო მესაკუთრენი მეტწილად მოახალშენებია. 1915 წ. ბათუმის ოლქში კერძო მესაკუთრეა 463 კაცი, რომლებიც საადგილმამულო გადასახადებით იყო დაბეგრული. ამათგან 439 მესაკუთრე ბათუმის ოკრუგში, ძირითადად, ზღვისპირეთში სახლობდა. წლიურად თითოეული მათგანი საშუალოდ 14 რუბლს იხდიდა.⁹⁰

საადგილმამულო ფულადი რენტის სამი სახიდან (საღალო და საერობო გამოსაღებები, მიწის გადასახადი) წამყვანი იყო საღალო გამოსაღები. 1915 წ. იგი თითქმის ორჯერ აღემატებოდა სახელმწიფო სანადგლო მიწებზე დაწესებულ საერობო გამოსაღებს, ცამეტჯერ - საადგილმამულო გადასახადს, რომლითაც კერძო მიწები იყო დაბეგრული.

ფულადი რენტის ერთ-ერთი სახე იყო ტყის გადასახადი და ბაჟი. პირველი დაწესებული იყო სამშენებლო ხე-ტყეზე, ხოლო მეორე - შუშაზე ტყის გადასახადი მთავრობამ 1895 წ. შემდეგ შემოიღო, როდესაც ადგილმამულები მიწათმოქმედებისა და სახელმწიფო ქონების სამინისტროს სისტემაში გადავიდა მაგალითად, ქემო აჭარის (ბათუმის ოკრუგი) მოსახლეობა 100 ცალ ყავარზე 2-2,5 რუბლს იხდიდა ამასთან, ყველა სოფლის მოსახლეზე ტყის სარგებლობისათვის წლიურად გაწერილი იყო 3 რუბლამდე საბაჟო გამოსაღები.

ყარსისა და ბათუმის ოლქების მოსახლეობას რეფორმის შემდეგ კიდევ ახალი სახის საკომლო გადასახადი შეაწერეს - საერობო ბეგარა, რომელიც ორი სახისა იყო

⁸⁹ КК на 1917 год., Т. II, 1916, с. 340-341.

⁹⁰ იქვე.

მუდმივი და დროებითი პირველის შემოსავალი ხმარდებოდა სასოფლო მმართველობის მოხელეების, სასულიერო წოდების, სკოლებისა და სხვა საზოგადოებრივ დაწესებულებათა დაბალი ჩინის მოსამსახურე პერსონალის შენახვას დროებითი საერო ბეგარის შემოსავლები საზოგადოებრივი შენობების (ეკლესია-მონასტრები, სოფლის მმართველობის კანცელარიები, სკოლები და სხვა) მშენებლობისა და რემონტისათვის იყო განკუთვნილი.

ბათუმის ოკრუგში საერო ბეგარის შემოსავალი 1903 წ. 60771, ხოლო 1910 წ. - 62528 რუბლს შეადგენდა (თითო კომლზე, შესაბამისად, 4 და 5 რუბლი).⁹¹ დაახლოებით ასე იყო სხვა წლებშიც.

საერო ბეგარის სიმძიმეს ქედის (ბათუმის ოკრუგი) სკოლის მასწავლებლის კონსტანტინე მკურნალის ჩანაწერიც მოწმობს. იგი 1905 წელს წერდა: აჭარლებსათვის განსაკუთრებით მძიმე ტვირთია სასოფლო მმართველობის კანცელარიების შენობების შესყიდვისა და მოხელეების შესანახი ხარჯების გაღება.⁹²

არანაკლებ მძიმე იყო ე.წ. სამხედრო ბეგარა. ამ გადასახადს აჭარაში „სალდათის ფულს“ ეძახდნენ. რუსეთის მთავრობამ აქაური მოსახლეობიდან არმიაში გაწვევა ვერ შეძლო და იძულებული გახდა ოსმალური ბეგარა ბოლომდე შეენარჩუნებინა. მხოლოდ XX საუკუნის 10-იან წლებში შეეცადა ხელისუფლება მის გაუქმებას და მამაკაცების გაწვევას მეფის არმიაში.

ამ საკითხზე 1910 წელს მიმოწერა ჰქონდათ რუსეთის სამხედრო მინისტრსა და კავკასიის მეფისნაცვალს. ისინი შეთანხმდნენ სამხედრო გადასახადის გაუქმებისა და არმიაში ახალგაზრდობის საყოველთაო გაწვევის შესახებ, მაგრამ ამას წინ აღუდგა ბათუმის ოლქის სამხედრო გუბერნატორი. იგი 1910 წ. კავკასიის მეფისნაცვალს მოახსენებდა: აქაური მუსლიმანი მოსახლეობა არ შეიძლება იყოს ერთგული და საიმედო ჯარისკაცი. სამხედრო ვალდებულებების შემოღება კი არა, ამ საკითხზე ხმების გაერთიანებაც კი პანიკას გამოიწვევს და მოსახლეობა მასობრივად აიყრება. იგი სამხედრო ბეგარის გაუქმებას მოითხოვდა, რადგან აქაური მოსახლეობის „სალდათად“ გაწვევას ნაადრევად თვლიდა.⁹³ მართლაც, მთავრობამ ამ განზრახვაზე ხელი აიღო და სამხედრო გადასახადი წინანდებურადვე ძალაში დარჩა. 1910 წელს, მაგალითად, მოსახლეობაზე გაწერილი სამხედრო ბეგარა, ე.წ. „სალდათის ფული“ 15013, ხოლო წინა წლების ნარჩენებთან ერთად 17904 რუბლს შეადგენდა.⁹⁴

მძიმე იყო შრომითი ბეგარაც. მართალია, ოსმალთა ბატონობის ბოლო წლებში (თანზიმათის გატარების შემდეგ) გლეხობა ალა-ბეგების კაბაღისაგან განთავისუფლდა, მაგრამ შრომაშიგება, როგორც შრომითი ბეგარის სახეობა, შემორჩა. რუსეთის მფლობელობის დროს მისი მასშტაბი გაიზარდა და გამოიყენებოდა პრივილეგირებული წოდების მამულებში და სახელმწიფო სახაზინო სამუშაოებზე. აჭარაში შრომაშიგებამ ე.წ. ნადის ფორმა შეიძინა.

შრომითი რენტა ყველაზე უფრო გავრცელებული ყოფილა სახელმწიფო სამუშაოებზე (გზები, ხიდები და სხვა). მისი ნაირსახეობა იყო სატრანსპორტო ბეგარა ანაზღაურების გარეშე, ანდა უმნიშვნელო საზღაურით მოსახლეობას დიდძალი ტვირთი გადაჰქონდათ საკუთარი ხარ-ურემით და ცხენით. 1897 წ. ბათუმის ოლქში

⁹¹ Обзор Батумской области за 1903. Бат., 1904, с. 22; КК на 1906 год. Тиф., 1905, с. 158; Обзор Батумской области за 1910 год. Бат., 1912, с. 108.

⁹² Газ. «Черноморский вестник», 15 марта, 1905 г.

⁹³ ამხგ, ს. 63, ფურც. 22-26, 34-36, ს. 67, ფურც. 40.

⁹⁴ Обзор Батумской области за 1910 год. Бат., 1912, с. 134.

შრომით ბეგარაზე 13268 კაცი, 732 ხარ-ურეში და 952 ცხენი გამოუყენიათ (8538 კაცი ბათუმის ოკრუგიდან იყო). შესრულებული მთლიანი სამუშაოს ღირებულება 12124 რუბლს შეადგენდა.⁹⁵

მომდევნო წლებში მასშტაბები გაიზარდა. 1902 წ. შრომითი ბეგარა 13480 კაცმა შეასრულა (ბათუმის ოკრუგიდან 3370, ხოლო ართვინის ოკრუგიდან - 10120 კაცი). მათ გამოიყენეს 375 ხარ-ურეში და 647 ცხენი და 17560 რუბლის სამუშაო შეასრულეს.⁹⁶

1903 წ. შრომითი ბეგარით კიდევ მეტი სამუშაოები შესრულდა. კერძოდ, 15160 კაცმა 567 ხარ-ურეში და 1331 ცხენი გამოიყენა, 60771 რუბ. სამუშაო შეასრულა.⁹⁷ პირველი მსოფლიო ომის წლებში შრომით ბეგარაზე მასობრივად გამოჰყავდათ ბათუმის ოლქის მოსახლეობა 1915 წ. ბორჩხაში გზებისა და ხიდების მშენებლობაზე 800 კაცი მუშაობდა.⁹⁸

არტანუჯის და ოლთისის ოკრუგებში მოსახლეობას უფრო მეტად საურმე ბეგარა ეკისრებოდა. 1906 წელს 5000 კაცი საკუთარი ხარ-ურეშითა და ცხენით მუშაობდა.⁹⁹

უმიძიესი იყო სააკციზო გამოსაღები. მას ახდევინებდნენ სასოფლო-სამეურნეო პროდუქტების, კერძოდ, თამბაქოს, ჩაის, ღვინისა და არაყის წარმოებისათვის თამბაქოზე აქციზი 1879 წ., ხოლო მენაიობაზე - 1903 წელს შემოიღეს 1914 წ. ბათუმის ოლქის მოსახლეობა თამბაქოს ნედლეულის წარმოებაზე ყოველწლიურად 100 ათას რუბლამდე სააკციზო გამოსაღებს იხდიდა.¹⁰⁰ მრავალრიცხოვანი იყო საბაჟო გამოსაღებიც (ქორწინების, განქორწინების, უძრავ-მოძრავი ქონების ყიდვა-გაყიდვისას სასამართლო-ნოტარიუსის საბუთების შედგენისათვის და ა.შ.).

გაანდა კი მოსახლეობას ამ მრავალრიცხოვანი საადგილმამულო გამოსაღებისა და ბეგარის გადახდის საშუალება? ცხადია, უმეტესობას არა გადასახადების ძირითადი გადამხდელი საშუალო გლეხობა იყო. ბათუმის ოლქში ისინი, მდიდარ გლეხებთან ერთად, მოსახლეობის უმცირესობას შეადგენდნენ. გამოინაკლის იყო კინტირის უბანი, სადაც საშუალო გლეხი მოსახლეობის უმრავლესობად ითვლებოდა. საშუალო გლეხობა ჭარბობდა არტანუჯის და ოლთისის მოსახლეობაშიც. ელიზოვსკი, რომელიც XIX საუკუნის 80-იან წლებში ჭოროხის მხარეს გაეცნო, ხაზგასმით აღნიშნავდა, რომ ტერიტორიის მეტი ნაწილი მთაგორიანი, ქვიანი და ტყე-ბუჩქნარიითა დაფარული. მიწა არასაკმარისია და რაც არის, მისი დამუშავება დიდ შრომასა და გარჯას მოითხოვს. იგი მიუთითებდა მოსახლეობის უკიდურეს სიღარიბესა და გაჭირვებაზე.¹⁰¹ იმერხევეში (ართვინის ოკრუგი) მოსახლეობის სიღარიბეზე გაზეთი „ნერნომორსკი ვესტნიკი“ მოგვითხრობდა.¹⁰² ქვემო აჭარის შესახებ ანალოგიურ ცნობებს იძლეოდა მასწავლებელი კონსტ. მეურნალი. მისი გადმოცემით, გლეხები ძალზე ცუდად იყებებოდნენ, ხორცეულს წლის განმავლობაში მუსლიმანური დღესასწაულის დროს თუ მიერთმევენო. იშვიათი იყო ისეთი გლეხური კომლი, ვისაც 3-4 ფრთაზე მეტი ფრინველი ჰყავდა. თითო კომლს მცირე რაოდენობის რქოსანი პირუტყვი და ერთი თხა თუ ეყოლებოდა. ასეთი მდგომარეობა იმათაა

⁹⁵ Обзор Кутаисской губернии за 1897 год. Кутаис, 1898, с. 44.

⁹⁶ Обзор Кутаисской губернии за 1902 год. Кутаис, 1903, с. 45.

⁹⁷ Обзор Батумской области за 1903 год. Батуми, 1904, с. 22.

⁹⁸ გაზ. „თანამედროვე აზრი“, 6 დეკემბერი, 1915.

⁹⁹ Обзор Карсской области за 1906 год. Карс, 1907, с. 28-29.

¹⁰⁰ ოთორნაძე, გლეხთა მოძრაობა აჭარაში რუსეთის პირველი რევოლუციის წლებში, ბათ., 1979, გვ. 21.

¹⁰¹ Лисовский В.Я., Чорохский край. Тип., 1887, с. 20.

¹⁰² Газ. «Черноморский вестник», 6 марта 1905 г.

გამოწვეული, რომ მოსახლეობას მეცხოველეობისა და მეფრინველეობის განვითარებისათვის საჭირო საკვები არ მოეპოვებოდა.¹⁰³

გლეხთა მდგომარეობას კიდევ უფრო ამძიმებდა სტიქიური უბედურებანი და სხვა ტრაგიკული მოვლენები. 1904 წელს შავშეთ-იმერხეში ძლიერი ქარიშხლის დროს, რასაც ხანძარი მოჰყვა, 26 საცხოვრებელი სახლი და სომხურ-კათოლიკური ეკლესიაც დაიწვა. ზარალმა 279130 რუბლი შეადგინა.¹⁰⁴ 1911 წ. დიდთოვლიანი და მკაცრი ზამთრის შემდეგ კი გვალიანი გაზაფხულ-ზაფხულის გამო მოსახლეობამ მოსახადი ვერ მიიღო. ამასთან დაკავშირებით „ბათუმის გაზეთი“ სინანულით დასძენდა, რომ „სიღარიბისაგან გაძეალტყავებულ ხალხს რაღა ეს მოუსაველიანობა უნდოდოა“.¹⁰⁵

ამრიგად, ბათუმის ოლქში 1878-1920 წლებში მიწის რენტის ფორმები და საგადასახადო სისტემა ისევე მძიმე იყო, როგორც ოსმალთა ბატონობისას. საგადასახადო რეფორმას, რომელიც 900-იანი წლების დამდეგს გატარდა, მოსახლეობისათვის შეება არ მოუტანია. შეიძლება ითქვას, ცარიზმისა და უცხოელი ინტერვენტების ბატონობისას საადგილმამულო და სხვა სახის გადასახადები და მოსაკრებლები კიდევ მეტად გაიზარდა, ხოლო მოსახლეობის ცხოვრების პირობები გაუარესდა.

§3. აგრარული მოძრაობა

საზოგადოებრივ მოძრაობაში აგრარულ უბანს განსაკუთრებული ადგილი უკავია და მოსახლეობის ფართო ფენებს მოიცავს. შემოერთებულ მხარეში ამ მოძრაობის ერთ-ერთი თავისებურება იყო მასში გლეხობასთან ერთად ადგილობრივი პრივილეგირებული წოდების (აღა-ბეგები) და უცხოელი მოახალშენეების მონაწილეობა. ცხადია, ყველას საკუთარი ინტერესები ამოძრავებდა.

აგრარული მოძრაობის ძირითადი ძალა, უწინარესად, გლეხობა იყო. ეს გასაგებია, რადგან მიწა-წყლის სიმცირე და დიდი გადასახადები ყველაზე მეტად მას აწუხებდა. გლეხობა კი მოსახლეობის აბსოლუტურ უმრავლესობას შეადგენდა. 1897 წ. აღწერით ბათუმისა და ართვინის ოკრუგებში 142032 კაცი ცხოვრობდა, რომელთაგან 114887, ე.ი. მოსახლეობის 80% გლეხობა იყო.¹⁰⁶

სამხრეთ-დასავლეთ საქართველოში რუსეთის მმართველობის დროს აგრარულმა მოძრაობამაც ახალი მასშტაბი შეიძინა. 1878-1920 წლებში ამ რეგიონის აგრარულ მოძრაობაში პირობითად ოთხი ეტაპი აღინიშნება: 1) 1878-1904 წლები; 2) რუსეთის პირველი რევოლუციის ხანა; 3) 1907-1917; 4) 1918-1920 წლები. თითოეული ეტაპისათვის დამახასიათებელია ბრძოლის სპეციფიკური ფორმები, მასშტაბები და გამოვლენები. 1878-1904 წლებში დომინირებდა ბრძოლის მარტივი ფორმები (თხოვნა-საჩივრები, ურსობა, აყრა-გაქცევა). ამ ფორმას საზოგადოების ყველა ჯგუფი და წოდება მიმართავდა.

მოსახლეობა ყველაზე მეტად აღშფოთებული იყო ადგილ-მამულზე საკუთრების ფაქტობრივი მდგომარეობის უგულვებელყოფით, რაც გამოიხატებოდა მიწების ყიდვა-

¹⁰³ იქვე, 7 апреля 1905 г.

¹⁰⁴ საქტ-პეტერბურგის ცხია, ბიბლიოთეკის სპეცფონდი, ან. 1, ს. 49, ფურც. 1.

¹⁰⁵ „ბათუმის გაზეთი“, 13 დეკემბერი, 1913.

¹⁰⁶ Первая всеобщая перепись населения Российской империи. LXVI, Кутаисская губерния. С-Пб., 1905, с. 1-3.

გაყიდვის აკრძალვით, გადასახადების სიმძიმით, მთელი მიწების ხაზინაში გადაცემით და მხარის კოლონიზაციით. უჩიოდნენ მთავრობის მოხელეებს, საუფლისწულო უწყებას, ბურჟუაზიას, ალა-ბეგებს.

მოსახლეობა უკმაყოფილებას გამოთქვამდა ბათუმის საადგილმამულო კომისიის მისამართთა ც, რომლის ზოგიერთი წევრი გამოსადევას ეწეოდა და დაპირებულ საქმეს ვერ აგვარებდა. გასეთი „დროება“ 1884 წლის 8 აპრილს წერდა: საადგილმამულო კომისიის მოხელემ აჭარელს გამოართვა ქრთამი იმ პირობით, რომ დაეკმაყოფილებოდა ადგილმამულის საკითხის გარკვევაში, მაგრამ საქმე ვერ მოაგვარა, ამის გამო ამ მოხელის წინააღმდეგ საჩივარი აღიძრა და მიცემული ქრთამის დაბრუნებას თხოულობენ.¹⁰⁷

გლეხობა აღშფოთებული იყო მიწის ნაკვეთების მიზომვის ახალი წესით, რომელიც ტრადიციულად დამკვიდრებულს ეწინააღმდეგებოდა. თუ მანამდე მოსახლეობა მიწებს ნაკვეთობით ფლობდა, მთავრობამ საუენობით მიზომვა დაიწყო, საუენობით მოზომილი მიწა მცირე გამოდიოდა და ზოგიერთ მოსახლეს კარ-მიდამო შუაზე გაუყვეს. გლეხობა თავგამოდებით იბრძოდა ასეთი წესის წინააღმდეგ და მოითხოვდა მიწების ნაკვეთობით გადაცემას.¹⁰⁸

პრობლემად იქცა ე.წ. „მუჰაჯირების მიწები“. ცენტრალურ და ადგილობრივ ორგანოებში დიდძალი თხოვნა-საჩივარი შედიოდა, რომ მცირემიწიან და უმიწაყლო გლეხობას ესარგებლა მუჰაჯირების თავისუფალი მიწებით, მაგრამ მთავრობა ამის ნებას არ იძლეოდა. 1888 წ. გონიოს საპოლიციო უბნის 16 სოფლის გლეხებმა პროტესტი განაცხადეს მუჰაჯირების მიწებისა და სხვა უძრავი ქონების სახელმწიფო უწყებაში გადაცემის გამო. კავკასიის მთავარმართებლის დონდუკოვ-კორსაკოვისადმი გაგზავნილ კოლექტიურ განცხადებებში გლეხები დაბეჯითებით მოითხოვდნენ მუჰაჯირების მიწების სოფლის საზოგადოების გამგებლობაში დაბრუნებას.¹⁰⁹

1893 წ. ასეთივე პროტესტი გამოთქვეს ართვინის ოკრუგის არტანუჯის უბნის გლეხებმა. ისინი თავიანთ საჩივარში აღნიშნავენ, რომ ჯერ კიდევ 1881 წ. შეიძინეს მუჰაჯირების მიწები, 12 წლის განმავლობაში სარგებლობდნენ, საიჯარო ქირასაც (აშარი) იხდიდნენ, მაგრამ მაინც წაართვეს გულდაწყვეტილი გლეხები მოითხოვდნენ მუჰაჯირების მიწების მათ სარგებლობაში დატოვებას.¹¹⁰

1893 წ. კინტრიშის უბნის ჩაქვის ხეობის მოსახლეობამ თხოვნა-საჩივარი გადასცა ჩაქვის საუფლისწულო მამულის დასათვალისწინებლად ჩამოსულ მაღალი რანგის მოხელეს, თავად ვიანუშესკის ისინი ჩიოდნენ, – მასპაპეულ ადგილმამულებს ძალით გეართმევენ, ხოლო მუდმივმა საჩივარმა თუ სასამართლოში სიარულმა თავი მოგაბეზრა და ლამის მშობლიური მხარის დატოვება ვარჩითო.¹¹¹

ხელისუფლებას განუწყვეტლივ ეგზავნებოდა როგორც კოლექტიური, ისე კერძო თხოვნა-საჩივრები. პრივილეგირებული წოდებიდან ყველაზე უფრო შერიფ ბეგ ხიმშიაშვილი და მისი მემკვიდრეები აქტიურობდნენ. 1879 წ. შერიფ ხიმშიაშვილმა მთავრობას პროტესტი განუცხადა ხულოს (ზემო აჭარა) საჯაყუფო სოფლების შემოსავლის მისაკუთრების გამო და მოითხოვა კანონიერი მფლობელებისათვის მისი გადაცემა.¹¹²

¹⁰⁷ გაზ. „დროება“, 8 აპრილი 1884.

¹⁰⁸ გაზ. „დროება“, 25 თებერვალი 1889; „ივერია“, 22 მარტი 1905.

¹⁰⁹ სცსა, ფ. 243, ან. 4, ს. 88, ფურც. 20-21.

¹¹⁰ იქვე, ფ. 243, ან. 6, ს. 94, ფურც. 14.

¹¹¹ გაზ. „ივერია“, 20 ოქტომბერი 1893.

¹¹² სცსა, ფ. 12, ან. 10, ს. 162, ფურც. 31.

1879-1912 წწ. ხიმშიაშვილების საგვარეულო განუწყვეტლივ ჩიოდა ადგილ-მამულის წართმევის გამო. მოითხოვდა მათ დაბრუნებას და საკუთრებაში დამტკიცებას. მთავრობის სპეციალური კომისია ამ საკითხს 33 წლის განმავლობაში სწავლობდა.

ხიმშიაშვილებთან ერთად მთავრობას პროტესტს უცხადებდნენ აბაშიძეები, ბუენიძეები, ჩაყელიშვილები, ბიბნიეიშვილები და ა.შ. განსაკუთრებით ინტერესს იწვევს 1884-1888 წწ. ალექსანდრე III გაგზავნილი კოლექტორები განცხადებები. ჩიოდნენ იმის გამო, რომ მამაპაპეული ადგილ-მამულები სასაზინო საკუთრებად გამოაცხადეს და მიწებით ვაჭრობის უფლებას არ აძლევდნენ. ისინი მოითხოვდნენ მათ სარგებლობაში არსებული მიწების საკუთრებაში დამტკიცებას. მთავრობამ ეს მოთხოვნა არ დააკმაყოფილა და მომჩივანთ ურჩია, მოეთმინათ საადგილმამულო საკითხის საკანონმდებლო წესით გადაწყვეტამდე.¹¹³ ლოდინი კი წლობით გაგრძელდა. საქმის გაჭიანურების გამო უკმაყოფილო ბათუმის ოლქის ალა-ბეგები 1888 წ. 24 ნოემბერს იმპერატორს განმეორებით წერდნენ: უკვე 10 წელია, რაც რუსეთის ქვეშევრდომობაში ვართ და მიწათმფლობელობის წესებში ჩვენთან ცვლილებები არ მომხდარა. ყველაზე მეტად მიწის ყიდვა-გაყიდვის აკრძალვა გვაწუხებს მიწები მემკვიდრეობით ან ნასყიდობით გვაქვს მიღებული და გთხოვთ, ნუ შეღახათ ჩვენს უფლებებსო. ისინი ჩიოდნენ იმის გამოც, რომ საზინამ მათ ჩამოართვა მუჰაჯირებისაგან შექმნილი მიწები. ბათუმის ოლქის მიწათმფლობელები იმპერატორს დაბეჯითებით თხოვდნენ: მიწა დაეტოვებინათ იმათ საკუთრებაში, ვის ხელშიც ამჟამად იმყოფება, მიეცათ ყიდვა-გაყიდვის უფლება და მუჰაჯირების მიწებზეც ისეთივე შეღავათები გაეუცკლებინათ, როგორც ახალციხის მაზრაში იყო.¹¹⁴

მოსახლეობის, განსაკუთრებით, გლეხობის, ახალი მძლავრი მღელვარება გამოიწვია ბათუმისა და ყარსის ოლქების მიწების ადგილობრივი მმართველობიდან მიწათმოქმედებისა და სახელმწიფო ქონებათა სამინისტროს სისტემაში გადაცემაში. ამის შედეგად მიწათსარგებლობის პირობები კიდევ უფრო გაუარესდა.

გლეხობა ყველაზე მეტად შეწუხებული იყო საძოვარ-სათიბების და ტყეებით სარგებლობის შეზღუდვის გამო. ამას მთავრობის მოხელეებაც ვერ მალავდნენ. ვინმე ბოშინი, რომელმაც ჩაქვის საუფლისწულო მამულის ტოპოგრაფიული რუკა შეადგინა, დასძენდა, ადგილობრივი მოსახლეობა შეუპოვრად იბრძვის ტყეებით სარგებლობაზე ტრადიციული უფლებებისათვის და მთავრობის მოხელეებს სასტიკ წინააღმდეგობას უწევსო.¹¹⁵

გლეხთა გამოსვლები განსაკუთრებით ძლიერი იყო 1894-1895 წლებში. 1894 წ. ზემო აჭარის ტყეები სახელმწიფო ქონებათა უწყებას რომ გადაეცა და მეტყვევები დანიშნეს, გლეხობა აჯანყდა. ისინი გაიძახოდნენ: ამ სულთამხუთეელებს თუ არ მოგვაშორებთ, თავი ცოცხალი აღარ გვინდაო. ნოემბერში აჯანყებული გლეხები ხულოში შეიკრიბნენ და დაგმეს მთავრობის ძალმომრეობა. მათ ოთხკაციანი დეპუტაცია აირჩიეს და თხოვნა-საჩივრით პეტერბურგში მიაგლინეს. თედო სახოკიას ცნობით, ზემო აჭარის ხელის უფროსმა ბურიძემ და მეტყვეე აბაზაძემ დიდი ჯაფა გასწიეს აჯანყებული ხალხის დასამშვიდებლად. ისინი მოსახლეობას არწმუნებდნენ, რომ მთავრობას თქვენი შევიწროება კი არ სურს, არამედ ტყის უწყსო გამოყენების წინააღმდეგ იბრძვისო. თქვენ კვლავინდებურად შეგიძლიათ უბაჟოდ გამოიტანოთ

¹¹³ იქვე, ფ. 12, ან. 10, ს. 162, ფურც. 31.

¹¹⁴ იქვე, ფ. 231, ან. 2, ს. 62, ფურც. 42-48.

¹¹⁵ აცხა, ფ. 22, ს. 62, ფურც. 13.

შეშა და სამშენებლო ხე-ტყეო.¹¹⁶

ხალხის მღვლეარების ხმა პეტერბურგსაც მისწვდა. საქმეში მაღალი რანგის მოხელენიც ჩაერთვნენ. 1895 წ. 12 აპრილს მიწათმოქმედებისა და სახელმწიფო ქონების მინისტრი ქუთაისის სამხედრო გუბერნატორს სწერდა მე მაცნობეს რომ ზემო აჭარის მოსახლეობა აღშფოთებულია, არ სურთ მიწები გადაეცეს სახელმწიფო ქონების უწყებას. მეფის სახელით ვაცხადებთ, რომ მოსახლეობა შევიწროებული არ იქნება. სავარგულებითა და ტყეებით წინანდებურადვე ისარგებლებნო.¹¹⁷ ხალხმა მაინც არ დაიჯერა მაშინ მთავრობამ გლეხთა გამოსვლა ძალით ჩააქრო, დააპატიმრეს მოთავეები. მიუხედავად ამისა, გლეხობა ადგილ-მამულისათვის ბრძოლას მაინც განაგრძობდა.

1895 წ. ზემო აჭარისა და შავშეთ-იმერხეის გლეხებმა დონდუკოე-კორსაკოეს გადასცეს თხოვნა-სანივარი. ისინი უმეყოფილებას გამოთქამდნენ მამა-პაპულ ადგილ-მამულზე თავიანთი უფლებების შელახვის გამო და მოითხოვდნენ ტყეების საძოვრებისა და საბაღახოების თავისუფლად, ძველებური წესით, სარგებლობა-გამოყენებას. საქმეში ჩაერია იმპერიის თავდაცვის მინისტრი, რომელმაც კავკასიის მთავარმართებელს ურჩია დაეტოვებინა ადგილ-მამულე მხარის მოსახლეობის მოვლობაში. და, მაინც, მიწათმოქმედებისა და სახელმწიფო ქონების სამინისტროს მოხელეები თავისას ჯიუტად ირემებდნენ.¹¹⁸ მაშინ აღშფოთებულმა გლეხობამ ბრძოლის რადიკალურ ხერხს მიმართა და ორი წლის განმავლობაში ტყის დიდი ნაწილი გაახმო. თედო სახოკია გადმოგვცემდა: „გული გწყდება ადამიანს ამ გავერანებული ტყის ყურებაზე და თანაც ვერ გაგიმართლებია ეს საცოდავი ხალხი და ვერც თუ სულ გაგიმტყუნებია“.¹¹⁹

ხალხი უარყოფითად შეხედა მეტყვევთა და ტყისმცველთა ინსტიტუტის შემოღებას და მისი გაუქმება მოითხოვა. ამის თაობაზე ბათუმის ოლქის სოფლებში გლეხთა შეკრებები იმართებოდა, სადაც სპეციალურ დეპუტაციებს ადგენდნენ. მათ ხელი-სუფლების ორგანოებში სანიერები შექმნდათ. გასული საუკუნის 90-იან წლებში სოფელ ბორჩხაიდან (ართვინის ოკრუგი) ქუთაისში გლეხთა სამი დეპუტაცია გაიგზავნა.

ამ დეპუტაციების სამგზავრო ფულს თვითონ გლეხობა აგროვებდა. 1895 წ. ბორჩხას გლეხებმა თითოეული დეპუტაციისათვის 300-400 მანეთი შეაგროვეს ი. ჯაიანის ცნობით, „გაუთავებელი და ბოლომოდებელი სანიერისათვის ფულის გაღებაში წელში მოღუნა საწყალი ხალხი“.¹²⁰ ამას სასურველი შედეგი არ მოჰყოლია, ეინაიდან მიწათმოქმედებისა და სახელმწიფო ქონების სამინისტროს ქუთაისის სამმართველოს მოხელეები, ქუთაისის საგუბერნიო ადმინისტრაცია გლეხთა მოთხოვნებს აშკარად უგულბებლყოფდნენ. იმედგაცრუებული გლეხობა თავისი წარმომადგენლების პეტერბურგში გაგზავნას აპირებდა, მაგრამ უსახსრობის გამო ამ განზრახვის სისრულეში მოყვანა ვერ შეძლო.¹²¹

მოსახლეობამ ადგილ-მამულზე დიდძალი სასარჩელო საქმე აღძრა ამ საქმეების მეტი ნაწილი მიწების ყიდვა-გაყიდვას ეხებოდა. ქუთაისის საოკრუგო სასამართლომ, მისმა ბათუმის განყოფილებამ ადგილ-მამულის ნახყიდობის არაერთი საბუთი

116 თ.სახოკია, მოგზაურობანი, თბ., 1950, გვ. 219.

117 აშხე, ს. 63, ფურც. 4-5.

118 ო.თურმანიძე, გლეხთა მოძრაობა აჭარაში რუსეთის ბირველი რევოლუციის წლებში, ბათ., 1979, გვ. 41.

119 თ.სახოკია, დასახ. ნაშრ., გვ. 220.

120 გაზ. „ივერია“, 17 თებერვალი, 1895; ო. თურმანიძე, დასახ. ნაშრ., გვ. 39-40.

121 იქვე.

დაამტკიცა, თუმცა, მთავრობა მათ კანონიერად არ თვლიდა. 1895-1899 წწ. სანჯაყ-ბეგ აბაშიძეების ადგილ-მამულის საქმეს ქუთაისის საოკრუგო სასამართლო იხილავდა, მაგრამ მთავრობამ სასამართლოს განაჩენი მართებულად არ სცნო. ბოლოს, აბაშიძეებსა და სახაზინო უწყების მოხელეებს შორის ხელჩართული ბრძოლაც გაიმართა. საქმე იქამდე მივიდა, რომ მემედ-ბეგ აბაშიძემ მიწათმოქმედებისა და სახელმწიფო ქონების სამინისტროს წარმომადგენელს სილა გააწვანა.

1901 წ. იანვარში ბათუმის ოლქში ჩამოვიდა „სტატსკი სოვეტნიკი“ გ. ეჯუბოვი. რომელსაც ევალებოდა შეემოწმებინა მიწების ყიდვ-გაყიდვის საბუთების კანონიერების შემოწმება და ადგილზე არსებული კონკრეტული ვითარების შესწავლა.¹²² ეს „იოზიტოც“ უშედეგო გამოდგა, რადგან ისევე გრძელდებოდა ადგილ-მამულით ვაჭრობა და სასამართლო-ნოტარიუსის ორგანოებში განხილვა. 1904 წ. ასლან და ბახრი ფაშა თავდგირიძეებმა ადგილ-მამულზე სარჩელი ქუთაისის საოკრუგო სასამართლოში შეიტანეს. ამასთან დაკავშირებით მიწათმოქმედებისა და სახელმწიფო ქონების სამინისტროს ქუთაისის სამმართველოს უფროსი თავამოდებით იცავდა ხაზინის ინტერესებს. იგი 1904 წ. 24 ივნისს ამავე უწყების კავკასიის რწმუნებულის იურიდიულ კონსულტანტს სწერდა, რომ დაეთრებში მათი (თავდგირიძეების) მიწები არ წერიაო. თავდგირიძეების ბრძოლა მიწისათვის უშედეგოდ დამთავრდა.

აჭარის მოსახლეობა პროტესტს გამოთქამდა უცხოელი მოახალშენეების მიერ ადგილ-მამულის დატაცებისა და კოლონიების შექმნის გამო. XIX ს. 80-იანი წლების დასაწყისში კონტრიშის საპოლიციო უბნის გლეხებმა დიდი აქციები მოაწყვეს ფიჭვნარში რუსული ახალშენის დაარსების გამო. გაზეთ „დროების“ ცნობით, „ამ გარემოებას გამოუწვევია უთანხმოება, ჩხუბი და აყვამაყალი ადგილობრივ მცხოვრებთა და ახალ დასახლებულთა შორის“.¹²³ 1889-1902 წლებში ართვინის ოკრუგის სოფელ ირსას გლეხები ჩიოდნენ, რომ იტალიის მოქალაქემ ანტონ სალერნიმ მთავრობის დახმარებით 240 დესეტინა მიწა იგდო ხელთ და სამთამადნო წარმოებას შეუდგა ამის შედეგად მცირემიწიან მხარეში გლეხთა მიწათსარგებლობა უკიდურესად შეიზღუდა. გლეხები მოითხოვდნენ ამ ადგილ-მამულის მათსავე საკუთრებაში დაბრუნებას. საბოლოოდ, ბათუმის ოლქის სამხედრო გუბერნატორი იძულებული იყო ეღიარებინა, რომ მოსახლეობის მოთხოვნა სამართლიანია და აუცილებლად უნდა დაკმაყოფილდესო.¹²⁴

გლეხები შეუპოვრად იბრძოდნენ საუფლისწულო უწყების წინააღმდეგ, რომელიც მათ არ აძლევდა ჩაქვის მთიანი ზონის მდელელებისა და ტყეების გამოყენების საშუალებას. მთავრობის მცდელობამ - გადაეყვანა ჩაქვის ხეობის გლეხები საუფლისწულო უწყებაში, მძლავრი მდელეარება გამოიწვია. ხალასა და გორგაძეების გლეხებმა 1898 წ. აპრილში ა. ჯიჯავაძე, კ. ყურშუბაძე და ა. იმნაძე თხოვნა-საჩივრით წარგზავნეს კავკასიის მთავარმართებელთან. კოლექტიურ განცხადებაში ნათქვამია: დაახლოებით ერთი თვის წინათ ჩატარდა ხალასა და დიდიჯამეს (თანამედროვე ჩაქვის ჩაისუბანი) სოფლების გლეხთა შეკრება. გამოგვიცხადეს, რომ ჩაქვის საუფლისწულო მამულის დაქვემდებარებაში ვართ გადაყვანილი. ეს ჩვენთვის მძიმე ასტანია. საუფლისწულო უწყებამ ჯერ მიწები წაგვართვია, ახლა კი ჩვენი დამონება სურსო. მოსახლეობა საუფლისწულო უწყების დაქვემდებარებაში გადასვლის გადაწყ-

¹²² ო.თურმანიძე, დასახ. ნაშრ., გვ. 45.

¹²³ გაზ. „დროება“, 2 დეკემბერი, 1884.

¹²⁴ ო.თურმანიძე, დასახ. ნაშრ., გვ. 37-38.

ვეტილების გაუქმებას მოითხოვდა.¹²⁵

დიდხანს გაგრძელდა გლეხობის ბრძოლა საუფლისწულო უწყებასთან მდელიობისა და ტყეების სარგებლობის გამო, ადგილობრივი მოსახლეობა მათ დასაბამიდან იყენებდა, მაგრამ ჩაქვის საუფლისწულო მამულის შექმნის შემდეგ ეს უფლება დაკარგა ყველაზე მეტად დასარაღდნენ ჩაქვისა და ყოროლისწყლის ხეობების, აგრეთვე ქვემო აჭარის სოფლები.

მოსახლეობა არ ეუბნებოდა საუფლისწულო უწყების მოხელეებს, ტყეებსა და მდელიობებს გაბუფულად იყენებდა, რისთვისაც ზოგჯერ იარაღსაც მიმართავდა. სხვანაირად მათ არ შეეძლოთ ცხოვრება და არსებობა. ამის გამო საუფლისწულო უწყებამ აჭარელ გლეხთა საქმე არაერთხელ გადასცა სასამართლოს. მათ ბრალს დებდნენ ნებართვის გარეშე მდელიობების გამოყენებაში, შეშისა და სამშენებლო ხე-ტყის მოჭრაში. 1899 წ. საუფლისწულო მამულის ადმინისტრაციამ პასუხისგებაში მისცა ჩაქველი გლეხი ქემალ ყურშუბაძე. 1902 წ. ქვემო აჭარის სოფლების – ზუნდაგას, საღორეთის, მახუნცეთის გლეხებმა შეიარაღებული წინააღმდეგობა გაუწიეს ჩაქვის საუფლისწულო მამულის მოხელეებს, რომლებიც მოსახლეობას ედაუებოდნენ მდელიობითა და ხე-ტყით სარგებლობის თაობაზე.

გლეხებმა ს. მახუნცეთთან განაიარაღეს და უკანვე გამოაძევეს ჩაქვის საუფლისწულო უწყების მოხელეები. მდგომარეობა ისე გამწვავდა, რომ საქმეში ჩაერივნენ პეტერბურგის საუფლისწულო მამულების მთავარი სამმართველოს უფროსი კონუბი და კაეკასიის მთავარმართებელი გოლიცინი. ვითარების შესასწავლად 1902 წ. ჩამოვიდა ქუთაისის სამხედრო გუბერნატორი. იგი ართვინის ოკრუგსაც ეწვია, რადგან იქაც უკიდურესად გამწვავებული იყო გლეხთა მოძრაობა ამ მოგზაურობის შედეგად მთავრობამ შექმნა სპეციალური კომისია, რომელსაც უნდა შეესწავლა ჩაქვის საუფლისწულო მამულისა და აღნიშნული სოფლების მოსახლეობის სადაეო საკითხები.¹²⁶ კომისიამ კონკრეტული ღონისძიებების შემუშავება ვერ შეძლო და, ცხადია, სიტუაცია კვლავინდებურად დაძაბული რჩებოდა.

აგრარული მოძრაობის ისეთ ფორმას, როგორცაა ურჩობა, ბათუმის ოლქში საყოველთაო ხასიათი ჰქონდა. იგი ბევრ შემთხვევაში მასობრივ გამოსვლებში, აჯანყებაში გადაიზრდებოდა. 1879 წ. იანვარში ზემო აჭარის, ტბეთის, ჭვანის, მარეთის ხეობის სოფლების გლეხებმა უარი განაცხადეს გადასახადების გადახდაზე, დაარბიეს შირინ-აღა დაეითაძის სახლ-კარი, რომელსაც მთავრობისაგან დავალებული ჰქონდა გადასახადების აკრეფა.¹²⁷ გააქტიურდნენ ბათუმისა და ართვინის ოკრუგების გლეხებიც, მოძრაობა საყოველთაო იყო.¹²⁸

გადასახადების ამოღებისათვის მთავრობა ყველა შესაძლო ღონისძიებას მიმართავდა, მაგრამ ურჩობა მაინც ვერ აღკვეთა. 1879-1900 წლებში გადასახადების ნარჩენებმა ე.წ. „ნედლიმეკება“ 48623 მან. შეადგინა ხელისუფლება იძულებული გახდა აღნიშნული თანხა ჩამოეწერა.¹²⁹

მოსახლეობის აყრა-გაქცევა ძირითადად დაკავშირებული იყო აგრარულ საკითხთან; იგი ყველაზე უფრო 1878-1904 და 1914-1918 წლებში გამოვლინდა. მოსახლეობამ ევლარ აიტანა ადგილ-მამულზე ტრადიციული მესაკუთრული უფლებების შელახვა,

¹²⁵ სცსსა, ფ. 231, ან. 1, ს. 274, ფურც. 16.

¹²⁶ ო.ო.რეპროდუქცი. დასახ. ნაშრ., გვ. 44.

¹²⁷ გაზ. „დროება“, 31 იანვარი, 1879.

¹²⁸ იქვე, 22 აპრილი, 1879.

¹²⁹ Обзор Батумской области за 1903 год. Бат., 1904, с. 22.

გადასახადების სიმძიმე და თავშესაფარი უცხო ქვეყანაში მოქმენა. ეს იყო დიდი ეროვნული უბედურება, რომლის წინააღმდეგ გაბედულად აღიმადლეს ხმა ი. ჭავჭავაძემ, ა. წერეთელმა, ი. გოგებაშვილმა, ს. მესხმა, ნ. ნიკოლაძემ, დ. ბაქრაძემ და სხვებმა. ისინი მოითხოვდნენ ხალხის მიმე ხვედრის შემსუბუქებას, უწინარესად, გადასახადებისა და ბეგარა-ვალდებულებებისაგან დროებით მიანიც გაათავისუფლებას, მამაპაპული ადგილ-მამულის მათსავე საკუთრებაში დამტკიცებას. სხვათა შორის, როგორც რუსეთის სამხედრო კორესპონდენტი ა. ფრენკელიც აღნიშნავდა, ოსმალეთში გადასახლება რომ შეწყდეს, მთავრობამ ოფიციალურად უნდა აღიაროს მოსახლეობის უპირობო უფლება უძრავ ქონებაზე (მიწაზე), რამდენიმე წლით გააუქმოს გადასახადები და ბეგარა-ვალდებულებანი.¹³⁰

ხელისუფლებას კი ამის გაგონება არ სურდა. პირიქით, მიწების ხელში ჩაგდების მიზნით იგი ფარულად კიდევ უწყობდა ხელს მოსახლეობის აყრა-გაქცევას სწორედ მთავრობის შეგნებული უმოქმედობით, პრაქტიკულად კი წაქეზებით, 1878-1880 წლებში ბათუმის ოლქიდან ოსმალეთში 21370 კაცი გადაიხვეწა, მათგან ნახევარზე მეტი (12350) ბათუმის ოკრუგიდან იყო.¹³¹

მართალია, 1882 წ. დამთავრდა ბათუმისა და ყარსის ოლქებიდან მუჰაჯირად წასვლის სამწლიანი ვადა, მაგრამ მოსახლეობის აყრა-გაქცევა მაინც გრძელდებოდა. ზ. ჭიჭინაძის ცნობით, 1901 წ. მხოლოდ შეეშეთიდან 800 კაცამდე გადასახლდა.¹³²

უცხოეთში გადახვეწილები იქ ფუძეს ვერ ნახულობდნენ, ბევრი გზაზე იხოცებოდა, ნაწილი კი დაბრუნებას ამჯობინებდა, მაგრამ მეფის რუსეთის ხელისუფლება ისევ უკან ერეკებოდა მრავალთაგან ამის მაგალითია ჩაქველი გლეხის სულეიმან ფითოზ-ოღლის ბედი. იგი 1879 წ. მუჰაჯირად წავიდა, მაგრამ ახალ პირობებს ვერ შეეგუა და 1881 წ. თავის მიწას დაუბრუნდა. აქაც მძიმე პირობები დაუხვდა და იძულებული გახდა ისევ მუჰაჯირად წასულიყო (1883 წ.). 13 წლის ხეტიანის შემდეგ, 1896 წ. იგი კვლავ მშობლიურ მხარეში დაბრუნდა, მაგრამ მისი, როგორც მუჰაჯირის ადგილ-მამული უკვე საუფლისწულო უწყების საკუთრებაში იყო. ადგილ-მამულის გამოსხნისათვის სულეიმან ფითოზ-ოღლიმ დიდი ჯაფა გასწია არაერთხელ მიმართა მთავრობის ორგანოებს თხოვნა-საჩივრით. 1905 წ. 31 იანვარს კავკასიის მეფისნაცვალს წერდა, რომ მისი ოჯახისათვის მიწის წართმევა სასიკედილო განაჩენია და დაბეჯითებით ითხოვდა დახმარებას, მაგრამ ამოდ. განაწამები მუჰაჯირის თხოვნა-საჩივარი დიდხანს გაგრძელდა. 1908 წლის 15 მარტს კავკასიის მეფისნაცვლის საბჭოს მიერ მიღებული დადგენილებით მას უარი ეთქვა ადგილ-მამულსა და რუსეთის ქვეშევრდომობაზე.¹³³

1905-1907 წლებში აგრარული საკითხი რევოლუციის შინაარსს განსაზღვრავდა. იგი საერთო დემოკრატიულ მოძრაობას გადაენასკევა როგორც მთლიანად საქართველოში, ისე ბათუმის ოლქში მოსახლეობა აგრარულთან ერთად სოციალურ-პოლიტიკურ მოთხოვნებს აყენებდა. მისი ერთ-ერთი თავისებურება იყო ორგანიზებული ხასიათი, რაც განპირობებულია პოლიტიკური პარტიების წარმოშობითა და მათი საქმიანობის გააქტიურებით.

უმწიობითა და მცირემიწიანობით განაწამებმა გლეხობამ ხელი იარაღს მოჰკიდა. 1905 წლის დასაწყისში კახაბრის ველზე (ბათუმის მახლობლად) სოფელ მინდიას

¹³⁰ Френкель А. Очерки Чурук-су и Батума. Тиф., 1879, с. 137.

¹³¹ სცხსა, ფ. 229, ს. 12, ფურც. 20.

¹³² ზ. ჭიჭინაძე, ქართველ მამადანთა გადასახლება ოსმალეთში, ტფ., 1912, გვ. 77.

¹³³ სცხსა, ფ. 229, ან. 2, ს. 1105, ფურც. 1-139.

გლეხებმა დაიტაცეს აქაური მემამულის ომერ-აღა მემედ ზადეს მიწები და ერთმანეთში გაინაწილეს ომერ-აღამ ბათუმის ოლქის სამხედრო გუბერნატორთან ინივლა. გუბერნატორი შეიარაღებული რაზმით პირადად მივიდა კახაბრის ევლზე (სოფელ მინდიაში), გლეხებს მიწები ჩამოართვა და მემამულეს დაუბრუნა.¹³⁴

1905 წ. გლეხთა გამოსვლები მოეწყო ქვემო აჭარასა და კინტრიშის უბანში. ქვემო აჭარაში გლეხების მღელვარება 1905 წ. 7 თებერვალს დაიწყო და 22 თებერვლამდე გაგრძელდა. მასში ორი ათასამდე კაცი მონაწილეობდა, იგი ყველაზე მასობრივი და კარგად ორგანიზებული იყო. აღსანიშნავია, რომ ქვემო აჭარის საპოლიციო უბანში მაშინ (1905 წ. პირველი იანვრის (ცნობით) 2557 კომლი ცხოვრობდა გამოსვლებში მონაწილეობდა ცხმორისისა და ქედის სასოფლო თემების თითქმის ყველა ოჯახი და ხერთვისის სასოფლო თემის მოსახლეობის უმეტესობა.¹³⁵ მოძრაობის მიზეზები იგივე იყო: გადასახადების სიმძიმე, მიწის, ტყის, საძოვარ-სათიბებით სარგებლობის საქმეში მოსახლეობის შევიწროება და სხვ.

გლეხები შეიარაღებული იყვნენ ცეცხლსასროლი და ცივი იარაღით: თოფებით, რევოლვერებით, ცულებით, წალღებით, დანებით. აჯანყებულები ჯერ ქედის ხილთან შეიკრიბნენ და ერთგულების ფიცი დადეს, შემდეგ საპოლიციო უბნის შენობასთან მივიდნენ და თავიანთი წარმომადგენლების მეშვეობით პოლიცეისტერ სერგეევს სპეციალური მოთხოვნები გადასცეს. გლეხები მოითხოვდნენ გადასახადების, განსაკუთრებით ტყის ბაჟისა და ტყისმცველთა ინსტიტუტის გაუქმებას, სასოფლო ოკრუგის შესანახი ხარჯებისაგან გათავისუფლებას, ძველი მუხტარის თანამდებობის აღდგენას და ხალხისათვის მისი არსევის უფლების მიცემას, სახელმწიფო მნიშვნელობის გზებზე სამუშაო ქირის გადიდებას, ბათუმიდან ნავთის ამოტანაზე ბაჟის მოხსნას და სხვ. პოლიცეისტერმა მოთხოვნების დაკმაყოფილებაზე უარი განაცხადა. ამით აღშფოთებულმა გლეხობამ მეორე დღეს, 8 თებერვალს, ცხმორისის სასოფლო ოკრუგის კანცელარია დაარბია, საიდან, ხოლო 9 თებერვალს ქედის სასოფლო და საპოლიციო უბნის კანცელარიები, საიდანაც მოხელეები გარეთ გამოყარეს, შენობებს აბრები ჩამოხსნეს, კანცელარიის საბუთები დაწვეს, საჯაროდ დახიეს ნიკოლოზ II სურათი და მოშალეს სატელეფონო კაეშირი ბათუმიდან. ამის შემდეგ სპეციალური მცველები გამოყვეს, რომ გამოძიებული მოხელეებიდან აღმინისტრაციულ შენობაში არაეინ დაბრუნებულიყო. ფაქტობრივად, ქვემო აჭარაში მთავრობის ორგანოები აღარ მოქმედებდნენ.

მთავრობამ აჯანყების ჩასაქრობად საგანგებო ზომები მიიღო და 1905 წ. 10 თებერვალს ქედაში ბათუმის ოკრუგის უფროსი ვიცე-პოლკოვნიკი ჩერნოვი მიავლინა. 11 თებერვალს გლეხებმა მას პეტრია მიართვეს, რომელშიც იგივე მოთხოვნები იყო ჩამოყალიბებული. გლეხები გულისწყრომით ჩიოდნენ „გაგაღტაკდით და ხნა არ-საიდან ჩანს. ერთი აგვიხსენით და გვითხარით (მიმართავენ ცისინი მუფის მთავრობის მოხელეებს), საიდან შეუძლია სოფელს ამოღენა გადასახადის ატანა, სად არის შესაფერისი მოგებაო“.¹³⁶

რუსეთის ხელისუფლებამ, რაკი მღელვარება მშვიდობიანი გზით ვერ ჩააქრო, იარაღს მიმართა. 19 თებერვალს ქვემო აჭარაში კახაკების ასეული ვაავზავნა ორი ოფიცრისა და ბათუმის ოკრუგის უფროსის მეთაურობითა. გლეხებს განზრახული ჰქონდათ შებრძოლებოდნენ მათ. საამისოდ მომზადებულაც იყვნენ, მაგრამ რსდმპ

134 1905 წელი. ბარკადები ბათუში (მოკონეხასა კრებულა), ბათ., 1925, გვ. 87.

135 ო.თურმანიძე, დასახ. ნაშრომ., გვ. 77-78.

136 გაზ. „ვერია“, 26 თებერვალი, 1905.

ბათუმის კომიტეტის, სხვა პოლიტიკური თუ დემოკრატიული ძალების რჩევა-დარგებით წინააღმდეგობაზე უარი თქვეს. 22 თებერვალს იქ ადადგინეს ოფიციალური ხელისუფლება.

აჯანყების ხელმძღვანელები დააპატიმრეს, მაგრამ მალე გაათავისუფლეს. მთავრობა ზოგიერთ დათმობაზე წაიდა და რამდენადმე შეამცირა გადასახადები და გაიზარდა სასოფლო მამასახლისების არჩევნებში მოსახლეობის უფლებები.¹³⁷

1905 წ. მარტში შესამჩნევია იყო აგრარული გამოსვლები ართვინის ოკრუგშიც. გლეხები უარს ამბობდნენ გადასახადების გადაბაზე. შაქმეთ-იმერხევის 66 სოფლის გლეხებმა 441 კაცის ხელმოწერით 1905 წლის მარტის დამლევს საპროტესტო განცხადება გადასცეს პოლიცემისტერს, რომელშიც გამოდნენ სასოფლო მმართველობის შემოღებას და უარს აცხადებდნენ მასთან დაკავშირებული ხარჯების გადაბაზე. ანალოგიური მდგომარეობა იყო ართვინის ოკრუგის დანარჩენ უბნებშიც, ართვინის ოკრუგის შეშინებულ უფროსი 1905 წ. 12 მარტს ბათუმის სამხედრო გუბერნატორს მოახსენებდა, რომ არტანუჯისა და ართვინის უბნებში გლეხობის მღელვარება კიდევ უფრო ძლიერი იყო.¹³⁸

აგრარულ მოძრაობაში აქტიურობდა სასოფლო პროლეტარიატიც. ეს იყო საშოვარზე გასული გლეხები, უმეტესად, დასავლეთ საქართველოდან (გურიი, სამეგრელო, იმერეთი, რაჭა-ლეჩხუმი, სვანეთი და სხვ.), რომლებიც მოითხოვდნენ შრომის პირობების გაუმჯობესებას, ხელფასის მომატებას. შემდგომში მათი მოძრაობა საერთოდემოკრატიულ, პოლიტიკურ გამოსვლებში გადაიზარდა.

1905 წ. გაზაფხულზე გაიფიცნენ პოპოვის მეურნეობის მუშები. პირველად, 1905 წ. მარტში, გაფიცვა სალიბაურის ჩაის პლანტაციებსა და ფაბრიკაში დაიწყო. მომდევნო თვეებში სხვა მამულებშიც (კაპრეშუმი, ჩაქვი) გაერცვლდა, მაისში კი საყოველთაო გაფიცვაში გადაიზარდა. გაფიცული მუშები გადაჭრით მოითხოვდნენ შრომისა და ცხოვრების პირობების გაუმჯობესებას, დღიური თუ თვიური გასამრჯელოს გაძიებას.

პოპოვისა და მისი მეურნეობის მოხელეთა ცდები — მუშათა გაფიცვა მშვიდობიანად ჩაექროთ — უშედეგო აღმოჩნდა ამის შემდეგ მუშები სამუშაოდან დათხოვეს და ჯარისკაცების მეშვეობით მათ გასახლება შეუდგნენ, მაგრამ ეს არც ისე მარტივი აღმოჩნდა. კინტრიშის საპოლიციო უბნის უფროსი ამის თაობაზე ბათუმის ოკრუგის უფროსს მოახსენებდა: მუშებს თუ იძულებით გაეასახლებთ თაყიანთ სოფლებში, მაშინ პოპოვის მეურნეობის ადმინისტრაციული პერსონალის დაცვა შეუძლებელი იქნებაო, გაბოროტებული მუშები კიდევ უფრო დიდ უწყსრიგობას შექმნიან, დახოცვენ მმართველ პერსონალსო. გაფიცვა რამდენიმე დღეს გაგრძლდა. პოპოვი იძულებული გახდა წასულიყო ნაწილობრივ დათმობაზე. დღიურ მუშებს გასამრჯელო ათი კაპიკით, ხოლო თვიურად მომუშავეებს ორი მანეთით გაუზარდეს.¹³⁹

კიდევ უფრო ძლიერი გამოსვლები მოაწყვეს ჩაქვის საუფლისწულო მამულის მუშებმა. აქ 1905 წლიდან მუშათა გაფიცვებმა სისტემატური და საყოველთაო ხასიათი მიიღო. გაფიცული მუშები იმავე მოთხოვნებს აყენებდნენ, რასაც სხვა კაპიტალისტურ მეურნეობებში. ეს გასაგებია. შრომისა და ყოფა-ცხოვრების პირობები ყველგან ერთნაირი იყო. ამ გამოსვლებით შემფოთებული ჩაქვის საუფლისწულო მამულის

¹³⁷ ო.თურმანიძე, დასახ. ნაშრ., გვ. 83-84.

¹³⁸ აცსა, ფ. 1, ს. 159, ფურც. 1.

¹³⁹ ო.თურმანიძე, დასახ. ნაშრ., გვ. 93-97.

მმართველი 1905 წ. 9 აპრილს პეტერბურგს მოახსენებდა ჩაქეში მუშათა მძლავრი მოძრაობა, რომელზედაც ზეგავლენას ახდენს ქალაქი ბათუმი და ოზურგეთის მასობრივი გამოსვლები. ყველა კატეგორიის მუშა მონაწილეობს ადგილი აქვს გაფიცვებს, შეიარაღებულ შეტაკებებს, მეკლელობას. რსდმპ ბათუმის კომიტეტს განსწავლული აქვს მუშები ჩაის საკრეფად არ დაუშვას.¹⁴⁰ შეშინებული მმართველი 1905 წ. 3 მაისს ისევ უპატაკებდა მუშების მდელეარებამ ფართო ხასიათი მიიღო. მუშები მოითხოვდნენ გასამრჯელოს მომატებას, გახშირდა მარცვა და მეკლელობა, პლანტაციებში შეიარაღებულ პირები, ავტორიტორები დადიან და „ანტისახელმწიფოებრივ პროპაგანდას ეწვეიანო“.¹⁴¹ მართლაც, პოლიტიკური პარტიების ბათუმის ორგანიზაციები სოფლად, განსაკუთრებით კი კაპიტალისტურ მეურნეობებში, დიდ მუშაობას ეწეოდნენ. სწორედ ამ მუშაობის შედეგი იყო ის, რომ მუშათა ორგანიზებული გამოსვლები, აგრარული მოძრაობა საერთო-დემოკრატიულ, პოლიტიკურ მოძრაობაში გადაიზარდა.

1905 წ. ზაფხულსა და შემოდგომასე ჩაქეის მუშებმა გამოსვლები მოაწყვეს. კავკასიის საუფლისწულო მამულების ინსპექტორის ცნობით, ჩაქეში 1905 წელს მძლავრ გამოსვლებს ადგილი ჰქონდა ოქტომბერში, ნოემბერსა და დეკემბერში. ეს სამი თვე, ინსპექტორის დახასიათებით, საუფლისწულო მამულისათვის ყველაზე მიძიმე იყო.¹⁴²

მუშები აღარ სჯერდებოდნენ მხოლოდ ხელფასის მომატებას, გაფიცული დღეების ანაზღაურებას, საყოფაცხოვრებო პირობების გაუმჯობესებას. ხალხმრავალ მიტინგებზე, რომლებიც მამულის ადმინისტრაციის შენობის წინ იმართებოდა, ისინი მოითხოვდნენ, აგრეთვე, ცარიზმის დამხობას, ძმობას, ერთობას, თავისუფლებას და თანასწორობას. გაისმოდა რევოლუციური სიმღერები - „მარსელიოზა“, „სიმღერა პუგაჩოვზე“ და სხვ.¹⁴³

რევოლუციის დღეებში გლეხობის ურჩობამ საყოველთაო სახე მიიღო. ბათუმის ოლქის გლეხები უარს აცხადებდნენ გადასახადების გადახდაზე. მოძრაობა კინტრიშის საპოლიციო უბანში დაიწყო, რასაც ოლქის მთელმა გლეხობამ აუბა მხარი. ს. ხუცუბანში კინტრიშის უბნის გლეხთა შეკრებაზე, ერთსულოვნად დაადგინეს მთავრობისათვის არცერთი სახის გადასახადი არ მიეცათ. ოლქის გუბერნატორმა ფონ-პარკაუმ გადასახადების ამოღების მიზნით ბათუმში სპეციალური თათბირი დანიშნა. მასზე მოწვეული იყვნენ მოსახლეობის წარმომადგენლები. განსწავლული ჰქონდათ ისინი მანამდე დაეკავებინათ, სანამ გლეხები გადასახადებს არ გადაიხდიდნენ, მაგრამ მოსახლეობის წარმომადგენლები თათბირზე განსწავლულ არ ჩაუვიდნენ.¹⁴⁴

მაშინ ფონ-ფარკაუმ გადასახადების ამოღების მიზნით საპოლიციო უბნებსა და სოფლებში თავისი წარმომადგენლები მიაგვლინა. კინტრიშის უბანში ბათუმის ოკრუგის უფროსის მოვალეობის დროებით შემსრულებელი ნ. ვოიჩეკი გაიგზავნა. მან ყველა ხერხს მიმართა, მაგრამ გადასახადების ამოღება მაინც ვერ შეძლო. ნ. ვოიჩეკის სიტყვით, ქობულეთლებმა განაცხადეს, გადასახადებს მაშინ გადაიხდიან, როდესაც მეზობელი გურია გადაიხდისო. ბათუმის ოლქის დანარჩენი საპოლიციო უბნების მოსახლეობა აცხადებდა: გადასახადებს იმ შემთხვევაში გაუიღებთ, თუ ქობულეთში გადაიხდიანო.¹⁴⁵

¹⁴⁰ სანკტ-პეტერბურგის ცნობა, ფ. 515, ან. 91, ხ. 48, ფურც. 1.

¹⁴¹ იქვე, ფ. 91, ან. 45, ხ. 694, ფურც. 104.

¹⁴² იქვე, ფ. 515, ანაწ. 45, ხ. 899, ფურც. 88.

¹⁴³ იქვე, ფ. 515, ანაწ. 45, ხ. 899, ფურც. 87-90.

¹⁴⁴ ო. თურმანიძე, დასახ. ნაშრ., გვ. 126-127.

¹⁴⁵ იქვე, გვ. 127.

ბათუმის საოლქო ადმინისტრაცია პოზიციას არ თმობდა. 1905 წ. 18 ნოემბერს ქობულეთში გლეხთა შეკრება დანიშნეს, რათა გადასახადები როგორმე ამოეღოთ, ამის ნაცვლად გლეხებმა მიტინგი გამართეს და ერთსულლოვნად დაადგინეს: უნდობლობა გამოეცხადებინათ არსებული ხელისუფლებისათვის, ხოლო გადასახადები არ გაეღოთ. ასეთივე შეკრება მოეწყო ჩაქესა და ორთაბათუმში.

ამ მდგომარეობით აღშფოთებული ფონ-პარკაუ 1905 წლის 5 დეკემბერს კავკასიის მეფისნაცვალს ეორონცოვ-დაშკოვს მოახსენებდა: „18 ნოემბერს ქობულეთში, ხოლო 19 ნოემბერს ჩაქესი მოსახლეობა აშკარად გადავიდა მემამოხეთა მხარეზე და ერთიანად აჯანყდა, შექმნა შეიარაღებული რაზმები და შეეცადა ტყვედ აეყვანა ქვეითთა ნახევარი ასეული და 15 კახაიკი“.¹⁴⁶

1905 წ. ნოემბრის დამლევს გლეხთა მოძრაობა კინტრიშის საპოლიციო უბანშიც შეიარაღებულ აჯანყებაში გადაიზარდა იგი 29 ნოემბრიდან 1 დეკემბრამდე გრძელდებოდა. აჯანყებულებმა მთავრობის სადამსჯელო რაზმები განაიარაღეს და ხელი-სუფლებას დაეუფლნენ. თან ბათუმის პროლეტარიატსაც შეიარაღებული რაზმი მიაშველეს, მაგრამ იქ აჯანყება უკვე დამარცხებული იყო და მას ბრძოლებში მონაწილეობა აღარ მიუღია. ბათუმის შემდეგ აჯანყება ქობულეთშიც ჩაახშვეს და ხელისუფლების ორგანოები აღადგინეს აჯანყების მონაწილეებს კი მკაცრად გაუსწორდნენ.

მაშინ ფონ-პარკაუმ თავისთან მიიწვია კინტრიშის უბნის გავლენიანი სასულიერო პირები და მათი მეშვეობით შეეცადა გადასახადების ამოღებას, მაგრამ ამაოდ. ამით შეწუხებული გუბერნატორი კავკასიის მეფისნაცვალს სწერდა: „ჩემი მოთხოვნა გადასახადების ამოღებისა და იარაღის ჩაბარების შესახებ, სამწუხაროდ, დღემდე არ სრულდება, ხოლო მღელვარება გრძელდება“.¹⁴⁷

გადასახადების გადახდაზე აჭარელთა ურჩობა საყოველთაოდ ცნობილი გახდა. 1905 წ. 28 ნოემბერს ართვინის ოკრუგის უფროსი ბათუმის ოლქის სამხედრო გუბერნატორს ატყობინებდა: ართვინში გაერცვლდა ხმები, რომ აჭარლებს არ სურთ გადაიხადონ გადასახადები. ართვინის მოსახლეობა რელიგიითა და ნათესაობით დაკავშირებულია აჭარლებთან და ამ ხმებს დიდი გავლენა აქვსო. ართვინის ოკრუგის უფროსი სამხედრო გუბერნატორისაგან თხოულობდა ინფორმაციას ბათუმის ოკრუგში გადასახადების ამოღების შესახებ.¹⁴⁸ ამის პასუხად 10 დეკემბერს ბათუმის ოკრუგის უფროსი წერდა კინტრიშის უბანში მოსახლეობას გადასახადები არ გადაუხდია. გონიოს საპოლიციო უბნის გლეხები ასევე უარს აცხადებენ, სანამ კინტრიშის უბნის მოსახლეობა არ გადაიხდის. ქვემო და ზემო აჭარის გლეხობას გადასახადების ჩაბარება არ სურთ.¹⁴⁹

ხელისუფლება ერთხელ კიდევ შეეცადა ერთგული ალა-ბეგების და სასულიერო წოდების დახმარებით გადასახადები ამოეღო. ისინი გლეხებს აშინებდნენ, თუ გადასახადებს არ გადაიხდით, მთავრობა კიდევ უფრო მკაცრ რეპრესიებს გაატარებს და მას მძიმე შედეგები მოჰყვებაო. 1905 წლის დეკემბრის მეორე ნახევარში მოსყიდული პირები გლეხებს ჩასწინებდნენ, გადასახადების გადაუხდელობის შემთხვევაში თქვენ სამშობლოს მოღალატეებად ჩაგთვლიანო. ასეთი პროპაგანდის საწინააღმდეგოდ რსდმპ ბათუმის კომიტეტმა 1905 წ. 21 დეკემბერს სპეციალური პროკლამაცია გამოუშვა. მასში გლეხობის მისამართით ნათქვამია: ამხანაგო ჩაქველებო! სანამ

¹⁴⁶ Революция 1905-1907 гг. в Грузии. Сборник документов. Тб., 1956, с. 480.

¹⁴⁷ იქვე გვ. 481.

¹⁴⁸ აცხა, ფ. 1, ს. 207, ფურც. 5-7.

¹⁴⁹ იქვე, ფ. 1, ს. 207, ფურც. 5-7.

გადასახადებს გადაიხდიდეთ, მინამ დააკვირდით, თუ რა ხდება ქვეყანაში. გლეხები ყველგან უარს ამბობენ გადასახადების გადახდაზე და სამიხედრო ვალდებულების შესრულებაზე. შეხედეთ, თუ როგორ მოქმედებენ ჩვენი გურულები. თქვენ ხალხის მოვალეატი მამინ იქნებით, თუ გადასახადებს გადაიხდით და ამით მთავრობას გააძლიერებთ. პროკლამაცია ჩაქველებს მოუწოდებდა გაეძევებინათ ის ბორბტმოქმედნი, ვინც მოსახლეობას ატიტაციას უწევდა მთავრობის სასარგებლოდ გადასახადების გადახდის შესახებ. ბათუმის კომიტეტი მოუწოდებდა გლეხობას – დამორჩილებოდნენ ხალხის დადგენილებას და მთავრობისათვის არცერთი კაპიკი არ მიეცათ. პროკლამაცია მთავრდებოდა მოწოდებით: „ძირს გადასახადები, ძირს ხალხის მტრები, გაუმარჯოს ღარიბ ხალხს“.¹⁵⁰

გლეხთა ურჩობა გადასახადებზე შეიმჩნეოდა რევოლუციის უკანდახვევისა და დამარცხების პირობებშიც. ამ მიმართულებით მნიშვნელოვან მუშაობას ეწეოდნენ მასწავლებლები, სასოფლო ოკრუგების მდივან-მწერლები და მოწინავე გლეხები. გადასახადების გადახდის საწინააღმდეგო პროპაგანდისათვის 1906 წ. თებერვალში სამი თვით დააპატიმრეს აჭარის ს კიბეს მცხოვრებლები – ყველგან და თემელ ემინი-აღა-ოდლები. მაჭახლის ხეობასა და გონიოს უბნის სოფლებში ასეთი პროპაგანდისათვის სამუშაოდან მოხსნეს მასწავლებელი ლაზარე დარსაველიძე და სარფის სასოფლო ოკრუგის მდივან-მწერალი მიხეილ ჯინჭარაძე.¹⁵¹

1906 წ. დასაწყისში ბათუმის ოლქის სამხედრო გუბერნატორმა იმოგზაურა ბათუმისა და ართვინის ოკრუგების სოფლებში. მასთან შეხვედრისას გლეხებმა დიდი უკმაყოფილება გამოთქვეს და კატეგორიულად მოითხოვეს მუჰაჯირების მიწების, ბაღბოსტნების, შენობა-ნაგებობების სოფლის სასოგადოებისათვის გადაცემა.

გუბერნატორი 1906 წ. 17 თებერვალს წოდებრივ-საადგილმამულო საკითხის მომწესრიგებელი კომისიის თავმჯდომარეს სწერდა: მუჰაჯირების მიწებით და სხვა უძრავი ქონებით ღარიბი მოსახლეობა ვერ სარგებლობს, ეს ქონება სოფლის გადღუნინანი პირების, არამეკიდრი მოსახლეობის ხელში ექცევა და საკულუაციის მიზნით იყენებოდა. გუბერნატორი მოითხოვდა მუჰაჯირების მიწების და სხვა უძრავი ქონების გადაცემას მიწათმოქმედებისა და სახელმწიფო ქონების სამინისტროს სისტემიდან ისევე სოფლის სასოგადოებების გამგებლობაში. ეს მოთხოვნა მთავრობამ არ დააკმაყოფილა.¹⁵²

რევოლუციის გავლენით ალა-ბეგებიც გააქტიურდნენ. ხანგრძლივი უშედეგო დავით უკმაყოფილო მათი დეპუტაცია 1906 წლის მარტში ევრონცოვ-დაშოვს ეწვია და სამახსოვრო ბარათი გადასცა. მას ხელს აწერდა 35 კაცი, მათ შორის ჯგემალ და ზექერია ხიმშიაშვილები, მემედ და ზია აბაშიძეები, თოფან შერვაშიძე, ოსმან ჩაღლეიშვილი, დევრიშ ბუყანიძე და სხვ. ისინი მოითხოვდნენ ბათუმის ოლქის მკვიდრი მოსახლეობის მიწათმოქმედების საკანონმდებლო წესით გადაწყვეტის დაჩქარებას, სოფლის სასოგადოების მიწების გამოჯენას, თითოეული კომლისათვის იმ მიწების დამტკიცებას, რომლებიც ოსმალთა ბატონობისას ეკუთვნოდათ და ახლაც ფლობენ, საკუთრების უფლების წილისუფლებზე გავრცელებას, მთავრობის მიერ წართმეულ მიწებზე საკუთრების საბუთების დაბრუნებას; თუ ვინმეს მიწის საბუთები არ აღმოაჩნდებოდა, მამინ ასეთი უნდა შეეკმნათ 12 მოწმის ჩვენების საფუძველზე, როგორც ეს სოხუმის ოკრუგში იყო; მოსახლეობას საკუთარი მიწების გასხვისების,

¹⁵⁰ ოთურმანიძე, დასახ. ნაშრ., გვ. 140-141.

¹⁵¹ აცსა, ფ. 1, ს. 222, ფურც. 2; ოთურმანიძე, დასახ. ნაშრ., გვ. 146-147.

¹⁵² სცსა, ფ. 231, ან. 1, ს. 387, ფურც. 9-21.

მათ შორის ყიფია-გაყიდვის, დაგირაგების, გაჩუქებისა და სახაზინო ტყეების უფასოდ სარგებლობის უფლება უნდა მისცემოდა. მუჰაჯირთა მიწები სოფლის საზოგადოებებს გადასცემოდა, ხოლო ვაჟუფები წინანდებურადვე მენქეთების მფლობელობაში დარჩენილიყო. სამახსოვრო ბარათში ისეთი მოთხოვნებიც იყო, როგორიცაა სკოლების, საავადმყოფოების გახსნა, მოსწავლეეთათვის სტიპენდიების დანიშვნა, სათათბიროს შემოიღება და სხვ.¹⁵³ მთავრობამ აღნიშნული მოთხოვნები, რა თქმა უნდა, არ დააკმაყოფილა.

1906 წ. 25 იანვარს გონიოს, თხილნარის, ახალსოფლის, მაკრიალისა და სხვა სოფლების გლეხებმა ბათუმის ოლქის სამხედრო გუბერნატორს თავისი თხოვნა-საჩივარი მიართვეს. ისინი აღშფოთებას გამოთქვამდნენ იმის გამო, რომ აუკრძალეს ჭაობიან ადგილებში ბრინჯის თესვა, თითქოს იგი მალარიას იწვევდა. გლეხები მოითხოვდნენ ამ აკრძალვის გაუქმებას, ან ხაზინის სახსრებით ჭაობიანი ადგილების ამოშრობას.¹⁵⁴

1906 წ. გაზაფხულზე კინტრიშის უბნის გლეხებმა თავიანთ განცხადებაში პროტესტი გამოთქვეს ადგილ-მამულების გაყიდვის აკრძალვის გამო და ამ დადგენილების გაუქმებას მოითხოვდნენ.¹⁵⁵ ამ თხოვნასაც არ მოჰყოლია შედეგი, რადგან მთავრობა ფისკალურ ინტერესებს ყველაზე მაღლა აყენებდა.

1905-1907 წლებში აჭარის გლეხობამ არა ერთი საჩივარი აღძრა საუფლისწულო უწყების მისამართით. 1906 წლის 6 დეკემბერს კინტრიშის უბნის სოფელ დიდიჯამეს (ამჟამად ჩაქვის ჩაისუბანი) გლეხებმა თხოვნა-საჩივარი გადასცეს ვორონცოვ-დაშკოვს. ისინი უჩიოდნენ ჩაქვის საუფლისწულო მამულის ადმინისტრაციას, რომელმაც ამ სოფლის მოსახლეობას ტყეები და მდელოები ძალით წაართვა და დისაკუთრა. გლეხები მოითხოვდნენ საკითხის შესწავლას და სამართლიანობის აღდგენას. საუფლისწულო უწყება კი თავის 1907 წ. 6 მაისის განმარტებაში იშველიებდა მიწათმოქმედებისა და სახელმწიფო ქონების სამინისტროს 1898 წ. 5 მაისის აქტს, რითაც ჩაქვის ხეობის მიწები მას დაუკანონდა და გლეხოების კანონიერი მოთხოვნების დაკმაყოფილებაზე უარს აცხადებდა.¹⁵⁶

ასეთივე შინაარსის საჩივარი აღძრეს ყოროლისწყლის ხეობის ს. აგარის მცხოვრებლებმა. 1906 წ. 7 დეკემბერს ვორონცოვ-დაშკოვისადმი გაგზავნილ განცხადებაში ისინი ჩივიან იმის გამო, რომ საუფლისწულო უწყებამ წაართვა მიწები, რომელსაც მოსახლეობა საძოვრებად, საბალახოებად, შეშისა და სამშენებლო ხე-ტყის მოსაჭრელად იყენებდა. კოლექტიურ განცხადებაში გლეხები აღნიშნავენ, რომ მათ ზემოთ დასახელებულ ტერიტორიაზე გზებიც კი გაიყვანეს, რისთვისაც 10 ათასი რუბლი დახარჯეს. ამ საკითხებზე დავა-საჩივარი წლობით გაგრძელდა, მაგრამ ამოიყო მიმოწერა საუფლისწულო უწყების მიხედვებსა და ბათუმის ოლქის გუბერნატორს შორის.¹⁵⁷

1907 წლის 19 მაისს ართინის ოკრუგის ს. ძანსულის გლეხებმა თხოვნა-საჩივარი გადასცეს კაეკასის მეფისნაცვალს განცხადებას 43 კაცი აწერდა ხელს. ისინი ჩიოდნენ კაეკასის სამთამადნო ამხანაგობის მიერ მიწების მიტაცების გამო. ისინი კატეგორიულად მოითხოვდნენ წიაღისეულის დამუშავების შეწყვეტას და

¹⁵³ იქვე, ფ. 229, ან. 1, ს. 1163, ფურც. 7-8.

¹⁵⁴ იქვე, ფ. 231, ან. 1, ს. 350, ფურც. 53-54.

¹⁵⁵ იქვე, ფურც. 46.

¹⁵⁶ ამხფ. ს. 172, ფურც. 60-62.

¹⁵⁷ სსსს, ფ. 231, ს. 402, ფურც. 4-9; ამხფ. ს. 172, ფურც. 169-173.

მიწების მათსავე მფლობელობაში დაბრუნებას.¹⁵⁸

1905-1907 წლებში საადგილმამულო საკითხებზე დიდძალი საჩივრები შედიოდა სასამართლო ორგანოებში, მაგრამ გლეხობა იქ სამართალს ვერ პოულობდა. ერთი ასეთი ფაქტის შესახებ ლაპარაკია ართვინის ოკრუგის ს. ბიჯის გლეხთა 1907 წ. 15 მაისის განცხადებაში, რომელიც კავკასიის მეფისნაცვალს გადასცეს ამ განცხადებაში უნივიან ქუთაისის საოკრუგო სასამართლოს ბათუმის განყოფილებას. გლეხებს ართვინის მემამულისაგან მიწის ნაკვეთი იჯარით აუღიათ, რისთვისაც მნიშვნელოვანი თანხა გადაუხდიათ. მემამულემ თვითნებურად დაარღვია საიჯარო პირობა — გლეხებს მიწაც წაართვა და ფულის დაბრუნებასაც უარი უთხრა. ართვინის საუბნო სასამართლომ საქმე გლეხთა სასარგებლოდ გადაწყვიტა, მაგრამ ბათუმის საოკრუგო სასამართლომ განაჩენი გააუქმა. გლეხები სამართლიანობის აღდგენას მოითხოვედნენ.¹⁵⁹

დაბნელებულ გლეხობას ეგონა, რომ თხოვნა-საჩივრებით რაიმეს მაინც მიაღწევდა, მაგრამ უშედეგოდ და მაშინ ძალას მიმართავდა. ამას ხელისუფლებაც ხედავდა. ბათუმის ოლქის სამხედრო გუბერნატორი 1907 წ. 31 იანვარს კავკასიის მეფისნაცვალს სწერდა „იმ დროს, როცა გლეხები არ კმაყოფილდებიან „ნადლეებით“, ისინი თავს ესხმიან სახელმწიფო და მემამულეთა მიწებს და ძალით იგდებენ ხელთ“.¹⁶⁰

საადგილმამულო საკითხთა მოუგეარებლობის გამო 1905-1907 წლებში მასიური ხასიათი შეიძინა გლეხთა მიერ საკუთარი მიწებიდან აყრამ და ოსმალეთში გადასახლება. ამას ოფიციალური ხელისუფლებაც აღიარებდა. 1906 წ. 26 დეკემბერს ართვინის ოკრუგის უფროსი ბათუმის ოლქის სამხედრო გუბერნატორს მოახსენებდა, რომ მოსახლეობის აყრა-გაქცევა საადგილმამულო საკითხის მოუწესრიგებლობით და მძიმე სამეურნეო-საყოფაცხოვრებო პირობებით არის გამოწვეული. სწორედ ამ მიზეზით 1906 წლის მეორე ნახევარში ართვინის ოკრუგიდან აიყარა და ოსმალეთში გადაიხვეწა 420 სულთა გადასახლების სამზადისში ყოფილა კიდევ 1200 კაცი.¹⁶¹

აგრარული მოძრაობის მესამე ეტაპზე მასობრივი გამოსვლები, კერძოდ, აჯანყებები აღარ გვხვდება. ამ ეტაპისათვის დამახასიათებელია ბრძოლის პასიური ფორმები, რაც უწინარესად თხოვნა-საჩივრებში, ურნობასა და აყრა-გაქცევაში გამოვლინდა. საადგილმამულო საკითხის გამო მოსახლეობა ძირითადად სასამართლო ორგანოებს მიმართავდა. ქუთაისის საოკრუგო, ბათუმის მომრიგებელი და საუბნო ზეპირსიტყვიერ სასამართლოებში ისევ დიდძალი საჩივარი შედიოდა განაჩენით უკმაყოფილო მოსახლეობა ხშირად თბილისის სასამართლო პალატასაც მიმართავდა. ყოველივე ეს ნერვიულობას, უკიდურეს ფიზიკურ და ფსიქიკურ დატვირთვას უკაშირდებოდა.

იშვიათი არ იყო ისეთი ფაქტი, როდესაც მუქაჯირების ადგილ-მამულს მოახალშენეები თვითნებურად იკაებდნენ. ზოგჯერ კი მიწის ნასყიდობის თანხას მის პატრონს არ აძლევდნენ. ამიტომ მიწის გამყიდველებს სასამართლოში საჩივრის წარდგენა უხდებოდათ. მაგალითად, 1902 წელს ვინმე ს. ანტონოვა ბათუმის შემოგარენში თვითნებურად დაეპატრონა მ. შაშიკოვლის მიწის ნაკვეთს, მაგრამ ამ უკანასკნელმა იგი გამოაძევა და მიწის ნაკვეთიც შეინარჩუნა ს. ანტონოვა შეეცადა

¹⁵⁸ სესსა, ფ. 231, ს. 428, ფურც. 3.

¹⁵⁹ იქმე ფ. 229, ან. 1, ს. 1235, ფურც. 7-8.

¹⁶⁰ იქმე ფ. 231, ან. 1, ს. 425, ფურც. 14.

¹⁶¹ ოთურმანიძე, დასახ. ნაშრ., გვ. 160.

მიწა სასამართლოს მეშვეობით დაებრუნებინა. ბათუმის მომრიგებელმა სასამართლომ საკითხი მის სასარგებლოდ გადაწყვიტა. 1912 წ. მ. შაშიკოვლიმ თხოვნა-საჩივარი ქუთაისის საოკრუგო სასამართლოში გადაიტანა. ეს უკანასკნელი იძულებული გახდა ძველი განაჩენი გაეუქმებინა და მ. შაშიკოვლის უფლებები მიწაზე აღედგინა.¹⁶² მსგავსი შემთხვევები არაერთია.

მთავრობის მიმართ უკმაყოფილებას მოახალშენებელთა გამოთქვამდნენ. კერძოდ, ჭიანჭურდობა სადაგვილმამულო საკითხების საკანონმდებლო წესით გადაწყვეტა ამის შესახებ კარად მეტყველებს პოპოვის მაგალითი 1917 წ. 31 იანვარს კავკასიის მეფისნაცვლისადმი გაგზავნილ წერილში პოპოვი აშკარად გამოხატავდა უკმაყოფილებას და სინანულით დასძენდა, რომ მთავრობამ ბათუმის ოლქში სადაგვილმამულო საკითხი საკანონმდებლო წესით 38 წლის განმავლობაში ვერ გადაწყვიტა ამ ქაოსის ეთარებაში მყიდველი ერთი და იმავე მიწის ნაკვეთში ორმაგ ფასს იხდიდა: ჯერ მიწისმფლობელი უნდა დაეკმაყოფილებინა, შემდეგ კი - ხაზინა. მიუხედავად ამისა, მიწის კერძო საკუთრებაზე საბუთს მთავრობა მაინც არ იძლეოდა.¹⁶³

1908-1917 წლებში ბათუმის ოლქის მოსახლეობის საგრძნობი ნაწილი ოსმალეთში გადაიხვეწა ამის ძირითადი მიზეზი, როგორც ითქვა, იყო ცარიზმის აგრარულ-კოლონიური პოლიტიკა. 1909 წლის ცნობით, მუჰაჯირად წაივდა ქვემო აჭარის 11 სოფლის (დოლოვანი, ზუნდავა, მახუნცეთი, საღორეთი, აგარა, ზენდიდი, გულები, ზესოფელი, ზვარე, ვარჯანისი, წონიარისი) 257 ოჯახი, ე. ი. მოსახლეობის 52,5%.¹⁶⁴ ეს ის სოფლებია, რომლებიც ჩაქვის საუფლისწულო მამულის მთიან ზოლს ესაზღვრებოდა ამ სოფლების მოსახლეობა ტყით, სამოვარ-სათიბებით სარგებლობის მხრივ საუფლისწულო უწყების მიერ უკიდურესად შევიწროებული იყო.

მოსახლეობის აყრა-გაქცევის თაობაზე ართვინის ოკრუგის უფროსი 1913 წ. 13 დეკემბერს ბათუმის ოლქის სამხედრო გუბერნატორს მოახსენებდა ართვინის ოკრუგიდან მოსახლეობა თურქეთში მთელი ოჯახებით მიდის. პასპორტს იღებენ იმ შიტივით, თითქოს იქ ნათესავეები უნდა მოინახულონ. დიდი უმრავლესობა უკან აღარ ბრუნდება. პასპორტის აღებით თვითანთ მუჰაჯირობას ფარავენ. ამავე დროს აქ მიტოვებული მიწების პატრონებად რჩებიან. სახელმწიფოებრივი ინტერესებიდან გამომდინარე, ისინი არ უნდა დაეკავოთ. მთავარია მათი მიწების ხელში ჩაგდება და სახელმწიფოს საკუთრებაში გადაცემა.¹⁶⁵

მასობრივი აყრა-გაქცევის შედეგად 1912-1917 წ. ართვინის ოკრუგის მოსახლეობა ძალზე შემცირდა. თუ 1911 წ. აქ 63379 სული ცხოვრობდა, 1917 წლის ბოლოს 30179 სულამდე, ე. ი. სანახევროდ და კიდევ მეტად იყო შემცირებული.¹⁶⁶

1908-1917 წლების აგრარულ მოძრაობაში აღსანიშნავია ჩაქვის საუფლისწულო მამულის, აგრეთვე, პოპოვის, სინიციხის და სხვათა მეურნეობის მუშათა გამოსვლები. მაგალითად, 1913 წ. გაიფიცნენ სინიციხის მეურნეობის მუშები, რომლებიც შრომის ანაზღაურების გაზრდას ითხოვდნენ. არაორგანიზებულობის გამო გაფიცვა დამარცხდა.

1914 წ. გაიფიცა ს. მახინჯაურისა და მწვანე კონცხის მოახალშენეთა მამულების 100-მდე მუშა და მოახალშენეთა გაერთიანების გამგეობის ხელმძღვანელი ეინმე

¹⁶² სესსა, ფ. 231, ან. 1, ს. 1584, ფურც. 10-16.

¹⁶³ იქვე, ფ. 13, ან. 7, ს. 2914, ფურც. 87-88.

¹⁶⁴ იქვე, ფ. 243, ან. 7, ს. 557, ფურც. 28.

¹⁶⁵ ამავე, ს. 594, ფურც. 87.

¹⁶⁶ КК на 1912 год. Тиф., 1911, с. 233; ამავე, ს. 216, ფურც. 29-31.

იაკუბოესი აიძულეს შეესრულებინა გაფიცულთა მოთხოვნები.¹⁶⁷ 1916 წ. კოპოვის მეურნეობის მეშვეობა მოითხოვეს შრომის ანაზღაურების გადიდება კოპოვი ხელფასის მომატებასაც შეჰპირდა და ამავე დროს თითოეულ მუშას 10-დან 20 რუბლამდე ერთდროული დახმარება მისცა.¹⁶⁸

1908-1917 წლებში მუშათა გამოსვლები ისევ შეიმჩნეოდა ჩაქვის საუფლისწულო მამულში. 1914 წ. ზაფხულში გაიფიცნენ ჩაის პლანტაციის მეშები და მოითხოვეს შრომის ანაზღაურების გაზრდა. მამულის ადმინისტრაციამ მუშათა მოთხოვნა არ დააკმაყოფილა, ამიტომ მეშებმა სამუშაო მასობრივად მიტოვეს და თავიანთ სოფლებში დაბრუნდნენ. მეურნეობა მძიმე მდგომარეობაში აღმოჩნდა და საუფლისწულო უწყებაც იძულებული გახდა დღიური ანაზღაურება 10 კაპიკით გაეზარდა.¹⁶⁹

1915 წ. ივლისში აღნიშნულ მამულში გაიფიცა დღიურად დაქირავებული 500-მდე ქალი. არაორგანიზებულობის გამო ადმინისტრაციამ ამ გამოსვლის ჩახშობა შეძლო. კიდევ მეტი, ყველაზე აქტიური 6 ქალი დააპატიმრა და ბათუმის საპყრობილეში ჩასვა. ისინი 16 დღის პატიმრობის შემდეგ გამოუშვეს.¹⁷⁰

გლეხობისა და სოფლის მუშათა გამოსვლები 1917 წელსაც აღინიშნა, რამდენადაც თებერვლის რევოლუციის სადაგილმამულო ურთიერთობაში არსებითი ცვლილებები არ შეუტანია. მართალია, ჩაქვის საუფლისწულო მამული სახელმწიფოს საკუთრება გახდა, ე.წ. „მომრიგებელი კამერებიც“ დაარსდა, მაგრამ ამ ღონისძიებას მუშათა შრომისა და ყოფაცხოვრების პირობების გაუმჯობესება არ მოჰყოლია.

1917 წ. აპრილსა და მაისში ჩაქვის სახელმწიფო მამულში მეშებმა ისევ მოაწყვეს მძლავრი გაფიცვა 8-საათიანი სამუშაო დღის მოთხოვნით. ადმინისტრაციამ იგი უარყო იმ მოტივით, თითქოს სოფლის მეურნეობაში მისი განხორციელება შეუძლებელი იყო. მუშათა თხოვნა-საჩივარი ბათუმის მომრიგებელმა კამერამაც განიხილა მის დადგენილებაში აღინიშნა, რომ მეშებს 8 საათზე სევით შრომის საზღაურად დღიური ხელფასის ნახევარი მისცემოდათ.¹⁷¹ აღნიშნული დადგენილება მამულის ადმინისტრაციამ არ შეასრულა.

ინისში ჩაქვის სახელმწიფო მამულის მეშებმა ფართო მასშტაბის სოციალურ-ეკონომიკური მოთხოვნები წამოაყენეს ჯამაგირის 35%-დან 100%-მდე გაზრდა, სამედიცინო დახმარებისა და საბინაო პირობების გაუმჯობესება, ავადმყოფობის შემთხვევაში დღიური მეშებისათვის ნახევარი დღის საზღაურის, ხოლო შტატიანი მეშებისათვის - სრული ხელფასის გაცემა, ავარიან დღეებში მეშებისათვის მყუდრო ადგილებში სამუშაოს მიწენა. მოითხოვედნენ ჩაის პლანტაციებში ფარდულების აგებას, სადაც წვიმიან ამინდში მეშები თავს შეაფარებდნენ, ყაზარმებსა და მუშათა სხვა სადგომის უსრუნველყოფა წყლის ასადულებული ქვაბებით, სკამებითა და მაგილებით, შეშის ნორმების გადიდება, ნავთის გაცემას იმ მეშებისათვის, ვისაც ვლექტროგანათება არ ჰქონდათ, რეასათიანი სამუშაო დღის შემოღებას (შაბათობით - შეიდანათიანის) და სხვ.¹⁷²

აღნიშნული მოთხოვნები არ დააკმაყოფილეს, თუმცა, ისიც უნდა აღინიშნოს, რომ ზოგიერთის შესრულების რეალური საშუალებები იმ დროს არც არსებობდა. მართალია, ადმინისტრაციამ მეშების მოთხოვნები სამართლიანად სცნო, მაგრამ მათი

¹⁶⁷ „ბათუმის გაზეთი“, 13 აპრილი, 1914.

¹⁶⁸ გაზ. „თანამედროვე აზრი“, 7 აპრილი, 1916.

¹⁶⁹ სცსა, ფ. 351, ან. 1, ს. 183, ფურც. 150-152.

¹⁷⁰ გაზ. „თანამედროვე ცხოვრება“, 27 აგვისტო, 1915; იქვე, 30 ანვარი, 1916.

¹⁷¹ აცსა, ფ. 22, ან. 1, ს. 437, ფურც. 40.

¹⁷² იქვე, ფურც. 11; „ერთობა“, 1917, №172.

პრაქტიკული განხორციელება მომავლისათვის გადადო.¹⁷³ 1917 წ. ნოემბერში მუშებმა მამულის ადმინისტრაციისაგან მოითხოვეს ჯამაგირის ორჯერ და კიდევ მეტად გაზრდა. ამიერკავკასიის მთავრობამ მუშათა მოთხოვნა ნაწილობრივ დააკმაყოფილა,¹⁷⁴ მაგრამ მაშინდელი სიძვირის პირობებში მას არსებითი მნიშვნელობა არ ჰქონია.

თებერელის რევოლუციის გავლენით აგრარული მოძრაობაც გამოცოცხლდა. 1917 წ. გაზაფხულზე ქობულეთის რაიონის 12 სოფლის გლეხებმა მოითხოვეს მემამულეებისა და სახაზინო მიწების დანაწილება და მათთვის გადაცემა.¹⁷⁵

აჭარა 1918-1920 წლებში ოკუპირებული იყო უცხო ქვეყნების მიერ. ამიტომ აგრარული მოძრაობა გადაიზარდა საერთო სამამულო ბრძოლაში, რომელიც მიზნად ისახავდა ეროვნულ-ტერიტორიული მთლიანობის აღდგენას.

¹⁷³ აცსა, ფ. 22, ს. 437, ფურც. 21.

¹⁷⁴ იქვე, ს. 446, ფურც. 2-3; ს. 459, ფურც. 39-42.

¹⁷⁵ მ. ცქვიტარია, აჭარაში რევოლუციური მოძრაობის ისტორიის ნარკვევები (1914-1921 წწ.) ნაწ. II, ბათ., 1962, გვ. 38.

ბრანსპორტი, საქალაქო მუხრანობა, ჰავრობა და
საბანაო-საპრედიტო ურთიერთობანი 1878-1920 წლებში

§ 1. ბრანსპორტი

ა) საზღვაო ბრანსპორტი

ბათუმის ოლქში საზღვაო ბრანსპორტი მნიშვნელოვნად დაწინაურდა XIX ს. 80-იანი წლებიდან, რაც განაპირობა ბუნებრივმა მდებარეობამ და, რაც მთავარია, ბათუმის ნავსადგურის კეთილმოწყობამ. ნიკო ნიკოლაძე წერდა: „ამ თვალუწედნელ შავ ზღვას მარჯვნივ და მარცხნივ, გაშლილი ადგილის, მიუდგომელი კლდეებისა და გასილული ჭაობების მქეტი არა არტყია რა არსადაა ერთი ისეთი ნავსაყუდელი ადგილი, სადაც თავის შეფარება და ტაროსის მოცდა შეეძლოს ხომალდს ან სანდალს, სადაც შესაძლო იყოს ხეირიანი პორტის ან ბოღაზის გამართვა. სტამბოლისა და სევატოპოლის გარდა შავ ზღვას ბათუმისთანა ძვირფასი თვალი არ აქონია და არა აქვს“.¹ ამასვე ადასტურებდა გრაფი პასკევიჩი: „ბათუმი წლის ყველა დროის ერთადერთი უსაფრთხო ნავსადგურია მთელ აღმოსავლეთ შავიზღვისპირეთში“.²

საერთოდ, ბათუმის სანავსადგურო ბოღაზი საკმაოდ მოზრდილი ყურბა იგი დასაუღეთიდან და სამხრეთიდან შემოსასღერულია ხმელეთით, დასაუღეთიდან მას ეკერის ბათუმის კონცხი, სამხრეთით გასდევს ზღვის სანაპირო ზოლი. მართალია, ჩრდილოეთისა და აღმოსავლეთის მხრიდან ღიაა, მაგრამ კონცხი საიმედოდ იფარავს ყველაზე ძლიერი ჩრდილოეთისა და ჩრდილო-დასაუღეთი ქარებისაგან. ამასთან, ნავსადგურის საკმაოდ დიდი აკვატორია ნებისმიერ ამინდში უშიშრად იტევდა 10-მდე დიდ საეაჭრო გემს, რეიდის სიგრძე უდრიდა 400 საეენს,³ იგი აღმოსავლეთით გრძელდებოდა 3 კმ-ზე. დამაკმაყოფილებელია ნავსადგურში წყლის სიღრმე, რაც რეიდზე შეადგენს 40 ფუტს,⁴ ხოლო ყურეში, ნაპირთან ახლოს - 20-25 ფუტს ასე რომ, ნებისმიერ ამინდში გემებს თავისუფლად შეეძლოთ ნაპირზე მიდგომა და სატვირთო ოპერაციების წარმოება. ნავსადგურს აქონდა ძალზე კარგი გრუნტიც, რომელიც საიმედოდ იჭერდა დუნას.⁵

ადრე ბათუმის ნავსადგური არ იყო კეთილმოწყობილი და ვერ აკმაყოფილებდა მოთხოვნებს: დაბალი იყო გამტარუნარიანობა, არ გააჩნდა გადასატვირთი მოწყობილობები, ჰიდროტექნიკური ნაგებობანი, საწყობები და ა.შ. ამიტომ შემოერთებისთანავე

¹ ნიკოლაძე, თხზ., ტ. 3, თბ., 1963, გვ. 70.

² Акты, т. 7, Тиф., 1878, с. 736.

³ ერთი საზღვაო საეენი ტოლია 1,83 მეტრის.

⁴ ფუტი რუსეთში იყო სიგრძის საზომი ერთეული, უდრიდა 30,47 სმ.

⁵ Ушаков А.К., История военных действий в азиатской Турции в 1828-1829 годах, ч. I, СПб., 1836, с. 133; ИКОИРГО, т. III, №3, Тифл., 1873, с. 101, Акты, т. 10, Тиф., 1885, с. 556-557; Литвинов М., Черное море (военно-статистический обзор), СПб., 1881, с. 94.

დღის წესრიგში დადგა აქ დიდი სამშენებლო-კეთილმოწყობითი სამუშაოების დაწყება.

1879 წ. დიდი მთავრის – მიხეილ ნიკოლოზის ძის განკარგულებით შეიქმნა განსაკუთრებული კომისია სამხედრო ინჟინერ გენერალ-მაიორ ფროლოვის თავმჯდომარეობით. მას დაევალა ბათუმის სანავსადგურო პირობების გაუმჯობესების სამუშაოთა პროექტის შემუშავება.⁶

კომისია 3 წელზე მეტხანს მუშაობდა შედგა ორი პროექტი: ერთის ავტორი იყო პორტის უფროსი, კონტრადმირალი ა. გრევე; მეორის – პორტის მშენებლობის სამმართველოს ინჟინერთა ჯგუფი. პირველი გამოირჩეოდა ნანაფიქრის გრანდიოზულობით, მასშტაბურობით⁷ და ყველაზე მეტად შეესაბამებოდა ადგილობრივ გეოგრაფიულ პირობებს. ა. გრევეს მთავარი ამოცანა იყო პორტის რაც შეიძლება გაფართოება იგი დაცული იქნებოდა ქარებისა და ღელისაგან; ყურეში ჩამდინარე წყლები უნდა გადაეგდოთ აღმოსავლეთით, რადგან ისინი ნავსადგურს ავსებდნენ ნატანიო; ბრეკვატერი და მოლო უნდა აეგოთ წყალმარხს ადგილზე; პორტის ტერიტორიაზე უნდა გაეყვანათ ჭაობის ამოსაშრობი არხი, ყურის აღმოსავლეთ ნაწილში აეშენებინათ ნავთობის პორტი; სანაპიროს გაყოფებით აეგოთ ქვის ნავმისადგომი, ხოლო სამხრეთ ნაწილში - მცირე წყალწყვის საკაბოტაჟო მცურავ საშუალებათა ნავმისადგომი.⁸ ნავსადგურის აკვატორიის მთელი ფართი იქნებოდა 280 ათასი კვ. საყენი, სატვირთო ოპერაციების შესასრულებლად სანაპირო ხაზს ექნებოდა 2 ათასი საყენი სიგრძე,⁹ დასასრულ, ა. გრევე ურჩევდა მთავრობას, უჭკველად ესარგებლა ბათუმის ხელსაყრელი მდგომარეობით და არ დაეხუთა სახსრები პორტის მშენებლობისა და კეთილმოწყობისათვის.¹⁰

მეორე პროექტი სუსტი გამოდგა. იგი არ იძლეოდა ყურის სრულყოფილად ათვისების შესაძლებლობას; ხელოვნური ნავსადგური მოეწყობოდა ყურის დასავლეთ და სამხრეთ ნაწილში, ორი ურთიერთშემხედრი ბოლოს შეერთების გზით წარმოქმნილ აუზში. მისი სიგრძე მცირე იყო (60 ათასი კვ. საყენი). პროექტის განხორციელების შემთხვევაში ყურე დაკარგავდა ბუნებრივ ღირსებას, ვერც სრულყოფილად ათვისებდნენ.¹¹

აღნიშნული პროექტები კავკასიის მთავარმართებელმა დონდუკოვ-კორსაკოვმა 1882 წ. გადასცა მიმოსვლის გზათა სამინისტროს 2 წელი გაგრძელდა მათი განხილვა. საბოლოოდ სამინისტრომ ორივე პროექტი უარყო: პირველი - დიდი ხარჯების გამო (დაახლოებით 8 მილიონი რუბლი). თუმცა მალე ცხადი გახდა, რომ იგი ყველაზე მეტად პასუხობდა დროის მოთხოვნებს - მართლაც, რამდენიმე წლის შემდეგ ისე დაიწყო ფიქრი პორტის გაფართოებაზე. მეორე პროექტი კი დაიწუნეს უეარკისობის გამო.

მაშინ გზათა სამინისტრომ თავად შეადგინა ახალი პროექტი, რომელსაც გარკვეულწილად, საფუძვლად დაედო ა. გრევეს პროექტი. იგი ითვალისწინებდა ყურის აღმოსავლეთ ნაწილში მოხერხებული ნავსადგურის აგებას (დასაქმებული იქნებოდა ნავთობის ექსპორტით), ქალაქის სანაპიროს გასწვრივ გემმისადგომი

⁶ Батумъ и его окрестности. Бат., 1906, с. 364; Лисовский В., Чорохский край (военно-статистический очерк), Тиф., 1887, с. 137-140.

⁷ Газ. «Московский ведомости», 1883, №271.

⁸ Гриве П., Проект порта в Батуме. - Морской сборник. 1884, №2, с. 80-83.

⁹ იქვე, გვ. 84.

¹⁰ იქვე, გვ. 81-82.

¹¹ რ. უზუნაძე, ნაოსნობა ბათუმის ოლქში, ბათ., 2002, გვ. 107.

კედლის მოწყობას (მოემსახურებოდა სატვირთო გემებს, აგრეთვე მგზავრებს), ბურუნ-თაბიეს კონცხზე ბრეკეატერის აგებას, ნაემისადგომი აუზის სიღრმის გაზრდას, ნაემისადგომების მოწყობას და სასაწყობო მუშრნობის გამართვას.¹² აღნიშნული პროექტი საბოლოოდ დამტკიცდა 1885 წლის 10 მაისს.¹³

სამუშაოები დაიწყო 1885 წ. შემოდგომაზე, თავდაპირველად გამოყვეს სამი მილიონი რუბლი. სამუშაოები უნდა წარმართათ ორ ეტაპად, პირველ ეტაპზე დაიგეგმა: ნავთობის ნავსადგურის აგება, სანაპიროს გასწვრივ 380 საუენი სიგრძის შარაგზის გაყვანა, 100 საუენი სიგრძის სანაპირო კედლის ამოყვანა, წყლის სიღრმის გაზრდა 24 ფუტამდე მშენებლობის უფროსად დაინიშნა ინჟ. ნ. ზუბოვი, სამუშაოთა მწარმოებლად - ინჟინრები ა. ბუნგე და ს. პალაშკოვსკი.¹⁴

პირველი რიგის სამუშაოები დამთავრდა 1889 წ. დამლევს. მოწყუო ნავთობის ნავსადგური (ნავთობის მოღოს სიგრძე უდრიდა 378 საუენს),¹⁵ გაიხსნა ნავთობ-სასხმელი სამი ხაზი, ნავთობის ნავსადგურში ააგეს 65 საუენი სიგრძის სანაპირო კედელი, დაიდგა შუქურა.¹⁶

დარჩენილი სამუშაოების დასასრულებლად ხელისუფლებამ დამატებით გამოჰყო ორი მილიონი რუბლი.¹⁷ პორტის დამთავრება ნავიარუდევი იყო 1893 წ. 1 იანერისათვის ამ ეტაპზე უნდა გაემავრებინათ ნავსადგურის სანაპირო, ყურის დასაეღეთ ნაწილში მოეწყუთ 160 საუენი სიგრძის გემისადგომი, ნავთობისა და ნავთობპროდუქტების დასატვირთი ნაემისადგომი, ბურუნ-თაბიეს კონცხზე უნდა აეგოთ 100 საუენი სიგრძის ზვირთსაქცევი, ნავსადგურის აუზი გაედრმაეებინათ 26 ფუტამდე.

პროექტით გათვალისწინებული სამუშაოები ძირითადად დამთავრდა 1893 წ. საერთო ხარჯმა შეადგინა 5 მილიონი რუბლი. სამშენებლო კეთილმოწყობითმა სამუშოებმა მნიშვნელოვნად გააუმჯოებსა ყურის სანავსადგურო პირობები, ახლა იგი პირობითად იყოფოდა ნავთობისა და ქალაქის სანაპირო ნავსადგურებად. პირველი, ძირითადად, განკუთვნილი იყო გემებში ნავთობისა და ნავთობპროდუქტების ჩასატვირთად. მისი აუზის ფართობი უდრიდა 40 ათას კვ. საუენს,¹⁸ სანაპირო ნავსადგურის სიგრძე შეადგენდა 683 საუენს და ემსახურებოდა ყველა სახეობის ოპერაციასა და მგზავრთა მიმოსეღასა მწყობრში ჩადგა 16 ნაემისადგომი.¹⁹ მოგვიანებით მათ დაემატა 2 ნავთობსასხმელი ხაზი და 10 ნაემისადგომი.²⁰ აუგებელი დარჩა ბურუნ-თაბიეს ზვირთსაქცევი. ამიტომ სამუშაოები შემდგომ წლებშიც გრძელდებოდა მართლაც, 1895-1897 წლებში აშენდა საკაბოტაჟო ნავსადგური, 1899 წ. დამთავრდა ბურუნ-თაბიეს კონცხზე 100 საუენი სიგრძის ზვირთსაქცევი.²¹

ამასობაში ბათუმის ნავსადგურის სავაჭრო ოპერაციები მკვეთრად გაიზარდა, მისი გამტარუნარიანობა კი ეერ პასუხობდა მოთხოვნებს ამიტომ XIX ს. ბოლოს ისეე დაისვა ნავსადგურში სარეკონსტრუქციო სამუშაოების ჩატარების საკითხი. ამ მიზნით, სხედასხეა დროს, შეიმუშავეს ექესი პროექტი, რომელთა აეტორები იყენენ

¹² აცსა, ფ. 16, ან. 1, ს. 42, ფურც. 18-19.

¹³ იქვე, ს. 32, ფურც. 4.

¹⁴ აცსა, ფ. 16, ან. 1, ს. 12, ფურც. 79-80.

¹⁵ იქვე, ს. 23, ფურც. 54-55.

¹⁶ იქვე, ფურც. 54-55; ს. 41, ფურც. 84.

¹⁷ იქვე, ს. 26, ფურც. 25.

¹⁸ აცსა, ფ. 16, ან. 1, ს. 36, ფურც. 18.

¹⁹ იქვე, ს. 9, ფურც. 18; ს. 23, ფურც. 40-42.

²⁰ იქვე, ს. 31, ფურც. 84, ს. 42, ფურც. 83-85.

²¹ იქვე, ს. 38, ფურც. 31.

მიმოსვლის გზათა სამინისტრო (1898 წ.),²² გენერალ-მაიორი ჟარინცევი (1898 წ.),²³ პორტის მშენებლობის უფროსი, ინჟინერი ნ. ზუბოვი (1898 წ.),²⁴ ინჟინერი ნ. ვოზნესენსკი (1901 წ.),²⁵ პორტის უფროსი ფიტინგოფი (1903 წ.),²⁶ ინჟინერი ა. პომორცევი (1908 წ.).²⁷ თითოეული პროექტი გამოირჩეოდა ორიგინალობით და მას-შტაბურობით, მაგრამ სამუშაოთა სიძვირის გამო ყველა უარყვეს.

ნავსადგურის მშენებლობის პარალელურად მიმდინარეობდა ტერიტორიის კეთილმოწყობა, პორტის ტექნიკური აღჭურვა, სასაწყობო მეურნეობის შექმნა.

ნავსადგურის სანაპირო ტერიტორია მოიცავდა 40 ათას კვ. საექსს. აქ განლაგდა სხვადასხვა დანიშნულების ნაგებობა. ადმინისტრაციული შენობები, სანაოსნო უწყებათა საცხოვრებელი სახლები, გემთმშენებელი სახელოსნო, სამი შუქურა და სხვ. 1905 წ. გაიხსნა სამედიცინო პუნქტი, მოეწყო განათება - დაიდგა 155 ნათის ფარანი, რომლებიც 1908 წ. შეიცვალა ელექტროგანათებით.²⁸

საზღვაო ვაჭრობის განვითარებამ მოითხოვა პორტში სასაწყობო მეურნეობის შექმნა. საზღვაო უწყებამ, ქალაქის თვითმმართველობამ და კერძო ფირმებმა ააგეს საწყობები, პაკაჟუზები (სპეციალური დანიშნულების საწყობი), ფარდულები, მოაწყვეს სასაწყობო მოედნები. 90-იანი წლების ბოლოს პორტის ტერიტორიაზე იყო 30-მდე საწყობი, პაკაჟუზი თუ ფარდული, 15 მოედანი.²⁹ ამის მიუხედავად, მათი შესაძლებლობანი არ აღმოჩნდა საკმარისი - ტვირთის ნაწილი ისევ ღია ცის ქვეშ ეწყო. ამიტომ 1898 წელს გადაწყდა 8 ახალი პაკაჟუზის აგება. მათი ტევადობა იქნებოდა საშუალოდ 5 ათასი ფუთი, მაგრამ მშენებლობა დიდი შეფერხებით მიმდინარეობდა - მხოლოდ 4 პაკაჟუზი ააშენეს.³⁰

ნავსადგურმა მოითხოვა შესაბამისი ტექნიკური საშუალებებით აღჭურვა. მით უმეტეს, რომ პორტის პარკი 1896 წ. შედგებოდა ორი ფელუისა და მცურავი ამწისაგან. ამიტომ 1897-1899 წლებში შეიძინეს ორთქლის საბუქსირე გემი, ასეთივე კატერი, ორი მიწახაპია, ორმოცტონიანი მცურავი ამწე, სამი შალანდა, რამდენიმე კანჯო და ფელუა.³¹ შემდგომ წლებში პარკს შეემატა, აგრეთვე, ოდესის ორთქლის თვითმავალი შალანდა, პატარა ორთქლის გემი, ასეთივე კატერი, ხუთტონიანი ამწე.³² უმჯობესდებოდა სატვირთო ოპერაციების მექანიზაცია, მოეწყო ნავთობსასხმელი 5 სადგური, რაც მეტად მოხერხებული გამოდგა ნავთობის სატვირთო ოპერაციებისათვის; მათი მეშვეობით ყოველგვარ ამინდში შეიძლებოდა ტანკერის დატვირთვა. ერთი ნავთობსასხმელი სადგურის მეშვეობით საათში ხდებოდა საშუალოდ 8000 ფუთი ნავთობის ჩატვირთვა.³³ გემებზე ჭურჭლით (ტარა) ნავთობის დასატვირთად მოეწყო ელექატორები, რომელთა მეშვეობით მარგანეცსაც ტვირთავდნენ.³⁴

არსებული ტექნიკური აღჭურვილობა მინც არ იყო საკმარისი გამართულ

²² იქვე, ს. 42, ფურც. 5; Отчет председателя суб-комисии Н.И.Забугина, по устройству нефтяного городка в Батуме, СПб., 1899, с. 182-183.

²³ აცხა, ფ. 16, ან. 1, ს. 42, ფურც. 5-7; Отчет председателя суб-комисии... с. 184.

²⁴ იქვე, ფურც. 8-10; Отчет председателя суб-комисии... с. 188-189.

²⁵ აცხა, ფ. 16, ან. 1, ს. 42, ფურც. 24-28.

²⁶ იქვე, ფ. 34, ან. 1, ს. 7, ფურც. 1.

²⁷ იქვე, ფ. 16, ან. 1, ს. 72, ფურც. 12-15.

²⁸ რ. უზუნაძე, დასახ. ნაშრ., გვ. 149-152.

²⁹ იქვე, ფ. 34, ან. 1, ს. 31, ფურც. 237.

³⁰ იქვე, ფ. 16, ან. 1, ს. 28, ფურც. 17-18; ს. 33, ფურც. 2.

³¹ იქვე, ს. 38, ფურც. 4.

³² იქვე, ს. 66, ფურც. 115.

³³ იქვე, ს. 42, ფურც. 53.

³⁴ იქვე, ფ. 34, ან. 1, ს. 31, ფურც. 26.

მუშაობისათვის - დიდი იყო გემების მოცდენა. ამიტომ პორტის განსაკუთრებულ საქმეთა კომისიამ არსებული მდგომარეობა არადაამაკაყოფილებლად ცნო და 1902 წ. 27 მარტს დაადგინა გემებზე ჭურჭლით ნათობპროდუქტების ჩასატვირთ მექანიკურ საშუალებათა მოწყობის აუცილებლობა,³⁵ თუმცა ამას არსებითი შედეგი არ მოჰყოლია.

ეთარდება სანაოსნო საშუალებები, ნაოსნობის სახეობი. იგი მოიცავდა მცირე და დიდ საკაბოტაჟო ნაოსნობას, საერთაშორისო ნაოსნობას.

მცირე საკაბოტაჟო ნაოსნობას ბათუმის ოლქში დიდი ტრადიციები ჰქონდა, რადგან რეგიონის მოსახლეობა ოდითგანვე მისდევდა ზღვაოსნობას. ამ მხრივ გამოირჩეოდნენ ლაზები. ისინი თავიანთი ნაგებობით დაცურადნენ შავი ზღვის თითქმის ყველა მიმართულებით და გაბატონებული მდგომარეობა ეკავათ სამხრეთ-აღმოსავლეთ და აღმოსავლეთ შავი ზღვისპირეთის საკაბოტაჟო ნაოსნობაში.³⁶

ლაზებში ზღვაოსნობის დაწინაურება მნიშვნელოვნად განაპირობა მძიმე ცხოვრებამ. მათი საცხოვრისი იყო ტყით დაფარული, ციცაბო, მთაგორიანი და კლდოვანი, რის გამოც განიცდიდნენ სახანაო-სათესი მიწების დიდ სიმცირეს ამიტომ ლაზებმა „ფინიკიულების მსგავსად, თავიანთი მცირემიწიანობიდან გამოქმენეს გამოსავალი ისინი ზღვას დაუშვებოდნენ და თავიანთი ბედით მას მიანდევს.“³⁷ ამიტომ ლაზები ითვლებოდნენ ჩინებულ მეზღვაურებად. „მათ ოსტატობას, სიმარდეს, გულადობასა და მოხერხებულობას აღიარებდნენ ინგლისელებიც კი, რომელთაც ტოლი არ ჰყავთ ნაოსნობასა და მეხომალდობაში“³⁸ - წერდა ი. გოგებაშვილი.

რუსეთთან შეერთების პერიოდისათვის ბათუმის ოლქში ცხოვრობდა 5000-დე მამაცი, გამოცდილი მეზღაური,³⁹ რომლებიც მნიშვნელოვან როლს ასრულებდნენ საკაბოტაჟო ნაოსნობაში. მათ ბათუმსა და ახლომახლო პუნქტებს შორის გადაჰქონდათ ტვირთი, გადაჰყავდათ მეზღაურები.⁴⁰ 1880-1881 წლებში ბათუმში შემოსულა და ბათუმიდან გასულა 1800-ზე მეტი ფელუკა,⁴¹ 1903 წ. კი - 5200 მეტი.⁴²

ამდენად, რუსეთის ხელისუფლებას ბათუმის ოლქში დახვდა ზღვაოსნობისა და გემთმშენებლობის დიდი ტრადიციები, რაც ქმნიდა შესანიშნავ პერსპექტივას აღნიშნული საქმის შემდგომი განვითარებისათვის. მართლაც, XIX ს. 80-იანი წლებიდან მცირე საკაბოტაჟო ნაოსნობას ახალი იმპულსი მიეცა, მან მიიღო ფართო, მასშტაბური ხასიათი, რამდენადაც შავ ზღვასთან ერთად მოიცვა აზოვის ზღვის აუზიც, ბათუმის სანაოსნო გზით მყარდება მჭიდრო კავშირი კავკასიის, ყირიმისა და აზოვის ზღვისპირა რაიონებთან, ბათუმს ურთიერთობა ჰქონდა კავკასიის 16, ყირიმის 10 და აზოვის 6 სანაესადგურო პუნქტთან.

დანიშნულების მიხედვით სრულდებოდა სატვირთო, სატვირთო-სამგზავრო, სამგზავრო, საფოსტო-სამგზავრო რეისები. ხასიათისა და სიჩქარის მიხედვით იყო პირდაპირი, წრიული და ჩქარი, უმეტესად რეგულარული რეისები.

განსაკუთრებით ვითარდებოდა საკაბოტაჟო-სატვირთო რეისები. რუსეთის სამხრეთო რაიონებიდან და კავკასიის ზღვისპირა პუნქტებიდან ბათუმში შემოჰქონ-

³⁵ იქვე, ფ. 16, ან. 1, ს. 48, ფურც. 53.

³⁶ თებერაძე, ზღვაოსნობა ძველ საქართველოში, თბ., 1981, გვ. 93; რ. უზუნაძე, ნაოსნობის ტრადიციები ბათუმის ოლქში, - „საისტორიო მაცნე“, №8, ბათ., 2000, გვ. 66-69.

³⁷ ტყაზბეგია, სამი თვე თურქეთის საქართველოში, ბათ., 1995, გვ. 126.

³⁸ ა. გოგებაშვილი, ვითორაფიული ჩანაწერები. საგანძურ. თბ., 1993, გვ. 292.

³⁹ სცსს, ფ. 416, ან. 3, ს. 820, ფურც. 42.

⁴⁰ აცსს, ფ. 14, ან. 1, ს. 2, ფურც. 26-27.

⁴¹ ИКОИРГО. т. VIII, №1, Тиф., 1883, с. 95.

⁴² Обзор Батумской области за 1903 год, Бат., 1904, с. 48.

დათ: ხორბალი, პურის ფქვილი, ჭვავი, ბარდა, ბურღული, ჭვავის ფქვილი, სიმინდი, მარილი, პალმის ხე, ცემენტი, ხე-ტყე, ქვანახშირი, რკინა, რკინის ნაწარმი, ქვა, აგური, ქვის ნაკეთობები და სხვ.⁴³ ამ ტვირთებში ჭარბობდა ხორბალი, ხე-ტყე, ქვანახშირი, ცემენტი, რკინა.

საკაპოტაჟო ტვირთბრუნვაში მნიშვნელოვანი ადგილი ეკავა შემოტანას. 1883-1913 წლებში მან შეადგინა სულ 179 199 988 ფუთი, ანუ მცირე საკაპოტაჟო ტვირთბრუნვის 46, 7%.⁴⁴

საკაპოტაჟო ტვირთბრუნვაში დიდი იყო გატანის ხვედრითი წილი. ძირითადად ამიერკავკასიის რეგიონებიდან, მათ შორის, ბათუმის ოლქიდან გაჰქონდათ 50-მდე დასახელების საქონელი (პური, მარილი, სხვადასხვა სახის საკვები პროდუქტი, თევზი,⁴⁵ მინერალური წყლები, სპირტიანი სასმელები, ღვინო, ხილი,⁴⁶ ძვირფასი ხის მასალა, გადაუმუშავებელი ბამბა, ტყავი, ცარცი, კირი, აგური, კრამიტი, ქვანახშირი, ყოველგვარი მადანი, სპილენძი,⁴⁷ ნავთობპროდუქტები.⁴⁸ ძირითადად ისინი შეჰქონდათ კავკასიის, ყირიმისა და აზოვის სანაესადგურო პუნქტებში (ფოთი, ოდესა, სევასტოპოლი, ქერჩი, ბერდიანსკი, მარიუპოლი).⁴⁹ სულ 1883-1902 წლებში გაიტანეს 135 343 500 ფუთი, 1911-1912 წლებში – 12161052 ფუთი.⁵⁰

აღნიშნული ტვირთებიდან დიდი წილი (დაახლოებით 74%) მოდიოდა ნავთობზე და ნავთობპროდუქტებზე. 1883-1902 წლებში მცირე კაპოტაჟით გაიტანეს 100 205 800 ფუთი ნავთობპროდუქტი, 1911-1912 წლებში რუსეთის სამხრეთ რაიონებში ბათუმიდან გაიტანეს 9120870 ფუთი ნავთობპროდუქტი.⁵¹

მცირე კაპოტაჟით ბათუმიდან საქონლის ექსპორტი რუსეთში უმნიშვნელო იყო საზღვარგარეთ ექსპორტთან შედარებით და შეადგენდა 5-11%-ს.⁵² ეს იმის შედეგი იყო, რომ, ჯერ ერთი, რუსეთში ნავთობპროდუქტები ძირითადად შედიოდა კასპიის ზღვით და ვლადიკავკასიის რკინიგზით,⁵³ და მეორეც, ბათუმის პორტი ძირითადად ემსახურებოდა ნავთობპროდუქტების საზღვარგარეთ ექსპორტს, ამიტომ გადაზიდვა რუსეთში მეორეხარისხოვნად ითვლებოდა.

საკაპოტაჟო ტვირთები გადაჰქონდათ „ნაოსნობისა და ვაჭრობის რუსული საზოგადოების“, „ტვირთების ტრანსპორტირებისა და დაზღვევის რუსეთის საზოგადოების“, ძმები როზენშტეინების, მანთაშევის, კოშკინას გემებით.⁵⁴

ვითარდება სამგზავრო რეისებიც. ყირიმ-აზოვ-კავკასიის სანაოსნო ხაზებზე მგზავრები გადაჰყვებოდათ სატიერთო-სამგზავრო, სამგზავრო და საფოსტო-სამგზავრო გემებით. რეგულარული იყო ჩქარი, პირდაპირი და წრიული რეისები. 1903 წ. ცნობით ბათუმში მგზავროთა მოძრაობამ შეადგინა 136369 კაცი.⁵⁵ სამგზავრო რეისებსაც

⁴³ აცსა, ფ. 14, ან. 1, ს. 2, ფურც. 38-39; Батумъ и его окрестности. с. 380.

⁴⁴ რ. უზუნაძე, ნაოსნობა ბათუმის ოლქში, გვ. 188.

⁴⁵ გაჰქონდათ ქერჩი სვია და ზუთხი, 1900 წლის ცნობით წლიურად 155 ათას ფუთამდე (Батумъ и его окрестности. с. 443).

⁴⁶ გაჰქონდათ ვაშლი, მსხალი, ზეთის ხილი, ნიგოზი (იქვე, გვ. 442).

⁴⁷ 1903 წელს გაიტანეს 22730 ფუთი სუფთა სპილენძი (იქვე, გვ. 458).

⁴⁸ აცსა, ფ. 14, ან. 1, ს. 2, ფურც. 93.

⁴⁹ იქვე, ფურც. 69-73.

⁵⁰ იქვე, ფ. 16, ან. 1, ს. 101, ფურც. 46; ს. 272, ფურც. 12-13.

⁵¹ იქვე, ფ. 34, ან. 1, ს. 8, ფურც. 447.

⁵² Батумъ и его окрестности, с. 375.

⁵³ აცსა, ფ. 7, ან. 1, ს. 43, ფურც. 20; Энглер. Бакинская нефть (путевые записки). СПб., 1886, с. 48-49.

⁵⁴ Дакншевич Н., Батуми. Тип., 1890, с. 15-16; Батумъ и его окрестности. с. 297.

⁵⁵ Обзор Батумской области за 1903 год. с. 44.

აღნიშნული საზოგადოების გემები ასრულებდნენ.⁵⁶

საერთოდ, ბათუმის ოლქში მცირე საკაბოტაჟო ნაოსნობას ემსახურებოდა საქაიოდ დიდი ფლოტი. იგი შეადგენდა პორტის გემთბრუნეის დაახლოებით 42%. 1900-1902 წლებში საკაბოტაჟო გემთბრუნვა შეადგენდა 17747 ერთეულს აქედან 4304 იყო ორთქლის გემი (მათზე მოდიოდა საკაბოტაჟო გემთა საერთო ტვირთამწვობის 98%), ხოლო დანარჩენი - მცირე წყალწყეის იალქნიანი გემები (ღლასური ფელუკები).⁵⁷ აღსანიშნავია, რომ ამ დროიდან საკაბოტაჟო ნაოსნობაში შემოდის ნავთობმსიდი ტანკერები. ამიერიდან ძირითადად მათ გააქონდათ ნავთობპროდუქტები ყირიმისა და აზოვის სანაესადგურო პუნქტებში.

დიდი კაბოტაჟი ბათუმის ოლქისათვის იყო ნაოსნობის ახალი სახეობა, რომელიც 80-90-იანი წლებიდან დამკვიდრდა მას გარკვეულად ბიძგი მისცა ბათუმის საზღვაო გზით იმპერიის ჩრდილოეთ და შორეული აღმოსავლეთის პუნქტებში ნავთობპროდუქტების გადატანამ. ბათუმს დიდი საკაბოტაჟო სანაოსნო ურთიერთობა ჰქონდა პეტერბურგთან და ვლადივოსტოკთან. დიდი კაბოტაჟით პირველი რეისი გაკეთდა 1883 წ., როდესაც პეტერბურგიდან ბათუმში მოიტანეს 80 ათასი ფუთი სხვადასხვა ტვირთი.⁵⁸ 2 წლის შემდეგ იმავე რეისით ბათუმში შემოტანილმა ტვირთმა შედგინა 154 ათასი ფუთი.⁵⁹ აქედან პეტერბურგში გააქონდათ ნავთობპროდუქტები, კვერცხი, ჩაი.⁶⁰

შორეული აღმოსავლეთის მიმართულებით დიდი საკაბოტაჟო ცურვის პირველი რეისი შესრულდა 1893 წელს, ბათუმიდან ვლადივოსტოკში გაიტანეს 23559 ფუთი ნავთი. შემდგომ წლებში ეს მანქანებელი იზრდება და 1892-1902 წლებში დიდი კაბოტაჟით ტვირთბრუნეის საერთო მოცულობამ შეადგინა 2959400 ფუთი, აქედან ნავთობპროდუქტები იყო 2097400 ფუთი.⁶¹ ამდენად, დიდი კაბოტაჟით ტვირთბრუნვა, ძირითადად, მოდიოდა ნავთობპროდუქტებზე, რომლებიც გადაიხიდებოდა ჭურჭლით (ბიდონები, კასრები). დიდ კაბოტაჟს ემსახურებოდნენ სანქტ-პეტერბურგის სანაოსნო კომპანია „ნადეჟდას“ და „ნაოსნობისა და ვაჭრობის რუსული საზოგადოების“ გემები.

სამართაშორისო ნაოსნობა ბათუმის ოლქში მეტ-ნაკლები წარმატებით ეითარდება XIX ს. 60-იანი წლებიდან,⁶² მაგრამ ინტენსიურია მხოლოდ 80-იანი წლებიდან, რასაც ბიძგი მისცა ბათუმიდან საერთაშორისო ტვირთბრუნეის არნახულმა ზრდამ. ბათუმს ურთიერთობა ჰქონდა თითქმის ყველა კონტინენტის 42 ქვეყანასთან. საერთაშორისო საზღვაო ხაზებით იგი უკავშირდებოდა 100-ზე მეტ საპორტო ქალაქს (ჰამბურგი, ლონდონი, ანტვერპენი, პეკინი, ბორდო, მანჩესტერი, ლივერპული, ლისაბონი, მარსელი, ტრიესტი, პორტ-საიდი, სტამბოლი, კალკუტა, შანხაი, სიდნეი, იოკოჰამა, ნიუ-იორკი, ფილადელფია, ბალტიმორი, ალექსანდრია და ა.შ.). შემდგომ განვითარდა სატვირთო-სამგზავრო და საფოსტო-სამგზავრო მიმოსვლა სატვირთო რეისები ემსახურებოდა ბათუმის საზღვაო გზით საერთაშორისო ვაჭრობის ტვირთების ტრანსპორტირებას. აღნიშნული რეისებით ბათუმიდან მსოფლიო ბაზრებზე გადიოდა ამიერკავკასიის, კასპისპირეთისა და სპარსეთის 45-ზე მეტი დასახელების საქონელი

⁵⁶ Дакншевнч Н., Указ. соч., с. 15-16.

⁵⁷ Батумь и его окрестности, с. 304.

⁵⁸ აცსა, ფ. 48, ან. 1, ხ. 10, ფურც. 135.

⁵⁹ КК, Тиф., 1886, с. 169.

⁶⁰ Энглер, Указ. соч., с. 49.

⁶¹ Батумь и его окрестности, с. 374.

⁶² რუხუნაძე, საზღვაო ნაოსნობის ისტორიიდან ბათუმის ოლქში (XIX-ის 60-70-იანი წლები). - სტყკ, XV, თბ., 1988, გვ. 87-90.

(ნავთობი და ნავთობპროდუქტები, ხორბალი, სიმინდი, თამბაქო, სპირტიანი სასმელები, ხე-ტყე, ბამბა, აბრეშუმი, მატყელი, მარგანეცი, ხალიჩები და სხვ.).⁶³ 1883-1912 წლებში სასაღვარგარეთ გაიტანეს 1.486.724.100 ფუთი ტვირთი.⁶⁴ ექსპორტში ყველაზე დიდი წილი მოდიოდა ბაქოს ნავთობზე და ნავთობპროდუქტებზე. მისი პირველი პარტია - 926405 ფუთი ამ გზით გაიტანეს 1881 წელს.⁶⁵

ბაქო-თბილისი-ბათუმის სარკინიგზო მაგისტრალის გახსნის (21.V.1883) შემდეგ არნახულად გაძლიერდა ბაქოს ნავთობპროდუქტების გადმოზიდვა ბათუმში, ხოლო აქედან – მსოფლიო ბაზრებზე გატანა.⁶⁶ 1883 წ. ნავთობპროდუქტების ექსპორტმა შეადგინა 3348900 ფუთი, 1883-1912 წლებში კი სასაღვარო გზით აქედან გაიტანეს 1.340.466.500 ფუთი ნავთობი და ნავთობპროდუქტი.⁶⁷ 1905-1907 წლებში ამერიკულ ნავთობთან კონკურენციაში ბაქოს ნავთობის ექსპორტი გარკვეულად შემცირდა.

ნავთობპროდუქტები გაჰქონდათ ევროპის, აზიის, აფრიკის, ავსტრალიის და სამხრეთ ამერიკის ქვეყნებში და შეადგინა ბათუმის სანაოსნო გზით გატანილი ტვირთების 90%, ხოლო საერთო ტვირთბრუნვის – 74%. ბათუმზე მოდიოდა რუსეთიდან ნავთობისა და ნავთობპროდუქტების მთელი ექსპორტის 82%.⁶⁸

ბათუმში საერთაშორისო სანაოსნო ხაზებით შემოჰქონდათ 25-ზე მეტი სახის საქონელი (პურის ფქვილი, რკინეულობა, ჩაი, თუნუქი, მადანი, ლითონი, ხე-ტყე, საღებავი, მანუფაქტურა, მანქანა-დანადგარი).⁶⁹ 1883-1912 წლების მონაცემებით, საქონლის შემოტანამ შეადგინა 118.493.843 ფუთი. იგი გატანასთან შედარებით უმნიშვნელო იყო და ფაქტობრივად შეადგენდა დაახლოებით 8%.

ტვირთბრუნვის გარკვეული ნაწილი, სპარსულ ტრანზიტთან ერთად, მოდიოდა შუა აზიის საქონელზე. კრასნოვოდსკ-ბაქო-ბათუმი წარმოადგენდა მნიშვნელოვან სატრანზიტო გზას, რომლითაც შუა აზია უკავშირდებოდა დასავლეთის ქვეყნებს.⁷⁰ ბათუმის მეშვეობით შუა აზიიდან სასაღვარგარეთ გაჰქონდათ მატყელი, ხალიჩები, ტყავი, ბამბა, ხმელი ხილი, შემოჰქონდათ ჩაი (ძირითადად). 1892-1902 წლებში შუა აზიის ტვირთბრუნვამ ბათუმის გზით შეადგინა 2589000 ფუთი.⁷¹

გაუართოვდა საერთაშორისო სამგზავრო რეისებიც, ბათუმიდან სასაღვარგარეთ მგზავრების გადაყვანა წარმოებდა სატვირთო-სამგზავრო რეისებით. ემსახურებოდნენ ფრანგული სანაოსნო კომპანიების „მესსავერ მარიტიმის“ და „პაკეს“, ავსტრიის სანაოსნო საზოგადოება „ლლოიდის“, სანაოსნო საზოგადოება „კაეკასია და მერკურის“, „ნაოსნობისა და ვაჭრობის რუსული საზოგადოების“ გემები. სრულდებოდა რეგულარული საფოსტო-სამგზავრო რეისები: ბათუმი-სტამბოლი-სმირნა-პირეი-კატანია-ნეაპოლი-გენუა-მარსელი-ბარსელონა; სწრაფი საფოსტო-სამგზავრო რეისები

⁶³ Отчет председателя суб-комисии. с. 178-179; Батум и его окрестности. с. 375; Журн. «Сельское хозяйство и лесоводство», №1, 1882, с. 36-38; Фон-Гребнеръ А., Торговые дороги Закавказья. СПб., 1896, с. 40-41.

⁶⁴ აცსა, ფ. 6, ან. 1, ს. 247, ფურც. 23-24; ფ. 16, ან. 1, ს. 72, ფურც. 12; ს. 104, ფურც. 68; ფ. 34, ან. 1, ფურც. 444; დღამბაშიძე, ჩვენს ქვეყნის უცხოეთთან ვაჭრობის მიმოხილვა. ლონდონი, 1914, გვ. 4-32.

⁶⁵ გ. სიჭინავა, ბათუმის ისტორიიდან. ბათ., 1958, გვ. 135.

⁶⁶ История Азербайджана в трех томах, т. 2, Баку, 1960, с. 212.

⁶⁷ აცსა, ფ. 6, ან. 1, ს. 247, ფურც. 23; ფ. 34, ან. 1, ს. 8, ფურც. 444, ფ. 46, ან. 1, ს. 43, ფურც. 55-56, დღამბაშიძე, დასახ. ნაშრ., გვ. 32.

⁶⁸ რ. უზუნაძე, ნაოსნობა ბათუმის ოლქში, გვ. 203.

⁶⁹ აცსა, ფ. 16, ან. 1, ს. 272, ფურც. 12; დღამბაშიძე, დასახ. ნაშრ., გვ. 35-46.

⁷⁰ Каррыев А., Росляков А., Краткий очерк истории Туркменистана (1863-1917 гг.). Ашхабад, 1956, с. 60; Материалы для описания Персии, Азиатской Турции и Закаспийского края. - ИКОИРГО, т. 9, №1, Тифл., 1887, с. 90.

⁷¹ Отчет председателя суб-комисии. с. 178-179; Батум и его окрестности. с. 387.

არსებობდა ბათუმი-სტამბოლის ხაზზე.⁷² მგზავრთა მოძრაობა საქმაოდ მაღალი იყო, 1903 წ. მან შეადგინა 47774 მგზავრი,⁷³ 1909 წ. - 42788,⁷⁴ ხოლო 1912 წ. - 35563 მგზავრი.⁷⁵ აღსანიშნავია, რომ აღმოსავლეთ შვეიცდისპირა პუნქტებიდან მხოლოდ ბათუმის ნავსადგურით ხდებოდა საერთაშორისო რეისებით მგზავრთა გადაყვანა-გადმოყვანა.⁷⁶

ბათუმის გზით საერთაშორისო ნაოსნობას ემსახურებოდა 16 ქვეყნის 30-ზე მეტი კომპანია და საზოგადოება. 1879-1882 წლებში ბათუმის პორტში შემოვიდა საზღვარგარეთული ნაოსნობის 288 გემი.⁷⁷ შემდგომ წლებში მოძრაობის სიხშირე იზრდება. 1884 წ. მან შეადგინა 780 გემი.⁷⁸ 90-იანი წლებიდან, ნავთობპროდუქტების ექსპორტის ზრდასთან დაკავშირებით, შესამჩნევად იმატა ბათუმის პორტით საერთაშორისო ნაოსნობის გემთბრუნვის სიხშირე: 1894 წ. - 1561 გემი, 1898 წ. - 1734,⁷⁹ 1902 წ. - 4751 გემი.⁸⁰

ბათუმის ოლქის საერთაშორისო ნაოსნობაზე დაკავებულ გემთა 90% მოდიოდა საზღვარგარეთის ქვეყნების სანაოსნო კომპანიებზე რუსეთის ხვედრითი წილი მასში მეტად მოკრძალებული იყო და შეადგენდა მხოლოდ 10%.⁸¹ საზღვარგარეთული გემების მოზიდვა გარკვეულად დაანქარა 1898 წლის კანონმაც, რომლითაც უცხოეთის სანაოსნო კომპანიები, რუსეთის საქონლის ექსპორტ-იმპორტს რომ ემსახურებოდნენ, თავისუფლდებოდნენ გადასახადებისაგან.⁸²

რადიენობასთან ერთად იცვლება გემების ხარისხობრივი მაჩვენებელი მცირე წყალწყების იალქნიანი გემების ადგილს იკაებენ დიდი ტვირთამწეობის ორთქლის საზღვაო ხომალდები. 1902 წ. მათზე მოდიოდა საზღვარგარეთული ნაოსნობის გემთა საერთო ტვირთამწეობის 95,6% (იალქნიანი გემები უმეტესად ჰყავდათ ოსმალეთს და რუსეთს). ოლქის საერთაშორისო ნაოსნობაში მნიშვნელოვან ადგილს იკაებენ თხევადი ტვირთის შიდი გემები (ტანკერები). ბათუმის პორტით ნავთობპროდუქტების ექსპორტს ემსახურებოდა 46 ტანკერი.⁸³ პირველი ასეთი გემი ბათუმში შემოვიდა 1886 წ. დამდევს ეს იყო ინგლისური გემი „ფერგიუსონი“, რომლითაც იმავე წლის 20 იანვარს ბათუმის პორტიდან გაიტანეს საექსპორტო ტვირთი.⁸⁴ ტანკერებმა ბათუმის პორტით 1903 წ. შეასრულეს 241 საერთაშორისო რეისი (საშუალო ტვირთამწეობა 3900 ტონა) და გაიტანეს 57636400 ფუთი (929619 ტონა) ტვირთი.⁸⁵

XX საუკუნის დამდევისათვის ბათუმი წარმოადგენდა იმპერიის ერთ-ერთ უმსხვილეს საპორტო ქალაქს ტვირთბრუნვისა და გემთბრუნვის მხრივ იგი ჩამორჩებოდა მხოლოდ კეტერბურგს და ოდესას.

72 Гурская, Путеводитель и справочная книжка по г. Батуму и окрестностям. Тиф., 1901, с. 42.

73 Обзор Батумской области за 1903 г. с. 44.

74 აცსა, ფ. 16, ან. 1, ს. 92, ფურც. 127.

75 იქვე, ს. 98, ფურც. 2.

76 დღამბაშიძე, დასახ. ნაშრ., გვ. 74.

77 ИКОИРГО.т. VIII, №1, Тиф., 1883, с. 95; Марков А., დასახ. ნაშრ., გვ. 30.

78 აბსურდულაძე, მ.საორიძე, პორტო-ფრანკო ბათუმში, ბათ., 1996, გვ. 28.

79 Отчет председателя суб-комисии, с. 175.

80 Батум и его окрестности, с. 373.

81 Отчет председателя суб-комисии, с. 176.

82 აცსა, ფ. 34, ან. 1, ს. 24, ფურც. 9.

83 Отчет председателя суб-комисии, с. 177; КК, Тиф., 1898, с. 79.

84 Вери К., Батуми и его окрестности, Бат., 1910, с. 54.

85 რ. უზუნაძე, დასახ. ნაშრ., გვ. 217-219.

ბ) სამდინარო ტრანსპორტი

წყლის ტრანსპორტის განვითარებას სამხრეთ-დასავლეთ საქართველოში დიდი და საინტერესო ისტორია აქვს. მისი ერთ-ერთი სახეობაა სამდინარო ნაოსნობა, რომლის მეშვეობითაც წარმოებდა ტვირთის გადატანა და მგზავრების გადაყვანა.⁸⁶ XIX ს მეორე ნახევარში ბათუმის ოლქში მნიშვნელოვნად ვითარდება სამდინარო ნაოსნობა, რომელიც ზღვაოსნობასთან ერთად ქმნიდა ოლქის ერთიან სანაოსნო პოტენციალს. იგი აქტიურ როლს ასრულებდა აღნიშნული მხარის ეკონომიკურ და კულტურულ ცხოვრებაში.⁸⁷

ოლქის ძირითად სამდინარო-სანაოსნო არტერიას წარმოადგენდა მდ. ჭოროხი. მისი მეშვეობით შავშეთის, ართვინისა და არტანუჯის მხარე უკავშირდებოდა ბათუმს და სამხრეთ-დასავლეთ საქართველოს სხვა ზღვისპირა პუნქტებს. ჟან მურიე მიუთითებდა: „საგარეო ურთიერთობისათვის, სავაჭრო გზების უქონლობის გამო, წარსული საუკუნეებიდან ბათუმის ოლქის მთავარი არტერია ჭოროხია. ადგილობრივ მოსახლეობას ამ მდინარის მეშვეობით შეეძლო ვაჭრობა“.⁸⁸

ჭოროხის საერთო სიგრძეა 438 კმ, ბათუმის ოლქის საზღვრებში კი - 80 კმ.⁸⁹ იგი საქმოდ წყალუხვი მდინარეა, რომელსაც ერთვის რამდენიმე დიდი და მცირე შენაკადი.

ჭოროხზე ინტენსიური ნაოსნობა დიდად იყო დამოკიდებული მდინარის სიღრმესა და კალაპოტის სიგანეზე. ამ მხრივ იგი გამოირჩეოდა ოლქის სხვა მდინარეებისაგან. გასული საუკუნის 70-80-იანი წლების მონაცემებით ჭოროხის საშუალო სიღრმე უდრიდა დაახლოებით 2,1 მეტრს. შესართავთან მისი სიღრმე აღწევდა 3,2 მეტრს.⁹⁰ ინგლისის ტრაპიზონელი კონსულის პალგრევის ცნობით, მაისი-ივნისში ჭოროხის დონე საგრძობლად იზრდებოდა და ზოგიერთ ადგილას მისი სიღრმე აღწევდა 4,5-6 მეტრს.⁹¹ სიგანე საშუალოდ 21-დან 42 მეტრია. სოფ. ერგესთან მდინარის კალაპოტი ფართოვდება და სიგანე აღწევს 64 მეტრს, შესართავთან კი 276 მეტრს.⁹²

ჭოროხს ახასიათებს საკმაოდ ჩქარი დინება. იგი ართვინიდან ერგემდე მიედინებოდა წამში 2,1-2,4 მეტრის სიჩქარით.⁹³ შემდეგ მდინარის სიჩქარე კლებულობს და დინება შედარებით მდორე ხდება.

აღნიშნული ჰიდროგრაფიული პირობები საესეებით აკმაყოფილებდა ე.წ. „ჭოროხული ნაევი“ მოთხოვნებს ინტენსიური ნაოსნობისათვის.

⁸⁶ თ.ჩიქოვანი, ქსიკოლაიშვილი, ჭოროხზე ნაოსნობის ისტორიიდან. - აქარის ასსრ სახელმწიფო მეზემის შრომები, III, ბათ., 1958; თბერაძე, ზღვაოსნობა ძველ საქართველოში, თბ., 1981; აღ.დავითაძე, ქართული საღხური ტრანსპორტის ისტორიიდან, ბათ., 1983; წ.კუტალიაშვილი, ნაოსნობა საქართველოში, თბ., 1987; რ.უზუნაძე, სამდინარო ნაოსნობა და მისი როლი ბათუმის ოლქის სოციალურ-ეკონომიკურ განვითარებაში. - სამხრეთ-დასავლეთ საქართველოს ისტორიის საკითხები, I, თბ., 1991.

⁸⁷ რ.უზუნაძე, დასახ. ნაშრ., გვ. 78.

⁸⁸ ჟან მურიე, ბათუმი და ჭოროხის აუზი, ბათ., 1962, გვ. 14.

⁸⁹ Лисовский В.Я. Чорохский край, Военно-статистический очерк. Тиф., 1887, с. 12.

⁹⁰ Левашов С.Н. Записка о пограничной линии и зон на расстоянии от Черного моря до г. Арвина. - ИКОИРГО, т. 6, №2, Тиф., 1880, с. 2.; Маевский В.П., Кутаисская губерния (военно-статистическое описание), Тиф., 1896, с. 212.

⁹¹ Палгрев В.Д. Следы Ледникового периода в Северо-восточной Анатолии. - ИКОИРГО, т. 6, №1, Тиф., 1879, с. 175.

⁹² Лисовский В.Я. Указ. соч., с. 13; Шавров Н., Чорохский водный путь и размыв Батумского берега. - Русское Судоходство. №12, М., 1911, с. 62; Левашов С.Н. Указ. соч., с. 231.

⁹³ Лисовский В.Я. დასახ. ნაშრ., გვ. 13.

რუსეთის მმართველობის პერიოდში, ძირითადად, სანაოსნოდ გამოიყენებოდა აღნიშნული მდინარის მონაკვეთი შესართავიდან ართვინამდე. სანაოსნო ხაზის სიგრძე იყო 64 კმ, ბათუმამდე – 75 კმ.⁹⁴ წყალუხეობის დროს, განსაკუთრებით გაზაფხულზე, ნაოსნობა შეიძლებოდა სოფ. ორჯოხამდეც.

ნაოსნობა იყო, აგრეთვე, ჭოროხის ზოგიერთ შენაკადზეც (არტანუჯის, ქართის მურღულისა და ოლთისის წყალზე).⁹⁵

ხანგრძლივმა ნაოსნობამ, რთულმა რელიეფურმა და კლიმატურმა პირობებმა განსაზღვრა მდინარეების პილოგრაფიულ პირობებს მტკიცედ შეხამებული, სპეციფიკური კონსტრუქციის ნავის შექმნა, რომელიც ცნობილია „ჭოროხული ნავის“ სახელწოდებით.⁹⁶ ეს იყო საკმაოდ გრძელი და ვიწრო ნავე; სიგრძით დაახლოებით 12.8-14.9 მ, სიგანით – 1.4-1.8 მ.⁹⁷ მდინარის სპეციფიკურობის გამო ჭოროხული ნავე ბრტყელძირიანი იყო. ამიტომ მას ხშირად „ბრტყელძირა ნავსაც“ ეძახდნენ.

საკმაოდ დიდი იყო ჭოროხული ნავის ტვირთამწეობა (150-200 ფუთი).⁹⁸ წყალუხეობის პერიოდში მას მდინარის მიმართულებით შეეძლო გადაეტანა 300 ფუთამდე ტვირთი,⁹⁹ დინების საპირისპიროდ კი – 100-150 ფუთი, ხოლო მცირეწყლიანობის პერიოდში – 50-100 ფუთი.¹⁰⁰

ნავეთ ხდებოდა მგზავრების გადაყვანაც, ძირითადად, დინების მიმართულებით.

ნავეს აგებდნენ სოფ. ქვემო მარადიდსა და ბორჩხაში. მარადიდში 20-მდე ნავესაშენი იყო.¹⁰¹ XIX ს. 70-იან წლებში ჭოროხული ნავე ღირდა 75-80 რუბლი.¹⁰² რუსეთთან შეერთების შემდეგ, ჭოროხზე ნაოსნობის ინტენსიურ ზრდასთან დაკავშირებით, იზრდება ფასიც. 80-იანი წლებისათვის იგი უკვე 120-150 რუბლი ღირდა.¹⁰³

ჭოროხული ნავის ეკიპაჟი შედგებოდა ოთხი კაცისაგან: ნავის წინამძღოლი (რეიზი), უფროსი მენიზე (უფროსი ტაიფა) და ორი რიგითი მენიზე (ტაიფები). ჭოროხის სწრაფი დინებისა და რთული, მიხევეულ-მოხევეული, კლდინი კალაპოტის გამო მასზე ნაოსნობა არცთუ ისე იოლი იყო. იგი ნავის ეკიპაჟის თითოეული წევრისაგან მოითხოვდა დიდ გამოცდილებასა და სიმარჯვეს ამ მხრივ ჭოროხული მენავეები გამორჩეული იყვნენ. ნაოსნობდნენ ძირითადად ართვინიდან ჭოროხის შესართავამდე. ნავეთ ღშუას უშვებდნენ სოფ. კაპანდიბან (სახეუცვლილი ფორმაა კაპანდივი), სადაც მოწყობილი იყო ნავმისადგომი. აქ ხდებოდა მგზავრების ჩახხდომა-გადმოსხდომა,¹⁰⁴ საიდანაც კახაბრის სახმელეთო გზით მიემართებოდნენ ბათუმისაკენ, კარგ ამინდში კი ცურავდნენ ბათუმამდეც.

ჭოროხული ნავეები საკმაოდ ჩქარა დაცურავდნენ ჩვეულებრივ, სანაოსნო პირობებში ართვინიდან შესართავამდე მანძილს სჭირდებოდა 8-10 საათი, ხოლო წყალუხეობის პერიოდში – 4-6 საათი.¹⁰⁵ ნავს აღმა ჭაპანით მიათრევდნენ და ართ-

⁹⁴ Левашов С.Н. დასახ. ნაშრ., გვ. 231* Вейденбаум Е.Г. От Батума до Артвина (путевые заметки). - ИКОИРГО, т. 6, №2, Тиф., 1880, с. 187.

⁹⁵ რ.უზუნაძე, დასახ. ნაშრ., გვ. 80.

⁹⁶ აღ.დავითაძე, დასახ. ნაშრ., გვ. 63.

⁹⁷ დ.ბაქრაძე, არქეოლოგიური მოგზაურობა გურეასა და აქარაში. ბათ., 1987, გვ. 36; Церетели Н.В. Очерк торгово-промышленной развитии г.Батуми и его окрестности. «Батум и его окрестности», Бат., 1906, с. 362.

⁹⁸ ნ. კახიძე, ხელისნობა სამხრეთ-დასავლეთ საქართველოში, ბათ., 2004, გვ. 65.

⁹⁹ Маевский В.П., დასახ. ნაშრ., გვ. 213; Церетели Н.В., დასახ. ნაშრ., გვ. 362; Кавказ, 1902, №46.

¹⁰⁰ რ.უზუნაძე, დასახ. ნაშრ., გვ. 81.

¹⁰¹ აღ.დავითაძე, დასახ. ნაშრ., გვ. 66.

¹⁰² დ.ბაქრაძე, დასახ. ნაშრ., გვ. 36.

¹⁰³ Левашов С.Н., დასახ. ნაშრ., გვ. 253; ე.მურვი, დასახ. ნაშრ., გვ. 16.

¹⁰⁴ Шааров Н. დასახ. ნაშრ., გვ. 62.

¹⁰⁵ დ.ბაქრაძე, დასახ. ნაშრ., გვ. 36; Джудич П. Заметки о Батуме. - ИКОИРГО, т. 3, №3, 1873, с. 106.

ვინამდღე გზის გაელას სჭირდებოდა დაახლოებით 4-5 დღე.¹⁰⁶

ჭოროხზე ნაოსნობის განვითარებაში ახალი ეტაპი იწყება XIX საუკუნის 70-იანი წლებიდან. ზღვაოსნობის განვითარებამ და ბათუმის გადაქცევამ მსხვილ სანავსადგურო-სამრეწველო ცენტრად ბიჭვი მისცა ჭოროხზე ნაოსნობის გამოცოცხლებას.

ქალაქის დაწინაურების კვალდაკვალ იზრდება სწრაფვა ინტენსიური ეკონომიკური კავშირ-ურთიერთობისაკენ ოლქის შიგა რაიონებსა და ბათუმს შორის ცხადია, აღნიშნულ პროცესს დიდად აფერხებდა უგზოობა. შორ მანძილზე ტვირთი გადაქონდათ ძირითადად საპალნით, რომელიც მზარდ წარმოებასთან შედარებით ხასიათდებოდა მეტად დაბალი ტვირთიძვირით. ამასთან, ბათუმის ოლქის შიგა რაიონებისაკენ მიმავალი გზები იყო ძალზე ცუდი, ვიწრო და მოუწყობელი. მოგზაურთა დახასიათებით, მათ ბილიკები უფრო ეთქმოდათ. გას. „დროება“ წერდა: „ამ რთულ, ვიწრო, ციცაბო გზების გამო კაცი ურმის მონატრული გახდებოა“.¹⁰⁷

რუსეთის ხელისუფლებამ იმათეთვე დაიწყო ოლქის ცენტრალური გზების მშენებლობა, მაგრამ ტემპი ძალზე დაბალი იყო. მხოლოდ 1896 წელს მოხერხდა ბათუმის-ართვინ-არტან-ყარსის მიმართულებით გზის კეთილმოწყობა. ასეთ პირობებში ჭოროხის სამდინარო გზა ფაქტობრივად წარმოადგენდა ერთადერთ მოხერხებულ სატრანსპორტო არტერიას, რომლის მეშვეობითაც შეეშეთისა და ართვინ-არტანუჯის მხარე უკავშირდებოდა ბათუმს. ამ გზამ ხელი შეუწყო ჭოროხის მხარის სამეურნეო-ეკონომიკური ცხოვრების გამოცოცხლებასა და შემდგომ განვითარებას, მის ჩართვას კაპიტალისტურ სამეურნეო ცხოვრებაში.¹⁰⁸ XIX ს. 70-იანი წლების დამდგენისათვის ჭოროხზე დაცურავდა 200-მდე ნაეი,¹⁰⁹ 80-იან წლებში კი ჭოროხის სანაოსნო არტერიას ემსახურებოდა 300-მდე ნაეი.¹¹⁰

ჭოროხზე ძირითადად განვითარებული იყო 4 სახის ნაოსნობა: სატვირთო-სამგზავრო, სატვირთო, სამგზავრო და შიგასამეურნეო, თუმცა, ჭარბობდა პირველი ორი. მნიშვნელოვანი იყო შიგასამეურნეო ნაოსნობაც.

თავდაპირველად ნავთ მგზავრობის ღირებულება არ იყო განსაზღვრული. მას აწესებდნენ მენავეები მგზავრობის ურთიერთობორიგების საფუძველზე, ფასი დამოკიდებული იყო ე.წ. სანაოსნო პერიოდებზეც. მგზავრები წინასწარ იხდიდნენ ბეს (სამგზავრო ღირებულების ნაწილს).¹¹¹ 70-იანი წლებისათვის ართვინიდან შესართავამდე ნავით მგზავრობა ღირდა 4-5 რუბლი.¹¹² შედარებით ძვირი იყო აღმა მგზავრობა, რადგან, როგორც მენავეები ამბობდნენ, „ბევრი წვალბა უნდა აქედან (ე. ი. აღმა - რედ.) წასვლასო“.¹¹³ კაპანდიბიდან ართვინამდე მგზავრობა ღირდა 10-15 რუბლი.

რუსეთთან შეერთების შემდეგ ართვინ-ბათუმის მიმართულებით მიმოსვლისა და ტვირთის გადატანის ინტენსიურ ზრდასთან ერთად გაიზარდა ნავით მგზავრობის ღირებულებაც. 80-90-იან წლებში ართვინიდან ბათუმამდე მგზავრობა ღირდა 10-15 რუბლი, ხოლო სევით - 20-25 რუბლი,¹¹⁴ ზოგიერთი ცნობით - 25-30 რუბლიც.¹¹⁵

¹⁰⁶ Вейденбаум Е.Г. Закавказские этюды (исследования и заметки). Тиф., 1901, с. 140.

¹⁰⁷ გას. „დროება“, 1879, №28.

¹⁰⁸ რ.უზუნაძე, დასახ. ნაშრ., გვ. 84.

¹⁰⁹ დაქარაძე, დასახ. ნაშრ., გვ. 36.

¹¹⁰ Левашов С.Н. დასახ. ნაშრ., გვ. 233; ე.მურიე, დასახ. ნაშრ., გვ. 16.

¹¹¹ რ.უზუნაძე, დასახ. ნაშრ., გვ. 84.

¹¹² ს.ბაგრაძე, ნავით მგზავრობა ჭოროხზე, - „ივერია“, 1879, №29, გვ. 63.

¹¹³ ა.ანთაძე, მგზავრის შენიშვნები. - „დროება“, 1879, №151.

¹¹⁴ Левашов С.Н., დასახ. ნაშრ., გვ. 233-234; Вейденбаум Е.Г., დასახ. ნაშრ., გვ. 139.

¹¹⁵ ე.მურიე, დასახ. ნაშრ., გვ. 16.

შემოყრების შემდეგ ბათუმის ოლქის ადმინისტრაცია აწესრიგებს ფასებსა ართვინიდან ბათუმამდე მგზავრობის ღირებულება განისაზღვრა 12 რუბლით, ხოლო ართვინამდე 25 რუბლით. შემდგომში იგი შემცირდა. XX ს. დამდეგისათვის ართვინიდან ბათუმამდე ნაერთ მგზავრობა ღირდა 1 რუბლი,¹¹⁶ ბათუმიდან ართვინამდე - 5 რუბლი.¹¹⁷ შეძლებული პირები, მოგზაურები ზოგჯერ მთლიანად ქიარობდნენ ნაეს ასეთ შემთხვევაში ერთი სპეცრეისი „ართვინიდან კაპანდამდე“ ღირდა 13 რუბლი, ხოლო ორჯოხიდან ართვინამდე - 5-დან 6 რუბლამდე.¹¹⁸

საქართველოსთან ბათუმის ოლქის დაბორუნების შემდეგ გააქტიურდა ადებ-მიცემობა ჭოროხის გზით. ართვინ-არტანუჯისა და შავშეთ-იმერხეის რაიონებიდან ბათუმში ჩამოქონდათ დიდი რაოდენობით სასოფლო-სამეურნეო პროდუქტო: პური, თაფლი, თამბაქო, ხილი, ბოსტნეული და სხე.¹¹⁹ აქაური ყურძენი, „სეთისხილი“,¹²⁰ მსხალი, ატამი, ვაშლი დიდი მოწონებით სარგებლობდა ბაზარსე.

6. შავროვის ცნობით, სეზონზე ჭოროხის გზით ბათუმში ჩამოქონდათ 200 ათას ფუთამდე ვაშლი, 100 ათას ფუთამდე სეთისხილი, 400 ათას ფუთოე მეტი სხეა პროდუქტი,¹²¹ რაც სულ შეადგენდა დაახლოებით 3500 ნაერკისს ვაშლი და ზეთისხილი საექსპორტოდაც გაქონდათ. ბათუმის საბაუოს ცნობით, 1878 წ. ნოემბრიდან 1880 წ. 1 აპრილამდე რუსეთის ზღვისპირა პუნქტებში გაიტანეს 44054 ფუთი ვაშლი და 849 ფუთი ზეთისხილი.¹²² 1882 წ. კი - 100 ათასი ფუთი ვაშლი.¹²³

ჭოროხის სანაოსნო გზით ბორჩხადან და მურდულის ხევიდან ბათუმში ჩამოქონდათ აგრეთვე დიდი რაოდენობით ხე-ტყე თიხის ჭურჭელი, აგური, კრამიტი, კირი.¹²⁴

ბათუმიდან ჭოროხის გზით, ართვინის მიმართულებით გაქონდათ ძირითადად მანუფაქტურული ნაწარმი, სიმინდი (ქვემო აჭარის სოფლებიდან), ნაეთი და პირველი მოხმარების საგნები.

აღსანიშნავია, რომ ართვინელ ვაჭრებს საზღვარგარეთიდანაც შემოქონდათ სხედასხეა საქონელი, რომელიც ბათუმიდან ნაეებით აქონდათ ართვინში, იქიდან კი საპაღნით - არტაანში, ყარსში.

ჭოროხის სანაოსნო გზით დიდი რაოდენობით ჩამოქონდათ სასოფლო-სამეურნეო პროდუქტები აგრეთვე არტაან-ყარსის რაიონებიდან. ყარსის რკინიგზის ხაზის გაყენამდე, როგორც ირკევეა, ჭოროხის სანაოსნო გზა მნიშვნელოვან როლს ასრულებდა აღნიშნული რაიონების სავაჭრო-ეკონომიკურ ცხოვრებაში. არტაანიდან, ყარსიდან განსაკუთრებით დიდი რაოდენობით ეოსდებოდნენ ხორბალს.¹²⁵

სამწუხაროდ, არ გაგვანინა სრულყოფილი მონაცემები ჭოროხის სატრანსპორ-

¹¹⁶ შავროვის ცნობით, მგზავრობის ღირებულება დამოკიდებული იყო მგზავრის სოციალურ მდგომარეობაზე. კერძოდ, უბრალო ადამიანისათვის მგზავრობა, ართვინიდან კაპანდამდე, ღირდა 50 კაპიკამდე, ჩინოვიცისა და ინტელიგენტისათვის 1-დან 4 რუბლამდე (იხ. Шааров Н., დასახ. ნაშრ., გვ. 73).

¹¹⁷ Церетели Н. В., დასახ. ნაშრ., გვ. 363.

¹¹⁸ Шааров Н., დასახ. ნაშრ., გვ. 73.

¹¹⁹ ჭოროხის სატრანსპორტო გზით სარგებლობდა ოსმალეთის საზღვრისპირა სოფლების მოსახლეობაც. მათ ნაეებით ბათუმში გასაყადდ ჩამოქონდათ სასოფლო-სამეურნეო პროდუქტები, განსაკუთრებით ზეთისხილი (იხ. Шааров Н., დასახ. ნაშრ., გვ. 73).

¹²⁰ ეკვიდენბაუმის ცნობით, ართვინის მხარეში წელიწადში აწარმოებდნენ 30 ათას ფუთი ზეთისხილს (იხ. Вейденбайм Е., დასახ. ნაშრ., გვ. 137).

¹²¹ Шааров Н. დასახ. ნაშრ., გვ. 73.

¹²² აცსა, ფ. 14, ან. I, ს. 8, ფურც. 37.

¹²³ «Кавказ», 1882, №252.

¹²⁴ დაქარაძე, დასახ. ნაშრ., გვ. 36; Джудია Г., დასახ. ნაშრ., გვ. 106-107.

¹²⁵ Вейденбайм Е. Г., დასახ. ნაშრ., გვ. 135; Казег Г., დასახ. ნაშრ., გვ. 91.

ტო გზით ტვირთბრუნვის მოცულობის შესახებ, მაგრამ თუ ეიმსჯელებთ ზემოთ მოყვანილი მონაცემებით და ართვინ-ბათუმს შორის აღებმიცემობის ზრდით, რაც ინტენსიურია 80-90-იან წლებში, მაშინ ტვირთბრუნვა საკმაოდ მაღალი ყოფილა ინჟინერი ნ. შავროვიც მიუთითებდა ჭოროხის სანაოსნო გზის სამრეწველო-ეკონომიკური მნიშვნელობის სიდიდესე აღნიშნული მხარის ცხოვრებაში.¹²⁶

აღებმიცემობასთან ერთად, ჭოროხზე ნაოსნობამ ბიძგი მისცა ოლქში სამთო-მომპოვებელი და სამთო-გადამამუშავებელი მრეწველობის განვითარებას. XIX საუკუნის 80-იანი წლებიდან დაინტერესდნენ ოლქის წიაღისეული სიმდიდრით. გეოლოგიურმა შესწავლამ გამოავლინა სპილენძის, ტყვია-თუთის, რკინისა და სხვა მადნის საკმაო ბუდობები ართვინის მხარეში (ძანსული, მურღული, კვარცხანა). დაიწყო სპილენძის, თუთის, მარგანეცის მოპოვება. სოფ. ხოდში (ართვინის ოკრუგი) და სოფ.ერგეში (ბათუმის ოკრუგი) ამუშავდა სპილენძის სადნობი ქარხნები. ბათუმ-ართვინის შარავზის გახსნამდე (1903 წ.) ძანსულ-მურღულიდან ერგეს სპილენძის ქარხნისათვის მადნის გადმოტანა ძირითადად წარმოებდა ჭოროხის სანაოსნო გზით. ამავე გზით გადმოჰქონდათ ბათუმში ართვინიდან ლითონი, ტყვია-თუთია, მარგანეცი.¹²⁷

ინტენსიურმა სამდინარო ნაოსნობამ გამოაცოცხლა მდინარისპირა პუნქტები. ამ მხრივ აღსანიშნავია ართვინი, სინგოთი, ნაღარაევი, ბორჩხა, ხება, ზემო და ქვემო მარადიდი, კაპანდიბი. აქ აღმოცენდა ყუეახანები, სასტუმროები, დუქნები, პარასკეობით იმართებოდა ბაზრობები, სადაც თავს იყრიდა ხეობისა და სხვა ახლომახლო სოფლების მოსახლეობა. საბაზროდ გამოჰქონდათ შინამრეწველური და ხელოსნური ნაწარმი, სასოფლო-სამეურნეო პროდუქტები.

ნაოსნობისა და აღებმიცემობის გააქტიურებამ დააწინაურა ართვინი. იგი გახდა ჭოროხის ხეობის ცენტრალური დასახლება. 1905 წლის მონაცემებით, აქ ცხოვრობდა 7028 კაცი.¹²⁸

ინტენსიურმა ნაოსნობამ დიდად შეუწყო ხელი ჭოროხის ხეობის მოსახლეობის დასაქმებას. სანაოსნო საქმე მათი შემოსავლის მნიშვნელოვან წყაროს წარმოადგენდა.¹²⁹ გასული საუკუნის ბოლოსათვის ნაოსნობას მისდევდა ხეობის თითქმის მთელი მოსახლეობა - დაახლოებით 23 სოფელი.¹³⁰ ამან, თავის მხრივ, წარმოშვა საბაჟო სისტემა, რაც არეგულირებდა მდინარეზე ნაოსნობას და საგადასახადო საქმიანობას.¹³¹

ბათუმის ოლქის საქართველოსთან დაბრუნებამდე ჭოროხზე არსებობდა საბაჟო გადასახადი ყოველი ნაერვისისათვის. კავკასიის მეფისნაცვლის მთავარი სამმართველოს დეპარტამენტის მიერ 1879 წ. გამოცემული კანონით შეიცვალა ბაჟის აკრეფის ადრინდელი წესი - მის ნაცვლად შემოიღეს წლიური საბაჟო გადასახადი. იგი განისაზღვრა 12 რუბლით წელიწადში, რომელიც 1884 წ. 8 რუბლამდე შემცირდა. „ნავის ბაჟით“ ხაზინა საკმაო შემოსავალს იღებდა¹³² (წელიწადში დაახლოებით 2000-2500 რუბლს).

¹²⁶ Шавров Н., даსახ. ნაშრ., გვ. 74.

¹²⁷ ბათუმ-ართვინს შორის შარავზის გაყვანის შემდეგ მადნის გადმოზიდვა დაიწყო საზიდრებით, აგრეთვე ორთქლის მანქანებით, თუმცა, ამ უკანასკნელის როლი უმნიშვნელო იყო.

¹²⁸ КК на 1906 г., с. 158.

¹²⁹ კაიუსის (ნავის) გარეშე ჭოროხის ხეობის მოსახლეობას არაფრის გაკეთება არ შეუძლია, მიუთითებდა ნ. შავროვი (იხ. Шавров Н., даსახ. ნაშრ., გვ. 74).

¹³⁰ «Кавказ», 1902, №48.

¹³¹ ვრცლად აღნიშნული საკითხის შესახებ იხ. რუზუნაძე, დასახ. ნაშრ., გვ. 89-90.

¹³² Месхи Н.С. Очерки развития Батумского городского хозяйства. - Батуми и его окрестность, с. 470.

მძიმე და მომქანცველი იყო მენავეთა შრომა ჭოროხის ჩქარი დინების გამო, ნინებებით მოძრაობა შეიძლებოდა მხოლოდ დინების მიმართულებით. აღმა ნავს ჭაპანით მიათრევენენ („შეებნენ ნავში ხარებიით მენავეები და მიათრევენენ წყლის ნაპირ-ნაპირ“).¹³³ ნავის გაწევა დიდ ფიზიკურ ენერგიას და შრომას მოითხოვდა, დარსა თუ აედარში, სიცხესა თუ სიცივეში დიდი წვალებით მიათრევენენ მძიმედ დატვირთულ ნავებს. „მათზე (ჭოროხელ მენავეებზე - რედ.) უსაცოდავესი არ არის რა, მეტადრე ზამთარში, როდესაც წყალში ჩამდგარი თოკებით მიათრევენ პირამდე სავსე ნავს რომელშიმე ეაჭრისას ართენისა და ლივანში“.¹³⁴ წერდა ჟურნ „ივერია“.

ყველა რეიზს ჰყავდა საკუთარი ნავი. მენავეებად ძირითადად მუშაობდნენ დაქირავებული პირები. მენავეები რეიზებთან მუშაობდნენ არტელის (ამხანაგობის) წესითაც.¹³⁵

მძიმე ფიზიკური შრომის მიუხედავად, მენავეთა გასამრჯელო არცთუ ისე დიდი იყო. XX ს. დამდეგისათვის მათი შემოსავალი თვეში, დაახლოებით, 35-40 რუბლი იყო. 1914 წლიდან მენავეთა გასამრჯელო ყოველი ნაერისისათვის განისაზღვრა I რუბლით. ისინი გაერთიანებული იყვნენ „ნაოსანთა ამხანაგობაში“, რომელიც აწესრიგებდა ნაოსნობასთან დაკავშირებულ საკითხებს.

1903 წლიდან, ბათუმ-ართინის შარაგზის გაყვანის შემდეგ, ნაოსნობა ჭოროხზე თანდათანობით შესუსტდა, მაგრამ კელაე ინარჩუნებდა მნიშვნელობას აღწერდა რა 1909-1910 წლებში ჭოროხზე ნაოსნობის მდგომარეობას, ნ. შავროვი მიუთითებდა: მიუხედავად ბორბლიანი ტრანსპორტის განვითარებისა, ნაოსნობა ჭოროხზე არ დაცემულა და აგრძელებს არსებობას, თუმცა ნავების რიცხვი არც თუ ისე დიდია.¹³⁶ მეტ-ნაკლები ინტენსივობით ნაოსნობა ჭოროხზე გრძელდებოდა 1914 წ. შემოდგომამდე. საომარი ვითარებისა და ქვეყნის შიგნით შექმნილი რთული პოლიტიკურ-ეკონომიკური მდგომარეობის გამო, 1914 წ. ნაოსნობა კიდევ უფრო შემცირდა. იგი, ძირითადად, იყო სტიქიური, არარეგულარული და გამოიყენებოდა შიგასამუშურნო დანიშნულებისათვის.

გ) საკინიგზო ტრანსპორტი

ამიერკავკასიაში რკინიგზის გაყვანის აზრი გამოითქვა ჯერ კიდევ 1857 წელს სამხედრო ინჟინერი სტატკოვსკი ბაქო-თბილისის სალიანდაგო გზით დაკავშირების მიზანშეწონილობას სამხედრო-სტრატეგიული საჭიროებით ასაბუთებდა. მომდევნო წელს წამოაყენეს თბილისი-ფოთის რკინიგზის გამართვის იდეაც, რასაც აეტორები ქვეყნის შიდასამუშურნო განვითარების ინტერესებით ხსნიდნენ მოსკოველმა კაპიტალისტმა კოკორევაშ ეს ორივე მოსაზრება გააერთიანა და ამიერკავკასიის საკინიგზო მაგისტრალის მშენებლობისათვის აქციონერული საზოგადოების ჩამოყალიბების საკითხიც დასვა.

აღნიშნული იდეა მმართველ წრეებშიც გაერცვლდა. მეფისნაცვალმა ბარიკტინსკიმ იმპერატორის წინაშე ამიერკავკასიის რკინიგზის მშენებლობის შუამდგომლობა აღძრა. იგი აღექვანდრე II-ს წერდა: „რკინიგზა ამიერკავკასიისათვის იქნება იგივე, რაც არის წყალი ნაყოფიერი, მაგრამ მზით გადაშვეარი ველისათვის. სალიან-

¹³³ „დროება“, 1879, №151.

¹³⁴ „ივერია“, 1878, №47, გვ. 9.

¹³⁵ Шаврова Н., დასახ. ნაშრ., გვ. 72.

¹³⁶ იქვე.

დაგო გზა გააღვიძებს ამ მხარის მწარმოებლურ ძალებს, მიმოქცევაში შეიყვანს უდღეს სიმდიდრეს, რაც ჯერ კიდევ გამოუყენებელიაო.¹³⁷ ამიერიდან ამიერკავკასიის რკინიგზის მაგისტრალის მშენებლობის საკითხმა თბილისიდან პეტერბურგში გადაინაცვლა, მაგრამ რამდენიმე წლის განმავლობაში პრაქტიკულად თითქმის არაფერი გატეხულა.

1864 წელს მეფისნაცვალმა მიხეილ რომანოვმა იმპერატორის წინაშე კვლავ დასვა თბილისი-ფოთის რკინიგზის მშენებლობის საკითხი. მ. რომანოვი, მართალია, ხაზს უსვამდა რკინიგზის სამხედრო-სტრატეგიულ მნიშვნელობას, მაგრამ იმასაც წერდა, რომ რკინიგზა მოიზიდავდა დასავლეთეუროპულ კომერსანტებს და მოხდებოდა საერთაშორისო სატრანზიტო სავაჭრო გზის გადმონაცვლება ოსმალეთიდან ამიერკავკასიაში.

რუსეთის უმაღლესმა მთავრობამ ამჯერად დააკმაყოფილა კავკასიის ხელისუფლის ეს შუამდგომლობა. 1865 წ. სახელმწიფო ხაზინამ 3,2 მლნ რუბლი გამოყო წინასწარი სამუშაოების ჩასატარებლად და იმ მიწების შესასყიდად, სადაც რკინიგზას უნდა გაეკლავა პროექტის თანახმად, ტრასაზე ნიადაგის გასწორება, ხიდების აგება და სხვ. ხაზინის ხარჯით ჩატარდებოდა და დამთავრდებოდა 1869 წელს, რის შემდეგ საქმეს დასავლეთ ეუროპიდან მოწვეული კონცესიონერები გააგრძელებდნენ. წინასწარ გამოცხადდა კონკურსი. გაიმარჯვეს ინგლისელმა ბიზნესმენებმა. 1867 წ. 2 ივნისს რუსეთის მთავრობამ დაამტკიცა პარკინსისა და პაუკერის მიერ წარმოდგენილი თბილისი-ფოთის რკინიგზის კონცესიის პროექტი, რომლის რეალიზაცია უნდა დაეწყოთ პირველი ეტაპის სამუშაოთა დამთავრების შემდეგ, 1870 წელს.

ამიერკავკასიის ადმინისტრაციის მოხელეები სამუშაოებზე ფართოდ იყენებდნენ ადგილობრივი გლეხებისა და ჯარისკაცების თითქმის აუნახლადურებელ შრომას, მაგრამ 1869 წლამდე მშენებლობაზე მინც დაიხარჯა 2 მლნ რუბლი და მეფისნაცვალმა მოითხოვა დამატებით თანხა 3 მლნ რუბლის ოდენობით. უმაღლეს მთავრობას ეტკი შეეპარა კავკასიელ მოხელეთა სამშენებლო უნარსა და პატიოსნებაში, ამიტომაც დამატებითი თანხის გამოყოფაზე უარი თქვა. მეფის ბრძანებით რკინიგზის მშენებლობის კონცესია გადაეცა ინგლისელ ბიზნესმენტა აქციონერულ კომპანიას.

ინგლისელმა კონცესიონერებმა რკინიგზის მშენებლობის სათავეში თავიანთი სპეციალისტები ჩააყენეს, თავისუფალ გარიგებათა საფუძველზე დიდი რაოდენობის ხალხი დაასაქმეს. 1871 წ. ტრასაზე შრომობდა რამდენიმე ათეული ათასი კაცი. თბილისი-ფოთის რკინიგზის ხაზი, რომლის გაყვანა 23 მლნ რუბლი დაჯდა, ამუშავდა 1872 წ. მთორე ნახევარში.

რკინიგზის თავგამოდებული პროპაგანდისტები, სტიმული რომ მიეცათ კონცესიონერებისათვის, თავდაპირველად წერდნენ, რომ რკინიგზაზე მოხვედრილი 7 მლნ ფუთი ღვინო და სხვა სასოფლო-სამეურნეო პროდუქტი იქნებოდა კონკურსში გამარჯვებული კომპანიის გამდიდრების წყარო. ნათისა და ნათობის პროდუქტებს თითქმის არავინ ახსენებდა. ზოგიერთი ვარაუდობდა, რომ რკინიგზით გადაიზიდებოდა 300 ათას ფუთამდე ნავთობი. XIX ს. 70-80-იანი წლების მიჯნაზე კომერციულ ვარაუდებსა და გათვლებში რეალურმა ვითარებამ არსებითი ცვლილებები შეიტანა - ღვინოზე დამყარებული დიდი იმედი არ გამართლდა. ბაქოს ნავთის ამოღებამ კი მალე საარაკო ციფრებს მიაღწია. შავი ზღვის პირას გადაზიდული ნავთობის სრული ექსპორტი

¹³⁷ Аргутинский-Долгоруков А. История сооружения и эксплуатации Закавказской железной дороги, Тиф., 1896, с. 11.

შუქლებელი გახდა მოუწყობელი და ქარებისაგან დაუცველი ფოთის ნავსადგურის მეშუეობით.

ამიერკავკასიის რკინიგზის ბათუმის უბნის მშენებლობის საკითხი წამოიწია 1877-1878 წწ. ომის დამთავრებისა და სამხრეთ-დასავლეთ საქართველოს დედა-სამშობლოსთან დაბრუნებისთანავე ერთხანს აქაც წინა პლანზე იდგა პოლიტიკური და სტრატეგიული მიზანი: ცენტრალური მთავრობისა და ამიერკავკასიის ადმინისტრაციის აზრით, აუცილებელი იყო ამ ახლად შემოერთებული მხარის რკინიგზით დაკავშირება შიგა ტერიტორიებთან. უამისოდ იგი სამხედრო-სტრატეგიულ დანიშნულებას ევერ შეეასრულებდა. მადე გამოიყვეთა ბათუმი-სამტრედიის რკინიგზის ხაზის მშენებლობის უფრო მნიშვნელოვანი მოტივი, კერძოდ, აუცილებელი გახდა ფოთის ნავსადგურის განტვირთვა და ნავთობპროდუქტების ხაქესპორტო ოპერაციების გადმოტანა ბათუმის ნავსადგურში. ამასთან დაკავშირებით ა. არღუთისკი-დოლგოროუკი წერდა: „ფოთის პორტის მიუდგომლობა, მასზე რიონის დინების უარყოფითი ზემოქმედება, განუწვეტელი დედა, ხელოვნურ ნავებობათა სიეწროვე და სხვა ამიერკავკასიის რკინიგზასთან ბათუმის მიერთების მიწესი გახდა. ბათუმს, ზღეოსნობისა და ვაჭრობა-მრეწველობის განვითარების მხრივ, ფოთთან შედარებით, ძალიან დიდი უპირატესობა აქვს“. იგი იმასაც უსვამდა ხაზს, რომ ფოთის ნავსადგურში მხოლოდ მცირე გემები და ნავეები ახერხებდნენ შესვლას. დიდი გემები დია ზღეაში ჩერდებოდნენ და მათი ტვირთი ნავეების საშუალებით გადმოქონდათ ნაპირზე, რკინიგზის სადგურში. ბათუმის ნავსადგურში დიდი სოკეანო გემებით მიტანილი საქონელი მცირე გემებით გადაქონდათ ფოთში და იქიდან რკინიგზით იგზავნებოდა ამიერკავკასიის სხეადასხეა პუნქტში. „ყველა ეს დატვირთვა-გადატვირთვა, - განაგრძობს ავტორი, - რაც თითქმის პირველყოფილი საშუალებებით ხდებოდა, ძალიან ძვირი ჯდებოდა და უარყოფითად მოქმედებდა ვაჭრობის მასშტაბებზე და ტვირთბრუნვის მოცულობაზე, ფოთის ნავსადგურის უხეირობით გამოწვეული დამატებითი ხარჯები ფოთზე 10-25 კაბიკ ალწევდა, რაც არაფრით ჩამორჩებოდა მარსელიდან ფოთამდე დაწესებულ სასღეო ფრახტს“.¹³⁸

ბათუმში რუსეთის ჯარი 1878 წ. 25 ავისტოს შემოვიდა. ორიოდ თვის შემდეგ კი დამტკიცდა სამტრედიიდან ოსურგეთის გავლით რკინიგზის გასაყენად ადგილმდებარეობის გამოკვლევის დებულება. დამუშავდა მეორე ვარიანტიც - ლანსხუთისა და ნატანების გავლით ბათუმამდე. ამ საშუაობის ხელმძღვანელობა დაევადა ამიერკავკასიის რკინიგზის ინსპექტორს - ინჟინერ სტატკოვსკის ორიოდ თვეში დასახელებულ ორ მიმართულებასთან ერთად გამოიკვლიეს მესამეც - ფოთიდან ზღეისპირით ბათუმამდე. პირველი ორი მიმართულება გაცილებით რთული იყო, ძვირიც ჯდებოდა, სამაგიეროდ, სტატკოვსკის აზრით, უპირატესობაც ქქონდა - გადიოდა მჭიდროდ დასახლებულ და ბუნებრივად მდიდარ ტერიტორიებზე, რაც რკინიგზას საკმაო შემოსავალს მისცემდა. რკინიგზა კი, თავის მხრივ, ხელს შეუწყობდა გურებისა და აჭარის შემდგომ ეკონომიკურ აღმავლობას.

თავიდანვე განისაზღვრა რკინიგზის მშენებლობის მიახლოებითი ხარჯი - 6,5 მლნ რუბლი. ეს თანხა უნდა მოხმარებოდა მომავალი მაგისტრალის ტერიტორიაზე საჭირო მიწების შესყიდვას, ლიანდაგების საყრდენი ზოლის მომზადებას, ხელოვნურ ნაგებობათა მოწყობას, ლიანდაგების დაგებას, რკინიგზის სადგურების აგებას, სატელეფონო ხაზის გაყენას და სხვ. 1880 წ. 6 იელისს დამტკიცდა სამტრედი-

¹³⁸ Аргутинский-Долгоруков А., დასახ. ნაშრ., გვ. 57-58.

ბათუმის სარკინიგზო ხაზის მშენებლობა პროექტი და ხარჯთაღრიცხვა ამ 105 ვერსი სიგრძის შტოს მშენებლობა მიენდო თბილისი-ფოთის ხაზის მფლობელს - ინგლისელ კაპიტალისტთა აქციონერულ საზოგადოებას, რომლის წესდებას დაემატა ახალი მუხლები.

1883 წლის დამდეგს სამტრედია-ბათუმის რკინიგზის ხაზის მშენებლობა ძირითადად დამთავრდა. 12 აპრილს სპეციალურად გამოყოფილმა კომისიამ (ინჟინრები და სხვა სპეციალისტები - კლემენტო, კეტრიცო, დენინი, სტატკოვსკი, პრესნიაკოვი) შეისწავლა ობიექტი, შეაფასა ლიანდაგების, სხვადასხვა ნაგებობის ხარისხი და მიღების აქტში დაამტკიცა რკინიგზის რვა სადგური - სამტრედია, საჯავახო, ნიგოთი, ლანჩხუთი, სუფსა, ნატანები, ქობულეთი, ბათუმი. 1883 წ. 21 მაისს სამტრედია-ბათუმის ხაზი ოფიციალურად გაიხსნა.¹³⁹ იმავე წელს მოძრაობა გაიხსნა თბილის-ბაქოს ხაზზეც. XIX ს. 80-90-იან წლებში ხაზი ამიერკავკასიის რკინიგზის მაგისტრალის და საერთაშორისო სატრანზიტო-სავაჭრო გზის ერთ-ერთ მნიშვნელოვან უბნად გადაიქცა.

ინგლისური რკინიგზის კომპანიის მომსახურე პერსონალმა, ბუნებრივია, თავისი მოქმედება სამტრედია-ბათუმის გზაზეც გაავრცელა კომერციული სამსახურის ფუნქციებში შედიოდა მოქმედი საბაჟო ტარიფების განხილვა-შეფასება, მოსასურების წარდგენა მათში კორექტივების შესატანად, სახელმწიფო დაწესებულებებთან, კერძო პირებთან, საქონელგამზავნებთან და საქონელმომღებებთან ურთიერთობა საბაჟო გადასახადების საკითხებზე, რკინიგზის სადგურებსა და კონტროლის ორგანოებს შორის აღმოცენებული დავა-საჩივრების გარჩევა, კომერციული ხასიათის პროექტებისა და სხვა დოკუმენტების შედგენა, მიმოწერა საქონლის მეპატრონეთა პრეტენზიების გამო.

რკინიგზაზე მოძრავ სახალხო მატარებლებში იყო პირველი, მეორე, მესამე და ზოგჯერ მეოთხე კლასის სამგზავრო ვაგონები. I კლასის ვაგონის ბილეთი ბათუმიდან თბილისამდე ღირდა 16, II კლასის - 8, III კლასის - 5 რუბლი. 4 წლის შემდეგ ბილეთების ფასი 20%-ით შემცირდა. ფასდაკლების ტენდენცია შემდეგაც გაგრძელდა მიუხედავად ამისა, მოსახლეობის ქვედა ფენები, სიძვირის გამო, მატარებლით ნაკლებად სარგებლობდა ეს იყო იმის მიზეზი, რომ მგზავრთა გადაყვანა რკინიგზას შედარებით მცირე შემოსავალს აძლევდა.

ამიერკავკასიის რკინიგზის აქციონერული საზოგადოების მთელი შემოსავლისა და მოგების ძირითადი წყარო იყო ტვირთბიდვა კომერციული სამსახურის მოხელეები ტვირთებს ღებულობდნენ დილის 6-7 საათიდან საღამოს 5-6 საათამდე. რკინიგზით გადასაზიდი საქონელი ღირებულებისა და წონის მიხედვით იყოფოდა სამ კატეგორიად: I კატეგორიის საქონელი ფუთ - ვერსზე იბეგრებოდა მაქსიმუმ ნახევარი კაპიკით, II და III კატეგორიის საქონელზე დაწესებული ბაჟი 5-10-ჯერ ნაკლები იყო.

ამიერკავკასიის რკინიგზის მთელი შემოსავალი რუბლებში წლების მიხედვით შეადგენდა:¹⁴⁰

1872 წ. -	92 304	1884 წ. -	4 506 262
1874 წ. -	1 397 638	1886 წ. -	8 523 810
1876 წ. -	1 534 355	1888 წ. -	10 871 169

¹³⁹ იქვე გვ. 58-63.
¹⁴⁰ იქვე გვ. 173-174.

1878 წ. -	2 549 364	1890 წ. -	14 885 642
1880 წ. -	2 549 364	1894 წ. -	17 120 050
1882 წ. -	2 225 775	1896 წ. -	18 319 823

ამავე პერიოდში რკინიგზის სუფთა შემოსავალი (მოგება) გაიზარდა 74 ათასიდან 12 მლნ რუბლამდე.

ამიერკავკასიის რკინიგზის ტვირთბრუნვისა და შემოსავლის ასეთი მკვეთრი ზრდა 1883 წ. შემდეგ, მიმოხილველთა აზრით, განაპირობა მხარის საერთო ეკონომიკურმა განვითარებამ, მაგრამ მთავარი ფაქტორი მაინც იყო ბაქოს ნავთობის მზარდი რაოდენობით ამოღება, ბათუმში გადმოზიდვა და მისი მაღალგამიტარიანი ნავსადგურის მეშვეობით მსოფლიო ბაზრებზე ექსპორტი.

ამიერკავკასიის რკინიგზის სადგურებს შორის ტვირთბრუნვის მოცულობით გამოირჩეოდა ბაქო და ბათუმი. ყველაზე მეტ ტვირთს გზავნიდა ბაქო და ყველაზე მეტს იღებდა ბათუმი. როგორც ბაქოდან გამოგზავნილი, ისე ბათუმში მიღებულ ტვირთებში ძირითადი იყო ნავთობი და ნავთობპროდუქტები. ბათუმის რკინიგზის სადგურის მთელი ტვირთბრუნვა შეადგენდა: 1883 წ. - 3 761 000, 1884 წ. - 8 250 000, 1886 წ. - 26 797 000, 1888 წ. - 48 400 000, 1890 წ. - 60 000 000, 1892 წ. - 69 000 000 ფუტს. ბათუმში რკინიგზით შემოტანილი ტვირთის 80-85% იყო ნავთობი, რომელიც თითქმის მთლიანად უცხოეთში იგზავნებოდა. საზღვარგარეთიდან და რუსეთიდან შემოტანილი საქონლის მცირე ნაწილს რჩებოდა ქალაქში, 80-85% რკინიგზით იგზავნებოდა ქვეყნის სიღრმეში. მართალია, გაგზავნილი საქონლის რაოდენობით ბათუმის რკინიგზის სადგური ორჯერ ჩამორჩებოდა ფოთს, მაგრამ მიღებული საქონლის მოცულობით კი 10-ჯერ აღემატებოდა მას.¹⁴¹

XIX-XX სს. მიჯნაზე კიდევ უფრო გაიზარდა რკინიგზის ტრანსპორტის მნიშვნელობა. ამიერკავკასიის რკინიგზით ყოველწლიურად მგზავრობდა 5-6 მლნ კაცი. დიდი სიჩქარის ტვირთების წონა, რომელიც მგზავრ-მფლობელთან ერთად მიდიოდა დანიშნულების ადგილზე, 2-3 მლნ ფუტს არ აღემატებოდა. მცირე სიჩქარის ტვირთების მიმოქცევა კი დიდ ციფრებში გამოიხატებოდა ამიერკავკასიის რკინიგზით გადაიზიდა 1896 წელს - 117, 1897 წ. - 134, 1898 წ. - 151, 1899 წ. - 154, 1900 წ. - 178, 1901 წ. - 187, 1902 წ. - 193, 1903 წ. - 205 მლნ ფუთი ტვირთი. ნავთი და ნავთობპროდუქტები შეადგენდა გადაზიდული ტვირთის 45-48%, მარგანეცი - 11-15%, პურეული - 6-7%, შეშა და ხე-ტყის მასალა - 3,5%, შაქარი - 2,2%, რკინა და ფოლადი - 1-2%, ქვანახშირი - 1%, ღვინო - 10%, ყველა სხვა საქონელი (ტვირთი) ერთად - 20%-ს.¹⁴²

ბაქოდან რკინიგზით გამოგზავნილ ნავთობპროდუქტებს თითქმის მთლიანად ბათუმი იღებდა და აქედან გადიოდა ექსპორტში. 1902 წელს, მაგალითად, ბათუმიდან უცხოეთის ბაზრებზე გაიგზავნა 90 მლნ ფუთი ნავთი და ნავთობპროდუქტები.

უცხოეთიდან და რუსეთიდან შავი ზღვით შემოტანილი საქონლის 95-98%-ს ფოთისა და ბათუმის ნავსადგურები ღებულობდნენ და აქედან რკინიგზით იგზავნებოდა რუსეთის იმპერიის სამხრეთ რეგიონებსა და ირანში. 1902 წელს ბათუმის რკინიგზის სადგურმა მიიღო და გაგზავნა სულ უცხოურ-რუსული საქონელი 4,7 მლნ ფუთის ოდენობით. აქედან, 424 ათასი ფუთი - პურის ფქვილი, 262 ათასი ფ. - ჩაი, 278 ათასი ფუთი - რკინა და რკინის ნაწარმი, 78 ათასი ფუთი - მანქანა-იარაღები, 458

¹⁴¹ იქვე გვ. 602-673.

¹⁴² Краткий обзор коммерческой деятельности закавказской железной дороги за 1903 г., с. 17-40.

ათასი ფუთი – შაქარი და სხვ.

იმავე 1902 წ. ამიერკავკასიის რკინიგზით ბათუმში ჩამოიზიდა (ნავთობის გამოკლებით) რუსეთის იმპერიასა და ირანში დამზადებული საქონელი: ბამბა - 257, აბრეშუმის ძაფი და პარკი - 194, ძირტკბილა - 816, სიმინდი - 579, ქერი - 170, ღვინო - 85, თევზი - 200, თივა-ჩაღა - 382, შეშა - 732, ლითონები - 280, მანუფაქტურული ნაწარმი - 58, კირი - 85, აგური - 105, მწვანელი - 127 ათასი ფუთი და სხვ.¹⁴³

ამ პერიოდშიც ამიერკავკასიის რკინიგზის სადგურებს შორის ტვირთბრუნვის მოცულობით პირველ ადგილზე იყო ბაქო (109 მლნ ფუთი) მეორეზე - ბათუმი (96 მლნ ფუთი), მესამეზე - ფოთი (50 მლნ ფუთი), მეოთხეზე ჭიათურა-შორაპანი (30 მლნ ფუთი).¹⁴⁴

1904 წ. ამიერკავკასიის რკინიგზის ბრუნვა შეადგენდა 213 მლნ ფუთს. ბათუმის რკინიგზის სადგურმა მიიღო 92 მლნ ფუთი ტვირთი. იმავე წელს ქობულეთის სადგურიდან გაიგზავნა 818 ათასი ფუთი ტვირთი, ჩაქვიდან - 110 ათასი ფუთი.

1905 წ. ბათუმის კომერციულ საქმიანობაში დაქვეითების ტენდენცია დაიწყო. ამის მიზეზი, როგორც უკვე ითქვა, ბაქოს ნავთობის მიმართულების შეცვლა იყო: ეს ენერგორესურსი თანდათან მზარდი რაოდენობით იგზავნებოდა კასპია-ვოლგის გზით და ჩრდილო კავკასიის რკინიგზით. ბათუმში ნავთობი ჩამოიზიდეს 1905 წ. - მხოლოდ 20,6, 1906 წ. - 26,3, 1907 წ. - 29,7, 1908 წ. - 30,2, 1909 წ. - 23,4 მლნ ფუთი. სხვა სახის საქონლის მიმოქცევა კვლავ იზრდებოდა, მაგრამ ნავთობის ტვირთების დანაკლისს მთლიანად ვერ ფარავდა. ბათუმის რკინიგზის სადგურში გადმოიტვირთა: სიმინდი: 1906 წ. - 564, 1907 წ. - 291, 1908 წ. - 340, 1909 წ. - 1124 ათასი ფუთი; პურის ფქვილი: 1905 წ. - 580, 1907 წ. - 792 ათასი ფუთი; ქერი: 1906 წ. - 107, 1907 წ. - 227 ათასი ფუთი. ღვინო ვლიური შემოიზიდა მერყეობდა 100-130 ათას ფუთს, შეშისა - 500 ათასიდან 800 ათას ფუთს შორის. ბათუმი რკინიგზით დიდი რაოდენობით დებულობდა ამიერკავკასიაში, შუა აზიასა და ირანში დამზადებულ ბამბას, აბრეშუმის პარკსა და ძაფს, ძირტკბილას და სხვ. პროდუქტებს.

1911 წ. ამიერკავკასიის რკინიგზით გადაიზიდა 54 მლნ ფუთი ნავთობი, 40 მლნ ფუთი მანგანუმი, 23 მლნ ფუთი პურეული, 11 მლნ ფუთი შაქარი, 4 მლნ ფუთი ღვინო, 2,4 მლნ ფუთი ბამბა და სხვ. მთელი ტვირთბრუნვა შეადგენდა 209 მლნ ფუთს. ამ დროს ბათუმის რკინიგზის სადგურის ბრუნვა იყო 65 მლნ ფუთი. ამიერკავკასიის რკინიგზის ტვირთბრუნვაში ბათუმის სადგურის წილად მოდიოდა 28,6%, ფოთის - 18%, ბაქოს - 11,3%, სხვა დანარჩენი სადგურებისა - 29,4%.¹⁴⁵

1912 წ. ბათუმის საბაჟოს გავლით უცხოეთში გაიგზავნა 39,8 მლნ რუბლის საქონელი, 1913 წ. - 45,5 მლნ რუბლისა. ექსპორტის მთავარი საგანი ისევ ნავთობი იყო. უცხოეთში გაიგზავნა 12-19 მლნ რუბლის ნავთობი, 2,3-3,9 მლნ რუბლის მანგანუმი, 1-2 მლნ. რუბლის მატყლი, 1 მლნ რუბლის ძირტკბილა და სხვ. ბათუმის საბაჟოს გამოვლით უცხოეთიდან შემოვიდა და რკინიგზით კონტინენტის სიდრემში გაიგზავნა 4-5 მლნ რუბლის საქონელი, მათ შორის მთავარი იყო ლითონის ნაკეთობანი და მანქანა-იარაღები.¹⁴⁶

პირველი მსოფლიო ომის დაწყების შემდეგ ჩაიკეტა ბოსფორ-დარდანელის სრუტეები და რუსეთის საგარეო ვაჭრობა თითქმის მთლიანად ჩაკედა. შავი ზღვის

¹⁴³ იქვე.

¹⁴⁴ იქვე.

¹⁴⁵ Коммерческая деятельность закавказской железной дороги за 1907-1911 гг., с. 199-203.

¹⁴⁶ КК на 1916, отд. статист., с. 111-113.

ნავსადგურების კომერციული საქმიანობა მინიმუმამდე შემცირდა თუ 1914 წ. 1 აგვისტომდე ბათუმის საბაჟოს გაელით უცხოეთში გაიგზავნა 28 მლნ რუბლის ტვირთი, შემდეგ მცირე ოდენობის საქონელი გადიოდა მხოლოდ რუმინეთის მეშვეობით. ბათუმიდან უცხოეთში საქონლის გატანა თითქმის მთლიანად შეწყდა. 1915 წ. უცხოეთიდან ბათუმში შემოვიდა მხოლოდ 300 ათასი რუბლის საქონელი. ბათუმმა გარკვეული დროით დაკარგა საერთაშორისო სატრანსპორტო-სავაჭრო ცენტრის ფუნქცია, რაც თანდათანობით აღდგა მხოლოდ მსოფლიო ომის დამთავრების შემდეგ.

§2. ქალაქები, სავაჭრო-სამრეწველო დაბები, საქალაქო თვითმმართველობა და კომუნალური მეურნეობა

რუსეთის იმპერიის ადმინისტრაციულ ერთეულად გადაქცევის შემდეგ, არსებითი ცვლილებები მოხდა როგორც მთლიანად ბათუმის ოლქის, ისე ქალაქებისა და ქალაქის ტიპის დასახლებათა ეკონომიკაში, მოსახლეობის სოციალურ სტრუქტურაში. დაბა-ქალაქების ძირითადი მახასიათებელი გახდა სასაქონლო ურთიერთობისა და კაპიტალიზმის დანქარებული განვითარება, მრეწველობის აღმავლობა, ვაჭრობის გაფართოება, სავაჭრო კაპიტალის საბანკო კაპიტალად გადაქცევის ტენდენციის გაძლიერება.

საქონელწარმოებისა და საქონელმომოქცევის ზრდის, კაპიტალიზმის განვითარების ერთ-ერთი შედეგი იყო სოფლის მოსახლეობის ხარჯზე ქალაქის მოსახლეობის ზრდა, ქალაქებისა და სხვა სამრეწველო ცენტრების ეკონომიკური და კულტურული მნიშვნელობის ამაღლება. არა მარტო ოლქში, არამედ მთელ დასავლეთ საქართველოში საქალაქო ცხოვრებისა და მეურნეობის განვითარების ტონის მიმცემი გახდა ბათუმი.

საქართველოსთან დაბრუნებამდე ბათუმი ოსმალეთის იმპერიის განაპირა, მცირე ქალაქი იყო. 1872 წ. ბათუმში ითვლებოდა 5 ათასამდე მცხოვრები. აქედან 4500 იყო მუსლიმანი (ქართველი და თურქი), 350 - ბერძენი და 120 - სომეხი. იქვე ცხოვრობდა რამდენიმე ათეული ჩერქეზი და აფხაზი. მას შემდეგ, რაც ქალაქის თავზე ნახევარმთიარის ნაცვლად ჯვრის სიმბოლო აღიმართა, მუსლიმანური მოსახლეობის საგრძნობმა ნაწილმა ქალაქი დატოვა და თურქეთის შიდა პროვინციებში გადასახლდა. 1878 წ. ბათუმში აღირიცხა 3 ათასამდე მცხოვრები.

ბათუმი მალე გადაიქცა საერთაშორისო-სატრანსპორტო ვაჭრობის მნიშვნელოვან პუნქტად და დიდი მიზიდულობის ძალა შეიძინა. ქალაქის მოსახლეობა სწრაფად გაიზარდა. 1882 წ. ბათუმში აღირიცხა 8671 მცხოვრები. აქედან ქართველი იყო 1156, თურქი - 603, რუსი - 908, ირანელი - 112, ებრაელი - 179, ბერძენი - 1106, გერმანელი - 145, ფრანგი, იტალიელი და ინგლისელი - 53. ამის შემდეგ მოკლე ხანში ბათუმის მოსახლეობა გაორმაგდა. 1890 წლის აღწერამ ქალაქში დაადასტურა 14674 მუდმივი და 3449 დროებითი მცხოვრები - ორივე ერთად 18123 სულ. მათ შორის მამაკაცი იყო 14180, ქალი - 3943. ეს ციფრები დიდ კომენტარს არ საჭიროებს - ახლად აღორძინებული ქალაქი, ძირითადად, თვითმოქმედი მოსახლეობის სარბიელი იყო. აღნიშნულ წელს მუდმივ სამუშაოზე იყო 4,2 ათასი კაცი. დაახლოებით ამდენივე იყო დღიურად

და სეზონურად დაქირავებული.¹⁴⁷

რუსეთის იმპერიის 1897 წლის საყოველთაო აღწერამ ბათუმში დაადასტურა 28508 სული მუდმივი და 2 ათასამდე დროებითი მცხოვრები. მოსახლეობის სოციალური შემადგენლობის გრაფაში ჩაიწერა, რომ თავადაზნაური იყო 2319, სასულიერო წოდების - 185, ვაჭარი - 248, მეშენი - 5280, გლეხი - 11249, დანარჩენი - 709 და უცხოელი (წოდების განურჩევლად) - 8518 კაცი. სტატისტიკოსები ჩამორჩნენ ეპოქის მაჯისცემას, ვერ ასახავენდნენ მოსახლეობის სოციალურ სტრუქტურას, ახალ კლასებსა და სოციალურ ფენებს.

იმავე აღწერამ ცხადყო, რომ ოციოდე წელში ბათუმი მრავალეროვნულ ქალაქად გადაიქცა ეროვნებისა და ენის მიხედვით მოსახლეობის შედგენილობა ასეთი იყო: რუსი, უკრაინელი და ბელორუსი - 7154, ქართველი - 6687, სომეხი - 6839, ბერძენი - 2762, თურქი - 1654, ებრაელი - 1064, პოლონელი - 722, გერმანელი - 299, სხვა დანარჩენი 1934 კაცი. ბათუმელთა უმრავლესობა (15495 სული) იყო მართლმადიდებელი, 6150 - გრიგორიანელი, 2007 - კათოლიკე, 334 - სხვადასხვა ყაიდის პროტესტანტი, 3156 - მამადიანი, 1179 - იუდეველი.¹⁴⁸

ოციოდე წელიწადში ბათუმი პატარა აზიურ-ფეოდალური ქალაქიდან გადაიქცა საშუალო სიდიდის ევროპულ-კაპიტალისტურ ქალაქად, რომელიც ბაქოსა და თბილისთან ერთად ტონს აძლევდა ამიერკავკასიის კაპიტალისტურ განვითარებას. ესოდენ სწრაფად მზარდი ქალაქი, ბუნებრივია, ვერ ჩაეტეოდა ძველ საზღვრებში. გაჩნდა ახალი უბნები. ქოხმახების ნაცვლად და მათ გვერდით წამოიშალა ახალი, ევროპული ტიპის შენობები, ადმინისტრაციული, საფაბრიკო-საქარხნო, კულტურულ-საგანმანათლებლო და საცხოვრებელი სახლები.

1888 წ. ქ. ბათუმის განაშენიანებისა და განვითარების გეგმის შედგენა დაევალა სპეციალურ კომისიას, რომელსაც თავმჯდომარეობდა სამოქალაქო მრჩეველი რჩეული შვილი. კომისიამ აღწერა ბათუმი, მისი მიმდებარე ტერიტორია ცალ-ცალკე შეადგინა ქალაქისა და გარეუბნების გეგმა კომისიამ მიზანშეწონილად მიიჩნია გარეუბნების ხარჯზე ქალაქის ტერიტორიის გაფართოება მისი აზრით, ეს მხოლოდ ახალი უბნების გაშენებისათვის როდი იყო საჭირო. ბათუმის მოსახლეობის (რომლის საგრძნობი ნაწილი კვლავ ეწეოდა მიწათმოქმედებასა და მეცხოველეობას) ეკონომიკური კეთილდღეობის ამაღლება, სხვასთან ერთად, მოითხოვდა მის სარგებლობაში საძოვრების გადაცემასაც.

რჩეული შვილის კომისიის მიერ შედგენილი გეგმის მიხედვით, ბათუმის სიგრძე შეადგენდა 5,5 ვერსს, სიგანე - 1,5 ვერსს. ქალაქის დასახლებული ტერიტორია შეადგენდა 676 დესეტინას, სამმართველოდ მასზე მიწერილი გარეუბნების ჩათვლით - 13500 დესეტინას.¹⁴⁹ ეს გეგმა მიუღებელი აღმოჩნდა ბათუმის ოლქის ადმინისტრაციისათვის და სათანადო მუშაობა კიდევ ორ ათეულ წელს გაგრძელდა. ქ. ბათუმი ოფიციალურად დამტკიცებული გეგმის გარეშე არსებობდა, იზრდებოდა და ვითარდებოდა.

სამხრეთ-დასავლეთ საქართველოში, შეიძლება ითქვას, სხვა დიდი ქალაქი არ ყოფილა. შედარებით მეტ როლს ასრულებდა სამრეწველო-სავაჭრო ცხოვრებაში ქ. ართვინი, არტაანი და არტანუჯი. იყო რამდენიმე გამორჩეული სავაჭრო-სახელოსნო დაბა და სოფელი. ბათუმში შემოსული უცხოური და რუსული საქონლის ნაწილი ამ

¹⁴⁷ Батум и его окрестности, с. 51-53.

¹⁴⁸ Первая перепись населения Российской империи, Кутаисская губерния, с. 1-2.

¹⁴⁹ ვლ. სიჭინავა, დასახ. ნაშრ., გვ. 108.

პუნქტებშიც ხვედებოდა, სადაც რელიზაციას ადგილობრივი ვაჭრები ახდენდნენ. ამ პუნქტებში იგრანობოდა აზიური დუქნების ხარჯზე ახალი ევროპული მადანების ზრდის ტენდენცია. მრავლდებოდა სახელოსნოების რიცხეიც.

XX ს. დამდეგს სასაქონლო მიწათმოქმედების განვითარებისა და საქონელ-მიმოქცევის გაფართოების შედეგად დაწინაურდა რამდენიმე ძველი სოფელი და განდა ახალი დასახლებები. საგარეუბნო მეურნეობები აღმოცენდა და სავაჭრო-სახელოსნო დაწესებულებები მომრავლდა ჩაქში, სალიბაურში, ფერასა და სოუქსაში. კურორტები და სუბტროპიკული მეურნეობები განდა ქობულეთში, მწვანე კონცხზე, ციხისძირში, მახინჯაურში. ფერადი მეტალურგიის განვითარების შედეგად სამრეწველო დაბა-სოფლებად გადაიქცა ჭინკათხევი, ერგე, ხოლი, ქვარცხანა.

რუსეთის იმპერიის მოსახლეობის საყოველთაო აღწერის დროს, 1897 წელს, ქართინში აღირიცხა 7091 მცხოვრები. მოსახლეობის შექმნილი ნაწილი იყენებდა დაქირაებულ შრომას. 50-მდე საოჯახო მეურნეობასა და ორ ათეულ სავაჭრო-სახელოსნო დაწესებულებაში დასაქმებული იყო თითო მუშა, 15 დაწესებულებაში - 2-3 და 5-10 მუშა.

1910-1914 წლებში ართინის მოსახლეობა 8-10 ათას სულს შეადგენდა. ქალაქს, მართალია, პოლიცია განაგებდა, მაგრამ გადასახადების გაწერა-აკრეფაში მონაწილეობდნენ ცენზიან მოქალაქეთა მიერ არჩეული დეპუტატები. დგებოდა ქართინის შემოსავალ-გასავლის ბიუჯეტი. 1910 წელს ართინის შემოსავალმა შეადგინა 9571 რუბლი. აქედან თვით ქალაქის საკუთრებაში მყოფ ობიექტთა შემოსავალი უდრიდა 2250 რუბლს, მოქალაქეთა უძრავ ქონებაზე შეწერილმა გადასახადებმა ქალაქის საღაროს შემატა 6918 რუბლი, ვაჭრობის სანებართვო მოწმობების გაცემაში - 300 რუბლი სარეზერვო კაპიტალი შეადგენდა 4587 რუბლს.

ართინის საქალაქო ბიუჯეტიდან დაიხარჯა: სწავლა-განათლებაზე - 1200 რუბ., სამედიცინო მომსახურებაზე - 240 რუბ., ქუჩებზე - 927 რუბ., ქალაქის განათებაზე - 615 რუბლი. ბიუჯეტის თითქმის ნახევარი (4070 რუბ.) მოხმარდა ქალაქის პოლიციის საჭიროებას.¹⁵⁰

XIX-XX საუკუნეების მიჯნაზე დაბა არტანის შემოსავალ-გასავალი მერეობდა 5-6 ათასი რუბლის ფარგლებში, რომლის დიდი ნაწილი პოლიციის საჭიროებაზე იხარჯებოდა და დაბის კეთილმოწყობისათვის ბევრი არაფერი რჩებოდა.

ბიუჯეტი გააჩნდა დაბა არტანუჯსაც. 1910 წელს მის საღაროში შევიდა 1141 რუბლი, საიდანაც ქუჩების კეთილმოწყობისთვის დაიხარჯა 60 რუბლი, განათებაზე - 294 რუბლი, სხვა საჭიროებებზე - 833 რუბლი. შედარებით მეტი იყო დაბა ოლთისის შემოსავალი და შესაბამისად, გასავალიც. 1893 წ. დაბის საღაროში შევიდა 6169 რუბლი, საიდანაც ჯარისა და პოლიციის საჭიროებას მოხმარდა 2300 რუბლი, სწავლა-განათლებას - 728 რუბლი, დაბის განათებას - 322 რუბლი და სხვ.¹⁵¹ XX ს. დამდეგისათვის ოლთისის შემოსავალი, მართალია, გაიზარდა, მაგრამ გასავალში ისევ მთავარი იყო ჯარისა და პოლიციის ხარჯები.

ბათუმის საძალაძო თვითმმართველობა. ოსმალთა ბატონობისაგან განთავისუფლების შემდეგ, 10 წლის განმავლობაში, ქ. ბათუმს პოლიცია განაგებდა. 1878 წ. ბათუმის პოლიცმანისტერად დაინიშნა დურმიშხან ყურული. ქალაქის მოსახლეობის

¹⁵⁰ Обзор Батумской области за 1910 г., с. 130-131.

¹⁵¹ Батум и его окрестности., Бат., 1906, с. 482.

ზედაფენას (სახლთმფლობელები, ხელოსნები, ვაჭრები) უფლება მიეცა თავისი წრიდან აერჩია ოთხი დეპუტატი, რომლებიც პოლიცმაისტერს დაეხმარებოდნენ გადასახადების გაწერა-აკრეფაში.

საპოლიციო მმართველობის დროსაც ქ. ბათუმს საოლქო მმართველობისაგან გამოყოფილი თავისი ცალკე ფინანსები ჰქონდა. ქალაქის საშემოსავლო ბიუჯეტის მთავარი წყაროები იყო მოქალაქეთა უძრავი ქონების შეფასებითი გამოსაღები, იჯარით გაცემული მიწის ნაკვეთების ქირა, სასაკლაოთი, ბაზრებით, ნავმისაღდომებითა და ნავეებით სარგებლობის საზღაური, ვაჭრობა-მრეწველობის სანებართვო მოწმობების გაცემით შემოსული თანხა და სხვ.

1879 წ. ბათუმის ბიუჯეტში შემოვიდა 21010 რუბლი, 1882 წ. - 68094, 1885 წ. - 85994, 1887 წ. - 116394 რუბლი. შემოსავლის დიდი ნაწილი ბათუმის პოლიციის ჯამაგირზე და სხვა საჭიროებაზე იხარჯებოდა, დანარჩენი კი ხმარდებოდა ქალაქის განათებას, წყლით მომარაგებას, დასუფთავებას და სხვა საჭიროებას. პოლიცმაისტერი ქალაქის ფინანსებს თითქმის უკონტროლოდ ხარჯავდა. ყოველ შემთხვევაში, დეპუტატებსა და მოქალაქეებს ანგარიშს არ აბარებდა.

ბათუმის მოქალაქეებს, ბუნებრივია, გაუჩნდათ თვითმმართველობის მოპოვების სურვილი. 1885 წ. მათმა რწმუნებულმა თხოვნით მიმართა კავკასიის მთავარ-მართველს ბათუმისათვის თვითმმართველი ქალაქის სტატუსის მიცემის თაობაზე. გაზეთ „ნოვოე ობოზრენიეს“ რედაქცია მოწონებით შეხვდა ბათუმელთა ამ ნაბიჯს, იმედი გამოთქვა, რომ მათ თხოვნას მთავრობა დააკმაყოფილებდა, ბრწყინვალე მომავლის ქალაქს თვითმმართველობის გარეშე არ დატოვებდა.¹⁵²

მაგრამ ასე როდი ფიქრობდნენ მთავრობის მოხელეები. ბათუმის პოლიცმაისტერმა ვოზნენსენსკიმ, მართლაც, აღიარა თვითმმართველობის სარგებლიანობა, მაგრამ ისიც განაცხადა, რომ ბათუმისათვის ეს ნაადრევიაო. ცხადია, მას არ სურდა ხელიდან გაეშვა ქალაქის სალარო, რომელსაც, უდავოა, იყენებდა პირადი საჭიროებისთვისაც.

მეფის მთავრობის კავკასიური ადმინისტრაციამ გრძნობდა, რომ სწრაფად მზარდი ქალაქის დატოვება პოლიციის გამგებლობაში დიდხანს არ შეიძლებოდა. 1887 წ. ქუთაისის გუბერნატორმა თვით გამოიჩინა ინიციატივა და ბათუმში საქალაქო რეფორმის წინაპირობების მოსამზადებლად სპეციალური კომისია ჩამოაყალიბა. კომისიამ რამდენიმე თვე იმუშავა, საკმაოდ ბევრი მასალაც შეკრიბა, მაგრამ საქმე ბოლომდე ვერ მიიყვანა.

1888 წ. 28 აპრილს კავკასიის ადმინისტრაციამ მიიღო იმპერატორის ბრძანება ბათუმისათვის თვითმმართველი ქალაქის სტატუსის მინიჭების თაობაზე, მაგრამ იმ პირობით, რომ პირველ 4 წელს ქალაქისათვის მოვალეობას შეასრულებდა არა სათათბიროს მიერ არჩეული, არამედ მთავრობისაგან დანიშნული პირი. ამ ბრძანების შესრულება დაევადა ახალ კომისიას, რომლის თავმჯდომარედაც დანიშნა კავკასიის მთავარმმართველის კანცელარისის მოხელე კ. დ. გავრონსკი.

ბათუმის თვითმმართველობის შექმნისა და საქმიანობის სამართლებრივი საფუძველი ემყარებოდა 1870 წ. საერთო რუსულ საქალაქო დებულებას. ამ კანონის შესაბამისად, მოქალაქეს უფლება ჰქონდა მონაწილეობა მიეღო თვითმმართველობის არჩევნებში, თუ იგი აკმაყოფილებდა შემდეგ პირობებს: 1. იყო რუსეთის ქვეშევრდომი; 2. იყო 25 წლის და მეტი ასაკისა; 3. ქალაქში ფლობდა უძრავ-მოძრავ ქონებას და

¹⁵² «Новое обозрение», 1885, №530.

იხდოდა შესაბამისი გადასახადს, ან ჰქონდა სავაჭრო-სამრეწველო დაწესებულება და გააჩნდა ფასიანი სანებართვო მოწმობა; 4. მასზე არ ირიცხებოდა გადასახადთა ნარჩენები. მოსახლეობის ეკონომიკური კატეგორიების შესაბამისად, ყალიბდებოდა სხვადასხვა თანრიგის სამი საარსენო კრება პირველ თანრიგში შედიოდნენ მისხელი მესაკუთრენი (სახლთმფლობელები, ვაჭარ-მრეწველები), მეორეში - საშუალო შეძლების მოქალაქენი, მესამეში კი - ის წვრილი მესაკუთრენი, რომელნიც იხდიდნენ გარკვეულ საქალაქო გადასახადებს ყოველი თანრიგი ირჩევდა სათათბიროს ხმოსანთა მესამედს.

საქალაქო თვითმმართველობის განმკარგულებელ ორგანოს წარმოადგენდა სათათბირო, რომლის ხმოსანთა რაოდენობა, ქალაქის სიდიდის შესაბამისად, 36-დან 150 კაცამდე მერყეობდა. სათათბიროს უფლება-მოვალეობაში შედიოდა ქალაქის თანამდებობის პირთა არჩევა და მათი ხელფასების განსაზღვრა, ქალაქის შემოსავალ-გასავლის ბიუჯეტის დამტკიცება, თვითმმართველობის სახელით კრედიტების აღება, საქალაქო საქმეთა განხილვა, სხვადასხვა საკითხზე მთავრობის წინაშე შუამდგომლობების აღძვრა და სხვ.

საქალაქო სათათბირო ირჩევდა მის წინაშე ანგარიშვალდებულ გამგეობას რომელსაც აღმასრულებელი ფუნქციები ეკისრებოდა. გამგეობაში რამდენიმე კაცი შედიოდა და იგი ქალაქისთვის თავმჯდომარეობით მუშაობდა. სათათბირო ქმნიდა მუდმივ და დროებით მოქმედ კომისიებს, რომელთაც ევალებოდათ საქალაქო მეურნეობის ცალკეულ სფეროთა ხელმძღვანელობა ან განსაკუთრებით რთული საკითხების დამუშავება და მნიშვნელოვანი პროექტების შედგენა. სათათბიროს ხმოსანები, ქალაქისთავი, გამგეობის წევრები და სხვა თანამდებობის პირები აირჩეოდნენ 4 წლის ვადით.

საქალაქო თვითმმართველობის ძირითად ფუნქციას შეადგენდა კომუნალური მეურნეობის ხელმძღვანელობა. მას ხელი უნდა შეეწყო, აგრეთვე, ვაჭრობა-მრეწველობის განვითარებისათვის, გაეხსნა სკოლები, ბიბლიოთეკა-სამკითხველოები, საავადმყოფოები, საქველმოქმედო დაწესებულებანი.

საქალაქო თვითმმართველობა დებულებით განსაზღვრულ წარსოვებში დამოუკიდებლად მოქმედებდა. ქალაქს, მის მოსახლეობას თვითმმართველობის უფლება ეძლეოდა (მუხლი 5), მაგრამ იმავე დებულების სხვა მუხლები მნიშვნელოვნად ზღუდავდა თვითმმართველობას და მის საქმიანობაზე მთავრობის კონტროლს აწესებდა. მას ახორციელებდა სპეციალურად შექმნილი საქალაქო საქმეთა საგუბერნიო საკრებულო (მუხლი 11). საქალაქო თვითმმართველობას უმაღლეს მთავრობასთან ურთიერთობა უნდა დაემყარებინა გუბერნატორის მეშვეობით (მუხლი 13). საქალაქო სათათბიროს ყველა დადგენილება-განკარგულების ასლები დაუყოვნებლივ უნდა გადასცემოდა გუბერნატორს (მუხლი 64).¹⁵³

თვითმპყრობეობის პირობებში ადგილობრივი თვითმმართველობების ფართო ქსელის შექმნას პროგრესული მნიშვნელობა ჰქონდა. არცერთ პრინციპზე დამყარებული კონსტიტუციური ხასიათის თვითმმართველობის ეს ორგანოები მკვეთრად დაუპირისპირდა აბსოლუტური მონარქიის სახელმწიფო ორგანოებს, ადმინისტრაციულ ბიუროკრატიას. რამდენადმე აილაგმა მთავრობის მოხელეთა თვითნებობა და შეიქმნა პროგრესული საზოგადოებრივი ძალების მოქმედების ასპარეზი.

ადგილობრივი თვითმმართველობა ორგზის აუცილებელი და სასარგებლო იყო

¹⁵³ Городовое положение, С-Пб., 1873, с. 7-138.

იმპერიის კოლონიური ქვეყნების დაზარული ხალხებისათვის, მაგრამ ცარიზმმა საქართველოს სოფელი ერობისათვის მოუშადადებლად მიიწინა, ქალაქის მოსახლეობას კი შეზღუდული თვითმმართველობა უბოძა.

საქართველოში საქალაქო რეფორმა შედარებით გვიან, მაგრამ თითქმის ისეთივე ფორმით და შინაარსით ჩატარდა, როგორც რუსეთის ცენტრალურ გუბერნიებში. თვითმმართველ ქალაქებად გადაიქცნენ თბილისი, ქუთაისი, ფოთი, გორი, ახალციხე და რამდენადმე მოგვიანებით ბათუმი.

გაერონსკის კომისიამ შეისწავლა ბათუმის მცხოვრებთა ეკონომიკური მდგომარეობა, დაადგინა მოსახლეობის სხვადასხვა ფენის გადახდისუნარიანობა და ამომრჩეველთა სიაში შეიტანა 525 მოქალაქე. 1888 წ. აგვისტო-სექტემბერში საკმაოდ მწვავე ვითარებაში ჩატარდა სამივე თანრიგის ამომრჩეველთა კრებები, რომელთა დამთავრების შემდეგ ბათუმის საქალაქო სათათბიროს დარბაზის კარი შეაღო 36 ხმოსანმა. ხმოსნებმა, თავის მხრივ, აირჩიეს გამგეობა 3 კაცის შემადგენლობით. მთავრობის განკარგულებით, ქალაქისათვის მოვალეობის შესრულება დაეკისრა კ. დ. გაერონსკის. 1 ოქტომბერს, ბათუმის საქალაქო თვითმმართველობის საზეიმოდ გაიხსნის დღეს, გაერონსკიმ მიულოცა ეს დიდი გამარჯვება შეკრებილ საზოგადოებას, თანაც იმედი გამოთქვა, რომ საქალაქო სათათბირო და გამგეობა გაამართლებდნენ ამომრჩეველთა ნდობას.¹⁵⁴

უკვე საქალაქო არჩევნების დროს გამოიკეთა წინააღმდეგობა ადგილობრივ ბურჟუაზიასა და უცხოელ კაპიტალისტებს შორის, რაც მომდევნო პერიოდში კიდევ უფრო გამწვავდა სათათბიროში არჩეული ბათუმის მკვიდრი მოქალაქენი სათათბიროსა და გამგეობის პირველი რიგის ამოცანად მიჩნეულენ პოლიციის მიერ დაშუბული უკანონობის გამოსწორებას, ქალაქის ბიუჯეტის შემოსავალ-გასავალს წონასწორობაში მოყვანას, კომუნალური მეურნეობის გაუმჯობესებას, განსხვავებული მიზნები ამოძრავებდათ როტშილდის ფირმის წარმომადგენლებს, რომელნიც ასევე გავიდნენ სათათბიროში. ისინი ყოველნაირად ცდილობდნენ ფირმის პოზიციების კიდევ უფრო განმტკიცებას და ამდენად, ადგილობრივი ბურჟუაზიის ინტერესების შელახებას.

ასეთი იყო განწყობა, როცა ბათუმის სათათბიროში წაიკითხეს როტშილდის თხოვნა ქალაქის ერთ-ერთ ქუჩაში ნავთსადენი მილის გაყვანის ნებართვის თაობაზე. ნავთობის ამ უმსხვილესი მაგნატის ყოვლისშემძლეობით გაღიზიანებულმა ხმოსნებმა ხელიდან არ გაუშვეს ეს ხელსაყრელი მომენტი და შეუტიეს როტშილდისეულ წამოწყებას, რაც განადგურებით ემუქრებოდა ქალაქში არსებულ ნავთის ტარის ქარხნებსა და იქ დასაქმებულ მუშებს ამის გამო სათათბირომაც უარი თქვა როტშილდის თხოვნის დაკმაყოფილებაზე.

გაზეთმა „ნრდილოეთის სააგენტომ“ ბათუმის სათათბიროს ეს ნეგატიური გადაწყვეტილება ქალაქის მოსახლეობის თვითმმართველობისათვის მოუშადადებლობის მაუწყებლად მიიწინა. „ნოვოე ობოზრენიეს“ რედაქცია არ დაეთანხმა ამ თვალსაზრისს. აღნიშნა, რომ ნავთის ექსპორტის ფორმის საკითხი როდია გადაწყვეტი. ბათუმის სათათბიროს დადგენილება ვერ შეაფერხებს ტანკერების მომავალ ტრიუმფს და არც როტშილდს გაადარებებს ნავთსადენი მილის რამდენიმე ხნის დაგვიანებით გაყვანა. პირიქით, ბათუმის სათათბიროს დადგენილება ცხადყოფს, რომ ჩვენი მხარის მოსახლეობა მომწიფებულია თვითმმართველობისათვის, შეუძლია

¹⁵⁴ Памятная книжка гласных Батумской городской думы на 1914 г., с. 139-141.

მინიჭებული უფლებები თავის ინტერესების დაცვისათვის გამოიყენოს.¹⁵⁵

ბათუმის საქალაქო თვითმმართველობას თავიდანვე დაჟეჟა ყველა ის ნაკლი, რაც საერთოდ ახასიათებდა რუსეთის იმპერიის თვითმმართველობის ორგანოებს. მეფის მოხელეთა მიერ შედგენილი საქალაქო დებულება თვითმმართველობას აძლევდა არა ქალაქის მთელ მოსახლეობას, არამედ მხოლოდ უძრავი საკუთრებისა და სავაჭრო-სამრეწველო დაწესებულებათა მფლობელებს. ამასთან ერთად, კანონი უზრუნველყოფდა სათათბიროსა და გამგეობაში ერთი მეზუა მდიდარი მოქალაქეების ბატონობას. პირველი და მეორე თანრიგის ამომრჩეველებს სათათბიროში გააყვადათ ხმოსანთა ორი მესამედი, რომელნიც ახერხებდნენ გამგეობაშიც თავიანთი ინტერესების გამოხმატველ-დამცველი პირების არჩევას. კონტრასტი სხვადასხვა თანრიგის ამომრჩეველებს შორის განსაკუთრებით დიდი აღმოჩნდა ბათუმში.

ბათუმის საქალაქო ხმოსანთა არჩევნები მეორე ოთხწლეულისათვის უნდა ჩატარებინათ 1892 წელს კიდევ დაიწყო საარჩევნო სიების შედგენა თანრიგის მიხედვით. კომისია წააწყდა ხელშემშლელ გარემოებას, რომელსაც, იმეხის გადმოცემით, ადგილი არ ჰქონდა რუსეთის იმპერიის არც ერთი ქალაქისა და თვით სენატის პრაქტიკაში. გამოირკვა, რომ ქ ბათუმის ცენზიან მოქალაქეთა უძრავ-მოძრავი ქონების ერთი მესამედი ეკუთვნოდა „კასპია - შავი ზღვის საზოგადოებას“; რომლის აქციების საკონტროლო პაკეტს როტშილდი ფლობდა და ამდენად, მხოლოდ ამ საზოგადოების სამსახურში მყოფი ინჟინერ-ტექნიკოსები და სხვა პერსონალი უნდა შესულიყო ამომრჩეველთა პირველ თანრიგში. მათ უნდა აერჩიათ ხმოსანთა მესამედი. ასეთი უპრეცედენტო შემთხვევის გამო, საქალაქო საქმეთა ქუთაისის საგუბერნიო საკრებულომ შესაძლებლად ჩათვალა ბათუმელ ამომრჩეველთა ორ თანრიგად დაყოფა, მაგრამ ამანაც ვერ უშველა საქმეს ახალი დაყოფის პირველ თანრიგში მოხედვა მხოლოდ 6 მსხვილი მესაკუთრე. ისინი ფლობდნენ ბათუმელთა უძრავ-მოძრავი ქონების ნახევარს და უნდა აერჩიათ სათათბიროს ხმოსანთა ნახევარი (18 კაც), სხვა დანარჩენ ცენზიან მოქალაქეებს (500-ზე მეტ კაცს) კი - ხმოსანთა მეორე ნახევარი. ასეთ პირობებში ბათუმის საქალაქო გამგეობამ მოითხოვა არჩევნების გაერთიანებულად ჩატარების ნებართვა. მთავრობამ დაუშვებლად მიიჩნია კანონის დარღვევა. სამაგიეროდ, უფლებამოსილების ვადა გაუგრძელა არსებულ სათათბიროს იმ დრომდე, ვიდრე არ გატარდებოდა ახალი დებულება (კანონი), რომელიც აუქმებდა თანრიგებს და სანქციას იძლეოდა ყველა ცენზიანისათვის საერთო საარჩევნო კრების ჩამოყალიბების თაობაზე.¹⁵⁶

ახალი საქალაქო დებულება იმპერატორმა დაამტკიცა 1891 წ. 11 ივნისს ეს კანონი, მართალია, აუქმებდა საარჩევნო თანრიგებს, მაგრამ, სამაგიეროდ, რამდენჯერმე ზრდიდა საარჩევნო ცენზს. საარჩევნო სიებში შეყვადათ მხოლოდ მსხვილი და საშუალო შეძლების მესაკუთრენი, პირველი და მეორე გილდიის ვაჭრები. თუ 1888 წ. - ბათუმის 14 ათასი მცხოვრებიდან ხმის უფლება ჰქონდა 525 კაცს, 1894 წ. ბათუმის 25 ათასი მოქალაქიდან საარჩევნო უფლებით სარგებლობდა მხოლოდ 318 კაცს.

ჯერ კიდევ 1892 წ. 30 დეკემბერს საქალაქო საქმეთა ქუთაისის საგუბერნიო საკრებულომ მიზანშეწონილად სცნო ბათუმში გატარებული ახალი დებულება მისი სრული სახით, მაგრამ მთავრობისაგან დანიშნული ქალაქისთავი გავრონსკი არ ჩქარობდა. 1894 წ. 27 იანვარს ბათუმში კელაე მოვიდა კატეგორიული ბრძანება ახალი საქალაქო დებულების გატარების თაობაზე, რომლის შესრულება, იმ დროისათვის

¹⁵⁵ «Новое обозрение», 1882 г., №177.

¹⁵⁶ Батум и его окрестности, с. 492-493.

უკვე გადაჩვეული გაერონსკის ნაცვლად, მოუხდა ქალაქისთვის მოვალეობის დროებით შემსრულებელ ა. კონინდერს. შედგა ამომრჩეველთა ახალი სიები. სათათბიროს ხმოსანთა არჩევნები დაინიშნა 1894 წ. 12 ოქტომბრისათვის. განაღდა წინასაარჩევნო მუშაობა.

1894 წ. მარტში „ივერიის“ ბათუმელი კორესპონდენტი იუწყებოდა: „ჯერჯერობით ბათუმელ კენჭოსნებისას კაცი ვერას გაიგებს. ისეა არეული მათი აზრები და სურვილი, რომ გარკვევით ვერ ითქმის, ვინ რა მიმართულებას მიემხრობა“. კორესპონდენტის აზრით, ბათუმელთა აქტიურობა ახალ არჩევნებში იმით იყო გამოწვეული, რომ მათ „შეიგნეს და იგემეს თვითმმართველობის ღირსება“. მაგრამ ბევრი მოქალაქის უკმაყოფილებას საადგილმამულო საკითხის მოუგვარებლობა იწვევსო. „ერთი სიტყვით, - წერს ბოლოს ავტორი, - სამღურავი დღევანდელისა და სურვილი უკეთესისა ისეა არაუფლი ერთმანეთში, რომ შეუძლებელია ყველაფრის აღნუსხვა, ვნახოთ, რა გამოირკვევა.“¹⁵⁷

მაღე მოვლენათა განვითარებამ სიცხადე შეიტანა ამომრჩეველთა სხვადასხვა ჯგუფის მიმართულებასა და მიზანში. იგივე კორესპონდენტი ბათუმიდან იუწყებოდა, რომ თანდათან ყალიბდება დასები და მომავალ არჩევნებში მოსალოდნელია დიდი ბრძოლა. „როგორც ყოველ ახალდაბადებულს, კენჭოსანთა დასებსაც სხვადასხვა სახელებს უწოდებენ: „დასი სამთა კავშირისა“, ე.ი. ქართველები, რუსები, ბერძენი. „დასი განდევნილი“ - მაჰმადიანები და დასი „მდევნელი დევნილთა“ - სომხები. სამთა კავშირის საფუძველი, კორესპონდენტის აზრით, მართლმადიდებლური ქრისტიანობა იყო. სომეხთა დასი იმას ცდილობდა, ისე არ განდევნილიყო ბათუმის საქალაქო თვითმმართველობიდან, როგორც თბილისის თვითმმართველობიდან - ქართველები. „განდევნილი (მაჰმადიანები) კი ნეიტრალიტეტს აცხადებდნენ და თავს ყველასაგან დანაგრულად თელიდნენ“. განდევნილთა (მაჰმადიან ქართველთა) მიმხრობის ისტორიული საფუძველი, წერილის ავტორის აზრით, ყველაზე მეტად ქრისტიან ქართველებს ჰქონდათ. შემოერთებისას ბევრი თბილი სიტყვა ითქვა ამ ჩვენს ძმებზე, მაგრამ შემდეგ სიტყვებს საქმე შედარებით მცირე მოჰყვა და ამიტომ მუსლიმანების თავისკენ გადაბირების იმედს სხვა დასებიც არ ჰკარგავენო.“¹⁵⁸

ბათუმელ ცენზიანთა აქტიურობა მეორე არჩევნების დროს, უდავოა, იმითაც იყო განპირობებული, რომ სათათბირომ მიიღო ქალაქისთვის არჩევის უფლება ბუნებრივია, ყველა დასი და დაჯგუფება ცდილობდა ამ თანამდებობაზე თავისი კაცის გაყვანას.

ბათუმის საქალაქო თვითმმართველობის არჩევნები, სათათბიროსა და გამგეობაში ეროვნული მოღვაწეების გაყვანა მხოლოდ ბათუმელ ცენზიან მოქალაქეთა კერძო საკითხი როდი იყო. მას ჰქონდა საერთო-ქართული მნიშვნელობა და უკავშირდებოდა ეროვნულ-განმათავისუფლებელი მოძრაობის სოციალურ-პოლიტიკურ ბაზის გაფართოება-განმტკიცების დიდ საქმეს. ამიტომ თვით ილია ჭავჭავაძე ადევნებდა თვალყურს ბათუმის მოვლენებს. როცა წინასაარჩევნო ბრძოლა კულმინაციას მიუახლოვდა, ილია ბათუმში ჩამოვიდა. ამხნევებდა, ძალას მატებდა ბათუმელ ქართველ მოღვაწეთა დასს, სასარგებლო გაეღენას ახდენდა ამომრჩეველებზე და გამარჯვებაც რეალური აღმოჩნდა.

ილია ჭავჭავაძეს ძალიან კარგად ესმოდა ქალაქისთვის მნიშვნელობა თვითმმართველობის მუშაობასა და წარმატებაში. მან აქტიური მონაწილეობა მიიღო

¹⁵⁷ „ივერია“, 1894, №54.

¹⁵⁸ „ივერია“, 1894, №63.

ბათუმის ქალაქისათვის კანდიდატურის შერჩევაში ილიას დაეაღლებით დავით კლდიაშვილმა ქუთაისიდან ბათუმში ჩამოიყვანა გამოცდილი ორგანიზატორი და ეროვნული მოღვაწე ლუკა ასათიანი, რომელმაც აშკარად დაჯაბნა კონკურენტები.¹⁵⁹

1894 წ. 12 ოქტომბერს ბათუმის საქალაქო სათათბიროს ხმოსნებად აირჩიეს 19 ქართველი, 8 რუსი, 5 ბერძენი, 3 სომეხი. როგორც ხედავთ, არჩევნებში სრული გამარჯვება სამთა კავშირმა იხიემა. განსაკუთრებით დიდი გამარჯვება მოიპოვა ქართველთა დასმა მან სათათბიროში გაიყვანა ხმოსანთა 55%, მეორე მოწვევის სათათბიროში ქართველთაგან შედიოდნენ: დ. ბარათაშვილი, მ. ბარკალაია, ე. ბერძენიშვილი, მ. ბუთანიშვილი, ა. გუგუშვილი, გ. ელიავა, ო. ლომინაძე, კ. მგელაძე, ი. მესხი, ს. მხეიძე, ნ. საბაშვილი, ს. საბაშვილი, ი. საბახტარაშვილი, ა. შარვაშიძე.¹⁶⁰

საქალაქო სათათბიროს უმრავლესობას, ბუნებრივია, სურვილი ჰქონდა თვითმმართველობის აღმასრულებელ ორგანოშიც თავისი კანდიდატები გაეყვანა ქართველმა ამომრჩეველებმა, როგორც ითქვა, შესძლეს ერთ მუშტად შეეკრა და ბათუმის ქალაქისათვის თანამდებობაზე ლუკა ასათიანის არჩევა. მისი მოწინააღმდეგენი (ბიკოვი და სევერიანი) გაშაედნენ. გამგეობის სამი წევრის ადგილზე 9 კანდიდატმა იყარა კენჭი. აქაც გამარჯვება ქართველმა ხმოსნებმა იხიემეს ქალაქის მდივნად აირჩიეს ი. მესხი, გამგეობის წევრად - გ. ეოლსკი. გამგეობის მეორე წევრად კი - ი. ივანოვი.¹⁶¹

ბათუმის მეორე მოწვევის სათათბირო და მისი აღმასრულებელი ორგანო - გამგეობა შედარებით აქტიურად საქმიანობდა რამდენადმე გაუმჯობესდა კომუნალური მუერნობა, სახალხო განათლებისა და ჯანმრთელობის დაცვის საქმე. მაგრამ ყველა მოქალაქე კმაყოფილი როდი იყო. გამგეობის პარტიის მოწინააღმდეგე დაჯგუფებანი კელაე აგრძელებდნენ კრიტიკულ გამოსულებს და რეეანშის აღებას მომდევნო არჩევნებში ვარაუდობდნენ.

ბათუმის საქალაქო სათათბიროს მესამე შემადგენლობის არჩევნები 1898 წლის ოქტომბრისათვის დაინიშნა. ორი თვით ადრე დაიწყო წინასაარჩევნო ბრძოლა ყველაზე მწვავედ ქართველთა და სომეხთა პარტიები დაუპირისპირდნენ ერთმანეთს საარჩევნო სიების მიხედვით, არც ერთს არ გაანდა დიდი უპირატესობა ამიტომ არჩევნების შედეგებზე დიდ გაელენას მოახდენდნენ რუსები, ბერძენები და სხვ. ასპარეზზე გამოვიდა გამგეობის პარტია, რომელშიც ქართველებს გარდა, რუსები და სომეხებიც შედიოდნენ, მაგრამ აბსოლუტური უმრავლესობა ქართველებს ეკუთვნოდათ. ამის გამო ბევრი ბათუმელი მოქალაქე ამ დაჯგუფებას ქართველთა პარტიას უწოდებდა. ჩამოყალიბდა აგრეთვე გამგეობის საწინააღმდეგო დაჯგუფება, რომელშიც შედიოდა ყველა ცენზიანი სომეხი, რუსთა საგრძნობი ნაწილი და 20-მდე ქართველი. ამ დაჯგუფებას სომხური უმრავლესობა აძლევდა ტონს, რის გამოც იგი სომხურ პარტიად მონათლეს.¹⁶²

გამგეობის (ქართველების) პარტია, როგორც ჩანს, საშუალო და წერილი ბურჟუაზიის ინტერესებს იცავდა მის მოწინააღმდეგეთა ბანაკში კი, ძირითადად, მსხვილი ბურჟუები იყვნენ გაერთიანებული. ეს უკანასკნელნი ცდილობდნენ სახელი გაეტეხათ გამგეობისათვის, უყენებდნენ მას ათასგვარ ბრალდებას. კრიტიკოსთა განცხადებით, გამგეობაში, მართალია, პატიოსანი ხალხი იყო არჩეული, მაგრამ

¹⁵⁹ დ. კლდიაშვილი, ჩემი ცხოვრების გზაზე, ბათ., 1984, გვ. 56-57.

¹⁶⁰ «Памятная книжка»..., с. 56-55.

¹⁶¹ „ფერია“ 1895, №26.

¹⁶² «Новое обозрение», 1898, №5076.

აქლდა პრაქტიკული საქმიანობის უნარი, მომჭირნეობით ვერ ხარჯაულა ქალაქის ფინანსებს, არამწარმოებლურ სფეროში აბანდებდა ფულს, რითაც კომუნალურ მეურნეობას ზარალს აყენებდა. მათი სიტყვით, სათათბირომ და გამგეობამ თავიანთი რწმუნების ოთხწლიან პერიოდში დახარჯა 1 მილიონი რუბლი სპეციალური კაპიტალიდან და ამის გარდა მოითხოვა ნებართვა 600 ათასი რუბლის საობლიგაციო სესხის გამოშვებაზე. მათი რეალიზაციის შედეგად მიღებული თანხის გამოყენება გამგეობა ეარაუდობდა გიმნაზიის შენობის, ქალაქის სახლის, დუქნების, სასაკლავოს, წყალსადენისა და სხვა ობიექტების აგებისათვის, რაც ქალაქის აუცილებელ საჭიროებას არ შეადგენსო.

„ნოვოე ობოზრენიეს“ რედაქცია გადაჯარბებულად თელიდა ასეთ კრიტიკას მისი აზრით, გამგეობას დაუდევრობაში არ უნდა ჩათვლოდა გიმნაზიის შენობის აგება, ზრუნვა სკოლების კეთილმოწყობისა და, მით უმეტეს, კომუნალური მეურნეობის გაუმჯობესებისათვის გახეთი მიუთითებდა ბათუმის თვითმმართველობის საქმიანობის სუსტ მხარეზე, მის მიერ დაშვებულ ზოგიერთ შეცდომაზე, მაგრამ, საერთოდ, დადებითად აფასებდა მეორე მოწვევის სათათბიროს და გამგეობის მოღვაწეობას თვითმმართველობის ეს ორგანოები, მისი აზრით, მუშაობდნენ დიდი ენთუზიაზმით და რეალურ გაელენას ახდენდნენ ქალაქის მეურნეობის ყველა სფეროზე.¹⁶³

ბათუმის სათათბიროს მესამე შემადგენლობის არჩევნებში მონაწილეობდა 332 ცენზიანი მოქალაქე. აქედან 147 იყო ქართველი და 110 სომეხი. ხმოსნობაზე კენჭი იყარა 39 ქართველმა, 35 სომეხმა, 25 რუსმა და 7 ბერძენმა. პირველ დღეს ხმოსნებად არჩეული იქნა 7 ქართველი, 6 ბერძენი, 8 რუსი და სხვა ეროვნების წარმომადგენელი. ეს შედეგი ბევრისათვის სრულიად მოულოდნელი აღმოჩნდა. ინტელიგენციისაგან ერთგულად ემსახურებოდა, პრესის აზრით, იმედო უნდა ჰქონოდა უანგარო ამომრჩეველთა მხარდაჭერისა, მაგრამ იმის გამო, რომ ეს არამყარი უმრავლესობა ორ ნაწილად გაითიშა, მან სათათბიროში გაიყვანა მხოლოდ 7 ხმოსანი.

გამგეობის (ქართველთა) პარტიამ მდგომარეობა დამატებით არჩევნებში გამოასწორა ბათუმის საქალაქო სათათბიროში მან კვლავ მოიპოვა ადგილების შეფარდებითი უმრავლესობა და გამგეობაში გაიყვანა ლ. ასათიანი (ქალაქისთაეი), გ. ვოლსკი, ი. მესხი, აგრეთვე ივანოვი. ამ უკანასკნელმა, როგორც ჩანს, წარმატების მიღწეა მთავრობის წრეების დახმარებით.¹⁶⁴

1901 წ. 25 იანვარს ბათუმის სათათბიროში ჩატარდა ქალაქისთაეის მოადგილის არჩევნები. კენჭი უყარეს გრ. ვოლსკის და ი. ივანოეს ვოლსკიმ მიიღო 17 თეთრი და 3 შავი, ივანოემა - 3 თეთრი და 17 შავი.¹⁶⁵ ბათუმის სათათბიროს ინტელიგენტ ხმოსნებს, როგორც ვხედავთ, არ სურდათ თვითმმართველობის აპარატში ჰყოლოდათ ჩაქვის საუფლისწულო მამულის გამგე, მთავრობის წრეებში მიღებული ივანოვი. ისინი ქალაქის მეთაურის მოადგილის თანამდებობაზე უპირატესობას ანიჭებდნენ ეროვნულ მოღვაწეებს.

1902 წლის ოქტომბერში უფლებამოსილების ვადა გაუდიოდა მესამე მოწვევის სათათბიროს. ნოემბერში უნდა ჩატარებულყო ახალი შემადგენლობის ხმოსანთა არჩევნები. უკვე აგვისტოში დაიწყო წინასაარჩევნო ბრძოლა ამ მოვლენას ვრცელი წერილი მიუძღვნა გაზეთ „კვალის“ რედაქციამ: „მოახლოვდა ქალაქის არჩევნები.

¹⁶³ «Новое обозрение», 1898, №5077.

¹⁶⁴ «Новое обозрение», 1898, №5082.

¹⁶⁵ „კვალის“, 1901, №23, გვ. 582-583.

გამოქვეყნდა ამომრჩეველთა სია და შეიშმუშნა აქამდე მიძინებული ბათუმის საზოგადოება. ...სამწუხაროა, რომ ჩვენი ქვეყნის ქალაქებში (ქუთაისსა და ფოთს გარდა) ყველგან თავი იჩინა ეროვნულმა შუღლმა და განკერძოებამ ქალაქის თვითმმართველობაში, ...ყოველი განათლებული და შეგნებული ადამიანი მომხრე უნდა იყოს სხვადასხვა ეროვნებათა შორის სოლიდარული განწყობილებისა და თანხმობისა, მაგრამ, სამწუხაროდ, ჩვენი თანამედროვე ცხოვრება ისეთ ნიადაგზეა აღმოცენებული და დამყარებული, რომ ეს შეუძლებელი ხდება.¹⁶⁶

1902 წელს ბათუმის ამომრჩეველთა სიაში აღმონდა 326 ქართველი, 181 სომეხი, 139 რუსი, 68 ბერძენი. რუს ცენსიანთა ჯგუფს ქმნიდნენ დაწესებულებათა წარმომადგენლები და მოხლეები. ისინი „ქერნომორსკი ვესტინიკის“ რედაქტორის პალმის მეთაურობით მოქმედებდნენ. სომეხი ამომრჩეველები შედგებოდნენ მსხვილ და საშუალო ვაჭარ-მრეწველთაგან, რომელთა ლიდერი იყო თბილისის კომერციული ბანკის ბათუმის განყოფილების გამგე ხუდადოვი. ქართველ ამომრჩეველთა კონტინგენტს, ძირითადად, ქმნიდნენ წვრილი მესაკუთრენი, ვაჭარ-მრეწველები და ხელოსნები, რომელთა დამრავლებლის როლს ასრულებდა ქართველ ინტელიგენტთა წრე.

გაზეთ „კვალის“ რედაქციას მიაჩნდა, რომ ბათუმის თვითმმართველობაში ქართველები იყვნენ გაბატონებული და მათ „ქალაქის საქმეთა გამგებლობაში სირცხვილი არ უჭამიათ“. მიუხედავად ამისა, ხუდადოვისა და პალმის დაჯგუფებანი გარკვეულ ბრალდებებს უყენებდნენ სათათბირო-გამგობის არსებულ შემადგენლობას, ცდილობდნენ მისთვის სახელის გატეხას და თვითმმართველობაში თავიანთ მომხრეთა გაყვანას. პალმა წინასაარჩევნო ბრძოლა იმით დაიწყო, რომ თავის გაზეთში ქართველ ამომრჩეველთა რიცხვი სანახევროდ შემცირებულად აჩვენა. ამასთან დაკავშირებით „კვალის“ კორესპონდენტი ირონიულად შენიშნავდა, რომ ბ-ნი პალმი ქართველ კათოლიკებს, მაჰმადიანებს, იმერლებს, მეგრელებს, გურულებს და სხვ. ქართველებად არ თვლის და ასეთი „უნებლიე“ შეცდომა იმიტომ დაუშვაო. პალმა სააგიტაციო მასალად გაიხადა თურმე ტრიანტაფილიდესის - ქალაქის საეადმყოფოს მთავარი ექიმის - თანამდებობიდან დათხოვნა და ამით აპირებდა ქართველ-ბერძენთა შორის შუღლის გამძაფრებას, ამ ხერხით კი ბერძენების თავის ბანაკში გადაბირებას „ასეა თუ ისე, - დაბსკენის „კვალის“ კორესპონდენტო, - აგიტაცია ქართველების წინააღმდეგ დაწყებულად უნდა ვცნოთ. რაგვარი კომბინაციები მოხდება არჩევნების დროს, ეს ძნელი გამოსაცნობია ჯერჯერობით. ის კი ეტყეს გარეშეა, რომ ქართველების მოწინააღმდეგე ელემენტები სხვადასხვა ეროვნებიდან, პალმისა და მის მომხეთა მეთაურობით, იჩინენ თავს და შეერთებიან ქართველების დასამარცხებლად.“¹⁶⁷

ქართველთა პარტიის მიერ ბათუმის თვითმმართველობაში წამყვანი მდგომარეობის შენარჩუნების წინაპირობად „კვალის“ რედაქციას მიაჩნდა: 1. ამომრჩეველთა სიების შესწორება-შეესება, 2. გადასახადთა ნარჩენების დაფარვა და ამით ქართველ ამომრჩეველთა რიცხვის გადიდება, 3. არასაზოგადოებრივი ხასიათის შინაურ, კერძო კინკლაობაზე ხელის აღება, ქართველთა გაერთიანება განურჩევლად რელიგიური რწმენისა და პოლიტიკური შეხედულებებისა. ქართველთა შეერთებულ ძალას გამარჯვების გზა უნდა გაეწაღდა სხეობრივი ძალით, ხმოსნების კანდიდატებად უნდა წამოყენებინა საზოგადოებრივი ინტერესებით გამსჭვალული პირები და კანდიდატთა

¹⁶⁶ „კვალი“, 1902, №39, გვ. 631-632.

¹⁶⁷ „კვალი“, 1902, №39, გვ. 631-632.

სიაში ქართველებთან ერთად სხვა ერთა ღირსეული წარმომადგენლებიც შეეყვანა.¹⁶⁸

ბათუმის საქალაქო სათათბიროს მეოთხე შემადგენლობის არჩევნები 1902 წ. 10-11 ნოემბერს ჩატარდა. ხმოსნის სტატუსი მიეცა 17 ქართველს, 8 სომეხს, 10 რუსს, 2 ბერძენს, არჩევნებს ეროვნულ და კლასობრივ ძალთა განლაგებაში არსებითი ცვლილება არ მოუხდენია.

ბათუმის საქალაქო თვითმმართველობის საქმიანობას ქართველი ხმოსნები - ვაჭარ-მრეწველები და ინტელიგენტები აძლევდნენ ტონს. მათ სათათბიროსა და გამგეობაში თითქმის ყოველთვის აბსოლუტური ან შეფარდებითი უმრავლესობა ჰქონდათ. ბათუმის თვითმმართველობის არსებობის მთელ მანძილზე აირჩიეს და ხმოსნად მუშაობდა 113 ქართველი, 45 რუსი, 38 სომეხი, 26 ბერძენი, 13 პოლონელი, 4 გერმანელი და 2 ებრაელი. ამავე სათათბიროს სოციალურ-პროფესიული შემადგენლობა ასეთი იყო: 15 ინჟინერი, 16 ექიმი, 10 იურისტი, 28 სამხედრო პირი, 7 ავთოიპარი, 54 სახლთმფლობელი, 76 ვაჭარ-მრეწველი, 11 ბანკირი, 3 პედაგოგი, 20 თავისუფალი პროფესიის პირი.¹⁶⁹

1895 წლიდან 1901 წლამდე ქალაქისთავი იყო ღუკა ასათიანი, მის შემდეგ ეს თანამდებობა ეკავა ივანე ანდრონიკაშვილს. გამგეობის წევრებად სხვადასხვა დროს მუშაობდნენ: დ. ბიკოვი, ა. კონინდერი, გრ. ვოლსკი, ნ. ჟურული, რეჯებ-ბეგ ნიუარაძე, ი. შადინოვი, ი. ივანოვი და სხვ. სათათბიროსა და გამგეობის მდივნად შეუცვლელად მუშაობდა იმესხი.¹⁷⁰

ბათუმის 1902-1903 წწ. გაფიცვა-დემონსტრაციებისა და პირველი რევოლუციის სულისკეუტება ბათუმის სათათბიროშიც შეიჭრა. ხმოსნები და თვით ქალაქისთავი რადიკალურად ალაპარაკდნენ, მოითხოვეს ბურჟუაზიულ-დემოკრატიული თავისუფლებანი და მშრომელთა ზოგი მოთხოვნის დაკმაყოფილება.

1905 წ. 24 იანვარს გაიმართა ბათუმის სათათბიროს სხდომა, რომელსაც ხმოსნების გარდა გარეშე საზოგადოებაც ესწრებოდა. დიდი ინტერესით ელოდნენ გამგეობის ერთი წევრის გადარჩევის შედეგს. კენჭი უყარეს ი. ივანოვისა და გრ. ვოლსკის კანდიდატურებს. ეს უკანასკნელი 1901 წელს სათათბირომ დიდი უმრავლესობით აირჩია გამგეობის წევრად, მაგრამ მთავრობის ადმინისტრაციამ თანამდებობაზე არ დაამტკიცა. ახლა, რევოლუციის დაწყების მომენტში, გრ. ვოლსკი კვლავ დაასახელეს გამგეობის წევრობის კანდიდატად და დიდი უმრავლესობითაც აირჩიეს მისი კონკურენტი, მთავრობის სანდო კაცი ი. ივანოვი კი გააშავეს. „ამ არჩევანს, - წერს „ცნობის ფურცლის“ კორესპონდენტი, - დიდი საზოგადოებრივი მნიშვნელობა აქვს. მან უნდა დაგვანახოს, მართლა შეიცვალა რამ ჩვენს ქვეყანაში, თუ არა, ე.ი. მართლა მოდის მთავრობის ნებართვით „გაზაფხული“, თუ ისევ სუსხიანი ზამთარი მეფობს.“¹⁷¹

შექმნილ სიტუაციაში ქუთაისის გუბერნატორმა ვერ გაბედა ბათუმის სათათბიროს ნება-სურვილის უგულვებელყოფა. ამჯერად გრ. ვოლსკი გამგეობის წევრად დაამტკიცა. რა თქმა უნდა, ეს არ ნიშნავდა „გაზაფხულის“ დადგომას. უმნიშვნელო დათმობებით და რეფორმების დაპირებით მეფის მთავრობის ადმინისტრაციას ბურჟუაზიული ოპოზიციის შესუსტება, დემოკრატიული რევოლუციის ჩასახშობად ამ კლასის გადაბირება და მისი გამოყენება სურდა.

¹⁶⁸ იქვე.

¹⁶⁹ Памятная книжка... с. 56-57.

¹⁷⁰ იქვე.

¹⁷¹ „ცნობის ფურცელი“, 1905, №2737.

„ცნობის ფურცლის“ კორექსონდენტი წერდა მეფის მთავრობის მოხელეები საერთოდ თვითმმართველობის დაუქინებელი მტრები არიან, მაგრამ ბათუმის თვითმმართველობას თავისი განსაკუთრებული მტრებიც ჰყავს მათ შორის პირველია „ჩერნომორსკი ვესტნიკის“ რედაქტორი პალმი. იგი ყოველთვის მარჯვნიდან აკრიტიკებს ბათუმის თვითმმართველობის საქმიანობას, ცდილობს სახელი გაუტეხოს მას. პალმის გაზეთის ტენდენციურ და ცილისმწამებლურ სტატიებს თვითმმართველობის სხვა მტრებიც იყენებენ, ბათუმის საქალაქო სათაბიროს სხდომებზე დაძაბულ ატმოსფეროს აქწინან. გამაგობის წევრები ირონიული ღიმილით უარყოფენ „ჩერნომორსკი ვესტნიკის“ სტატიებზე დაფუძნებულ ბრალდებებს, მაგრამ შემარჯვენე ოპოზიციას ეს არ აკმაყოფილებს ერთ-ერთმა მათგანმა, ინჟინერმა გაიდებუროვმა კატეგორიულად მოითხოვა, თუ გაზეთში მოყვანილი ცნობები ტყუილია, საქალაქო გამგეობამ რედაქციას პროტესტი უნდა განუცხადოსო.¹⁷²

გაიდებუროვის გამოსვლის საპასუხოდ ქალაქისთავმა ანდრონიკაშვილმა განაცხადა, რომ პალმის გაზეთში თითქმის ყოველდღე იბეჭდება დაუსაბუთებელი შენიშვნები და ცილისმწამებლური წერილები, გაზეთი განგებ ამხიზნავს ყველაფერს, რაც ბათუმის თვითმმართველობას ეხება გარწმუნებთ, რომ მასში ცნობათა 99% სიმართლეს მოკლებულია. არაერთხელ გვიმჯგუღია გამგეობაში იმ საკითხზე გაეცეთ თუ არა პასუხი „ჩერნომორსკი ვესტნიკის“ წერილებს და ყოველთვის იმ აზრამდე მივსულვართ, რომ უსაფუძვლო ცილისწამებაზე პასუხი არ შეშენის საქალაქო თვითმმართველობისა და მის წარმომადგენელთა ღირსებას.¹⁷³

სოციალ-დემოკრატები (მენშეიკები) და სოციალისტ-ფედერალისტები, მართალია, მარცხნიდან აკრიტიკებდნენ ბათუმის მუნიციპალიტეტის საქმიანობას, მაგრამ ისინი სულაც არ თაკილობდნენ ბურჟუაზიულ სათაბიროში საქმიანობას.

პირველი რევოლუციის მარცხის შემდეგ, როცა დაიწყო რეპრესიები მემარცხენეთა წინააღმდეგ, იმპერიის შინაგან საქმეთა სამინისტრომ მოითხოვა ცნობები საქალაქო თვითმმართველობათა შემადგენლობისა და საქმიანობის ხასიათის შესახებ. სათანადო მასალა ბათუმის ოლქის უფროსმაც წარადგინა. იგი წერდა ბათუმის საქალაქო სათაბიროში გაბატონებული არიან ქართველი ნაციონალისტები და ფედერალისტები, სოციალ-დემოკრატებს შედარებით მცირე ადგილი უკავიათ, შეიმჩნევა პოლიტიკური მსოფლმხედველობის საფუძველზე ამ პარტიების შეთანხმება-შეპყიდროება.¹⁷⁴

სხვა მასალებიდანაც ჩანს, რომ XX ს. დამდეგს დასებად დაჯგუფების გადამწყვეტი ფაქტორი გახდა პოლიტიკური მიმართულება, რამდენადმე შესუსტდა ქართულ და სომხურ ბურჟუაზიას შორის წინააღმდეგობა, გამოიკეცა მათი დაახლოების ტენდენციაც. სამაგიეროდ, XIX ს. 90-იან წლებში მართლმადიდებლური ქრისტიანობის საფუძველზე შეკოწიწებული სამთა კავშირი (ქართველები, რუსები, ბერძენები) დაიშალა. ცენზიანი რუსების დიდი უმრავლესობა ცარიზმის ადგილობრივი ადმინისტრაციის პოზიციავზე დადგა და დაუპირისპირდა ადგილობრივი მოსახლეობის წარმომადგენლებს.

ქართველი ბურჟუაზიისა და ინტელიგენციის წარმატებით უკმაყოფილო ბათუმის ოლქის უფროსი ცილისწამებასაც არ ერიდებოდა ქართველების წყალობითაა, რომ ჯერ კიდევ ახალგაზრდა ქალაქს ერთი მილიონი ვალი აქვსო. რევოლუციით

172 იქვე.

173 იქვე.

174 სკსსა, ფ. 13, ან. 2, ს. 1556, ფურც. 91-92.

შეშინებული ეს მოხელე ეჭვით უყურებდა თითქმის ყველა მუნიციპალურ მოღვაწეს. ბათუმის ქალაქისთავ იანდრონიკაშვილს იგი მემარცხენე მიმართულების ქართველ ნაციონალისტს უწოდებდა, ხოლო ი. მესხის შესახებ წერდა, რომ იგი არის ფედერალისტი სოციალისტ-რევოლუციონერის მნიშვნელოვანი ელფერი და ასრულებს უიდეურესი მემარცხენეების პროგრამას.¹⁷⁵

თვითმმართველობის არაპატიმლო საძმინანობა. თვითმმართველობის საქმიანობა კომუნალური მეურნეობის, სახალხო განათლების, ჯანმრთელობის დაცვის და სხვა სფეროებში, ძირითადად, ქალაქის ბიუჯეტის მოცულობაზე იყო დამოკიდებული. დებულების თანახმად თვითმმართველობას უფლება ჰქონდა დაებეგრე მოქალაქეთა უძრავ-მობრავი ქონება, ტრანსპორტის სხვადასხვა სახეები. ქალაქი შემოსავალს იღებდა, აგრეთვე, მის საკუთრებაში მყოფი მიწის ნაკვეთების იჯარით გაცემიდან, სახლების გაქირავებიდან და სხვ.

1903 წ. აღწერის დროს ბათუმის მცხოვრებთა უძრავი ქონება შეფასდა 19,2 მლნ რუბლად. აქედან, საცხოვრებელი სახლების ღირებულებამ შეადგინა 8,2 მლნ, ქარხნებისა - 4,8 მლნ., მიწის ნაკვეთებისა - 6,2 მლნ რუბლი. უძრავი ქონების გადიდების და ღირებულების ზრდის შესაბამისად მატულობდა შეფასებითი გამოსაღები, რომელიც მთლიანად ქალაქის ბიუჯეტში შედიოდა. ბიუჯეტს ავსებდა აგრეთვე ვატრობა-მრეწველობაზე ლიცენზიის გაცემით მიღებული შემოსავალი.

მართალია, ბათუმის ბიუჯეტი თანდათან იზრდებოდა, მაგრამ კანონით გათვალისწინებული ჩვეულებრივი შემოსავალი სწრაფად მზარდი ქალაქის საჭიროებას ვერ აკმაყოფილებდა. ბათუმის თვითმმართველობამ თავიდანვე მოითხოვა ფინანსურ-საბიუჯეტო უფლებების გაფართოება.

1889 წ. 9 მაისს, იმპერატორის ბრძანებით, დაწესდა ბათუმის ნავსადგურზე გავლილი საქონლიდან ბაჟის ე.წ. „საფუთო გამოსაღების“ აკრეფა, რომლის 80% უნდა შესულიყო სახელმწიფო ხაზინაში, 20% კი ბათუმის თვითმმართველობის ბიუჯეტში. იგი გამოყენებული იქნებოდა ნავსადგურის კეთილმოწყობისა და მისკენ მიმავალი ქუჩების მოკირწყვლა-მოასფალტებისათვის ამის შემდეგ, მთელი 15 წლის განმავლობაში, საფუთო გამოსაღები ავსებდა ქალაქის ბიუჯეტის 30-40%-ს. გამგეობა ახერხებდა უმადლესი ბრძანებისათვის გვერდის აელას და ამ თანხის გამოყენებას არა მარტო ნავსადგურის კეთილმოწყობის, არამედ ქალაქის სხვა საჭიროებისათვის.¹⁷⁶

მიუხედავად ამისა, ბათუმის თვითმმართველობა ხშირად განიცდიდა ფინანსების ნაკლებობას და ახალი ობიექტების მშენებლობა-მოწყობისათვის სახსრები არ ჰყოფინდა. ამიტომ ბანკიდან მოკლევადიან კრედიტებს იღებდა, რომლის პროცენტი საკმაოდ მძიმედ აწეებოდა ბიუჯეტის გასაელის ნაწილს. მუნიციპალური მოღვაწეები ლოგიკურად მივიდნენ გრძელვადიანი სესხის აღების აუცილებლობის შეგნებამდე.

1897 წ. ბათუმის საქალაქო თვითმმართველობამ შუამდგომლობა აღჭრა უმადლესი მთავრობის წინაშე და მოითხოვა 600 ათას რუბლის საობლიგაციო სესხის გამოშვების ნებართვა. ბათუმი, როგორც მნიშვნელოვანი სამრეწველო-სავაჭრო ცენტრი, მთავრობამ საიმედო გადამხდელად სცნო და სესხის გამოშვებაზე დათანხმდა. 1899 წ. საბიუჯეტო გეგმით ბათუმის თვითმმართველობის შემოსავალი განისაზღვრა 825 ათასი რუბლის ოდენობით. ფაქტობრივად შემოვიდა 532 ათასი რუბლი. 1900 წ. ბიუჯეტი დამტკიცდა 639 ათასი რუბლის ოდენობით, შემოვიდა 681 ათასი რუბლი. ჩვეულებრივი საქალაქო სახსრებიდან ბიუჯეტში ჩაირიცხა 233 ათასი რუბლი,

¹⁷⁵ იქვე, ფურც. 92-93.

¹⁷⁶ Памятная книжка... с. 103-107; აცსა, ფ. 6, ს. 214. ფურც. 103-112.

საობლიგაციო სესხის რეალიზაციის შედეგად - 144 ათასი, საფუთო გამოსაღებით - 146 ათასი რუბლი. 1902 წ. ბათუმის თვითმმართველობის მთელი შემოსავალი უდრიდა 575 ათას რუბლს, საიდანაც ქალაქის ჩვეულებრივი სახსრების წილად მოდიოდა 263 ათასი, საობლიგაციო სესხსე - 67 ათასი, საფუთო გამოსაღებზე - 244 ათასი რუბლი.

ბათუმის თვითმმართველობა ცდილობდა ქალაქის ქონება-საკუთრების რაციონალური ექსპლოატაციის გზით გაეზარდა შემოსავალი. საქაო თანხა დაიხარჯა ქალაქის ფარგლებში არსებული ჭაობების ამოშრობასზე, მაგრამ დანახარჯი მალე იქნა ამოგებული ამ ნაკვეთების საიჯარო შემოსავლებიდან. ქალაქის შემოსავლის გაზრდას ემსახურებოდა აგრეთვე სოგი ახალი ობიექტის აშენება-მოწყობაც. მართალია, ნურიის მოედან-ბაზარში სავაჭრო რიგების მოწყობა 80 ათასზე მეტი რუბლი დაჯდა, მაგრამ დუქან-მაღაზიების სუფთა შემოსავალმა მალე დაფარა ხარჯი და ქალაქი მათი გაქირავებით ყოველწლიურად დიდ მოგებას იღებდა. საობლიგაციო სესხის ნაწილი გამოყენებულ იქნა ლომბარდის ძირითად კაპიტალად. ეს დაწესებულება მოკლევადიან სესხებს გასცემდა, ძირითადად, წყირდ ბურჟუასიასა და საშუალო ფენებსზე. მოგება კაპიტალის პროცენტის სახით ბიუჯეტში შედიოდა.¹⁷⁷ მოგვიანებით შემოსავლიან წარმოება-დაწესებულებათა რიგს შეემატა სასაკლო, წყალსადენი, ელექტროსადგური და სხვა ობიექტები.

ბათუმის თვითმმართველობის 1899 წ. ბიუჯეტიდან მთავრობის დაწესებულებათა საჭიროებაზე დაიხარჯა 23 ათასი რუბლი, ჯარზე - 4 ათასი, პოლიციაზე - 32 ათასი რუბლი და სხვ. ბათუმის ნავსადგურისა და მისკენ მიმავალი ქუჩების კეთილმოწყობას ხმარდებოდა ბიუჯეტის გასავლის მეოთხედი.

1902 წ. ბათუმის თვითმმართველობის საგასავლო ბიუჯეტი დამტკიცდა 575 ათასი რუბლის მოცულობით. აქედან უნდა დაეხარჯათ: მთავრობის დაწესებულებებზე - 1580, ქალაქის თვითმმართველობის შტატზე - 42456, ჯარისათვის ბინების დასაქირავებლად - 4595, პოლიციაზე - 36116, სახანძრო რაზმზე - 6583, ქალაქისა და ნავსადგურის კეთილმოწყობაზე - 257386, თვითმმართველობის უწყებაში მყოფ წარმოება-დაწესებულებებზე - 8430, სახალხო განათლებაზე - 37502, სამედიცინო, სანიტარულ-ვეტერინარულ მომსახურებაზე - 45740, ქალაქის უძრავი ქონების მოვლაზე - 77100, ადგილები კრედიტების დაფარვაზე - 40700 რუბლი და სხვ.¹⁷⁸

მთავრობის მიერ დაწესებული ბაჟი (საფუთო გამოსაღები), რომლის 20% ქალაქის თვითმმართველობას გადაეცემოდა, ბიუჯეტის არსებით ნაწილს შეადგენდა, მაგრამ გამგეობა ეერ ახერხებდა ამ თანხის დროულად ათვისებას. 1889 წლიდან 1901 წლის ჩათვლით საფუთო გამოსაღების თანხამ შეადგინა სულ 2 მლნ. რუბლი, საიდანაც დაიხარჯა 1 მილიონ 294 ათასი, აუთვისებული რჩებოდა 716 ათასი რუბლი. საქალაქო თვითმმართველობა ამ ნარჩენი თანხის გამოყენებას ვარაუდობდა ახალი ობიექტების მშენებლობისათვის, მაგრამ დაიგვიანა. 1901 წ. 8 ივნისის კანონით საფუთო გამოსაღების თანხა უნდა ჩარიცხულიყო ფინანსთა სამინისტროს სპეციალურ ფონდში, სანავსადგურო საქმეთა კომიტეტის განკარგულებაში, რომელიც, თავის მხრივ, იმავე კანონით, ადგილებიდან შემოსულ შუამდგომლობათა კვალობაზე გადაეცემოდა საქალაქო თვითმმართველობებს მხოლოდ ნავსადგურების მოვლა-გაუმჯობესებისათვის.

ამ კანონმა ფრიად დააზარალა სოგიერთი სანავსადგურო ქალაქი, ყველაზე

¹⁷⁷ Памятная книжка... с. 116-121.

¹⁷⁸ Схема доходов и расходов по гор. Батуму, на 1902 г.

მეტად კი ბათუმი. თუ აქამდე ბათუმის თვითმმართველობა საფუთო გამოსაღებიდან ყოველწლიურად 200 ათას რუბლს იღებდა, ამის შემდეგ შეეძლო მიეღო მხოლოდ 30-40 ათასი რუბლი. ბუნებრივია, საზოგადოების გათვითცნობიერებული ნაწილი საყვედურს გამოთქვამდა ბათუმის თვითმმართველობის მესვეურთა მისამართით, რომელთაც ვერ მოახერხეს დროულად აეთვისებინათ საფუთო გამოსაღები დაგროვილი თანხა ეს არ უნდა გაძნელებოდა ქალაქისთავ ლუკა ასათიანს, რომელიც ძალიან კარგ განწყობილებაში იყო ქუთაისის სამხედრო გუბერნატორ შალიკაშვილთან და საბაჟო გამოსაღების ხარჯვაში თითქმის უკონტროლოდ მოქმედებდა.¹⁷⁹

1901 წ. შემდეგ არსებითად შეიცვალა შემოსავლის სხვადასხვა წყაროს როლი და მნიშვნელობა ბათუმის თვითმმართველობის ბიუჯეტში. თუ 1890-1900 წლებში საფუთო გამოსაღები და საობლიგაციო სესხით მიღებული თანხა შეადგენდა 2,6 მლნ რუბლს, ხოლო შემოსავლის სხვა წყაროებისა – 1 მლნ რუბლსაც არ აღწევდა, 1901-1910 წლებში პირველმა შეადგინა 1,2 მლნ, მეორემ კი თითქმის 3 მლნ, ე.ი. როცა მთავრობამ გააუქმა შედარებით და პრივილეგიები, გადამწვევტი მნიშვნელობა შეიძინა ქალაქის ჩვეულებრივმა შემოსავალმა (შეფასებითი გამოსაღები, მიწის საიჯარო ფასი, შენობების ქირა, ქალაქის საწარმო-დაწესებულებათა შემოსავალი, გამოსაღები ვაჭრობა-მრეწველობიდან და სხვ.), მაგრამ ეს ჩვეულებრივი შემოსავალი არ იყო საკმარისი ბათუმის სწრაფად მზარდ საჭიროებათა დასაკმაყოფილებლად და სპეციალური თანხების დაკარგვის შემდეგ ქალაქის თვითმმართველობას ფინანსური კრიზისის ხანა დაუდგა.

კომუნალური მიწურნეობის ბაუმჯობესება. ბათუმისათვის თვითმმართველობის მინიჭების შემდეგაც კარგა ხანს ქალაქის სამშენებლო ნაწილი ისევ ქუთაისის საგუბერნიო მმართველობის გამგებლობაში რჩებოდა. ბათუმის მცხოვრებნი ვალდებული იყვნენ ახალი სახლების აგებისა და ძველის გადაკეთების პროექტები ქუთაისში გაეზაფანათ. ამ სირთულის გამო, ბუერი მოქალაქე ყოველგვარი პროექტის გარეშე, უნებართოდ იწყებდა მშენებლობას, რასაც არასასურველი დისონანსი შექმნდა ქალაქის დაგეგმარება-გაშენებაში.

1891 წ. ბათუმის თვითმმართველობამ აღძრა შუამდგომლობა სამშენებლო ნაწილის მის გამგებლობაში გადაცემის თაობაზე, მაგრამ ამოდ. 1895 წ. კვლავ გაიგზავნა ანალოგიური შუამდგომლობა ზემდგომ ინსტანციებში, რასაც ისევ უარით უპასუხეს. ამის შემდეგ ქალაქისთავმა საჩივრით სენატს მიმართა იგი უმაღლესი ინსტანციის ამ საკანონმდებლო ორგანოს შეახსენებდა, რომ იმპერატორის ბრძანებით ბათუმში 1892 წ. დებულება სრული სახით უნდა გაეტარებინათ და ამდენად, ქუთაისის საგუბერნიო მმართველობა უმაღლეს ნებას არღვევს, როცა ბათუმის სამშენებლო ნაწილს თავის გამგებლობაში იტოვებსო. სენატი ლუკა ასათიანის განცხადების სამართლიანობაში დარწმუნდა და მყისვე გამოუგზავნა კავკასიის მთავარმართებელს მითითება დაშვებული შეცდომის გამოსწორების თაობაზე. 1898 წ. სათანადო მიმოწერის შემდეგ, სამშენებლო ნაწილი გადაეიდა ბათუმის საქალაქო თვითმმართველობის კომპენტენციაში.¹⁸⁰

ბათუმის თვითმმართველობის პრაქტიკაში თავიდანვე დაინერგა ფუნქციების განაწილების წესი: ქალაქისთავის უშუალო გამგებლობაში იყო ქალაქის კეთილმოწყობის სამუშაოები, უძრავ-მოდრავი ქონების მოვლა-პატრონობა, გამგებობის ერთ წევრს დაეაღებული ჰქონდა ზრუნვა წყლით მომარაგებაზე, განათებასა და გადა-

¹⁷⁹ Памятная книжка... с. 103-107

¹⁸⁰ Батум и его окрестности, с. 516-517.

სახადთა აკრეფაზე. მეორე წვერის მეთვალყურეობის ქვეშ იყო სახალხო განათლება, სამედიცინო-სანიტარული და ვეტერინარული ნაწილი. ქალაქის მდიენის მოვალეობას შეადგენდა მეთვალყურეობა არსენების მიმდინარეობაზე, თხოვნა-შუამდგომლობების ტექსტის გაფორმება, თვიური და წლიური ანგარიშების შედგენა და სხვ. თითმმართველობის კანცელარიაში იდგა რამდენიმე საქმიანი მაგიდა: საადგილმამულო, სასამართლო, ადმინისტრაციული, სამშენებლო, საავადმყოფოს, წყალსადენის, ქალაქის განათების და სხვ. ყოველ მაგიდასთან მიმავრებული იყო საქმისმწარმოებელი.¹⁸¹

ბათუმის საქალაქო თვითმმართველობის ახლად ჩამოყალიბებული სამშენებლო ნაწილის შტატში ჩაირიცხნენ არქიტექტორი, მხახველი, მწერალი, ორი ათისთავი. ბუნებრივია, ბათუმში არსებული ეს დაწესებულება უფრო ოპერატიულად ხელმძღვანელობდა საქმეს, დაჩქარდა მშენებლობათა პროექტების დამტკიცება, გასწორდა ქალაქის დაგეგმარება-გაშენებაში დაშვებული ზოგი შეცდომა.

ოსმალთა ბატონობის დროს ბათუმში იყო 4 უბანი - ა'ისიზე, ნურიე, ახმედე და მუფთიე. რუსული მმართველობის დამყარების პირველ წლებშივე ბათუმს კიდევ ერთი ახალი ევარტალი მიემატა, რომელსაც „სარი სუ“ (რუსულად - „გოროდოი“) უწოდეს. 1893 წ. დაისვა ქ. ბათუმისათვის ე.წ. „ცივი გარეუბნის“ (დღევანდელი ბარცხანა-ბონის დასახლების ნაწილი) შემოერთების საკითხი. ამ მომენტში ქალაქისათვად მთავრობის მოხელე გეგონსკი მუშაობდა იგი ზედმეტად თვლიდა ქალაქის გაფართოებას და უარი თქვა ახალი რაიონის შემოერთებაზე. ალბათ, მისი გავლენით, გამგობის წევრები და სათათბიროს ხმოსნებიც ქალაქის საზღვრების გაფართოების წინააღმდეგ გამოვიდნენ იმ მოტივით, რომ მოუწყობელი გარეუბანი დიდ ტვირთად დააწვეობდა ქალაქის ბიუჯეტს რამდენიმე ხნის შემდეგ მუნიციპალურ მოღვაწეთა შეხედულება შეიცვალა. 1895 წ., როცა ბათუმს უკვე სათათბიროსაგან არჩეული ქალაქისთავი ლუკა ასათიანი ხელმძღვანელობდა, საქალაქო სათათბირომ დაადგინა „ცივი გარეუბანი“ მოექცია ქალაქის ფარგლებში და აღძრა სათანადო შუამდგომლობა საოლქო ადმინისტრაციის წინაშე.¹⁸²

ბათუმის გეგმის შედგენის და ქალაქის გაფართოების პრობლემა გადაუწყვეტელი რჩებოდა ათ წელზე მეტი ხნის მანძილზე. 1910 წ. აღძრულ შუამდგომლობაში ქალაქისთავი ი. ანდრონიკაშვილი სინანულით აღნიშნავდა, რომ ბათუმის საზღვრების გაფართოების საკითხი ჯერაც გადაუჭრელიაო. დიდხანს რჩებოდა ძალაში 1885 წ. შედგენილი ე.წ. „გენერალური გეგმა“, რომლის მიხედვით ქალაქის ფარგლებში მოქცეული იყო მხოლოდ 3,5 კვ. ვერსი ტერიტორია. მოსახლეობა მალე გასცდა მის ფარგლებს ქუჩები და სახლები შენდებოდა გეგმა-პროექტების გარეშე, რადგან საზოგადოებრივ მმართველობას ხელი არ მიუწევდებოდა ოფიციალურად დადგენილ ფარგლებს გარეთ.¹⁸³

1899 წ. ბათუმის ქუჩების საერთო სიგრძე 33 ვერსს, ფართობი კი 148870 კვ. საკენს შეადგენდა, მათგან მოკირწყლული იყო 8242, რიყის ქვით მოგებული - 72347, მოასფალტებული - 8673 კვ. საკენი. მომდევნო პერიოდში ქუჩების კეთილმოწყობა უფრო სწრაფი ტემპით გაგრძელდა. 1903 წ. ბათუმში მოკირწყლულ-მოასფალტებული იყო 25 ვერსი სიგრძისა და 93028 კვ. საკენი ფართობის ქუჩები. მოუკირწყლავი რჩებოდა 12 ვერსი სიგრძისა და 52102 კვ. საკენი ფართობი.

ქბათუმის განუყოფელ ნაწილს შეადგენდა ნავსადგური. ჯერ მეფის მთავრობის

¹⁸¹ Памятная книжка ... с. 47-52.

¹⁸² სცსსა, ფ. 12, აბ. 6, ს. 1089, ფურც. 6-8.

¹⁸³ აცსა, ფ. 6, ს. 288, ფურც. 63-66.

ადგილობრივი ადმინისტრაცია, შემდეგ კი თვითმმართველობა საკმაო თანხებს ხარჯავდნენ ნავსადგურის კეთილმოწყობა-გაფართოებაზე. ბაქო-ბათუმის რკინიგზის მარჯვენა ნაპირის გაშენების შემდეგ, როცა ცხადი გახდა ნავთობის ექსპორტის არნახული მასშტაბით ზრდის პერსპექტივა, დღის წესრიგში დადგა ბათუმში ე.წ. „ნავთობის ნავსადგურის“ აშენება-მოწყობის საკითხი. 1885-1895 წლებში თანდათან შეიქმნა ექსპლუატაციაში ნავთობის საექსპორტო გემების რამდენიმე მისადგომი. ბათუმის ნავსადგურის ტერიტორიებზე მიადგინა 80 მლნ ფუტს, საიდანაც 58 მლნ ფუტი ნავთობის ნავსადგურზე მოდიოდა, მაგრამ მალე შესამჩნევი გახდა მისი სუსტი გამტარუნარიანობა. ნავსადგურის გაფართოებისათვის კელაე გამოიყო თანხები. მთლიანად 1884 წლიდან 1907 წლამდე მთავრობამ ბათუმის ნავსადგურის კეთილმოწყობაზე დახარჯა 6,5 მლნ, საქალაქო თვითმმართველობამ კი -1,2 მლნ რუბლი.¹⁸⁴

ბათუმის ტერიტორია დიდი არ იყო, მაგრამ მინც იგრძნობოდა საზოგადოებრივი ტრანსპორტის საჭიროება. ქალაქში კონკის ხაზების გაყვანის საკითხი პირველად დაისვა 1895 წ. როცა თვითმმართველობას სათანადო კონცესია გამოსთხოვა რუსეთის ცხენის რკინიგზების აქციონერულმა საზოგადოებამ. ორი წლის შემდეგ კი ბათუმის თვითმმართველობას ელექტროტრამვაის გამართვის პროექტი წარუდგინა ფრანგმა ინჟინერმა დიუნანგმა. მალე ქალაქის გამგეობაში შემოვიდა ბათუმელ მოქალაქეთა თხოვნა ელექტროტრამვაის კონცესიის მათთვის მიცემის თაობაზე. ბათუმის სათათბირომ უპირატესობა მისცა ბათუმელებს, დაადგინა საკონცესიო ხელშეკრულება დაელო თანამოქალაქეებთან, თუ ისინი შეძლებდნენ აქციონერული საზოგადოების ჩამოყალიბებას და საჭირო კაპიტალის მოპოვებას. სამწუხაროდ, ბათუმელმა მოქალაქეებმა ამ რთულ საქმეს თავი ვერ გააართვეს.

1902-1904 წლებში ბათუმის სათათბირომ კელაე იმსჯელა ტრამვაის გამართვის პრობლემაზე. ხმოსანთა ერთი ნაწილი მოითხოვდა ტრამვაის მოწყობას სამეურნეო წესით (საკუთარი თანხითა და ინჟინერ-ტექნიკოსთა მეშვეობით), სხვები მიზანშეწონილად თვლიდნენ კონცესიონერთა მოწვევას, მაგრამ არც ერთი მოხერხდა და არც მეორე. ტრამვაის მოწყობა-ექსპლუატაციის გეგმები განუხორციელებელი დარჩა.

ბათუმის თვითმმართველობა საკმაო ყურადღებას აქცევდა ქალაქის განათებას, ცდილობდა მის სრულყოფას. 1899 წ. ქუჩებში იდგა „მოლინას“ სისტემის ნავთის ფანარი. აღნიშნულ წელს განათებაზე ბიუჯეტიდან დაიხარჯა 1106 რუბლი.¹⁸⁵ ნავთის ფანარების ექსპლუატაციის იჯარული სისტემა ჩამოიშალა დროის მოთხოვნებს ჯერ კიდევ 1892 წ. დაისვა კ. ბათუმის ელექტროგანათებაზე გადაყვანის საკითხი. გამოითხოვეს ამ საქმეში საბაჟო გამოსადგობით მიღებული თანხის გამოყენების ნებართვა, მაგრამ ქუთაისის გუბერნატორმა ეს თხოვნა არ დააკმაყოფილა.

1897 წ. ქალაქისთავი სათათბიროს ხმოსნებს მოახსენებდა, – ფინანსები არ გვეოფნის და ამიტომ გამოყოფილი თანხა მხოლოდ ნავსადგურის ელექტროგანათებისათვის უნდა გამოვიყენოთ. სათათბირომ მიიღო დადგენილება სათანადო სპეციალისტების გამოწვევის თაობაზე. 1898 წ. აპრილში უკვე მზად იყო ხელშეკრულების პროექტი, რომელიც უნდა გაეფორმებინათ ქალაქისთავ ლ. ასათიანსა და პოდობედოვის ფირმას. ეს უკანასკნელი ვალდებულებას კისრულობდა აეგო თბოელექტროსადგური, ნავსადგურში დაედგა 55 ელექტროლამპიონი და ყველა საშუალო დაემთავრებინა 12 თვეში, რაშიც იგი თვითმმართველობისაგან მიიღებდა 130 ათას რუბლს. ეს პროექტი არ დამტკიცებულა.

¹⁸⁴ სცხსა, ფ. 13, ან. 2, ს. 1541, ფურც. 110-111.

¹⁸⁵ Батум и его окрестности, с. 634-636.

შემდეგში ქალაქის სათათბირომ ასრი შეიცვალა და 1899 წ. 30 იელისს დაადგინა ელექტროსადგურისა და ელგაყვანილობის გასამართავად 100 ათასი რუბლი გადაეცა რომელიმე ფირმისათვის, რომელიც იკისრებდა ვალდებულებას – ქალაქის ქუჩებში დაედგა 166, ხოლო ნავსადგურში – 55 ელექტროლაამიონი.

შესაყურისი პროექტი ზემოხსენებულმა პოდობედოვის ფირმამ შეასრულა 1898 წ. დამდევს საქალაქო გამგეობამ გაზეთში გამოაქვეყნა განცხადება და იწვევდა მშენებელ ფირმებს, რომელნიც იკისრებდნენ დამტკიცებული პროექტის ხორცშესხმას, ელექტროსადგურის აგებას, ელგაყვანილობის გამართვას. განცხადებას რამდენიმე ფირმა გამოეხმაურა. გამგეობამ უპირატესობა მისცა ფირმას „ოლშეიჩი და კერნი“ (კიევი).

ხელშეკრულების თანახმად, მშენებლობა დაიწყო 1899 წლის დამდევს და 1901 წელს დამთავრდა „ოლშეიჩი-კერნი“ ფირმამ ყველა ვალდებულება შეასრულა თვითმმართველობის კომისიამ თბოელსადგურიცა და ელგაყვანილობაც მადლ-ხარისხონად მიიწინა და წინადადება მისცა გამგეობას – ანგარიში გაესწორებინა მშენებელი ფირმისათვის. ამგვარად, 1901 წ. ბათუმის ქუჩების უმრავლესობა და ნავსადგური ელექტროგანათებაზე გადავიდა მალე ელსადგურს კერძო აბონენტებიც გაუწინდა.¹⁸⁶

ბათუმის მუნიციპალიტეტი დიდ დროსა და სახსრებს უთმობდა ქალაქის წყლით უზრუნველყოფის პრობლემის მოგვარებას.

1878 წ. ბათუმში მოქმედებდა თიხისმილეებიანი წყალსადენი, რომელიც საესე-ბით აკმაყოფილებდა მის 3-ათასიანი მცხოვრების მოთხოვნილებას შემდეგ, მოსახლეობის სწრაფი ზრდის გამო, ამ წყალსადენის დებუტი არასაკმარისი აღმოწინდა.

თვითმმართველობის წინაშე თავიდანვე დაისვა ახალი წყალსადენის მოწყობის საკითხი. გათვალისწინეს ბათუმის ზრდა-განვითარების პერსპექტივა და მიზნად დაისახეს მძლავრი წყალსადენის (სადღეღამისო 600 ათასი ვედრო დებუტით) გამართვა. 90-იანი წლების დამდევს უკვე ენერგოულად მუშაობდნენ ლეჩას და თამარის წყაროების შედგენილობის ქიმიურ გამოკვლევაზე ადგენდნენ წყალსადენის ახალ-ახალ პროექტებს მას შემდეგ, რაც ცნობილმა ავსტრიელმა სპეციალისტმა ვერ შეასრულა ნაკისრი ვალდებულება, წყალსადენის პროექტის შედგენას ხელი მოჰკიდა ინჟინერმა მიხაილოვმა. მან უპირატესობა მიანიჭა ლეჩას წყაროებს და გაიანგარიშა, რომ იქ წყალსადენის სათავის მოწყობაზე დაიხარჯებოდა 60 ათასი რუბლი. ამის საფუძველზე ბათუმის სათათბირომ დაადგინა ახალი წყალსადენი გამოყვანა ლეჩადან.¹⁸⁷

1899 წ. 13 იელისს ქუთაისის სამხედრო გუბერნატორმა გასცა სათანადო ნებართვა და ბათუმის საქალაქო გამგეობამ ხელშეკრულება გააფორმა ინჟ. მიხაილოვთან. ამ უკანასკნელმა შეადგინა პროექტი, რომლის მიხედვით 600 ათასი ვედრო გამტარობის ახალი წყალსადენის გამართვა ეღირებოდა 450 ათასი რუბლი. მშენებლობა დაიწყო 1901 წ. და დამთავრდა 1908 წ. წყალსადენის სიგრძე ქალაქსა და გარეუბნებში შეადგენდა 38 კერსს. ბათუმის ახალი წყალსადენი როგორც წყლის ხარისხით და სიმძლავრით, ისე თავისი კონსტრუქციით აღიარეს ერთ-ერთ სოლიდურ ნაგებობად, რომელიც პასუხობდა იმ ეპოქის მაღალ მოთხოვნებს.¹⁸⁸

ბათუმის თვითმმართველობა ბიუჯეტის გარკვეულ ნაწილს ხარჯავდა სასაქ-

¹⁸⁶ Памятная книжка ... с. 187-190.

¹⁸⁷ აცხა, ფ. 6, საქ. 48, ფურც. 184-196.

¹⁸⁸ Памятная книжка... с. 184-187.

ლაოს კეთილმოწყობისათვის. პირველ ხანებში გამოყოფილი თანხა ხმარდებოდა ძველი სასაკლავო შეკეთებას. XX ს. დამდეგს კი თვითმმართველობამ ქალაქგარეთ ააგო ახალი სასაკლავო.

დიდი სამუშაოები ჩატარდა თვითმმართველობის მიერ ქალაქის ბაღის გაშენებისათვის ალექსანდრეს სახელობის ბაღს შავი ზღვის სანაპიროზე საფუძველი ჩაეყარა 1881 წ. 3 წლის შემდეგ დაიწყო ბულევარის მოწყობაც. ბაღისა და ბულევარისათვის შერჩეული ადგილი წარმოადგენდა ზღვისპირა რიყეს, სადაც ნიადაგი ხელოვნურად შეიქმნა მრავალი წლის დაძაბული შრომისა და საკმაო ხარჯის გაღების შედეგად. ბაღი და ბულევარი თანდათან იესებოდა სუბტროპიკული მცენარეებით. ბაღთან შექმნილი სანერგე, რომელსაც თვალისწინებით უვლიდა აგრონომი ლიონიძე, სხვადასხვა მცენარის ნერგებს აწოდებდა არა მარტო ბაღსა და ბულევარს, არამედ ქუჩების გამწვანებისათვისაც. 1912 წ. ბაღისა და სანერგის შემოსავლამ გადააჭარბა 7 ათას რუბლს და ფარავდა გაწეული ხარჯების ნახევარს.¹⁸⁹

ამგეარად, თვითმმართველობის მიერ ჩატარებული მუშაობის შედეგად XIX-XX სს-ის მიჯნაზე ბათუმში უკვე იყო ევროპულად გამართული, საკმაოდ სუფთა, სწორი, მოკირწყლულ-მოასფალტებული ქუჩებით დასერილი ქალაქი, რომელიც მნახველზე კარგ შთაბეჭდილებას ტოვებდა.

სახალხო ბანათლება და ჯანმრთელობის დაცვა. დედამამშობლოსთან დაბრუნებამდე სამხრეთ-დასავლეთ საქართველოში არც ერთი სამოქალაქო სასწავლებელი არ იყო. მუსლიმანური სკოლები არსებობდა მეჩეთებთან და იქ ისწავლებოდა მხოლოდ ყურანი. ქ. ბათუმში 1861 წლიდან მოქმედებდა ბერძნული საეკლესიო სკოლა.¹⁹⁰

ცარიზმი არ ზრუნავდა ხალხის განათლებისათვის. თვითმმართველობის შემოღების შემდეგ ძველი მუსლიმანური და ბერძნული საეკლესიო სასწავლებლების გვერდით დაარსდა ერთი ქართული დაწყებითი სკოლა („წერა-კითხვის გამავრცელებელი საზოგადოებისა“), ქალთა დაწყებითი სასწავლებელი და ერთიც სამკლასიანი საქალაქო სკოლა, რომელიც ცოტა მოგვიანებით ექვსკლასიანად გადაკეთდა. 1888 წ. დაისვა ტექნიკუმის დაარსების საკითხი, მაგრამ გაიხსნა სახელოსნო სასწავლებელი.

1889 წ. ქალთა სკოლა, რომელსაც აქამდე განაგებდა ბათუმის საქველმოქმედო კომიტეტი, გადავიდა თვითმმართველობის უწყებაში და მისი გამგებლობა დაეკისრა განსაკუთრებულ სასკოლო კომისიას. ქალთა სკოლისათვის აშენდა ახალი სახლი, მისი საჭიროებისათვის ყოველწლიურად გამოიყოფოდა 3-5-ათასი რუბლი.¹⁹¹

1895 წ. დაისვა ბათუმში ვაჟთა გიმნაზიის გახსნის საკითხი. მაგრამ მთავრობამ უარი თქვა მის დაფინანსებაზე. მას შემდეგ, რაც საქალაქო თვითმმართველობამ იკისრა გიმნაზიის შენობის აგების მთელი ხარჯი და მისთვის ყოველწლიურად 15 ათასი რუბლის სუბსიდიის დანიშვნა, განათლების სამინისტრომ გასცა ბათუმში გიმნაზიის დაარსების ნება (1897 წ. 22 მარტი). ვაჟთა გიმნაზიის შენობის აგებაზე საქალაქო თვითმმართველობამ 215 ათასი რუბლი დახარჯა. თვითმმართველობა ფარავდა აგრეთვე ყოველწლიური ხარჯების უდიდეს ნაწილსაც. 1901 წ. ვაჟთა გიმნაზიის მოსწავლეთა კონტინგენტი 200-მდე აღწევდა.¹⁹²

1897 წ. სათათბიროს ერთ-ერთ სხდომაზე ხმოსანმა ნ. დუმბაძემ მოითხოვა

¹⁸⁹ იქვე გვ. 191-193.

¹⁹⁰ Батум и его окрестности, с. 588.

¹⁹¹ იქვე გვ. 594.

¹⁹² იქვე გვ. 600-603.

ბათუმში ქალთა საშუალო სკოლის დაარსება, მაგრამ ამაზე მოთაერობამ უარი თქვა. მომდევნო წელს გრ. ეოლსკიმ სათათბიროში წარადგინა მოხსენება ბათუმში არსებული მარინეს სახელობის სკოლის გიმნაზიად გადაკეთების თაობაზე. სათათბირომ კიდევ აღძრა სათანადო შუამდგომლობა, მაგრამ კაეკასიის სასწავლო ოლქის მზრუნველმა იანოესკიმ გაილაშქრა სკოლის გიმნაზიად გადაკეთების წინააღმდეგ იმ მოტივით, რომ ამ ტიპის დაწყებით სკოლებს მთაერობა ქმნიდა დაბალი ფუნების ბაეშეებისათვის და ამით იცაედა არსებულ გიმნაზიებს დემოკრატიული ელემენტების შემოსევისაგან.

მიუხედავად ამისა, ბათუმის თვითმმართველობას ქალთა საშუალო სკოლის დაარსებისათვის ბრძოლა არ შეუწყვეტია. დაეინებითი მოთხოვნის შემდეგ, მთაერობა დათმობაზე წაეიდა. 1901 წ. ბათუმში გაიხსნა ქალთა გიმნაზია ცოტა მოგვიანებით საქალაქო თვითმმართველობამ ქალთა გიმნაზიისათვის ააგო ცალკე შენობა, რომელიც 80 ათასი რუბლი დაეჯდა.

მართალია, ლემოთ წამოთელილ სკოლებს ძირითადად ბათუმის საქალაქო თვითმმართველობა აფინანსებდა, მაგრამ თითქმის ყველა ეს სასწავლებელი იმყოფებოდა მთაერობის (სასწავლო ოლქის) გამგებლობაში და სასწავლო პროცესიც ოფიციალური პროგრამით მიმდინარეობდა. თაეისებური გარდატეხა იწყება 1898 წლიდან, როცა თვითმმართველობამ გახსნა ქალთა ქართული სკოლა. მალე ამის შემდეგ თანდათან დაარსდა ეკთა და ქალთა ქართული, რუსული, თურქული, სომხური და ბერძნული დაწყებითი სკოლები, აგრეთვე, კედაგოგიური კურსები, რომლებიც მოექცა თვითმმართველობასთან არსებული სასწავლო კომისიის გამგებლობაში. XX ს. დამდეგს ბათუმის თვითმმართველობა ამ სკოლებზე ხარეეედა წლიურად 15 ათას რუბლს. ამის გარდა, ფინანსურ დახმარებას უწყედა სახაზინო სკოლებს (ეკთა და ქალთა გიმნაზიები, ეექსელასიანი საქალაქო სკოლა). ამისათვის ყოველწლიურად გამოყოფდა 26 ათასს, ხოლო კერძო და საზოგადოებრივი სკოლებისათვის - 3 ათას რუბლს.¹⁹³

1908 წ. ქალაქის სკოლების საჭიროებისათვის გაიხსნა სამასწავლებლო მუხუეში, რომელიც 1912 წ. გადაკეთდა ბათუმის საქალაქო მუხუეში. იქ წარმოდგენილი იყო ფლორა-ფაუნის, მინერალოგია-გეოლოგიის, ნიადაგმცოდნეობის, ფიზიკა-გეოგრაფიის, სოფლის მეურნეობისა და მრეწველობის, ისტორიის, ეთნოგრაფიის, არქეოლოგიის, მხატვრული და მუნიციპალური განყოფილებები.

სასწავლო-კულტურულ დაწყებულებათა ქსელის გაფართოების პარალელურად იზრდებოდა ქალაქის თვითმმართველობის მიერ ამ სფეროში გაწეული ხარეები. ერთდროული თანხების გარდა, რაც ხმარდებოდა სასკოლო შენობების აგებას, თვითმმართველობის საგასაელო ბიუეეტში ყოველწლიურად იყო გათაალისწინებული ე.წ. „მიმდინარე ხარეები“. 1888 წ. ეს ხარეები შეადგენდა მხოლოდ 2300 რუბლს, 1890 წ. - 5300, 1892 წ. - 8610, 1898 წ. - 23583, 1901 წ. - 38882, 1904 წ. - 44963, 1907 წ. - 97302, 1911 წ. - 84394, 1914 წ. - 70930 რუბლს.¹⁹⁴ სახალხო განათლებასა და კულტურაზე თვითმმართველობა ხარეედა თაეის ბიუეეტის 10-15%-ს.

1914 წ. ქალაქის 8 დაწყებით სკოლაში ითელებოდა 902 მოსწავლე - 506 ეაკო და 396 ქალი. აქედან ქართველი იყო 315, რუსი - 219, სომეხი - 176, ბერძენი - 148, ებრაელი - 6, სხეა ეროვნებისა - 39.

სოციალური წარმოშობის მიხედვით დაწყებითი სკოლების 30 მოსწავლე იყო

¹⁹³ იქვე, გვ. 608-616.

¹⁹⁴ Памятная книжка ... с. 175-181.

თავად-აზნაური, 83 — საპატიო მოქალაქე და ვაჭარი, 129 — მეშენი, 515 — გლეხი, 145 — სხვა წოდებისა.

დაბალ ფენებში დაწყებითი, ელემენტარული ცოდნის შეტანა მთავრობის, თეთომმართველობისა და ზედაფენის ინტერესებსაც პასუხობდა, რადგან ტექნიკური პროგრესის პირობებში, უმეტარი მუშა დაშორებულს არ გამოადგებოდა. მაღალი სასწავლო გადასახადის გამო დაბალი ფენებიდან გამოსული ბავშვებისათვის საშუალო სკოლის კარი, ფაქტობრივად, დაკეტილი იყო. ბათუმის გიმნაზიებში ძირითადად თავად-აზნაურთა და ბურჟუათა შვილები სწავლობდნენ, მათზე იხარჯებოდა საქალაქო თეთომმართველობისაგან გამოყოფილი თანხის უმეტესი ნაწილი.

* * *

საქართველოსთან დაბრუნების მომენტში ბათუმის სანიტარული მდგომარეობა მეტად დაბალ დონეზე იყო. ქალაქის გარეუბნებსა და თეთი ცენტრშიც კი საკმაოდ დიდი ადგილი ჭაობებს ეკავა. მის ამოშრობას ადგილობრივმა ადმინისტრაციამ თავიდანვე მოჰკიდა ხელი და 5 წელიწადში ამისათვის დაიხარჯა 80 ათასი რუბლი. 1884 წ. მელიორაციული სამუშაოები შეჩერდა და განახლდა მხოლოდ 10 წლის შემდეგ, როცა ქალაქის თეთომმართველობამ მიიღო ნებართვა საბაჟო გამოსაღებით დაგროვილი თანხის ერთი ნაწილი ჭაობების ამოშრობაზე გამოეყენებინა. მარტო 1900 წ. ბათუმში ჭაობების ამოშრობაზე დაიხარჯა 153 ათასი, 1905-1909 წლებში კი - 218 ათასი რუბლი.¹⁹⁵

ბათუმის თეთომმართველობამ საქმიანობის პირველსავე წელს შექმნა ქალაქის სანიტარული კომისია, რომელიც 4 საპოლიციო უბნის შესაბამისად, 4 რაზმად დაყო. ყოველ რაზმში შედიოდა 2 ექიმი, 2 მოქალაქე, თითო ხმოსანი და პოლიციელი.¹⁹⁶

1892 წ. გავრცელებულმა ქოლერის ეპიდემიამ და მის წინააღმდეგ ბრძოლის გამოცდილებამ თეთომმართველობა დაარწმუნა სანიტარულ დაწესებულებათა დიდ მნიშვნელობაში. 1893 წ. დაწესდა სანიტარული ექიმისა და ფერშლის თანამდებობები, 1895 წ. შეიქმნა საათობიროს სანიტარული კომისია. 1903 წ. ბათუმში დაარსდა სანიტარული სტატისტიკური ბიურო. 1904 წ. ქალაქის სანიტარულ დაწესებულებათა სისტემაში შედიოდა საავადმყოფო თავისი ყველა განყოფილებით, სტატისტიკურ-სანიტარული ბიურო, სანიტარული საექიმო საბჭო, სანიტარულ-ვეტერინარული სადგური და სადეზინფექციო კამერა.¹⁹⁷

1892 წლამდე ბათუმში არსებობდა მხოლოდ ერთი 25-საწოლიანი საავადმყოფო. ამ წელს კი საქალაქო თეთომმართველობამ ქუთაისის გუბერნატორის წინაშე აღძრა შუამდგომლობა ბათუმში 60-საწოლიანი საავადმყოფოს აგება-მოწყობის თაობაზე, მაგრამ კარგა ხანს საკითხი ადგილიდან არ დაძრულა. 1896 წ. ძველი საავადმყოფოს ერთი მთავარი განყოფილება ხანძარმა იმსხვერპლა. ქალაქისთავმა ლუკა ასათიანმა მოიწვია სპეციალისტები (ინჟინერი და ექიმები), დაავალა ყოველმხრივ შეესწავლათ ბათუმში ახალი დიდი საავადმყოფოს აშენების საკითხი. სპეციალისტთა რჩევით, საათობირომ აღძრა შუამდგომლობა 120-ადგილიანი საავადმყოფოს აშენება-მოწყობის თაობაზე. 1893 წ., სათანადო ნებართვის მიღების შემდეგ, დამტკიცდა მშენებლობის ტექნიკური და ფინანსური პროექტები. ახალი საავადმყოფო, რომლის აგება და ყველა საჭირო აპარატურით გამართვა 194 ათასი რუბლი დაჯდა,

¹⁹⁵ Памятная книжка ... с. 169-172.

¹⁹⁶ აცს, ფ. 6, ს. 53, ფურც. 4-5, 15.

¹⁹⁷ Батум и его окрестности, с. 564-567.

ექსპლოატაციაში შევიდა 1902 წ. მას პქონდა ექვსი შენობა-განყოფილება (ადმინისტრაციული, თერაპიული, გინეკოლოგიური, გადამდებ სნეულებათა, ქირურგიული და ვენერიული). საავადმყოფოს შტატში ჩაირიცხა 4 ექიმი, 10 ფერწალი, 40 სხვა დამხმარე პერსონალი.¹⁹⁸ საავადმყოფოებში მკურნალობისათვის პაციენტები, მართალია, იხდიდნენ გარკვეულ თანხას, მაგრამ იგი ვერ ფარავდა ხარჯებს თვითმმართველობის ბიუჯეტიდან საავადმყოფოებს გამოეყო: 1890 წ. - 6638 რუბლი, 1898 წ. - 13667, 1904 წ. - 47181, 1913 წ. - 60538 რუბლი.¹⁹⁹

საერთოდ სამედიცინო-სანიტარიულ მომსახურებაზე ბათუმის საქალაქო თვითმმართველობა XX ს. პირველ ათწლეულში ხარჯავდა თავისი ბიუჯეტის 11-14% მომდევნო წლებში, საბიუჯეტო შემოსავლების შემცირების გამო, სამედიცინო-სანიტარულ დაწესებულებათა სათანადო დონეზე დაფინანსება გააძევედა.

* * *

ბათუმის საქალაქო თვითმმართველობის ფინანსური მდგომარეობა და შესაბამისად, მისი პრაქტიკული საქმიანობის მასშტაბურობა მნიშვნელოვანწილად განისაზღვრებოდა მრეწველობის განვითარების დონით, საშინაო და საგარეო ვაჭრობის ბრუნვით. 1888 წლიდან 1904 წლამდე ბათუმის ეკონომიკა აქტიური ხაზით ვითარდებოდა. შესაბამისად იზრდებოდა თვითმმართველობის შემოსავალიც. მომდევნო პერიოდში ნავსადგურის ტერიტორიენა, ნავთობის ექსპორტის შემცირების გამო, თითქმის განახევრდა დაიხურა ნავთობის ტარის ქარხნები, შემცირდა შინავაჭრობა, დაქვეითდა მოქალაქეთა გადახდისუნარიანობა, რამაც საგრძნობლად დაარღვია საქალაქო თვითმმართველობის ბიუჯეტის წონასწორობა, იგი დეფიციტური გახდა.

1913 წ. 6 ოქტომბერს გაიმართა ბათუმის საქალაქო თვითმმართველობის 25 წლის იუბილე. მღველმა ნ. კალისტოვმა, პარაკლისის გადახდის შემდეგ, განაცხადა: შესრულდა მეოთხედი საუკუნე თვითმმართველობის გახსნის დღიდან ვდღესასწაულობთ არ ამ თარიღს, არ შეგვიღია მადლობა არ შევსწიროთ ღმერთს და კეთილი სიტყვით არ მოვიხსენიოთ მუნიციპალური მოღვაწენი, რომელნიც რწმენითა და სიმართლით ემსახურებოდნენ ქალაქს. მადლობა მათ, ვინც ქალაქს მისცა კეთილმოწყობილი სახე, გააძიდირა მრავალგვარი საჭირო დაწესებულებებით, უზრუნველყო მისი შესვლა ევროპის ქალაქთა პლედაში. სახელი და დიდება ბათუმის მოქალაქეებსაც, თვითმმართველობის ორგანოებში ყოველთვის ნიჭიერ და უნარიან ადამიანებს რომ ირჩევენენ.²⁰⁰

პარაკლისის შემდეგ, ქალაქისათვამ იე. ანდრონიკაშვილმა გახსნა საზეიმო საიუბილეო სხდომა, რომელსაც ესწრებოდნენ ბათუმის ოლქის უფროსი და სხვა მოხელეები, მსხვილი ვაჭარ-მრეწველები, საკრედიტო დაწესებულებათა წარმომადგენლები, სასლავარგარეთელი კონსულები. ქალაქისათვი მიესალმა დამსწრე სასოცდლოებას და თავის სიტყვაში მოკლედ შეეხო თვითმმართველობის საქმიანობას მან, მართალია, ხაზი გაუსვა საათობროსა და გამებობის წარმატებებს ქალაქის კეთილმოწყობის, განათლების, სამედიცინო მომსახურების და სხვა სფეროში, მაგრამ ყურადღება გაამახვილა აგრეთვე მთელ რიგ სიმნელებზე, უკანასკნელი ათი წლის განმავლობაში საგრძნობლად რომ აფერხებდა თვითმმართველობის საქმიანობას.

ქალაქისათვამ მორიდებულად აღნიშნა, რომ მთავრობის ზოგიერთმა დონის-

¹⁹⁸ იქვე, გვ. 569-577.

¹⁹⁹ Памятная книжка ... с. 128-129.

²⁰⁰ იქვე, გვ. 142-145.

ძიებამ (პორტო-ფრანკოს გაუქმება, საბაჟო გამოსაღების წილის დაკარგვა, საექსპორტო ნავთობის ტარიფის გადიდება და სხვ.) არსებითად დაარღვია ქალაქის ეკონომიკური განვითარების პირობები. ამან კი სერიოზული ზარალი მიაყენა თვითმმართველობის საღაროს, 40%-ით შეამცირა მისი ბიუჯეტის შემოსავალი, რამაც ძალიან გააძნელა თვითმმართველობის დაწესებულებათა და კომუნალური მეურნეობის დაფინანსება.²⁰¹

1903 წ. შემდგომ ბათუმის თვითმმართველობის შემოსავალს ყოველთვის სჭარბობდა გასავალი. ბიუჯეტის დეფიციტი შეადგენდა: 1904 წ. - 227270, 1905 წ. - 214313, 1906 წ. - 57228, 1907 წ. - 213656, 1908 წ. - 60452 რუბლს. დეფიციტი იფარებოდა სპეციალური სახსრებიდან (რაც აღმავლობის პერიოდში იყო შექმნილი) და კრედიტებით. 1910 წ. 1 ივლისისათვის თვითმმართველობას ჰქონდა ერთ მილიონ რუბლზე მეტი ვალი.²⁰²

მთავრობის მოხელეები, ბათუმის დეფიციტური ბიუჯეტის გამოსწორების მიზნით, წინადადებას იძლეოდნენ კიდევ უფრო შეემცირებინათ „პარააუცილებელი“ ხარჯები. 1912 წ. ბიუჯეტის განხილვის დროს ქუთაისის გუბერნიის სახაზინო პალატის მმართველი მოახსენებდა ბათუმის ოლქის უფროსს, რომ მიზანშეწონილია თვითმმართველობის აპარატისათვის გათვალისწინებული 30 ათასი რუბლი შემცირდეს 26 ათასამდე, მუნიციპალიტეტის სახლის ხარჯები შეიკვეცოს 5 ათასი რუბლით, ქალაქის კეთილმოწყობის ახალი სამუშაოებისათვის ნავარაუდები 6 ათასი რუბლი კი მთლიანად ამოიღონ ბიუჯეტიდან. სახაზინო პალატის მმართველი მოითხოვდა ბათუმის ბიუჯეტიდან პენსიების, ჭაობების ამოშრობისა და კანალიზაციისათვის ნავარაუდები ხარჯების ამოღებასაც. ხაზინა თვლიდა, რომ ეს ქალაქის თვითმმართველობას გაუადვილებდა ბიუჯეტის სავალდებულო მუხლების (რაც ითვალისწინებდა გარნიზონის, პოლიციისა და მთავრობის ზოგი დაწესებულების საჭიროებისათვის გარკვეული თანხების გამოყოფას) შესრულებას.²⁰³

ბათუმის მუნიციპალური მოღვაწენი კი ამის საწინააღმდეგო თვალსაზრისზე იდგნენ. ისინი ჯარის, პოლიციისა და მთავრობის დაწესებულებათა დაფინანსებისაგან გათავისუფლებას მოითხოვდნენ, რაც საშუალებას მისცემდა მათ ქალაქის კომუნალური მეურნეობისთვის მიეხედათ. ფინანსური კრიზისის მიუხედავად, თვითმმართველობის მესვეურები მდგომარეობის გამოსწორების იმედს როდი კარგავდნენ. ოპტიმისტები ბათუმის მომავალს უკავშირებდნენ ადგილობრივი ბუნებრივი სიმდიდრეების ათვისებას, ქალაქისა და მისი ნავსადგურის ხელსაყრელ მდგომარეობას, საგარეუბნო მეურნეობისა და კლიმატურ-ბალნეოლოგიური სადგურის მოწყობას და სხვ. ისინი ახერხებდნენ კრიზისის პერიოდშიც შეენარჩუნებინათ მექვიდრეობით მიღებული და ახლად შექმნილი მუნიციპალური დაწესებულებები.

ცდილობდა რა თვითმმართველობის ფისკალური უფლების გაფართოებას, 1907 წ. ბათუმის სათათბირომ მთავრობის წინაშე აღძრა შუადგომლობა ქალაქისა და მისი ნავსადგურის შემდგომი კეთილმოწყობისათვის განსაკუთრებული საბაჟო (საფუთო) გამოსაღების დაწესების თაობაზე. ამ შუადგომლობას მხარი დაუჭირა მეფისნაცვალმაც, მაგრამ საკითხის განხილვა ძალიან გაჭიანურდა. 1904 წ. ბათუმის თვითმმართველობამ რამდენადმე შეცვალა თავდაპირველი შუადგომლობა. ახალი ვარიანტის მიხედვით, საფუთო გამოსაღებით მიღებული თანხა დანიხარჯებოდა არა მარტო სა-

²⁰¹ იქვე, ბმ. 150-153.

²⁰² სცსა, ფ. 13, ან. 2, ს. 1541, ფურც. 123-124.

²⁰³ იქვე, ს. 1561, ფურც. 1-2.

კუთრიე ქალაქის, არამედ მისი იმ გარეუბნის მოწყობისათვისაც, სადაც განლაგებული იყო ნავთობის გადამამუშავება-ექსპორტთან დაკავშირებული დაწესებულებები.

შინაგან საქმეთა სამინისტროშიც აღიარეს, რომ ბათუმის ფინანსური მდგომარეობა ნამდვილად გაუარესდა საბაჟო გამოსაღებით დატვირთილი თანხის ხარჯვის ახალმა წესმა ბათუმის თვითმმართველობის ბიუჯეტი მნიშვნელოვნად შეამცირა. ამიტომ მუნიციპალიტეტი ამცირებდა გასაქვლასაც, მაგრამ მისი შემდგომი შეკვეცა უკვე შეუძლებელი იყო. არ შეიძლებოდა ელექტროსადგურის განერება, საავადმყოფოებისა და სკოლების დახურვა. სამინისტრომ ბათუმის შიშვე მდგომარეობიდან გამოყვანის წინაპირობად მიიჩნია მისთვის ისეთივე უფლების მიჩიჭება, როგორც 1904 წ. მიეცა ფოთს (მარგანეცის ექსპორტზე დადებული ბაჟი – საფუთო გამოსაღები). ეს გამართლებული იყო „ნავთობის ქალაქის“ განსაკუთრებული მდგომარეობით, სადაც ყველაფერი ემსახურებოდა ნავთის ექსპორტის ინტერესებს. ექსპორტიორებს, ბუნებრივია, უნდა გაეღოთ თავისი უზნის კეთილმოწყობისათვის საჭირო თანხა.

1911 წ. 28 მარტს ეაჭრობა-მრეწველობისა და შინაგან საქმეთა სამინისტროებმა დაადგინეს 1. ნება დაერთოს ბათუმის საქალაქო თვითმმართველობას ნავსადგურში შემოსული საქონლიდან აიღოს დამატებითი შესაკრებელი არა უმეტეს 0,5 კაპიკისა ფუნტზე. 2. მიღებული თანხის ხარჯვაზე თვითმმართველობამ უნდა აწარმოოს განსაკუთრებული ანგარიში, თანხის 80% დახარჯოს ნავსადგურის კეთილმოწყობაზე. დანარჩენი კი მოახმაროს ქალაქის კეთილმოწყობას.²⁰⁴

ორი სამინისტროს ეს დადგენილება გადაეცა სახელმწიფო სათათბიროს 1911 წ. 21 ოქტომბერს სათათბიროს ფინანსური კომისიის თავმჯდომარე ატყობინებდა ბათუმის ქალაქისთავე იე. ანდრონიკაშვილს, რომ ბათუმის თვითმმართველობის სასარგებლოდ ნახევარკაპიკიანი გამოსაღების დაწესების კანონპროექტი განხილული იქნება ქალაქებისა და ერობების ბიუჯეტთა საერთო კანონპროექტის განხილვის შემდეგ. სინამდვილეში ეს კანონპროექტი არ იყო შეტანილი სახელმწიფო სათათბიროში. ბათუმის მუნიციპალურ მოღვაწეებს, ბუნებრივია, არ მიუწონათ საკითხის ასე გაჭიანურება და დახმარებისათვის მეფისნაცვალს მიმართეს. როგორც ჩანს, ეორონ-ცოვე-დაშოემა იშუამდგომელთა ბათუმელთა კანონპროექტის განხილვის დაჩქარების თაობაზე. 1912 წ. 2 იენისს საფინანსო კომისიის წარდგინებით რუსეთის სახელმწიფო სათათბირომ დაამტკიცა კანონპროექტი, მაგრამ უკანასკნელმა ინსტანციამ – სახელმწიფო საბჭომ უარყო იგი და დასამუშავებლად დაუბრუნა ფინანსთა სამინისტროს.²⁰⁵

ბათუმის თვითმმართველობისაგან მოითხოვეს დამატებითი ცნობები ფინანსური მდგომარეობის შესახებ, რომლის მიღების შემდეგ სამინისტრომ გარკვეული ცვლილებები შეიტანა კანონპროექტში. 1913 წ. 27 იანუარს სახელმწიფო საბჭომ დაამტკიცა კანონპროექტი ბათუმის თვითმმართველობის სასარგებლოდ მეოთხედაპიკიანი საფუთო გამოსაღების დაწესების შესახებ, რომელსაც იმპერატორმა ხელი მოაწერა 1913 წლის 20 დეკემბერს.²⁰⁶

1909 წ. ბათუმის საშემოსავლო ბიუჯეტი დამტკიცდა 639 149 რუბლის ოდენობით, ხოლო გასაქვლში გათვალისწინებული იყო: საზოგადოებრივი მმართველობის შენახვაზე - 51931, ჯარზე - 13380, პოლიციაზე - 24445, სახანძრო რაზმზე - 13729, ქალაქის კეთილმოწყობაზე-104257, სახალხო განათლებაზე - 76855, სამედიცინო მომსახურებაზე - 58322, უძრავი ქონების მოვლა-პატრონობაზე - 20805, ვალების

²⁰⁴ სესსა, ფ. 13, ან. 2, ს. 1541, ფურც. 110-123.

²⁰⁵ იქვე, ფურც. 126-127.

²⁰⁶ Схема доходов и расходов по гор. Батуми на 1913 г., с. 5-7.

დაფარვაზე - 207410 რუბლი და სხვ.²⁰⁷ როგორც ეხედავთ, ქალაქის ფაქტობრივი შემოსავლის მესამედი აუცილებლად უნდა მოხმარებოდა ეკლესიის დაფარვას, მიმდინარე ხარჯებისათვის კი მცირე თანხა რჩებოდა.

1912 წ. ბათუმის შემოსავალი დამტკიცდა 639180 რუბლის, გასავალი კი - 678837 რუბლის ოდენობით, მაგრამ ბიუჯეტის შემოსავალი თავის ზოგიერთ ნაწილში ფიქტიური იყო. გამგეობამ კარგად იცოდა, რომ იგი 70%-ით თუ შესრულდებოდა. 1913 წ. შეეცადნენ დაახლოებოდნენ რეალობას. დაგეგმეს შემოსავალი 548504 რუბლის ოდენობით, თუმცა, გამგეობამ იცოდა, რომ ფაქტობრივი შემოსავალი არ გადააჭარბებდა 438 ათას რუბლს, რაც ვერ დაფარავდა გასავალს. დეფიციტში ელოდნენ 105 ათას რუბლს.²⁰⁸

ფინანსური კრიზისის პერიოდში ბათუმის მუნიციპალური მოღვაწეები შედარებით მეტ იმედს ამყარებდნენ თვითმმართველობის საკუთრება-გამგებლობაში მყოფ საწარმო-დაწესებულებებზე, ცდილობდნენ რაციონალური ექსპლოატაციის გზით თანდათან გაეზარდათ შემოსავალი. მაგ., 1913 წ. მუნიციპალურ წარმოება-დაწესებულებაში მთელმა შემოსავალმა შეადგინა 112 ათასი რუბლი, საიდანაც მათსევე დაიხარჯა 71 ათასი რუბლი, სუფთა მოგების სახით დარჩა 41 ათასი რუბლი, ეს თანხა მოხმარდა ქალაქის სხვა საჭიროებათა დაკმაყოფილებას. ქალაქის ბიუჯეტის შევსებაში მნიშვნელოვანი იყო თვითმმართველობის კუთვნილი მიწის ნაკვეთებისა და შენობების შემოსავალი. 1913 წ. მიწის ნაკვეთების იჯარამ და შენობების ქირამ შეადგინა 54 ათასი რუბლი, რომლის მხოლოდ ნახევარი დაიხარჯა ამ ობიექტებზე.²⁰⁹

ბიუჯეტის სხვა საშემოსავლო მუხლები ან ძალიან ნელა იზრდებოდა (უძრავი ქონების შეფასებითი გამოსაღები), ან შემცირების ტენდენციასაც კი ავლენდა. თვითმმართველობის ბიუჯეტის დეფიციტურობის მთავარი მიზეზი, როგორც უკვე აღინიშნა, იყო საბაჟო გამოსაღების წილის დაკარგვა (1902 წ.).

ბათუმის მუნიციპალიტეტი, ბუნებრივია, ყოველ საშუალებას იყენებდა ბიუჯეტის წონასწორობაში მოსაყვანად. ზოგჯერ სხვა გამოსავალი არ იყო და ამცირებდა მიმდინარე ხარჯებს.

საკაღალაქო თვითმმართველობამ 1909 წ. მოითხოვა მეორე საობლიგაციო სესხის გამოშვების ნებართვა. ამ სესხის რეალიზაციით მიღებული 3,4 მლნ რუბლი უნდა მოხმარდებოდა ქალაქის კანალიზაციას, ჰიდრავლიკურ სადგურს, თეატრს, ბათუმ-ყარსის გზატკეცილს, ჭაობების ამოშრობას, ვაღის დაფარვას და ბიუჯეტის დეფიციტის აღმოფხვრას. მთავრობამ უკვე აღარ სცნო ბათუმის თვითმმართველობა საიმედო გადამხდელად და არ მისცა საობლიგაციო სესხის გამოშვების ნებართვა.²¹⁰

ძალიან დაგიანებით, როგორც ითქვა, ბათუმის თვითმმართველობამ მიიღო სახელმწიფო ბაჟის დამატების სახით საფუთო გამოსაღების დაწესების უფლება დადგინდა, რომ ნავსადგურიდან გატანილ ერთ ფუთ ნავთობზე უნდა აეღო 1/8 კაპ., მარგანეცზე - 1/10 კაპ., სხვა საქონელზე 1/4 კაპიკი. ამ გამოსაღებმა 1914 წ. 24 თებერვლიდან 1 თვისამდე თვითმმართველობის საღაროს შემატა 31458 რუბლი. ეარაოდნენ, მთელი წლის განმავლობაში ბიუჯეტს შეემატებოდა 180-200 ათასი რუბლი, ეს კარგ საფუძველს შექმნიდა ფინანსური კრიზისის დასაძლევად, მაგრამ შემოსავლის ახალი წყარო მალე დაშრა - დაიწყო მსოფლიო ომი, შავი და

²⁰⁷ Памятная книжка ... с. 155.

²⁰⁸ იქვე, გვ. 9-10.

²⁰⁹ სცსა, ფ. 13, აბ. 2, ხ. 1561, ფურც. 9, 25-29.

²¹⁰ Памятная книжка ... с. 155.

ხმელთაშუა ზღვების შემაერთებელი სრუტეები ჩაიკეტა თითქმის მთლიანად შეწყდა ნავსადგურით ექსპორტ-იმპორტიც. 1916 წ. საფუთო გამოსაღებიდან ნავარაუდვეი იყო მხოლოდ 10 ათასი რუბლის შემოსევა ომით გამოწვეული სიმცირეების გამო შემცირდა ბუჯეტის სხვა მუხლებით გათვალისწინებული შემოსავალიც.

1915 წ. უნდა აერჩიათ საქალაქო სათათბიროს ახალი შემადგენლობა შექმნილი რთული ვითარების გამო, ქალაქისთავმა მოითხოვა არჩევნების გადადება, ნორმალური მდგომარეობის აღდგენამდე ძველი სათათბიროსა და გამგეობის უფლებამოსილების გაგრძელება ეს წინადადება მთავრობის ადგილობრივმა ადმინისტრაციამ უარყო, თუმცა მაინც დაიწყო ქალაქში შექმნილი მდგომარეობის შესწავლა დადგინდა, რომ ომის დაწყებისა და ბათუმის ფრონტისკირა ზონად გადაქცევის გამო ქალაქი დატოვა მოსახლეობის უმრავლესობამ და იქ რჩებოდა მხოლოდ 7385 მცხოვრები, ომამდელი მოსახლეობის 20%. პანიკას მოჰყვა ბევრი სამრეწველო-სავაჭრო დაწესებულების დახურვა, მოსახლეობის ცხოვრების დონის დაქვეითება, გადახდისუნარიანობის დაკემა და თვითმმართველობის შემოსავლის კიდევ უფრო შემცირება. ამის მიუხედავად, მთავრობის ბრძანებით, არჩევნები მაინც ჩატარდა საქალაქო სათათბიროს ხორსინის სტატუსში მიიღო 41 კაცმა ქალაქისთავად კვლავ იუ. ანდრონიკაშვილი აირჩიეს, მის მოადგილედ - ე. კონინციკი.²¹¹

ბათუმის ნავსადგურის ტვირთბრუნვის მოცულობას მსოფლიო ბაზრის კონუნქტურა განსაზღვრავდა, ხოლო ვაჭრობა-მრეწველობის მდგომარეობაზე დამოკიდებული იყო ბათუმის საშემოსავლო ბიუჯეტის შეესება ამ პირობების შეცვლამ გამოიწვია თვითმმართველობის ფინანსური სიმცირეები, მაგრამ მუნიციპალიტეტთა საერთო, რუსეთის მასშტაბის კრიზისი განაპირობა მეფის მთავრობის კონსერვატიულმა კანონმდებლობამ, მისი ადმინისტრაციის ანტიდემოკრატიულმა საქმიანობამ.

1892 წ. საქალაქო დებულება საგრძნობლად ზღუდავდა თვითმმართველობათა ინიციატივას, მათ ფინანსურ-საბიუჯეტო უფლებებს. თითქმის ყველა მუნიციპალური მოღვაწისათვის ცხადი ხდებოდა, რომ არსებული კანონმდებლობის პირობებში არ შეიძლებოდა თვითმმართველობათა დემოკრატიზაცია, მათი კრიზისიდან გამოყვანა ამ ნიადაგზე რუსეთის იმპერიაში თავს იჩენდა და თანდათან ძლიერდებოდა ბურჟუაზიული, მუნიციპალური ოპოზიცია, რომელსაც გამბედაობასა და ძალას მატებდა პროგრესული ინტელიგენციის მხარდაჭერა.

ბათუმის თვითმმართველობის მოღვაწეები საერთო დემოკრატიულ პოზიციაზე იდგნენ. მათი წარმომადგენლები თითქმის ყოველთვის მონაწილეობდნენ კავკასიის და რუსეთის ქალაქების წარმომადგენელთა ყრილობებში, სხვებთან ერთად მოითხოვდნენ ახალი საქალაქო დებულების შემუშავებას, თვითმმართველობის უფლება-კომპეტენციის გაფართოებას.

1913 წ. ნოემბერში თბილისში ჩატარდა კავკასიის ქალაქების წარმომადგენელთა II ყრილობა შესავალი სიტყვა წარმოსთქვა თავმჯდომარემ ა. არღუთინსკიმ (არღუთაშვილმა). მან საქალაქო თვითმმართველობათა პოლიტიკური და ეკონომიკური (ფინანსურ-საბიუჯეტო) კრიზისის მიზეზად ცარიზმის კანონმდებლობა გამოაცხადა მუნიციპალიტეტის ფინანსური უფლება, მისი განცხადებით, ძალზე შეზღუდული და მკაცრად ნორმირებული იყო. საქალაქო დაბეგერას ის ექვემდებარებოდა, რაც სახელმწიფო დაბეგერის შემდეგ რჩებოდა იყო გადასახადები, რომელთაც თვითმმართველობის საღარო უნდა შეეხოს, მაგრამ სახელმწიფო ბიუჯეტში რიცხავდნენ. საეალა-

²¹¹ აცხა, გ. 7, ს. 580, ფურც. 134; ს. 602, ფურც. 11.

ლო ისიც იყო, რომ საქალაქო თვითმმართველობას მიიჩე ტვირთად აწვა საერთო-სახელმწიფო ვალდებულებანი (ჯარისა და პოლიციის შენახვა), ყრილობამ გადაუდებელ საქმედ მიიჩნია საქალაქო თვითმმართველობის საბიუჯეტო-ფინანსური უფლების გაფართოება, დაბეგრის ობიექტების გამრავლება, ქალაქებისათვის ზოგი სახელმწიფო გადასახადის გადაცემა, თვითმმართველობის გათავისუფლება საერთო სახელმწიფო ვალდებულებებისაგან. ერთი სიტყვით, ქალაქთა წარმომადგენლებმა მოთხოვეს მუნიციპალიტეტისათვის ნამდვილი ფინანსური უფლებების მიცემა. თუ სახელმწიფო და საქალაქო შეუზღუდავი ფინანსური გამოიჯენა შეუძლებელია, მაშინ მთავრობამ უარი უნდა თქვას ნახევარზომებზე და გადავიდეს ე.წ. დოტაციების სისტემაზე, როგორც ეს მიღებულია დასავლეთ ევროპაში.²¹²

პირველი მსოფლიო ომის დაწყების შემდეგ ნაშოკალიბდა რუსეთის ქალაქთა კავშირი და მისი კავკასიის ფილიალი. ქალაქთა კავშირის ფუნქციები თანდათან გაფართოვდა. 1915 წ. მაისში ჩატარდა კავკასიის ქალაქთა წარმომადგენლების IV ყრილობა, რომლის მუშაობაში მონაწილეობდნენ ბათუმიდან წარგზავნილებიც. ყრილობამ, სხვაასთან ერთად, განიხილა სიძვირება და ეპიდემიებთან ბრძოლის საკითხები და დაადგინა: 1. აღიძრას შუამდგომლობა მთავრობის წინაშე პირველი მოთხოვნების საგნებით მოსახლეობის მომარაგებაში ქალაქთა კავშირის კომპეტენციის გაფართოებისა და მისთვის გრძელვადიანი კრედიტის გახსნის თაობაზე; 2. მიზან-შეწონილად ჩაითვალოს ქალაქთა კავშირისა და კოოპერაციული ორგანიზაციების წარმომადგენელთა მონაწილეობა სასურსათო პრობლემაზე მომუშავე მთავრობის კომისიებში; 3. გადაუდებელ საქმედ ჩაითვალოს ქალაქის თავების ხელმძღვანელობით საგუბერნიო და სამაზრო სასურსათო კომისიების შექმნა; 4. მუნიციპალური სავაჭრო ქსელი მოეწყოს კომერციულ საწესებურებზე, რადგან საქონლის თვითღირებულების მიხედვით გაყიდვა საფრთხეს შეუქმნის კერძო ვაჭრობას და მიგეიყვანს მუნიციპალიტეტების მიერ სასურსათო საქმის მონოპოლიამდე.²¹³

კავკასიის ქალაქთა კავშირი დიდ როლს ასრულებდა დაჭრილი ჯარისკაცებისა და ლტოლვილთა დახმარების საქმეში. 1914 წლის 9 ნოემბერს კავკასიის ქალაქთა კავშირის ბიურომ დაადგინა ფრონტის საჭიროებისათვის ამიერკავკასიაში მოეწყო ლაზარეთები 25 ათასი საწოლით და გაემართა 30 სანიტარული მატარებელი ზურგში დაჭრილების გადმოსაყვანად. დადგენილება შესრულდა ომის 3 წლის განმავლობაში გაიხსნა ლაზარეთები 28 ათასი საწოლით. ამის გარდა შეიქმნა 6 სანიტარულ-სატრანსპორტო რაზმი, 19 საექიმო პუნქტი, 6 სადენინფექციო კამერა.

კავკასიის ქალაქთა კავშირმა ლტოლვილთა მომსახურებისათვის გახსნა 74 საექიმო-საფერწლო პუნქტი, 8 საჩაიე, 36 აბანო და სხვ. ქალაქთა კავშირის მიერ არმიისა და ლტოლვილთა მომსახურებისათვის დაარსებულ დაწესებულებებში მუშაობდა 17 ათასი ადამიანი, რომელთა გარკვეული ნაწილი ბათუმში საქმიანობდა.²¹⁴

სრულიად რუსეთის ქალაქთა კავშირმა და მისმა კავკასიურმა ფილიალმა ომის წლებში უადრესად დიდი როლი შეასრულა, მგარამ მეფის მთავრობას არც უეჭვრია მუნიციპალიტეტების უფლება-კომპეტენციის გაფართოებაზე. მხოლოდ 1917 წ. თებერვლის რევოლუციის, ცარიზმის დამხობისა და დემოკრატიული მთავრობის ფორმირების შემდეგ შეიქმნა საქალაქო თვითმმართველობის ახალ საფუძველზე რეორგანიზაციის

²¹² Известия Тифлисского общественного управления, 1914, №1.

²¹³ Известия..., 1915, №6-7, с. 60-65.

²¹⁴ Краткий отчет о деятельности Кавказского отдела Всероссийского союза с начала объявления войны с Турцией по июль 1917 года, с. 20-31.

პირობები.

1918 წ., საქართველოს დამოუკიდებლობის აღდგენის შემდეგ, საქალაქო რეფორმები გატარდა თბილისში, ქუთაისში, ფოთში და ზოგ სხვა ქალაქში. ბათუმის ოლქი ამ დროს ჯერ თურქთა, ხოლო შემდეგ – ინგლისის ოკუპაციის ქვეშ იყო. ინგლისის სამხედრო ხელისუფალთა დახმარებით ბათუმის საქალაქო თვითმმართველობაში რუსები (დენიკინელები) გაბატონდნენ. საქალაქო მეურნეობის დაცემის ადრე დაწყებული პროცესი გაგრძელდა. მხოლოდ 1920 წ. იელისიდან, როცა ბათუმის ოლქში აღდგა საქართველოს იურისდიქცია, შეიქმნა ნორმალური პირობები საქალაქო თვითმმართველობის დემოკრატიზაციის, მისი უფლება-კომპეტენციის გაფართოებისათვის, მაგრამ მცირე ხნით. 1921 წ. მარტში ბათუმის ბურჟუაზიულ-დემოკრატიული მუნიციპალიტეტი გაუქმდა აჭარამ და მისმა ადმინისტრაციულმა ცენტრმა შეიცვალა განეთარების გზა.

§ 3. ვაჭრობა და საბანკო-საკრედიტო ურთიერთობანი

XIX საუკუნის 70-90-იან წლებში საგრძნობლად გაფართოვდა საქართველოს შინავაჭრობა და რუსეთის საგარეო ვაჭრობაში მისი მონაწილეობა. რკინიგზების გაყვანის, სასაქონლო მიწათმოქმედებისა და მრეწველობის განვითარების, საბანკო-საკრედიტო დაწესებულებათა დაარსების შედეგად განმტკიცდა საქართველოს ცალკეულ რეგიონთა ეკონომიკური კავშირი, გაფართოვდა საქონელმომოქცევა საქართველოში წარმოებულმა სასაქონლო პროდუქციის საკმაო ნაწილმა გზა გაიკაფა, აგრეთვე, რუსეთისა და საზღვარგარეთის ბაზრებისაკენ. ჩვენი ქვეყანა, მისი თითქმის ყველა რეგიონი, მეტ-ნაკლებად ჩართული აღმოჩნდა მსოფლიო საქონელმომოქცევაში, საერთაშორისო ვაჭრობაში. თუ XIX ს. პირველ ნახევარში საქართველოს გარე სამყაროსთან ვაჭრობის ბალანსი პასიური იყო, რის გამოც ვალუტა აქედან რუსეთსა და საზღვარგარეთ მიედინებოდა, 70-იანი წლების შემდეგ სწრაფად გაიზარდა საქართველოდან გატანილი საქონლის ღირებულება და მან დიდად გადააჭარბა შემოტანილს საგარეო ვაჭრობის ბალანსი აქტიური გახდა.

სასაქონლო მეურნეობაზე დამყარებული დარგობრივი სპეციალიზაცია, შრომის საზოგადოებრივი დანაწილების გაღრმავება და მოსახლეობის სოციალური დიფერენციაცია იწვევდა საშინაო ბაზრის მნიშვნელოვან გაფართოებას, ისრდებოდა გლეხობის, საერთოდ, სოფლის მოსახლეობის მოთხოვნილება სამრეწველო საქონელზე, არასამიწათმოქმედო მოსახლეობისა - სურსათ-სანოვაგეზე, ორივესი ერთად - ფართო მოთხოვნილების სხვა საგნებზე, აგრეთვე წარმოების საშუალებებზე. ეს გარემოება ყოველთვის როდი იყო მოსახლეობის ეკონომიკური შექცევის ამალგების მაჩვენებელი. ძირითადად იგი სასაქონლო და კაპიტალისტური ურთიერთობის განვითარებით, ნატურალურის ხარჯზე საქონლური მომხმარებლობის გაზრდით იყო გამოწვეული.

ბათუმის ოლქში წარმოებული სასოფლო-სამეურნეო და სამრეწველო პროდუქცია ძირითადად ადგილზე და საქართველოს სხვა კუთხეებში იყიდებოდა. ვაჭრობის საგანი იყო სიმინდი, ლობიო, ხორცი, რძის პროდუქტები, რკინა-კაყეული, ხელოსნური ნაწარმი. XIX-XX საუკუნეთა მიჯნაზე ადგილობრივ და რუსეთის ბაზრებზე გამოჩნდა აქაური ჩაი, ციტრუსები, თაბაკა, ართვინული ზეთისხილი, ვაშლი და მსხალი.

საქართველოს ერთ-ერთ დიდ სავაჭრო ცენტრად გადაიქცა ბათუმი. შინავაჭრობაში მეტნაკლებ როლს ასრულებდნენ, აგრეთვე, ქობულეთი, ჩაქვი, ართვინი, არტანუჯი, ციხისძირი. თავს იჩენდა ზოგი სხვა სოფლის სახელოსნო-სავაჭრო პუნქტებად გადაქცევის ტენდენცია ამ ადგილებში იყენენ მოკალათებული ვაჭარ-შემსყიდველები, რომელნიც საშუაშაგლო როლს ასრულებდნენ მწარმოებელ და მომხმარებელ მოსახლეობას შორის.

XIX-XX საუკუნეთა მიჯნაზე მარტო ბათუმში მოქმედებდა 1000-ზე მეტი სავაჭრო დაწესებულება. მათ შორის იყო: მანუფაქტურის მაღაზია - 29 (წლიური ბრუნვა 80 ათას რუბლამდე, მოგების ნორმა - 7-10%), საგალანტერიო მაღაზია - 39 (ბრუნვა - 2-35 ათასი, მოგების ნორმა - 8-11%), საოჯახო ავეჯისა და ჭურჭლეულის მაღაზია - 12 (ბრუნვა - 3-40 ათასი, მოგების ნორმა - 7-10%), საიუველირო და საათების სავაჭროები - 6 (ბრუნვა - 3-20 ათასი, მოგების ნორმა - 12%), შალისა და ტყაყის ნაწარმის სავაჭროები - 13 (ბრუნვა - 10-30 ათასი, მოგების ნორმა - 8-12%), რკინის ნაკეთობათა დუქან-მაღაზიები - 9 (ბრუნვა - 6-35 ათასი, მოგების ნორმა - 8-10%), საკრავი მანქანებისა და ელქოსიპედების სარეალიზაციო მაღაზიები - 5 (ბრუნვა - 5-20 ათასი, მოგების ნორმა - 15%), ქენახშირისა და ხე-ტყის საწყობები - 11 (ბრუნვა - 10-30 ათასი, მოგების ნორმა - 12%), ხე-ტყის მასალის სარეალიზაციო საწყობები - 17 (ბრუნვა - 8-47 ათასი, მოგების ნორმა - 8-10%), კაკლის ხით და აბრეშუმის პარკით ვაჭრობის პუნქტები - 2 (ბრუნვა - 62-240 ათასი, მოგების ნორმა - 10%), სამშენებლო მასალათა საწყობები - 6 (ბრუნვა - 10-400 ათასი, მოგების ნორმა - 3-5%), სიმინდით, პურის ფქვილითა და გამომცხვარი პურით ვაჭრობის დაწესებულებები - 11 (ბრუნვა - 5-300 ათასი, მოგების ნორმა - 5-10%), ხორცის დუქან-მაღაზიები - 26 (ბრუნვა - 3-50 ათასი, მოგების ნორმა - 6-7%), საბაყლო და საწვრილმანო დუქნები - 242 (ბრუნვა - 1-20 ათასი, მოგების ნორმა - 10%), ღვინო-სპირტის საბითუმო ვაჭრობის საწყობები და საცალო ვაჭრობის დუქან-მაღაზიები - 64 (ბრუნვა - 2-20 ათასი, მოგების ნორმა - 15%), საფურაუე მაღაზიები - 23 (ბრუნვა - 2-20 ათასი, მოგების ნორმა 6%), ტრაქტორები - 34 (ბრუნვა - 2-8 ათასი, მოგების ნორმა 20%), რესტორნები - 8 (ბრუნვა - 2-5 ათასი, მოგების ნორმა 25%), საყაფეები - 6 (ბრუნვა - 3-6 ათასი, მოგების ნორმა 25%). ამის გარდა, ბათუმში იყო სხვა წერილი დუქნები, რომელთა ბრუნვა არ აღემატებოდა 1-4 ათას რუბლს.²¹⁵

სტატისტიკა საშუალებას არ იძლევა დავადგინოთ წერილი, საშუალო და მსხვილი სავაჭრო დაწესებულებების თანაფარდობა, მათი კაპიტალის ოდენობა და ხედრითი წონა ქალაქის შინავაჭრობაში. მაგრამ წარმოდგენილი მასალა ცხადყოფს, რომ ბათუმში იყენენ ვაჭრები, რომლებიც 100-400 ათას რუბლს ატრიალებდნენ და ტონს აძლევდნენ ქალაქის კომერციულ ცხოვრებას. მსხვილ საწყობებსა და სავაჭრო დაწესებულებებში, უდავოა, ბლომად იყენენ დასაქმებული ნოქრები და სხვა დამხმარე მუშახელი. ბათუმის სავაჭრო ბურჟუაზია, საერთოდ, საკმაოდ მძლავრი სოციალური ფენა იყო, რომლის ოპერაციები ფართო ხასიათს ატარებდა. ამდენად, ბათუმში იყო არა მარტო სამრეწველო, არამედ შინავაჭრობის მნიშვნელოვანი ცენტრიც.

კიდევ უფრო დიდ როლს ასრულებდა ბათუმში და მისი ნავსადგური რუსეთის (მეტროპოლია) და საქართველოს (კოლონია) საქონელმომოქცევაში. 1879 წ. რუსეთიდან საზღვაო-სანაოსნო გზით საქართველოში შემოვიდა 16 მლნ რუბლის საქონელი,

²¹⁵ Батум и его окрестности, 1906, с. 408-417.

1889 წ. - 22 მლნ რუბლისა,²¹⁶ საკაპიტალო ნაოსნობით შემოტანილი საქონლის საგრძნობი ნაწილი ბათუმის ოლქში ვრცელდებოდა. აქაური მოსახლეობა საკმაოდ დიდი რაოდენობით მოიხმარდა რუსეთიდან შემოზიდულ ფქვილს, შაქარს, სპირტს, მედიკამენტებს, რკინა-კაევეულს, ქსოვილებს რუსეთის გემებს ბათუმიდანაც მიჰქონდათ ქართულ-კავკასიური პროდუქცია, მაგრამ გაცილებით მცირე რაოდენობით. ბათუმის ოლქიდან რუსეთში თანდათან მზარდი რაოდენობით გადიოდა თამბაქო, აბრეშუმის პარკი, ხილი, XX ს. დამდეგიდან – ჩიი და ციტრუსები.

ბათუმი გადაიქცა საერთაშორისო-სატრანზიტო ეპორტის მნიშვნელოვან ცენტრად. ბაქოს ნავთობი უცხოეთის ბაზრებზე თითქმის მთლიანად ბათუმის ნავსადგურის მეშვეობით გადიოდა.

ბაქოს ნავთობის ექსპორტს უცხოეთში დასაბამი მიეცა 1883 წ., როცა ბათუმიდან დასავლეთ ევროპის ბაზრებზე გაიგზავნა 3,3 მლნ ფუთი. 1888 წ. ნავთობის ექსპორტმა ევროპა-აზიის ქვეყნებში მიაღწია - 28,5 მლნ ფუთს ბაქოდან ბათუმიში გადაზიდვა საგრძნობლად ფერხდებოდა სურამის ქედზე, სადაც ამიერკავკასიის რკინიგზის მაგისტრალი ორ ნაწილად იყო გაწყვეტილი. აქ აღმოსავლეთიდან დასავლეთისაკენ და პირუტყუ ტვირთი გადაქონდათ ურმებით, რაც საქონლის მიმოქცევას ანელებდა და თეთლირებულეებს ადიდებდა. აუცილებელი გახდა სურამის ქედში გვირაბის გაყვანა. მუშაობა 4 წელი გაგრძელდა. სურამის გვირაბი, რომლის გაყვანა 2 მლნ რუბლი დაჯდა, 1890 წ. 16 სექტემბერს გაიხსნა ამიერკავკასიის რკინიგზის გამტარუნარიანობა საგრძნობლად გაიზარდა.

სურამის გვირაბის ექსპლოატაციაში შესვლის შემდეგ ბაქოს ნავთობის გადაზიდვა რკინიგზით და, შესაბამისად, მისი ბათუმის ნავსადგურის მეშვეობით ექსპორტი სწრაფად გაფართოვდა. 1890 წ. უცხოეთის ბაზრებზე გაიგზავნა 47 მლნ ფუთი ნავთობი, 1893 წ. - 62,5, 1899 წ. - 68,4, 1902 წ. - 84 მლნ ფუთი ნავთობი.²¹⁷

ნავთობის საერთაშორისო-სატრანზიტო ეპორტში ჩაბმული იყო უცხოელ და ადგილობრივ კაპიტალისტთა 18 ფირმა. მათგან გაბატონებული მდგომარეობა მოიპოვა როტშელდის, ნობელისა და მანთაშევის ფირმებმა. 1897 წ. ამ სამმა ფირმამ გაიტანა 50,5 მლნ ფუთი ნავთობი, სხვა დანარჩენმა კი - 15,1. 1899 წ. სამეულმა გაიტანა 54,3, სხეებმა - 16,8, 1902 წ. სამეულმა - 57,5, სხვა ფირმებმა - 26,6 მლნ ფუთი ნავთობი.

დასახელებული სამი მსხვილი ფირმა სრული მონოპოლიისაკენ მიისწრაფოდა, მაგრამ საშუალო შეძლებისა და წერილი მრეწველ-ექსპორტიორები გარკვეულ დრომდე საკმაო გამძლეობას იჩენდნენ. ბაქოს ნავთობის მოპოვების, გადამუშავებისა და ექსპორტის შედარებით სიიფუტე, მისი თეთლირებულეების შედარებითი სიმცირე რუს მენავთობეებს მსოფლიო ბაზარზე უპირატესობას, კონკურენციაში ამერიკელი და რუმინელი მენავთობეების დამარცხების საშუალებას აძლევდა. ამას ემატებოდა ისიც, რომ რუსეთის (ბაქოს) მაღალხარისხიან ნავთობზე კარგა ხანს დიდი მოთხოვნილება არსებობდა, რის გამოც ბაქოელ-ბათუმელი საშუალო და წერილი მრეწველ-ექსპორტიორები ჯერ კიდევ ახერხებდნენ შევსრულებინათ მსხვილ მრეწველთა და ექსპორტიორთა თანამგზავრის როლი.

ნავთობის ექსპორტში დიდი როლი შეასრულა ბაქო-ბათუმის ნავსადგენმა მილმა, რომლის გაყვანა 1900 წ. დამთავრდა. ამან კიდევ უფრო შეამცირა ბაქოს ნავთობის თეთლირებულეება, გაზარდა ბაქო-ბათუმის მრეწველ-ექსპორტიორთა კონკურენტუნარიანობა.

²¹⁶ საქართველოს ისტორიის ნარკვევები, ტ. 5, გვ. 413-414.

²¹⁷ Батум и его окрестности, 1906, с. 310-311.

როგორც აღინიშნა, ბათუმიდან ნავთობი ექსპორტში მიდიოდა როგორც თუნუქის ბიდონებით, ისე ტანკერებით. XIX ს. 80-იან წლებში ჭარბობდა თუნუქის ბიდონებით გატანა, 90-იან წლებში კი უპირატესობა მოიპოვა ტანკერებით ექსპორტმა. 1897 წ. მსოფლიო ბაზრებზე თუნუქის ბიდონებით გაიზარდა 20,8 მლნ ფუთი, ტანკერებით - 34,5; 1899 წ. - ბიდონებით 23,3, ტანკერებით - 36,8; 1901 წ. - ბიდონებით 26,7, ტანკერებით - 40,8; 1902 წ. - ბიდონებით 19,6, ტანკერებით - 53,2 მლნ. ფუთი ნავთობი უპირატესად ტანკერებით იგზავნებოდა, აგრეთვე, ნავთობის სხვა პროდუქტები (ზეთები, ბენზინი, მასუთი, ნარჩენები და სხვ.), რაც სხვადასხვა წლებში შეადგენდა 8-9 მლნ ფუთს, ბიდონებითა და კასრებით კი მხოლოდ - 1,5 მლნ ფუთს.²¹⁸

ბაქოდან რუსეთის შიდაბაზრებზე ნავთობი იგზავნებოდა როგორც კასიის ზღვითა და მდ. ეოლგის გზით, ისე ბათუმის ნავსადგურიდან. 1888-1902 წლებში ბათუმიდან გატანა მერყეობდა 3-7 მლნ. ფუთს შორის. ჩამორჩენილ რუსეთში ამ ენერგორესურსზე დიდი მოთხოვნილება არ არსებობდა. მისი ქარხნები და მოსახლეობა ყოველწლიურად საშუალოდ მოიხმარდა 10 მლნ ფუთ ნავთობპროდუქტს.

ბაქოში მოპოვებულ-გადაამუშავებულ და ბათუმიდან ექსპორტირებული ნავთობის 90% სადღებოდა დასავლეთ ევროპის, აზიისა და აფრიკის ქვეყნებში. ნავთობის გატანაზე დასაქმებული იყო მრავალი სახომალდო კომპანია და ცალკეული გემთმფლობელი. ბაქოს ნავთობის ექსპორტში რუსეთის მხოლოდ 8 გემი მონაწილეობდა (მათი საერთო ტევადობა 14 ათას ტონას არ აღემატებოდა). ბაქოს ნავთობის ექსპორტით მდიდრდებოდნენ ინგლისელი გემთმფლობელები, რომელთა ტანკერებისა და სხვაგვარი სატვირთო გემების (51 ერთეული) საერთო ტევადობა 150 ათას ტონას აღწევდა. ექსპორტში მონაწილეობდნენ, აგრეთვე, ბელგიის, ჰოლანდიის, ესპანეთის, ავსტრიისა და ირანის გემები, მათ მეპატრონეთა ხელში გადადიოდა ბაქო-ბათუმელი მენავთობეების (მრეწველებისა და მუშების) მიერ შექმნილი ღირებულებისა და მოგების გარკვეული ნაწილი.²¹⁹

ნავთობის მსოფლიო ბაზარზე ერთმანეთს უპირისპირდებოდნენ და საკონკურენტო ბრძოლაში მონაწილეობდნენ რუსეთში, აშშ-ში, ინგლისში, რუმინეთში მოქმედი სააქციო საზოგადოებები, კომპანიები და ინდივიდუალურად მოვაჭრენი. რუსეთის იმპერიაში, როგორც უკვე აღინიშნა, წამყვანი პოზიციები ეკავათ ნობელის, როტშილდისა და მანთაშევის ფირმებს. XX ს. დამდეგს მათ გაუჭირდათ ამერიკულ და ინგლისურ კომპანიებთან საკონკურენტო ბრძოლა და მოსინჯეს ნიადაგი მათთან შეთანხმებისათვის, სცადეს საკონკურენტო ბრძოლის რეგულირება, გარკვეულ საფუძველზე ამერიკულ-ინგლისურ კომპანიებთან გაერთიანებაც კი, მაგრამ მსოფლიო კარტელის შექმნის იდეა არ განხორციელდა. კონკურენტთა კიდევ უფრო გამწვავდა.

XX ს. დამდეგს აშშ-მა დიდად გაუსწრო რუსეთს ნავთობის მოპოვება-გადაამუშავების მასშტაბებით. იქ ჩამოყალიბდა მონოპოლიისაკენ მიმსწრაფი რამდენიმე გაერთიანება. პირველ ხანებში ამერიკელმა მენავთობეებმა მიზანშეწონილად ჩათვალეს თანამშრომლობა სხვებთან, დადეს შეთანხმება ბაზრების გაყოფის, ნავთობის გაყიდვის პირობებისა და გადახდის ვადების თაობაზე. ამერიკულმა კომპანიებმა სხვა ქვეყნების ფირმებთან ურთიერთობაში ერთიანობა შეინარჩუნეს. რუსეთში მოქმედმა სააქციო საზოგადოებებმა და კომპანიებმა კი ეს ვერ მოახერხეს, კონკურენტებს ერთიანი ნებისყოფა ვერ დაუპირისპირეს და გასაღების ბაზრებისათვის ბრძოლაში მარცხი განიცადეს. ამერიკულმა ნავთობმა, მისმა მრეწველ-ექსპორტიორებმა დაიპყ-

²¹⁸ ვლ.სიჭინავა, ბათუმის ისტორიიდან, გვ. 140.
²¹⁹ იქვე, გვ. 154-155.

რეს აზია-აფრიკისა და მნიშვნელოვანწილად დასავლეთ ევროპის ბაზრებიც, ამ რეგიონებში ბაქოს ნავთობის გასაღება შეფერხდა, ბათუმელ მრეწველ-ექსპორტიორთა პოზიციები თანდათან შესუსტდა ამაზე მეტყველებს სტატისტიკაც.

ბათუმიდან დასავლეთ ევროპის ქვეყნებში გაიტანეს ნავთობი: 1901 წ. - 33 მლნ ფუთი, 1902 წ. - 44, 1903 წ. - 44, 1904 წ. - 42 მლნ ფუთი ამის შემდეგ დაიწყო ნავთობის ექსპორტის მკვეთრი შემცირება. ბათუმიდან დასავლეთ ევროპაში გაიგზავნა 1905 წ. - 22, 1906 წ. - 15, 1907 წ. - 17 მლნ ფუთი, შემდეგ წლებში კი კიდევ უფრო ნაკლები.

ბათუმიდან აზია-აფრიკის ქვეყნებში გაიგზავნა 1901 წ. - 31 მლნ ფუთი, 1902 წ. - 24, 1903 - 23, 1904 წ. - 22, 1905 წ. - 7, 1906 წ. - 5, 1907 წ. - 8 მლნ ფუთი ნავთობი.²²⁰

ბაქოს ნავთობმა დასავლეთ ევროპაში ჯერ კიდევ შეინარჩუნა ბაზრების გარკვეული ნაწილი, აზია-აფრიკის ზოგიერთი ქვეყნიდან კი ბაქოს ნავთობი თითქმის მთლიანად გამოიღვენა. ჩინეთის, ინდოეთისა და იაპონიის ბაზრები ამერიკელმა მენავთობებმა დაიპყრეს. საკონკურენტო ბრძოლაში ბრწყინვალე გამარჯვება მოიპოვა ამერიკულმა კომპანიამ („სტანდარტ-ოილ“), ის დაეუფლა მსოფლიო ბაზრების დიდ ნაწილს.

ნავთობის გასაღების ბაზრების ნაწილის შენარჩუნების მიზნით, ბაქო-ბათუმის მრეწველ-ექსპორტიორები გაერთიანდნენ რუმინეთის ნავთობის კომპანიებთან, შეიქმნა ე.წ. „ევროპის კავშირი“, რომელიც კაპიტალით გააძლიერა გერმანიის ნაციონალურმა ბანკმა. „ევროპის კავშირის“ წარმატება დროებით იყო, რადგან იგი მოუმზადებელი აღმოჩნდა დიდი საკონკურენტო ბრძოლისათვის. საბოლოოდ „ევროპის კავშირმა“ კაპიტულაცია მოახდინა „სტანდარტ-ოილის“ წინაშე. ბაქო-ბათუმის სამრეწველო-საეკსპორტო ფირმებმა, მართალია, მთლიანად შეინარჩუნეს რუსეთის ბაზარი, მაგრამ დასავლეთ ევროპაში დასჯერდნენ უარტენზიო ადგილს.²²¹

ნავთობის ექსპორტის მინიმუმამდე შემცირების მიუხედავად, ბათუმი მაინც დიდ როლს იწარჩუნებდა სატრანზიტო-საერთაშორისო და რუსეთის შიგა ეკსპორტში. ნავთობპროდუქტების გარდა, ბათუმის ნავსადგურის ტერიტორიაში მნიშვნელოვანი ადგილი ეკავა სურსათ-სანოვაგეს, სპირტსა და ღვინოს, ფქვილსა და მარცვლეულს, ხე-ტყეს, აგურ-კრამიტს, მარგანცს, რკინას, თუნუქს, კალას, ტყვიას, სააფთიაქო საქონელს, ქსოვილებს, ხალიჩებს, აბრეშუმის პარკსა და სხვ.

1893 წ. რუსეთიდან ბათუმის ნავსადგურში შემოვიდა 6,9 მლნ ფუთი ტვირთი, საზღვარგარეთიდან კი - 5,8 მლნ ფუთი; ბათუმიდან რუსეთში გაიტანეს (ნავთობის გარდა) 2,5 მლნ ფუთი, საზღვარგარეთ კი - 2,4 მლნ ფუთი. წლიურმა ტვირთბრუნვამ შეადგინა 17,8 მლნ ფუთი. დაახლოებით ასეთივე რჩებოდა ბათუმის ნავსადგურის კომერციული აქტიურობა 1894 და 1895 წლებში.²²²

რუსეთიდან ყველაზე დიდი რაოდენობით შემოდიოდა ფქვილი და მარცვალი (წლიურად საშუალოდ 1,3 მლნ ფუთი), ხე-ტყე და ხის ნაკეთობანი (1,5 მლნ ფუთი), რკინა, სხვა ლითონები და მათი ნაკეთობა (700 ათასი ფუთი), საზღვარგარეთიდან შემოტანილ ტვირთებში მთავარი იყო ხე-ტყე (2-3 მლნ ფუთი), თუნუქი (1,5-2 მლნ ფუთი). საქართველოდან რუსეთსა და საზღვარგარეთ გატანილი ტვირთებში ყველაზე დიდი ადგილი ეკავა ძირტკბილას (700 ათასი - 1 მლნ ფუთი), მარგანცს, სიმინდს, აბრეშუმის პარკს, ბამბას, მატყლს და სხვ. ირანიდან ტრანზიტი ბათუმის მეშვეობით

²²⁰ აქვე, გვ. 154-155.

²²¹ Журн. «Нефтѣное дело», 1909, №3, с. 38-39.

²²² ვ.საჭინავა, დასახ. ნაშრ., გვ. 162-163.

შეადგენდა 2-3 მლნ ფუთს.²²³

საზღვარგარეთიდან და რუსეთიდან ტვირთის შემოტანაში და ბათუმიდან გატანაში ათასობით გემი მონაწილეობდა. 1902 წ. ბათუმის ნავსადგურში შემოვიდა უცხოეთის 2 ათასზე მეტი გემი (546 ორთქლის, 1580 იალქნიანი), 1903 წ. კი - 607 ორთქლის და 1743 იალქნიანი გემი, დიდი რაოდენობით შემოდიოდა ბათუმის ნავსადგურში საკაბოტაჟო ნაოსნობის (რუსეთის) გემები. 1900 წ. რუსეთიდან ბათუმში შემოვიდა 778 ორთქლის და 2055 იალქნიანი გემი, 1902 წ. კი - 710 ორთქლის და 2419 იალქნიანი გემი.²²⁴

1902 წ. გემებმა, არასრული მონაცემებით, ბათუმის ნავსადგურში შემოიტანეს რკინის ნაწარმი - 131 ათასი ფუთი, თუნუქი - 512 ათასი, მადანი და სხვადასხვა ლითონი - 410 ათასი, გოგირდი - 145 ათასი, შაბიამანი - 80 ათასი, ნედლეული და ნახევარად გადამუშავებული მასალა - 549 ათასი, ჩაი - 201 ათასი ფუთი და სხვ. იმავე წელს ბათუმიდან გაიტანეს (ნავთობის გარდა): სურსათი - 556 ათასი ფუთი, მარცვალი - 278 ათასი, ძირტკბილა - 695 ათასი, გამომშრალი აბრეშუმის პარკი - 75 ათასი, მატყლი - 195 ათასი, მატყლის ხალიჩები და სხვა სახის ქსოვილები - 57 ათასი, ბზა და კაკლის ხემასალა - 129 ათასი, მარგანეცი - 5 მლნ ფუთი.

ეკონომიკური კრიზისისა და პირველი რევოლუციის წლებში ბათუმის ნავსადგურის ტვირთბრუნვა მეტ-ნაკლებობით ხასიათდებოდა, საქონლის ზოგიერთი სახის შემოტანა-გატანა მცირდებოდა, ზოგის - იზრდებოდა. 1907 წ. ბათუმის ნავსადგურში შემოვიდა რკინის ნაწარმი - 220 ათასი ფუთი, თუნუქი - 436 ათასი, მადანი და სხვა ლითონი - 289 ათასი, გოგირდი - 15 ათასი, შაბიამანი - 45 ათასი, ნედლეული და ნახევარფაბრიკატები - 583 ათასი, ჩაი - 262 ათასი ფუთი. ბათუმიდან გაიტანეს სურსათ-სანოვაგე - 561 ათასი ფუთი, მარცვლეული - 988 ათასი, ძირტკბილა - 443 ათასი, აბრეშუმის პარკი - 93 ათასი, მატყლი - 170 ათასი, ხალიჩები - 39 ათასი, ბზისა და კაკლის ხემასალა - 699 ათასი და სხვ.²²⁵ არც ეს მასალაა სრული - შემოტანილი ტვირთის სიაში არ ჩანს ხორბალი, პურის ფქვილი და სხვ.

მოტანილი სტატისტიკური ცნობები ნათელყოფს, რომ ნავთის ტარის ქარხნების დახურვის გამო მარტო ნავთობის ექსპორტი კი არ შემცირდა მინიმუმამდე, არამედ საგრძნობლად შეიკეცა ყუთებისა და ბიდონებისათვის საჭირო მასალების (ხე-ტყე, თუნუქი, ტყვია) იმპორტი. თუ 1893 წ. ბათუმის ნავსადგურში შემოვიდა 2,3 მლნ ფუთი ხე-ტყე და 2 მლნ ფუთი თუნუქი, 1907 წ. შემოვიდა მხოლოდ 436 ათასი ფუთი თუნუქი, ხე-ტყე კი შემოტანილ ტვირთებში საერთოდ არ იხსენიება.

ხანგრძლივი ეკონომიკური კრიზისისა და დეპრესიის შემდეგ, 1910 წ. კვლავ დაიწყო ეკონომიკის აღმავლობა, გაიზარდა სოფლის მეურნეთა მიერ დაშაადებული სასაქონლო პროდუქცია, გამოცოცხლდა მრეწველობის ზოგიერთი დარგი, საკმაოდ გაფართოვდა შინა და საგარეო ვაჭრობის ბრუნვა. ამან, ბუნებრივია, კეთილმყოფელი გავლენა მოახდინა ქ. ბათუმზე, მისი ნავსადგურის კომერციულ საქმიანობაზე. 1903 წ. ბათუმის ნავსადგურის ტვირთბრუნვა შეადგენდა 57 მლნ, 1910 წ. - 63 მლნ, 1911 წ. - 68 მლნ, 1912 წ. - 74 მლნ ფუთს.²²⁶

კვლავ გამოცოცხლდა ქ. ბათუმის ბირჟა. აქ მრავლად საქმიანობდნენ რუსეთის და უცხოეთის ვაჭრები, სხვა საქმოსნები. ბათუმელ მენავთობეთა ბედი უკუღმა დატ-

²²³ იქვე.

²²⁴ Батум и его окрестности, с. 378.

²²⁵ ვლ.სიქინავა, დასახ. ნაშრ., გვ. 162-163.

²²⁶ საქართველოს ეროვნული ბიბლიოთეკა, ნ.ნიკოლაძის არქივი, ს. №13/14, გვ. 8-10.

რიკლდა, მაგრამ სხვა დარგის მწარმოებელ-ექსპორტიორთა კომერციული საქმიანობა გაფართოვდა. აქ იყო თავმოყრილი თამბაქოს, მატყლის, აბრეშუმის პარკის და სხვა საქსპორტო საქონლის საწყობები. ბათუმში იყრიდა თავს არა მარტო კავკასიასა და შუა აზიაში დამზადებული, არამედ ირანში გამოყვანილი აბრეშუმის პარკიც.

1912 წ. აბრეშუმის პარკის უცხოეთის ბაზრებზე გატანა შეფერხდა, რის გამოც დაგროვდა გაუსაღებელი ნედლეული. გამომშრალი აბრეშუმის პარკის მფლობელები დადგნენ არჩევანის წინაშე - ან დამატებითი საწყობები და სათავსები დაეჭირავენ ბინათ, ან საქონელი თითქმის ბედის ანაბარა დაეტოვებინათ ღია ცის ქვეშ. გასაღების კრიზისმა მინიმუმადე დასცა აბრეშუმის ფასი, დიდად დაზარალდნენ მწარმოებლებიც და ექსპორტიორებიც. ბათუმში გაიმართა სპეციალური თათბირი, რომელშიც მონაწილეობდნენ აბრეშუმის მწარმოებელთა, ექსპორტიორების, საკრედიტო დაწესებულებების, კოოპერატივების, საბირჟო კომიტეტის, ქალაქის თვითმმართველობის წარმომადგენლები. განიხილეს გამომშრალი აბრეშუმის ნორმალური გასაღების ორგანიზების საკითხი. გადაწყდა გავტარებინათ ღონისძიებანი გამომშრალი აბრეშუმის შესახებ საწყობების შექმნისა და ბათუმში დასავლეთევროპული ყაიდის გამსაღებელი ბაზრის მოწყობისათვის. სათანადო პრაქტიკული მუშაობის ჩატარების შედეგად, 1912 წ. ოქტომბრისათვის აბრეშუმის პარკის ნორმალური ფასები, ასე თუ ისე, დადგინდა ბათუმში ჩამოვიდნენ აბრეშუმის მრეწველები აღმოსავლეთ ამიერკავკასიიდან და იტალიიდან. დაიწყეს აბრეშუმის პარკის დიდი პარტიებით შესყიდვა და ფუთში იხდიდნენ 42-43 რუბლს. ყველაზე კარგი ხარისხის აბრეშუმის პარკი იყიდებოდა 44-45 რუბლად. კავკასიელმა მრეწველებმა ბათუმის ბირჟაზე შეისყიდეს 12 ათასი ფუთი აბრეშუმში, იტალიელებმა - 18 ათასი ფუთი, აქედან ქუთაისის გუბერნიაში იყო დამზადებული 16 ათასი ფუთი. დანარჩენი პროდუქცია გასაყიდად გაიგზავნა დასავლეთ ევროპის ბაზრებზე. ბათუმიდან ექსპორტში მხოლოდ ამიერკავკასიური და თურქესტანული პროდუქცია როდეს გაიდა, 1913 წ. იანვრამდე ბათუმის პორტიდან ევროპის ბაზრებზე გაიგზავნა 54 ათასი ფუთი ირანული აბრეშუმის პარკი.²²⁷

ბათუმის კომერციული ცხოვრების აღმავლობის, საგარეო ვაჭრობის გაფართოების ტენდენცია გაგრძელდა პირველი მსოფლიო ომის დაწყებამდე. შემდეგ კი ბოსფორ-დარდანელის სრუტეების ჩაკეტვის გამო ბათუმიდან საქონლის ექსპორტი თითქმის მთლიანად შეწყდა საგრძნობლად შეიკვეცა ქალაქის შინავაჭრობაც.

* * *

სასაქონლო-ფულადი ურთიერთობის, კაპიტალისტური წარმოების განვითარებისა და ვაჭრობის გაფართოების პირობებში თანდათან იზრდებოდა საბანკო კაპიტალის, კრედიტის მნიშვნელობა. მრეწველები და ვაჭრები საწარმო ბრუნვის და საქონლის რეალიზაციის დამატარების მიზნით ხშირად მიმართავდნენ უნაღლო ანგარიშსწორებას. თავისებური ხელშეკრულება-ექსილდები ბრუნვაში შედიოდა ფულის მსგავსად, მაგრამ კომერციული კრედიტი საკმარისი არ იყო გაფართოებული კაპიტალისტური წარმოებისა და დიდმასშტაბიანი სავაჭრო ოპერაციებისათვის. თანდათან მწვავედ იგრძნობოდა საბანკო კრედიტის საჭიროება.

1866 წ. თბილისში გაიხსნა რუსეთის სახელმწიფო ბანკის განყოფილება მან საბანკო-საკრედიტო ოპერაციები ბათუმში დაიწყო ოცი წლის შემდეგ. იგი აწარმოებდა ექსილდების აღრიცხვას, კუპონებისა და ფასიანი ქაღალდების გა-

²²⁷ Обзор Кутаисской губернии за 1912 г. с. 21-22.

ნადღებას, დაწესებულებებისა და კერძო პირებისაგან სხვადასხვა გადასახდელების მიღებას განყოფილება იღებდა ანაბრებს, სცემდა კრედიტებს. 1894 წლიდან სახელმწიფო ბანკი აქტიურად ჩაება ნავთობის საქსპორტო ოპერაციებში. გარკვეული პროცენტით კრედიტს უხსნიდა ადგილობრივ და უცხოელ ვაჭარ-მრეწველებს. განყოფილების ოპერაციები სწორფად გაფართოვდა. 1902 წ. მისი ბრუნვა (აქტივი და პასივი) უდრიდა 84 მლნ, 1904 წ. კი – 141 მლნ რუბლს.²²⁸

1890 წ. ბათუმში ამოქმედდა თბილისის კომერციული ბანკის განყოფილება, რომელიც ფართოდ ჩაება ქალაქის და მისი ნავსადგურის კომერციულ ცხოვრებაში. განყოფილებამ თავიდანვე დაიწყო სასაქონლო-სასესხო ოპერაციები, გირაოდ ღებულა უძრავ-მოძრავ ქონებას, გამძლე პროდუქციას და კრედიტებს უხსნიდა ნავთის მრეწველ-ექსპორტიორებს. მისი კლიენტები ნავთობის პროდუქტებს გზავნიდნენ დასავლეთ ევროპის დიდ ქალაქებსა და სხვა მნიშვნელოვან სავაჭრო-სამრეწველო ცენტრებში. თბილისის კომერციული ბანკის განყოფილების შეანაბრე მრავალი ბათუმელი გახდა. მოქალაქეებს საშუალება ჰქონდათ განყოფილების მეშვეობით შეეძინათ (გადაეცვალათ) უცხოური მონეტები, ფასიანი ქაღალდები. 1902 წ. თბილისის კომერციული ბანკის ბათუმის განყოფილების საერთო ბრუნვამ შეადგინა 172 მლნ რუბლი.²²⁹

1896 წ. ბათუმში გაიხსნა სამხრეთ რუსეთის სამრეწველო ბანკის განყოფილება, რომელსაც კლიენტებად ჰყავდა აგრეთვე ქუთაისის, ფოთის, ჭიათურის, სამტრედიის ვაჭარ-მრეწველები და სხვა საქმიანი ადამიანები. მის კომერციულ ოპერაციებში მთავარი ადგილი ეკავა თამასუქების აღრიცხვა-განაღდებას, საქონლისა და ფასიანი ქაღალდების გირაოთი მოკლევადიანი სესხების გაცემას. განყოფილების კრედიტებით ფართოდ სარგებლობდნენ ქუთაისის გუბერნიაში დამზადებული აბრეშუმის პარკის შემსყიდველი ვაჭრები, რითაც ისინი ახერხებდნენ ამ ნედლეულზე შედარებით მაღალი ფასების შენარჩუნებას და დასავლეთ ევროპაში (მარსელი, მილანი) სარფიანად გასაღებას. განყოფილებას გახსნილი ჰქონდა სპეციალური ანგარიშები, აწარმოებდა უცხოეთში ფულის გადარიცხვას, ყიდულობდა და ყიდდა ფასიან ქაღალდებს. სამხრეთ რუსეთის ბანკის ბათუმის განყოფილება არ დასჯერდა საბანკო-საკრედიტო ოპერაციებს და ჩაება ქალაქის სამრეწველო ცხოვრებაში. შეიძინა მიწის ნაკვეთი, გამართა ნავთობის ტარის დამამზადებელი ქარხანა. 1898 წ. ბანკის განყოფილებამ ხელი მოჰკიდა მარგანეცის ექსპორტსაც. საამისოდ ბათუმში გამართა საწყობები, იჯარით აიღო რკინიგზის პლატფორმა და ნავისადაგომი. მას ყოველწლიურად დასავლეთ ევროპასა და აზია-აფრიკაში გაჰქონდა რამდენიმე მილიონი ფუთი მარგანეცი. ამ გზით იგი საბანკო მოგებასთან (პროცენტი) ერთად სავაჭრო მოგებასაც იღებდა.

ბათუმის ოლქში საკრედიტო ოპერაციებს აწარმოებდნენ აგრეთვე თბილისისა და ქუთაისის სათავადაზნაურო-საადგილმამულო ბანკებიც. მათში მიწას აგირავენდნენ და სესხებს იღებდნენ ადგილობრივი მემამულეები. იმავე ბანკებში ბათუმელი მოქალაქეები აგირავენდნენ სახლებს, სხვა უძრავ ქონებას. 1914 წლისათვის თბილისის საადგილმამულო ბანკს ბათუმის ოლქის მოსახლეობაზე სესხად ჰქონდა გაცემული 2,2 მლნ. რუბლი.

ბათუმის წერილობა ვაჭარ-მეწარმეებმა და სხვა მესაკუთრეებმა, თავიანთი კომერციული ინტერესების დაცვის მიზნით, 1895 წ. დააარსეს „ურთიერთდამკრედიტებელი საზოგადოება“. თავდაპირველად იყო 145 დამფუძნებელი წევრი, 21750 რუბლის

²²⁸ Батум и его окрестности, с. 429-430.

²²⁹ იქვე, გვ. 421-423.

სააკციო კაპიტალით. 1896 წ. წვეერთა რიცხვი გაიზარდა 484-მდე, კაპიტალი - 110195 რუბლამდე. „ურთიერთდამკრედიტებელი საზოგადოების“ დამფუძნებელ წვეერთა 55% იყო ვაჭარი, 22% - სახლთმფლობელი, 18%-მოხელე, 4%-ხელოსანი. მოკლევადიან სესხად გაიცემოდა ერთ კაცზე მაქსიმუმ 2500 რუბლი, რაც სრულებით არასაკმარისი იყო მსხვილი ვაჭარ-მრეწველებისათვის. ეს იყო ძირითადი მიზეზი, რომ მოსახლეობის ეს ფენა დასახელებულ საზოგადოებაში არ გაწევრიანებულა. ბათუმის „ურთიერთდამკრედიტებელი საზოგადოება“ თავის წევრებს აძლევდა მოკლევადიან სესხებს დაგირავებული ქონების ღირებულების 40-60%-ის ოდენობით. საზოგადოებას საკმაოდ ბევრი მენაბრე გაუჩნდა, რამაც განაპირობა ძირითადი კაპიტალის მობილიზაცია და საკრედიტო ოპერაციების გაფართოება. საზოგადოების ერთ-ერთი ძირითადი ოპერაცია იყო ვექსილების აღრიცხვა-განადგება. 1895 წ. აღირიცხა 158 ათასი რუბლის ვექსილი, 1897 წ. - 613 ათასი რუბლის, 1900 წ. - 1,2 მლნ, 1902 წ. - 1,5 მლნ რუბლის ვექსილი. საზოგადოებამ სესხად გასცა - 1900 წ., - 39512 რუბლი, 1903 წ. - 100 ათასი რუბლი. 1901 საკრედიტო საზოგადოების მოგება შეადგენდა 15279 რუბლს.

ეკონომიკური კრიზისისა და პირველი რევოლუციის წლებში, როცა ნავთის ტარის ქარხნები დაიხურა და ნავთობის ექსპორტი მინიმუმამდე შეიკეცა, ბანკების და მათი განყოფილებების ოპერაციები საგრძნობლად შემცირდა. 1910 წლიდან კი, როცა შესამჩნევი გახდა სამთო-მეტალურგიული მრეწველობის აღმავლობა, თამბაქოს, აბრეშუმის, მატყლის და სხვა ნედლეულის საქსპორტო ოპერაციების გაფართოება, საბანკო-საკრედიტო ოპერაციები კვლავ გააქტიურდა. XIX-XX საუკუნეების მიჯნაზე ბათუმის ოლქშიც გამოქმდებოდა სამრეწველო, სავაჭრო და საბანკო კაპიტალის დაახლოების, მათი შერწყმის ტენდენცია.

§4. პორტო-ფრანკო ბათუმში

ბათუმით რუსეთის რაინტარმსება. XIX ს. დამდეგიდან ბათუმით განსაკუთრებით დაინტერესდა რუსეთი. მის სტრატეგიულ ინტერესებში ბათუმის მოქცევას მრავალი მიზეზი განაპირობებდა. უპირველესი ის იყო, რომ შავი ზღვის აღმოსავლეთ სანაპიროზე რამდენადმე მოხერხებული ნავსადგური რუსეთს არ ჰქონდა. მართალია, XIX საუკუნის დამდეგს იგი დაუფულა ფოთს, სოხუმს და რედუტ-კალეს (ანაკლიას), სადაც ნავმისადგომების მოსაწყობად საკმაო ფულიც დახარჯა, მაგრამ, ამის მიუხედავად, ეს ნავსადგურები დიდი ხელაოსნობისათვის მაინც გამოუსადეგი იყო. ქარის დროს გემები იქ ვერ შედიოდნენ და რეიდზე მდგომნი, არაიშვიათად, ილუპე-ბოდნენ კერძოდ, ასე იყო 1804 წლის დეკემბერში, როდესაც რედუტ-კალეს ნავსადგურის გახსნისას, ქარიშხლის გამო დაიდუმა რეიდზე მდგომი ორი გემი და 161 კაცი ზღვამ შთანთქა.²³⁰ ასეთ ეთარებაში მთებით დაცულ და ქარებისათვის მიუწვდომელ ბათუმის ნავსადგურს დიდი მნიშვნელობა ენიჭებოდა.

ამ ფაქტს ოფიციალური პირებიც აღიარებდნენ. იმერეთის მმართველი, გენ. სიმონოვიჩი 1811 წ. წერდა „ბათუმს აქვს ძალზე კარგი ნავსადგური“.²³¹ 1828 წ. მთავარმართებელი პასკევიჩი აღნიშნავდა „ბათუმით ჩვენ შევიძენთ წლის ყველა

²³⁰ Акты, т. 2, с. 492.

²³¹ იქვე, ტ. 4, გვ. 773.

დროს გემებისათვის უშიშარ ნავსადგურს.²³² 1853 წელს მეფისნაცვალი მ. ვორონცოვი მიუთითებდა: „ბათუმის მცირე ნავსადგური სამართლიანად ითვლება ერთ-ერთ საუკეთესოდ... ყოველგვარი ქარის დროს მასში თავის შეფარება შეუძლია... დიდ სავაჭრო ხომალდებს, და თუმცა ნავსადგური სრულიად ღიაა ჩრდილოეთიდან ჩრდილო-აღმოსავლეთისაკენ, მაინც არასდროს ქარი იქამდე ძლიერად არ აღწევს“.²³³

სავაჭროსხმობა, რომ ყირიმის ომის (1853-1856 წწ.) ამბებთან დაკავშირებით, მსოფლიო პრესა სპეციალურად განიხილავდა ბათუმის ადგილსა და როლს მებრძოლ მხარეთა გემებში და ყურადღებას ამახვილებდა რუსეთის დაინტერესებაზე სწორედ ნავსადგურისადმი. ამ ინტერესს, მიმომხილველთა სიტყვით, ისიც აძლიერებდა, რომ ბათუმის ნავსადგური იყო გემებისათვის ერთადერთი საიმედო თავშესაფარი შავი ზღვის აღმოსავლეთ ნაწილში.

ეკონომიკური თვალსაზრისითაც ბათუმი საყურადღებო პუნქტი ჩანდა. აქ გადიოდა ის სავაჭრო-სატრანზიტო გზა, რომელიც ინგლისიდან ირანს მიემართებოდა. ამ გზით ინგლისი მცირე აზიაში გაბატონებას ესწრაფვოდა. ეს კი ცარიზმის ინტერესებს ეწინააღმდეგებოდა. ამიტომ იგი ბათუმის დაუფლებას ცდილობდა, რომ ამით შეეწყვიტა ირანთან ინგლისის ვაჭრობა და შეექმნა საბრძოლო პლაცდარმი მცირე აზიის წინააღმდეგ. ამასთან, ცარიზმი მტკიცედ დამკვიდრდებოდა სამხრეთ-დასავლეთ კავკასიაშიც. საერთოდ, ბათუმის ნავსადგურს, როგორც ევროპაში საქონლის გატანის პუნქტს, რუსთა გემებში დიდი მნიშვნელობა ენიჭებოდა. 1828 წ. 5 აგვისტოს მოხსენებით ბარათში ხელისუფლების წარმომადგენლები მიუთითებდნენ: დასავლეთ საქართველოს ბუნებრივი სიმდიდრენი, განსაკუთრებით ხე-ტყე, დარჩება „შეკლარ კაპიტალად“, თუ ბათუმის ნავსადგური რუსეთის მფლობელობაში არ იქნება.²³⁴

უნდა ითქვას, ბათუმის ნავსადგურით საქართველო-ამიერკავკასიაში დიდძალი კონტრაბანდული საქონელი შემოდებოდა, რადგან, პეისონელის სიტყვით, აქ „არ არსებობდა ზღვით შემოტანისა და გატანის ბაჟი“.²³⁵ ამიტომაც, ბათუმის მეშვეობით, „გურიბა, სამეგრელო და აფხაზეთი თითქმის დაუბრკოლებლად ღებულოდნენ ინგლისური ფაბრიკების ნაწარმს, რომელთა დამზადება შეფარდებული იყო ადგილობრივ მცხოვრებთა გემოვნებასა და ჩვეულებებთან“.²³⁶ უცხოურ საქონელთან კონკურენციაში კი რუსული ნაწარმი მარცხდებოდა, რაც დასავლეთ საქართველოში ცარიზმის გაბატონებას საფრთხეს უქმნიდა. ცხადია, მთავრობამ ამას სერიოზული ყურადღება მიაქცია და აქ თავისი გაბატონების უზრუნველსაყოფად შემუშავა საგანგებო ღონისძიება, კერძოდ, ბათუმის ნავსადგურის როლისა და მნიშვნელობის შემცირება-განეიტრალების მიზნით, ერთადერთ რუსულ ნავსადგურს ამიერკავკასიაში – რედუტ-კალეს 1821 წლის 8 ოქტომბერს შეღავათიანი საბაჟო ტარიფი დაუწესა, თუმცა ამან ვერ გამოიღო სასურველი შედეგი და 10 წლის შემდეგ იგი გააუქმეს.

ბათუმის ნავსადგურის გასანეიტრალებელი ღონისძიებანი თავად ცარიზმს არ აკმაყოფილებდა. ამიტომ იგი ენერგიულად ემებდა სხვა სასურველ გზასაც. სწორედ ამის შედეგად იყო საქართველო-ამიერკავკასიის კოლონიური ხელისუფლების ის პროექტი, რომელიც ალ. გრიბოედოვიმ და დიმი. სოლოღეისკიმ 1828 წ. სექტემბერში შეიმუშავეს. დოკუმენტი მოითხოვდა ამიერკავკასიაში სავაჭრო კომპანიის დაფუძნე-

²³² იქვე, ტ. 7, გვ. 758.

²³³ იქვე, ტ. 10, გვ. 756.

²³⁴ АКТЫ, т. 7, с. 575.

²³⁵ ს.კაკაბაძე, საფრანგეთის სავაჭრო კაპიტალი საქართველოს მიმართ მე-18 საუკუნეში. - ქუთაისის ბედისსტიტუტის შრომები, ტ. I, ქუთ., 1940, გვ. 120-121.

²³⁶ ვ.იაშვილი, აჭარა ოსმალთა ბატონობის პერიოდში, ბათ., 1949, გვ. 46.

ბას პროექტის ავტორები დეტალურად აღწერდნენ მის მომავალ საქმიანობას და იმ სარგებლობას, რაც მას რუსეთისათვის უნდა მოეტანა ეკრობდ, ისინი ითხოვდნენ „შვე ზღვაზე სასაწყობო ადგილის“ შექმნას ამ მხრივ ყურადღებას ამახვილებდნენ მხოლოდ და მხოლოდ ბათუმის ნავსადგურზე და სურვილს გამოთქვამდნენ „თუ ის აუცილებლად შემოვა ჩვენი (რუსეთის - ავტ.) ახალი სასაღერების ფარგლებში, ამ შემთხვევაში კომპანიისათვის, თავისი მდებარეობით, იქნება უაღრესად სასარგებლო ადგილი“. საკითხის დადებითად მოგვარების პირობებში კი კომპანია კისრულობდა ბათუმამდე „მოხერხებული კომერციული გზის გაყვანას და ყოველივეს მოწყობას, რაც საჭიროა საწყობებისა და ფაქტორიებისათვის“.²³⁷

რა თქმა უნდა, რუსეთს ბათუმი უპირველესად მაინც სამხედრო-სტრატეგიული თვალსაზრისით აინტერესებდა. საქმე ისაა, რომ ბათუმი აკონტროლებდა ამიერკავკასიის უმნიშვნელოვანეს გზებს (ბათუმი – ახალციხე ბათუმი – ყარსი – ერევანი; ბათუმი – თბილისი; ბათუმი ართვინისა და არტანის მდიდარ რაიონებსაც უკავშირდებოდა). თუ მას დაუფლებოდა, მაშინ რუსეთი ოსმალთა თითქმის ყველა სამომოსულო გზის ფაქტობრივი გამგებელი იქნებოდა და მცირე აზიაშიც დაუბრკოლებლად შეიჭრებოდა ამასთან, ბათუმის მეშვეობით რუსეთი საბოლოოდ გადაჭრიდა სამხრეთ-დასავლეთ საზღვრების უშიშროებას, რადგან „ადგილად აღკვეთდა ოსმალთა მოქმედებას გურიაზე“²³⁸ ამას გარდა, ბათუმის დაკარგვით ოსმალეთი დათმობდა უკანასკნელ ბაზას შვე ზღვაზე და ის საბოლოოდ გადაიქცეოდა „რუსეთის ზღვად“. ამიტომ რუსეთი დაბეჯითებით ცდილობდა ბათუმის დაუფლებას.

ბრძოლა ბათუმისათვის XIX ს. დამდეგიდან ბათუმის დასაუფლებლად რუსეთს უაღრესად ხელსაყრელი პირობები შეექმნა აღმოსავლეთ საქართველოში დამკვიდრებით მან არა მარტო მოხერხებული პლაცდარში გაიჩინა ამიერკავკასიაში, არამედ უზრუნველყო ქართველი ხალხის მხარდაჭერაც ბათუმისათვის ბრძოლაში. ამ ფაქტორს რუსეთისათვის უდიდესი მნიშვნელობა ჰქონდა. საქმე ისაა, რომ ქართველებმა არაერთხელ სცადეს ოსმალთა მფლობელობისაგან ბათუმის დახსნა, მაგრამ უშედეგოდ და ამ დიდი ამოცანის გადაჭრა, საელებით სწორად, რუსეთს დაუკავშირეს მართალია, ცარიზმს კავკასიაში საკუთარი დამპყრობლური ინტერესები ამოძრავებდა, მაგრამ ირან-ოსმალეთის წინააღმდეგ ბრძოლაში, მოკავშირის შექმნის მიზნით, იგი მტრის კლანჭებისაგან ქართული ტერიტორიების გამოხსნის ლოზუნგითაც გამოდიოდა. ეს კი ქართველი პროგრესისტების სანუკუარი ოცნება იყო. ამიტომაც ქართველი ხალხი, თუ ერთი მხრით, XIX საუკუნეში თავდაუზოგავად ებრძოდა რუსული ხელისუფლების სიმახინჯეებს, მეორე მხრით, ამავე ხელისუფლების მხარდამხარ ენერგიულად იბრძოდა საკუთარი ისტორიული მიწა-წყლის განთავისუფლებისათვის. სწორედ ამან გაუადვილა რუსეთს ბათუმის დაუფლება.

ბათუმის შემოერთების აუცილებლობა რუსეთის საგარეო პოლიტიკაში პრაქტიკულად დაიხსნა 1804 წელს,²³⁹ მაგრამ 1806-1812, 1828-1829 და 1853-1856 წლების რუსეთ-ოსმალეთის ომებმა მას ამ მხრივ სასურველი შედეგები ვერ მოუტანა ამის მიუხედავად, აშკარა წარმატება იყო 1858 წ. ბათუმში რუსეთის ზღვაოსნობის და ეაჭრობის საზოგადოების სააგენტოს გახსნა მან მნიშვნელოვნად გამოაცოცხლა ნავსადგურის ტერიტორიები, რამაც უკვე 1858 წ. 1 მილიონ რუბლს გადააჭარბა ამ

²³⁷ რუსი მწერლების ცნობები საქართველოს შესახებ, წ. I, თბ., 1949, გვ. 71-72.

²³⁸ Акты, т. 10, с. 763.

²³⁹ Акты, т. 4, с. 471, 476.

წელს შემოიტანეს 598 382 რუბლის საქონელი (მანუფაქტურა, ბამბა, შაქარი, ზეთი, ფურცლოვანი რკინა და სხვ.), ხოლო გაიტანეს 85 379 რუბლისა (აბრეშუმის პარკი, ცვილი, ტყავი და ა.შ.). ამავე დროს აქ შემოვიდა თურქთა 109 გემი, რომელმაც მოიტანა ან წაიღო 545 000 რუბლის საქონელი. მომდევნო ხანაში მიმოსვლა და ტვირთბრუნვა კიდევ უფრო გაიზარდა. 1867-1878 წლებში აქ აღირიცხა რუსეთის სანაოსნო საზოგადოების 182 გემი.²⁴⁰ ეს კი იმას ნიშნავდა, რომ დაიწყო ბათუმის სამეურნეო ცხოვრების აღმავლობა. თვით ოფიციალურ პირთა აღიარებით, ბათუმის ნავსადგური უკვე თანდათან ხდებოდა „რუსული ნავსადგური“, რომელიც უმოკლეს ხანში „მიიზიდავდა კავკასიის ტრანზიტს“. ამიტომ კიდევ ამბობდნენ: „ის, რაც არ მოხერხდა იარაღით, უნდა მოგვარდეს ფულით, ვაჭრობით“. რუსეთის ტრაპიზონელი კონსული მაშინი თაყის მთავრობას ურჩევდა „გაცვლის ან შესყიდვის საშუალებით უსათუოდ შეეძინათ ბათუმის ნავსადგური, რადგან ეს ძალზე მნიშვნელოვანი იქნებოდა საეკონომიკური და წმინდა ეკონომიკური თვალსაზრისით“.²⁴¹

და მაინც, რუსეთის სამხრეთი საზღვრის უშიშროების უზრუნველყოფისა და რუსული კაპიტალის შეუზღუდავი ბატონობის ინტერესები ცარიზმისაგან გადაუდებელ ამოცანად სახავდა ბათუმის დაუფლებას. საამისოდ კი მას XIX ს. შუა წლებიდან უადრესად ხელსაყრელი დრო დაუდგა, რაც 30-იანი წლებიდან აჭარაში გატარებული რეფორმების (თანზიმათი) შედეგი იყო. რუსეთის აქტიური გამოსვლა საქართველო-აზიურკავკასიაში აიძულებდა ოსმალეთს ინტენსიურად განეხორციელებინა ჩრდილო-აღმოსავლეთ პროვინციებში ქართველობის (ქართული სოციალ-ეკონომიკური და პოლიტიკური წყობის) უკანასკნელი ნაშთების ამოძიკვა და ოსმალეთის (ოსმალური სოციალ-ეკონომიკური და პოლიტიკური სისტემის) საბოლოო დამკვიდრება, რასაც უნდა დაემქარებინა ამ კუთხის სრული გათურქება. ამან აამხედრა მოსახლეობის ყველა სოციალური ფენა. უკმაყოფილო იყო გაბატონებული წოდება, რადგან რეფორმის შედეგად დაკარგა ძველი პრივილეგიები და მიწები. დამძიმდა მწარმოებელი კლასის მდგომარეობაც. მართალია, გლეხობას მიწა არ ჰქონდა, მაგრამ ნატურალური მეურნეობის ბატონობის პირობებში ფულადი გადასახადის შემოღებამ გამანადგურებლად იმოქმედა მასზე. ასე რომ, აჭარის მოსახლეობა რეფორმით უკმაყოფილო დარჩა. ამის დასტური იყო 40-70-იანი წლების მღელვარებები, რომელმაც თანზიმათის გაუქმების ლოზუნგით ერი და ბერი ოსმალეთის წინააღმდეგ ბრძოლაში გააერთიანა.²⁴²

რუსეთმა მაშინვე ისარგებლა ხელსაყრელი პირობებით, აჭარაში თავისი ემისრები გამოგზავნა და შეკვირდა: გაბატონებულ წოდებას - ძველ უფლებებში აღდგენას, ფულს, „ჩინ-ტემლაკებს“, საერთოდ სამსახურის დაფასებას, ხოლო გლეხობას - გადასახადებისაგან განთავისუფლებას, მიწათმფლობელობისა და მიწათსარგებლობის მოწესრიგებას და სხვ. ამან მოსახლეობის გარკვეული მხარდაჭერა გამოიწვია და რუსეთს გაუადვილა ბათუმისათვის ბრძოლა. საბოლოოდ კი მცირე აზიასა და ბალკანეთის ფრონტებზე რუსთა წარმატებანი იმდენად მნიშვნელოვანი დარჩა, რომ ოსმალეთმა ზაფი ითხოვეს. 1878 წ. 19 თებერვლის სან-სტეფანოს ხელშეკრულებით რუსეთი მიიღებდა დიდძალ კონტრბუტციას ფულად ან არტაანს, ბაიაზეთს, ბათუმს, ყარსს და სხვ. იმპერატორმა ალექსანდრე II კი ბრძანა: „საბოლოოდ ბათუმი და ყარსი ღირს იმად, რომ რუსეთმა მათთვის გასწიროს რამდენიმე მი-

²⁴⁰ იქვე ტ. 12, გვ. 574.

²⁴¹ იქვე, გვ. 575.

²⁴² ა.სურგულაძე, განმსაჯისუფლებელი მოძრაობის ისტორიიდან აჭარაში, ბათუმი, 1978.

ლიონი²⁴³ ასეც მოხდა, მაგრამ რუსეთის წარმატებით დაშინებულმა ინგლისმა, ომის მუქართ, მოითხოვა ზაეის პირობების გადასინჯეა. ცარიზმმა დათმო, ბერლინის კონგრესზე (1878 წ. 13 ივნისი - 13 ივლისი) მან უარიც კი თქვა ბალკანეთში - მაკედონიაზე, მცირე აზიაში - ბაიაზეთზე, მაგრამ მოპოვებული ტერიტორიების დიდი ნაწილი მაინც შეინარჩუნა. ხელმოწერილი ტრაქტატის VIII პუნქტით ბათუმი რუსეთს პორტო-ფრანკოს, ანუ თავისუფალი ქალაქ-ნავსადგურის სტატუსით გადაეცა.

პორტო-ფრანკოს რეჟიმის არსი. პორტო-ფრანკო იტალიური სიტყეაა და ეწოდება იმ სულისპირა ნავსადგურს, რომელიც სარგებლობს სახღვარგარეთული და ადგილობრივი საქონლის თავისუფლად, უბაჟოდ მიღება-გატანის უფლებით. ამასთან, ეს უფლება ვერცდამდება ნავსადგურის მხოლოდ განსაზღვრულ ტერიტორიაზე, ე.წ. პორტო-ფრანკოს კვარტალზე, რომელიც ქალაქის სხვა ნაწილისაგან საბაჟო სახღვრითაა იზოლირებული. სწორედ ამ კვარტალში არსებულ საწყობებში ხდება ტვირთის მიღება, დახარისხება, შეფუთვა და გაგზავნა დანიშნულების პუნქტში, ან იქ, სადაც მათი რეალიზაციის უფრო სარფიანი პირობებია.

პირველი პორტო-ფრანკო შეიქმნა იტალიის ქალაქ ლიეორნოში 1547 წელს. ამის წყალობით იგი მოკლე დროში გახდა აღმოსავლეთთან ვაჭრობის უმნიშვნელოვანესი სასაწყობო ცენტრი. შემდეგ პორტო-ფრანკო დაარსდა გენუაში (1595 წ.), ენეციაში (1661 წ.), ალტონეში (1664 წ.), მარსელში (1669 წ.), ვიბრალტარში (1706 წ.), კამბურგში (1727 წ.), ბრემენში (1824 წ.), ლიუბეკში (1833 წ.) და ა.შ.

რუსეთში პორტო-ფრანკოს რეჟიმი პირველად გამოცხადდა ოდესაში 1817 წელს (ამოქმედდა ორი წლის შემდეგ). მას უნდა უმადლოდეს ქალაქი თავის საერთაშორისო სავაჭრო ცენტრის რეპუტაციას (გააუქმეს 1859 წლის 19 აპრილს, რადგან ფართო მასშტაბის კონტრაბანდამ დაამუხრუჭა სამხრეთ რუსეთის (უკრაინის) ეკონომიკური განვითარება). 1862 წელს პორტო-ფრანკო გახდა ვლადივოსტოკი, თუმცა, ნაწილობრივ, რადგან სპირტი, ღვინო და თამბაქო იქ ბაჟით იყო დაბეგრული. ასე რომ, ბათუმი მაშინდელი რუსეთის იმპერიის მესამე ქალაქი იყო, რომელშიც აღნიშნული რეჟიმი გამოცხადდა.

მაინც რაა პორტო-ფრანკოს რეჟიმის არსი? არსებობის 450-წლიანმა პრაქტიკამ უცილობლად დაადასტურა ის ჭეშმარიტება, რომ პორტო-ფრანკო თავის სავაჭრო-სასაწყობო ცენტრს აყენებს პრივილეგირებულ მდგომარეობაში და აჩქარებს საქონლის მოზიდვას მსოფლიოს ნებისმიერი ქვეყნიდან. ეს კი იწვევს ადგილზე კაპიტალის უსწრაფეს დაგროვებას, რაც, თავის მხრივ, ხელს უწყობს ეკონომიკის ზრდა-განვითარებას, ქალაქისა თუ მისი რეგიონის განაშენიანება-ეკთილმოწყობას, განსაკუთრებით თავისუფალი მუშახელის დასაქმებას წარმოებასა თუ მშენებლობაში. ამის მიუხედავად, დროთა განმავლობაში, ეროვნული ეკონომიკის განვითარებისათვის პორტო-ფრანკო შეიძლება გახდეს შემზღუდავიც და უსარგებლოც. საქმე ისაა, რომ ქალაქის ერთი ნაწილის პრივილეგირებული მდგომარეობა გარკვეულად აბრკოლებს სხვა ნაწილის ეკონომიკურ განვითარებას; ამასთან, პორტო-ფრანკოს ტერიტორიის მოსახლეობა განიცდის რიგ შეზღუდვა-უხერხულობებს საბაჟო კონტროლისას, რადგან კონტრაბანდის წინააღმდეგ ბრძოლის მიზნით დათვალეურება-შემოწმებას ექვემდებარება როგორც სახღვარგარეთული, ასევე სამაშულო (ადგილობრივი) წარმოების ყველანაირი საქონელი. ეს კი მაქსიმალურად ზრდის საბაჟო ზედამხედველობის პერსონალს, რასაც, თავის მხრივ, თან სდევს ათასგვარი წერილმანი სიმანხინჯენი (უხეშო-

²⁴³ Потто В., Утверждение русского владычества на Кавказе, т. 4, ч. 2, Тиф., 1908, с. 445.

ბა, ძალადობა, გამოძალგვა, მექრთამეობა და ა.შ.).

აღნიშნული ნაკლის მიუხედავად, პორტო-ფრანკოს რეჟიმი სასარგებლოა უპირატესად იმ ქვეყნებში, რომელთა მეურნეობა ან მოშლილია, ან განვითარების დაბალ დონეზეა. მათთვის იგი იქნება ერთადერთი საშუალება საერთაშორისო სავაჭრო ურთიერთობების ახალი არტერიების შექმნისა და ეკონომიკური აღორძინებისათვის, განსაკუთრებით – გარდამავალ პერიოდში. მართლაც, მსოფლიოში არსებული 700 თავისუფალი ეკონომიკური ზონიდან 500-ზე მეტი აზიის, აფრიკისა და სამხრეთ ამერიკის სუსტად განვითარებულ ქვეყნებშია.

პორტო-ფრანკო მოქმედებაში. ბერლინის კონგრესის დადგენილებით, ბათუმი რუსეთს უნდა გადასცემოდა 1878 წ. 25 აგვისტოს. მართლაც, რუსთა არმია გენერალ სვიატოპოლ-მიროსკის მეთაურობით დაიწყო დღევანდელი შემოვიდა ბათუმში და მიღება-გაცივების ცერემონიაზე, აზიზიეს (დღევანდელი გამსახურდია) მოედანზე, დევრიშ ფაშასთან ქალაქის გასაღები ჩაიბარა, დაიწყო ოსმალთა ჯარის და სამოქალაქო აღმინისტრაციის (აგრეთვე ქონების) ევაკუაცია, რამაც ორ კვირას, თითქმის შუა სექტემბრამდე გასტანა. პარალელურად მიმდინარეობდა შემოერთებული მხარის ახალი მმართველობითი ორგანიზაციის ფორმირებაც. ყოველ შემთხვევაში, იმავე წლის ოქტომბრისათვის ძირითადად დასრულდა ქალაქის ახალი სტატუსის შემუშავება. ბათუმი ხდებოდა სავაჭრო-სასაწყობო ცენტრი, სადაც ევროპული საქონლით ვაჭრობა მხოლოდ პორტო-ფრანკოს ზონაში შეიძლებოდა ამის შესაბამისად ქალაქს დაუწესდა ოთხი საბაჟო კარო: ოსურგეთის (ქობულეთ-გურიისაკენ), კახაბრის (ქედა-ხულოსაკენ), ჭოროხის (ბორჩხა-ართვინისაკენ) და „ჭოროხის ბოლოსი“ (გონია-სარფის გზით - ტრაპიზონისაკენ). ამ კარებში გატანილ ნებისმიერ საქონელზე შეკატრონეს უნდა გადაეხადა ბაჟი დაწესებული ნიხრით, 20 ოქტომბერს სპეციალურმა კომისიამ (პორტო-ფრანკოს დეპარტამენტის დირექტორი, სატრანზიტო-საბაჟოს გამგე და ბათუმის ოლქის სამხედრო გუბერნატორი) საბოლოოდ დაადგინა ახალი რეჟიმის ზონის საზღვრები და ტერიტორია. იგი იწყებოდა მდ.სარი-სუდან (დღევანდელი ბარცხანისწყალი) და მთავრდებოდა მდ. ანგისასთან (თუმცა, ზოგ დოკუმენტში მდ. მეჯინისწყალია მითითებული). ზონა მოიცავდა 2 ათას დესეტინა ფართობს.

უნდა ითქვას, პორტო-ფრანკოს რეჟიმს ბათუმში თავიდანვე შეექმნა დიდი სირთულეები. საქმე ისაა, რომ მახლობელ აღმოსავლეთში ექსპანსიური გეგმების განხორციელებაში ინგლისი დიდ მნიშვნელობას ანიჭებდა ბათუმს. ამიტომ, XIX ს. მეორე ნახევარში, განსაკუთრებით 70-იან წლებში, იგი ამ პუნქტის გამო მკვეთრად დაუპირისპირდა რუსეთს. თვით ბერლინის კონგრესის მომზადებისა და მუშაობის პერიოდშიც ინგლისის დიპლომატია საკმაოდ ორჭოფულად (ორპირულადაც) მოქმედებდა. ჯერ ეთანხმებოდა რუსეთს ბათუმის დაუფლების საკითხში, შემდეგ ითხოვდა მის დატოვებას თურქეთისათვის, რომ მას აქ თავისუფლად ემოქმედა, ბოლოს კი კონგრესზე ამ ქალაქის პორტო-ფრანკოდ გამოცხადება დაჟინებით მოითხოვა და გაიტანა კიდევ. საკითხის ასეთი გადაწყვეტა პასუხობდა მის სავაჭრო-ეკონომიკურ (და პოლიტიკურ) ინტერესებს და მნიშვნელოვნად ზღუდავდა რუსეთის სამხედრო-პოლიტიკურ აქტიურობას მახლობელ აღმოსავლეთში. ინგლისის წარმატება მით უფრო იყო შესაძინევი, რომ რუსეთს, ტრაქტატის მიხედვით, აეკრძალა ბათუმში საფორტიფიკაციო ნაგებობათა მშენებლობა. შემდეგ კი, თავისუფალ ქალაქ-ნავსადგურის რეჟიმის დაწესებისთანავე, შეეცადა აქ მიწების დაპატრონებას. ეს ტენდენცია იმდენად ძლიერი იყო, რომ ოფიციალური პრესა მთავრობისაგან სპეციალური ამკრძა-

ღაღი ღონისძიებების განხორციელებას მოითხოვდა.²⁴⁴

შემოერთებისთანავე ბათუმს მასობრივად მოაწედა ხალხი იმპერიის ყველა კუთხიდან. ამის გამო სერგეი მესხი წერდა: „დიდალი ხალხი ჩამოვიდა აქ. სულ ეატრები არიან. ყველა აქ მოელის გაკეთებას დარბიან, დაცმა(ცურობენ, პეერიან, ჩურჩულბენ, დილიდან-საღამომდინ აქა-იქ დაცრებიან, სამაღალიო, სასტუმრო, საღუქნო სახლებს ქირაობენ, ადგილებს ყიდულობენ, „საქმეს“ ეტბენ“.²⁴⁵

ერთბაშად ამდენი ხალხის მოზღვევებამ არნახულად გააძვირა ცხოვრება სერგეი მესხი სწორად აღნიშნავდა: „ვერ წარმოიდგენთ, როგორ მეღამ დღე საშინლად იწვეს აქ ყველაფრის ფასი. მე მარწმუნეს, რომ ის მაღალია, რომელიც რუსების შე- მოსელამდინ წელიწადში 500 ყურუშათ იყო გაქირავებული, ახლა 500 მანეთად გაქირავედაო (ერთი მანეთი 40 ყურუშამდინ არის), ადგილს, რომელიც ადრე 600-700 ყურუშად ისყიდებოდა, ახლა 800-1000 მანეთად იტაცებენ. თითქმის ამნარიად გაძვირდა ყველაფერი“.²⁴⁶

ამ გარემოებამ ბევრი სიმახინჯე წარმოშედა სერგეი მესხის სიტყვითაც. „მიწების გაყიდვის დროს დიდი უკანონოა და უწესრიგობა ხდებოდა. ქალაქ ბათომში ერთსა და იმავე მამულს, ადგილს, ან სახლს, ორს სხეადასხვა პირსე ყიდიან ხოლმე, ზოგმა სხვისი კუთვნილი უძირავი მამულებიც გაყიდა“.²⁴⁷

რა თქმა უნდა, ახალი ხელისუფლება ცდილობდა პროცესის მოწესრიგებას. 3 სექტემბერს ბათუმის სამხედრო გუბერნატორმა გამოსცა ბრძანება, რომლითაც სანამ „მთავრობა ნამდვილად არ გაიგებს, თუ ვის, რა საზღერებში ეკუთვნის უძრავი ქონება, მანამ ყოველი ყიდვა-გაყიდვა უძრავი ქონებისა უკანონოდ ჩაითვლებათ“. საქმეს ვერც ამ ბრძანებამ უშველა - უკანონობა კვლავ გრძელდებოდა.

პორტო-ფრანკო ბათუმში ოფიციალურად გაიხსნა 1878 წლის 29 ოქტომბერს მოგვიანო ცნობით, მის ადმინისტრაციას შეადგენდნენ: სასაწყობო საბაჟოს მმართველი დომ. ბიკოვი, წვერები - ივანე ერისთავი და პეტრე ლობერი, ხაზინადარი ივანე ფერემოვი, მდივანი ღლონარდ ჩაეესკი, მდივნის თანაშემწეები - პროკოფი ჩიპუროვი და ივანე შუკაევი; თარჯიმნები - ვერპული ენების (ეკანტური), ადგილობრივისა (რუსული) - ნიკოლოზ დომინო; ბუღალტერი კონსტ. ნადიქტა-რეზუნოვი; საწყობების ზედამხედველი (ეკანტური), მისი თანაშემწეები - იაკობ იანოვსკი (უფროსი) და ალექსანდრე ღუბროვსკი (უმცროსი); გემების ზედამხედველი (ეკანტური), უფროსი თანაშემწეები - ყარამან მგელაქე და პეტრე ღლონტი, უმცროსი - ალექსანდრე ბორისოვი, ღლონტი გრიგოლია და ვასილ ბელიკი; კარანტინის უფროსი - დ. ცურინოვი, საკარანტინო პორტისა - პეტრე ფოცხევერაშვილი.

ბათუმის პორტო-ფრანკოს საქმიანობაზე 1878 წ. ნოემბერ-დეკემბერში (გემების შემოსვლა, გასვლა, ტვირთბრუნვა) ცნობები არა გვაქვს. მომდევნო სამ წელიწადში კი

²⁴⁴ ვ.სიკინავა, ბორტო-ფრანკოს როლი რუსეთ-საქართველოს ეკრობის განვითარებაში. - ფურ. „მაქცე“ (ისტორიის სერია), №3, 1976.

²⁴⁵ ს.მესხი, თხზულებანი, ტ. 3, თბ., 1964, გვ. 36.

სხვათა შორის, ბათუმი უცხოელ ვაჭარ-მრეწველთა ყურადღების ცენტრშიც მოექცა. მოკლე ხანში აქ დამკვიდრდნენ მანთაშევის, როტმილდის, ნობელის და სხვა მსხვილი თუ წვრილი ფინანსური მაგნატების სახლები. უცხოელთა საქმიანობის გაშლამ მოითხოვა შესაბამისი საკონსულოების შექმნა. ქალაქში ზედიზედ გაიხსნა საზღვარგარეთის 15-მდე ქვეყნის საკონსულო, რომლებიც იცავდნენ თავიანთი მოქალაქეების სამეწარმეო ინტერესებს (იხ. შ. სიორიძე, ბათუმის საბაჟო, ბათ., 2003, გვ. 112-117).

²⁴⁶ ს.მესხი, თხზულებანი, ტ. 3, გვ. 37.

²⁴⁷ იქვე, გვ. 48.

ბათუმში შემოვიდა გემი:²⁴⁸

ქვეყნები	1879 წ.	1880 წ.	1881 წ.
რუსეთი	369	632	579
აესტრია	33	53	52
საფრანგეთი	19	24	25
ოსმალეთი	27	9	12
ინგლისი	18	7	7
სულ	466	725	675

საფრანგეთის თბილისელი კონსულის 1882 წ. 15 აგვისტოს მოხსენებით ბარათით, ბათუმში სულ შემოვიდა და შემოიტანა (ტონობით):

წლები	გემი	ტვირთი
1879	466	256 896
1880	725	376 800
1881	675	362 420
სულ	1866	996 116

ამავე კონსულის ცნობით, 1882 წ. ბათუმიდან უცხოეთში გაიტანეს 6 535 000 ფრანკის საქონელი, ხოლო შემოიტანეს 1 114 500 ფრანკისა, უპირატესად მანუფაქტურა, რკინა და რკინის ნაწარმი, შაქარი, მანქანები, ავეჯი, აგური, კონსერვები და ა.შ. 1884 წ. ბათუმში შემოვიდა და შემოიტანა (ტონობით):

ქვეყნები	გემი	ტვირთი
საფრანგეთი	74	92571
აესტრია-უნგრეთი	145	60371
ინგლისი	87	42991
საბერძნეთი	75	14931
გერმანია	24	10974
ოსმალეთი	193	7347
იტალია	22	6040
სულ	780	270105

ამ გემებს უკან გაბრუნებისას ბათუმიდან წაუღიათ მატყლი, დაუმუშავებელი ბამბა, აბრეშუმის პარკი, ხე-ტყე, ტყავი, ბეწვეული, ხალიჩები, მარგანეცი. ბათუმში საფრანგეთის ვიცე-კონსულის ცნობით, 1887 წ. აქედან მხოლოდ საფრანგეთში გაიტანეს 20 468 988 კგ სიმინდი, 10 159 800 კგ ხორბალი, 3 960 512 კგ მარგანეცი, 324 282 კგ მატყლი, 20 000 080 კგ ქერი, 731 226 კგ. ბზის კუნძი, 197 257 კგ.

²⁴⁸ აქ და ქვემოთ სტატისტიკური ციფრები აღებულია შესაბამისი წლების „კაეკასკი კალენდარის“ ნომრებიდან. იხ. აგრეთვე: ილ.ტაბაღაძე, საქართველოში საფრანგეთის კონსულების მოღვაწეობის ისტორიიდან (1821-1921 წწ). - „მაცნე“ (ისტორიის სერია), №3, 1986.

აბრეშუმის პარკი, 117 598 ლიტრი ღვინო და სხვ. საფრანგეთიდან კი შემოიტანეს ბიმენტალი - 1 129 620 კგ, გეარჯილა 293 609 კგ, ფიჭვის წებო 197 718 კგ, ბიტუმი და ასფალტი - 61 309 კგ, დამარილებული თევზი 24 362 კგ და ა.შ. მომდევნო პერიოდში ნავსადგურის ტვირთბრუნვის ოპერაციები კიდევ უფრო გაიზარდა ბათუმ-სამბრედიის რკინიგზის ექსპლოატაციის შედეგად.

ტვირთბრუნვის ასეთი ზრდა ნავსადგურის მოხერხებულობით, მისი კეთილმოწყობით და უშიშროებით აიხსნებოდა. ფირმა-კომპანიები ამჯობინებდნენ, ევროპიდან შემოტანილი საქონლის უმთავრესი ნაწილი მაინც, ბათუმში დაეცალათ და თითქმის ცარიელი წასულიყვნენ ფოთისაკენ, იქედან მარგანეცისა და ხე-ტყის წაღების მიზნით. ამასთან, 900-იანი წლებიდან ამ პროდუქციის გატანაში ფოთს ბათუმიც შეეცილა, რის გამოც პირველის ხედრითი წილი ექსპორტში კიდევ უფრო შემცირდა.

სხვათა შორის, ოფიციალური სტატისტიკური სამსახური ბათუმის ნავსადგურის ტვირთბრუნვას, ზრდის მიუხედავად, მაინც არასაკმარისად მიიჩნევდა. მიმომხილველი თვლიდა, რომ 1879 და 1880 წლების საეპრო მიმოქცევა არ იყო მნიშვნელოვანი, ხოლო 1881 წლისა იყო „ძალზე სუსტი“. ამიტომ, მისი სიტყვით, პორტო-ფრანკოს მანკიერება აშკარა გახდა. იგი მეტად უსარგებლო აღმოჩნდა თბილისელი ნეგოციანტებისათვის, რომელთაც ადრე „პირდაპირი ურთიერთობა“ ჰქონდათ ევროპის საეპრო ცენტრებთან (მარსელი, პარიზი, ლონდონი და სხვ.). თავის სკეპტიკურ შეხედულებას ამ სიტყვების ავტორი იმით ასაბუთებდა, რომ ბათუმში შემოვიდა ფოთში შესული (4 527 147 რუბლის) საქონლის 4,5%.

რა თქმა უნდა, ამ ერთი ციფრით მსჯელობა პორტო-ფრანკოს აე-კარგზე გაუმართლებელია. ოფიციალური მიმომხილველი არც 1879-1880 წლების ტვირთბრუნვის შეფასებაშია სწორი. საქმე ისაა, რომ თავად ასახელებდა ორ ფაქტორს, რომელიც, მისივე მართებული შენიშვნით, ანეიტრალდება ნავსადგურის აქტიურობას ჯერ ერთი, ოსმალებთან საზღვრების დაუდგენლობა და მისი დაუცველობა, რაც ხელსაყრელ პირობას ქმნიდა კონტრაბანდისათვის; და მეორეც, 1879 წლის მოუსაველიანობა და რეგიონის ეკონომიკური ცხოვრების საერთო დაბალ დონე. მართლაც, მუჰაჯირობის პროცესმა შეზღუდა მიწათმოქმედება სეპარატულების დიდი ნაწილი დაუშუშებელი დარჩა და შემცირდა მოსავლიანობა. გაღარიბებული მოსახლეობა იძულებული გახდა საკებისათვის უფრო ესრუნა, ვიდრე უცხოური საქონელი შეეძინა აქ ასევე გასათვალისწინებელია საკომუნიაკიო საშუალებების (გზები) მოუწესრიგებლობა და მუჰაჯირად მიმავალი აღელვებული მოსახლეობის გამო რეგიონში შექმნილი არასტაბილური მდგომარეობაც.

ბათუმის ნავსადგურის ტვირთბრუნვა მნიშვნელოვნად გაზარდა ბაქოს ნავთობის ექსპორტმა. 1881 წელს აქედან გაიტანეს 926 405 ფუთი ნავთობ-პროდუქტი, 1882 წ. კი - 985 130 ფუთი. ეს პროცესი თვალსაჩინო გახდა 1883 წ. მაისიდან, როდესაც დაიწყო მიმოსვლა ბათუმ-სამბრედიის რკინიგზის ხაზზე და ფოთი-თბილისის მაგისტრალის მეშვეობით ბათუმიც უშუალოდ დაუკავშირდა ბაქოს. ამიერიდან იგი ბაქოს ნავთობის ექსპორტის ძირითად ცენტრად გადაიქცა. პორტო-ფრანკოს პერიოდში სულ გაიტანეს (ნავთი, საცხები ზეთი და სხვა ნავთობპროდუქტი): 1883 წ. 3 348 900 ფუთი, 1884 წ. - 6 200 800, 1885 წ. - 10 408 900, 1886 წ. კი - 14 397 100 ფუთი.²⁴⁹

ცხადია, ნავსადგურში შემოსული გემების მომსახურება, საწყობების დაქი-

²⁴⁹ ვ.სიქინავა, ბათუმის ისტორიიდან, ბათ., 1958, გვ. 135-136.

რავება, ტრანზიტით საქონლის გატანა და თან ტრანსპორტირებისას მისი დაცვა გარკვეულ თანხებთან იყო დაკავშირებული. ამიტომ აქედან საკმარის სოლიდური შემოსავალიც შემოდიოდა. ყოველ შემთხვევაში, ფაქტია – ნავმისადგომების (საერთოდ ნავსადგურის) მშენებლობა-კეთილმოწყობა (80-იანი წლების დამდეგი) ადგილობრივად (უფროსი კონტრადმიზრალი გრევე) საკუთარი სახსრებით შეძლო.

შემოერთებისთანავე ბათუმში ინტენსიური მშენებლობა გაჩაღდა. 1884 წ. აიგო 305 საცხოვრებელი სახლი, გაიხსნა 4 თამბაქოს ფაბრიკა, 8 სასტუმრო, 4 საკონდიტრო, 27 თორნე, 21 სასადილო, 49 საბაჟლო, 15 საგალანტერიო და 12 ტანსაცმელ-ფეხსაცმლის მაღაზია; 1883 წ. აშუშავდა ნავთობის ჭურჭლის დამამზადებელი ბუნგესა და პალაშოვსკის (მოგვიანებით როტშილდის) ქარხანა, 1885 წ. - სიდერიდისისა და რიხნერის საწარმო. დაიწყო ქალაქის ჭაობების ინტენსიური დაშრობა, რკინიგზის მშენებლობა, კეთილმოაწყვეს ქუჩები და ა.შ.

ქალაქის გარეგან იერსახეში მომხდარი ეს ცვლილებები კარგად შეამჩნია სერგეი მესხმა 1878 წ. იგი წერდა: „ბათოში წმინდა აღმოსავლური ქალაქია. ბაზარი, ქუჩების სიბინძურე, შენობების არქიტექტურა, ხალხის ცხოვრება - ყველაფერი აზიას, აღმოსავლეთს მოგაგონებთ. მხოლოდ რამდენიმე სახლია აქ (ქეიტკირისა - ანტ.), რომლებსაც ცოტა რამ აცხია ევროპისა“. ²⁵⁰ ორი წლის შემდეგ ს. მესხი აღნიშნავდა: „დღეს მესამედ ვიყავი ბათომში. პირველი ჩემი შთაბეჭდილება იყო, რომ ის „გავსილა“, „გაზრდილა“. მართლაც, გარეგანის შეხედულებით დიდი განსხვავებაა მაშინდელს და ახლანდელს ბათომს შუა. სად ახლანდელი ორ-სამ და ოთხ-ვეტაჟიანი უზარმაზარი ქეიტკირის სახლები და სასტუმროები და სად მაშინდელი მინგრეულ-მონგრეული ხის ქოხები და უწმინდური ყავა-ხანები, სად ახლანდელი ნამდვილი ევროპული მდიდარი მაღაზიები, რომლებშიც, მგონი, ჩიტის რძესაც კი იშოვის კაცი და სად მაშინდელი დუქნები, რომლებშიც მუხლმოკეცილი ბათუმელი ყიდულობდა ორიოდ თოფ ტრაპიზონის ჩითეულობას. ქუჩები ახლაც, მართალია, სანატრელს მდგომარეობაში არ არის, მაგრამ აქა-იქ ღამით ფარნები მაინც ანთია. საცა არ გახედავთ, ყველგან ახალი შენობები გაუშენებიათ ან აშენებენ. მთელი ახალი უბნები გაკეთებულან, ქალაქის ბაღს მმართავენ, ქალაქი „გაპლანულია“ (ეი.დაგეგმილია - ანტ.), ტბებს აშრობენ, წყალი გამოჰყავთ. ნავსადგურის გაფართოებას აპირებენ, რკინიგზა გააყავთ და სხვ.“ ²⁵¹

და მაინც, პორტო-ფრანკოს პერიოდში ნავსადგურის შესაძლებლობანი ბოლომდე არ იყო გამოყენებული. ეს გამოწვეული იყო კონტრაბანდით, რითაც განსაკუთრებით ინგლისი იყო დაინტერესებული. გაზ. „მოსკოვსკიე ვედომოსტი“ წერდა: „ბათუმში, როგორც ნავსადგური, ასრულებს საწყობის როლს რუსეთისა და საზღვარგარეთული საქონლისათვის. როგორც ერთი, ისე მეორე, შეიძლება ადვილად აიროს ერთიმეორეში... და გასაღდეს ერთიმეორის მაგიერად. ასე რომ, საზღვარგარეთული ქსოვილები, შაქარი და სხვა საქონელი შეიძლება შემოიჭრას ჩვენს საზღვრებში რუსული პროდუქტების უფლებით“. ეს გაფრთხილება უსაფუძვლო არ იყო. მაგალითად, 1883 წ. ბათუმმა გაყიდა 600 ათასი ფუთი „ქართული“ ხილი. სინამდვილეში კი ქართული შირმით აქ შემოზიდეს ოსმალური, რომელიც შემდეგ გაიყიდა რუსული მარკით გადახდის ბუქის გარეშე.

ცხადია, რუსეთს ნაკლებად აშინებდა ოსმალური ნაწარმის კონკურენცია. მას უფრო აფიქრებდა იაფი, ევროპული საქონელი, რომელიც დაუბრკოლებლად იპყრობდა

²⁵⁰ ს.მესხი, ოზნულებანი, ტ. 3, გვ. 38.

²⁵¹ იქვე, გვ. 390-391.

ბათუმის ბაზარს და ადვილად ერცხლებოდა ქვეყანაში. ამიტომ მოძალებულ კონტრაბანდის ხელისუფლებამ გარესამყაროსაგან პორტო-ფრანკოს სრული იზოლირება დაუპირისპირა და საბაჟო-კარანტინების მეშვეობით უმკაცრესი პოლიციური რეჟიმი დააწესა.

ხელოვნური ბარიერების შემოღებამ, თავის მხრივ, წარმოშვა ათასგვარი სიმახინჯენი. საქმე ისაა, რომ უკიდურესად გართულდა სოფლის საეკონომიკური ურთიერთობა ბათუმთან, რომელიც იყო რეგიონის მნიშვნელოვანი ეკონომიკური ცენტრი - მოსახლეობა აქ არა მარტო ყიდდა თავის ნაწარმს, არამედ იქნდა ფართო მოხმარების პროდუქციასაც. განსაკუთრებით აუტანელი გახდა ე.წ. „კარანტინები“ (კარანტინები), სადაც ხდებოდა ნაყიდი და პორტო-ფრანკოს ზონის გარეთ გასატანი ნებისმიერი საქონლის დათვალეობა-შემოწმება. კონტრაბანდის მიკვლევის შემთხვევაში, იგი მაშინვე ჩამოერთმეოდა მუბატონეს, რომელიც ამავე დროს დიდ ჯარიმასაც იხდიდა. ამ მხრივ 1883 წ. 13 ნოემბერს კუროსულ ფაქტს აღწერდა გაზ. „დროება“. აი ისიც: „ყურადღების ღირსია შემდეგი ამბავი, რომელიც ამას წინათ მოხდა ერთი აჭარელი კაცი მოდიოდა ცხენით ბათომიდან სახლში. კახაბრის ტამოყნის პოსტზე სალდათებმა უპოვეს ამ კაცს უნაგირის ქვეშ სამი უბრალო ხელსახოცი. დაიჭირეს და წარადგინეს საცა ჯერ არს, როგორც კონტრაბანდის მიმქონი. ტამოყნის კანონებით მეკონტრაბანდეს უნდა გადახდეს ხუთჯერ მეტი იმ ფასისა, რაც დაჭერილი საქონელი ღირს, საქონელიც უნდა გაიყიდოს. უბედური აჭარელი ამას არ დააჯერეს და ცხენიც გაუყიდეს. კანონით ყველაფერი გადახდა მეკონტრაბანდეს და ცხენი რაღა შუაში იყო ნუთუ ესეც კონტრაბანდად იცნეს?“²⁵²

ან კიდევ: კონტრადმირალი გრევე 1880 წ. საფხულში ხელისუფლებას მოახსენებდა: „გადასახლებაში (ე.ი. მუჰაჯირად - ავტ.) მიმავალი პირადად დაეკითხე, თუ რა არის ამის მთავარი მიზეზი. უმრავლესობამ თითქმის სიტყვა-სიტყვით მიპასუხა როდესაც ქალაქი სულთანს ეკუთვნოდა, ჩვენ სოფლიდან მივდიოდით იქ და ყვიდით კერცხს, რბეს, ყველს, თაფლს და ყველაფერს, რაც კი გაგაქანდა, ხოლო ეყიდულობდით ქალაქში, რაც გეჭირებოდა და ვბრუნდებოდით სახლში. არაიენ ჩვენ არ გეხებოდა, მაგრამ ახლა ყველას ისე გენხრევენ, როგორც ქურდებს და, რაც ყველანაშუფრო შეურაცხყოფელია, ამოწმებენ ჩვენს ქალებს ყველაფერი ეს იმდენად აუტანელია, რომ ჩვენ უნდა გავეცალოთ აქაურობასო“.²⁵³

ამასვე ადასტურებს დ. კლდიაშვილიც, რომელიც კარგად იცნობდა აქ შექმნილ სიტუაციას იგი წერდა: „პორტო-ფრანკოების დროს ქალაქის გარშემო სადარაჯოები იყო; ყოველი გამგულელ-გამომგულელი იხრიკებოდა; გატანილ ნავაჭრზე, რაც უნდა მცირე ყოფილიყო, ბაჟი უნდა გადაეხადა; აქ, რასაკვირველია, დარაჯებისაგან ათასი თეთნებობა და შევიწროება ხდებოდა; ერთი სიტყვით, სოფლებები, რომელნიც ქალაქს ვერ რჩებოდნენ, ძლიერი გაჭირვებულნი იყვნენ. ამგვარივე გაჭირვებაში იყვნენ მოსულები“ და შემდეგ: „რაკი ბათუმი პორტო-ფრანკო იყო, ყოველი მგზავრის ბარგი ბათუმიდან გამგზავრების დროს უნდა დაემხრიკათ საბაჟოში და ხელმეორედ ფოთში მისვლისას ეს იმისათვის, რომ კონტრაბანდით არ გამოეტანათ რამე ბათუმიდან. ბევრ არასასიამოვნო შემთხვევას ჰქონდა ადგილი, ბევრი სასაცილო ამბავიც მომხდარა. ნამეტურ ქალები აწარმოებდნენ კონტრაბანდისტობას; ბევრს იჭერდნენ, მაგრამ ბევრს ისე გაჰქონდა კონტრაბანდა, რომ საოცარი იყო მათი ამბავი“.²⁵⁴

²⁵² გაზ. „დროება“, №245, 1883.

²⁵³ გ.სიჭინავა, დასახ. ნაშრ., გვ. 100-101.

²⁵⁴ დ.კლდიაშვილი, ჩემი ცხოვრების გზაზე, ბათ., 1984, გვ. 19.

ასეთ ვითარებაში გაუარესდა ადგილობრივი, განსაკუთრებით – სოფლის მოსახლეობის მდგომარეობა. იგი ისედაც უნდობლად იყო განწყობილი რუსული ხელისუფლებისადმი. ახლა კი ხელოვნური დაბრკოლებების შექმნამ გააღრმავა დაპირისპირებულობა და ხელი შეუწყო მის გასახლებას (მუჰაჯირობას) ოსმალეთში.

საბოლოოდ მთავრობაც დარწმუნდა, რომ პორტო-ფრანკო მის ინტერესებს ნაკლებად შეესაბამებოდა. მას აწუხებდა არა მუჰაჯირობა (გამოთავისუფლებულ ადგილებზე შეიძლებოდა ეროვნული კოლონიზების დასახლება და ასახლება კიდევც), არამედ ის, რომ ვერ იყენებდა ბათუმს, როგორც სამხედრო ბაზას. ნიშანდობლივია, რომ რუსეთს აუკრძალეს აქ სიმაგრეების მშენებლობაც. და რადგანაც იგი უკრძალავდა საქართველო-ამიერკავკასიაში ინგლისელთა (საერთოდ, ევროპელთა) ეკონომიკურ მეტოქეობას, ისარგებლა საზოგადოებრივი აზრის მოთხოვნით და მეთოდურად შეუდგა თავისუფალი ქალაქ-ნავსადგურის სტატუსის შეზღუდვას. საამისო ნაბიჯი ფინანსთა სამინისტრომ გადადგა უკვე 1883 წ., როდესაც აკრძალა სპარსეთში გასაგზავნი საქონლის უბაჟოდ შემოტანა ბათუმში. დავით დამბაშიძის სწორი შენიშვნით, ეს მხოლოდ დასაწყისი იყო. მართლაც, მომდევნო წლებში კიდევ უფრო შეზღუდეს „ბათუმის ნავსადგურის თავისუფლება... და ბევრ საქონელზე ბაჟი დააწესეს“.²⁵⁵ ამან კი გამოიწვია დიდი აურზაური სავაჭრო წრეებში (ისინი იძულებულნი გახდნენ სატრანზიტო გზად ამიერიდან ტრაპიზონი შეეჩინათ), მაგრამ რაიმე პოლიტიკური გართულება მას არ მოჰყოლია. ასეთ ვითარებაში რუსეთის ხელისუფლებამ 1888 წ. 27 ივნისს უმტკივნეულოდ გააუქმა ბათუმის პორტო-ფრანკო.


პართული საზოგადოებრივი აზრი. ბათუმის პორტო-ფრანკოს აეკარგს აქტიურად გამოეხმაურა XIX ს. 70-80-იანი წლების ქართულ-რუსული პრესა. წერილების ავტორები იყვნენ ილია ჭავჭავაძე, ნიკო ნიკოლაძე, სერგეი მესხი და სხვ., რომლებიც მაშინ ფაქტობრივად განსაზღვრავდნენ ქართული საზოგადოებრივი აზრის მიმართულებას. ადენიშნავთ, რომ ისინი ძირითადად უარყოფითად აფასებდნენ ბათუმის პორტო-ფრანკოს. ცხადია, არა იმიტომ, რომ საერთოდ არ მოსწონდათ. ისინი აკრიტიკებდნენ მხოლოდ მისი მოწყობის ორგანიზაციულ პრინციპს და მისგან გამომდინარე ნეგატიურ მოვლენებს, მრავალრიცხოვან მოხელეთა უკეთურობას და ბიუროკრატიზმს. ასე რომ, მათი კრიტიკა, შეიძლება ითქვას, თვით რეჟიმის გაკეთილშობილება-გაუმჯობესებას ისახავდა მიზნად, მაგრამ როცა დაინახეს მთავრობის ღონისძიებათა არაფექტურობა (მანკიერებაც კი!), მაშინვე მოითხოვეს პორტო-ფრანკოს გაუქმება.²⁵⁶

პორტო-ფრანკოს შეფასებისას, ქართული საზოგადოებრივი აზრი განსაკუთრებით ამახვილებდა ყურადღებას საქართველოს კოლონიურ მდგომარეობაზე და მიიჩნევდა, რომ ამის გამო იგი ვერ მოიტანდა სარგებელს. სწორედ ეს ჰქონდა მხედველობაში ილიას, როდესაც პორტო-ფრანკოს გაუქმებასთან დაკავშირებით წერდა: „ჩვენ რომ ჩვენის საკუთარი ქვეყნის ინტერესებით შევხედოთ ამ გაუქმების საქმეს, შეგვიძლია ვსთქვათ, რომ არც პორტო-ფრანკოს ყოფნას მოჰქონდა ჩვენი სარგებელი და არც მისი არ ყოფნა ზარალს მოგვიტანს“.²⁵⁷


²⁵⁵ გაზ. „სამშობლო“, №35, 1915.

²⁵⁶ ვრცელად იხ.; აბ.სურგულაძე, მ.სიორიძე, პორტო-ფრანკო ბათუმში, ბათ., 1996, გვ. 36-41.


²⁵⁷ ილ.ჭავჭავაძე, თხზულებანი, ტ. 8, გვ. 296 (ხაზგასმა ჩვენია - ავტ.).




ქ. ბათუმის გეგმა და პორტო-ფრანკოს საზღვრები, 1878 წ.



ქ. ბათუმის გეგმა, 1903 წ.



ბათუმის პორტის პროექტი (ავტორი ა. გრევე), 1882 წ.



ბათუმის ნავსადგურის მშენებლობის პროექტი, 1885 წ.

ბათუმის ქალაქის გაგვირვების თვალსაჩინო მოღვაწეები



ლუკა ასათიანი



გრიგოლ ვოლსკი




ივანე ანდრონიკაშვილი



ივანე მესხი



ბათუმის საქალაქო თვითმმართველობის შენობა



ბაუმის საქალაქო თეიმმარტველობის მოსამსახურეები (1902-1910 წწ.)




ბათუმის წმ. ნიკოლოზის მართლმადიდებლური ეკლესია (აივო 1865 წ.)



ბათუმის მიქაელ მთავარანგელოზის ეკლესია უკან მიშენებული სამრეკლოთი (მღებარეობდა აზიზიუს მოედანზე), XIX ს. 80-იანი წლები




ალექსანდრე ნეველის მართლმადიდებლური სამხედრო ტაძარი (ე.წ. „სობორო“). სამირკველი ჩაეყარა 1888 წ. იმპერატორ ალექსანდრე III-ის ბათუმში სტუმრობის დროს. მღებარეობდა დღევანდელი სასტუმრო „ინტურისტ-პალასის“ ადგილას.




ბათუმის ქართული მართლმადიდებლური ეკლესია (მღებარეობდა ახლანდელი ზურაბ გორგილაძისა და მელიქიშვილის ქუჩების კვეთაში). სამირკველი ჩაეყარა 1895 წელს. დაანგრეს საბჭოთა ხელისუფლების დროს - 1930 წ.




ბათუმის კათოლიკური ეკლესია (აივო 1902 წ.)




ბათუმი. აზიზიის მეჩეთი (აიგო 1868 წ.)



ბათუმი. მუფთიე ჯამე
(აიგო 1873 წ., მდებარეობდა ჯორჯიაშვილის ქუჩის დასაწყისში)



ბათუმის სინაგოგა (1904 წ.)




სომხური გრიგორიანული
ეკლესია (აიგო 1890 წ.)




ბათუმი. ვაჟთა გიმნაზიის შენობა (დღეს სახელმწიფო უნივერსიტეტის პირველი კორპუსი)



მარიას (ახლანდელი მემელ აბაშიძის) გამზირი, 1908 წ.



დონდუკოვ-კორსაკოვის (ახლანდელი კონსტანტინე გამსახურდიას)
ქუჩა ბათუმში, 1900 წ.




ბათუმის სანიაღვრე არხის გეგმა, 1900 წ.




ფილინის (იგივე ფილინსკის) არხის გაწმენდა




კ. ფილინსკი




ბათუმი. სასტუმროები „ბელვიუ“ და „ორიენტალი“ (ახლანდელი გოგებაშვილის ქუჩა)




ბათუმი. „სასტუმრო საფრანგეთი“, მიხეილის (ახლანდელი ზ. გამსახურდიას) ქუჩა




ბათუმის ნავსადგური




ნავსადგურის შუქურა




ბათუმი, ბურუნ-თაბიეს სიმაგრე და იქ განლაგებული საარტილერიო ბატარეა, 1888 წ.




ბათუმის ბულვარი




ალექსანდრეს (დღეს 6 მაისის) ბაღი. საფუძველი ჩაეყარა 1888 წ.



ბათუმი. ფოსტა-ტელეგრაფის კანტორა მარინეს გამზირზე



ბათუმი. თურქული ბაზრის სავაჭრო რიგები



ბაზრის ქუჩის საერთო ხედი. XIX ს. II ნახევარი



მდ. ჭოროხი ქ. ართვინის მისაღვლომთან



ქ. ართვინის ერთ-ერთი კუთხე



ართვინის მეჩეთი



ართვინი. ხიდი მდ. ჭოროხზე



არტანუჯი. ქალაქის ხელი ბაზრის მოედნიდან



დილიჯანი სოფ. ქვემო მარადილში



მდინარე ჭოროხი



ნაეების მისაღლოში მდ. ჭოროხზე




ჭოროხული ნაეი



ქალაქ ყარსის და მისი ციხესიმაგრის
საერთო ხედი



არტაანის ციხესიმაგრე და ბაზრის მოედანი




ბათუმის ერთ-ერთი ქუჩა XIX ს. დამლევეს




რკინიგზის გვირაბი ჩაქვთან მშენებლობის პროცესში



რკინიგზის დაგება შავ ზღვასთან



ჩაქვის რკინიგზის სადგური



ბათუმის რკინიგზის სადგურის გახსნა



ბათუმის რკინიგზის სადგური



რკინიგზის სადგურის წინა ქუჩა, 1915 წ.
(დღევანდელი ვაჟა-ფშაველას ქუჩა)

§ 1. მუშათა კლასის ჩამოყალიბება და სოციალური მოძრაობის დასაწყისი

XIX-XX საუკუნეთა მიჯნაზე რუსეთის საქმიანი წრეები დაჟინებით მოითხოვდნენ საქართველოსა და კავკასიის სრული ეკონომიკური ათვისების დაჩქარებას. ისინი მიუთითებდნენ, რომ ძალით შეიძლებოდა ნებისმიერი ქვეყნის დაპყრობა, მაგრამ მისი შენარსუნება და ასიმილაცია უნდა მომხდარიყო მეტროპოლიასთან სრული ეკონომიკური შეკავშირებით.¹ ასეთი იყო ცარიზმის კოლონიური პოლიტიკის ძირითადი მიმართულება, რომლის ორბიტაში 1878 წლიდან ბათუმის ოლქიც მოექცა. ის სწრაფად დაადგა სამრეწველო განვითარების გზას. ბათუმში გახსნილმა ფაბრიკა-ქარხნებმა მოიხიდა დიდი რაოდენობით მუშახელი, რომელთა რიცხვი 1898 წ. 4 ათასამდე აღწევდა.²

XX საუკუნის დამდეგს მსხვილ კაპიტალისტებს შორის კონკურენციამ ბათუმშიც მწვავე ხასიათი მიიღო. წერილი საწარმოები საბოლოოდ განადგურდა. მოწინავე ტექნიკით აღჭურვილმა კაპიტალისტურმა წარმოებამ განვითარების მაღალ დონეს მიაღწია. ნავთობის საექსპორტო ტარის წარმოების და ექსპორტის უდიდესი ნაწილი მსხვილი მონოპოლიების ხელში გადავიდა.

1904 წ. ბათუმის მხოლოდ 4 საწარმოში 4031 მუშა იყო დასაქმებული.³ მსხვილი ფაბრიკა-ქარხნებისა და მათი მუშების რიცხვის მიხედვით ბათუმის ოლქი უსწრებდა ამიერკავკასიაში ტერიტორიითა და მოსახლეობით მასზე მსხვილ ადმინისტრაციულ ერთეულებს და ჩამორჩებოდა მხოლოდ ბაქოსა და თბილისის გუბერნიებს,⁴ თუმცა წლის განმავლობაში ერთ სულ მოსახლეზე დაშლადებული სამრეწველო ნაწარმის ღირებულებით აღემატებოდა თბილისის გუბერნიასაც (ბათუმის ოლქი - 13 რუბლი, თბილისის გუბერნია - 8,1 რუბლი). ასეთივე მდგომარეობა იყო მოსახლეობის საერთო მასაში დაქირავებული მუშახელის რაოდენობითაც.⁵

საქართველოში კაპიტალიზმის წარმოშობისა და განვითარების პროცესი ხასიათდებოდა გარკვეული თავისებურებით (ადგილობრივი კაპიტალის საგრძნობი ნაკლებობა, უცხო ქვეყნების კაპიტალის მნიშვნელოვანი როლი, მჭიდრო კავშირი რუსე-

¹ გრ.მარგანი, საქართველოს მრეწველობა და სამრეწველო პროლეტარიატი 1864-1917 წწ., თბ., 1974, გვ. 450.

² Газ. «Искра», №16, 1902.

³ გრ.მარგანი, დასახ. ნაშრ., გვ. 216.

⁴ სცსსა, ფ. 275, ან. 1, ს. 287.

⁵ Варзар В.Е. Очерки основ промышленной статистики, ч. II, М.- Л., 1925.

თის კაპიტალისტურ ეკონომიკასთან, ბატონყმობის გადმონაშთების სიჭარბე და სხე).⁶ მიუხედავად იმისა, რომ XIX ს. ბოლო მეოთხედში რუსეთის მრეწველობა რამდენადმე აღმავალი ხაზით ვითარდებოდა, როგორც ტექნიკური აღჭურვილობით, ისე მუშათა რაოდენობითა და შრომის კულტურით, იგი მაინც ჩამორჩებოდა მოწინავე კაპიტალისტურ ქვეყნებს. ეს კი სოფლის მეურნეობის ჩამორჩენილობასთან ერთად მუშათა კლასის ჩამოყალიბების პროცესზე და მის ეკონომიკურ მდგომარეობაზეც ახდენდა გავლენას.⁷ ამის თაობაზე გაზეთი „ნოვოე ობოზრენიე“ შენიშნავდა: შრომა საქართველოში „ჩაყენებულია უარეს პირობებში, ვიდრე ევროპაში არა მხოლოდ ფაბრიკებსა და ქარხნებში, არამედ სხვა დაწესებულებებში, რომლებიც თითქოს უფრო კეთილმოწყობილად უნდა გამოიყურებოდნენ“.⁸

საგლეხო რეფორმამ რუსეთში დააჩქარა კაპიტალიზმის განვითარება. საქართველოში კი გლეხთა განთავისუფლებას თან დაჰყვა ყველა ის „შეზღუდულობა, რაც XIX ს. 60-იანი წლების რეფორმას ახასიათებდა. გარდა ამისა, მას დაერთო მრავალი ახალი ნაკლიც. რუსეთში გლეხი გაათავისუფლეს რა პირადი დამოკიდებულებისაგან, მთავრობამ მას შეასყიდინა მემამულეთა მიწების ნაწილიც. საქართველოში კი ასე არ მოხდა. ბატონყმობის გაუქმებით გლეხობის დიდი მასა მაინც უმიწაყლოდ დარჩა.⁹ მათი უმეტესობა საარსებო სახსრის საშოვნელად ქალაქისაკენ დაიძრა, რამაც ხელი შეუწყო აქ შრომის ბაზრის უზრუნველყოფას იაფი მუშახელით. ამიტომაც რევოლუციამდელ პერიოდში კაპიტალიზმის განვითარება საქართველოში სწრაფი ტემპით მიიწედა წინ, თუმცა საგრძნობლად ჩამორჩებოდა რუსეთის იმპერიის ცენტრალურ გუბერნიებს.

ცნობილია, რომ ბათუმი და მისი ოლქი რუსეთს შეუერთდა კაპიტალისტურ ურთიერთობათა აქტიური განვითარების პერიოდში. ამის გამო იგი სწრაფი ტემპით დაწინაურდა და მალე ამიერკავკასიის ერთ-ერთ მსხვილ სამრეწველო ცენტრად იქცა. აქ XIX ს. ბოლო ოცწლეულსა და XX ს. დასაწყისში დასავლეთიდან შემოაქვთ წარმოების კულტურის შედარებით მაღალი ტექნოლოგიები.¹⁰ ამასთან, თავისი არაკონკურენტუნარიანობის კომპენსაციას ადგილობრივი მრეწველები ცდილობდნენ სამამულო მრეწველობისადმი მთავრობის პროტექციონისტული პოლიტიკის გატარებით, მაგრამ უშედეგოდ.¹¹ ამასთან, როგორც ჩანს, მრეწველებში ჯერ კიდევ არ იყო დამთავრებული შინაგანი ბრძოლა მრეწველურ და ვაჭრულ (მეშინაურ) მენტალიტეტს შორის. მრეწველები არ ცდილობდნენ მუშებისათვის მინიმალური საყოფაცხოვრებო და შრომის პირობების შექმნას. მათ უმთავრეს სასრუნავს შეადგენდა რაც შეიძლება მეტი მოგებიანი მიღება, ეს იყო კაპიტალიზმის განვითარების ე.წ. „ველური ხანა“, რომლისთვისაც დამახასიათებელია მწარმოებელი მასის ხელაღებით ძარცვა. მეწარმეები უგულვებელყოფდნენ მუშათა სოციალურ პირობებს და მუშათა მოძრაობას პასუხობდნენ რეპრესიებით.

ბათუმის ოლქის სამრეწველო მუშათა შევსების ძირითად წყაროს უმთავრესად რკინიგზის ახლომდებარე სოფლები შეადგენდა. თავისუფალი მუშახელის მნიშვნელოვან ბაზარს ქმნიდნენ რუსეთის იმპერიის სხვადასხვა რეგიონიდან (ასერბაიჯანიდან,

⁶ ნ. ტყემლაშვილი, ნარკვევები საქართველოს მრეწველობის ისტორიიდან (1864-1920 წწ.) თბ., 1958, გვ. 115.

⁷ ა. ა. შაიკოვი, მუშათა მოძრაობა საქართველოში I მსოფლიო ომის წლებში (1914-1917). თბ., 1969, გვ. 15.

⁸ გაზ. „Новое обозрение“, №3551, 1894 г.

⁹ ამხგ. 2, ს. 2586, გვ. 2-7.

¹⁰ Сеталъ М., Жилища рабочих в г. Батуме и меры к их оздоровлению, 1903 г., Кут., с. 21-25.

¹¹ აცსა, ფ. 7, ან. 1, ს. 43, ფურც. 13-15.

სომხეთიდან), აგრეთვე, ირანიდან, ოსმალეთიდან და სხვა ქვეყნებიდან ჩამოსული მუშებიც, სამრეწველო საქმიანობაში ჩაბმული იყო მაღალკვალიფიციური ე.წ. „გამოწერილი მუშახელიც“ (საფრანგეთიდან, ინგლისიდან, იტალიიდან, ბელგიაიდან და ავსტრია-უნგრეთიდან), რომელიც ძირითადად დასაქმებული იყო უახლესი ტექნოლოგიით აღჭურვილ საწარმოებში, ხოლო ირანიდან და ოსმალეთიდან მოსულნი - მეტწილად სამთო წარმოების „მავი“ მუშები ხდებოდნენ.

ქართველებთან ერთად აქ მუშაობდნენ თურქები, სომხები, რუსები, სპარსელები, ბერძნები და სხვ. მიახლოებითი გაანგარიშებით 900-იანი წლების დასაწყისში საქართველოში მუშათა საერთო მასაში ქართველები 55-56% შეადგენდნენ. კ. ბათუმის მხოლოდ 5 საწარმოს მაგალითზე იგი 45%-მდე აღწევდა (სომხები - 37,8%, თურქები - 4,9%, ბერძნები - 2,5%, რუსები - 4,7% და სხვები - 3,2%).¹² ბათუმის ოლქის მუშათა შორის ბევრი იყო XIX ს. 90-იან წლებში კამიდიელების¹³ მიერ მოწყობილი ხოცვა-კლდების დროს ოსმალეთიდან ლტოლვილი სომხები და ბერძნები. მუშათა კლასი შეესებას ღებულობდა აგრეთვე გაკოტრებულ წერილ მესაკუთრეთაგან (წერილი ეაჭრები, ხელოსნები და სხვ.).¹⁴ მუშათა რიგებში, თუმცა უმნიშვნელო რაოდენობით, მაგრამ მაინც ჩანან აზნაურთა წრიდან ჩამოსულებიც.¹⁵ მუშათა შორის საგრძნობი იყო ბავშვების, მოზარდების და ქალების ხვედრითი წილიც.

ბათუმის ოლქის მუშათა მნიშვნელოვანი ნაწილი ამიერკავკასიის რკინიგზის მიმდებარე სოფლების მცხოვრებლები იყვნენ, რომლებიც გაუციკების დროს სახლში ბრუნდებოდნენ და სამეურნეო საქმიანობას ეწეოდნენ. ამის გამო მეწარმეები დაინტერესებული იყვნენ სამეშაოზე აყვანათ „არა ადგილობრივი, არამედ რუსეთიდან, აგრეთვე მუსლიმანური ქვეყნებიდან მოსული მუშახელი“.¹⁶

ბათუმის ოლქის მუშათა სოციალური მდგომარეობა თითქმის ისეთივეა, როგორც მთლიანად რუსეთის იმპერიაში. ამ რეგიონის მუშების ნაწილს წარმოადგენდნენ ოსმალეთიდან ლტოლვილი სომხები და ბერძნები, რომლებიც ცხოვრების სახსარს ბათუმის ოლქის ფაბრიკა-ქარხნებში პოულობდნენ.

ამ პერიოდის ბათუმის ოლქის მუშათა კლასის შემადგენლობაში გამოყოფენ სამ ჯგუფს - 1. მუდმივ მუშებს, 2. მუშებს, რომლებიც მუშაობდნენ ქალაქად, მაგრამ კაეშირს ინარჩუნებდნენ სოფელთან და 3. სეზონურ და დღიურ მუშებს, რომლებიც დროებით სამუშაოდ ჩამოდიოდნენ ქალაქად, ხოლო ძირითად საქმიანობად კვლავ სოფლის მეურნეობას თვლიდნენ.¹⁷ ჩანს ეროვნების მიხედვით მუშათა დაჯგუფებაც.¹⁸

სამივე ჯგუფი კარგად თავსდება ჩვენთვის ცნობილ მუშათა სოციალურ საზღვრებში, მაგრამ იყო აგრეთვე ე.წ. „მუშათა არისტოკრატიაც“, რომლისთვისაც დამახასიათებელია წერილმესაკუთრული, მემშანური ფსიქოლოგია. იგი არ არის

¹² ვრ. მარგინი, დასახ. ნაშრ., გვ. 488-489.

¹³ კამიდიელთა რაზმები ოსმალეთის სულთანს აბდულ პაიფის საპატრიცეულოდ დაერქვა ქართველთა შიარაღებულ ნაწილებს, რომელიც მისივე ბრძანებით შეიქმნა 1891 წ.

¹⁴ ამის შესახებ ვაწუთო „კვალა“ აღნიშნავდა: „დღევანდელ მუშა ხალხს რომ თვალყური ადევნოს კაცმა, ხშირად დაინახავს ქარხნის კარებზე ისეთ მუშებსაც, რომელნიც ყოფილან მედუქენი. მოიჯარაფებენ და წყრილი მწარმოებლები, რომლებიც გაკოტრებულან მსხვილი ვაჭრების და მწარმოებლების მეოხებით, რადგან ვერ გაუძლიათ იმათი კონკურენციისა და მეტოქეობისთვის“ (გაზ. „კვალა“, №17, 1899, გვ. 114).

¹⁵ ს. სესია, გვ. 275, ან. 1, ს. 105.

¹⁶ ძანრინიო-ზავოდსკი ბნტ рабочих Юго-Западной России, СПб., 1887, с. 5.

¹⁷ აბსურგულაძე, ბათუმის ნავსადგურის მუშათა რევოლუციამდელი ყოფის საკითხისათვის - ბათუმის სამეცნიერო-კვლევითი ინსტიტუტის შრომები, 2, თბ., 1962, გვ. 95-96; აქვეიტარაა, აჭარის რევოლუციური გომარობის ისტორიის ნარკვევები, წ. 1, (1890-1914 წწ.), ბათ., 1959, გვ. 24-25.

¹⁸ აბსურგულაძე, დასახ. ნაშრ., გვ. 95-96.

წარმოების საშუალებების მფლობელი, მაგრამ შესაძლებლობა აქვს იყიდოს თანამომკმეების სამუშაო ძალა და ექსპლუატაცია გაუწიოს მას.

ბათუმის ოლქის მუშათა სოციალური სტრუქტურის ჩამოყალიბებაში თავისი წვლილი შეიტანეს რუსეთისა და უკრაინის ცენტრალური რაიონებიდან ჩამოსულმა გადატაკებულმა ელემენტებმა. მათი მოზღვაება განსაკუთრებით იგრძნობოდა მოუსაღიანობის წლებში. ბათუმის ოლქში რუსების დასახლების ძირითადი მიზეზი, თავდაპირველად, იყო ცარიზმის კოლონიური პოლიტიკა, ხოლო შემდეგ - აქ მრეწველობის განვითარება და რუსეთის მთელ რიგ რაიონებში გაერქმელებული სტიქიური უბედურებანი, მოუსაღიანობა და შიმშილი. XX ს. დასაწყისისათვის კვალიფიციური რუსი მუშების ხვედრითი წილი ბათუმის ოლქის მუშათა საერთო მასაში შეადგენდა 4,7%-ს.¹⁹

მუშათა კლასის სოციალურ დიფერენციაციაში მნიშვნელოვან როლს ასრულებდა მათი ასაკი და სქესი, აგრეთვე იხიც, თუ რომელ გუბერნიაში, ოლქსა და მასრაში მუშაობდნენ, ან მრეწველობის რომელ დარგს ემსახურებოდნენ. განსხვავებოდა ერთსა და იმავე საწარმო ჯგუფში დასაქმებული მუშების ხელფასებიც მათი სამუშაო ადგილისა და კვალიფიკაციის მიხედვით. მაგალითად, ლითონის დამმუშავებელ და მანქანა-დანადგარების საწარმოებში თბილისის გუბერნიაში მუშის წლიური ხელფასი საშუალოდ შეადგენდა 507 რუბლს, ხოლო ბათუმის ოლქში 341 რუბლს, რკინისა და ფოლადის საწარმოებში, შესაბამისად, 318 და 286 რუბლს, მანქანათმშენებელ საწარმოებში - 665 და 293 რუბლს.²⁰ კ. თბილისის გუბერნიაში ლითონის დამმუშავებელ მრეწველობაში მუშის საშუალო წლიური ხელფასი 166 რუბლით მეტია, ვიდრე ბათუმის ოლქში, რკინისა და ფოლადის საწარმოებში - 82 რუბლით, ხოლო მანქანათმშენებელ საწარმოებში - 372 რუბლით.

ამ მხრივ მნიშვნელოვანია მუშათა კვალიფიკაციის როლიც, თუ ქ. ბათუმში კასპია-შავი ზღვის ნავთობმრეწველობისა და ეაჭრობის კომპანიის უფროსმა ზეინკალმა 1905 წ. ხელფასის სახით 1025 რუბლი მიიღო, მანთაშევის ნავთობმრეწველობისა და საეაჭრო საზოგადოების ზეინკლის თანაშემწეს 182 რუბლი გადაუხადეს. სხვადასხვა კვალიფიკაციის მუშების ანაზღაურებაში განსხვავება იყო ერთსა და იმავე საწარმოშიც. მაგალითად, იგივე მანთაშევის ქარხნის შავი მუშების ერთმა ნაწილმა ხელფასის სახით მიიღო 650 რუბლი, მეორემ - 496 რუბლი, მესამემ კი - 215 რუბლი.²¹ ასე რომ, თუ ზემოთ აღნიშნულ კასპია-შავი ზღვის ნავთობმრეწველობის და ეაჭრობის საზოგადოების უფროს ზეინკალს მივიჩნევთ ე.წ. „მუშურ არისტოკრატიად“ და მანთაშევის ნავთობმრეწველობისა და ეაჭრობის საზოგადოების ზეინკლის თანაშემწეს - დატაკად, მაშინ ამ საწარმოთა დანარჩენი მუშები, მათი ხელფასების მიხედვით, ასე შეავსებენ საერთო სოციალურ სურათს შეძლებული, საშუალო და დარბით.

ბათუმის ოლქის სამრეწველო საწარმოებში სხვადასხვაგვარი იყო ერთი და იმავე პროფესიის მუშათა საშუალო წლიური ანაზღაურებაც. თუ იმავე კასპია-შავი ზღვის საზოგადოების მუშების საშუალო წლიური ხელფასი დაახლოებით 382 რუბლს შეადგენდა, მანთაშევის საწარმოებში - 344, ხანატრიანცისაში კი - 390

¹⁹ ი.ბორიკი, აჭარაში რუსების დასახლების ისტორიისათვის (1878-1980 წწ.). - სამხრეთ-დასავლეთ საქართველოს ისტორიის საკითხები, თბ., 1988, გვ. 70-76.

²⁰ სკსსა, ფ. 275, ან. 1, ს. 216, ფურც. 13.

²¹ აქვე, ს. 105, ფურც. 8, 10, 25.

რუბლს.

ხელფასის დიფერენციაციაში და მუშების ამა თუ იმ კატეგორიაზე მიკუთვნებისას მნიშვნელოვანი ჩანს პროფესიათა როლიც. მაგალითად: მრანდავის საშუალო წლიური ხელფასი 741 რუბლს შეადგენდა, ხარატის - 461, მხერხაიისა - 247, ზინკლისა - 546, მტეირთაიისა - 299, მზეთაიისა - 312 რუბლს და ა.შ. შავი მუშა მანთაშვეთან თუ 182 რუბლს ღებულობდა წლიური ხელფასის სახით, იგივე კატეგორიის მუშას სადაზღვეო საზოგადოება „როსია“ წელიწადში 468 რუბლს უხდიდა²² და სხვ.

ბათუმის ოლქის ეკონომიკური დაწინაურების მიუხედავად, XIX-XX საუკუნეების მიჯნაზე მძიმე იყო მუშათა შრომისა და ყოფა-ცხოვრების პირობები.

1903 წ. 17 მაისის მონაცემებით, ბათუმის 13 საწარმოში, სადაც 3315 მუშა (მათგან 490 არასრულწლოვანი - 14,7%) იყო დასაქმებული,²³ სამუშაო დრო და ხელფასები შეადგენდა: თუნუქის ყუთების ქარხნებში 10 საათს (დილის 6 საათიდან - საღამოს 6 საათამდე, საუშუბისათვის 0,5 საათისა და სადილზე ძ.ს საათის შესვენებით). კვირა დღეებისა და დღესასწაულების წინ მუშაობა მთავრდებოდა 2 საათით ადრე და სამუშაო დღე შედგებოდა 8 საათისაგან. კასპია-შავი ზღვის საზოგადოების ბათუმის საწარმოებში 1902 წლის სექტემბრის, ოქტომბრის და ნოემბრის მონაცემებით, თუნუქის განყოფილებაში თითოეული მუშა ყოველდღიურად ნარდად გამოიმუშავებდა 1 რუბ. და 68 კაპიკიდან - 2 რუბ. და 02 კაპიკამდე, სარჩილავ განყოფილებაში - 1 რუბ. და 41 კაპიკიდან - 1 რუბ. და 94 კაპიკამდე, ჩამოსასხმელ განყოფილებაში, ბიდონების გადატანისათვის - 1 რუბ. და 83 კაპ. და ა.შ. ყუთებისა და თუნუქის ბიდონების სხვა ქარხნებშიც ხელფასი თითქმის იგივეა.

ძმები ნობელების ჩამოსასხმელ სადგურებში მუშაობა მიმდინარეობდა დილის 6 საათიდან საღამოს 6 საათამდე (ერთი შესვენებით 12-დან 14 საათამდე). ამასთან, მუშები ღებულობდნენ ზეგანაკეთურ ანაზღაურებას ღამის საათებში და დღესასწაულების დროს მუშაობისათვის. აქ ცეცხლფარეშები მუშაობდნენ 3 ცვლად (ცვლაში 8 საათს), დარაჯები - ორ ცვლად (12 საათის განმავლობაში და თითოეული სარგებლობდა თვეში 4 თავისუფალი დღით). ხელფასი კი ასეთი იყო: შავი მუშა ღებულობდა 25 რუბლს თვეში, დარაჯი - 30, ცეცხლფარეში - 35 რუბ. ამის გარდა, ზეგანაკეთურ შეკეთებზე მუშა გამოიმუშავებდა 5-დან 7 რუბლამდე თვეში.²⁴

სხვადასხვანაირი იყო სამუშაო დღის ხანგრძლივობა თამბაქოს ფაბრიკებში: ბინიატ-ოლღისთან - 10 საათი, ხოლო შალოვაცკისთან - 11 საათი. მუშაობის სპეციფიკის გამო, ჩვეულებრივ, დღეში მუშაობდნენ 7 საათზე ნაკლებს. ამავე საწარმოებში ნარდად მომუშავენი თვეში ღებულობდნენ 25-30 რუბლს, მემუნდშტუკები - 15, მეპაპიროსეები - 30, ქალები - 15-20, მცირეწლოვანები 10-12 რუბლს.

მექანიკურ ქარხნებში სამუშაო დღე შეადგენდა 10,5 საათს, ხოლო დღესასწაულებისა და კვირის წინა დღეებში - 8,5 საათს. მუშებს ეძლეოდათ ხელფასი 1,5-დან 2 რუბლამდე დღეში, ხოლო დამხმარე მუშებს 1-1,1 რუბლამდე. ანალოგიურია სამუშაო დღის ხანგრძლივობა ჩილინგარიანების ტყავის ქარხანაში, ხოლო მშრალი საღებავების ქარხნებში მუშაობა ორ ცვლად იყო. დღის ცვლა მუშაობდა 10,5 საათს,

²² იქვე, ფურც. 1-130.

²³ აცსა, ფ. 1, ან. 1, ხ. 39, ფურც. 4.

²⁴ იქვე, ფურც. 4-7.

ღამის - 10 საათს; საშუალო თვიური ხელფასი 22 რუბლს შეადგენდა.²⁵ ირკევეა, რომ 1903 წ. ბათუმის ზოგიერთ საწარმოში სამუშაო საათები 10-დან 8 და 6 საათამდეც კი შემცირდა.²⁶

ბათუმის ოლქის მუშათა ხელფასის ნაწილი მეპატრონეებს მიჰქონდათ ჯარიმების სახით. 1902 წლამდე აქ არ არსებობდა საფაბრიკო-საქარხნო კანონმდებლობა, რის გამოც ხშირი იყო მუშათა უკანონო დაჯარიმება.²⁷ შესრულებული სამუშაოს ერთი ნაწილის ღირებულებას მეპატრონეც ითვსებდა, ამის შესახებ გაზეთ „ისკრას“ კორესპონდენტიც შენიშნავდა: „ახლა ჩვენ მხოლოდ პურისა და წყლის ფულს ვიღებთ, რომ რამენაირად შიმშილთ არ მოუკედეთ, რომ შეგეძლოს სიმდიდრე შექმნათ არა ჩვენთვის, არამედ სხვებისათვის... ჩვენი ცხოვრება მოკლებულია ყოველივე სიხარულს, იგი გადაქცეულია გზად სამარისაკენ“.²⁸

XIX ს. 90-იანი წლებიდან ბათუმს გადატაკებული გლეხობა მოაწედა, რამაც შექმნა მუშახელის სიჭარბე. უმუშევრებსა და მცირეხელფასიან მუშებს შორის კონკურენციამ გააუარესა უკანასკნელთა მდგომარეობა. გაზეთ „კვალის“ სიტყვით, „ცუქერის მექარხნე ამდენი სხვადასხვა ტომის ღარიბ-ღატაკ ხალხს და, რასაკვირველია, იაფადაც ქირაობს, და რატომ არ უნდა იქირაოს, როცა მუშები ეხვეწებიან: ოღონდ დამიქირავე და რაც გინდა ის მომეციო, მუშები თითონ ეცილებიან ერთმანეთს და ამის გამო მათი მდგომარეობა მიწასთან გასწორდა“.²⁹

სამუშაო ძალის ფასი რუსეთის ცენტრალურ გუბერნიებთან შედარებით საქართველოში დაბალი იყო, რასაც მთავრობის მოხელეებიც აღნიშნავდნენ.³⁰ ამასთან, ადგილობრივი მუშის შრომის ანაზღაურებაც უფრო დაბალი იყო, ვიდრე ჩამოსული რუსისა.³¹ თუ გაითვალისწინებთ, რომ XX ს. დასაწყისში ფასები შემცირდა: გირვანქა პურზე 1889 წ. 5 კაპიკიდან - 3,7 კაპიკამდე, საქონლის ხორცზე 18,5-დან - 17 კაპიკამდე, ღორისაზე - 10,2-დან - 9 კაპიკამდე, ცხერის ხორცზე 10,5-დან - 9,7 კაპიკამდე და ა.შ.³² თითქოს მუშის მდგომარეობა არცთუ ცუდად გამოიყურება, თუმცა, ამ პერიოდში თითქმის 2-ჯერ გაძვირდა შეშა, 1,4-ჯერ ტანსაცმელი, 2-ჯერ ფეხსაცმელი³³ და ა.შ.

ბათუმის ოლქის საწარმოებში საგრძნობი იყო მუშათა სიკედილიანობისა და დასახინრების შემთხვევები. მათი რიცხვი განსაკუთრებით გაიზარდა მექანიზაციის დანერგვის შემდეგ, რადგან მუშათა ტექნიკური კვალიფიკაციის დონე დაბალი იყო.

1904 წლამდე ბათუმის ოლქში არ მოქმედებდა ტექნიკური უსაფრთხოების კანონი და დაზარალებული იძულებული იყო მიემართა სასამართლოსათვის. მდგომარეობა არსებითად არც 1904 წლის შემდეგ შეცვლილა, როცა ძალაში შევიდა 1903 წ. იენისის კანონი საწარმოებში დასახინრებული მუშებისა და მათი ოჯახებისათვის დახმარების შესახებ. ახალი კანონი უფრო ამძიმებდა მუშის მდგომარეობას იმით, რომ დაზარალებულს ან მის კმაყოფაზე მყოფთ აძლევდა ხელფასის მხოლოდ ორ

²⁵ იქვე.

²⁶ იქვე, ს. 193, ფურც. 1.

²⁷ მხოლოდ როტშილდის ქარხანაში მუშებმა 1890-1902 წ. ჯარიმების სახით დაკარგეს 600 ათასი რუბლი.

²⁸ Газ. «Искра», №16, 1902.

²⁹ გაზ. „კვალი“, №17, 1899.

³⁰ Церцвадзе М., Революционное движение в Грузии в 1914-1917 гг., М., 1957, с. 20.

³¹ ა.ვაშიკიძე, მუშათა მოძრაობა საქართველოში პირველი მსოფლიო ომის წლებში (1914-1917 წწ.), თბ., 1969, გვ. 15.

³² აცხა, ფ. 6, ან. 1, ს. 571.

³³ იქვე.

მესამედს, მაშინ, როცა ადრინდელი წესით დაშვებული მუშა სასამართლო საქმეს თუ მოიგებდა, მეწარმეს მისთვის უნდა ეძლია სრული ხელფასი.

ქარხნებში მუშაობა მიმდინარეობდა მეტად მანვე პირობებში, რაც მრავალ დაავადებას იწვევდა. ამიტომ ბათუმის თეთრმარათელობამ მოითხოვა ნებართვა, რომ ბაჟიდან შემოსული თანხის ნაწილი საავადმყოფოს საჭიროებისათვის გაეხარჯათ. მთავრობამ უარით უპასუხა, „ავადმყოფებს დააკისრეთ გადასახადი და ხარჯი მით დაფარეთო“.³⁴ ავადმყოფი იხდიდა დღეში 60 კაპ, ერთი საშტატო საწოლის შენახვა კი ქალაქს დღეში 1 რუბლი და 56 კაპ უჯდებოდა. ბათუმის მუდმივ მცხოვრებლებს უნდა გადაეხადათ 75 კაპ, ხოლო იმ პირთათვის, რომელთა მკურნალობის საფასურს იხდიდნენ სხვადასხვა საეაჯრო, სამრეწველო, რკინიგზის თუ სანაოსნო უწყებები, დადგენილი იყო 1,5 რუბლი გადასახადი.³⁵

მძიმე იყო მუშათა უფლებრივი მდგომარეობაც. ქარხნის ადმინისტრაციის წარმომადგენლები მუშებს უხეშად ექცეოდნენ, ამცირებდნენ, სცემდნენ, ხოლო თუ ხმას ამოიღებდნენ, ქუჩაში აგდებდნენ.³⁶

ქარხნებში გამეყვებული უმსგავსობანი არაერთხელ იყო პრესის მსჯელობის საგანი. გაზ. „კვალი“ წერდა: „ბათუმის ქარხნებში ლანძღვა-გინება და მათრახით შურგზე ბოლის აყენება იშვიათი არ არის... აქ ერთი პრიკაზნიკი თარეშობს, აუღია ხელში კეტი და ისე დღე არ გაეა, რომ ერთი-ორი მუშა ცემით არ გამოაგდოს სამუშაოდან“.³⁷

გარდა ამისა, მუშებს არ ჰქონდათ არმეცნებში მონაწილეობის უფლება და ხანგრძლივი ბრძოლა მოუწიათ მის მოსაპოვებლად.

მღვომარეობა რამდენადმე შეიცვალა საფაბრიკო-საქარხნო ინსპექციისათვის ბათუმის ოლქის დაქვემდებარების შემდეგ. ინსპექციის ჩინოვნიკური აპარატის უპირველეს მოვალეობას ხელისუფლების ინტერესების დაცვა წარმოადგენდა.³⁸ აქედან გამომდინარე, ეს უწყება მიზნად არ ისახავდა წარმოების არსებულ სისტემაში ცვლილებების შეტანას მუშათა კლასის ინტერესების დასაცავად. პირიქით, მისი ამოცანა იყო სახელმწიფოს ორგანიზებული დაცვა, მუშათა გამოსულებსა და მკვლევარებების შინაგანი სტრუქტურის შესწავლა და მისი მშვიდობიანი გზით მოგვარება. ამ ინსტიტუტის გაჩენა დროის მოთხოვნით იყო ნაკარნახევი. იგი წარმოადგენდა ხელოსუფლების „გონიერ იარაღს“ მუშათა რევოლუციურ მოძრაობაში დეზორგანიზაციის შეტანის მიზნით. მიუხედავად ამისა, საფაბრიკო-საქარხნო ინსპექციის კონტროლმა მინც მოახდინა დადებითი შეგავლენა საწარმოებში არსებულ თვითნებობასა და განუკითხაობაზე. მაგალითად, 1890 წლიდან 1902 წლამდე მარტო ორტშილდის ქარხანაში მუშათა ჯარიმების საერთო თანხამ დაახლოებით 600 ათასი რუბლი შეადგინა.³⁹ 1912 წ. კი ბათუმის ოლქის იმ სამრეწველო საწარმოებში, რომლებიც საფაბრიკო-საქარხნო ინსპექციას ექვემდებარებოდა, მთლიანმა საჯარიმო თანხამ 153 რუბლს ძლივს მიაღწია.⁴⁰

ბათუმელი მუშის საშუალო ხელფასი იმ 4 საწარმოში, რომლებშიც ჯარიმები

³⁴ გაზ. „კვალი“, №18, 1902.

³⁵ სცსსა, ფ. 13, ან. 2, ს. 56, ფურც. 5-9.

³⁶ პ. ცეკვიტარია, დასახ. ნაშრ., გვ. 46.

³⁷ გაზ. „კვალი“, №37, 1898.

³⁸ აცსა, ფ. 1, ან. 1, ს. 9, ფურც. 6-8, 14-15.

³⁹ ამსფ., 2, ს. 7, ფურც. 7.

⁴⁰ სცსსა, ფ. 275, ან. 1, ს. 216, ფურც. 3.

აღინიშნა, შეადგენდა 259 რუბლს, თითოეულ მუშაზე, ჯარიმის სახით მოდიოდა დაახლ. 7,5 კაპ. იგივე მაჩვენებელი ქუთაისისა და თბილისის გუბერნიებში შესაბამისად 7,1 და 1,3 კაპია.⁴¹ მაშასადამე, როგორც თითოეულ დარღვევაზე, ისე თითოეულ მუშაზე ჯარიმის რაოდენობით ბათუმის ოლქი უსწრებდა თბილისისა და ქუთაისის გუბერნიებს, მაგრამ მუშის წლიურ ხელფასთან შედარებით (259 რუბ.) გადებული თანხა (7,5 კაპ.) ძალზე უმნიშვნელო იყო და შეადგენდა საშუალო წლიური ხელფასის მხოლოდ 0,0002%. ასე რომ, 1912 წ., 1902 წ. შედარებით, როცა ბათუმის ოლქში ინსპექციის ზედამხედველობა ახალი დავესებული იყო, მუშათა დაჯარიმების მოწესრიგებაში პროგრესი მნიშვნელოვანია. მსგავსი ტენდენცია შეინიშნება სამუშაოზე დასახირებულთა საქმის გამოძიებისა და ზარალის კომპენსაციის შემთხვევაშიც.⁴²

ამის მიუხედავად, XIX ს. ბოლო ოცწლეულსა და XX ს. დასაწყისში ბათუმის ოლქის მუშათა მდგომარეობა საკმაოდ მძიმედ გამოიყურებოდა. თითქმის მთლიანად უგულვებელყოფილი იყო ჯანმრთელობის დაცვის⁴³ და ბინით უზრუნველყოფის⁴⁴ უფლებები. მუშები ცხოვრობდნენ პატარ-პატარა, ჭუჭყიან, ბნელ და ნახევრად ნესტიან მიწურებსა და ქოხმახეებში. განსაკუთრებით მძიმე და აუტანელი იყო საბინაო პირობები მრავალსულიანი ოჯახებისათვის. უცოლშვილო და მარტოხელა მუშები უმთავრესად საერთო ბარაკებში ცხოვრობდნენ. გაზეთი „ჩერნომორსკი ვესტნიკი“ წერდა: „მუშათა ბინები დაყოფილია გალიებით პატარა ოთახებად, იატაკი უმეტეს შემთხვევაში პირდაპირ მიწაზეა დაგებული... ასეთ ნაგებობას ადამიანი საცხოვრებელს ამსგავსებს და გარეგნულად განასხევაებს თაელისაგან. ამ საცოდავ ქოხებში თავშეფარებულია ათასობით მუშა ხალხი, ცოლიანი და უცოლო. ასეთი ბინები გამანადგურებლად მოქმედებს მის მობინადრეებს“. მუშების დიდ ნაწილს ბინა სულ არ გააჩნდა და ღამეს სამიკიტონში და ღია ცის ქვეშ ათევდა. „რაც შეეხება მტვირთავ მუშებს და მეფორნეებს, ისინი უმეტესად თაელებში ათენებენ ცხენებთან ერთად“.⁴⁵ ექიმი მ. სეგალი აღნიშნავდა: „მუშათა უბანში ჩემს მიერ დათვალიერებული 146 სახლიდან, როგორც ოთახების, ისე აივნების იატაკი დამპალი და ჩამტვრეული აღმოჩნდა, ლპობისა და რღვევის ასეთივე დამანგრეველი კვალი ემჩნეოდა კედლებს და ჭერსაც. ზოგჯერ გვხვდებოდა სადგომები ოღრო-ჩოღრო იატაკებით. ხშირად იატაკი 1/4 არშინით დაბალია, ვიდრე ეზოს დონე, რაც ქმნის ბინებში წვიმის წყლის ჩადენის შესაძლებლობას. ჩვეულებრივად ოთახს დატანებული აქვს თითო, მუდამ გაქონილი ჭუჭყიანი ფანჯარა. გამომტვრეული მინა შენაცვლებულია ფიცრით, მუყაოთი, თუნუქით ან ძონძებისაგან გაკეთებული ჩვრით. ასეთია ხის სადგომები, მაგრამ არც აგურისა და ბეტონის სახლებია უკეთეს მდგომარეობაში... აი, ამგვარი შენობებით, ანუ, უკეთ რომ ვთქვათ, ქოხმახებითაა მოფენილი უმთავრესად საქარხნო მრეწველობის ცენტრები, სახელდობრ... „ხოლოდნაია სლობოდა“, „გოროდოკი“ და „ბარცხანა“.⁴⁶ სხვათა შორის, აქ არ იყო დვარსაშვები და ვიწრო ქუჩებში წუმპე იდგა, რაც ინფექციურ დაავადებათა გავრცელების საშიშროებას ქმნიდა.

1909 წ. 17 მაისს დამტკიცდა კანონი, რომელიც მეპატრონეებს ავალებდა

⁴¹ იქვე, ფურც. 4.

⁴² იქვე, ფურც. 3.

⁴³ გაზ. „კვალ“, №18, 1902.

⁴⁴ Газ. «Черноморский вестник», №120-121, 1902.

⁴⁵ იქვე.

⁴⁶ Сегаль М., Жилища рабочих в г. Батуме и меры к их оздоровлению, Кут., 1903, с. 12-17.

მუშებისათვის შეექმნათ ჯანმრთელობისა და პირადი პიგიენის დაცვის პირობები,⁴⁷ მაგრამ არსებული საწარმოო ბაზისა და წარმოების კულტურის ვითარებაში მისი ცხოვრებაში გატარება შეუძლებელი იყო.

მუშათა ყოფა-ცხოვრებისა და შრომის პირობებთან შესაბამისობაში იყო მათი სულიერი განვითარების შესაძლებლობანი. ეხებოდა რა მუშათა განათლებისა და კულტურის საკითხებს, გასული „ცნობის ფურცელი“ წერდა: „მუშა ხალხის მეტი წილი გახლავთ პარტუელობა, რომლებიც, სამწუხაროდ, სრულიად მოკლებული არიან ყოველგვარ გონებრივ და სწავლებრივ ვარჯიშობას და ასე წარმოიდგინეთ, კერა-უქმე დღეებში წირვა-ლოცვის მოსმენასაც კი... მუშები ახლო-მახლო სამიკიტნოებში ატარებენ მთელ დღეს და „ძმა-ბიჭებთან ქეიფში... მათი ორი გრომიც კი მიკიტნის დახლში რჩება“.⁴⁸ მუშათა უმრავლესობა თავს იყრიდა ლუღხანებში.⁴⁹ ბათუმის მხოლოდ მეორე საპოლიციო უბანში აღრიცხული იყო 6 ასეთი ლუღხანა გარყვნილება, ლოთობა და სკანდალი ჩვეულებრივი მოვლენა იყო.⁵⁰

XIX-XX სს. მიჯნაზე საქართველოს მუშათა კლასისა და მრეწველობის ისტორიაზე გამოცემულ ნაშრომებში ხშირად მაღალი შეფასება ეძლევა ბათუმის ოლქში მუშათა რევოლუციურ მოძრაობას. არადა, მასალების ანალიზით ეს საკითხები სხეანარიად წარმოინდა. მიუხედავად იმისა, რომ XX ს. დასაწყისში ბათუმის ოლქის მუშათა რევოლუციური მოძრაობა საკმაო გაქანებით ხასიათდებოდა, ზოგიერთ შემთხვევაში, მისი „კლასობრივი შეგნებულობა“ ძლიერ რყევებს განიცდიდა და არ სცილდებოდა პირად ინტერესების ფარგლებს⁵¹ ადგილი ჰქონდა მუშების მიერვე უფრო გაჭირვებულთა და დროებით უმუშევართა ექსპლუატაციას,⁵² აგრეთვე, ეროვნებათშორისი ურთიერთობის უკიდურეს დაძაბვას, რაც ზოგჯერ შეტაკებებით და მსხვერპლითაც დამთავრებულა.⁵³ მუშათა შორის ხშირი იყო მკვლევლობები ანგარიშსწორების მიზნით, პირად და სარწმუნოებრივ,⁵⁴ აგრეთვე, პარტიული შეხედულებების შეუწყნარებლობის ნიადაგზე.⁵⁵ რევოლუციურ ღონისძიებებში უმრავლესობა მონაწილეობდა ტერორისა და მუქარის შიშით,⁵⁶ ფართო გასაკედი ჰქონდა ინდივიდუალურ და კოლექტიურ ტერორს.⁵⁷ მძიმე მდგომარეობას თან ერთვოდა ცარიზმის კოლონიური ჩაგვრაც, რაც მუშებს არსებული რეჟიმისა და მეწარმეთა წინააღმდეგ ბრძოლისათვის განაწყობდა.

XIX ს. 80-იან წლებიდან მუშები არაერთხელ გაიფიცნენ, მაგრამ ეს გამოსვლები მარცხით მთავრდებოდა, რაც აქ მუშათა ორგანიზაციის არარსებობის შედეგი იყო. მუშათა პირველი გაფიცვა ბათუმში 1882 წ. მოეწყო. ისინი მოითხოვდნენ ხელფასის მომატებას და გაიმარჯვეს⁵⁸ 1889 წ. შრომის მძიმე პირობების წინააღმდეგ გამოედნენ

⁴⁷ სცსსა, ფ. 275, ან. 1, ს. 385, ფურც. 5-6.

⁴⁸ გაზ. „ცნობის ფურცელი“, №563, 1898.

⁴⁹ აცსა, ფ. 1, ან. 1, ს. 134, ფურც. 60.

⁵⁰ იქვე, ფურც. 68.

⁵¹ იქვე, ს. 342, ფურც. 10-11; იქვე, ფ. 4, ს. 62, ფურც. 34-35.

⁵² აბსურგულად, ბათუმის ნაყსადგურის მუშათა რევოლუციამდელი ყოფის საკითხისათვის. - ბათუმის სამეცნიერო-კვლევითი ინსტიტუტის შრომები, II, 1962.

⁵³ აცსა, ფ. 1, ან. 1, ს. 275, ფურც. 1, 15-16.

⁵⁴ იქვე, ს. 265, ფურც. 7.

⁵⁵ იქვე, ს. 106, ფურც. 66.

⁵⁶ იქვე, 2, ს. 8, ფურც. 7; იქვე, ს. 7, ფურც. 5.

⁵⁷ იქვე, ს. 7, ფურც. 46-66; ს. 1, ფურც. 6-8; ს. 2, ფურც. 5; ს. 258, ფურც. 1-10.

⁵⁸ ფ. მასარაძე, 1905 წელი ამიერკავკასიაში, თბ., 1932, გვ. 49.

ბათუმის სხვადასხვა საწარმოს მუშები.⁵⁹ 1890 წ. აგვისტოში დიდი გაფიცვა მოეწყო როტშილდის ქარხანაში, რომელშიც 700-მდე კაცი მონაწილეობდა. ამავე ქარხანაში გაიფიცნენ 1891, 1892 და 1893 წლებშიც. თუ 1891 წ. გაფიცვის საბაბი იყო ჯარიმები, 1892-1893 წწ. გაფიცვები გამოიწვია ხელფასების დაკლებამ. განსაკუთრებით მნიშვნელოვანი იყო 1893 წ. აპრილის გაფიცვა, რომელსაც საგაფიცო კომიტეტი ხელმძღვანელობდა და ორგანიზებულიობით გამოირჩეოდა. პოლიციის დახმარებით ეს გაფიცვა ჩააქრეს, მოწინავე მუშები კი დააპატიმრეს, თუმცა შემდეგ იძულებული გახდნენ გაეთავისუფლებინათ ისინი.⁶⁰ გამოსვლები იყო მომდევნო წლებშიც, თუმცა, მუშათა მძიმე მდგომარეობაში მათ არსებითი ცვლილება არ შეუტანიათ.

ისე როგორც სხვა მსხვილ სამრეწველო ქალაქებში, ბათუმშიც, XIX ს 90-იანი წლების დამდეგს იქმნება მუშათა პირველი წრეები, რომელთაც უმთავრესად საგანმანათლებლო ხასიათი ჰქონდათ. 1893 წელს ასეთი წრე ბათუმში პირველად ჩამოაყალიბა ეგნატ ნინოშვილმა. მასში გაერთიანებული იყვნენ მოწინავე მუშები და ინტელიგენციის წარმომადგენლები. მოგვიანებით ეს წრე დაუკავშირდა ბათუმელ სოციალ-დემოკრატებს,⁶¹ რომლებიც მუშათა შორის საგანმანათლებლო მუშაობას საკვირაო სკოლების მეშვეობით ეწეოდნენ. ამ სკოლების მუშაობაში აქტიურად მონაწილეობდნენ ნ. ჟორდანიას, კ. ჩხეიძე, ი. რამიშვილი, ფ. მახარაძე და სხვ., რომლებიც თავიანთი პოლიტიკური შეხედულებებით დიდად არ განსხვავდებოდნენ ერთმანეთისაგან.⁶² სკოლაში ისინი საუბრობდნენ ყოველდღიურ საჭირობო საკითხებზე, რითაც გარკვეული როლი შეასრულეს მუშათა გათვითცნობიერებაში.⁶³

1895 წ. დამდეგს ქართველმა და რუსმა მარქსისტებმა (კ. ჩხეიძე, გრ. სოდორაშვილი, გ. ფრანჩესკი, ი. ლუზინი და სხვ.) ბათუმში შექმნეს პირველი მარქსისტული წრე. იგი მიზნად ისახავდა „მუშათა მოძრაობის გაღვივებას მიმდინარე პერიოდში და მეფის რეჟიმის დამხობას მომავალში“. მათ ქართულად თარგმნეს კ. მარქსის და ფ. ენგელსის „კომუნისტური პარტიის მანიფესტი“ (პირველი თავი სრულად, დანარჩენებიდან კი ნაწყვეტები), რომელიც პექტოგრაფზე დაბეჭდეს და გააერცვლეს მუშათა შორის. მათვე გაამრავლეს მარქსის ფოტოსურათი. ბათუმში მოაწყვეს პირველი მაისობა (1897 წ.), გასწიეს საკმაოდ დიდი მუშაობა მარქსიზმის პროპაგანდისათვის. 1898 წ. ეანდარმერიამ აღმოაჩინა ეს წრე და მისი წევრები დააპატიმრა.⁶⁴

1900 წ. ივნისიდან ბათუმში მოღვაწეობდა ალექსანდრე წულუკიძე (1876-1905 წწ). იგი, როგორც ცნობილია, იყო „მესამე დასის“ ე.წ. „რევოლუციური ფრთის“ ერთ-ერთი წარმომადგენელი და ორგანიზაციის დაეალებით ჩამოვიდა ბათუმში, სადაც ასრულებდა „მოსამზადებელ სამუშაოს სოციალ-დემოკრატიული ორგანიზაციის დაარსებისათვის“. ⁶⁵ ამ მიზნით კითხულობდა ლექციებს ბარცხანის საკვირაო სკოლაში, რასაც დიდი მნიშვნელობა ჰქონდა მუშათა პოლიტიკური გათვითცნობიერებისათვის. სხვათა შორის, აქ უნდა იყოს წაკითხული მისი ლექციების ის ციკლი, რომელიც დღეს ცნობილია სახელწოდებით „რსდმპ ბათუმის კომიტეტის ფურ-

⁵⁹ ო.გოგოლიშვილი, საზოგადოებრივ-პოლიტიკური ვითარება ბათუმის ოლქში 1900-1910 წლებში, ნაკვ. I, ქუთ., 1996, გვ. 23.

⁶⁰ კ.ცქვიტარიძე, დასახ. ნაშრ., გვ. 51-53.

⁶¹ იქვე, გვ. 53-54.

⁶² ვ.გურული, მ.განჩაძე, ქართული სოციალ-დემოკრატიის ისტორიის საკითხები (1892-1921), თბ., 1998, გვ. 11-13.

⁶³ ო.გოგოლიშვილი, დასახ. ნაშრ., გვ. 24-25.

⁶⁴ აბ.სურგულაძე, პირველი მარქსისტული წრე ბათუმში (1895-1889), ბათ., 1972.

⁶⁵ საქართველოს ბრეზიდენტის არქივი, ფ. მ, ს. 36, ფურც. 2.

ცლები“.⁶⁶ იგი ცალკე პროკლამაციებად დაიბეჭდა 1902 წ. და შემდეგ ბროშურად აკინძეს ალ. წულუკიძემ, ფ. მახარაძესთან ერთად, 1901 წ. მარტში დაარსა სამკითხველო-ბიბლიოთეკა ნურიეში (ახლანდელი მოსწავლეთა პარკის მიდამოებში), რომელიც „მუდამ სავეს იყო მკითხველი ხალხით“.⁶⁷

ალ. წულუკიძე მონაწილეობდა საზოგადოება „ცოდნის“ საქმიანობაშიც, კერძოდ, „საგამომცემლო საკითხების გარკვევაში“. სწორედ მისი რწმევით „ცოდნამ“ გამოსცა ენინოშვილის მოთხრობა „ქრისტიანე“, რუბაკინის „ბუნების საოცარი მოვლენები“ (მთარგმნელი სვე. ჯვუღელი), ა. ბიკოვის „ამბები ინგლისის ისტორიიდან“ (მთარგმნელი კარლო ჩხეიძე), რომელიც 1902 წ. დაბეჭდა „კილაძისა და აიხ“ სტამბამ.

კულტურულ-საგანმანათლებლო საქმიანობასთან ერთად, ალ. წულუკიძე იღუწოდა ბათუმელ მუშათა ორგანიზაციული შეკავშირებისათვის საკვირაო სკოლის მოწინავე და სანდო მსმენელების მუშეობით იგი დაუკავშირდა როტშილდის, მანთაშევისა და სიდერდისის საწარმოების მუშებს და შეუდგა წრეების შექმნას 1901 წ. ზაფხულისათვის ქალაქში მუშათა რამდენიმე წრე მოქმედებდა არსებითად ეს იყო მარქსიზმის პროპაგანდიდან მასობრივ პოლიტიკურ აგიტაციაზე გადასვლის დასაწყისი, რითაც ბათუმის პროლეტარული მოძრაობა განვითარების მაღალ საფეხურზე ადიოდა.

წრეების შექმნა იყო მნიშვნელოვანი ნაბიჯი ბათუმის ორგანიზაციის გაფორმებისაკენ, მაგრამ დამაგვირგვინებელი აქტი ვერ განხორციელდა ალ. წულუკიძის მძიმე ოჯახური მდგომარეობის გამო (მეუღლის ავადმყოფობა, ორი შვილის გარდაცვალება). ამან უარყოფითად იმოქმედა ალ. წულუკიძის სულიერ მდგომარეობაზე, იგი ლოგინად ჩაეარდა და რამდენიმე ხნით ჩამოშორდა პრაქტიკულ რევოლუციურ საქმიანობას.⁶⁸

ასეთ ვითარებაში რსდმპ თბილისის კომიტეტმა ბათუმში გამოგზავნა გიორგი ჩხეიძე, მას, დროებით მაინც, უნდა შეეცვალა ალ. წულუკიძე, მაგრამ საქმეს თავი ვერ მოაბა და მალე უკანვე გაბრუნდა. მაშინ, ნოემბრის დასაწყისს აქ ჩამოვიდა იოსებ ჯუღაშვილი, რომელმაც გამოიყენა ალ. წულუკიძის მუშაობის შედეგები და მოკლე დროში ჩამოაყალიბა მუშათა 11-მდე წრე. მათი წარმომადგენლების არალეგალურ შეკრებაზე, 1901 წ. 31 დეკემბერს, შექმნა რსდმპ ბათუმის ორგანიზაცია მის საქმიანობაში აღსანიშნავია არალეგალური სტამბის მოწყობა (1902 წ. იანვარი), გაფიცვები მანთაშევისა და როტშილდის ქარხნებში, 1902 წ. 9 მარტის დიდი დემონსტრაცია, რომელიც პოლიციამ და ჯარმა დაარბია (დაიღუპა 15 დემონსტრანტი, 50-მდე კი დაიჭრა). განსაკუთრებით აღსანიშნავია 9 მარტის მსხვერპლთა წლისთავისადმი 1903 წ. მიძღვნილი მრავალათასიანი მანიფესტაცია ლოზუნგებით: „ძირს თვითმკურთხელობა“, გაუმარჯოს რესპუბლიკას“ და სხვ., რამაც მიიყრო რუსეთის საზოგადოებრიობის ყურადღება. დ. კლდიაშვილის ცნობით, მაშინ „ლევ ტოლსტოიმ ამის გასაცნობად ტფილისიდან დაიბარა ცნობილი პოლიტიკური მოღვაწე მიშო ყიფიანი, რომელმაც კარგა ხანი დაჰყო ტოლსტოისთან იასნაია-პოლიანაში“. კიდევ მეტი, ბათუმიდან პეტერბურგში ჩასულ ლ. ანდრონიკაშვილს, რომელიც მონაწილეობდა 1902 წ. დემონსტრაციის გამო დაპატიმრებული მუშების სასამართლო პროცესში, დედაქალაქის საზოგადოებრიობამ სთხოვა მოხსენების წაკითხვა ბათუმისა და

⁶⁶ ალ. წულუკიძე, თხზულებანი, თბ., 1967, გვ. 406, შენიშვნა.

⁶⁷ დ. კლდიაშვილი, ჩემი ცხოვრების გზაზე, ბათ., 1984, გვ. 109.

⁶⁸ აბ. სურგულაძე, აღექვანდრე წულუკიძე ბათუმში, ბათ., 1974, გვ. 38-39.

გურიის ამბებზე. მართლაც, ლ. ანდრონიკაშვილმა ეს „მოხსენება წაიკითხა მოწინავე ჟურნალისტების, ლიტერატორებისა და პოლიტიკური მოღვაწეების წინაშე. კრება იყო საიდუმლო, ბასეინის ქუჩაზედ, ჟურნალ „პრაგოს“ რედაქტორის პოლინოვის ბინაზედ... სამი დიდი ოთახი საესე იყო ხალხით“.⁶⁹

ბათუმის ოლქის სამხედრო გუბერნატორისადმი 1904 წლის 17 სექტემბერს წარდგენილ მოხსენებით ბარათში ამავე ოლქის უფროსმა საფაბრიკო ინსპექტორმა ვრცლად მიმოიხილა ბათუმის საწარმოებში 1903 წ. საგაფიცვო მოძრაობის მდგომარეობა და აღნიშნა ამ წლის მეორე ნახევარში ორგანიზებული გაფიცვების წარუმატებლობა. უკანასკნელ გაფიცვას პასეკის ქარხანაში, - ნათქვამია შემდეგ დოკუმენტში, - ადმინისტრაციამ უპასუხა ყველა მუშის დათხოვნით და მათ მაგიერ მუშათა მთლიანი შემადგენლობა გამოიწვია ბაქოდან, სევასტოპოლიდან და ოდესიდან. მაშინ დათხოვნილებმა მიმართეს საწარმოს მეპატრონეზე ზემოქმედების ახალ ხერხს. 2 ივნისს ხანატრიანცის ქარხანაში გაიფიცა 4 მუშა, შეწყდა სათუნუქე განყოფილების მუშაობა. სხვა მუშებით მათი შეცვლა შეუძლებელი აღმოჩნდა. საფაბრიკო ინსპექტორმა, კანონის ძალით, გაფიცულები აიძულა ემუშავათ 2 კვირა და ამის შემდეგ ყველა დაითხოვა. მუშები დარწმუნდნენ, რომ ხერხმა არ გაჭრა და შუამდგომლობა სთხოვეს საფაბრიკო ინსპექტორს ამის შემდეგ აღსდგა ნორმალური მუშაობა ქარხანაში.

ივნისის ბოლოს „კასპია-შავი ზღვის ნავთობსამრეწველო და საეაჭრო საზოგადოების“ ქარხანაში, გაურკვეველი მიზეზების გამო, ტექნიკური წუნი მომრავლდა, რაც ცუდი დარჩილებისა და დასტავში თუნუქის არასწორი მიწოდების შედეგი იყო. ადმინისტრაციის წარდგინებით გადაწყდა მუშებისათვის გადაეხადათ 2 კვირის ხელფასი და დაეთხოვათ. ამ გადაწყვეტილების გაცნობის შემდეგ ტექნიკური წუნი შეწყდა აგვისტოში დიდი რაოდენობის წუნი აღმოჩნდა მანთაშევის ორივე ქარხანაში, ამასთან, 19 აგვისტოს მედროგეებმა მოითხოვეს ანაზღაურების გადადება 30-დან 40-კაპიკამდე. ქარხნის მეპატრონეებმა ამაზე უარი თქვეს. მაშინ მედროგეებმა შეწყვიტეს ნავსადგურში ტვირთის გადატანა. მათივე გაელენით ნავსადგურში ყუთების გადატანაზე უარი თქვეს სხვა საწარმოთა მეფორნეებმაც. ამის საპასუხოდ ადმინისტრაციამ 24 აგვისტოს გამოაცხადა, რომ 2 კვირის შემდეგ ქარხანას დახურავდა და მუშებს ანგარიშს გაუსწორებდა.

ბინიატ-ოლლის თამბაქოს ფაბრიკაში კი ბოიკოტის მუქარით მუშებმა წამოაყენეს მთელი რიგი მოთხოვნები. ამასთან, გააერცვლეს რსდმპ კავკასიის კავშირის ბათუმის კომიტეტის მიმართვა, რომელიც მუშებს მოუწოდებდა, არ ეყიდათ ამ ფაბრიკის ნაწარმი.

ამავე დოკუმენტის მიხედვით, ბათუმის ოლქის მუშათა ძირითადი მოთხოვნები 1903 წ. იყო: 1. გაფიცვების გამო დათხოვნილი მუშების დაბრუნება, 2. მუშის დღიური ხელფასის გაზრდა 20 კაპიკით; 3. ხელფასის ნახევრის გაცემის დაწესება არა მარტო უბედური შემთხვევების, არამედ ავადმყოფობის დროსაც. 4. თუ მუშა სამუშაოზე მოულოდნელად ავად გახდებოდა, უნდა ანაზღაურებოდა მთელი დღის ნიხრით. 5. მუშების თანხმობის გარეშე არავინ მიიღონ და გაათავისუფლონ. 6. ქარხანა ვალდებულია მუშებს აუნაზღაუროს კვირაში ექვსი დღე, მიუხედავად იმისა, იქნებოდა

⁶⁹ დ. კლდიაშვილი, დასახ. ნაშრ., გვ. 120-121.

თუ არა შინაგანაწესით ამ კვირაში დასვენება სადღესასწაულო დღეების გამო.⁷⁰

ერთ დოკუმენტში, რომელიც ეხება ბათუმის ოლქის მუშათა მოძრაობის შედეგებს XX ს. დამდეგს, ნათქვამია: 1902 წლიდან მუშები მიისწრაფვიან მიაღწიონ სამ მიზანს: ხელფასის მომატებას, სამუშაო დღის შემცირებას და მუშათა რიცხვის გაზრდას. 1902 წლიდან 1905 წლამდე მათ მიაღწიეს ხელფასის მომატებას 20-დან 30 პროცენტამდე. სოგიერთ ქარხანაში სამუშაო საათები შემცირდა 10-დან 8 და 6 საათამდე, მუშათა რაოდენობა კი გაიზარდა თითქმის 100%. შემდეგ დოკუმენტში მითითებულია, რომ ეს არანორმალური მდგომარეობა იყო შედეგი მუშათა განუწყვეტელი გაფიცვებისა, რაც ძალიან დიდი ხანგრძლივობითა და შეუპოვრობით ხასიათდებოდა. ყოველივე ამის შემდეგ ბათუმში წარმოება იმდენად წაგებიანი გახდა, რომ თითქმის ყველა ქარხანა იძულებული შეიქნა შეეწყვიტა საქმიანობა. ამის შედეგად დაითხოვეს 4718 მუშა, რითაც გაიზარდა პროლეტარიატის მდელვარე მასა, რომელიც გაერთიანებულია საერთო ეკონომიკური ინტერესებით და კარგადაა ორგანიზებული.

განიხილავს რა მუშების გაფიცვებითა და გამოსვლებით, აგრეთვე, სხვადასხვა ბანდიტური ჯგუფების საქმიანობით ბათუმში შექმნილ მძიმე ყოთარებას, დოკუმენტის ავტორი როტმისტრი როჟანოვი აკეთებს დასკვნას, რომ თუ მათ არ მოეპოვრებოთ ქალაქს, ლაპარაკიც არ შეიძლება მუშათა შორის სიმშვიდესა და ბათუმის კეთილდღეობაზე.⁷¹

ამასვე ადასტურებდა კაპიტანი ჩიქოვანიც 1904 წლის 25 ოქტომბრის მოხსენებით ბარათში ბათუმის ოლქის სამხედრო გუბერნატორისადმი. იგი პირდაპირ აღნიშნავდა, რომ სოგიერთი პირი ნამდვილად მთავარი დამნაშავეა იმ უმსგავსებელთა და კანონსაწინააღმდეგო ქმედებათა ორგანიზებაში, რაც მეფობს ბათუმის ქარხნებში. ისინი არიან იმ დაველებათა მხურვალე შემსრულებლები, რომელთა ავტორებია სოციალ-დემოკრატიული პარტიის ბათუმის კომიტეტის ჯერ კიდევ დაუპატიმრებელი წევრები ნოე რამიშვილი და ბუღუ მდივანი. მათი გასახლება ბათუმიდან, ყოველგვარ ეჭვს გარეშე, მოიტანს სიმშვიდეს და დაამყარებს მუშებს შორის წესრიგს. როტმისტრი როჟანოვის მოწოდებულ სიას კაპიტანი ჩიქოვანი თავის მხრივ უმატებს ოსმან ლომინაძეს და მემედ მეველუ-ოღლის, რომლებსაც თელის გამოუსწორებელ მავნე ელემენტებად და ბარცხანის მკვიდრთა (რსდმპ ბათუმის კომიტეტი - ავტ.) ყველა შესაძლო დანაშაულებრივ წამოწყებათა აქტიურ მონაწილეებად.⁷²

1903 წ. მეორე ნახევრიდან ბათუმში კიდევ უფრო გაძლიერდა სოციალ-დემოკრატიების მენშევიკური ფრთის გავლენა ასევე იყო 1904 წელსაც. პოპულარობით სარგებლობდნენ ისიდორე რამიშვილი და კარლო ჩხუიძე, რომლებმაც გასაქანი არ მისცეს ი. ჯუღაშვილს და აიძულეს ბათუმის გასცლოდა ასე რომ, რსდმპ ბათუმის კომიტეტი ძირითადად მენშევიკებისაგან შედგებოდა.⁷³

⁷⁰ აცსა, ფ. 1, ან. 1, ს. 106, ფურც. 14-16.

⁷¹ აცსა, ფ. 1, ან. 1, ს. 193, ფურც. 1-3.

⁷² იქვე, ს. 106, ფურც. 56-57.

⁷³ ო.გოგოლიშვილი, დასახ. ნაშრ., გვ. 47, 55.

§2. პოლიტიკური ორგანიზაციების წარმოშობა და საქმიანობა

XIX-XX საუკუნეთა მიჯნაზე საქართველოში საზოგადოებრივ-პოლიტიკურ ასპარეზზე გამოვიდა მრავალი პოლიტიკური პარტია და მიმდინარეობა მათგან ყველაზე ანგარიშგასაწვევ ძალად იქცა სოციალ-დემოკრატიული მუშათა პარტია. ეს იყო ერთი იმ სოციალისტურ პარტიათაგანი, რომლებიც XIX ს. უკანასკნელ მეოთხედში წარმოიშენენ ევროპის ქვეყნებში, შედიოდნენ II ინტერნაციონალის შემადგენლობაში და დადებით როლს ასრულებდნენ სოციალური უსამართლობის წინააღმდეგ ბრძოლის იდეების გავრცელებასა და დემოკრატიული ორგანიზაციების შექმნაში.

XX ს. დამდეგს ბათუმშიც შეიქმნა პირობები სოციალ-დემოკრატიული ორგანიზაციების შექმნისათვის. დოკუმენტური ცნობით, 1901 წლის დამდეგს „ერთმა სოციალ-დემოკრატმა პროპაგანდისტმა გამოიყენა თბილისიდან ჩამოსული მუშები და დაარსა წრე, რომელიც მუშებში სოციალ-დემოკრატიული იდეების გავრცელების ფერმენტი გახდა; წრეს მოჰყვა სხვა მრავალი“.⁷⁴

ეს პროპაგანდისტი იყო ალ. წულუკიძე⁷⁵ მას მხარში ედგა გაზ. „ისკრის“ წარმომადგენელი (აგენტი), მუშა-რევოლუციონერი ა. შაპალოვი, რომელმაც 1902 წლის 1 თებერვალს გაზ. „ისკრაში“ გამოქვეყნებულ წერილში „ბათუმი. მუშათა მდგომარეობა ამიერკავკასიაში (მუშის წერილი)“ ფართოდ განიხილა ბათუმელი მუშების სოციალ-ეკონომიკური და პოლიტიკური მდგომარეობა.

სოციალ-დემოკრატიული წრეები დაარსდა ბათუმის სამრეწველო საწარმოებში - როტშილდისა და მანთაშევის ქარხნებში, რომელთა მუშახელი „თითქმის მხოლოდ ქართველობა... სოფლებიდან აყრილი და ბათუმს შემოხიზნული“ მუშები იყვნენ და ცხოვრობდნენ „თით ბათუმში, ბუერი ე.წ. გოროდოკში, უმეტესობა როტშილდის ქარხნის გადაღმა - ბარცხანაში“. ამ და ბათუმის სხვა საწარმოებში „მუშებმა ნელ-ნელა ერთგვარი ორგანიზაციის შემოღება იწყეს. ხელმძღვანელები ამისათვის ბათუმში ბლომად მოიპოვებოდნენ - მესამე დასელები... ისიდორე რამიშვილი, კარლო ჩხეიძე, საშა წულუკიძე; ხშირად მოდიოდა ნოე ყორღანია, რამდენჯერმე იყო ფილიპე მახარაძე“.⁷⁶

მუშათა პირველ წრეებში მეცადინეობა უმთავრესად კვირაობით ტარდებოდა წრის წევრები, ისევე, როგორც საგანმანათლებლო საკვირაო სკოლის მსმენელები, ეცნობოდნენ პოლიტიკურ, მხატვრულ და საბუნებისმეტყველო ლიტერატურას, ერთმანეთს უზიარებდნენ თავიანთ შეხედულებებს, ხელს უწყობდნენ სოციალ-დემოკრატიული იდეების გავრცელებას. კ. მარქსისა და საზოგადოებრივი მეცნიერებების სხვა სწავლულთა შეხედულებების პროპაგანდაში კ. ჩხეიძესა და ი. რამიშვილთან ერთად მონაწილეობდნენ „მესამე დასელი“ გიორგი სოლორაშვილი და ბუკინისტი სპირიდონ ჭელიძე. ბათუმის ოლქის მმართველი თხოვდა ქუთაისის სამხედრო გუბერნატორს მიელო მკაცრი ზომები ასეთი პირების დაკავებისა და საპატიმროში ჩასასმელად.⁷⁷

ბათუმის ზოგიერთ სოციალ-დემოკრატიულ წრესა და საკვირაო სკოლას მჭიდრო კავშირი ჰქონდა თბილისისა და რუსეთის იმპერიის სხვა ქალაქების სოციალ-დემოკრატიულ ორგანიზაციებთან, მაგრამ ეროვნულ საკითხში რუს მოღვაწეთა

⁷⁴ Второй съезд РСДРП. Протоколы, с. 682.

⁷⁵ აბ. სურგულაძე. აღუქსანდრე წულუკიძე ბათუმში.

⁷⁶ ამსუ, ს. 33, გვ. 10.

⁷⁷ ნ. ყორღანია, ჩემი წარსული, თბ., 1990, გვ. 33.

უმრავლესობის, მათ შორის ი. ლუზინისა და გ. ფრანჩესკის ცალმხრივმა, არსებითად ნიჰილისტურმა პოზიციამ გარკვეული გაელენა მოახდინა ბათუმის სოციალ-დემოკრატიული წრეების წევრთა შეხედულებაზე. ამას ოლქის მოსახლეობის ეროვნული სიტრულეც აძლიერებდა. თბილისში მიხა დარჩიაშვილის ბინაზე გამართულ საგანგებო თათბირზე, რომელსაც ადგილობრივ და ქუთაისელ სოციალ-დემოკრატებთან ერთად, აგრეთვე, ესწრებოდნენ კ. ჩხეიძე, ბ. მელაი და ი. ლუზინი, „დიდი შეხეტქება გაიმართა ნაციონალური საკითხის გამო... სოციალისტის საქმეა სოციალური საკითხი და არა ნაციონალური. ამ აზრს იცავდა ბათუმელი და ყველა რუს ლუზინის მეთაურობით“.⁷⁸

ბათუმისა და მისი ოლქის მოსახლეობის პოლიტიკური დონის ამადლებაში გარკვეული როლი პრესამაც შეასრულა. აჭარაში ათას ცალამდე ვერცელდებოდა გაზეთი „ივერია“, სოფლის მოსახლეობასაც საშუალება ჰქონდა გაცნობოდა გაზეთების – „კვალის“, „სოფლის ცხოვრებისა“ და ჟურნ. „მოგზაურის“ საყურადღებო წერილებს, განსაკუთრებით, ილ. ჭავჭავაძისა და ნ. ყორღანიას ცხარე კამათის დროს გამოქვეყნებულ მასალებს.

სოციალ-დემოკრატების გაზეთი „ზარია“ ფართოდ აშუქებდა მუშათა ცხოვრებისეულ მომენტებს, ხოლო სოციალისტ-ფედერალისტების გაზეთი „გოლოს ბატუმა“ სისტემატურად ამხელდა თვითმპყრობელობის ეროვნული პოლიტიკის სიმახინჯეებს, „წერნომორსკი ვესტნიკ“-ის ფურცლებზე გამოქვეყნებულ იმ წერილებს, სადაც ბათუმის ოლქის არარუსი მოსახლეობა მტრული და აბუჩად ამგდები პოზიციებიდან იყო დახასიათებული.

900-იანი წლების დამდეგს ქართული პრესისა და საზოგადოებრივი ორგანიზაციების როლი მეტად თვალსაჩინო გახდა მშრომელთა სოციალურ-პოლიტიკური მდგომარეობის მოწესრიგებაში. მოსახლეობას დაკარგული ჰქონდა ხელისუფლების დახმარების იმედი. ამას ნათლად მოწმობს როტშილდის, მანთაშევისა და სიდერისის ქარხნებიდან მუშების მიერ ქალაქის პოლიციაში გაგზავნილი წერილები.⁷⁹

ქუთაისის სამხედრო გუბერნატორისადმი გაგზავნილ წერილში ნათქვამი იყო: „მთავრობა აშკარად ვერ ხელმძღვანელობდა ხალხს, მაგრამ ეროვნული საკითხის უკუგდებას, უარყოფას მთავრობისაგან ნება ერთეოდა და არ იკრძალებოდა ეს იმიტომ, რომ აქ მძლავრობდა გამარუსებელი პოლიტიკა“.⁸⁰

XIX-XX სს მიჯნაზე ბათუმის ფაბრიკა-ქარხნებში დასაქმებული იყო ადგილობრივი და ჩამოსვლილი მუშების დიდი რაოდენობა. ამიტომ აქ ერთიანი სოციალ-დემოკრატიული ორგანიზაციის დაარსებას და მის წარმატებით საქმიანობას მნიშვნელობა ჰქონდა აჭარასა და მთელ დასავლეთ საქართველოში რევოლუციურ-განმათავისუფლებელი მოძრაობის შემდგომი განვითარებისათვის. ამიტომ, 1901 წ. ნოემბერში, რსდმპ თბილისის კომიტეტმა ბათუმში გამოგზავნა იოსებ ბესარიონის ძე ჯულაშვილი (სტალინი). ის დაუკავშირდა აქაურ მოწინავე მუშებს და ბათუმის ქარხნებში დაიწყო სოციალ-დემოკრატიული ორგანიზაციის დაარსება.⁸¹

ბათუმის სოციალ-დემოკრატიული ჯგუფის, განსაკუთრებით – ი. ჯულაშვილის საქმიანობას დაუპირისპირდნენ კ. ჩხეიძე, ი. რამიშვილი და აქ მოქმედი „მესამე დასის“

⁷⁸ ნ. ყორღანია, დასახ. ნაშრ., გვ. 33.

⁷⁹ ამხ. 2, ს. 258, ფურც. 15, 25, 85.

⁸⁰ დ. კლდიაშვილი, ჩემი ცხოვრების გზაზე, გვ. 74.

⁸¹ სცხსა, ფ. 157, ან. 1, ს. 432, ფურც. 6-7.

სხვა წარმომადგენლები კ. ჩხეიძე და გ. სოლორაშვილი პირადად შეხედნენ ი. ჯუღაშვილს, შეეცადნენ დაერწმუნებინათ, რომ იგი ვერ შეძლებდა ბათუმის „ბნელი“ მუშებისაგან არალეგალური სოციალ-დემოკრატიული ორგანიზაციის შექმნას და მოთხოვეს დაეტოვებინა ოლქის ტერიტორია. ი. ჯუღაშვილმა მოთხოვნა არ მიიღო და მათ შორის დაუნდობელი დაპირისპირება გაგრძელდა. „მესამე დასვლებმა“ სპეციალურად ორგანიზებულ მუშათა კრებებზე ი. ჯუღაშვილი და მისი თანამოაზრენი პროოკატორებად მონაბოლეს, რადგან ამ უკანასკნელთა წინადადებას □ რეგულარული ჯარის წინააღმდეგ უიარაღო მუშების ბრძოლას - მხოლოდ აუნაზღაურებელი მსხვერპლი მოჰყვებოდა. მუშათა ერთმა ნაწილმა გაიზიარა „მესამე დასვლთა“ შეხედულებანი, რასაც ხელი შეუწყო კ. ჩხეიძისა და ის. რამიშვილის საქაოლ მაღალმა ავტორიტეტმა.

სოციალ-დემოკრატიული იდეების პროპაგანდის შედეგად, ბათუმის ფარგლებს გარეთ - „სოუქ-სუს“ სასაფლაოზე მუშათა შეკრებას 300-მდე, ხოლო „ჭაობში“ - 200-მდე კაცი ესწრებოდა. მუშებში საქმიანობის მთავარი ამოცანები იყო: დაქსაქსული პროპაგანდისტული წრეების ერთიან საქალაქო ორგანიზაციად გაერთიანება, მუშებისა და გლეხობის კავშირის განმტკიცება, სოციალ-დემოკრატიულ წრეებში მარქსისტული იდეების პროპაგანდიდან ფართო პოლიტიკურ აგიატაციაზე გადასვლა.

რევოლუციურ საქმიანობაში ბათუმის მუშათა ჩაბმას და ორგანიზაციულ გაერთიანებას, სხვა მრავალ დაბრკოლებასთან ერთად, ხელს უშლიდა ეროვნული სოჭრელე აქ მუშაობდნენ ქართველები, სომხები, ბერძენები, თურქები და სხვა ეროვნების მუშები. ბათუმის 5 მნიშვნელოვანი საწარმოდან ქართველი მუშები უმრავლესობას შეადგენდა მხოლოდ ორ საწარმოში - როტმილდისა (76%) და მანთაშევის №2 ქარხნებში (57%), სამ დანარჩენში კი - სომეხი მუშები სჭარბობდნენ (ხაჩატრიანცისაში - 86%, მანთაშევის №1 - 65% და სიდერიდისის ქარხნებში - 34%). სხვა ეროვნების მუშათა რაოდენობა უმნიშვნელო იყო. მხოლოდ სიდერიდისის საწარმოში აღწევდა 55% თურქი და ბერძენი მუშების რიცხოვნობა.⁸²

მუშების ურთიერთდაახლოებისათვის კარგად იქნა გამოყენებული სომეხი უთესიტომო მუშის დასაფლავება 1901 წლის დეკემბერში. „ეს ძალიან კარგი საბაბია, - ურჩია ი. ჯუღაშვილმა სოციალ-დემოკრატიული წრის წევრებს, - ჩვენ ვიკისროთ მისი დასაფლავება და დემონსტრაციად ვაქციოთ იგი. ეს იქნება თქვენი და სომეხი მუშების დაამობილება“.⁸³

მართლაც, სომეხი მუშის დაკრძალვის ხარჯები სოციალ-დემოკრატიული წრის წევრებმა გაიღეს. გადაწყვედა, მიცვალებული თავის სამშობლოში - გოგანაში გაესვენებინათ. სამგლოვიარო პროცესია მუშათა სოლიდარობის დიდ დემონსტრაციად გადაიქცა, მასში სხვადასხვა ეროვნების 1000-მდე კაცი მონაწილეობდა. მიცვალებული მუშათა დღეუცვაციის თანხლებით სპეციალური ეაგონით წაასვენეს სამშობლოში. ამ ფაქტმა მნიშვნელოვნად განამტკიცა ქართველი და სომეხი მუშების მეგობრული ურთიერთდამოკიდებულება.

ბათუმის კომიტეტი თავდაპირველად აერთიანებდა სამ მუშასა და სამ ინტელიგენტს, რომელთაც ი. ჯუღაშვილი ხელმძღვანელობდა. კომიტეტის ინტელიგენტი წევრები ადგენდნენ პროკლამაციებს, ფურცლებსა და წრეების სამუშაო გეგმებს. კომიტეტს ექვემდებარებოდა მოწინავე მუშებისაგან შემდგარი 43 სოციალ-დემოკრატიული

⁸² Чухвашвили Н. Рабочее движение в Грузии. 1870-1904, Тб., 1958, с. 49.

⁸³ ამხე, ფ. 2, ს. 3, ფურც. 1-2.

წრე, რომელთა მუშაობას კომიტეტის მიერ რეკომენდებული 11 კვალიფიციური პროპაგანდისტი წარმართავდა. ბათუმის კომიტეტი სააგიტაციო-პროპაგანდისტულ საქმიანობას გურიისა და ზემო აჭარის სოფლებშიც ეწეოდა, აერცვლებდა პროკლამაციებსა და სხვა არალეგალურ ლიტერატურას გურიაში სოციალ-დემოკრატიული წრეების შექმნასა და განმტკიცებაში დიდი როლი შეასრულეს ბათუმელმა სოციალ-დემოკრატებმა და მოწინავე მუშებმა, რომელთა უმრავლესობა გურიისავე რაიონებისგან ბათუმში სამუშაოდ იყო ჩამოსული.

რსდმპ ბათუმის კომიტეტმა განამტკიცა კავშირი თბილისთან, საიდანაც რეგულარულად ღებულბოდა არალეგალურ ლიტერატურას საჭირო გახდა საკუთარი სტამბის მოწყობა. სტამბის ნაწილები როტშილდის ქარხანაში დაამზადეს (ზეინკალმა კოტე კალანტაროვმა, მჭედლებმა დაეით და სპირიდონ ლომთათიძეებმა) და გადაზიდეს მათე რუსიის სახლში (შაფათაეას ქ. №31), სადაც ცხოვრობდნენ ი. ჯუღაშვილი და მანთაშეის ქარხნის მუშები ძმები ილარიონ და დარისხან დარახველიძეები. იქვე კოტე კალანტაროვმა ააწყო კომიტეტის ეს პირველი მარტივი სტამბა, თუმცა იგი ვერ აკმაყოფილებდა რევოლუციურ-პროპაგანდისტული მუშაობის გაზრდილ მოთხოვნებს. ამიტომ, კომიტეტის თხოვნით, კამომ (ს. ტერ-პეტროსიანი) შეიძინა სტამბის გაუმჯობესებული ნაწილები და მალე მისი საქმიანობაც საგრძობობლად გაფართოვდა. 1903 წ. მარტამდე ამ სტამბაში დაიბეჭდა ადგილობრივი სოციალ-დემოკრატიული ჯგუფის მიერ შედგენილი 21 ფურცელი მარტიდან ფურცლები და სხვა რევოლუციური ლიტერატურა რსდმპ ბათუმის კომიტეტის სახელით გამოდიოდა.

1903 წ. მეორე ნახევარში თბილისიდან ბათუმში კვლავ ჩამოქონდათ და აქედან დასაველეთ საქართველოს რაიონების მოსახლეობაში აერცვლებდნენ პროკლამაციებსა და სხვა არალეგალურ ლიტერატურას. 'ხოგჯერ პოლიცია ახერხებდა რევოლუციონერთა ამ ღონისძიების ჩაშლას. 1903 წ. სექტემბრის დამდეგს პოლიციამ დააპატიმრა თბილისიდან ჩამოსული მუშები - გ. თელია, ვ. თბილაშვილი და ნ. ჩხაიძე, რომლებსაც ჩამოართვეს სტამბის ნაწილები, პროკლამაციები და სხვა რევოლუციური ლიტერატურა. 27 ნოემბერს ბათუმის რკინიგზის სადგურში დაპატიმრებული კამოს ჩემოდანში აღმოჩნდა ქართულ, რუსულ და სომხურ ენებზე გამოცემული გაზ. „პროლეტარიატის ბრძოლის“ 1903 წ. 15 ნომბრის 1000-ზე მეტი ეგზემპლარი.⁸⁴

კონსპირაციის მიზნით არალეგალური სტამბა მონაცემებით ბათუმის სხვადასხვა ადგილას იყო განთავსებული. ბოლო ორი წელი სტამბა ნაყოფიერად მუშაობდა ბათუმის მახლობლად სოფ. მამულდეში (ფერია) დასახლებული აფხაზი გლეხის ხაშიმ სმირბას სახლში. იქ დაბეჭდილი პროკლამაციები და ფურცლები დილით თვითონ ხაშიმს კალათში ან გოდორში ხილის ქექვს ჩალაგებული საიდუმლოდ მიჰქონდა ხან პორფილე ლომჯარიას, ხან მისი ძმის - სილიბისტრო ლომჯარიას სახლში, საიდანაც ვრცელდებოდა როგორც ბათუმის მუშებში, ისე დასაველეთ საქართველოს (გურიის, იმერეთისა და სამეგრელოს) გლეხობაში.⁸⁵

1904 წ. მარტი-აპრილის მიჯნაზე სტამბის კვალს მიაგნეს აღმოაჩინეს პროკლამაციები და სხვა პროპაგანდისტული ლიტერატურა, რის გამოც პასუხისგებაში მისცეს

⁸⁴ ფ. ლომაშვილი, ზ. გუგუშვიძე, მარქსიზმ-ლენინიზმის გავრცელება საქართველოში (1892-1904), თბ., 1986, გვ. 426.

⁸⁵ სემედი სმირბა, კონსპირაციის დიდი ოსტატა. - ფერ. „პროლეტარული რევოლუცია“, №1, თბ., 1939, გვ. 163.

სტამბის საქმიანობის ხელშემწყობი 16 პირი, მათ შორის 4 ქალი.⁸⁶ ამის მიუხედავად, სტამბის ხელში ჩაგდება ვერ შეძლეს, რადგან ხაშიმ სმირობამ მოახერხა მისი გადასაღება.⁸⁷

არალეგალური სტამბის ადგილსამყოფელის მიგნებისა და დაბეჭდილი პროკლამაციებისა და ფურცლების კონფისკაციის გამო აღფრთოვანებულმა პოლიციის მესვეურებმა ბათუმის სამხედრო გუბერნატორს ნაჩქარევად აცნობეს „აღმოვაჩინეთ და ხელთ ვიგდეთ არალეგალური სტამბა, რომელიც ქ. ბათუმში დიდხანს ბეჭდავდა არსებული წყობილების წინააღმდეგ მიმართულ ბოროტებით აღსავსე პროკლამაციებს“.⁸⁸

ბათუმის არალეგალურ სტამბაში დაბეჭდილი პროკლამაციები და გაზ. „ისკრის“ მასალა ფართოდ ვრცელდებოდა საქართველოსა და ამიერკავკასიის სოციალ-დემოკრატიულ ორგანიზაციებში. გაზეთ „ისკრას“ მუშათა შორის ავტორიტეტი ჰქონდა და იდეურ-ორგანიზაციულ ხელმძღვანელად იყო მიჩნეული. გაზ. „ისკრა“-ში ამიერკავკასიის სოციალ-დემოკრატიული ორგანიზაციის მუშაობის შესახებ გამოქვეყნდა 80-ზე მეტი სტატია, კორესპონდენცია და წერილი, სადაც გადმოცემული იყო ბათუმის საზოგადოებრივ-პოლიტიკური ცხოვრების საყურადღებო ფაქტები და მოვლენები.

XX ს. დამდეგს პოლიტიკურ ასპარეზზე გამოვიდა გაზეთების „ივერიისა“ და „ცნობის ფურცლის“ გარშემო შემოკრებილი ჯგუფი (ა. ჯორჯაძე, გ. ლასხივილი, ს. ფირცხალავა, გ. და ა. დეკანოზიშვილები და სხვ.), აირჩიეს ხელმძღვანელი კომიტეტი და დაიწყო მუშაობა პარტიის შესაქმნელად. ამ გზაზე საეტაპო მნიშვნელობის ღონისძიება იყო პარიზში გაზ. „საქართველოს“ გამოცემა. მის ფურცლებზე გამოქვეყნებულ წერილებში მომავალი სოციალისტ-ფედერალისტები კონსტიტუციური პარლამენტარიზმის პირობებში მხარს უჭერდნენ საქართველოს ავტონომიის იდეას და ცდილობდნენ ეროვნულ-პოლიტიკური ძალების ორგანიზებულად წარმართვას.

ფედერალიზმი ფრანგული სიტყვაა და ქართულად „კავშირს“ ნიშნავს შინაარსობრივად მასში იგულისხმება სახელმწიფო მოწყობის ფედერალური სისტემა, რომლის მიზანია ფედერაციის პრინციპების საფუძველზე აგებული სახელმწიფო წყობილების ან ორგანიზაციული სტრუქტურის დამყარება. ქართველი ფედერალისტები მოითხოვდნენ ძველი რუსეთის საზოგადოებრივ-პოლიტიკური და ეკონომიკური სისტემის გარდაქმნას ფედერალიზმის პრინციპებზე.

XX საუკუნის დამდეგს ეროვნულ-რადიკალური და ბურჟუაზიულ-ეროვნული მიმდინარეობების გაერთიანებით ჩამოყალიბდა ჯგუფი, რომლის მთავარი და აღიარებული ლიდერის — არჩილ ჯორჯაძის მრავალრიცხოვან წერილებში განხილულია ქართული ინტელიგენციის ძველი და ახალი თაობის წარმომადგენელთა ეროვნულ-დემოკრატიული შეხედულებანი და ჩამოყალიბებულია ე.წ. „საერთო ნიადაგის“ ეროვნული თეორია, რომელიც მნიშვნელოვანი წვლილი იყო ქართული საზოგადოებრივ-პოლიტიკური აზროვნების ისტორიაში.⁸⁹

⁸⁶ აცსა, ფ. 1, ს. 67, ფურც. 118-119.

⁸⁷ არ. მაღალაზონია, ბათუმის სტამბების ისტორიიდან. - აქარის სახელმწიფო მუზეუმის შრომები, VI, ბათ., 1963, გვ. 44.

⁸⁸ ამხფ, ფ. 5, ს. 59.

⁸⁹ ი. შველიძე, პოლიტიკური პარტიების წარმოშობა საქართველოში. ნაკვეთი I, ფედერალისტები, თბ., 1993, გვ. 54-68.

„საერთო ნიადაგის“ თეორიის შემოქმედი ა. ჯორჯაძე დამოუკიდებელი ეროვნული პარტიის შექმნის ინიციატორიც გახდა. პოლიტიკური პარტიის ჩამოყალიბება-დამკვიდრებისათვის საჭირო იყო ქართული თავისუფალი ბეჭდვითი ორგანოს დაარსება. ამ მიზნით იგი გ. დეკანოზიშვილსა და მუშა-ასოთამწყობ მიხ. კიკნაძესთან ერთად პარიზში ჩავიდა და სათანადო მოსამზადებელი მუშაობის შემდეგ 1903 წლის 1 მაისს გამოსცა ახალი ეროვნულ-რევოლუციური გაზეთი „საქართველო“.

გაზ. „საქართველო“ შეეცადა დაესაბუთებინა ეროვნულ-პოლიტიკური პარტიის პლატფორმის დამახასიათებელი ნიშნები და ძირითადი მიმართულებანი, მიანიშნა „ეროვნული ვინაობის“ აღდგენისათვის ბრძოლის კონკრეტული გზებზე ევროპის დემოკრატიული საზოგადოების წინაშე პირველმა დააყენა ქართველი ხალხის ეროვნული თავისუფლების საკითხი, რომელსაც თანაგრძობით გამოეხმაურნენ იქაური პრესის მუშაკები, ცნობილი სახელმწიფო და საზოგადო მოღვაწეები.⁹⁰

1904 წლის 1 აპრილს ვენევაში გაიხსნა სასჯელგარეთ მომუშავე ქართველი რევოლუციონერებისა და ეროვნული ფრაქციების წარმომადგენელთა პირველი კონფერენცია, რომელშიც მონაწილეობდნენ ავტონომისტები - შემდეგში სოციალ-ფედერალისტები, ქართველი ანარქისტები და სოციალისტ-რევოლუციონერებო კონფერენციის ძირითადი დოკუმენტის („ოქმები ქართველ რევოლუციონერთა პირველი კონფერენციის“) მიხედვით, მისი 21-ე მონაწილე მხოლოდ ფსევდონიმებით იყო მოხსენიებული. მათ შორის „დევიანი“ იყო ნოე ჟორდანი, „საბუელი“ - ა. ჯორჯაძე, „მანაველი“ - ვარლამ ჩერქეზიშვილი, „ეერმიცანიძე“ - ბათუმელი მოღვაწე ალექსანდრე გაბუნია.⁹¹

ვენევის კონფერენციამ საჭიროდ არ ჩათვალა პოლიტიკური პარტიების მიმართ თავისი შეხედულებების კონკრეტულად ჩამოყალიბება. გამონაკლისი იყო რსდმპ-თან დამოკიდებულება, რომელიც ცალკე საკითხად განიხილეს. სოციალისტ-ფედერალისტებს იმთავითვე დაუპირისპირდა სოციალ-დემოკრატიული მიმდინარეობა, რომელსაც მიუღებლად მიანდა სოციალისტ-ფედერალისტების მიერ შემოთავაზებული „საერთო ნიადაგის“ ეროვნული თეორია. სოციალ-დემოკრატიისა და მარქსიზმის შესახებ მოხსენებით გამოვიდნენ გ. ჩერქეზიშვილი, მ. წერეთელი და ბათუმელი ანარქისტი ალ. გაბუნია (ვერმიცანიძე).

კონფერენციის რეზოლუციის მიხედვით ხალხებისა და ერების განვითარება მიმართულებად არა ცენტრალიზაციისაკენ, რისთვისაც სოციალ-დემოკრატები იბრძოდნენ, არამედ ფედერალიზმისაკენ, რასაც მხარს უჭერდნენ მომავალი სოციალისტ-ფედერალისტების ეროვნული პარტიის წარმომადგენლები.⁹² ნ. ჟორდანიამ და სოციალ-დემოკრატიული პარტიის სხვა ოთხმა წარმომადგენელმა კონფერენცია მეორე დღესვე დატოვეს, მეთვალყურეობა კი მხოლოდ ერთ ქართველ ავტონომისტს დააკისრეს.

ვენევის ქართველ რევოლუციონერთა პირველი კონფერენციის ძირითადი მიზანი იყო ისეთი პოლიტიკური პარტიის შექმნა, რომელიც ეროვნული ავტონომიის დროშის ქვეშ გააერთიანებდა სხვადასხვა რევოლუციურ და ეროვნულ მიმდინარეობას. მოახდენდა ეროვნული ძალების პოლიტიკურ კონსოლიდაციას.

⁹⁰ გაზ. „საქართველო“, 15 ივნისი, 1903.

⁹¹ დ. შველიძე, დას. ნაშრ., გვ. 127.

⁹² დ. შველიძე, საქართველოს სოციალისტ-ფედერალისტთა პარტია (1903-1917 წწ.), სადოქტორო დისერტაცია, თბ., 1977, გვ. 46.

ჟენევის კონფერენციის შედეგი იყო „საქართველოელების“ – ანარქისტების, ესერებისა და ლიბერალური მიმართულების ეროვნულ-დემოკრატების გაერთიანება, რის შედეგად შეიქმნა არაპროლეტარული ეროვნულ-რევოლუციური და ქართულ-ლიბერალური მიმდინარეობების ბლოკი - სოციალისტ-ფედერალისტთა პოლიტიკური პარტია.

ჟენევის კონფერენციის აქტიური მონაწილე იყო ბათუმელი დელეგატი ალ. გაბუნია, რომელმაც 1904 წლის დამდეგს ბათუმში შექმნა მიმავალი სოციალისტ-ფედერალისტური პარტიის ბიურო. ორგანიზაციასთან ახლო კავშირი ჰქონდა ეროვნული მოძრაობის ერთ-ერთ ლიდერს მემედ აბაშიძეს. მოგვიანებით იგი იგონებდა: „სოც-ფედერალისტების პარტიის პროგრამიდან გულწრფელად მიზიდავდა ბრჭყვიალა იდეა ფედერაციისა ხალხთა ურთიერთთანასწორობის ნიადაგზე, იდეურადაც ამ პარტიას დაეუახლოვდი. 1906 წლამდე ამ პარტიის ერთ აქტიურ წევრთაგანად ვითვლებოდი“.⁹³ სოციალისტ-ფედერალისტთა პარტიამ დააარსა გაზეთი „გოდოს ბატუმა“, რომლის წყალობით ძლიერდებოდა და ფართოვდებოდა ქართული ეროვნული იდეების პროპაგანდა ბათუმის ოლქში.

ქართველი სოციალისტ-ფედერალისტები ჟენევის კონფერენციის შემდეგ აქტიურად მონაწილეობდნენ რუსეთის პოლიტიკურ და ოპოზიციურ პარტიათა პარიზის კონფერენციის მუშაობაში, რომლის მიზანი იყო თვითმპყრობელობის მოწინააღმდეგე პოლიტიკურ პარტიათა კონსოლიდაცია და ერთობლივი გამოსვლების გეგმების შემუშავება. ბათუმელმა სოციალისტ-ფედერალისტებმა პარიზის კონფერენციაზე „ქართლელის“ ფსევდონიმით გაგზავნეს გ. დეკანოზიშვილი, ხოლო „კოლხის“ ფსევდონიმით - ალ. გაბუნია. ისინი აქტიურად მონაწილეობდნენ კონფერენციის უმთავრესი საკითხების განხილვაში.⁹⁴

ბათუმელი სოციალისტ-ფედერალისტებისათვის მნიშვნელოვანი იყო მონაწილეობა პარიზის კონფერენციაში, სადაც რეალურად დაუკავშირდნენ რუსეთის რევოლუციური და ოპოზიციური პარტიების წარმომადგენლებს და გახდნენ რეალური პოლიტიკური ძალა, რომელსაც დაეკისრა საკუთარი წვლილი შეეტანა მონარქიის წინააღმდეგ ბრძოლაში. ჟენევისა და პარიზის კონფერენციების დოკუმენტები ფართოდ განიხილეს საქართველოს, მათ შორის – ბათუმის ფედერალისტთა ორგანიზაციის წარმომადგენელთა საერთო კრებებზე და მიღებული გადაწყვეტილებებით პარტიულ ორგანიზაციას დაარქვეს „საქართველოს სოციალისტ-ფედერალისტთა სარევოლუციო პარტია“, რაც ქმნიდა ამ პარტიაში სხვა ეროვნების წარმომადგენელთა გაერთიანების ფართო შესაძლებლობას.⁹⁵

ჟენევისა და პარიზის კონფერენციათა გადაწყვეტილების შესაბამისად, გააქტიურდა სოციალისტ-ფედერალისტთა ბათუმის ორგანიზაციის საქმიანობა. ბათუმის სათათბიროში, გიმნაზიასა და ქალაქის ზოგიერთ საწარმოში მოქმედი სოციალისტ-ფედერალისტთა ჯგუფები ეკამათებოდნენ სოციალ-დემოკრატებს და სხვა პოლიტიკური პარტიების წარმომადგენლებს, რომელთა საქმიანობაში პრიორიტეტული იყო პირადული ინტერესები, სათანადოდ არ იყო შეფასებული ეროვნული საკითხის პირველ რიგში გადაწყვეტის აუცილებლობა; ფედერალისტთა პარტიის ზოგიერთმა ბათუმელმა წევრმა, მაგალითად, ძმებმა ქიქავებმა, პარიზში შეისწავლეს ასაფეთქებელ

⁹³ მ. აბაშიძე, თხზულებანი, თბ., 1998, გვ. 371.

⁹⁴ Журн. «История СССР», №4, 1982, с. 56, 61.

⁹⁵ დ. შველიძე, დასახ. ნაშრ., გვ. 47, 54-58.

ნიეთიერებათა დამზადება-გამოყენება და ბათუმში მოაწვევს რამდენიმე თავდასხმა კოლონიური ხელისუფლების წარმომადგენლებზე.

სოციალისტ-ფედერალისტთა პარტიის ძირითად ბირთვს ბათუმის ოლქშიც უმთავრესად მაჰმადიანი მოსახლეობის გარკვეული ნაწილი - ინტელიგენცია შეადგენდა. საზოგადოების ეს ნაწილი, - აცნობებდა ბათუმის ოლქის სამხედრო გუბერნატორი პოლიციის დეპარტამენტს, - „მუსლიმანები, რომლებიც ცხოვრობენ როგორც ქალაქ ბათუმში, ასევე ზემო და ქვემო აჭარაში, და რომლის სათავეში მემედ და ზია აბაშიძეები დგანან, იმყოფებიან მჭიდრო კავშირში ქართულ ფედერალისტურ პარტიასთან, მიჰყვებიან ამ პარტიის მიზნებს და მოქმედებენ პარტიის პროგრამის მიხედვით.“⁹⁶

სოციალ-დემოკრატიული და სოციალისტ-ფედერალისტური ორგანიზაციების გარდა, ბათუმის ოლქში მოქმედებდა სოციალისტ-რევოლუციონერების (ესერების), ებრაელთა „ბუნდისა“ და სომხური დროშაკისტების პარტიული ორგანიზაციები, აგრეთვე „ხალხის კავშირის“, „მიწათმოქმედთა კავშირისა“ და „ქალაქების კავშირის“ წარმომადგენლობები.⁹⁷

900-იანი წლების დამდეგს სოციალისტ-რევოლუციონერთა ორგანიზაცია საქართველოში დამოუკიდებელი პარტიის სახით არ არსებობდა. ბათუმში იგი ადგილობრივ ჯგუფად სოციალისტ-ფედერალისტთა ორგანიზაციასთან მჭიდრო კავშირში მოქმედებდა, ხოლო იდეოლოგიური მუშაობის თვალსაზრისით 1901-1902 წლების მიჯნაზე რუსეთში შექმნილი სოციალისტ-რევოლუციონერების (ესერების) პარტიის შემადგენელ ნაწილად ითვლებოდა ამ პროგრამის პროექტი ქუთაისის სოციალისტ-რევოლუციონერთა ჯგუფმა გამოაქვეყნა, მხარი დაუჭირა დემოკრატიული რესპუბლიკის დამყარებას და ავტონომიური მმართველობის დამკვიდრებას, „რაც შეიძლება ფართო ფედერაციულ დამოკიდებულებას სხვადასხვა ეროვნებას შორის“.

ბათუმში მომუშავე ესერთა წარმომადგენლებიც იზიარებდნენ პარტიის ძირითად მოთხოვნებს და მიახნდათ, რომ „მხოლოდ ამ პროგრამის განხორციელება მისცემს განუწყვეტელი, თავისუფალი და დამოუკიდებელი განვითარების საშუალებას კაცობრიობის ყველა მატერიალურ და სულიერ ძალებს, მხოლოდ... მას მიეყვარათ ხალხთა შორის ერთმანეთში ბოძოლის ყველა... ფორმათა გაუქმებისაკენ, თავისუფლებისაკენ... თანასწორობისა და ძმობისაკენ ყველასი, განურჩევლად სქესისა, ტომისა, სარწმუნოებისა და ეროვნებისა“.⁹⁸

ბათუმის სოციალისტ-რევოლუციონერთა ჯგუფის, ისევე როგორც თბილისელ ესერთა ჯგუფის, მოქმედება უმრავლეს შემთხვევაში დაკავშირებული იყო რუსეთიდან ამავე პარტიის ხელმძღვანელების ჩამოსვლასა და მათ საქმიანობასთან ოლქში გაერცვლდა ესერთა პარტიის თბილისის ჯგუფის რამდენიმე პროკლამაცია, რომელშიც გადმოცემული იყო კავკასიის მთავარმართველ გოლიცინზე თავდასხმისა და რუსეთის შინაგან საქმეთა მინისტრის პლეევის მკვლელობის ფაქტები; პოპულარული გახდა აგრეთვე ბროშურა, რომელიც მოუწოდებდა „მამაცურად და ვაჟაკურად ებრძოდნენ რუსეთის თვითმპყრობელობას გამარჯვება საეჭვო იქნება, თუ მშრომელმა

⁹⁶ აცხა, ფ. 1, ს. 223, ფურც. 14.

⁹⁷ ოკოგოლიშვილი, საზოგადოებრივ-პოლიტიკური ვითარება ბათუმის ოლქში 1900-1910 წლებში. ნაკვეთი 1, ქუთ. 1996, გვ. 41-45.

⁹⁸ „პლატფორმათა სრული კრებული რუსეთის ყველა პოლიტიკური პარტიებისა“, გვ. 27-28 (გამოცემის წელი და ადგილი არ არის აღნიშნული).

გლუხობამ არ გაგამაგრათ... ქალაქის მუშებს და სოფლის გლუხკაცობას ერთი და იგივე ინტერესები აქვს, მუშებიც და გლუხებიც თავისი ნამუშევრით ცხოვრობენ.⁹⁹

ასე რომ, სოციალისტ-რევოლუციონერთა ბათუმის ჯგუფის მიერ ეროვნულ-განმათავისუფლებელი მოძრაობის ზოგიერთი საყურადღებო მოთხოვნისადმი მხარდაჭერამ, თვითმპყრობელობის საწინააღმდეგო პროკლამაციებისა და რევოლუციური ლიტერატურის გავრცელებამ, სააგიტაციო-მასობრივი მოძრაობის გაფართოებამ ხელი შეუწყო ბათუმისა და მახლობელი სოფლების მოსახლეობის საზოგადოებრივ-პოლიტიკური აქტიუობის ამაღლებას, მუშათა საგაფიცო მოძრაობის გაფართოებას.

ბათუმის ოლქში საქმიანობდა „დროშაისტების“ სომხური ნაციონალისტური ორგანიზაცია. მისი წევრები ძირითადად შემოკრებილი იყვნენ თბილისის კომერციული ბანკის ბათუმის განყოფილების, ნაწილობრივ კი - მაკედონელის სახელობის ბანკის გარშემო და შესაძლო დახმარებასაც უწევდნენ ოსმალეთიდან ჩამოსულ სომხებს დაბინავებასა და სამუშაოზე მოწყობაში, იარაღის შექენასა და ფოთის თუ ბათუმის ნავსადგურებიდან ყარსში, არტაანსა და სხვა ადგილებში ტრანსპორტირებაში.¹⁰⁰

„დროშაისტებს“ მჭიდრო კავშირი ჰქონდათ თბილისელ სომეხ ფაბრიკანტებთან, განსაკუთრებით მეთამბაქოე საქმოსნებთან, რომლებიც, თავის მხრივ, ცდილობდნენ შეეფერხებინათ კონკურენტი, „სამართლიან კომერსანტად“ ცნობილი ბათუმელი ბინიატ-ოდლის თამბაქოს საწარმოების მუშაობა. ამასთან, ოსმალეთიდან, ამერიკიდან და სხვა ქვეყნებიდან ლტოლვილი სომხები ცდილობდნენ საქართველოსა და ამიერკავკასიაში დასახლებას. მათ, როგორც ბათუმის ოლქის გენერალ-გუბერნატორი ვარაუდობდა, ჰქონდათ „სრულიად განსაკუთრებული მიზანი“ - რუსეთის დახმარებით დიდი სომხეთის შექმნა.

უცხოეთის სახელმწიფოებში მოქმედი სომეხთა პოლიტიკური პარტიები თუ ორგანიზაციები ხელს უწყობდნენ შავიზღვისპირეთში სომეხთა მეტი რაოდენობით შემოსვლა-დასახლებას ამას იმდენად ფართო ხასიათი ჰქონდა, რომ ბათუმის ოლქის სამხედრო გუბერნატორი მოითხოვდა „გადამჭერელ ზომებს, რათა არ შემოეშვათ... როგორც სომხები, ასევე ანატოლიელი ბერძნები. რაც შეეხება სომხებს, რომლებსაც თურქეთის ხელისუფლებამ უარი უთხრა უკან დაბრუნებაზე“, საჭიროა მათი რუსეთის შიდა გუბერნიებში განსახლება.¹⁰¹

ბათუმის ოლქში მოქმედებდა, აგრეთვე, პარტია „დაშნაკუთიუნი“, ორგანიზაცია „გნაიკი“ და ებრაელ მუშათა საყოველთაო სოციალ-დემოკრატიული კავშირი „ბუნდი“. „დაშნაკუთიუნის“ პარტია სოციალ-დემოკრატიული მიმართულებისა იყო და ძირითადად სომეხი მუშების ინტერესებს გამოხატავდა. ეს პარტია თბილისში 1890 წელს შეიქმნა და მის პირველსავე ყრილობაზე შემუშავდა პარტიის პროგრამა, წესდება და უმთავრესი ტაქტიკური მიმართულებანი: პოლიტიკური მოღვაწეობის გაფართოება, დასავლეთ ევროპის ქვეყნებისა და რუსეთის დახმარებით სომხეთის განათავისუფლება და ოსმალეთის ფარგლებში ავტონომიური სახელმწიფოს შექმნა.¹⁰²

ხშირი იყო დაპირისპირება „დაშნაკუთიუნებსა“ და „გნაიკელებს“ - ცარიზმის დასაყრდენი ანტიპარტული მიმართულების ინტელიგენტებსა და მუშებს შორის. იყო

⁹⁹ „როგორ უნდა ვიმოქმედოთ“, ტფ., 1904, გვ. 2.

¹⁰⁰ ამახ. 4, ს. 10, ფურც. 17-18.

¹⁰¹ იქვე, ს. 276, ფურც. 45.

¹⁰² ქართული საბჭოთა ენციკლოპედია, ტ. 3, გვ. 418-419.

ისეთი შემთხვევა, როცა სომეხმა მუშამ „გნჩაის“ ორგანიზაცია დატოვა და სოციალ-დემოკრატიულ პარტიაში შევიდა, მაგრამ იგი ამისათვის სიცოცხლეს გამოასადამეს სომეხთა ერთი ნაწილის შესახებ კავკასიის მთავარმართებლობას ბათუმიდან აცნობებდნენ: „სომეხებმა ძალიან მაღლა აწიეს თავი... ისინი ყოველწინადად ცდილობენ თანამოქმედების დახმარებას თურქეთში და ყოველთვის დაკავებული არიან იარაღის ტრანსპორტირებით სომხეთის ცენტრებში ერევანში, ალექსანდროპოლში და სხვაგან როგორც ჩანს, აყალიბებენ შეიარაღებულ ფორმირებებს და თურქეთში აგზავნიან“.¹⁰³

ბათუმის ოლქის სომეხობა განსაკუთრებით აქტიურობდა ქალაქის თეთ-მმართველობის საქმიანობაში და რუს კოლეგებთან ერთად წარმოადგენდა (კარიზის დასაყრდენ ძალას ისინი ცდილობდნენ ქალაქის თეთმმართველობის სათავეში თავიანთი წარმომადგენლის გაყვანას და გაიძახოდნენ: „ბათუმში ქალაქისთავი ან სომეხი, ან ქართველი უნდა იქნეს მაგრამ ქართველებს ამისათვის კაცი არ მოუძებნებათ და... არც უნარი გაქვთ საამისო; ამიტომ ჩვენ, სომეხებს, გერჩება სათავეში ჩადგომა“.¹⁰⁴

ასეთი შეურაცხყოფელი განცხადების გაკეთებასა და ნაციონალისტური პოსიციების გაძლიერებას ხელს უწყობდა, ერთი მხრივ, ბათუმის ოლქის მრეწველობაში დასაქმებულ და, მეორე მხრივ, ქალაქის თეთმმართველობის სათათბიროში მოკალათებულ სომეხთა სიმრავლე. XX ს. დამდეგს ამ ხელმძღვანელ ორგანოში სომეხებს ქართველების შემდეგ მეორე ადგილი ეკავათ. ასეთი თანაფარდობა საბჭოს შექმნიდანვე არსებობდა. ჯერ კიდევ 1888 წ. ბათუმის ქალაქის თეთმმართველობის საბჭოში არჩეული იყო 11 ქართველი, 10 სომეხი, 15 რუსი და სხვა ეროვნების წარმომადგენელი.¹⁰⁵

1902 წ. მარტში ბათუმის ოლქის ართვინის ოკრუგში სომეხურ და მაჰმადიან მოსახლეობას შორის მოხდა შეტაკება ამის მიზეზი, როგორც ქუთაისის სამხედრო გუბერნატორს ატყობინებდნენ, იყო ზოგიერთი ინციდენტი ვაჭრობის სფეროში, მაგრამ იგი მალე ჩაცხრა „დაშნაკუთიუნმა“ გააერთიანა ინფორმაცია თანამემამულეების შევიწროების შესახებ და მოუწოდა ყველა ართვინელ სომეხს მტკიცედ დაეცვა საერთო ინტერესები, კიდევ უფრო მეტად შემიჯნოვებულიყვნენ საკუთარი ორგანიზაციის გარშემო.

ურთიერთდამოკიდებულება მოსაწესრიგებელი იყო, აგრეთვე ართვინის ორ საზოგადოებრივ ორგანიზაციას - სომეხებისა და მაჰმადიანების ეროვნულ საბჭოებს შორის ორივე საბჭო მოსახლეობის მხარდაჭერით სარგებლობდა, მაგრამ აგრესიულობით მაინც სომეხური საბჭო გამოირჩეოდა, რომელიც ხშირად პროოკაციებსაც არ ერიდებოდა. არ იყო გამორიცხული, რომ „დაძაბულობა მოსახლეობასაც“ გადასდებოდა, რასაც შეეძლო გაუთვალისწინებელი შედეგები მოჰყოლოდა.¹⁰⁶

ართვინში ამ ორგანიზაციებს შორის დამოკიდებულება არც მომდევნო წლებში გაუმჯობესებულა, თუმცა, სომეხური ეროვნული გაერთიანება საკმაოდ ძლიერად გამოიყურებოდა. ამის თაობაზე 1903 წ. ივნისში, ართვინის პოლიციის უფროსი ქუთაისის უანდარმთა სამმართველოს აცნობებდა: „ართვინში მოქმედებს სომეხური ეროვნული ორგანიზაცია მისი ცენტრი ქალაქ ბათუმშია. ორგანიზაციის წევრები

¹⁰³ ამხფ. 2, ს. 258, ფურც. 7.

¹⁰⁴ დ.კლდიაშვილი, ჩემი ცხოვრების გზაზე, გვ. 55.

¹⁰⁵ ხახვლედიანი, ნარკვევები საქართველოს ისტორიიდან, ბათ., 1978, გვ. 207.

¹⁰⁶ აცსა, ფ. 1, ს.ს. 143, 149.

ავრცელებენ პროკლამაციებს სომხურ მოსახლეობაში. ისინი კარგად არიან შეიარაღებულნი, ხშირად ტარდება მათი შეკრებები, სადაც გაისმის მოწოდება სომხური მოძრაობის ერთიანობის შესახებ¹⁰⁷.

ებრაელ მუშათა საყოველთაო სოციალ-დემოკრატიული კავშირი „ბუნდი“ ავტონომიური ორგანიზაციის უფლებით მიიღო რსდმპ I ყრილობამ და მიანიჭა დამოუკიდებლობა იმ საკითხებში, რაც ებრაელი პროლეტარების მდგომარეობას შეეხებოდა. „ბუნდელეები“ ძირითადად ბათუმის სამრეწველო საწარმოთა მუშებში საქმიანობდნენ. თავიანთი პროპაგანდით ისინი ხელს ვერ უწყობდნენ ქართველი და რუსი ხალხის დაახლოება-დამეგობრებას, ცდილობდნენ რუსულ საზოგადოებაში გაქსლიერებინათ ებრაელთა სიყვარული, იმყოფებოდნენ ცარიზმის შოენინისტურ წრეებთან ალიანსში, მხარს უჭერდნენ ეკონომისტებისა და სოციალ-დემოკრატი მენშევიკების წარმომადგენელთა შეხედულებებს, ცდილობდნენ ჩამოეგდოთ შუღლი მაჰმადიან და ქრისტიან ქართველებს შორის.

1904 წ. ბოლოსა და 1905 წ. დამდეგს დაიხურა ბათუმის სამრეწველო საწარმოთა უმრავლესობა და 5 ათასზე მეტი მუშა უმუშევარი დარჩა. მათი დიდი ნაწილი დაბრუნდა დასავლეთ საქართველოს რაიონებში, თავიანთ საცხოვრებელ ადგილებში. ამით გაუარესდა მოსახლეობის ეკონომიკური მდგომარეობა, გაათულდა საზოგადოებრივ-პოლიტიკური ცხოვრება, დაცარიელდა სავაჭრო ქსელი, შემცირდა სამზაურო-სატვირთო საზღვაო რეისები. ნათობი საზღვარგარეთ გაჰქონდათ მხოლოდ განსაკუთრებულ შემთხვევაში და ისიც უცხოური გემების საშუალებით, ქალაქში მომრავალდა ქურდობის, მკვლელობისა და ბანდიტიზმის შემთხვევები.

რსდმპ ბათუმის კომიტეტი ადრინდელი შემართებით ველარ ხელმძღვანელობდა თვითმპყრობელობის წინააღმდეგ მოძრაობას. ამასთან დაკავშირებით, საყურადღებოა ბათუმის ოლქის სამხედრო გუბერნატორის მიერ კაეკასიის მთავარმართებლისადმი გაგზავნილი შეტყობინება, რომელშიც კომიტეტის საქმიანობა მოჭარბებული სიძულვილითაა დახასიათებული, თუმცა, ზოგიერთი ფაქტი, ნაწილობრივ მიანიც, შეესაბამება სინამდვილეს: „რსდმპ ბათუმის კომიტეტის აგიტაციის შედეგად მკვლელობებმა, ქურდობამ და ბანდიტიზმმა მიიღო სახიფათო ხასიათი. მათი უმრავლესობა დაუსჯელია... ამ დანაშაულებრივი კომიტეტის წევრები თავიდაც აქტიურად მონაწილეობენ მკვლელობაში, ქურდობაში, დაშინებაში, რბევაში“¹⁰⁸.

ასეთ მძიმე საზოგადოებრივ-პოლიტიკურ ვითარებაში სოციალ-დემოკრატი ახალგაზრდობის საქმიანობასა და მისწრაფებას — იარაღით დაემხოთ არსებული რეჟიმი, — არ ეთანხმებოდა მოსახლეობის უფროსი თაობის გარკვეული ნაწილი. მას ეს მოზანი მიანიჭა ახალგაზრდა თაობის თავაშეებულობად და განუკითხაობად, რის გამოც მათ შორის სულ უფრო ძლიერდებოდა უკმაყოფილება. ამის თაობაზე იმავე დოკუმენტში ნათქვამია: „ბათუმისა და კინტრიზის საპოლიციო უბნების მოსახლეობაში მოხდა განხეთქილება ძველ და ახალ თაობას შორის... მოსახლეობის დიდი ნაწილი დაშინებულია ყოველდღიური ტერორით, მკვლელობით, ქურდობით და მზად არის ამოუდგეს მთავრობას გვერდში ასეთი კომიტეტების დამღუპველი საქმიანობის ასალაგმავად“¹⁰⁹.

¹⁰⁷ აქვე, ს. 210.

¹⁰⁸ ამაჟ. 2, ს. 261, ფურც. 13.

¹⁰⁹ აქვე, ფურც. 15-16.

ბათუმის ოლქში მოქმედებდა, აგრეთვე, რამდენიმე წერილი ორგანიზაცია და საზოგადოება, მათ შორის „მიწათმოქმედთა კავშირისა“ და „მოქალაქეთა კავშირის“ ორგანიზაციები, თუმცა, მათ საზოგადოებაში არ პქინდათ რამდენადმე მნიშვნელოვანი გავლენა.

§3. მუშათა და გლეხთა მოძრაობა 1900-1904 წლებში

ბათუმის მუშების პირველი სერიოზული შეტაკება ადმინისტრაციასთან მოხდა როტშილდის ქარხანაში 1902 წლის დამდეგს ქარხანაში ხანძარი განდა, ადმინისტრაციამ მუშებს ხანძრის ჩაქრობისათვის შეპირებული დამატებითი ანაზღაურება არ გადაუხადა. მოტყუებულმა მუშებმა მიმართეს რსდმპ ბათუმის კომიტეტს, რომლის რჩევით ისინი შემოურტყნენ ქარხნის მთავარ კანტორას და მოთხოვეს შრომის ანაზღაურება. ადმინისტრაცია იძულებული გახდა დაექმყოფილებინა მუშები და გაეცა 3500 რუბლი.¹¹⁰

რსდმპ ბათუმის კომიტეტმა გამოიყენა გამარჯვების ეს ფაქტი და აქტიური აგიტაცია გააჩადა ქალაქის ზოგიერთ სხვა საწარმოში (მაგ. მანთაშევის ქარხანაში), სადაც მუშათა მდგომარეობა უფრო მძიმე იყო.

1902 წლის იანვრის დამდეგს ქარხნის დირექტორმა ტერ-აკოფოვმა არ ადადგინა უმიზეზოდ დათხოვნილი მუშები. მაშინ ქარხნის მუშებმა პროტესტის ნიშნად 31 იანვარს საყოველთაო გაფიცვა გამოაცხადეს ადმინისტრაციამ მიმართა პოლიციას, რომლის განკარგულებით დააპატიმრეს 112 მუშა. ბათუმის გარნიზონის უფროსმა პოლიციის ერთი ბატალიონიც მიაშველა, მაგრამ გაფიცულნი ამან ვერ შეაშინა პირიქით, მათ ადმინისტრაციას წაუყენეს ახალი მოთხოვნები დაპატიმრებულთა გათავისუფლება, რეასათიანი სამუშაო დღის შემოღება, ზრდილობიანი მოპყრობა, ხელფასის 10% მომატება, ჯარიმების ფულის მუშებისათვის დაბრუნება, დირექტორის სამუშაოდან დათხოვნა.¹¹¹

საყოველთაო გაფიცვა გაგრძელდა, ქარხანა უმოქმედოდ იდგა, მეპატრონეს ზარალი მოსდლოდა. ბოლოს თვით მანთაშევემ პოლიციის წინაშე იშუამდგომლა დაპატიმრებულთა გათავისუფლებისათვის და მუშებს პირობა მისცა, რომ დააკმაყოფილებდა მათ სხვა მოთხოვნებსაც. მართლაც, დაპატიმრებულნი გაათავისუფლეს, მუშებს აუნაზღაურეს გაფიცვის გამო გაცდენილი სამუშაო დღეების ხელფასი, საპატიმროდან განთავისუფლებულებსაც მიეცათ 30-30 რუბლი.¹¹²

ამრიგად, მანთაშევის ქარხნის მუშათა ეს გაფიცვაც, რომელიც 18 დღე გაგრძელდა, გამარჯვებით დამთავრდა ამით საგრძნობლად ამაღლდა რსდმპ ბათუმის კომიტეტის ავტორიტეტი.

1902 წლის 26 თებერვალს, ნავთობზე მოთხოვნის შემცირების მომიზეზებით, როტშილდის ქარხნის ადმინისტრაციამ დაითხოვა 389 მუშა შეიქმნა საგაფიცვო კომიტეტი, რომელსაც ი. სტალინი მეთაურობდა. 27 თებერვალს „ქარხანაში არც ერთი

¹¹⁰ ამხგ. 2, ს. 21, ფურც. 12.

¹¹¹ იქვე ფ. 5, ს. 95, ფურც. 14-17.

¹¹² Газ. «Искра», №20, 1 мая 1902 г.

მუშა არ დარჩენილა... იქ ქვეითი ჯარის ნაწილები ჩააყენეს და ქარხანას ის იცავდა.¹¹³ აღმინისტრაციამ პოლიციას მიმართა. ბათუმში ჩამოვიდა ქუთაისის სამხედრო გუბერნატორი გენერალი სმაგინი. 2 მარტს რსდმპ ბათუმის კომიტეტმა როტმილდის მოწინავე მუშებისაგან შეადგინა დელეგაცია გუბერნატორთან შესახვედრად, მაგრამ მოლაპარაკება უშედეგოდ დამთავრდა.

მანთაშევისა და როტმილდის ქარხნების ამბებმა ბიჭვი მისცეს მუშათა მოძრაობის აღმავლობას ქალაქის სხვა საწარმოებშიც. 5 მარტს გაიფიცნენ სიდერიდისის ქარხნის მუშები და საფაბრიკო ინსპექტორს წარუდგინეს მოთხოვნები 120 მუშის ხელმოწერით. დადებითი პასუხის ნაცვლად 7 მარტს დააპატიმრეს 40 მუშა. იმავე დღეს გაფიცვას შეუერთდნენ ხანატრიანცის ქარხნის მუშებიც. 8 მარტს გაიმართა გაფიცულთა მასობრივი მანიფესტაცია დღის 1 საათზე 800-მდე დემონსტრანტი შეიკრიბა პოლიციის სამმართველოსთან და მოითხოვა დაპატიმრებულთა გათავისუფლება. პოლიციელებმა ვერ გაუანტეს დემონსტრანტები. მაშინ ქუთაისის სამხედრო გუბერნატორის მითითებით „აღმინისტრაციამ მიმართა ეშმაკობას: დაპატიმრებულნი გაათავისუფლეს და სთხოვეს დაბრუნებულებიყენენ სახლში... დემონსტრანტებს უცდიდა სალდათების ორი ასეული, რომლებიც თავს დაესხნენ მათ და ისინი შეტრეს ყაზარმაში“.¹¹⁴ ამ ხერხით 300-ზე მეტი დემონსტრანტი დააპატიმრეს და ადრე დატუსაღებულ მუშებთან ერთად მოათავსეს ე.წ. „საეტაპო ყაზარმაში“.¹¹⁵

დემონსტრანტების დაპატიმრებამ ალაშვოთა მუშები. 8 მარტს ღამით ბათუმის კომიტეტმა ქალაქის ფაბრიკა-ქარხნების სოციალ-დემოკრატიული წრეების წარმომადგენელთა შეკრებაზე შეიმუშავა პოლიტიკური დემონსტრაციის ჩატარების პროგრამა, რომელიც მეორე დღესვე განხორციელდა. მასში მონაწილეობდა მანთაშევის, როტმილდის, ნობელის, სიდერიდისის, ხანატრიანცის, პასეკის, კაპლანის, ბინიატოლდის, ჩილინგარიანისა და სხვა საწარმოთა 6000-მდე მუშა. დემონსტრანტები დღის 9 საათზე გაემართნენ საეტაპო ყაზარმებისაკენ. როტმილდის ქარხნის მუშებმა თეოფილე გოგიბერიძემ და მიხეილ ხირიმიანცმა, დემონსტრანტთა სახელით, ბათუმის ოლქის სამხედრო გუბერნატორის თანაშემწეს პოლკოვნიკ დრიაგინს მოსთხოვეს დაპატიმრებულთა განთავისუფლება. დრიაგინმა უარი განაცხადა და დემონსტრაციას დაშლისაკენ მოუწოდა. მუშები არ დაემორჩილნენ. სპეციალურად მოწვეული მსროლელი ბატალიონის ჯარისკაცები დემონსტრანტებს დაერივნენ და კონდახებით ცემაც დაუწყეს. მუშები ხელდახელ შეებნენ ჯარისკაცებს, რომლებმაც უიარაღო დემონსტრანტებს ცეცხლი გაუხსნეს მოკლეს 15, დაიჭრა 54 მუშა.¹¹⁶ დემონსტრაციის ხუთასამდე მონაწილე დააპატიმრეს, 21 მუშა პასუხისგებაში მისცეს.

დაღუპული მუშები დაკრძალეს 12 მარტს. პროცესიას მიაცილებდა ხუთი ათასამდე კაცი. გაერცვლდა პროკლამაცია, რომელიც მთავრდებოდა შემდეგი სიტყვებით: „დიდება თქვენ, სიმართლისათვის დაღუპულნი... თქვენს აწრდილებს, რომლებიც გამუდმებით თავს დაგეტრიალებენ და ჩაგეწურწურებენ, სისხლი აიღეთო!“¹¹⁷ სიტუაციის

¹¹³ ამხ, ფ. 5, ს. 84, ფურც. 8.

¹¹⁴ Газ. «Искра», №20, 1 мая 1902 г.

¹¹⁵ ამხ, ფ. 5, ს. 95, ფურც. 1-2.

¹¹⁶ Газ. «Искра», №20, 1 мая 1902 г., Газ. «Заря», №3, 30 мая 1902 г. იხ. აგრეთვე ქუთაისის ეანდარმათა საგუბერნიო სამმართველოს ბათუმის საოლქო განყოფილების უფროსის თანაშემწის როტმისტრ ჯაყელის 1905 წლის 16 ოქტომბრის მოხსენება („ბათუმის დემონსტრაცია 1902 წელს“, თბ., 1939, გვ. 177-179).

¹¹⁷ საქართველოს პრეზიდენტის არქივი, ფ. 8, ან. 4, ს. 479, ფურც. 1.

განტვირთვის მიზნით ხელისუფლებამ პასუხისგებაში მიცემული ყველა მუშა გაათავისუფლა.

1902 წ. 9 და 12 მარტის ამბების შემდეგ საგაფიცო მოძრაობამ ბათუმში შედარებით მასობრივი ხასიათი მიიღო. გახშირდა გამოსვლები ხელისუფლებისა და ფაბრიკა-ქარხნების შეპატრონეთა წინააღმდეგ, ერთი წლის მანძილზე აქ 30-მდე გაფიცვა მოეწყო.

ბათუმის ამბებმა ქვეყანაში მსლავრი გამოძახილი გამოიწვია და პოლიტიკური მნიშვნელობა მოიპოვა, რაც ხაზგასმით აღნიშნა რსდმპ III ყრილობამ გაზ. „ისკრა“ წერდა: „მუშათა მოძრაობის არც ერთ ძველ ცენტრში, რომელთაც გადამწყვეტი მნიშვნელობა აქვთ ჩვენს ბრძოლაში, პეტროგრადში, მოსკოვში, კიევიში, ხარკოვში, ოდესაში - 1902-1903 წწ. მთელ სააგიტაციო პერიოდში არ მოხერხდა მოგვეწყო თურდაც რამდენადმე მნიშვნელოვანი დემონსტრაცია... ამ მხრივ გამოწაკლის წარმოადგენს ბათუმის კომიტეტი, სწორედ ამიტომ პატარა ბათუმს უფლება აქვს მიულოცოს თავის თავს მიმდინარე წლის 9 მარტის დემონსტრაცია.“¹¹⁸

რევოლუციური მუშაობის შემდგომი გაშლის მიზნით რსდმპ ბათუმის კომიტეტმა მარტის მეორე ნახევარში მოიწვია სოფლებიდან (გასახლებიდან) დაბრუნებული მუშების არალეგალური შეკრება, მისცა მათ კონკრეტული დავალებები და გაატარა არალეგალური ლიტერატურა დასაყვამო საქართველოს გლეხობაში გასაფრცხვლებად. ფოთის ნავსადგურის მუშებს ბათუმის ამბები გააცნო და 9 მარტის დემონსტრაციასთან დაკავშირებით დაბეჭდილი პროკლამაციები დაურიგა ბათუმის კომიტეტის წარმომადგენელმა იელიანე შაფათაევამ, ჭიათურაში კი - როტშილდის ქარხნის მუშამ მირიან ხომერიკმა.

ბათუმის მუშათა მოძრაობის ასეთმა აღმავლობამ დააშინა ადგილობრივი ხელისუფლება, თუმცა პოლიციისა და ჟანდარმერიის დახმარებით მან შეძლო აღმოეჩინა და 1902 წლის 5 აპრილს დაეპატიმრებინა მუშათა ხელმძღვანელები და მოძრაობის აქტიური მონაწილენი - ბათუმის კომიტეტის წევრები, მათ შორის სოსო ჯულაშვილი (სტალინი).

ი. სტალინის დაპატიმრების შემდეგ ბათუმში 1902 წ. მაისში სამუშაოდ ჩამოვიდნენ გიორგი ელისაბედაშვილი და დავით ღამბაშიძე. გააძლიერეს მუშაობა კარლო ნხეიძემ და ისიდორე რამიშვილმა. მათ დასახმარებლად თბილისიდან ჩამოვიდა „მოხევის“ ფსევდონიმით ცნობილი სოციალ-დემოკრატი დავით ხართიშვილი. მალე დღამბაშიძე დააპატიმრეს და იგი შეცვალა მიხეილ დავითაშვილმა, რომელიც გელისაბედაშვილთან ერთად ხელმძღვანელობდა რსდმპ ბათუმის კომიტეტის მუშაობას.¹¹⁹ აქაური პროლეტარიატი თავისი პოლიტიკური შეგნებულობითა და დარაზმულობით ერთ-ერთი მოწინავე იყო საქართველოსა და ამიერკავკასიაში.

1902 წ. 22 ივნისს მუშათა გამარჯვებით დამთავრდა როტშილდის ქარხანაში სამთვიანი გაფიცვა: მათ გაუზარდეს ხელფასი, ნახევარი საათით შეუმცირეს სამუშაო დღე, კვირას და უქმე დღეების წინ შემოიღეს 8-საათიანი, ხოლო ბავშვებისათვის - 5-საათიანი სამუშაო დღე, ხელფასზე აიკრძალა ყოველგვარი გამოქვეითვა სოფლებში გასახლებული 500-მდე მუშა ქარხნის დირექტორმა უკანვე გამოისახა და აღადგინა სამუშაოზე. ამასთან, თითოეულ მათგანს ნაცდურისათვის გასამრჯელოდ მიეცა 40-50 რუბლი.

¹¹⁸ Газ. «Искра», №43, 1 июля 1903 г.

¹¹⁹ ამხე. 5, ს. 53.

„აი ასეთი გამარჯვებით გათავდა ჩენი ხანგრძლივი გაფიცვა... - ნათქვამია ბათუმის სოციალ-დემოკრატთა ხელმოწერით 29 ივნისს შედგენილ პროკლამაციაში „ამხანაგებო-მუშებო!“ - ყველა ამბებმა... აშკარად დაგვანახა, რომ ჩენი ძალა ჩვენს კავშირშია და მხოლოდ ჩვენს ერთობას შეუძლია დაგლიჯოს ის ჯაჭვები, რომლითაც შებოტილი ვართ დღევანდელი წყობილებისაგან“.¹²⁰ როტშილდის ქარხნის მუშათა წარმატებამ აამაღლა მუშების საბრძოლო განწყობილება.

საგაფიცო მოძრაობის აღმავლობით დაშინებულმა ადგილობრივმა ხელისუფლებამ დახმარებისათვის მიმართა ცენტრალურ მთავრობას. შინაგან საქმეთა მინისტრის განკარგულებით 1902 წ. 22 ივნისიდან ბათუმში შემოიღეს დაცვის წესები: გაიზარდა ჟანდარმებისა და პოლიციელთა რიცხვი, აიკრძალა ხალხთა თავმოყრა ქუჩებში, მოედნებზე, სადგურსა და საზოგადოებრივ ადგილებში, აგრეთვე იარაღის ტარება, თუ ვინმე რომელიმე ამ მოთხოვნას დაარღვევდა, 500 რუბლით ჯარიმდებოდა, ან მიესჯებოდა 3 თვით პატიმრობა.¹²¹

რეპრესიების მიუხედავად, ბათუმში საგაფიცო მოძრაობა არ შეწყვეტილა. მუშები თანდათან რწმუნდებოდნენ, რომ კარგად ორგანიზებული გაფიცვებით შეიძლებოდა შრომითი პირობების ერთგვარი გაუმჯობესება.

1902 წ. ოქტომბერში კვლავ გაიფიცნენ როტშილდის ქარხანაში. მუშებმა მოთხოვეს დაებრუნებინათ წინა წლებში ჯარიმებისა და დაქვითვების სახით უკანონოდ მითვისებული თანხა, რომელიც ნახევარ მილიონ რუბლს აღემატებოდა. ქარხნის დირექტორი შეპირდა მუშებს, რომ ამის შესახებ აცნობებდა ფირმის მთავარ კანტორას პარიზში და მისი მითითებით იმოქმედებდა. მუშებმა პასუხის მიღებამდე განაახლეს მუშაობა.

28 ოქტომბერს როტშილდის ქარხნის დირექტორმა მუშებს გამოუცხადა, რომ მთავარმა კანტორამ უარი თქვა ფულის გაცემაზე. ამას 29 ოქტომბრიდან მუშათა გაფიცვა მოჰყვა. კავკასიის მთავარმართებლის მითითებით, ბათუმში ჩამოსული ქუთაისის სამხედრო გუბერნატორი, ჟანდარმთა სამმართველოს უფროსი და სხვა ოფიციალური პირები 31 ოქტომბერს დაესწრნენ ქარხნის მუშათა კრებას. მთავარი საფაბრიკო ინსპექტორის აზრით, გაფიცვა უკანონო იყო, რადგან 1902 წ. ივნისამდე მოქმედებდა ჯარიმებისა და გამოქვითვის სისტემა. ქარხნის დირექტორი სამხედრო გუბერნატორის თანდასწრებით კრების მონაწილეებს შეჰპირდა, მუშაობის განახლებისა და კეთილსინდისიერი შრომის ვითარებაში მთავარი კანტორის წინაშე 1903 წ. იანვარში აღძრავდა შუამდგომლობას მათი მოთხოვნების დასაკმაყოფილებლად. მუშებმა მიიღეს დირექტორის თხოვნა-წინადადება და განაახლეს მუშაობა.¹²² მაგრამ ადმინისტრაციამ დაპირება ვერ შეასრულა და 9 დეკემბერს ამ საწარმოში ახალი გაფიცვა დაიწყო, რომელიც თვეზე მეტ ხანს გაგრძელდა. მთავარმართებლის მითითებით, 13 დეკემბერს ბათუმში კვლავ ჩამოვიდა ქუთაისის სამხედრო გუბერნატორი, რომელიც მეორე დღესვე შეხვდა ქარხნის მუშებს და დაემუქრა: ვინც არ განაახლებდა შრომით საქმიანობას, მას სამუდამოდ აეკრძალებოდა მუშაობა. საბოლოოდ, როტშილდის ქარხნის ადმინისტრაციამ თითქმის ყველა მუშა დაითხოვა და საწარმოს დასაცავად მოიწვია ჯარის ნაწილები.

¹²⁰ „ბათუმის დემონსტრაცია 1902 წელს“, გვ. 32.

¹²¹ აშხ, ფ. 2, ს. 15.

¹²² აქვე, ფ. 2, ს. 18, ფურც. 2.

როტშილდის მუშათა გაფიცვას მოჰყვა გამოხმაურება როგორც საქართველოს სხვადასხვა რაიონში, ისე ცენტრალურ რუსეთშიც. გაზეთი „ისკრა“ წერდა: „1902 წლის 9 დეკემბრიდან... გაიფიცა 1500 მუშა როტშილდის საწარმოებში... მოითხოვენ ყველა საჯარიმო ფულის დაბრუნებას და საჩუქრებს... ერთი თვის ხელფასის რაოდენობით... ჯარიმების ფული დაახლოებით 600 ათასი რუბლი დაგროვდა 21-ში ყველა მუშა დაითხოვეს კანტორაში ჯარისკაცები მორიგეობენ“.¹²³

როტშილდის ქარხნის ყველა დაკეთა ხაინაზიანის ქარხანას გადაეცა, მაგრამ 12 ნოემბერს მუშები იქაც გაიფიცნენ. მათ მხარი დაუჭირეს სიდერდისის, მანთაშეის, ნობელისა და სხვა საწარმოთა მუშებმაც. სიდერდისის ქარხანაში მოითხოვეს ზედმეტ საათებში ადრე შესრულებული სამუშაოსა და დაქვითვების ანაზღაურება. ადმინისტრაციისა და მთავარი საფაბრიკო ინსპექტორის დაპირებამ მუშები ვერ დააკმაყოფილა. მაშინ ადმინისტრაციამ განისრახა საწარმოს შრომითი კოლექტივი ახალი მუშებით შეეცვალა, რაც ვერ განახორციელა თვით მუშების წინააღმდეგობის გამო.

როტშილდის ქარხნის ადმინისტრაცია შეეცადა რომელიმე მოწინავე მუშის დასაწუქრება-მოსყიდვას. ამ მიზნით გაელენიან მუშა ნ. სანაძეს დიდძალ საჩუქარს შეჰპირდა, თუ იგი დაეხმარებოდა გაფიცვის შეწყვეტასა და მუშაობის განახლებაში, მაგრამ ამან ხელმძღვანელობას შედეგი ვერ მოუტანა. 16 ნოემბერს პოლიციის თანხლებით ქარხანაში მივიდა პოლკ. მ. დრიაგინი და მუშებს მოსთხოვა გაფიცვის შეწყვეტი. შეხვედრის ბოლო ეტაპზე მუშების მხოლოდ მცირე ნაწილი (31 კაცი) მტკიცედ მოითხოვდა წაყენებული პირობების შესრულებას. საფაბრიკო ინსპექტორმა მუშათა ეს ჯგუფი გაფიცვის ორგანიზატორებად ჩათვალა და მათი დაპატიმრება მოითხოვა.¹²⁴

მთავრობამ ბათუმის ოლქის სამოქალაქო ადმინისტრაციის დასახმარებლად ერთი ქვეითი ბატალიონი გამოგზავნა, ხოლო ქუთაისის სამხედრო გუბერნატორის განკარგულებით, 21 დეკემბერს სამუშაოდან დაითხოვეს და ბათუმიდან გაასახლეს 1500-ზე მეტი მუშა. მეფის ხელისუფლება ამოდ ცდილობდა ულუქმაპუროდ დარჩენილ მუშათა საბრძოლო განწყობილება შიმშილით გაეტეხა გაფიცულ მუშებს ეხმარებოდა ბათუმის კომიტეტის „ბრძოლის საღარო“.¹²⁵

მუშების ერთსულოვნების გამო ხელმძღვანელობამ ვერ გაბედა ყირიმიდან ან ნოეოროსიისკიდან ჩამოსულ უმუშევართა სამუშაოზე აყენა და იძულებული გახდა დათმობაზე წასულიყო - 1903 წ. 13 იანვარს სამუშაოზე აღადგინეს ყველა დათხოვნილი.

ბათუმელი სოციალ-დემოკრატების გამარჯვება იყო ისიც, რომ მუშათა მოთხოვნით როტშილდის ქარხანაში შესვლა ყველასათვის თავისუფალი გახდა ამით სარგებლობდნენ „გარეშე პირები“ და მუშებს შორის თავისუფლად აერცვლებდნენ პროკლამაციებსა თუ აკრძალულ ლიტერატურას. მაშასადამე, XX ს. დამდეგს ეს ქარხანა რევოლუციური იდეების პროპაგანდის კერა გახდა.

ორგანიზებულად წარიმართა ბინიატ-ოლდის თამბაქოს ფაბრიკის მუშათა გამოსვლაც. ეკონომიკური ხასიათის მოთხოვნებს აქ პოლიტიკურიც დაემატა. ქუთაისის გუბერნიის მთავარი საფაბრიკო ინსპექტორის თხოვნა-დაპირების მიუხედავად, მეთამბაქოეთა გაფიცვა მაინც გაგრძელდა ამიტომ 28 იანვარს დააპატიმრეს 7

¹²³ Газ. «Искра», №33, 1 февраля 1903 г.

¹²⁴ აცსა, ფ. 1, ს. 9, ფურც. 15.

¹²⁵ სცსა, ფ. 5, ს. 6, ფურც. 237.

აქტიური მუშა, მაგრამ უშედეგოდ. ფაბრიკის ხელმძღვანელობა იძულებული გახდა დაეკმაყოფილებინა მუშათა მოთხოვნები.¹²⁶

1903 წ. 7-8 მარტს მიმდინარეობდა 1902 წ. 9 მარტის დემონსტრაციის მონაწილე 21 მუშის გასამართლება. 9 მარტს სრულდებოდა, აგრეთვე, 1902 წლის მარტის სისხლიანი ტრაგედიის წლისთავი. რსდმპ ბათუმის კომიტეტმა ქალაქის მუშებს მოუწოდა: „ჩვენ არ უნდა დავივიწყოთ ხალხის განთავისუფლებისათვის მებრძოლთა წმინდა სახელები. ჩვენს გულში გავათბოთ ჩათი ცივი სამარები, ამხანაგების გაცეცხლებული სხეულები... 9 მარტი... ეკუთვნის ბრძოლაში დაღუპულ ამხანაგებს! დღევანდელ დღეს ჩვენ... კიდევ უფრო მეტი გაცხოველებით განვიხილავთ, თუ როგორ უნდა ვიძიოთ შური... ჩვენი ამხანაგების სისხლისათვის!“¹²⁷

ქუთაისის საოლქო სასამართლომ, რომელიც დაინტერესებული იყო დაპატიმრებული მუშების მკაცრად დასჯით, მოწმეებად მიიწვია გუბერნატორის, ჟანდარმთა სამმართველოს უფროსისა და ბათუმის პოლიციამისტრის მოადგილეები, ქალაქის უბნების ბოქაულები, სხვა ოფიციალური პირები. ამის მიუხედავად, პეტერბურგიდან მოწვეული მაღალკვალიფიციური ადვოკატების დაცვის წყალობით, სასამართლომ 21 ბრალდებულნიდან 19 გაამართლა, ორს კი შეუფარდა მხოლოდ რამდენიმე თვის პატიმრობა.¹²⁸

1903 წ. 9 მარტს ბათუმის მუშების ერთმა ჯგუფმა ადვოკატებს დიდი მადლობა გადაუხადა, ხოლო 3000-იანმა დემონსტრაციამ ისინი რკინიგზის სადგურიდან წითელი დროშებით, რევოლუციური სიმღერებით და დიდი ოვაციებით გააცილა.

1903 წ. აპრილში მუშათა ორგანიზებული გაფიცვები მოეწყო როტშილდის, სიდერისის, ხანატრიანცის, ნობელის, მანთაშევისა და სხვა ქარხანაში. ხელმძღვანელები იძულებულნი გახდნენ მუშებისათვის სრულად აენახლათურებინათ გაფიცვის დღეების ხელფასი. მწვავე იყო ნავსადგურის მტვირთავებისა და ხანატრიანცის ქარხნის მუშათა გაფიცვები. 21 აპრილს საღამოს 5 საათზე ნავსადგურის 300-მდე მუშა მივიდა ჟანდარმთა საოლქო სამმართველოში და მოითხოვა ხელფასის გადაღება, მაგრამ მათ კაზაკები დაერივნენ, აქტიური მუშებიც დააპატიმრეს საქმე იქამდე მივიდა, რომ ხანატრიანცის ქარხანა დაიხურა.¹²⁹

1903 წლის ივლისში მოკლეს ბათუმის კომიტეტის წევრი სილ. ლომჯარია. მის დაკრძალვაში, რომელიც დემონსტრაციად გადაიქცა, მონაწილეობდა 3000 კაცი. დემონსტრანტებმა „მარსელიოზას“ სიმღერით ჩაიარეს ქალაქის ქუჩები.¹³⁰

1903 წ. ივლისში მოეწყო ბათუმის მუშათა საყოველთაო გაფიცვა, რომელშიც მონაწილეობდნენ ხელოსნები, რკინიგზის მემსახურები, მეტელები, ნოქრები, მემანქანეთა თანაშემწეები და სხვ. ფაქტობრივად ბაქოს საყოველთაო გაფიცვის გამომახილი და მხარდაჭერა იყო გაფიცვა, რომელიც 16 ივლისს დაიწყო. უკვე მეორე დღეს 6 ათასამდე გაფიცულის მონაწილეობით გაიმართა მიტინგები, სადაც ქართულ, რუსულ და სომხურ ენებზე წარმოთქვეს პოლიტიკური სიტყვები. რკინიგზის სადგურის უფროსის თანაშემწემ და დეპოს უფროსმა გამოიყვანეს ორთქლმავალი, დეპოსა და ზოგიერთი სხვა ობიექტის დასაცავად გაიგზავნა ჯარისკაცები. დაიკეტა ქალაქის

¹²⁶ ამხ. ფ. 2, ს. 22.

¹²⁷ იქვე, ფ. 4, ს. 1.

¹²⁸ „ბათუმის დემონსტრაცია 1902 წელს“, გვ. 232-233.

¹²⁹ საქართველოს პრეზიდენტის არქივი, ფ. 31, ს. 36, ფურც. 102-111.

¹³⁰ Газ. «Искра», №45, 1 августа 1903 г.

ყველა მადასია და ღუქანი. გაფიცვამ მიიღო საყოველთაო, მასობრივი და პოლიტიკური ხასიათი.

ბათუმის იელიის ამბებმა შეაშფოთა კავკასიის მთავარმართებელიც. მან წინადადება მისცა ბათუმის ოლქის სამხედრო გუბერნატორს – ყველა ზომა ეხმარა ქალაქში „წესრიგის დასამყარებლად“, თუ საჭირო იქნებოდა იარაღის გამოყენებითაც. მანვე ბათუმის გარნიზონის კომენდანტს დაავალა სამხედრო ნაწილებით დახმარებოდა ადგილობრივ ხელისუფლებას საგაფიცვო მოძრაობის ჩახშობაში.

ბათუმის კომიტეტმა დაბეჭდა და გაავრცელა მუშებისადმი საბრძოლო მოწოდება, რომელშიც ნათქვამია: „ჩვენც შევეურთდეთ ბაქოელ და თბილისელ ამხანაგებს, ჩვენც ძმურად ჩაეჭიდეთ ხელი ერთმანეთს და საერთო ძალებით – შევარყიოთ რუსეთის მეფის ტახტი... ფიცი დადეთ, ქარხნებისა და ფაბრიკების მუშებო, მტერთავეებო, სტამბის მუშებო... ნოქრებო; დაე, შესერდეს ყოველგვარი წარმოდება – ბურჟუაზიის სიცოცხლე“.¹³¹

18 იელიის, დღის 2 საათზე, 2000-მდე გაფიცული მუშა შეიკრიბა ელექტროსადგურის მახლობლად და გამართა მიტინგი. ბათუმის ოლქის სამხედრო გუბერნატორს (1903 წ. ბათუმის ოლქი ადმინისტრაციულად ქუთაისის გუბერნიას გამოეყო, სამხედრო გუბერნატორი გახდა მ. დრიაგინი) გაფრთხილებული აქავეა ქალაქის ხელისუფლება – არ დაეშვა მუშათა მიტინგები და დემონსტრაციები, ხოლო საჭირო შემთხვევაში გამოეყენებინა კაზაკების, პოლიციელებისა და ცხენოსან ჩაფართა რაზმები. უიარაღო მუშებს ცეცხლი გაუხსნეს დაიღუპნენ ფირცხალიაშვილი, გორდელაძე და სხვ.

20 იელიის, საღამოს, რსდმპ ბათუმის კომიტეტმა მუშათა ოთხდღიანი საყოველთაო-პოლიტიკური გაფიცვა დამთავრებულად ჩათვალა და ზოგიერთ საწარმოში მუშაობაც განახლდა, თუმცა, ამას მ. დრიაგინი მხოლოდ დროებით მოეყენად მიიჩნევდა და კავკასიის მთავარმართებლის კანცელარიას აცნობებდა „მუშების მხრივ ყოველდღე მოველი ახალ აფეთქებას, რადგან მღელვარების მიზეზები ეკლავ მოუწესრიგებელია, ხოლო მუშათა ავტატორები კიდევ არ არიან გამოძვლავებული“.¹³²

რსდმპ ბათუმის კომიტეტი შეეცადა ჩაეშალა ქალაქის რეაქციული წრეების განზრახვა აზიის მთავრებზე იაპონიასთან ომის მხარდასაჭერად მოეწყო „პატრიოტული მინიფესტაცია“. 2 თებერვალს, დილით, 500-მდე მუშამ გაფანტა ე.წ. „პატრიოტული მინიფესტაცია“ და წითელი დროშებით შემოიარა ქალაქის მთავარი ქუჩით, გაავრცელა რევოლუციური პროკლამაციები. მუშებს მიჰქონდათ პლაკატები წარწერით: „ძირს მეფის თვითმყრობლობა“, „გაუმარჯოს დემოკრატიულ რესპუბლიკას“.¹³³

ამ საპროტესტო დემონსტრაციამ გაააქტიურა რევოლუციური ძალები. 4 თებერვალს გაიფიცნენ მანთაშევის პირველი ქარხნის მუშები, 12 თებერვალს – როტმილდის ქარხნისა. 9 მარტის ბათუმის ცნობილი დემონსტრაციის ორი წლის თავზე გაფიცვამ საყოველთაო ხასიათი მიიღო.¹³⁴

1904 წლის მარტის მეორე ნახევარსა და აპრილში ბათუმის მოწინავე მუშების დაპატიმრების გამო დროებით შეწყვეტა საგაფიცვო ბრძოლა. „მაისის დღესასწაულის

¹³¹ „რსდმპ კავკასიის კავშირის პროკლამაციები (1903-1905 წწ.)“, თბ., 1955, გვ. 48.

¹³² სესსა, ფ. 39, ს. 575, ფურც. 74-75.

¹³³ იქვე, ფ. 23, ს. 37, ფურც. 2-6.

¹³⁴ იქვე, ფ. 39, ს. 662, ფურც. 5.

წინ, — აღნიშნავდა მ. ცხაკაია რსდმპ III ყრილობაზე, — ბათუმის მთელ რაიონში... იყო აგიტაცია არა მარტო ქალაქში, არამედ სოფლადაც... შეიარაღებული იყო თითქმის ყველა, მაგრამ გვეწინოდა ტყუილებრადოდ დარბევინა...¹³⁵

1904 წ. მაისის მეორე ნახევრიდან მუშათა მოძრაობამ უფრო ორგანიზებული, შემტევი ხასიათი მიიღო. გაიფიცნენ ნავსადგურის მტერთავეები, კაპლანის მექანიკური ქარხნის, როტშილდის, მანთაშევის და ზოგიერთ სხვა საწარმოთა მუშები. ასეთ ეთაობაში სააგიტაციო-პროპაგანდისტულ მუშაობას რსდმპ ბათუმის კომიტეტის წევრებთან ერთად ეწეოდნენ პროფესიონალი რევოლუციონერები: გ. სტურუა, ე. ტარატუტა, გ. ლლონტი, კომიტეტთან არსებული სამხედრო ორგანიზაციის ხელმძღვანელები - გ. ფედოროვი, კ. ავალიანი და სხვ. მათი დახმარებით ჯარისკაცთა შორისაც წარმატებით ტარდებოდა პოლიტიკური შინაარსის სააგიტაციო საუბრები, ვრცელდებოდა პროკლამაციები. ჯარისკაცები ინტერესით ეცნობოდნენ რსდმპ თბილისის კომიტეტის პროკლამაციას - „ძმებო ჯარისკაცებო!“, იწონებდნენ, აგრეთვე, ბათუმის კომიტეტთან მოქმედი სამხედრო ორგანიზაციის მიერ გამოცემული გაზეთის „დრუბ სოლდატას“ წერილებს.

1904 წ. მეორე ნახევრის ამიერკავკასიის რევოლუციურ გამოსვლებში თვალსაჩინო ადგილი უკავია ბაქოს მუშათა დეკემბრის საყუველთაო გაფიცვას, რომელიც 18 დღეს გაგრძელდა და ნავთობმრეწველთა და გაფიცულ მუშებს შორის კოლექტიური ხელშეკრულების გაფორმებით დამთავრდა.

ბაქოს მუშათა გაფიცვას მაშინვე გამოეხმაურა ბათუმის პროლეტარიატი. შეიქმნა საგაფიცო კომიტეტი, ჩატარდა მუშათა კრებები (ბარცხანაში, გოროდოკში, ფერიასა და სხვ.). 20 დეკემბერს, დილის 10 საათზე, მოეწყო ბათუმის ფაბრიკა-ქარხნების, ნავსადგურისა და დეპოს მუშების დემონსტრაცია, რომელშიც 4000-მდე კაცი მონაწილეობდა დემონსტრანტებმა აღმართეს წითელი დროშები და მიმოაბნენ რუსულ, ქართულ და სომხურ ენებზე დაბეჭდილი პროკლამაციები. დემონსტრანტებმა საბრძოლო ღოზუნგებით: „ძირს თვითმკყობელობა!“, „გაუმარჯოს დემოკრატიულ რესპუბლიკას!“ — გაიარეს ქალაქის მთავარ ქუჩებში.¹³⁶

21 დეკემბერს ბათუმში კვლავ გაიმართა პოლიტიკური დემონსტრაცია, რომელიც მიეძღვნა ცნობილი რევოლუციონერის დესპინე შაფათაევას დაკრძალვას მისი ცხედარი სასაფლაოზე ქალებმა მიასვენეს. იქვე გაიმართა ხალხმრავალი მიტინგი, წარმოთქვეს მგზნებარე სიტყვები. პოლიციელები შეეცადნენ გაეფანტათ მიტინგის მონაწილენი, მაგრამ ამაოდ.

რსდმპ ბათუმის კომიტეტის ყურადღების ცენტრში იყო პოლიტიკური მუშაობა სოფლადაც. ამ მიზნით კომიტეტის წევრებმა და 1902 წ. 9 მარტის დემონსტრაციის გამო სოფლებში გასახლებულმა მუშებმა გააჩაღეს აქტიური საქმიანობა მუშათა და გლეხთა შორის საბრძოლო კავშირის დასამყარებლად და განსამტკიცებლად.

აჭარის ბარის სოფლებში (ქობულეთი, ციხისძირი, ბობოყვათი და სხვ.) ეწეობოდა მშრომელი გლეხობის არალეგალური კრებები, სადაც განიხილავდნენ ცხოვრებისეულ სოციალურ-ეკონომიკურ და პოლიტიკურ საკითხებს. გლეხთა რევოლუციური წრეების ჩამოყალიბებაში მონაწილეობდნენ ი.სტალინი და კომიტეტის სხვა წევრები. 1902 წ. მარტის პირველ ნახევარში გლეხთა წრე შეიქმნა ქობულეთში, რომელშიც ადგილობრივი გლეხების გარდა რამდენიმე მუშაც გაერთიანდა. წრის

¹³⁵ Журн. «Пролетарская революция», №4, 1924, с. 60.

¹³⁶ სკსსა, ფ. 157, ს. 49, ფურც. 455-456.

ხელმძღვანელად აირჩიეს ვლადიმერ კალანდარიშვილი, კომიტეტის წარმომადგენლად - იასონ ხუხუნიაშვილი. წრის მუშაობაში მონაწილეობდნენ იუსუფ გოგიტიძე, რეჯეპ თხილიშვილი, მამუდ მუჟანაძე და სხვ.

1902 წ. 22 მარტს ქობულეთის მახლობლად ჩატარდა მუშათა და გლეხთა არა-ლეგალური კრება, რომელსაც რკინიგზელ მუშებთან ერთად ესწრებოდნენ ხუცუბნის, ბობოყეთის, ლეღვასა და სხვა სოფლის გლეხები, მათ შორის ქალი ესმა ასამბაძე კრებაზე ჩამოყალიბდა წრე, რომელსაც მეთაურობდა ბობოყეთელი სულეიმან მანუელიშვილი.

ქვემო აჭარაში გლეხთა მოძრაობის გაძლიერებასა და სოციალ-დემოკრატიული წრეების შექმნაში ხელმძღვანელ როლს ასრულებდნენ მურად ვარშანიძე, თოფილე ერქომიშვილი, მემედ დიასამიძე, ლუკა ანდელუაძე, სურდალ დიასამიძე, ლევარსი მენაბდე, კონსტანტინე მკურნალი, ფერშალი გიორგი სალუქვაძე და სხვ. ეს უკანასკნელი ხელმძღვანელობდა ზეარეს, ზენდიდის, მერისის და ქედის სხვა სოფლების გლეხების შეკრებას, რომელიც გაიმართა სურდალ დიასამიძის ბინაში. ჩამოყალიბდა გლეხთა მოძრაობის ხელმძღვანელი ცენტრი. მისი შექმნა ცნობილი გახდა ხელი-სოფლებისათვის და გ. სალუქვაძე ქედიდან გაიწვიეს ხელმძღვანელი ცენტრისა და გლეხთა სოციალ-დემოკრატიული წრეების მუშაობის თავიკაცობდა ქედის საპოლიციო უბნის კანცელარიის მწვერალი ლევარსი მენაბდე.¹³⁷

1902-1904 წლებში სოციალ-დემოკრატიული წრეები ჩამოყალიბდა ხუცუბანში, ბობოყეთში, კახაბერში, ქობულეთში, ჩაქეში, ქედაში, ქაქუთში. მათ საქმიანობას ხელმძღვანელობდნენ: ჩაქეში - ოსმან თავქარიანოლი, კახაბერში - დურსუნ ყარაჯიშვილი და სალის ჯიჯავაძე, მახუნცეთში - სულეიმან დიასამიძე, ხუცუბანში - ისმაილ დავითაძე, გვარაში - ოსმან ესელიძე.

რსდმპ ბათუმის კომიტეტმა ქვემო აჭარაში გლეხთა სოციალ-დემოკრატიულ წრეებსა და ხელმძღვანელ ცენტრებთან კავშირის გასაფართოებლად მიავლინა 1902 წ. 9 მარტის დემონსტრაციის აქტიური მონაწილე მურად ვარშანიძე, რომლის საქმიანობის შედეგად პარტიულ ხელმძღვანელობასთან კონტაქტები უფრო გაფართოვდა და განმტკიცდა.

მუშაობა წარმოებდა, აგრეთვე მაღალმთიანი სოფლების გლეხობაში. აქ საქმიანობდნენ შ. ბოლქვაძე, დ. გოგიტიძე, გ. სალუქვაძე და სხვ. შიდადა ბოლქვაძეს რევოლუციური ფურცლები და პროკლამაციები გადაქონდა ახალციხესა და ზემო აჭარის სოფლებში. ბახველი გიორგი სალუქვაძე 1903-1904 წლებში იყო დორჯომის ხეობის გლეხთა ერთ-ერთი წინამძღოლი. 1903 წ. შემოდგომასა და 1904 წ. გაზაფხულზე მან იქ გააერთიანა პროკლამაციები და ფურცლები, მოაწყო გლეხთა საიდუმლო კრებები, ჩაატარა საუბრები და გლეხობას აქეზებდა არსებული წყობილების წინააღმდეგ.¹³⁸

რუსეთის პირველი რევოლუციის წინ ბათუმის კომიტეტის საქმიანობა უფრო გაფართოვდა. 1904 წელს მას უკვე ჰქონდა ორი ბიბლიოთეკა, საბრძოლო საქმისათვის მხარდამჭერი ერთი საღარო და ორი სტამბა, სადაც რევოლუციური ფურცლები ოთხ ენაზე (ქართულ, რუსულ, სომხურ, თათრულ) იბეჭდებოდა და სოფლებში ვრცელდებოდა.

¹³⁷ ამხ. ფ. 5, ს. 51, ფურც. 5.

¹³⁸ იქვე, ს. 49, ფურც. 5-6.

რევოლუციური იდეების პროპაგანდა საკმაოდ ძლიერი იყო ჩაქვის საუფლისწულო მამულსა და სოფელ სალიბაურის კ. პოპოვის მეურნეობაში. 1904 წ. დეკემბერში საუფლისწულო მამულის მმართველი თავის პატაკში შეშფოთებული აღნიშნავდა ბათუმის ოლქში, განსაკუთრებით კი ჩაქვში, მუშების სისტემატურ მღელვარებას. შეიარაღებული ქართველები მამულის მუშათა შორის ავრცელებდნენ პროკლამაციებს, მაგრამ უნდარმერამ „დამნაშაის“ აღმოჩენა ვერ შეძლო. პროკლამაციები და ფურცლები მამულის ტერიტორიაზე, მართლაც, ხშირად ვრცელდებოდა, რაც ხელს უწყობდა გაფიცვებისა (ფართო ხასიათი ჰქონდა მამულის 150 მუშის ერთსულოვან გაფიცვას 1904 წ. ნოემბერში) და სხვა რევოლუციური აქტების განხორციელებას. საუფლისწულო მამულის ადმინისტრაცია ხელისუფალთაგან დაბეჯითებით მოითხოვდა რევოლუციონერთა წინააღმდეგ გადამწყვეტი ზომების გატარებას, ჩაქვში სტრაჟნიკების ჩაყვანას.¹³⁹

1904 წლის ზაფხულში რსდმპ ბათუმის კომიტეტი ხელმძღვანელობდა სოფ. სალიბაურის კ. პოპოვის მეურნეობის მუშათა ერთთვიან გაფიცვას. ისინი მოითხოვდნენ ხელფასის მომატებას და შრომის პირობების გაუმჯობესებას. კ. პოპოვმა გაფიცულთა ერთი ნაწილი დაითხოვა და მათ ადგილას ახალი მუშები მოიწვია. გაფიცულთა ერთსულოვნების გამო მუშათა შენაცვლებამ არ გაამართლა და მეურნეობის ხელმძღვანელი იძულებული გახდა გაფიცულთა მოთხოვნები დაეკმაყოფილებინა.¹⁴⁰

რუსეთის პირველი ბურჟუაზიულ-დემოკრატიული რევოლუციის წინა ხანებში შეიქმნა მუშათა და გლეხთა რამდენიმე მებრძოლი რაზმი. პირველი ასეთი რაზმი ჯერ კიდევ 1902 წ. ჩამოყალიბდა ქობულეთში და მასში განსაკუთრებულ ტანსაცმელში - წითელ ჟილეტსა და ჩაქურაში - გამოწყობილი 75 კაცი ერთიანდებოდა. 1903 წ. ამ რაზმმა განაიარაღა სტრაჟნიკები და ოთხი მოაგარაკე გენერალი, რომელთაც ჩამოართვეს 100-მდე ბერდენკა და რევოლუციური. რაზმელებმა მოკლეს ჯაშუშობაში შემინული ჩაქვის რკინიგზის უფროსი, მწვანე კონცხზე კი მძიმედ დაჭრეს გენერალ-ლეიტენანტი თავადი ბარიატინსკი. 1904 წ. კინტრიშის უბანში ჩამოყალიბდა 30-კაციანი წითელი რაზმი, რომელსაც როტშილდის ქარხნის მუშა, ქობულეთელი მემედ გოგიბერიძე ხელმძღვანელობდა.¹⁴¹

ყოველივე ეს ნათლად მოწმობდა იმას, რომ ბათუმის ოლქის გლეხობა მუშებთან კავშირში სულ უფრო აქტიურად გამოდიოდა ეროვნული და სოციალური ჩაგვრის წინააღმდეგ, იბრძოდა მიწისა და თავისუფლებისათვის, რითაც განმათავისუფლებელი მოძრაობის ისტორია არაერთი საყურადღებო ფურცლით გაამდიდრა.

¹³⁹ იქვე, ფურც. 34-37.

¹⁴⁰ ო. თურმანიძე, აჭარის სოფლის სოციალურ-ეკონომიკური განვითარების ისტორიიდან (1878-1920 წწ.), გვ. 123.

¹⁴¹ ო. თურმანიძე, გლეხთა მოძრაობა აჭარაში რუსეთის ბირველი რევოლუციის წლებში, გვ. 64-69.

§4. ბათუმის ოლქი 1905-1907 წლების რევოლუციამი

900-იანი წლების დამდეგიდან რუსეთი სახალხო რევოლუციის ზღურბლთან იდგა ვითარება კიდევ უფრო გაამწვავა რუსეთ-იაპონიის ომმა, რომელმაც გამოიჩინა რუსეთის სამხედრო მოუმსადებლობა. მისი შეიარაღებული ძალები მარცხს განიცდიდნენ საზღვაო და სახმელეთო ბრძოლებში ომში წარუმატებლობამ ადაშვოთა საზოგადოება გააქტიურდნენ ცარიზმის მოწინააღმდეგე ძალებიც. 1905 წ. 9 იანვარს პეტერბურგში მღვდელ გაპონის მეთაურობით მოეწყო მშვიდობიანი დემონსტრაცია, რომელიც მთავრობამ დახვრიტა. ეს დღე რუსეთის ისტორიაში „სისხლიანი კვირის“ სახელით შეიქცა. 9 იანვარი რევოლუციის დასაწყისი გახდა ამ ფაქტს უმაღლესე გამოვხმაურნენ საქართველოში, მათ შორის ბათუმის ოლქშიც. 1905 წ. იანვარში გაიფიცნენ როტშვილის, მანთაშეიხისა და სიდერიდისის ქარხნის მუშებო ისინი ითხოვდნენ ხელფასის მომატებას. გაიფიცნენ ნავსადგურის მტვირთავებიც, მიზეზი აქაც იყო ხელფასის მომატება და სხვაობა მათ ჯამაგირში დარსა და აედარში მუშაობის დროს. მაგალითად, კარგ ამინდში მუშაობისას ისინი მოითხოვდნენ ერთ რუბლსა და 50 კაპ, ხოლო აედარში - ერთ რუბლსა და 60 კაპ მუშებმა წამოაყენეს პოლიტიკური მოთხოვნებიც: „ძირს თვითმპყრობელობა“, „გაუმარჯოს დემოკრატიულ რესპუბლიკას“ და სხვ.

ამ გაფიცვების შედეგად 1904 წ. დასასრულსა და 1905 წ. დასაწყისში ფაბრიკების დიდი ნაწილი დაიხურა უმოშეურად დარჩენილები დაუბრუნდნენ სოფლებს. 1905 წ. პირველ ნახევარში რეგიონში ისეთი მდგომარეობა შეიქმნა, რომ ცხოვრება პარალიზებული აღმოჩნდა ქალაქში ჩაკედა ვაჭრობა, დაცარიელდა ნავსადგური და მაღაზიები, ნათობი იგზავნებოდა მხოლოდ განსაკუთრებულ შემთხვევებში უცხოეთის გემებით, შეწყდა სამგზავრო რეისები, მოიშალა რკინიგზის მუშაობა¹⁴² ქურდობამ და ბანდიტიზმმა თითქმის ყოველდღიური ხასიათი მიიღო, რევოლუციას მიტმასნილები ეწეოდნენ ფულის გამოძალვას, მკვლევლობებს ტერორმა ისეთი სახე მიიღო, რომ პოლიცია და ქალაქის ადმინისტრაცია უძკლური აღმოჩნდა ბათუმის ოლქის სამხედრო გუბერნატორი 1905 წ. იანვარში კავკასიის მეფისნაცვალს აცნობებდა „რსდმპ ბათუმის კომიტეტის აგიტაციის შედეგად მკვლევლობებმა, ქურდობამ და ბანდიტიზმმა მიიღო სახიფათო ხასიათი. დამნაშავეთა უმრავლესობა დაუსჯელია აქვე მინდა გაცნობოთ... რომ ამ დანაშაულებრივი კომიტეტის წევრები თვითონაც აქტიურად მონაწილეობდნენ მსგავს დანაშაულებებში“¹⁴³ ასეთი მდგომარეობა იყო ოლქში და საერთოდ ქვეყანაში. რომ ჟორდანიან იგონებდა „ისე ეარდებოდა ბომბები თბილისის სხვადასხვა კუთხეში, რომ გვეგონებოდათ მტრის შედღულია ამან გამოიღო მოსალოდნელი ნაყოფი. მთელი აპარატი მოეშალა მთავრობას, შიში და ძრწოლა გამეფდა „ოხრანკაში“, ყველა მათგანი მხოლოდ თავის გადარჩენაზე ფიქრობდა ერთი სიტყვით, ქუჩის პატრონი გახდა სოციალ-დემოკრატიული კომიტეტი“¹⁴⁴

ასეთმა მოქმედებამ უკმაყოფილება გამოიწვია მოსახლეობის ნაწილში, მათ გული გაუტყდათ მთავრობის უმოქმედობის გამო. უფროს თაობას არ მოსწონდა ახალგაზრდობის თავაშეებულობა, ტერორი, განუკითხაობა ამიტომაც იგი მზად იყო

¹⁴² სცხსა, ფ. 11, ან. 1, ს. 65, ფურც. 110.

¹⁴³ ამხფ. 2, ს. 261, ფურც. 13.

¹⁴⁴ ნ. ჟორდანიანა, ჩემი წარსული, თბ., 1990, გვ. 50.

მთავრობას დახმარებოდა წესრიგის დამყარებაში.¹⁴⁵ როგორც ჩანს, მოსახლეობა არცთუ ისე ემყოფილებით უყურებდა რსდმპ ტაქტიკას, ტერორის და მკვლევლობების გზით დაემხროთ არსებული წესწყობილება. განსაკუთრებით აღშფოთებას გამოთქვამდა ამ მხრივ ქობულეთისა და ჩაქვის მოსახლეობა, რადგან აქ ძალიან გახშირდა ძალადობა: „ტერორსა და ძარცვა-გლეჯას აქ გადგმული აქვს ფესვები“¹⁴⁶ - ნათქვამია პოლიციის შეტყობინებაში.

იმ დროისათვის შექმნილი ე.წ. „წითელი რაზმები“ ანგარიშს უსწორებდნენ ყველას, განურჩევლად პარტიული კუთვნილებისა. ასეთი „რაზმები“ ბათუმის ოლქშიც მოქმედებდა და აფრთხობდა მოსახლეობას „წითელი რაზმელები“, რომელთა უმრავლესობა იყო შეიარაღებული მუშები და გლეხები, დადიოდნენ სოფლიდან სოფელში, ყველგან თესდნენ შიშსა და პანიკას, ანადგურებდნენ, წვაედნენ და ძარცვავდნენ მთავრობის დაწესებულებებს, ართმევდნენ იარაღს და წართმევისას ფიზიკურად შეურაცხყოფდნენ როგორც პოლიციელებს, ასევე სამხედროებსაც.¹⁴⁷ ხელისუფლება უძლური იყო საწინააღმდეგო ღონისძიება გაეტარებინა „ბათუმის პოლიცია საშინელ პანიკაშია და არავითარ ზომებს არ ღებულობს არც დანაშაულობების აღსაკვეთად და მით უმეტეს, დამნაშავეთა დასაჭერად და დასასჯელად“.¹⁴⁸ - ასე ახასიათებს ბათუმის პოლიციის საქმიანობას კავკასიის მეფისნაცვლის მიერ აქ გამოგზავნილი ჩინოვნიკი, ვინმე გერასიმოვი.

ქაოსი და ანარქია გრძელდებოდა მთელი წლის განმავლობაში. აღშფოთებული ქალაქისათვის ივანე ანდრონიკაშვილი იძულებული გახდა განეცხადებინა: „ძარცვამ და ქურდობამ, რომელმაც ბათუმში მიიღო ყოველდღიური ხასიათი, მკვეთრად შეამცირა სამგზაურო მიმოსვლა“.¹⁴⁹ ამან ქალაქის ბიუჯეტზე უარყოფითი გავლენა იქონია. თითქმის მთლიანად ჩაქვდა საქალაქო ცხოვრება. თავს ესხმოდნენ ბანკებს და ძარცვავდნენ მათ. 1905 წ. თებერვალ-მარტში ამან ისეთი ხასიათი მიიღო, რომ სპეციალური კანონიც კი გამოიცა მის აღსაკვეთად. „ძარცვა-გლეჯამ ბათუმში მიიღო ძალიან სახიფათო ხასიათი“¹⁵⁰ - ნათქვამია უანდარმთა სამმართველოს მოხსენებით ბრატში. სამხედრო გუბერნატორმა დააეალა პოლიციის სამმართველოს, რომ „დაეცვათ ბანკები და ყველა სახის საკრედიტო დაწესებულებები თავდასხმებისაგან, ამ დაწესებულებათა თანამშრომლები კი მათი (იგულისხმება რსდმპ ბათუმის კომიტეტის წევრები და ე.წ. „წითელი რაზმელები“ - ო. გ.) ძალმომრეობისა და ძარცვა-გლეჯისაგან“.¹⁵¹

გარდა ბანკებისა, თავდასხმები ხდებოდა ნავსადგურში ჩამომდგარ გემებზე, რკინიგზაზე. სამხედრო გუბერნატორმა სპეციალური ბრძანებით მოითხოვა უმკაცრესი კონტროლის დაწესება: „რკინიგზებს მკაცრად უნდა აკონტროლებდეს პოლიცია ჯარის ნაწილებთან ერთად. უნდა იქნეს უკუგდებული ბანდიტთა ყველა განაზრახვი“.¹⁵² იარაღის გატაცების მიზნით გახშირდა თავდასხმები პოლიციაზე, ჯარის ნაწილებზე, ცალკეულ პირებზე. ხშირად ასეთი თავდასხმები სიკვდილითაც მთავრ-

¹⁴⁵ აცსა, ფ. 1, ან. 1, ს. 300, ფურც. 20.

¹⁴⁶ სცსა, ფ. 83, ან. 1, ს. 4, ფურც. 33-34.

¹⁴⁷ იქვე, ფ. 13, ან. 1, ს. 9, ფურც. 14-15.

¹⁴⁸ იქვე, ფ. 83, ან. 1, ს. 44, ფურც. 19.

¹⁴⁹ ამხფ. 4, ს. 303, ფურც. 23.

¹⁵⁰ იქვე, ფურც. 35.

¹⁵¹ იქვე, ფურც. 34.

¹⁵² იქვე, ფურც. 35.

დებოდა რუსეთის შინაგან საქმეთა სამინისტროს სახელზე გაგზავნილ შეტყობინებაში ეკითხულობთ: „ბათუმელი მუშები თავიანთი კომიტეტების ზეგავლენითა და წაქეზებით გადავიდნენ ძალდომრეობაზე და სისხლისღერაზე“.¹⁵³

თებერვალში ბათუმში შემოიყვანეს კასაკთა პოლკი. ძალადობამ ძალადობა წარმოშვა. ერთ აუწერელია ის აღვირახსნილობა, საღისში და ცინისში მოსახლეობის მიმართ, რასაც კასაკები ჩადიოდნენ. ჩვეულებრივი მოვლენა გახდა მკვლელობა, ცემბატეკვა, უმისესოდ ჩხრეკა და ჩხრეკის დროს აბუნად აგდება. მოსახლეობა ისე დაშინდა, რომ არათუ დანახვა, კასაკების სახელის ხსენებაც შიშის ზარს სცემდა. პოლიტიკური პარტიები და მეფის ჩინოვნიკები ერთნაირად აღშფოთებული წერდნენ: „ქუჩებში, ესოვებში, ოთახებში მიმდინარეობს ჩხრეკა, რომლის დროსაც კასაკები შეურაცხყოფას აყენებენ, ძარცვებენ და კიდევაც კლავენ ხალხს“.¹⁵⁴ კასაკებს სისასტიკეში არც პოლიცია ჩამოუვარდებოდა. არ ასხევაებდნენ დამნაშავესა და უდანაშაულოს. ამტერყედნენ დუქნებს, ილეშებოდნენ და შემდეგ დაერყოდნენ ქუჩებში გაშლელთ.¹⁵⁵ გაზეთი „სხივი“ აღნიშნავდა: „ქალაქი ბათუმი ხელში ჩაუვარდა კასაკების კომენდანტის მეთაურობით და მოქალაქეებზე გაბატონებულია. ისინი უშეგებ და ასრულეგებ კანონებს თავიანთი ქეიფისა და ჯიშისამებრ, განაგებენ მცხოვრებთა სეუბედს. რატომ ასე დაეჯანბნათ ბათუმი? ცხადია, რომ იქ მუშა ხალხი ცოტაა, მუშები კარგა ხანია სოფლად არის გაფანტული და აი კასაკებმაც აიშვეს“.¹⁵⁶ იგივე გაზეთი 1905 წ. აგვისტოში აღნიშნავდა: „ბათუმი გადაიქცა საზარბაზნე ხორცად— არსად საქართველოში არ იყო ისეთი თავაშეებულება სალდათებისა და კასაკებისა, როგორც ბათუმში“. ქალაქში სიარულიც კი სახიფათო იყო. ამას ემატებოდა ოფიცრების ანტიპართული მოქმედებები. ისინი აქეზებდნენ კასაკებს, მათთან ერთად მონაწილეობდნენ პარცვა-გლეჯაში და არყით გალესილები უბედურებას ჩადიოდნენ“.¹⁵⁷ გაზეთი „სხივი“ აგრძელებს ამავე თემაზე საუბარს ოქტომბერსა და ნოემბერში. აქაც იგივე სურათებია: „მიდიხარ ბათუმის ქუჩებში და აქეთ-იქით იყურებ, რომელიმე კუთხიდან მთურაღმა კასაკმა ხიშტზე არ აგაგოს— მთავრობამ კასაკები წააქეზა, ქართველები რუსების წინააღმდეგ ომობენო, საჭიროა შეური იბითო— მცხოვრებნი მეტად დამფრთხალნი არიან“.¹⁵⁸ კასაკობა გახდა აუტანელი ქალაქისათვის. მათი მოქმედება არავითარ კონტროლს არ ექვემდებარებოდა. იმ დროს გამომავალი ვერც ერთი გაზეთი თუ შურნალი გვერდს ვერ უელიდა იმ საშინელი ამბების ირგვლივ საუბარს, რასაც კასაკები და ჯარის ნაწილები ჩადიოდნენ ბათუმსა და მის შემოგარენში. ამ საშინელების თვითმხილველი დავით კლდიაშვილი თავის მემუარებში გადმოგვცემს, რომ „კასაკებს დაუჭრიათ ხალხი და მიყურ-მოყურიათ“.¹⁵⁹

მასობრივი ხასიათი მიიღო ბათუმის ვაჟთა გიმნაზიის მოსწავლეთა გამოსვლებმა. მათ უკმაყოფილება გამოთქვეს რუსული შოენისტური სასწავლო სისტემის გამო. მოსწავლეები გამოდიოდნენ ქუჩაში, ფიზიკურად უსწორებოდნენ საძულეულ პედაგოგებს, ხედდნენ მეფის პორტრეტებს, მკეუროდნენ სიმკერებს თავისუფლებაზე.

153 სცსა, ფ. 83, ან. 1, ს. 242, ფურც. 34; აცსა, ფ. 1, ან. 1, ს. 223, ფურც. 12.

154 ამსუ, ფ. 4, ს. 30, ფურც. 48.

155 საქართველოს ისტორიის სახ. სახელმწიფო მუზეუმის ხელნაწერთა ფონდი, ს. 450, ფურც. 66-67.

156 გაზ. „სხივი“, 1905, მარტი.

157 გაზ. „სხივი“, 1905, აგვისტო.

158 გაზ. „სხივი“, 1905, ოქტომბერი.

159 დ.კლდიაშვილი, ჩემი ცხოვრების გზაზე, გვ. 152.

„ჩვენ არ შეგვიძლია განვაგრძოთ სწავლა, ვიდრე ახლანდელი წეს-წყობილება არ შეიცვლებაო“.¹⁶⁰ - ამბობდნენ ისინი. კახაკებმა აქაც „იუთაკაცეს“, „მიცვიედნენ გიმნაზიის და 9 თებერვალს დაარბიეს მოსწავლეთა მიტინგი. სცემეს მოსწავლეებს. ერთ-ერთი მათგანი, გვარად თავაძე დაიჭირეს და იმდენი ურტყეს, სანამ ამ უკანასკნელმა გონება არ დაკარგა. მგორეს, გიორგაძეს, თავი კედელზე ახეთქებინეს“.¹⁶¹ ასეთი მოქმედებით აღშფოთებულმა მოსწავლეთა მშობლებმა მოაწყვეს კრება, სადაც უმაყოფილება გამოთქვას როგორც კახაკების, ასევე პედაგოგების ანტიქართული მოქმედების გამო, მდგომარეობა დაიძაბა თებერვლის შუა რიცხვებში. დირექციამ დააყენა საკითხი გიმნაზიის დახურვის შესახებ, მაგრამ უარი უთხრეს გარდა ვაჟთა გიმნაზიისა, „ბათუმის ქალთა გიმნაზიაშიც ატყდა ერთი ამბავი. მოსწავლე ქალიშვილები დაიყენენ ჯგუფებად. მოითხოვეს ერთ-ერთი მასწავლებელი ქალის გაძევება. მოთხოვნები წარუდგინეს გიმნაზიის გამგე ქალს. მოსწავლეებს მხარი მისცა იმ ხანებში ოდესიდან ჩამოსულმა სოსიკო მდივანმა და გიმნაზიის რეჟიმი ძირფესვიანად შეაცვლევინეს შეშინებულ ქალს“.¹⁶²

გაფიცვები გრძელდებოდა მარტშიაც. განსაკუთრებით აქტიურობდნენ როტშილდისა და მანთაშევის ქარხნის მუშები. მასობრივი ხასიათი მიიღო მუქარით აღსავსე წერილებმა. მათ უზახენიდნენ ყველას, დაწყებული მუშიდან, დამთავრებული უმაღლესი ჩინის მოხელემდე. ზოგი, ასეთი მუქარით შეშინებული, იოლად ეგებოდა ანკესზე და ასრულებდა იმას, რასაც მისგან ითხოვდნენ. კერძოდ, მიჰქონდა ფული, ტოვებდა ქალაქს და სამუშაოს და ა.შ. წერილებს უზახენიდნენ იმ მუშებსაც, რომლებმაც გაბედეს და დაიწყეს მუშაობა გაფიცვის პერიოდში.¹⁶³ ასეთ წერილებს თხზავდნენ როგორც ცალკეული პირები, ასევე რსდმპ ბათუმის კომიტეტის წევრები.¹⁶⁴ მხოლოდ 1905 წ. თებერვალ-აპრილში კომიტეტის წევრებმა სხვადასხვა მიმართულებით გაგზავნეს 30 ასეთი წერილი.¹⁶⁵ ადრეულების უმრავლესობა ფინანსისტები, ეაჭრები, შეძლებული მუშები და ქალაქის თეთმმართველობის წევრები იყვნენ. მუქარის წერილები გაგზავნათ ქალაქისთავ ივანე ანდრონიკაშვილს და ბათუმის ოლქის სამხედრო გუბერნატორსაც.

არც მუშათა შორის იყო ერთიანობა. საბჭოურ ისტორიოგრაფიაში გავრცელებული შეხედულება, ყველანი ერთნაირად იყვნენ განწყობილი, არ დასტურდება. ბევრ მუშას არ მოსწონდა ის, რაც ირგვლივ ხდებოდა და სამუშაოს დაწყებას მოითხოვდა, მაგრამ მათ ემოქრებოდნენ კომიტეტის სახელით, გამომუშავებულ ფულს ართმევდნენ და რიცხავდნენ კომიტეტის ანგარიშზე, ან სულაც ისაკუთრებდნენ: „მუშები არ არიან ერთნაირად განწყობილნი. ძალიან ბევრი მუშა მოდის სამუშაოს დაწყების სურვილით, მაგრამ მუშაობა არ შეუძლიათ. არაფრით არ არიან დასლევულნი, რომ არ იქნებიან ნაცემნი. ბევრი ჩივის იმის გამო, რომ ხელფასს მიღებისთანავე ართმევენ და რიცხავენ ე.წ. „კომიტეტების ანგარიშზე“¹⁶⁶ - ამბობდნენ როგორც როტშილდის, ასევე სიდურიდისისა და მანთაშევის ქარხნების დირექტორები.

¹⁶⁰ გაზ. „ცნობის ფურცელი“, 1905, №2762.

¹⁶¹ აცსა, ფ. 1, ან. 1, ს. 143, ფურც. 126.

¹⁶² იქვე, ფურც. 149.

¹⁶³ სცსსა, ფ. 13, ან. 1, ს. 515, ფურც. 71-72.

¹⁶⁴ იქვე, ს. 516, ფურ. 60.

¹⁶⁵ იქვე, ფურც. 64.

¹⁶⁶ აძხე, 4, ს. 31, ფურც. 69. როტშილდის ქარხნის მუშა ლ.ქათამაძე იგონებდა, რომ ბევრი არ თანაუგრძობდა გაფიცულებს და არ მონაწილეობდა კომიტეტის მუშაობაში.

ქალაქში ძალიან შეიზღუდა პოლიციის მოქმედება, ხოლო ბარცხანასა და გოროდოკში, სადაც უპირატესად მუშები ცხოვრობდნენ, პოლიციელები მისვლასაც ვერ ბედავდნენ. მთელი ძალაუფლება იქ „ბარცხანის გუბერნატორის“ ხელში იყო მთავრობა გამწარებით დაესებდა მას, მაგრამ ამაოდ. ვერაინი გაიგო ვინ იყო ეს ახალი გუბერნატორი. ყველა მისი ბრძანების აღმასრულებელი, მისი სიტყვის მორჩილი გახდა: „ბარცხანის გუბერნატორი“ ნამდვილად უნინარი დიქტატორი იყო და ეს დიქტატორობა მას შერნა კარგა ხანს - იმ დრომდე, სანამ რეაქციამ არ გაიმარჯვა.¹⁶⁷ ეს გუბერნატორი კი იყო რსდმპ ბათუმის კომიტეტი.

მუშაობა გაააქტიურა ახლად ჩამოყალიბებულმა (1904 წ.) სოციალისტ-ფედერალისტურმა პარტიამ. იგი გახ. „გოლოს ბატუმის“ მეშვეობით აკრიტიკებდა იმას, ვინც პირად ინტერესებს საზოგადოებრივზე მაღლა აყენებდა და უფროსოდა ეროვნული საკითხის წინა პლანზე წამოწევას ებრძოდა პოლიტიკანებს, რომლებიც ასე მომრავლდნენ ბოლო 3 წლის განმავლობაში ააშკარაებდა ოფიცრებისა და ჯარისკაცების გახრწნილებას და სხვადასხვა სახის უკანონო მოქმედებებს და ჯარისკაცების გახრწნილებას და სხვადასხვა სახის უკანონო მოქმედებებს და ჯარისკაცების ცხენების თივას და ყიდდნენ მოსახლეობაში... ასევე იარაღსაც.¹⁶⁸

სოციალისტ-ფედერალისტებმა თავიანთი ჯგუფები შექმნეს გიმნაზიაში, ქალაქის სათათბიროსა და სოგეერთ ქარხანაში. აქ მათ დაუპირისპირდნენ სოციალ-დემოკრატები და გააჩაღეს კამპანია ფედერალისტებისა და სხვა პარტიების წინააღმდეგ, რადგან თვლიდნენ, რომ მათ ეროვნული საკითხის დაყენებით მუშათა კლასის ინტერესებს უღალატეს.

ფედერალისტები აქტიურად ჩაებნენ რევოლუციაში. ისინი უცხოეთში სწავლობდნენ ასაფთჟებელი მოწყობილობების დამზადებას, ჩამოდიოდნენ საქართველოში ტერორისტული აქტების განსახორციელებლად. მაგალითად, მშები ქიქაეები, რომლებიც ეკუთვნოდნენ ფედერალისტთა პარტიას, ყუმბარების დამზადების ოსტატები იყვნენ. მათი მონაწილეობით ბათუმში არაერთხელ განხორციელდა თავდასხმები ხელისუფლებაზე. პოლიციამ მიაგნო მათ კვალს და დააპატიმრა.¹⁶⁹ მოსახლეობაში სოციალისტ-ფედერალისტების გავლენაზე გარკვეულ წარმოდგენას გვაძლევს ერთ-ერთი ფედერალისტის (ე. სიხარულიძე) წერილი, რომელიც ბელგიაში პალიკო ყიფიანის სახელზეა გაგზავნილი: „მხოლოდ შეგატყობინებ საქართველოს და ჩვენი პარტიის მოქმედებას, - წერდა ე. სიხარულიძე - ხალხი ყველგან მზად არის იარაღს მოჰკიდოს ხელი საბრძოლველად - ჩვენმა პარტიამ ძალა მოიკიდა - გლეხებში და ამაზე სოციალ-დემოკრატებმა სამკედრო-სასიცოცხლო ბრძოლა გამოგვიცხადეს ქობულეთი, აჭარა ჩვენს ხელთ არის, ქუთაისში ძლიერნი ვართ. ჩვენს პარტიას ყველგან შეიარაღებული ხალხი ჰყავს ცოტა თუ ბევრი.“¹⁷⁰

ბათუმის ოლქში სოციალისტ-ფედერალისტების პარტიის ბირთვს შეადგენდა ინტელიგენცია და ადგილობრივი მამულიანნი მოსახლეობის გარკვეული ნაწილი მემედ აბაშიძის ხელმძღვანელობით. ცარიზმის მოხელეები მათ უწოდებდნენ „ახალგაზრდა

¹⁶⁷ დ. კლდიაშვილი, ჩემი ცხოვრების გზაზე, გვ. 131.

¹⁶⁸ გახ. „ბათუმის ხმა“, 1905, ნომბერი.

¹⁶⁹ სესსა, ფ. 83, ან. 1, ს. 210, ფურც. 25.

¹⁷⁰ დ. შველიძე, პოლიტიკური პარტიების წარმოშობა საქართველოში, ნაკვეთი I, ფედერალისტები, თბ. 1993, გვ. 294.

ოსმალეებს“.¹⁷¹

ინვარ-თებერელის დღეებში მუშებისაგან შეიქმნა პირველი მებრძოლი რაზმები. თითოეულ ასეთ რაზმში 15-20 კაცი შედიოდა და ინტენსიურად მიმდინარეობდა მათი შეიარაღება. მებრძოლი რაზმები ერთდროულად მოქმედებდნენ ქალაქის სხვადასხვა უბანში. მათ შიშის ზარი დასცეს პოლიციას.¹⁷² ოლქის სამხედრო გუბერნატორის შეტყობინებით, ბათუმელი პოლიციელები სამსახურებრივი მოვალეობის შესრულებაზე უარს ამბობდნენ.¹⁷³ ეს რაზმები ახდენდნენ ექსპროპრიაციებს, ფიზიკურად უსწორდებოდნენ მოღალატეებს და არც ყანადობაზე ამბობდნენ უარს.¹⁷⁴

რევოლუციური ძალების გათიშვისა და ჩახშობის მიზნით, მხარდი რევოლუციური აღმავლობისა და ეროვნულ-განმათავისუფლებელი მოძრაობის ზრდის ვითარებაში, ცარიზმმა კვლავ მიმართა „გათიშე და იბატონეს“ ნაცად პოლიტიკას. 1905 წ. თებერელის პირველ რიცხვებში მეფის აგენტებმა ბაქოში პროვოკაციულად გამოიწვიეს სომეხ-თათართა ხოცვა-ჟლეტა. ცარიზმმა გადაწყვიტა მსგავსი სისხლიანი ტრაგედია განეხორციელებინა ბათუმის ოლქშიც და ამ საქმეში ქართველი მაჰმადიანები ჩაება. შედგა საინიციატივო ჯგუფი. პროვოკატორებმა ერთ ღამეს ბათუმში ჩამოიარეს ის სახლები, სადაც სომხები ცხოვრობდნენ და წითელი საღებავებით აღნიშნეს. დანიშნულ დროს ბოროტგანმზახველები უნდა შესეოდნენ ამ სახლებს და სომხები ამოეწვიტათ. შერაზმელთა ანკესზე რამდენიმე გულუბრყვილო ადამიანი წამოეგო. მოსალოდნელი იყო, რომ ამ საქმეში ქართველი მაჰმადიანები ჩაეროდნენ.¹⁷⁵ ეს ამბავი მემედ აბაშიძემ დაუყონებლივ აცნობა რსდმპ ბათუმის კომიტეტს, მოწინავე ქართველ ინტელიგენციას. გაიმართა სხდომები, დაირაზმა ქალაქის საზოგადოება, ჩამოყალიბდა მეთვალყურეთა კომისია, რომელსაც მემედ აბაშიძე ხელმძღვანელობდა. სისხლისღვრის თავიდან ასაცილებლად 18 თებერვალს ქალაქის ცენტრალურ მოედანზე გაიმართა მიტინგი.

ამის შემდეგ ცარიზმის აგენტებმა იწყეს სხვადასხვა ეროვნების პირთა მკვლელობა, რათა კვლავ გამოეწვიათ ეროვნული შუღლი და დაპირისპირება. ბათუმში მოედეს სოციალ-დემოკრატიული პარტიის წევრი შენგელია. მისი მკვლელობა სომხებს დააბრალეს ამის შესახებ მემედ აბაშიძე იგონებდა: „ჩვენ მოგვიწია დიდი შრომის გაწევა, რათა თავიდან აგვეცილებინა ქართველ-სომეხთა ურთიერთხოცვა ასეთი შემთხვევები ბევრი იყო“.¹⁷⁶

შემდეგ პოლიციამ სცადა მოეწყო ქართველ მაჰმადიანთა და სომეხთა შეტაკება ამ მიზნით 200 რუბლი შეაძლიეს ერთ ახალგაზრდა კაცს თოფან-ბეგ შერვაშიძისა და სხვა გაუღენიანი მაჰმადიანი ქართველების მოსაკლავად, მაგრამ ეს დროზე შეიტყო თ. შერვაშიძემ და პოლიციის ოინებიც ჩაიშალა.¹⁷⁷

მაშინ შეეცადნენ თვით მემედ აბაშიძე მოეშორებინათ თავიდან. შერაზმელებმა კარგად იცოდნენ, რომ „მემედ აჭარაში პატივისცემით სარგებლობდა“.¹⁷⁸ მათ ესმოდათ, რომ აჭარლები, თუ საჭირო შეიქმნებოდა, მის ინტერესებს დაიცავდნენ და

¹⁷¹ აცსა, ფ. 1, ან. 1, ს. 223, ფურც. 14.

¹⁷² ქართული ისტორიოგრაფია, თბ., 1968, გვ. 304.

¹⁷³ 1905 წლის რევოლუციის გამოძახილი აჭარაში“ (კრებული), ბათ., 1958, გვ. 56.

¹⁷⁴ სცსსა, ფ. 83, ან. 1, ს. 212, ფურც. 43.

¹⁷⁵ ს.გერსამია, მემედ აბაშიძე, ბათ., 1960, გვ. 30.

¹⁷⁶ თ.კომახიძე, მემედ აბაშიძე, ბათ., 1993, გვ. 17.

¹⁷⁷ აცსა, ფ. 1, ან. 1, ს. 145, ფურც. 116.

¹⁷⁸ ხ.ხვედელიანი, 1905-1907 წლების რევოლუციის გამოძახილი აჭარაში, ბათ., 1987, გვ. 60.

საქმესაც სწორედ აქედან მოუარეს დაიქირავეს ვიღაც თავზეხელაღებული და მ აბაშიძის მოკვლა დაავალეს როცა ის ბუღვარში სეირნობდა, მკვლელი მიიჭრა და დანით რამდენიმე ადგილას დაჭრა. მემედ აბაშიძე არ დაიბნა, ძაღლონე მოკრიბა, ბოროტგანმზრახველი შეიპყრო და პოლიციას გადასცა, თავად კი საავადმყოფოში მოათავესეს.

პროვოკატორებმა მონიდომეს ამ მომენტით ესარგებლათ. ხმებმა ხალხსე იმოქმედა და ბევრი კიდევ შეუდგა შურისძიებისათვის მზადებას ეს ამბავი მემედ აბაშიძის აცნობეს საავადმყოფოში. მან მაშინვე მოიხმო თავისიანები და დაავალა სასწრაფო ზომები მიეღოთ, რათა ხალხი პროვოკაციულ ხმებს არ აპყლოდა და სისხლისღვრა არ მომხდარიყო.¹⁷⁹

გამოსვლები ძლიერი იყო 1905 წ. გაზაფხულსა და ზაფხულში. თითქმის ყოველ-კვირული მოვლენა გახდა გაფიცვები, დემონსტრაციები, გამწვავდა მდგომარეობა ნავსადგურში. რუსეთისა და უცხოეთის ქვეყნების სურსათითა და სხვა საქონლით დატვირთული გემები, რამდენიმე დღის შემდეგ, დაუცლელნი ისევე უკან ბრუნდებოდნენ. ქალაქს შიშოილი დაემუქრა. აპრილში, განსაკუთრებით კი მაისში, სურსათის საწყოებში ფქვილის ძალიან მცირე მარაგი დარჩა ნავსადგურის მუშების გაფიცვას კი დასასრული არ უჩანდა ამის მიუხედავად, „რუსეთის ვაჭრობის და ნაოსნობის საზოგადოება“ მუშათა მოთხოვნების დაკმაყოფილებას არ აპირებდა ამან შეაშფოთა ქალაქის მმართველობა. ქალაქისთავმა ი. ანდრონიკაშვილმა მოლაპარაკება დაიწყო საზოგადოების დირექტორთან ოდესაში, საიდანაც პასუხად მიიღო - ნავსადგური გაათავისუფლეთ გაფიცულებისაგან და მუშებს აქედან გამოეგზავნითო.¹⁸⁰ მაშინ ი. ანდრონიკაშვილმა დიდ მთავარს ალექსანდრე მიხეილის-ძეს მიმართა, რომელიც თავმჯდომარეობდა „ვაჭრობის და ნაოსნობის საზოგადოებას“. მდგომარეობის შემდგომი გარსულების შიშით, აღნიშნული საზოგადოება დათანხმდა ნაწილობრივ შეესრულებინა მოთხოვნები. ბათუმში შექმნილი მდგომარეობის შესახებ გაზეთი „ივერია“ წერდა: „საოცარ სურათს წარმოადგენს ახლად მოსული გემის კინდა ეა-გონის წინ თავმოყრილი ხალხი. სხვადასხვა სჯულისა და გვარის მუშა არის ყვირილი, ღანძლეა, გინება, მუქარა ყველა თავგანწირული იბრძვის იგდოს ხელთ სამუშაო „მარკა“- იგდებს თუ არა რომელიმე მუშა „მარკას“ ხელში, ის მაშინვე წყნარდება და არხეინად კიდებს ხელს სამუშაოს დანარჩენი კი თავბუდის წყველით აქეთ-იქით იფანტება და შორიდან ემუქრება „მარკების“ დამრიგებელს ეს მუქარა ხშირად სისრულეში მოყავთ - კვირა ისე არ გაივლის, რომ ვინმე არ გახდეს მსხვერპლი ამ მუქარისა“.¹⁸¹

1905 წ. გაზაფხულზე, განსაკუთრებით ზაფხულში, გახშირდა დისკუსიები პოლიტიკურ მოვლენებთან დაკავშირებით. ყველა ავტორი, ვინც კი შეეხო იმ დროისათვის გამართულ პოლიტიკურ დისკუსტებს, აკეთებს თითქმის ერთმანეთთან შეთანხმებულ დასკვნას: „გაიძარჯვეს ბოლშევიკებმა. მენშევიკები და სხვა ბურჟუაზიულ-ნაციონალისტური პარტიები სასტიკად გამათრახდნენო“.¹⁸² საარქივო მასალებიდან კი ირკვევა, რომ თითქმის ყველა კამათში, რომელიც მიჰქონდა პოლიტიკურ ცხოვრებას

¹⁷⁹ ს.გერსამია, დასახ. ნაშრ., გვ. 32.

¹⁸⁰ ჯ.ჩხვიძე, ბათუმი (ისტორიული ნარკვევი), ბათ., 1959, გვ. 64.

¹⁸¹ გაზ. „ივერია“, 1905, № 100.

¹⁸² ბ.ციციტარია, აპარაში რევოლუციური მოძრაობის ისტორიის ნარკვევები, წ. 1 (1890-1914 წწ.), გვ. 196-197 და სხვ.

ხალხი მხარს უჭერდა მენშევიკების წინადადებებს და ითვალისწინებდა ყველა იმ შენიშვნას, რომელსაც, აგრეთვე, სხვა პარტიების წარმომადგენლებიც აყენებდნენ. მაგ., 1905 წლის 8 მაისს, სოფელ ურუხში, ჩვეულებრივ კვირა დღეს, ხალხის საკრებულო ადგილას შედგა ბათუმის მუშათა მიტინგი, სადაც 2000-მდე მუშამ მოიყარა თავი. მიტინგზე მენშევიკებმა ბოლშევიკებს თავს მოახვიეს პარტიული დისკუსია. ბოლშევიკებმა წამოაყენეს გაფიცვების გაგრძელების მოთხოვნა, მაგრამ მენშევიკებთან ვერ მიაღწიეს შეთანხმებას. ხალხი მხარს უჭერდა უმცირესობის მოთხოვნებს.¹⁸³ ანალოგიური კრება შედგა მაისის ბოლო რიცხვებში, რომელიც მიემდენა ოლქში შექმნილ საზოგადოებრივ-პოლიტიკურ ვითარებას. კრებამ ერთსულოვნად დაუჭირა მხარი მენშევიკების – კ. ჩხეიძისა და ხ. ლოლუას მიერ შემოთავაზებულ წინადადებებს.¹⁸⁴ 1905 წ. ივნისის პირველ ნახევარში ბათუმის გარეუბან „ჭაობში“, მუშა ტ. ბერიძის ბინაში გაიმართა კრება, რომელსაც რსდმპ ბათუმის კომიტეტის ორივე ფრთის წარმომადგენელი ესწრებოდა. აქ იყო, აგრეთვე, ესერთა პარტიიდან ვინმე ა. კალაძე. ასევე ფედერალისტების წარმომადგენლები ვ. ქუთათელაძე და ს. მოდებაძე. კრება მიემდენა გაფიცვების მოწყობას, დამოკიდებულებას მთავრობასა და არმიასთან. მენშევიკები მოითხოვდნენ უფრო ფრთხილ მოქმედებას, რადგან უიარაღო მუშები ვერას გახდებოდნენ კბილებამდე შეიარაღებულ ჯარისკაცებთან და კაზაკებთან. ამ წინადადებას მხარი დაუჭირა ფედერალისტმა ვ. ქუთათელაძემ. ბოლშევიკებმა ეს წინადადება არ მიიღეს. ისინი წინააღმდეგობის გაწევას ანიჭებდნენ უპირატესობას. კრებამ ერთხმად დაუჭირა მხარი პირველ წინადადებას.¹⁸⁵

ასევე გაზვიადებულია ქართულ ისტორიოგრაფიაში საუბარი რსდმპ ბათუმის კომიტეტის მიერ არმიაში გაწეული მუშაობის შესახებ. თითქოს ისე ძლიერი იყო მათი იდეურ-პროპაგანდისტული საქმიანობა, რომ ჯარისკაცები და კაზაკებიც კი არსებული წყობილების წინააღმდეგ გაფიცულთა მხარდამხარ იბრძოდნენ. საბრძოლო წყაროებიდან ნათლად ჩანს, რომ ჯარისკაცები ბოლომდე მთავრობის მხარეზე იდგნენ. დავით კლდიაშვილი, რომელიც იმ დროს ბათუმში მსახურობდა და რომლის თვალწინ ჩაიარა ქალაქის ურთულესმა საზოგადოებრივ-პოლიტიკურმა ცხოვრებამ, ამბობდა: „ბათუმში ყოველ ფეხის ნაბიჯზე ლაპარაკი ისმოდა საერთო გამოსვლის საჭიროებაზე. გატაცებულნი ამტკიცებდნენ, რომ ყველაფერი მომზადებულია, რომ ჯარი გამოსულთა მხარეზე გადმოეყო, როგორც კი აჯანყება დაიწყებოდა. ეს პირდაპირ თავის მოტყუება იყო. ყაზარმებში არავითარი სისტემატური მუშაობა არ ყოფილა. იყო მხოლოდ მათი თანამგრძობი ჯგუფები, მაგრამ ერთსულოვნება არ იყო. რუს ჯარისკაცებს აგონებდნენ, რომ რუსეთის დამხობა სწადიათო, ამისათვის მეცადინეობენ ყველა არარუსები და კავშირდებიანო! ასეთ აგიტაციას დიდი დაჯერება ჰქონდა. რუს და არარუს ჯარისკაცებს შორის ძლიერი განხეთქილება სუფევდა, გადამტერებულებივით იყვნენ.“¹⁸⁶ ან კიდევ, ჯართან რა მუშაობაზე შეიძლებაოდა საუბარი, როდესაც შოინიზმით მოწაჩლული ჯარისკაცები არაეის ინდობდნენ: „ჯარისკაცებმა გაიგონეს, რომ ადგილობრივნი (ტუსემცები) რუსეთის სამტროდ გამოდიან, გამოეფინენ ქუსებში და დაერივნენ გამოსულებს, შეიქმნა სასტიკი შეჯახება. ჯარისკა-

¹⁸³ ამბუ. 4, ს. 302, ფურც. 812.

¹⁸⁴ იქვე, ფურც. 89.

¹⁸⁵ იქვე, ფ. 4, ს. 40, ფურც. 44.

¹⁸⁶ დ. კლდიაშვილი, ჩემი ცხოვრების გზაზე, გვ. 151.

ცებისაგან არავის დაზოგვა აღარ ჰქონდა ოცდაათამდის იყო მკვლარი.¹⁸⁷ ბათუმის ოლქის სამხედრო გუბერნატორი კავკასიის მეფისნაცვალს ატყობინებდა „სამხედროები არათუ არ გადავიდნენ მათ მხარეზე, როგორც გაფიცულები - მოელოდნენ, არამედ მათ მდგარი წინააღმდეგობა გაუწიეს“.¹⁸⁸ ბათუმის ციხის კომენდანტი იტყობინებოდა „ვევლაფერმა, რაც ამ ბოლო დროს (საუბარია 1905 წლის ოქტომბერზე - ო.გ.) ხდებოდა ქალაქში, ჯარისკაცები ძალიან გააბოროტა მათი საბრძოლო მზადყოფნა საუცხოოა, ოფიცრები ძლივს აკაეებდნენ მათ ტუსემცების მიმართ მიბჯრითი სროლისაგან“.¹⁸⁹ მსგავსი მაგალითები ბევრი იყო.

6 აგვისტოს იმპერატორმა გამოსცა მანიფესტი წარმომადგენლობითი დაწესებულებების შემოღების შესახებ. 29 აგვისტოს ამ საკითხის გარკვევასთან და ასევე ერობის შემოღებასთან დაკავშირებით, ბათუმის თვითმმართველობის შენობაში, უნებართვოდ, ფანჯრებიდან შევიდა რამდენიმე ასეული კაცი. გუბერნატორის განკარგულებით კრებაზე გამოცხადდა პოლიცმაისტერის თანაშემწე შეიდი პოლიციელის თანხლებით და ბრძანა კრების დაშლა კრება გარეკეს, ბევრი დააპატიმრეს.¹⁹⁰ ამ კრების შესახებ როტმისტრი სტანი პოლიციის სამმართველოს უფროსს ატყობინებდა „ჟოლსკიმ ხალხი შეუშა საქალაქო თვითმმართველობის შენობაში უეჭველია, ეს პიროვნება თანაუგრძნობს ნაციონალისტებს“.¹⁹¹ 30 აგვისტოს ქობულეთში გაიმართა მიტინგი, სადაც განიხილავდნენ ერობის შემოღების საკითხს გუბერნატორის განკარგულებით შეკრებილთ არ მისცეს თავისუფლად მსჯელობის საშუალება.¹⁹²

ძლიერი დაძაბულობა იყო ოქტომბერში. ის ცნობილია შეიარაღებული გაფიცვის სახელწოდებით. კარგად ორგანიზებულმა გაფიცვამ თავსარი დასცა პოლიციას გაფიცულებმა აყარეს რკინიგზის ლიანდაგი. შეწყდა მატარებლების მოძრაობა ნატანებსა და სუფსას შორის რსდმპ ბათუმის კომიტეტმა სპეციალური პროკლამაციით მოსახლეობას მოუწოდა გადამწყვეტი ბრძოლისაკენ.¹⁹³ 7 ოქტომბერს გაფიცვა გამოაცხადეს გიმნაზიელებმა, რომლებმაც გაფიცვაში ჩააბეს ქალაქის ყველა სკოლა.¹⁹⁴

პოლიტიკური მოთხოვნებით გამოვიდნენ ფაბრიკა-ქარხნების მუშები. მომიტინგეები თავს ესხმოდნენ ჩინოვნიკებს, უსწორდებოდნენ მეწოვე ავანტებს, საინტერესოა ეს გ.წ. „მეწოვეთა ინსტიტუტი“. ასეთ მუშებს ყურადღებით ეკიდებოდნენ ხელი-სუფლებს, განსაკუთრებით ოხრანკისა და რევოლუციური კომიტეტების წარმომადგენლები. მეწოვეების ინფორმაციებს ეყრდნობოდნენ როგორც რევოლუციონერები, ასევე ოხრანკის წარმომადგენლებიც. მეწოვეები უთვალთვალებდნენ საეკო პირებს, მისდევდნენ ფეხდაფეხ, ადგენდნენ მათ მისამართებს და ა.შ. იყო შემთხვევა, როდესაც ჟანდარმერია თავის კაცს (მეწოვეს) შეაგზავნიდა კომიტეტში ან მუშათა წრეში და ღებულობდა ინფორმაციას, ან, პირიქით, რევოლუციური კომიტეტები მეწოვეების საშუალებით იგებდა საჭირო ამბებს ჟანდარმერიიდან ან სხვა დაწესებულებებიდან. მაგ., 1905 წ. ოქტომბერში სასიკედილოდ დაჭრეს მეწოვე აბდულ ლომანოვლი,

¹⁸⁷ იქვე, გვ. 153-154.

¹⁸⁸ სცსა, ფ. 83, ან. 1, მ. 80, ფურც. 36.

¹⁸⁹ იქვე, ფურც. 35.

¹⁹⁰ იქვე, მ. 76, ფურც. 103.

¹⁹¹ იქვე, ფურც. 36.

¹⁹² იქვე, ფურც. 37.

¹⁹³ იქვე, ფ. 13, ან. 28, მ. 9, ფურც. 40.

¹⁹⁴ 1905-1907 წლების რევოლუცია საქართველოში, თბ., 1956, გვ. 361.

რომელიც „უანდარმერიის“ შესახებ ცნობებს აწვდიდა ადგილობრივ კომიტეტს.¹⁹⁵

17 ოქტომბერს იმპერატორმა გამოსცა „მანიფესტი“, რომელიც ხალხს ჰპირდებოდა თავისუფლებასა და კონსტიტუციურ უფლებებს. ხელისუფლების ამ ნაბიჯს რიგი პარტიები კმაყოფილებით შეხვდა და მიიჩნია იმ დიდი საქმის დაგვირგვინებად, რომლის განხორციელებისათვის იბრძოდნენ 1904-1905 წლებში. პარტიებისა და ორგანიზაციების ნაწილი „მანიფესტში“ ხედავდა ცარიზმის დროებით უკანდახევას. ამის შესაბამისად, საზოგადოებაც „მანიფესტის“ მომხრეებად და მოწინააღმდეგეებად გაიყო.

17 ოქტომბრის „მანიფესტის“ შემდეგ დროებით მიწვდნა დემონსტრაციები. მაშინ ადმინისტრაცია შეეცადა რევოლუციური მოძრაობისაგან ჩამოეშორებინა არაქართველი მოსახლეობა, განსაკუთრებით სომხები და რუსები. მან მოახერხა სომხების დიდი ნაწილის გადაბირება და გაფიცულებისათვის დაპირისპირება. პარტია „ლაზნაკუთიუნი“ 1905 წ. ოქტომბერში მოწოდებებით მიმართავდა ოლქის სომეხ მოსახლეობას, არ წამოგებოდა ქართველი ნაციონალისტების ანკესზე, მხარი არ დაეჭირათ მათთვის და ეთანამშრომლათ მთავრობასთან, რომელიც კეთილგანწყობილია ყველა სომეხისადმი, ეხმარება მათ საკუთარი ამოცანების გადაწყვეტაში. ამავე დოკუმენტით სომხებს მოუწოდებდნენ არ მიეღოთ მონაწილეობა გაფიცვებში, რადგან ფაბრიკა-ქარხნებში სომხებს უკეთ უხდინან, ეიდრე სხეებს „სომხებო, არ მიიღოთ არავითარი მონაწილეობა არც გაფიცვებში და არც სხვა ღონისძიებებში, რომლებსაც ნაციონალისტები (იგულისხმება ქართველები - ო.გ.) ატარებენ. ეს არ შედის ჩვენს ინტერესებში“¹⁹⁶ - ეკითხულობთ ერთ-ერთ დოკუმენტში. მსგავსი პროკლამაცია ბათუმში ოქტომბერ-ნოემბერში 26-ჯერ¹⁹⁷ გამოიცა. ამან გარკვეულწილად იმოქმედა სომეხი მოსახლეობის დიდ ნაწილზე.

გააქტიურდა ბათუმში მოქმედი რუსული ნაციონალისტური ორგანიზაციებიც. მათ აფინანსებდა მთავრობა და ამარაგებდა იარაღით. ერთ-ერთ ასეთ ორგანიზაციას ხელმძღვანელობდა შავრაზმელი შმაკინი, რომელიც ყოველი არარუსისადმი ზიზღით გამოირჩეოდა.¹⁹⁸ ორგანიზაციების წევრები ხოცავდნენ პოლიციელებს, სამხედროებს და შემდეგ ქართველებს აბრალვდნენ. ასე იყო 28 ოქტომბერს, როცა შმაკინმა კაზაკი მოკლა, ხოლო ის, რაც ამის შემდეგ კაზაკებმა გააკეთეს, ენით აუწერელია. ისინი მოედნენ მთელ ქალაქს, ესროლეს მშვიდობიან მოსახლეობას, მრავალი დახოცეს. თითქმის ყველა ქუჩაზე, ბუჩქებთან გვამი ეგდო. ეს არნახული ბარბაროსული აქცია კაზაკებმა ჩაიდინეს მოსახლეობის დაშინების მიზნით. რუსულმა შავრაზმულმა ორგანიზაციამ ხმები გააერცვლა, რომ ქართველებმა მოკლეს კაზაკები და ამიტომ სამაგიერო გადაუხადესო.¹⁹⁹ ამ აქციის წინააღმდეგ ფედერალისტებმა გააერცვლეს პროკლამაცია, რომელშიც ამხილეს და დაგმეს მთავრობის მოქმედება.²⁰⁰

28 ოქტომბრის სისხლიანმა დღემ აღაშფოთა მთელი ქალაქი. ი. ანდრონიკაშვილმა, დ. ჟურულმა და სხვებმა პროტესტი გაუგზავნეს ბათუმის ოლქის სამხედრო

¹⁹⁵ აცსა, ფ. 1, ან. 1, ს. 300, ფურც. 120.

¹⁹⁶ ამხგ. 4, ს. 30, ფურც. 175.

¹⁹⁷ სცსსა, ფ. 83, ან. 1, ს. 219, ფურც. 52.

¹⁹⁸ იქვე, ს. 76, ფურც. 10.

¹⁹⁹ აცსა, ფ. 1, ან. 1, ს. 105, ფურც. 86.

²⁰⁰ ამხგ. 4, ს. 30, ფურც. 98.

გუბერნატორს და მოსთხოვეს დამნაშავეთა სასტიკი დასჯა.²⁰¹

აღშფოთებულმა მოსახლეობამ მოთხოვა ო. ანდრონიკაშვილს ეშუამდგომლა გუბერნატორთან კახაკების ქალაქიდან გაყვანის თაობაზე. ქალაქისთავმა, თავის მხრივ, ყველაფერი იღონა, რომ ეს მოთხოვნა შეესრულებინა. კახაკების მაგიერად ჯარის ნაწილები უნდა შემოსულიყო, რომელიც ყაზარმულ მდგომარეობაში იქნებოდა დიდი მცდელობის მიუხედავად, კახაკების ქალაქიდან გაყვანა არ მოხერხდა.

ძალიან დაიძაბა სიტუაცია ნოემბერში, როცა გაძლიერდა იარაღის შემოტანა მას უმთავრესად საზღვარგარეთ იხენდნენ. საამისო ფულს ხშირად შოულობდნენ მუშებისაგან შემდგარი მებრძოლი რაზმები. მაგალითად, 31 ოქტომბერს მუშათა შეიარაღებული რაზმი თავს დაესხა სამხრეთ რუსეთის სამრეწველო ბანკის განყოფილებას ბათუმში და გაიტაცა 8500 რუბლი. ეს თანხა გადაეცა რსდმპ ბათუმის კომიტეტის სამხედრო ორგანიზაციას.²⁰² 6 ნოემბერს თორმეტი შეიარაღებული მუშა ქობულეთის მახლობლად თავს დაესხა სატვირთო მატარებელს და დიდალი იარაღი გაიტაცა. ნოე ჟორდანიას იგონებდა: „რომელიმე მეთაური ან ჯგუფი თუ ფულს იშოვიდა სადმე, ის აგროვებდა თავის ირგვლივ მუშებს და ლიდერობდა“.²⁰³

1905 წ. ნოემბრის დამლევს გემმა „სირიუსმა“ საქართველოში დიდალი იარაღი ჩამოიტანა, რომლის ნაწილი წაიღეს მუშებმა, ნაწილი კი პოლიციას ჩაუვარდა ხელთ, დიდი რაოდენობით იარაღი და ვაზნა დააკავეს ბათუმის საბაჟოზეც.

თავდასხმები ხდებოდა, აგრეთვე, უცხოეთის საკონსულოებზე. 1905 წ. 11 ნოემბერს დააკავეს აესტრია-უნგრეთის საკონსულოს წარმომადგენლები და მათ გამოსასყიდად მოითხოვეს 600 რუბლი.²⁰⁴ ასევე გამოსასყიდი მოთხოვეს ამერიკის კონსულს ბათუმში ჰეინგარტნერს, მისი სამსახურის წარმომადგენლის გამოხსნისათვის.²⁰⁵ ამგვარად, მებრძოლმა რაზმებმა ხელთ იგდეს დიდალი იარაღი. ამის გამო რსდმპ ბათუმის კომიტეტმა გადაწყვიტა შეიარაღებული გამოსვლის დაწყება. ეს მზადება, რასაკვირველია, ხელისუფლებას არ გამოჰარვია. იგი შეეცადა დაესწრო და პროვოკაციულად გამოეწვია მოსახლეობა, რაც კიდევაც მოახერხა ადგილობრივმა პოლიციამ თავისი აგენტების საშუალებით ბათუმის ქუჩებში ორი კახაკი განაიარადა. ეს კახაკების თავაშეგებული მოქმედების საბაბი გახდა 28 ნოემბერს მათ ქალაქის ქუჩებში სროლა ატეხეს მოკლეს 7, დაჭრეს 4 მოქალაქე. ამან მოსახლეობის აღშფოთება და პროტესტი გამოიწვია.²⁰⁶ იმავე დღეს, საღამოს გაიმართა მიტინგი აქ იყო ბათუმში მოქმედი ყველა პარტიის წარმომადგენელი. მიტინგის მონაწილეთა მეტი ნაწილი გამოსვლას მოითხოვდა,²⁰⁷ მაგრამ კ. ჩხეიძე და ფედერალისტების ერთი ნაწილი ამის წინააღმდეგი წავიდა.²⁰⁸

29 ნოემბერს, მთელი დღის განმავლობაში, მიმდინარეობდა შეტაკებები, ერთი მხრივ, მებრძოლ რაზმებსა და კახაკებს, მეორე მხრივ, პოლიციელებსა და მუშებს

²⁰¹ ო. გოგოლიშვილი, სახალხო-განმათავისუფლებელი მოძრაობა გურიასა და ბათუმის ოლქში 1905-1907 წლების რევოლუციის დროს, ბათ., 2003, გვ. 106.

²⁰² სცსსა, ფ. 83, ან. 1, ს. 250, ფურც. 26.

²⁰³ ნ. ჟორდანიას, „ჩემი წარსული“, გვ. 55.

²⁰⁴ სცსსა, ფ. 13, ან. 28, ს. 46, ფურც. 149.

²⁰⁵ იქვე, ფურც. 9.

²⁰⁶ ი. ხუციშვილი, 1905 წლის მიწურულის შეიარაღებული აჯანყება საქართველოში. - საქართველოს ისტორიის ნარკვევები, VI, თბ., 1972, გვ. 225.

²⁰⁷ სცსსა, ფ. 13, ან. 28, ს. 25, ფურც. 20.

²⁰⁸ იქვე, ფურც. 30.

შორის გაზეთ „ივერიის“ ცნობით, იმ დამეს ქალაქის სააგადმყოფოში მიიყვანეს 10 მოკლული და ორი დაჭრილი.²⁰⁹

30 ნოემბერს ქუჩები ბარაკადებით დაიფარა შეიარაღებული რაზმების ერთი ნაწილი სახურავებიდან ესროდა ჯარს. სამოქალაქო და სამხედრო ადმინისტრაცია მძიმე მდგომარეობაში ჩაეარდა. მეფის ადგილობრივ მოხელეებს თავზარი დასცა იმ გარემოებაზე, რომ საბარაკადო ბრძოლებში მონაწილეობისათვის დაიძრა გურიის გლეხობა. ბათუმში საალყო წესები გამოცხადდა. მთავრობამ ოლქში შემოიყვანა მაშველი რაზმი 400 კაზაკის შემადგენლობით, აგრეთვე, არტილერია, რომლის ზადებებით დაანგრეს ბარაკადები. ძალები უთანასწორო იყო, ხოლო მსხვერპლი დიდი. მაშინ მიიღეს ერთადერთი სწორი გადაწყვეტილება - შეეწყვიტათ ბრძოლა, რადგან ქალაქს განადგურება ემუქრებოდა და მსხვერპლიც აურაცხელი იქნებოდა. მხოლოდ ერთ ქუჩაზე შეტაკებისას მოკლეს და დაჭრეს 50 კაცი.²¹⁰

30 ნოემბრის საბარაკადო ბრძოლა ბათუმის ოლქში 1905-1907 წლების რევოლუციის უმაღლესი საფეხური იყო.

აჯანყების დამარცხების შემდეგ, საქართველოს არც ერთ ქალაქში რეაქცია ისე არ გათავხედებულა, როგორც ბათუმში. მაშინ, როცა მთელ საქართველოში რევოლუცია ბოლოქრობდა, კაზაკთა ჯარებს კვლავ ბათუმის ოლქში აგზავნიდნენ.²¹¹

ბათუმის ოლქის მშრომელების დასაცავად ერთსულოვნად გამოვიდნენ საქართველოში მოქმედი პოლიტიკური პარტიები და ეროვნული მოღვაწეები. 1 დეკემბერს მათ კავკასიის მეფისნაცვალს მოსთხოვეს შეეჩერებინა კაზაკების გაგზავნა ბათუმში.²¹² ყვირილას სოციალ-დემოკრატიული ორგანიზაციის დადგენილებაში ეწერა: „მოვითხოვთ კაზაკების დაუყოვნებლივ გაყვანას ქუთაისის გუბერნიიდან და ბათუმის ოლქიდან. ბათუმის ციხე-სიმაგრის კომენდანტისა და გუბერნატორ ფონ-პარკაუს გაძევებას“.²¹³

რეაქცია შეტევაზე გადავიდა. 19 დეკემბერს გამოქვეყნდა სამხედრო გუბერნატორის საეაღდებულო დადგენილება (№130), რომლითაც ბათუმის ოლქში საგანგებო მდგომარეობა შემოიღეს.²¹⁴

1906-1907 წლებში ბათუმის ოლქში რეაქცია მიქინვარებდა. ბათუმის ციხეში, რომელიც მხოლოდ 80 კაცს იტყუდა, 1907 წ. ნოემბერში 292 პატიმარი იყო. 1906 წ. ბოლოს ოლქში დაპატიმრებუბმა და კავკასიიდან გადასახლებამ ფართო ხასიათი მიიღო. 1906-1907 წლებში ამ რეგიონიდან 800-ზე მეტი კაცი გაასახლეს.²¹⁵ დაიხურა გაზეთები, აიკრძალა მიტინგები და დემონსტრაციები, დენა განიცადა ეროვნულმა იდეებმა, ყოველი ნაბიჯი ამ მიმართულებით ანტიიმპერიულ ქმედებად აღიქმებოდა და მას სასტიკად უსწორდებოდნენ.

მთელი საქართველო შეაძრწუნა ილია ჭავჭავაძის მუხანათურმა მკვლევლობამ. საერთო ეროვნულ გლოვას, მემედ აბაშიძემ ბათუმიდან შეუერთა თავისი ხმა, ქართველ მაჰმადიანთა სახელით გაგზავნილი სამძიმრის დეკლარაცია.

209 გაზ. „ივერია“, 1905, 5 დეკემბერი.
 210 იქვე.
 211 სცსსა, ფ. 13, ან. 28, ს. 91, ფურც. 7-8.
 212 გაზ. „ცნობის ფურცელი“, 1905, №2963.
 213 იქვე.
 214 აცსა, ფ. 1, ს. 207, ფურც. 10.
 215 იქვე, ს. 339, ფურც. 64.

ილია ჭავჭავაძის მკვლევლობის შემდეგ რეაქცია კიდევ უფრო გაძლიერდა ბათუმის ოლქში მოქმედი პარტიები იატაკქვეშეთში გადავიდნენ, თუმცა მაინც აგრძელებდნენ საქმიანობას. 1907 წ. 24 ოქტომბერს სოციალისტ-ფედერალისტების პარტიამ გადაწყვიტა მოეწყო ბათუმის ციხიდან პატიმრების გაქცევა. მათ მხარი დაუჭირეს ესერებმაც, საუკრობილეს თანამშრომელთა მოსასყიდად შეგროვდა 1500 რუბლი, შეადგინეს გეგმა, მაგრამ სამზადისი გასცეს და სამხედრო გუბერნატორმა მიიღო გადამჭრელი ზომები მის აღსაკეცად. დაიწყო გადაბრალებებზე ფედერალისტების პარტიამ განაცხადა, რომ ეს დალატი ჩაიდინეს სოციალ-დემოკრატებმა, თავის მხრივ, სოციალ-დემოკრატებმაც გააერცვლეს პროკლამაციებზე „ნაციონალისტური პარტიები აკეთებენ მტრის საქმეს ენებენ რევოლუციას, ცდილობენ სისხლისღვრის პროვოცირებას“²¹⁶ და ა.შ.

ბათუმის ოლქში რეაქციის ბატონობის შესახებ 1907 წ. გაზეთი „ისარი“ წერდა „1906 წ. დაწყებულმა რეაქციამ, სისასტიკემ დააფრთხო განახლებისათვის საბრძოლველად დარაზმული ქართველი ერო... უკვე 1907 წ. ხალხის ხმა აღარ ისმის, ის თითქოს სულერთიან აიკრიფა ცხოვრების მეჯლისიდან... ავასაკობა, ძარცვა-გლეჯვა 1907 წელს დღითიდღე იზრდება და უფრო თამამად შლის ფრთებს... ასეთი მდგომარეობა ჩვენს განაპირა მხარეებში და განსაკუთრებით აჭარაში, რომელსაც ცარიზმი ექანება სიბნელისაკენ, ჩამორჩენისაკენ“²¹⁷

ამრიგად, 1905-1907 წლების რევოლუცია იყო ბრძოლა განახლებისათვის უკეთესი მომავლისათვის. იმპერიის მასშტაბით დაწყებულ მოძრაობას მძლავრი გამოხმაურება მოჰყვა ბათუმის ოლქშიც. ამ დროს თამამად გაისმა მოწოდება ეროვნული თვითმყოფადობისაკენ, რაც უდავოდ დიდი მონაპოვარი იყო კოლონიური ბატონობის უღელქვეშ მყოფი მოსახლეობისათვის.

§5. საზოგადოებრივ-პოლიტიკური ვითარება 1908-1914 წლებში

რუსეთის პირველი რევოლუციის დამარცხების შემდეგ, როგორც აღინიშნა, ბათუმის ოლქშიც დაიწყო რეაქცია, გახშირდა დაპატიმრებები და გადასახლებები 1908-1909 წლებში ოლქიდან 800-ზე მეტი კაცი გაასახლეს²¹⁸ რევოლუციური და დემოკრატიული ორგანიზაციების განადგურების მიზნით, მეფისნაცვლის ბრძანებით, ბათუმსა და მის შემოგარენში სააღყო წესები გაგრძელდა 1909 წ. მაისამდე, ხოლო ოლქის დანარჩენ რაიონებში შემოიღეს გაძლიერებული დაცვა.

დაეცა მრევლელობის დონე. მუშების დიდი ნაწილი იძულებული გახდა სოფლებში დაბრუნებულიყო, ან სხვა ქალაქში ეძია სამუშაო. 1909 წ. აპრილში ოლქის სამხედრო გუბერნატორიც ადასტურებდა: „ოლქში არ შეიმჩნევა არაერთარი რევოლუციური პროპაგანდა რევოლუციური მოძრაობის მინელება გამოიწვია იმანაც, რომ გაძლიერდა ეკონომიკური და ფინანსური კრიზისი. ერთი-მეორის მიყოლებით დაიხურა

²¹⁶ აბსუ. 4, ს. 30, ფურც. 111.

²¹⁷ გაზ. „ისარი“, 1907, აპრილი.

²¹⁸ აცსა, ფ. 1, ან. 1, ს. 339, ფურც. 64.

ქარხნები. მუშების დიდი ნაწილი უმუშევარია და იძულებულია დაბრუნდეს თავიანთ სოფლებში, ან სამუშაოს საძებრად წავიდეს სხვაგან. იმ მცირე საწარმოებში, რომლებიც ჯერ კიდევ ფუნქციონირებენ, მუშები უფრთხილდებიან თავიანთ ადგილებს და ხშირად მტრულადაც კი ეკიდებიან სოციალისტების პროპაგანდას.²¹⁹

ბათუმის ოლქში მოქმედი პოლიტიკური პარტიები იატაკქვეშეთში გადავიდნენ, მაგრამ საქმიანობას მაინც აგრძელებდნენ. ამჯერად აქტიურობდა მხოლოდ ორი პარტია: სოციალისტ-დემოკრატები და ფედერალისტები. მათ შორის კვლავ პარტულდებოდა დაპირისპირება. უთანხმოება გაძლიერდა 1908 წ. ოქტომბრიდან, როცა ბათუმის ციხიდან პატიმრების გაპარვის გეგმის ჩაშლის გამო, დაიწყო ურთიერთგადაბრალებები²²⁰ და დისკუსიები. 1909 წ. ასეთი დისკუსია მათ შორის 5-ჯერ გაიმართა.²²¹

ქუთაისის უანდარმთა სამმართველოს უფროსის თანაშემწე ბათუმის ოლქის სამხედრო გუბერნატორს პოლიტიკური პარტიების საქმიანობის შესახებ აცნობებდა: „ბათუმში არსებობს სოციალ-დემოკრატებისა და ფედერალისტების პარტიები. მათი საქმიანობა ძირითადად უცხოეთიდან არაღეგალური ლიტერატურის ჩამოტანასა და გაერცვლებაში მდგომარეობს... ხშირია მათ შორის დაპირისპირება. მოსახლეობა სიმპათიით უფრო სოციალ-დემოკრატების მიმართ არის განწყობილი.“²²²

1910 წ. 20 ივნისს კავკასიის მეფისნაცვლის სახელზე გაგზავნილ ცნობაში აღნიშნულია სოციალისტების ტერორისტული აქტების შესახებ, კერძოდ, ტერაქტების შედეგად დაიღუპა ერთი პოლიციელი და რამდენიმემ სხეულის მძიმე დაზიანება მიიღო. ივნისის დასაწყისში ორჯერ გაპარცევს მატარებელი. პოლიცემისტერი ვარაუდობდა, რომ მძარცველები იყვნენ ბათუმელი „ანარქისტ-სოციალისტები“, რომლებმაც, მისი სიტყვით, „არა ერთი ასეთი აქტი ჩაიდინეს“.²²³ მიუხედავად ოფიციალური ხელისუფლების მცდელობისა, უარყოფითად დაახასიათოს ამ პარტიის საქმიანობა და დააბრალოს სხვადასხვა დანაშაული, პარტიის ავტორიტეტი ხალხში შესამჩნევად იზრდებოდა. 1910 წ. 14 სექტემბერს ბათუმის სამხედრო გუბერნატორისადმი გაგზავნილ შეტყობინებაში ნათქვამია: „სოციალ-დემოკრატების პარტია ყველაზე უფრო პოპულარულია ხალხში. ამ პარტიას მრავალი მიმდევარი ჰყავს. ამ მხრივ სოციალ-დემოკრატები ბევრად უსწრებენ ბათუმის ოლქში მოქმედ სხვა პოლიტიკურ პარტიებს... ისინი ხშირად იყრიბებიან და მართავენ საიდუმლო კრებებს, სადაც მსჯელობენ პოლიტიკურ საკითხებზე. მათი წევრები აქტიურად მონაწილეობდნენ ქუთაისში გამართულ საოლქო კონფერენციაში. იქ სიტყვითაც კი გამოვიდნენ. ამჟამად მიმდინარეობს მუშაობა IV სახელმწიფო სათათბიროს არჩენებისათვის. ამ პარტიის აქტიური პროპაგანდის შედეგად მიმდინარე წელს (1910 წ.) მოეწყო რამდენიმე გაფიცვა“.²²⁴ სოციალ-დემოკრატების გაელენა დღითი დღე იზრდებოდა იმპერიის მასშტაბითაც და ანგარიშგასაწყეი ძალა ხდებოდა: „სოციალ-დემოკრატებმა მოახდინეს თავისი საქმიანობის ლეგალიზაცია და საქართველოს ყველაზე გაელენიან,

²¹⁹ ამხ.გ. 4, ს. 500, ფურც. 60.

²²⁰ იქვე, ს. 303, ფურც. 111.

²²¹ აცსა, ფ. 1, ან. 1, ს. 400, ფურც. 15.

²²² სცსა, ფ. 13, ან. 1, ს. 198, ფურც. 81.

²²³ იქვე, ფ. 83, ან. 1, ს. 315, ფურც. 29-30.

²²⁴ აცსა, ფ. 1, ან. 1, ს. 510, ფურც. 24.

პარლამენტური ტიპის დემოკრატიულ პარტიად იქცნენ²²⁵

1911 წლიდან შეიმჩნეოდა საზოგადოებრივ-პოლიტიკური ცხოვრების გააქტიურება. 5 თებერვალს გაიფიცნენ პორტის მუშები, გაფიცვას სერიოზული გართულებები არ შეუქმნია, რადგან მუშათა მოთხოვნები ნაწილობრივ დააკმაყოფილეს²²⁶ 1911-1912 წწ. მუშათა 6 გაფიცვა მოეწყო.

ბათუმის ოლქში მოქმედი პოლიტიკური პარტიები უპირისპირდებოდნენ ცარიზმის ღონისძიებებს ისინი წინ აღუდგნენ რომანოეების დინასტიის გამეფებიდან 300 წლისთავის სუიმიტ ჩატარების მცდელობას მათ გააერცვლეს პროკლამაციები და მოსახლეობას მოუწოდებდნენ არ დაეშვათ იუბილის მოწეობა, ხოლო თუ ხელისუფლება თავისას მიიწვი არ დაიშლიდა, მაშინ გაემართათ საწინააღმდეგო მიტინგები და დემონსტრაციები. 1913 წ. 24 იანვარს პოლიციის ცენტრალურმა დეპარტამენტმა აცნობა ბათუმის ოლქის ხელმძღვანელობას, რომ იუბილესთან დაკავშირებით გაერცვლდა ბროშურა („ჩვენი ქვეყნის სირცხვილი“), რომელიც შეიცავდა რომანოეების სამეფო დინასტიის კრიტიკულ შეფასებას მოსალოდნელია, რომ რევოლუციური ორგანიზაციები მოაწოდებენ ქუჩურ დემონსტრაციებს და მსვლელობებს²²⁷ მაშინ ბათუმის ოლქის ხელმძღვანელობამ სპეციალური ბრძანებით გააფრთხილა მოსახლეობა, რომ ძირშივე აღკვეთდა ყოველგვარ არეულობას 21 თებერვალს, რომანოეების დინასტიის 300 წლისთავის იუბილის აღნიშვნის დღეს უნდა დაეკეთათ ყველა ფაბრიკა-ქარხანა, სასაუშუმე და დუქანი²²⁸ როგორც პოლიციის მორიგი შეტყობინებიდან გახდა ცნობილი, არეულობებს ადგილი არ ჰქონდა, თუ არ ჩაეთვლით ქალაქის რამდენიმე ადგილას მიტინგის ჩატარების მცდელობას, რომლებიც ძალის გამოყენებით იქნა აღკვეთილი²²⁹

გამოცოცხლდა ბათუმის ოლქის პრესა გაზეთებში იბეჭდებოდა მთავრობის მამხილებელი სტატიები. ხელისუფლება დევნიდა გაზეთებს, აწყობდა ჩხრეკებს რედაქციებში, აპატიმრებდა რედაქტორებს და აძევებდა ოლქის სახლერებიდან, ხურავდა მათთვის არასასურველ გამოცემებს პოლიტიკური პარტიები ცდილობდნენ გამოეყენებინათ პრესის ფურცლები ტრიბუნად მთავრობის საქმიანობის გამოსააშკარავებლად. ერთ-ერთი ასეთი გამოცემა იყო „ბათუმის გაზეთი“, რომელსაც ხელმძღვანელობდა სპირიდონ ჭელიძე. მას ახლო ურთიერთობა ჰქონდა პოლიტიკურ პარტიებთან. ამ გაზეთში ხშირად იბეჭდებოდა მთავრობის მამხილებელი სტატიები. 1912 წ. მაისში გამოქვეყნებულ წერილში საუბარი იყო ბათუმის ციხეში არსებულ აუტანელ პირობებსა და იმ მეთოდებზე, რომელსაც იყენებდა გამოძიება პატიმრების დაკითხვის დროს. სტატიის გამო ბათუმის ოლქის ხელმძღვანელობამ მოსთხოვა პოლიციას გაზეთის რედაქციის განხრეკა და ავტორის ვინაობის დადგენა. ჩხრეკისას რედაქტორის მაგიდაზე რამდენიმე ანტისახელმწიფოებრივი მიმართულების სტატია და ბროშურა აღმოჩნდა. ამასთან დაკავშირებით პატაკში აღნიშნულია: „ბათუმის გაზეთის“ რედაქტორი ჭელიძე პოლიტიკურად არასაიმედოა. ანტისახელმწიფოებრივი მიმართულების სტატიების უმრავლესობა მისი დაწერილია, აქვს ახლო ურთიერთობა ბათუმში მოქმედ პარტიებთან, რედაქციაში ხშირად იკრიბებიან ამ პარტიების წარმომადგენლები

²²⁵ საქართველოს ისტორია, თბ., 1996, გვ. 262.

²²⁶ სცსსა, ფ. 83, ან. 1, ს. 402, ფურც. 37.

²²⁷ აცსა, ფ. 1, ან. 1, ს. 618, ფურც. 5.

²²⁸ იქვე, ფურც. 52.

²²⁹ იქვე, ფურც. 74.

და მართავენ ანტისახელმწიფოებრივ კრებებს, გაზეთი გადაქცეულია ბანდიტური ორგანიზაციების ბუდედ და მისი შემდგომი საქმიანობის გაგრძელება მიზანშეუწონელია, რედაქტორი კი უნდა გასახლდეს ოლქის საზღვრებიდან.²³⁰ მართლაც, სპ. ჭელიძე დააპატიმრეს. სოციალ-დემოკრატებმა პროტესტის წერილი გაუგზავნეს ბათუმის ოლქის ხელმძღვანელობას, სადაც ამტიციბდნენ, რომ ჭელიძის დააპატიმრება შეუთხოვნილი საქმე იყო. უფრო შკაცრნი იყვნენ სოციალისტ-ფედერალისტები. მათი შეფასებით, გაზეთი იმიტომ არ ეხატებოდა მთავრობას გულზე, რომ ის ეროვნულ პროციაზე იდგა. ხალხში ეროვნულ თვითშეგნებას აღვივებდა, ამართახებდა ცარიზმის შოენისტურ პოლიტიკას.²³¹ ამიტომ მოითხოვდნენ რედაქტორის განთავისუფლებას, წინააღმდეგ შემთხვევაში გამოსვლებით იმუქებოდნენ. ხელისუფლება იძულებული გახდა გაეთავისუფლებინა რედაქტორი, თუმცა მას მუშაობა აუკრძალეს და 1914 წლამდე გაზეთის გამოცემაც შეაჩერეს.

1913 წ. ბათუმის ოლქში გაძლიერდა პოლიტიკური დაძაბულობა, რაც უშუალოდ უკავშირდებოდა მოახლოებულ ომს ყველა მიმღწერა (ბათუმიდან თბილისში და პირიქით) შეეხებოდა ოსმალეთთან ურთიერთობას და ოსმალთა ემისრების გააქტიურებული საქმიანობის დაუყოვნებლივ აღკვეთას.

ცარიზმმა დღის წესრიგში დააყენა მაჰმადიანი მოსახლეობის საეკლდებულო სამხედრო სამსახურში გაწვევის საკითხი. ხელისუფლების შეფასებით: „აჭარლები ფიზიკურად უკეთესად არიან განვითარებულნი, ვიდრე კავკასიის სხვა მხარის მცხოვრებლები“.²³² მართლაც, მალე შეიქმნა ე.წ. „ბათუმის ტუზემცთა მსროლელი ბატალიონი“.²³³ მთავრობა აქტიურ პროპაგანდას ეწეოდა მასში მოსახლეობის მიზიდვის მიზნით. დურსუნ ბასილაძე, რომელიც აღნიშნული ბატალიონის წევრი იყო, აღნიშნავდა: „ჩვენთან ამოვიდნენ მთავრობის კაცები და გამოაცხადეს, ახალგაზრდები უნდა შეეკრიბოთ ჯარში წასაყვანადო. შედგა კრება. სიტყვით გამოვიდა ხოჯა ისკენდერ ეფენდი ცივაძე. მან თქვა: „ჩვენ რომ ჩაგვწერონ „სტრელოკოვი ბატალიონში“, ცოდვა არ იქნება მართალია, ჩვენთვის შაკის დახურვა ცოდვა არის, მაგრამ გვაძლევენ სიტყვას, რომ ჩვენივე ყაბალახებით და ბუხრის ქუდებით ვიქნებით ჯარში. ჩვენ დღემდე სალდათში არ გაეყავით, მაგრამ ახლა ჩვენი დიდი სახელმწიფო ითხოვს დახმარებას და საჭიროა წავიდეთ ჯარში. ეს ცოდვა არ იქნება ჩვენ დაგლოცავთ და დალოცვილები წახეალოთ“.²³⁴

ადგილობრივი მოსახლეობის ჯარში გაწვევასთან ერთად მთავრობას სურდა გაეადვილებინა აქ სასურველი, დასაყრდენი ხალხის ჩასახლება. სწორედ ამაზე ამახვილებდა ყურადღებას ბათუმის ოლქის სამხედრო გუბერნატორი კავკასიის მეფინანსცილის სახელზე 1912 წ. დეკემბერში გაგზავნილ წერილში: „ჩვენს მიერ დაწვეული ადგილობრივი მაჰმადიანი მოსახლეობის სამხედრო საეკლდებულო სამსახურში გაწვევა, თავდაპირველად ჩვენთვის სასურველი შედეგებით მიმდინარეობდა, მაგრამ ამ ბოლო დროს ადგილი აქვს ურჩობის და მიმალვის შემთხვევებს. ჩვენ მიერ მოსყიდული ხოჯების თუ გაველენიანი პირების პროპაგანდის მიუხედავად, ბევრი

²³⁰ თ. გოგოლიშვილი, სოციალური და ეროვნული მოძრაობა სამხრეთ-დასავლეთ საქართველოში 1900-1921 წლებში, ბათ., 2005, გვ. 50.

²³¹ იქვე გვ. 50.

²³² ამხგ. 4, ს. 46, ფურც. 31.

²³³ სცსა, ფ. 83, ან. 1, ს. 602, ფურც. 44.

²³⁴ მოგონება ჩაწერილია 1941 წ. ინახება აპარის მუზეუმის ხელნაწ. ფონდში, №248.

ახალგაზრდა უარს ამბობს ჯარში წასვლაზე და ტყეებში იმალება როგორც ჩანს, ადგილი აქვს საწინააღმდეგო პროპაგანდასაც, რომელსაც, ჩვენი მონაცემებით, ეწევიან ოსმალთა ემისრები და მათი დამქაშები ჩვენ ყველა ღონეს ეხმარებით, რათა აღეკვეთათ მსგავსი შემთხვევები, გამოეაშკარაოთ დაინაშავენი და დაესაჯოთ— შედეგ გუბერნატორი განაგრძობდა: „სახელმწიფოს ინტერესებისათვის განსაკუთრებით სასურველია ბათუმის ოლქის მაჰმადიანი მოსახლეობის ოლქიდან წასვლა ამ ადგილების მდიდარი ბუნებრივი კლიმატური პირობები იძლევა იმის საშუალებას, რომ აქ ჩამოსახლდეს რუსი მოსახლეობა და გაძლიერდეს რუსეთის კულტურა და ეს უნდა მოხდეს სწორედ სამხედრო რეფორმის გატარებით“.²³⁵ მიუხედავად ამისა, ცარიზმმა სამხედრო რეფორმა აქ ბოლომდე ვერ განახორციელა.

ხელისუფლება შემოთავაზებული იყო ე.წ. „ახალგაზრდა ოსმალების“ გააქტიურებით. ქუთაისის გუბერნიის უანდარმთა სამმართველოს უფროსი 1913 წ. 30 ოქტომბერს აფრთხილებდა ბათუმის ოლქის ხელმძღვანელობას წინ აღუდგეთ ე.წ. „ახალგაზრდა ოსმალების“ მომხრეთა შემოსვლას ოლქის სახლევრებში— ყოველნაირად უნდა შეეუშალოთ ხელი, რათა მათ არ იქადაგონ რუსეთის ქვეყნებში მამადიან მოსახლეობაში ე.წ. პანისლამისტური იდეა“.²³⁶ ოლქის ხელმძღვანელობამ 2 ნოემბრის საიდუმლო ბრძანებით პოლიციას დაავალა: ემისრებზე განსაკუთრებული თვალთვალე ყურადღება პანისლამისტური იდეების გავრცელებაზე და კონტროლი ბათუმში ოსმალეთის საკონსულოს ყველა თანამშრომელზე, აგრეთვე ხოჯებზე, რომლებმაც განათლება უცხოეთის სასულიერო ცენტრებში მიიღეს.²³⁷ პოლიციამ გააძლიერა კონტროლი სახლევრებზე, დაიწყო ოლქში შემოსული ყველა უცხოელის პასპორტის შემოწმება სასახლევრო და საპასპორტო რევიზიის გამაკაცების მიუხედავად, ვერ აღკვეთეს უცხოელი ემისრების შემოსვლა-საქმიანობა. შემოთავაზული სამხედრო გუბერნატორი კავკასიის მეფისნაცვალს სწერდა: „მიუხედავად ჩვენი მხრიდან შეკაცრი ღონისძიებებისა, გრძელდება ემისრების საქმიანობა როგორც ჩანს, ჩვენი ძალებით ვერ შევძლებთ მათი მოქმედების აღაგმვას. საჭიროა დახმარება თქვენი მხრიდან. საქმეს ისიც ართულებს, რომ მოსახლეობის ერთი ნაწილი მათდამი ღლიალობით გამოირჩევა და ისინიც თავშესაფარს ხშირად მათთან პოულობენ“.²³⁸ ამის მიუხედავად, ემისრების აგიტაციის ბათუმის ოლქში მაინც არ ჰქონდა დიდი გავლენა ერთ-ერთი ემისრის თქმით: აქაური „მოსახლეობა არ შეიძლება იყოს დასაყრდენი. არა მგონია, მათ ჩვენს სასარგებლოდ იარაღს მოჰკიდონ ხელი“.²³⁹ ასეთ ვითარებაში ოსმალეთმა გაააქტიურა ორგანიზაცია „ერთიანობა და პროგრესის“ საქმიანობა. მისი ხელშეწყობით შეიქმნა „სრულიად რუსეთის მუსლიმანთა კავშირი“, თუმცა, ბათუმის ოლქში მათ მაინც ვერ შექმნეს მისი ფილიალი.²⁴⁰

ბათუმის ოლქში სადაზვერეო საქმიანობას ეწეოდნენ არა მარტო ოსმალეთის, არამედ ევროპის სახელმწიფოების სადაზვერეო სამსახურებიც. როგორც რუსეთის შინაგან საქმეთა სამინისტროს 1913 წ. 14 აგვისტოს წერილიდან ჩანს, „ბოლო დროს მომრავლდა გერმანიისა და მისი მოკავშირეების მხრივ რუსეთის იმპერიაში აგენტების

²³⁵ იქვე, ფ. 4, საქ. 46, ფურც. 31.

²³⁶ აცსა, ფ. 1, ან. 1, ს. 474, ფურც. 1-2.

²³⁷ იქვე, ს. 461, ფურც. 12-14.

²³⁸ სცსსა, ფ. 445, ან. 1, ს. 224, ფურც. 90.

²³⁹ აცსა, ფ. 1, ან. 1, ს. 476, ფურც. 31.

²⁴⁰ იქვე, ს. 498, ფურც. 64.

დიდი რაოდენობით შემოგზავნა. ისინი ცდილობენ შეადწინონ მნიშვნელოვან ობიექტებზე და აწარმოონ ფოტოგადაღებები... კავკასიას ამ შემთხვევაში უადრესად მნიშვნელოვანი ადგილი უკავია, რადგან იქ სამხედრო თვალსაზრისით განსაკუთრებული ობიექტებია განლაგებული. ეს მხარე იმყოფება გერმანიის ერთ-ერთი მოკაეშირის, ოსმალეთის მეზობლად. აქედან გამომდინარე, ამ რეგიონით დაინტერესება დიდი... გასოეთ, შეიმუშავოთ საწინააღმდეგო ღონისძიებები ამ მიმართულებით.²⁴¹ თავის მხრივ, კავკასიის მეფისნაცვლის კანცელარიიდან ბათუმის ოლქის სამხედრო გუბერნატორს აცნობეს: „თქვენს ოლქში არის ისეთი ობიექტები, რომლებსაც უდიდესი სამხედრო-სტრატეგიული მნიშვნელობა აქვს. ამიტომ ფოტოგადაღებების მსურველი ბევრი იქნება. თქვენთვის ცნობილია, რომ ასეთ ობიექტებს მიეკუთვნება მიხაილოვსკის (იგივე მიხეილის) ციხე-სიმაგრე და სამხედრო ბაზები, რომელთა გადაღებები კატეგორიულად აკრძალულია, რადგან ეს მასალები გამოიყენება ჩვენს წინააღმდეგ ძირგამომთხრელი საქმიანობისათვის... თვალყური ადევნეთ ყველა უცხოელს, გააფართოვეთ აგენტურის ქსელი, მასში ჩართეთ რაც შეიძლება მეტი ხალხი.“²⁴² ფოტოგადაღებების შემთხვევები ბათუმის ოლქში მხოლოდ 1913 წ. ზაფხულისა და, განსაკუთრებით, შემოდგომის პერიოდში 20-ჯერ დაფიქსირდა.²⁴³ პოლიციის მონაცემებით, ასეთ ფოტოგადაღებებს აწარმოებდნენ როგორც ოსმალთ, ისე გერმანელი და ავსტრიელი აგენტები. ამ მხრივ, რაოდენ საკეირველიც არ უნდა იყოს, საინტერესოა ავსტრიელი აგენტების სადაზვერეო საქმიანობა: ოლქის ხელმძღვანელობისათვის ცნობილი გახდა, რომ ავსტრიამ რუსეთის იმპერიაში შექმნა დიდი ავენტურული ქსელი, რომელსაც ხელმძღვანელობდა მათი საკონსულო კიევი.²⁴⁴ ბათუმში ავსტრიელ აგენტებს კი მეთაურობდა ვინმე მაშეკი. მისი ხშირი სტუმრები იყვნენ ოსმალთა ემისრები, რომლებიც აქ ფართო ინსტრუქტაჟს ღებულობდნენ. ბათუმში რუსული ჯარის გარნიზონში 1913 წ. 7-12 აგვისტოს მიმე ტექნიკა შემოვიდა ეს გამჟღავნდა და ოსმალეთის მხარეს ხელში ჩაუვარდა რამდენიმე მნიშვნელოვანი ობიექტის ფოტოსურათი, რომლებიც სწორედ ავსტრიელმა აგენტებმა მოიპოვეს.²⁴⁵ 1913 წ. 17 სექტემბერს ბათუმში ჩამოვიდა ავსტრიის მოქალაქე, ვინმე რიპარდ ზეელერი. მასზე, როგორც უცხოელზე, მეთვალყურეობა დააწესეს. გამოირკვა, რომ ის, მაშეკი და კიდევ რამდენიმე აგენტი აწარმოებდნენ მიხაილოვსკის ციხე-სიმაგრის ფოტოგადაღებებს. ციხესიმაგრის კომენდანტს ისინი გადაღების მომენტში შეუპყრია.²⁴⁶ საარქივო მასალებიდან ჩანს, რომ აგენტები გეგმავდნენ მიხეილის ციხე-სიმაგრის აფეთქებას და სხვა ტერორისტული აქტების განხორციელებას.²⁴⁷

1914 წ. 4 მარტს კავკასიის მეფისნაცვალმა 12-კაციანი ჯგუფი გამოგზავნა ბათუმის ოლქში პოლიტიკური სიტუაციის შესასწავლად. 2 თვის მანძილზე მათ შეაგროვეს საჭირო ცნობები და იმავე წლის 22 მაისს მეფისნაცვალს წარუდგინეს ვრცელი მოხსენებითი ბარათი. ირკვევა, ბათუმში ჟანდარმერიას იმდენი აგენტი ჰყოლია, რამდენიც საკმარისი იყო რამდენიმე ქალაქისათვის. „ეს გამოწვეული იყო

²⁴¹ სკსსა, ფ. 84, ან. 1, ს. 158, ფურც. 39.

²⁴² აცსა, ფ. 1, ან. 1, ს. 441, ფურც. 10.

²⁴³ იქვე, ს. 441, ფურც. 15.

²⁴⁴ იქვე, ს. 441, ფურც. 4-5.

²⁴⁵ იქვე, ფურც. 26-28.

²⁴⁶ იქვე, ფურც. 35.

²⁴⁷ იქვე, ფურც. 44.

ოსმალების ძირგამომთხრელი საქმიანობით... თითქმის ყველა უცხოელი, რომელიც კი ბათუმში ჩამოდის, დიდხანს არ ჩერდება, ადგილობრივ ვითარებას ეცნობა და მიდის... ოსმალეთი, ეყრდნობა რა დასავლეთის ქვეყნებს, ცდილობს მეტი გავლენა მოახდინოს ადგილობრივ მოსახლეობაზე და მიიმხროს იგი*.

„მოსხენებაში“ საუბარი, აგრეთვე, ბათუმის ოლქში მოქმედ პოლიტიკურ პარტიებსა და მათ ორიენტაციაზე: „აქტიურობს ქართველთა ნაციონალისტური პარტია „ფედერალისტებისა“. ისინი მოითხოვენ ქართველთა ავტონომიას. პარტია ცდილობს მხარდაჭერა კპიეოს დასავლეთის ქვეყნებში. დაფიქსირებულია რამდენიმე ფაქტი, როდესაც გერმანელი ემისრები ბათუმში შეხედნენ „ფედერალისტების“ წარმომადგენლებს. ოსმალებისათვის კი ეს პარტია მიუღებელი იყო და არც უცდიათ მათთან რაიმე კავშირის დამყარება. რაც შეეხება სოციალ-დემოკრატებს, თუმცა მათი გავლენა მოსახლეობაში ძლიერი იყო, მაინც ოსმალო ემისრები ყოველთვის ცდილობდნენ გვერდის ავლას მათი აშკარა პრორუსული ორიენტაციის გამო. სომხური ნაციონალისტური პოლიტიკური ორგანიზაციები კი ყოველთვის წინააღმდეგი იქნებიან კავკასიაში ოსმალური პოლიტიკისა.“²⁴⁸

აქვე გამოთქმულია შეშფოთება „საიდუმლო დოკუმენტების“ გადინების გამო, რომლებიც ხშირად მტერს უყარდება ხელთ. კომისიის ახრით, ოლქის კანცელარებში მოკალათებულია უცხო სახელმწიფოების აგენტები, რომლებიც დაუყოვნებლივ უნდა გამოაშკარაებდნენ და დაისაჯონ. წინააღმდეგ შემთხვევაში სიტუაცია უმართავი გახდებაო.²⁴⁹ მეფისნაცვალმა ბათუმის ოლქის სამხედრო გუბერნატორს მოსწერა „თქვენდამი რწმუნებული ოლქის სახელისუფლო ორგანოებში მუშაობენ არასაიმედო პირები, რომლებიც ასრულებენ უცხო სახელმწიფოთა აგენტურულ დაკვეთებს. ეს გამოიხატება იმაში, რომ ზოგჯერ უაღრესად დიდი მნიშვნელობის სახელმწიფო დოკუმენტების შინაარსი ცნობილი ხდება მტრებისათვის... დაუყოვნებლივ აღკვეთთ მსგავსი საქმიანობა, კონკრეტულად, შემოწმდეს ოლქის ორგანოებში მომუშავე თითოეული პიროვნება, სამსახურში მიიღეთ ისეთი ხალხი, რომლებიც პოლიტიკურად საიმედოა.“²⁵⁰

ბათუმის ოლქის სამხედრო გუბერნატორმა სასწრაფოდ მოიწვია თათბირი და მოითხოვა ჯაშუშების გამოაშკარავება-დასჯა. 1914 წლის 27 ივნისს ქუთაისის ჟანდარმთა სამმართველოს უფროსის თანაშემწემ ბათუმის ოლქში პოდპოლკოვნიკმა გაერილოვმა, რომელიც სწავლობდა მდგომარეობას ართვინში, ბათუმის სამხედრო გუბერნატორს აცნობა: „ისეთი შთაბეჭდილებაა, რომ ართვინის ოკრუგი მთლიანად უყურადღებოდ არის მიტოვებული. ოკრუგის ხელმძღვანელი, ბატონი ლაეროვი, მართალია, ინტელიგენტი, განათლებული კაცია, მაგრამ გააჩნია ბევრი ნაკლი. მაგალითად, ამ ოთხი წლის წინათ, ართვინში შეიკრიბა 1866 რუბლი, რათა გაერემონტებინათ იქაური რუსული რეალური სასწავლებელი. ეს თანხა ლაეროვმა ბანკს არ ჩააბარა და დღესაც გაუგებარია, სად გაქრა ეს ფული. ამან ლაეროვს მოსახლეობაში სახელი საესებით გაუფუჭა. ამასთან, ბატონი ლაეროვი უნებისყოფოცაა და ამის გამო იგი იოლად მოექცა ართვინის კანცელარიის მდივნის სულეიმან ტაბახიძის გავლენის ქვეშ. ეს კაცი ნამდვილი ოსმალოა, რომელიც განიცდის თავისი

²⁴⁸ აცსა, ფ. 1, ან. 1, ს. 450, ფურც. 15.

²⁴⁹ სცსა, ფ. 11, ან. 1, ს. 65, ფურც. 18.

²⁵⁰ იქვე, ფ. 13, ან. 1, ს. 257, ფურც. 66.

მამის, მუხამედის ძლიერ გავლენას. მუხამედი კი აშკარად ოსმალეთის სასარგებლოდ მუშაობს. ასევე, ართვინის პოლიციას ხელმძღვანელობს კასუმ-ბეი. მან ვერ შეძლო გამოეშკარავებინა ვერც ერთი ოსმალთა თუ სხვა აგენტი, რომლებიც აქ ყოველ ფეხის ნაბიჯზე გეხედებდა. მაგ., თითქმის 6 თვეა ართვინის მოსახლეობაში რუსეთის საწინააღმდეგო აგიტაციას ატარებდა ორი ჯაშუში. პოლიცემისტერმა კი ვითომც ვერაფერი შეამჩნია. ჯაშუშების დაკავება მოხერხდა მხოლოდ ართვინის მიხაილოვსკის ბატალიონის უფროსის როსტორგაევის ძალისხმევით. ამჟამად, დაკავებულები ბათუმიში ციხეში იმყოფებიან... გამომდინარე ზემოთქმულიდან, გასაგებია, თუ რატომ აქტიურობენ ოსმალთა ემისრები ართვინში.²⁵¹ ამ ცნობით აღწვთობებული სამხედრო გუბერნატორი მაშინვე აპატირებს კანცელარიის მდივან სულეიმან ტაბახიმეს და სასტიკად ტუქსავს ოკრუგის უფროსს ლავროვს. ამასთან, თხოვს ქუთაისის ეანდარმთა სამმართველოს უფროსს, გამოიძიონ პოლიციის უფროსის კასუმ-ბეის პოლიტიკური საიმედლობა.²⁵²

1914 წ. ზაფხულში გახშირდა პროვოკაციები ოსმალეთის მხრიდან, ადგილი კქონდა საზღვრის დარღვევის მრავალ შემთხვევას. მათი აღკვეთის მიზნით ოლქის გუბერნატორმა 1914 წ. 20 ივნისს მოიწვია სხდომა, რომელზეც გადაწყდა, ადგილობრივი მოსახლეობისაგან შეედგინათ ე.წ. „მფრინავი რაზმები“, რომლებიც არმიასთან ერთად დაიცავდნენ როგორც საზღვარს, ასევე განსაკუთრებული მნიშვნელობის ობიექტებს. ამ საქმეზე პასუხისმგებლობა დაეკალა გუბერნატორის თანაშემწეს როტმისტრ ლაჩინოვს. ლაჩინოვმა შექმნა რამდენიმე ე.წ. „მფრინავი რაზმი“. 1914 წ. 12 ივლისს ის აცნობებდა სამხედრო გუბერნატორს: „ჩვენ შეეძელით ოსმალეთის საზღვართან მდებარე სოფლების მოსახლეობისაგან ჩამოგვეყა-ლიბებინა „მფრინავი რაზმები“, მათ აღკვეთეს საზღვრის დარღვევის რამდენიმე ფაქტი... კარგი იქნება, თუ ასეთი რაზმები ჩამოყალიბდება კინტრიშის საპოლიციო უბანში... ეს რაზმები ჩვენთან ერთად დაიცავენ რკინიგზას და სხვა ობიექტებს... ასეთი მფრინავი რაზმების მომარაგება იარაღითა და ტყვიებით უნდა იქნას უზრუნველყოფილი ჩვენს საწყობებში არსებულნი მარაგიდან“.²⁵³

მიუხედავად ამისა, 1914 წ. ზაფხულში გახშირდა დივერსიული აქტები. ოსმალეთის სარდლობა ასეთი დივერსიების მოსაწყობად აგზავნიდა სამხედრო პირებსაც. ისინი თავს დესერტირებად ასაღებდნენ და რუსეთს სთხოვდნენ თავშესაფარს. ასეთი „დესერტირები“ ბათუმის ოლქში მომრავლდა 1913 წ. ბოლოსა და, განსაკუთრებით, 1914 წ. აგვისტო-სექტემბერში.²⁵⁴ ისინი დადიოდნენ ოლქის სოფლებში და რუსეთის წინააღმდეგ ძირგამომხრელ საქმიანობას ეწეოდნენ,²⁵⁵ მოსახლეობაში ავრცელებდნენ პროკლამაციებს. ერთი ასეთი პროკლამაცია აღმოჩნდა ს. აღმეში (დღეს ეაშლოვანი, ხულოს რ-ნი). მასში ნათქვამი იყო: „უკვე დროა გაირკვეს სიმართლე, ადღგეს კანონიერება, ადგილობრივი მოსახლეობა დადგეს ოსმალეთის მხარეზე მომავალ წმინდა ომში გიაურების წინააღმდეგ“. პროკლამაცია მთავრდებოდა მოწოდებით, „თუ იქნება ერთიანობა, ჩვენ გაეიმარჯვებთ“.²⁵⁶ 24 ივლისს ჟანდარმერიამ დააკავა

251 აცსა, ფ. I, ან. I, ს. 709, ფურც. 20.

252 იქვე, ფურც. 26.

253 იქვე, ს. 664, ფურც. 48.

254 იქვე, ს. 677, ფურც. 4.

255 იქვე, ფურც. 17.

256 იქვე, ფურც. 32.

ოსმალეთის ქვეშევრდომი, ვინმე მუსტაფა-ოღლი, რომელსაც აღმოაჩნდა პროკლამაციები მოსახლეობაში გასაერცვლებლად.²⁵⁷ 1914 წ. 2 აგვისტოს ბათუმის ვაგზლის ტერიტორიაზე განხორციელებული აფეთქების შედეგად დაიჭრა რამდენიმე პოლიციელი და ჩამოსხვრა შენობის მინები. პოლიციამ ამის გამო დააკავა ოსმალეთის ქვეშევრდომები ახმედ სულეიმან-ოღლი და ხაფეხ აბდი-ოღლი ასევე, იმავე წლის 18 აგვისტოს ბათუმში რევილუციის რამდენიმე გასროლით მოკლეს პოლიციელი ზანანიანი და დაჭრეს პოლიციელი ეგოროვი. უანდარმერია ეკვივბდა, რომ ამის ჩამდენი ოსმალე დივერსანტები იყვნენ.²⁵⁸ ბათუმის ოლქის სამხედრო გუბერნატორმა ჯერ კიდევ 1914 წ. 12 აგვისტოს ბრძანებით მოუწოდა მოსახლეობას დახმარებოდნენ დივერსანტების წინააღმდეგ ბრძოლაში.²⁵⁹ ამ ბრძანებას პრაქტიკული შედეგიც მოჰყვა: 24 აგვისტოს მოსახლეობამ დააკავა ვინმე კუკულ ტურან-ოღლი (პროკლამაციას აკრავდა ბათუმის ერთ-ერთ სახლზე) და გადასცა პოლიციას.²⁶⁰

გუბერნატორის 1914 წ. 12 აგვისტოს ბრძანებას მოჰყვა მისივე, 29 აგვისტოს ბრძანება, რომლითაც კატეგორიულად აიკრძალა უცხოელების მიერ ამა თუ იმ ობიექტის ფოტოგრაფირება, პირველი მოთხოვნის საკონფლიქტო თვითნებურად ფასების დაწესება, სახელმწიფო ქონების დაზიანება ან ხელყოფა, სპირტიანი სასმელების მიღება, ეაჭრობა ქუჩაში, მოედნებზე და საზოგადოებრივი შეკრების ადგილებზე, ხმების წინასწარგანზრახული გავრცელება მოსახლეობის დეზინფორმაციის მიზნით და სხვ.²⁶¹ ბრძანებების ასეთი სისშირე, როგორც ჩანს, განპირობებული იყო უკვე დაწყებული მსოფლიო ომით (1914 წ. 1 აგვისტო) და ოსმალეთის საზღვართან შექმნილი დამაბული ვითარებით.

აღსანიშნავია, რომ ოფიციალურ მასალაში ბევრი ბრალდებაა ადგილობრივ მოსახლეობასა და ბეგებზე, თითქოს ისინი ანტირუსულად იყვნენ განწყობილნი და ომის შემთხვევაში მოწინააღმდეგეს მიემხრობოდნენ.²⁶² 1914 წ. 5 აგვისტოს გუბერნატორს შეატყობინეს, რომ მოსახლეობის ერთ ნაწილში, ოსმალე ემისრების მიერ გაწეული აგიტაციის შედეგად, შეიმჩნეოდა ოსმალეთისადმი ღოილური დამოკიდებულება და ანტირუსული განწყობილება, რაც ომში მოწინააღმდეგის წარმატების პირობებში, მის მხარეზე გადასვლის შესაძლებლობას ქმნიდა.²⁶³ 13 აგვისტოს მასვე აცნობეს, რომ ზოგი ადგილობრივი ბეგი საიდუმლო კავშირშია ოსმალე ემისრებთან და ისინიც მათთან პოულობენ თავშესაფარს.²⁶⁴ 1914 წ. 19 აგვისტოს კი იგი გააფრთხილეს, რომ ომის დაწყების შემთხვევაში, ბეგებმა თავიანთი საქმიანობით, შეიძლება გამოუსწორებელი ზიანი მოგვაყენონო.²⁶⁵ სწორედ ეს იყო მიზეზი იმისა, რომ სამხედრო გუბერნატორმა 1914 წლის აგვისტოში სპეციალურად შემოიარა ოლქის სოფლები, იწვევდა კრებებს და ხედებოდა ხალხს ერთ ასეთ კრებაზე სოფელ გონიოში მან სიტყვით მიმართა მოსახლეობას და ისაუბრა ამ უბნის მნიშვნელობაზე. გუბერნატორმა აღნიშნა საუღერის დაცვის გაძლიერების აუცილებლობა და

²⁵⁷ იქვე, ს. 678, ფურც. 11.

²⁵⁸ იქვე, ს. 680, ფურც. 34.

²⁵⁹ იქვე, ს. 682, ფურც. 3.

²⁶⁰ იქვე, ფურც. 17.

²⁶¹ სცსა, ფ. 83, ან. 1, ს. 174, ფურც. 29.

²⁶² აცსა, ფ. 1, აღ. 1, ს. 702, ფურც. 3.

²⁶³ იქვე, ს. 708, ფურც. 2.

²⁶⁴ იქვე, ს. 709, ფურც. 19.

²⁶⁵ იქვე, ს. 712, ფურც. 21.

ადგილობრივ მოსახლეობას მოსთხოვა არ მიეცა მოწინააღმდეგის ემისრებისათვის თავისუფლად პარპაშისა და ძირგამომთხრელი საქმიანობის საშუალება. კრებაზე მოსახლეობის სახელით გამოვიდა ა. ჯაფარიძე, ხასან ბერიძე და სხვ. მათ აღუთქვეს გუბერნატორს, რომ გონიოს უბნის მოსახლეობა ხელისუფლებას ამოუდგება მხარში, იარაღით დაიცავს ქვეყანას და მტერს არ მისცემს საშუალებას მიიტაცოს თუნდაც ერთი გოჯი მიწა. კრებაზე გამოითქვა კრიტიკული შენიშვნებიც, რომ ხელისუფლების სოციერთი წარმომადგენელი უნდობლად უყურებს მათ, ბრალს სდებს მტერთან კავშირში და ა.შ. საბოლოოდ კრების მონაწილეებმა ხელისუფლებას ერთგულება აღუთქვეს და სამხედრო გუბერნატორიც კმაყოფილი დარჩა შეხვედრით.²⁶⁶

გუბერნატორი ასევე იმყოფებოდა ართვინსა და სემო აჭარაში, სადაც მოსახლეობამ ერთგულება გამოუცხადა ხელისუფლებას და აღუთქვა ყოველნაირი დახმარება. ამის საფუძველზე მან 1914 წ. 12 სექტემბერს აცნობა კაეკასიის მეფის-ნაცვალს: „საუჭკოდ მიმანია ცნობა იმის თაობაზე, რომ მოსახლეობა ომის შემთხვევაში მტრის მხარეზე აღმონდებამ... ჩემმა მოგზაურობამ ამაში დამარწმუნა“.²⁶⁷

²⁶⁶ იქვე, ს. 714, ფურც. 20.

²⁶⁷ იქვე, ს. 715, ფურც. 44.



მუშათა ერთ-ერთი უბანი ბათუმში.




მუშათა საცხოვრებელი უბანი. ბათუმი, 1905 წ.



მუშა მტკვირთაივი



სასმელი წყლის გამყიდველები.
ბათუმი, 1900 წ.




გლეხის საცხოვრებელი სახლი და ბედელი



ბათუმი. დღიურად მომუშავეები




ჩაის მკრეფავი ბერძენი ქალები.
ბათუმის შემოგარენი, 1909-1914 წწ.



ბათუმის სავაჭრო ნავსადგურის ერთ-ერთი კუთხე



გემისადგომან, 1907 წ.



დატვირთვა-გადმოტვირთვის მომლოდინე გემები



იალქნიანი ნავე ნაპირთან,
ამინდის მოლოდინში



ლაზი მილიციელები,
1900-იანი წლები



ბათუმი, ბაზარი



ყავახანა ბაზარში

სოციალ-დემოკრატიზმი ბათუმში



ლადო კეტხოველი



ალექსანდრე წულუკიძე



მიხა ცხაკაია



იოსებ სტალინი



გიორგი ფრანჯესკი



ნიკოლოზ ლუზინი



გრიგოლ სოლორაშვილი



მიხაკო გაბუნია



სერგო ქვეთარაძე



პოლიტკატიმრები ბათუმის ციხეში, 1902 წ.



1902 წ. 9 მარტის პოლიტიკურ დემონსტრაციაში მონაწილეობისათვის გასამართლებული როტმილის ქარხნის მუშები



რევოლუციონერთა ერთი ჯგუფი, რომელიც ბათუმის ციხეში იჯდა
1905 წ. აჯანყებისათვის



კაზაკები ქუჩაში ჩხრეკენ მოქალაქეს.
ბათუმი, 1906 წ.



რსდმპ ბათუმის ორგანიზაციის ერთი ჯგუფი, 1905 წ.



სახალხო მღელვარება ბათუმში, 1905 წ.

ბათუმის ოლქი პირველი მსოფლიო ომის დროს
(1914-1918 წწ.)

§ 1. ბათუმის ოლქი ოსმალეთისა და მისი მოკავშირეების გეგმებში.
ბრძოლა ბათუმისათვის 1914-1915 წწ.

XIX-XX საუკუნეთა მიჯნაზე ჩამოყალიბდა სახელმწიფოთა ორი მტრული კოალიცია - „სამთა კავშირი“ და „სამთა შეთანხმება“ (ანუ ანტანტა). ამ უკანასკნელის ბირთვს შეადგენდნენ იმდროინდელი მსოფლიოს ყველაზე დიდი კოლონიური იმპერიები: დიდი ბრიტანეთი, საფრანგეთი და რუსეთი.

„სამთა კავშირში“ თავდაპირველად შედიოდნენ: გერმანია, ავსტრია-უნგრეთი და იტალია. პირველი მსოფლიო ომის დაწყების შემდეგ კოალიციას გამოეთიშა იტალია, მაგრამ შეუერთდნენ ოსმალეთი და ბულგარეთი. ასე ჩამოყალიბდა „ოთხთა შეთანხმება“. მასში შემავალმა სახელმწიფოებმა მოითხოვეს ადგილი შუის ქვეშ და ვარაუდობდნენ ომის გზით წაერთმიათ კოლონიები ანტანტის ქვეყნებისათვის.

სწორედ ამ ორ იმპერიალისტურ დაჯგუფებას შორის გაჩაღდა პირველი მსოფლიო ომი (1914-1918 წწ.), რომელშიც სხვადასხვა კონტინენტის 38 სახელმწიფო მონაწილეობდა.

მეომარი სახელმწიფოების მიზნებმა განსაზღვრა ომის ხასიათი (ეს ორივე მხრივ იყო იმპერიალისტური, უსამართლო და დაპყრობითი. მას შედეგად მოჰყვა მილიონობით ადამიანის დაღუპვა და დასახინრება, გრანდიოზული მასშტაბების ნგრევა და გაანადგობა.

გერმანიის და მისი მოკავშირეების გეგმებში მნიშვნელოვანი ადგილი ეკავა ამიერკავკასიას და აქედან რუსეთის განდევნას. ინტერესთა ამ ერთიანობამ მნიშვნელოვანწილად განაპირობა მათთან ოსმალეთის დაახლოება, რასაც საფუძველი ჩაეყარა „ახალგაზრდა თურქთა“ 1908 წ. რევოლუციის შემდეგ. მათი პარტიის („ერთიანობა და პროგრესი“) ლიდერები - ენვერ ფაშა (სამხედრო მინისტრი და ოსმალეთის ფაქტობრივი დიქტატორი), თალათ-ფაშა (შინაგან საქმეთა მინისტრი, 1916 წ. დიდი ეესირი) და ამჟედ ჯემალ-ფაშა (სამხედრო-საზღვაო ფლოტის მინისტრი) - აშკარა გერმანოფილობით გამოირჩეოდნენ.

გერმანიასთან დაახლოების შემდგომი მძლავრი სტიმული იყო ოსმალეთის დამარცხება ბალკანეთის ომებში (1912-1913 წწ.). ოსმალეთში პოზიციების შემდგომი განმტკიცებისა და მისი არმიის ბრძოლისუნარიანობის ამაღლების მიზნით გერმანიის გენერალურმა შტაბმა გადაწყვიტა იქ გენერალ ლიმან ფონ სანდერსის მეთაურობით ახალი სამხედრო მისიის გაგზავნა. ამ გეგმით აღფრთოვანებული გერმანიის კონსტანტინოპოლელი ელჩი ბარონი ვანგუნაიმი 1913 წ. 26 აპრილს კანცლერ ბეტმან-ჰოლვეგს სწერდა: „სახელმწიფო, რომელიც კონტროლს უწევს არმიას, თურქეთში ყოველთვის იქნება ყველაზე ძლიერი. თუ ჩვენ კონტროლს გაუუწევთ მის არმიას, მაშინ იქ ძალაუფლების შენარჩუნებას ვერ შეძლებს გერმანიისადმი მტრულად განწყო-

ბილი ევრაეთთარი მთავრობა¹

„ახალგაზრდა თურქებიც“ ფიქრობდნენ ბალკანეთის ომებში დამარცხებული თავიანთი არმიის რეორგანიზაციას და შეიარაღების მოდერნიზაციას. ამიტომ ისინი სიხარულით შეხვდნენ გერმანიის წინადადებას და აღნიშნულთა მისია ოსმალეთში მიიწვიეს. 1913 წ. ოქტომბერში გერმანიასა და ოსმალეთს შორის დაიდო ხელშეკრულება, რომელიც სანდერსის სამხედრო მისიას ფართო უფლებებს აძლევდა.²

გერმანიის სამხედრო მისიამ ომის წინ ოსმალეთში ჩაატარა დიდი სამუშაო. მისიის წევრებმა საპასუხისმგებლო თანამდებობები დაიკავეს გენშტაბში, სასახლეო კორპუსებსა და სიმაგრეებში.

1914 წ. 1 აგვისტოს ევროპაში განაღდა პირველი მსოფლიო ომი. მეორე დღესვე ოსმალეთმა გერმანიასთან ხელი მოაწერა საიდუმლო სამხედრო-სამოქალაქო ხელშეკრულებას. პარალელურად, 3 აგვისტოს, ოსმალეთის მთავრობამ გამოაქვეყნა დეკლარაცია ნეიტრალიტეტის შესახებ. ეს იყო დიპლომატიური დემარში, რომლის მიზანს შეადგენდა ანტანტის სახელმწიფოების სიფხიზლის მოღუენება. ამის შესახებ ჯემალ-ფაშა თავის მემუარებში წერდა: „ჩვენ ნეიტრალიტეტი გამოვაცხადეთ მხოლოდ იმიტომ, რომ დრო მოგვეცა. ველოდით მომენტს, როდესაც მობილიზაცია დამთავრდებოდა და შეეძლებდით ომში ჩაბმას.“³

პეტერბურგში არ სჯეროდათ ოსმალეთის ნეიტრალიტეტის. მით უმეტეს, რომ აგვისტოს დასაწყისში გერმანელებმა შავ ზღვაში შემოიყვანეს და ოსმალებს გადასცეს ჯაფნოხანი დრეჟნოული „გებენი“ და კრეისერი „ბრესლაუ“ ადმირალ სუშონის მეთაურობით (იგი მალე გამოცხადდა ოსმალეთის საზღვაო ძალების მთავარსარდლად).

აღსანიშნავია, რომ რუსეთს არც აწყობდა ოსმალეთის ნეიტრალიტეტი, რადგან გეგმავდა მასთან წარმატებული ომით გადაეწყვიტა მახლობელ და შუა აღმოსავლეთში გაბატონების ორსაუკუნოვანი პოლიტიკური ამოცანა.⁴

12 აგვისტოს კაეკასიაში გამოცხადდა სამხედრო წესები. რუსეთის მთავრობამ ოსმალეთს წაუყენა ულტიმატუმი და მოსთხოვა დემობილიზაცია, მაგრამ ამოდ. ოსმალეთი განაგრძობდა ომისათვის გაძლიერებულ მზადებას. მას უკვე ჰყავდა 400 ათასი ჯარისკაცი და 24 ათასი ოფიცერი, რაც შეადგენდა 38 დივიზიას⁵ რუსეთის კონსტანტინოპოლელი ელჩი გირის იუწყებოდა: „მთელი თურქეთი გადაქცეულია სამხედრო ბანაკად და განწყობილება მემორულია.“⁶

გერმანია-ოსმალეთის სარდლობამ კაეკასიის ფრონტზე ერზერუმთან თავი მოუყარა ჯარების დიდ რაოდენობას აქვე გადაისროლეს თვითმფრინავები, რომლებსაც გერმანელი პილოტები მართავდნენ.⁷ ძალების კონცენტრაცია ხდებოდა ტრაპიზონშიც. „ერთიანობის და პროგრესის პარტიის“ ტრაპიზონის კომიტეტი შეუდგა მაჰმადიანთაგან არალეგალური „ნეთეს“⁸ რაზმების („ჰამიდულითა“) ფორმირებას, მათ ორგანიზებაში მონაწილეობდნენ გერმანელი ოფიცრებიც. რუსეთის საზღვრისპირა

¹ Die Grosse Politik der Europäischen Kabinette 1871-1914. Bd., 38, Berlin, 1926, s. 200.

² M. Larcher, La guerre Turque dans la guerre mondiale, Paris, 1926, pp. 609-610.

³ Джемал-паша. Записки, 1913-1919 гг., Тиф., 1923, сс. 101-102.

⁴ Корсун Н.Г. Первая мировая война на Кавказском фронте (оперативно-стратегический очерк), М., 1946, с. 3.

⁵ ოტიანეშვილი, თურქეთში და ოსმალეთის საგარეო პოლიტიკა, თბ., 1963, გვ. 100-101.

⁶ АВПР. Ф. «Канцелярия», оп. 470, д. 109, т. 1, л. 22-23, 66.

⁷ სუსსა, ფ. 13, ან. 27, ს. 3361, ფურც. 5, 13.

⁸ „ნეთე“ - პარტიზანული რაზმი, აჯანყებულია მომცრო რაზმი (Турецко-русский словарь (сост. Д.А.Магazanик), М., 1945, с. 116.

პორტებში (ხოფაში, ათინასა და ვიწვიში) შეიტანეს სამხედრო აღჭურვილობა⁹ მძიმე მდგომარეობა იყო არმიის სურსათით მომარაგების მხრივ, რადგან ოსმალეთის ხელისუფლებას არ გააჩნდა სტრატეგიული მარაგი ამიტომ გაიცა უმადლესი ბრძანება სურსათ-სანოვაგისა და საკაპანო ტრანსპორტის რეკეისიციის შესახებ.¹⁰

ოსმალეთის გეგმებში ბათუმი განიხილებოდა ამიერკავკასიაში შემდგომი შეტევის ერთ-ერთ ძლავდარმად. ამიტომაც, სარდლობამ ამიერკავკასიის სახლვარსე განლაგებულ ჯარებს ამოკვანად დაუსახა ბათუმის დაკავება 1914 წ. სექტემბრის დასაწყისში ენვერ-ფაშამ მე-3 არმიას მისცა შემდეგი დირექტივა „არმია კონცენტრირებული უნდა იქნეს ერზერუმის რაიონში იმ ანგარიშით, რომ მან შეძლოს რუსეთის არმიის შემოტევის შემთხვევაში თვითონვე შეუტოს თავისი ჯარები ძალებით მის ცალკეულ კოლონებს... ასეთ შეტევას, ჩვენი აზრით, აქვს წარმატების შესაძლებლობა, თუ მას მიმართულება ექნება ბათუმისა და არტაანისაკენ. ეს მოგეიტანს ბატონობას შავ ზღვაზე, რაც ჩვენთვის აუცილებელია რუსების მიერ ყარსის ძლიერი გამაგრების გამო“.¹¹

დაიგეგმა ბათუმის მახლობლად დიდი სახლვაო დესანტის გადმოსხმაც, რისთვისაც ოსმალეთში მობილიზაციის გამოცხადებისთანავე უღვსიპირეთის მცხოვრებთ ჩამოართვეს ფელუკები დაიწყეს კიდევ სადესანტო ნაწილების მოზადება, მაგრამ ბათუმის კარგად გამაგრებული სანაპირო ზოლის და გერმანია-თურქეთის ფლოტის მოუშვადებლობის გამო, ამ გეგმის განხორციელება სახიფათოდ მათვალეს გადაწყდა, ძირითადი აქცენტი კავკასიაში სახმელეთო ბრძოლებზე გადაეჭანათ.

1914 წ. სექტემბრის დასაწყისში ქ. ხოფაში ზტამბოლიდან მიიღეს ბრძანება - მზად ჰყოლოდათ „ჩეთეს“ რაზმები. ტრაპიზონიდან ბათუმის ოლქის სახლვარებისაკენ წინსვლა იწყეს რეგულარულმა ნაწილებმაც. ბერლინიდან კონსტანტინოპოლში მიიღეს მითითება, რომ „დაეჩქარებინათ იმ ღონისძიებების განხორციელება, რომლებსაც შეეძლებოდა გამოეწვია მღელვარებები და სხვა უწესრიგობანი კავკასიის მაჰმადიანურ მოსახლეობაში“.

მობილიზაციის დაწყების შემდეგ ოსმალეთის მთავრობამ იზრუნა რუსეთში მცხოვრები თავისი მოქალაქეების უკან დაბრუნებაზე. ბათუმელმა კონსულმაც აქ მყოფ ყველა თანამემამულეს ამცნო ქვეყნის ომისათვის მზადება და უბრძანა - სამშობლოში წასვლა.¹²

კავკასიის ფრონტის გახსნას მნიშვნელოვან როლს ანიჭებდა ავსტრია-უნგრეთის სამეფო კარიც. ავსტრიის კონსტანტინოპოლელი ელჩი მარკგრაფი პალაუიჩინი ოსმალეთის მთავრობას ჯერ კიდევ 1914 წ. აგვისტოს დასაწყისში მიუთითებდა ამიერკავკასიაში, კერძოდ, ბათუმის მიმართულებით აქტიური მოქმედებისაკენ. ამით შემსუბუქდებოდა ავსტრიის სამხედრო მდგომარეობა აღმოსავლეთ ევროპის ასპარეზზე. ოსმალეთის ფრონტზე რუსეთის ძალების მოზიდვისათვის ენეული პოლიტიკოსები გეგმავდნენ აგრეთვე ჩრდილოეთ კავკასიის მაჰმადიანთა აჯანყების ორგანიზებას 1914 წ. ნოემბრისათვის. ამავე მიზნით ავსტრიის ტრაპიზონელმა კონსულმა კვიატკოვსკიმ კონტაქტები დაამყარა ამიერკავკასიის ნაციონალისტურ ჯგუფებთან.

კავკასიის ასპარეზზე ოსმალთა გამოსვლის წახალისების მიზნით ენეული პოლიტიკოსები არ ერიდებოდნენ მათთვის გარანტიების მიცემასაც. ავსტრიის საგარეო

⁹ АВРП, Ф. «Политархив», оп. 482, д. 1433, л. 276, 287.

¹⁰ იქვე, ფურც. 283.

¹¹ Мильман К. Германно-турецкий военный союз в мировой войне, Перевод с немецкого (машинписное издание), с. 29.

¹² სკსსა, ფ. 157, ან. 1, ს. 320, ფურც. 84.

საქმეთა მინისტრის დაეღლებით დიდ ვეზირს აცნობეს, რომ ომში გამარჯვების შემდეგ ოსმალეთი შეძლებდა სასღერების რეგულირებას კავკასიაში.¹³

ოსმალეთის წინაშე დაისახა საომარი მოქმედების სამი ძირითადი მიმართულება: ეგვიპტე, ბალკანეთი და კავკასია, რომელთა შორის გერმანია ყველაზე უფრო მნიშვნელოვანად თვლიდა სუეცის არხიდან და ეგვიპტიდან ინგლისელების განდევნას¹⁴ და ამისკენ დაჟინებით მოუწოდებდა თავის მოკავშირეს. დიდი თურქული სახელმწიფოს („თურანი“) შექმნის გეგმით შეპყრობილ ენვერ-ფაშას უპირველეს ამოცანად მიიჩნდა კავკასიის დაპყრობა, აქედან შუა აზიასა და ვოლგისპირეთში გაჭრა და მაჰმადიანებით დასახლებული ამ რეგიონების შეერთება. ამიტომაც, გერმანელი მოკავშირეების სურვილისა და ინტერესების საწინააღმდეგოდ, მთელი პირველი მსოფლიო ომის პერიოდში კავკასიის საკითხი ოსმალეთის მმართველის წრეებისათვის წარმოადგენდა საგარეო ექსპანსიონისტური პოლიტიკის ძირითად პრობლემას.

1914 წ. ოქტომბრის შუა რიცხვებში ოსმალებმა ამიერკავკასიის სასღერებზე თავი მოუყარეს მე-3 არმიის ძირითად ძალებს. ამას ემატებოდა ქურთთა 4 საკავალერიო დივიზია. ოსმალთა ძალების საერთო რაოდენობამ ამ რეგიონში 190 ათასამდე კაცი შეადგინა. მე-3 არმიის შემადგენლობაში მრავლად იყვნენ გერმანელი ოფიცრები, რომლებსაც საკომანდო პოსტები ეკავათ.

გერმანიამ და ავსტრიამ ომის პირველივე თვეებში სერიოზული დამარცხებები იწვეიეს ეეროპის ფრონტებზე. შექმნილ ვითარებაში მათ დაჟინებით მოითხოვეს ომში ოსმალეთის დაუყოვნებლივ ჩაბმა და მეორე ფრონტის გახსნა, რათა ეიძულებინათ მოწინააღმდეგეები თავიანთი ჯარები ეეროპიდან აზიაში გადაეცროლათ.

ენვერ-ფაშა და მისი თანამოაზრეები მზად იყვნენ ჩაბმულიყვნენ ომში, მაგრამ სულთანმა ანგარიში გაუწია მინისტრთა კაბინეტში ომის მოწინააღმდეგე უმრავლესობას და მანიფესტს ომის გამოცხადების შესახებ იმჯერად ხელი არ მოაწერა.¹⁵

შექმნილ ვითარებაში ენვერ-ფაშამ და სანდერსმა გადაწყვიტეს გერმანია-ოსმალეთის ფლოტიო მოულოდნელად დაეობმბათ რუსეთის შავიზღვისპირა ქალაქები და ამით სულთნის მთავრობა დაეყენებინათ „მომხდარი ფაქტის“ წინაშე. 27 ოქტომბერს, სამხედრო წვრთნის მომიზესებით, ფლოტი ზღვაში გავიდა. 29-30 ოქტომბერს მან დაბომბა სევასტოპოლი, ოდესა, ფეოდოსია და ნოვოროსიისკი, ჩაძირა რუსეთის რამდენიმე გემი და ერთი ფრანგული საეაჭრო ხომალდი. ამავე დროს ოსმალეთის ჯარებმა კავკასიაში დაიწყეს სამხედრო მოქმედება. 2 ნოემბერს რუსეთმა ომი გამოუცხადა ოსმალეთს. 12 ნოემბერს კი სულთანმა გამოაცხადა „საღეთო ომი“ ანტანტის წინააღმდეგ.

* * *

გერმანია-ოსმალეთის სარდლობამ იზრუნა ბათუმზე შეტევის გეგმის შენიღბვისათვის. მათ რუსეთის კონტრდასვერვას შეაპარეს დეზინფორმაცია, რომლის მიხედვით ბათუმის მიმართულებით არ იყო განზრახული დიდი მასშტაბის სამხედრო ოპერაციები, რომ აქ შემოიფარგლებოდნენ ძირითადად „ჩეთეს“ რაზმების მოქმედებით.¹⁶

რუსეთის სარდლობამ ირწუნა ამ ცნობის ჭეშმარიტება და სერიოზული ყურად-

¹³ განჯვალაძე, ავსტრია-უნგრეთის პოლიტიკა ამიერკავკასიის მიმართ პირველი მსოფლიო ომის წლებში. - საქართველო და ევროპის ქვეყნები, IV, თბ., 1989, გვ. 44-53; W.Bihl, Die Kaukasus Politik der Mittelmächte, Teil I (1914-1917), Wien-Köln-Graz, 1975, s. 127-129.

¹⁴ Фалькенгайн Э., Верховное командование 1914-1916 гг в его важнейших решениях, М., 1923, сс. 54-55.

¹⁵ სესსა, ფ. 13, ან. 22, ს. 476, ფურც. L

¹⁶ ექვე, ფ. 157, ან. 1, ს. 320, ფ. 107.

ღება არ მიიქცია საზღვრების დაცვის გაძლიერებას. პირიქით, აქედან დასავლეთის ფრონტზე გადაიყვანა მნიშვნელოვანი სამხედრო ძალა. დატოვეს მხოლოდ 6 ბატალიონი, I მესანგრეთა ასეული და 8 ქვემეხი. აღსანიშნავია ისიც, რომ 1910 წლიდან მოყოლებული, პირველ მსოფლიო ომამდე, ბათუმის მიხეილის სიმაგრის სანაპირო ფრონტზე მოხსნეს ძველი სისტემის ქვემეხები, მაგრამ დაგეგმილი შეცვლა ახალი სისტემის შორისმრთელური ქვემეხებით ვერ მოახერხეს ამის გაიომ, ომის საწყის ეტაპზე, ბათუმის გამაგრებული რაიონის¹⁷ სანაპირო არტილერია თავისი წინანდელი შემადგენლობის ნახევარსა მოითვლიდა.¹⁸

რუსეთის კავკასიის ფრონტის სარდლობა მთავარ მიმართულებად თვლიდა ერზერუმს, სადაც თავმოყრილი იყო ოსმალეთის მე-3 არმიის ძირითადი ძალები და სარდლობა.

გერმანია-ოსმალეთის სარდლობამ ბათუმის მიმართულებით თავი მოუყარა დიდ ძალებს - ფეხოსანთა 14 ბატალიონს (რუსეთის 6 ბატალიონის წინააღმდეგ), ხოფაში კი ზღვით საგანგებოდ გადაიყვანეს კონსტანტინოპოლის I კორპუსის ორი ოსმალური პოლკი გერმანელი პოდპოლკოვნიკის - შტანკეს მეთაურობით. ეს დაჯგუფება გააძლიერეს „საქართველოს დამოუკიდებლობის კომიტეტის“ მიერ შექმნილი „ქართული ლეგიონით“, აგრეთვე, ოსმალეთში სხვადასხვა დროს გადახვეწილი ქართველი მამულიანებით. შტანკეს რაზმთან ერთად ბათუმის მიმართულებით უნდა ემოქმედა 6 ათასამდე ჩეთნიკს. საომარი მოქმედების დაწყების წინ ოსმალებმა ამიერკავკასიაში შემოაგზავნეს სადივერსიო ჯგუფები, რომლებსაც მწყობრიდან უნდა გამოეყვანათ რკინიგზის და ტელეგრაფის საგები.¹⁹

ოსმალებმა ბათუმის ოლქს შემოუტეეს ორი ძირითადი მიმართულებით: ზღვის სანაპიროს გასწვრივ (ლიმანი, მაკრიალი, გონიო, ბათუმი) და ართვინის ოკრუგში - მურღულისა და ჩხალის ხეობებით. წარმატების შემთხვევაში, ოსმალეთის სარდლობა ვარაუდობდა რამდენიმე ამოცანის გადაწყვეტას: ა) გაემაგრებინა ფრონტის მარცხენა ფლანგი, რათა აქედან აღეკვეთა რუსების კონტრშეტევა ერზერუმზე (მე-3 არმიის ძირითად ბაზაზე); ბ) მჭიდროდ ჩაეკეტა სასაზღვრო ზოლი რუსეთთან, რაც მას საშუალებას მისცემდა რუსეთისაგან ფარულად გადაეყვანა ჯარები ტრაპიზონიდან ოლთისისა და არტაანის მიმართულებით შეტევის წამოსაწყებად (ეს მათ გააკეთეს კადეც); გ) დაფუძნებდნენ ართვინის ოკრუგის უმდიდრეს სპილენძის საბადოებს; დ) ბათუმის დაკავების შემთხვევაში მათ გზა ეხსნებოდათ დასავლეთ საქართველოსა და, საერთოდ, ამიერკავკასიის შიდა რაიონებისაკენ; ე) აღეკვეთათ ბათუმის ნავსადგური რუსეთის ევროპული ნაწილის მომარაგება ბაქოს საწვავით.

1914 წ. 30 ოქტომბერს მოწინააღმდეგე, ძირითადად, „ჩეთეს“ ნაწილები, არხაეცს

¹⁷ ბათუმის გამაგრებული რაიონი, იგივე წმ. მიხეილის ციხე-სიმაგრე, მოიცავდა ქ.ბათუმს (საფორტიფიკაციო სიმაგრეებით) და მის მიმდებარე შემდეგ ტერიტორიებს: ჩრდილოეთით საზღვარი გადიოდა მდ.ჩაქვისწყალზე, აღმოსავლეთით - სოფლების დიდიჯამეს (თანამედროვე ჩაქვის ჩაისხანანი), ყოროლისთავის, ჯოქოს, სომონეთის და შირვეთის ხაზზე, სამხრეთით მდ. ჭოროხზე და დასავლეთით - შავ ზღვაზე (ასკა, ფ. 1, ან. 1, ს. 688, ფურც. 1). 1914 წ. 13 ივლისიდან გაიმართებული რაიონის ტერიტორიაზე გამოცხადდა სამხედრო მდგომარეობა. მიხეილის სიმაგრის კომენდანტი გენერალ-მაიორი ელშინი დაინიშნა ქ.ბათუმის და გამაგრებული რაიონის დროებით გენერალ-გუბერნატორად და ბათუმის ოლქში დისლოცირებული ჯარების სარდლად.

¹⁸ ოთხი ქ.ბათუმისა და ოლქში უმაღლეს ადმინისტრაციულ ხელისუფლებას ახორციელებდა გუბერნატორი. 1914 წ. 19 ივლისიდან მისი კომპეტენციიდან დროებით გამოვიდა მიხეილის გამაგრებული რაიონის ტერიტორია, ხოლო მას ეწოდა ბათუმის ოლქის დროებითი გენერალ-გუბერნატორი. ამ თანამდებობაზე მუშაობდა გენერალ-მაიორი ბრომანოვსკი-რომანო (სცსსა, ფ. 13, ან. 27, ს. 3422, ფურც. 4-34). 16 ოქტომბერს ბათუმში გამოცხადდა საადლო წესები.

¹⁹ Масловский Е.В., Мировая война на Кавказском фронте 1914-1917 гг (стратегический очерк), Париж, 1933, сс. 66-67.

¹⁹ Корсун Н.Г., დასსს. ნაშრ., გვ. 30-33.

და ხოფას მხრიდან ჩხადლისა და მურღულის ხეობებით შემოიჭრა ართვინის ოკრუგში. რუსეთის სასაზღვრო დაცვამ ისინი ვერ შეაჩერა და უკან დაიხია. უკვე 1 ნოემბერს 500-მდე ოსმალო ჩეთნიკი გამოიწვია ჭინკათხევე-ძანსულის სპილენძსადნობი კომპლექსის მიდამოებში. მესაზღვრეთა ნაწილები არ იყო საკმარისი. ამიტომაც ართვინის ოკრუგის უფროსის, პოლკოვნიკ ლაეროვის ინიციატივით, ქარხნისა და მდაროვების მუშა-მოსამსახურეთაგან სასწრაფოდ შედგა მოხალისეთა რაზმი, რომელიც ქარხნის მისადგომებს იცავდა 3 ნოემბრამდე, ბათუმიდან დამხმარე ჯარის მოსვლამდე.²⁰ ამავე დროს ოსმალთა ათასკაციანმა რაზმმა შეტევა განავითარა ბორჩხასკენ, მაგრამ უკუაგდეს.

ართვინის ოკრუგში შეტევის პარალელურად ოსმალების ფეხოსანთა რაზმებმა და „ჩეთნიკ“ ზღვის სანაპირო ზოლითაც შემოუტეეს. 1 ნოემბერს მათ ალყა შემოარტყეს ლიშანის სასაზღვრო საგუშაგოს მესაზღვრეები ერთი დღე-ღამის განმავლობაში იცავდნენ თავს 2 ნოემბერს ბათუმიდან მათ დამხმარე ძალა და არტილერია მიუვიდა. ოსმალებმა მასირებულ კონტრიერიშს ვეღარ გაუძლეს და დიდი დანაკარგით უკუიქცნენ ლიშანიდან.²¹

ართვინის ოკრუგში კი რუსეთის ჯარები კვლავ უკან იხევდნენ. ოსმალები ცდილობდნენ რაც შეიძლება სწრაფად დაუფლებოდნენ სტრატეგიულად მნიშვნელოვან სოფ. ბორჩხას, საიდანაც იხსნებოდა გზა მდ. ჭოროხის გასწვრივ როგორც ბათუმისაკენ, ისე ჩრდილო-აღმოსავლეთით ართვინ-არტაანისა და ყარსისკენ. ამიტომ ბათუმიდან ბორჩხაში გაიგზავნა დამხმარე ძალა. 3 ნოემბერს იქ შტაბითურთ ჩავიდა ბათუმის ოლქის გენერალ-გუბერნატორი და მიხეილის გამაგრებული რაიონის კომენდანტი გენერალ-მაიორი ელშინი. ადგილზე ვითარების გაცნობის შემდეგ, მან, მეორე დღისათვის დაგეგმა კონტრშეტევა იგი უნდა განეხორციელებიათ ალექსანდროვისკის სპილენძსადნობი ქარხნებიდან და საგუშაგო „კურა“-დან. ქარხნიდან შემტევი რაზმის უფროსობა დაეკალა გენ. ელშინის თანაშემწევს როტმისტრ ლაშინოვს, მაგრამ მას ოსმალებმა დაასწრეს, დაიკავეს საწარმოს ირგვლივ სიმაღლეები და თვითონ გადმოვიდნენ შეტევაზე, ბრძოლა გაჩაღდა ქარხნის ტერიტორიაზე. ელშინმა ვერ გამოიწინა გამჭრიახობა, დაიბნა და მხოლოდ პასიური თავდაცვით შემოიფარგლა²² (ასე გრძელდებოდა მისი სარდლად ყოფნის მთელ პერიოდში). რუსეთის ჯარებმა მნიშვნელოვანი ზარალი განიცადეს და 4 ნოემბერს საღამოს ქარხნის ტერიტორია დატოვეს.

წარუმატებლად დამთავრდა მეორე კონტრშემტევი რაზმის მოქმედებაც. იგი შედგებოდა შერეული სახეობის 8 ასეულისაგან. გენ. ელშინმა რაზმის უფროსად დანიშნა ართვინის ოკრუგის უფროსი პოლკოვნიკი ლაეროვი. ცუდი ხელმძღვანელობის გამო მისი რაზმი ბრძოლაში დამარცხდა, დაკარგა ორი ქვემეხი და ტყვეთა სახით რამდენიმე ათეული მებრძოლი.²³

4-5 ნოემბერს, დამით, რუსეთის სარდლობამ მიიღო ცნობა, რომ მოწინააღმდეგე მნიშვნელოვანი შევსება მიიღო შეტევის გასაგრძელებლად. გენ. ელშინი შეშინდა, ბრძოლას თავი აარიდა, ართვინსა და არტანუჯში გამაგრებულ ჯარებს უბრძანა დაეხიათ სოფ. ბორჩხასკენ და აეფშტკებინათ ქ. ართვინთან მდ. ჭოროხზე მდებარე ხიდი. რუსეთის ჯარების მოულოდნელმა უკანდახევამ გამოიწვია ამ მხარის მოსახლეობის, განსაკუთრებით კი სომხების პანიკა და აყრა-გამოქცევა ბათუმისაკენ. ევაკუაციისათ-

²⁰ Газ. «Закавказская речь», 1914 г., №272.

²¹ სესსა, ფ. 157, ან. 1, ს. 320, ფურც. 370.

²² აცსა, ფ. 67, ან. 1, ს. 13, ფურც. 17.

²³ Масловский Е.В. დასახ. ნაშრომ., გვ. 67.

ვის მზადება დაიწყო ბათუმის მოსახლეობამაც.²⁴

წარუმატებლად დამთავრდა რუსეთის ზღვისპირეთის რაზმის თავდაცვითი ბრძოლებიც. ბათუმის მიმართულებით (ლიმანთან) პირველი მარცხის შემდეგ, ოსმალებმა მნიშვნელოვნად გააძლიერეს აქ დისლოცირებული ძალები, რის შემდეგაც შეძლეს ლიმანის დაკავება და გონიოსაკენ გაჭრა.

გენ. ელშინმა სტრატეგიულად მნიშვნელოვანი სოფ. ბორჩხას გამაგრებაც ვერ შესძლო და უკან დაიხია. აქ ოსმალთა ჯარი ორად გაიყო. ერთი ნაწილი გენერალ ხუსეინ აენი-ფაშას (წარმოშობით ქიზილეთელი) მეთაურობით დაედევნა უკანდახეულ ელშინს შტანკეს შენაერთი კი ჭოროხს აღმა აუყუა. დაიკავა ართვინი და არტანუჯი. აქედან გზა იხსნებოდა არტაანისა და ახალქალაქისკენ.

ბათუმისკენ უკანდახეული რუსეთის სამხედრო ნაწილები გადავიდნენ მდ. აჭარისწყალზე და ქალაქის მისადგომებთან გამაგრდნენ, ამავე დროს (27 ნოემბერს) გერმანულმა კრეისერმა „გებენმა“, ორი სამხედრო გემის თანხლებით, ყუმბარები დაუშინა ბათუმსა და მის სიმაგრეებს სანაპირო არტილერიის ძლიერი საპასუხო ცეცხლის გამო, მოწინააღმდეგის გემებმა მხოლოდ 15 ჭურვის გასროლა მოასწრეს და მიიმაღნენ. ჭურვების უმრავლესობა ჭაობში ჩაცვივდა. დაბობვის შედეგად ქალაქში დაინგრა ორიოდე შენობა, დაიჭრა ხუთი და გარდაიცვალა ერთი მოქალაქე. ბათუმის ოლქის ჟანდარმერიის უფროსის ცნობით: „დაბობეა 15-20 წუთს გრძელდებოდა, მაგრამ მოსახლეობაზე მოახდინა დამორგუნველი შთაბეჭდილება“.²⁵ გერმანია-ოსმალეთის ფლოტმა შემდგომშიც სცადა ბათუმზე თავდასხმა: 1914 წ. 11 დეკემბერს დამით ქალაქს მოადგა კრეისერი „პამიდიე“.²⁶ მაგრამ სანაპირო დაცვის სიმაგრევის გამო მან მხოლოდ რამდენიმე გასროლა მოასწრო.

ჭოროხის ხეობით მდ. აჭარისწყლის შესართავთან გაჭრილმა ოსმალებმა მოქმედება განაეითარეს ორი მიმართულებით – ბათუმისა და ზემო აჭარისაკენ. ამ უკანასკნელზე შემტევი რაზმი, რომელსაც გერმანელი ოფიცერი მეთაურობდა, ნოემბრის დამლევს ქედაში შევიდა.²⁷ დეკემბრის დასაწყისში მოწინააღმდეგის 1000-კაციანი რაზმი თითქმის უბრძოლველად შევიდა ხულოში. ზემო აჭარის უბნის ადმინისტრაციამ „ჩეთეს“ შესულამდე რამდენიმე დღით ადრე დატოვა ხულო და ახალციხეში გადავიდა.²⁸ ზემო აჭარაში ფეხის შემოდგმისთანავე ოსმალებმა პროპაგანდისტები დაგზავნეს სოფლებში, მოსახლეობას მოუწოდეს ჩაწერილიყვნენ „ჩეთეში“ და ებრძოლათ რუსეთის წინააღმდეგ თუმცა ამას მნიშვნელოვანი წარმატება არ ექონდა.²⁹

წარუმატებლად დამთავრდა რუსეთის ზღვისპირეთის რაზმის თავდაცვითი ბრძოლებიც. მოწინააღმდეგემ აიღო გონიო და ზღვასთან მდ. ჭოროხის შესართავს მიადგა ამის შემდეგ ოსმალთა სარდლობამ სცადა მიხეილის სიმაგრის გვერდის ავლით შეეტია გურიისა და ქუთაისის მიმართულებით. „ჩეთეს“ მოზრდილმა რაზმმა მთის ბილიკებით გააღწია კიდევ დაბა ჩაქეში და შეეცადა მოსახლეობის ამოხეხვას და ბათუმ-ნატანების რკინიგზის აფეთქებას.³⁰ ოსმალთა აგენტები ვარაუდობდნენ მოწინააღმდეგეთა ბათუმის სასმელი წყლის სათავეც, მაგრამ ხელისუფლებამ დროზე მიიღო ზომები. გააძლიერა წყალსადენისა და რკინიგზის დაცვა, რითაც აღკვეთა მტრის

²⁴ შ. სიორიძე, სამხრეთ-დასავლეთ საქართველო 1914-1918 წლებში, ბათ., 2002, გვ. 73-74.

²⁵ სცსა, ფ. 157, ან. 1, ს. 320, ფურც. 505.

²⁶ იქვე, ფ. 13, ან. 27, ს. 3550, ფურც. 4.

²⁷ იქვე, ფ. 157, ან. 1, ს. 320, ფურც. 487.

²⁸ იქვე, ფ. 114, ან. 1, ს. 2354, ფურც. 1,2.

²⁹ აცსა, ფ. 1, ან. 1, ს. 708, ფურც. 43.

³⁰ იქვე, ფურც. 23.

ჩანაფიქრის განხორციელების შესაძლებლობა.³¹

გერმანია-ოსმალეთის უმაღლესმა სარდლობამ სცადა ფრონტზე მიღწეული პირველი წარმატებების გამოყენება ამიერკავკასიის სიღრმეში შეტევისათვის, მაგრამ მე-3 არმიის სარდალი ხასან ისეთ-ფაშა და ზოგიერთი კორპუსის მეთაური ამას პესი-მისტურად შეხვდა. ისინი მოითხოვედნენ არმიის დასვენებას და შეესებას დასვენების ფრონტზე წარმატებლობით შემფოთებული გერმანიის გენშტაბი კი მოითხოვდა დაუყოვნებლივ შეტევას. ამიტომაც გენერალ ლიშან ფონ სანდერსის რჩევით, ხასან ისეთ-ფაშა გადააყენეს და მე-3 არმიის სარდლობა თავის თავზე აიღო სამხედრო მინისტრმა ენვერ-ფაშამ. არმიის შტაბის უფროსად დაინიშნა გერმანელი გენერალი ბრონსარტ ფონ შელენდორფი, მის თანაშემწედ კი მაიორი ფელდმანი.³² გარდა ამისა, შტაბის მთავარ განყოფილებებს სათავეში ჩაუყენეს გერმანელი ოფიცრები. გერმანელებით დაკომპლექტდა სარიყამიში ბატარეებიც.³³ ახლა ოსმალეთის მე-3 არმიის უახლოეს ამოცანად დაიხაზა სარიყამის რაიონში განლაგებული რუსეთის ჯარების განადგურება, ხოლო შემდეგ ბათუმის და ყარსის აღება. მე-3 არმიის მარცხენა ფლანგის უშიშროების უზრუნველსაყოფად შტანკეს რაზმს დაეკისრა არტანის დაკავება.

სარიყამის ოპერაცია დაიწყო 1914 წ. 22 დეკემბერს. ოსმალეთის არმია შეტევაზე გადმოვიდა მთელ ფრონტზე 25 დეკემბერს მან დაიკავა გამაგრებული პუნქტები სარიყამის მარჯვენა ფლანგზე. იმავე დღეს შტანკეს რაზმმა აიღო არტანი. აქ მას ებრძოდა არტანის რაზმი გენერალ გენიკის მეთაურობით. არტანის დატოვების შემდეგ იგი მძიმე მდგომარეობაში აღმოჩნდა, რადგან რიცხოვნობიდან ჭარბი შტანკეს რაზმი წინ მიიწეოდა ახალციხისაკენ. გენიკის რაზმის დასახმარებლად გაიგზავნა გენერლების გაბაშვილისა და ისტომინის მსროლელობა ბრიგადები, აგრეთვე, ციმბირელ კაზაკთა ბრიგადა გენერალ კალიტინის მეთაურობით. ამ რაზმებმა ჯერ შეაჩერეს, შემდეგ კი გაანადგურეს შტანკეს რაზმი. დაატყვევეს 1000-მდე ჯარისკაცი და ოფიცერი. 3 იანვარს რუსთა ჯარმა ბრძოლით დაიბრუნა ქ. არტანი, შემდეგ ოლთისი. შტანკემ ართინისკენ დაიხია.³⁴

რუსეთის ჯარებმა მნიშვნელოვანი წარმატებები მოიპოვეს ფრონტის სხვა უბნებზეც. ასე რომ, სარიყამის ოპერაცია ოსმალთა სრული განადგურებით დამთავრდა მათ ამ ბრძოლაში 90 ათასი ჯარისკაციდან დაკარგეს 70 ათასი, აქედან 30 ათასი მოყინულთა სახით. რუსთა დანაკარგი შედარებით უმნიშვნელო იყო - 20 ათასი კაცი.

პირველი მსოფლიო ომის ფრონტებზე რუსეთის გამარჯვებების ღირსეული თანამონაწილეები იყვნენ ქართველებიც. 2,3 მილიონი მოსახლეობის საქართველოდან ომში 300 ათასზე მეტი კაცი იქნა მობილიზებული. პატრიოტული აღტყინება განსაკუთრებით საგრძნობი იყო კავკასიის ფრონტის გახსნის შემდეგ, რაც მადლიერებით შეაფასა ხელმწიფე-იმპერატორმაც. საქართველომ მსოფლიო ომში გაგზავნა ბრწყინვალე ოფიცრობა და გენერალიტეტი, საარაკო გმირობისა და შეუპოვრობის მაგალითები უჩვენა არაერთმა მებრძოლმა.³⁵ მათგან გამორჩეულია ტარასი ვაშაქიძე („შაითან კაბიტანი“), რომელმაც ერთი ასეულით სარიყამითან უმსხვერპლოდ დაატყვევა 2 ათასი ასკერი, ასზე მეტი ოფიცერი და მე-9 კორპუსის სარდლობა ისხან-ფაშას მე-

³¹ სცხსა, ფ. 13, ან. 27, ს. 3193, ფურც. 33.

³² Корсуи Н.Г. დასახ. ნაშრ., გვ. 32.

³³ Пилия Г.В. Германский империализм в Закавказье в 1910-1918 гг., М., 1978, с. 55.

³⁴ Корсуи Н.Г. დასახ. ნაშრ., გვ. 33-37.

³⁵ ს. სიორიძე, პირველ მსოფლიო ომში ქართველთა მონაწილეობის საკითხისათვის-კრებ. „საისტორიო მაცნე“, XII, ბათ., 2003, გვ. 32-39.

თაურობით.³⁶

სარიყამიშთან გამარჯვების შემდეგ რუსეთის ჯარებმა საომარი მოქმედება ოსმალეთის ტერიტორიაზე გადაიტანეს ოსმალთა მიერ ოკუპირებული რნებოდა მხოლოდ ბათუმის ოლქის სამხრეთი ნაწილი - ართინის მხარე იგი მთავორიანია და ძნელად გასაწვლელი. ამის გამო შეძლეს ოსმალებმა იქ გამაგრება. 1914 წ. დეკემბრის დამლევს ოსმალებს ამ რეგიონში 15 ათასამდე მებრძოლი ჰყავდათ.³⁷

ბათუმის ოლქის დროებით ოკუპირებულ ნაწილში ოსმალებმა მკაცრი რეჟიმი დაამყარეს: ადგილობრივ მოსახლეობას იყენებდნენ სხვადასხვა სამუშაოზე, აიძულებდნენ მიუვალ მთებში ზურგიტ გადაეტანათ სურსათი და იარაღი.³⁸ „ჩეთუ“ ძარცვავდა და აწიოკებდა მცხოვრებთ, განსაკუთრებით კი სომხებს.³⁹

ოსმალებმა ართინის ოკრუგის უფროსად დასვეს პოლკოვნიკი მუსტაფა ანჩელ-ოღლი. დანიშნეს შავშეთის ადმინისტრაციის ხელმძღვანელიც,⁴⁰ მაგრამ მათი აქ ბატონობა ხანმოკლე გამოდგა. სარიყამიშთან გამარჯვების შემდეგ რუსეთის სარდლობამ ფრონტი გააძლიერა ახალი შენაერთებით. სინაჰირო და ცეკის გასაძლიერებლად კრონშტადტიდან ბათუმში გადმოიტანეს ორი 10-დუმიანი (შორსმსროლელი) ქეშეხი.⁴¹ ცელილები მოხდა ჯარების ხელმძღვანელობაშიც. გენ. ელშინი გადააყენეს და ბათუმის სამხედრო გუბერნატორად და ოლქის ჯარების სარდლად დაინიშნა გენერალი ვლ. ლიასოვი. მან 1915 წ. იანვარში დაიწყო კონტრშეტევა.

ბათუმიდან ოსმალებს უტევდა ორი რაზმი. ერთი მდ. ჭოროხის გასწვრივ, მეორე კი ზღვის სანაპიროზე. ამ უკანასკნელს ეხმარებოდა შავი ზღვის ფლოტიც. 15 თებერვალს ზღვისპირეთის რაზმმა დაიკავა მნიშვნელოვანი პუნქტი ხოფა, საიდანაც თურქები უკავშირდებოდნენ ჭოროხის ხეობაში მოქმედ თავიანთ რაზმებს. 16 თებერვალს ოსმალებმა წამოიწყეს კონტრშეტევა, მაგრამ უშედეგოდ. 2 მარტს ზღვისპირეთის რაზმმა ბრძოლით დაიკავა პორტი არხაბუ. ოსმალებმა კონტრშეტევით სცადეს მისი უკან დაბრუნება, მაგრამ დამარცხდნენ და დიდი ზარალით უკუიქცენენ.⁴² ხოფას და არხაბუს დაკავებით მჭიდროდ ჩაიკეტა ზღვისპირეთიდან ართინისაკენ ჩხალისა და მურღულის ხეობებით შემავალი გზები.

წარმატებით განაეითარა შეტევა ჭოროხის რაზმმაც (სარდალი გენერალ-მაიორი მილერი). თებერვლის შუა რიცხვებში მან აიღო ბორსხა, ხოლო მარტის დამლევს დაიკავა ძანსულის სპილენძის მადაროები და ქარხნები, რითაც სრულებით განდევნა ოსმალები მურღულის ხეობიდან. ამის შემდეგ ჭოროხის რაზმი ართინისაკენ გაემართა, რომელიც ოსმალებს იარაღად ქონდათ გამაგრებული.

წარმატებით მიმდინარეობდა არტანის რაზმის შეტევითი ოპერაციებიც. შტანკეს უკუგდების შემდეგ მან მნიშვნელოვნად წაიწია წინ და თებერვალში გაათავისუფლა არტანუჯი. ამის შემდეგ ეს რაზმიც ართინისკენ გაემართა. 16 მარტს ჭოროხის და არტანის რაზმებმა გაათავისუფლეს ქ. ართინი. იმავე თვის ბოლოს მათ მოწინააღმდეგე უკუგდეს ოლთისსა და არტანუჯს შორის მდებარე გამაგრებული მთავორიანი ადგილებიდან, რითაც დაამთავრეს სამხრეთ-დასავლეთ საქართველოს მტრისაგან გაწმენდა.

³⁶ დ-დათუაშვილი, სარიყამის გზის ტარასი დავითის ძე ვაშაქიძე. - საისტორიო მოამბე. №29-30, ობ. 1974, გვ. 515-545, დოკ. №№1-16.

³⁷ სცსსა, ფ. 157, ან. 1, ს. 320, ფურც. 607.

³⁸ იქვე, ფ. 114, ან. 1, ს. 2284, ფურც. 2.

³⁹ იქვე, ან. 3, ს. 3, ფურც. 8-12.

⁴⁰ აცსა, ფ. 1, ან. 1, ს. 708, ფურც. 17, 21.

⁴¹ Масловский Е.В. დასახ. ნაშრ., გვ. 68.

⁴² სცსსა, ფ. 1438, ან. 1, ს. 239, ფურც. 4.

უქანდახევის დროს ოსმალებმა თან გაიყოლეს ადგილობრივი მოსახლეობა. იმდროინდელი ქართული პრესა იუწყებოდა: „—ყველაზე მეტად განადგურებულია გონიის „უჩასტკა“. შავი ზღვისპირათ მცხოვრებნი და მდ. ჭოროხის პირათ მდებარე სოფლები აჭარის წყლიდან ართვინამდი. აქ მცხოვრებნი თითქმის აღარ არიან - ვინც არ მოკლეს, ოსმალებმა ტყვედ წაასხეს.“⁴³

განთავისუფლების შემდეგაც ბათუმის ოლქის ტყეებში დაძრწოდნენ „ჩეთეს“ ცალკეული ბანდები, რომლებმაც ვერ მოასწრეს ოსმალეთის ჯარს გაჰყოლოდნენ და ომით ისედაც გავერანებული ადგილობრივი მოსახლეობის ძარცვა-რბევით ირჩენდნენ თავს. აქვე უნდა აღინიშნოს, რომ „ჩეთნიკების“ ნაწილი აქ ოსმალთა მითითებითაც დარჩა. მათ ევალებოდათ თავიანთი რაზმების შევსება ადგილობრივი მოსახლეობის ხარჯზე და აქ სააჯანყებო საქმიანობის გააქტიურება. მოწინააღმდეგის ეს გეგმები უშედეგოდ დასრულდა 1916 წ. ზაფხულისათვის ხელისუფლებამ შეძლო შავშეთში შემორჩენილი „ჩეთნიკების“ საქმიანობის სრული აღკვეთა.

დამარცხების მიუხედავად, მოწინააღმდეგის სარდლობა იმედოვნებდა, რომ შეძლებდა კვლავ შემოჭრას და ბათუმის დაკაებას. საამისოდ 1915 წ. აპრილში ლაზისტანში ისევ შეკრიბეს მნიშვნელოვანი ძალები და კონტრშეტევაც წამოიწყეს ბათუმის ოლქის მოსახლეობაში კვლავ შემოგზავნეს ემისრები, ფული და საბრძოლო იარაღი. რუსეთის სარდლობამ საპირისპირო ზომები მიიღო: ზღვითა და ხმელეთით მასირებული დარტყმებით არათუ შეაჩერა ოსმალთა შემოტევა, არამედ გააარღვია მათ თავდაცვა და დაიკავე მნიშვნელოვანი პუნქტები: ეიწუ, ათინა, სიურმენე, რიზე და ოფი. აღნიშნული სანაპირო ზოლი მთა-გორიანია, ამიტომაც ამ პუნქტების დაუფლება უმთავრესად საზღვაო დესანტით ხდებოდა. ოპერაციებს ახორციელებდა რუსეთის შავი ზღვის ფლოტის ბათუმის ესკადრა, რომელსაც ხელმძღვანელობდა პირველი რანგის კაპიტანი რიმსკი-კორსაკოვი.

რუსეთის ჯარებმა ასევე წარმატებით განავითარეს შეტევა კავკასიის ფრონტის სხვა უბნებზეც. 1916 წ. თებერვალში მათ ბრძოლით დაიკავეს მე-3 არმიის სარდლობის შტაბის ციტადელი — ქალაქი ერზურუმი. ამან ძლიერ შეაშფოთა გერმანიისა და მისი მოკავშირეების მმართველი წრეები. ბერლინიდან სტამბოლში სასწრაფოდ მიაღწიეს ფელდმარშალი მაკენზუნი, განიმართა სამხედრო საბჭოს თათბირი, რომელსაც დაესწრნენ: მაკენზუნი, სანდერსი, აესტრიელი გენერალი პომიანკოვსკი, ენვერ-ფაშა, ოსმალეთის მთავარსარდლობის თეალსაჩინო წარმომადგენლები, გერმანიისა და აესტრიის სამხედრო მისიების წევრები.⁴⁴ ფელდმარშალი მაკენზუნი დაინიშნა კავკასიის ასპარეზზე მოქმედი ჯარების მთავარსარდლად. გადაწყდა აქეთ გადმოესროლათ ახალი ნაწილები, რომ შეექმნათ რიცხოვრივი უპირატესობა. შეენერებინათ რუსთა ჯარები და შემდეგ კონტრშეტევით დაებრუნებინათ ერზურუმი. ამ მიზნით ოსმალეთის სხვა ფრონტებზე, კერძოდ, პალესტინაში მოხსნეს მნიშვნელოვანი ძალები, რამაც გააუმჯობესა იქ ინგლისელების მდგომარეობა.

რუსეთის სარდლობისათვის ცნობილი გახდა აღნიშნული თათბირისა და მზადების შესახებ. გადაწყდა დაესწროთ მოწინააღმდეგისათვის და არ მიეცათ ძალების თავმოყრის საშუალება. ამიტომ საჭიროდ ჩათვალეს უმოკლეს დროში აეღოთ ქ. ტრაპიზონი, რომელიც წარმოადგენდა სტამბოლთან მე-3 არმიის დაკავშირების და მომარაგების ძირითად საზღვაო პუნქტს.

ტრაპიზონზე შეტევისათვის მზადების პერიოდში რუსეთის სარდლობამ თავი

⁴³ „თანამედროვე აზრი“, №32, 1915.

⁴⁴ „თანამედროვე აზრი“, №№62, 71, 1916.

მოუყარა მნიშვნელოვან ძალებს 5-7 აპრილს ნოვოროსიისკიდან აქ ზღვით გადმოიყვანა პლასტუნთა ორი ბრიგადა, სამთო-საარტილერიო დივიზიონი და სხვა ნაწილები, სულ 18 ათასზე მეტი კაცი. ოპერაციის დაწყების წინ ზღვისპირეთის რაზმის პირადი შემადგენლობა 32.500 მეტრძოლს მოითვლიდა.⁴⁵

ტრაპიზონზე შეტევა დაიწყო 1 (14) აპრილს რუსეთის სახმელეთო და საზღვაო ძალების ერთობლივი მოქმედებით უკვე 5 (18) აპრილს ტრაპიზონი დაეცა ოსმალებმა დაკარგეს მნიშვნელოვანი ნავსადგური ახლა რუსეთის სარდლობას საშუალება მიეცა ტრაპიზონით მოემარაგებინა არა მარტო ზღვისპირეთში მოქმედი ჯარები, არამედ ერზერუმის რაიონში დისლოცირებული სამხედრო ნაწილებიც.

მაღე რუსები შეუდგნენ ტრაპიზონში სამხედრო პორტის მოწყობას, სააეტომობილო გზის გაყვანას, 1916 წ. ივლისიდან კი ბათუმ-ტრაპიზონის რკინიგზის მშენებლობასაც.⁴⁶

რუსეთის ჯარების მიერ ერზერუმისა და ტრაპიზონის დაუფლებით ფრონტის ხაზი ბათუმიდან შორს, სამხრეთ-დასავლეთით გადაიწია ამიერიდან ოსმალეთის არმიას ძალა აღარ შესწევდა შეტევითი ოპერაციებისათვის ოსმალეთის გენშტაბის უფროსი გენერალი ფონ ბრონსარტი 1917 წ. 2 ივნისს ლუდენდორფისადმი გაგზავნილ მოხსენებით ბარათში წერდა, რომ იმ 3 მილიონი მეტრძოლიდან, რომელიც ოსმალეთს ომის დასაწყისში ჰყავდა, 1917 წ. 1 მარტისათვის მწყობრში იყო მხოლოდ 1.200.000 კაცი.⁴⁷

ამრიგად, ომის პერიოდში ბათუმის ოლქი მოწინააღმდეგე მხარეებისათვის იყო ერთ-ერთი მთავარი სტრატეგიული მიმართულება რუსეთის მრავალეროვნულმა არმიამ, რომლის თვალსაჩინო ნაწილს ქართველები შეადგენდნენ, შეძლო არა მარტო ამ რეგიონის შენარჩუნება, არამედ ისტორიული ჭანეთის (ლაზეთის) და სხვა ქართულ ტერიტორიების გათავისუფლება.

2. ომის სიძნელები და სამეურნეო ნგრევა

პირველმა მსოფლიო ომმა მილიონობით ადამიანის სიცოცხლესთან ერთად შთანთქა უზარმაზარი მატერიალური რესურსები. რუსეთის სუსტად განვითარებულმა მეურნეობამ და უუნარო სახელმწიფო აპარატმა ვერ უსრუენედეო ომის საჭიროებანი ქვეყანაში დაიწყო სწრაფი სამეურნეო ნგრევა ეს განსაკუთრებით გამოიკეთა განაპირა რაიონებში, მათ შორის ბათუმის ოლქშიც, რომელიც საომარი მოქმედების ასპარეზად იქცა.

ომი მძიმე ტვირთად დააწვა ბათუმის და სავროთოდ, ოლქის სამრეწველო-ეკონომიკურ ცხოვრებას დაიხურა ნავთობის ექსპორტთან დაკავშირებული სავარძოების უმრავლესობა.⁴⁸ სერიოზულად დაზიანდა ტექნიკის უახლეს მიღწევებზე დაფუძნებუ-

⁴⁵ История Первой мировой войны, т. 2, М., 1975, с. 224, 270, 272.

⁴⁶ Спорида М. М. Батум-Трапезундская военная железная дорога. — Проблемы историографии всеобщей истории. Белгород, 2000, с. 29-34.

⁴⁷ Мюльман К. Указ. соч., с. 252.

⁴⁸ ბათუმიდან ზღვით ნავთობის გატანა განახლდა 1917 წლის დასაწყისში და ისიც მხოლოდ რუსეთში, რაბაჟ 555 ათასმდე ფუთი შეადგინა.

ლი სპილენძის მრეწველობა (ართვინის ოკრუგი), შეწყდა მდ. ჭოროხისა და აჭარისწყლის ხეობებში მიმდინარე საძიებო-გეოლოგიური სამუშაოები, დაუსაქმებელი და ცხოვრების სახსარმოკლებული დარჩა ათასობით ადამიანი.

კიდევ უფრო მძიმე იყო მდგომარეობა სოფლად. გადაიწვა და განადგურდა ათასობით ჰექტარი საეარგული, ხეხილისა და მარცვლეულის (სიმინდი, ქერი, ხორბალი) ფართობები. იგივე ბედი ეწია მეთამბაქოეობას და მეფუტკრეობას. საგრძნობლად დაზარალდა სოფლის მეურნეობის წამყვანი და ტრადიციული დარგი □ მცეხოველობა.⁴⁹

ომმა მოშალა რუსეთთან სატრანსპორტო ურთიერთობები. მეტად სახიფათო გახდა სახლვაო მიმოსვლა, ხოლო სარკინიგზო ტრანსპორტი, ფაქტობრივად, დაექვემდებარა სამხედრო უწყებას. ამიტომ გაძნელდა არმიისა და მოსახლეობის საჭიროებათა ერთდროულად დაკმაყოფილება.

მოიშალა ადრე კარგად ორგანიზებული საშინაო ვაჭრობაც, დაეცა ფულის კურსი და ფასებმა პირველი მოთხოვნილების საგნებზე ომამდელ დონეს, საშუალოდ, 300%-ით გადააჭარბა.

შზარდი სიძვირისა და მისგან გამომდინარე მოსალოდნელი სოციალური გართულებების თავიდან ასაცილებლად კავკასიის ხელისუფლება მთელი 1915 წ. განმავლობაში, ამიერკავკასიის ქალაქისთავეებისა და საზოგადო მოღვაწეების მონაწილეობით, თათბირებს თათბირებზე იწვევდა. მიიღეს რიგი გადაწყვეტილებები სიძვირისა და სპეკულაციის წინააღმდეგ, დაწესდა ნორმირებული ფასები პირველადი მოთხოვნილების საგნებზე, მაგრამ ვაჭრებმა ბოიკოტს მიმართეს და ხელოვნურად შეაჩერეს რუსეთში შესყიდული სურსათ-სანოვაგის შემოტანა. მართალია, პოლიციამ გამოავლინა სპეკულაციაში ჩაბმული კერძო პირები და ბანკებიც,⁵⁰ მაგრამ მათგან ბევრს ჰყავდა საიმედო მფარველები და ამდენად, ხელოვნური სიძვირის საწინააღმდეგო ღონისძიებებს ეფექტური შედეგები არ ჰქონია.

მდგომარეობა კიდევ უფრო დამძიმდა 1916 წლიდან. ბათუმში შემოტანილი სურსათის ისედაც მწირი რაოდენობიდან უნდა მოემარაგებინათ, აგრეთვე, ტრაპიზონის ფრონტი და ამ მიმართულებით საავტომობილო გზებსა და რკინიგზის მშენებლობაზე დასაქმებული ათასობით მუშახელი. საყოველთაო სიძვირის პირობებში კი ხელფასები უმნიშვნელოდ გაიზარდა. მოსახლეობის მხრივ უკმაყოფილების გამოვლენის ცალკეული ფაქტები უკვე სახეზე იყო.

აქვე შეენიშნაეთ, რომ მტკიცება პირველი მსოფლიო ომის პერიოდში ბათუმში და, საერთოდ, კავკასიაში რევოლუციური გამოსვლების და მათში ბოლშევიკთა ხელმძღვანელი როლის შესახებ, როგორც ამის დადასტურებას ცდილობდა საბჭოური ისტორიოგრაფია, გადაჭარბებულია და დოკუმენტურად არ დასტურდება. საარქივო საბუთები ხაზგასმით მიუთითებენ მუშათა და მოსახლეობის სხვა ფენების უკმაყოფილების შესახებ მხოლოდ ეკონომიკურ ნიადაგზე.

ამგვარი ხასიათის ყველაზე მრავალრიცხოვან და თან სტიქიურ გამოსვლას ბათუმში ადგილი ჰქონდა 1916 წლის 7 აგვისტოს. მასში უმთავრესად მონაწილეობდნენ ქალები, რომელთაც დაარბიეს ნურიის ბაზარი, სარძევე დუქნები და ზოგიერთი მაღაზია. წესრიგის აღსადგენად გამოყვანილ პოლიციელებს დაუშინეს

⁴⁹ 1913 წელთან შედარებით 1916 წელს ბათუმის ოლქის სოფლის მეურნეობაში შემცირდა: ნათესი ფართობები 39%-ით, მსხვილფეხა საქონელი - 59%-ით, ცხენები - 72% -ით და ცხვრები - 73,4%-ით. თამბაქოს პლანტაციებს 1914 წ. ეკავა 1014 ჰექტარზე ფართობი და მოსავალმა შეადგინა 68 ათასი ფუთი, 1916 წლისათვის კი იგი შემცირდა 247 ჰექტარამდე, მოსავალიც, შესაბამისად - 11 ათას ფუთამდე.

⁵⁰ სცსსა, ფ. 13, ან. 27, ს. 2898, 2899.

ქვეები და დააწიანეს რამდენიმე მოთვანი. მართალია, საქმე იარაღის გამოყენებამდე არ მისულა, მაგრამ მხოლოდ დღის ბოლოს გახდა შესაძლებელი გამოსვლის აღკვეთა და პატიმრეს 24 ქალი და 7 მამაკაცი, მაგრამ ისინი პასუხისმგებშიც არ მიუციათ: ბათუმის ოლქის გენერალ-გუბერნატორმა, ქალაქში „ახალი უწესრიგობების“ თავიდან აცილების მიზნით, ამაზე თვითონ იშუამდგომლა მეფისნაცვალთან.⁵¹

მსგავსმა სტიქიურმა „ბუნტებმა“ ომის დროს მთელ რუსეთს გადაუარა და ისინი არ წარმოადგენდა ცარიზმის წინააღმდეგ მიმართულ რაიმე ენერგიულ რევოლუციურ ღონისძიებას. პირიქით, ასეთი არეულობის დროს ნადგურდებოდა ისედაც მცირე მარაგი თუ მატერიალური ფასეულობანი, ფეხს იკიდებდა მასობრივი უკმაყოფილება, რაც შემდგომში კარგად გამოიყენეს პოლიტიკურმა პარტიებმა. ამასთან, ეს „სასურსათო ბუნტები“ იყო ობიექტური შედეგი იმ მზარდი სიმენლეებისა, რომლებიც მეურნეობის სხვადასხვა დარგის ნგრევამ წარმოშვა და მოწმობდა იმპერიული ხელისუფლების კრიზისს, მის უუნარობას მდგომარეობიდან რეალური გამოსავლის ძიებაში.⁵²

* * *

კავკასიის ფრონტის გახსნის შემდეგ ბათუმი გადაიქცა მნიშვნელოვან სამხედრო-საზღვაო ბაზად, აქ დაფუძნდა რუსეთის შავი ზღვის ფლოტის ესკადრა. ბათუმი იყო კავკასიის ფრონტის ტრაპიზონის მიმართულების მასსარდობელი ეკანძი, სადაც განთავსდა დიდი სამხედრო საწყობები და ჰოსპიტლები.

მსოფლიო ომში მოუშვადებლად ჩაბმული რუსეთის სამხედრო მრეწველობა ვერ აკმაყოფილებდა არმიის მოთხოვნილებებს იარაღსა და საჭურველზე. ამიტომ მეფის მთავრობამ გადაწყვიტა სამხედრო დაკვეთები მიეცა კერძო მეწარმეებისათვისაც. შექმნილ ვითარებაში ფრონტისპირა ბათუმი, თავისი ტექნიკურად შედარებით კარგად აღჭურვილი ფაბრიკა-ქარხნებით, გახდა სამხედრო წარმოების ერთ-ერთი ანგარიშგასაწევი ბაზა, სადაც სამხედრო დაკვეთების ღირებულებამ 1916 წ. ზაფხულისათვის გადააჭარბა 6,9 მლნ რუბლს, რაც მთელ ამიერკავკასიაში ყველა სამხედრო დაკვეთის 29,6%-ს შეადგენდა.⁵³

ბათუმიში ყველაზე მსხვილი სამხედრო საწარმო გახსნა პეტროგრადელმა საქმოსანმა გ. პიტოევმა მან იმპერიის ცენტრალური სამხედრო-სამრეწველო კომიტეტისაგან მიიღო ხელყუმბარების დიდი პარტიის (3 მლნ ერთეული) დამზადების დაკვეთა. 1915 წ. დამლევს მან იჯარით აიღო ბნიტოს (ყოფ. როტშილდის), არვანიტიდისა და ხანატრიანცის ქარხნები, აღჭურვა ხელყუმბარების დამზადებისათვის საჭირო ტექნიკით და 1916 წ. 1 თებერვალს აამუშავა კიდევ, წლის ბოლოსათვის ქარხანაში დამზადდა 1 მლნ ცალი ხელყუმბარა. მათ შორის საკმოდ იყო წუნდებული ნაწარმიც. ამასთანაში შიდა რუსეთშიც ამუშავდა ხელყუმბარების ბევრად უფრო სრულყოფილი ქარხანა. ამიტომ 1917 წლისათვის პიტოევს შეუკეთეს ნაღმის სატყორცნი დანადგარების დამზადება მეწარმე შეუდგა მათ გამოშვებასაც, მაგრამ ნედლეულით მომარაგებაში არსებული სირთულეების გამო ახალი სახეობის სამხედრო საჭურველი ვერ აითვისეს და 1917 წ. გაზაფხულზე საწარმო დაიხურა.

ომის დროს ბათუმიში მოქმედებდა და სამხედრო უწყების დაკვეთებს ასრულებდა აგრეთვე „შელენგოვისა და კომპანიის“ სააქციო საზოგადოების მოსათუთიბელი

⁵¹ იქვე, აბ. 31, ს. 1053, ფურც. 1-12.

⁵² აკ. სურგულაძე, პირველი იმპერიალისტური ომი და თებერვლის ბურჟუაზიულ-დემოკრატიული რევოლუცია საქართველოში. - საქართველოს ისტორიის ნარკვევა, ტ. VI, თბ., 1972, გვ. 380.

⁵³ Церцвадзе И. В. Революционное движение в Грузии в 1914-1917 годах, ч. I, Тб., 1957, с. 144.

ქარხანა, ე. კაპლანის მექანიკური ქარხანა, რომელმაც 1916 წ. შემოდგომამდე 2 ათასი ცალი ნაღმი დაამზადა: ბათუმის სახარატო სასწავლებელი, სადაც 2700-მდე ნაღმი დამზადდა.⁵⁴ ბათუმში მუშაობდა ფანერის ფაბრიკაც, სადაც მზადდებოდა ყუთები ადგილობრივ ქარხნებში გამოშვებული საჭურველისა და სამხედრო დანიშნულების სხვა ტერითის შესაფუთავად.

ამრიგად, ომის შედეგად წარმოქმნილი სამეურნეო ნგრევის მიუხედავად, ბათუმის მრეწველობა არ ნამკედარა მან პროფილი შეიცვალა და სამხედრო წარმოების გზას დაადგა ამასთან, ომისდროინდელი ბათუმი განაგრძობდა ბურჟუაზიული ქალაქისათვის დამახასიათებელ ცხოვრებას, ოღონდ შეზღუდული რიტმით. 1916 წ. აქ მოქმედებდა 22 სასტუმრო, 29 რესტორანი და სასაღილო, 86 პურ-ფუნთოშეულის საცხობი, 4 ძეხვეულის სამქრო, თამბაქოს ორი ფაბრიკა და რამდენიმე კარგად გამართული ტიპოგრაფიული საწარმო, ერთი კანფეტის ფაბრიკა აგრეთვე, 99 დუქანი, რომელთაგან თერთმეტს ჰქონდა ღამის გასათევიც. ქალაქში კვლავ მუშაობდა ორი ბაზარი (ნურიის და თურქულის).⁵⁵

ომებს თან სდევს მკვიდრი საცხოვრისიდან ადამიანთა იძულებითი აყრა და მასობრივი გადასახლება. მსგავს მოვლენებს ომის დროს ბათუმის ოლქშიც რამდენჯერმე ჰქონდა ადგილი და ამან მნიშვნელოვნად უარყოფითი ზეგავლენა მოახდინა რეგიონის ცხოვრებაზე.

ლტოვლილთა პირველი ტალღა ბათუმს მოაწვდა კავკასიის ფრონტზე საომარ მოქმედებათა განაღებისთანავე. ოსმალეთიდან გამოქცეულ სომეხ და ბერძენ ხიზანთა მრავალათასიანი მასა მძიმე ტვირთად დააწვა ისედაც რთულ სოციალურ პირობებში ჩაუარდნილ ქალაქს. თავის მხრივ, ბათუმი და მისი ოლქი სანახევროდ დაიცალა ადგილობრივ მკვიდრთაგან. ოსმალთა დროებითი წარმატებით შეშინებულმა მოსახლეობის ერთმა ნაწილმა საქართველოს სხეადასხვა რაიონს შეაფარა თავი, ხოლო მეორე, მკვიდრი ნაწილი კი მოწინააღმდეგემ, 1915 წ. თებერვალ-მარტში უკანდახევის დროს, იძულებით წაიყვანა ოსმალეთში. განსაკუთრებით დაზარადდნენ ფრონტისპირა რაიონები: გონიოს უბანი, ლაზეთი, ართვინ-არტანუჯის მხარე, მაჭახლის ხეობა და მდ. აჭარისწყლის ქვემო წელის სოფლები. ამის თვითმხილველი მწერალი დავით კლდიაშვილი წერდა: „საოცარ სანახაობას წარმოადგენდა ეს მხარე აჭარისწყლიდან დაწყებული. უკან დახევაზე ოსმალებს თან გაერეკათ მცხოვრებნი და სრულიად დაეცალათ აქაური სოფლები, შემდეგ აქ გადაიარა რუსის ჯარმა - ყაზახ-პლასტუნებმა, განთქმულმა თავისი მხეცობით, შეუბრალებლობით და მძარცველობით. ამათ სულ ერთიანად მოფშენეს ღეთის ანაბრად მიტოვებული სოფლები... არავითარი ჭაჭანება ადამიანისა, ეგერ აგერ ისმოდა მხოლოდ ძაღლის ყმუილი, საზარელი, გულისმომკლელი“.⁵⁶

მოსახლეობის ნაწილი თვითონ გაერიდა საომარი მოქმედების ასპარეზს და რუსეთის ჯარისაგან მოსალოდნელი რეპრესიების თავიდან ასაცილებლად მიატოვა სახლ-კარი. ამ მხრივ განსაკუთრებით მძიმე იყო მდგომარეობა მაჭახლის ხეობაში (ხერთვისის სასოფლო თემი), საიდანაც 7 ათასამდე სული გადაიხვეწა. მათი სახლ-კარი განადგურდა ჯერ საომარი მოქმედების შედეგად, ხოლო შემდეგ რუსთა ჯარე-

⁵⁴ გამარეიანი, საქართველოს მრეწველობა და სამრეწველო პროლეტარიატი (1864-1917 წწ.), თბ., 1976, გვ. 187-188.

⁵⁵ აგაშაიძე, მუშათა კლასი საქართველოში (ბათუმის ოლქი) პირველი იმპერიალისტური ომის წლებში. - საისტორიო მოამბე, №37-38, თბ., 1978, გვ. 245-247.

⁵⁶ დ.კლდიაშვილი, მეზურგები, თხზ. ტ. 2, თბ., 1981, გვ. 311-312. ბათუმის ოლქის ენდარმეროის უფროსის აღიარებით კაზაკთა მხეცობამ რუსეთისათვის „არასასურველი ზეგავლენა აქონდა გურიისა და საეროდ ქუთაისის გუბერნიის მოსახლეობის განწყობილებაზე“-ც (აცსა, ან. 1, ს. 708, ფურც. 47).

ბისაგან. უკანასკნელებმა სოფ. აჭარისადმართში 41 კომლიდან გადაწვეეს ყველა, სოფ. ქედქედში – 20 კომლიდან 2, სოფ. მადლაკონში – 10-დან 8, სოფ. უჩხითში – 50-დან 9, სოფ. კირნათში – 47-დან 7 და ა.შ. სულ ხერთვისის თემში ორამდე თივლებოდა 786 კომლი. მათგან გადაწვეეს 196, გადაიკარგა 295 ოჯახი და 50 ცალკე პირი.⁵⁷

ბათუმის ოლქიდან გადახვეწილ თუ ოლქში შემოხიზნულ ლტოლვილთა მასა იმდენად დიდი იყო, რომ 1915 წ. 22 ოქტომბერს ბათუმში სპეციალურად ჩამოვიდნენ ქალაქების კავშირის კავკასიის კომიტეტის რწმუნებული ა ხატისოვი და თბილისის ქალაქის გამგეობის წევრი გ. ყურული. პირველი თათბირი მოეწყო გენერალ-გუბერნატორ ლიახოვთან, რომელსაც ესწრებოდნენ ბათუმის ქალაქისთავი ივ. ანდრონიკაშვილი, იმპერიის სანიტარული და საეუკუაცო ნაწილის უმაღლესი მმართველობის წარმომადგენელი გენერალი ბერნოვი, რუსეთის წითელი ჯერის მთავარი წარმომადგენელი კავკასიის არმიასთან კამერგერი გოლუბევი. თათბირზე განიხილეს ლტოლვილთა მდგომარეობა და სამედიცინო მომსახურების გაუმჯობესების საკითხები.

ამის შემდეგ ბათუმის სათათბიროს შენობაში გაიმართა „სრულიად რუსეთის ქალაქების კავშირის“ ბათუმის კომიტეტისა და ქართული საქველმოქმედო საზოგადოების ბათუმის განყოფილების ერთობლივი თათბირი. გაირკვა, რომ ორამდე ბათუმის ოლქის 180 ათასი მცხოვრებისაგან, სამხედრო მოქმედების შედეგად, განითვსა 50 ათასამდე კაცი და ოლქში დარჩენილი 130 ათასი სულიდან ბათუმში ცხოვრობდა 35 ათასი. ოლქის დანარჩენი მკვიდრი მოსახლეობა უკიდურეს გაჭირვებაში იყო. თათბირის დასასრულს ა ხატისოვმა ივ. ანდრონიკაშვილს გადასცა 10 ათასი რუბლი ლტოლვილთათვის და განაცხადა, რომ ბათუმის ანგარიშზე ქალაქთა კავშირის კავკასიის კომიტეტის ბანკში გახსნილი იყო 50 ათასი რუბლის კრედიტი.⁵⁸ უნდა აღინიშნოს, რომ გამოყოფილი თანხა ძირითადად მოხმარდა სომეხ და ბერძენ ლტოლვილებს.

1915 წ. 1 ნოემბრიდან ბათუმში მუშაობას შეუდგა, აგრეთვე, მთავრობის მიერ შექმნილი ომისაგან დაზარალებულთა დახმარების ბათუმის საოლქო კომიტეტი, რომლის განკარგულებაში იყო ამ მიზნისათვის უმნიშვნელო თანხა - 68,5 ათასი რუბლი, მაგრამ არსებობის 15 თვის მანძილზე მას შესამჩნევი არაფერი გაუკეთებია ომით დაზარალებულთა და ლტოლვილთა აღრიცხვა დამთავრდა 1916 წ. მარტში. დახმარების სიაში თავდაპირველად შევიდა 27 ათასამდე კაცი, მაგრამ პოლიტიკური მოტივით („სახელმწიფო დალატში“ ბრალდება) მასში მხოლოდ 6 ათასი კაცი დატოვეს.⁵⁹

ბათუმის ოლქის სოფლები მოხუცების, ბავშვებისა და ქალების ამარა იყო დარჩენილი. ამას ემატებოდა საომარი მოქმედებებით გლეხური მეურნეობებისათვის მიყენებული ზარალი, სახლ-კარისა და სურსათის გადაწვა-განადგურება, აგრეთვე, გადარჩენილი სურსათ-სანოვანისა და გამწვევი პირუტყვის რეკვიზიცია ახალ სამეურნეო წელს ამას დაერთო მოუსავლიანობაც. მართალია, 1916 წ. დასაწყისიდან ოსმალები დაბრუნდა ლტოლვილი მამრობითი მოსახლეობის მნიშვნელოვანი ნაწილი, შეუდგა კიდევ გაპარტახებული მეურნეობის აღდგენას, მაგრამ გარედან დახმარების გარეშე ცხოვრების ხელახლა მოწყობა რთული იყო. „საშიში სურათია, - წერდა კორესპონდენტი აჭარიდან, - გამხდრები, თმა-წვერ მოშვებულები, ტიტელები მათი

⁵⁷ ანგარიში ქართველთა საქველმოქმედო საზოგადოებისა 1915 წ., ობ., 1916, გვ. 8.

⁵⁸ Газ. «Взавкавказская Речь», №228, 1915 г.

⁵⁹ ბეკუტარია, აჭარაში რევოლუციური მოძრაობის ისტორიის ნარკვევები, წ. II (1914-1921 წწ.), ბათ., 1962, გვ. 12-13.

ნახვა უფრო გულშემსარავია, ვიდრე მკვლევრებით მოყენილი ბრძოლის ელენისა...⁶⁰

ასეთი განსაცდელის ეპის ქართველ მაჰმადიანებს უშურველი დახმარება შეეძლოთ მიეღოთ მხოლოდ თანამოძმეთაგან. განტაშის ზარი პირველად ჩამოქცა უხუცესმა მიმულიშვილმა გულო კაიკაციშვილმა თბილისში აკაი წერეთლის დასაფლავებაზე წარმოთქმულ სიტყვაში.⁶¹ 1915 წ. 10 მარტს გაზეთ „სამშობლოში“ გამოქვეყნდა ჰაიდარ აბაშიძის წერილი „კვლავ მოწოდება, კვლავ საყვედური“, რომელმაც, შეიძლება ითქვას, გამოაფხიზლა მთელი საქართველო. ამის დასტურია ქართულ ჟურნალ-გაზეთებში გამოქვეყნებული საპასუხო თანაგრძობის წერილები.⁶² განსაკუთრებით მგრძობიარე აღმოჩნდა პოეტი მანდილოსნის დომინიკა ერისთავის (ანდრევილი) მიმართვა ქართველი ქალებისადმი: „ხმა მიეცეთ გულდაკოდილ თანამოძმეებს - წერდა პოეტი, - ვაცნოთ, რომ ქართველ ქალთა ნაზი გრძნობა არ გამქრალა. იგი ერთგვარის სიყვარულით ექცევა როგორც ქრისტიან, ისე მუსლიმან ქართველს; ვაუწოთ, რომ ჩვენ ერთის დედ-მამის შვილები ვართ, ერთი ცის ქვეშ დაბადებულნი და აღზრდილნი, რომ არ არის ორი საქართველო, იგი მხოლოდ ერთია ქვეყანაზე და მისი შვილების უბედურება გულს გეიკლავს, რა სარწმუნოებისაც უნდა იყვეს იგი. ქართველო ქალებო! დაეხმარეთ ჩვენს მოძმეებს, გავიღოთ ჩვენი წელილი, ვის რამდენიც შეგვიძლია და სიკედილს და გასაჭირს გადავარჩინოთ ჩვენი ძმები და შვილები“.

მოელს საქართველოში დიდი სიდუხჭირის მიუხედავად, ქართველობამ გულთან მიიტანა მოძმეთა გასაჭირი და შესაძლო დახმარება გაუწია სამაჰმადიანო საქართველოს მოსახლეობას ჟურნალ-გაზეთების რედაქციების მისამართით ფინანსური შემოწირულობანი იგზავნებოდა საქართველოს სხვადასხვა კუთხიდან, ფრონტიდან და პოლიტიკურ პატიმართა გადასახლების ადგილებიდანაც კი გროვდებოდა სურსათი და ტანსაცმელი.⁶³ ამის შესახებ მ. აბაშიძე მოგვიანებით წერდა: „საქართველოში მოუსაღიანობის გამო მაშინ შიმშილობა იყო, მაგრამ საქართველომ თვით მიიკლო ლუკმა და ჩვენ მოგვაწვდინა სურსათ-სანოვავე, ფეხსაცმელ-ტანსაცმელი. ყოველი ქართველი დიდი ხალხით მზად იყო დაგეხმარებოდა, რითაც კი შეეძლო. ყველა ამბობდა: ქართველ მუსლიმან ძმებს უჯიროთ, არაფერი დაეიშურეთ მათთვისო და მართლაც რომ არაფერს იშურებდნენ. დიდი, პატარა, ქალი, კაცი - ყველა მზად იყო დახმარების ხელი გამოეწოდათ ჩვენთვის. ქალიშვილები, სხვა რომ არა გააჩნდათ რა, ნაწნავებს იკრებდნენ და ყიდდნენ ჩვენდა დასახმარებლად“.⁶⁴

აჭარისა და ლაზეთისათვის დახმარების ორგანიზებას სათავეში ჩაუდგა ქართველთა საქველმოქმედო საზოგადოება (თავმჯდომარე მიხ. მანაბელი). 1916 წ. მოსახლეობას დაურიგდა 15 ათასი ფუთი სიმინდი და 7 ათას რუბლამდე ფულად. ლაზეთში მარტო ჰაიდარ აბაშიძემ უხელმძღვანელა 700 ფუთი სიმინდის ჩატანას და განაწილება. მართალია, ეს დახმარება არ იყო საქმარისი,⁶⁵ მას უფრო მორალური და

⁶⁰ ვაზ. „თანამედროვე აზრი“, №195, 1915, წ.
⁶¹ „აჭარა გაოხრებულია, - უთქვამს გ.კაიკაციშვილს, - აჭარა უყურადღებოდაა მიტოვებული... მოგვეშველოთ. ჩვენს თქვენს ძმებს ვართ. მართალია, საუკუნოა ქართველობა ერთმანეთს დაგვაშორა, მართალია რჯულით სხვადასხვაობა ჩამოვარდა ჩვენს შორის, მაგრამ გულით ერთნი ვართ. ერთუთოსიდან განუყოფელი, როგორც მარჯვენა და მარცხენა ხელი“ (ფურს. „კლდე“, №8, 1915; იხ. აგრეთვე, აბსურდულაძე, გულო კაიკაციშვილი, თბ., 1972).
⁶² აბსურდულაძე, ცხოვრება და ღვაწლი ჰაიდარ აბაშიძისა, ბათ., 1994.
⁶³ აბსურდულაძე, მშური სიტყვა, ბათ., 1991, გვ. 58-73.
⁶⁴ ვაზ. „სამუსლიმანო საქართველო“, №364, 1920.
⁶⁵ ბრესლის ცნობით: ქართველთა საქველმოქმედო საზოგადოების ანგარიშის თანახმად, სამუსლიმანო საქართველოს მოსახლეობის გამოსაკვებად 1915-1916 წლების ზამთარში, ახალ მოსაველამდე, საქართველო იყო არა ნაკლები 180 ათასი რუბლისა. საქველმოქმედო საზოგადოებამ კი 1915 წ. ივნისამდე შეძლო მხოლოდ 11 ათასი

ეროვნული მნიშვნელობა ჰქონდა. ამის შესახებ ქართული პრესის ძველი კორესპონდენტი სოფ. ქედიდან აბდულ მიქელაძე გახს. „თანამედროვე აზრს“ წერდა ვიცით, რომ ამ შემწეობით ჩვენი დახოცული მკვდრები არ გაცოცხლდებიან, გადამწვარი სახლ-კარი არ აშენდება, ნაღები სიმინდით არ აივსება, მაგრამ თანამომამეთა მიერ გადღებული თითოეული კაპიკი ჩვენთვის მილიონია, თანაგრძნობის სიტყვა კი მალამოა.“⁶⁶ ამასთან, ეს დახმარება „არსებითად იყო დიდი სახალხო მოძრაობა, რომელმაც მაშინ სული მოათქმევინა ხალხს“.⁶⁷

§3. საზოგადოებრივ-პოლიტიკური ვითარება

მსოფლიო ომისა და ეროვნული საკითხისადმი დამოკიდებულება. მსოფლიო ომის დაწყებას გარკვეული იმედით შეხედნენ იმპერიების მიერ დაპყრობილი ქვეყნები, მათ შორის საქართველოც. ისინი სწორედ ამ ომით ეარაუდობდნენ მსოფლიო პოლიტიკური რუკის შეცვლას და დაკარგული სახელმწიფოებრიობის აღდგენას ქართული საზოგადოებრივი აზრიც მკეთურად გამოვიდა ავტონომიის მოთხოვნით. 1914 წლის 9 ნოემბერს ჟურნ. „ქლდე“ თავის მოწინავეში მიუთითებდა: „რუსეთის მხედრობის უმაღლესი მთავარსარდალი ავტონომიას ანიჭებს პოლონეთს და ავსტრიის იმპერიაში მოსახლე ერებს ჰპირდება თავისუფლებას მიიღე უღლისაგან. თვით გერმანია და ოსმალეთიც კი ხმამაღლა ჰყვირიან - ჩვენ განმათავისუფლებელი მისიითა ერთ აღჭურვილიო... და ამ დროს სატახტო ქალაქების პრესა ქართველებისათვის გულის მოსაფხანად ბუჭდაც კარგ ამბებს, რომ კავკასიელთა გულად რაზმებში საუცხოოდ იბრძვიან ქართველებით, რომ სიმღერით ხედებიან მტერს და მის ტყვეებსო და საქართველოც ლამაზი ქვეყანა არისო. ერთი სიტყვით, იდილიურად აქეთ წარმოდგენილი ჩვენი თავგანწირვა... ჩვენ გეიკერს, რომ პროგრესული, ლიბერალური პრესაც იწონებს მხოლოდ ჩვენი იარაღის ჩხრიალსა, რომელსაც თან აუარებელი სისხლი სდის, რასაც ყოველდღიური სიები გემიტკიცებენ დატრიალთა და მოკლულთა“, ხოლო ჩვენთვის ავტონომიის მონიჭებაზე კრინტსაც არ ძრავენო.“⁶⁸

ნოემბერშივე აკაიი წერეთელი წერდა: „ორასი ათასი მეომარი გამოიყვანა, ჯერჯერობით, ამ პატარა საქართველომ და იძულებით არა ყოფილა რა ყველა თავისი სურვილ-ნებითა და სიხარულით მისწრაფოდა რუსის ჯარებთან ერთად თავდასადებად შორეულ ქვეყნებში“. ამ თავდადების საფუძვლად აკაიის მიანდა რუსეთის საიმპერატორო ხელისუფლების განცხადება, რომელშიც ის ჩაგრული ერების მოსარჩლედ და თანასწორობის, ძმობის, ერთობის და სიყვარულის მომხრედ გამოვიდა და სასრულს აკაიი იმედს გამოთქვამდა, რომ საქართველოც მიიღებდა ნანატრ ავტონომიას.⁶⁹

რაც შეეხება პოლიტიკურ პარტიებს, მათი დამოკიდებულება ომისა და ეროვნული

რუბლის გამოყოფა. ამ თანხით საზოგადოების ბათუმის განყოფილებამ ორგანიზება გაუკეთა ადგილებზე მოსახლეობის რაციონალურ დახმარებას: მათთვის შეისყიდეს სიმინდი, საბონი, ნავთი, აგრეთვე, სასოფლო-სამეურნეო ინვენტარი, მოეწყო სამედიცინო და სანიტარული დახმარება, კვების პუნქტები და სხვ. (იხ. «Заквказская Речка», №114, 1915 г.).

⁶⁶ აბ.წულაძე, ძმური სიტყვა, გვ. 110.

⁶⁷ აბ.სურგულაძე, დასახ. ნაშრ., გვ. 34.

⁶⁸ ჟურნ. „ქლდე“, №33, 1914 წ.

⁶⁹ ჟურნ. „განთავი“, №9, 1914 წ.

ნული საკითხისადმი შემდეგნაირად წარმოგვიდგება:

ქართველი ბოლშევიკები, მთლიანად იზიარებდნენ რა საერთოპარტიულ ლენინურ ხაზს, დაწყებულ ომს აფასებდნენ, როგორც იმპერიალისტურს და უსამართლოს ამიტომ პროლეტარიატის ამოცანად სახედვნენ გადაეციათ იგი სამოქალაქო ომად, დაემხობ საკუთარი მთავრობები და მიუხდინათ პროლეტარული რევოლუცია, რომელიც ზაფისა და სხვა საჭირობორტო საკითხებს სამართლიანად გადაჭრიდა. ყოველივე ამისათვის კი აუცილებლად მიაჩნდათ პროლეტარიატის ინტერნაციონალური ერთიანობის განმტკიცება. სწორედ აქედან გამომდინარეობდა მათი ნიპილისტური დამოკიდებულება ეროვნული საკითხისადმი, რომელიც თავიდანვე განსაზღვრეს ლოზუნგით: „პროლეტარებო ყველა ქვეყნისა, შეერთდით!“.

მსოფლიო ომის განაღების შემდეგ ბოლშევიკები ისევ გამოვიდნენ „ერთა თვითგამორკევის“ ლოზუნგით. ეს მათ დასჭირდათ იმისათვის, რომ არ დაეკარგათ გავლენა იმპერიის განაპირა რაიონებში, სადაც ომის დროს საზოგადოების წინაშე აქტიურად დაისვა ეროვნული საკითხი. აქვე უნდა აღინიშნოს, რომ „ერთა თვითგამორკევის“ ბოლშევიკური ლოზუნგი არ სცილდებოდა ფართო საოლქო ავტონომიის პრინციპს. ე.ი. ბოლშევიკებს მიზანშეწონილად მიაჩნდათ არა რუსეთის იმპერიის დაშლა, არამედ მისი გარდაქმნა მუშურ-გლეხურ ფედერაციულ სახელმწიფოდ.

საქართველოში ამ დროს ყველაზე გავლენიანი იყო სოციალ-დემოკრატიული პარტია (მენშევიკებისა). ისინიც მარქსისტები იყვნენ და ლოზუნგი – „პროლეტარებო ყველა ქვეყნისა, შეერთდით!“ – მათთვისაც ძვირფასი იყო. მაგრამ ომის დაწყების შემდეგ ქართველ სოციალ-დემოკრატებშიც იმატა ეროვნულმა თვითშეგნებამ. გარკვეული ნაწილი ეროვნულ-ტერიტორიულ ავტონომიას მიემხრო. მათი აზრით, რუსეთის იმპერია უნდა გარდაექმნათ დემოკრატიულ ქვეყნად, რომელშიც ყველა ერს მიეცემოდა ფართო შინაური თვითმმართველობა. პარტიის ლიდერის – ნოე ჟორდანიას შეხედულებით, ასეთ შემთხვევაში რუსეთის იმპერიაში შემავალი ერები შეძლებდნენ თავიანთი კულტურულ-სამეურნეო ამოცანების გადაწყვეტას. უფრო მეტიც, ქართველ სოციალ-დემოკრატთა ერთი ნაწილი ასეთ დასკვნამდეც კი მივიდა: „ერთი ერი - ერთი სახელმწიფო“.⁷⁰

ამის მისაღწევად ქართველ საზოგადოებას არ ჰქონდა ერთიანი გეზი და მიმართულება. ნ. ჟორდანიას აზრით, საქართველოში არ იყო ჩამოყალიბებული ეროვნული პროლეტარიატი და მსხვილი ბურჟუაზია, „ჩვენი სოციალური სტრუქტურა აგებულია წვრილ მესაკუთრობაზე, - წერდა იგი, - წვრილი ბურჟუაზია და გლეხობა, გადარბიებული თავადაზნაურობა და ინტელიგენცია - აი, ერის დიდი უმრავლესობა. ე.ი. ჩვენი საზოგადოება უკალაპოტოა და ცარიელ სივრცეში წაღმა-უკულმა, უგზო-უკელოდ მოსიარულეა (ეს კი საუკეთესო ნიადაგია ყოველგვარი ავანტურისთვის). ამიტომაც ჩვენ არ გვაქვს ალბებული (განსაზღვრული) მტკიცე კურსი და პოლიტიკურ ორიენტაციაში „მშინჯოთ“ და „ეგება უკეთესი დარჩეს“ გზას ვადგავართ“.⁷¹

მსოფლიო ომისადმი დამოკიდებულების საკითხში სოციალ-დემოკრატებმა გამოაცხადეს „აქტიური ნეიტრალიტეტი“. ისინიც აღიარებდნენ ომის იმპერიალისტურ ხასიათს და სამართლიანი ზავის დადებასაც მოითხოვდნენ, მაგრამ მიაჩნდათ, ყველა ქვეყნის პროლეტარიატს უნდა დაეცვა სამშობლო. აქედან გამომდინარე, ქართველ ხალხსაც მოუწოდებდნენ სამშობლოს დაცვისაკენ. ამასთან, აცხადებდნენ, რომ ოსმალეთის ჯარების ამიერკავკასიაში შემოსევის შემთხვევაში არ გამოვიდოდნენ

⁷⁰ გაზ. „ახალი კვალი“, №4, 1915 წ.

⁷¹ იგივე, №5, 1915 წ.

მათ წინააღმდეგ, თუკი ეს უკანასკნელნი არ დაარბევდნენ საქართველოს.

ქართველი სოციალისტ-ფედერალისტების პარტია ომამდეც რუსეთის ფარგლებში საქართველოს ავტონომიური მმართველობის მიღებას მოითხოვდა. ეს საკითხი ვარლამ გელოვანმა სახელმწიფო სათათბიროშიც დააყენა 1912 წელს, მაგრამ უშედეგოდ. ომის დაწყების შემდეგაც სოციალისტ-ფედერალისტები ძველ მოთხოვნას აყენებდნენ და ამის მიღწევას რუსეთის მთავრობაზე დაწოლით ვარაუდობდნენ. პრესის აზრით, შეუძლებელი იყო რუსეთის მთავრობას არ დაეფასებინა მსოფლიო ომში ქართველების თავდადებული ბრძოლა და არ მიეცა მისთვის ავტონომიური მმართველობა.⁷²

აღსანიშნავია, რომ სოციალისტ-ფედერალისტების პარტია საკმაოდ გავლენიანი პოლიტიკური ძალა იყო იმდროინდელ საქართველოში. მას ანგარიშგასაწვეი ჯგუფი ჰყავდა ბათუმშიც.

ეროვნულ-დემოკრატიულ პარტიას ფუჟ ოცნებად მიიანდა რუსეთის საიმპერატორო ხელისუფლებისაგან ფართო ავტონომიის მიღება. პარტიის ერთ-ერთი ხელმძღვანელის – გერონტი ქიქოძის აზრით: „ჩაგრული ერი პატივყრილი და იარაღაყრილია. ამ ქვეყანაზე კი პატივის დაბრუნება, უწინარეს ყოვლისა, საქურველით შეიძლება. გაბატონებული ერი იჭვიანი და შეიარაღებულია. ძალთა შეფარდება უთანასწოროა და დაჩაგრულნი ყოველთვის მარცხდებიან, თუ პირდაპირ და უმეკავშიროდ შეებრძოდნენ მჩაგრულთ. ამიტომ არის, რომ დიდი სახელმწიფოების შეტაკება ყველთვის ხელსაყრელია პატარა ერებისათვის და ეს უკანასკნელნი ადვილად ისარგებლებენ ომის ნაყოფით, როცა ხელ და შორსმჭვრეტელურ პოლიტიკას ადგანან.“⁷³

ეროვნულ-დემოკრატიებმა და სოციალისტ-ფედერალისტების ერთმა ნაწილმა საქართველოს სახელმწიფოებრივი დამოუკიდებლობის აღდგენის იმედები დაუკაფშირეს მსოფლიო ომში გერმანიის და ოსმალეთის გამარჯვებას. ეროვნული პოლიტიკური პარტიების ამ მიმართებით გააქტიურებას გარკვეულწილად ხელი შეუწყო ემიგრაციაში მყოფი გიორგი მანაბლის საიდუმლო გამოჩენამ საქართველოში 1914 წ. ნოემბერში. „მისი ჩამოსვლის მიზანი, - ნათქვამია ჟანდარმერიის აგენტურულ ცნობაში, - იყო ეროვნული კომიტეტის ორგანიზება ქართველთა აჯანყებისათვის“. გ. მანაბელმა აცნობა ქართველ პოლიტიკოსებს, რომ გერმანიამო შეიქმნა „საქართველოს დამოუკიდებლობის კომიტეტი“, რომელსაც ჰყავს თავისი სამხედრო ნაწილი - ე.წ. „ქართული ლეგიონი“.⁷⁴ მათი მიზანია რუსეთისაგან საქართველოს განთავისუფლება გერმანიისა და ოსმალეთის ჯარების დახმარებით, რის შემდეგაც აღდგება ქვეყნის დამოუკიდებლობა.

ასეთი იყო საქართველოს პოლიტიკურ ძალთა დამოკიდებულება პირველი მსოფლიო ომისადმი.

„საძართველს დამოუკიდებლობის კომიტეტი“ და „ქართული ლეგიონი“. საქართველოს დამოუკიდებლობის კომიტეტისა და მისი ლეგიონის შექმნას წინ უძღოდა საკმაოდ ხანგრძლივი და დრამატიზმით აღსავსე მოვლენები.

1908 წ. თბილისური გაზეთის „ერი“ (რედაქტორი პეტრე სურგულაძე) რედაქციის გარშემო ჩამოყალიბდა პატრიოტ-მამულიშვილთა ფარული ჯგუფი (იაკობ გოგებაშვილი, გიორგი გვახავა, ფილიპე გოგიანიშვილი, გიორგი დეკანოზიშვილი, ვალერიან

⁷² ვაზ. „ახალი ივერია“, №11, 1914.

⁷³ ვაზ. „სახალხო ფურცელი“, №91, 1914.

⁷⁴ დაწერილებით იხ. კ.საღია, საქართველოს დამოუკიდებლობის კომიტეტი პირველი მსოფლიო ომის დროს. - „ბედი ქართლისა“, №39-40, ბაზიზი, 1962; აბ.სურგულაძე, კ.სურგულაძე, ქართული ლეგიონი თურქეთში, ბათ., 1994; რ.გრიგოლიძე, საქართველოს დამოუკიდებლობის ეროვნული კომიტეტი (1914-1918), თბ., 1995; მ.სოსოიაძე, საქართველოს დამოუკიდებლობის კომიტეტი (1914-1918), ბათ., 1998.

გუნია, მიხეილ ჯაფახიშვილი და სხვ.), რომელსაც აღარ აკმაყოფილებდა საქართველოს ავტონომია და ქვეყნის სრულ დამოუკიდებლობას ითხოვდა. მთავრობამ იგი დაარბია, ბევრი დააპატიმრა, ნაწილი იძულებული გახდა ემიგრაციაში წასულიყო. ამ უკანასკნელთა შორის იყო პეტრე სურგულაძეც. შვეიცარიაში ის დაუკავშირდა ქვეყნულ ქართველებს, კერძოდ, 1906 წ. დუშეთის ხაზინის ექსპროპრიაციის გამო საქართველოდან ემიგრირებულ ძმებს – ლეო და გიორგი კერესელიძეებს, აგრეთვე მათ ნათესავს ნესტორ მაღალაშვილს და 1910 წ. განაახლა „დამოუკიდებლობის ჯგუფის“ საქმიანობა. იგი საკუთარი გახეთის - „თაისუფალი საქართველოს“ ფურცლებზე პროპაგანდას უწევდა საქართველოს დამოუკიდებლობას და ევროპის სახელმწიფოთა მიერ საერთაშორისო სამართლის სუბიექტად მის ცნობას. მოგვიანებით ამ ჯგუფს შეუერთდნენ ვასილ ციციქიშვილი, მიხეილ იშხნელი, აგრეთვე, გერმანიაზე კულგიაში დამოუკიდებლად მოღვაწე მიხეილ წერეთელი და გერმანიის უმაღლეს წრეებთან დაახლოებული გიორგი მინაბელი.

ამასობაში დაიწყო პირველი მსოფლიო ომიც. ჯგუფის წევრები იმედოვნებდნენ, რომ გერმანია და მისი მოკავშირეები დაამარცხებდნენ რუსეთს და შეეცადნენ ესარგებლათ ხელსაყრელი სიტუაციით, რომ ცარიზმის კატასტროფის ფონზე მოეგარებინათ ქართული სახელმწიფოებრიობის აღდგენის საქმე. ამიტომ „დამოუკიდებლობის ჯგუფი“ გარდაქმნეს კომიტეტად, რომელმაც ორიენტაცია გერმანიაზე აიღო და მას თანამშრომლობა შესთავაზა. წერეთელმა და გ. მინაბელმა შეადგინეს და 1914 წ. 24 სექტემბერს გერმანიის საგარეო საქმეთა სამინისტროს წარუდგინეს გეგმა „რუსეთისაგან ამიერკავკასიის ჩამოცილებისა და მისი შემდგომი პოლიტიკური მოწყობის შესახებ“, რომელიც ითვალისწინებდა შეიარაღებული აჯანყების განხორციელებას საქართველოში, აქ რუსთა სამობილიზაციო გეგმების ჩაშლას და ამით კავკასიის არმიის დემორალიზებას. გეგმის ავტორთა აზრით, ამას მოჰყვებოდა რუსეთის დასუსტება, რაც აიძულებდა მას წასულიყო ზაფხუ გერმანიის ბლოკის სახელმწიფოებთან, დაბოლოს, ეცნო საქართველოს დამოუკიდებლობაც.

გერმანიის საგარეო საქმეთა სამინისტრო დაინტერესდა „დამოუკიდებლობის კომიტეტის“ წინადადებით და გააფორმა კიდევ მასთან შესაბამისი შეთანხმება, იგი, ურთიერთანამშრომლობის პირობების გარდა, შეიცავდა გერმანიის მხრივ ვალდებულებას ომში გამარჯვების შემდეგ ეცნო საქართველოს დამოუკიდებლობა. ეს იყო მნიშვნელოვანი დაპირება, რაც ნიშნავდა საქართველოს ოფიციალურად აღიარებას საერთაშორისო ასპარეზზე.

„დამოუკიდებლობის კომიტეტის“ უპირველეს ამოცანად დაისახა ქართული ლეგიონის შექმნა ოსმალეთში და რუსეთის წინააღმდეგ სამხედრო მოქმედებაში მონაწილეობა. კავკასიაში გამოჩენის შემდეგ ლეგიონი უნდა გამხდარიყო ანტირუსული აჯანყების ბირთვი. ის უნდა დაეკომპლექტებინათ გერმანიაში, ავსტრიაში და ოსმალეთში მყოფი სამხედრო ტყვეებით, ქართველი ემიგრანტებით, მოხალისე სამხედრო და სამოქალაქო პირებით.

„ქართული საქმის“ ხელმძღვანელობა დაეკისრათ გერმანიის საგარეო საქმეთა სამინისტროს მრჩეველს რედოლფ ნადოლნის და გენერალური შტაბის პოლიტიკური სექციის უფროსს, „უაღრესად განათლებულ ახალგაზრდა დიპლომატს“ – ოტო ფონ ვესენდონკს. შესაბამის უწყებებს დაევალა აჯანყების საქმისათვის სასწრაფოდ გამოეყოთ 200 ათასი გერმანული მარკა, საჭირო რაოდენობის იარაღი, რუსეთის ტყვე-ჯარისკაცთა შორის გამოევიღებინათ ქართველი მოხალისეები და დაეწყოთ მათი იდეოლოგიური გადამზადება.

გერმანიასთან შეთანხმების შემდეგ კომიტეტის წევრები – ლეო კერესელიძე

პეტრე სურგულაძე, ნესტორ მაღალაშვილი (მურად ბეი), გიორგი კერესელიძე და სხვები, ბერლინიდან სტამბოლში გადავიდნენ. მალე მათ შეუერთდნენ მელიტონ ქარცივაძე (ოსმან-ბეი), ზია აბაშიძე, გიორგი მაიაბელი, შალვა ვარდიძე და სხვ., სულ 30-მდე კაცი,⁷⁵ რომლებმაც გერმანიის ელჩის – პანს ვანგენჰაიმისა და გაუღენიანი სტამბოლელი მამადიანი ქართველების მეშვეობით კავშირი გააბეს ოსმალეთის მთავრობასთან.

დაიწყო საიდუმლო მოლაპარაკება იგი დაძაბულად მიმდინარეობდა ხანგრძლივი კამათის შემდეგ მომსადადა ხელშეკრულების პროექტი, რომლითაც ოსმალეთმა ივალდებულა საქართველოს დამოუკიდებლობის ცნობა „1914 წლის სასლერებში“ (ეს ქართველთა დიდი მიღწევა იყო) და დახმარება მის ტერიტორიაზე ქართული ლეგიონის შექმნაში. აღსანიშნავია, რომ თავდაპირველად ოსმალეთი უნდობლად შეხვდა მის ტერიტორიაზე გერმანიის ეგიდით და მხარდაჭერით ქართული სამხედრო შენაერთის შექმნას. სხვანაირად არც იყო მოსალოდნელი. ამიერკავკასია მას ტრადიციულად თავისი ინტერესების სფეროდ მიაჩნდა და ვერ ურიგდებოდა აქ სხვის თუნდაც მოკავშირის, აქტიურობას ამიტომ გერმანულმა მხარემ, მისი დაშოშმინების მიზნით, განაცხადა: ქართველები „გერმანელებს დაეუდნობიან მხოლოდ იმ შემთხვევაში, თუ იმოქმედებენ თურქებთან ერთად“.⁷⁶ ამის გამო უკანასკნელი დათანხმდნენ სამხედრო სფეროში თანამშრომლობაზე, მაგრამ უარყოფითი და ეჭვიანი დამოკიდებულება ლეგიონისადმი მაინც საგრძნობი იყო მათ ტერიტორიაზე ყოფნის მთელ პერიოდში.

ლეგიონის ფორმირება მიანდეს ლეო კერესელიძეს თავის მხრივ გერმანელებმა მას მიაშველეს ოფიცრები კიშკე და ლოის მოსელი, რომლებიც შესაბამისად დაინიშნენ კომიტეტთან სამხედრო და პოლიტიკურ ატაშებად. ზია აბაშიძის და სხვა ქართველების თანხლებით, ისინი 1914 წ. სექტემბერში ჩავიდნენ ვიწეში და შეუდგნენ მოხალისეების შეკრებას.

ამ ქალაქის შერჩევა ლეგიონის ფორმირების ცენტრად არ იყო შემთხვევითი. ჯერ ერთი, იგი ფრონტთან ახლოს იყო და, მეორეც, ვიწესა და მის შემოგარენში მრავლად ცხოვრობდნენ ქართველები, მათ შორის მუჯაჯირები, რომლებიც სისხლ-ხორციულად იყვნენ დანტყერსებული სამშობლოს მომავლით.

მუშაობა დაიწყო გერმანიისა და ავსტრია-უნგრეთის ტყვეთა ბანაკების ქართველთა შორისაც, მაგრამ მათი რაოდენობა მცირე იყო. ამ ქვეყნების 19 ბანაკში იმ დროს სულ აღირიცხა 881 ქართველი,⁷⁷ რომელთაგან შეკრიბეს 200-მდე მოხალისე და გადაიყვანეს ვიწეში.

1914 წ. დამლევისათვის, თუმცა ნაჩქარევად, მაგრამ ძირითადად მაინც დასრულდა ლეგიონის ფორმირება იგი ამ დროს 600 კაცს მოითვლიდა ლეგიონის მეთაურად დაინიშნა ლეო კერესელიძე, შტაბის უფროსად - მისივე ნათესაეი ნესტორ მაღალაშვილი, ასეულის მეთაურად - ძმები ეანო და სერგო ლაბაძეები, მეტყეეი-მფრქვევეთა ასეულის მეთაურად - ეანო წერეთელი, საინტენდანტო ნაწილის უფროსად - მელიტონ ქარცივაძე და სხვ. ლეგიონმა გერმანულ პოდპოლკოვნიკ შტანკეს რაზმთან ერთად გაარღვია რუსთა თავდაცვა და 12 დეკემბერს აიღო არტაანი. სწორედ აქ მოხდა ქართული ლეგიონის პირველი საბრძოლო ნათლობა. ლ. მოზელის სიტყვით, მან დიდი ზარალი მიაყენა მოწინააღმდეგეს.⁷⁸

⁷⁵ Пиния Г.В. Германский империализм в Закавказье в 1910-1914 гг. М., 1980, с. 17.

⁷⁶ Bihl W., Die Kaukasus Politik der Mittelmächte, t. I. Wien-Köln-Gras, 1975, s. 128.

⁷⁷ Пиния Г.В., დასახ. ნაშრ., გვ. 65.

⁷⁸ W.Bihl, დასახ. ნაშრ., გვ. 67.

აჭარისკენ საბრძოლო მოქმედების განაღებისთანავე, „საქართველოს დამოუკიდებლობის კომიტეტი“ მოწოდებით, ლეგიონში ჩაეწერა ამ კუთხის, აგრეთვე, ლაშეთის აოთობით პატრიოტი. მათგან დღეს მხოლოდ რამდენიმეს ვინაობა ცნობილია: ზია აბაშიძე, მემედ, ოსმანი და ყადორ თავდგირიძეები, სულემიან ირემიძე, ფეიზულ სურმანიძე, შუქრი ხალვაში, ოსმან გვარიშვილი და სხვ.⁷⁹

ბათუმ-ახალციხის მიმართულებით ოსმალთა წარმატება ხანმოკლე გამოდგარუსეთის ჯარებმა 21-25 დეკემბრის ბრძოლებში სასტიკად დაამარცხა მოწინააღმდეგე შტანკემ და მისმა შეთხელებულმა ნაწილებმა დატოვეს არტაანი. ლეგიონერებმა, ჩანს, ამ მძიმე ბრძოლებშიც ისახელეს თავი. საგარეო უწყებისადმი წარდგენილ მოხსენებით ბარათში ფონ ვანგენაიმი აღნიშნავდა მათ მამაცობაზე.⁸⁰

ამ გარემოებამ გერმანელებს კიდევ უფრო განუმტკიცა რწმენა ლეგიონის სარგებლიანობაში. მართალია, არტაანთან საერთო წარმატებულობისა და უკანდახევის პირობებში ქართველ მაჰმადიანთაგან ბევრი მოხალისე ჩამოშორდა ნაწილს, მაგრამ ამან მაინც ვერ შეაძველევინა მათ შეხედულება ლეგიონზე. ამიტომ გერმანიის საგარეო საქმეთა სამინისტრომ კომიტეტთან პოლიტიკურ კომისრად დანიშნა გრაფი შულენბურგი.⁸¹ მას დაევალა „მოზადება და განხორციელება აქციებისა, რომელსაც უნდა მოჰყოლოდა ანტირუსული განწყობილებების გაღვივება და აჯანყების ორგანიზება“ საქართველოსა და კავკასიაში.⁸² მასვე უნდა გაემდიერებინა კომიტეტსა და ოსმალეთის სამხედრო ხელისუფლებას შორის თანამშრომლობა ლეგიონის პირადი შემადგენლობის გაზრდისა და საბრძოლველად მოზადებისათვის.

შულენბურგი ენერგიულად შეუდგა დაეაღების შესრულებას 1915 წ. სექტემბერში მან ლეგიონი ტრაპიზონში გადაიყვანა და იწყო ახალი ძალებით მისი შეესება. შტანკე დაპირებას იძლეოდა, რომ თუ 3 ათას კაცს შეკრებდნენ, შეძლებდა შეტევაზე გადასულას, რასაც დიდი მნიშვნელობა ექნებოდა საქართველოში აჯანყების დასაწყარებლად. გერმანული მხარის გააქტიურებამ ფრთები შეასხა კომიტეტის წევრებს, რომლებიც ახლა მეტ ოპტიმიზმს ამჟღავნებდნენ. გ. მანაბელი ვარაუდობდა, რომ მოახერხებდნენ აჭარიდან ოსმალეთში ლტოლვილთაგან და ლაშეთის მკვიდრთაგან 3-3,5 ათასი მოხალისის, ხოლო ტყვეებიდან 4 ათასი კაცის მიზიდვას. 7-8 ათასი ლეგიონერი კი, მისი აზრით, საკმარისი იქნებოდა რუსეთის წინააღმდეგ საქართველოს ამხედრებისათვის.⁸³

გატარებულ ერთობლივ დონისძიებათა შედეგად, ლეგიონის პირადი შემადგენლობა დღითიდღე იზრდებოდა. მასში ერთიანდებოდა: 1915 წ. 2 ნოემბერს - 450 მებრძოლი, ნოემბრის დამლევს - 600, დეკემბრის ბოლოს - 800, 1916 წ. იანვარში - 835, შუა თებერვალში - 1000, მარტში კი - 1200. ამავე წლის აგვისტოში 360 ლეგიონერი იდგა გირესუნში, ხოლო 200-კაციანი რაზმი - ტირებოლუში. გირესუნში განთავსებული იყო ლაშარეთი, აქვე იყო ლეგიონერთა საწყობიც. ამ დროისათვის შენაერთს თითქოს 234-კაციანი დამხმარე პერსონალი ემსახურებოდა.⁸⁴

⁷⁹ მ.სიორიძე, დასახ. ნაშრ., გვ. 70-71; ს.ტაბაღა, ტაბუდადებული დოკუმენტებიდან, ვაზ. „აჭარა“, №32, 1993.

⁸⁰ W. Bihl, დასახ. ნაშრ., გვ. 65.

⁸¹ შემდეგში გერმანიის ელჩი საქართველოს დემოკრატიულ რესპუბლიკაში, მოგვიანებით კი - საბჭოთა კავშირში.

⁸² Пухля Г. В., დასახ. ნაშრ., გვ. 66-67.

⁸³ W. Bihl, დასახ. ნაშრ., გვ. 75-76.

⁸⁴ ინგლისელი ისტორიკოსის დევიდ ლენგის სიტყვით, ლეგიონი დაკომპლექტდა „დაახლოებით შვიდი ათასი ძლიერი მამაკაცისაგან“, რაც ჩვენი აზრით, გადაჭარბებულია. მისივე ცნობით, იგი დისლოცირებული იყო ტრაპიზოლუს მთიანეთის აღმოსავლეთით, მდინარე პარშიტის სანაპიროზე. შავი ზღვის ახლოს. კომიტეტის შტაბი კი განლაგებული იყო ჯერ სამსუნში, მოგვიანებით - გირესუნში (D. Lang, A modern history of Georgia,

ლეგიონერთა რიცხოზობრივმა ზრდამ ახალი საზღვრები გაუჩინა მის ხელმძღვანელობას ახალწვეულთა შორის ბევრი იყო სამოქალაქო პირი. საჭირო იყო მათი სწრაფად გაწრთვნა ამისათვის შულებებურება ლეგიონში ინსტრუქტორ-საეკიპაღისტად მიიწვია ლეიტენანტი პორსტ გუსტაფ შლიფხაკი. ახალშექმნილი კავალერიისტთა რაზმისათვის შეიძინეს ცხენები და საჭირო აღკაზმულობა ამან გაზარდა ხარჯებიც, მაგრამ შულებებურება იშუამდგომლა და შენაერთს 3 ათასი კაცისათვის საჭირო დამატებითი თანხა გამოუყვეს.⁸⁵

მოხალისეთა მიზიდვის პარალელურად, გაძლიერდა მუშაობა ტყვეთა შორისაც. ამჯერად მას ხელმძღვანელობდნენ მიხ. წერეთელი და გ. მინაბელი, რომლებსაც ეხმარებოდნენ გერმანიის აღმოსავლეთის საქმეთა საინფორმაციო ბიუროს თანამშრომელი ჰ. კოზაკი და სხვ. მათ ბანაკებში გააერცვლეს მოწოდებები: „ხალხი ელოდება ხელსაყრელ მომენტს, რომ იარაღით ხელში ეყვეთოს მტრის (რუსების - ავტ.) რაზმებს, - ნათქვამია ერთ მოწოდებაში, - ქართველებო, ისარგებლეთ შემთხვევით და ჩაეწერეთ ქართულ რაზმებში“.⁸⁶ აღნიშნულ მოწოდებებში „დამოუკიდებლობის კომიტეტი“ გადაჭარბებულად აფასებდა ქართველი ერის და მისი პოლიტიკური პარტიების მსადყოფნას და სოლიდარობას ანტირუსული აჯანყებისათვის.

საერთოდ, მოწოდებებში ხაზგასმული იყო ქართველების აჯანყების სამართლიანობა „ქართველებო, შესაძლებელია გაწუხებთ ფიცი, რომელიც რუსეთის იმპერატორს მიეცით, მაგრამ თვით რუსი იმპერატორები არიან ფიცის გამტეხნი, 1783 წ. ტრაქტატის დამრღვენი და საქართველოს პოლიტიკური სახელმწიფოს წაშლელნი - ამდენად, საჭიროა არა მისი დაცვა, არამედ უშუალოდ სამშობლოს ერთგული სამსახური... დაე, თითოეული ქართველი იქცეს გმირად ამ ბრძოლაში“.⁸⁷

აღსანიშნავია, რომ „დამოუკიდებლობის კომიტეტი“ ამგვარ პროპაგანდას ქართველ სამხედრო ტყვეთა შორის მოსალოდნელი გამოხმაურება არ მოჰყოლია. საზოგადოდ, ტყვეები კარგად აცნობიერებდნენ ქართული სახელმწიფოებრიობის აღდგენის დიდ მნიშვნელობას, მაგრამ აეჭვებდათ ომში გერმანიის გამარჯვებისა და მისი მეშვეობით საქართველოს დამოუკიდებლობის მოპოვების შესაძლებლობა, აგრეთვე, სამშობლოს თავისუფლებისათვის ოსმალთა მხარდამხარ ბრძოლის პერსპექტივაც. ამის მიუხედავად, ემიგრანტები და ტყვეთა ნაწილი ხალისით ეწერებოდნენ ლეგიონში.

პროპაგანდის ეფექტურობისთვის გადაწყდა გაზეთის გამოცემაც. ადრე ბანაკებში ვრცელდებოდა ერთნაირი შინაარსის ხელნაწერი გაზეთები ყველა იმ ენაზე, რომლებზეც ტყვეები ლაპარაკობდნენ. გაზეთის ქართულ ვარიანტს ერქვა „კაეკასია“, მაგრამ იგი არაპოპულარული იყო ქართველ ტყვეებში. ამიტომ უნებურად არსებული ქართული სტამბა ბერლინში გადაიტანეს და 1916 წ. 28 მარტიდან იწყეს ნაბეჭდი „ქართული გაზეთის“ გამოცემა (რედაქტორი გიორგი კერესელიძე), იგი თვეში 2-ჯერ გამოდიოდა 8 გვერდის მოცულობით. გაზეთმა ტყვეებში მალე მოიპოვა პოპულარობა, რის გამოც უკვე ნოემბრიდან მისი მოცულობა 12 გვერდამდე გაზარდეს. ამავე სტამბაში ბეჭდადნენ პატარა ქართულ წიგნებსაც, ამ პუბლიკაციებმა მნიშვნელოვანი როლი შეასრულა ქართველ ტყვეთა ეროვნულ გათვითცნობიერებაში. ამაზე მეტყველებს მათი 1200-ზე მეტი ბარათი გაზეთის რედაქციისადმი.⁸⁸

ლეგიონერთა საბრძოლო სულისკვეთების ამაღლებისათვის დიდი მნიშვნელობა

London, 1962, s. 183).

⁸⁵ W. Bihl, დასახ. ნაშრ., გვ. 76-77.

⁸⁶ სცსსა, ფ. 13, ან. 27, ს. 4342, ფურც. 3.

⁸⁷ მ. სვანიძე, ქართული ლეგიონი თურქეთში, გაზ. „ხიდი“ №5, 1992.

⁸⁸ იხ. სცსსა, ფ. 13, ან. 27, ს. 5414-5422.

პკონდა 1915 წ. თამარ მეფის ორდენის („სამახსოვრო ნიშნის“) დაწესებას მისი შემოღების, აღწერილობისა და დაჯილდოების განაწესში⁸⁹ აღნიშნულია, რომ ის ესაძლევა „იმ პირთ, რომლებმაც რაიმე თვალსაჩინო სამსახური გაუწიეს ქართულ საქონელს და იმ საპატიო პირთ, რომელთა გაეღენასაც შეუძლია სამსახური გაუწიოს ამავე საქმეს“. ამ პრინციპიდან გამომდინარე, თამარ მეფის ორდენით დაჯილდოვდნენ გერმანიის მაღალჩინოსნები: უკანასკნელი იმპერატორის ვილჰელმ II-ის ძე ვოლდემარ პოპენცოლერნი, გერმანიის შეიარაღებული ძალების მთავარსარდალი პაულ ჰინდენბურგი, გენერლები ლუდენდორფი, ფონ ლოსოვი, კაპიტანი შულენბურგი, ლეიტენანტები გალენი და შუდე, დოქტორი ფიშკე და რამდენიმე ავსტრიელი მოქალაქე-გენერალ გ. მდიენის 1918 წ. 13 დეკემბრის ბრძანებულებით, „ყველა გერმანელი ოფიცერი და ჯარისკაცი, რომლებიც 1918 წ. 4 ნოემბრიდან იმყოფებოდნენ საქართველოში, ღებულობდნენ წმინდა თამარის ორდენის ტარების უფლებას“.⁹⁰

სამწუხაროდ, არ მოგვეპოვება ზუსტი ცნობები იმ თანამემამულეებზე, ვისაც ეს ჯილდო ხედა წილად. ცნობილია, რომ ლეგიონის არსებობის მანძილზე იგი გადაეცა 6 ქართველ მებრძოლს ამ ორდენით იყენენ დაჯილდოებულნი: დავით ვაჩნაძე, ლეო კერესელიძე, შალვა ქარუმიძე, გიორგი მაღალაშვილი და მიხეილ წერეთელი, აგრეთვე, სამგერელოს მთავრის ყოფილი მოურავი მოხუცი ნიკო ხორაჯა.⁹¹ უკანასკნელ ხანს გაირკვა, რომ საქართველოს დამოუკიდებლობის ეროვნულმა კომიტეტმა ამავე ორდენით დააჯილდოვა საქართველოს დამოუკიდებლობისა და ეროვნული მთლიანობისათვის თავდადებული მებრძოლები მემედ აბაშიძე და ყადირ შერვაშიძე.⁹²

ნამოყალიბების პროცესში ლეგიონის ცალკეული ნაწილები მონაწილეობდნენ საბრძოლო ოპერაციებში. ე. ბილის ცნობით, 1916 წ. დეკემბრისათვის ფრონტის წინა ხაზზე იმყოფებოდა 500 ლეგიონერი. მათგან 25-კაციანი ჯგუფი 6 ნოემბერს თავს დაესხა რუსთა პოზიციებს, გაანადგურა 40-მდე ჯარისკაცი და ორი ტყვიამფრქვევი. უნარიანი და გაბედული მოქმედებისათვის ამ ოპერაციის რამდენიმე მონაწილე ოსმალების სარდლობამ „რკინის ნახევარმთვარის“ მედლით დააჯილდოვა. ამაზე ადრე (იმავე წლის აპრილში), 120-150 ლეგიონერი, ოსმალთა მხარდამხმარ მონაწილეობდა ყაჩაღთა ბანდების განადგურებაში. შულენბურგი აღნიშნავდა, რომ ბრძოლაში ქართველები უკეთ მოქმედებდნენ, ვიდრე თავად თურქი ჯარისკაცები.⁹³

ლეგიონის ფორმირებისა და ბრძოლისუნარიანობის ამაღლებასთან ერთად, მიმდინარეობდა გერმანიის წყაღქვეშა ნაელებით კომიტეტის წევრთა, აგრეთვე, იარაღისა და ფულის შემოგზავნა საქართველოში აჯანყების დასაჩქარებლად. თან ადგენდნენ ლეგიონის გადმოსხმის შესაფერის ადგილსაც (ასეთად შემდეგ ქობულეთ-გრიგოლეთის სანაპირო ზოლი მიიჩნეს).

უნდა ითქვას, კომიტეტთან დაახლოებული გაელენიანი ევროპელები არ თანაუგრძობდნენ რუსეთის წინააღმდეგ ქართველთა აჯანყების იდეას. მათი აზრით, ეს იქნებოდა სახიფათო ავანტიურა, რომელიც კითხვის ქვეშ დააყენებდა თვით ერის არსებობასაც კი. ქართველთა გულშემატკივარი, ომის დროს „დაპყრობილი ბელგიის გუბერნატორი“ ფელდმარშალი ფონ დერ პოლცი გულწრფელად ურჩევდა მის.

⁸⁹ იქვე, ს. 5430, ფურც. 49-50.

⁹⁰ თვითმხილველი ყურნალისტის ივ.ჯავახიშვილის სიტყვით, 1918 წელს საქართველოში ნამყოფი გერმანელი სამხედროები ამ ორდენს მთორე მსოფლიო ომის დროსაც სიახაყით ატარებდნენ (მისი, გერმანელები თამარის ორდენს ატარებდნენ. გაზ. „ქართველი ყრი“, №15, 1993).

⁹¹ ნ.ჯავახიშვილი, ქართული ფაქტობრივობა, თბ., 1995, გვ. 32.

⁹² გ.შარაძე, მემედ აბაშიძე ბათ., 1995; აბ.სურგულაძე, ყადირ შერვაშიძე თამარის ორდენის რაინდი, ქუთ., 1998; ნ.ჯავახიშვილი, თამარ მეფის ორდენი, თბ., 1998.

⁹³ W.Bihl, დასახ. ნაშრ., გვ. 76-78.

წერეთელს: „არამც და არამც არ გასწიოთ საქართველოში პროპაგანდა ქართველი ერის ასახანყებლად. არ დაგავიწყდეთ, რა ბედი ეწია სომხეთს, ოსმალეთის ტერიტორიაზე რუსეთის შესვლის დროს, აჯანყების გამო. თქვენი პრობლემა არის წმინდა პოლიტიკური. არავითარი მნიშვნელობა არ შეუძლია პქონდეს ამ უსარმაზარ კონფლიქტში თქვენს სამხედრო ძალას.“⁹⁴

ცხადია, რჩევა სამართლიანი იყო, მაგრამ პარტიოტები მომავალს მაინც იმედინად შესცქეროდნენ. მათ ოპტიმიზმს ასულდგომულებდა იმის რწმენა, რომ რუსეთი ომში უუკველად დამარცხდებოდა. სწორედ ამ სულისკვეთებით ჩამოვიდა ოდესაში გიორგი მანაბელი. ჟანდარმერიის ცნობით, მისი მიზანი იყო „საუნივერსიტეტო ქალაქებში სამ-სამი კაცის შემადგენლობით კომიტეტების შექმნა, რომლებიც ქართველ სტუდენტებს მოამზადებდნენ... ეროვნული კომიტეტის აჯანყებაში მონაწილეობისათვის“.⁹⁵

შემდეგ გიორგი მანაბელმა არაღეგაღურად იმოგზაურა საქართველოშიც. ცნობილმა საზოგადო მოღვაწემ რევაზ გაბაშვილმა ქუთაისში იგი შეახვედრა ქართველ პოლიტიკოსებს: ეროვნულ-დემოკრატიული (შალვა ამირჯიბი), სოციალ-დემოკრატიული (ნოე ჟორდანი, ევგენი გეგეჭკორი) და ფედერალისტების (სამსონ ფირცხალაფა, გრიგოლ რცხილაძე) პარტიების წარმომადგენლებს. შეხვედრაზე მოხსენებით გამოვიდა გ. მანაბელი. მან ილაპარაკა გერმანია-თურქეთთან გაფორმებულ ხელშეკრულებებზე, აგრეთვე საქართველოში ჩამოსვლის მიზეზებზე. რ. გაბაშვილი და შ. ამირჯიბი, თავიანთი პარტიის სახელით, მაშინვე დათანხმდნენ დახმარებაზე ანალოგიური ასრი გამოთქმა ეუ გეგეჭკორმაც, მაგრამ ნ. ჟორდანიამ შეაჩერა „ჩვენი პარტია (სოციალ-დემოკრატიული - ავტ.) მუშაობს რუსეთის დემოკრატიასთან ერთად ანტანტის მხარეზე. დარწმუნებული ვართ, გაიმარჯვებს ინგლისის მეთაურობით და მაშინ აიძულებს თავის მოკავშირე რუსეთს, უფრო დემოკრატიული რეჟიმი დაამყაროს. ამით ჩვენც გადმოგვივარდება რაიმე ლუკმა გამარჯვებულთა სუფრიდან“. შემდეგ მან გ. მანაბელს „დამოუკიდებლობის კომიტეტის“ წევრებთან დააბარა „თქვენ იმუშავეთ მაგ გზით, ჩვენ ხელს არ შევიშლით, პირიქით, იქნება ზოგ რამეში ხელიც შეგიწყობთ“.⁹⁶

1916 წ. ზაფხულში საქართველოში ჩამოვიდა ლ. კერესელიძე. თანმხლებ პირებთან ერთად იგი აქ წლის ბოლომდე დარჩა, მაგრამ აჯანყების საქმეს მაინც ვერ მოუბა თავი. 1917 წ. დამდეგს ამ მიზნით ჩამოვიდა, აგრეთვე, მიხეილ წერეთელი. შემდეგ პეტრე სურგულაძეც, მაგრამ აჯანყების ორგანიზება არ მოხერხდა.

ამასობაში დრო გადიოდა. გერმანია და მისი მოკავშირეები ფრონტის ყველა უბანზე მარცხს მარცხზე განიცდიდნენ. ომის შედეგები ახლა ბევრს აღარ აუტკებდა. ასეთ ვითარებაში, ბუნებრივია, ინტერესი ქართული ლეგიონისადმი შესამჩნევად განელდა. უკვე 1916 წ. ნოემბერსა და დეკემბერში გენ. ლოსოვმა და ოსმალეთის მე-3 არმიის სარდალმა ევიზ-ფაშამ ოფიციალურად თხოვეს ბერლინს ქართული ლეგიონის დაშლა. გენ. ლოსოვი ამას ასაბუთებდა შექმნილი მძიმე ეკონომიკური პრობლემებით და თურქებთან ლეგიონერების უთანხმოებით. იგი იმასაც აღნიშნავდა, რომ თურქეთის მხრიდან საქართველოში შტერა გამოირიცხა და ლეგიონის შენარჩუნებას ასრი არა აქვსო. ევიზ-ფაშა კი იმიზეზებდა ქართველ ჯარისკაცთა დეზერტირობას და უდის-

⁹⁴ კასალია, დასახ. ნაშრ., გვ. 19.

⁹⁵ სცსა, ფ. 157, ან. 1, ს. 320, ფურც. 398, იხ. აგრეთვე, ეახლობაძე, ეროვნული საკითხის ისტორიიდან საქართველოში (1900-1917 წწ.), თბ., 1965, გვ. 344.

⁹⁶ რგაბაშვილი, რაც მახსოვს. იხ. ემიგრანტული ლიტერატურა („დაბრუნება“), ტ. 3, თბ., 1992, გვ. 149-150; ნ. ჟორდანი, ჩემი წარსული (მოგონებანი), ბარზი, 1953, გვ. 101-103.

ციპლინობას.⁹⁷

სხვათა შორის, ვეპიბ-ფაშას საყვედურს გარკვეული საფუძველიც ჰქონდა. ოსმალეთის მხარეს სულ უფრო აღიზიანებდა მის ტერიტორიაზე ქართველთა ყოფნა და აქტიურობა. საქმე ისაა, რომ „საქართველოს დამოუკიდებლობის კომიტეტი“ და ქართველი პოლიტიკოსები პროტენზიას აცხადებდნენ ლაზეთზე ამასთან, იგი იმასაც ვერ იტანდა, რომ კომიტეტიც და ლეგიონიც სამშობლოს აღორძინებისათვის იბრძოდნენ. ამის გამო ერზურუმის ვაღიმ კომიტეტის ერთ-ერთ წევრს პირდაპირ განუცხადა: „ჩვენ იმით კი არ დავამარცხებთ სომხები და მათი ავტონომიის იცნებები, რომ ნება დაგვრთოთ ახალი ქრისტიანული სახელმწიფოს ჩამოყალიბებაზეო“.⁹⁸

ოსმალები ლეგიონს მიიჩნევდნენ გერმანიის დასაყრდენ ძალად საქართველო-ამიერკავკასიაში. ამიტომ მას დაბრკოლებებს უქმნიდნენ (თვითნებურად ახდენდნენ მისთვის განაკუთვნილი იარაღის კონფისკაციას, აფერხებდნენ ლტოლვილი ქართველი მაჰმადიანების ლეგიონში ჩაწერას, ცდილობდნენ მის დაქსაქსევას და სხვადასხვა ქალაქში დისლოცირებას და ა.შ.). თანაც ესწრაფოდნენ მასზე კონტროლის დაწესებას (სურდათ ლეგიონში თურქული ენის შემოღება, თავისი წესებისა და კანონების დამკვიდრება, თურქი ინსპექტორების შეყვანა და სხვ.). ამასთან, ოსმალთა სარდლობა გეგმავდა ლეგიონის გამოყენებას საკუთარი სურვილისამებრ, კერძოდ, ერზინჯანის ფრონტზე, ანდა ზურგში პატრულირებისათვის. ლეგიონერები კი ამის წინააღმდეგნი იყვნენ და თანხმობას აცხადებდნენ მხოლოდ მშობლიური მხარის განთავისუფლებისათვის ბრძოლაზე. ყოველივე ამის გამო ოსმალეთის მე-3 არმიისა და ლეგიონის ხელმძღვანელებს შორის დიდი უთანხმოება იყო. სწორედ ამას მოჰყვა ამ ქვეყნის ოფიციალურ პირთა საყვედურები, რომ ქართველი „ოფიცრები და ჯარისკაცები იქცევიან თავაშვებულად“.⁹⁹

მოკაეშირეთა ასეთი პოზიციით შეშფოთებულმა კომიტეტმა 1916 წ. 12 დეკემბერს გერმანიის გენშტაბს და მისი პოლიტიკური სექციის უფროსს ო. ვეზენდონკს გაუგზავნა მემორანდუმი, რომელშიც აღნიშნული იყო ლეგიონის შენარჩუნების პოლიტიკური მნიშვნელობა. ამ შენაერთით, - ნათქვამია შემდეგ მემორანდუმში, - ქართველ ხალხს საშუალება აქვს გაიგოს, რომ გერმანია ეხმარება ბრძოლაში რუსეთის წინააღმდეგ. ამიტომ მისი დაშლა ქართველებს მოუსპობს ამ იმედსო და ითხოვდნენ ლეგიონის გადაყვანას გერმანია-რუსეთის ფრონტზე.¹⁰⁰

15 დეკემბერს გერმანიის გენშტაბმა ოპერატიულად განიხილა მემორანდუმი და ძირითადად მოიწონა რუსეთის ფრონტზე ლეგიონის გადაყვანის იდეა, რაც განხორციელდა კიდევ 1917 წ. მაისში. ლეგიონი რუმინეთში ჩაიყვანეს. აქ ისინი ემზადდებოდნენ ფრონტზე გამგზავრებისათვის, მაგრამ 1917 წ. ოქტომბრის ბოლშევიკური გადატრიალებისა და ომიდან საბჭოთა რუსეთის გამოსვლის გამო საბრძოლო ოპერაციებში მონაწილეობა აღარ მიუღიათ. რუმინეთში ლეგიონერები დარჩნენ 1918 წ. ივლისამდე. შემდეგ დაბრუნდნენ სამშობლოში - უკვე თავისუფალ და დამოუკიდებელ საქართველოში და ეროვნული არმიის შემადგენლობაში ცალკე შენაერთის სახით ლეო კერესელიძის მეთაურობით გმირულად იბრძოდნენ ახალციხის ფრონტზე ე.წ. „ყარსის მთაწობის“ ჯარების წინააღმდეგ.¹⁰¹

⁹⁷ W. Bihl. დასახ. ნაშრ., გვ. 79.

⁹⁸ იქვე, გვ. 82.

⁹⁹ იქვე, გვ. 77.

¹⁰⁰ იქვე, გვ. 79-80.

¹⁰¹ გაზ. „ერთობა“, №30, 1919.

* * *

სახელმწიფო დალატის ბრალდება. ომისათვის თანამდევ უკუღმართობებთან ერთად, სამუსლიმანო საქართველოს მოსახლეობა რუსეთის ხელისუფლების მიერ უსამართლოდ იქნა აწიოკებული „საერთო სახელმწიფო დალატში“ ბრალდებით. ამის საფუძველს ხელისუფლება იმაში ხედავდა, რომ ომის წინა პერიოდში ოსმალეთისა და გერმანიის სუცესამსახურებმა ამ რეგიონში ჩაატარეს ფართო ანტირუსული სააგიტაციო-პროპაგანდისტული მუშაობა. მის მიზანს წარმოადგენდა მოსახლეობის მოშა-დება რუსეთის წინააღმდეგ აჯანყებისათვის, რაც კავკასიის ფრონტის გახსნისთანავე უნდა განაღებულყო.¹⁰² ამ ცდებს მცირე შედეგი ჰქონდა.

მართალია, ცალკეული პირები, როგორც ეს საერთოდ ხდება ომის დროს, სხვადასხვა მოტივით გადავიდნენ მოწინააღმდეგის მხარეს, მაგრამ მოსახლეობის ორგანიზებულ გამოცვლას რუსეთის ადმინისტრაციის ან ჯარების წინააღმდეგ აქ ადგილი არ ჰქონია. პირიქით, საომარი მოქმედების მსველელობის მთელ პერიოდში ქართველი მამადიანები ეხმარებოდნენ რუსეთის არმიას ოფიციალურ პირთა მოწმობით, ისინი ჯერ კიდევ ომის დაწყებამდე ხელისუფლებას აწვდიდნენ სამხედრო ხასიათის ცნობებს, ხოლო კავკასიის ფრონტის გახსნისა და „არტანუჯიდან ევაკუაციის“ შემდეგ, ადგილობრივი მოსახლეობის მხრივ არ ყოფილა არაერთი ექსცესები, რის გამოც ევაკუაცია შეუფერხებლად ჩატარდა.¹⁰³

ოსმალთა მიერ ბათუმის ოლქის ნაწილის დაკავების შემდეგაც მოსახლეობა, შეძლებისდაგვარად, ეხმარებოდა რუსეთის ხელისუფლებას მაგალითად, მათ ოსმალთა ტყვეობისაგან გაანთავისუფლეს ვინმე სტრატენიკო კასიანოვი და სამშვიდობოს გამოიყვანეს შეიფარეს და გადაამალეს არაერთი სომეხი და ბერძენი, რითაც საკუთარი თავი ჩაიგდეს საფრთხეში. საბრძოლო მოქმედების მთელ პერიოდში აქტიურად მონაწილეობდნენ თოვლისაგან უღელტეხილებისა და გზების გაწმენდაში, სამხედრო ნაწილების სურსათით და ტყვია-წამლით მომარაგებაში.

ზემოაღნიშნულის მიუხედავად, ხელისუფლების წარმომადგენლებმა აჭარა და მთელი სამაჰმადიანო საქართველო მოღალატედ შერაცხეს. ამის ერთ-ერთ დამამტკიცებლად მიიჩნია ადგილობრივი მოსახლეობის სიმპათიები და ლტოლვა ქართული ლეგიონისადმი.

მოღალატეობის ერთ-ერთ „მამხილებელ საბუთად“ გამოიყენეს აჭარის მოხალისეთა ქვეითი ბატალიონის შედგენის საქმის ჩაშლა გერმანიასთან ომის დაწყების შემდეგ მსგავსი ნახევრად გასამხედროებული ნაწილები მთელ კავკასიაში იქმნებოდა ამავე მიზნით 1914 წ. აგვისტოში ბათუმის ოლქის გენერალ-გუბერნატორმა ბრომანოვსკიმაც მოიარა აჭარა თავდაპირველად ამ მოწოდებას მოსახლეობის ახალგაზრდული ნაწილი გამოეხმარა მალე ბატალიონში ჩაეწერა ორასამდე მოხალისე კინტრიშის უზნიდან. ისინი თბილისში წაიყვანეს გასაწვრთნელად.

ბატალიონი გამიზნული იყო დასავლეთის ფრონტზე გასაგზავნად. ომში ოსმალეთის ჩაბმის შემდეგ მოსახლეობაში ჩაკედა ბატალიონში გაერთიანების სურვილი, რადგან მათთვის გავუგებარი იყო, თუ რატომ უნდა ებრძოლათ მშობლიური ადგილებიდან შორს და ისიც ოსმალთაგან კარსმომდგარი საფრთხის ეითარებაში ამიტომ გახშირდა ბატალიონიდან დეზერტირობა. ბათუმის ოლქის ხელისუფლებამ კი აჭარული ბატალიონის ფორმირების ჩაშლა დააბრალა ადგილობრივ გაუკუნიან პირებს და ათამდე კაცი ქობულეთიდან და ქედიდან პასუხისგებაშიც მისცა ამით

¹⁰² მ.სიორიძე, გერმანია-თურქეთის სადაზვერვო-მორგაგომთხრობელი საქმიანობა ბათუმის ოლქში ბირველი მსოფლიო ომის წინ. - „მაცნე“ (ისტორიის სერია), №4, 1985, გვ. 70-81.

¹⁰³ სცსა, ფ. 1831, ან. 1, ს. 1, ფურც. 5.

კიდევ უფრო გაამწვავეს ურთიერთობა ადგილობრივ მოსახლეობასთან.

ბათუმის ოლქში იყო რეალური შესაძლებლობა მთავრობის ინიციატივით ჩამოყალიბებულიყო რამდენიმე ათასი კაცისაგან შემდგარი შეიარაღებული სახალხო ლაშქარი (მილიცია), რომელიც ყველაზე ეფექტურად გაამაგებდა რუსების მიერ დაუცველად დატოვებულ მთავორიან მასივებს. ამით შესაძლებელი იქნებოდა ოსმალთა მიერ ამ მხარის ოკუპაციის თავიდან აცილება,¹⁰⁴ მაგრამ მეფის მოხელეები მაჰმადიანებს უნდობლობით ეკიდებოდნენ.

მაჰმადიან ქართველთა „სახელმწიფო ღალატში“ ბრალდების ინიციატორები იყვნენ კავკასიის სამხედრო და, ნაწილობრივ, საერო ხელისუფალნი. ისინი, ჩანს, ამით ეფიქრობდნენ უმადლესი მთავრობის წინაშე გაემართლებინათ ფრონტზე თავდაპირველი წარუმატებლობა (შეიძლებოდა მასთან კოლონიური გეგმების დაკავშირებაც). ამიტომ, უკვე 1914 წ. დამლევს სპეცსამსახურებს მიეცათ განკარგულმა შეეკრიბათ მასალები „მოღალატე“ მაჰმადიანებზე და პეტროგრადშიც გაიგზავნა დაუსაბუთებელ ვარაუდებზე აგებული შეტყობინებები. 1915 წ. 12 იანვარს კავკასიის მეფისნაცვლის თანაშემწე პეტერსონი შინაგან საქმეთა მინისტრს აცნობებდა: „მართალია, ჯერ ზუსტად გამორკვეული არაა მოღალატეთა რაოდენობა ბათუმისა და ყარსის ოლქებიდან, მაგრამ მათი რიცხვი 5 ათასზე ნაკლები არ არისო“.¹⁰⁵

ბათუმის გამაგრებული რაიონის გენერალ-გუბერნატორი, რეგიონში დისლოცირებული რუსეთის ჯარების მთავარსარდალი გენერალ-მაიორი ლიახოვი კი მეფისნაცვლის კანცელარიას „მოღალატეების“ შესახებ ახალი ცნობებით ამარაგებდა. მის 1915 წ. 16 იანვრის ტელეგრამაში ნათქვამია: „ჯერჯერობით მხოლოდ ქვემო აჭარის უბანში საქმე აღძრულია ათასზე მეტ მოღალატეზე. ზემო აჭარისა და გონიოს უბნების შესახებ კი ცნობები იკრიბება“.¹⁰⁶

„სახელმწიფო ღალატის“ ინსპირირებულ საქმეს აჭარის ოსმალთაგან გაწმენდისთანავე შეეწირა სამი ქართველი,¹⁰⁷ რომლებსაც დაბრალდათ „ჩეთნიკებში“ გარევა. ისინი სათანადო გამოძიებისა და სასამართლოს გარეშე სოფ. ხიჭაურში ჩამოახრჩო კახაკ-ქლასტუნთა მეთაურმა გენერალმა გუბსკიმ. გუბერნატორ ლიახოვის ბრძანებით 1915 წლის იანვარში სოფ. ჩანჩხალოში გაიგზავნა პლასტუნთა ეგზეკუცია, რომელმაც იავარჯყო იქაურობა.¹⁰⁸ ასევე გააეგრესა ზოგიერთი სხვა სოფელიც. ხულოს სკოლის მასწავლებელი რაფიელ აცანელი (ჩხაიძე) შენიშნავდა: კახაბრიდან - ქედამდე სოფლებში მამალიც აღარ ჰყვიის. სოფლები გადამწვარია და გაეგრანებული, შენობები გაპარცეული.¹⁰⁹

გენერალი ლიახოვი მზად იყო სისხლით მოერწყო „მოღალატე“ აჭარის სხვა სოფლებიც, მაგრამ, როგორც თავად შენიშნავდა გენერალ მოკულსკისადმი 1915 წლის 11 იანვრის ტელეგრამაში, - ვიდრე ართვინის მხარე ოსმალებს ეკუთრათ, საჭირო იყო რეპრესიებისაგან თავის შეკავება, რათა თავიდან აეცილებინათ ქართველ მაჰმადიანთა აჯანყება.¹¹⁰

რუსეთის სარდლობის არასამართლებრივი ქმედებანი აღიკვეთა, როგორც კი 1915 წ. იანვარში აქ ჩამოვიდა სახელმწიფო სათათბიროს დეპუტატი აკაკი ჩხენკელი.

¹⁰⁴ სცსა, ფ. 13, ან. 27, ს. 3388, ფურც. 1-2; აცსა, ფ. 1, ან. 1, ს. 708, ფურც. 11-12.

¹⁰⁵ სცსა, ფ. 13, ან. 27, ს. 3966, ფურც. 7.

¹⁰⁶ იქვე, ფურც. 4.

¹⁰⁷ მათგან ცნობილია თუფან თავდგირიძე (ბარათაულიდან) და შახველედ დიასამიძე (ჩანჩხალოდან) - იხ. აბ.სურგულაძე, კ.სურგულაძე, დასახ. ნაშრ., გვ. 36.

¹⁰⁸ აცსა, ფ. 3, ან. 1, ს. 16, ფურც. 5.

¹⁰⁹ გაზ. „თანამედროვე აზრა“, №36-39, 1915.

¹¹⁰ სცსა, ფ. 13, ან. 27, ს. 3966, ფურც. 13.

ის სასწრაფოდ გაბრუნდა პეტროგრადში, შეხვდა მინისტრთა საბჭოს თავჯდომარეს ა. გორემკინს და ხანგრძლივი საუბარი აქონდა მასთან. ოფიციალური პრესის ცნობით: „გორემკინი თანაგრძნობით მოეკიდა ჩხენკელის განცხადებას და შესთავაზა მას შესაბამისი მოხსენების წარდგენა უმაღლესი სამხედრო ხელისუფლებისათვის“.¹¹¹

ხალხის გადარჩენის საქმეში ასევე დიდი წვლილი მიუძღვის გენერალ ბესარიონ ჩიქოვანს, რომელიც მეთაურობდა აჭარაში დისლოცირებულ ერთ-ერთ შონაერთს. შემდეგ საქმეში ჩაერთო მთელი ქართველი საზოგადოებრიობა და პრესა. მისი გაუღწეველი რუსულენოვანი დემოკრატიულ პრესაშიც გაიწვია წერილები, რომლებიც ამხელდა „სახელმწიფო დალატის“ შესახებ შეთითხნილი ბრალდების არაობიექტურობას და მიუთითებდა მათ ავტორთა ნამდვილ მიზნებზე. გასული „ზაკავკასისკაია რეა“ 1915 წ. 28 თებერვალს მურდულის ხეობის (ართვინის ოკრუგი) მოსახლეობის პოლიტიკური ორიენტაციის მაგალითზე აძწინო საზოგადოებას „სახელმწიფო დალატთან“ დაკავშირებით წამოწყებული კამპანიის სიყალბე. გასული ცნობით, რომელიც ეყრდნობოდა თეთმხილველის ინფორმაციას, მურდულის ხეობის დაკავებისთანავე ოკუპანტებმა მოითხოვეს - მამაკაცები „შესულიყენენ ოსმალის ჯარში. მოსახლეობიდან არჩეულმა წარმომადგენლებმა ხალხის სახელით უარი განაცხადეს ამასზე. რისთვისაც ისინი დააპატიმრეს. 1915 წ. თებერვალში უკანდახვევისას ოსმალებმა უბრძანეს მურდულის ხეობის მცხოვრებთ დაუყონებლივ დაეტოვებინათ ხეობა და გადასახლებულიყენენ თურქეთში. ადგილობრივ მცხოვრებთ ეს არ სურდათ, მაგრამ ოსმალთა ჩაფრებმა აიძულეს ისინი მიეტოვებინათ სახლ-კარი. მოვლებიც ქადაგებდნენ, ვინც დარჩებოდა, ყველა გაწვეებდნენ კახაკები, როგორც მათ ეს გააკეთეს აჭარაში. გაწმინდეს რა ყველა სოფელი მცხოვრებთაგან, რომლებიც ქეთონინთა და კრულეთთ ეთხოვებოდნენ თავიანთ სამშობლოს, მურდულიდან უკანასკნელი ოსმალური რაზმები წაივინდნენ ღამით“.¹¹² გადარჩნენ ისინი, ვინც ისარგებლა არეულობით და ტყვეს შეაფარა თავი, - დასძენდა განუთი.

ქართული პრესა კი შეინშნავედა ბათუმის ოლქში უკანდახვევის დროს რუსებს ზურგიდან რამდენჯერმე მართლაც დაუშინეს ტყვია, მაგრამ ისინი მთაყრობის მიერ ძებნილი ავაზაკები იყვნენ. ამის მიუხედავად, რუსეთის მხედრობამ ეს ხელზე დაიხვია და იმ მოტივით, რომ ქართველი მამადიანები მათ დალატობდნენ, გადაწვა და გააპატიმრა სოფლები.¹¹³

ბათუმის ოლქის მოსახლეობის დალატში ბრალდებისათვის მეფის მოხელეებმა გამოიყენეს 1915 წ. 4 მარტის ე.წ. „საიდუმლო დეკრეტი“, რომელიც რუსეთის კონტრდასუერვის ინფორმაციით, თითქოსდა, გერმანიის ემისარმა ქ. ვიწყდან გაგზავნა კონსტანტინოპოლის საელჩოში. მასში ნათქვამია: „სამამადიანო საქართველოს ორგანიზაცია კარგადაა მოწყობილი. იარაღი დანაწილებულია, მამადიანები მთებში წაივინდნენ. უკან დაიწიეს რუსეთის ჯარებმა და სასაზღვრო კორდონმა, რომელთაც დაიხიეს საზღვრიდან მდ. ჩორუქისაკენ (კოროხისაკენ - ავტ.) და იქ გამაგრდნენ. საქრისტიანო საქართველოც მომზადებულია ჩვენი პროკლამაციების შემწეობით.“ მაგრამ ის ყოყმანობს და საკმარისია რამდენიმე ასეული გერმანელი მუხლგაურის დესტრუქტად გადასხმა, რომ ისიც უთუოდ ფეხზე დადგება და რუსეთის მტრებს მიექედლებათ.

ეჭვგარეშეა, ზემოაღნიშნული დეისინფორმაცია, რომელიც 3-4 თვის წინათ უნდა ყოფილიყო შედგენილი, გერმანიის დასუერვამ შეგნებულად გახადა ხელმისაწვდომი რუსეთის კონტრდასუერვისათვის, რადგან ჩაქვალათ რა სამამადიანო საქართველოში

¹¹¹ Газ. «Русское Слово», №32, 1915 г.

¹¹² Газ. «Закавказская Речь», №48, 1915 г.

¹¹³ გაზ. „თანამედროვე აზრი“, №36-39, 1915 წ.

ანტირუსული აჯანყების მოწყობის თავდაპირველი გეგმა, გერმანია-ოსმალეთის სარდლოებამ გადაწყვიტა ხელოწმურად გამოეწვია მეფის მთავრობის რეპრესიები ამ რეგიონის მოსახლეობისადმი და ამით ხელახლა შეექმნათ სააჯანყებო განწყობილება.¹¹⁴

ტილდგარამის სრული ტექსტი ყოველგვარი კომენტარის გარეშე გამოაქვეყნა პეტროგრადის დეპუტატთა სააგენტომ, რის შემდეგ იგი გადაბეჭდეს როგორც რუსეთის, ასევე უცხოეთის გაზეთებმა.

ამ ცილისწამებლური დოკუმენტის გამოქვეყნებამ ქართველი ხალხის სამართლიანი გულისწერობა გამოიწვია, 6 მარტს თბილისში შეიკრიბა თავადაზნაურობის დეპუტატთა, ქართულ კულტურულ დაწესებულებათა და პრესის წარმომადგენელთა საგანგებო თათბირი. აქ ერთხმად მიიღეს საპროტესტო რეზოლუცია, რომელიც თათბირზე არსებულმა დეპუტატებმა (მ. სუმბათაშვილი, გ. ყაზბეგი, ნ. ჩხეიძე, გ. ჟურული, მ. მანაბელი, დ. ჯროჯაძე, გ. დიასამიძე და ი. ცინცაძე) წარუდგინა მეფისნაცვალს.¹¹⁵

ზემოაღნიშნული სიყალბის წინააღმდეგ გაილაშქრეს, აგრეთვე, ქართულმა პრესამ და დემოკრატიული მიმართულების რუსულმა გაზეთებმაც. „საერთო სახელმწიფო ღალატში“ მაჰმადიან თანამოძმეთა დადანაშულება აღქმული იქნა, როგორც „ეროვნული შეურაცხყოფა და უდანაშაულოდ დასჯა მთელი ქართველი ერისა“.¹¹⁶ ამასთან, პრესის კომენტარით: „მართალია, თითო-ორიოლა აჭარელი ოსმალებმა აიყოლიეს, მაგრამ ეს მოხდა ძალდატანებით. მერე რა გასაკვირველია, რომ მთელ მხარეში რაოდენიმე მოღალატე აღმოჩნდეს? აკი ამას წინთ პეტროგრადშიც დაატუსაღეს რამოდენიმე ყოფილი ჯანდარმი, რომელთაც ჯაშუშობა ბრალდებოთ. ნუთუ ამის გამო მთელი რუსეთის ერის ერთგულებაში უნდა დაეჭვდეთ?... ქართველი დემოკრატია დაუყონებლივ მოითხოვს ამ ყალბი დეპეშის გაბათილებას.“¹¹⁷

პროტესტების ტალღა იმდენად ძლიერი აღმოჩნდა, რომ 10 მარტს პეტროგრადის დეპუტატთა სააგენტომ გააკეთა ბოდიშის შემცველი ოფიციალური განცხადება. იგი აღიარებდა, რომ 4 მარტის დეპეშის ავტორთა მიზანი იყო უნდობლობის და უთანხმოების ატმოსფეროს შექმნა, რომ მიმდინარე ომში ქართველმა ხალხმა კიდევ ერთხელ დაამტკიცა თავისი მხურვალე პატიოტიზმი და ერთგულება ამიტომაც თავის დროზე „პეტროგრადის დეპეშათა სააგენტომ აღარ ჩათვალა საჭიროდ ამ ტელეგრამის გამოქვეყნებისას რაიმე კომენტარის გაკეთება“.¹¹⁸

მიუხედავად ამისა, 4 მარტის დეპეშა ცარიზმის შოეინისტი მოხელეებისათვის გახდა დამატებითი „სამხილი“, რომ აეგორებინათ საქმე „აჭარლების ღალატის“ შესახებ და მოეწყობათ სასამართლო პროცესები. მოღალატეთა ახალ-ახალი სახელების „გამოვლენაში“ წამყვანი როლი შეასრულეს ართვინელი და არტანუჯელი სომხების წერილობითმა დასმენებმა ამა თუ იმ კონკრეტულ პირსა თუ ჯგუფებზე ეჭვგარეშეა, ეს ყალბისმქმნელი ინფორმატორები ოსმალთა ჯავრის ამოყრას მუსლიმან ქართველებზე ფიქრობდნენ და სასამართლო პროცესებზეც ცრუ მოწმეებად გამოდიოდნენ. ბათუმის ოლქის ჯანდარმერიის უფროსის, პოდპოლკოვნიკ გავრილოვის აღიარებით: „უსამართლობა იქნებოდა იმის არადნიშვნაც, რომ სომხების მოქმედებაც, თავის მხრივ, გამოიწვევია, უმათერესად მათი სამღვდლოებისა, რომლის გაელენაც

¹¹⁴ სხვათა შორის, „სამთა კავშირის“ სახელმწიფოები ჯერ კიდევ ომში ოსმალეთის ჩაბმამდე აგრესიებიდან მსგავს ყალბ ხმებს. მაგალითად, 1914 წ. აგვისტოს დაბლევს ავსტრიის გაზეთები წერდნენ, რომ ქართველი მაჰმადიანები აჯანყდნენ, „მოკლეს სამი რუსი ოფიცერი და 80 ჯარისკაცი“ (იხ. გაზ. „ახალი ივერია“, №27, 1914).

¹¹⁵ გაზ. „თანამედროვე აზრი“, №8, 1915 წ. გაზ. „სახალხო ფურცელი“, №229, 1915 წ.

¹¹⁶ გაზ. „საქართველო“, №103, 1915 წ.

¹¹⁷ გაზ. „თანამედროვე აზრი“, №7, 1915 წ.

¹¹⁸ ფურნ. „ქლდე“, №10, 1915 წ. გვ. 10.

მრეკლში ბატონობს.¹¹⁹

უფრო მეტიც, მოდალატედ შერაცხული ქართველი მაკმიადიანების დარბევა ცალკეული სამხედრო მოსამსახურეებისა და ოლქში მოსახლე სომხების მხრივ იმდენად გახშირდა, რომ კავკასიის არმიის მთავარმა შტაბმა ამის შესახებ 1915 წ. 9 მარტს ოფიციალურად გააფრთხილა გენერალი ლიახოვი, რათა აღეკვეთა „სომეხთა ბროტებისაგან მწვიდობიანი მაკმიადიანური მოსახლეობის ძარცვა და ძალადობა“.¹²⁰

რუსეთის ხელისუფლების ხელშეწყობით სამხრეთ-დასავლეთ საქართველოში ჩამოსახლებული და დამკვიდრებული მესობელი უცხოტომელების სემოლანიშნულ უმსგავსებებს ჰქონდა მტაცებლური ეკონომიკური და პოლიტიკური საფუძველი. კერძოდ, მათ შეექმნათ ფართო პერსპექტივები, რომ ხელში ჩაეგდოთ დილატიისათვის რეპრესირებულ და მოქალაქეობამორთმეულ ადგილობრივ მკვიდრთა სახლ-კარი და მიწები. ამითვე ისინი შეძლებდნენ სომხეთიდან მესხეთ-ჯავახეთსა და აჭარა-ართვინზე გაღვლით შავ ზღვაზე გასასვლელის მოპოვების და სანაპიროს ხელში ჩაგდებას, რაზედაც უკვე XIX საუკუნის შუახანებიდან ოცნებობდა სომხური ბურჟუაზია. ეს პროცესი დაიწყო კიდევ: ართვინელი და არტანუჯელი სომხების მიერ „უპატრონოდ“ დარჩენილი მიწების მიტაცებამ იმდენად ფართო ხასიათი მიიღო, რომ ზოგიერთი სომხური გაზეთიც კი იძულებული გახდა თანამემამულეთა საქციელი საჯაროდ გაეკიცხა.¹²¹

ბათუმის ოლქის ისეთ მხარეებში, სადაც უცხოტომელები კომპაქტურად არ ცხოვრობდნენ და მხოლოდ ადგილ-მცემობის სადავებზე ეკავათ ხელთ, იყო ცდები, რომ ოსმალთა „ჩეთეს“ მიერ მათთვის მიყენებული მატერიალური ზარალი ადგილობრივი მოსახლეობის ხარჯზე ამოეღოთ. უმაღლესი მთავარსარდლობისაგან „აჭარლების საქმის“ გამოსაძიებლად მოვლენილ გენერალ ნიროდს, 1915 წ. 17 დეკემბერს, დაბა ხულოში ადგილობრივი მოსახლეობის წარმომადგენლებმა დაკითხვის დროს განუცხადეს ოსმალთა განდევნისა და რუსეთის ხელისუფლების დაბრუნების შემდეგ „ჩვენ მტრად გაგვიჩნდნენ აქაური ბერძენი და სომეხი ვაჭრები. იმ ზარალის ასანახდაურებლად, რომლებიც მათ „ჩეთნიკებმა“ მიაყენეს, ამათ ჩვენგან მონიდომეს აღება, რისთვისაც დაგვიწყვეს მუქარა, თუ არ გადაგვიხდით ჩვენს ზარალს, იმ შემთხვევაში მთავრობასთან დაგაბეზლებთ და თქვენს თავს დავაჭკერინებთო. ასეთმა მუქარამ ბერი ჩვენთაგანი შეაშინა და ეისაც ცოტა შეძლება პქონდა, თავი იხსნეს განსაცდელიდან და ვინც კი ღარიბი იყო, ისინი შეიქმნენ მსხვერპლი ვაჭრების დაბეზლებისა“.¹²²

ხელისუფლების მიერ შეითთხნილი ბრალდებისაგან მომშეთა დასაცავად ამჯერადაც ხმა აღიმადლა ქართველმა საზოგადოებამ. ამ საქმეში განუზომელია რუსეთის IV სახელმწიფო სათათბიროს დეპუტატის აკაი ჩხენკელის ღვაწლი. მან შეიტყო თუ არა თავის ამომრჩეველთა¹²³ უბედურება, მაშინვე აქეთკენ მოაშურა. პირადად რამ-

¹¹⁹ აცხა, ფ. 1, ან. 1, ს. 764, ფურც. 7.

¹²⁰ სცხა, ფ. 157, ან. 1, ს. 345, ფურც. 10.

¹²¹ იგივე მდგომარეობა იყო მესხეთშიც. ახალციხის მაზრის უფროსის 1915 წლის 12 თებერვლის ცნობით - მაზრაში მცხოვრები სომხების პროვოკაციული დასმენის გამო, თათქოს აქაური მაკმიადიანები ინახავდნენ ჯარალს, რუსეთის რევოლუციონარული ჯარის ნაწილები აწიოკებდნენ მოსახლეობას შემდეგ აღწერილთა პლასტუნთა მე-15 ბატალიონმა, 1915 წ. 12 ანვარს, მსგავსი დასმენის საფუძველზე, თუ როგორ გაჩნდა დაბრძობა და გაძარცვა მაზრის სოფლები - ასინმა, ოთა და შინაძე. „ჩხრეკის შედეგად ძარალი არავისთან არ აღმოჩენილაო“ - დასძენს მაზრის უფროსი. დასასრულს ის სთხოვდა თბილისის გუბერნატორს მიეღო ზომები, რომ სამხედრო ნაწილებისათვის აეკრძალათ მსგავსი საქმიანობა, რათა „ლოიალურად განწყობილი მუსლიმანები არ გაეხადათ მტრებად“ (სცხა, ფ. 17, ან. 1, ს. 9529, ფურც. 1-2).

¹²² ვაზ. „სახალხო ფურცელი“, №505, 1916.

¹²³ ვაზ. „საქართველო“, №179, 1915 წ.

¹²⁴ აკ. ჩხენკელი IV სახელმწიფო სათათბიროში არჩეული იყო ყარსის და ბათუმის ოლქების, აგრეთვე, ხოხუმის ოკრუგის მოსახლეობის მიერ.

დენჯერმე შემოიარა ბათუმი, ქედა, ხულო, მურღული, ართვინი, არტანუჯი, შავშეთი, იმერხევი, არტაანი და ყარსი. 1916 წ. 11 თებერვალს სახელმწიფო სათათბიროში წარმოითქვა შთაბეჭდვადი სიტყვა აჭარის დაცვის საკითხზე. მისი განცხადებით, ოსმალეთში გადახვეწილთა გარდა, ადგილზე დარჩენილი მოსახლეობაც ღტროლიდების მდგომარეობაში აღმოჩნდა, რადგან სარდლობამ აუკრძალა მათ რუსის ჯვარის ზურგში დარჩენა და დახერხების მუქარით გარეკა ზემო აჭარისაკენ. „1915 წლის 9 იანვარს რუსმა მხედართმთავარმა პირადად მითხრა, - თქვა დეპუტატმა, - რომ მას მეფისნაცვალ ვორონცოვ-დაშკოვისაგან ნაბრძანები ჰქონდა დაკავებული ადგილების გაწმენდა არა მარტო თურქებისაგან, არამედ მშვიდობიანი მოსახლეობისგანაც... შედეგად კი ათეულობით და ასეულობით სოფელი გაუჟაცრივლდა“. აქვე ა ჩხენკელმა გაიხსენა ანალოგიური ეთნიკური წმენდის მაგალითები მესხეთ-ჯაბახეთში და იქ სომეხთა ჩამოსახლება. დასასრულს მან უნდობლობა გამოუცხადა მთავრობას და მოითხოვა მისი გადადგომა, „რომ ხალხმა თვითონვე აიღოს ხელში ქვეყნის მართვა და თავად გადაწყვიტოს ქვეყნის ბედი“.¹²⁴

სომეხთა მფარველი ვორონცოვ-დაშკოვის პოლიტიკა, რომელიც კავკასიის ხალხებს შორის შულღსა და მტრობას თესავდა, სათათბიროს სხდომაზე დაგმო დეპუტატმა კარლო ჩხიძემაც.

ქართველ მაჰმადიანთა დაცვა-გადარჩენის საქმეში წვლილი მიუძღვის, აგრეთვე, თავად არჩილ აბაშიძეს,¹²⁵ რომელმაც თავისი მაშხილებელი წერილებით ხელისუფლებასა და სამხედრო უწყების სხვადასხვა ინსტანციაში ბევრ შევითხნილ ბრალდებას მოჰფინა ნათელი. იგივე ითქმის ზემო აჭარის სოფ. ფურტიოს კანცელარიის მწერალ სტეფანე ქეხსაძეზე, რომლის გაბედულებამ ბევრი განწირული იხსნა სასჯელისაგან.¹²⁶

ქართველი საზოგადოებრიობისა და IV სახელმწიფო სათათბიროს ქართველ დეპუტატთა პროტესტი იმდენად ძლიერი იყო, რომ უმადლეკმა ხელისუფლებამ დამატებითი გამოძიების ჩასატარებლად 1915 წლის დასაწყისში პეტროგრადიდან გამოგზავნა გენერალ-ლეიტენანტი პოროშინი, იმავე წლის დეკემბერში - გენერალი ნიროდი, ხოლო შემდეგ - სენატორი გოლიცინი. მათი დასკვნები ერთსახოვანი იყო, რომ „ოლქის მუსლიმანური მოსახლეობის საერთო ღალატს ადგილი არ ჰქონია. იყო მხოლოდ ცალკეულ დამნაშავე პირთა ღალატი“.¹²⁷

ბათუმის ოლქის გუბერნატორ ბ. რომანოვსკის შეფასებითაც კი მოსახლეობა არასდროს არ ავლენდა ორგულობას მეფის ხელისუფლების მიმართ და ყოველთვის ასრულებდა მის მოთხოვნებს. „მოსახლეობა სრულებით არ თანაუგრძნობდა ოსმალთა შემოჭრას, მაგრამ მას შემდეგ, რაც რუსეთის ჯარებმა და ადმინისტრაციამ ეს მხარე მიატოვა, ხალხს არ ჰქონდა არავითარი საშუალება წინ აღდგომოდა მტერს, ხოლო ოსმალთა შემოჭრის შემდეგ მათი მომარაგება და მეგზურობა იყო იძულებითი“¹²⁸ - დაასკვნის გუბერნატორი.

თვით იმპერატორმა ნიკოლოზ II თავის 1915 წ. 2 მარტის ტელეგრამაში მეფისნაცვალ ვორონცოვ-დაშკოვისადმი ბათუმის და ყარსის ოლქების მოსახლეობისათვის თავდაბრუნების განსაცდელი შეაფასა არა „ღალატად“, არამედ „უბედუ-

¹²⁴ ვაზ. „სახალხო გაზეთი“, №65, 1996 წ., ვ.საითიძის ბუბლიკაცია.

¹²⁵ არჩილ გრგოლის ძე აბაშიძე 1878-1891 წლებში მსახურობდა ბათუმის გუბერნატორის კანცელარიაში და კარგად იცნობდა ქართველ მუსლიმანებს, რომლებიც, მისი შეფასებით, „მამაცი და ამაყი ხალხია“. სცსსა, ფ. 13, ან. 27, ს. 3388, ფურც. 1-2.

¹²⁶ სტ.ქეხსაძე, მოგონებები, ბათ., 1958.

¹²⁷ სცსსა, ფ. 13, ან. 27, ს. 3193.

¹²⁸ იქვე, ს. 3561, ფურც. 12-13.

რებად¹²⁹.

უხენაესი მთავრობის ასეთი პოზიციის შემდეგ ბათუმისა და ყარსის ოლქებში შეწყდა სამხედრო ეგზეკუციები და მასობრივი სადამსჯელო ოპერაციები. სამიგოეროდ, მთელი შესაძლებლობებით ამოქმედდა რუსეთის საიმპერიო თემიდის შოვინისტური მენტაჲ. კავკასიის არმიის შტაბის სამხედრო-სასამართლო ნაწილის უფროსის მიერ 1916 წ. 10 ივლისს აკაიო ჩხენკელისათვის გადაცემული ოფიციალური ცნობით, ბრალდებულთა სიაში შეტანილი 3 ათასამდე კაციდან „სახელმწიფო დალატისათვის“ პასუხისგებაში მისცეს 388 კაცი. მათგან 217 გაამართლეს (ქართული სასოგადოების ჩარევით), სასჯელი დაედო 171 კაცს. აქედან, სამუდამო კატორდა მიესაჯა - 8 კაცს, 20 წლით - 9-ს, სხვადასხვა ვადით კატორდა - 103-ს, ციხეში ჩასვეს 22 და საცხოვრებელი ადგილებიდან გაასახლეს 28 კაცი. აღსანიშნავია, რომ თავდაპირველად სიკვდილი მისჯილი კქონდა 60 ბრალდებულს, მაგრამ შემდგომ მათ სასჯელის უმადლესი სომა შეუცვალეს ციხით ან გადასახლებით.¹³⁰

1915-1916 წლებში ქართველი მაჰმადიანების წინააღმდეგ სულ მოყწყო 27 სასამართლო პროცესი.¹³¹ მათგან მნიშვნელოვანი იყო „49 არტანუჯელისა“ და „9 აჭარელის“ პროცესები, რომლებიც ჩატარდა ბათუმში, 1915 წ. სექტემბერში. განსასჯელებს ბრალად ედებოდათ ოსმალეთისადმი მიმხრობა და რუსთა ჯარის წინააღმდეგ იარაღით მოქმედება. „მოწმეები - თითქმის ყველა სომხებია“ - შენიშნავდა გაზეთი.¹³² ქართული საქველმოქმედო საზოგადოების ინიციატივით, ბრალდებულთ იცავდნენ ცნობილი იურისტები: მ. ფაღავა, ი. მაჭავარიანი, ა. საყვარელიძე, ა. შუატი, გ. ანჯაფარიძე და გ. სახნოუსკი; ნაუციო ექიმები თბილისიდან ს. მესხიშვილი, ო. ბარათაშვილი, პ. გუდგენიშვილი, ნ. ქარცივაძე, გ. ანდრევი. ქართული პრესა სისტემატურად აშუქებდა სასამართლო სხდომებს. თანამომქმევა დასაცავად ფეხსე დაღდა ქართველი ხალხი.

უნდა შევნიშნოთ, სასამართლოს მიერ სიკვდილმისჯილები გადაურჩნენ სასჯელს, რაშიც მნიშვნელოვანი როლი შეასრულა კავკასიის ახალმა მეფისნაცვალმა, ხელმწიფე-იმპერატორის ბიძამ - ნიკოლოზ რომანოვიმ, რომელიც მისი წინამორბედისაგან განსხვავებით, ქართველი ხალხისადმი კეთილგანწყობით გამოირჩეოდა.

1915 წ. 4 ოქტომბერს ახალ მეფისნაცვალს წარუდგნენ ქართული საზოგადოებრივი და კულტურული ორგანიზაციების წარმომადგენლები. მათ სიტყვიერ მოხსენებაში¹³³ ფაქტებით იყო დასაბუთებული ქართველი მაჰმადიანთა „სახელმწიფო დალატში“ ბრალდების უსაფუძვლობა და მათი რუსეთის ხელისუფლებისადმი ლოიალობა. ამიტომ „აუცილებელია ბრალდების საკითხის უმოკლეს დროში გარკვევა და მთელი ხალხის უბრალოებაში დარწმუნების შემდეგ, სახელმწიფოებრივი აქტის საჯაროდ გამოქვეყნებით აჭარის მოსახლეობას უნდა მოეხსნას ეს მძიმე ბრალდება. ამასთან, უდანაშაულო მშვიდობიან მცხოვრებთ, რომლებიც შიშის გამო გადაიხვეწნენ, ან იძულებით გაიყოლიეს თურქებმა, უნდა მიეცეთ თავიანთ გაეყრანებულ კარმიდამოში დაბრუნების უფლება“. და თუ იყო მოწინააღმდეგის მხარესე გადასვლის ცალკეული ფაქტები, ეს თვით მთავრობის პოლიტიკის შედეგია, რადგან რუსეთის მთავრობა აჭარლებს თურქებად თვლიდა და ქართულ ენაზე სკოლებს არ უხსნიდა ამ მხრივ. მეტ ყურადღებას უთმობდნენ თურქულ და რუსულ ენაზე სწავლებას ეს კი

¹²⁹ იქვე, ს. 3193, ფურც. 224; იქვე, ფ. 1831, ან. 1, ს. 1, ფურც. 9.

¹³⁰ იქვე, ფურც. 7-8.

¹³¹ დ. გურუშიძე, ქველმოქმედება საქართველოში, ქუთაისი, 1993, გვ. 157.

¹³² გაზ. „საქართველო“, №102, 1915 წ.

¹³³ იხ. სცსსა, ფ. 13, ან. 27, ს. 3193, ფურც. 215-219.

საფუძეველს უმაგრებდა ოსმალეთიდან ჩამოსულ სასულიერო პირებს ექადაგათ პანისლაშიზმი და გაეღვივებინათ რელიგიური ფანატიზმი.

საჭიროდ ჩაითვალა აგრეთვე მაჰმადიან ქართველთა წარმომადგენლების შეხვედრა კავკასიის მეფისნაცვალთან, ამიტომ 1916 წ. 2 მარტს ბათუმიდან მატარებლით თბილისში ჩავიდა 20 კაციისაგან შემდგარი დეპუტაცია შემდეგი შემადგენლობით: ქობულეთიდან - ღრმად განათლებული სასულიერო პირი ისკენდერ ცივაძე, რეჯებ ნიჟარაძე (ბეგი, სოფ. ალამბრიდან), ყემბერ ხარაზი (მემამულე, სოფ. კომაროვსკიდან), რეჯებ შაშიკ-ოღლი (შაშიკაშვილი, მილიციის ოფიცერი, სოფ. ორთაბათუმიდან); მარადილიდან - ისაკ ხალვაში (აზნაური, სოფ. მარადილიდან), ჰაიდარ ბიბინ-ზადე (ბიბინიშვილი, ბეგი, სოფ. ერგუდან); ზემო აჭარიდან - თემურ ხიმშიაშვილი (ბეგი, სამხედრო მოსამსახურე, სოფ. სხალთიდან), ხასან ირემაძე (დღეგავციის უხუცესი წვერი, 85 წლის, სოფ. ღორჯომიდან), ჯაფარ მიქელაძე (გლეხი, სოფ. ნენიიდან); ქვემო აჭარიდან - ხუსეინ ბეჟანიძე (ბეგი, სოფ. ზენდილიდან, იმეამად სოფ. ცხმორისის მამასახლისი), ზეკერია შერვაშიძე (ბეგი, სოფ. ქედიდან), შუქრი თურმანიძე; შავშეთ-იმერხევიდან - ოსმან კურდიკიძე (ალბათ ქურციკიძე), თორუნ ფანჯიძე, ჰემზი ყუმაძე, შევეკეთ გოგორაძე, ასლან ჯიჯარაძე, შაჯი შაქრი ჩხეიძე, მოლა მამედ დოლიძე და არტანუჯიდან - შერიფ გეგელიძე.¹³⁴ დეპუტაციას თბილისში შეხვდა მემედ აბაშიძე, რომელიც ხელისუფლების მიერ ამ დროს ბათუმის ოლქიდან აღმინისტრაციული წესით იყო გასახლებული.

3 მარტს დეპუტაცია წარუდგა მეფისნაცვალ ნ. რომანოვს, მადლობა მოახსენა ყურადღებისათვის და სთხოვა უკან დაბრუნების ნება მიეცა საომარი მოქმედებების დროს ოსმალეთში გადახვეწილი მაჰმადიანი ქართველებისათვის, სამშობლოში დაბრუნებინათ მთავრობის მიერ გადასახლებულნი, მათ ადგილსამყოფელში არ ჩაესახლებინათ ჩამოსული პირები და შეღავათი მიეცათ მსჯავრდებულთათვის „მეფისნაცვალმა დეპუტატებს დიდის ყურადღებით მოუსმინა და შემწეობა აღუთქვა“.

დეპუტაცია შემდეგ ესტუმრა თავადაზნაურთა საკრებულოს, ქართველთა შორის წერა-კითხვის გამავრცელებელ საზოგადოებას (თავმჯდომარე გიორგი ყაზბეგი), ქართული განუთების რედაქციებს „და ყველას მადლობა გამოუცხადა დახმარებისათვის იმ განსაცდელის თაშის, რომელიც აჭარას დაატყდათ თავს“.

მაჰმადიან თანამომთა თბილისში ყოფნა დაემთხვა ქართული პოლიტიკური პრესის არსებობის 50 წლის იუბილეს. ამის აღსანიშნავად და ძვირფასი სტუმრების პატივსაცემად 4 მარტს გაიმართა დიდი ნადიმი, რომელსაც „დაესწრნენ ქართული ჟურნალ-გაზეთების და ქართველთა თითქმის ყველა წოდების და ხელობის 200-მდე წარმომადგენელი. ნადიმს თამაღობდა დამსახურებული მოღვაწე, გენერალი გ-ყაზბეგი, რომელმაც (XIX ს. - აეტ.) 70-იან წლებში თითქმის პირველმა გასდო ხიდი სამუსლიმანო და საქრისტიანო საქართველოს შორის. ქართველ მაჰმადიანთა მხრივ ნადიმზე გულში ჩამწვდომი სიტყვები წარმოთქვეს ხოჯა ისკენდერ ეფენდი ცივაძემ, რეჯებ-ბეგ ნიჟარაძემ და მემედ-ბეგ აბაშიძემ“. 5 მარტს ქართველ მაჰმადიანთა დეპუტაცია ბათუმს გამოემგზავრა.

ქართულ მაჰმადიანთა დეპუტაციის მეფისნაცვალთან შეხვედრის შემდეგ კამპანია „მოღალატეთა“ შესახებ, მართალია, შესუსტდა, მაგრამ არ შეწყვეტილა. გ.ა.ზ. „პეტერბურგსკიე ველომოსტის“ (№81, 1916 წ.) ცნობით: „19 აპრილს აჭარელთა საქმე ხელახლა გაირჩევა ბათუმში“. ქართული პრესა გულისწყრომით გამოეხმაურა ამ ინფორმაციას და იმედი გამოთქვა, რომ „ამით გათავებდებოდა უდანაშაულო აჭარელთა

¹³⁴ ი.არმათაიელი, ჩატეხალ ხიდზე. ჟურნ. „თეატრი და ცხოვრება“, №11, 1916 წ., გვ. 3-5.

საქმეების გარჩევა.¹³⁵

უსამართლოდ დასჯილ თანამემამულეთა დახსნას ცდილობდა ქართველი სამღვდელთაგან. მისი ინიციატივით არა მარტო შემოწირულობათა შეგროვება მიმდინარეობდა, არამედ 1915 წ. თებერვალში მოხერხდა საქართველოს რუსი ეგზარქოსის პიტირიმის ბათუმში ჩამოყვანა და მასთან აჭარველთა დეპუტაციის შეხვედრა ამან გარკვეული როლი შეასრულა „სახელმწიფო ღალატის“ ბრალდების განეიტრალებაში.¹³⁶

რუსეთის სამხედრო უწყების საგამომიებლო მანქანა „მოღალატეთა“ შესახებ ახალი საქმეების აღძვრას განაგრძობდა 1917 წლის თებერვლის რევოლუციის შემდეგაც. მაგალითად, ქუთაისის საოლქო სასამართლოს პროკურორის 9 მარტის ოფიციალური შეტყობინებით, მან განსაკუთრებით მნიშვნელოვან საქმეთა გამოძიებელ უსტინოვს მისცა განკარგულება დაეწყო წინასწარი ძიება ართვინის ოკრუგში მცხოვრებ 4 მაჰმადიანზე, რომლებსაც ბრალდებოდათ 1914 წ. ნოემბერში მოწინააღმდეგის მხარეს გადასვლა და „ჩეთუმი“ გაერთიანება.¹³⁷ კიდევ მეტი აღნიშნულ საქმეთა გამოძიებას ზედამხედველობდა პეტროგრადში მმართველ სენატთან შექმნილი საგანგებო საგამომიებო კომისია.¹³⁸

„მოღალატე“ მაჰმადიანთა შესახებ კამპანია ოფიციალურად შეწყდა მხოლოდ ამიერკავკასიის კომისარიატის 1918 წ. 26 იანვრის სპეციალური დადგენილებით. ეს ინიციატივა ეკუთვნოდა ამავე მთავრობის შინაგან საქმეთა კომისარს აკაკი ჩხენკელს.¹³⁹ ამ დადგენილების საფუძველზე, თავისუფლების აღკვეთის ადგილებიდან დააბრუნეს „სახელმწიფო ღალატის“ ბრალდებით 1915-1916 წლებში მსჯავრდებული 120-მდე კაცი ყარსისა და ბათუმის ოლქებიდან.¹⁴⁰

კოლმონიზაციის დასრულების ცდები. ქართველ მაჰმადიანთა ღალატში ბრალდების და რუსული რეპრესიებით შეშინებული მოსახლეობის ოსმალეთში გახიზნის შედეგად დაცარიელდა ვრცელი ტერიტორიები. ამით ცარიზმს მიეცა ხელსაყრელი შემთხვევა სისრულეში მოეყვანა ოსმალეთთან მოსახლეობის ყარსისა და ბათუმის ოლქების ერთგული ელემენტებით დასახლების ძველი გეგმა.

ჯერ კიდევ 1914 წ. 15 დეკემბერს გენერალ-გუბერნატორი ლიახოვი კავკასიის მეფინსაცვლის თანაშემწეს პეტერსონს სთხოვდა ნებართვას ოსმალთა უკანდახევის შემდეგ, ქვემო აჭარის მცხოვრებლების მიერ მიტოვებულ სოფლებში ჩაესახლებინათ ომის დასაწყისში ბათუმში თავშეფარებული რუსული მოსახლეობა. ამასთან, იძლეოდა წინადადებას რუსეთის ჯარების მიერ მომავალში განთავისუფლებულ რაიონებშიც ჩაესახლებინათ რუსები, სომხები და ბერძენები,¹⁴¹ ხოლო 29 დეკემბერს უკვე ითხოვდა 200-300 რუსულ კომლს ჭოროხის დელტაში დასახლებლად.¹⁴²

1915 წ. 10 იანვარს მეფინსაცვლის ხელისუფლებამ გამოსცა განკარგულება სამხედრო მოქმედების ადგილებში მცხოვრები მოღალატე პირების ქონების ჩამორთმევისა და ხაზინისათვის გადაცემის შესახებ.¹⁴³

1915 წლის 28 აპრილს რუსეთის მინისტრთა კაბინეტმაც სპეციალურად განი-

¹³⁵ გაზ. „საქართველო“, № 89, 1916.

¹³⁶ ა.წულაძე, მშური სიტყვა, გვ. 46; გაზ. „სახალხო ფურცელი“, №207, 1915.

¹³⁷ სცსსა, ფ. 114, ან. 3, ხ. 3, ფურც. 2.

¹³⁸ იქვე, ფურც. 7.

¹³⁹ იქვე, ფურც. 23.

¹⁴⁰ იქვე, ხ. 5, ფურც. 1-188.

¹⁴¹ სცსსა, ფ. 13, ან. 27, ხ. 3193, ფურც. 72.

¹⁴² იქვე, ხ. 3963, ფურც. 1.

¹⁴³ სცსა, ფ. 1, ან. 1, ხ. 725, ფურც. 1.

ხილა ეს საკითხი და დაადგინა ოსმალეთში გახიზნულთა და დაღატაში დამნაშავედ ცნობილ პირთათვის რუსეთის იმპერიის მოქალაქეობის ჩამორთმევა და მათ სარკებლობაში მყოფ მიწებსე რუსი სამხედროების დასახლება.¹⁴⁴

ბათუმის და ყარსის ოლქების კოლონიზაციის ცარიზმისეული გეგმების თავის სასარგებლოდ გამოყენების პერსპექტივა შეექმნა ციურ სომხობასაც. ამიტომაც, როგორც ზემოთ უკვე აღვნიშნეთ, მათ გააძლიერეს ცილისმწამებლური დასრენები და ძალადობა მეზობელ მაჰმადიანურ მოსახლეობაზე.

ქართული კულტურულ-საგანმანათლებლო დაწესებულებების წარმომადგენლები 1915 წ. 4 ოქტომბერს კავკასიის მეფისნაცვალ ნ. რომანოვისადმი წარდგენილ მოხსენებაში შენიშნავენდნ „როგორც კი დაიწყო თურქეთთან ომი, ოლქში მოსულმა მოვაჭრე მოსახლეობამ, რომლებსაც ადგილობრივი მკვიდრი ეკონომიკურად დამონებული ჰყავთ და ცდილობენ მათ გაძევებას მამა-პაპისეული მიწა-წყლიდან, დაიწყეს მუსლიმანების დასმენა. მართალია, არც ერთი მათგანი არ დადატურდა, მაგრამ მათ მაინც შეძლეს გამოეწვიათ სამხედრო უფროსობის უნდობლობა მაჰმადიანებისადმი. შედეგად ბათუმის გამაგრებული რაიონის ყველა სოფლიდან ომის დასაწყისშივე გაასახლეს მაჰმადიანური მოსახლეობა, მათი მეზობელი სომხები და ბერძნები კი დატოვეს.

...ახლა კი ხელისუფლების დაუდევრობითა და ბოროტგანმზრახველი პირებისა და ჯგუფების მოქმედებით, რომლებსაც სურთ თავიდან მოიშორან აჭარლები, რათა დაეუფლონ მათ მიწებს, შექმნეს სურათი, თითქოსდა, საერთო ღალატის შესახებ“.¹⁴⁵

სამხრეთ-დასაელეთ საქართველოს კოლონიზაციის რუსული გეგმის ერთ-ერთი ვარიანტი ითვალისწინებდა ადგილობრივი მოსახლეობის აყრა-გადასახლების მზაკერული ჩანაფიქრის განხორციელებას ქრისტიანი ქართველების ხელით. ამიტომ თბილისის და ქუთაისის გუბერნიებში ჩამოყალიბებულ ქართველ მოხალისეთა ათასეულებს¹⁴⁶ კავკასიის მთავარსარდლობამ მისცა შესაბამისი განკარგულებაც: „ამ დრუჟინებმა, კახაკებთან ერთად, უნდა აყაროთ მთელი აჭარის მოსახლეობა და გადარეკოთ ოსმალეთში, და, როცა გათავებება ომი, განთავისუფლებული ადგილები მიეკუთვნება იმერეთის მცირემიწიან მოსახლეობას დასასახლებლად“.¹⁴⁷

ამ უმეცალოთოდ ვერაგული და პროვოკაციული პოლიტიკის გამო ქართველმა საზოგადოებამ ისეთი ცეცხლი დაანთო, რომ ცარიზმი იძულებული გახდა საერთოდ უარი ეთქვა თავის ბოროტ განზრახვაზე. ქართველ მოხალისეთა ათასეულებმაც ღირსეულად შეასრულეს საზოგადოების დავალება და რუს კახაკთა დარბევა-აწიოკებისაგან დაიცვეს ქართველი მუსლიმანები და მათი სოფლები.¹⁴⁸

მაჰმადიან თანამოქმეთა ხსნა სრულიად ქართველთა დიდი გამარჯვება იყო. „არ არის აჭარაში არც ერთი კუთხე, არც ერთი კუნჭული, რომ ღოცვა-კურთხევით არ იხსენიებდნენ ქართველებს მათი მზრუნველობისათვის ამ დიდმა ჭირმა აგეიხილა თვალი და დაგვიმტკიცა, რომ ქართველები ნამდვილი ჩენნი მშები ყოფილან, უბედურებაში მოგვხედეს და დაგვიფარეს“.¹⁴⁹ მემედ აბაშიძე მადლიერებით წერდა როცა მოღალატის სახელი გვიწოდეს და სახრჩობელაზე გვეზანინდნენ, როცა ჩენნი

¹⁴⁴ სცსსა, ფ. 13, ან. 27, ს. 3193, ფურც. 212-213.

¹⁴⁵ იქვე, ფურც. 215-217.

¹⁴⁶ რეგამეზილი, მოგონებები. ქართული ემიგრანტული ლიტერატურა „დაბრუნება“, წ. III, თბ., 1992, გვ. 153-155; აგრეთვე ლასნიკიძე, შესაბამ დასის საქართველო, თბ., 1989, გვ. 250-252.

¹⁴⁷ რეგამეზილი, მოგონებები... გვ. 154.

¹⁴⁸ დ. ვანაძე, სამშობლოს სამახურში (მოგონებანი), ქართულ-ვერობული ინსტიტუტის ეურნ. „ივერია“, თბ., პარიზი, 1992, №1, გვ. 126.

¹⁴⁹ ანგარაში ქართული საქველმოქმედო საზოგადოების მოქმედებისა 1915 წელს, თბ., 1916, გვ. 12.

სახლ-კარი გადაწვეს და გადასახლება მოგვინდომეს, რათა იქ უცხოელები დაესახლებინათ, „მთელი ქართველი ერი აღსდგა და დაემუქრა თვითმკურობელობას“ - თუ ეს გაგიბედნიათ, ჩვენ აუჯანყდებით და შესაფერ პასუხს გაგცემით.¹⁵⁰

სამუსლიმანო საქართველოში ჯერ თურქთა ხანგრძლივმა ბატონობამ, ხოლო შემდეგ ცარიზმის რუსიფიკატორულმა და ანტიქართულმა პოლიტიკამ განსახდერა ადგილობრივი მოსახლეობის კულტურული ჩამორჩენილობა ამ ნიადაგზე გაჩნდა ერთიანი ქართული სხეულისაგან განსხვავება-განცალკევებულობის ილუზია. საჭირო იყო გაუფხოვების ამ ბურუსის გაფანტვა და მაჰმადიანი ქართველის ცნობიერების ისევ ქართულ სამყაროში დაბრუნება.

ამ მხრივ უადრესად საყურადღებოა „ქართველთა ეროვნული გამოფხიზლების მოციქულის“ კ. აბაშიძის მიერ ჯერ კიდევ 1914 წ. 6 ივნისს „ბათუმის გასუოში“ გამოქვეყნებული წერილი „საგულისხმო პროტესტი“, რომელშიც ნათქვამია: „ჩვენ გეაურთებს საერთო ეროვნება, ენა, ლიტერატურა და ეროვნული ინტერესები, რომელთა მიუწინააღმდეგეობა და დაიწვევა იქნებოდა ჩვენი კულტურულად დაბეჭავების, გადაგვარებისა და მოსპობის მომასწავებელი“.¹⁵¹

§4. ბათუმის ოლქი 1917 წლის თებერვლის რევოლუციის შემდეგ

სამხარეთო მმართველობის ორბანოზაციის ორხელისუფლებიანობა. 1917 წ. იანვარ-თებერვალში პეტროგრადში განვითარებულმა მძლავრმა სახალხო მოძრაობამ რომანოვენი აიძულა უარი ეთქვათ საიმპერატორო ტახტზე. 2 მარტს ჩამოყალიბდა რუსეთის ახალი ხელისუფლება - დროებითი კოალიციური მთავრობა (თამაჯდომარე გ. ლეოვი, შემდეგ ა. კერენსკი), მაგრამ მისი საქმიანობა შეზღუდული იყო პეტროგრადის მუშათა და ჯარისკაცთა დემუტატების საბჭოს (თამაჯდომარე კარლო ჩხეიძე) კონტროლით. ასე დამყარდა ერთმანეთში გადახლართული ორხელისუფლებიანობა მსგავსი ვითარება შეიქმნა საქართველოშიც.

დროებითმა მთავრობამ გააუქმა კავკასიის მეფისნაცვლის ინსტიტუტი, შეამცირა ამ ერთცელი საგამგეო ერთეულის საზღვრები და ის მხოლოდ ამიერკავკასიით შემოფრცხლა.¹⁵² მისი მართვა-გამგეობისათვის 9 მარტს შექმნა კოლეციური მმართველობის ორგანო - ამიერკავკასიის განსაკუთრებული კომიტეტი (რუსული შემოკლ. „ოზაკომი“)¹⁵³ და შესაბამისი რწმუნებით თბილისში გამოავსაენა.

თებერვლის რევოლუციის დღეებში დაიწყო მუშათა და ჯარისკაცთა დემუტატების საბჭოების შექმნა ამიერკავკასიის ქალაქებში, მათ შორის ბათუმშიც. ყველაზე

¹⁵⁰ ვაზ. „სამუსლიმანო საქართველო“, №295, 1920.

¹⁵¹ კ. აბაშიძე, წერილები, თბ., 1963, გვ. 80.

¹⁵² კავკასიის სამეფისნაცვლოში გარდა ამიერკავკასიის გუბერნიების (ბაქოს, ელისავეტოპოლის, ერევნის, თბილისის და ქუთაისის), ოლქებისა (ბათუმისა და ყარსის) და ოკუპაციის (ზაქათალის და სოხუმის), აგრეთვე, შედიოდა მთელი ჩრდილოეთ კავკასიაც. კერძოდ, შავი ზღვის გუბერნია (ცენტრით ნოვოროსისკში), დაღესტნის, თურჯის და ყუბანის ოლქები. კავკასიის სამეფისნაცვლოში, რომლის საერთო ფართობი შეადგენდა 386 ათასამდე კმ², 1916 წ. ცხოვრობდა 12, 3 მილიონამდე სული, ხოლო „ოზაკომის“ გააშუქვლობაში დატოვებული ამიერკავკასიის ფართობი იყო 195 ათასამდე კმ²; მოსახლეობა კი 7 მილიონამდე, მათგან 900 ათასამდე დროებითი მცხოვრებთა კატეგორიის ეკუთვნოდა.

¹⁵³ „ოზაკომის“ შემადგენლობაში შევიდნენ IV სახელმწიფო სათათბიროს დემუტატატა: კადეტები - გ. ხარლამოვი (თამაჯდომარე) და მ. შაჰაჯანიოვი, მუსკატატი - მ. ჯაფაროვი, ბ. პერვერზევი, სოციალისტ-ფედერალისტ - კ. აბაშიძე, რომელიც ავადმყოფობის გამო შეცვალა სოციალ-დემოკრატმა ა. ჩხეიძემ.

ავტორიტეტული იყო თბილისის მუშათა დეპუტატების საბჭო. სწორედ ეს ორგანო მართავდა ამიერკავკასიის „ოზაკომის“ თბილისში ჩამოსვლამდე (18 მარტი).

თბილისის დეპუტატების საბჭოს ხელმძღვანელობაში მყოფმა თვალსაჩინო ქართველმა პოლიტიკოსებმა დაიწყეს ამ მხარეში ხელისუფლების რეორგანიზაცია. მათ სამხარეო და ადგილობრივი ხელისუფლების ყველაზე უფრო მისაღებ ორგანოდ მიიჩნიეს „აღმასრულებელი კომიტეტი“, რომელიც უნდა შემდგარიყო პარტიებისა და სასოგადოებრივი ორგანიზაციების წარმომადგენლებისაგან კოალიციურ პრინციპზე. 15-კაციანი ასეთი წარმომადგენლობითი ორგანო თბილისში აირჩიეს 6 მარტს. შემდეგ აღმასკომები შეიქმნა სხვა ქალაქებში, მასურებსა და სასოფლო თემებში. ბათუმის საოლქო აღმასკომის თავმჯდომარედ 1917 წ. 28 მარტს აირჩიეს ევგენი კრინიციკი. ბათუმის აღმასკომის ბეჭდვითი ორგანო იყო გას. „დენ სეობრიდი“, რომელიც 1917 წ. 15 აპრილიდან იმავე წლის ნოემბრამდე გამოიცემოდა ყოველდღიურად. გასეთს რედაქტორობდა სოციალ-დემოკრატი გრ. სოლორაშვილი.

18 მარტს თბილისში შეიკრიბა ამიერკავკასიის აღმასრულებელი კომიტეტების I ყრილობა, რომელმაც „ოზაკომის“ ნების წინააღმდეგ მიანიც აირჩია „სამხარეო აღმასრულებელი კომიტეტი“. უნდა აღინიშნოს, რომ საბჭოები ამიერკავკასიაში არ მიისწრაფოდნენ ძალაუფლების დაპყრობისაკენ – ისინი თავიანთი მოღვაწეობის უმთავრეს მიზნად თვლიდნენ თებერელის რევოლუციის მონაპოვართა დაცვას. ამიტომ მათ ნდობა გამოუცხადეს დროებითი მთავრობის მიერ გაამოკლებილ სამხარეო ხელისუფლებას. თუმცა სოციალ-დემოკრატიულ პრესაში არაერთხელ დაიბეჭდა „ოზაკომის“ კრიტიკა, რადგან მისი შემადგენლობა და პრაქტიკული საქმიანობა მთლიანად ვერ გამოხატავდა დემოკრატიის ინტერესებს.¹⁵⁴

ძალაუფლების აღებისთანავე „ოზაკომმა“ ამიერკავკასიის მოსახლეობას მიმართა მოწოდებით – შეენარჩუნებინათ სიმშვიდე და დალოდებოდნენ დამფუძნებელ კრებას, რომელიც დემოკრატიულ საფუძველზე გადაწყვეტდა ცხოვრებაში დაგროვილ მწვავე სოციალურ-ეკონომიკურ და პოლიტიკურ პრობლემებს. მანამ კი თავად „ოზაკომი“ კისრულობდა „მოეწყო ახალი წესრიგი ადგილობრივი პირობების და საჭიროებების შესატყვისად“.

დაპირების მიუხედავად, „ოზაკომმა“ თითქმის ხელუხლებლად შეინარჩუნა ძველი მმართველობის ბიუროკრატიული აპარატი. დამატებით ჩამოაყალიბა ახალი ორგანოებიც სხვადასხვა კომისიის სახით, რომლებიც მხოლოდ პროექტების განხილვას გადაყენენ და მდგომარეობის შესაცვლელად ღირებული პრაქტიკული ღონისძიებები არც გაუტარებიათ.

„ოზაკომის“ უშუალო ხელქვეითი პირები იყვნენ გუბერნიის, ოლქის და მასრის კომისრები. თავდაპირველად მათთან თანამშრომლობდნენ საბჭოების ინიციატივით შექმნილი ადგილობრივი „აღმასრულებელი კომიტეტებიც“, მაგრამ არადემოკრატიულ (დანიშნად) საფუძველზე მოწყობილი კომისრების ხელისუფლება მალე წინააღმდეგობაში მოექცა აღმასკომებთან. მით უმეტეს, რომ კომისრის თანადგეობაზე ბევრგან მოხედნენ ძველი ჩინონიკები.

1917 წ. სექტემბერსა და ოქტომბერში თბილისში გამართულ ამიერკავკასიის სა-გუბერნიო კომისრების და გუბერნიის რწმუნებულთა ყრილობებზე კომისრები ჩიოდნენ კონფლიქტებზე აღმასრულებელ კომიტეტებთან და გუბერნიებში გამეფებული ანარქიის აღსაკეუთად მოითხოვეს ერთპიროვნული ხელისუფლების დამყარება.¹⁵⁵

¹⁵⁴ ვ. ვერულო, მ. გაჩიანი, ქართული სოციალ-დემოკრატიის ისტორია, თბ., 1999, გვ. 283-284.

¹⁵⁵ აკ. სურგულაძე, საქართველოს ბარტული ორგანიზაციები მასების სათავეში. საქართველოს ისტორიის ნარკვევები, ტ. IV, გვ. 466-468.

„ოზაკომიც“ ესწრაფებოდა ერთპიროვნულ ხელისუფლებას, მით უმეტეს, რომ ასეთი პოლიტიკური აქტი პეტროგრადში უკვე განხორციელდა 1917 წ. 4 ივლისის დემონსტრაციის გარეკის შემდეგ, მაგრამ ამიერკავკასიაში დემოკრატიული ძალების დიდი გავლენის გამო, მთავრობამ დეკრეტების საბჭოების და აღმასკომების განდევნა ვერ გაბედა. იგი იმით დაკმაყოფილდა, რომ მითითება მისცა თავის რწმუნებულებს გუბერნიებსა და მაზრებში არ გაეწიათ ანგარიში ადგილობრივი საბჭოებისა და აღმასკომებისათვის და შეეხრულებინათ მხოლოდ დროებითი მთავრობის განკარგულუბები.

რუსეთის დროებით მთავრობას მძიმე მემკვიდრეობა ერგო წილად: გახრწნილი სამოხელეო აპარატი, რთული ფინანსური მდგომარეობა და საგარეო ვალები, თითქმის განადგურებული მეურნეობა, რევოლუციით და ორხელისუფლებიანობით წარმოქმნილი ანარქია და უწყისობა.

რუსეთის დაცარიელებული ხაზინა უკვე უშუალოდ ფრონტის საჭიროებებისაკენ ევლარ აკმაყოფილებდა მდგომარეობის გამოსწორება მთავრობამ სცადა „თავისუფლების სესხის“ გამოშვებით, მაგრამ უკიდურესად მძიმე მდგომარეობაში ჩაუარდნილ მოქალაქეებს სახელმწიფოსათვის დახმარების გაწევა ნაკლებად შეეძლოთ. გადაწყდა არაპირდაპირი სამხედრო დანიშნულების ხარჯების შემცირება. იგი შეეხო ბათუმ-ტრაპიზონის მშენებარე რკინიგზასაც.

1917 წ. 1 აპრილს თბილისში ვ. ხარლამოვის ინიციატივით მოწვეულ სამხედრო და სამრეწველო წრეების წარმომადგენელთა თათბირზე იმსჯელეს ბათუმ-ტრაპიზონის რკინიგზის მშენებლობის შემდგომი გაგრძელების მიზანშეწონილობის საკითხზე. თათბირზე ითქვა, რომ შექმნილი მდგომარეობის გამო მეტად უფრხლედოდა ობიექტის მომარაგება სამშენებლო მასალებით. ამასთან, ლაზეთის სანაპირო სოფლის რთული რელიეფის გამო რკინიგზის გაყვანა ძალზე ძვირი იყო. აქედან გამომდინარე, თათბირმა დაადგინა „მშენებლობის დაუყოვნებლივ შეჩერება“. სანაცვლოდ, არმიის მომარაგებისათვის, საჭიროდ ჩაითვალა ბათუმ-ტრაპიზონს შორის საზღვაო-საკაბოტაჟო მიმოსვლის გააღვივება. ამიტომ, გადაწყდა ტრაპიზონში პორტის მშენებლობის დაჩქარება. დაადგინეს ამავე მიმართულებით საავტომობილო გზის მოწყობაც.¹⁵⁶

თებერვლის რევოლუციამ ხალხს ვერ მოუტანა დაპირებული ცხოვრების პირობების გაუმჯობესება წარმოების საშუალებები კვლავ ძველ მფლობელებს დარჩათ. ომით გამოწვეული სამეურნეო ნგრევა 1917 წ. კიდევ უფრო გააღრმავდა დაიხურა ბევრი ფაბრიკა-ქარხანა, უმუშევართა რიცხვს შეემატა ათასობით მუშა-მოსამსახურე.

არანაკლებ მძიმე მდგომარეობა იყო სოფლად. მართალია, „ოზაკომმა“ გააუქმა დროებითვალდებულ გლეხთა გამოსასყიდი გადასახადი და შეამცირა ნატურალური იჯარა მიწათსარგებლობისათვის, მაგრამ ამას მდგომარეობა არ განუმუხტავს გლეხობა სულ უფრო ენერგიულად მოითხოვდა მიწების საკუთრებაში გადაცემას მთავრობა და საბჭოები მათ განუმარტადენენ, რომ მიწის საკითხს გადაწყვეტდა სრულიად რუსეთის დამუშავებელი კრება, რომლის არჩევნებიც შემოდგომაზე უნდა შემდგარიყო. ცხადია, საერთო ანარქიის პირობებში გლეხების შეჩერება შეუძლებელი გახდა და „მიწების დატაცებამ ძიილო მასობრივი ხასიათი“. თავდაპირველად გლეხობამ სახაზინო მიწებს შეკბედა (ასე იყო, მაგალითად, ჩაქვის ყოფილ საუფლისწულო მამულში), შემდეგ დაიწყო კერძო მფლობელობაში არსებული მიწების დატაცება ამან კიდევ უფრო დააძაბა ქვეყნის შიგნით ისედაც მძიმე სოციალური მდგომარეობა.

¹⁵⁶ მ. სიორიძე, რკინიგზის მშენებლობა ლაზეთში 1916-1917 წლებში - ბათუმის ნ. ბერძენიშვილის სამეცნ.-კვლევითი ინსტიტუტის შრომები, IV, ბათ., 2005, გვ. 77-84.

დროებით მთავრობას არაფერი გაუკეთებია ეროვნული საკითხის გადაჭრისათვისაც. ამიტომ ეროვნული მოძრაობა განაპირა მხარეებში კიდევ უფრო გააქტიურდა. საქართველოს პოლიტიკურმა პარტიებმა ამ საკითხზეც წარმოადგინეს საკუთარი პროგრამები და შეუდგნენ მის პრაქტიკულად განხორციელებას.¹⁵⁷

საქართველოს სოციალ-დემოკრატებმა, ეროვნულ-დემოკრატებმა და ფედერალისტებმა მოქმედების ერთიანი პროგრამის შესამუშავებლად 1917 წ. აგვისტოში შექმნეს „ინტერპარტიული საბჭო“. მან ერთიანი დელეგაცია გაგზავნა პეტროგრადში დემოკრატიულ თათბირზე. ქართველი ხალხის მოთხოვნებით გამოსვლა დაეკლდა სოციალ-დემოკრატ აკაკი ჩხენკელს თათბირის ტრიბუნიდან მან განაცხადა, რომ ქართველ ხალხს, მის პოლიტიკურ პარტიებს ეროვნულ საკითხში უკვე აქვთ საერთო აზრი და მოითხოვენ საქართველოს ეროვნულ-ტერიტორიული ავტონომიის აღდგენა 1783 წ. გეორგევსკის ტრაქტატის საფუძველზე.

* * *

ორხელისუფლებიანობამ ყველა პოლიტიკურ ძალას შეუქმნა პერსპექტივა გარდამავალი პერიოდი გამოეყენებინა თავის სასარგებლოდ. ამ მხრივ ნიშანდობლივია სოციალისტური პარტიების საქმიანობა. მათი მიზანი იყო მუშათა და გლეხთა მასებში ერთპიროვნული გაელენის მოპოვება და სახელმწიფო ხელისუფლების სათავეში გასვლა.

საქართველო ძირითადად გლეხური და წერილობრივუაზიული ქვეყანა იყო. მოსახლეობის პროლეტარული ნაწილისაგან განსხვავებით, რომელიც „რევოლუციაში არაფერს კარგავდა გარდა საკუთარი ბორკილებისა“ (კ.მარქსი), გლეხობა, თავისი ბუნებით და ცხოვრების წესით, მესაკუთრული ფსიქოლოგიისაა. ამდენად, მას აფრთხობდა დამკვიდრებული სტრუქტურის რევოლუციურად შეცვლისა და მასში მონაწილეობის პერსპექტივა. ეს იყო ერთი მთავარი ფაქტორი, რომ ბოლშევიზმმა საქართველოში, ქვეყნის იძულებით გასაბჭოებამდე, ფეხი მყარად ვერ მოიკიდა. სამაგიეროდ, განმტკიცდა სოციალ-დემოკრატების გავლენა, რომლებიც არ იზიარებდნენ მემარცხენე რადიკალიზმს და რეფორმისტული გზით ფიქრობდნენ სოციალიზმის განხორციელებას შემდგომში, მსოფლიო გამოცდილებამ აჩვენა ამ მიმართულების სისწორე და პრაქტიკულობა.

სოციალ-დემოკრატებს და ესერებს მსხვილი ორგანიზაციები ჰქონდათ ბათუმშიც. 1917 წ. 4 ივლისს პეტროგრადში დემონსტრაციის დარბევისა და დროებითი მთავრობის ერთხელისუფლებიანობის დამყარების საპროტესტოდ და თებერვლის „რევოლუციის მონაპოვრების“ დასაცავად, ორივე პარტიამ 13 ივლისს ბათუმში, აზიზიეს მოედანზე, მოაწყო გრანდიოზული გაერთიანებული მიტინგი. სიტყვებით გამოვიდნენ: სოციალ-დემოკრატი - დ. მგელაძე, ესერი ლეენინი, ჯარისკაცთა დეპუტატების საბჭოდან ლეენისკი, მუშათა დეპუტატების საბჭოდან - გ. ანჯაფარიძე.¹⁵⁸

გარდა ამისა, დემოკრატიულმა ძალებმა, ჩანს, ჩათვალეს, რომ შეიქმნა სამხედროების ხელში ძალაუფლების გადასვლის საშიშროება. ამიტომ ბათუმის მუშათა და ჯარისკაცთა დეპუტატების საბჭომ გადაწყვიტა თავისი წარმომადგენლები წარგზავნა ბათუმის გამაგრებული რაიონის კომენდანტის თანაშემწეებად. შიერჩა კანდიდატურებიც: მატროსთაგან - პერეშევილი და ჯარისკაცთაგან - ჯიბლაძე.

¹⁵⁷ უსიღამონიძე, საქართველოში ბურჟუაზიულ-დემოკრატიული მოძრაობისა და სოციალისტური რევოლუციის გამარჯვების ისტორიოგრაფია, თბ., 1970, გვ. 186-211; ა. ბენდანიშვილი, ეროვნული საკითხი საქართველოში 1801-1921 წწ., თბ., 1980, გვ. 205-209.

¹⁵⁸ გაზ. «День свободы», №85, 1917 г.

საბჭომ ამის თაობაზე 18 იელისს ოფიციალურად მიმართა მიხეილის სიმაგრის კომენდანტს. ეს უკანასკნელიც იძულებული გახდა ორივე პირი სათანადო ბრძანებით დაენიშნა თავის თანაშემწეებად.¹⁵⁹

ბათუმში მოქმედი პოლიტიკური ძალებისაგან პარტიული რიგების შევსების თვალსაზრისით ყველაზე ნაყოფიერი იყო სოციალ-დემოკრატიული პარტია 1917 წ. მარტში მას აქ უკვე 1200-მდე წევრი ჰყავდა ამიტომ დაისვა ცალკე ბათუმის კომიტეტის დაფუძნების საკითხი. მარტის შუა რიცხვებში შეიქმნა საორგანიზაციო ბიურო გრიგოლ სოლორაშვილის თავმჯდომარეობით. დამფუძნებელი კრება შედგა 3 აპრილს. მას ესწრებოდა 400-მდე წევრი. კრების პრეზიდიუმში აირჩიეს ალ. შატილოვი (თავმჯდომარე), გრ. სოლორაშვილი და გ. ანჯაფარიძე (მოადგილეები), კ. გოგოლაძე და ო. რამიშვილი (მდივნები).

ორგანიზაციულ საკითხებზე მოხსენებით გამოვიდა გრ. სოლორაშვილი, რის შემდეგაც კრებამ აირჩია რსდმპ ბათუმის გაერთიანებული კომიტეტი. აპრილის შუა რიცხვებში ამ კომიტეტთან შეიქმნა პროპაგანდისტთა კოლეგია, რომელსაც ჰყავდა თავისი ხელმძღვანელი ბიურო.

სოციალ-დემოკრატიული ორგანიზაცია ისე სწრაფად გაიზარდა, რომ საჭირო გახდა ქალაქ ბათუმში ხუთი რაიონული ორგანიზაციის დაარსება, საპოლიციო უბნების მიხედვით. გარდა ქალაქისა, ოლქში არსებობდა კიდევ ოთხი რაიონული ორგანიზაცია - ქობულეთში, ჩაქეში, კვარცხანასა და ძანსულში. 1917 წ. სექტემბრისათვის სოციალ-დემოკრატიული პარტიის წევრთა რიცხვი მთელს ბათუმის ოლქში 8 ათასამდე აღწევდა.¹⁶⁰

1917 წლის ოქტომბრის პირველ ნახევარში რსდმპ ბათუმის კომიტეტთან შეიქმნა აგრეთვე ახალგაზრდა სოციალ-დემოკრატთა ერთიანი ორგანიზაცია, რომელშიც წამყვანი ადგილი ეკავათ ბათუმის ვაჟთა გიმნაზიის მოწაფეებს.¹⁶¹ მათი მეთაურობით 6-7 ოქტომბერს მოხდა გიმნაზიელთა გაფიცვა, რომელმაც მოითხოვა ძველი რევიმის მასწავლებლების გიმნაზიიდან დათხოვნა და პედაგოგიურ საბჭოზე მოსწავლეთა წარმომადგენლების დასწრება. გაფიცულებმა მიზანს მიაღწიეს.¹⁶²

ასევე მრავალრიცხოვანი იყო ესერების ადგილობრივი ორგანიზაცია. თებერვლის რევოლუციის დღეებში იგი 70-მდე წევრს აერთიანებდა, ხოლო იმავე წლის მაისისათვის 1500-მდე გაიზარდა ორგანიზაციის ასეთი ზრდა ძირითადად, ჯარისკაცების გაწვევრიანებით მოხდა. ესერების ბათუმის კომიტეტის თავმჯდომარე 1917 წ. მაისამდე იყო პიტოვეის ქარხნის მთავარი ინჟინერი ა. ბულგაკოვი, შემდეგ - ა. ლევინი.¹⁶³

თებერვლის რევოლუციით მიღებული თავისუფალი პოლიტიკური მოღვაწეობის უფლება კარგად გამოიყენეს ბოლშევიკებმაც. თავდაპირველად ისინი მთელს ამიერკავკასიაში იმდენად სუსტნი იყვნენ, რომ იძულებულნი გახდნენ 1906 წლიდან - 1917 წ. შუახანებამდე მენშევიკებთან ერთად გაერთიანებულნიყვნენ სოციალ-დემოკრატიულ

¹⁵⁹ Борьба за победу Советской власти в Аджарии, Документы и материалы (1917-1921 гг.), док. №23, с. 59.

¹⁶⁰ ბ. ცეციტიანი, აჭარის კომუნისტური ორგანიზაციის ისტორიიდან, (1917-1922), ბათ., 1973, გვ. 13-15.

¹⁶¹ Газ. «День свободы», №155, 1917. ბათუმელი გიმნაზიელების სოციალ-დემოკრატიული ორგანიზაცია იმდენად ძლიერი იყო, რომ ყოველკვირულად უშვებდა ფურნალს „ზა სობოდუ“ (Газ. «День свободы», №28, 1917). ამასთან, 1917 წ. ზაფხულში, ბათუმის აღმასკომის თხოვნით, კავკასიის ფრონტის ჯარისკაცებს გაუთვანა დროებითი მთავრობისა და მისი ადგილობრივი ორგანოების მიერ გამოცემული 4600 ცალამდე გაუთითა 1000 ცალზე მეტი ბროშურა (Газ. «День свободы», №120, 1917).

¹⁶² გაზ. „ერთობა“, №171, 1917.

¹⁶³ Газ. «День свободы», №28, 1917.

ორგანიზაციებში.¹⁶⁴

ბათუმელი ბოლშევიკები მენშევიკებს გამოეყენენ 1917 წ. ივნისში, გაფორმდნენ დამოუკიდებელ ორგანიზაციად და აირჩიეს საორგანიზაციო ბიურო ს. განშინის თავმჯდომარეობით. მცირერიცხოვნების მიუხედავად, ბათუმის ბოლშევიკური ჯგუფი, ორგანიზაციულად, საკმაოდ მობილურ ძაღას წარმოადგენდა. პროპაგანდის ეფექტურობისათვის დაეგმეს საჯარო ლექციები მიმდინარე საკითხებზე, პეტროგრადიდან გამოიწერეს ბოლშევიკების ცენტრალური გაზეთი „პრავდა“ და შექმნეს საგამომცემლო სექცია.¹⁶⁵ ამასთან, აქცენტი გადაიტანეს სამხედროებზე, რომელთა რაოდენობა ბათუმში ყოველდღიურად მატულობდა ტრაპიზონის ფრონტის დაშლის კვალობაზე.

ბათუმელი ბოლშევიკები ცდილობდნენ ახალგაზრდობის მიზიდვასაც. ამ მიზნით გამოეყენეს „საინიციატივო ჯგუფიც“ (ჟ. ბერძენიშვილი, ი. ანასტასიანი, ლ. ჩანტლაძე), მაგრამ ახალგაზრდობაში სოციალ-დემოკრატების გაუღელის გამო ეს ამოცანა კარგა ხანს ვერ განხორციელდა. მხოლოდ 1917 წ. ოქტომბერში მოხერხდა მცირერიცხოვანი ორგანიზაცია „სპარტაკის“ ჩამოყალიბება და ისიც „ახალგაზრდა მარქსისტთა“ ორგანიზაციიდან გადმოხიზულთა ხარჯზე.¹⁶⁶

1917 წ. ზაფხულში ბოლშევიკური ორგანიზაცია შეიქმნა ჰ. ართენიშიც. მისი ორგანიზატორები იყვნენ ჰ. დანელიანი, გ. გურჯიანი და გ. კახანჯიანი. მათი აგიტაციით ორგანიზაციაში შევიდა ართენის სკოლის რამდენიმე უფროსკლასელიც (გრ. ზაქარაიანი, გ. ახნაურიანი, ს. უჩინიანი და სხვ.).¹⁶⁷

ქართველ სოციალ-დემოკრატებს, ბათუმის ოლქში დიდი გავლენის მიუხედავად, ჰ. ართენში ორგანიზაცია არ ჰქონდათ. ეს, პირველ ყოვლისა, გამოწვეული იყო იმ დროისათვის ამ ქალაქში ქართული მოსახლეობის სიმცირით.¹⁶⁸ აქ კომპაქტურად მცხოვრებ სომეხთა უმეტესობა კი იმყოფებოდა ნაციონალისტური სომხური პარტიის - „დაშნაკუტუნის“ - გავლენის ქვეშ.

კავკასიელი ბოლშევიკების გააქტიურების შემდეგი ეტაპი იყო პარტიის VI ყრილობა, მის მიერ დაგეგმილი ოქტომბრის სახელმწიფო გადატრიალება და ლენინის მეთაურობით რუსეთის საბჭოთა მთავრობის შექმნა. მაგრამ მათ პროპაგანდას მოსახლეობაში მოსალოდნელი გამოხმაურება არ მოჰყოლია.

აქვე უნდა აღინიშნოს, რომ საქართველოს სხვა ცენტრებისაგან განსხვავებით, ბათუმსა და ფრონტისპირა ტრაპიზონში საგრძნობი იყო ბოლშევიკების მზარდი გავლენა. ეს უმთავრესად განაპირობა ჯარისკაცთა უარყოფითმა დამოკიდებულებამ გავლიანურებული ომისადმი, აგრეთვე, თვით ბათუმში რუსი ეროვნების ლუშქანპროლეტარული მასების სიჭარბემ, რომლებშიც, მათივე მენტალობიდან გამომდინარე, ყველაზე მეტი გასაყალი ჰქონდა მემარცხენე, ძალისმიერ და ექსტრემისტულ იდეოლოგიას. იგივე ითქმის სომხურ დიასპორაზეც, რომელიც უცხო ტერიტორიაზე დამკვიდრებას და „სასიცოცხლო სიერცის“ უზრუნველყოფას ტრადიციულად გეგმავდა ძლიერი რუსეთის (განურჩევლად - მონარქისტულის თუ ბოლშევიკურის) ხელშეწყობით.

პოლიტიკურ სარბიელზე პირველობისათვის ბრძოლის პროცესში ყურადღებას

¹⁶⁴ ბ.კეჭიჭარაის ცნობით, - 1917 წ. მარტის დამდეგს ბათუმში მხოლოდ „ხუთამდე ბოლშევიკი იყო სახეზე“ ხოლო ივნისისათვის „40-50 კაცს არ აღემატებოდა“ (იხ. მისი, დასახ. ნაშრ., გვ. 12-14).

¹⁶⁵ Борьба за победу Советской власти в Аджарии..., сс. 54-55.

¹⁶⁶ ბ.კეჭიჭარაია, დასახ. ნაშრ., გვ. 17-19.

¹⁶⁷ იქვე, გვ. 16-17.

¹⁶⁸ 1916 წ. I იანვრისათვის ქართვინში სულ 6997 სული ცხოვრობდა; მათგან 4996 - მუდმივი და 2001 - დროებითი. ამ უკანასკნელთა შორის ქართველი იყო მხოლოდ 882, სომეხი - 4860 («Кавказский календарь на 1917 г.», (отд. статист.), Тифл., 1916, сс. 182-185).

იქცეეს, აგრეთვე, ბათუმის პარტიული ორგანიზაციების საქმიანობა ძველი პროფკავშირების აღდგენისა და მათში გაელენის მოპოვებისათვის, რადგან პროფკავშირები, როგორც ყველაზე მასობრივი ორგანიზაცია, წარმოადგენდა ეფექტურ საშუალებას ხალხის არამოლიტიზებულ ნაწილზე ზეგავლენისათვის.

1917 წ. პირველ ნახევარში პროფკავშირები ჩამოყალიბდა ქ. ბათუმისა და ოლქის ყველა იმ საწარმოსა და დაწესებულებასთან, სადაც მუშათა და მოსამსახურეთა კონტინგენტი ამის საშუალებას იძლეოდა. იელისის დასაწესისათვის მარტო ბათუმში 14 პროფესიული კავშირი მუშაობდა (სტამბების და საამაქინაო სახელოსნოების, ხუროების და დურგლების, სასტუმრო-რესტორნების და სახეების ობიექტების, სავაჭრო და სამრეწველო საწარმოთა და დაწესებულებათა, მოწველების დების და სხვ.). ისინი ცდილობდნენ ყოფითი საკითხების (წორმრებული სამუშაო დღე, მზარდი სიძვირის შესატყვისი ხელფასები, შევსებულებები და ა.შ.) მოწესრიგებას.

ბათუმში დარგობრივი პროფკავშირების ჩამოყალიბების შემდეგ დაისვა მათი ცენტრალური ბიუროს შექმნის საკითხიც. ამ მიზნით დამფუძნებელი კრება შედგა 1917 წ. 4 ივლისს. მას ესწრებოდა თოთხმეტეუ კავშირის წარმომადგენელი კრებამ აირჩია ცენტრალური ბიურო და ბიუროს სამდივნო 9 კაცის შემადგენლობით. თავმჯდომარედ აირჩიეს ბათუმის ესერების ორგანიზაციის ერთ-ერთი ხელმძღვანელი რ. კრასეიჩი, მდივნად - გ. კრემი, ხაზინადრად - მ. თუმანიოვი (ერთადერთი ბოლშევიკი). ცენტრბიუროს შემადგენლობაში შევიდნენ აგრეთვე ი. ღლონტი, მ. კოხაკი, ვ. იაშვილი, პ. ნიკოლაევი, ექიმი გუროვიჩი და ვ. ფულდშტეინი.¹⁶⁹

პროფმომარობა გაიშალა ბათუმის ოლქშიც. სოფლის მეურნეობის მუშათა პროფკავშირები შეიქმნა ჩაქეში, მწვანე კონცხზე, ციხისძირსა და მახინჯაურში, ხოლო კვარცხანაში, ძანსულსა და მურღულში ჩამოყალიბდა სამთამადნო მუშათა პროფკავშირები.

პროფკავშირების ხელმძღვანელობა, ძირითადად, სოციალ-დემოკრატების და ესერების ხელში მოექცა თუმცა, ორიოდ მათგანში გარკვეული გაელენა პქონდათ ბოლშეიკებსაც, კერძოდ, ივ. პეცოვს - სავაჭრო-სამრეწველო დაწესებულებათა პროფკომიტეტში, ხოლო მ. კახიანს - სასტუმრო-რესტორნებისა და სასკეების დაწესებულებათა პროფკავშირში.

ხელისუფლების ორბანიზაცია ბათუმის ოლქში, „ოსაკომის“ მიერ 1917 წ. 27 აპრილს მიღებული საარჩევნო დებულების საფუძველზე, მაისიდან ბათუმის ოლქშიც დაიწყო ახალი ხელისუფლების ადგილობრივი ორგანოების - კომისარიატების ჩამოყალიბება. ეს პროცესი ძველისა და ახლის ჰიდილში, აგრეთვე, ეროვნული და კონფესიური სიტრელით გამორჩეულ ბათუმის ოლქში გარკვეულ სირთულეებს წააწყდა.

ტერიტორიულად ერცელი ბათუმის ოლქი (6.500 კვ.კმ.) 1903 წ. ადმინისტრაციული მოწყობით იყოფოდა ორ ოკრუგად: საკუთრივ ბათუმისა და ართვინის, რომლებიც თავის მხრით იყოფოდნენ უბნებად (რაიონებად). ესენია: კენტრიშის (ცენტრით ქობულეთი), გონიოს (ს. ზემო მარადიდი), ქვემო აჭარის (ს. ქედა), ზემო აჭარის (ს. ხულო), ართვინის (ქ. ართვინი), არტანუჯის (ქ. არტანუჯი) და შავშეთ-იმერხევის (ს. სათლელ-რაბათი).

ბათუმის დემოკრატიულმა საზოგადოებამ მიზანშეწონილად ჩათვალა, რომ ოფიციალური ხელისუფლებისაგან დანიშნული კომისარიატების გვერდით, ოლქის ყოველ ადმინისტრაციულ ერთეულში, აღმასრულებელი კომიტეტის სახით, შეექმნათ არჩევითი ორგანოც. ამ მიზნით 1917 წ. 14 მაისს ბათუმში, საოლქო აღმასკომის

¹⁶⁹ Газ. «День свободы», №77, 1917.

თავმჯდომარის – ე. კრინიციუს ინიციატივით, გაიმართა ოლქის მოსახლეობის წარმომადგენელთა ყრილობა, რომელსაც ესწრებოდა სხვადასხვა ეროვნებისა და პოლიტიკური მრწამსის 55 დელეგატი. ყრილობის პრეზიდიუმში მაჰმადიან ქართველთაგან აირჩიეს მემედ აბაშიძე. ყრილობამ შეიმუშავა საარჩევნო კამპანიის გეგმა და შესაბამისი დებულებები.¹⁷⁰

„ოსაკომი“ იძულებული გახდა ანგარიში გაეწია დემოკრატიული საზოგადოებისათვის. ამიტომ დათანხმდა ადგილებზე კოალიციური აღმასკომების არჩევნებს ამასთან, გადაწყვიტა თვითონვე ემართა ეს პროცესი, რისთვისაც ოლქებსა და მაზრებში დანიშნა თავისი წარმომადგენლები. ბათუმის ოლქში „ოსაკომის“ რწმუნებულებად დანიშნა რეჯებ ნიჟარაძე და კაპიტონ გოგოლაძე, მათ თანაშემწეებად – ხასან ლორთქიფანიძე და ელასა მგელაძე.

საარჩევნო კამპანია სოციალურად და პოლიტიკურად მძაფრ ვითარებაში ჩატარდა, უსაშველოდ გაჭიანურდა და ოქტომბრამდე გაგრძელდა, ხოლო შეეშთიმერხევი ვერც შედგა კინტრიშისა და გონიოს უბნებში, სადაც რუს კოლონისტთა დასახლებები („სმეკალოვკა“, „ალექსეევკა“, „რომანოვკა“, „უსუნესკი“ და სხვ.) იყო, განსაკუთრებით აქტიურობდნენ რუსი შავრაზმელები მეფის ყოფილი მოხელის კორიბუტ-დაშკევიჩის მეთაურობით. მათი მიზნით ჩაქეში, მწვანე კონცხზე, მახინჯაურსა და სხვა სოფლებში არჩევნები რამდენჯერმე ჩაიშალა.¹⁷¹

ვითარება დაიძაბა ზემო აჭარაშიც. აქ ხელისუფლებამ კომისრად დანიშნა პოლიციის ყოფილი ოფიცერი თემურ ხიმშიაშვილი, მაგრამ 11 სოფლის ახალთაობა მის წინააღმდეგ წაეიდა და საკუთარი კანდიდატი წამოაყენა. კონფლიქტის აღსაქვეთად და ხელახალი არჩევნების ჩასატარებლად ხულოში მიაველინეს ხ. ლორთქიფანიძე მან თ. ხიმშიაშვილი დაითანხმა გადადგომაზე, მაგრამ იენისის დამდევს ბეგის მომხრეებმა მოახერხეს ზემო აჭარის კომისრად თ. ხიმშიაშვილის ვაჟის შექქეთის არჩევა. ხულოს აღმასრულებელი კომიტეტის თავმჯდომარედ ჯეჟვერ ხიმშიაშვილი გაეიდა, ქვემო აჭარაში – დაუთ დიასამიძე, კინტრიშის უბანში – არსენ წითლიძე. საოლქო აღმასრულებელი კომიტეტის თავმჯდომარე ე. კრინიცი მთავრობამ დანიშნა ოლქის კომისრადაც.¹⁷²

გარდა ზემოდანიშნულისა, ბათუმის ოლქში ადგილობრივი ადმინისტრაციული ხელისუფლება შემდეგი სახით წარმოვიდგება: კინტრიშის უბნის კომისრად, თავდაპირველად, დანიშნა ივ. ევსეიჩიკი, რომელიც თავისი საქმიანობით არაპოპულარული იყო. ამიტომ ის მალე გადააყენეს და 1917 წ. 2 სექტემბერს ეს თანამდებობა დაიკავა ჰაიდარ აბაშიძემ; არტანუჯის უბანში თავდაპირველად სამი კომისარი დანიშნა: კაიტინჯიანი, მასწავლებელი ლოგუა და მაზმანიანი. 1917 წლის 1 სექტემბრიდან კი ეს თანამდებობა დაიკავა პოლიციის პრაპორშნიკმა ჰაიდარ ბიბინ-ზადემ (ბიბინეიშვილმა). გონიოს უბნის კომისარი იყო სილოვან გაბელაშვილი; ქვემო აჭარის უბნისა – გიორგი ჭელიძე; ართვინის უბნისა – მასწავლებელი ბართლომე მეგრელიძე.¹⁷³

1917 წლის 14-20 მაისს ბათუმში ჩატარდა ოლქის აღმასრულებელი კომიტეტების

¹⁷⁰ ხ.ახვლედიანი, საბჭოთა ხელისუფლების დამყარება აჭარაში (1917-1921 წწ.), ბათ., 1971, გვ. 15; საარჩევნო დებულების განხილვისას კამათი გამოუწვევია მხოლოდ ერთ მუხლს – არჩევნებში ქალთა მონაწილეობას. მაჰმადიანი სასულიერო ბირები მოითხოვდნენ ამ მუხლს ამოღებას. ყრალბის დელეგატებმაჰ ანგარიში გაუწიეს რეალურ მდგომარეობას და საარჩევნო დებულებაში შეიტანეს შესწორება – არჩევნებში ქალებს მონაწილეობა მხოლოდ ქ.ბათუმში შემოიფარგლა.

¹⁷¹ შ. სიორიძე, სამხრეთ-დასავლეთ საქართველო 1914-1918 წლებში, გვ. 158.

¹⁷² ე.კრინიცი ბათუმის ოლქის კომისრად მუშაობდა 1918 წლის 11 მარტამდე, ვიდრე ის თავის ბინასთან არ მოკლეს ტერორისტებმა (სქსსა, ფ. 1818, ან. 1, ს. 37, ფურც. 19,30).

¹⁷³ შერა, სქსსა, ფ. 1818, ან. 1, ს. 28, ფურც. 10; ფ. 2080, ან. 1, ს. 513, ფურც. 20-21; ბართლომე მეგრელიძე იყო ცნობილი ქართველი მეცნიერების ისეჰ და შამშე მეგრელიძეების მამა.

თავმჯდომარეთა ყრილობა, რომელმაც ცელილებები შეიტანა ადმინისტრაციულ სტრუქტურაში. გააუქმა ბათუმის და ართვინის ოკრუგების მმართველობა, როგორც ზედმეტი რგოლი და შეინარჩუნა მხოლოდ ზემოლანჩხული შეიდი უზნის მმართველობა. ამასთან, დაადგინა ართვინისა და არტანუჯში საქალაქო თვითმმართველობის შემოღება. ამავე ყრილობაზე გადაწყვეტილია ბათუმის ოლქის აღმასრულებელი კომიტეტის დაკომპლექტება შემდეგი არსიებით წარმომადგენლობით - ორ-ორი კაცი ყოველი უბნიდან, ორ-ორი - კი ართვინიდან და არტანუჯიდან და ექვს-ექვსი წარმომადგენელი კი ბათუმის აღმასკომიდან, ბათუმის მუშათა დეპუტატების საბჭოსა და ბათუმის ჯარისკაცთა დეპუტატების საბჭოსაგან.¹⁷⁴ შემდეგ მათ დაემატა წარმომადგენლები ბათუმის საქალაქო სათათბიროდან, პოლიტიკური პარტიებისა და საზოგადოებრივი ორგანიზაციებისაგან. 1917 წ. ივლისში ბათუმის საოლქო აღმასკომი 52 წევრისაგან შედგებოდა.¹⁷⁵

1917 წ. I ივნისის ბათუმის ოლქის აღმასკომმა „ოსაკომის“ წინაშე რეკომენდაცია გაუწია ორი ახალი, ცალკე კომისარიატის დამტკიცებას მუშათა დიდ დაბებში - ძანსულსა და კეარცხანაში.

ამ დროს ბათუმში მიმდინარეობდა საქალაქო თვითმმართველობის წინასაარჩევნო კამპანია. თებერვლის რევილუციის გამარჯვების მომენტი სათაის ქალაქის ხელმძღვანელ ორგანოს წარმოადგენდა 1915 წ. 21 ივნისის არჩეული სათათბირო. ამიტომ, ახალი დროის ეკალობაზე, პოლიტიკურმა ძალებმა საჭიროდ ჩათვალეს მისი გადახადისება.

არჩევნებში საკუთარი პლატფორმითა და საარჩევნო სიით გამოვიდა 10 ორგანიზაცია. წამყვან როლს ასრულებდნენ სოციალ-დემოკრატები და ესერები (ბოლშევიკებმა სწორად შეაფასეს თავიანთი ძალების სისუსტე და მონაწილეობა არ მიიღეს). არჩევნები ჩატარდა 1917 წ. 9 ივლისს სოციალ-დემოკრატების სიამ (№1) მიიღო 9577 ხმა (მათგან 5828 ხმა - მოქალაქეთაგან და 3749 - სამხედრო პირთაგან), სოციალისტ-რევილუციონერების (ესერები) სიამ - 10627 ხმა (მოქალაქეთა - 2050 და სამხედრო პირთა - 8577). სხვა პოლიტიკურ ძალებს ხმა მისცა ამომრჩეველთა უმნიშვნელო რაოდენობამ. ადგილებიც სათათბიროში შესაბამისად განაწილდა: ესერი - 26, სოციალ-დემოკრატ - 24, დაშნაკი - 4, კადეტი - 2 და სოციალისტ-ფედერალისტი - 1 ქალაქისათვალ აირჩიეს სოციალ-დემოკრატ კონსტანტინე საბახტარიშვილი.¹⁷⁶

ამრიგად, თებერვლის რევილუციის შემდეგ ბათუმის ოლქში, გარდა მთავრობის მიერ დანიშნული კომისრებისა, მრავალგვარი ძველი და ახალშექმნილი ორგანო თუ პოლიტიკური ძალა ცდილობდა ხელისუფლებაში წილის დადებას. ამას ემატებოდა ის სპეციფიკური ვითარება, რომ აქ კომპაქტურად მცხოვრები არაქართველები და სხვა გარეშე ძალები ფიქრობდნენ ესარგებლათ რევილუციის შემდგომი არასტაბილურობით და მოსალოდნელი ანარქიის პირობებში მზად ყოფილიყვნენ რევიონზე თავისი პრეტენზიების განხორციელებისათვის.

ამავე მიზნით ბათუმში შეიქმნა სხვადასხვა მიდგომის ხალხთა „ნაციონალური კომიტეტები“. მათი აგენტების და ერთმანეთზე წაკიდებული პოლიტიკოსების პროპაგანდა და საქმიანობას ოლქის მკვიდრ მოსახლეობაში მხოლოდ არეუ-დარევა შემოაქონდა და კიდევ უფრო აღრმავებდა დაბნეულობას ამით სარგებლობდნენ პროვოკატორები. 4 მაისს გაზ. „საქართველო“ აღნიშნავდა: „აჭარიდან ცული ამბები მოდის სოფლებში დაძრწინ ვიდაც შეიარაღებული უცნობები, ხანდახან სამხედრო ფორმაში

¹⁷⁴ სცსსა, ფ. 1818, ან. 1, ს. 271, ფურც. 1.
¹⁷⁵ სცსსა, ფ. 2080, ან. 1, ს. 487, ფურც. 12.
¹⁷⁶ ა. ექვიტარია, დასახ. ნაშრ., გვ. 25-26.

გამოწყო ბილნიც; ისინი თურმე ვიღაცას და რაღაცას ზეერავენ. ეს მზეერავეები ისეთ ადგილებშია ცნდებიან, სადაც საალყო წესის დროსაც კი არავის უნახავს უცხოელი. რასაკვირველია, არაერთხელ აწიოკებულ სოფელთ ეს ძალზედ აფრთხობს ამას გარდა თვით ქ. ბათუმში დაუწყია თარეში ბნელ ძალებს და აჭარელთა წინააღმდეგ პროუკაციას ეწყვიან; ხმებს აერცვლებენ, ეითომც მაჰმადიანები იარაღს ისხამენ და რუსის ჯარს ეშუქრებიანო!.¹⁷⁷

შექმნილ ვითარებაში აუცილებელი გახდა სამუსლიმანო საქართველოში ეროვნული თვითშეგნების, ამ კუთხის ისტორიული წარსულისა და ქვეყნის ერთიანობა-მთლიანობის იდეის პროპაგანდის გაძლიერება, რათა მოსახლეობა მზად ყოფილიყო ყოველგვარი მოსალოდნელი ხიფათის თავიდან ასაცილებლად. ამ მიზნით მოწინავე ქართველმა მოღვაწეებმა სულეიმან დიასამიძემ, ჰაიდარ აბაშიძემ, ზექერია შერვაშიძემ, ხასან ვარშანიძემ, ჯემალ ქიქეამ და სხვ. მემედ აბაშიძის თავმჯდომარეობით დააარსეს „ბათუმის ოლქის ქართველ მუსლიმანთა კომიტეტი“, რომელიც 1917 წ. ზაფხულის დამლევს დაამტკიცა მაჰმადიან ქართველთა წარმომადგენლების კრებამ.¹⁷⁸

დაახლოებით ამავე პერიოდში მ. აბაშიძის ინიციატივით ბათუმში აგრეთვე ჩამოყალიბდა „ქართველ მუსლიმანთა საქველმოქმედო საზოგადოება“, რომელიც ზემოაღნიშნულ კომიტეტთან კავშირში მუშაობდა (შემდეგ ეს ორი ორგანიზაცია გაერთიანდა) და იღუვრდა თურქოფილებს, კერძოდ კი, ბათუმში არსებულ ბაქოს მუსლიმანთა საქველმოქმედო საზოგადოების განყოფილებას.

სხვათა შორის, აღნიშნული განყოფილება ბათუმში დაარსდა ჯერ კიდევ 1916 წ. გაზაფხულზე, რაც მნიშვნელოვანწილად განაპირობა ქართული საქველმოქმედო საზოგადოების მიერ აჭარის სოფლებში ქართული სკოლების გახსნამ. ბაქოელ პანისლამისტებს უკვე აღარ აეჭვებდათ მსოფლიო ომში ოსმალების დამარცხება ამიტომ თელიდნენ, რომ მათ უნდა ეკისრათ კავკასიის მაჰმადიანური მოსახლეობის გამაერთიანებლისა და წინამძღოლის ფუნქცია მშობლიურ ენაზე სწავლება მათ ხელიდან გამოაცლიდა ქართველ მაჰმადიანებს და ბზარს გაუჩენდა თეოკრატიული-სლამისტური კავკასიის შექმნის იდეას ამიტომ ქართული სკოლების საწინააღმდეგო პროპაგანდასთან ერთად, აჭარაში შეუდგნენ თურქულენოვანი აზერბაიჯანული სკოლების გახსნას და იქ მაჰმადიანი ბავშვების მიზიდვას მათ იმასაც მიაღწიეს, რომ რამდენიმე ოჯახს ქალიშვილები გააგზავნიეს ბაქოს სასწავლებელში, რომ პედაგოგები მოემზადებინათ თურქულენოვანი სკოლებისათვის. მსგავსი მდგომარეობა იყო სამცხე-ჯავახეთშიც.

მოწინავე ქართველებმა მაშინვე გაილაშქრეს პანთურქისტების საქმიანობის წინააღმდეგ. ამ მხრივ აღსანიშნავია პრესაში გამოქვეყნებული ჰაიდარ აბაშიძის სამხრეთესტო წერილები,¹⁷⁹ რასაც ფართო გამოხმაურება მოჰყვა და ბაქოელთა მთავარი პროპაგანდისტი და რეზიდენტი რიზა-ბეგი იძულებული გახდა აჭარას გასცლოდა.

ქრისტიან და მაჰმადიან ქართველთა ერთობას ხელს უშლიდა ეროვნულ საკითხზე მარქსისტების კოსმოპოლიტური შეხედულებებიც. მათი აზრით, მოქალაქეს თავად უნდა გადაეწყვიტა, თუ რომელ ეროვნებას ეკუთვნოდა. ასეთივე პოზიცია ეკავა ქართველი სოციალ-დემოკრატების გაზეთს „თანამედროვე აზრი“, რის წინააღმდეგაც

¹⁷⁷ გაზ. „საქართველო“, №95, 1917.

¹⁷⁸ მაჰმადიან, რეული ნაწერები, ბათ., 1973, გვ. 60-61.

¹⁷⁹ იხ. მისი „მაჰმადიან ქართველებში“, „ლია წერილი ჩვენს ერთმორწმუნე კავკასიელ თურქებს“ და სხვ. (მაჰმადიან, წერილები, თბ., 1963, გვ. 93-101) „ჩვენ, ქართველი მაჰმადიანები არავის მივცემთ ნებას, რომ ჩვენ საყვარელ დედა ენაზე იერიში მიიტანოს“, - წერდა მაჰმადიანები.

გაილაშქრა მემედ აბაშიძემ.¹⁸⁰

საქართველოს სახელმწიფოებრიობის აღდგენისა და ეროვნული განვითარებისათვის ბრძოლის გაძლიერების შემდგომი ეტაპი იყო საქართველოს ეროვნული ყრილობის მოწვევა (1917 წ. ნოემბერი), ეროვნული საბჭოს არჩევა და მასთან სამამუდიანო საქართველოს საქმეთა სექციის შექმნა.¹⁸¹ მასში თანამშრომლობდნენ მემედ და ჰაიდარ აბაშიძეები, რეჯებ ნიჭარაძე, ჯემალ ხიმშიაშვილი, ივანე გომართელი, გრიგოლ ვეშაპელი, პართენ გოთუა და სხვ.

სექციაში განიხილავდნენ ბათუმის ოლქის, სამცხე-ჯავახეთის, ლაზეთის და სამხრეთ-დასავლეთ საქართველოს სხვა კუთხეების მოსახლეობის მდგომარეობას, ოსმალური გავლენისაგან მათი გათავისუფლების ღონისძიებებს, მსჯელობდნენ სკოლებში დედაენაზე სწავლების საკითხზე. ამის მიუხედავად, ქართველ სამამუდიანოთა სექციის საქმიანობას მისი თანამედროვე მოღვაწეები მაინც არაღამაკმაყოფილებლად აფასებდნენ, რადგან მუშაობა მიდიოდა ზანტად და არანტენსიურად.¹⁸²

* * *

1917 წ. 25 ოქტომბერს პეტროგრადში განხორციელებული სახელმწიფო გადატრიალების შედეგად რუსეთში ხელისუფლების სათავეში მოექცნენ ბოლშევიკები. შექმნილი სახელისუფლებო კრიზისის ეთარებაში განაპირა რაიონებში გაჩნდა უწესრიგობების წარმოქმნის საფრთხე. ამიტომ ბათუმში მოქმედმა პოლიტიკურმა პარტიებმა და ორგანიზაციებმა 2 ნოემბერს შექმნეს კოალიციური „საზოგადოებრივი უშიშროების კომიტეტი“ და გამოაცხადეს რუსეთში დაწყებულ სამოქალაქო ომში ჩაუბრუნება.¹⁸³

დროებითი მთავრობის დამხობას მოჰყვა „ოზაკომის“ დათხოვნაც. მის ნაცვლად, პოლიტიკური პარტიების და სარდლობის ურთიერთშეთანხმებით, 15 ნოემბერს ჩამოყალიბდა ახალი კოალიციური მთავრობა „ამიერკავკასიის კომისარიატი“. მის თავმჯდომარედ დაინიშნა სოციალ-დემოკრატი ევგენი გეგუჭკორი. წევრებად — ა ჩხენკელი (სოციალ-დემოკრატი), დ. დონსკოი (ესერი), შ. ალექსი-მესხიშვილი (ფედერალისტი), ხ. ყარჩიკიანი (დაშნაკი), ხას-მამედოვი (მუსავატელი) და სხვ.

კავკასიელი პოლიტიკოსები მიიხვედნენ, რომ ბოლშევიკების ყოფნა ხელისუფლებაში იყო შემთხვევითი და დროებითი მოვლენა, რასაც აღეკეთდა ახლად არჩეული რუსეთის უმაღლესი საკანონმდებლო ორგანო - დამფუძნებელი კრება. ამიტომაც ამიერკავკასიის კომისარიატი გამოცხადდა, როგორც დროებითი მთავრობა.

ხალხშიც ასევე საგრძნობი იყო რწმენა დამფუძნებელი კრებისადმი. ამიტომ ბოლშევიკებმა ხელი არ შეუშალეს მის მოწვევას უფრო მეტიც, დაესწრნენ კიდევ პირველ სხდომას (1918 წ. 5 იანვარი), მაგრამ დამფუძნებელმა კრებამ არ სცნო საბჭოთა მთავრობა და ამ უკანასკნელმაც იგი გარეკა საპასუხოდ, თბილისში, პოლიტიკურმა პარტიებმა გადაწყვიტეს დამფუძნებელი კრების ამიერკავკასიელი დეპუტატებისგან ჩამოეყალიბებინათ ადგილობრივი პარლამენტი, რომელსაც „სიმში“ უწოდეს მის თავმჯდომარედ აირჩიეს კარლო ჩხეიძე.

¹⁸⁰ შ.აბაშიძე, „თანამედროვე აზრი და სამამუდიანო საქართველო“, იხ. მისი, რჩეული ნაწერები, ბათ., 1973, გვ. 15-17.

¹⁸¹ იხ. შ. ვადატკორია, პოლიტიკური პარტიები და საქართველოს პირველი ეროვნული ყრილობა (1917), თბ., 1998.

¹⁸² დ. ტუმუროვი, აჭარის საკითხი 1918-1921 წწ. და ქართული საზოგადოებრივი აზრი, თბ., 1999, გვ. 18-20; ვ. გურული, შ. ვაჩაძე, ქართული სოციალ-დემოკრატიის ისტორია (1892-1918), თბ., 1999, გვ. 255-300; ა. სილაგაძე, ვ. გურული, საქართველოს სახელმწიფოებრივი დამოუკიდებლობის აღდგენა (1917-1918), თბ., 2000.

¹⁸³ Борьба за победу Сов.власти в Аджарии... док. №40, с. 79-80;

მმართველობაში დამკვიდრებული ქაოსი ვერ აღმოიფხვრა ამიერკავკასიის კომისარიატის და სეიმის მმართველობის პერიოდშიც. არც ხელისუფლების ადგილობრივი ორგანოების სტრუქტურაში მომხდარა არსებითი ცვლილება. ბათუმში უსუნავა ხელისუფლად კვლავ ოლქის კომისარი რჩებოდა. ის ნიშნავდა უბნების კომისრებს, რომელთა შემადგენლობა 1918 წ. 5 მარტისათვის ასე გამოიყურებოდა: ართინის უბნის კომისრად კვლავ ბართლომე მეგრელიძე იყო, ზემო აჭარისა – კვლავ შეექუთ ხიმშიაშვილი, შავშუთ-იმერხევისა – თემურ ხიმშიაშვილი (1917 წ. 29 დეკემბრიდან), გონიოს უბნისა - დურსუნ ქიქავა (1918 წ. 7 თებერვლიდან), კინტრიშის უბნისა - მემედ გაგიბერძე (1918 წ. 15 თებერვლიდან), ქვემო აჭარისა - თემურ შერვაშიძე (1918 წ. 1 მარტიდან).¹⁸⁴

1917 წ. შემოდგომიდან მწვავე პრობლემად იქცა სურსათით მომარაგება. მასზე ფასები მნიშვნელოვნად აიწია. საეკონომიკურ და რეგიონალურ მარაგის გაყოფა ხელისუფლების მიერ დაწესებული ნიხრით წაგებიანი გახდა ამიტომ ვაჭრებმა საკონელი გადაძალეს. დაიწყო სპეკულაცია.

ოქტომბრისათვის ბათუმში პურის ფქვილის მხოლოდ ორი თვის მარაგი იყო. ბათუმის საქალაქო სათათბირომ დაადგინა პურის ნორმირებული გაცემა 1 სულზე - 0,5 ფუნტის (200გრ.) ოდენობით დღეში.¹⁸⁵ ხელისუფლებაში ბოლშევიკების მოსვლის შემდეგ რუსეთი ქაოსმა მოიცვა, შეწყდა სატრანსპორტო მიმოსვლა და იქიდან პროდუქტების მიღების ყოველგვარი იმედი გადაიწურა. ამიტომ, ბათუმის სათათბიროს 22 ნომბრის გადაწყვეტილებით, დადგინდა პურის ფქვილის მცირე მარაგში სიმინდის ფქვილის გარევა და მხოლოდ ამგვარად დღიური მინიმალური ულუფის (200 გრ. სულზე) მოსახლეობისათვის მიწოდება.¹⁸⁶

შექმნილ ვითარებაში ხალხიც ინდიფერენტული გახდა საზოგადო საქმის მიმართ. 1917 წ. ნომბრის დასაწყისში აჭარის ტყეებში, „ლორჯომიდან დაწყებული ჩაქვამდე“, გაჩნდა ძლიერი ხანძარი, რომლის ჩასაქრობად ხალხი არ გამოვიდა, რადგან მთავრობამ არ მისცა მიწა და ტყე, - შენიშნავდა კორესპონდენტი.¹⁸⁷

საზოგადოების მოწინავე ნაწილში დამკვიდრდა აზრი, რომ შექმნილი მძიმე მდგომარეობიდან ქვეყნის გამოყვანისათვის აუცილებელი იყო საფუძვლიანი ეკონომიკური ღონისძიებების გატარება ამავე მიზნით კვლავ წამოიჭრა ამიერკავკასიის შავიზღვისპირეთში თავისუფალი ნავსადგურის დაფუძნების საკითხი.¹⁸⁸ საზოგადოების ერთი ნაწილი თვლიდა, რომ პრიორიტეტი ამაჯერად ფოთის ნავსადგურს უნდა მინიჭებოდა, ხოლო მეორენი ბათუმის ნავსადგურის უპირატესობას ასაბუთებდნენ. ამ მხრივ აღსანიშნავია ბათუმის გამგებობის წევრის – ივ. მესხის წერილები „ბათუმის თავისუფალი ნავსადგურის საკითხისათვის“, რომელიც 1918 წ. იანვარში გამოქვეყნდა გაზეთში „იუნაია რეზ“. ამ საკითხზე იმსჯელებს ქალაქის სათათბიროშიც.¹⁸⁹

სამწუხაროდ, 1918 წ. გაზაფხულზე ამიერკავკასიაში ოსმალეთის ექსპანსიამ ისწავლა ამ პროექტის პრაქტიკულად განხორციელება.

ხელისუფლებაში შექმნილ ანარქიულ მდგომარეობას და ცხოვრების პირობების მკვეთრად გაუარესებას, განსაკუთრებით 1917 წ. მეორე ნახევარში, მოჰყვა კრიმინოგენური ვითარების გამწვავება. მდგომარეობას ამძიმებდა კავკასიის ფრონტიდან

¹⁸⁴ სცსა, ფ. 1818, ან. 1, ს. 28, ფურც. 23.

¹⁸⁵ აცსა, ფ. 7, ან. 1, ს. 684, ფურც. 6; ს. 894, ფურც. 1-3.

¹⁸⁶ აქვე, ფ. 7, ს. 673, ფურც. 6-7.

¹⁸⁷ გაზ. „ქრონოს“, №193, 1917.

¹⁸⁸ Спиридзе М., О попытках устройства вольной гавани в Батуми в 1917-1918 годах, журн. „Вопросы Истории“, 2001, №1, с. 174-175.

¹⁸⁹ ი. მესხის წერილები. ან. აცსა, 16, ან. 1, ს. 133 ფურც. 7-11.

თვითნებურად დაძრული და რუსეთისკენ მიმავალი, დემორალიზებული და მაროდორად ქცეული ჯარისკაცობა მათი მოზღვაეების გამო ბათუმში შესაძინევი გახდა ბოლშევიკების გაუღენის ზრდა ნახევრად მშვიერ ჯარისკაცებს შეეძლოთ მასობრივი უწესრიგობების გამოწვევა ამიტომ ქალაქის ხელისუფლება მათ აბინაეებდა, შეძლებინდადგარად ამარაგებდა სურსათით და ცდილობდა აქედან მალე გაემგზავრებინა სღვით თუ სხვა ტრანსპორტით. გარდა ამისა, ბათუმში მოიყარა თავი თბილისიდან და ქუთაისიდან დევნილმა სისხლის სამართლის დამანაშავეთა დიდმა ნაწილმაც.

ყოველივე ამან იმდენად გაამწვავა კრიმინოგენური ვითარება, რომ 1917 წ. 5 დეკემბერს სპეციალურად შეიკრიბა ბათუმის ქალაქის სათათბირო.¹⁹⁰ სხდომაზე ხაზგასმით აღინიშნა, რომ „უკანასკნელ დროს ბათუმში დაიწყო დღემდე არნახული და არგაგონილი ძარცვები, მკვლელობები, წესრიგის ყოველგვარი დარღვევა და ხულიგნობა“. დამანაშავეები, უმეტესად, გამოწყობილი იყვნენ ჯარისკაცის ფორმაში, რაც მათ საშუალებას აძლევდა დღისით თავისუფლად ექსპორტათ ქალაქში, ხოლო ღამით იწყებოდა მათი თარეში. „ამ დამანაშავე ელემენტებთან ბრძოლა გათულებულა იმით, - ითქვა თათბირზე, - რომ დაკავებისას ისინი დასახმარებლად მოუწოდებენ ჯარისკაცებს და ყვირიან, რომ სამოქალაქოები ურტყამენ, რომ ქართველებს უნდათ რუსების ამოწყვეტა და ა.შ. ეს პროვოკაცია ხშირად აღწევს თავის მიზანსა ქურდს ათავისუფლებენ, ხოლო მის დამკავებულს სასტიკად სცემენ და ემუქრებიან თვითგასამართლებით“. ასეთ ვითარებაში კი ქალაქის მილიცია უუნაროა მისი მცირერიცხოვნების გამო.

მდგომარეობის გამოწვრებისათვის მიზანშეწონილად მიიჩნიეს ქალაქის ქუჩების განათება, მოქალაქეთაგან წესრიგის დამცველი რაზმების შედგენა და ღამით ქუჩებში მორიგობა, მილიციისა და მისი სადაზვერუო სამსახურის რიცხოვრები გაზრდა (რისთვისაც მოსახლეობის შეძლებულ ნაწილს მიმართეს ფულადი დახმარებისათვის), ქალაქში მყოფი ქართული ბატალიონის ჯარისკაცთა პარტულირება მთელი ღამით, გაურკვეველი საქმიანობის პირთა ქალაქიდან გასახლება აგრეთვე, სისხლის სამართლის დამანაშავეთა ხელშეწყობების დაპატიმრება; ქალაქში მომსეულ-გამსეულელებზე მკაცრი კონტროლის დაწესება.

გატარებული ღონისძიებების მიუხედავად, 1918 წ. დასაწყისში ვითარება არ შეცვლილა 3 თებერვალს ბათუმის ოლქის კომისარი თბილისში ხელმძღვანელობას მოახსენებდა: „ძარცვა და ყჩაბობა უსაზღვროდ გაიზარდა მასთან საბრძოლველად იქმნება საოლქო მილიციის რეზერვი 150 კაცის შემადგენლობით“.¹⁹¹

ქ. ბათუმსა და მის ოლქში შექმნილი ვითარება ნოყიერ ნიადაგს ქმნიდა ყოველგვარი უწესრიგობისა და ავანტიურიზმისათვის, რისი ტონის მიმცემნიც 1917 წ. ოქტომბრის შემდეგ უპირატესად იყვნენ ბოლშევიკები. მათივე პარტიული პრესის მოწმობით: უკვე ნოემბრის დასაწყისში ბათუმში გამართულა ბოლშევიკთა და მათ თანამგზავნობთა 1500-კაციანი კრება, რომელიც მიესალმა „რუსეთის დიდ რევოლუციას და მის შემოქმედს - პეტროგრადის პროლეტარიატს“; 3 დეკემბერს მათივე თაოსნობით ჩატარებულმა სახალხო კრებამ „ჭეშმარიტ მუშურ-გლეხურ ხელისუფლებად“ სცნო რუსეთის სახალხო კომისართა საბჭო და სრული ნდობა გამოუცხადა მას.¹⁹²

ბოლშევიკების გამოვლიებისა-გააქტიურების მნიშვნელოვნად შეუწყო ხელი იმანაც, რომ ბათუმის ოლქის რუსულ მოსახლეობაში დე ტრაპიზონის ფრონტიდან დაძრულ ჯარისკაცებში აშკარად შეიმჩნეოდა ველიკოდერჟაველი სულისკეთება,

¹⁹⁰ იხ. Борьба за Советской власти в Аджарии..., док. №52, сс. 96-98.

¹⁹¹ სცხსა, ფ. 2081, აბ. 1, ლ. 32, ფურც. 1.

¹⁹² Газ. «Кавказский рабочий», №№194, 223, 1917.

ანტიპათია რუსეთისაგან გამოცალკეებული ამიერკავკასიისადმი და სიმპათიები რუსულ-ბოლშევიკური ხელისუფლებისადმი. ბოლშევიკები სწორედ ამ ძალებზე დაყრდნობით გეგმავენენ საბჭოთა ხელისუფლების გაერცვლებას ბათუმის ოლქზეც. ეს ტერდენცია განსაკუთრებით გაძლიერდა 1918 წ. იანვრიდან, მას შემდეგ, რაც ლენინის მიერ საგანგებო კომისრად დანიშნული სტ. შაუმიანი თბილისში ჩამოვიდა ამიერკავკასიის გასაბჭოებისათვის გამოყოფილი 0,5 მილიონი ოქროს რუბლით. მარტის დასაწყისში ბოლშევიკებმა ამ მიმართებით პრაქტიკული ნაბიჯები ბათუმშიც გადადგეს, მაგრამ უშედეგოდ.

§5. ჯავახისის ფრონტის მოშლა და სამხედრო მოქმედების განახლება

სახელმწიფო გადატრიალების გზით ხელისუფლებაში მოსული საბჭოთა მთავრობა არ სცნეს რუსეთის მოკავშირე ანტანტის სახელმწიფოებმა. ასევე არ მიიღეს მისი 1917 წ. 8 ნოემბრის¹⁹³ დეკრეტი უანექსიო და უკონტრიბუციო ზავის შესახებ. ახალი ხელისუფლება არ აღიარა აგრეთვე რუსეთის გენერალიტეტმა და ადმინისტრაციულ-ტერიტორიული ერთეულების უმრავლესობამ, მათ შორის ამიერკავკასიამაც.

იზოლაციაში მოქცეულმა ბოლშევიკურმა მთავრობამ ძირითად ამოცანად დაისახა მსოფლიო ომიდან სასწრაფოდ გამოსვლა და მთელი ძალების მობილიზაცია ქვეყნის შიგნით ძალაუფლების შენარჩუნება-განმტკიცებისათვის.

ომის დასკენით ეტაპზე რუსეთთან ზავი აწყობდათ ორ ფრონტზე მებრძოლ გერმანიას და მის მოკავშირებს. 15 დეკემბერს მათ შორის ბრესტ-ლიტოვსკში გაფორმდა კიდევ დროებითი დაზავების ხელშეკრულება, რითაც შეწყდა სამხედრო მოქმედება რუსეთის დასავლეთ ფრონტზე. 22 დეკემბერს იქვე დაიწყო მოლაპარაკება საბოლოო ზავის პირობების შესამუშაებლად, რაც დაძაბულად მიმდინარეობდა 1918 წ. 3 მარტამდე.

მეორე ფრონტის ლიკვიდაციას ესწრაფოდა დაუძლურებული ოსმალეთიც. ამიტომ 30 ნოემბერს მანვე შესთავაზა ამიერკავკასიის კომისარიატს დროებითი დაზავება.

მოლაპარაკება შედგა რკინიგზის სადგურ ერზინჯანში, რომელიც იმჟამად ეკავა რუსეთის ჯარს. ამიერკავკასიის დელეგაციას მეთაურობდა გენერალი ვიშინსკი. დელეგაციაში შედიოდა დეპუტატების სამხარეო საბჭოს სამი წარმომადგენელი (დაშნაკი - ჯამალიანი, სოციალ-დემოკრატები სმირნოვი და ე. თევზია). ოსმალეთის დელეგაციას ხელმძღვანელობდა კავკასიის ფრონტის მთავარსარდალი, გენერალ-ლეიტენანტი ფერკი-ვეხიბ-მაჰმუდ-ფაშა. ერზინჯანის ხელშეკრულება¹⁹⁴ (შეიცავდა 14 პუნქტს) გაფორმდა 1917 წლის 18 დეკემბერს კავკასიის ფრონტზე შეწყდა საომარი მოქმედება და დაწყდა სადემარკაციო ხაზი.

ერზინჯანის შემდეგ ოსმალეთი ჩქარობდა ამიერკავკასიასთან საბოლოო ზავის გაფორმებასაც, რათა აქ გამოთავისუფლებული ჯარები ინგლისის წინააღმდეგ გადაეყვანა სირიასა და მესოპოტამიაში. ამასვე მოითხოვდა მისი მოკავშირე გერმანიაც.

¹⁹³ ყველა თარიღი მოყვანილია ახალი სტილით - ავტ.

¹⁹⁴ Документы и материалы по внешней политике Закавказья и Грузии, Тифл., 1919, с. 18-23.

ამიტომ, 1918 წლის 14 იანვარს ოსმალებმა ამიერკავკასიის მთავრობას ოფიციალურად შესთავაზეს სეპარატული მოლაპარაკების დაწყება, 16 იანვარს კი - ბრესტში მიმდინარე საზავო კონფერენციაზე დელეგაციის გაგზავნა.¹⁹⁵

ამიერკავკასიელმა პოლიტიკოსებმა ეს წინადადებები უპასუხოდ დატოვეს, რადგან მიაჩნდათ, რომ ბოლშევიკების ხელისუფლებაში ყოფნა და მათ მიერ დადებული ზავიც კი იყო დროებითი.

სამწუხაროდ, ქართული სოციალისტები ასევე არ გამოეხიზნენ „საქართველოს დამოუკიდებლობის კომიტეტის“ მიერ 1917 წ. დეკემბერში ბერლინიდან გამოგზავნილ შეტყობინებას, რომ გერმანიის მთავრობა მზად იყო ეცნო საქართველოს დამოუკიდებლობა 1914 წ. ომამდელ საზღვრებში და დაეცვა მისი ინტერესები საზავო კონგრესზე. „დამკომი“ მოითხოვდა არ დაეკონფედერებინათ საქართველოს დამოუკიდებლობის გამოცხადება და ბერლინში ოფიციალური დელეგაციის გაგზავნა, ან ასეთი რწმუნებით თვით „დამკომი“ აღეტყუებინათ. იმავდროულად, გიორგი მაჩაბელი ბერლინიდან გადავიდა ბრესტში და საქართველოს დამოუკიდებლობის გამოცხადების მოლოდინში, 1918 წ. შუა თებერვლამდე, როგორც „უმიანდატო“, უშუალოდ აკონტროლებდა მოლაპარაკების მსვლელობას, რომ იქ არ დაეშვა საქართველოსათვის რაიმე ტერიტორიული დანაკარგი.¹⁹⁶

საქართველოს დამოუკიდებლობა შედიოდა გერმანიის ინტერესებშიც, რადგან ის გეგმავდა რუსეთის იმპერიის დასუსტება-დანაწევრებას მისგან განაპირა ეროვნული ტერიტორიების ჩამოცილების გზით. ქართველმა პოლიტიკოსებმა სათანადოდ ვერ შეაფასეს ეს ხელსაყრელი შემთხვევა და ლოიდინის პოლიტიკა აირჩიეს ამით სერიოზულად დაზარალდა ქვეყნის ტერიტორიული მთლიანობა. 1918 წ. 3 მარტს ხელმოწერილი ბრესტის საზავო ხელშეკრულების მე-4 მუხლით, ყარსის, არტანის და ბათუმის ოლქების თვითგამორკვევის საფუძველზე ამიერკავკასიაში უნდა აღდგენილიყო რუსეთ-ოსმალეთის 1877 წ. საზღვარი.¹⁹⁷

* * *

დროებითი დაზავების შემდეგ გააღიერდა რუსთა ჯარების მიერ ფრონტის თვითნებურად მიტოვება თუმცა, თანამედროვე სამხედრო პირთა ცნობით, „დუნგრები რომამ შეზღუდული ფორმით თავი იჩინა უკვე თებერვლის რევოლუციის მომდევნო თვეებში“.¹⁹⁸ ფრონტის რღვევის საწყისი მიზეზი იყო დისციპლინის მოშლა არმიაში და მისი პოლიტიზება, რასაც სათავე დაუდო პეტროგრადის მუშათა და ჯარისკაცთა დეპუტატების საბჭოს №1 ბრძანებამ, რომლითაც ჯარისკაცებს მიეცათ ჩვეულებრივი მოქალაქის ყველა უფლება. ამიერიდან სამხედრო ნაწილებში ირჩევდნენ ჯარისკაცთა საბჭოებს, კომიტეტებს, აწყობდნენ მიტინგებს და ა.შ. ჯარი თანდათან გამოვიდა მეთაურთა მორჩილებიდან.

არმიაში გაუღუნის მოპოვებას ცდილობდა ყველა პოლიტიკური ძალა ამ მხრივ

¹⁹⁵ იქვე, გვ. 24-25, 52.

¹⁹⁶ შ. სარიძე, საქართველოს დამოუკიდებლობის კომიტეტი, ბათ., 1998, გვ. 100-104.

¹⁹⁷ ბრესტის საზავო ხელშეკრულების ტექსტი იხ. Международные отношения и внешняя политика СССР (Сб. документов) 1871-1957 гг., М., 1957, с. 55-56,

¹⁹⁸ ვ. თევზაძე, ქართველი ოფიცრის ჩანაწერები, თბ., 1990, გვ. 11.

ფრონტიდან გამოძარევის გარდა ჯარში ფეხი მოიკიდა დეზერტირობის სხვა, უფრო შენელებულმა ფორმამაც, კერძოდ, შეგულებული მიდიოდნენ სახლში და უკან აღარ ბრუნდებოდნენ. ეს გადავიდა 1917 წ. ზაფხულიდან, როცა დროებითი მთავრობის კანონით შეგულება ეძლეოდა ჯარისკაცს, თუკი გარდაეცვლებოდა მამა, ან მშობი უნდა გაყრილიყვნენ და მიეღოთ თავიანთი წილი მემკვიდრეობა. ასეთი შეგულებების მისაღებად საკმარისი იყო სასოფლო თემის კომისრის მიერ ბეჭდით და მოწმებული ცნობის გაგზავნა სამხედრო-ნაწილში. ასეთი ბეჭდოვანი ცნობის შოვნა იქ ძნელი არ იყო, — შენიშვნას მემუარისტმა (ტაძეხე, ს. 4641, ფურც. 53).

აღსანიშნავია ბოლშევიკური პარტია, რომელმაც სათანადოდ შეაფასა გაჭიანურებული ომისადმი ხალხის მსარდი უკმაყოფილება და გაანაღდა ანტისაომარი პროპაგანდა. ბოლშევიკების გავლენა კიდევ უფრო გაიზარდა რუსეთში ხელისუფლების სათავეში მათი მოსვლის, აგრეთვე, „ზავის“ და „მიწის“ შესახებ დეკრეტების გამოქვეყნების შემდეგ. ამანვე გააძლიერა ფრონტის რღვევაც. ჯარისკაცთა მასა, რომელიც ძირითადად გლეხებისაგან შედგებოდა, შინისაკენ ისწრაფოდა, რათა მემამულეთა და სამონასტრო მიწების დანაწილებისას არ დაეკარგათ თავიანთი წილი.

ეთიარება დაიძაბა კავკასიის ფრონტზეც. ჯარების მნიშვნელოვანი ნაწილი გამოვიდა მეთაურთა მორჩილებიდან. ისინი მოთხოვნიდნენ ომის დაუყოვნებლივ შეწყვეტას და ზავის დადებას. ამის წინააღმდეგ წაიღია ტრაპიზონის მუშათა და ჯარისკაცთა დეპუტატების საბჭოს ესერული ხელმძღვანელობა. მაშინ მე-8 არმიის ჯარისკაცებმა განაცხადეს, რომ მთავრობის უარის შემთხვევაში, თვითონ დადებდნენ ზავს.¹⁹⁹ 39-ე დივიზიის ჯარისკაცებმა კი ფრონტი მიატოვეს და რუსეთისაკენ გაუდგნენ გზას.²⁰⁰

ასეთ ხელსაყრელ პირობებში ტრაპიზონელი ბოლშევიკებიც გამოეყენნენ ერთიან სოციალ-დემოკრატიულ პარტიას და 1917 წ. დეკემბრის დასაწყისს ტრაპიზონის დეპუტატების საბჭოს ხელმძღვანელობაშიც მოიპოვეს უმრავლესობა. მის თავმჯდომარედ გავიდა ბოლშევიკი ბესარიონ კვიციანი, სამხედრო-რევოლუციური კომიტეტის თავმჯდომარედ კი - დათიკო ნასარიძე.²⁰¹

ფრონტის მოშლა ბოლშევიკებმა დაიწყეს ჯერ კიდევ დროებითი მთავრობის პერიოდში, როდესაც გადაწყვიტეს შეიარაღებული აჯანყებით მისი დამხობა და ძალაუფლების ხელში აღება. ასეთი ანტისახელმწიფოებრივი საქმიანობით მათ, ფაქტობრივად, მეხუთე კოლონის როლი შეასრულეს რუსეთთან მებრძოლი გერმანიისა და მისი მოკავშირეებისათვის.

უკანასკნელ პერიოდში არაერთი დოკუმენტი გამოქვეყნდა გერმანიის ბლოკის სახელმწიფოების სპეცსამსახურებთან ბოლშევიკთა ზოგიერთი ლიდერის პირდაპირი თუ არაპირდაპირი თანამშრომლობის შესახებ. ამ მხრივ გამონაკლისს არც ტრაპიზონელი ბოლშევიკები წარმოადგენდნენ. უცხოეთის სპეცსამსახურებთან დაკავშირებული პირის აღიარებით, გერმანიის დაზვერვის ემისარმა ფონ-კუნმა „მოახერხა ტრაპიზონის აღმასკომის და რეკომის თავმჯდომარეთა მოსყიდვა. მათ უნდა მიეღოთ ზომები, რომ ჯარისკაცები თვითნებურად წასულიყვნენ ტრაპიზონიდან სამშობლოში - რუსეთში.²⁰²

ჯარისკაცებში გავლენის მოპოვებას ცდილობდნენ ბათუმელი ბოლშევიკებიც. ისინი 1917 წ. ოქტომბრის სახელმწიფო გადატრიალების შემდეგ შესამჩნევად მოღონიერდნენ,²⁰³ მაგრამ ბათუმის დეპუტატების საბჭოს ხელმძღვანელობაში უპირატესობა კვლავ ესერებს და მენშევიკებს ეპყრათ. ამიტომ ბოლშევიკებში წარმოიშვა საბჭოთა ხელისუფლების შეიარაღებული აჯანყების გზით დამყარების აზრი. მით უმეტეს, რომ მათ ბათუმში უკვე ჰყავდათ 150-კაციანი მებრძოლი გეარდია, ხოლო ნავსადგურში იდგა რუსეთის სამხედრო ფლოტის ესკადრა. რაზმი შეიქმნა 1917 წ. დეკემბერში

¹⁹⁹ პ.კეჭიჭარია, აჭარის კომუნისტური ორგანიზაციის ისტორიიდან (1917-1922 წწ.), ბათ., 1973, გვ. 51.

²⁰⁰ Документы и материалы по внешней политике Закавказья и Грузии, с. 71.

²⁰¹ პ.კეჭიჭარია, დასახ. ნაშრ., გვ. 52-55.

²⁰² ახ. სესსა, ფ. 1854, ან. 1, ს. 725, ფურც. 1-24.

²⁰³ 1917 წ. შემოდგომისათვის ბათუმის ბოლშევიკური ორგანიზაცია აერთიანებდა 100-მდე წევრს, ხოლო 1918 წ. დასაწყისში 700-ს (Чулук И.С. Очерки истории Батумской коммунистической организации (1890-1921 гг.), Бат., 1970, с. 242.

ბოლშევიკური პარტიის ქუთაისის საგუბერნიო კომიტეტის დადგენილებით²⁰⁴ დასაელებთ საქართველოს სხვადასხვა რაიონიდან მოპილინებულთაგან ოფიციალურად მას დაერქვა „ცენტროფლოტის დამცავი რაზმი“, რადგან ის განთავსდა ბათუმის პორტის ტერიტორიაზე და ფორმალურად ექვემდებარებოდა სამხედრო-სახლავო კომიტეტს. ამის გამო მას „სახლავო ასეულსაც“ უწოდებდნენ.²⁰⁵ პარტიული ხაზით რაზმი ემორჩილებოდა ბოლშევიკების ბათუმის კომიტეტს, სამხედრო თვალსაზრისით კი — ხელმძღვანელ შტაბს.²⁰⁶

უნდა აღინიშნოს, რომ სახლავო ასეული ბოლშევიკებმა შექმნეს სოციალ-დემოკრატი მენშევიკების წაბაძვით, რომლებმაც 1917 წ. შემოდგომაზე ბათუმელი მუშებისაგან ჩამოაყალიბეს დისციპლინებული და კარგად შეიარაღებული გეარდიალიდერობისათვის მებრძოლმა ბოლშევიკებმაც გადაწყვიტეს არ ჩამორჩნოდნენ მოვლენებს და ბათუმის მოსახლეობაში თავიანთი ძალმოსილების დემონსტრირებისათვის შექმნეს საკუთარი გეარდია.

1918 წ. თებერვლიდან, ამიერკავკასიის გასაბჭოებისათვის აქტიურად მზადების ვითარებაში, სამხარეო კომიტეტმა სახლავო ასეულს დააკისრა იარაღის შოვნა და გადაგზავნა დასაელებთ საქართველოს ბოლშევიკურ ორგანიზაციებში წითელგეარდიელთა რაზმების შესაქმნელად; ფრონტიდან დემობილიზებულ ჯარისკაცთა შორის საბჭოთა ხელისუფლების სასარგებლო აგიტაცია და მათი ზღვით ორგანიზებულად გადაყვანა ჩრდილოეთ კავკასიასა და რუსეთის ცენტრალურ ნაწილში თეთრგეარდიელების წინააღმდეგ საბრძოლველად; ფრონტიდან მოსული გემების განხრეკა და ანტიბოლშევიკურად განწყობილ სამხედროთა განიარაღება; ტრაპიზონელ თანამოაზრეებთან მჭიდრო კავშირის დამყარება, საბჭოთა ფრონტზე იარაღის და სურსათის გადასროლის მიზნით.²⁰⁷

კავკასიის არმიის დაშლა განსაკუთრებით გაძლიერდა ერზინჯანის დროებითი დაზაეების შემდეგ. ჯარისკაცები ჯგუფ-ჯგუფად ტოვებდნენ ფრონტს ისინი უარს ამბობდნენ იარაღის ჩაბარებაზე, რაც ქმნიდა მასობრივ უწყესრიგობათა დიდ საშიშროებას.

ფრონტის რღვევამ იმდენად სტიქიური ხასიათი მიიღო, რომ კავკასიის არმიის II ყრილობის მიერ არჩეულმა ბოლშევიკური ორიენტაციის სამხარეო საბჭომაც კი, 1918 წ. 11 იანვარს, ჯარისკაცებს მიმართა მოწოდებით: „არ დატოვოთ პოზიციები თვითნებურად, სახკომსაბჭოს და არმიის სამხარეო ცენტრის გადაწყვეტილების გარეშე. ფრონტიდან გამოუტანელი დარჩება სურსათის და იარაღის მარაგი, ასეულობით მილიონი რუბლის სხვა ქონება თქვენ არ უნდა გააშიშვლოთ ფრონტი და არ მიატოვოთ მოსახლეობა. მძარცველი ბანდების ამარა დროებითი ზავი დადებულია, საბოლოო ზავიც ახლოსაა კავკასიის არმიის ახალი სამხარეო საბჭო დაუყოვნებლივ შეუდგება არმიის გეგმაზომიერ დემობილიზაციას“.²⁰⁸

ფრონტის რღვევასთან დაკავშირებით ბოლშევიკების მიერ ტაქტიკის შეცვლა საგარეო საფრთხეზე უფრო იმით იყო ნაკარნახევი, რომ პეტროგრადსა და მოსკოვში ძალაუფლების ხელში აღების შემდეგ, პირველ თვეებში, საბჭოთა ხელისუფლება ინერციის ძალით დამყარდა რუსეთის შიგა გუბერნიებში და აქტიურად მოიწვედა

²⁰⁴ ამსფ., ფ. 11, ს. 5, ფურც. 3.

²⁰⁵ ასეულის მებრძოლთა უმრავლესობა გურიის სოფლებიდან იყო. ამიტომაც მას „გურიის ასეულსაც“ ეძახდნენ (Чулок И.С., დასახ. ნაშრ., გვ. 255).

²⁰⁶ ამსფ., ფ. 11, ს. 5, ფურც. 3-6.

²⁰⁷ აქვე, ფურც. 7.

²⁰⁸ ა.ს. Борьба за победу Советской власти в Аджарии. Сб. документов. 1917-1921 гг., Бат., 1961, с. 102-103.

სამხრეთისაკენ. შექმნილ ვითარებაში ამიერკავკასიელი ბოლშევიკების წინაშე დაიხაზა ორი პარალელური ამოცანა უზრუნველყოთ მათ გავლენაში მყოფი ჯარების მნიშვნელოვანი ნაწილის გადაყვანა ჩრდილოეთ კავკასიაში საბჭოთა ხელისუფლების დასამყარებლად; ხოლო მეორე მხრივ, მათზე დაყრდნობით მოეხდინათ ამიერკავკასიის გასაბჭოებაც.

უკვე 1918 წ. დასაწყისისათვის ნოვოროსიისკსა და ტუაფსეში „მოგროვდა 40 ათასამდე ბოლშევიკურად განწყობილი ჯარისკაცი კავკასიის ფრონტიდან“,²⁰⁹ რომელმაც მალე შეუტეეს კეატერინოდარს. თებერვალში დაიკავეს როსტოვისა და ნოვოროსიისკის მხარე. მარტის დამდეგს კი საბჭოთა ხელისუფლება დაამყარეს ჩრდილოეთ თერგზე განრდა ამიერკავკასიის გასაბჭოების საფრთხეც. მით უმეტეს, რომ ამ მიზნით უკვე 1918 წ. იანვარში მოსკოვიდან თბილისში გამოგზავნეს საგანგებო საქმეთა კომისარი სტ. შაუმიანი, აქ შეიარაღებული აჯანყების მოსამზადებლად.²¹⁰

ბოლშევიკთა მხარდამკერები მომრავლდნენ საქართველოს სოფლებშიც. ისინი, ძირითადად, იყვნენ რუსეთის დასავლეთის ფრონტიდან დემობილიზებული ჯარისკაცები, რომლებიც უამბობდნენ თანასოფლელებს, თუ როგორ უსასყიდლოდ დაურიგდა მიწები გლეხობას ლენინის დეკრეტის საფუძველზე.

აგრარული მოძრაობის გააქტიურებამ აიძულა ამიერკავკასიის კომისარიატი, უკვე 1917 წლის დეკემბრის დამლეუს, გამოეცა დეკრეტი მიწის შესახებ. 1918 წლის მარტში სეიმმაც მიიღო შესაბამისი კანონი, რომლითაც გამოცხადდა მთელი მიწების ნაციონალიზაცია, მაგრამ, როგორც გაზ. „ერთობა“ შენიშნაუდა „გადაუჭრელი რჩებოდა, თუ ეს, რა პირობებში უნდა გადასცემოდა ჩამორთმეული მიწა“.²¹¹

ბოლშევიკურ-აგრარული სტიქია ძლიერი იყო სამეგრელოს რაიონებში. აქ შექმნილ გლეხთა რაზმებზე დაყრდნობით ბოლშევიკებმა 1918 წ. მარტში საბჭოთა ხელისუფლება გამოაცხადეს ჯერ მარტიელის რაიონში, ხოლო შემდეგ ზუგდიდის მაზრაშიც. აპრილის დამდეგს ბოლშევიკებმა აჯანყება დაიწყეს აფხაზეთში და დაამყარეს საბჭოთა ხელისუფლება, რომელმაც 42 დღე იარსება ამავე პერიოდში რუსმა და ქართველმა ლენინელებმა აჯანყების ცეცხლი დაანთეს შიდა ქართლში კომპაქტურად მცხოვრებ ოსებშიც, არაქართველებით დასახლებულ რაიონებში ბოლშევიკური პროპაგანდა მიმდინარეობდა ანტიქართული განწყობილების გაღვივების სულისკვეთებით და ეს მაშინ, როდესაც ამიერკავკასიის ემუქრებოდა ოსმალთა შემოსევის საფრთხე.

ზემოაღნიშნული „საბჭოთა აჯანყებების“ იარაღით მომარაგება ბათუმელმა და ტრაპიზონელმა ბოლშევიკებმა უზრუნველყვეს, ხოლო ტრაპიზონიდან საბრძოლო იარაღის პრაქტიკულად გამოტანა და მისი დანიშნულებისამებრ გადაგზავნა „საზღვაო ასეულის“ რაზმელებმა განახორციელეს.²¹² ამგვარი საქმიანობით მათ მეხუთე კოლონის როლი შეასრულეს ფრონტზე ოსმალთა შემოტევის ვითარებაში.

ამიერკავკასიის კომისარიატმაც სცადა ფორმირების პროცესში მყოფი თავისი არმიის ტრაპიზონის მარაგიდან შეიარაღება. ამ მიზნით იქ გაიგზავნა მენშევიკური გეარდიის 150-კაციანი რაზმი ს. დადიანის ხელმძღვანელობით, მაგრამ ეს საქმე ჩაშალა ტრაპიზონის რეკომის თავმჯდომარემ დ. ნასარიძემ.²¹³

²⁰⁹ Чавленшвили М.И., Октябрьская революция и борьба за установление Советской власти в Аджарии (1917-1921 гг), Бат., 1987, с.37

²¹⁰ Борьба за победу Советской власти в Аджарии, - Сб., документов, с. 107-109.

²¹¹ მ.ჯიჯელი, ბრძოლა საბჭოთა ხელისუფლებისათვის აჭარაში (1917-1921 წწ.), ბათ., 1957, გვ. 42-43.

²¹² ანბ. ფ. II, ს. 5, ფურც. 26-28.

²¹³ ჰ.კეკელიძე, დასახ. ნაშრ., გვ. 58.

სამხმედრო მონაწილეობის ბანახლება შრონტზე. ფრონტის აქტიური რღვევის პირობებში ამიერკავკასიის ხელისუფლების ინიციატივით დაიწყო დამოუკიდებელი არმიის ფორმირება ქართული, სომხური და აზერბაიჯანული ეროვნული კორპუსების მიხედვით. ამის პარალელურად, სარდლობამ შეიმუშავა კავკასიის ფრონტზე მყოფი ჯარის ნაწილების ევაკუაციის გრაფიკი და მარშრუტი. მაგრამ ჯარის ცაკები დემობილიზაციის გეგმას არად ავლდებდნენ და იარაღასხმულები ფეხით მოეშურებოდნენ ფრონტიდან. 1918 წ. იანვარში ბათუმის ციხე-სიმაგრის კომენდანტი კავკასიის ფრონტის სარდალს ატყობინებდა, რომ „ბათუმში საერთოდ არაა თავისუფალი შენობები სურსათი დაღვევის პირსეა... ჯარების გეგმაზომიერ ევაკუაციაში უკვე ქაოსია.“²¹⁴

ჩრდილოეთ კავკასიაში ვითარების გამწვავების გამო, მალე ამიერკავკასიის რკინიგზაზეც შეწყდა მოძრაობა და ბაქოს გავლით ჯარების ევაკუაცია შეუძლებელი გახდა. 25 იანვარს კავკასიის ფრონტის შტაბის უფროსი სეფასტოპოლის, ნოვოროსიისკისა და ბათუმის საზღვაო კომიტეტებს ატყობინებდა – ამ სამინდელ ყინვაში გზაზე მყოფ ჯარებში მოსალოდნელია ბუნტი ამიტომ აეცილებულია მათი ევაკუაცია მოხდეს ზღვით, ბათუმის პორტიდანო.²¹⁵

ამიერკავკასიის მთავრობამ ფრონტის დაცარიელებული უბნების შეესება დაიწყო შედარებით მცირერიცხოვანი ქართული და სომხური ნაწილებით, მაგრამ ამ უკანასკნელში დისციპლინა აშკარად მოისუსტებდა. ერზინჯანში, ოლთისში და ზოგ სხვა პუნქტში ადგილი ჰქონდა სომეხი რაზმების მიერ ადგილობრივი მამალიანი მოსახლეობის დარბევის ფაქტებსაც. ეს კარგად გამოიყენა ოსმალეთის მხარემ და ამიერკავკასიის მთავრობასთან იხილა. 1918 წ. იანვარ-თებერვლის ნოტებში²¹⁶ ფაქტები გაზეიადებულად იყო წარმონეილი და, ჩანს, მიზნად ისახავდა ნიადაგის მომზადებას ოსმალეთის არმიის წინ წამოსაწევად.

12 თებერვალს კავკასიის არმიის სარდალმა გენერალ-ლეიტენანტმა ილია ოდიშელიძემ ეეხიბ-ფაშასაგან მიიღო უფრო პრეტენზიული ტელეგრამა, რომელშიც მუქ ფერებში იყო დახატული მუსლიმან მოსახლეობაზე სომეხთა ძალადობა ამიტომაც „მე ევლარ შეეძლებ ჩემი ჯარების შენერებას მდემარე მოწმეების როლშიო, - იტყობინებოდა ოსმალთა მთავარსარდალი, - მათი სიცოცხლის და ქონების დაცვის მოვალეობა მაიძულებს დაეიკაო ის ადგილები, რომლებიც დატოვეს რუსეთის ჯარებმა“. ამასთან, ეეხიბი ირწმუნებოდა, რომ დროებითი ზაეი ძალაში რნება, გარდა სადემარკაციო ხაზის განმსაზღვრავი პარაგრაფისა, რომელმაც რუსის ჯარის წასვლის შემდეგ თავისთავად დაკარგა მნიშენელობაო.²¹⁷

საზგასასმელია, რომ დროებითი ზაეი ოსმალეებმა სათანადოდ გამოიყენეს განადგურების პირას მისული მე-2 და მე-3 არმიები სხვა ფრონტებიდან გადმოსროლილი ჯარებით შეავსეს და შექნეს 5 ახალი დივიზია. გარდა ამისა, კავკასიის ასპარეზზე გადმოიყენეს ქურების და „ჩეთეს“ რამდენიმე საკავალერიო რაზმი, რითაც კავკასიის ფრონტზე დამტებით თავი მოუყარეს 25 ათასამდე მებრძოლს.²¹⁸

კავკასიის ფრონტის სარდალმა გენერალმა ლებედინსკიმ, ძალების მცირერიცხოვნების გამო, თავი აარიდა შეტაკებას, უბრძანა ჯარებს დაეტოვებინათ სადემარკაციო ხაზი და დაეხიათ ახალ თავდაცვით მიჯნაზე (ჩარბორ-ახტალა-ენის ხაზზე).²¹⁹

²¹⁴ სესსა, ფ. 1818, ან. 2, ს. 34, ფურც. 82, 94; იქვე, ფ. 1968, ან. 1, ს. 22, ფურც. 60.

²¹⁵ იქვე, ფ. 1818, ან. 2, ს. 34, ფურც. 39.

²¹⁶ Документы и материалы по внешней политике Закавказья и Грузии, сс. 41–46.

²¹⁷ იქვე, გვ. 49–50.

²¹⁸ Пипия Г. В. Германский империализм в Закавказье в 1910-1918 гг., М, 1978, გვ. 97.

²¹⁹ Документы и материалы по внешней политике Закавказья и Грузии, с. 49–50.

ამასთან, მან ოსმალთა შემოტევის შეჩერება მოლაპარაკებითაც ცადა. 14 თებერვლის დეკუშაში ეხიბ-ფაშასადმი გენ. ლებედინსკი პირობას აძლევდა, რომ ყველა ლონისძიებულს გაატარებდა მაჰმადიანური მოსახლეობის უსაფრთხოების დასაცავად. ამასთან, შეახსენებდა, რომ ოსმალეთის ჯარების შემდგომ წინსვლას შეეძლო დაირღვინა დროებითი დაზავება და შეუფერხებინა საბოლოო ზაისის დადებაც.²²⁰ ამის მიუხედავად, მოწინააღმდეგე მთელ ფრონტზე განაგრძობდა წინსვლას.

ამიერკავკასიის ჯარების ზურგში ამოქმედდნენ ქურთების და „ნოთეს“ რაზმები. ისინი წვაენდნენ ხიდებს, აზიანებდნენ გზებს, რითაც აფერხებდნენ ორგანიზებულ უკანდახედას ვერ მოხერხდა არტილერიისა და მოძრავი ტრანსპორტის დიდი ნაწილის ევაკუაცია ძლიერი სიცივეების გამო უკანდახეულმა მეომრებმა და ლტოლვილებმა ასეულობით კაცი დაკარგეს მოყინულთა სახითაც. ამას დაერთო ამიერკავკასიის დამცველთა ძლიერი სულიერი დეპრესია. ერზინჯანის რაზმის უფროსი – პოლკოვნიკ მორელიის ცნობით: „სამხედროთა და მოხალისეთა შორის შეიმჩნევა ძლიერი სწრაფვა ზურგში წასასვლელად. ასევე დაქვეითებულია მებრძოლი სული ოფიცერთა დიდ ნაწილშიც“.²²¹

შექმნილ ვითარებაში ოსმალთა ჯარებმა უკვე 13 თებერვალს დაიკავეს ქ. ერზინჯანი, შემდეგ - გიუმუშხანე, ბაიბურთი და ტრაპიზონი, 12 მარტს დაეცა ერზურუმი, ხოლო 19 მარტს - არტაანი. ამით მათ გადმოლახეს რუსეთ-თურქეთის 1914 წლის საზღვრები.

უკანდახეულ ჯარს წინ უძლიოდა ლტოლვილთა დიდი მასა, რომლის მნიშვნელოვანმა ნაწილმა თავი მოიყარა ბათუმში. ამის შესახებ კორესპონდენტი იუწყებოდა: „ოსმალეთის ფრონტის დაცარიელებამ (უმთავრესად ტრაპიზონის ფრონტის დაკლამ) ბათუმი ჭრელი ხალხით აავსო. ვინ გინდა, რომ დღეს ბათუმში არ იყოს: ეპოლეტახილი გენერალ-აფიცრები, ჯარისკაცები, მატროსები, ბედის მაძებარი სპეკულანტი მოიჯარადენი, ინჟინრები, უსახლკარო ბერძნები, სომხები და სხვები. ქალაქი საესეა ლტოლვილებით...“²²²

ბათუმში თავშეფარებულ ლტოლვილთა შორის უმრავლესობას შეადგენდნენ დემობილიზებული ჯარისკაცები. ისინი ტრაპიზონიდან ზღვით მიემგზავრებოდნენ ნოვოროსიისკსა და ტუაფსეში, მაგრამ, გემების უკმარისობის გამო, მნიშვნელოვანი ნაწილი სახმელეთო გზით მოემართებოდა ბათუმისაკენ, აქედან რუსეთში გასამგზავრებლად, რადგან სარკინიგზო მიმოსვლა მოშლილი იყო, ჯარისკაცთა მასა ახალ, დიდ პრობლემებს უქმნიდა ისედაც მიმე მდგომარეობაში მყოფ ბათუმს ყოველ წუთს მოსალოდნელი იყო დემორალიზებულ ჯარისკაცებს ქალაქში მაროდორობა დაეწყოს და არეულობა გამოეწვიათ. ამიტომ ბათუმის საქალაქო ხელისუფლება და საზოგადოებრიობა ყოველ ღონეს ხმარობდა, რომ ჯარისკაცები მინიმალურად მაინც უზრუნველყოთ დროებითი ღამისსათყეით, სურსათ-სანოვავით და რაც შეიძლება მალე გაესტუმრებინათ სამშობლოში.²²³

1918 წლის მარტის მომდევნო ბათუმში. ქვეყნისათვის ასეთ მიმე მდგომარეობაში, მარტის დამდეგს, ბოლშევიკებმა ბათუმშიც დაგეგმეს ძალაუფლების ხელში აღება, მაგრამ მხოლოდ „სახლავო ასეულზე“ დაყრდნობით, ისიც გასამხედროებულ ქალაქში, ეს ჩანაფიქრი ვერ განხორციელდებოდა. ამიტომ რსდმპ (ბ) ბათუმის კომიტეტი დაუკავშირდა შვეი ზღვის ფლოტის მეხლავურებს, რომლებიც ბოლშევი-

²²⁰ იქვე, გვ. 50-51.

²²¹ იქვე, გვ. 57-60.

²²² ვაზ. „ურთობა“, №42, 1918 წ.

²²³ ვესა, გვ. 67, ან. 1, ს. 13, ფურც. 83-85.

კობაზე დებდნენ თავს, თუმცა, მათში ანარქიზმი უფრო ჭარბობდა.

სამხედრო-სახლავო ფლოტში ყველაზე მწვავედ იზინა თავი დისციპლინის მოშლამ. როგორც გახ. „კავკასიისკოე სლოუ“ შენიშნავდა, გაღოთებულები და გახულებული მატროსები თავს ყველაფრის უფლებას აძლევდნენ: ისინი არაერთად ვალდებულებას არ ცნობდნენ და ოფიცრები ისე დაშინეს, რომ გემები საკუთარი ნება-სურვილით მიმოჰყავდათ. მათ ხელში მოხვდა ტრაპიზონის სამხედრო ქონების მნიშვნელოვანი ნაწილი, რომლითაც ისინი ეაჭრობდნენ კერძო პირებს და თურქებთანაც კი. მაშინ, როდესაც ბათუმის მოსახლეობა თითქმის ბნით იკვებებოდა, მისთვის განკუთვნილი 32 ათასი ფუთი პურის ფქვილი დაისაკუთრეს „ტრანსპორტ 84“-ის მატროსებმა და გასაყიდად ტრაპიზონსა და კერასუნტში გაიტარეს. ასევე არ აღწევდა დანიშნულების ადგილს ბათუმიდან სევასტოპოლში, „ცენტროფლოტისათვის“ გაგზავნილი ბენზინის, მასუთის და ნავთის მნიშვნელოვანი ნაწილი - მათ მატროსები გზადაგზა პყიდდნენ და შემოსავალს იჯიბადენენ. ამგვარი საქმიანობით განსაკუთრებით გამოირჩეოდა კრეისერ „კაროლ კარლის“ და ნაღმოსან „სარატოვის“ ეკიპაჟები.²²⁴

მატროსებმა დროწვეს მეკობრეობაც. ისინი ძარცვავდნენ ზღვის სანაპირო პუნქტებს. განსაკუთრებით ტერორიზებული ჰყავდათ საბაზო ნავსადგურ ბათუმის მოსახლეობა. მათი ძალადობა ყოველგვარ ზღვარს გასცდა ბრესტის ზაღის გაფორმების შემდეგ. ქალაქის ქუჩებში ჯგუფ-ჯგუფად დაეხტებოდნენ შესარჩოშებული მატროსები და უშვერი სიტყვებით იგინებოდნენ - „დამოუკიდებლობა გინდათ და არ ცნობთ ბრესტის ზავს“.

„გაბოლშევიკებში“ მატროსები არ ცნობდნენ ამიერკავკასიის ხელისუფლებასაც. ტრაპიზონის კონფერენციაზე სამთავრობო საზავო დელეგაციის ბათუმიდან მგზავრობისათვის კრეისერ „კაროლ კარლის“ ეკიპაჟმა მოითხოვა დიდი თანხა, 16 მარტს კი დელეგაცია თვითნებურად მიატოვა და დაბრუნდა ბათუმში.

ბრესტის ზაღმა ახრთა სხვადასხვაობა წარმოშვა ბოლშევიკებში. მათი ერთი ნაწილი მიიჩნევდა, რომ საბჭოთა მთავრობის მიერ ბათუმის დათმობა გამორიცხავდა იქ ძალაუფლების ხელში აღებას მეორე ჯგუფი კი აყენებდა საპირისპირო წინადადებას. სამხედრო საზავო ფლოტის მეზღვაურებშიც გაძლიერდა სევასტოპოლში წასვლის განწყობილება.²²⁵

სამხედრო-სახლავო ფლოტს დიდი მნიშვნელობა ჰქონდა ბათუმის გამაგრების სისტემაში. ამიტომ ადგილობრივმა ხელისუფლებამ ნავსადგურში დარჩენილ სამხედრო გემების წარმომადგენლებს შესთავაზა შესაბამისი ანაზღაურების ფასად მონაწილეობის მიღება ოსმალებისაგან ქალაქის დაცვაში.²²⁶ მათი პასუხი ჯერ მიკიბულ-მოკიბული იყო. ისინი გასამრჯელოსათვის მზად იყვნენ გემებს გადაეტანათ და „გადაერჩინათ“ ქონება, თუ ოსმალები შეეცდებოდნენ ბათუმის დაუფლებას. შემდეგ კი განაცხადეს, რომ ფლოტი საერთოდ დატოვებდა ბათუმის ნაემისადგომს.

16 მარტს ჩატარდა საეაჭრო ფლოტის მეზღვაურთა ყრილობა, რომელმაც მხარი დაუჭირა ბათუმის დაცვის აუცილებლობას, მოითხოვა სამხედრო ფლოტის გაძლიერება და ქალაქის დაცვის საკითხზე „ცენტროფლოტის“ პოზიციის გაცნობა.²²⁷

²²⁴ Борьба за победу Советской власти в Аджарии. Документы и материалы, с.с. 113-116; რ.გაბაშვილი, რაც მახსოვს, იხ. ქართული ემიგრანტული ლიტერატურა „დაბრუნება“, ტ. 3, თბ., 1992, გვ. 194-196.

²²⁵ მ. სიროშიძე, კიდევ ერთხელ 1918 წლის 5(18) მარტის მოვლენების შესახებ ბათუმში. - ბათუმის სახ. უნ-ტა შრომები, III, 1999, გვ. 172.

²²⁶ გახ. „კრთობა“, №53, 1918.

²²⁷ მ.ჯიჯიაშვილი, სამჭოთა ხელისუფლებისათვის საქართველოს მშრომელთა ბრძოლის ისტორიიდან (1918 წ. 5(18) მარტის ამბები ბათუმში). - ივ.ჯავახიშვილის სახ. ისტორიის ინსტიტუტის შრომები, III, თბ., 1958, გვ. 127-128.

17 მარტს, ბათუმის დაცვის საკითხებთან დაკავშირებით, ნ. ჟორდანიას ინიციატივით მიიწვიეს პოლიტიკური პარტიების და დეპუტატების საბჭოს გაერთიანებული სხდომა. დაარსდა ერთიანი რეკომში, რომელშიც შევიდა ბოლშევიკების წარმომადგენელიც. ფორმალურად ეს ნიშნავდა ბათუმის თავდაცვის ერთიანი ფრონტის შექმნას.²²⁸ ამავე პერიოდში ქალაქში გაერცვლდა არცთუ უსაფუძვლო ხმები მონინალმდევის მიერ მეზღვაურების მოსყიდვის შესახებ. ბოლშევიკების წინააღმდეგობისა და ნ. ჟორდანიას შემრიგებლობის გამო, აღნიშნულ სხდომაზე არ მოხერხდა დადგენილების გამოტანა სამხედრო ფლოტის განიარაღების თაობაზე.

ასეთ ვითარებაში, 17 მარტს, საღამოს, ბათუმში ჩამოვიდა ამიერკავკასიის ეროვნებათშორისი სამხედრო საბჭოს თავმჯდომარე ნოე რამიშვილი, რომელიც სოციალ-დემოკრატ ლიდერთა შორის ყოველთვის გამოირჩეოდა ენერგიული მოქმედებით. რ. გაბაშვილის გადმოცემით, ნ. რამიშვილი, „როგორც კი გაიგო საქმის მდგომარეობა, ცეცხლივით დატრიალდა, შეაგროვა გეარდიელები და განთიადისას, შორიდან ეუყურებდით, ქართველებმა როგორ თოფის გაუსროლელად ჩაიგდეს ხელში ჯავშნიანი გემი, გამოიყვანეს თვალ-მოუფშენებელი, პირდაუხანელი 250 მატროსი და ბათუმის ციხეში უარეს თაგი“.²²⁹ იმავედროულად დააპატიმრეს ნაღმოსან „სარატოეის“ და სხვა მომცრო სამხედრო გემების კიპაჟები. სულ ხელთ იგდეს 10 გემი და 300-ზე მეტი მატროსი.

18 მარტს, დილით, სამთავრობო ჯარმა დაიკავა ბათუმის რადიოსადგურიც. „სასღვაო ასეულის“ ნეიტრალიზაციის მიზნით, მას ალყა შემოარტყა მენშევიკური გეარდიის რაზმმა. ბოლშევიკურ ასეულს მიეცა წინადადება დაეყარათ იარაღი. ამ უკანასკნელმა, დროის გაყვანის მიზნით, დაიწყო მოლაპარაკება. იგი დღის ბოლომდე გაგრძელდა. საღამოს კი ბოლშევიკმა რაზმებმა ისარგებლეს სიბნელით და მცირე ჯგუფებად გაიპარნენ ქალაქიდან.²³⁰ ასე დასრულდა ბოლშევიკების „სასღვაო ასეულის“ არსებობა.

ფლოტის ხელში ჩაგდების შემდეგ დადასტურდა მატროსთა მაროდორობის ფაქტები. გახ. „კავკასსკოე სლოვო“ თანახმად: „ქაროლ კარლის“ ეკიპაჟის დაპატიმრებისას იქ აღმოჩნდა ტყავის, საკეები პროდუქტების და სხვ. საქონლის მნიშვნელოვანი მარაგი, აგრეთვე 5 ათასი შაშხანა. არანაკლები მარაგი იყო „სარატოეზეც“. ნხრეკისას მატროსებს უპოვეს სულ 800 ათასი რუბლი, საშუალოდ ყოველ დაპატიმრებულზე მოდიოდა 2 ათასი რუბლი ჯიბის ფული“.²³¹ იგივე გაზეთი დიდ მნიშვნელობას ანიჭებდა ამიერკავკასიის მთავრობის მიერ ფლოტის ხელში ჩაგდებას. „ამით ჩვენ გაბატონებულ მდგომარეობას ვიძინთ ზღვაზე. ასევე დაზღვეული ვართ თურქეთის სადესანტო ოპერაციებისაგან და, საერთოდ, ფლოტის დაუფლებით თავდაცვის საკითხი სანახევროდ გადაწყვეტილიაო“, - შენიშნავდა კორეპსონდენტი.

იმავე დღეს დაიწყო ზრუნვა ფლოტის რეორგანიზაციისა და ქალაქის თავდაცვის განმტკიცებისათვის. ნ. რამიშვილმა დეკემბრით შეატყობინა თბილისს 18 მარტს ბათუმში მომხდარი ამბები და მოითხოვა „მატროსების გამოგზავნა“. ამასთან, ითვალისწინებდა რა იმასაც, რომ ბათუმის ციხე-სიმაგრის ბატარეებზე არტილერიისტებად იყენებოდა ახალწეულნი, ითხოვდა პროფესიონალ არტილერისტ ოფიცრებს „არანაკლებ 30 კაცისა“. ნ. რამიშვილი შემდეგ დასძინდა: „ძალები ბათუმში თავს იყრიანო“.²³² ახლად

²²⁸ მ.ჯიჯიევილი, ბრძოლა საბჭოთა ხელისუფლებისათვის აქარაში, გვ. 49-50.

²²⁹ რ.გაბაშვილი, დასახ. ნაშრ., გვ. 196.

²³⁰ ამხედ., ფ. II, ს. 5, ფურც. 10.

²³¹ Борьба за победу Советской власти в Аджарии. Документы и материалы, с. 116.

²³² იქვე, გვ. 112-113.

შეპენილი ფლოტის სარდლად დაინიშნა სამხედრო-სასღვაო ოფიცერი ჭაჭუაძე.

აღსანიშნავია, რომ უკრაინელმა და რუმინელმა²³³ სასღვაო ოფიცრებმა, რომლებიც გახარებულნი იყვნენ შეამზოხე მატროსთა ტყვეობიდან განთავისუფლებით, თანხმობა განაცხადეს დარჩენილიყვნენ და ემსახურათ ამიერკავკასიის ფლოტში.

სამწუხაროდ, სოციალ-დემოკრატი მმართველები იწყებდნენ კარგად და ამთავრებდნენ ცუდად, რაც იყო მათი მოღვაწეობის თანმდევი ერთ-ერთი ნაყოფი 19 მარტს გამართულ თათბირზე ფლოტის ახალმა სარდალმა დააყენა გემების ძველი ეკიპაჟების კრიმინალური ნაწილის სამხედრო ტრიბუნალში მიცემის და მათი ახალი შემადგენლობით შეცვლის საკითხი. „პროლეტარული სოლიდარობის“ ინტერესებიდან გამომდინარე, ეს მოთხოვნა არ გაიზიარეს სოციალ-დემოკრატმა მენშევიკებმა.²³⁴

იმავე 19 მარტს, ბოლშევიკების ინიციატივით მოიწვიეს „მუშათა კონფერენცია“ წინა დღის ამბების გამოსარკვევად. შეკრებილ მუშათა წინადადებით ორივე სხდომა გაერთიანდა. კითხვაზე, თუ დადასხმა ფლოტზე სანქციონებული იყო თუ არა ბათუმის დეპუტატების საბჭოს მიერ - ნ. რამიშვილმა განაცხადა, რომ ეს განხორციელდა ამიერკავკასიის მთავრობის მიერ და წარმოადგენდა აუცილებელს ქვეყნის თავდაცვისათვის. მანვე გაიმეორა ფლოტის ეკიპაჟისადმი წაყენებული ბრალდებები და დასძინა, ამიერკავკასიის ხელისუფლებას არც შეეძლო სხვანაირად მოქცეულიყო, განსაკუთრებით „კაროლ კარლის“ მიმართ, რომელმაც თვითნებურად მიატოვა ტრაპიზონში საზაო დელეგაცია და ამ მიზეზით იგი დარჩა თბილისთან რადიოკავშირის გარეშე. ამასთან, მატროსები ცდილობდნენ მოწინააღმდეგისათვის მიეყიდათ იარაღი და სურსათი. ბოლშევიკებმა კატეგორიულად მოითხოვეს დაპატიმრებული მესღვაურების განთავისუფლება, გემზე გაშვება და ჩამორთმეული „პირადი ქონების“ დაბრუნება. მათ მხარი დაუჭირეს სოციალ-დემოკრატმა მენშევიკებმაც. თანაპარტიელთა მხრივ ასეთმა წინააღმდეგობამ თვით უდრეკი ნ. რამიშვილიც გასტყუა. ენდნენ მატროსთა სიტყვიერ დაპირებას, რომ ნებაყოფლობით დაქირავენ უფლის პრინციპით იმსახურებდნენ ამიერკავკასიის ფლოტში. ისინი პატიმრობიდან გაათავისუფლეს და გემებზე გაამწყესეს.

ახლად შეპენილი ფლოტი რამდენიმე დღის მანძილზე სათანადოდ უზრუნველყოფდა ბათუმის თავდაცვას, მაგრამ მალე საფლავგმანო კრეისერ „კაროლ კარლის“ ეკიპაჟმა ისარგებლა ხელისუფლების მხრივ სიფხიზლის მოდუნებით და ბათუმიდან გაიპარა. ამასთან დაკავშირებით ისტორიოგრაფიაში დამკვიდრდა არაობიექტური შეხედულება, რომლის მიხედვითაც ფლოტი გაიტაცეს მასზე მყოფმა ბოლშევიკმა მატროსებმა და სევასტოპოლს მიაშურეს თანამედროვის ცნობით, „კაროლ კარლი“ გაიტაცა მისმა რუმინულმა ეკიპაჟმა და სამშობლოში დაბრუნდა.²³⁵

საფლავგმანო კრეისერის დაკარგვამ საგრძობლად დასცა ბათუმის დამცველთა საბრძოლო სულისკეთება, რამაც იმ დროს შექმნილ სხვა საგარეო და საშინაო პოლიტიკურ გარემოებებთან ერთად მნიშვნელოვანწილად განაპირობა ბათუმის თითქმის უბრძოლველად დათმობა მოწინააღმდეგისათვის.

ამრიგად, ფრონტის მოშლა და განადგურების პირას მყოფი ოსმალეთის სამხედრო წარმატება ამიერკავკასიაში განაპირობა 1917 წ. რევოლუციებმა და სახელმწიფო გადატრიალებების შედეგად წარმოქმნილმა საერთო ანარქიამ და ქაოსმა, არმიის პოლიტიზებამ და ამ საფუძველზე მხედრული დისციპლინის მოშლამ, ბოლშე-

²³³ კრეისერი „კაროლ კარლი“ რუსეთმა ომის ბეროლში შეიძინა რუმინეთისაგან. ამიტომაც ოფიცრთა ნაწილი ამ ქვეყნის წარმომადგენელი იყო.

²³⁴ რეაბილიტირებული, დასახ. ნაშრ., გვ. 198.

²³⁵ მ. სიორიძე, სამხრეთ-დასავლეთი საქართველო 1914-1918 წლებში, გვ. 198-199.

ვიკების ვიწრო პარტიულმა ინტერესებმა, რაც ნაკარნახევი იყო არმიაზე დაყრდნობით ცენტრში საბჭოთა ხელისუფლების განმტკიცებისა და განაპირა რეგიონებში მისი გაერცვლების მისწრაფებით; ამას ემატებოდა ამიერკავკასიის მთაწარობის ძალაუფლების შეზღუდულობა და უუნარობა – ერთიან სახელმწიფოებრივ საწყისებზე მოეწყო ქვეყნის თავდაცვა აშკარად იგრძნობოდა ის წინააღმდეგობანიც, რაც არსებობდა ამ მხარეში ფეხმოკიდებულ სოციალისტურ პარტიებს, აგრეთვე, ამიერკავკასიის სხვადასხვა მენტალიტეტის, რელიგიური აღმსარებლობისა და პოლიტიკური ორიენტაციის ხალხებს შორის, რასაც კიდევ უფრო აღვივებდა მოწინააღმდეგის მიერ კარგად მომზადებული სადასურვეო და პროპაგანდისტული აპარატის ძირგამომთხრელი საქმიანობა.

წმ. ტრაპიზონის საზავო კონფერენცია

როგორც უკვე აღვნიშნეთ, 1918 წლის 12 თებერვალს ოსმალეთმა დაარღვია დროებითი ზავი და განაახლა სამხედრო მოქმედება. 14 თებერვალს ამიერკავკასიის სეიმმა გადაწყვიტა ოსმალეთთან დამოუკიდებელი საზავო მოლაპარაკების დაწყება და აცნობა მას ამის შესახებ.²³⁶

23 თებერვალს ოსმალეთის მხარემ აცნობა თბილისს, რომ თანახმა იყო მოლაპარაკება შემდგარიყო თბილისში, ბათუმში ან ნებისმიერ სხვა პუნქტში. იმავე დღეს ამიერკავკასიის სეიმისა და მთაწარობის გაერთიანებულმა სხდომამ დაადგინა, მოლაპარაკება გამართულიყო ქ. ტრაპიზონში, როგორც ნეიტრალურ პუნქტში, რაზეც დათანხმდა ოსმალეთის მთავრობაც.

1 მარტს ამიერკავკასიის სეიმმა ტრაპიზონის საზავო კონფერენციისათვის აირჩია დელეგაცია: ა. ჩხენკელი (თავმჯდომარე), ჰ. აბაშიძე, მ. გაჯინსკი, ი. გაიდაროვი, გ. გეაზავა, რ. კანაზუნდი, გ. ლასხიშვილი, დ. ლამბაშიძე, მ. მეხტიევი, ჰ. ხასმაშვილი, ა. ხატისოვი და ა. შეიხ-ულ-ისლამოვი.

იმავე სხდომაზე სეიმმა დაამტკიცა „ძირითადი დებულებები“, რომლითაც ზავზე მოლაპარაკების საფუძვლად დაადგინა რუსეთ-ოსმალეთის 1914 წლის (ომამდელი) საზღვარი. გარდა ამისა, ამიერკავკასიის საზავო დელეგაციას უნდა მიეღწია აღმოსავლეთ ანატოლიის ხალხთა თვითგამორკვევისათვის, კერძოდ, „თურქეთის სომხეთის ავტონომიისათვის თურქული ხელისუფლების ჩარჩოებში“.²³⁷

8 მარტს, საღამოს, ამიერკავკასიის საზავო დელეგაცია კრეისერ „კაროლ კარლით“ ბათუმიდან ტრაპიზონში ჩავიდა. ოსმალეთის დელეგაცია კი იგვიანებდა ამ დროს ტრაპიზონი, ფაქტობრივად, ოსმალთა ხელთ გადავიდა უზრძოლველად, იქაური

²³⁶ აღსანიშნავია, რომ სეიმის ამავე სხდომაზე აირჩიეს ზავის პირობების შემუშავებელი კომისია ნოე რამიშვილის თავმჯდომარეობით. მან მოითხოვა მოლაპარაკება არა მარტო ოსმალეთთან, „არამედ ცენტრალური სახელმწიფოების ბლოკთან“. ეს წინადადება არ აიხსნა სეიმის დადგენილებაში, გადაწყდა დიალოგი მხოლოდ ოსმალეთთან (იხ. Документы и материалы по внешней политике Закавказья и Грузии, с. 56).

²³⁷ იქვე, გვ. 83-84.

საყურადღებოა, რომ ნ. რამიშვილის კომისიის პროექტში აღმოსავლეთ ანატოლიის ხალხთა თვითგამორკვევის შესახებ, გარდა ოსმალეთის სომხეთისა, ფიგურირებდა აგრეთვე ასირიელების და ლაზების ავტონომიის საკითხი (იქვე, გვ. 57), რაც, სამწუხაროდ, არ აიხსნა სეიმის დადგენილებაში.

დეპუტატების საბჭოს ბოლშევიკური აღმასკომის ხელშეწყობით. ტრაპიზონის დაცვის სურვილი არ გამოუმჟღავნებია იქ მყოფ რუსეთის ჯარსაც.²³⁸

ტრაპიზონში ოსმალთა შესვლის მიუხედავად, იქ ფორმალურად ჯერ კიდევ ფუნქციონირებდა „ტრაპიზონის გამაგრებული რაიონის („უკრეპარიონის“) კომენდანტურა“ (უფროსი გენერალი კოლოსკოვსკი). იგი 8 მარტს ტრაპიზონში ჩასულ ამიერკავკასიის საზავო დელეგაციას კრისესრის ტრაპიზონში შეხვდა საპატიო ყარაულთ. თავის მხრივ, 11 მარტს ამიერკავკასიის დელეგაცია ეწვია „უკრეპარიონს“. სადაც ა. ჩხენკელმა სამხედრო აღლუმიც კი მიიღო, მაგრამ მდგომარეობას ეს ვერ ცვლიდა. ქალაქს, ფაქტობრივად, ოსმალები პატრონობდნენ და ისინი საზავო მოლაპარაკების დაწყებამდე შეეცადნენ თავისი უპირატესობა ეჩვენებინათ.

ახალდანიშნულმა ტრაპიზონის ვალიმ (გუბერნატორმა) გემედ ალი ედინმა ამიერკავკასიის დელეგაციას არ მისცა უფლება კრისესრიდან ქალაქში გადაეყვანა 50-კაციანი შეიარაღებული დაცვა ოსმალებმა აგრძობონეს ა. ჩხენკელს, რომ მათ სტუმრებად თელიდნენ და დაცვასაც თითონ კისრულობდნენ.

ნაქარვეი ევაკუაციის დროს ტრაპიზონში დარჩა იარაღისა და სურსათის მარაგი. ორივე მხარის სარდლობის შეთანხმებით შეიქმნა სპეციალური კომისია, რომელსაც უნდა უზრუნველყო მისი ეტაობრივი გამოტანა. საწყობების დაცვა ოსმალებმა ივალდებულეს, თუმცა შემდეგ ისინი რუსთა ჯარის ინტენდანტებს²³⁹ საცავებთან ახლოსაც არ უშებდნენ. ამის გამო სამხედრო ქონების მნიშვნელოვანი ნაწილი ადგილზე დარჩა.

ტრაპიზონში მოლაპარაკებისათვის მზადების პარალელურად, 1918 წლის 10 მარტს, ოსმალეთის მთავარსარდლობამ ოფიციალურად მიმართა ამიერკავკასიის მხარეს და მოსთხოვა ბრეტის ხელშეკრულების თანახმად მისთვის დათმობილი „ბათუმის, ყარსის და არტანის სანჯაყების უმოკლეს დროში ევაკუაცია“ და ჯარების 1877 წ. საზღვრებში გაყვანა.

ოსმალთა ზემოაღნიშნული დეკლარაცია და მათი ჯარების მიერ ტრაპიზონის დაკავება მოასწავებდა, რომ ამიერკავკასიისათვის მისაღებ საეზო ლაპარაკი ფუჭი ოცნება იქნებოდა. ამიტომ სემინის წინაშე დადგა კითხვა - ომი თუ საეზო მის გადასაწყვეტად 11 მარტს თბილისში ჩატარდა სემინის საგანგებო სხდომა.²⁴⁰ ნ. ყოროდანიამ წარმოთქვა შთამბეჭდავი სიტყვა, რომელშიც ამიერკავკასიისათვის ბათუმის და ყარსის სასოცოცხლო მნიშვნელობაზე ისაუბრა და აღნიშნა, რომ სოციალ-დემოკრატიული პარტია მოუწოდებდა მათი დაცვისაკენ. დაშნაკების პარტიამაც გამოთქვა მზადყოფნა ომის გაგრძელებისათვის, თუკი ტრაპიზონში საზავო მოლაპარაკება ჩაიშლებოდა. მუსავატელებმა არ გაიზიარეს ომისათვის მზადების პოზიცია, ვიდრე არ გაირკვეოდა ტრაპიზონში მოლაპარაკების შედეგი.

ასეთ ვითარებაში, 1918 წ. 12 მარტს ტრაპიზონში ჩაეიდა ოსმალეთის დელეგაცია. მას თავმჯდომარეობდა საზღვაო დეპარტამენტის უფროსი, I რანგის კაპიტანი ჰუსეინ რაუფ-ბეი,²⁴¹ წევრები იყვნენ: საგარეო საქმეთა სამინისტროს იურიდიული განყოფი-

²³⁸ გერმანული წყაროების მოწმობით, ამ დროს ქ.ტრაპიზონში იყო რუსეთის 8 თასა ჯარისკაცი (იხ. Лорен Г. Операции германо-турецких морских сил в 1914-1918 гг., М., 1934, с. 295); უკანასკნელი რუსი ჯარისკაცები კი ტრაპიზონიდან საზღვაო ტრანსპორტით გაიყვანეს 1918 წ. 28 მარტს (სცსსა, ფ. 1796, ან. I, ს. 86, ფურც. 3).

²³⁹ ინტენდანტი - ოფიცერი, რომელსაც აქისნაა ჯარის ნაწილებისა და სამხედრო დაწესებულებათა მომარაგება სურსათით, ფურაჩით, ტანსამოსით და სხვ.

²⁴⁰ Документы и материалы по внешней политике Закавказья и Грузии, сс. 89-106.

²⁴¹ ზ. ავალიშვილის ცნობით: „რაუფ-ბეი იყო ტომით აფხაზი, სოხუმის ოლქიდან“ (იხ. ზავალიშვილი, დასახ. ნაშრ., გვ. 116). ამასვე ადასტურებს რ. ბაბაშვილიც და თან დასძენს: „ამბობენ, რაუფ-ბეი აკაკი ჩხენკელის

ლების გამგე მემკვიდრესურდ-ბეი; კავკასიის ფრონტის მთავარი ექიმი, პოლკოვნიკი თეფფიკ სალიმ-ბეი; კავკასიის არმიის ოპერატიული განყოფილების უფროსი, მაიორი იუსუფ რიზა-ბეი, სტამბოლის უნივერსიტეტის პროფესორი ისმილ ჰამი-ბეი (დელეგაციის პირველი მდივანი); ფლორენსი I რანგის კაპიტანი ჰამიდ-ბეი და დელეგაციის თავმჯდომარის ადიუტანტი და მდივანი, ლეიტენანტი აბდურახმანი.²⁴²

იმავე დღეს შედგა დელეგაციების მეთაურთა შეხვედრა, 13 მარტს კი დელეგაციის წევრთა ურთიერთგაცნობა.

ტრაპიზონის საზავო კონფერენცია ოფიციალურად მიმდინარეობდა 1918 წლის 14 მარტიდან - 5 აპრილამდე, შედგა კონფერენციის ექვსი პლენარული სხდომა, ორი თათბირი და მრავალი კერძო ხასიათის შეხვედრა-საუბარი.

14 მარტს, დღის 3 საათზე, გაიმართა კონფერენციის პირველი სხდომა, მაგრამ საკითხები არ განუხილავთ, დელეგაციის მეთაურთა მისასალმებელი სიტყვების შემდეგ, ორივე მხარემ წარმოადგინა დელეგატების სია, აირჩიეს სამანდატო კომისია, რომელმაც განიხილა დელეგატთა უფლებამოსილება და დასამტკიცებლად წარუდგინა კონფერენცია.

კონფერენციის მეორე სხდომა (15 მარტი) დაიწყო იმის გარკვევით, თუ ვინ უნდა ყოფილიყო სხდომების თავმჯდომარე. საერთაშორისო სამართლით, ნეიტრალურ პუნქტში სამშვიდობო კონფერენციის თავმჯდომარეობა მორიგეობით ეკუთვნოდა ორივე დელეგაციის ხელმძღვანელს, მაგრამ რადგან ოსმალეთის მხარე ტრაპიზონს განიხილავდა თავის კუთვნილებად, ამიერკავკასიის დელეგაცია მოერიდა კონფლიქტს და დათანხმდა რაუფ-ბეის ერთპიროვნულ თავმჯდომარეობას.

კონფერენციის მესამე სხდომაზე, 16 მარტს, ოსმალეთის დელეგაციამ წარმოადგინა ბრესტ-ლიტოვსკის საზავო ხელშეკრულება და მოითხოვა მისი აღიარება ამიერკავკასიის მიერ. ა. ჩხენკელმა უპასუხა, რომ მისი მთავრობა სხვა ქვეყნების ხელისუფალთა მიერ დადებულ ხელშეკრულებას არ სცნობდა სავალდებულოდ ამიერკავკასიის რესპუბლიკისათვის.

რაუფ-ბეიმ განმარტა, რომ საერთაშორისო სამართლით ორ სახელმწიფოს შორის დადებული ხელშეკრულება, მართალია, არ იყო სავალდებულო მესამე სახელმწიფოსათვის, მაგრამ ამიერკავკასიის დღემდე არ გამოუცხადებია დამოუკიდებლობა, რის გამოც ის ცალკე სახელმწიფოდ ვერ ჩაითვლებოდა. თუ ამიერკავკასიის სურს გახდეს დამოუკიდებელი სამართალსუბიექტი, მაშინ მისმა მთავრობამ ეს სათანადო აქტით უნდა გამოაცხადოს და ის ცნონ სხვა სახელმწიფოებმაც. ამასთან, რაუფ-ბეიმ შენიშნა, რომ ამიერკავკასიის დამოუკიდებლობის აწინდელ აღიარებას ვერ ექნებოდა უკუქმედების ძალა, რადგან ბრესტის ხელშეკრულების დადების მომენტში ის რუსეთის ნაწილად ითვლებოდა.²⁴³

ოსმალეთის დელეგაციამ მოითხოვა ოფიციალურად განესაზღვრათ ამიერკავკასიის მმართველობის ფორმა, სახელმწიფოს საზღვრები, სახელმწიფო ენა და რელიგია. აგრეთვე, გადმოეცათ ამიერკავკასიის მთავრობის საზავო დებულება და პოზიცია ოსმალეთის იმპერიასთან დამოკიდებულების საკითხში.

იმავე 16 მარტს კრეისერ „კაროლ კარლის“ გაბოლშეიკებულმა მატროსებმა ხომალდი თიონებურად გაიყვანეს ტრაპიზონიდან და ბათუმში დაბრუნდნენ. ამან ამიერკავკასიის დელეგაცია მორალურად მძიმე მდგომარეობაში ჩააგდო. ოსმალელები

მეზობელი სოფლიდან იყო" (რ.გაბაშვილი, რაც მახსოვს, ახ. ქართული ემიგრანტული ლიტერატურა დაბრუნება, ტ. 3, გვ. 190).

²⁴² სცსსა, ფ. 1819, ან. I, ს. 17, ფურც. 13.

²⁴³ Документы и материалы по внешней политике Закавказья и Грузии, с. 110, 118-119.

კიდევ ერთხელ დარწმუნდნენ მოწინააღმდეგე მხარის სამხედრო და ორგანიზაციულ სისუსტეში.²⁴⁴

17 და 19 მარტის კერძო შეხვედრები, აგრეთვე კონფერენციის მეოთხე სხდომა (20 მარტი) მიემდინა ბრესტის ზაის ცნობა-არცნობის საკითხზე მხარეთა მიერ წარმოდგენილი არგუმენტების განხილვას.²⁴⁵

კონფერენციის მეხუთე სხდომაზე (21 მარტი) რაუფ-ბეიმ კვლავ დაინებთ მოითხოვა ბრესტის ზაის პირობების მიღება და ბათუმ-ყარს-არტაანის სანჯაყების გადაცემა ოსმალეთისათვის.

პასუხად ა ჩხენკელმა აღნიშნა, რომ ამიერკავკასიის დელეგაცია კვლავ არ ცნობს ბრესტის ხელშეკრულებას. შემდეგ მან წარმოადგინა სემიმის მიერ 1 მარტს შემუშავებული პირობები და განაცხადა: „საზაო ხელშეკრულებას საფუძვლად უნდა დაედოს რუსეთ-ოსმალეთის სახელმწიფოებრივი სასაზღვრების აღდგენა 1914 წ. ფარგლებში“, თურქეთის სომხეთისათვის ავტონომიის მინიჭება და ამიერკავკასიის რესპუბლიკის დამოუკიდებლობის აღიარება.

ამ მოთხოვნებმა ოსმალთა დელეგაციის მკვავე რეაქცია გამოიწვია. ოსმალეთის ფარგლებში სომეხთა ავტონომიის საკითხის სამშვიდობო კონფერენციაზე განხილვას ისინი თვლიდნენ ოსმალეთის შინაურ საქმეებში ჩარევად. რაც შეეხებოდა ამიერკავკასიის რესპუბლიკის დამოუკიდებლობის ცნობას და მასთან კეთილმზობილო ურთიერთობის დამყარებას, ამის შესახებ ლაპარაკი შეიძლება დაეწყოთ მხოლოდ იმ შემთხვევაში, თუ ამიერკავკასია უარს იტყვის თავის პრეტენსიებზე ბათუმის, არტაანის და ყარსის სანჯაყების მიმართ.²⁴⁶

ამიერკავკასიის დელეგაციის მოთხოვნით, საკუთარ მთავრობასთან საკითხის შესათანხმებლად, გადაწყდა კონფერენცია შეეწყვიტათ გარკვეული ხნით. 22 მარტს დელეგაციის რამდენიმე წევრი (რ. კანასუნნი, ი. გაიდაროვი და გ. ლასხიშვილი) თბილისში გამოემგზავრა სემიმისათვის მოხსენების გასაკეთებლად. დელეგაციის ძირითადი ნაწილი ა. ჩხენკელის მეთაურობით ტრაპიზონში დარჩა და მუშაობას განაგრძობდა.

ტრაპიზონის კონფერენცია საომარი მოქმედების პირობებში მიმდინარეობდა. ოსმალეთის სარდლობამ და იდეოლოგიურმა აპარატმა ყველა შესაძლებლობა გამოიყენეს ამიერკავკასიის ჯარების ზურგში პარტიზანული მოძრაობის გასაძლიერებლად, მასში ქურთების მოთარეშე რაზმებისა და ადგილობრივი მოამბადიანური მოსახლეობის ჩასაბმულად, მათთან სომხების დასაპირისპირებლად.

შექმნილ ვითარებაში ამიერკავკასიის სემიმი და მთავრობა ვერ ახერხებდა თავდაცვის ორგანიზებას და საერთო-სახელმწიფოებრივ საწყისებზე ქვეყნის წინამძღოლობას. ამიერკავკასია ფაქტობრივად იმართებოდა ეროვნული ნიშნით: აზერბაიჯანს - მუსავატელების პარტია განაგებდა, სომხეთს - დაშნაკები, საქართველოს - ძირითადად სოციალ-დემოკრატები. მათსავე განკარგულებაში იყო ფორმალურად ერთიანი ამიერკავკასიის არმიაში შემავალი ეროვნული სამხედრო ნაწილები. ამას ემატებოდა დაპირისპირება დაშნაკებსა და მუსავატელებს შორის მან თავი იჩინა ამიერკავკასიის სემიმიც, სადაც ორივე პარტია ურთიერთბრალდებების კორიანტელს აყენებდა დაშ-

²⁴⁴ აქვე ისიც აღსანიშნავია, რომ 18 მარტს ბათუმში განხორციელებული სამხედრო-პოლიტიკური აქტის შემდეგ, ამიერკავკასიის ზელისუფლებამ შეძლო ფლოტზე კონტროლის დაწესება. 22 მარტიდან სამხედრო გემი „ვებუ“ ტრაპიზონის ნავსადგურში დიდგა რეიდზე. ის აღჭურვილი იყო რადიოსადგურით, რამაც დელეგაციას საშუალება მისცა აღედგინა კავშირი თბილისთან (სცსსა, ფ. 1796, ან. 1, ს. 86, ფურც. 3).

²⁴⁵ Документы и материалы по внешней политике Закавказья и Грузии, с. 132-134.

²⁴⁶ Документы и материалы по внешней политике Закавказья и Грузии, с. 137-139. იხ. აგრეთვე, გაზ. „ერთობა“, №61, 1918.

ნაკები მუსავატელებს ადანაშაულებდნენ პროოსმალურ განწყობილებაში და არცთუ უსაფუძვლოდ. ეს უკანასკნელი კი დაშნაკებს ბრალს სდებდნენ პრობოლშევიკურ ტენდენციებსა და საქმიანობაში.²⁴⁷ ასეთი დამოკიდებულება კიდევ უფრო აღრმავებდა ერთაშორის დაპირისპირებას. სომეხ-თათართა კონფლიქტებმა მოიცვა თითქმის ყველა ის რეგიონი, სადაც ისინი კომპაქტურად ცხოვრობდნენ.

მდგომარეობა გართულდა ფრონტზეც. მარტის შუა რიცხებში მოწინააღმდეგემ ალყაში მოაქცია არტაანი და სხვა პუნქტები, დაიწყო მსადება ყარსსა და ბათუმზე შემოტევისათვის, გაძლიერდა სომეხებით და ბერძნებით დასახლებული სოფლების ძარცვა და აწიოება ძლიერ მოხერხდა ქრისტიანი მოსახლეობის ევაკუაცია. საგრძნობლად დაიძაბა ვითარება ახალციხის მხარესა და ბათუმის ოლქში. გადაიკეტა გზები და გართულდა მოძრაობა. ამის გამო ფერხდებოდა ეშელონების ფრონტისკენ გაღაადგილება.²⁴⁸

ამიერკავკასიის სეიმი ხშირად მართავდა სხდომებს. ცალკეულად განიხილავდა ფრონტის და ზურგის მწვევე პრობლემებს. იქმნებოდა მათი შემსწავლელი კომისიები. მაგრამ სეიმის ტრაფარეტული და ზოგადი ხასიათის დადგენილებები ნაკლებად ასახავდა რეალობას.

ასეთივე იყო სეიმის 25 მარტის სხდომა,²⁴⁹ რომელმაც მოისმინა ამიერკავკასიის დელეგაციის მოხსენება ტრაპიზონში მიმდინარე მოლაპარაკების შესახებ. საზავო დელეგაციის სახელით გ. ლასხიშვილმა მოითხოვა ახალი დირექტივები მოლაპარაკების გაგრძელებისათვის. ამის საპასუხოდ სეიმმა ამჯერადაც მიიღო ზოგადი სახის დადგენილება, რომ ის უარყოფდა ბრესტის ხელშეკრულებას და თავისი საზავო დელეგაციის მეთაურს აძლევდა ამ მიმართულებით დამოუკიდებლად მოქმედების საგანგებო ფართო უფლებამოსილებას.

სეიმში წარგზავნილი დელეგატები 29 მარტს ტრაპიზონში ფაქტობრივად ხელცარიელი დაბრუნდნენ. ა. ჩხენკელისათვის მარტო დეკლარაციული „ფართო უფლებამოსილების“ მინიჭება ვითარებას ვერ აუმჯობესებდა, რადგან ბრესტის ზავისადმი სეიმის დამოკიდებულებაში ცვლილებები არ იყო და არც დათმობის მაქსიმუმი იყო განსაზღვრული. ეს კი საზავო დელეგაციას არ აძლევდა მანევრირების საშუალებას, რის აუცილებლობაც მკვეთრად გამოჩნდა იმავე 29 და 30 მარტს, როცა დელეგაციათა მეთაურების შეხვედრების დროს რაუფ-ბეიმ კატეგორიულად მოითხოვა ბრესტის ზავის ცნობა.

ტრაპიზონში მდგომარეობა ყოველდღიურად იცვლებოდა ამიერკავკასიისათვის საზიანოდ. 2 აპრილს იქ ჩავიდა კავკასიის ფრონტის მთავარსარდალი ეხიბ-ფაშა შტაბთურთ. მისი ბრძანებით, 4 აპრილს, ასკერებმა ყოველგვარი გაფრთხილების გარეშე გადმოლახეს ბათუმის ოლქის საზღვრები და მალე კ. ბათუმს 10 კილომეტრზე მოუახლოდნენ.

5 აპრილს შედგა ტრაპიზონის კონფერენციის მეექვსე, უკანასკნელი სხდომა. ამიერკავკასიის დელეგაციამ, განაცხადა, რომ თანახმა იყო ემსჯელა ოლთისის, არტაანის და ყარსის გარკვეული ტერიტორიების დატოვებაზე, მაგრამ არავითარ შემთხვევაში – ბათუმის დათმობაზე.²⁵⁰

²⁴⁷ იხ. Стенографический отчет 16-го заседания (первой сессии) Закавказского сейма, Тифл., 1918, с. 14. საყურადღებოა, რომ ამ ბრალდებისაგან თავის დასაცავად დაშნაკებს ხმაც არ ამოუღიათ.

²⁴⁸ იქვე, გვ. 26.

²⁴⁹ Документы и материалы по внешней политике Закавказья и Грузии, с. 139-146.

²⁵⁰ Документы и материалы по внешней политике Закавказья и Грузии, с. 152-154.

ოსმალეთის დელეგაციამ მოითხოვა გამოეცხადებინათ შესვენება, რათა თავისი მთავრობისაგან მიეღო ინსტრუქციები. მეორე დღეს, 6 აპრილს, ა ჩხენკელს გადასცეს წერილობითი ულტიმატუმი, რომელიც მოითხოვდა ბათუმის, ყარსის და არტაანის ოლქებს ამიერკავკასიის დელეგაციას პასუხისათვის მისცეს 48 საათი.

8 აპრილს ა ჩხენკელმა, თავის მთავრობასთან შეთანხმებით, ოსმალეთის დელეგაციას ბათუმის ოლქში შესთავაზა მთელი ართვინის ოკრუგის დათმობა, მაგრამ ტურქები ბრესტის ზავის უპირობოდ მიღებას მოითხოვდნენ.

ამის შემდეგ ა ჩხენკელმა მთავრობას უდევნა, რომ აუცილებელი იყო ამიერკავკასიის დამოუკიდებლობის გამოცხადება და ბრესტის ხელშეკრულების ცნობა, რადგან მხოლოდ ამ საფუძველზე იქნებოდა შესაძლებელი საზავო კონფერენციის გაგრძელება და ბათუმ-ყარსის ოლქებში საზღვრების გასწორების საკითხის დასმა.²⁵¹

ა ჩხენკელის წინადადებაზე თბილისიდან პასუხი იგვიანებდა ამიტომ, ამიერკავკასიის დელეგაციამ თავის ეკრძო სხლომაზე ერთხმად დაადგინა და წერილობით აცნობა ოსმალთა მხარეს, რომ სცნობს ბრესტ-ლიტოვსკის საზავო ხელშეკრულების იმ მუხლებს, რომლებიც ამიერკავკასიას შეეხება და მზად არის განაგრძოს მოლაპარაკება ამ საფუძველზე ოთხთა კავშირის სახელმწიფოებთან.²⁵²

აღსანიშნავია, რომ თბილისიდან პასუხი მოვიდა დაგვიანებით, 10 აპრილს დამით, თუმცა მთავრობა ბრესტის ზავის მთლიანად ცნობას შეუძლებლად თელიდა.

ამის შემდეგ გენერალმა ვეხიზ-ფაშამ შეაჩერა სამხედრო მოქმედება და 11 აპრილს, თავისი მუკავშირე ოფიცრის ხელით, ბათუმის გამაგრებული რაიონის კომენდანტს, გენერალ გიორგი მდივანს გაუზავენა ულტიმატუმი, რომლითაც მოსთხოვდა 13 აპრილის შუადღემდე დაეცალა ქალაქი და ჯარები გაეყვანა 1877 წლის საზღვრებში. ულტიმატუმზე პასუხისათვის გენერალ მდივანს მიეცა 12 საათი.²⁵³ ამ უკანასკნელმა მოითხოვა ულტიმატუმის ვადის გაგრძელება კიდევ 24 საათით, რომ შეჰკითხოდა თბილისს და მიეღო ამ საკითხზე სეიმის გადაწყვეტილება.²⁵⁴ ვეხიზმა ამაზე უარი განაცხადა და 13 აპრილს განაახლა ბათუმზე შეტევა.

იმავე 13 აპრილს ა ჩხენკელმა ორჯერ უდევნა ბათუმის გამაგრებული რაიონის კომენდანტს და იქ მყოფ შინაგან საქმეთა მინისტრს ნ.რამიშვილს, რომ კონფერენციის გაგრძელებისათვის აუცილებელი იყო ბათუმის ნებაყოფლობით დაცლა ნ რამიშვილი კი ძელებურად მოითხოვდა ბათუმის შენარჩუნებას მხოლოდ თურქების მიერ ბათუმზე პრეტენზიის უარყოფა, - სწორდა იგი ა ჩხენკელს - მიგვიყვანდა ხელშეკრულების დადებამდე და კავკასიის რესპუბლიკის შექმნამდე ასეთი შესწორებით შესაძლებელია ბრესტის ხელშეკრულების მიღება.²⁵⁵

ა ჩხენკელმა დიპლომატიური გზით სცადა ოსმალთა მიერ განახლებული შეტევის შეჩერება, მაგრამ უშედეგოდ. იმავე 13 აპრილს რაუფ-ბეიმ მას უპასუხა, რომ ოსმალეთის მთავრობამ სიამოვნებით მიიღო შეტყობინება ამიერკავკასიის დელეგაციის მიერ ბრესტის ზავის ცნობის თაობაზე და მზად არის განაგრძოს მოლაპარაკება ამიერკავკასიასთან „მგობრობის ხელშეკრულების“ დასადავად. ამასთან, ამ მოლაპარაკებაში ოსმალეთის მოკავშირე სახელმწიფოების „შესაძლო ჩართვისათვის“, უწი-

²⁵¹ იქვე, გვ. 159-160.

²⁵² იქვე, გვ. 160.

²⁵³ იქვე, გვ. 161-162.

²⁵⁴ სცსსა, ფ. 1818, ან. 1, ს. 179, ფურც. 284.

²⁵⁵ მ.ჯიჯვიშვილი, ბრძოლა საბჭოთა ხელისუფლებისათვის აჭარაში, გვ. 66.

ნარესად აუცილებელი იყო ამიერკავკასიის მიერ დამოუკიდებლობის გამოცხადება.²⁵⁶ ა ჩხენკელმა ეს პირობაც იმავე დღეს აცნობა თბილისს.

ასეთ ვითარებაში, 13 აპრილს, თბილისში შეიკრიბა ამიერკავკასიის სეიმი.²⁵⁷ მთავრობის თავმჯდომარემ – გ. გეგეჭკორმა შეკრებილთ გააცნო ტრაპიზონის კონფერენციის უკანასკნელი მოვლენები და აღნიშნა, რომ იქ ბრესტის ზაფის ცნობა მოხდა ამიერკავკასიის დელეგაციის პირადი ინიციატივით, სეიმისა და მთავრობისგან სათანადო უფლებამოსილების გარეშე. ამის მიუხედავად, ოსმალებმა ბათუმზე შემოტევა განაახლესო. მისივე განცხადებით, – „ქველავფერი გაკეთდა, რათა საქმე არ მისულიყო საზაფო მოლაპარაკების ჩაშლამდე. ამიტომ მოლაპარაკების მსვლელობაში თურქების მიერ ერზინჯანის ზაფის დარღვევის არაერთ ფაქტს ჩვენ არ ვუპასუხეთ სამხედრო მოქმედებით. ახლა კი სხვა გზა არ არის, გარდა ომისა“, ოღონდ მთავრობა ითხოვს პარტიების შეკავშირებასო.

იქვე გ. გეგეჭკორმა ჩამოაყალიბა თავისი შეხედულებები ფრონტზე მდგომარეობის შესახებ. მისი განცხადებით, ტექნიკური თვალსაზრისით ბათუმის დაცვა იდგა სათანადო სიმაღლეზე მიდებული იყო ზომები მისი გაძლიერებისათვის და სამხედრო შემადგენლობის შესავსებად; საქართველოს მოსახლეობის პატრიოტული განწყობილება – დაეცვით ბათუმი, დღისი დღე მალღდებოდა.

კამათში გამოსულმა სეიმის წევრებმა, ორატორული თვალსაზრისით, ამჯერადაც დიდებული სიტყვები წარმოთქვეს – შეკავშირდებით და სისხლის უკანასკნელ წვეთამდე დავიცავთ დემოკრატიასო. თვით მაჰმადიანურმა ფრაქციებმაც კი ხმა მისცეს ომის სასარგებლოდ. თუმცა, აქვე გამოიკვეთა ის რეალური მდგომარეობაც, რომ აზერბაიჯანი, ძირითადად სარწმუნოებრივი პრინციპიდან გამომდინარე, უშუალოდ ვერ ჩაებმებოდა ომში და მხოლოდ ზურგის სამსახურის უზრუნველყოფის პირობას იძლეოდა.

ბოლოს, სეიმმა 6. კორდანიას მიერ შემოთავაზებული ფორმულირების საფუძველზე ერთხმად დაადგინა 1. ამიერკავკასიის საზაფო დელეგაციის გამოწვევა ტრაპიზონიდან, 2. ქვეყანაში სამხედრო მდგომარეობის გამოცხადება, 3. ომის ხელმძღვანელობისათვის საგანგებო კოლეგიის შექმნა სამხედრო, შინაგან საქმეთა და ფინანსთა მინისტრების შემადგენლობით, 4. სათანადო მანიფესტით ამიერკავკასიის მოსახლეობისათვის მიმართვა.

14 აპრილს ამიერკავკასიის საზაფო დელეგაციამ ტრაპიზონი დატოვა და თბილისში გამოემგზავრა. გამოშვებებისას ორივე დელეგაციის მეთაურები „ღიშლომატიურ ენაზე“ შეთანხმდნენ, რომ შექმნილი მდგომარეობა ჩაეთვალათ არა განხეთქილებად, არამედ კონფერენციის მუშაობაში შესვენებად.²⁵⁸ იმავე 14 აპრილს ოსმალები დაუფლნენ ბათუმს და განაგრძეს შეტევა ოზურგეთისა და ყარსისაკენ.

ამიერკავკასიის საზაფო დელეგაციის თბილისში წამოსვლის შემდეგ ტრაპიზონში დარჩნენ დაღესტან-ჩეჩნეთის წარმომადგენლები – ტ. ჩერმოვეი და კ. ბამატი, აგრეთვე ამიერკავკასიის საზაფო დელეგაციიდან – მაჰმადიანთა კომიტეტის წარმომადგენლები მ. გაჯინსკი და ა. კეპინოვი, საქართველოს ეროვნული საბჭოს აღმასკომის პრეზიდიუმის წევრი გრ. ვეშაპელი. დელეგატები ელოდნენ ტრაპიზონში ენერფაშას ჩასვლას და ვარაუდობდნენ მასთან შეხვედრით მიეღწიათ ოსმალთა შეტევის შეწყვეტისა და სამშვიდობო მოლაპარაკების განახლებისათვის.

²⁵⁶ Документы и материалы по внешней политике Закавказья и Грузии, с. 162.

²⁵⁷ აბ. Стенографический отчет Закавказского сейма 31-го марта (13 апреля).

²⁵⁸ Документы и материалы по внешней политике Закавказья и Грузии, с. 184.

მართლაც, 16 აპრილს ტრაპიზონში ჩაივდა ენეერ-ფაშა მას თან ახლდნენ სულთნის ბიძაშვილი, პრინცი ომარ ფარუქი და გერმანელი სამხედრო პირები.²⁵⁹ ტრაპიზონიდან ენეერი მიემუშებოდა ახალდაკავებულ ბათუმში. მან დელეგატებს შესთავაზა იქამდე გემით ერთად მგზავრობა და გზაში მოლაპარაკება.

ენეერ-ფაშასთან მოლაპარაკებას არ მოჰყოლია ფრონტზე სამხედრო მოქმედების შეწყვეტა. ენეერს განუცხადებია, რომ ამისათვის აუცილებელი იყო ამიერკავკასიის მიერ ბრესტ-ლიტოვსკის პირობების შესრულება. იქვე დაურთავს რომ თვითონ და საერთოდ ოსმალეთის უმაღლესი ხელისუფლება იყენენ „მომხრე საქართველოს სახელმწიფოს და მთავრობის აღდგენისა“.

ამრიგად, ტრაპიზონის სამშვიდობო კონფერენცია, მხარეთა ინტერესების მკვეთრად განსხვავებულობის გამო, უშედეგოდ დამთავრდა. ამიერკავკასიელი პოლიტიკოსების აზრით, მას უნდა მოეტანა საბოლოო ზავი ოსმალეთთან ომამდელ სასლერებში. ამ მოტივით ისინი ბოლო მომენტამდე ურიდებოდნენ კონფერენციის ჩაშლას და უმოქმედობას იჩენდნენ ქვეყნის თავდაცვისუნარიანობის განმტკიცებაში. დაგვიანდა ომის გამოცხადებაც, შეიქმნა გაურკვეველი სიტუაცია და იძალა დაბნეულობამ, რაც გახდა მთელი სამხრეთ-დასავლეთი საქართველოს და თვით ბათუმის დაკარგვის ძირითადი მიზეზი. ოსმალეთი კი ამ მოლაპარაკებას მიიწინედა ტრამპლინად, რომლითაც ამიერკავკასიის მიერ ბრესტის ზავის პირობების ცნობისა და დამოუკიდებლობის გამოცხადების შემდეგ, ამ ქვეყანასთან უნდა მიეღწია მისთვის ხელსაყრელი ახალი ზავისათვის. მისწრაფებათა ამ სხვადასხვაობისა და ამიერკავკასიის სამხედრო-პოლიტიკური სისუსტის ვითარებაში, ოსმალეთი ბათუმ-ყარს-არტაანს დაეუფლა ძალმომრეობით, რითაც უხეშად დაარღვია საერთაშორისო სამართლის ნორმები და თვით ბრესტის საზავო ხელშეკრულებაც.

§7. ბათუმის საზავო კონფერენცია და საქართველოს დამოუკიდებლობის აღდგენა

კონფერენციის წინ. ამიერკავკასიაში ოსმალთა შემოტევის ვითარებაში სეიმმა ყველა შესაძლო ძალას მოუწოდა დახმარებისაკენ. ქართველმა სოციალ-დემოკრატებმა და ესერებმა მიმართეს „რუსეთის დემოკრატებს“,²⁶⁰ მაგრამ უშედეგოდ. აქ მყოფი რუსი ოფიცრების უმრავლესობამაც კი უარი თქვა ამიერკავკასიის დაცვაზე და მოითხოვა რუსეთში დაბრუნება.²⁶¹

თანდგომის თხოვნა გაეგზავნა „ცენტროფლოტს“ სევასტოპოლში, რომელიც საწვავის ნაკლებობას განიცდიდა და ამ მხრივ ბათუმზე იყო დამოკიდებული. 10 აპრილს მან ბათუმში სამხედრო ძალის გამოგზავნაც დაადგინა,²⁶² მაგრამ მის რეალიზაციამდე ქალაქს ოსმალები დაეუფლნენ.

ამიერკავკასიის სეიმის დელეგაციამ დახმარების სათხოვნელად მესოპოტამიაშიც კი გააღწია, ოსმალებთან მებრძოლი ინგლისის სარდლობასთან, მაგრამ ეს უკა-

²⁵⁹ გაზ. „საქართველო“, №84, 1918. ამავე გაზეთის მოწმობით ომარ-ფარუქის დედა იყო ქობულეთელი.

²⁶⁰ Документы и материалы по внешней политике Закавказья и Грузии, с. 187.

²⁶¹ იქვე, გვ. 191.

²⁶² იქვე, გვ. 188-189.

ნასკენელი მხოლოდ თანაგრძობის გამოხატვით დაქმნაყოფილდა.²⁶³

ამიერკავკასიის მთავრობამ მიმართა რსფსრ საგარეო საქმეთა სახალხო კომისარიატსაც, რომ ზეგავლენა მოეხდინა თურქეთზე და შეეჩერებინა იგი. მოსკოვიდან მოვიდა ა იოფის პასუხი, რომ ამიერკავკასიის მთავრობა ვალდებულია ცნოს ბრესტ-ლიტოვსკის ზავის პირობები, თუ ოსმალები ამის შემდეგაც არ შეწყვეტდნენ წინსვლას და გადალახავდნენ ამ ხელშეკრულებით დაწესებულ ახალ საზღვრებს, მაშინ „რსფსრ მთავრობა არ დააყოვნებდა და ოსმალებს წაუყენებდა შესაბამის საპროტესტო ნოტას“.²⁶⁴

სხვათა შორის, მსგავსი პირობა წამოაყენეს გერმანელებმა, რომლებსაც ქართველმა პოლიტიკოსებმა მიმართეს და სთხოვეს ოსმალთა აგრესიის შეჩერება. მათი პასუხიც ადასტურებდა, რომ გერმანია აქტიურად ვერ ჩაერეოდა კონფლიქტში, რადგან ამიერკავკასია იურიდიულად ჯერ კიდევ წარმოადგენდა შემადგენელ ნაწილს რუსეთისას, რომელთანაც ოსმალეთს ძველი მტრობა პქონდა სწორედ ამ რეგიონის გამო.²⁶⁵

ამრიგად, ამიერკავკასია ისოლაციაში რჩებოდა. ოსმალები კი ნელა, მაგრამ მტკიცედ მოიწვედნენ წინ. ასეთ ვითარებაში ამიერკავკასიელი პოლიტიკოსებიც დარწმუნდნენ, რომ „სამხედრო გზით“ ვერაფერს მიაღწევდნენ. ამიტომ, 22 აპრილს სეიმმა გამოაცხადა ქვეყნის დამოუკიდებლობა. ამასთან, დიპლომატიური მოსაზრებებიდან გამომდინარე, გადააყენა „ოსმალებთან ომის მომხრე“ ე. გეგეჭკორის მთავრობა და შექმნა ახალი კაბინეტი ა ჩხენკელის თავმჯდომარეობით, იგი რჩებოდა საგარეო საქმეთა მინისტრადაც.

მეორე დღესვე ა ჩხენკელმა აცნობა ოსმალეთს, რომ გამოცხადებულია ამიერკავკასიის დამოუკიდებლობა და მისი მთავრობა მზადაა განაახლოს ტრაპიზონში შეწყვეტილი სამშვიდობო მოლაპარაკება. ამას მოჰყვა დახვევბაც, მაგრამ ოსმალებს საომარი მოქმედება არ შეუწყობიათ და 25 აპრილს ყარსიც დაიკავეს. ამით მათ, ფაქტობრივად, იარაღის ძალით დაასრულეს ბრესტის ხელშეკრულებით განსაზღვრული ტერიტორიების დაპყრობა ამ ზავით გაუთვალისწინებელი ოსურგეთის, ახალციხის და ახალქალაქის მაზრებიდან ოსმალთა საოკუპაციო ჯარების გაყვანის მოთხოვნაზე კი ა ჩხენკელს უპასუხეს, რომ საკითხს გადაწყვეტდა მომავალი საზავო კონფერენცია.²⁶⁶ მოლაპარაკების ადგილად შეირჩა ქ. ბათუმი.

ბათუმის საზამრო კონფერენციაზე (1918 წ. 11-26 მაისი, 31 მაისი-4 ივნისი) გასაგზავნად დელეგაციაში შევიდა 45 კაცი. მათგან დელეგატი იყო ექვსი: ა ჩხენკელი (თავმჯდომარე) და ნ. ნიკოლაძე - ქართველთაგან, რ. კაჩანაშენი და ა. ხატისიანი - სომეხთაგან, მ. გაჯინსკი და რასულ-ზადე - აზერბაიჯანელთაგან. მათ ახლდათ მრჩეველები, ეროვნული საბჭოების მდივნები, სამხედრო მისია, პოლიტიკურ პარტიათა წარმომადგენლები და ა.შ. სწორედ ამ უკანასკნელთა ურთიერთუნდობლობამ განსაზღვრა საზავო დელეგაციის ასეთი ხალხმრაველობა.²⁶⁷ 6 მაისს დელეგაცია

²⁶³ აცსა, ფ. 67, ან. 1, ს. 13, ფურც. 110.

²⁶⁴ სესსა, ფ. 1818, ან. 1, ს. 179, ფურც. 185. საბჭოთა მთავრობას ხელიდან არ გაუშვია პროტესტის გამოცხადების ხელსაწყოელი შესაძლებლობა და 12 აპრილს ნოტიო მიმართა გერმანიას, რომ ოსმალეთის მთავრობამ, თვითამორკვევის რეგენერდუმის გვერდის აგლით, იარაღით დაიპყრო ბათუმის, არტაანის და ყარსის ოლქები (Документы внешней политики СССР, т. I, М., 1957, с. 240-241). 13 აპრილს კი მოსკოვმა ნოტა გაუგზავნა ოსმალეთსაც, თუმცა, მასში პროტესტი იმის თაობაზეა გამოთქმული, რომ ოსმალთა წინსვლის შედეგად ნადგურდებოდა არტაანის და ყარსის ოლქების სომხური მოსახლეობა (Документы и материалы по внешней политике Закавказья и Грузии, с. 192).

²⁶⁵ Пипия Г. В. Германский империализм в Закавказье в 1910-1918 гг., с. 100.

²⁶⁶ Документы и материалы по внешней политике Закавказья и Грузии, с. 251-252.

²⁶⁷ ზ. ავალიშვილი, დასახ. ნაშრ., გვ. 49.

ბათუმში ჩამოვიდა და დაბინავდა სასტუმრო „ორიენტალი“ (დღეს გოგებაშვილის ქ. №10).

ბათუმში გასაგზავნად დელეგაციაში ოფიციალურად აღარ ჩაურთავთ პიიდან აბაშიძე, ჩანს, საქართველოს ეროვნული საბჭო მოერიდა ოსმალთა მიერ ოკუპირებულ ბათუმში მის გამოსენას ამის მიუხედავად, პიიდარი საკუთარი რისკით ჩამოსულა მშობლიურ ქალაქში, სადაც მისი ბინა იქცა დელეგაციის ქართველი წევრების ყოველდღიური თავშეყრისა და ბჭობის ადგილად. ამიტომაც ისინი, პროფ. სარგის კაკაბაძის გადმოცემით, პ. აბაშიძეს, ხუმრობით, დელეგაციის თავს უწოდებდნენ.²⁶⁸

ოსმალეთის დელეგაციაში შედიოდნენ: იუსტიციის მინისტრი ჰალილ-ბეი (თამეჯდომარე), გენერალი ეეხიბ-ფაშა, ორხან-ბეი (დელეგაციის პირველი მდივანი), სახელმწიფო მდივნის თანაშემწე მუხთარ-ბეი, სახელმწიფო მრჩეველთა იურიდიული ბიუროს დირექტორი ნუსრეთ-ბეი, ნიზამედინ-ბეი (დელეგაციის მდივანი), კაეკასიის ფრონტის სანიტარული სამსახურის უფროსი თეფეიკ სალიმ-ბეი, გენშტაბის ოფიცრები იუსუფ-ბეი და სადიფ-ბეი.²⁶⁹

ოსმალეთის დელეგაციას ჩამოჰყენენ და კონფერენციას ეწვრებოდნენ ჩრდილოეთ კაეკასიის მთიელთა რესპუბლიკის წარმომადგენელი პ. ბამატი და მთავრობის თავმჯდომარე ა. ჩერმოვი.

ბათუმში ოსმალეთის საზავო დელეგაციას შეხვდა მემედ აბაშიძე, მიესალმა, როგორც სტუმრებს და ბათუმის ოლქის მცხოვრებთა სახელით მოითხოვა საქართველოს წინააღმდეგ სამხედრო მოქმედების შეწყვეტა.²⁷⁰

გერმანიის სრულყოფილიან წარმომადგენლად ბათუმის კონფერენციაზე დაინიშნა გენერალი ფონ ლოსოვი (გერმანიის სამხედრო წარმომადგენელი კონსტანტინოპოლში). მასთან ახლდნენ ომამდე გერმანიის გენერალური კონსული თბილისში გრაფი შულენბურგი და აღმოსავლეთის საქმეთა სპეციალისტი ო. ვეზენდონკი.²⁷¹ გერმანიის დელეგაცია ცდილობდა მიეღწია კონფერენციის სწრაფად დამთავრებისათვის, რომ თურქეთს კაეკასიის ფრონტიდან ჯარები ინგლისის წინააღმდეგ გადაესროლა.

კონფერენციის პირველ სხდომაზევე (11 მაისი) გამოეხატა უთანხმოებანი როგორც ამიერკაეკასიისა და ოსმალეთის, ასევე ამ უკანასკნელისა და გერმანიის დელეგაციებს შორის. ამიერკაეკასიის დელეგაციამ მოითხოვა, რომ მოლაპარაკება წარემართათ ბრესტ-ლიტოვსკის ხელშეკრულების საფუძველზე ამავე აზრის იყო გერმანიის მხარეც, მაგრამ ჰალილ-ბეიმ განაცხადა, რომ ამიერკაეკასიის მთავრობამ ჩაშალა ტრაპიზონის კონფერენცია, რის გამოც საქმე ხელახალ სამხედრო შეტაკებაზე მივიდა, დაიღვარა სისხლი, ამიტომ „შემდგომი მოლაპარაკება ბრესტ-ლიტოვსკის ზავის მოთხოვნებს ვერ დაეფუძნებაო“. სანაცვლოდ მან ა. ჩხენკელს შესთავაზა საზავო ხელშეკრულების ახალი პროექტი, რომლითაც ოსმალეთის ხელში დამატებით უნდა გადასულიყო ახალქალაქის, ახალციხის, ალექსანდროპოლისა და ენშიაძინის რაიონები. ამით აღდგებოდა 1828 წლის საზღვარი.

ამით აღშფოთებული გერმანიის გენერალური შტაბის უფროსი გენერალი ლუდენდორფი 1918 წ. 15 მაისს ოსმალეთის გენშტაბის უფროსის მოადგილეს გენერალ ფონ სექტს სწერდა: „კიდევ ერთხელ გთხოვთ ენვერ-ფაშას ტერიტორიული

268 აბსურდულად, ცხოვრება და დღევანელი პიიდან აბაშიძისა, გვ. 50-52.

269 სეცსა, ფ. 1796, ან. 1, ს. 86, ფურც. 5.

270 აბსილდავამე, ვ. გურული, საქართველოს განუყოფლობისათვის ბრძოლის ისტორიიდან, ნაკვ. I, მემედ-ბეი აბაშიძე, დოკუმენტები და მასალები (1917-1923), თბ., 1996, გვ. 54.

271 ჭავჭავიძე, დასახ. ნაშრ., გვ. 54.

მოთხოვნები მოაკციოთ ბრესტის ხელშეკრულებით განსაზღვრულ ფარგლებში.. (ვინაიდან) საქართველოში თურქეთის შეჭრა გამოიწვევს გართულებებს ამ უკანასკნელსა და გერმანიას შორის“.²⁷² ბათუმის კონფერენციაზე კი ოსმალეთის დელეგაციას პროტესტით მიმართა ფონ ლოსოვმა, რის შესახებაც აცნობა დანარჩენ მოკავშირეებსაც.²⁷³

ოსმალები კვლავ მოქმედებდნენ დიპლომატიური ნორმების უგულვებელყოფით. იმავე 15 მაისს მათ დაიკავეს ალექსანდროპოლი და დაეუფლნენ რკინიგზას. ემზადებოდნენ ერევნის და თბილისის მიმართულებით შეტევისათვის.

ფონ ლოსოვმა, იყო რა დაინტერესებული ბათუმის კონფერენციის სწრაფად და თანაც გერმანიისათვის სასურველად დამთავრებით, 19 მაისს საკუთარი შუამდგომლობა შესთავაზა მოპირდაპირე მხარეებს ბრესტის სასაიო ხელშეკრულების საფუძველზე ამიერკავკასიის დელეგაციამ იგი იმავე დღეს მიიღო, ასურბაიჯანელი დელეგატების ჭირვეულობის მიუხედავად. ცხადია, შუამდგომლობის ასეთი პროექტი ეწინააღმდეგებოდა ოსმალეთის გეგმებს, რომელიც ბაქოსკენ მისწრაფოდა, ამიტომ მათ უარი განაცხადეს ფონ ლოსოვის წინადადებაზე.²⁷⁴

ამჯერად, გერმანიის სამხედრო წრეებიც დარწმუნდნენ, რომ „ენვერი და თურქეთის მთავრობა კავკასიაში პანისლამისტურ მიზნებზე უფრო ფიქრობდნენ, ვიდრე ინგლისთან ომზე“.²⁷⁵

1918 წ. 22 მაისს კავკასიის საკითხი სპეციალურად განიხილეს გერმანიის საგარეო საქმეთა უწყების სხდომაზე. საგარეო საქმეთა მინისტრმა რიპარდ ფონ კიულმანმა, როდესაც შეეხო ოსმალთა პრეტენზიებს კავკასიაში, ხაზგასმით აღნიშნა, რომ „ბათუმის დაკავების შემდეგ პორტა ოცნებობს შექმნას კავკასიურ-თურქული სახელმწიფო“, ნენ ეცდილობთ გაეღენა მოვახდინოთ მასზე, მაგრამ უშედეგოდ.²⁷⁶ 25 მაისს ლუდენდორფი კატეგორიულად მოითხოვს ფონ სექტისაგან გამოიყენოს თავისი გაღენა, რათა შეაჩეროს ოსმალთა შემდგომი წინსვლა კავკასიის წინააღმდეგ და აიძულოს ის „თავისი მოქმედების ცენტრი გადაიტანოს მესოპოტამიასა და სპარსეთში“, ინგლისის ჯარების წინააღმდეგ.²⁷⁷

„თურანის“ შექმნის იდეით შეპყრობილი ოსმალეთის მმართველი წრეები მოკავშირე გერმანიის პროტესტებს ყურადღებას არ აქცევდა 20 მაისს ენვერ-ფაშა ბერლინის წინაშე თავს იმართლებდა: კავკასიაში არის ბოლშევიზმის გაერცვლების საშიშროება, ამიტომაც ოსმალეთს არ შეუძლია „დარჩეს პასიურ მეთვალყურედო“. ამავე მიზეზით მათი დელეგაცია ბათუმის კონფერენციაზე აყენებდა დიდ ტერიტორიულ და პოლიტიკურ მოთხოვნებს. უკვე 25 მაისს ფონ ლოსოვი თავის მთავრობას ბათუმიდან ატყობინებდა: „ამჟამად თურქეთის ყურადღება მიმართულია ბაქოს, ვლადიკავკაზის და შოელი კავკასიის დაპყრობისაკენ“. ამავე მიზნით ოსმალებმა კავკასიის მაჰმადიანურ მოსახლეობაში გააძლიერეს მუშაობა აჯანყებისათვის. გეგმავდნენ, აგრეთვე, ერთი დივიზია თბილისის გაღლით გაეგზავნათ ვლადიკავკაზში „დამოუკიდებლობისათვის მებრძოლი, ჩრდილოეთ კავკასიელი მაჰმადიანების დასახმარებლად“.²⁷⁸

²⁷² Мюльман К. Германно-Турецкий военный союз в мировой войне (машиннописное издание), с. 270.

²⁷³ Документы и материалы по внешней политике Закавказья и Грузии, с. 278.

²⁷⁴ იქვე გვ. 293-302; 306.

²⁷⁵ Людендорф Э., დასახ. ნაშრ., გვ. 187.

²⁷⁶ Пипия Г. В., Политика Германии в Закавказье в 1918 году (сборник документов), Тб., 1971, с. 29-30.

²⁷⁷ Мюльман К., დასახ. ნაშრ., გვ. 271.

²⁷⁸ იქვე გვ. 272.

ბათუმის კონფერენციის პერიოდში, სამხედრო ღონისძიებებთან ერთად, ოსმალეთი ცდილობდა მიეღწია ამიერკავკასიის ფედერაციული რესპუბლიკის პოლიტიკური რეორგანიზაციისათვის, მისი კავკასიის ერთიან სახელმწიფოდ გარდაქმნით. ამ გეგმით ჩრდილოკავკასიელი მუსლიმანები ახერბაიჯანელებს შეუერთდებოდნენ, რის შემდეგაც ისინი უმრავლესობაში აღმოჩნდნენ და კავკასიის სახელმწიფოც, მათი აზრით, ოსმალურ ორიენტაციას დაადგებოდა ამ მიზნით ოსმალებმა ბათუმის კონფერენციის მსვლელობის დროს საიდუმლო მოლაპარაკება გააჩაღეს ახერბაიჯანისა და ჩრდილო კავკასიის წარმომადგენლებთან.

პროოსმალური კავკასიის სახელმწიფოს შექმნა სამომავლოდ საწინაშესაზღვრელია ამ რეგიონში გერმანიის ინტერესებს, ხოლო ქართველი და სომეხი ხალხისათვის ასეთ სახელმწიფოში გაერთიანება დამღუპველი იქნებოდა. ამიტომაც გერმანიელებმა ოსმალურ ვარიანტს დაუპირისპირეს კავკასიის ფედერაციული რესპუბლიკის დაშლის და ცალკეულ პოლიტიკურ ერთეულებად დაყოფის გეგმა. ამ შემთხვევაში გერმანიელები ეყრდნობოდნენ ქართულ ეროვნულ ძალებს, რომლებთანაც ფარულად შეუდგნენ მოლაპარაკებას.²⁷⁹

შექმნილ ვითარებაში ქართველმა დელეგატებმაც მართებულად ჩათვალეს გამოეყენებინათ მოკავშირეებს შორის არსებული უთანხმოება და გერმანიის დახმარებით აელაგმათ ოსმალეთის ექსპანსიური მისწრაფებები და გამოეცხადებინათ საქართველოს დამოუკიდებლობა. ამ საკითხს ეხებოდა ა. ჩხენკელის მიერ ბათუმშიდან სოციალ-დემოკრატი ლიდერებისადმი გაგზავნილი წერილიც.²⁸⁰ 1918 წ. 12-16 მაისს, როგორც დემოკრატიული პარტიის ინიციატივით, საქართველოს დამოუკიდებლობის დაუყოვნებლივ გამოცხადების საკითხი დაისვა საქართველოს ეროვნული საბჭოს აღმასკომის სხდომებზეც,²⁸¹ თუმცა სოციალ-დემოკრატიულმა უმრავლესობამ ამისგან თავი შეიკავა.

მდგომარეობის ადგილზე გასარკვევად 17 მაისს ბათუმში ჩამოვიდა საქართველოს ეროვნული საბჭოს თავმჯდომარე ნოე ჟორდანიძე. აქ მას დახვედრია „შემამძრწუნებელი სურათი“. კერძოდ, ოსმალთა არაკომპრომისული და შემტევი განწყობილება, მეორე მხრივ კი – ამიერკავკასიის დელეგაციის ერთიანობის არამყარობა, რაც მისი ახერბაიჯანელი წევრების პროოსმალური მისწრაფებებით იყო გამოწვეული. ბათუმში გამოჩნდნენ აგრეთვე სამცხე-ჯავახეთის და სხვა რეგიონების პროოსმალურად განწყობილი მუსლიმანების კერძო დელეგაციები. შექმნილი მძიმე მდგომარეობიდან ერთადერთ გამოსავლად ქართულ დელეგაციას მიუჩნევია სეიმის დაშლა საქართველოს დამოუკიდებლობის გამოცხადება და გერმანიის მფარველობაში შესვლა.²⁸² ნ. ჟორდანიასთვის იგივე ურჩევია გენერალ ფონ ლოსოვსაც კონფიდენციალური შეხვედრის დროს. მერყეობის შემდეგ ნ. ჟორდანიაც დარწმუნდა საქართველოს დამოუკიდებლობის გამოცხადების აუცილებლობაში, სასწრაფოდ დაბრუნდა თბილისში და შეუდგა ამისათვის საჭირო ღონისძიებების გატარებას, ხოლო ბათუმში დარჩენილი გერმანელი და ქართველი დელეგატები ინტენსიურად შეუდგნენ ამ ორი ქვეყნის მომავალი ხელშეკრულების ტექსტების მომზადებას მთელი ეს საქმიანობა მიმდინარეობდა კონსპირაციულად.

ამრიგად, საქართველოს სახელმწიფოებრივი დამოუკიდებლობის აღდგენის

²⁷⁹ ო. გიგინეიშვილი, ნარკვევები ოსმალეთის ისტორიიდან, გვ. 148-150.

²⁸⁰ შ. ვადაჭკორია, ქართული სოციალ-დემოკრატიის ისტორიიდან, 1917-1918, გვ. 62-64; ალ. ბუდიანიშვილი, ეროვნული საკითხი საქართველოში 1801-1921 წწ., გვ. 214-216.

²⁸¹ ა. სილაგაძე, გ. გურული, საქართველოს სახელმწიფოებრივი დამოუკიდებლობის აღდგენა, გვ. 39-42.

²⁸² ნ. ჟორდანიძე, ჩემი წარსული (მოგონებანი), ბარზი, 1953, გვ. 128-129.

აზრი, საბოლოოდ, ბათუმში გამოიძერწა და აქ შემუშავებული გეგმით 26 მაისს თბილისში განხორციელდა.

24 მაისს შედგა საქართველოს ეროვნული საბჭოს აღმასკომის საგანგებო სხდომა, რომელმაც მოისმინა ნ. ჟორდანიას ინფორმაცია ბათუმში საზაფო მოლაპარაკების მიმდინარეობის შესახებ და დაადგინა საქართველოს დამოუკიდებლობის გამოცხადება.

26 მაისს, ყოფილ მეფისნაცვლის სასახლეში, შეიკრიბა ამიერკავკასიის ფედერაციული რესპუბლიკის სეიმის საგანგებო (და თანაც უკანასკნელი) სხდომა, სეიმის სოციალ-დემოკრატიულმა ფრაქციამ დააყენა საკითხი ფედერაციის დაშლისა და ამიერკავკასიის რესპუბლიკების სახელმწიფოებრივი დამოუკიდებლობის შესახებ. მცირე კამათის შემდეგ სეიმმა ხმათა აბსოლუტური უმრავლესობით (წინააღმდეგ - ორისა) დაადგინა ამიერკავკასიის ფედერაციული რესპუბლიკის დაშლა.

26 მაისს, ნაშუადღევს, იმავე შენობაში შეიკრიბა საქართველოს ეროვნული საბჭო, რომელსაც მიწვეულნი იყვნენ, აგრეთვე, გრაფი შულენბურგი გერმანელი ოფიცრების თანხლებით, სამღვდლოება და ქართველი ოფიცრობა. ნ. ჟორდანიამ ეს მოვლენა შეაფასა „ტრაგიკულ, მაგრამ ქართველი ხალხისათვის ისტორიულ აქტად“, როცა „მოკვდა ერთი სახელმწიფო და იმავე დარბაზში საფუძველი ეყრება მეორე სახელმწიფოს“.

ეროვნულმა საბჭომ ერთსულოვნად მიიღო საქართველოს დამოუკიდებლობის აქტი, რომელსაც, სხვებთან ერთად, ხელი მოაწერეს პაიდარ აბაშიძემ და ყადირ შერვაშიძემ. „ეს იყო არა მარტო მათი ეროვნულ-პატრიოტული საქმიანობის აღიარება-დაფასება, არამედ სამუსლიმანო საქართველოს ერცელი რეგიონის მრავალრიცხოვანი მოსახლეობისადმი ჭეშმარიტად სახელმწიფოებრივი ყურადღების გამოხატულებაც. ამით საქართველოს რესპუბლიკის მთავრობა, ქრისტიან ქართველებთან ერთად, ცნობდა მაჰმადიანი ქართველების თანაბარ უფლებებს ახალი სახელმწიფოს მშენებლობაში“.²⁸³

დამოუკიდებლობის აქტით ქვეყნის პოლიტიკური წყობილების ფორმად აღიარებული იქნა დემოკრატიული რესპუბლიკა; გამოცხადდა საქართველოს მუდმივი ნეიტრალიტეტი; რესპუბლიკის ყველა მოქალაქის თანასწორობა, განურჩევლად ეროვნებისა, სარწმუნოებისა, სოციალური მდგომარეობისა და სქესისა; საქართველოში მცხოვრები ყველა ხალხისათვის განვითარების ფართო ასპარეზის უზრუნველყოფა.

საქართველოს დემოკრატიული რესპუბლიკის უმაღლესი საკანონმდებლო ორგანოს (პარლამენტის) უფლებამოსილება, დამფუძნებელი კრების არჩევამდე (1919 წ. მარტი), მიენიჭა ეროვნულ საბჭოს. 26 მაისის სხდომაზევე დამტკიცდა საქართველოს მთავრობის შემადგენლობაც: თავმჯდომარე და შინაგან საქმეთა მინისტრი - ნოე რამიშვილი;²⁸⁴ მასვე დაევადა საქართველოს დემოკრატიული რესპუბლიკის საზაფო დელეგაციის ხელმძღვანელობა ბათუმის კონფერენციაზე, საგარეო საქმეთა მინისტრი - აკაკი ჩხენკელი (ის ამ დროს კვლავ ბათუმში იმყოფებოდა საზაფო კონფერენციაზე), სამხედრო მინისტრი - გრიგოლ გიორგაძე, ფინანსთა, ვაჭრობისა და მრეწველობის მინისტრი - გიორგი ჟურული, სახალხო განათლების მინისტრი - გიორგი ლასხიშვილი, მიწათმოქმედებისა და შრომის მინისტრი - ნოე ხომერკი, იუსტიციის მინისტრი - შალვა მესხიშვილი და გზათა მინისტრი - ივანე ლორთქიფანიძე. საქართველოს დემოკრატიული რესპუბლიკის შექმნა იმავე დღეს დეკლარირდა.

²⁸³ აბსურდულად, ყადირ შერვაშიძე - თამარის ორდენის რაინდი, ქუთ., 1998, გვ. 31.

²⁸⁴ 1918 წლის 24 ივნისიდან მთავრობის თავმჯდომარე გახდა ნ. ჟორდანიას და საქართველოს დემოკრატიული რესპუბლიკის არსებობის მთელ მანძილზე უცვლელად ხელმძღვანელობდა მას.

ეცნობა უცხოეთის სახელმწიფოებს.

დამოუკიდებლობის გამოცხადებას აღფრთოვანებით შეეგება საქართველოს საზოგადოებრიობა. ერთი დალიოცა და დამოდერა კათალიკოს-პატრიარქმა კირიონ მეორემ: „დამოუკიდებლობა გეაკისრებს დიდ ზრუნვას და დიდ მოქალაქეობრივ სიბრძნე-სიფიხილეს თხოულობს წყენგან. ერთობაში არის ძალაო, ამბობენ, და თუ ესეა, ეხლანდელი მომენტი მითუმეტეს მოითხოვს ყველასაგან ძიერ შეერთებას“.

თბილისის მუშათა და ჯარისკაცთა დეკუტატების საბჭოს აღმასრულებელმა კომიტეტმაც დადებითად შეაფასა დამოუკიდებლობის აქტი და 29 მაისს მიიღო რეზოლუცია: „ყოველგვარი მხარდაჭერა გაეწიოს საქართველოს რესპუბლიკის ახალ მთავრობას საგარეო მტრის მოგერიებასა და რევოლუციური მონაპოვების დაცვაში“.²⁸⁵

იმავე 26 მაისს საღამოს, ოსმალებმა, რომლებმაც ჯერ კიდევ ცოტა რამ იკოდნენ თბილისში განჩივრციელებული ზემოაღნიშნული პოლიტიკური აქტების შესახებ, ამიერკავკასიის დელეგაციას წაუყენეს ახალი ულტიმატუმი, რომელიც მოითხოვდა ოსმალთა მიერ 11 მაისს წამოყენებული საზავო ხელშეკრულების პროექტის უცვლელად მიღებას, ზემოაღნიშნული ტერიტორიების დათმობას და ამიერკავკასიის ფარგლებში ჯარების თავისუფალი გადაადგილების უფლებას ულტიმატუმზე დართული იყო ახალციხისა და ახალქალაქის მუსლიმანი მოსახლეობის 6 წ. „დედეგატა კრების“ დადგენილება (ხელს აწერდა 40 პირი), რომელიც მოითხოვდა „დედაოსმალეთთან“ შეერთებას ულტიმატუმი პასუხისათვის ვადას 72 საათით განსაზღვრავდა და მათი მიუღებლობის შემთხვევაში სამხედრო მოქმედების განახლებით იმუქრებოდა.

პასუხად ა. ჩხენკელმა განუცხადა ჰალილ-ბეის, რომ სვიმის გადაწყვეტილებით, ამიერკავკასიის ფედერაცია უკვე დაიშალა და საკითხი მანამ ვერ გადაწყვეტოდა, ვიდრე ბათუმში არ ჩავიდოდნენ საქართველოს, აზერბაიჯანისა და სომხეთის რესპუბლიკების საზავო დელეგაციები. ოსმალები იძულებული გახდნენ კონფერენციის გაგრძელებას დალოდებოდნენ.

უფრო ადრე, გერმანიის დელეგაციამ, იმაში დარწმუნებულმა, რომ ამიერკავკასიის ფედერაციული რესპუბლიკის დაშლას წინ ვედარაფერი დაუდგებოდა, 25 მაისს დატოვა კონფერენცია და სავაჭრო გემ „მინა-პორნიო“ ბათუმიდან გაიწვია კონფერენციის დატოვების საბაზად ფონ ლოსოვმა გამოიყენა ოსმალთა 26 მაისის ულტიმატუმი, რომლის შემუშავების შესახებაც ის ჰალილ-ბეიმ წინასწარ გააფრთხილა ულტიმატუმი ბერად მეტს მოითხოვდა, ვიდრე ბრესტის ხელშეკრულებით იყო გათვალისწინებული. ეს კი ხელყოფდა გერმანიის ინტერესებს ამიერკავკასიაში.

ბათუმიდან გასვლის წინ ფონ ლოსოვმა ოფიციალურად განაცხადა, რომ მიემზავრება თავის მთავრობასთან კონსულტაციისათვის, მაგრამ „მინა-პორნიო“ კონსტანტის (რუმინეთი) ნაცვლად 26 მაისს დილით ფოთში შევიდა აქ წინასწარი შეთანხმების თანახმად, ფონ ლოსოვი დაელოდა საქართველოს წარმომადგენლებს, რომლებიც ფედერაციის დაშლის შემდეგ ოფიციალურად ბათუმიდან თბილისში გაემგზავრებოდნენ. სინამდელიეუმი კი სადგურ სამტრედიიდან ფოთში ჩავიდნენ. სამტრედიიაში ქართულ დელეგაციას თბილისიდან შეუერთდა საქართველოს მთავრობის თავმჯდომარე ნ. რამიშვილი. 28 მაისს „მინა-პორნიო“ სამსაათიანი აზრთა გაცვლა-გამოცვლის შემდეგ, ხელი მოაწერეს ჯერ კიდევ ბათუმში შეთანხმებული ხელშეკრულების ტექსტებს.

²⁸⁵ Документы и материалы по внешней политике Закавказья и Грузии, с. 338.

ფოთში სულ გაფორმდა 4 ხელშეკრულება.²⁸⁶ მათ შორის ძირითადი იყო შეთანხმება „საქართველოსა და გერმანიას შორის ურთიერთობის წინასწარი მოწესრიგების შესახებ“ ორი დამატებით. ის ორ ქვეყანას შორის დამოკიდებულების განმარტებულად აღიარებდა ბრესტის ხელშეკრულებას და ორივე სახელმწიფოს დედაქალაქში აწესებდა დიპლომატიურ წარმომადგენლობებს. ამით გერმანიამ ფაქტობრივად (დე ფაქტოდ) ცნო საქართველოს დამოუკიდებლობა.

ცალკე დროებითი შეთანხმებები დაიდო ორივე მხარის ტყვეთა გაცვლის დასაქმებულად, სავალუტო ურთიერთდამოკიდებულების მოწესრიგებისა და საქართველოს განკარგულებაში მყოფი გემების ომის დაშთაერებამდე გერმანიის სარგებლობაში გადაცემის შესახებ.

მართალია, აღნიშნული ხელშეკრულებებით გერმანიის იმპერია პრივილეგიურ მდგომარეობას იღებდა საქართველოს რკინიგზების, ნავსადგურების, სამთამადნო წიაღისეულისა და სამხედრო ეკონომიკისათვის საჭირო სხვა დარგების ექსპლოატაციის საქმეში, მაგრამ მათში გათვალისწინებული იყო საქართველოს ინტერესებიც. კერძოდ, სამთამადნო წიაღისეულის დამუშავებისას აქციები თანაბრად ნაწილდებოდა, გერმანია ვალდებულებას იღებდა, „რაც შეიძლება ჩქარა დაეწესებინა“ ეკონომიკურად ურთიერთხელსაყრელი სასაღვაწო მიმოსვლა საქართველოსთან; ფოთშივე დადგინდა, რომ საქართველოს მთავრობას 28 წლის ვადით მიეცემოდა 6 პროცენტის სესხი - 54 მლნ რუბლის ოდენობით.

საქართველოს მთავრობისადმი ფოთიდან გამოგზავნილი წერილით გენერალი ფონ ლოსოვი კისრულობდა პასუხისმგებლობას, რომ გერმანიის მთავრობა დაეხმარებოდა საქართველოს „რუსეთის მთავრობასთან რუსეთის იმპერიის შემადგენლობიდან გამოსვლის გამო მოლაპარაკებაში და გამოყოფის შემდეგ თავისუფალ და დამოუკიდებელ სახელმწიფოდ აღიარებაში“. გერმანიის რწმუნებული კისრულობდა, აგრეთვე, მიუღო სომეხები, რათა „გერმანიის სახელმწიფოს დახმარება გაეწია საქართველოსათვის საზღვრების დაცვაში და მეზობელ სახელმწიფოებთან ურთიერთობის ნორმალიზებაში“.

ამავე წერილში აღნიშნული იყო, რომ საქართველოს საზღვრები მოიცავენ ყოფილ თბილისის და ქუთაისის გუბერნიებს და სოხუმის ოკრუგს. ამ განმარტებით სამხრეთ-დასავლეთი ტერიტორიები გამორიცხული იყო საქართველოს საზღვრებიდან, მაგრამ ოსმალთა მიერ ბათუმის კონფერენციაზე წამოყენებულ პრეტენზიებს ახალციხისა და ახალქალაქის მახრებთან დაკავშირებით გერმანიის წარმომადგენელი მხედველობაში არ იღებდა. წერილი მთავრდებოდა ცნობით, რომ ფოთში ჩამოდიოდა გერმანიის ჯარის ნაწილები. ეს კი ნიშნავდა იმას, რომ საქართველოს აღარ ექნებოდა ოსმალეთის შემოსევის საშიშროება.²⁸⁷

იმავ 28 მაისს „მინა-პორჩი“ ზღვაში გავიდა და ამჯერად მართლაც აიღო კურსი ქ. კონსტანტინსაკენ. გემს თან გაჰყვა საქართველოს რესპუბლიკის დიპლომატიური მისია აკაი ჩხენკელი, ნიკო ნიკოლაძე და ზურაბ ავალიშვილი. ისინი მიემგზავრებოდნენ ბერლინში „გერმანიასთან ურთიერთობის საბოლოოდ მოსაგვარებლად“ და ქვეყნის დამოუკიდებლობის საერთაშორისო აღიარებისათვის.

კონფერენციის მცირე მტაპზე (31 მაისი-4 ივნისი), ოსმალეთთან მოლაპარაკება ბათუმში განაგრძეს ამიერკავკასიის უკვე დამოუკიდებელმა რესპუბლიკებმა. საქართველოს დელეგაციას, რომელიც ბათუმში ფოთიდან ჩამოვიდა, ხელმძღვანელობდა

²⁸⁶ იხ. სესხა, ფ. 1796, ან. 1, ს. 85, ფურც. 1-9.
²⁸⁷ ზ. ავალიშვილი, დასახ. ნაშრ., გვ. 88-89.

მთავრობის თაემგდომარე ნ. რამიშვილი. დელეგაციის შემადგენლობაში იყვნენ: გენერალი ი. ოდიშელიძე, გ. გვახაია და გრ. რცხილაძე, მდივნები ვ. ღამბაშიძე (პირველი მდივანი და თარჯიმანი), ს. ახელედიანი და ი. გოგოლაშვილი.²⁸⁸

ბათუმში ჩამოვიდა სომხეთის რესპუბლიკის დელეგაცია (აღლ. ხატისიანი, რ. კაჩაშნუნი და მ. პაპაჯანოვი), აგრეთვე, მუსავატელთა ზოგიერთი თვალსაჩინო წარმომადგენელი (სულთანოვი, უსუბეკოვი და სხვ.) ოსმალეთთან კონფიდენციალური საუბრისათვის. ოსმალთა დელეგაცია ადრინდელი შემადგენლობით იყო წარმოდგენილი.

31 მაისს, მოლაპარაკების განახლებისთანავე, პაღლი-ბეიმ განაცხადა, რომ ოსმალეთის დელეგაციის 26 მაისის ულტიმატუმში ძალაში იყო ამიერკავკასიის დამოუკიდებელი რესპუბლიკების მიმართაც.²⁸⁹

საქართველოს დელეგაციამ მოითხოვა საზღვრების საკითხის განხილვა ბრესტ-ლიტოვსკის ზეის საფუძველზე. გერმანიის თანდაგმობთ დაიმედებული ქართველი დიპლომატიკტი ამ შემთხვევაში ვარაუდობდნენ წინა პლანზე წამოეწიათ ბათუმ-ყარს-არტაანის მოსახლეობის თვითგამორკვევის საკითხი, მაგრამ ოსმალეთმა ომის განახლების მუქარათ აიძულა საქართველო მიეღო ულტიმატუმი.

4 ივნისს, ერთი მხრივ, ოსმალეთს და, მეორე მხრივ, ამიერკავკასიის ცალკეულ რესპუბლიკებს შორის გაფორმდა საზაო ხელშეკრულებები.

საქართველოსთვის თავისმხებულნი „ზაისა და მეგობრობის ხელშეკრულებით“²⁹⁰ (13 მუხლი) ოსმალეთის ხელში, გარდა ბათუმ-ყარს-არტაანის ოლქებისა, დამატებით გადადიოდა ახალქალაქისა და ახალციხის მაზრები (აბასთუმანის და აწყურის გამოკლებით) (მუხლი 2). ამით ეროვნულ სხეულს წყდებოდა მთელი სამამ-მადიანო საქართველო, მტკერის ზემოწელისა და ჭოროხის აუზის ყველა ისტრიული ტერიტორია.

იმავ დღეს გაფორმდა ზემოაღნიშნული ძირითადი ხელშეკრულების სამი დანართი (დამატება). პირველი, რომელიც 9 მუხლისაგან შედგებოდა, ეხებოდა ამ ორ ქვეყანას შორის ვაჭრობის და ნავიგაციის საკითხებს.²⁹¹ მეორე დამატება (მუხლი 3) აწესებდა განსაკუთრებულ სამომსოვლო შედავათებს საზღვრისპირა 10-კილომეტრიან ზოლში ორივე მხარის მცხოვრებთათვის. მესამე დამატება (მუხლი 7) ეხებოდა საქართველოში მამადიანი სასულიერო პირების უფლებამოსილების გაზრდას.²⁹²

4 ივნისს ბათუმში გაფორმდა, აგრეთვე, დამატებითი ხელშეკრულება,²⁹³ რომლითაც საქართველომ ივალდებულა დაეთმო რკინიგზები ოსმალეთისათვის ჯარების გადასაყვანად და საჭურველის გადასასიდად, უზრუნველყო სარკინიგზო შემადგენლობების შეუფერხებელი მუშაობა, მთავარ სარკინიგზო სადგურებში მოეწყოოდა ოსმალეთის სამხედრო წარმომადგენლობები, რომლებიც ადგილზე შეიქმნდნენ სურსათს ჯარების მომარაგებისათვის.

დამატებით ხელშეკრულებას პქონდა განსაკუთრებული დანართი (მუხლი 14), რომელიც აწესრიგებდა საქართველოს და ოსმალეთს შორის ტყვეთა გაცვლას. საამისო პუნქტად მონიშნული იყო ბათუმი, სადაც უნდა შეექმნათ შერეული კომისია ტყვეთა გაცვლა, ძირითადად, უნდა დაემთავრებინათ ერთი თვის ვადაში.

²⁸⁸ სცსსა, ფ. 1796, ან. 1, ს. 86, ფურც. 5.

²⁸⁹ Документы и материалы по внешней политике Закавказья и Грузии, с. 340.

²⁹⁰ იხ. Документы и материалы...с. 343-349.

²⁹¹ იხ. Документы и материалы...с. 349-351.

²⁹² იქვე, გვ. 351-357.

²⁹³ იქვე, გვ. 357-360.

4 იენისის ბათუმში ოსმალეთის, აზერბაიჯანის და საქართველოს წარმომადგენლებმა ხელი მოაწერეს ცალკე კონვენციას „ბაქო-ბათუმის ნავთსადენის შესახებ“. საქართველოსა და აზერბაიჯანის მხარეები, შესაბამისი საზღაურის ფასად, იღებდნენ ეკლდებულებას თავიანთ ტერიტორიებზე „უსრუნეველყოთ ნავთსადენის მუდმივი მოქმედება“.

ოსმალეთ-საქართველოს 4 იენისის ზავით, ხელშეკრულებების რატიფიკაცია უნდა მიუხდინათ ერთი თვის ვადაში. ეს არ განხორციელდა, რადგან საქართველომ მაშინვე მიიღო ზომები ამ მიმე პირობების შეცვლისათვის. 6 იენისის ქართულმა დიპლომატიურმა მისიამ ბერლინში გერმანიის საგარეო საქმეთა სამინისტროს გადასცა ნოტა, რომელშიც ხაზგასმული იყო, რომ „ბათუმის ზავზე ხელმოწერა მოხდა ოსმალური ხიშტების ძალდატანებით“ და მოითხოვა მისი გადასინჯვა ოთხთა კავშირის და ამიერკავკასიის სახელმწიფოების საგანგებო საზავო კონფერენციაზე.

ახალი საზავო კონფერენციის მოწვევის შესახებ ქართველთა მოთხოვნა გაიზიარა გერმანიის მთავრობამ და დაითანხმა ოსმალეთიც.²⁹⁴ ამის მიუხედავად, ოსმალეთმა მაინც სცადა ამ კონფერენციისათვის, რომელიც სტამბოლში უნდა გამართულიყო, მიეცა თავისთვის სასურველი ელფერი. ამ მიზნით იქ მიიწვია არა მარტო ამიერკავკასიის, არამედ ჩრდილოეთ კავკასიის, ვოლგისპირეთისა და შუა აზიის მაჰმადიანი ხალხების წარმომადგენლებიც.²⁹⁵ საბოლოოდ, კონფერენციის ჩატარება აღარ მოხერხდა, პირველ მსოფლიო ომში გერმანიის ბლოკის სახელმწიფოების დამარცხების გამო.

ამრიგად, კავკასიის ფრონტის მოშლის შემდეგ, ამ რეგიონში პირველობისათვის ერთმანეთს დაუპირისპირდნენ გერმანია და მისი მოკავშირე ოსმალეთი. მათმა მეტოქეობამ და ამ საფუძველზე ოსმალეთის მცდელობამ – რაც შეიძლება სწრაფად დაეპყრო ამიერკავკასია – დაანჭარა საქართველოს დამოუკიდებლობის გამოცხადება და გერმანიასთან მისი დაახლოება. შექმნილ სიტუაციაში ეს იყო ქვეყნის გადარჩენის ერთადერთი გზა.

§8. ბათუმის ოლქის ოკუპაცია ოსმალთა მიერ (1918 წ.)

1877-1878 წლების ომის შედეგად დედასამშობლოსთან დაბრუნებული ბათუმის, ყარსის და არტანის ოლქების ისე დაპყრობას ოსმალეთის საგარეო პოლიტიკაში განსაკუთრებული ყურადღება ეთმობოდა. ამის რეალური შესაძლებლობა მას მიეცა 1917 წ. რევოლუციებისა და კავკასიის ფრონტის რღვევის შედეგად.

ტრაპიზონის კონფერენციის მსვლელობისას ოსმალეთი აქტიურად ემზადებოდა ამ მიმართულებით შემოტევისათვის. ასეთ პირობებში საჭირო გახდა ოლქის მოსახლეობის ინფორმირება, მისი პოზიციის გარკვევა, ამიტომაც სოფლებში იმართებოდა კრებები, რომელთა მუშაობაში მონაწილეობდნენ საქართველოს ეროვნული საბჭოს, ამიერკავკასიის მთავრობისა და ქართული საზოგადოების წარმომადგენლები. ერთი

²⁹⁴ მ. სიორიძე, სამხრეთ-დასავლეთი საქართველო 1914-1918 წლებში, გვ. 270-274.

²⁹⁵ ზ. ავალიშვილი, დასახ. ნაშრ., გვ. 162. მისივე ცნობით: „გერმანია ამირებდა თურქეთისაგან დაიწინებოთ მოთხოვნა ბათუმის გადაქცევა თავისუფალ ნავსადგურად და საქართველოსთან მისი კავშირის გაადვილება“ (იქვე, გვ. 139).

ასეთი კრება გაიმართა ქობულეთშიც. სიტყვით გამოსულმა გულო კაიკაციშვილმა გამოხატა შეკრებილთა სურვილი – იბრძოლონ მშებთან ერთად.²⁹⁶ შეაფასა რა აჭარა-გურიის ტრადიციული ნათესაური კავშირები, გურიის წარმომადგენელმა იულონ რამიშვილმა კრებაზე გამოსვლისას ითხოვა, თუ იარაღით არ მოგვეხმარებით, ნურც ოსმალთა მხარეს დადგებითო. ამის პასუხად სულეიმან ჭყონიამ განაცხადა გურულებს ამ საკითხზე დაპარაკი არ სჭირდებათ, ჩვენ ისედაც არ ეულაღალატებთ მათ აღნიშნა რა კმაყოფილება ქობულეთის კრების პოზიციის გამო, რაფიელ ჩიხლაძემ თქვა, საქართველო მტკიცედ დარწმუნებულია თავისი აჭარელი ძმების მამულშიველურ გრძნობებშიო.²⁹⁷

მსგავსი კრებები გაიმართა სხვა სოფლებშიც. შემდეგ დელეგაცია ხულოსაც ესტუმრა. მის შემადგენლობაში იყვნენ საოლქო კომისარი ეგენი კრინიციკო, მუშათა და ჯარისკაცთა დეპუტატების საბჭოს თავმჯდომარე გიზო ანჯაფარიძე, მემედ აბაშიძე და სხვ. ხულოში მაშინ მძლავრობდნენ „სუდაი მილეთელები“. როდესაც ი რამიშვილმა გამოსვლა დაამთავრა მოწოდებით - გაუშარჯოს ჩვენს ერთობასო, ერთ-ერთმა სუდაი მილეთელმა თავისი თურქოფილური პოზიცია მთავრობისადმი გულისწეროვით გამოხატა.²⁹⁸ აქვე უნდა აღინიშნოს ერთი გარემოებაც: დელეგაციის ზოგიერთი წევრი ჯეროვნად ვერ ითვალისწინებდა ოლქის თავისებურებებს კ. მაჭაყარიანი იხსენებს ხულოში შეხვედრის იმ მომენტს, როცა ერთ-ერთმა სტუმარმა შეკრებილ ხალხს მოურიდებლად განუცხადა აჭარაში აღარ არიან ბეგები და ამიტომაც, ჯემალ ხიმშიაშვილს, უბრალოდ, ჯემალი დაუძახეთო; ხალხმა, ცხადია, ვერ გაუგო მას, ჯემალ-ბეგი კი ძალიან განაწყენდა.²⁹⁹

1918 წ. დასაწყისში ბათუმის ოლქში მომრავლდნენ თურქოფილები, რომლებიც დიდ მუშაობას ეწეოდნენ სოფლად და ხალხს მოუწოდებდნენ ოსმალეთის მხარეზე გადასვლას ისინი ყოველთვის როდი აღწევდნენ მიზანს, მაგრამ ალაგ-ალაგ მაინც იწვევდნენ მოსახლეობის დეზორიენტაციას.

1918 წ. მარტში ოსმალთა ძალებმა ტრაპიზონში მოიყარეს თავი, სადაც ჩავიდნენ მაღალი ჩინის ოფიცრები. უკვე გასაგები იყო, რომ ეს ქალაქი ბათუმის მიმართულელებით საომარი მოქმედების ბაზად გადაიქცეოდა იქვე განლაგდა ოსმალეთის მეოთხე საეტაპო ხაზის მთავარი სამმართველო. პორტში თავი მოუყარეს დიდი რაოდენობის გემებს. ოსმალეთის დასუერვა ინტენსიურად ამუშავდა ბათუმის გარშემო დანალექი ზონის გამოსაფლენად.³⁰⁰ 7 აპრილს, ოსმალთა შემოტევის წინ, დაუდგენელმა პირებმა მწევანე კონცხის მიდამოებში აყარეს რკინიგზა,³⁰¹ რამაც დიდი პანიკა გამოიწვია.

22 მარტს ოსმალეთის სამხედრო ძალები, ზღვის სანაპიროს გასწვრივ, ყოველგვარი გაფრთხილების გარეშე, შეტევაზე გადმოვიდნენ რუსეთის ჯარებში გაერცვლებული სტიქიური დემობილიზაცია სამხედრო ნაწილების დესტაბილიზაციას იწვევდა. მართალია, საქართველოს ეროვნული საბჭო დიდ ყურადღებას უთმობდა ეროვნული საჯარისო ნაწილებით ტრაპიზონის მიმართულელებით ფრონტის შევსებას, მაგრამ ქართული ჯარი ამ დროს ჩამოყალიბების პროცესში იმყოფებოდა და მისი ნაწილები მიმოფანტული იყო სხვადასხვა ადგილას ქუთაისში იდგა პირველი

²⁹⁶ გაზ. „ერთობა“, №58, 1918.

²⁹⁷ გაზ. „საქართველო“, №59, 1918.

²⁹⁸ გაზ. „ერთობა“, №64, 1918.

²⁹⁹ ზასულედიანი, საბჭოთა ხელისუფლების დამყარება აჭარაში, 1917-1921 წწ., ბათ. 1971, გვ.32.

³⁰⁰ სცსსა, ფ. 1818, ან. 2, ს. 179, ფურც. 83.

³⁰¹ გაზ. „ერთობა“, №71, 1918.

ქართული მსროლელი პოლკის³⁰² სამი ბატალიონი. იმ დღეებში შეიქმნა მეხუთე ქართული მსროლელი პოლკი 4000 კაცის რაოდენობით. გორში წერთნას გადიოდა მეოთხე მსროლელი პოლკის 400 მეგრძოლი. დაახლოებით ამდენივე კაცს მოითვლიდა აუტალოში მდგომი მეშვიდე პოლკიც. თბილისში იღვა და იესებოდა პირველი ცხენოსანი პოლკი, რომელიც, ძირითადად, დაკომპლექტდა ირანიდან დაბრუნებული ქართველი კავალერისტებით. ცხადია, ოსმალებთან მოსალოდნელი კონფლიქტი დღის წესრიგში აყენებდა საჯარისო ნაწილების რაოდენობის სასწრაფო გაზრდას და ერთი მიმართულებით დისლოცირებას. ეს კი შესაძლებელი იქნებოდა მხოლოდ იმ შემთხვევაში, თუ რუსეთის ფრონტზე მეოფ ქართველ ჯარისკაცებს სამშობლოში დააბრუნებდნენ. სწორედ ამის გათვალისწინებით დაიგზავნა დეკემბერი, მაგრამ მთავარი შტაბის ხელმძღვანელობა ქართველებს მათ უშეშლდა.³⁰³ საქართველოსათვის ამ მიხმე სიტუაციაში მხოლოდ უკრაინის რაღამ გამოთქვა შხადყოფნა დასახმარებლად. უკრაინაში საქართველოს სამხედრო საქმეთა რწმუნებულის – ვაჩიშვილის თაოსნობით ოდესის ოლქში აღირიცხა ქართველი ჯარისკაცები, რომლებმაც მოკლე დროში სამოაყალიბეს ორი პოლკი. სამშობლოში მათი დაბრუნება თავად უკრაინის ცენტრალური რადის გენერალური სამდიენოს წარმომადგენელმა შულგინმა ითავა.³⁰⁴

შექმნილ კრიტიკულ სიტუაციასთან დაკავშირებით „ქართველ მაჰმადიანთა კომიტეტმა“ გადაწყვიტა ადგილობრივი მოსახლეობისაგან შეექმნა შეიარაღებული რაზმი, რომელიც წვლილს შეიტანდა ოლქის დაცვაში. ამ მიზნით კომიტეტმა სთხოვა საქართველოს ეროვნულ საბჭოს გამოეყო იარაღის გარკვეული რაოდენობა. სამხედრო სექციამ განიხილა ეს საკითხი და დაადგინა: „პირველ რიგში დაკმაყოფილდეს ქართველ მაჰმადიანთა კომიტეტის თხოვნა“.³⁰⁵

ამვე საკითხს მიეძღვნა ქუთაისის გარნიზონის ქართველ ოფიცერთა კრება. კომისარმა, ამიერკავკასიაში არსებული მდგომარეობის მიმოხილვის შემდეგ, მოუწოდა ოფიცრებს, რეგულარული არმიის შექმნამდე ეხელმძღვანელოთ ბათუმის დამცავი გვარდიის ნაწილებისათვის. ქალაქის უშიშროების უზრუნველსაყოფად შემუშავდა ოპერატიული გეგმა, რომლის მიხედვით უნდა შეექმნათ ორი რაზმი. ერთი დაკომპლექტდებოდა უშუალოდ ოფიცრებისაგან და დაიცავდა ბათუმის ციხესიმაგრეს, მეორე კი – ოფიცერთა და გვარდიელთა შემადგენლობით, შერეული სახით – გაიგზავნებოდა ციხესიმაგრის კომუნდანტის განკარგულებაში.³⁰⁶

1918 წ. მარტის დამლევისათვის ბათუმი საომარ ყაიდაზე ცხოვრობდა, გამოცხადდა 60 წლამდე ასაკის მამაკაცთა მობილიზაცია, თვითმმართველობამ გამოსცა ბრძანება ხანშიშესული მამაკაცების საპატრულო-საპოლიციო სამსახურში გაწვევის შესახებ, გამოთავისუფლებული წესრიგის დამცველთა რაზმი კი ფრონტზე გაიგზავნა.³⁰⁷ ბათუმში თავი მოიყარა მნიშვნელოვანმა სამხედრო ძალამ: ვაჟთა გიმნაზიაში განლაგდა გენერალ ართმელაძის პირველი ქართული პოლკი (450 ჯარისკაცი), აქვე განთავსდა ოფიცერთა განსაკუთრებული ბატალიონი კაპიტან ლორთქიფანიძის ხელმძღვანელობით. მეორე ქართული პოლკი (1050 ჯარისკაცი) იღვა ბათუმის ე.წ. „არდაგანის ყაზარმებში“. აქვე იმყოფებოდა ქართული სამთო-საცხენოსნო ბატარეა ლიმან-მაკრიძელზე მოხიცილა ეჭირა აფხაზეას რაზმს და მესამე ცხენოსნთა პოლკის პირველ ასეულს. აჭარისწყლის სტრატეგიული ხაზიდან ქალაქს იცავდა პოლპოლ-

³⁰² ზოგიერთ წყაროში პოლკები მოიხსენიება ლეგიონებად.

³⁰³ სცსსა, ფ. 1836, ან. 1, ს. 32, ფურც. 21.

³⁰⁴ იქვე, ფურც. 64-65.

³⁰⁵ იქვე, ფურც. 145.

³⁰⁶ იქვე, ფურც. 170.

³⁰⁷ აცსა, ფ. 67, ს. 14, ფურც. 126.

კონეიკ დეკიძის 230-კაციანი ოფიცერთა რაზმი და ბათუმის ქართული პოლკის ორი არასრული ასეული (80 ჯარისკაცი), სოფელ გონიოში იმყოფებოდა მეხუთე ქართული პოლკის ორი არასრული ასეული თავისი ოთხი ტყვიამფრქვევით. მას პოდპოლკოვნიკი შერვაშიძე ხელმძღვანელობდა.³⁰⁸ საზღვაო ფლოტის შორსმსროლელი ქვემეხები ოსმალთა შესაძლებელი თავდასხმის მიმართულებით მიატორიადღეს ციხე-სიმაგრის კომენდანტად დაინიშნა გენერალი მდივანი, ქალაქის მისაღვომების გამაგრებული პუნქტების საერთო ხელმძღვანელად კი - გენერალი ოდიშელიძე.

ოსმალთა არმიაც არ იყო მრავალრიცხოვანი მიუხედავად ამისა, 1918 წ. 9-10 აპრილს, ხანმოკლე ბრძოლების შემდეგ, ოსმალები მიუახლოვდნენ ბათუმს გააფთრებული ბრძოლა გაიმართა თავდაცვის მეორე ხაზზე, მაგრამ ფორტების არტილერიის ნაკლებად ინტენსიური ცეცხლი მოწინააღმდეგეს დიდ დაბრკოლებას ვერ უქმნიდა.

8 აპრილს ოსმალთა აგენტურამ სოფელ ყოროლისთავში მოშალა ქალაქის სასამელი წყლის სათავე ნაგებობა და ქალაქი წყლის გარეშე დარჩა არ მუშაობდა ელექტროსადგური, რის გამოც შეუერთდა პურის ცხობა ქალაქის თეთომმართველობასთან ჩამოყალიბდა თავდაცვის კომიტეტი, რომლის განკარგულებაშიც ყველა სრულწლოვან მამაკაცს უნდა მოეყარა თავი, მაგრამ სამწუხაროდ, ვერც ეს ღონისძიება განხორციელდა.³⁰⁹

ბათუმის დაცვა ორი სტრატეგიული მიმართულებით დაიგეგმა: ერთი, ზღვის სანაპიროს გასწვრივ, სარფი-გონიოს ხაზით, მეორე - ჭოროხის ხეობით, ერგესკენ ორივე ხაზი ერთიანდებოდა ქალაქის მისაღვომებთან, კახაბერ-ადლიას შორის და კქმნიდა მესამე სტრატეგიულ ხაზს 9 აპრილს ოსმალებმა ბრძოლით დაიკავეს სოფელ ერგეს მეტად ხელსაყრელი პოზიციები. ამით მათ შესაძლებლობა მიეცათ მადლობის გადმოვლით შეეერთათ სამების ფორტისათვის, რომელიც სტრატეგიულად მნიშვნელოვან პუნქტს წარმოადგენდა (თავს დაკურობდა ბარცხანა-გოროდოს და ქალაქის სხვა გამაგრებულ ადგილებს). სამების დაკალებით ოსმალებმა ზურგიდან მოუარეს ქალაქს და ცეცხლი გაუსხნეს დაბლობში არსებულ საარტილერიო წერტილებს ბათუმის ბედი ფაქტობრივად გადაწყვიტა „ანარიის“ ფორტის დაკარგვამ, რის შემდეგაც ქალაქის დაცვა შეუძლებელი გახდა.

11-12 აპრილს ბათუმი პანიკამ მოიცვა, ქალაქში განჩნდა ხანძარი, დაიწყო მოსახლეობის მასობრივი ევაკუაცია.³¹⁰ იგი გვიან დაჩემდე გრძელდებოდა სამხედროებს ძირითადად მიჰქონდათ სურსათი, რის გამოც დიდძალი საომარი ტექნიკა ოსმალებს დარჩათ.

1918 წ. 14 აპრილს ბათუმის თეთომმართველობის შენობასთან შეიკრიბა ხმოსანთა და ქალაქის ინტელიგენციის ერთი ნაწილი. გადაწყდა ოსმალებთან გაეუზანათ დელეგაცია პარლამენტარები ლორთქიფანიძე, თავებრიძე და დიმიტრიადი აეტომობილზე აღმართული თეთრი დროშით გაემართნენ მოწინააღმდეგის პოზიციებისაკენ. ოსმალთა არმიის პოლკონიკმა შეკრებილთ უთხრა: „არმიის მეთაურის, ეხიბ-ფაშას ბრძანებით გიცხადებთ მადლობას პარლამენტარების გამოგზავნისთვის და პოლიციისათვის, რომელიც წესრიგს იცავს ქალაქში; ჩვენ ეთხოვთ პოლიციას დარჩნეს თავის ადგილზე, ხოლო საღამოთი დაიშალონ სახლებში, რათა არ მოხდეს გაუთვალისწინებელი შემთხვევა. ჩვენი ჯარები შემოეღენ ქალაქში და მოსახლეობის მხრივ თუ იქნება ლოიალური დამოკიდებულება, მაშინ მცხოვრებთ არავითარი საშიშროება არ

³⁰⁸ სცსსა, პმფ, ს. 28 (ფურცლები დაუნომრავია).

³⁰⁹ გაზ. „სახალხო საქმე“, №210, 1918.

³¹⁰ სცსსა, ფ. 1818, ან. 2, ს. 205, ფურც. 13.

ემუქრებათ“.³¹¹

ამის შემდეგ დაიწყო ქალაქში ოსმალთა ჯარის ნაწილების შემოსვლა. 14 აპრილს საოკუპაციო ჯარების სარდლობამ თურქულ, ქართულ და რუსულ ენებზე გამოსცა ბრძანება, რომელიც სამი პუნქტისაგან შედგებოდა. ახალი ხელმძღვანელობა მოსახლეობას მოუწოდებდა სიმშვიდის დაცვისაკენ, ურჩევს ემუქრებოდა სამხედრო-საეულე სასამართლოთი, მოითხოვდა ყველა სახის ცეცხლსასროლი იარაღის ჩაბარებას.³¹² პირველი ღონისძიება, რითაც ახალმა ხელისუფლებამ დაიწყო ოლქის მართვა, იყო სახელმწიფო ქონების აღწერა. კონფისკაცია უყვეს საექსპორტო ნავთობს, აიკრძალა ნავთობპროდუქტების უნებართვოდ გატანა. ოსმალები არ მალავდნენ, რომ აკლდათ საწვავი და ამდენად, ბათუმის მარაგი მათთვის ძვირფას შენაძენს წარმოადგენდა.³¹³

პოლიტიკურ სფეროში განხორციელებული ღონისძიებებიდან აღსანიშნავია ოლქის სამხედრო გუბერნატორის თანამდებობის შემოღება. პირველი გუბერნატორი, რომელიც სამი კვირის განმავლობაში მართავდა აჭარას, იყო ჰამიდ-ბეი. მან შექმნა დროებითი სამხედრო-პოლიციური სამმართველო, დაიწყო ძველი მმართველობითი აპარატის თანდათანობით გაუქმება და მის ნაცვლად ოსმალეთში არსებული სახელმწიფო აპარატის მოდელის დამკვიდრება. შემორჩენილ ძველ ორგანოებს კი არავითარ ანგარიშს აღარ უწევდნენ. მნიშვნელოვნად შეიზღუდა ქალაქის თვითმმართველობა: მას ჩამოართვეს სურსათის მთელი მარაგი და ეკონომიკური საკითხების გადაწყვეტის უფლება, დაწესდა კომენდანტის საათი. დადგენილი წესების დარღვევისათვის ხორციელდებოდა მკაცრი სადამსჯელო ღონისძიებები. გამონაკლისი გაერცვლდა მხოლოდ რუსი მოსახლეობის მიმართ. პ. მასლოვის ირგვლივ დაირაზმა რუსი და სხვა ეროვნების მცხოვრებთა დიდი ჯგუფი, რომელიც გამოირჩეოდა მკვეთრი ანტიქართული განწყობილებით. პ. მასლოვმა მაღალი ჩინის ოსმალთა ოფიცრებთან საუბრისას დაადასტურა, რომ რუსები ღლიადურად არიან განწყობილი ახალი ხელისუფლების მიმართ. მან ოსმალთა ხელში ბათუმის გადასვლა კანონზომიერ მოვლენად ჩათვალა და აღნიშნა, რომ მართალია ქალაქის დამცველთა შორის იყვნენ რუსები, მაგრამ ეს მოხდა არა მათი ინიციატივით, არამედ ქართველთა ზეგავლენით, „ჩვენ მოგვცით ბათუმი ბრესტის ხელშეკრულებით და იმ დღიდან ვართ თქვენი გულითადი მოკავშირეები და მეგობრები“³¹⁴ - ამით დაასრულა საუბარი პ. მასლოვმა.

ოკუპაციის გამო ბათუმი დაცარიელდა. ძველი მმართველობის აპარატის დიდი ნაწილი გაიხიზნა ქალაქიდან. ბათუმი დატოვა თვითმმართველობის ხმოსანთა დიდმა ნაწილმაც. საჭირო გახდა საათათბიროს შევსება ახალი დეპუტატებით. ქალაქისთავ კ. საბახტარაშვილის წინადადებით, მმართველობა შეეისო ეროვნული საბჭოების წარმომადგენლებით. რუსული ეროვნული საბჭოდან საათათბიროში შევიდნენ პირავეარდნილი შვერაშმელები: ანისიმოვი, პარაიკოშიცი, სერგებიანიკოვი, ბუნაკოვი და სხვ.³¹⁵

1918 წ. 16 აპრილს ბათუმს ესტუმრა ოტომანთა იმპერიის სამხედრო მინისტრი ენვერ-ფაშა. ქალაქის თვითმმართველობის სახელით მას მიესალმა ბინიათ-ოღლი. საპასუხო გამოსვლაში ენვერ-ფაშამ აღნიშნა, ოსმალები აქ მოვიდნენ არა როგორც დამპყრობლები, არამედ თავიანთი ძველი და განუყოფელი კუთხის დამბრუნებელნი.³¹⁶ „ბათუმი და ბათუმის ოლქი უბრუნდება დედასამშობლოს“, - დაასრულა თავისი

³¹¹ აცსა, ფ. 67, ს. 14, ფურც. 132.

³¹² იქვე, ფურც. 134.

³¹³ იქვე, ფურც. 137.

³¹⁴ სცსსა, ფ. 1864, ან. 1, ს. 9, ფურც. 51.

³¹⁵ აცსა, ფ. 7, ან. 1, ს. 692, ფურც. 1.

³¹⁶ იქვე, ფურც. 4.

სიტყვა მინისტრმა. ეს იყო დამპყრობთა პირველი პოლიტიკური განცხადება სამხრეთ-დასავლეთ საქართველოს ოკუპაციის გამო.

პარალელურად გრძელდებოდა ახალი ტერიტორიების ანექსია. ოსმალებს უკვე აღარ აკმაყოფილებდათ ბრესტის ზავი. 17 აპრილს ბრძოლები გაიზარდა მდინარე ჩოლოქთან ნატანების მიმართულებით. მტერმა დიდი ზარალით დაიხია უკან. სამაგიეროდ, ოსურგეთის მიმართულებით, რომელსაც იცავდა მეოთხე ქართული ლეგიონი, მებრძოლებმა თითქმის უბრძოლველად დათმეს პოზიციები და უკუქაჩენენ ოსმალთა დაწოლის შედეგად ქართულმა ჯარმა დატოვა ოსურგეთი და გადაინაცვლა ჩოხატაურში. აცნობა რა მომხდარი ფაქტის შესახებ, ლეგიონის უფროსმა, პოლკოვნიკმა წერეთელმა გენერალ გ. მაზნიაშვილს მისწერა „მტერთან ახლოს ვარ“ და „გთხოვთ მომცეთ უფლება მოლაპარაკება გაემართო“. 317 17-18 აპრილის ბრძოლები თავისი ხასიათით საოცრად წააგავდა 10-13 აპრილის ბრძოლას ბათუმის მისადგომებთან. აქაც თავი იჩინა შეუთანხმებლობამ და არაერთსულეობებამ ასე რომ, თუ ჩოლოქნატანებთან ოსმალები სასტიკად დამარცხდნენ, სამაგიეროდ, ოსურგეთთან იოლად გამარჯვება მოიპოვეს ამის გამო ჩოლოქის პოზიციების გამაგრებას აზრი დაეკარგა.

23 აპრილს დაიწყო ქართველთა კონტრშეტევა ოსურგეთის გამოსახსენებლად. შეიქმნა მტრის განდევნის შესაძლებლობა, მაგრამ გიორგი მაზნიაშვილს თბილისიდან მოულოდნელად საომარი მოქმედების შეჩერების ბრძანება მოუვიდა (ოსმალებისა და ამიერკავკასიის მთავრობას შორის დაიდო დროებითი ზავი). ამასთან დაკავშირებით გენ. გ. მაზნიაშვილი იგონებდა „ჩხენკელის ბრძანებას რამდენიმე საათით რომ დაევიანა, ოსმალების ჯარები ქალაქის დაცლას აპირებდნენ, ხოლო სამწუთო დაწესებულებანი თავისი ბარბი-ბარხანით 11 საათზე უკვე დასული იყვნენ ოსურგეთიდან და ღიხაურს გაცილებულნი“. 318

ბათუმის ზავით სამხრეთ-დასავლეთი საქართველო ოსმალეთს დარჩა, მაგრამ ერს ასულდგმულებდა დამოუკიდებლობისა და თავისუფლების მაღალი იდეალები. ოლქის მოსახლეობის სულიერი თანადგომა და მზადყოფნა ერთიანი მომავლისათვის ფართოდ აისახა ამ კუთხის შეილთა მგზნებარე გამოსვლებში. „ჩემი გული ნალექლით იესება, როდესაც ვიგონებ, რომ სამამადიანო საქართველო დღეს ჩვენთან არ არის, მაგრამ მე იმედს მაქვს, რომ დღეს თუ არა ხვალ, ჭირშიც და ღიხნშიც თქვენთან იქნება“, - აღნიშნა პაიდარ აბაშიძემ 26 მაისს საქართველოს დამოუკიდებლობის გამოცხადებასთან დაკავშირებით დამფუძნებელი კრების სხდომაზე გამოსვლისას. 319

ოლქის მოსახლეობის ბრძოლა განმათავისუფლებელი მოძრაობის ხასიათს იძენდა. ეს ტენდენცია მკვეთრი გახდა 1918 წ. 14 ივლისიდან, როდესაც ოსმალთა ხელისუფლებამ აჭარაში ჩაატარა რეფერენდუმი მოსახლეობის ორიენტაციის საკითხის გასარკვევად. რეფერენდუმი ოდნავადაც არ გამოხატავდა მკვიდრთა ნება-სურვილს სააღყო წესები, ქალაქში შესვლაზე მკაცრი მეთვალყურეობა, მოსახლეობის გახიზნა და სხვ. გამორიცხავდა მის ობიექტურად ჩატარებას ამასთან, გუბერნატორმა რეფერენდუმიში მონაწილეობის უფლება დართო ისეთ პირებს, რომლებიც აქ დროებით ცხოვრობდნენ (სპარსელები) და ნაკლებად იყვნენ დაინტერესებული აჭარის ბედით.

ოსმალების მთავრობა რეფერენდუმით ცდილობდა დაპყრობილ ოლქებზე თავისი უფლებების დაკანონებას, მაგრამ ეს არ აწყობდა არა მარტო ყოველმხრივ დაზარალებულ საქართველოს, არამედ გერმანიასაც. ამ უკანასკნელმა ოფიციალურადაც

317 გ. მაზნიაშვილი, მოგონებანი, ბათ., 1990, გვ. 42.

318 იქვე, გვ. 50.

319 ვახ. „საქართველო“, №102, 1918.

გამოთქვა პროტესტი ოსმალთა მხრივ ბრესტის ზავის მეოთხე მუხლით გათვალისწინებული რეფერენდუმის უხეზიდ დარღვევის გამო.³²⁰

ასეთ ვითარებაში გააქტიურდნენ პროგრესული ძალები და ორგანიზაციები. ისინი ირანზემოდენ მემედ აბაშიძის, რეჯებ ნიჟარაძის, ქემალ ნოღაიდელის, უსუფ ქათამაძის, სულეიმან ნიჟარაძის, ჰაიდარ აბაშიძის, ჯემალ ქიქავას და სხვა პატრიოტების გარშემო. მაშინ ხელისუფლებამ გაამკაცრა ადმინისტრაციული ზომები და შეიპყრო მემედ აბაშიძე, ჯემალ ქიქავა, ხოჯა დაუდ სირბილაძე, სულეიმან ბუენიძე და ხასან ლორთქიფანიძე. ისინი ტრაპიზონის ციხეში გააგზავნეს. სიკვდილი მიუსაჯეს მემედ აბაშიძეს, მაგრამ იქაური ქართველების ხელშეწყობით იგი ტრაპიზონის ციხიდან გამოიპარა და თხუთმეტი დღის შემდეგ, ზღვით, ფარულად ჩამოაღწია ფოთში.³²¹ ამ დროისათვის კი ზოი აბაშიძეს, სულეიმან დიასამიძეს, ჰაიდარ აბაშიძეს, ყადირ შერვაშიძეს და სხვებს თბილისში დაარსებული ჰქონდათ „სამამადიანო საქართველოს განმათავისუფლებელი კომიტეტი“, რომლის თავმჯდომარედაც დაუსწრებლად აირჩიეს მემედ აბაშიძე. ორგანიზაცია აერთიანებდა პატრიოტებს ართვინიდან, იმერხევიდან, მურღულიდან, ბორჩხადან, აგრეთვე, არტანუჯის, შავშეთ-სათლელის, ხულოს, ქედის, ბათუმისა და ქობულეთის რაიონებიდან.³²² მისი შექმნა იყო დიდმნიშვნელოვანი ფაქტორი, რადგან მან ხელში აიღო მშობლიურ კერაზე დაბრუნებისათვის ბრძოლის სადავეები.

აჭარაში ოსმალეთის უანდარმერიის გააქტიურება პატრიოტულ ძალებს ღვაწლიური საქმიანობის შესაძლებლობებს უზღუდავდა. ამიტომ მათ ყურადღება გადაიტანეს მოსახლეობაში ახსნა-განმარტებით მუშაობაზე. ამ მხრივ დიდ როლს ასრულებდა ქართული პრესაც. მემედ და ჰაიდარ აბაშიძეების, რეჯებ ნიჟარაძისა და სხვათა სტატიებში ფართოდ აისახა აჭარის ყოფითი ხასიათის საკითხები. ისინი მოსახლეობას განუმარტადნენ არსებული მძიმე მდგომარეობის ნამდვილ მიზეზებს და მოუწოდებდნენ დაუმორჩილებლობისკენ. ოსმალური საოკუპაციო ხელისუფლების ნამდვილი იერსახის წარმოჩენისა და პატრიოტული ძალების შეკავშირების მიზნით, „განმათავისუფლებელი კომიტეტის“ ფილიალები ჩამოყალიბდა ახალციხესა და ოზურგეთში. რაც დრო გადიოდა, კომიტეტის საქმიანობა უფრო მიხანსწრაფულ და მასობრივ ხასიათს ღებობდა. იგი მთელი სიცხადით ამხელდა საოკუპაციო რეჟიმის სიმკაცრეს და აუტანლობას.

ოსმალეებმა ბათუმში არ შემოუშვეს ქართველი ელჩი, რომლის წარმომადგენლობა, მარინეს ქუჩაზე, საბაშვილის სახლში იყო მოთავსებული. ჩვეულებრივ მოვლენად იქცა ასკერთა მაროდიორობა, მკვიდრთა ადამ-წესების შეურაცხყოფა. თავმოყვარე კაცი, ვერ ითმენდა რა ასეთ უხეშობას, მომხდურს ტყვიით უმასპინძლდებოდა. ასკერთა მკვლევლობისათვის კი ოსმალური სასამართლო სიკვდილით სჯიდა.³²³ დამცირება-შევიწროებისაგან მოსახლეობის არც ერთი ფენა არ იყო დაცული, გარდა რუსებისა. ისინი, განსაკუთრებით ოფიცრები, ქუჩაში დასეირნობდნენ მეფისდროინდელი სამხრეებით და ეწეოდნენ ქართველთა პროვოცირებას. რუსი მოხელეები თავისუფლად ჩადიოდნენ თბილისში, სადაც მჭიდრო კავშირი ჰქონდათ რუსულ ეროვნულ საბჭოსთან. იქიდან დაბრუნებულენი კი მიმართავდნენ სხვადასხვაგვარ ანტიქართულ პროვოკაციას, რასაც ოსმალთა საამებლად აკეთებდნენ. როდესაც გენერალი ლიახოვი ყირიმიდან მეუღლესთან ერთად ბათუმში ჩამოვიდა,

³²⁰ Документы и материалы по внешней политике Закавказья и Грузии, с. 378.

³²¹ მ. აბაშიძე, რჩეული ნაწერები, თბ., 1973, გვ. 58-62.

³²² თ. კომახიძე, ისინი შევსდნენ ქალაქს, ბათ., 1994, გვ. 23.

³²³ აცსა, ფ. 67, ან. 1, ხ. 15, ფურც. 194.

ვეხიბო-ფაშამ აუდიენციის დროს „საპატიო სტუმარს“ ძვირფასი თასი უქდევნა.³²⁴

ოსმალეთის ექსპანსიონისტურ სრახებებში ყოველთვის ენაცვლებოდა ერთმანეთს მუქარისა და დაყვავების პოლიტიკა. ადგილობრივი მოსახლეობის გულის მოსაგებად სულთანმა აჭარაში დიდძალი თანხა გამოგზავნა.³²⁵ 1918 წ. 20 ივლისს კი ბათუმის სათათბირომ 6 დელეგატი წარგზავნა სტამბოლში. მათ ოლქის მოსახლეობის სახელით სულთან ექსპანსიონისტის ტახტზე ასვლა უნდა მიეღოთ. სულთანმა ისინი უხვად დაასაჩუქრა, დაუნიშნა ტენისები, ზოგიერთს კი ბეგის ტიტულიც უბოძა.³²⁶ ამის სახლადურად მათ ხალხში გააერცვლეს ცნობა, თითქოს, რეგიონს ოსმალეთი ფართო ავტონომიას ანიჭებდა.

შემოსვლისთანავე ოსმალები შეეცადნენ ბათუმის იერსახის შეცვლას გუბერნატორის ბრძანებით, 1918 წ. 22 აგვისტოდან მარინეს პროსპექტს დაერქვა სულთან სელიმის სახელი, პეტროგრადისას - კონსტანტინოპოლის, გრიბოვოვის ქუჩას - ართვინის, პუშკინისას - არდაჰანის, ტურგენიევისას - პასი მუხტარ ჰაჯის, შერემეტეივისას - დერეში ფაშას, ქუთაისისას - აზისიეს და ა.შ. აბრებს მხოლოდ თურქულ ენაზე უკეთებდნენ წარწერას გამალებით მიმდინარეობდა ძველი მმართველობითი აპარატის დაშლა და ახალი ოსმალური სტრუქტურების შექმნა. ოლქის გუბერნატორი ადგილზე დარჩენილ ქრისტიან ქართველებს ავიწროებდა, მისი ემისრები მაჰმადიანებს მათ წინააღმდეგ აქეზებდნენ, სეაჭრო დაწესებულებები არ ღებულობდნენ ქართულ ფულს, სამაგიეროდ, უცხოურ ვალუტასთან ერთად მიმოქცევაში გაუშეეს ნიკოლოზის თუმიანები.

ქართველთა ადგილობრივი ეროვნული საბჭოს ძალისხმევამ მოსახლეობის ინტერესების დასაცავად შედეგი ვერ გამოიღო. წარუმატებელი აღმოჩნდა ქალაქის თვითმმართველობის პროტესტიც. ოსმალებმა მთლიანად გააარცევს სასკოლო დაწესებულებები, მათი შენობები კი ყაზარმებად აქციეს. ოლქში ჭარბად გაიხსნა მედრესეები, სადაც ბავშვებს გაუგებარ არაბულ ენაზე ისლამის დოგმებს ასწავლიდნენ.

ოკუპაციაში შეაფერხა კულტურული ცხოვრებაც. 1918 წ. აგვისტოში ოსმალო გუბერნატორმა გამოსცა ბრძანება, რომელშიც კ ბათუმის ქართველ, რუს, ბერძენ, ებრაელ მოსახლეობასა და ქართველ მუსლიმანებს მხოლოდ თითო დაწესებითი სასწავლებლის გახსნას პირობდებოდა, სადაც თურქული ენის შესწავლას განსაკუთრებული ყურადღება უნდა დათმობოდა.³²⁷ მისმე მდგომარეობაში აღმოჩნდა პრესაც. დაიხურა ყველა ადგილობრივი გამოცემა. ჟარნალ-გაზეთები აღარც თბილისიდან შემოდებოდა. თუ ვინმე გაზეთის გამოცემას დაიწყებდა, იგი მხოლოდ რამდენიმე კვირის მანძილზე თუ გამოდებოდა და ისიც მკაცრი ცენზურით. მასში პრაქტიკულად შეუძლებელი იყო ეროვნულ თემაზე რაიმე მასალის გამოქვეყნება. ქალაქის ადრინდელი თვითმმართველობა იმდენად დაკნინდა და შეიზღუდა, რომ სრულიად უმნიშვნელო ორგანიზაცია გახდა. მიუხედავად ამისა, ქართველი პატრიოტები მაინც ცდილობდნენ მის გამოყენებას მოსახლეობის ინტერესების დასაცავად.

26 მაისის დამოუკიდებლობის აქტით საქართველო, მიუხედავად რთული მდგომარეობისა, დემოკრატიული მშენებლობის გზას დაადგა. ხალხის სრული მხარდაჭერა არჩეული მთავრობისადმი და, ამასთან, უკვე დაწყებული მნიშვნელოვანი რეფორმები, ქვეყნის ნათელი მომავლის იმედებს ბადებდა. ყოველივე ამის ფონზე კოლონიურ უღელქევემ მოქცეული ბათუმის ოლქის პერსპექტივა უიმედოდ გამოიყურებოდა ხსნა

³²⁴ აცსა, ფ. 67, ან. 1, ს. 14, ფურც. 173.

³²⁵ იქვე, ფ. 7, ან. 1, ს. 698, ფურც. 29.


³²⁶ გაზ. „ეროობა“, №238, 1818.

³²⁷ სცსა, ფ. 1864, ან. 1, ს. 24, ფურც. 44.

მხოლოდ აქტიურ ეროვნულ მოძრაობაში ჩანდა, რომელსაც საქართველოსთან ამ კუთხის დაბრუნებას უნდა მოჰყოლოდა.

1918 წ. შემოდგომასუ, ანტანტის ქვეყნების გამარჯვებამ, წვრტილი დაუსვა ოსმალეთის ბატონობას ბათუმის ოლქში. მან უსიტყვოდ მიიღო გამარჯვებული სახელმწიფოების ყველა ულტიმატუმი, მათ შორის ომის დროს დაკავებული ტერიტორიებიდან ჯარების გაყენების შესახებ. ამრიგად, მოკლე დროში შეიქმნა პერსპექტივები დედასამშობლოსთან სამხრეთ-დასავლეთ საქართველოს ისე დასაბრუნებლად.

1918 წ. ნოემბრის დამლევს ოსმალეთის საოკუპაციო რეჟიმმა არსებობა შეწყვიტა, მაგრამ ყველაფერი ამით არ დამთავრებულა; იმ დროს ბათუმში გადაიქცა ამიერკავკასიაში გაბნეული ასკერებისა და ოსმალთა მოხელეების თავშესაფარ ადგილად. ამან განაპირობა შემდგომ, ინგლისის ოკუპაციის პერიოდში, ოსმალთა მრავალრიცხოვანი აგენტებისა და ჯაშუშების საკმიანობის აქტიურობა ოლქში. 1919-1920 წლებში ისინი ქმნიდნენ პროოსმალურ ორგანიზაციებს და ხელს უწყობდნენ მათ ფუნქციონირებას.



საბრძოლო ოპერაციები კავკასიის ფრონტის სამხრეთ-დასავლეთ მონაკვეთზე. 1914-1916 წწ.

ქართველი გენერლები პირველ მსოფლიო ომში



გენერალ-მაიორი
გიორგი ამილახვარი



გენერალ-მაიორი
პავლე ავალიშვილი



გენერალ-მაიორი
გიორგი ანდლულაძე



გენერალ-მაიორი
გიორგი არჯევანიძე



კავალერიის გენერალი
ნიკოლოზ ბარათაშვილი



გენერალ-ლეიტენანტი
ანდრია ბენაშვილი



გენერალ-მაიორი
ილია მავაშვილი



ინფანტერიის გენერალი
ილია ოდიშელიძე



გენერალ-მაიორი
ალექსანდრე ჭიკვაძე



გენერალ-მაიორი
ალექსანდრე ერისთავი




ოფიცერთა ერთი ჯგუფი პოლკოვნიკ ნათიშვილთან. 1914-1915 წწ.




კავკასიის ფრონტი. ერთ-ერთი სამხედრო ნაწილი



ჯარის გადაადგილება ფრონტისკენ



ბრძოლის შემდეგ მე-15 მსროლელი პოლკის დათვალეობა
გენერალ-ლეიტენანტ ბარათაშვილის მიერ. ოლთისი, 1915 წ.



სანგრების მუხეზობა სარიცამიშთან



ომის შედეგად დანგრეული სახლები




ომით აოხრებული აჭარიდან ქართულ საქველმოქმედო საზოგადოებათა მიერ თბილისში ქართულ გიმნაზიაში სასწავლებლად წაყვანილი ბავშვები:

1. სკენდერ მოწყობილი; 2. ჯემალ ნოღაიდელი; 3. ელიას ქათამაძე; 4. ნური ლორთქიფანიძე;
5. ხუსეინ ბეჟანიძე; 6. იუსუფ ქათამაძე, მასწავლებელ მარიამ კალანდაძესთან ერთად



სიმაგრეების აგება სარიყამიშთან.
1915 წ. დასაწყისში



კაპიტან ტარასი უაშაკიძის („შიითან კაპიტნის“) ასეული, რომელმაც
სარიყამიშთან ტყვედ ჩაიგდო თურქული კორპუსი მისი შტაბითურთ



თურქი სამხედრო ტყვეები



სარიამში. სარღობის მიერ მებრძოლების დაჯილდოება, 1915 წ.



კაკასის ფრონტი. არტილერია წინა ხაზზე, 1915-1916 წწ.




სამხედროები ფრონტზე დაღუპულ თანამებრძოლთა საძმო საფლავთან



გზა ფრონტისკენ თოვლსა და ყინვაში



თეთრეულის შუგროვება ჯარისკაცებისათვის. ცენტრში –
ბათუმის ქალაქისთვის მეუღლე ლიდა ანდრონიკაშვილი. 1915 წ.



მებრძოლებს აცნობენ დროებითი მთავრობის ბრძანებას
ჯარისკაცთა უფლებების შესახებ. 1917 წ. მარტი

რუსეთის სახელმწიფო სათამაშოებს დაუბრუნებია, რომლებმაც პირველი მსოფლიო ომის დროს რუს მონაწილეთა უსამართლო ბრალდებებისა და რეპრესიებისაგან დაიცვეს ქართველი მამადაინაგები



აკაკი ჩხენკელი




ირაკლი წერეთელი



ვარლამ გელოვანი



კარლო ჩხვიძე



ადვოკატები, რომლებიც ქართველ მამადაინაგებს იცავდნენ რუსეთის მთავრობის მიერ მოწყობილ სასამართლო პროცესებზე 1915-1916 წწ.



აპოლონ წულაძე



სამსონ ფირცხალავა



ვალერიან გუნია



სვიმონ მელიკანი

საქართველოს დამოუკიდებლობის კომიტეტის
(1914-1918 წწ.) წევრები უცხოეთში



მიხაიკო წერეთელი



გიორგი მაჩაბელი



ლეო კერესელიძე



ზია აბაშიძე



კატრი შალვა ვარდიძე



მიხეილ იშხნელი



საქართველოს განმათავისუფლებელი მოძრაობის ლიდერები 1900-იან წლებში.
დგანან (მარცხნიდან): სანდრო გაბუნია, კომანდო გეგელია, ვარლამ ჩერქეზიშვილი;
სხედან: არჩილ ჯორჯაძე, მიხეილ წერეთელი, შუაში ზის გიორგი დეკანოზიშვილი




ქართული ლეგიონის მეთაურები: სერგო ლაბაძე, ალ. სურგულაძე, ოსმან ბეგ აზაბ ალა ზადე, ლეო კერესელიძე, ქავკარაძე, ნესტორ კერესელიძე და სხვები




ქართული ლეგიონის წევრები ოსმალეთში
(შუაში ლეო კერესელიძე)




ყადირ შერვაშიძისა და მემედ აბაშიძისათვის თამარ მეფის სამახსოვრო
ნიშნის (ორდენის) ბოძების დიპლომები, ბერლინი, 1918 წ.




ქართველთა კათოლიკური მონასტერი კონსტანტინოპოლში (სტამბულში),
სადაც იკრიბებოდნენ საქართველოს დამოუკიდებლობის კომიტეტის წევრები,
იბეჭდებოდა წიგნები და პროკლამაციები



1917 წ. თებერვლის რევოლუციისადმი მიძღვნილი მიტინგი ბაოუმში




დემონსტრაცია ბაოუმში, 1917 წ.



ევაკუაცია კავკასიის ფრონტიდან. 1917 წ.



კრესიერი „კაროლ კარლი“, რომლითაც ამიერკავკასიის დელეგაცია გაემგზავრა ტრაპიზონის საზღვო კონფერენციაზე. 1918 წ. მარტი



გერმანიის ჯარების საქართველოდან გასვლა, 1919 წ. იანვარი.
 გამომშვიდობება ქ. ქუთაისში, ჟურნალ-გაზეთის კანტორა „იმერეთში“.
 მარცხნიდან: კ. დათუშიძე, ქუთაისის ქალაქისთავი დ. კალანდარიშვილი, გენერალი დ.
 ართმელაძე, გენერალი ფონ-კრესი, გენერალი ტ. ვაშაკიძე, ფონ-კრესის ადიუტანტი ბარონი
 გამმი და მწერალი დ. კლდიაშვილი



საქართველოს ეკლესიის ავტოკეფალიის აღდგენა, 1917 წ. 23 მარტი. ეპისკოპოს კირიონ II არჩევა საქართველოს კათოლიკოს-პატრიარქად. თბილისი, სიონის ტაძრის ეზო. 1917 წ. სექტემბერი



პეტრე მელიქიშვილი
(თსუ პირველი რექტორი)



თბილისის სახელმწიფო უნივერსიტეტი




ივანე ჯავახიშვილი




თბუ პრეზიუმი
(მარცხნიდან) ღვანან; ვიორჯი აბელაძე; არჩილ ჩუბოსვა; სხდან; ვარლამ თოფურა, აკაკი შანიძე, ჯამბოჯიანი



თბილისი, კავკასიის მეფისნაცვლის ყოფილი რეზიდენცია, სადაც საქართველოს ეროვნულმა საბჭომ 1918 წ. 26 მაისს გამოაცხადა ქვეყნის დამოუკიდებლობა და დაამტკიცა საქართველოს დემოკრატიული რესპუბლიკის პირველი კონსტიტუციური მთავრობა



საქართველოს დემოკრატიული რესპუბლიკის პირველი მთავრობა (1918 წ.)



ნოე რამიშვილი



აკაკი ჩხენკელი



გიორგი გიორგაძე



გიორგი შურული



გიორგი ლასხვილი



ნოე ზომერიკი



შალვა მესხიშვილი



ივანე ლორთქიფანიძე

თავი VIII

ბათუმის ოლქი საქართველოს დემოკრატიული რესპუბლიკის პერიოდში (1918-1920 წწ.)

§ 1. ბათუმის ოლქი დიდი ბრიტანეთის ოკუპაციის პერიოდში

პირველი მსოფლიო ომი 1918 წ. შემოდგომისეუ დასრულდა გერმანიის ბლოკის სახელმწიფოების დამარცხებით. პირველად ომს გამოეთიშა ოსმალეთი. დიდ ბრიტანეთთან 30 ოქტომბერს ხელმოწერილი მუდრასის დროებითი ზავით, მას ჯარები უნდა გაეყვანა ბათუმიდან და ამიერკავკასიაში ოკუპირებული სხვა ტერიტორიებიდან. ამ პუნქტებს დაიკაუებდნენ ანტანტის ძალები.

უკვე 17 დეკემბერს სპარსეთიდან კასპიის ზღვით გადმომსხდარმა ბრიტანულმა საექსპედიციო რაზმმა გენერალ ტომსონის მეთაურობით დაიკავა ბაქო. მალე ტომსონის მისია თბილისშიც ჩამოვიდა.

იმავე 1918 წ. დეკემბრის დასაწყისში ბრიტანეთის ფლოტი გამოინდა საქართველოს შავი ზღვის აკვატორიაშიც (ქ. ფოთსა და სოხუმიდან). 3 დეკემბერს ბათუმის ნავსადგურში შემოვიდა ინგლისური კრესიური „დეკერპული“ ორი ნაღმოსნის თანხლებით. 6 დეკემბერს თბილისიდან აქ ჩამოვიდა გენერალ ტომსონის რწმუნებული, სახმელეთო ძალების კაპიტანი პენრი უებსტერი აღგილობრივი ვითარების შესწავლისა და მოკავშირეთა ჯარებისათვის დახვედრის ორგანიზაციის მისიით.¹

14 დეკემბერს ბათუმს ეწვია, აგრეთვე, აშშ სამკაციათა მისია ჩეიკოვს უნივერსიტეტის პროფესორის ჯეკსონის ხელმძღვანელობით. მალე ამიერკავკასიას მოაშურა საფრანგეთის მისიამაც პოლკოვნიკ შარდინის მეთაურობით.

ანტანტის წამყვანი ქვეყნების სამხედრო-პოლიტიკური მისიების ცალ-ცალკე ჩამოსვლა გამოხატავდა იმ აშკარა ურთიერთუნდობლობას და აღმოსავლეთში გავლენის სფეროების განაწილების საკითხში წარმოქმნილ წინააღმდეგობებს, რამაც მოკავშირეებს შორის აშკარად იჩინა თავი მსოფლიო ომში გამარჯვებისთანავე.

თავის მხრივ, ინგლისი ცდილობდა ამ რეგიონში არ შემოეშვა ანტანტის სხვა ქვეყნის შეიარაღებული ძალები. ჯერ კიდევ 1918 წ. 7 დეკემბერს კ. უებსტერი ბათუმში საქართველოს მთავრობის წარმომადგენელთან დიომიდე თოფურიძესთან საუბარში აღნიშნავდა, რომ ინგლისის, საფრანგეთის და აშშ მოკავშირეობა-მეგობრობის მიუხედავად, თითოეულ მათგანს ჰქონდა საკუთარი მისწრაფებანი. მაგრამ, ვინაიდან „ინგლისს სამხრეთ აზიაში აქვს დიდი ინტერესები, იგი არ დაუშვებს, რომ კავკასიაში სხვა რომელიმე სახელმწიფოს ჰქონდეს გავლენა“.²

¹ აცსა, ფ. 67, ან. 1, ს. 15, ფურც. 220; უფრო დაწვრილებით იხ. რ.კუხიშვილი, ინგლის-საქართველოს ურთიერთობა 1918-1921 წწ., თბ., 1995, გვ. 21-24.

² ს.მაღლაკელიძე, ინგლის-ამერიკელი ინტერვენტები საქართველოში (დოკუმენტები). - „საისტორიო მოაზრებ.“, №7, თბ., 1953, გვ. 24.

დეკინის თბილისელი ემისარი იტკინი 1918 წ. 30 დეკემბერს სარდლობას მოახსენებდა „ბრიტანეთის გავლენის სფეროში მოკავშირეთა საქმიანობის ყოველგვარ გამოვლინებას ბრიტანეთის სარდლობა ეკიდება

აშშ-სა და საფრანგეთზე, პირველ ყოვლისა, გამაღიზიანებლად იმოქმედა მუდროსის ზაგმა, რომელიც ინგლისმა მოკავშირეების ჩაურევლად გააფორმა და ფართო უფლებები მიიღო ოსმალეთსა და მახლობელ აღმოსავლეთში. პარიზში ეს ზავი შეფასდა, როგორც „პირველი დარტყმა საფრანგეთის გაველენისათვის თურქეთში“.³ ხოლო თბილისში საფრანგეთის მისიის ხელმძღვანელმა, პოლკოვნიკმა შარდინიმ დაუფარავად განაცხადა, რომ ინგლისი გეგმავს თავისთვის „შექმნას ახალი ეგვიპტე-ბათუმი, ამიერკავკასია, ტაშკენტი, ირანი“. ამიტომ, აუცილებელია ამიერკავკასია დაიკავოს საერთაშორისო არმიამ – ურთიერთკონტროლისა და რუსეთისათვის ამ ქვეყნების შენარჩუნების მიზნით“.⁴ ინგლისელთა ერთპიროვნული გაველენის აღმოფხვრას ითვალისწინებდა ამიერკავკასიის ადმინისტრაციული მოწყობის შარდინისეული გეგმაც, რომლის მიხედვით ამ მხარეს დაეყოფდნენ შტატებად და მანდატებს თანასწორად გაინაწილებდნენ მოკავშირეები.⁵

ამიერკავკასიისკენ ინგლისის ერთპიროვნული სწრაფვა ასევე მტკივნეულად აღიქმეს ამერიკის შეერთებულ შტატებშიც.⁶

მოკავშირეთა უკმაყოფილების მიუხედავად, დიდი ბრიტანეთის მთავრობამ მტკიცედ გადაწყვიტა ამიერკავკასიის ერთპიროვნულად ოკუპაცია. ხელისუფლებას აქეთკენ მოუწოდებდა ქვეყნის სამრეწველო და ფინანსური წრეებიც. ნავთობის მსხვილი კომპანიის თავმჯდომარემ კერბერტ ალენმა 1918 წ. დეკემბერში ლონდონში საჯაროდ განაცხადა: „ბრიტანეთის კუნძულების ისტორიას ჩვენთვის არასოდეს არ მოუცია ასეთი ხელსაყრელი შემთხვევა ბრიტანეთის სამფლობელოებისა და ბრიტანეთის ვაჭრობის შვიდობიანი გაფართოებისათვის, მეორე ინდოეთის ან მეორე ეგვიპტის შექმნისათვის. ბრიტანულ საწყისებზე ფართოდ დაფინანსებული და კარგად ორგანიზებული რუსეთის ნავთობის მრეწველობა იმპერიის უძვირფასესი შენაძენი იქნებოდა“.⁷ ბაქოს ნავთობის სასღვარგარეთ გატანის ერთადერთი ხელსაყრელი პუნქტი კი ბათუმი იყო. ამდენად, ინგლისის სავაჭრო-სამრეწველო ინტერესებიც მოითხოვდა მის უსწრაფესად ოკუპაციას, რაც განხორციელდა კიდევ 1918 წ. 22 დეკემბერს. ინგლისელ ჯარისკაცთა ნაწილი ბათუმში დაბანაკდა, ხოლო დანარჩენებმა დაიკავეს ფოთის და სოხუმის პორტები, აგრეთვე, მნიშვნელოვანი პუნქტები ბაქო-ბათუმის რკინიგზის და ნავთსადენის მაგისტრალზე.

უნდა შევნიშნოთ, რომ ბათუმის ოლქის ოკუპაციის პერიოდში (1918 წ. დეკემბერი - 1920 წ. ივლისი) დიდი ბრიტანეთის პოლიტიკა საქართველოს მიმართ ორ ძირითად ეტაპად შეიძლება დაიყოს: 1. 1918 წ. დეკემბრიდან - 1920 წ. იანვრამდე და 2. 1920 წ. იანვრიდან - ივლისამდე.

პირველ ეტაპზე ანტანტის ქვეყნები ცდილობდნენ ძველი რუსეთის აღდგენას და საქართველოსაც მის შემადგერულ ნაწილად განიხილავდნენ. ამიტომ სამხრეთ-დასავლეთ საქართველოში უპირატესი გასაქანი მისცეს რუსულ იმპერიულ ძალებს. 1919 წ. დამლევდნად კი, სამოქალაქო ომში ბოლშევიკების მიერ მოპოვებული სერიოზული წარმატებების შემდეგ, ანტანტის პოლიტიკოსები დარწმუნდნენ ძველი რუსეთის აღდგენის შეუძლებლობაში. ამიტომ 1920 წ. იანვარში მათ „დვ-ფაქტოდ“ სცნეს საქართველოს დემოკრატიული რესპუბლიკა, თუმცა, არ აღიარეს მისი კანონიერი

ქლიერ ნერგოლად“ (ГАРФ, ф. 446, оп. 2, д. 35, л. 132).

³ M. B.-G. Gaulis, La Question turque, Paris 1931, p. 5.

⁴ აცხა, ფ. 67, ან. 1, ს. 15, ფურც. 262.

⁵ Чохели А.И. Политика Франции в отношении Грузии, 1917-1921, Тб., 1980, сс.121-122.

⁶ Архив полковника Хауза, т. IV, М., 1944, с. 152.

⁷ Енукидзе Д., Крах империалистической интервенции в Закавказье, Тб., 1954, сс. 138-139.

უფლებები ბათუმის ოლქზე და ამ მხარის შენარჩუნება განიზრახეს ბათუმის კვლავ პორტო-ფრანკოდ გამოცხადებით. ამ კურსს აღგნენ ისინი აქედან ჯარების ევაკუაციაშიც.

* * *

ბრძოლა სამოქალაქო ხელისუფლებისათვის. „ბათუმის ოლქის მმართველი საბჭო“. მსოფლიო ომში ანტანტის გამარჯვების შემდეგ საქართველოს დემოკრატიული რესპუბლიკის მთავრობა ვარაუდობდა, რომ დაიბრუნებდა ოსმალეთის მიერ ოკუპირებულ ტერიტორიებს. ამიტომ ინგლისელებს საქართველოში დახვდნენ ჩვეული გულითადობით და თანამშრომლობა შესთავაზეს საქართველოს პარლამენტის წევრი და მთავრობის რწმუნებული ბათუმის ოლქში დიომიდე თოფურბიე უკვე 1918 წ. 4 დეკემბერს უწრევდა თბილისს, რომ გენერალ ტომსონისათვის „ქალიან ფრთხილი ფორმით შეუთავაზებინათ საქართველოს ჯარების გამოყენება ბათუმის დასაკავებლად“ და ექსცესების გარეშე აქედან ოსმალთა გასვლის უზრუნველსაყოფად.⁸

თავიდან კაპიტანი უებსტერიც არ გამორიცხავდა ადმინისტრაციულად საქართველოსთვის ბათუმის ოლქის გადაცემის შესაძლებლობას, მაგრამ ცარიზმთან სამოკავშირეო ვალდებულებებიდან გამომდინარე, ის და ბრიტანული ფლოტის უფროსი ანგარიშს უფრო უწვედნენ ამ რეგიონზე რუსეთის პრეტენზიებს ამიტომ დ. თოფურბიემ და საქართველოს სამხედრო წარმომადგენელმა, პოლკოვნიკმა ნიკოლოზ გედევანიშვილმა ოფიციალური შემორანდუმით მიმართეს კაპიტან უებსტერს, რომელშიც იყო დასაბუთებული თხოვნა – ეცნოთ საქართველო ნეიტრალურ სახელმწიფოდ, ხოლო ბათუმის ოლქი მის ისტორიულ შემადგენელ ნაწილად.⁹ ინგლისის წარმომადგენლებთან მოსალაპარაკებლად ბათუმში ჩამოვიდა საქართველოს საგარეო საქმეთა მინისტრი ევგენი გუგუცკორიც,¹⁰ თუმცა, ეს და ამ მიმართებით სხვა ცდებიც უშედეგო დარჩა.

ბათუმის ოლქის „რუსული ნაციონალური საბჭოს“¹¹ თავმჯდომარის, კადეტ პ. ნ. მასლოვის ცნობით, ინგლისელების წინაშე ისახებოდა ბათუმის ოლქის სამოქალაქო ადმინისტრაციის მოწყობის რამდენიმე ვარიანტი: 1. ოსმალური ხელისუფლების დატოვება ამ ქვეყანასთან საბოლოო ზავის გაფორმებამდე; 2. ქალაქუფლების გადაცემა ადგილობრივი მოსახლეობის წარმომადგენლებისათვის; 3. წმინდა ინგლისური ხელისუფლების შექმნა; 4. მისი დატოვება დენიკინის „მოხალისეთა არმიისათვის“, 5. ბათუმის საქართველოსათვის დაბრუნება და 6. „რუსული ნაციონალური საბჭოსათვის“ მისი ჩაბარება. ამთავან, უებსტერის აზრით, ყველაზე რეალური იყო ბოლო ორი ვარიანტი.

საოკუპაციო ხელისუფლებამ საკითხი, ბოლოს, მიანც „რუსული ნაციონალური საბჭოს“ სასარგებლოდ გადაწყვიტა.¹² სამოქალაქო ხელისუფლება ჩააბარეს პ. მასლოვის თავმჯდომარეობით შექმნილ ბუტაფორიულ ორგანოს, რომელსაც „ბათუმის

⁸ Сборник документов: Борьба за победу Советской власти в Аджарии (1917-1921 гг.). Бат., 1961, с. 130.

⁹ სცხა, ფ. 1864, ან. 1, ს. 6, ფურც. 8.

¹⁰ Борьба за победу Советской власти в Аджарии... с. 140.

¹¹ მსგავსი საბჭოები 1917 წ. თებერვლის რევოლუციის შემდეგ შექმნა ამიერკავკასიაში მცხოვრებმა ყველა ერთმა ბათუმის „რუსთა ეროვნული საბჭო“ იყო ფილაალი ამიერკავკასიის „რუსთა ეროვნული საბჭოსი“. რომელიც 1917-1921 წლებში მოქმედებდა თბილისში და დიდი შემართებით აძრბოდა ქართული სახელმწიფოებრიობის წინააღმდეგ (იხ. ვაგურული, საქართველოს სახელმწიფოებრივი დამოუკიდებლობის აღდგენა და რუსეთის მეხუთე კოლონა (1917-1921), თბ., 1998).

¹² აცხა, ფ. 67, ან. 1, ს. 15, ფურც. 221-224.

ოლქის მმართველი საბჭო“ უწოდეს.¹³ ამასთან, ინგლისელმა გუბერნატორმა პ. მასლოვს დაავალა „საბჭოს“ დაკომპლექტებისას გაეთვალისწინებინა ოლქის მოსახლეობის ეთნიკური და კონფესიური მრავალგვარობა.¹⁴

ოლქის მმართველი საბჭო 9 წევრით დაკომპლექტდა და მოქმედებდა 1918 წ. 27 დეკემბრიდან 1919 წ. 15 აპრილამდე. მისი უცვლელი თავმჯდომარე იყო პ. მასლოვი. საბჭოს ბათუმში თავისი გასუთიც კქონდა, რომელსაც რუსებმა სიმბოლურად „ნაშკრაი“ უწოდეს.

საბჭოში ადგილები ასე განაწილდა: პ. მასლოვი - თავმჯდომარე (ითავსებდა საგარეო უწყებას და პოლიციას), ს. ანისიმოვი - მოადგილე (ხელმძღვანელობდა სურსათით მომარაგებას და ფინანსებს), ზ. ხითაროვ-ბესტაევილი - მიწათმოქმედებას, ბ. მგალობლიშვილი - განათლებას, პ. სიმეონიდი - სასამართლოს, ომერ-ალა მემედ აღა-სადე - კულტურას, ი. გენდლერი - ფოსტა-ტელეგრაფს, პოლონელი ინჟინერი კ. კორიბუტ-დაშკევიჩი - ტექნიკურ ნაწილს, ი. პილოიანი - საზღვაო პორტსა და საბაჟოს.¹⁵ იმავე 27 დეკემბერს, მმართველი საბჭოს მეორე სხდომაზე, დამტკიცეს საბჭოს ანგარიშით, მეფისდროინდელი გუბერნატორის საშტატო განაწილების მიხედვით.¹⁶ საქმეთა მმართველად დაინიშნა ძველი ჩინოვინიკი ს. გინკული. ეროვნული წარმომადგენლობის მიხედვით, „ცხრათა საბჭოში“ შევიდა: ორი რუსი, ორი ქართველი ქრისტიანი და თითო - ქართველი მამადიანი, ბერძენი, პოლონელი, ებრაელი და სომეხი. ამის მიუხედავად, საბჭოს შემადგენლობა იყო აშკარად რუსოფილური. „შეცვდი მხოლოდ ერთი - მგალობლიშვილი“ - ნათობდა შემდეგ მასლოვი.¹⁷

„მთავრობის“ შექმნის მიუხედავად, ოლქის ფაქტობრივი გამგებელი იყო ინგლისელი სამხედრო გუბერნატორი, ბრიგადის განერალი კუკ-კოლსი. ამის გამო მმართველი საბჭოს“ უფლება-მოვალეობანი განისაზღვრებოდა ამ უკანასკნელის განკარგულებათა შესრულებით. ეს გარემოება კარგად შენიშნა დენიკინელმა გენერალმა ერდელიმ. 1919 წ. 9 იანვარს ბათუმიდან გაგზავნილ მოხსენებით ბარათში ის აღნიშნავდა, რომ ინგლისელებმა „მმართველი საბჭო“ იმ სახით შექმნეს, როგორც ეს „მთ კოლონიებშია მიდებული, ე.ი. ირჩევა უფრო მისაღები პიროვნება, რომელსაც ევალება მხარის სამართავად ამოირჩიოს თანაშემწეები სხვადასხვა ერების წარმომადგენელთაგან.“¹⁸

1918 წ. 30 დეკემბერს საოკუპაციო ხელისუფლებამ ოფიციალურად გადასცა ძალაუფლება „მმართველ საბჭოს“. საზოგადოებრივი წესრიგის დაცვა დაეწავა 500-კაციან რუსულ მილიციას“ (მათგან 150 რაზმელი ბათუმში იდგა, 350 კი ოლქის სხვადასხვა უბანში). იგივე ფუნქციას ითავისებდა ინგლისის სამხედრო პოლიციაც.

ინგლისელმა გუბერნატორმა მასლოვს დაავალა ოლქის ადმინისტრაციულ ერთეულებში (უბნებში) ხელისუფლების ორგანიზებაც. უბნების უფროსებად საბჭომ შეარჩია ძველი მონარქისტი ოფიცრები, რომლებიც ინგლისელ ჯარისკაცთა თანხლებით ჩაივინდნენ დანიშნულების ადგილებზე. მალე სადგურ ნატანებთან დაწესდა საზღვარი. იქ აღმართეს რუსეთის ღროშა და დააყენეს შეიარაღებული დაცვა გარ-

¹³ ახ. მ. სიროძე, ბათუმის ოლქის მმართველი საბჭო (1918-1919) - „სისტორიო მაცნე“, №5, ბათ., 1996, გვ. 35-41.

¹⁴ აცსა, ფ. 67, ან. 1, ს. 15, ფურც. 225-230. მასლოვისავე ცნობით, ზემოაღნიშნული შეზღუდვის მიუხედავად, რუსულმა ელემენტმა ბათუმის ოლქში თავის მიზანს მაინც მიაღწია. 1919 წ. დასაწყისში ჩამოყალიბებულ მმართველობის ორგანოებში ადმინისტრაციულ თანამდებობებზე 80-85% რუსი იყო (იქვე, ფურც. 238).

¹⁵ აცსა, ფ. 67, ან. 1, ს. 15, ფურც. 234.

¹⁶ იქვე, ს. 1, ფურც. 2.

¹⁷ იქვე, ს. 15, ფურც. 236.

¹⁸ ГАРФ, ф. 446, оп. 2, д. 40, л. 14.

თულდა სხვა რეკონებთან მიმოსვლა, რადგან ამისთვის საეკილური საში გაცხდა საჭირო.

გატარებულ ღონისძიებებთან შესახებ მასლოვმა 1919 წ. 2 თებერვალს წერილობით მოახსენა პირდაღ გენერალ დენიკინს, რომელმაც აღტაცება ვერ დამილა და მოხსენებით ბარათს მიაწერა „შესანიშნავია“.¹⁹ თუმცა, დენიკინელთა აღფრთოვანება მალე გაქრა ისინი დარწმუნდნენ, რომ ინგლისელები კავკასიაშიც და ბათუმშიც საკუთარი ინტერესებისათვის მოქმედებდნენ და არა „ერთიანი რუსეთის აღდგენისათვის“. ამის შესახებ ბათუმის რუსული ეროვნული საბჭოს 1919 წ. 28 მარტის სხდომის დადგენილებაში (მისი ასლი დენიკინის შტაბშიც გაიგზავნა) ნათქვამია: „სამწუხაროდ, ბათუმში რუსთა მოლოდინი და იმედები, დაკავშირებული ინგლისელების მოსვლასთან, არ გამართლდა; ისინი, როგორც ჩანს, აქ მოვიდნენ არა გაწამებული რუსეთის დასახმარებლად, არამედ საკუთარი ანგარებითი ეკონომიკური და პოლიტიკური ინტერესებისათვის“.²⁰

ბათუმის ოლქის ადმინისტრაციული უბნების მმართველებად თეთრგვარდიელი ოფიცრების დანიშნამ ააღლევა მოსახლეობა, რომელმაც მოითხოვა მათი და ინგლისური რაზმების უკან გაწევა უბნის უფროსების მდგომარეობის განსამტკიცებლად მასლოვმა გუბერნატორს სთხოვა დამატებითი რაზმები.²¹

ხალხმა პროტესტით მიმართა საოკუპაციო ხელისუფლებას 3 იანვარს ბათუმში შეიკრიბნენ „სამამადიანო საქართველოს სხვადასხვა კუთხის (შეეშოთ-იმერხევი, არტანუჯი, ართვინი, ზემო აჭარა) წარმომადგენლები და კუპ-კოლისს წარუდგინეს ერთობლივი საპროტესტო მემორანდუმი“.²² 4 იანვარს აქ ხალხმრავალი მიტინგიც შედგა, გაზეთი „ერთობა“ იუწყებოდა „გუბერნატორთან არსებულ საბჭოსე უკმაყოფილება თანდათან იზრდება, მისგან დანიშნული კაცებით ოლქში აჭარლები დიდათ უკმაყოფილონი არიან და მოითხოვენ თავიანთი კაცების დანიშნას“.²³

მასლოვის მმართველობის პერიოდში ბათუმის ოლქში შეიქმნა მძიმე ეკონომიკური მდგომარეობა. სურსათსა და პირველადი მოთხოვნილების სხვა საგნებზე ფასები ყოველდღიურად იზრდებოდა ქალაქის თვითმმართველობა და სასურსათო უწყება ცდილობდნენ ეს პრობლემა გადაეწყვიტათ ბათუმის რეკონსტრუქციაში დარჩენილი ნავთობპროდუქტების უკრაინაში გატანით. მაგრამ „მმართველი საბჭო“ თვითონ დაეპატრონა ნავთობის მთელ მარაგს. ბათუმის საქალაქო სათათბიროს ხმოსნის ხასან ლორთქიფანიძის სიტყვით, ამ გზით მათ ერთ თვეში ჩაიჯიბეს 5-6 მილიონი რუბლი.²⁴

მასლოვის საბჭოს მმართველობით წარმოქმნილმა რთულმა ვითარებამ სტიმული მისცა განმათავისუფლებელი მოძრაობის გააქტიურებას, რაც საქართველოს რესპუბლიკასთან ბათუმის ოლქის გაერთიანების ღიზუნგით წარიმართა.

მასლოვმა და მისმა თანამზრახველებმა მდგომარეობიდან გამოსავლად მიიჩნიეს ბათუმის ოლქზე დენიკინის სამხედრო ძალაუფლების გაერცყლება ამგვარი წინადადებით დენიკინთან ეკატერინოდარში ჩაიყდა თვითონ პ. მასლოვიც, მაგრამ ინგლისელების მიერ ოკუპირებულ ქალაქში მოხალისეთა ჯარის გადმოსროლას დენიკინი არახელსაყრელად მიიჩნედა სამხედრო და პოლიტიკური თვალსაზრისით.

¹⁹ იქვე. ფურც. 28-40.

²⁰ იქვე. ფურც. 53-55.

²¹ აცსა, ფ. 61, ან. 1, ს. 1, ფურც. 34.

²² გაზ. „ერთობა“, №12, 1919.

²³ გაზ. „ერთობა“, №5, 1919.

²⁴ Борьба за победу Советской власти в Аджарии, с. 189-190.

ამასთან, ეს გაამწვევებდა საქართველოს მთავრობასთან მის ისედაც დაძაბულ ურთიერთობას.²⁵

მასლოვის და მის თანამზრახველთა ასეთი საქმიანობა სცილდებოდა მათი უფლებამოსილების ფარგლებს, რაც არ შედიოდა ინგლისის ინტერესებში. 1919 წ. 15 აპრილს კუკ-კოლისის ბრძანებით „მმართველი საბჭო“ დაითხოვეს.²⁶ ამის ოფიციალური საფუძველი გახდა „საბჭო“ 9 აპრილის აღდგენილება, რომელიც გამოხდის ბათუმის მუშათა გაფიცვის დარბევას ინგლისის საოკუპაციო ხელისუფლების მიერ.

გაფიცვის საბაზი იყო ინგლისელი გუბერნატორის მიერ პროფკავშირების ბათუმის საბჭოს ყოველდღიური გახ. „ბატუმსკიე ვესტი“-ს დახურვა ამის გამო ბათუმის პროფსაბჭომ 7 აპრილს მოუწოდა ქალაქის მშრომელ მოსახლეობას ერთდღიანი გაფიცვისაკენ.

კუკ-კოლისმა გაფიცვა ბრძანებით აკრძალა, მაგრამ 8 აპრილს ის მაინც ჩატარდა. მაშინ გაფიცვის ხელმძღვანელები დააპატიმრეს. ამან გამოიწვია ბათუმის საქალაქო საათობიროს, საზოგადოებრივი ორგანიზაციების და მოქალაქეთა უკმაყოფილება. ეს ფაქტი შეაფასეს თავისუფალი პრესის აკრძალვად და ამაში ბრალს დაუბრუნეს მმართველ საბჭოსაც.²⁷

მასლოვის საბჭოც იძულებული გახდა ანგარიში გაეწია საზოგადოებრივი აზრისათვის და 9 აპრილს მოკრძალებული საყვედური გამოუცხადა საოკუპაციო ხელისუფლებას მიტინგის დარბევისა და ხელმძღვანელთა დააპატიმრების გამო.

ამას მოჰყვა საოკუპაციო ხელისუფლების საპასუხო რეაქცია. კუკ-კოლისის 15 აპრილის ბრძანებაში ხაზგასმული იყო, რომ „სამხედრო გუბერნატორს არ მიანდა აუცილებლად მმართველი საბჭოსათვის განსახილველად წარედგინა რაიმე სახის ბრძანება“, იგი „თითონ წყევტს ამა თუ იმ გაზეთის განხილვა-დახურვის საკითხს“ და დამოუკიდებლად ატარებს წესრიგის აღდგენის ღონისძიებებს ქალაქსა და ოლქში. შემდეგ მითითებული იყო, რომ „მმართველი საბჭოს“ და ინგლისელი გუბერნატორის განსხვავებული შეხედულებები კჰმნიდნენ სიმშვიდის აღდგენის ხელშემშლელ პირობებს. მომავალში მსგავსი სიტუაციის თავიდან ასაცილებლად ბათუმის ოლქის მმართველი საბჭო დათხოვნილად გამოცხადდა.

ამავე ბრძანებულებით მმართველი საბჭოს ფუნქციები 16 აპრილიდან გადაეცა ინგლისელ ოფიცერთა ჯგუფს მაიორ პარისის მეთაურობით. გზების, ტყისა და მიწათმშენებლის მეურვეობა ჩაბარდა მაიორ ბენოტ როუს, მაიორი კოპლეი ზე-დამხედველობდა საბაჟოს და პორტს, კაპიტანი კუმინსკი - საპატიმროებს და ქალაქის პოლიციას, პოლკოვნიკი პრიკეტი - ფოსტა-ტელეგრაფს, კაპიტანი რობერტსონი - სასამართლო უწყებას, კაპიტანი მათიუზი - საოლქო პოლიციას და სასახლერო დაცვას, კაპიტანი გრუდჯონსი - საქალაქო მეურნეობას და ლტოლვილებს, კაპიტანი კრეინსი - ჩაქვის საუფლისწულო მამულს და ბოტანიკურ ბაღს.²⁸

ჰ. მასლოვის „მმართველი საბჭოს“ გაუქმება, „ზემოაღნიშნულის გარდა, განაპირობა შემდეგმა ჯერ ერთი, ამ დროისათვის ინგლისელებმა ბათუმში და საერთოდ ამიერკავკასიაში მტკიცედ მოიკიდეს ფეხი. ამდენად, მმართველობის ამ, თუნდაც მართონეტული, ორგანოს შენარჩუნებამ აზრი დაკარგა; მეორე, თავისი არსებობის სამთვინაახვერის მანძილზე რეაქციულმა საბჭომ ოლქის და ქალაქის მოსახლეობის სამართლიანი გულისწყრომა გამოიწვია. მათი დატოვება ხელისუფლებაში გააძ-

²⁵ აცსა, ფ. 67, ან. 1, ს. 15, ფურც. 258.

²⁶ იქვე, ს. 3, ფურც. 46.

²⁷ Борьба за победу Советской власти в Аджарии... с. 199-203; აცსა, ფ. 7, ან. 1, ს. 732, ფურც. 4.

²⁸ აცსა, ფ. 7, ან. 1, ს. 732, ს. 5, ფურც. 57; იქვე, ფ. 16, ან. 1, ს. 138, ფურც. 31, 34.

ღიერებდა ანტიინგლისურ განწყობილებას, მითუმეტეს, რომ თვით მასლოვი არაპოპულარული იყო თავისი პროფესიონალური არაკეთილსინდისიერების გამოც. ბათუმში ადვოკატობის პერიოდში, კლიენტების მოტყუების წყალობით, მან გეარიანად მოითხო ხელი. ამის გამო აღიძრა სისხლის სამართლის საქმე. ქუთაისის საოლქო სასამართლომ იგი დამნაშავედაც კი სცნო და 1914 წ. 13 დეკემბრის გადაწყვეტილებით ერთი წლით აუკრძალა საადვოკატო პრაქტიკა.²⁹

აღსანიშნავია, რომ დათხოვნის მიუხედავად, ბათუმის „რუსული ნაციონალური საბჭო“ არ ტოვებდა ასპარეზს ეკე-კოლისისადმი 1919 წ. 26 მაისის „უქვეშეურდომილეს მიმართვაში“ იგი გამოთქვამდა რწმენას, რომ ინგლისის სარდლობის კონტროლქვეშ, ადგილობრივი რუსი მოღვაწეებისაგან შეიქმნებოდა ახალი ცენტრალური სამოქალაქო ხელისუფლება.³⁰ მართალია, ინგლისელებს ბათუმის ოლქში რუსული მმართველობა ოფიციალურად აღარ აღუდგენიათ, მაგრამ ყველა ძველი მოხელე, ოკუპაციის დასრულებამდე, თავის ადგილზე დარჩა. ინგლისელებმა მოლოდინსხვედელი უწყებების სათავეში ჩააყენეს თავიანთი ოფიცრები, მაგრამ ისიც, როგორც მეთვალყურე კომისრები. ამის თაობაზე გახეთი „ერთობა“ შენიშნავდა: „თუმცა ცნობილი მასლოვის მთავრობა დაეცა და უზენაესი ძალაუფლება ინგლისელების ხელშია, მაგრამ მასლოვის აპარატი თავის ადგილზეა მოხელეები, მოსამსახურეები და აღმინისტრაცია თითქმის ყველა დაწესებულებაში, ქალაქში და ოლქში, დენიკინელეებისგან შედგება“.³¹ მათი აქ პარპაში გაგრძელდა 1920 წ. ივლისამდე, ვიდრე ბათუმში და მისი ოლქი არ დაუბრუნდა საქართველოს.

* * *

დიდი ბრიტანეთის ოკუპაციის საწყის პერიოდთან დაკავშირებულია აგრეთვე ორი მეტად უარყოფითი მოვლენა, რომლებმაც მნიშვნელოვნად შეაფერხა საქართველოს სახელმწიფოებრივი აღიარების და მასთან სამხრეთ-დასავლეთ ქართული პროვინციების გამთლიანების პროცესი. კერძოდ, პირველია სომხეთ-საქართველოს ომი და მეორე, ყარსში, გ.წ. „სამხრეთ-დასავლეთ კავკასიის მთავრობის“ შექმნა.

მუდროსის დროებითი ზავით ოსმალებმა ივალდებულებს ამიერკავკასიაში ოკუპირებული ტერიტორიების დატოვება. საქართველოს მთავრობასთან შეთანხმებით კი მას ჯარები უნდა გაეყვანა ოკუპირებული ახალციხე-ახალქალაქის რაიონებიდან, რომლებიც კვლავ საქართველოს უბრუნდებოდა.

სომხეთის მმართველმა წრეებმაც განიზრახეს ხელის მოთხოვა და მათი ყოვლად უსაფუძვლო ტერიტორიული ამბიციების სისრულეში მოყვანა. კერძოდ, სურდათ ისტორიული სამცხე-საათაბაგოს დაუფლება ბათუმ-აჭარითურთ და ზღვაზე გასასულელის მოპოვება; გეგმავდნენ თბილისის დაკავებასაც. ამიტომაც მათ უგულვებელყვეს საქართველოს მთავრობის წინადადებები სადავო სასაზღვრო საკითხების მოლაპარაკების გზით გადაწყვეტის შესახებ და 1918 წ. 9 დეკემბერს წამოიწყეს სამარცხენო ომი საქართველოსთან. თან იმედოვნებდნენ, რომ „კავკასიაში მომავალი ინგლისი მათ

²⁹ სცსსა, ფ. 113, ან. 1, ს. 4900, ფურც. 1-30.

ბათუმში დენიკინის წარმომადგენელ გენერალ ერდელის შეფასებითაც: „მასლოვი და საბჭოს წევრები იყვნენ ბნელი წარსულის ხალხი და კარგი რეპუტაციით არ სარგებლობდნენ. ვინც უკეთესები აყვნენ გაიქცნენ“. ამიტომ, ინგლისელებმა ძალაუფლებრად დაეყრდნენ მათ, ვინც აქ დარჩა. მისავე ხიტყვათ „მასლოვი იყო ჭკვიანი გაიქცეა“. ასევე უარყოფითად აღსანიშნავია გენერალული ბათუმის რუსული ნაციონალური საბჭოს თავმჯდომარე ტურმენსაც (ГАРФ, ფ. 446, ოპ. 2, დ. 40, л. 13).

³⁰ Борьба за победу Советской власти в Аджарии... с. 209-211.

³¹ გზ. „ერთობა“, №135, 1919.

მხარს დაუჭერდა და შერჩეობდათ ყველა დაკავებული ტერიტორია.³² მოლოდინი არ გაუმართლდათ - ორიოდე კვირის შემდეგ სომხები ომში დამარცხდნენ. მესობლის ამ ანტიურამ საფუძველი მისცა დიდი ბრიტანეთის სამხედრო წრეებს, არ შემოფარგლულიყვნენ მხოლოდ ბათუმ-ბაქოს მაგისტრალით და წესრიგის დაცვის საბაბით, დაეკაუდებინათ აგრეთვე ბათუმის, არტაანის და ყარსის ოლქები, რითაც შეფერხდა საქართველოს ტერიტორიული მთლიანობის აღდგენა.

1919 წ. იანვარში ისტორიულ სამხრეთ საქართველოში შეიქმნა და სამ თვეს არსებობდა ე.წ. „სახელმწიფო“, რომელსაც ოფიციალურად ეწოდებოდა „სამხრეთ-დასავლეთი კავკასია“. მისი ცენტრი იყო ქ. ყარსი. ამიტომაც მას „ყარსის რესპუბლიკის“ სახელითაც მოიხსენიებენ.³³

ამ ახალი „სახელმწიფოს“ შემადგენლობაში უნდა გაერთიანებინათ ბათუმის, არტაანის და ყარსის ოლქები, ახალციხისა და ახალქალაქის მაზრები, აგრეთვე, სურმალოს, ალექსანდროპოლისა და ენშიაპინის მაზრების მნიშვნელოვანი ნაწილი. „ყარსის რესპუბლიკის“ გამოცხადება იმთავითვე უკანონო აქტი იყო; ის იქმნებოდა საქართველოს და ნაწილობრივ სომხეთის იმ ისტორიულ ტერიტორიებზე, რომლებიც პირველი მსოფლიო ომის დასასრულს მიიტაცა ოსმალეთმა, ხოლო ომის შემდეგ გამოცხადდა ინგლისის „მფარველობის“ სფეროდ.

ზემოაღნიშნულ სეპარატისტულ იდეას საფუძველი ჩაეყარა ჯერ კიდევ 1917 წ. აპრილში, როდესაც ბაქოს საქველმოქმედო-რელიგიური საზოგადოების ინიციატივით ყარსში ჩამოყალიბდა „საიდუმლო ისლამური კომიტეტი“. მალე აბასთუმანშიც ჩატარდა სამხრეთ-დასავლეთ კავკასიის მამადიანთა ყრილობა, რომლის რეზოლუციითაც ხაზგასმულ იქნა ამ რეგიონში ცალკე სახელმწიფოს შექმნის აუცილებლობა.³⁴ ეს გეგმა მაშინ არ განხორციელდა, რადგანაც აღნიშნული ტერიტორია 1918 წ. ოსმალეთმა მიიტაცა.

მას შემდეგ, რაც მუდროსის ზავით გადაწყდა, რომ ოსმალები დატოვებდნენ ამიერკავკასიას, კელაქ აღორძინდა სამხრეთ-დასავლეთ ამიერკავკასიის ცალკე სახელმწიფოდ გამოცხადების იდეა ამ მიზნით, 1918 წ. ნოემბერ-დეკემბერში ყარსსა და არტაანში ჩატარდა სამხრეთ კავკასიელი სეპარატისტების ოთხი წარმომადგენლობითი თავყრილობა, რომლებზეც პრაქტიკულად შემზადდა აღნიშნული არასამართლებრივი პოლიტიკური აქტი.

1919 წ. 17-18 იანვარს შედგა ყარსის III კონგრესი, რომელსაც ესწრებოდა 131 დელეგატი. კონგრესის გადაწყვეტილებით ჩამოყალიბდა „სამხრეთ-დასავლეთი კავკასიის“ დროებითი ეროვნული მთავრობა ჯიჰანგიროღლუ იბრაიმ ბეის მეთაურობით. მის რეზიდენციად გამოცხადდა ქალაქი ყარსი. „სახელმწიფოს“ ჰყავდა მეჯლისი (პარლამენტი) 70 წევრისაგან - დოქტორ ესად ბეის თავმჯდომარეობით, ჰქონდა სამფურვეოანი (აღუბლისფერი, თეთრი და მუქი მწვანე) დროშა, სახელმწიფო ენა - თურქული. „მთავრობის“ ოფიციალურ ორგანოდ გამიზნული იყო გაზ. „სლადი მილეთი“.

ახლად შექმნილი „ყარსის მთავრობა“ ცდილობდა მონაწილეობა მიეღო პარიზის სამშვიდობო კონფერენციაში, რომელიც იმავე 1919 წ. იანვარში გაიხსნა ამ მიზნით

³² ვ.ნოზაძე, საქართველოს აღდგენისათვის ბრძოლა მესხეთის გამო, თბ., 1989, გვ. 42-47.

³³ მსირომი, „ყარსის რესპუბლიკა“. - „საისტორიო მაცნე“, №1, ბათ., 1993, გვ. 24-28.

³⁴ S. Esin (Derinsu, Dayi, Elviye-i selase (Kars, Ardahan ve Batum) de milli teşkilatlanma, Doktora tezi, Erzurum, 1991, s. 32. ვ.ნოზაძე, დასახ. ნაშრ., გვ. 48.

სტამბოლში გაიგზავნა დელეგაცია ანტანტის სახელმწიფოთა წარმომადგენლებთან კონტაქტების დასამყარებლად.³⁵ ცდა უშედეგო გამოდგა.

„ყარსის რესპუბლიკის“ შექმნას მნიშვნელოვნად შეუწყო ხელი ოსმალეთის სარდლობამ. იგი ოკუპირებული ტერიტორიებიდან უკანდახვეის დროს ადგილობრივ ისლამურ საბჭოებს უტოვებდა იარაღსა და სურსათ-სანოვავებს, ჯარისკაცებსა და ოფიცრებს. ამგვარი დახმარებით შეიქმნა 8-ათასკაციანი შეიარაღებული ფორმირება, რომელსაც მდ. არაქსის აუზში უნდა ებრძოლა სომხების, ხოლო მდ. შტკერის აუზში - ქართველების წინააღმდეგ.

აქვე უნდა შევნიშნოთ, რომ თურქულ ისტორიოგრაფიაში დამკვიდრებული შეხედულება, თითქოს „ყარსის რესპუბლიკის“ ორგანიზატორთა საბოლოო მიზანი იყო შეერთებოდნენ ერთმორწმუნე ოსმალეთს, არ ასახავს რეალობას. სინამდვილეში ეს იყო „სამუსლიმანო საქართველოს“ სეპარატულად განწყობილი ზედაფენების ცდა. შეექმნათ სახელმწიფო, რომელიც დამოუკიდებელი იქნებოდა როგორც საქართველოსგან, ისე ოსმალეთისგანაც.

„ყარსის სახელმწიფოს“ „შშენებლობა“ პრაქტიკულად დაიწყო ახალციხეში. მუდროსის ზავის შემდგომ საქართველოსა და ოსმალეთის მთაერობები შეთანხმდნენ, რომ ერთი თვის განმავლობაში - 1918 წ. 4 ნოემბრიდან - 4 დეკემბრამდე ოსმალეთი დაცლიდა ახალციხისა და ახალქალაქის მაზრებს და იქ ადღებოდა საქართველოს იურისდიქცია. მესხმა ბეგებმა, რომლებიც შეშფოთებულნი იყვნენ საქართველოს მთაერობის აგრარული რეფორმით და საერთოდ სოციალისტური ქადაგება-ღონისძიებებით, მეორე დღესვე ჩამოაყალიბეს „ახალციხის დროებითი მთაერობა“ - ომარ ფაიქის (ყიფიანის) თავმჯდომარეობით. მინისტრთა პორტფელები შემდეგნაირად განაწილდა: სამხედრო - სერვერ-ბეგ ათაბეგი (ჯაყელი), მიწათმოქმედებისა - რიზა-ბეგ აგალოვი, შინაგან საქმეთა და ფინანსთა - მურსად მუსაკიევი. შემოიღეს გენერალ-გუბერნატორის სამხედრო თანამდებობა, რომელზედაც დაინიშნა ბახში ბეგ მაჩაბელი.³⁶

ახალციხის ე.წ. „მთაერობამ“ გამოაცხადა ჯარში გაწვევა, მაგრამ თანამედროვეთა მოწმობით, ადგილობრივი მამადიანი გლეხობა „ბეგების არმიაში“ წასვლის სურვილს არ ამჟღავნებდა. ამიტომ დაიწყეს მათი იძულებითი მობილიზება და შეიარაღება.³⁷ ბეგებმა საკმაო ძალების თავმოყრა ვერ მასწავრეს და 4 დეკემბერს ქართული ჯარი ახალციხეში უომრად შევიდა. სერვერ-ბეგმა ცეცხლს მისცა საწყობები და „მთაერობის“ ზოგ სხვა წევრთან ერთად დატოვა ახალციხე.

ამის შემდეგ სერვერ-ბეგი აქტიურად მონაწილეობდა „ყარსის“ მთაერობისა და „სახელმწიფოს“ ორგანიზებაში. პარალელურად, მან მესხეთ-ჯავახეთში გააჩადა საქმიანობა საქართველოს რესპუბლიკის წინააღმდეგ. ამავე მიზნით, ახალციხიდან გაქცეული სეპარატისტებისაგან ბათუმში შეიქმნა ე.წ. „ახალციხის კომიტეტი“, რომელმაც კავშირი დაამყარა თავის თანამზრახველებთან. 1919 წ. 21 იანვარს „ახალციხის კომიტეტი“ ომარ ფაიქს თბილისში ატყობინებდა, „რომ ყარსში შეიქმნა სამხრეთ-დასავლეთ ამიერკავკასიის მთაერობა, რომელიც შეუდგა საქმეს ეროვნული საბჭოს დეპუტატები არტაინიდან, ერენიდან, ბათუმიდან და ყველა სხვა კუთხიდან ყარსში წავიდნენ. მთაერობის ხელში საკმაო სამხედრო ძალაა ყოველივე შინაური საქმეები

³⁵ იქვე, გვ. 118.

³⁶ სამცხე-ჯავახეთის (ახალციხე) ისტორიული მუზეუმის ხელნაწერთა ფონდი (შემდეგში ის სჯამზე), ს. 1136, ფურც. 60-67.

³⁷ იქვე, ფურც. 68-70.

ამ მთავრობის ხელშია. ინგლისელები ყარსის მესელიმანთა მთავრობას ხელს უწყობენ და მასთან კარგ განწყობილებაში არიან.³⁸

„ყარსის მთავრობისადმი“ ინგლისელთა მხარდაჭერა სხვა დოკუმენტებითაც დასტურდება. ჯერ კიდევ ყარსის III კონგრესის დაწყებამდე ორი დღით ადრე, 15 იანვარს, სერვერ-ბეგ წაიყვლი ბათუმში შეხვდა ინგლისელ გუბერნატორს და გააცნო სეპარატისტული რესპუბლიკის შექმნის გეგმა. კონგრესის შემდეგ, 20 იანვარს, კვლავ შედგა შეხვედრა ინგლისელ სამხედრო პირებთან. ბეგებმა „მიიღეს დამაკმაყოფილებელი პასუხი თავიანთი მიზნების შესახებ“.³⁹

1919 წ. იანვრის დამდეგს სერვერ-ბეგმა ახალციხის მხარეში წამოიწყო აჯანყება საქართველოს რესპუბლიკასთან შეერთების წინააღმდეგ, მის ლაშქარში იყვნენ ოსმალთა ოფიცრები და ასკერები, ბათუმიდან ჩასული რუსი თეთრგვარდიელები, მათ შორის ორი ინგლისელი ოფიცერიც. სერვერმა სულ 12 ათასამდე კაცი გამოიყვანა.⁴⁰ მან ამ ძალებით 11 თებერვალს ახალციხე აიღო და სამი კვირით ხელისუფლებაც აღიდგინა.

მოგვიანებით გაირკვა, რომ ახალციხის ავანტიურასთან მჭიდრო კავშირი ჰქონდა აზერბაიჯანის ბათუმის საკონსულოს, კერძოდ, კონსულ მახმუდ-ბეგ ეფენდიევის, აგრეთვე, ზოგიერთ ადგილობრივ გაელენიან პირს. 1920 წ. 25 მარტს გახეთმა „სამუსლიმანო საქართველომ“ გამოაქვეყნა სერვერ-ბეგის საიდუმლო ბარათი, რომელშიც ვკითხულობთ: „ამორჩინეთ დელეგატები, რომლებიც უნდა გაეგზავნოთ სტამბოლში. დელეგატებმა აუცილებლად ბათუმში უნდა ინახულონ მახმუდ-ბეგი. თითო დელეგატისათვის აზერბაიჯანის მთავრობის მიერ გადადებულია სამასი ათასი რუბლი“.

სერვერ-ბეგის შეიარაღებული ავანტიურის გამო საქართველოსა და სომხეთის მთავრობებმა პროტესტით მიმართეს კავკასიაში ინგლისის საოკუპაციო ხელისუფლებას. 1919 წ. 15 თებერვალს ნ. ყორდანიამ გენერალ უოკერს მოურიდებლად განუცხადა - სერვერ-ბეგის ავანტიურა „მოფიქრებული იყო ბათუმში და იქიდან გაიცემოდა ყველა განკარგულება“.⁴¹ სამწუხაროდ, ინგლისელები ნაკლებ ანგარიშს უწევდნენ ამგვარ პროტესტებს.

გადაწყდა, საქართველოს ტერიტორიული მთლიანობა აღედგინათ საკუთარი ძალებით. ამ მიზნით გენერალ გ. კვინიტაძის მეთაურობით გამოიყო 20-ათასკაციანი ქართული ჯარი, რომელმაც 7 მარტს გაათავისუფლა ახალციხე და განაეთარა შეტევა მხარის სიღრმეში. ახალციხეში ინგლისელი ოფიცრის თანხლებით გამოცხადდა „ყარსის მთავრობის“ წარმომადგენელი და გენერალ კვინიტაძეს სამშვიდობო მოლაპარაკება შესთავაზა. პასუხად გენერალმა მოითხოვა არტანის დაცლა, სერვერ-ბეგისა და აჯანყების სხვა მოთავეების ჩაბარება 48 საათის განმავლობაში. ამით გაღიზიანებულმა ინგლისელმა ოფიცერმა გ.კვინიტაძეს დაუფარავად უთხრა: „გესმით თუ არა თქვენ, რომ ხელის აღმართვა „სამხრეთ-დასავლეთი კავკასიის ტერიტორიების სახელმწიფოზე“ ამავე დროს ნიშნავს ხელის აღმართვას ინგლისზე“.⁴² მუქარის მიუხედავად, ქართველმა სარდალმა განაგრძო შეტევა და აპრილის პირველ ნახევარში გაათავისუფლა სეპარატისტი ბეგების საბუდარი - ფოცხოვი; ქართული ჯარი შევიდა არტანსიცი, ამრიგად, სერვერ-ბეგის ავანტიურა მარცხით დამთავრდა.

³⁸ გაზ. „ერთობა“ №32, 1919 წ.

³⁹ Esin Dayi S., დასახ. ნაშრ., გვ. 98, 101.

⁴⁰ გაზ. „ერთობა“, №70, 1920.

⁴¹ «Демократическое правительство» Грузии и Английское командирование, Тб., 1928, с. 28.

⁴² Esin Dayi S., დასახ. ნაშრ., გვ. 142.

ქართული ჯარის წარმატებამ ინგლისელებს დაიანახა მარიონეტულ „ყარსის რესპუბლიკაზე“ გათვლილი პოლიტიკის უპერსპექტივობა ისინი დარწმუნდნენ, რომ ხელოვნურად შექმნილი ეს „სახელმწიფო“ კავკასიაში უფრო თურქეთის პოზიციებს განამტკიცებდა, ვიდრე ინგლისისას ამიტომ აღარ დააყოვნეს მისი ლიკვიდაცია 1919 წ. 13 აპრილს დაითხოვეს ყარსის „პარლამენტი“, ხოლო 12-კაციანი „მთაერობა“ დააპატიმრეს და კუნძულ მალტაზე გადაასახლეს.

* * *

მასლოვის „მთაერობის“ გადაყენებისა და სამოქალაქო მმართველობის საკუთარ ხელში აღების შემდეგ ინგლისელებმა სცადეს საზოგადოებრივი და სოციალურ-ეკონომიკური ცხოვრების გაჯანსაღება ბათუმში მრავლად შემოვიდნენ სავაჭრო და სამრეწველო ფირმები. მათ აინტერესებდათ ამიერკავკასიის ეკონომიკის ყველა დარგი, განსაკუთრებით – ბაქოს ნავთობი, ჭიათურის მარგანიტი, ბამბა და მატყლი. ქალაქში უხვად გამოჩნდა ევროპული ნაწარმი. საქართველოს რესპუბლიკის მთავარი საბაჟოს ცნობით, 1919 წ. ბათუმში შემოიტანეს 395 მილიონი ბონის მანეთის (რუსული ჩერნოვეცის კურსით = დაახლ. 350 ათასი რუბლს) სხვადასხვა დასახელების საქონელი,⁴³ თუმცა, მასობრივი უმუშევრობის პირობებში მოსახლეობის სყიდვითუნარიანობა დაბალი იყო. უქმად იდგა საწარმოთა მნიშვნელოვანი ნაწილი. არასრული დატვირთვით მუშაობდა ნავსადგური და ექსპორტ-იმპორტთან დაკავშირებული ობიექტები.

1919 წ. მარტში შეაკეთეს ბაქო-ბათუმის ნავთსადენი და „შაი ოქრო“ ისევ წამოვიდა ბათუმისაკენ, თუმცა, ომისშემდგომი ეკონომიკური კრიზისით მოცულ მსოფლიო ბაზარზე ნავთობპროდუქტებზე მოთხოვნილება შედარებით დაბალი იყო.⁴⁴

ეკონომიკური ცხოვრების დამძიმებამ გააუარესა კრიმინალური ვითარებაც. ოლქი, ფაქტობრივად, ვერ იმართებოდა. გახშირდა ძარცვა-რბევის შემთხვევები. ამით კარგად ისარგებლეს ბოლშევიკებმა და თავიც წამოხვეეს კუკ-კოლისის ბრძანებულებით 1919 წ. 5 სექტემბრიდან ბათუმში გამოცხადდა სააღყო მდგომარეობა, აიკრძალა იარაღის ტარება, 6 კაცზე მეტის შეკრება, გარდა ეკლესიისა და ქალაქის სათათბიროსა; „აღმზუნები სიტყვების წარმოთქმა“; გართულდა ბათუმში მოქალაქეთა თავისუფალი შემოსევა და გასვლა.⁴⁵

1919 წ. 20 ნოემბერს გამოქვეყნდა კუკ-კოლისის ბრძანებულება ბათუმის საქალაქო სათათბიროს და გამგეობის დათხოვნის შესახებ. ახალი არჩევნები დაიგეგმა 1920 წ. თებერვლისათვის მანამ კი, ამავე ბრძანებულებით, გამოცხადდა „განსაკუთრებული სათათბიროს“ შექმნა, რომელიც უნდა შემდგარიყო „ზოგიერთი ინგლისელი ოფიცრისა და ბათუმის ცნობილი მოქალაქეებისაგან“. მათ დაევალათ ქალაქის ახალი სათათბიროს არჩევნების მომზადება. აგრეთვე, მუშაობა ქალაქის მართვა-გამგებლობის გაუმჯობესების, კბათუმისა და ოლქის სამოქალაქო მმართველობებს შორის ფუნქციების სათანადოდ გამიჯვნისათვის.

კუკ-კოლისის ამავე ბრძანებულებით „ქ ბათუმის საქმეთა წაძღოლისათვის“ დაინიშნა დროებითი გამგეობა ინგლისელი ოფიცრის ხელმძღვანელობით და ჯაეახიშვილის, ლორთქიფანიძის და ტოროსოვის შემადგენლობით. ქალაქის დროებითი

⁴³ სცსა, ფ. 1891, ან. 1, ს. 95, ფურც. 5-6.

⁴⁴ საგაზეოო პრონიკის ცნობით: ბაქოს ნავთის მრეწველთა საბჭოსთან არსებული ბუროს მონაცემებით, 1918 წ. 10 დეკემბრიდან 1919 წ. 1 მაისამდე ბაქოდან ბათუმში გამოუტანათ 5,6 მილიონი ფუთი ნავთი. მათგან 3,2 მლნ. ფუთი ნავთი წაუღია ინგლისის სარდლობას, 672 ათასი ფუთი - საქართველოს მთავრობას და 1,7 მლნ. ფუთი - სხვადასხვა პირთ (ახ.გაზ. „ერთობა“, №147, 1919).

⁴⁵ აცსა, ფ. 67, ან. 1, ს. 5, ფურც. 142, 249.

გამგეობის დასახმარებლად ინგლისელი ოფიცრების მეთაურობით იქმნებოდა საფინანსო, სამედიცინო-სანიტარული, განათლების, იურიდიული, ტექნიკური, სიძვირესა და სპეკულაციასთან მებრძოლი და ა.შ. კომისიები.⁴⁶

აღსანიშნავია, რომ სამსახურში მიღებისას ინგლისური სამოქალაქო ადმინისტრაცია, მასლოვის ყოფილი „მთავრობის“ მსგავსად, უნდობლობას უცხადებდა ადგილობრივ მოსახლეობას. აზერბაიჯანის ბათუმელი კონსული 1919 წ. ნოემბერში თავის მთავრობას მოახსენებდა: „ქალაქის მიღაცა ძირითადად დაკომპლექტებულია ლტოლვილებით (რუსებით და სომხებით). ჩამოსულთა სამსახურში მიღების გამო შეიქმნევა ჩუმი დრტვინვა როგორც ოლქის სოფლის მოსახლეობაში, ისე ბათუმის მცხოვრებლებში“.⁴⁷

ხელისუფლება ზრუნავდა ხაზინის შეესებაზეც. კუკ-კოლისის 1919 წ. 28 მაისის ბრძანება ავალდებულებდა ბათუმისა და ოლქის მოსახლეობას ორი კვირის ვადაში შეეტანათ გადასახადები. დაგვიანებით გადახედვით დაწესდა ჯარიმები.⁴⁸ ნოემბრის დამლექვიდან გაორმაგდა გადასახადები ნავთობპროდუქტებით ვაჭრობაზე.⁴⁹

საოკუპაციო ხელისუფლება ცდილობდა დამკირავებლებსა და მუშებს შორის დაპირისპირების აღმოფხვრას ამ მიზნით დააწესა მინიმალური ხელფასის ნორმა, ხოლო 1919 წ. მაის-ივნისიდან აღადგინა ე.წ. „მომრიგებელი კამერები“. უმაღლეს ინსტანციად გამოცხადდა საოლქო მომრიგებელი კამერა, რომლის გადაწყვეტილება საბოლოო იყო მწვარამებსა და მუშებს შორის წარმოქმნილი სადავო საკითხების განხილვისას.⁵⁰

უმუშევართა აღრიცხვისა და დასაქმების ორგანიზაციის მიზნით ინგლისელებმა ნოემბერში ჩამოაყალიბეს „მრომის საქმეთა კომიტეტი“.⁵¹ თუმცა, ზემოაღნიშნულ შედაპირულ ღონისძიებებს, როგორც მოსალოდნელი იყო, არ შეეძლო რადიკალურად შეეცვალა შექმნილი მძიმე სოციალურ-ეკონომიკური ვითარება.

ბათუმში მიმოქცევაში დაშვებული „ღონის მთავრობის“ ფულის კურსის სწრაფად დაცემის გამო, საოკუპაციო ხელისუფლების მიერ განსაზღვრული მინიმალური ხელფასი მხოლოდ პურის შესაძენადაც აღარ კმაროდა.⁵² 1920 წ. 12 იანვარს დილით ქალაქში დაიწყო საეაჭროების და ბაზრის დარბევა. ხალხის ერთი ნაწილი შეიჭრა „სასურსათო კომიტეტის“ შენობაში, დაარბია კომიტეტის თავმჯდომარის, ინგლისელი მაიორის ნორმანის კაბინეტი და სხვა ოთახები. უწყრივობის აღსაკვეთად საჭირო გახდა ინდუსთა ინგლისური ბატალიონის გამოყვანა.⁵³

მსგავსი სასურსათო ბუნტების მოსალოდნელობა კვლავ არსებობდა სასურსათო კრიზისის აღმოფხვრისა და ქალაქის ხაზინის შეესების მიზნით, ბათუმის ოლქის სამხედრო გუბერნატორის მოადგილის, პოლკოვნიკ ჰარისის 1920 წ. 30 იანვრის ბრძანებულებით გადასახადები რამდენჯერმე გაიზარდა, კერძოდ, მიწაზე 50-ჯერ, ქალაქში უძრავ ქონებაზე - 15-ჯერ, ხოლო რეწევასა და წარმოებაზე - 30-ჯერ.⁵⁴

⁴⁶ იქვე, ფურც. 229.

⁴⁷ Борьба за победу Советской власти в Аджарии... с. 254-255.

⁴⁸ აცსა, ფ. 67, ან. 1, ს. 3, ფურც. 79, 167.

⁴⁹ იქვე, ფ. 6, ს. 472, ფურც. 45.

⁵⁰ Борьба за победу Советской власти в Аджарии... с. 262-263.

⁵¹ იქვე, გვ. 267.

⁵² 1920 წ. დასაწყისისათვის ქართული ბონების მსყიდველობით უნარიანობა 4-5-ჯერ მაღალი იყო, ვიდრე „ღონის მთავრობის“ ფული. ვაზუთის ცნობით: „ბათუმში სიძვირემ მაღალმა ზღაპრულ ზღვარს... იმის გამო, რომ არავის უნდა საქონლის გაყიდვა ღონის ფულზე, მაღალათა უმრავლესობა დაკეტულია, მოსამსახურებს კი ხელფასს უზღიან ღონის ფულით“ (Газ. «Борьба», №19, 1920).

⁵³ Газ. «Борьба», №10, 1920.

⁵⁴ Борьба за победу Советской власти в Аджарии... с. 270.

საოკუპაციო ხელისუფლება ევლარ აკონტროლებდა ბათუმის ოლქს პრესის სიტყვითაც, ინგლისელების იურისდიქცია ფაქტობრივად ქალაქს არ სცილდებოდა, ხოლო „ოლქი შეიქმნა ახლად დაძმობილებული ენეერ-ფაშას აგენტების და ბოლშევიკების სათარეშო ასპარეზად“.⁵⁵

მოხალისეთა არმიის წარმომადგენელი გენერალი რომანოესიცი მიუთითებდა ბათუმის ოლქში ოსმალთა აგენტების გაძლიერებულ საქმიანობაზე. ამასთან, წერდა რომ „ინგლისელების ყურისწავდებით ფეხს იკიდებს ბოლშევიზმი. ბათუმის რუსულ მოსახლეობაში ეს იწვევს განგაშს და ზრდის აქედან გაქცევის განწყობილებას, ხოლო ეკონომიკურად ნაკლებად უსრუნველყოფილი ნაწილი იხრება ბოლშევიზმისაკენ, როგორც არსებული მდგომარეობიდან გამოსავლისაკენ“.⁵⁶

ინგლისის ოკუპაციის პერიოდში ბათუმელმა ბოლშევიკებმა ლეგალური საქმიანობა გაშალეს პროფკავშირებში. მუშათა ურთიერთდამხმარე საღაროსა და ერთიანი საგაფიცო ფონდის შექმნით, ფასების ზრდის პირობებში ხელფასების მომატებისათვის ბრძოლისა და სხვა ეკონომიკური მოტივებით, ისინი სოგჯერ ახერხებდნენ მუშათა გამოსვლების ორგანიზებას საოკუპაციო ხელისუფლების წინააღმდეგ.

ბოლშევიკები ბათუმში გააქტიურდნენ 1919 წ. საფხულიდან, როდესაც დენიკინი ფართო ფრონტით უტევედა საბჭოთა ხელისუფლებას რუსეთში. ბოლშევიკები აფერხებდნენ სამხედრო ტვირთის ბათუმიდან გაგზავნას მოხალისეთა არმიისათვის 1919 წ. სექტემბრის დასაწყისში გენერალი რომანოესიცი დენიკინის შტაბს ბათუმიდან ატყობინებდა, რომ ინგლისელებისაგან მიიღო 15 ათას ტონამდე სამხედრო ტვირთი მის გასატანად აუცილებელია გამოგზავნოთ გემები და 100 მტვირთავი, „რადგან ადგილობრივი პროფკავშირები აქაურ მუშებს არ მისცემენ დატვირთვის ნებას“.⁵⁷

პროფკავშირებში მოკალათებული ბოლშევიკების ინიციატივით, 1919-1920 წლებში ბათუმში ფართოდ აღინიშნა პირველმაისობებიც. მათგან გამოკვეთილად ბოლშევიკური მიმართულებისა იყო 1920 წ. საპირველმაისო დემონსტრაცია, რომელიც დაემთხვა აზერბაიჯანის იძულებით გასაბჭოებას და ჩატარდა ბათუმსა და დანარჩენ ამიერკავკასიაში საბჭოთა ხელისუფლების დამყარების ღონისძიებით.⁵⁸

ბაქოში საბჭოთა ხელისუფლების დამყარებამ დააშინა ბათუმში მოქმედი საქმიანი ადამიანები, აგრეთვე, ინგლისის საოკუპაციო ხელისუფლება, რომელმაც იჩქარა აქ თავმოყრილი სხვადასხვა საქონლის გაზიდვა ამის საპასუხოდ 4 მაისს რუსეთის სავაჭრო ფლოტის წარმომადგენელთა და ქ. ბათუმის პროფკავშირების პრეზიდენტის წევრთა საერთო კრებამ სოლიდარობა გამოუცხადა საბჭოთა რუსეთს, ამასთან, თითქოსდა „საქონელგაცვლის მიზნით“, ხელისუფლებისგან მოითხოვა შავი ზღვის საბჭოთა პორტებისკენ გემების თავისუფალი გასვლის უფლება ამავე კრების დადგენილებით, აიკრძალა ბათუმიდან რაიმე ტვირთის გატანა კონსტანტინოპოლისა და ყირიმის მიმართულებით.⁵⁹

ბოლშევიკებმა მიმართეს სხვა აქციებსაც. კერძოდ, 1920 წ. 22-23 აპრილს ღამით ააფეთქეს სარკინიგზო ხიდი მდ. კინტრიშზე და მის პარალელურად გამავალი ნავთსადენი.⁶⁰ 30 აპრილს, დღისით, ბათუმის ქუჩაში სასიკვდილოდ დაჭრეს ცნობილი

⁵⁵ გაზ. „ერთობა“, №26, 1920.

⁵⁶ Боряба за победу Советской власти в Аджарии... с. 243-244.

⁵⁷ იქვე გვ. 243.

⁵⁸ Газ. «Голос труда», №105, 1920.

⁵⁹ Газ. «Голос труда», №109, 1920.

⁶⁰ აცსა, ფ. 71, ან. 1, ს. 2, ფურც. 1-63.

გენერალი ელ. ლიახოვი,⁶¹ მოგვიანებით, 17 იენისს, გამთენიისას, ააფეთქეს ბათუმის ნავსადგურში რედლუე მდგომი ტანკერი „სვეტ“-ი, რომელიც იტივრებოდა ყირიმში ვრანგელისათვის გასაგზავნი ნავთობპროდუქტებით და საბრძოლო საჭურველით.⁶²

ბოლშევიკების ლეგალურ-პროფაკეშირული და არალეგალურ-ტერორისტული საქმიანობა მოსახლეობაში იწვევდა შიშს და კრძალვით განაწყობდა მას ამიერკავკასიაში უკვე ფეხმოდებული საბჭოთა პოლიტიკური სისტემისადმი. ეს მნიშვნელოვან პრობლემებს უქმნიდა, აგრეთვე, საქართველოს დემოკრატიული რესპუბლიკის დამოუკიდებლობას და მასთან ბათუმის ოლქის კელავ გაერთიანებას.

ბოლშევიკების ხეობადნიშნული აქციები სერიოზული დაბრკოლება იყო დიდი ბრიტანეთის საოკუპაციო ხელისუფლებისათვის, არყვედა მის პრესტიჟს. ამიტომაც, 8 მაისს, ინგლისელებმა დააპატიმრეს ბათუმის პროფსაბჭოს ხელმძღვანელები და სხვა აქტივისტები (სულ 21 პიროვნება). დალუქეს პროფსაბჭოს შერობა და ტიპოგრაფია, სადაც იბეჭდებოდა ბოლშევიკური გაზეთი „გოლოს ტრუდა“. პრესის ცნობით - „ირვლისელები დასაჭერად დაეპებდნენ სედაი მილეთის პარტიის წევრებსაც“.⁶³

აზერბაიჯანში საბჭოთა ხელისუფლების დამყარებისა და ბაქოს ნავთობსარეწების დაკარგვის შემდეგ, ანტანტის უმაღლესმა საბჭომ აზრდაკარგულად ჩათვალა ბათუმის ოკუპაციის გაგრძელება და იგი საქართველოს დემოკრატიულ რესპუბლიკას დაუბრუნა.

ევაკუაციის წინ ინგლისელებმა ყირიმში გაგზავნეს უკანასკნელი სამხედრო ტვირთი, დემონტაჟი გაუკეთეს ბათუმის სიმაგრეების შორსმსროლელ ქვეშევსებაც. აქ შემოტანილი მოწყობილობები გაზიდეს ინგლისურმა ფირმებმა. ბათუმი დატოვა და დატოვებული ქონება გაიტანა რუს კოლონისტთა შეძლებულმა ნაწილმაც.

ამრიგად, 18-თვიანი ოკუპაციის პერიოდში ინგლისელები ცდილობდნენ ბათუმის ოლქი ექციათ არა მარტო სამხრეთ რუსეთის ანტისაბჭოთა მოძრაობის დასაყრდენად, არამედ ამიერკავკასიაში თავიანთი განუყოფელი გაულების შენარჩუნების კლაცდარმადაც. ამიტომ ოკუპაციის საწყის პერიოდში მინც, ისინი აქ მოქმედებდნენ გათიშე და იზატონეს პრინციპით. ამით დიდი ენება მიადგა საბჭოთა რუსეთის აგრესიის წინაშე მდგომი ახალგაზრდა საქართველოს რესპუბლიკის ტერიტორიული მთლიანობისა და სახელმწიფოებრივი განმტკიცების საქმეს. ეს იყო ანტანტის ქვეყნების, პირველ ყოვლისა კი - ინგლისის სამხედრო-საგარეო პოლიტიკური კურსის დიდი შეცდომა, რასაც სამომავლოდ მოჰყვა მძიმე შედეგები როგორც ჩვენი ქვეყნისათვის, ისე მთელი კავკასიისათვისაც.

§2. ბათუმი და რუსეთის სამოქალაქო ომი

დიდი ბრიტანეთის ჯარების მიერ ბათუმის ოლქის ოკუპაციის შემდეგ, ამ რეგიონს გარკვეული როლი დაეკისრა სამხრეთ რუსეთში საბჭოთა ხელისუფლების წინააღმდეგ მებრძოლი გენერლების, ჯერ ა. დენიკინის, ხოლო შემდეგ კ. ვრანგელის არმიების სამხედრო საჭურველით და თხევადი საწვავით მომარაგებასა და ცოცხალი

⁶¹ გაზ. „ერთობა“, №100, 1920.

⁶² გაზ. „ერთობა“, №136, 1920; Газ. «Наш край», №131, 1920.

⁶³ გაზ. „ერთობა“, №104, 1920.

ძალით შეესვების საქმეში.

თავის მხრივ გენერალი დენიკინიც, მიზნად ისახავდა რა რუსეთის იმპერიის ძველ საზღვრებში აღდგენას, ბათუმს და მთელ საქართველოს მიიჩნევდა „რთიანი რუსეთის“ კუთვნილ ნაწილად. ამიტომ ბათუმი დენიკინელების ყურადღების ორბიტაში მოექცა ინგლისელების აქ მოხელისთანავე. მით უმეტეს, რომ დენიკინის მძლავრობის პერიოდში ინგლისელებიც ანგარიშს უწყევდნენ დენიკინის ტერიტორიულ ამბიციებს და აცხადებდნენ, რომ მათი კავკასიაში ისევედნენ მიზანი, ბოლშევიზმის წინააღმდეგ ბრძოლასთან ერთად, იყო „ამ მხარის რუსეთისათვის შენარჩუნება“.⁶⁴ მართლაც, ინგლისის საოკუპაციო ხელისუფლების, მის მიერ შექმნილი მარიონეტული „ბათუმის ოლქის მმართველი საბჭოს“ და სხვა ანტიქართული ძალების ხელშეწყობით, ეს რეგიონი დენიკინელთა მოქმედების ფართო ასპარეზად იქცა.

ინგლისის ჯარების მიერ ბათუმის ოკუპაციის შემდეგ აქ მოაღვივნეს დენიკინის ე.წ. „მოხალისეთა არმიის“ სხვადასხვა უწყების წარმომადგენლები, რათა სამხრეთ რუსეთში გაეტანათ სხვადასხვა სახის მისხედრო აღჭურვილობა და თხევადი საწვავი.⁶⁵

1919 წ. 5 იანვარს ბათუმში ჩამოვიდა დენიკინის რწმუნებული გენერალი ერდელი, რათა უსრუნველყო ბათუმის სამხედრო საწოებებიდან საარტილერიო საჭურველთა მოხალისეთა არმიის მომარაგება. ამ მიზნით ერდელი შეხვდა ინგლისის ჯარების მთავარსარდალს აღმოსავლეთში გენერალ მილსს, რომლისგანაც მიიღო შესაბამისი თანხმობა.⁶⁶

ინგლისელებმა გან. ერდელს შესთავაზეს, რომ დენიკინს ბათუმში დაენიშნა მუდმივი წარმომადგენელი, რომელიც მოახდენდა არმიის მომარაგების ცენტრალიზაციას და, საერთოდ, წარმართავდა დენიკინსა და ბათუმში ინგლისის საოკუპაციო ხელისუფლებას შორის ურთიერთობას.⁶⁷ ეს პასუხობდა დენიკინის ინტერესებსაც. ამიტომ, მის შტაბში ინგლისელების აღნიშნული წინადადება სიხარულით მიიღეს. 1919 წ. თებერვლის დამლევს ბათუმში ჩამოვიდა მოხალისეთა არმიის ოფიციალური წარმომადგენელი – გენერალი ნ. პოროხოვსკი, რომელმაც საკუთარ ხელში აიღო ნოვოროსისკში სამხედრო ქონების გაგზავნის ორგანიზაცია, თეთრვარდიელ ოფიცერთა რეგისტრაციან⁶⁸ და მოხალისეთა არმიასთან დაკავშირებულ ყოველგვარ საეჭივო ინგლისელებთან ურთიერთობის წარმართვა.⁶⁹ გატარებულ ღონისძიებათა შედეგად დიდძალი სამხედრო დანიშნულების ტვირთის გარდა, 1919 წ. მარტ-აპრილში ბათუმში შეიკრიბა და დენიკინის განკარგულებაში გაიგზავნა 600-კაციანი კახაკთა რაზმი,

⁶⁴ შემოადინიშნული დაპირების მიუხედავად, დენიკინისათვის ცნობილი იყო, რომ ბათუმი და საერთოდ ამიერკავკასია ინგლისელებს მხოლოდ თავისთვის უნდოდათ და მასზე სხვის უფლებებს არ აღიარებდნენ. ამ მხრივ საყურადღებოა გან.დენიკინის შტაბიდან ამიერკავკასიაში მოვლენული წარმომადგენლების მოხსენებით ბრათიები და შეტყობინებები. დენიკინის ემისარი თავად გოლიცინი 1919 წ. 12 იანვარს ბათუმიდან გაგზავნილ მოხსენებაში შენიშნავდა, რომ ინგლისი ბოლშევიზმთან ბრძოლის მომიჯნავედნის ახდენისათვის ამიერკავკასიის ოკუპაციას (ГАПФ, ფ. 446, ოპ. 1, დ. 11, ზ. 3). გენერალი ერდელი კი მთავარსარდალს ატყობინებდა - ინგლისელები ამიერკავკასიის საკუთრივ იმეებენ და „არავითარ ანგარიშს არ გვიწყვევენ არც წყნ და არც რუსეთის უფლებებს ამ მხარეზე“ (ГАПФ, ფ. 446, ოპ. 2, დ. 40. ზ. 11).

⁶⁵ ГАПФ, ფ. 446, ოპ. 2, დ. 40. ზ. 13.

⁶⁶ там-же, 11.

⁶⁷ там-же, 13.

⁶⁸ პოროხოვსკის ბათუმში ჩამოსვლამდე თეთრვარდიელთა რეგისტრაციას ახდენდა ბათუმის ოლქის რუსული ნაციონალური საბჭოს სამხედრო სექცია. მისი დავალებით ბათუმის გამაგრებული რაიონის არტილერიის უფროსის ყოფილმა მოადგილემ პოლკ. ვორონცოვმა 1919 წ. იანვრის დასაწყისში ამ მიზნით დააარსა საეტაპო მუნიქტი. აქვე, მოხალისეთა არმიამ გაემუქებულ ოფიცრებს პირდებოდნენ, რომ მზრუნველობას ამ მოაკლებდნენ ბათუმში საცხოვრებლად დარჩენილ მათი ოჯახის წევრებს (ГАПФ, ფ. 446, ოპ. 2, დ. 40, ზ. 11).

⁶⁹ აცსა, ფ. 67, ან. 1, ს. 15, ფურც. 259.

ბიწერახოვის მეთაურობით.⁷⁰

ბათუმიდან გამგზავრებამდე კახაეებმა მათთვის დამახასიათებელი უმსგავსო საქციელით გაითქვეს სახელი. ისინი დღისით-მისით შეურაცხყოფდნენ და ძარცვა-აედნენ ხალხს ბახარსა თუ ქუჩებში. პოლიცია კი უმოქმედობას იჩენდა, რადგან ნაბრძანები ჰქონდა - ხელი არ ეხლოთ კახაეებისათვის.

მისლოვის მფარველობით გათავხედებული ბიწერახოვის რაზმელები ამ მხარის ცნობილ პირებსაც არ ინდობდნენ. 28 მარტს სამმა კახაკმა ფიზიკურად შეურაცხყო ბათუმის სათათბიროს დეპუტატი ხ. ლორთქიფანიძე, ხოლო შემდეგ იარაღით გამოუდგნენ და ცეცხლი დაუწინეს მის სახლს.⁷¹

გარდა ბათუმისა, დენიკინს სარეგისტრაციო პუნქტი ჰქონდა თბილისშიც, რომელიც არალეგალურად არსებობდა ინგლისის სარდლობის შტაბთან. მას ხელმძღვანელობდა გენერალი შატილოვი. ის ახდენდა თბილისში მყოფი თეთრგვარდიელი ოფიცრების რეგისტრაციას და ბათუმის გაელით დენიკინთან გაგზავნას. 1919 წ. ივნისამდე მან რეგისტრაციაში გაატარა ათასამდე კაცი.⁷²

1919 წ. დამდეგს თეთრგვარდიელებთან ბრძოლაში წითელმა არმიამ მნიშვნელოვან წარმატებებს მიაღწია. აპრილში დაიკავა ოდესა და ჩრდილოეთ შავიზღვისპირეთის სხვა ქალაქები. ინგლისელებმა ფართოდ გაუღეს ბათუმის კარები რუსეთიდან დეენილ თეთრგვარდიელებს ქალაქი რუსი სამხედროებით გაიესო. ამის თაობაზე 1919 წ. 26 მაისს დენიკინს ატყობინებდნენ: „უკანასკნელ დროს ბათუმში თავი მოიყარა უამრავმა ოფიცერმა, რომლებიც ჩამოვიდნენ ოდესიდან და ყირიმიდან. მათი უმრავლესობა არ იმყოფება სამხედრო სამსახურში, ეწევა სპეკულაციას, ლოთობს და თამაშობს ბანქოს.“⁷³

გადაწყდა აღნიშნული სამხედრო ძალის ხელახალი მობილიზაცია და მათი მოხალისეთა არმიაში გაგზავნა. ამ მიზნით ბათუმის ოლქის ინგლისელმა გუბერნატორმა კუკ-კოლისმა 1919 წ. 12 ივლისს სპეციალური ბრძანებაც კი გამოსცა.⁷⁴

დენიკინის შტაბში გადაწყდა, რომ მოხალისეთა არმიაში მიეზიდათ კავკასიელებიც. ამ მიზნით 1919 წ. მაისში ბათუმში მიაველინეს წარმოშობით ქართველი გენერალი ნათიევი (ნათიშვილი). მან აქ გახსნა სპეციალური ბიურო, რომელიც აწარმოებდა მოხალისეთა არმიაში ამიერკავკასიელთა ჩაწერას. ამის თაობაზე გაზ. „ერთობა“ წერდა: „ამ ბოლო დროს დენიკინელები მთლად გათავხედდნენ - ჩოლოქზე ააფრიალეს „ნიკოლოზის“ სამფეროვანი დროშა და დენიკინის წარმოგზავნილმა გენერალმა ნათიევმა გამოაცხადა, რომ ის ადგენს ამიერკავკასიის ე.წ. „ტუსემნი კორპუსს“. მოუწოდებს მცხოვრებლებს, რომ ჩაეწერონ. ნათიშვილის მოწოდება მთლად უშედეგო არ რჩება. მის კორპუსში ეწერებიან უმთავრესად სომხობა, არიან თითო-ორილა ქართველებიც, რომლებიც ვერ შეგუებიან ჩვენს წყობილებას. ჯერ-ჯერობით ჩაწერილია 300-მდე კაცი, აქედან უმრავლესობა სომხები, შემდეგ რუსები და ბოლოს (ოციოდე) ქართველი.“⁷⁵

⁷⁰ აღუთავა. საქართველოს მენშევიკური მთავრობა და დენიკინელები, - „მაცნე“ (ისტორიის სერია), №5, 1969, გვ. 26.

⁷¹ აცსა, ფ. 7, ან. 1, ს. 752, ფურც. 6.

⁷² ГАПФ, ფ. 446, ონ. 2, დ. 35, თ. 76 * ფ. 440, ონ. 1, დ. 17, თ. 25.

⁷³ აქვე, ფ. 446, ონ. 2, დ. 34, თ. 5.

⁷⁴ აცსა, ფ. 67, ან. 1, ს. 5, ფურც. 115.

⁷⁵ „ერთობა“, 21 ივნისი, 1919, №135.

ქართული ბრძნის მიხედვით, ნათიევის კორპუსში ჩაეწერნენ: ბოლოკონიკი ძმები ეროსთავები (იბერეთიდან), ოფიცრები: დადიანი, ახვლედიანი და „გურიაში კარგად ცნობილი ბორუჩიკი დიმიტრი მგელაძე“ (უკორპობოში, დენიკინი და აჭარის გარეშე შექმნილი ბრობლები (წერალი ბირველი). - „ჟიროზი“, №2, 1996, გვ. 161).

ამიერკავკასიის „ტუსემნი კორპუსის“ შექმნის წინადადება მოხალისეთა არმიის შტაბში, ჯერ კიდევ აპრილში, დააყენა თვითონ გენერალმა ნათიევმა. ამ დროისათვის თეთრგვარდიელებმა ბოლშევიკებისაგან გაწმინდეს ჩრდილოეთ კავკასია და იქაურ ხალხებში დაიწყეს „ტუსემნი“ სამხედრო ნაწილების ფორმირება. ნათიევის აზრით, დენიკინის დროშის ქვეშ გასაერთიანებლად, აგრეთვე, მსადა იყვნენ საქართველოს ოფიცრობა და სხვა ამიერკავკასიელები. ამიტომ აუცილებელი იყო მათგანაც შექმნათ „ტუსემნი“ კორპუსი. მის ჩამოსაყალიბებლად, გადაჯინებული გენერლის აზრით, ყველაზე სასურველი პირობები იმ დროისათვის იყო აჭარაში, ლაზისტანსა და აფხაზეთში, სადაც აშკარად განაცხადეს, რომ ისინი არ არიან თანახმა საქართველოს მთავრობის მიმართულებითა.⁷⁶

სხვათა შორის, დენიკინელები ნათიევის „კორპუსით“ აპირებდნენ თბილისში შეტრას და მთავრობის დამხობას. დენიკინელთა ბათუმური გაზეთი „ნაშ კრაი“ თვებობდა იმ დროზე, როდესაც ეს „კორპუსი“ ერთი დღის მარშით ესტუმრებოდა თბილისს, ერევნის მოედანზე დადგამდა გილიოტიანსა და საქართველოს მთავრობის წევრების თავებს, ხიშტვე აგებულს, დენიკინს მიაართმევდა.⁷⁷

აღნიშნული აქციის განხორციელებას დენიკინელები მხოლოდ ინგლისელების თანხმობისა და ხელშეწყობის შემთხვევაში შეძლებდნენ. 1919 წ. ზაფხულის დამდეგს ინგლისელებს განზრახული ჰქონდათ დენიკინის ძალებით დაემხით საქართველოს მთავრობა და შეექმნათ უფრო მორჩილი და მარონეტული „ქალაქ თბილისის განსაკუთრებული მმართველობა“, რომელსაც სათავეში ჩაუდგებოდა ინგლისელი სამხედრო პირი ან ინგლისის აგენტი. აღნიშნული ჩანაფიქრის განხორციელებისათვის საჭირო იყო საბაბი. ამ მიზნით ინგლისელები თბილისში გეგმაედნენ თეთრგვარდიელებისა და სხვა ანტიქართული ელემენტების გამოსვლას, რაც გახდებოდა საბაბი იმისათვის, რომ „წესრიგის დამყარების“ მომიხეშებით „ინგლისელები ჩაერევინან ამ საქმეში და შექმნიან თბილისის საგანგებო მმართველობას“.⁷⁸ ამ მიზნით „თბილისში ყოველდღე ჩამოდინან ინგლისურ ფორმაში გადაცემული კაზაკები“.⁷⁹ - ნათქვამი იყო საქართველოს შინაგან საქმეთა მინისტრისათვის წარდგენილ დოკუმენტში.

გენერალ ნათიევის საქმიანობა დიდხანს არ გაგრძელებულა. 1919 წ. 28 ივნისს, საღამოს, ბათუმის ბულვარში მოსყირნე ნათიევი და მისი ადიუტანტი ფილიპოვი სიცოცხლეს გამოასალმეს.⁸⁰ ამის შემდეგ ბათუმელი შავრაზმელები უფრო გააქტიურდნენ. განსაკუთრებით გამოირჩეოდა გაზეთი „ნაშ კრაი“, რომელიც არწმუნებდა საოკუპაციო ხელისუფლებას, რომ ნათიევის მკვლელობა და თანაც ინგლისისადმი დაქვემდებარებულ ტერიტორიაზე, ინგლისის ავტორიტეტის შელახვა იყო და დამოუკიდებელი საქართველოს წინააღმდეგ საბრძოლველად მოუწოდებდა.

ინგლისის საოკუპაციო ხელისუფლება იძულებული გახდა საქართველოს მთავრობის დამხობის გეგმაზე ამჯერად ხელი აეღო. მით უმეტეს, რომ ამ შეთქმულების მსადების შესახებ უკვე ცნობილი გახდა როგორც მთავრობისათვის, ისე ხალხისათვისაც. ამას მოჰყვა საქართველოს მთავრობის მძაფრი პროტესტები აღნიშნულ საკითხზე. ინგლისელებს კარგად ესმოდათ, რომ საქართველოს მთავრობასთან ურთიერთობის გამწვავება შეარყევდა ამიერკავკასიაში მათ პოზიციებს, რისთვის-

⁷⁶ ამსფი. 4, ს. 47.

⁷⁷ „ერთობა“, 5 ივლისი, 1919 წ., №147.

⁷⁸ სცსსა, ფ. 2344, ან. 1, ს. 184, ფურც. 97.

⁷⁹ იქვე, ფურც. 98.

⁸⁰ „ერთობა“, 3 ივლისი, 1919 წ., №145.

საც უკვე თავგამოდებით სრუნავენდენ მოკაეშირე აშშ, საფრანგეთი და იტალია ამიტომაც შექმნილ ვითარებაში ინგლისელებმა უკან დახევა ამჯობინეს და, ქართული საზოგადოებრივი აზრის შეცდომაში შესაყვანად, ბათუმში დენიკინელთა პრივილეგიები ფორმალურად შეზღუდეს. „კობულეთში მოხსნეს მოხალისეთა ჯარის დროშა და აღმართეს ინგლისური, - ატყობინებდნენ გაზ. „ერთობას“ ბათუმიდან, - 6 ივლისს ნოეფროსიაში გაიგზავნა გენ. ნათიევის მიერ შედგენილი 250-კაციანი რაზმი. ნათიევის შტაბის წინ გამორეულია ცნობა, რომ რაზმში ჩაწერა შეწყვეტულია. ამ შტაბის უფროსი დიბენკო ეკატერინოღარში გაემგზავრა.“⁸¹ მიუხედავად ამისა, დენიკინელთა პარპიში ბათუმის ოლქში, ფაქტობრივად, არ შეწყვეტილა, მაგრამ ამაზე ინგლისელები თვალს ხუჭავენო - ბათუმიდან იტყობინებოდა ჰაიდარ აბაშიძე.⁸²

ბათუმის ოლქში დენიკინის გაელენის განმტკიცებისათვის მასლოვის ე.წ. „მთავრობამაც“ ბევრი გააკეთა.⁸³ მასლოვთან თავს იყრიდნენ მონარქისტი ოფიცრები და მსჯელობდნენ ამ რევიონის დენიკინისათვის გადაცემაზე. ამ წინადადებით მოხალისეთა არმიის შტაბში არაერთხელ გაიგზავნა წარმომადგენელი, ჩაივდა თვით მასლოვიც, მაგრამ სამხედრო და პოლიტიკური მოსაზრებების გამო, დენიკინი ხელსაყრელად არ მიიჩნევდა ბათუმში მოხალისეთა ჯარის გადმოსროლას.⁸⁴

მასლოვის „მთავრობა“ სრუნავდა სამხედრო საჭურვლით და ცოცხალი ძალით „მოხალისეთა არმიის“ მომარაგებისათვის თვით მასლოვის ცნობით, „საბჭომ“ ბათუმის ოლქში შეკრიბა და ნოეფროსიისკენ გაგზავნა 2 ათასამდე საველე ტელეფონი, რამდენიმე ათასი შაშხანა, 600 ათასამდე ვაზნა, უნაგირები, სამხედრო ფორმები და სხვა ქონება რეგულარულად აწვდიდნენ ნავთს, ბენზინს, მანქანის ზეთს, ჩაის და სხვ. ინგლისელები, - იგონებს მასლოვი, - საქმიან დახმარებას გვიწვედნენ სამხედრო საქონლის მოძიებას და მოხალისეთა არმიისათვის მიწოდებაში. გვეხმარებოდნენ, აგრეთვე, იქ ოფიცრების გაგზავნის საქმეშიც.“⁸⁵

მასლოვის „მთავრობის“ დათხოვნის შემდეგაც, დენიკინელთა გაელენა ბათუმის ოლქში შენარჩუნებული იქნა ინგლისის ოკუპაციის მთელ პერიოდში.

დენიკინის წარმომადგენლები და აგენტები ყურადღებით სწავლობდნენ ბათუმის ოლქში მიმდინარე ყველა მოვლენას და მთავარსარდლის შტაბს დაწერილებით ინფორმაციას აწვდიდნენ. ამასთან, ისინი გეგმავდნენ ღონისძიებებს, რასაც უნდა განმტკიცებინა დენიკინის პოზიციები ოლქში. ამ მხრივ აღსანიშნავია დენიკინის ახალი ოფიციალური წარმომადგენლის - გენერალ ბ. რომანოვსკი-რომანკოს⁸⁶ მიერ 1919 წ. 31 მაისს წამოყენებული წინადადებები გენერალის აზრით, ბათუმში დენიკინის გაელენის განმტკიცებისათვის აუცილებელი იყო: „1. მოხალისეთა არმიის ბათუმთან საქონელმარუნვის ორგანიზება; 2. გეგმით მიმოსვლის, საფოსტო და სატელეგრაფო კაშვირის მოგვარება; 4. ჩრდილოეთ კავკასიასა და ბათუმს შორის საბანკო ოპერაციების დამყარება; 5. ერთიანი ვალუტის შემოღება, რაც უეჭველად ჩაკლავს ქართულ ბონებს; 6. ყოველმხრივ დაუჭიროთ მხარი აქ რუსულ გაზეთ „ნაშ კრაის“, არ დაეიშუროთ ფული; მიეცეთ მას შესაძლებლობა გამოვიდეს ორ, სამ ენაზეც კი - რუსულად, თურქულად და ქართულად; მინიმუმამდე გაეაიფოთ მისი გაყიდვა და მიეცეთ სახსრები ილუსტრირებულ და მატეების გამოცემისათვის, თუნდაც კვირაში

⁸¹ „ერთობა“, 11 ივლისი, 1919 წ., №152.
⁸² „ერთობა“, 12 ოქტომბერი, 1919 წ., №232.
⁸³ მსითრიძე, ბათუმი და სამხრეთ რუსეთის კონტრრევოლუცია (დენიკინი, ვრანგელი). - „სამხრეთ-დასავლეთ საქართველოს ისტორიის საკითხები“, I, თბ., 1988, გვ. 57-61.
⁸⁴ აცსა, ფ. 67, ან. I, ს. 15, ფურც. 258.
⁸⁵ იქვე, ფურც. 248.
⁸⁶ ბრომანოვსკი-რომანკო 1917 წ. თებერვლის რევოლუციამდე იყო ბათუმის ოლქის გენერალ-გუბერნატორი.

ერთხელა⁸⁷.

შემდეგ აღნიშნულია, რომ აუცილებელი იყო „ენერგიული ბრძოლა ქართულ პროპაგანდასთან, რომელიც ბათუმის ოლქში რუსული საქმისათვის ბევრად უფრო საშიში იყო, ვიდრე თურქული გავლენა“. ამისათვის გენ. რომანოვსკის აუცილებლად მიიჩნეოდა რუსეთის უძლეველობის რწმენის აღდგენა ქართველ მუსლიმანებში. ამ მიზნით კი საჭიროდ თვლიდა „ძლიერ მხარდაჭერას ადგილობრივ მოსახლეობაში გავლენიანი პირებისათვის“, მათ მიღებას მოხალისეთა არმიაში, „აგრეთვე მატერიალურ მხარდაჭერას გავლენიანი მამადიანი სასულიერო პირებისადმი“.

ბათუმის ოლქში რუსეთის გავლენის გარანტად გენერალი რომანოვსკი დენიკინს თავაზობდა „აქ კარგად შეიარაღებული და მომარაგებული 3-4 ბატალიონის განლაგებას“, დათხოვნილი მმართველი საბჭოს (კ.მ.ს.ს.ო) სანაკვეციო, მმართველობაში ისევე რუსული ელემენტის დაშვებას ამასთან, იმ თანამდებობის ინგლისელთა კავკასიიდან გაწვევას, „რომლებიც არ შეესაბამებიან რუსეთის ინტერესებს“⁸⁸. ბოლო, მე-14 მიხედში კი გენ. რომანოვსკი წერდა: „აუცილებელია ჩემს განკარგულებაში გამოვიყოფი ფულადი სახსრები არანაკლებ 100-150 ათასი რუბლისა, აქ პოლიტიკური მუშაობის წარმატებით გაშლისათვის“⁸⁹.

აღნიშნულ მოხსენებით ბარათზე გაკეთებული მინაწერიდან ჩანს, რომ დენიკინი მოწონებით შეხედვდა ამ წინადადებებს.

გენ. რომანოვსკი-რომანკოს მოსაზრებების გარკვეული ნაწილი განხორციელდა მოხალისეთა არმიასა და ამიერკავკასიას შორის საქონელბრუნვის მოწესრიგებისათვის დენიკინის განკარგულებით ბათუმში დაარსდა „შემსყიდველი ბიურო“⁸⁸. მისი წარმომადგენლები ხშირად ჩანდნენ თბილისში, ვრეჟანსა და ამიერკავკასიის სხვა ქალაქებში. მნიშვნელოვანი სახსრები გამოიყოფოდა „ნაშ კრის“ რედაქციას⁸⁹. საოკუპაციო ხელისუფლების 1919 წ. 24 სექტემბრის დადგენილებით, ბათუმის ოლქში მიმოქცევაში შემოიტანეს დენიკინის მთავრობის ფული⁹⁰.

ოლქის მოსახლეობა გულისწყრომით ხედებოდა ამგვარ პროვოკაციებს. მაგალითად, 1919 წ. 11 ივლისს ქობულეთში გაიმართა ქართველ მამადიანთა ყრილობა, რომელსაც აედრის მიუხედავად ბევრი ხალხი დასწრებია. ყრილობა გახსნა რეჟებ ნიჟარაძემ და აღნიშნა „...დენიკინის შავი ძალები ქ. ბათუმსა და ქობულეთის რაიონში არიან მოკალათებულნი. ეს რეაქციონერები ამბობენ, ჩვენ იმიტომ ვართ აქ მოსული, რომ ბოლშევიკებს შევებრძოლოთ და ანარქია ჩავაქროთო, მაგრამ ნამდვილად კი ჩვენი დასჯობა, განადგურება სურთ... ჩვენი ძმური ხელი უნდა გაეუწოდოს ქართველ ერს და საერთო ძალით შევებრძოლოთ საერთო მტერს“⁹¹.

შექმნილი ვითარებით შემოფოთებულმა საგარეო საქმეთა მინისტრმა ვ. გეგეჭკორმა ამიერკავკასიაში დიდი ბრიტანეთის უმაღლეს კომისარს ო. უორდროპს 1919 წ. 8 ოქტომბერს გადასცა საპროტესტო ნოტა, რომელშიც ნათქვამი იყო: „ქ. ბათუმში და ბათუმის ოლქი უკანასკნელ ხანს გადაიქცა მოხალისეთა ჯარის აგენტების ფართუ ასპარეზად, რომლებიც ბათუმის ოლქის ინგლისელთა ადმინისტრაციის თანამდებობის პირთა სახელით სარგებლობენ, დაუსჯელად აკეთებენ თავის საქმეს და ეწევიან გაძლიერებულ პროპაგანდას თავისი პოლიტიკური მიზნების მისაღწევად“⁹².

⁸⁷ ГАРФ, ф. 446, წ. 2, ბ. 40, 46-47.

⁸⁸ სცხსა, ფ. 1864, ან. 1, ს. 57, ფურც. 7.

⁸⁹ „ერთობა“, 16 ივლისი, 1919 წ., №156.

⁹⁰ აცსა, ფ. 67, ან. 1, ს. 5, ფურც. 157.

⁹¹ ამსფ-ფ. 4, ს. 87, ფურც. 66-69.

⁹² „ერთობა“, 10 ოქტომბერი, 1919 წ., №230.

1920 წ. აპრილის დასაწყისში ადენიკინი, რომელმაც ვერ გაამართლა ანტანტის იმედები, გენერალ ჰ. ვრანგელით შეცვალეს. მან მობილიზაცია უყო განადგურების პირას მისულ დენიკინის ჯარის ნარჩენებს და განაახლა საბჭოთა ხელისუფლების წინააღმდეგ ბრძოლა.

ინგლისელები ვრანგელსაც ისევე ეხმარებოდნენ, როგორც მის წინამორბედს. ამაში კვლავ მნიშვნელოვანი იყო ბათუმის როლი. დენიკინის არმიის დამარცხების შემდეგ ამიერკავკასიას, განსაკუთრებით, ბათუმს, თავი შემოაფარა განადგურებას გადარწმინლმა ასობით თეთრგვარდიელმა. ამიტომ ვრანგელმა ინგლისის საოკუპაციო ხელისუფლებასთან ბათუმში დანიშნა თავისი მუდმივი და სრულუფლებიანი წარმომადგენელი გენერალი დრაცენკო.⁹³ ასეთივე წარმომადგენელი მას ჰყავდა თბილისშიც. ისინი შეუდგნენ აქ მყოფი თეთრგვარდიელების თავმოყრასა და ვრანგელის არმიაში გაგზავნას. საქართველოში რსფსრ სამხედრო ატაშის 1920 წ. 28 მაისის ცნობით, „...უკანასკნელი 3 კვირის განმავლობაში ყირიმში, ოთხი გემით გაიტანა 10 ათასზე მეტი ყოფილი მოხალისეთა ძალით ოფიცერი“.⁹⁴

ბათუმიდან ვრანგელის არმიის ცოცხალი ძალით შექცება ინტენსიური იყო იენისის თეშიც. მოხალისეები ყირიმში გადაჰყავდათ როგორც ანტანტის ქვეყნების ხომალდებით, ისე რუსეთის გემების: „ვოსროფდენიე“, „დონეცი“, „კიევი“, „მარგარიტა“, „უარკი“ და სხვათა მეშვეობით.

1920 წ. იენისის დამლევს დიდი ბრიტანეთის მთავრობამ გადაწყვიტა ბათუმიდან ჯარების ევაკუაცია და მისი საქართველოსთვის დაბრუნება. ევაკუაციის წინა დღეებში ინგლისელებმა ვრანგელს გადასცეს ბათუმის საწყობებში არსებული სამხედრო საჭურველის დიდი ნაწილი და ავტომანქანები. ევაკუაციის წინ ინგლისელებმა ბათუმის ფორტებში ააფეთქეს ყველა ქვეყნი... სამხედრო საჭურველი საწყობებიდან მთლიანად გაიტანეს ყირიმში, ამუნიციის უკანასკნელი ნარჩენები იქ გაგზავნეს 6 და 7 იელისს* - იუწყებოდა ბათუმიდან გამოგზავნილი ერთი დოკუმენტი. ყირიმში გაამგზავრეს 2 ათასზე მეტი თეთრგვარდიელი ოფიცერი და კაზაკი, რომლებიც მანამ ინგლისელთა დაქვემდებარებაში იმყოფებოდნენ და სასაზღვრო სამსახურს ეწეოდნენ.⁹⁵ ბათუმი დატოვა და ყირიმს მიაშურა ვრანგელის წარმომადგენლობამ და 1500-მდე რუსმა ლტოლვიელმაც. აღსანიშნავია, რომ ვრანგელის არმიის რიგების შესუსლებად ანტანტის სახელმწიფოებმა გამოაცხადეს კონსტანტინოპოლში თავიშეფარებულნი თეთრგვარდიელი ოფიცრების მობილიზაცია.⁹⁶

ბათუმი იყო, აგრეთვე, ვრანგელის არმიის სამხედრო დანიშნულების მასალებით მომარაგების ერთ-ერთი პუნქტი. ამ საქმის უკეთ ორგანიზებისათვის, ამიერკავკასიასთან და აღმოსავლეთის ქვეყნებთან მოწესრიგებული სავაჭრო ურთიერთობის დამყარებისათვის, 1920 წლის მაისში ვრანგელის არმიის წარმომადგენელთან დაინიშნა სპეციალური მოხელე, რომელიც იწოდებოდა „ბათუმში მთავარსარდლის წარმომადგენლის თანაშემწედ სავაჭრო-სამრეწველო და ფინანსურ საკითხებში“. მას ჰქონდა თავისი კანცელარია, რომელიც 19 კაცისაგან შედგებოდა. „მთავარსარდლის წარმომადგენლის თანაშემწეს“ გადაეცა ბათუმში დენიკინის ყოფილი დაწესებულებე-

⁹³ სცსსა, ფ. 1874, ან. 1, ს. 2, ფურც. 23.

⁹⁴ იქვე, ს. 1, ფურც. 11. იგივე პირის მიერ შედგენილი სხვა ცნობით, 1920 წ. 1 მაისიდან - 7 იელისამდე, ე.ი. ანტანტის ჯარების ევაკუაციამდე, ბათუმიდან ყირიმში სულ გაიგზავნა 30 ათასზე მეტი ჯარისკაცი და ოფიცერი (იქვე, ფურც. 86). საქართველოში შემოიზიზნული დენიკინის არმიის ნარჩენები ყირიმში გადაიყვანეს ფოთიდანაც, სადაც საქართველოს სამხედრო სამინისტროს მათთვის მოწყობილი ჰქონდათ სპეციალური ბანაკი (სცსსა, ფ. 2037, ან. 1, ს. 68, ფურც. 2).

⁹⁵ სცსსა, ფ. 1874, ან. 1, ს. 2, ფურც. 49.

⁹⁶ იქვე.

ბის განკარგულებაში არსებული. ფულადი სახსრები და სხვა მატერიალური ფასეულობანი.⁹⁷

ვრანგელის არმიისათვის ბათუმიდან გასატანი ერთ-ერთი უმთავრესი პროდუქტი იყო ნავთობი. ამის თაობაზე ი. სტალინი 1920 წ. 25 ივნისს გ. ლენინს სწერდა: „სათბობს (თხევადს) ვრანგელი იღებს ბათუმიდან (მაშასადამე, ბაქო სათბობს არ უნდა აძლეოდეს თბილისს, რომელსაც შეუძლია იგი ბათუმს მიაციდოს)“.⁹⁸ აზერბაიჯანში საბჭოთა ხელისუფლების დამყარების შემდეგ ბათუმის ნავთობპროდუქტებით მომარაგება მართლაც შეწყდა, რის გამოც მისმა ფასებმა ბათუმის ბაზარზე მნიშვნელოვნად აიწია.⁹⁹ ამის მიუხედავად, გამოსავალი მინც მოინახა ინგლისელებმა ვრანგელის მომარაგება ბათუმის ნავთობის რესერვუარებში არსებული მარაგიდან დაიწყეს. იელისის პირველ რიცხვებში, მარტო ერთ დღეს, ბათუმიდან სევესტოპოლში გაგზავნეს 500 ფუთი ბენზინი, 500 ფუთი მანქანის სეთი, 3.200 ფუთზე მეტი ნავთი და მასუთი.¹⁰⁰

ცალკე უნდა გამოიყოს ვრანგელის ურთიერთობა საქართველოს დემოკრატიული რესპუბლიკის მთავრობასთან.

ცნობილია, რომ რუსეთის იმპერიის აღდგენისათვის მეზობლად დენიკინთან საქართველოს მთავრობა მწვავე კონფლიქტურ დამოკიდებულებაში იყო და პერიოდულად ებრძოდა კიდევ მას ვრანგელმა გაითვალისწინა თავისი წინამორბედის შეცდომები, აგრეთვე ისიც, რომ მისი არმია სიძლიერით და რიცხოვნობით მნიშვნელოვნად ჩამორჩებოდა დენიკინის შეიარაღებულ ძალებს ამიტომ მან დღის წესრიგიდან მოხსნა ლოზუნგი: „ბრძოლა ერთიანი და განუყოფელი რუსეთისათვის“. ამასთან, ვრანგელი ესწრაფვოდა ურთიერთობის ნორმალისებას ყოფილ რუსეთის იმპერიაში შემავალ, უკვე დამოუკიდებლობადაღდგენილ სახელმწიფოებთან, მათ შორის საქართველოს რესპუბლიკასთანაც.

შესაბამისად, შეიცვალა საქართველოს დამოკიდებულებაც სამხრეთ რუსეთის მთავრობისადმი. ეს საგრძნობი გახდა მას შემდეგ, რაც 1920 წ. აპრილ-მაისში აზერბაიჯანში დამყარდა საბჭოთა ხელისუფლება და მე-11 წითელმა არმიამ საქართველოს საზღვრებთანაც მოსინჯა საკუთარი ძალა, თუმცა იმჯერად უშედეგოდ. საქართველოს მთავრობამ აშკარად იგრძნო მოახლოებული საფრთხე.

მართალია, 1920 წ. 7 მაისის ხელშეკრულებით რუსეთის საბჭოთა მთავრობამ „დე იურედ“ ცნო საქართველოს დამოუკიდებლობა, მაგრამ ეჭვს არ იწვევდა, რომ იგი ვერ იქნებოდა ხელშეუხებლობის მტკიცე გარანტი. საბჭოთა საარქივო მასალები ცალმხრივად და გაზვიადებულად წარმოგიდგენენ საქართველოს რესპუბლიკის გწ. „ანტისაბჭოთა ბლოკს“ ვრანგელთან ეს მისახვედრიცაა, რადგან კრემლში სჭირდებოდათ „სისტემატიურად შეკრება“ იმ ფაქტებისა, რომლებიც საქართველოს დაადანაშაულებდა. 1920 წ. 7 მაისის ხელშეკრულების დარღვევაში“. აღნიშნული დოკუმენტები შეადგინეს თბილისსა და ბათუმში რსფსრ დიპლომატიურმა წარმომადგენლებმა. მათში ხაზგასმულია, რომ საქართველოსთან დაბრუნების შემდეგაც ბათუმი კვლავ იყო ვრანგელის არმიის ნავთობპროდუქტებით მომარაგებისა და ცოცხალი

⁹⁷ ГАРФ, ф. 356, оп. 1, д. 44, л. 30-31.

⁹⁸ ი. სტალინი, ომზ., ტ. 4, გვ. 365.

⁹⁹ ГАРФ, ф. 356, оп. 1, д. 55, л. 1.

¹⁰⁰ იქვე, д. 70, л. 31.

ძალით შეესების პუნქტი და ა.შ.¹⁰¹ ეს ფაქტები მომავალში უნდა გამხდარიყო (და გახდა კიდევ) ერთ-ერთი მთავარი მოტივი საბჭოთა რუსეთის საქართველოში შემოჭრისა და მისი ოკუპაციისათვის.

საბჭოთა რუსეთის მესვეურებს აღეღებდათ ის გარემოებაც, რომ საქართველოს ხელისუფლება ბათუმის ოლქის დაბრუნებისთანავე შეუდგა აქ თავშეფარებული, მისთვის არასასურველი ელემენტების გასახლებას.¹⁰² გარდა ამისა, ბათუმს საკუთარი ნებით ტოვებდნენ ის პირები, ვისაც ეს რეგიონი მიაჩნდა რუსეთის კუთვნილებად და ამდენად, ვერ ვგუებოდა მასზე საქართველოს იურისდიქციის გაერცვლებას. ბოლშევიკები კი (ვდილობდნენ ლტოლვილთა შეჩერებას, რათა ბათუმში და, საერთოდ, საქართველოში არ დაესუსტებინათ ერთიანი რუსეთის (ამჯერად საბჭოთა ფორმით) აღდგენისათვის მხარდამჭერი ძალა.

ამრიგად, ზემოაღნიშნულიდან გამომდინარე, სრულიად ბუნებრივი იყო, რომ საქართველოს მთავრობა გარკვეული თანაგრძნობით ეკიდებოდა ბოლშევიკების წინააღმდეგ მებრძოლ ვრანგელს.

§3. „ბათუმის საკითხის“ ინტერნაციონალიზაცია 1919-1920 წწ.

1917 წ. ოქტომბრის გადატრიალების შემდეგ ანტანტის ხელმძღვანელობის წინაშე დაისვა ამოცანა, დაემხთ ბოლშევიზმი, რუსეთში აღდგინათ ბურჟუაზიული რესპუბლიკა და უზრუნველყოთ მისი კელაე მსოფლიო ომში მონაწილეობა ამიტომაც, 1917 წ. 23 დეკემბერს ინგლისმა და საფრანგეთმა ხელი მოაწერეს შეთანხმებას რუსეთში გაელენის სფეროების განაწილების შესახებ. კავკასია ინგლისის გაელენის სფეროში მოექცა.

ამ შეთანხმების განხორციელება ინგლისელებმა შეძლეს 1918 წ. დეკემბრის დამლევს, მას შემდეგ, რაც მსოფლიო ომში დამარცხებული ოსმალეთი მუდროსის ზავით (30.X.1918 წ.) აიძულეს ჯარები გაეყვანა ბათუმიდან და ამიერკავკასიის სხვა ოკუპირებული რაიონებიდან.

ინგლისელთა თავდაპირველი განცხადებით, კავკასიაში მოსვლის მიზანი იყო ძველი რუსეთის აღდგენისათვის ხელის შეწყობა და მისთვის ამ მხარის შენარჩუნება მას შემდეგ, რაც ბოლშევიზმმა წარმატებები მოიპოვა რუსეთის თეთრგვარდიელთა წინააღმდეგ ბრძოლაში, ანტანტის პოლიტიკოსებმა გეზი შეცვალეს და მიზანშეწონილად მიიჩნიეს ყოფილ რუსეთის იმპერიაში შემავალი ქვეყნების დამოუკიდებლობის ცნობა ამ მხრივ მნიშვნელოვანი შემობრუნება მოკავშირეებს შორის დაიწყო პარიზის საზავო კონფერენციის¹⁰³ დასკვნით ეტაპზე. 1920 წლის 10 იანვარს გადაწყდა „დე ფაქტო“ ეცნოთ ამიერკავკასიის რესპუბლიკები და მათი მთავრობები.

¹⁰¹ იხ. სკსა, ფ. 1872, ან. 1, ს. 12, ფურც. 3; ს. 15, ფურც. 21; ფ. 1874, ან. 1, ს. 1, ფურც. 4, 67, 158, 168; ფ. 2030, ან. 1, ს. 2, ფურც. 37, იხ. აგრეთვე, Борьба за победу Советской власти в Аджарии. Документы и материалы (1917-1921 гг.), Бат., 1961, док. 206, 210, 215, 219, сс. 304, 312-313, 316-317, 321 და სხვ.

¹⁰² Борьба за победу Советской власти в Аджарии... док. 206, 210, сс. 304-305, 312-313.

¹⁰³ პარიზის საზავო კონფერენცია მოიწვიეს I მსოფლიო ომში დამარცხებული გერმანიის ბლოკის სახელმწიფოებთან საზავო ხელშეკრულებების შესამუშავებლად. მის მუშაობაში მონაწილეობდა 32 ქვეყანა. კონფერენციის მოწვევის ინიციატორები იყვნენ ომში გამარჯვებული ანტანტის მთავარი სახელმწიფოები (აშშ, დიდი ბრიტანეთი, საფრანგეთი, იტალია და იაპონია). კონფერენცია მიმდინარეობდა შესვენებებით, 1919 წ. 18 იანვრიდან - 1920 წ. 21 იანვრამდე.

საქართველოს დემოკრატიული რესპუბლიკის „დე ფაქტოდ“ ცნობას, როგორც წესი, უნდა მოჰყოლოდა ანტანტის ქვეყნებთან ურთიერთობის გაუმჯობესება. მოხდა პირიქით – იგი დაიძაბა და ამის ერთ-ერთი მთავარი მიზეზი იყო ბათუმის საკითხის მოუგვარებლობა.

საქართველოს მთავრობამ იმთავითვე მოსთხოვა ინგლისელებს ბათუმის ოლქის დაბრუნება. ეს საკითხი პარიზის კონფერენციასაც დასვა, მაგრამ 1919 წელს მოკავშირეები, როგორც უკვე აღვნიშნეთ, „ერთიანი და განუყოფელი რუსეთის“ ადლგენას უჭერდნენ მხარს და საქართველოს კანონიერი უფლებები ანგარიშში არ მიიღეს პირიქით, ამ რეგიონში ანტიქართული ძალების (დენიკინელების, სედაიმილებების და სხვ.) საქმიანობაც კი წაახალისეს.

ასეთ ვითარებაში მეზობელი სომხეთის და ასურბაიჯანის რესპუბლიკებმაც „იჩქარეს“ არ დაეკარგათ „თავიანთი წილი“ ბათუმში და ანტანტის წინაშე დააყენეს ყოველად უსაფუძვლო ტერიტორიული მოთხოვნები.

ამას დაემატა „ბათუმის საკითხში“ თვით ანტანტის მთავარ სახელმწიფოებს შორის არსებული დაპირისპირებანი, რაც უპირველესად მიმართული იყო აქ ინგლისელების ერთპიროვნული გავლენის შეზღუდვისა და თავიანთი უფლებების გაფართოებისაკენ.

ანტანტის ქვეყნები, საკუთარი პოზიციების გარკვევასთან ერთად, ცდილობდნენ ანგარიში გაეწიათ ინტერესთა ასეთი დაპირისპირებებისათვის. ამან განაპირობა 1919-1920 წლებში ევროპის დიპლომატიის სცენაზე ბათუმის პრობლემის გაჭიანურებული განხილვა¹⁰⁴ და ბოლოს მისი კელაე თავისუფალ ქალაქ-ნავსადგურად (იგივე პორტო-ფრანკოდ) გამოცხადება.

ეს აზრი მოკავშირეებს შორის პირველად დაისვა იტალიის სამთავრობო წრეებში. 1919 წ. 14 სექტემბერს იტალიის უმაღლესი კომისარი კონსტანტინოპოლში კარლო სფორცა რომს ატყობინებდა: „თუ პარიზის სასაყო კონფერენცია გადაწყვეტს რომ ბათუმის ოლქი საქართველოს გადაეცეს, სასურველი იქნება ბათუმის ნავსადგურზე, საბაჟოსა და რკინიგზაზე დარჩეს მოკავშირეების კონტროლი. აგრეთვე სასურველია შეიქმნას ბათუმის ოლქის სამხედრო მთავრობა ჯარის სათანადო ნაწილებით (სამი ბატალიონი, რამდენიმე ბატარეა და ზურგის შესაბამისი უზრუნველყოფა რადიო-ტელეგრაფის ტრული მომსახურებით). პარიზის სასაყო კონფერენციასზე ამერიკის შეერთებულ შტატებთან წინასწარი შეთანხმებით, ეს მისია ერთა ლიგას უნდა დაევალოს.“¹⁰⁵

ბათუმში პორტო-ფრანკოს შემოღების იდეა მომწიფდა დიდი ბრიტანეთის მთავრობაშიც. საქმე ისაა, რომ მსოფლიო ომში გამარჯვების შემდეგ ანტანტის სახელმწიფოებს შორის გაიწნა დაპირისპირება გავლენის სფეროების საკითხში. ამ წინააღმდეგობათა გამოვლენის ერთ-ერთი მნიშვნელოვანი რეგიონი იყო ამიერკავკასია საერთოდ და, კერძოდ, ბათუმი. ამერიკელი გენერლის ჯორჯ მოსლის აზრით: „ბათუმი უნდა

პარიზის კონფერენციას მოჰყვა ხელშეკრულებების გაფორმება გერმანიასთან (გერსალის საზაყო ხელშეკრულება, 1919 წ. 28 ივნისს), ავსტრიასთან (ვენ-ფერმიენის, 1919 წ. 10 სექტემბერს), ბულგარიასთან (ნეის, 1919 წ. 27 ნოემბერს), უნგრეთთან (ტრიანონის, 1920 წ. 4 ივნისს) და ოსმალეთთან (სევრის, 1920 წ. 10 აგვისტოს). პარიზის კონფერენციასზე 1919 წ. შეიქმნა აგრეთვე, სახელმწიფოთა პოლიტიკური თანამშრომლობის პირველი საერთაშორისო ორგანიზაცია – „ერთა ლიგა“ (არსებობდა 1946 წლამდე). მისი წესდების ძირითადი პრინციპები აისახა ყველა შემოადინებულ ხელშეკრულებაში.

¹⁰⁴ იხ. აბ. სურგულაძე, მ. სიორიძე, პორტო-ფრანკო ბათუმში, ბათ., 1996.

¹⁰⁵ ა. ტაბაღაძე, ბათუმის საკითხი სან-რემოს კონფერენციასზე (1920 წ.). - „პეცენ“ (ისტორიის სერია), №3, 1982, გვ. 89.

გამხდარიყო ამიერკავკასიაში აშშ-ს ბაზა.¹⁰⁶ საფრანგეთის პრემიერმა კლემანსომ კი საჯაროდ განაცხადა უკმაყოფილება იმის გამო, „რომ ბრიტანელები იყენენ ბათუმსა და ბაქოში და ფაქტობრივად მართავენ ქვეყანას“.¹⁰⁷

პარიზის კონფერენციის ბოლო სხდომებზე დიდი ბრიტანეთის დელეგაციას ახალ-ახალი ცნობები მოჰქონდა დენიკინის დამარცხებისა და კავკასიისკენ ბოლშევიკების წინსვლის შესახებ. ასეთ ვითარებაში ბათუმის საკითხმა დროებით უკანა პლანზე გადაიწია. მოკავშირეები უკვე მსჯელობდნენ კავკასიაში დამატებითი ჯარების შემოყვანის აუცილებლობასა და ადგილობრივი სამხედრო ძალების მობილიზაციის შესაძლებლობაზე.¹⁰⁸ შექმნილ სიტუაციაში ინგლისის საგარეო საქმეთა მინისტრმა ჯორჯ კერზონმა შესძლო ფრანგი კოლეგების წინააღმდეგობის დაძლევა და კონფერენციას მიაღებინა გადაწყვეტილება ამიერკავკასიის რესპუბლიკების „დე ფაქტოდ“ ცნობის შესახებ.

პარიზის კონფერენციის დამთავრების შემდეგ ბათუმის საკითხი მწვავედ დაისვა დიდი ბრიტანეთის მთავრობაშიც.¹⁰⁹ სადაც ბათუმიდან ჯარების გაყვანა-არგაყვანის საკითხზე ახრთა მნიშვნელოვან სხვადასხვაობას ჰქონდა ადგილი და იგი განიხილებოდა „რუსეთის საკითხთან“ კონტექსტში.

მთავრობის წევრთა ერთი ნაწილი, პრემიერ-მინისტრ ლიოდ ჯორჯის მეთაურობით, ჯერ კიდევ 1919 წ. ბოლოს დარწმუნდა რუსეთში საბჭოთა ხელისუფლების დამხობის სირთულეში. ამიტომაც, ითვალისწინებდა რა მოსალოდნელ ომისშემდგომ ეკონომიკურ სიძნელეებს, მოითხოვდა ბოლშევიკურ რუსეთთან საუაჭრო ურთიერთობის დამყარებას და ბლოკადაზე უარის თქმას.¹¹⁰ ლიოდ ჯორჯის გეგმა ითვალისწინებდა ბათუმიდან ჯარის ევაკუაციასაც, რის შესახებაც მან ჯერ კიდევ 1919 წ. 18 დეკემბერს განაცხადა თემთა პალატაში.¹¹¹

მთავრობის წევრთა მეორე ჯგუფი, ჯ. კერზონისა და უ. ჩერჩილის მეთაურობით, საბჭოთა რუსეთთან ეკონომიკური ურთიერთობის დამყარებისა და დაკავებული ტერიტორიებიდან ჯარების ევაკუაციის წინააღმდეგი იყო. „კერზონი, - წერს ლიოდ ჯორჯი, - განსაკუთრებით იყო შეპყრობილი საზრუნავით, რომ დაეცვა საქართველო ბოლშევიზმისაგან... და ბოლომდე იბრძოდა, რომ ინგლისის ჯარები დარჩენილიყვნენ საქართველოში“.¹¹²

ასეთ ვითარებაში, 1920 წ. თებერვლის დასაწყისში (მაშინ კერზონი ლონდონში არ იმყოფებოდა), დიდი ბრიტანეთის მთავრობამ გამოაქვეყნა ცნობა ბათუმიდან ჯარების ევაკუაციის შესახებ. მოცემულ შემთხვევაში ეს მოხდა „წმინდა სამხედრო მიზნით“. კერძოდ, ფრანგმა გენერალმა ფრანშე დ'ესპერემ¹¹³ კონსტანტინოპოლიდან გაიყვანა საფრანგეთის სამხედრო ნაწილი, რამაც მნიშვნელოვნად შეასუსტა ამ რაიონში მოკავშირეთა ძალები. ამიტომაც გენერალმა ჯორჯ მიღწმა,¹¹⁴ რომელიც

¹⁰⁶ Куниня А.Е., Провал американских планов завоевания мирового господства, М., 1954, с. 111-112.

¹⁰⁷ Documents on British foreign policy 1919-1939, ser. I (itvlu itvjrk, ds BDFP), v. II, London., 1948, p. 35.

¹⁰⁸ შ. სიორიძე, ბათუმი ანტანტის სახელმწიფოების გეგმებში ბარიზის საზავო კონფერენციის პერიოდში - „სამხრეთ-დასავლეთ საქართველოს ისტორიის საკითხები, II, ბათ., 2007, გვ. 120-122.

¹⁰⁹ იხ. Скоридзе М. Батумский вопрос в английском кабинете в феврале 1920 года. - საქ. მეცნ. აკად. შობაშვი, №2, 1988, გვ. 441-444.

¹¹⁰ Ллойд Джордж, Правда о мирных договорах, т. I, М., 1957, с. 284-286.

¹¹¹ ზ. ავალიშვილი, საქართველოს დამოუკიდებლობა 1918-1921 წლების საერთაშორისო პოლიტიკაში, მოგონებები, თბ., 1929, გვ. 198.

¹¹² Ллойд Джордж, დასახ. ნაშრ., გვ. 282.

¹¹³ ფრანშე დ'ესპერე - ფრანგი გენერალი, აღმოსავლეთში მოკავშირეთა ჯარების მთავარსარდალი.

¹¹⁴ ჯ. მიღწა - ინგლისელი გენერალი, შავი ზღვის აუზში და საქართველოში დიდი ბრიტანეთის ჯარების მთავარსარდალი.

შეაფოთა ქემალისტური არმიის მოსალაოდნელმა შეტევამ, მოითხოვა ბათუმიდან ინგლისური გარნიზონის კონსტანტინოპოლში გადაყვანა.¹¹⁵

ბათუმიდან ჯარების ევაკუაციის წინააღმდეგ გამოვიდნენ კერზონი და მისი მომხრეები. 1920 წ. 9 თებერვალს მან მთავრობაში განსახილველად შეიტანა მემორანდუმი, რომელშიც დაასკენიდა, რომ ევაკუაციის „პოლიტიკური შედეგები იქნებოდა კატასტროფული“, რადგანაც დეფაქტოდ ცნობილი ამიერკავკასიის რესპუბლიკების მიერ იგი აღიქმებოდა, როგორც „ლაღარის აქტი და დანგრეველი იმ შენობას, რომლის აგებას ჩვენ და ისინი ასეთი დიდი ძალისხმევით ეცდილობდით“. კერზონი თვლიდა, რომ მისი წინადადება ბათუმიდან ჯარების ევაკუაციის შეწყვეტის შესახებ ბრიტანეთის მთავრობის კაბინეტში დიდ წინააღმდეგობას წააწყდებოდა (იგი ითვალისწინებდა ბათუმზე მოკავშირეთა პრეტენზიებსაც). ამიტომ კაბინეტის წევრებს შესთავაზა „ბათუმის საკითხის“ გადაწყვეტის განსხვავებული გეგმა „ჩვენ, - წერდა კერზონი, - გვინდა მოახლოებულ სამშვიდობო კონფერენციას¹¹⁶ წამოგაყენოთ ბათუმის თავისუფალ ნავსადგურად გადაქცევის წინადადება მის გარშემო მდებარე ზონაზე კი ერთა ლიგის მანდატი გაეაერცვლოთ. ასეთი გადაწყვეტილება არის იმის ერთადერთი გარანტი, რომ ბათუმი არ გადაიქცევა ბრძოლის არენად არა მარტო კავკასიის სახელმწიფოებს შორის, არამედ უფრო დიდი და უფრო საშიში სახელმწიფოების - თურქეთის, გერმანიისა და რუსეთის ქიშკობის ობიექტად.“¹¹⁷ დასასრულ, კერზონი სთხოვდა მთავრობას, რომ გადაეხინჯათ აღრინდელი გადაწყვეტილება და თავი შეეკავებინათ ბათუმიდან ჯარების ევაკუაციისაგან.

ევაკუაციის საწინააღმდეგო პოზიცია დაიკავე აღმოსავლეთში ინგლისის სამხედრო და პოლიტიკურმა წარმომადგენლებმაც, აგრეთვე, ინგლისის პრესამ. მრავალდღიანი დებატების შედეგად კერზონმა და მისმა მომხრეებმა თავისი გაიტანეს 20 თებერვალს დიდი ბრიტანეთის მთავრობამ მიიღო გადაწყვეტილება – ბათუმიდან ჯარების ევაკუაცია შეეჩერებინა მანამ, ეიდრე მის ბუდს არ გადაწყვეტდა მოკავშირეთა უმაღლესი საბჭოს ლონდონის კონფერენცია, რომელიც უკვე მუშაობდა.

კერზონის აპარატი გულდასმით შეუღდა ბათუმში პორტო-ფრანკოს სტატუსის დაწესების საკითხის შესწავლას თბილისში ინგლისის უმაღლესი კომისრის – ოლივერ უორდროპისადმი 14 თებერვალს გამოგზავნილ დეპეშაში კერზონი წერდა: „გთხოვთ დაუყოვნებლივ მომავლოდოთ თქვენი აზრი იმის შესახებ, თუ რა უნდა მოვიმოქმედოთ ბათუმისა და მისი პროვინციის მიმართ იმ შემთხვევაში, თუ სამხედრო გარემოებების გამო ევაკუაცია გარდაუვალი იქნება. გაქვთ თუ არა რაიმე საწინააღმდეგო იმისა, რომ ბათუმის ოლქი საქართველოს გადაეცეს, იმის გათვალისწინებით, რომ მისი ტერიტორიის გაზრდა მიიღება მხედველობაში საზღვრების საბოლოოდ დადგენის დროს“.

პასუხად 16 თებერვალს უორდროპი მინისტრს აცნობებდა „მე ვემხრობი იმ აზრს, რომ ბრიტანეთმა შეინარჩუნოს ტერიტორია (ბათუმი და მისი შემოგარენი - ავტ.), მაგრამ თუ არ შეგვიძლია, ქალაქი და პროვინცია ისეთნაირად გვექონდეს და ვეპართოთ, რომ ჩვენი პრესტიჟი არ დაეცეს, მაშინ სჯობს მთავარი იმ ევაკუაცია ამ შემთხვევაში, ბუნებრივია, პროვინცია საქართველოს უნდა მიეკუთვნოს და მისი საზღვრების საბოლოოდ დადგენის დროს, ჩემი აზრით, ის განაცხადებს პრეტენზიას

¹¹⁵ DBFP, v, XII, 1962, p. 559.

¹¹⁶ იგულისხმება მოკავშირეთა უმაღლესი საბჭოს ლონდონის I კონფერენცია (1920 წ. 12 თებერვალი - 10 აპრილი). ამაზე იხ. მ. სირობიძე, ბათუმის საკითხი ლონდონის კონფერენციაზე (1920წ.)-ნაკო ბემენშვილის ინსტიტუტის შრომები, V, ბათ. 2007, გვ. 127-131.

¹¹⁷ DBFP, v, XII, p. 560.

ლანსიტანის ნაწილზეც რიზეს დასავლეთით... ნახსადგური უნდა გახდეს თავისუფალი მთელს ამიერკავკასიასთან ვაჭრობისათვის. მე ვამჯობინებდი, — განაგრძობდა უორდროპი, — რომ დიდ ბრიტანეთს ის შეენარჩუნებინა, როგორც საზღვაო ბაზა. თუ ეს არ მოხერხდება, ბათუმის ნავსადგური უნდა იქნეს ინტერნაციონალიზებული და მოკავშირეთა ჯარებმა დაიკაონ, თუმცა ეწიშობ, რომ ეს შეიძლება გახდეს მათ (მოკავშირეებს) შორის უთანხმოების მიზეზი. ქალაქს უნდა განაგებდეს რაც შეიძლება თავისუფალი ადმინისტრაცია, რომელსაც აირჩევს ადგილობრივი მოსახლეობა და ის უნდა გაათავისუფლდეს არასასურველი უცხო ელემენტებისაგან“. ქალაქის გარდა, ბათუმის ოლქის დანარჩენი ნაწილი, ო. უორდროპის აზრით, საქართველოს იურისდიქციაში უნდა შესულიყო.¹¹⁸

ლონდონის კონფერენციის დღის წესრიგში დადგა ოსმალეთთან ზავისა და ახლო აღმოსავლეთის მოწყობის პრობლემაც. ამიტომ წინა პლანზე წამოიწია ოსმალეთის მოსახლეურ ამიერკავკასიის რესპუბლიკებს შორის საზღვრების გამიჯვნის საკითხიც. ამ მიზნით კონფერენციას შექმნეს სპეციალური კომისია - ინგლისის, საფრანგეთის, იტალიისა და იაპონიის წარმომადგენლობით. მის თავმჯდომარედ დაინიშნა ფრანგი დიპლომატი კამერერი.

ხაზგასასმელია, რომ კომისიაში საფრანგეთისა და ინგლისის წარმომადგენლებს მიზანშეუწონლად მიაჩნდათ ბათუმის საქართველოს რესპუბლიკის იურიდიქციაში გადასვლა. მათი აზრით, არც ერთი ახალი სახელმწიფო არ უნდა ყოფილიყო მოკლებული ზღვაზე გასასვლელს ამ შემთხვევაში, პირველ ყოვლისა, იგულისხმებოდა სომხეთის პრეტენზიები ლანუთზე და მომავალ სარკინიგზო დერეფანზე ყარსი-ართვინი-ბათუმის მიმართულებით.¹¹⁹ უფრო მეტიც, „დიდი სომხეთის“ აღდგენის ამბიციით შეპყრობილი სომხეთის რესპუბლიკის საზაო დელეგაცია მოითხოვდა ისტორიული სამხრეთ საქართველოს მათთვის გადაცემას მდ. ჭოროხის სანაპიროს გასწვრივ - ზღვასთან შესართავამდე.¹²⁰

სომხეთის წაბაძეთ, ბათუმის ნახსადგურში გარკვეული ტერიტორიის საკუთრებაში გადაცემას მოითხოვდა აზერბაიჯანის დელეგაციაც. კიდევ მეტო, აზერბაიჯანი თავს თელიდა მსოფლიო ომში დამარცხებული ოსმალეთის მემკვიდრედ და წამოაყენა მოთხოვნა მისთვის გადაეცათ ამიერკავკასიის ყველა მუსლიმანური რეგიონი, მათ შორის ბათუმის ოლქიც.¹²¹

საზღვრების დამდგენი კომისია ითვალისწინებდა, აგრეთვე, ბათუმისადმი ანტანტის სახელმწიფოების ინტერესებსაც, კერძოდ, მის წამყვან როლს აღმოსავლეთთან სატრანზიტო ვაჭრობაში. ამიტომ 25 თებერვალს კომისიის სხდომაზე მიწვეულ საქართველოს დელეგაციას განუცხადეს, რომ „ბათუმის საკითხი უნდა გადაწყდეს ყველა ჩამოთვლილ მრავალფერ ინტერესთა შესაბამისადო“.¹²²

¹¹⁸ იქვე გვ. 564-565.

¹¹⁹ ზავალიშვილი, დასახ. ნაშრ., გვ. 199-202.

¹²⁰ სომხეთის დელეგაციის ტერიტორიულ ამბიციებს ძალას მატებდა აშშ პრეზიდენტის ვილსონის ცნობილი დოკუმენტი „14 პუნქტი“, რომლის მიხედვითაც ყველა სახელმწიფოს უნდა ჰქონოდა გასასვლელი ზღვაზე. მით უმეტეს, რომ იმ დროს აშშ ეზზადებოდა აქვო მანდატი სომხეთზე. ამიტომ ლონდონის | კონფერენციაზე განიხილადნენ ლანუთის, ყარსისა და არტანის ოლქების, აგრეთვე, ართვინის ოკრუგის სომხეთისათვის მიკუთვნების საკითხს. მოგვიანებით, როცა აშშ-მა უარი თქვა სომხეთზე, მის ამბიციებს ასულდგმულუბდა საფრანგეთი, რომელიც თავად ფიქრობდა აქვო მანდატი ამ ქვეყანაზე.

¹²¹ უნდა შევნიშნოთ, რომ მოგვიანებით აზერბაიჯანის დელეგაციამ, სომხებისაგან განსხვავებით, მოხსნა თავისი უსაფუძვლო მოთხოვნა ბათუმის ოლქთან დაკავშირებით და საქართველოს დელეგაციასთან თანამშრომლობის გზას დაადგა.

¹²² ზავალიშვილი, დასახ. ნაშრ., გვ. 206.

საქართველოს დელეგაციაში (კ. ჩხეიძე, ზ. ავალიშვილი, შ. ღამბაშიძე) კომისიას განუმარტა ბათუმზე საქართველოს ისტორიული უფლება აღნიშნა, რომ მისი მთავრობა მოწოდებულია სავსებით უზრუნველყოს აქ მესობელი რესპუბლიკების და საერთაშორისო სატრანზიტო ეპარატის ინტერესების დაცვა კომისია მაინც თავის პირვანდელ აზრზე დარჩა.

სასღერების დამდგენი კომისიის მიერ პრობლემის შესწავლის პარალელურად, ბათუმის საკითხი დაიხუა ლონდონის კონფერენციის 24-25 თებერვლის სხდომებზე.¹²³ „ბერლინის ხელშეკრულების თანახმად, - განაცხადა კერზონმა, - ბათუმი გამოცხადდა თავისუფალ ნავსადგურად, მაგრამ წინააღმდეგ შეთანხმებისა, მიიტაცა რუსეთმა. როგორც შავ ზღვაზე კავკასიის რკინიგზისა და ნავთსადენის პუნქტი, ძლიერ სასურველია ეს ნავსადგური იყოს საიმედო ხელში“. შემდეგ კერზონმა აღნიშნა, რომ „ბათუმიდან ბრიტანული ჯარის გამოყვანა დროებით შენერებულია და იქ ჯერ კიდევ იმყოფება ორი ბატალიონი“. მან ხაზი გაუსვა იმასაც, რომ ბათუმიდან ჯარების საერთოდ გამოყვანა ნიშნავდა მის დაკარგვას. ამასთან, „ის იქცეოდა განხეთქილებისა და უწესრიგობის წყაროდ, რადგან დენიკინი ნავსადგურზე კონტროლის დამყარებას; ქართველებიც ასევე მიისწრაფვიან დაეუფლონ მას, ხოლო მცირე აზიიდან ბათუმს ხარბი მსერა მიაპყრეს თურქებმა“. ამიტომ კერზონმა საკითხი შემდეგნაირად დააყენა „თუ საბჭო თანახმა იქნება, რომ ბათუმი გამოცხადდეს თავისუფალ ნავსადგურად ერთა ლიგის მანდანტით“, მაშინ ნავსადგურის და მის მიმდებარე რაიონების უსაფრთხოების გარანტიად ყოველმა მოკავშირემ უნდა გამოყოს ჯარების კონტინგენტი. მარტო დიდი ბრიტანეთი ასეთ პასუხისმგებლობას თავის თავზე ვერ აიღებდა.

პრობლემის ამგვარად შემობრუნება მოკავშირეებმა კმაყოფილებით მიიღეს. ფრანგმა გენერალმა ბერტელომ განაცხადა: „ბათუმის თავისუფალი ნავსადგური იყო ყველა მოკავშირის მთავარი საზრუნავი და ეს რომ განხორციელდეს, იგი უნდა დაიცვას ერთა ლიგაში“. ბერტელომ დაუმატა, რომ ბათუმის უშიშროებისათვის საჭირო სამხედრო ძალის რაოდენობის შესახებ უკვე ეთათბირა კომპეტენტურ სამხედრო ექსპერტებს მათი აზრით, ამისათვის საკმარისი იყო 3 ბატალიონი. გენერალმა დაადასტურა საფრანგეთის მზადყოფნა, გამოეგზავნა აქ ერთი ბატალიონი.

უაღრესად საინტერესოა იტალიის მთავრობის პოზიცია ცნობილია, რომ ხელისუფლების სათავეში ფრანკოსკო ნიტის მოსვლის (1919 წ.) შემდეგ, იტალიის მთავრობამ საერთოდ უარი განაცხადა რუსეთის საკითხში აქტიურ ჩარევაზე. ეს გამოწვეული იყო მისი სამხედრო-ეკონომიკური სისუსტით და იტალიელ ხალხში ანტისომარო განწყობილების ზრდით,¹²⁴ მაგრამ ნიტის დამოკიდებულება ბათუმის საკითხისადმი სრულიად საპირისპირო აღმოჩნდა. მან გადაწყვიტა არ დაეკარგა აქ თავისი წილი და ერთხელ კიდევ ხაზგასმით აღნიშნა, რომ იტალიის ომისშემდგომ ეკონომიკას მძიმე ტვირთად აწებოდა დიდი რაოდენობით შეიარაღებული ძალების შენახვა, რაც გამოწვეული იყო იუგოსლავიელების მხრივ მოსალლოდნელი თავდასხმის საშიშროებით. „ამიტომ მას არ სურდა აეღო დამატებითი სამხედრო პასუხისმგებლობა“, თუმცა „მხედველობაში იღებს რა ბათუმის ნავსადგურის უდიდეს მნიშვნელობას, მზადაა გაიღოს მსხვერპლი და უზრუნველყოს ერთი ბატალიონი, როგორც იტალიის წელიდი გაერთიანებული გარნიზონის შექმნაში“.

¹²³ DBFP, v. VII, L, 1958, pp. 253-255.

¹²⁴ Штейн Б., «Русский вопрос» в 1920-1921 гг., М., 1958, с. 233-234;

25 თებერვალს მოკავშირეთა უმაღლესმა საბჭომ მიიღო წინასწარი გადაწყვეტილება: ა) ერთა ლიგის მანდატით ბათუმის პორტო-ფრანკოდ გამოცხადების და ბ) ბათუმში ინგლისის, საფრანგეთის და იტალიის გაერთიანებული გარნიზონის ჩაყენების თაობაზე.

27 თებერვალს ლონდონში უკვე მსჯელობდნენ არა მარტო პორტო-ფრანკოს შესახებ არამედ ბათუმისა და მის ირგვლივ ტერიტორიებისაგან „პატარა დამოუკიდებელი სახელმწიფოს“ შექმნაზეც. მისი ტერიტორიული მოცულობის თვალსაზრისით წარმოდგენილი იყო ორი ვარიანტი. საბჭომ უპირატესობა მიანიჭა პატარა ზონას, როგორც საკითხის განხილვის საფუძველს.¹²⁵ აქვე გადაწყდა, რომ თავისუფალი ქალაქ-სახელმწიფოს საზღვრები ადგილზე დაედგინა მოკავშირეთა სპეციალურ კომისიას.

28 თებერვლიდან მოკავშირეები განიხილავდნენ აღმოსავლეთში დიდი ბრიტანეთის ძალების მთავარსარდლის, გენერალ ჯორჯ მილნის პროექტს ბათუმის ქალაქ-სახელმწიფოს საზღვრების შესახებ. ავტორის აზრით, მას უნდა მოეცვა 16 მილის რადიუსის ტერიტორია და საზღვრები გაივლიდა: სამხრეთით - მდ. ჭოროხზე, ჩრდილოეთით - სოფ. ბობოყვათზე, ხოლო აღმოსავლეთით - მდ. აჭარისწყლის ჭოროხთან შესართავიდან „უფრო მაღლა, სადაც არის გზების გასაყარი ხერთვისის ზეგანზე“. მილნის დასკვნით, ეს იყო „საუკეთესო შემოგარენი ეკონომიკური და სამხედრო-თავდაცვითი მიზნებისათვის“.¹²⁶ ამავე პროექტით ბათუმის ოლქის დიდი ნაწილი, კერძოდ, ართვინის ოკრუგი სომხეთს უნდა გადასცემოდა.

16 მარტს მოკავშირეები შეთანხმდნენ, რომ მილნის პროექტი მიეღოთ, როგორც ბათუმის ქალაქ-სახელმწიფოს საკითხის განხილვის საფუძველი,¹²⁷ მაგრამ იგი არ გაიზიარა საზღვრების დამდგენმა კომისიამ. მან 24 მარტს ანტანტის უმაღლეს საბჭოს წარუდგინა ახალი რეკომენდაციები, რომელშიც ნათქვამი იყო, რომ „შეცვლილი სიტუაციის გამო“ მოკავშირეებს უარი უნდა ეთქვათ ბათუმის ქალაქ-სახელმწიფოს შექმნაზე, აგრეთვე, მთელი ართვინის ოკრუგის სომხეთისათვის გადაცემაზე.

კომისიის წინადადებით, სომხეთს უნდა მიკუთვნებოდა „მხოლოდ ჭოროხისა და იმერხევის ველი ზღვისკენ გასასვლელი დერეფნის სახით. ამასთან, დაწესებულ იქნა ბათუმის არა დამოუკიდებელი სახელმწიფო, არამედ თავისუფალი ნაესადგური. ქალაქი და მთლიანად პროვინცია (ოლქი - ავტ.), ჭოროხის ველის გარდა, საქართველოს შემადგენლობაში უნდა შევიდეს იმ აუცილებელი პირობის გათვალისწინებით, რომ სომხეთს და აზერბაიჯანს მიეცეს ბათუმზე თავისუფალი ტრანზიტის უფლება... საკითხის ასეთი გადაწყვეტა საქართველოსა და სომხეთის შორის წარმოშობს მეგობრულ ურთიერთობას და ამიერკავკასიის რესპუბლიკების ფედერაციის შექმნის პირობებსაც“.¹²⁸

საზღვრების დამდგენ კომისიაში აზრთა ცვლილება, ზემოაღნიშნულ არგუმენტებთან ერთად, განაპირობა ბოლშევიკური რუსეთისა და მუსტაფა ქემალის წარმატებებმა კავკასიის მიმართულებით, საქართველოში განვითარებულმა მძლავრმა საპროტესტო მოძრაობამ, აგრეთვე, ინგლისელებთან შეუთანხმებლად ქართული

¹²⁵ DBFP, v. VII, p. 281.

¹²⁶ იქვე, გვ. 521.

¹²⁷ იქვე, გვ. 515.

1920 წ. 18 მარტს ლონდონში მიიღეს კონსტანტინოპოლში დიდი ბრიტანეთის უმაღლესი კომისრის ადმირალ დი მარტიის შემდეგი შეტყობინება: „უახლოეს მომავალში ჩვენ დავდგებით ბაქოსა და ბათუმში ბოლშევიკებისა და თურქი ნაციონალისტების შეერთების პრობლემის წინაშე. საკითხი ძალიან სერიოზულია. ჩვენ უნდა დავიგავთ სათანადო მოზიცივა და შევიშალოთ ბოლოტიკა“.

¹²⁸ DBFP, v. VII, p. 643.

სამთავრობო ჯარის შესვლამ ბათუმის ოლქში და ზოგი მნიშვნელოვანი პუნქტის (ართვინი, არტანუჯი, ხულო) დაკავებამ მნიშვნელოვანი იყო საქართველოს დელეგაციის არგუმენტირებული ახსნა-განმარტებები უმაღლეს საბჭოსა და კომისიასთან.¹²⁹ აი, სწორედ ეს იყო ის „შეცვლილი სიტუაცია“, რომელთა გამო ბათუმის საკითხზე კომისიამ ახალი რეკომენდაციები წამოაყენა. უმაღლესმა საბჭომ ისინი 25 მარტს განიხილა, მაგრამ არ გაიზიარა.

იმავ დღეს იმსჯელეს ოსმალეთთან მომავალი საზავო ხელშეკრულების პროექტზე და მას დაურთეს არასრული დოკუმენტის პროექტი სათაურით „ბათუმი“. მასში აღნიშნული იყო შემდეგი: 1. ბათუმი ჩამოყალიბდება, როგორც თავისუფალი და დამოუკიდებელი სახელმწიფო ერთა ლიგის მფარველობით; 2. ბათუმის საზღვრებს ადგილზე დაადგენს კომისია, რომელსაც შეადგენენ მთავარი მოკავშირეები; 3. „ბათუმის უმაღლეს კომისიას ერთა ლიგის საბჭო დანიშნავს“. მისი რეზიდენციაა კ ბათუმი. „კომისიარს უპირველეს ყოვლისა ვეალება იმ უთანხმოებათა მოაგვარება, რომლებიც წარმოიშობა ბათუმისა და მეზობელ სახელმწიფოებს შორის“. უმაღლეს კომისარს ექნება, აგრეთვე, ადმინისტრაციული ფუნქციები; 4. ბათუმის მოქალაქეობა მიენიჭება ამ სახელმწიფოს ყველა მცხოვრებს, უმაღლესი კომისიის მიერ დამტკიცებული მოქალაქეობის კანონის შესაბამისად; 5. ბათუმის მოქალაქეთა ინტერესების დაცვა საზღვარგარეთ და ამ სახელმწიფოს უცხოეთის ქვეყნებთან ურთიერთობა მიენდობა თვით ამ ქვეყნის ან ერთა ლიგის საბჭოს წარმომადგენლებს (კონსულებს - აგტ.).¹³⁰

იმავ 25 მარტს საქართველოს დელეგაციამ ლონდონში კელავ მიმართა ნოტიო მოკავშირეთა უმაღლეს საბჭოს მასში აღნიშნულია, რომ 29 თებერვალს ბათუმში ჩატარებული ადგილობრივი მუნიციპალიტეტის არჩევნებში პროპორციული წარმომადგენლობის საფუძველზე ქართველებმა მიიღეს ხმების უმრავლესობა (36-დან 20 ადგილი). ეს ერთხელ კიდევ ადასტურებს ამ მხარეში საქართველოს გაელენას და მოსახლეობის ლტოლვას მასთან გაერთიანებისაკენ. ამასთან, ბათუმს ეშუქრება თურქანაციონალისტთა თედასხმა და ოკუპაცია, რითაც „არა მარტო ბათუმის მომავალი დგება ეჭვის ქვეშ, არამედ მთელი საქართველოსიც“. შემდეგ ნოტაში ნათქვამია, რომ თურქებთან საერთო ენა გამონახეს თეთრგვარდიელებმა და ბოლშევიკებმა. ამიტომ, მათი გაერთიანების საშიშროების თვიდან ასაცილებლად, საქართველოს მთავრობას აუცილებლად მიანინა ბათუმის ოლქის თავისი ჯარებით დაკავება. ამავე მიზნით, საქართველოს გენშტაბის აზრით, საჭირო იყო არტანანსა და ოლთისში შესვლაც.¹³¹

აღნიშნული ნოტა მოკავშირეებმა ცნობად მიიღეს 7 აპრილის სხდომაზე, მაგრამ ბათუმის საკითხზე აღარ უმსჯელიათ. მისი განხილვა გადაიდო ანტანტის უმაღლესი

¹²⁹ ამ მხრეე აღსანიშნავია 28 თებერვლისა და 16 მარტის საბრტესტო ნოტები. მათში დასაბუთებულია, რომ ბათუმი და მისი ოლქი საქართველოს ისტორიული კუთვნილებაა. ამ გაერთიანებას მხარს უჭერენ როგორც ქრისტიანი, ისე მამადაინი ქართველები. ამ ტერიტორიის რაიმე ნაწილის ავტონომიურად უჭერენ დელეგაციებმა, ან სხვისთვის გადაცემა გაამწავებდა ამირტაკაყასის სახელმწიფოთა შორის ისედაც რთულ ურთიერთობას. ბათუმის დაბრუნების შემდეგ საქართველოს მთავრობა მტკიცე გარანტიებით უზრუნველყოფდა ამ ნავსადგურით როგორც მეზობელი აზერბაიჯანის და სომხეთის ვაჭრობას, ასევე თავისუფალ საერთაშორისო ტრანზიტსაც ევროპის ქვეყნებისათვის. საქართველოს დელეგაცია ითვალისწინებდა, მოკავშირეთა სტრატეგიულ ინტერესებსაც და 16 მარტის ნოტაში ბირდაბირ სთავაზობდა მათ „ბათუმის ნავსადგურში სამხედრო და საზღვაო ბაზის მოწყობის“ შესაძლებლობას სთანადო ხელშეკრულების გაფორმების საფუძველზე (იხ. DBFP, v. VII, p. 522, 649-650; ზაგალისწყალი, დასახ. ნაშრ., გვ. 201, 203, 204).

¹³⁰ DBFR, v. VII, p. 643-644.

¹³¹ იქვე, გვ. 728-729.

საბჭოს მომდევნო (სან-რემოს) კონფერენციაზე.¹³² საქართველოს დელეგაციას კი აცნობეს, რომ „მათი მოთხოვნები ჯერ კიდევ განიხილება უმადლეს საბჭოში“.

ჩრდილოეთ კავკასიაში ბოლშევიკების წარმატებებმა სერიოზულად დააფიქრა მოკავშირეთა უმადლესი საბჭო. იქნებოდა ამიერკავკასიის იძულებითი გასაბჭოების რეალური საფრთხე, რის შემდეგაც დამეზობლებული ბოლშევიკები და თურქი ნაციონალისტები ერთიანი ფრონტით გამოვიდოდნენ ანტანტის ქვეყნების წინააღმდეგ.

შექმნილ ვითარებაში, მოკავშირეთა თვალში, გადამწყვეტი მნიშვნელობა მიენიჭა ამიერკავკასიის რესპუბლიკების მიერ ერთიანი ტაქტიკის შემუშავებას, მათ კეთილმეზობლურ და შეთანხმებულ მოქმედებას. მხოლოდ ამ შემთხვევაში ექნებოდა აზრი მათ შეიარაღებას და სტრატეგიულად ვერცელ ამ რეგიონში ანტიბოლშევიკური ბარიერის შექმნას. ამიერკავკასიის რესპუბლიკებს კი ერთმანეთთან უთანხმოების სერიოზული არგუმენტები გააჩნდათ. მათ შორის მოკავშირეებს ყველაზე მწვავედ ესახებოდათ ბათუმის საკითხი, რომლის ხელიდან გაშვება თვალადაც არ სურდათ. ამიტომ ბათუმთან დაკავშირებული მრავალგვარი ინტერესის შეთანხმების მინიმალურ პირობად მოკავშირეებმა მიიჩნიეს პორტო-ფრანკოს სტატუსის დაწესება. ამის გამო გვერდზე გადადეს ბათუმის ქალაქ-სახელმწიფოდ გამოცხადების წინასწარი გადაწყვეტილება და ამიერკავკასიის რესპუბლიკებზე ზეგაელენის გასაძლიერებლად პრაქტიკული ნაბიჯები გადადგეს ყველაზე მეტი აქტიურობა ამჯერადაც ინგლისელებმა გამოიჩინეს და ამიერკავკასიის დელეგაციებთან მოლაპარაკება დაავალეს მათსავე წარმომადგენელს საზღვრების დამდგენ კომისიაში, გამოცდილ დიპლომატს რობერტ ვანსიტარტს.

12 აპრილს ვანსიტარტი სპეციალურად ჩაეიდა პარიზში, შეხვდა ამიერკავკასიის რესპუბლიკების დელეგაციებს და განუცხადა, რომ „ამიერკავკასიის რესპუბლიკებს არ ჰქონდათ მომავალი, თუ ვერ შეთანხმდებოდნენ“. აქვე ვანსიტარტს შეუნიშნავს, რომ „ბათუმზე საქართველოს სუვერენიტეტის ცნობას ძლიერ ცოტა შანსი ჰქონდა“, რადგან გადაწყვეტილი იყო მისი პორტო-ფრანკოდ გამოცხადება.¹³³

ბოლოს მან მოუწოდა დელეგაციებს, დამოუკიდებლად გადაეწყვიტათ ბათუმთან, აგრეთვე, ურთიერთშორის სხვა სადავო ტერიტორიებთან დაკავშირებული საკითხები და ხელმოწერილი შეთანხმების ტექსტი გადაეცათ დიდი ბრიტანეთისათვის, რომელიც მომავალ სან-რემოს კონფერენციაზე იზრუნებდა ამიერკავკასიის პრობლემების გადასაჭრელად. სამწუხაროდ, დელეგაციებს შორის შეთანხმება პარიზში არ მოხერხდა.

ამიერკავკასიის რესპუბლიკების საზავო დელეგაციების შეხვედრა-კონსულტაციები 20 აპრილიდან განახლდა სან-რემოში, სადაც მოკავშირეთა უმადლესი საბჭო უკვე განიხილავდა ბათუმის საკითხს. ინგლისელები ჩქარობდნენ მიეღოთ საზღვრების გამოქენის შესახებ ამიერკავკასიის რესპუბლიკებს შორის ხელმოწერილი საბოლოო შეთანხმების ტექსტი. ამიტომ დელეგაციების თათბირებს ხშირად ესწრებოდა თვით ვანსიტარტიც.

ამასობაში დიდი ბრიტანეთის მთავრობაში მომწიფდა აზრი, რომ ქალაქი ბათუმი საქართველოსათვის დაებრუნებინათ, ოღონდ პორტო-ფრანკოს პირობით. ვანსიტარტის დასკვნით, ასეთივე იყო ამიერკავკასიის რესპუბლიკების დელეგაციების შეთანხმების წინასწარი მონახაზიც. ამიტომ კერსონმა კონფერენციის პირველსავე სხდომაზე (18 აპრილი) ჩამოაყალიბა თვისი პოზიცია და განაცხადა: „მომავალში ბათუმი საქართველოს სახელმწიფოს შემადგენელ ნაწილად უნდა იქნეს აღიარებული“.

¹³² კონფერენცია მიმდინარეობდა 1920 წლის 18-26 აპრილს იტალიის საკურორტო ქალაქ სან-რემოში.

¹³³ ზ. ავალიშვილი, დსახს. ნაშრ., გვ. 208-211.

მაგრამ „ბერლინის კონგრესის გადაწყვეტილების თანახმად ის უნდა შეეინარჩუნოთ, როგორც პორტო-ფრანკო“.

საფრანგეთის წარმომადგენელი გენერალი ბერტელიო დაინტერესდა საკითხით - იყო თუ არა „საქართველო მზად მიეცა სრული გარანტია, რომ ნავსადგური თავისუფლად იქნებოდა გამოყენებული“, აგრეთვე, ივალდებულვდა თუ არა ნავთსადგურის უსაფრთხოებას ვანსიტარტმა უპასუხა, რომ აქვს ამის მიღწევის იმედი ამის შემდეგ საფრანგეთის დელეგაციამ გაიზიარა საქართველოსათვის ბათუმის პორტო-ფრანკოს სტატუსით გადაცემის მიზნაშეწონილობა, რითაც, მათი ვარაუდით, „საქართველოს მთავრობის პოზიციაც შეიცვლებოდა მოკავშირეთა სასარგებლოდ“.

22 აპრილის სხდომაზე კერზონმა დააყენა წინადადება ბათუმის საკითხის საბოლოოდ გარკვევამდე და საქართველოს გამგებლობაში მის გადაცემამდე, გარდამავალ პერიოდში, მოკავშირეთა დამატებითი ძალებით ქალაქის გამაგრების შესახებ. ამ წინადადებას ფნტიმ დუმილით აუარა გეერდი, ხოლო საფრანგეთის რესპუბლიკის პრეზიდენტმა ალ. მილიერანმა განაცხადა: „ჩე ვთხოვ სამხედრო მინისტრს დაუყოლებლიე გაგზავნოს ბათუმში საფრანგეთის ერთი ბატალიონი“. პრეზიდენტის ნათქვამს გენერალმა ბერტელიომ დაუმატა: „ბრიტანელთა დასახმარებლად საფრანგეთის და იტალიის ბატალიონების გაგზავნას ექნებოდა დიდი მორალური ეფექტი ეს წაახალისებდა ქართველებს, რომელთა მთავრობა არა ბოლშევიკურია, არამედ მენშევიკური. ამასთან, მოკავშირეთა ჯარების ბათუმში ყოფნით გაწონასწორდებოდა აზერბაიჯანის ინტრიგები ბოლშევიკებთან და მუსტაფა ქემალთან ქალაქს სურს, რომ ის დაიცვან ბოლშევიკებისაგან და მზად არის დახმარება გაუწიოს მოკავშირეთა ჯარებს კავკასიელები ყოველთვის იცადენენ თავს და მოკავშირეთა ჯარების გაგზავნა მათ ამ მხრივ წაახალისებდა მეორე მხრივ, სამი სახელმწიფოს წასვლა ბათუმშიდან მისი (ბერტელიოს - ავტ.) აზრით, დიდი შეცდომა იქნებოდა დაიკარგებოდა კავკასიასა და სპარსეთთან ვაჭრობა და ზიანი მიადგებოდა ნავთსადგენს“. ბოლოს ბერტელიომ განაცხადა, რომ ბათუმიდან ჯარების გამოყვანა და იქ გადელენის დაკარგვა „შეიძლება დაეუშვათ მხოლოდ იმ შემთხვევაში, თუ სხვა ალტერნატივა არ იქნება“.¹³⁴

აღსანიშნავია, რომ სან-რემოში მოკავშირეები ბათუმის პრობლემაზე მსჯელობდნენ რუსეთის ბოლშევიკური ჯარების შემოტევის კონტექსტში. პანიკურ ფონს ქმნიდნენ იტალიის წარმომადგენლები. ნიტის მიანდა, რომ ბათუმის დასაცავად საჭირო იყო არა 3-4 ბატალიონი, არამედ ამდენივე დივიზია მანძი.

ამაზე კერზონმა შენიშნა, რომ კონფერენცია უდამეტად არის დაშინებული საბჭოთა ჯარების მიერ, რომ ექსპერტთა დასკვნით, ბათუმს სამხედრო თვალსაზრისით საფრთხე ჯერ არ ემუქრებოდა პოლიტიკური ასპექტით კი, - თვლიდა კერზონი, - სასურველი იყო ბათუმის მანამ შენარჩუნება, სანამ მოკავშირეები (ამიერკავკასიის რესპუბლიკების შეთანხმების შემდეგ) საბოლოო გადაწყვეტილებას მიიღებდნენ. შემდეგ კერზონმა მოკავშირეთა ყურადღება მანძი გაამახვილა ზოგადად ბოლშევიზმის საშიშროებაზე, რადგან მისი „დამყარება ბაქოსა და ბათუმში იქნება საფრთხე სპარსეთისათვის და ყველა მეზობელი სახელმწიფოსათვის“.¹³⁵ ამიტომ, მისი დასკვნით, ბათუმის და საერთოდ ამიერკავკასიის შენარჩუნების პოლიტიკური მნიშვნელობა იმდენად დიდი იყო, რომ ამისათვის გამართლებული ჩანდა გარკვეული სამხედრო რისკის გაწევა.

¹³⁴ DBFP, v. VIII, L, 1958, p. 52.

¹³⁵ ი. ტაბაღაძე, დასახ. ნაშრ., გვ. 93-94.

აპრილის დამლევს ლონდონში ბათუმიდან მიიღეს ადმირალ დე რობეკის მოხსენებით ბარათი კავკასიაში მდგომარეობის შესახებ.¹³⁶ მასში აღნიშნული იყო, რომ ჩრდილოეთ კავკასიაში ბოლშევიკებს ჰყავდათ 50 ათასი ჯარისკაცი, რომელთა შეიარაღება შეიძლებოდა ქართველებთან თანამშრომლობით. ამასთან, აუცილებელი იყო ბათუმის გარნიზონის მნიშვნელოვნად გაძლიერება, რათა „წინ აღდგომოდნენ წითელებისა და, შესაძლებელია, თურქების შემოტევა“.

5 მაისს დიდი ბრიტანეთის მთავრობის კაბინეტმა გადაწყვიტა „გარნიზონი ბათუმიდან გაეყვანა უკიდურეს შემთხვევაში“.¹³⁷ ამასთან მოუწოდა მოკავშირებს, შეთანხმებისამებრ, ბათუმში გაეგზავნათ თითო ბატალიონი, რაზეც იტალიის მთავრობამ უარი განაცხადა. აღვირელებისაგან შემდგარი ფრანგული ბატალიონი კი 23 მაისს ბათუმში ჩამოვიდა.¹³⁸ მაგრამ ამ უმნიშვნელო ძალას ეითარების შეცემა არ შეეძლო.

1920 წ. აპრილის დამლევს „საბჭოთა რუსეთმა ისარგებლა ანტანტის დიდი სახელმწიფოების ზოხინით, სამი რესპუბლიკის შინაგანი უთანხმოებით და ძლიერი დარტყმით დაიკავა აზერბაიჯანი“ (საავალიშვილი). ამ სტრატეგიული პლაცდარმით გაძლიერებულმა ბოლშევიკებმა, თუმცა უშედეგოდ, მაგრამ მაშინვე შემოუტეეს საქართველოს. ასეთ ეითარებაში აუცილებელი იყო მოსკოვის მთავრობასთან ურთიერთობის გარკვევა და შეთანხმების მიღწევა.¹³⁹

რსფსრ და საქართველოს შორის 1920 წ. 7 მაისს ხელმოწერილი სამშვიდობო ხელშეკრულება ბათუმს და მის ოლქს საქართველოს ნაწილად სცნობდა. ამასთან, საქართველოს მთავრობას თავისი ქვეყნიდან უნდა განედევნა უცხო სახელმწიფოების ყოველგვარი სამხედრო ფორმირება, მათში ადრე ნამსახურეც ცალკეულ პირებს ეკრძალებოდათ საქართველოს ჯარში შესვლა, მოხალისედაც კი.

ამიერკავკასიაში დიდი ბრიტანეთის უმაღლესი კომისრის მოვალეობის შემსრულებლის, საზღვაო კაპიტან ლუკის დასკვნით, 7 მაისის ხელშეკრულება შეიცავდა „ორაზროვან პუნქტებს, რომლებიც უნდა იკითხებოდეს ისე, თითქოსდა საქართველო იძულებულია გაყაროს მოკავშირეები“.¹⁴⁰ ქართველი დიპლომატის, ზ. ავალიშვილის შეფასებით კი „ეს იყო აშკარა ცნობა მოსკოვის მთავრობის პოლიტიკური გაელენისა“ და უარი ეეროპის ორიენტაციაზე.¹⁴¹

ამრიგად, ლონდონსა და სან-რემოში ამიერკავკასიის რესპუბლიკების ბლოკის შექმნის იდეის ჩაშლის, აზერბაიჯანის გასაბჭოებისა და საქართველოსთან ბოლშევიკებისათვის სასარგებლო ხელშეკრულების გაფორმების შემდეგ, ბათუმში მოკავშირეთა სამხედრო ძალის შემდგომი ყოფნა ეითარებას ვერ შეცვლიდა ამიერკავკასიისა და საქართველოსათვის ბათუმის გადაცემის გადაწყვეტილება. 28 ივნისს საქართველოს მთავრობასთან გაფორმდა შესაბამისი ხელშეკრულებაც, ხოლო 7

¹³⁶ DBFP, v. XII, p. 597-599.

¹³⁷ იქვე გვ. 603.

¹³⁸ იქვე, გაზ. „დროება“, №115, 1920.

¹³⁹ აღსანიშნავია, რომ ბოლშევიკურ რუსეთსა და ამიერკავკასიის რესპუბლიკებს შორის სამშვიდობო ხელშეკრულების გაფორმებას თავდაპირველად თვით ანტანტის სახელმწიფოს შესვერებიც არ უწინააღმდეგებდნენ (DBFP, v. VIII, p. 574). აზერბაიჯანის გასაბჭოების შემდეგ, როცა ბოლშევიკები და მუსტაფა ქემალის შიარვაზა ერთმანეთს ტერიტორიულადაც მჭიდროდ დაუკავშირდნენ, სიტუაცია შეიცვალა. ამიერიდან ამიერკავკასია ვეღარ შეასრულებდა ბუნებრივი ბარიერის როლს რუსეთსა და თურქეთს შორის. ეს მით უფრო აშკარა გახდა 7 მაისის ხელშეკრულებით, რომელიც გამოიწვევდა სასარგებლო იყო ბოლშევიკებისათვის.

¹⁴⁰ DBFP, v. XII, p. 615.

¹⁴¹ ზ. ავალიშვილი, დასახ. ნაშრ., გვ. 224-225.

იელისს პრაქტიკულად განხორციელდა რესპუბლიკისათვის ბათუმის ჩაბარება. 9 იელისს კი ბრიტანეთისა და საფრანგეთის სამხედრო ძალებმა დატოვეს ბათუმი.

ანტანტის ჯარების ბათუმიდან ევაკუაცია დაახიარა ომისშემდგომმა მსოფლიო ეკონომიკურმა კრიზისმაც. მის გაწონასწორებას ევროპელები ვარაუდობდნენ საბჭოთა რუსეთისაგან იაფი შუა აზიური და კავკასიური ნედლეულის მიღებით. თავის მხრივ ბოლშევიკური მთავრობაც ესწრაფოდა კაპიტალისტურ ევროპასთან ვაჭრობას, რომ დაეძლია ხალხის დამშვეით შექმნილი „კატასტროფის მუქარა“. ინტერესთა ამ თანხედრის გამო ანტანტის ქვეყნებმა აცნობეს ლენინის მთავრობას, რომ უარს ამბობდნენ ამიერკავკასიაში თავიანთ პოლიტიკურ ინტერესებზე. ბოლშევიკებმაც არ დააყოვნეს და 1921 წელს თებერვალ-მარტში საქართველოს ვერავალი ანექსიით დაასრულეს ამიერკავკასიის გასაბჭოება. ბათუმიდან ახალი, ბოლშევიკური ერთუ-ზიანებით დაიწყო „საბჭოთა“ ნავთობის, მარგანეცისა და სხვა ნედლეულის ევროპაში გაგზავნა.

§4. სამუსლიმანო საქართველოს განმათავისუფლებელი კომიტეტი

1918-1921 წლებში სამხრეთ-დასავლეთ საქართველოში არსებობდა მრავალი პოლიტიკური პარტია და მიმდინარეობდა მათგან ზოგი სამშობლოს ერთიანობისა და დამოუკიდებლობისათვის იბრძოდა, ზოგი კი ქვეყნის დაშლა-დანაწილების აე საქმეს ემსახურებოდა.

იმ ორგანიზაციებს შორის, რომლებმაც ღირსეულად იღვაწეს სამშობლოსათვის, გამორჩეულია „სამუსლიმანო საქართველოს განმათავისუფლებელი კომიტეტი“. მასში შედიოდნენ მემედ, პიიადარ და ზია აბაშიძეები, ხასან თხილაიშვილი, ყადირ შერვაშიძე, სულეიმან დიასამიძე, იუნუს წულუკიძე, ქემალ ნოღაიდელი და სხვ.

კომიტეტის შექმნა განაპირობა საქართველოს სამხრეთში დატრიალებულმა ანტიქართულმა მოვლენებმა. საბჭოთა რუსეთმა, 1918 წ. 3 მარტს, ბრესტ-ლიტოვსკის შეთანხმების საფუძველზე, ცნო ოსმალეთის „უფლებები“ არტაანის, ყარსის და ბათუმის ოლქებზე. იმავე წლის 14 აპრილს ოსმალთა ინტერვენტებმა დაიკავეს ბათუმი. ქალაქში საალყო წესები გამოცხადდა. საოკუპაციო ხელისუფლებამ დაეწინაურა ტერორი გამოუცხადა პატრიოტებს. მემედ აბაშიძე, ჯემალ ქიქავა, დაუდ სირბილაძე, სულეიმან ბეჟანიძე, ხასან ლორთქიფანიძე ანტიოსმალური გამოსვლებისათვის დააპატიმრეს და ტრამპიზონის ციხეში ჩასვეს. ვინც შეპირობას გადაურჩა, გაიხიზნა თბილისს, სადაც 1918 წ. 15 მაისს დააარსეს აღნიშნული კომიტეტი. მის თავმჯდომარედ დაუსწრებლად აირჩიეს შაბაშიძე, მოადგილედ კ. აბაშიძე, კომიტეტის თავმჯდომარის მოვალეობის შესრულება დროებით დაეკისრა ზ. აბაშიძეს.¹⁴²

კომიტეტის მიზანი და პოლიტიკური მიმართულება ასახული იყო დოკუმენტში „პროგრამა და ინსტრუქცია სამუსლიმანო საქართველოს განმათავისუფლებელი კომიტეტისა“, რომელიც შედგებოდა 3 თავისა და 79 მუხლისაგან (პროგრამა - 36 მუხლი, ინსტრუქცია - 43 მუხლი).

¹⁴² ი. სიხარულიძე, მემედ აბაშიძის ცხოვრებისა და მოღვაწეობის უმოთხრესი მომენტები. წიგნში: მემედ აბაშიძე, რჩეული ნაწერები, ბათ., 1973, გვ. 124. ქართველი პატრიოტების დასმარებით შ. აბაშიძე ტრამპიზონის ციხიდან გაიპარა (1918 წ. ივლისი), ჩავიდა თბილისში და სათავეში ჩაუდგა „სამუსლიმანო საქართველოს განმათავისუფლებელ კომიტეტს“.

პროგრამაში მკაფიოდ იყო ჩამოყალიბებული კომიტეტის სამოქმედო მიზანი: „...სამუსლიმანო საქართველო შეუერთდეს დედასაქართველოს ფართო ავტონომიურ ნიადაგზე და მით საქართველოს პოლიტიკური მთლიანობა განმტკიცებულ იქნეს.“¹⁴³

„სამუსლიმანო საქართველოს განმათავისუფლებელმა კომიტეტმა“ მტრის მიერ ოკუპირებულ ტერიტორიაზე არალეგალური მუშაობის ორგანიზებულად და ოკუპირ-ტორულად წარმართვის მიზნით ოზურგეთსა და ახალციხეში გახსნა თავისი განყოფი-ლებები, რომლებსაც კომიტეტის წევრები სია აბაშიძე და ყადირ შერვაშიძე მეთაუ-რობდნენ.

ოზურგეთის განყოფილების შტაბი იმყოფებოდა ოზურგეთში (მ. აბაშიძის ქ. №19-ში მდებარე კ. მამულაიშვილის ბინაში). გარდა კომიტეტის წევრებისა, აქ იკრიბებოდნენ, აგრეთვე, საოკუპაციო ხელისუფლებისაგან დევნილი მამულიშვილები: ხასან თხილაიშვილი, ოსმან მოწოხილი, იუსუფ ჩახარაძე, მემედ გოგიბერიძე, რეჯებ ნიჟარაძე, გულიო კაიკაციშვილი და სხვ.

ოზურგეთის განყოფილება მოქმედებდა 1918 წლის მაის-დეკემბერში. მისი გადა-წყვეტილებით, ბათუმის ოლქში საგანგებო დაეალების შესრულება დაეუფალა კომიტეტის წევრებს: ქემალ ნოღაიდელსა და ხასან თხილაიშვილს. ეს უკანასკნელი ამავე დროს მეკავშირის როლსაც ასრულებდა. ამიტომ მას ხშირად უხდებოდა ქობულეთიდან ოზურგეთში გადასვლა, საიდანაც დიდი რისკის ფასად გადმოჰქონდა კომიტეტის მიერ შედგენილი მოწოდებები და თანამებრძოლებთან (ისმაილ, მურად და აზიზ კაიკაციშვილები, რიზა ბუჟანიძე და სხვ.)¹⁴⁴ ერთად ავრცელებდა მოსახლეო-ბაში.

ხ. თხილაიშვილის უშუალო მონაწილეობით და ხელმძღვანელობით ჩამოყა-ლიბდა ე.წ. „მფრინავე რაზმი“, რომელიც აერთიანებდა 75 მებრძოლს მუშაობის ოკე-რატულიობისა და კონსპირაციის მიზნით, რაში დაყოფილი იყო მცირე ჯგუფებად. თითოეულ ჯგუფში შედიოდა 4-5 კაცი. ე.ი. სულ 15-მდე ჯგუფი იყო შექმნილი.¹⁴⁵ რაში თანამემამულეებს იცავდა პროვოკატორების, მტრის მიერ მოსყიდული შეიარა-ღებული ბანდების, თურქოფილებისა და დენიკინელებისაგან.

განმათავისუფლებელმა კომიტეტმა დიდი მუშაობა გასწია ოსმალეთის საოკუპა-ციო ხელისუფლების მიერ ბათუმის ოლქში დანიშნული რეფერენდუმის ჩასაშლელად. მართალია, მთელს რეგიონში ეს შეუძლებელი გახდა, მაგრამ ქობულეთში კომიტეტის წევრებმა მიზანს მიაღწიეს, რაშიც დიდი დამსახურება მიუძღვის ხ. თხილაიშვილს. იგი არ შეუშინდა ასკერებს, თანამემამულეებს მოუწოდა არ მიეცათ ხმა ოსმალე-თისთვის და პირველმა მისცა ხმა საქართველოს სასარგებლოდ.¹⁴⁶

ნატარებულმა „რეფერენდუმმა“ ერთხელ კიდევ გამოამჟღავნა ძალადობისა და უხეშობის ფაქტები. მიუხედავად ამისა, სულთნის მთავრობამ საქვეყნოდ გამოაცხადა, რომ ყარსის, არტანისა და ბათუმის ოლქებში პლებისციტი მოვახდინეთ და მოსახლეობამ ჩვენთან შეერთების სურვილი გამოთქვაო.

საქართველოს რესპუბლიკის მთავრობამ 1918 წლის 1 აგვისტოს პროტესტი განაცხადა რეფერენდუმის ნატარების წესების უგულებელყოფისა და ფეხქვეშ გათელეის გამო.¹⁴⁷ ასეთივე იყო გერმანიის წარმომადგენლის – გენერალ ფონ კრესის

¹⁴³ უ. ოქრობერიძე, აჭარის ავტონომიის შექმნის ისტორიიდან, ბათ., 2001, გვ. 124.

¹⁴⁴ აშქუ, ფ. 5, ს. 242, ფურც. 4; გაზ. „სახალხო საქმე“, 1918, №333; ე. მესხია, „განმათავისუფლებელი კომიტეტის ერთი უცნობი მიმართვის გარეშე“, ფურნ. „ლიტერატურული აჭარა“, 2002, № 9, გვ. 54-57.

¹⁴⁵ აშქუ, ს. 1061, ფურც. 11.

¹⁴⁶ სცსსა, ფ. 1864, ან. 1, ს. 5, ფურც. 13; გაზ. „ერთობა“, 1918, №161.

¹⁴⁷ ზ. ავალიშვილი, საქართველოს დამოუკიდებლობა 1918-1921 წლების საერთაშორისო პოლიტიკაში, თბ., 1990, გვ. 140.

პოლიციაც. მან საქმის ეითარება ბერლინს აცნობა.¹⁴⁸ სულთნისადმი წარდგენილ აჭარის მოსახლეობის პროტესტს ხელს აწერდა 4 ათასი კაცი.¹⁴⁹ კომიტეტმა 1918 წ აგვისტოში თავისი წარმომადგენლები – სია აბაშიძე და ყადირ შერვაშიძე მიაღწინა ბერლინში. მათ თან ჩაიტანეს საჩივარი ბათუმში ჩატარებული უკანონო რეფერენდუმის გამო.

ოსმალების მიერ ბათუმის ოლქიდან ჯარების გაყვანის შემდეგ განმათავისუფლებელი კომიტეტი 1919 წ. იანვრიდან გადმოვიდა ბათუმში. ამიერიდან შეიცვალა კომიტეტის მუშაობის პირობები და მეთოდები. მას სამოქმედოდ უფრო ფართო ასპარეზი გადაეშალა და მუშაობაც ორგანიზებულად წარიმართა. კომიტეტის წევრები იკრიბებოდნენ ბაღის (ამჟამად დ. კლდიაშვილის) ქუჩის №10 სახლის ორსართულიან შენობაში.¹⁵⁰

მოღვაწეობის მცირე დროის მიუხედავად, კომიტეტმა რთულ პირობებში შეძლო ეროვნულ-განმათავისუფლებელი მოძრაობის ორგანიზებულად წარმართვა და რეგიონის მოსახლეობაში განამტკიცა საქართველოს ერთიანობის იდეა.

1918 წ. ბოლოსათვის შეიქმნა კომიტეტის ახალციხის განყოფილებაც, რომლის ძირითადი მიზანი იყო ამ ძირძველი კუთხის მოსახლეობასთან მუშაობა და ბრძოლა ოსმალოფილთა წინააღმდეგ. განყოფილების ხელმძღვანელობა დაეწავლა ყადირ შერვაშიძეს. მასვე, როგორც საქართველოს მთავრობის განსაკუთრებულ რწმუნებულს ახალციხის მაზრაში, ევალებოდა კავშირის დამყარება ზემო აჭარისა და ფოცხოვის მხარეებთან, რადგან აქ ყველაზე მეტად იგრძნობოდა ოსმალოფილთა გავლენა.

მოსახლეობაში ახსნა-განმარტებითი მუშაობის ჩასატარებლად ყ შერვაშიძემ რამდენჯერმე იმოგზაურა ზემო აჭარის სოფლებში. მის ყოველ გამოჩენას ოსმალოფილები დიდი წინააღმდეგობით ხელებოდნენ, იყო თავდასხმის მცდელობაც.¹⁵¹

მუღეროსის ზაყეთ (1918 წ. 30 ოქტომბერი) ოსმალეთმა სამხრეთ-დასავლეთ საქართველოდან გაიყვანა თავისი სამხედრო ნაწილები, მაგრამ აქ დატოვა ძლიერი აგენტურა. მათი მხილების მიზნით, ყ შერვაშიძემ შეადგინა კომიტეტის მიმართვა, რომელიც ცალკე ფურცლებად დაიბეჭდა და გაერცვლდა მოსახლეობაში.¹⁵²

ახალციხის განყოფილების მუშაობა კიდევ უფრო გააქტიურდა იქ ჰ. აბაშიძის ჩასვლის შემდეგ. იგი, როგორც კომიტეტის თავმჯდომარის მოადგილე და მთავრობის რწმუნებული, პატრიოტებთან ერთად (ყ. შერვაშიძე, ლ. რუხაძე და სხვ.), უკომპრომისო ბრძოლას ეწეოდა ოსმალოფილების წინააღმდეგ. მისი უშუალო ხელმძღვანელობით 1919 წ. 1 იანვარს მოიწვიეს მაზრის გლეხთა ყრილობა. ერცველი სიტყვით გამოვიდა ჰ. აბაშიძე, რომელსაც, როგორც იმდროინდელი პრესა იუწყებოდა, ყრილობის დელეგატები ოეაციით შეხვდნენ.¹⁵³ ჰ. აბაშიძემ თავის გამოსვლაში დაასაბუთა საქართველოს შემადგენლობაში სამუსლიმანო საქართველოს გაერთიანების აუცილებლობა. საბოლოოდ, ყრილობამ მიიღო შესაბამისი გადაწყვეტილება და მისალმება გაუგზავნა დემოკრატიული რესპუბლიკის მთავრობას.¹⁵⁴

ოსმალოფილთა მხილებისათვის დიდი მნიშვნელობა ჰქონდა გაზეთ „განახლებული მესხეთის“ გამოშვებას. იგი დაარსდა ჰაიდარ აბაშიძის უშუალო თანადგომით. პირველი ნომერი გამოვიდა 1919 წლის 1 თებერვალს. მასში დაიბეჭდა ჰ.

¹⁴⁸ გაზ. „ერთობა“, №168, 1918

¹⁴⁹ ფურ. „პირველი ნახიჯი“, №16, 1918 წ.

¹⁵⁰ გაზ. „აჭარა“, 7, დეკემბერი, 1991.

¹⁵¹ აბხვ. ს. 462, ფურც. 2; აბ.სურგულაძე, ყადირ შერვაშიძე, ბათ., 1998.

¹⁵² იქვე, ფურც. 3.

¹⁵³ გაზ. „ერთობა“, №5, 1919.

¹⁵⁴ ვ.ნოზაძე, საქართველოს აღდგენისათვის ბრძოლა მესხეთის გამო, თბ., 1989, გვ. 51.

აბაშიძის საყურადღებო წერილი „სამუსლიმანო საქართველოს მშრომელი ხალხის მიმართ“, რომელშიც ჩამოაყალიბა გაზეთის მიზანდასახულობა. გაზეთი მოწოდებული იყო დაეცვა „ახალციხის მასობრივი მშრომელი ხალხის ინტერესები“.¹⁵⁵

ახალციხის განყოფილების მუშაობის გააქტიურებამ ალაშქროთა ოსმალეთში-ღევი. ისინი ტერორით, ცილისწამებით და მუქარით ცდილობდნენ ქართველი პატრიოტების სიმტკიცის გატეხვას. „განსაკუთრებული მონდომებით“ დასაჭერად „უმთავრესად დაეძებნენ სამ პირს: ჰაიდარ აბაშიძეს, ლეო რუხაძეს და ყადირ შერვაშიძეს“.¹⁵⁶ მიუხედავად მტრის ღვენა-მუქარისა, ახალციხის განყოფილება ყურევაშიძის მეთაურობით სამცხე-ჯავახეთის მოსახლეობაში პროპაგანდას უწევდა დედასამშობლოსთან სამუსლიმანო საქართველოს გაერთიანების იდეას.

აქტიურ სასოციალურებრივ საქმიანობასთან ერთად ყ. შერვაშიძე არ იფიქვებდა პროფესიულ მოვალეობასაც, — როგორც ექიმი, იგი ახალციხეში ხელმძღვანელობდა ტიფის ეპიდემიის საწინააღმდეგო ღონისძიებებს. სამწუხაროდ, თავადაც დაავადდა და 1919 წ. 8 მაისს, 32 წლის ასაკში გარდაიცვალა.

ყ. შერვაშიძის გარდაცვალების შემდეგ კიდევ უფრო გააქტიურდნენ ოსმალეთში-ღევი. კ. აბაშიძე იძულებული გახდა დროებით თბილისს დაბრუნებულიყო. სწორედ იმ ხანებში მიმდინარეობდა მუშაობა ბათუმის ოლქის მოსახლეობის წარმომადგენელთა ყრილობის მოსაწვევად და მისი დიდი გამოცდილება აუცილებელი იყო ამ მეტად მნიშვნელოვანი ფორუმის მოსამზადებლად. ასეთ ვითარებაში 1919 წ. მაისიდან ახალციხის განყოფილებაში, ფაქტობრივად, არსებობა შეწყვიტა. ხანმოკლე დროის მიუხედავად, მან დიდი როლი შეასრულა სამცხე-ჯავახეთის მოსახლეობის ეროვნულ და პოლიტიკურ გათვითცნობიერებაში. ანტიქართულ ძალებთან ბრძოლაში მტკიცედ და შეურყეველად იცავდა საქართველოს ერთიანობის იდეას.

1918 წ. შემოდგომაზე სამხრეთ-დასავლეთ საქართველოში შეიცვალა პოლიტიკური ვითარება. მუდროსის ზავით ოსმალებმა აქედან კი გაიყვანეს თავიანთი ჯარები, მაგრამ 1918 წ. 22 დეკემბერს მათ შეენაცვლნენ ინგლისელები. განმათავისუფლებელი კომიტეტი ამას მოწონებით შეხვდა და მოუწოდა თანამემამულეებს სიმშვიდის და წესრიგის შენარჩუნებისაკენ,¹⁵⁷ მაგრამ როცა ნათელი გახდა ინგლისელ ხელისუფალთა ანტიქართული პოლიტიკა, მას აქტიური ბოიკოტი გამოუცხადა. 1919 წ. 8 იანვარს შედგა ოლქის სხვადასხვა უბნის წარმომადგენელთა ყრილობა, რომელმაც დაგმო ინგლისელთა კოლონიური რეჟიმი.¹⁵⁸ მღელვარებამ ისეთი ფართო და შეუპოვარი ხასიათი მიიღო, რომ ინგლისელი გუბერნატორის მიერ ადმინისტრატორებად დანიშნულები ადგილებზე წასვლას ვერ ბედავენ. მოსახლეობა მათ ფიზიკური ანგარიშსწორებით ემუქრებოდა.

ბათუმში გადმოსვლის შემდეგ კომიტეტმა მთელ სამხრეთ-დასავლეთ საქართველოში გახსნა პირველადი უჯრედები და ორგანიზაციები: ქობულეთში, გონიოში, ქედაში, ჭვანაში, დიდაჭარაში, ხულოში, მურღულში, არტანუჯში, შავშეთ-იმერხეში, ართვინში, მარადიდში. სულ ბათუმის ოლქში გაიხსნა 11 განყოფილება (პირველადი ორგანიზაცია).¹⁵⁹

საოკუპაციო ხელისუფლება წინააღმდეგობას უწევდა განმათავისუფლებელ კომიტეტს სოფლებში ფართო ახსნა-განმარტებითი მუშაობის ჩატარებაში. 3 თებერ-

¹⁵⁵ გაზ. „განახლებული მესხეთი“, №1, 1919.

¹⁵⁶ გაზ. „ერთობა“, №63, 1919.

¹⁵⁷ გაზ. „საქართველო“, №236, 1918.

¹⁵⁸ გაზ. „საქართველოს რესპუბლიკა“, №6, 1919.

¹⁵⁹ გაზ. „საქართველოს რესპუბლიკა“, №35, 1919; „ერთობა“, №29, 136, 1919; №263, 1920.

ვალს (1919 წ.) ქედაში არ შედგა მიტინგი, რადგან ინგლისელმა ოფიცერმა გზიდან დააბრუნა მიტინგის ჩასატარებლად გაგზავნილი კომიტეტის წევრები.¹⁶⁰ მიუხედავად ამისა, 5 თებერვალს ქობულეთში მოიწვიეს დიდი კრება, სადაც შეკრების მონაწილეებმა ერთხმად გამოთქვეს დედასამშობლოსთან სამუსლიმანო საქართველოს დაბრუნების სურვილი.¹⁶¹ საოკუპაციო ხელისუფლების განკარგულებით აიკრძალა კრებები და მიტინგები, მაგრამ პატრიოტულად განწყობილმა ძალებმა 9 თებერვალს მაინც გამართეს კრება მონაწილენი ოვაციით შესხედნენ დარბაზში განმათვისუფლებელი კომიტეტის წევრების გამოჩენას.¹⁶²

„სამუსლიმანო საქართველოს განმათვისუფლებელი კომიტეტი“ დიდ ყურადღებას უთმობდა საქართველოს ერთიანობის იდეის დაცვას. ამხელდა პროვოკატორებსა და გამცემლებს, რომლებიც ადამიანთა სიცოცხლის ხელყოფასაც არ ერიდებოდნენ ორი მეზობელი კუთხის, გურიისა და აჭარის მოსახლეობის დასაპირისპირებლად. 1919 წლის მაისში ქობულეთში პროვოკაციულად მოკლეს ანანიძე და ნიჟარაძე. საოკუპაციო ხელისუფლებამ „დააპატიმრა“ მკვლელთაში „ქემიტანილი“ რამდენიმე მოქალაქე გურიის რეგიონიდან და შეეცადა ადგილობრივი მოსახლეობის ამხედრებას. მაშინ კომიტეტმა 18 მაისს ჩოლოქთან მოიწვია ყრილობა.¹⁶³ რომელსაც ესწრებოდნენ ოზურგეთის სამაზრო ერობის წარმომადგენლებიც. ყრილობაზე სიტყვით გამოვიდნენ კომიტეტის წევრები: ზ. თხილაიშვილი, ზ. აბაშიძე, აგრეთვე ყრილობის მონაწილეები: რ. ნიჟარაძე, მ. გოგიბერიძე, რ. კონტრიძე, ა. ჯაფარიძე და სხვ., რომლებმაც შეკრებილთ მოუწოდეს სიმშვიდისა და ერთიანობისკენ. ყრილობამ აირჩია კომისია, რომელსაც დაეველა საქმის შესწავლა და მოსახლეობაში სათანადო განმარტებითი მუშაობა.

კომიტეტის თაოსნობით, ბათუმის საზოგადოებრიობამ 1919 წ. 26 მაისს პირველად აღნიშნა საქართველოს სახელმწიფოებრიობის აღდგენის დღე. ცირკის შენობაში გაიმართა საზეიმო კრება, რომელიც გახსნა მ. აბაშიძემ. მან ისაუბრა მუსლიმან და ქრისტიან ქართველთა ამოხაზვ და მოუწოდა მათ ერთიანობისაკენ. კრებაზე სიტყვით გამოვიდნენ გრ. ელიაძე, კ. გოგოლაძე, აკ. ფაღავე და სხვ.¹⁶⁴ შემდეგ გაიმართა დიდი სახალხო მსველელობა. ზეიმში მონაწილეობდა ქართველობა განურჩევლად სარწმუნოებისა. პრესა საგანგებოდ აღნიშნავდა, რომ „ყველგან საუცხოო წესრიგი სუფევდა, ყველას შეეგნო ამ დღის დიადი მნიშვნელობა, ყველა ერთი გრძნობით იყო გამსჭვალული, ყველას ერთი მიზანი აღაფრთოვანებდა - საქართველოს დამოუკიდებლობა“.¹⁶⁵

ბათუმის ოლქში პოლიტიკური ვითარების გაჯანსაღებისა და საქართველოს ეროვნული ინტერესების დაცვაში განსაკუთრებული როლი ენიჭებოდა ბათუმში ახალი ბეჭდვითი ორგანოს დაარსებას, რომელიც საქართველოს ხელისუფლებისა და ეროვნული მოძრაობის ინტერესებს დაცვადა. მართალია, ბათუმის ოლქის ქართველი პატრიოტები აქამდეც აქტიურად თანამშრომლობდნენ საქართველოს რესპუბლიკის ბეჭდვით ორგანოებთან, აქვეყნებდნენ მოწოდებებსა და წერილებს, მაგრამ რესპუბლიკური პრესა ყველასათვის არ იყო ხელმისაწვდომი და სრულადაც ვერ ასახავდა ბათუმის ოლქში შექმნილ სოციალურ-პოლიტიკურ ვითარებას. მეორეც, განმათვისუფლებელი კომიტეტის მუშაობის გამოცდილებამ დღის წესრიგში დააყენა ისეთი

¹⁶⁰ გაზ. „ერთობა“, №29, 261, 263, 1919.

¹⁶¹ გაზ. „საქართველოს რესპუბლიკა“, №35, 1919.

¹⁶² გაზ. „ერთობა“, №36, 1919.

¹⁶³ გაზ. „ერთობა“, №124, 1919.

¹⁶⁴ გაზ. „ერთობა“, №120, 1919.

¹⁶⁵ იქვე.

გაზეთის გამოცემის აუცილებლობა, რომელიც ოლქის მოსახლეობის ყველა ფენისათვის იქნებოდა მისაწვდომი. ამასთანავე, არსებული ვითარება ითხოვდა, გაზეთის ერთი გვერდი თურქულ ენაზე დაბეჭდილიყო იმავე წინაარსით, რომ ჯერ კიდევ გაუთითო ქართველები ზოგიერთი ქართველი მუსლიმანის სულს ფაქისად შეხებოდა და მისთვის ქართული ეროვნული ცნობიერება გაეღვიბებინა.

საქართველოს მთავრობამ უსრუწველყო გაზეთის გამოცემისათვის საჭირო ფინანსური და ტექნიკური პრობლემების გადაწყვეტა.

გადაწვდა, გაზეთი გამოსულიყო „სამუსლიმანო საქართველოს განმათავისუფლებელი კომიტეტის“ სახელით, როგორც კომიტეტის ბეჭდვითი ორგანო. ეს იყო აღიარება სასოფლოეობაში განმათავისუფლებელი კომიტეტის მსარდი ავტორიტეტისა. ამ „საპოლიტიკო, საეკონომიო და სალიტერატურო“ გაზეთის სახელად თავდაპირველად „აჭარა“ ყოფილა შეირჩეული, მაგრამ შემდეგ „სამუსლიმანო საქართველოთი“ შეუცვლათ.

გაზეთის გამოსვლას დიდი ინტერესით ელოდა ქართველი მკითხველი.¹⁶⁶ პირველი ნომერი გამოვიდა 1919 წლის 11 იანვარს. მომდევნო ნომერი აღარ გამოსულა, რადგან ინგლისის საოკუპაციო ხელისუფლებამ „დროებით შეაჩერა“.¹⁶⁷ მხოლოდ კომიტეტის მტკიცე და პრინციპულმა პოზიციამ აიძულა ხელისუფლება დაეთმო.

გაზეთი „სამუსლიმანო საქართველო“ გამოდიოდა ბათუმში 1919-1921 წლებში. სულ გამოვიდა ხუთასი ნომერი (1919 წ. №1-262, 1920 წ. №263-493, 1921 წ. №494-500). მის გამოცემას აფინანსებდა საქართველოს რესპუბლიკის საგარეო საქმეთა სამინისტრო. სტ. ჯემსაძის მოგონებით, რედაქცია იმყოფებოდა განმათავისუფლებელი კომიტეტის შენობაში (ბაღის ქ. №10, ამჟამად დ.კლდიაშვილისა). გაზეთი იბეჭდებოდა საკმაოდ მოზრდილი ფორმატის ქაღალდის ოთხ (იშვითად ორ) გვერდზე, ორი გვერდი ქართულენოვანი იყო, ორიც - თურქული.¹⁶⁸

გაზეთის რედაქტორად კომიტეტმა დაამტკიცა თახსიმ ხიმშიაშვილი, რომელიც შემდეგ შეცვალა მემედ აბაშიძემ.¹⁶⁹ გაზეთის პასუხისმგებელ მდივნად მუშაობდა მწერალი დავით კასრაძე.

პირველი ნომრის სარედაქციო წერილში – „ჩვენი მიმართულების განმარტება“ – განხილულია გაზეთის გამოცემის მისანდასახულობა და სამხრეთ-დასავლეთ საქართველოს წინაშე მდგარი ამოცანები. გაზეთს, როგორც სარედაქციო წერილიდან ჩანს, მისნად არ დაუსახავს მხოლოდ პოლიტიკურ საკითხებზე მსჯელობა, თუმცა ეს მთავარი და წამყვანი თემა იყო. სხვაანირად იგი ვერ გახდებოდა ეროვნულ-განმათავისუფლებელი მოძრაობის მაკორდინირებელი ცენტრის ორგანო. ამავე დროს იგი „ილაპარაკებს შემტყენებაზე, სწავლა-განათლებაზე, ლიტერატურაზე, მეტყველებაზე, ისტორიაზე და სხვა“.¹⁷⁰ ე.ი. გაზეთი მოსახლეობის ეროვნული თვითშეგნებისა და კულტურის დონის ამაღლების მიზნით ფართო საგანმანათლებლო ფუნქციასაც კისრულობდა და აშუქებდა ყველა იმ საჭირობორტო საკითხს, ასე რომ აღვლევდა

¹⁶⁶ გაზ. „საქართველოს რესპუბლიკა“, №7, 1919.

¹⁶⁷ გაზ. „ერთობა“, №22, 1919.

¹⁶⁸ თბილისის ეგ. ჯავახიშვილის სახელმწიფო უნივერსიტეტის ბიბლიოთეკის კატალოგში აღნუსხული 30 ნომრიდან შემორჩენილია 6. ერთი ნომერი ინახება ი. გრიშაშვილის მუზეუმ-ბიბლიოთეკაში. 38 ნომრის პროფ. შ. ფუტყარაძემ მიაკვლია სტამბოლის ერთ-ერთ წიგნსაცავში. 1920 წ. თებერვალ-ივნისის პერიოდის 36 ნომერი ნ. აბაშიძემ და თ. კომსახიძემ გამოსცეს ცალკე კრებულად (იხ. „გაზეთი სამუსლიმანო საქართველო“, ბათ., 2008). მკვლევარ შ. შაშიაძის ცნობით, დღეისათვის სულ ხელმისაწვდომია ამ გაზეთის დაახლოებით 60 ნომერი (იხ. მისი, გაზეთ „სკდაი მილეთის“ და „სამუსლიმანო საქართველოს“ უცნობი ნომრების შესახებ, - „საისტორიო მაცნე“, XV, ბათ., 2005, გვ. 117).

¹⁶⁹ გაბაქრაძე, ქართული პერიოდიკის ბიბლიოგრაფია, თბ., 1947, გვ. 60.

¹⁷⁰ გაზ. „სამუსლიმანო საქართველო“, №1, 1919.

ბათუმის ოლქის მოსახლეობას.

რედაქციას რთულ პირობებში უხდებოდა გაზეთის გამოშვება, ძნელი გასაკე-
ლევი იყო გზა, მაგრამ სიმნელეს გზისას გაგვიადვილებს ის იმედი, რომ ყველა ქართ-
ველი, განურჩევლად სარწმუნოებისა, ჩვენთანაა¹⁷¹ - ნათქვამია ერთ-ერთ წერილში.

გაზეთი გვეყვედ ამათრახებდა იმათ, ვინც „სედაი მიღეთის“ და დენიკინელთა
აგიტაციის გავლენით უპიროსპირდებოდა ეროვნულ-განმათავისუფლებელ მოძრაობას
ამხელდა და ბრალს სდებდა ინგლისის საოკუპაციო ხელისუფლებას ბათუმში
მოკალათებული ანტიქართული ძალების მხარდაჭერაში.

განმათავისუფლებელი კომიტეტი მტკიცედ იცავდა კავკასიის ერთა სოლი-
დარობის იდეას, რასაც კარგად გამოხატავდა „სამუსლიმანო საქართველოში“ ამ
საკითხისადმი მიძღვნილი წერილების პათოსი. გაზეთი ურჩევდა „კავკასიის ყველა
ერს შეთანხმებას და საერთო გზით სედას“, რომ „კავკასიის ერთა სოლიდარული
კავშირი“ წინ აღდგომოდ „რუსულ აგრესიულ ბოლშევიზმს“ და „შენახა ეროვნული
დამოუკიდებლობა“¹⁷².

„სამუსლიმანო საქართველო“ მიესალმა საქართველოს დემოკრატიულ რეს-
პუბლიკას და საბჭოთა რუსეთს შორის 1920 წლის 7 მაისს დადებულ ხელშეკრუ-
ლებას წერილში „ზაფი რუსეთთან“¹⁷³ გამოთქმული იყო იმედი, რომ დედასამშობ-
ლოსთან ბათუმის ოლქის დაბრუნება დიდხანს არ გაჭიანურდებოდა. მართლაც,
რამდენიმე თვეში აღსდგა ისტორიული სამართლიანობა და იგი საქართველოს დაუბ-
რუნდა. ამიტომაც გაზეთი 7 ივლისს, ბათუმში ქართული ჯარის შემოსვლას,
„დაუფიწყარ ისტორიულ დღეს“ უწოდებს, რადგან „სამყროვანი ქართული დროშის,
ქართული ერის სუვერენობის და ძლიერების სიმბოლოს აფრიალება წარუშლელი
დარჩება ჩვენი ხალხის მესიყვებაში“¹⁷⁴.

„ქართული ეროვნული ხეულის გამთლიანებით“ აღტაცებულ გაზეთ „სამუ-
სლიმანო საქართველოს“ ღრმად სწამდა, რომ „დღეის შემდეგ იწმინდება ჩვენი მხარე
შავპირებისაგან“ და „შორს არ არის ის დრო, როცა ტაო-კლარჯეთის მზიური ქვეყანა
აღორძინებული და აყვავებული მოველინება კაცობრიობას“¹⁷⁵.

გაზეთი არ შემოსაზღვრულა მხოლოდ პოლიტიკური საკითხებით. იგი თავის
ფურცლებზე ფართო ადგილს უთმობდა უცხოელთა ბატონობისაგან დაბეჭდვით
მშრომელი მოსახლეობის სოციალური პრობლემების გაშუქებას (№№280, 297, 356,
390, 427...), მათში კულტურისა და განათლების შეტანას პერიოდულად აქვეყნებდა
წერილებს ლიტერატურისა და ხელოვნების საკითხებზე, ბეჭდავდა სხვადასხვა
უანრის (ლექსი, მოთხრობა, ფელეტონი) ნაწარმოებებს (№№5, 372, 375...).

„სამუსლიმანო საქართველო“ ერცვლდებოდა არა მხოლოდ ბათუმის ოლქში,
არამედ მის ფარგლებს გარეთაც. ამას მოწმობს თუნდაც ის გამოხმაურებები, რომე-
ლიც სისტემატურად იბეჭდებოდა მაშინდელ გაზეთებში „საქართველოს რესპუბლიკა“,
„ერთობა“, „განახლებული მესხეთი“ და სხუ.

გაზეთმა „სამუსლიმანო საქართველომ“ მოღვაწეობის მოკლე პერიოდში დიდი
როლი შეასრულა ეროვნული ინტერესების დაცვაში, პატრიოტული წერილებით,
მტკიცე და პრინციპული პოზიციით ხელი შეუწყო ეროვნულ-განმათავისუფლებელი
მოძრაობის წარმატებით განვითარებას. იგი იყო მაშინდელი სამხრეთ-დასავლეთ

171 იქვე, №5, 1919.
172 იქვე, №432, 1920.
173 იქვე, №359, 1920.
174 იქვე, №427, 1920.
175 იქვე, №429.

საქართველოს საზოგადოების პროგრესული აზრის გამომხატველი, ამიტომაც მის ფურცლებზე მრავალი საინტერესო ინფორმაცია დაბეჭდილი ჩვენი ქვეყნის ცხოვრებიდან.

ოლქში ანტიქართული ძალების გაძლიერება საფრთხეს უქმნიდა სამუხ-ლიმანო საქართველოს დედნაშაშობლოსთან დაბრუნების მხარდამჭერთა უშიშროებას. ამიტომ კომიტეტმა ჩამოაყალიბა ქართველთა ბატალიონი, რომელიც თავდაპირველად 500-მდე კაცს აერთიანებდა.¹⁷⁶ ბატალიონის მეთაური იყო მემედ აბაშიძის უმცროსი ძმა და ერთგული თანამებრძოლი ასლან აბაშიძე.¹⁷⁷ იგი თავისი ბატალიონით იქ იდგა, სადაც სამშობლოს უჭირდა. ამ დამსახურებისათვის საქართველოს მთავრობამ მას გენერლის სამხედრო წოდება მიანიჭა. ბატალიონმა თავის დროზე დიდი როლი შეასრულა ბათუმის ოლქის მოსახლეობის ინტერესების დაცვაში.

განმათავისუფლებელი კომიტეტი შეუპოვრად იბრძოდა ოსმალური ორიენტაციის პარტიის „სედაი მილეთის“ წინააღმდეგ. იდეური ბრძოლის ამსახველი მასალები სისტემატურად შექდებოდა გასუთებში – „სამუსლიმანო საქართველო“, „ერთობა“, „საქართველოს რესპუბლიკა“, „საქართველო“ და სხვ. „სედაი მილეთს“ ჰქონდა თავისი რაიონული ორგანიზაციები.¹⁷⁸ ისინი პროგრესულ მოღვაწეთა წინააღმდეგ ტერორსაც მიმართავდნენ.¹⁷⁹ სედაიმილეთელები მჭიდრო კავშირში იყვნენ მუსავეტელებთან, რადგან ასურბაიჯანელი ნაციონალისტები, რელიგიის ერთიანობის ღოზუნგით, პრეტენზიას აცხადებდნენ ბათუმის ოლქზე და სურდათ შვე ზღვაზე გასასუფელი.¹⁸⁰ „სედაი მილეთის“ პარტია სომეხ დაშნაკებსაც ჰპირდებოდა ჯოროხის მარცხენა ნაწილს, შავი ზღვისკენ რკინიგზის გასაყვანად.¹⁸¹

სედაიმილეთელთა გავლენა უფრო იგრძნობოდა მთის სოფლებში, სადაც ილაშქრებდნენ განმათავისუფლებელი კომიტეტის აქტივისტთა წინააღმდეგ და მოითხოვდნენ კომიტეტის აკრძალვას.¹⁸² მ. აბაშიძემ ხულოსა და მარადიდში ჩატარებული ასეთი კრებების შესახებ პროტესტით მიმართა ბათუმის ოლქის გენერალ-გუბერნატორს, რასაც, როგორც ყოველთვის, ამ უკანასკნელმა დუმილით უპასუხა. ინგლისელთა მხარდაჭერით, სედაიმილეთელებმა 1919 წლის 26 თებერვალს განცხადება შეიტანეს ბათუმის ოლქის მმართველ საბჭოში და მეორე დღესვე დააფუძნეს კიდევ ერთი საზოგადოება, „ბათუმის ოლქის მუსლიმანთა საბჭო“.¹⁸³

გაზ. „სამუსლიმანო საქართველო“ აფრთხილებდა თანამომეებებს „აწ მინც ვიცნოთ მტერ-მოყვარნი, აწ მინც ავეყხილოს თვალები, აწ მინც ნუთუ ვეღარ უნდა მიხედეთ, თუ ვინ არიან... სედაი მილეთელები“.¹⁸⁴ რომლებიც, „ქართველ მაჰმადიანებს მოუწოდებენ ბათუმის ოლქი გაეწმინდათ ქრისტიანი ქართველებისაგან“.¹⁸⁵

განმათავისუფლებელი კომიტეტის ხელმძღვანელობით 1919 წლის 1 ივლისს ბათუმში და 18 ივლისს ქობულეთში გაიმართა მასობრივი მიტინგები, სადაც მიიღეს რესოლუციები ანტიქართული ძალების წინააღმდეგ ბრძოლის გაძლიერების შესახებ.¹⁸⁶ „ქობულეთის, ბათუმის, აჭარისწყლის, ქედის და სხვა ადგილებში მიტინგებმა,

¹⁷⁶ სცსა, ფ. 446, აღწ. 2, ს. 49, ფურც. 5-11.

¹⁷⁷ ი.სხარულიძე, ვენერაღი ასლან აბაშიძე, თბ., 1994, გვ. 10-12.

¹⁷⁸ გაზ. „სამუსლიმანო საქართველო“, №356, 1920.

¹⁷⁹ გაზ. „ერთობა“, №266, 1920.

¹⁸⁰ ვ.ნოზაძე, დასახ. ნაშრ., გვ. 13.

¹⁸¹ გაზ. „სამუსლიმანო საქართველო“, №362, 1920.

¹⁸² გაზ. „საქართველოს რესპუბლიკა“, №47, 1919.

¹⁸³ იქვე, №51, 1919.

¹⁸⁴ გაზ. „სამუსლიმანო საქართველო“, №320, 1920.

¹⁸⁵ გაზ. „ერთობა“, №166, 1919.

¹⁸⁶ გაზ. „ბრძოლა“, 1919, №163, გაზ. „ერთობა“, №152, 1919.

რომლებსაც ესწრებოდა ადგილობრივი მცხოვრებთა დიდი უმრავლესობა, - ნათქვამია გაზ. „განახლებული მესხეთის“ მოწინავეში, - ერთხმად აღიარეს შეუერთდეს დედა-საქართველოს და ამით დაასრულოს ის წაშება, რომელსაც განიცდის ყველასაგან მივიწყებული კუთხე. მოახლოებულია უამრავი საქართველოს გაერთიანებისა ამიერიდან პასიური მუსლიმანი ქართველობა იწყებს აქტიურ ბრძოლას.¹⁸⁷

1919 წ. შუახანებისათვის გართულდა მდგომარეობა ბათუმის ოლქში. განმათავისუფლებელი კომიტეტის გააქტიურებას დენიკინელებმა, ინგლისელი გუბერნატორის მხარდაჭერით, დაუპირისპირეს მისი წევრების დევნა გუბერნატორისადმი წარდგენილ მემორანდუმ-პროტესტს კი შესამჩნევი შედეგი არ მოჰყოლია.

ეროვნული მოძრაობის გასაძლიერებლად განმათავისუფლებელი კომიტეტი წავიდა „სედაი მილეთთან“ შეთანხმებაზეც. ამ მიზნით 1919 წ. თებერვალში მოეწყო გაერთიანებული სხდომა. მიიღეს დადგენილება მოქმედების კოორდინაციისათვის შეექმნათ კომისია 6-6 წევრის შემადგენლობით.¹⁸⁸ მართალია, მისი მუშაობის შესახებ ჯერჯერობით არაფერი ვიცით, მაგრამ თუ გაეითვალისწინებთ მოვლენათა შემდგომ მსვლელობას, გასაგები გახდება, რომ ამ შეხვედრას, ფაქტობრივად, სასურველი შედეგი არ მოჰყოლია.

„სედაი მილეთის“ პარტიას ამავე სახელწოდების თავისი ბეჭდვითი ორგანოც გააჩნდა, რომელიც თურქულ ენაზე გამოდიოდა.¹⁸⁹ იგი იბეჭდებოდა შამაქის სტამბაში. გამოდიოდა 1919 წ. მარტიდან 1920 წ. ზაფხულამდე, კეირაში საიჯერ. დედა-სამშობლოსთან ბათუმის ოლქის დაბრუნებისთანავე, ეს გაზეთი საქართველოს ხელისუფლებამ დახურა. საქართველოში გაზეთის არც ერთი ნომერი არ მოიპოვებდა ცნობილია თურქეთის რესპუბლიკაში 9 ნომრის არსებობა. ვიცით ისიც, რომ 1919 წლის 31 დეკემბრისათვის გაზეთის 87 ნომერი ყოფილა გამოსული.¹⁹⁰

ინგლისის საოკუპაციო ხელისუფლებისაგან ყრილობის მოწვევის ნებართვის მიღებისთანავე განმათავისუფლებელმა კომიტეტმა ოლქში დაიწყო წარმომადგენელთა არჩევნები, რომელსაც თავად კომიტეტის წევრები ესწრებოდნენ. გაზეთი „ბრძოლა“ იუწყებოდა: „ბათუმის ოლქის ყველა კუთხეში ჩატარდა სახალხო კრებები, რომლებზეც მოსახლეობა ირჩევდა თავის წარმომადგენლებს“.¹⁹¹

დელეგატთა შემადგენლობა არ იყო ერთგვაროვანი. გარდა კომიტეტის მომხრეებისა (ისინი კი უმრავლესობას შეადგენდნენ), მას ესწრებოდნენ ოსმალოფილები და სხვ.¹⁹²

1919 წლის 30 აგვისტო ისტორიულ დღედ იქცა საქართველოს ერთიანობისა და დამოუკიდებლობისათვის მებრძოლი პატრიოტული ძალებისათვის. „ამ დღეს შეიკრიბნენ ბათუმის ოლქის ღირსეული შეილები, რომელთაც უნდა მიეღოთ უმნიშვნელოვანესი გადაწყვეტილებები ბათუმის ოლქის მომავალ ბედთან დაკავშირებით“.¹⁹³

ყრილობა გაიხსნა ბათუმის სათათბიროს სხდომათა დარბაზში. შეიკრიბა 96 დელეგატი ოლქის თითქმის ყველა კუთხიდან.¹⁹⁴ ესწრებოდნენ საქართველოს დამფუძნებელი კრების წევრები (პ. სურგულაძე, პ. საყვარელიძე, ს. ფირცხალავა), საქართველოს რესპუბლიკის კონსული ბათუმში რ. აღნიაშვილი, ბათუმის ქართველთა ეროვნუ-

¹⁸⁷ გაზ. „განახლებული მესხეთი“, №1, 1919.

¹⁸⁸ გაზ. „ბრძოლა“, №28, 1919.

¹⁸⁹ ე.მესხია, „სედაი მილეთი“. - კრებ. „საისტორიო მაცნე“, №4, 1996, გვ. 29.

¹⁹⁰ ზ. შაშიკაძე, დასახ. ნაშრ., გვ. 115-116.

¹⁹¹ ე.მესხია, ისტორიული ყრილობა, ჟურნ. „საისტორიო მაცნე“, №1, 1995, გვ. 29

¹⁹² ს.გერსამია, შემედ. აბაშიძე, ბათ. 1960, გვ. 74.

¹⁹³ მ.ბაშიძე, რჩეული ნაწერები, ბათ., 1973, გვ. 125.

¹⁹⁴ საქართველოს პრეზიდენტის არქივი, ფ. 14, ან. 1, ს. 854, ფურც. 27.

ლი საბჭოს თავმჯდომარის მოადგილე ნ. ჯაყელი, აგრეთვე, აზერბაიჯანის, სპარსეთისა და სომხეთის კონსულები და სხვ.¹⁹⁵ ყრილობის თავმჯდომარე იყო მემედ აბაშიძე. პრეზიდიუმში აირჩიეს 9 კაცი. ყრილობაზე ვრცელი სიტყვა წარმოთქვა გახეთ „სამუსლიმანო საქართველოს“ პირველმა რედაქტორმა თაქსიმ ხიმშიაშვილმა. ყრილობას მიესალმნენ აზერბაიჯანისა და სპარსეთის კონსულები.¹⁹⁶

სამწუხაროდ, არსებული მასალების მიხედვით, სხვა გამომსვლელთა ვინაობა უცნობია, გამორიცხული არ არის, თუნდაც დელეგატთა არაერთგვაროვნობის გამო, საწინააღმდეგო აზრის არსებობაც. რადგან მოწინააღმდეგენი დელეგატთა უმცირესობას წარმოადგენდნენ, ფორუმის შედეგებზე ისინი რაიმე გავლენას ვერ მოახდენდნენ (ეს დაადასტურა ყრილობის დოკუმენტებმაც). შესაძლოა, ამის გამო არ აისახა მათი გამოსვლები მაშინდელი პრესის ფურცლებზე.

ყრილობამ მისასაღებებელი დეკლარაციები გაუგზავნა საქართველოს დემოკრატიული რესპუბლიკის დამფუძნებელ კრებასა და მთავრობას.

ყრილობამ მიიღო ისტორიული მნიშვნელობის რეზოლუცია - ბათუმის ოლქის დელასამშობლოსთან დაბრუნების შესახებ.¹⁹⁷ იმავე წლის 5 სექტემბერს, ოცი კაცი-საგან შემდგარმა დელეგაციამ მ. აბაშიძის მეთაურობით აღნიშნული დოკუმენტი საქართველოს დამფუძნებელ კრებას წარუდგინა რეზოლუცია მაშინდელ ვითარებაში მეტად გაბედული და პროგრესული აქტი იყო.

ყრილობამ აირჩია მეჯლისი, რომლის მოვალეობას შეადგენდა ბრძოლა მიღებული დადგენილების განხორციელებისათვის. ამრიგად, 1919 წლის 31 აგვისტოდან განმათავისუფლებლმა კომიტეტმა გზა დაუღოცა სამუსლიმანო საქართველოს მეჯლისს, რომელსაც გადასცა თავისი უფლებები და ამით კომიტეტმა დაასრულა მოღვაწეობა. მართალია, მეჯლისი სტრუქტურულად განსხვავებოდა განმათავისუფლებელი კომიტეტისაგან, მაგრამ პრაქტიკულად მისი ხაზის გამტარებელი იყო. პირველივე სხდომაზე მემედ აბაშიძე აირჩიეს სამუსლიმანო საქართველოს მეჯლისის თავმჯდომარედ.

ყრილობას უდიდესი მნიშვნელობა ჰქონდა საქართველოს ეროვნულ-ტერიტორიული ერთიანობის დაცვისათვის. ამიტომაც წერილში „31 აგვისტო“ მ. აბაშიძემ იგი შეაფასა ისტორიულად არა მარტო ბათუმის ოლქის, არამედ სრულიად საქართველოს პოლიტიკურ ცხოვრებაში.

ყრილობის დადგენილებას ბათუმისა და ბათუმის ოლქის საქართველოსთან დაბრუნების შესახებ „ნიშნაც ჰქონდა დიდი მნიშვნელობა, რომ როდესაც ეს დადგენილება მიიღეს, ბათუმსა და მის ოლქში ფორმალურად არსებობდა ინგლისის ოკუპაცია, ხოლო ფაქტობრივად ხელისუფლება დენიკინელების ხელში იყო, ქართველები კი დეჰნილები იყვნენ“.¹⁹⁸ ამიტომაც, გრ. ურატაძის სიტყვით, ყრილობის დადგენილებას ფართო გამოსხმარება მოჰყვა ბათუმში და მის ფარგლებს გარეთ.

1920 წ. 7 იელისის ინგლისის ჯარმა დატოვა ბათუმის ოლქი. მასზე აღსდგა საქართველოს დემოკრატიული რესპუბლიკის იურისდიქცია. განმათავისუფლებელი ბრძოლა, რომელსაც „სამუსლიმანო საქართველოს განმათავისუფლებელი კომიტეტი“ ედგა სათავეში, წარმატებით დასრულდა - სამხრეთ-დასავლეთ საქართველოს დიდ ნაწილი დელასამშობლოს დაუბრუნდა.

¹⁹⁵ გაზ. „ეროზო“, №199, 1919.

¹⁹⁶ იხ. გაზ. „ეროზო“, №208, 1919.

¹⁹⁷ სცსსა, ფ. 1861, ან. 2, ს. 42, ფურც. 1-3.

¹⁹⁸ გრ. ურატაძე, საქართველოს დემოკრატიული რესპუბლიკის შექმნა და კონსოლიდაცია, გაზ. „გენტინიკ გრუზია“, №34, 1991.

§5. ბათუმის ოლქის დაბრუნება საქართველოს შემადგენლობაში

1920 წ. თებერვლის დასაწყისში ბათუმიდან დიდი ბრიტანეთის საოკუპაციო ძალების გაყვანამ სამხრეთ-დასავლეთ საქართველოს ხელში ჩაგდებას მოსურნე ანტიქართული ელემენტები გააქტიურა. საქართველოს მთავრობამაც, წესრიგისა და სტაბილურობის აღსადგენად, გადაწყვიტა ამ მხარეში თავისი ჯარების შემოყვანა.

საქართველოს ჯარი ორი მიმართულებით მოიწვედა ბათუმისაკენ - ნატანებისა და ახალციხის მხრიდან. ნატანებთან იგი შეაჩერეს ინგლისელმა სამხედროებმა სამაგიეროდ, ახალციხიდან წარმატებით მოიწვედნენ ეროვნული არმიის ნაწილები, რომლებმაც დაიკავეს არტანუჯი და არტაანის ნაწილი. მიუხედავად კუკ-კოდისის პრინციპული მოთხოვნისა, საქართველოს ხელისუფლებამ ამ ტერიტორიებიდან არ გამოიყვანა სამხედრო ძალა პირიქით, მალე ქართული ჯარის მცირე ნაწილი შევიდა და განლაგდა დაბა ხულოშიც. ამით დასრულდა ეროვნული სამხედრო შენაერთების სამხრეთ-დასავლეთ რეგიონში გადაჯგუფების პირველი ეტაპი.

მოსახლეობამ რეალურად აღიქვა ერის გამთლიანებისათვის გადადგმული ნაბიჯი და ქართულ ჯარს თანაგრძნობით შეხვდა. ამან დიდი გავლენა მოახდინა საზოგადოებრივ ძალებზეც. ეროვნულ პოზიციაზე გადმოსული ე.წ. „გაერთიანებულ მუსლიმანთა საბჭო“ ოლივერ უორდროპისადმი გაგზავნილ ნოტაში აღნიშნავდა „სარწმუნო წყაროებიდან ვიცით, რომ აზერბაიჯანის აგენტები აშკარად აძლევენ ყანალებს ფულს, რათა თავდასხმა მოაწყონ ქართველ ჯარზე. ჩვენი ხალხი საქართველოს ჯარს ელის აღფრთოვანებით და სიყვარულით, რათა დაიცვან ძველი საქართველო“.¹⁹⁹

კუკ-კოდისის ხელისუფლებისა და მის გარშემო შემოკრებილ აგენტთა დაქინებული მცდელობის მიუხედავად (მათ ხულოს მისადგომებთან სანგრებოც გათხარეს ქართული ჯარის შესაჩერებლად), აჭარის მოსახლეობა სიხარულით დახვდა მას და ხულოში შესვლა ზემად აქცია.

ამ მნიშვნელოვან წარმატებას თან ახლდა ზოგიერთი შეფერხებაც. თავდაცვის სახელმწიფო აპარატში მაშინ არსებულმა ნაკლოვანებებმა და სამხედრო ნაწილების სწრაფი მოზილიზაციის შეუძლებლობამ განაპირობა საჯარისო შენაერთების შემოსულის გაჭიანურება აჭარაში. ეს პროცესი ჩოლოქის მიმართულებით კი საერთოდ შეყვნდა. ამას დაერთო ის გარემოებაც, რომ კუკ-კოდისის ხელისუფლება რეალურად ფლობდა სიტუაციას ბათუმისა და ქობულეთის მიმდებარე ტერიტორიებზე. ამან ინგლისელებს შესაძლებლობა მისცა გადაესროლათ ჩოლოქთან თავიანთი ძალები და შეეზღუდათ ქართული ჯარის წინსვლა ბათუმის მიმართულებით. სხვა მდგომარეობა იყო მთიან აჭარასა და ართვინის რაიონში, სადაც საოკუპაციო ხელისუფლება, პოლიტიკურად და სამხედრო ძალით, შედარებით სუსტად გამოიყურებოდა ამიტომაც იქ ქართული ჯარი იოლად შევიდა.

მთავრობის ღონისძიებები მოიწონა საქართველოს პარლამენტმაც და დაადგინა „1. მიენდოს მთავრობას მტკიცე ნაბიჯი გადადგას მოკავშირეთა მიმართ, რათა ბათუმი და მისი ოლქი საქართველოს დაუბრუნდეს. 2. დაევალოს პრეზიდენტს მიმართოს მოკავშირეთა პარლამენტებს, რათა მათ მხარი დაუჭირონ ქართველი ერის სასიცოცხლო ინტერესების განხორციელებას ბათუმის ოლქის საქართველოსათვის

¹⁹⁹ გაზ. „სამუსლიმანო საქართველო“, №321, 1920.

დაბრუნების საკითხში²⁰⁰

საქართველოს ხელისუფლებისადმი მოსახლეობის ერთსულოვანმა მხარდაჭერამ აიძულა მოწინააღმდეგე ძალები შეკავშირებულყენენ და ჩაეშალათ აჭარაში საქართველოს საჯარისო შენაერთების შესვლა, მოეხდინათ მოსახლეობის პროვოცირება და გამოეყვითა კონფლიქტი ქართულ ჯართან. ამის უშუალო ორგანიზატორი კუკ-კოლისი იყო. მისი ხელმძღვანელობით სოფლებში გაშალეს პროპაგანდა ქართული ჯარის აჭარაში ყოფნის წინააღმდეგ, კუკ-კოლისმა საქართველოს მთავრობასაც მიმართა ოლქის სახლვერებიდან ჯარების გაყენის მოთხოვნით. „თუ... ამგვარი ბრძანება არ იქნება გაცემული, მე ვიტოვებ უფლებას, მივიღო ისეთი ზომები, როგორსაც საჭიროდ ვცნობ“, - წერდა კუკ-კოლისი.²⁰¹ მისივე მითითებით დაიწვეს იარაღისა და ტყვია-წამლის დარიგება, მოსახლეობაში კი საქართველოსთან შეერთების საწინააღმდეგო ხმების მიგრირება ანტანტის უმაღლესი საბჭოს კონფერენციისათვის გადასაგზავნად.²⁰²

საბრძოლო იარაღს ძირითადად ურიგებდნენ თურქეთისა და რუსეთისადმი კეთილგანწყობილ, აგრეთვე, არაადგილობრივი წარმოშობის პირებს. ამის თაობაზე საქართველოს მთავრობამ ოფიციალური განცხადებაც გააკეთა. ანტანტის უმაღლესი საბჭოს სახელზე გაგზავნილ საპროტესტო ნოტაში აღნიშნული იყო, რომ ბათუმის ოლქში იარაღის დარიგებას შეეძლო ერთნაირი ზიანის მიყენება როგორც საქართველოს, ისე მოკავშირეთა ინტერესებისათვის.²⁰³

შეიარაღებული ბანდების ნამდვილ თავშესაფრად გადაიქცა საქართველოს მოსახლერე ოსმალეთის რაიონები. ისინი, სარგებლობდნენ რა საოკუპაციო ხელისუფლების წაყრუებით, მცირე ჯგუფებად შემოდირდნენ აჭარაში და ადგილობრივ ანარქიულ ძალებთან ერთად იარაღს ისხამდნენ ქართული ჯარის საწინააღმდეგოდ. ოლთისის და მურღულის რაიონებში „ჩეთნიკებო“ თავს დავსხნენ მოსახლეობას; სასახლერო ზოლში გახშირდა მსგავსი ბანდიტური აქციები, რასაც ადამიანთა გარკვეული მსხვერპლი მოჰყვა.

ოსმალთა ემისრები კარგად იყენებდნენ საოკუპაციო ხელისუფლების სისუსტეს და ცდილობდნენ თავიანთი საქმიანობისათვის მტკიცე პოლიტიკური სახე მიეცათ. შეიმჩნეოდა ტაქტიკური მოსაზრებით ძალების გაერთიანება, რასაც ხელს უწყობდა ოსმალეთის პოლიტიკური მოვლენები. ეერპოდ, 1919 წ. მაისიდან იქ გაჩაღებული ეროვნულ-განმათავისუფლებელი მოძრაობა მუსტაფა ქემალ ფაშას მეთაურობით, რომელიც 1920 წ. აპრილში აირჩიეს თურქეთის დიდი ეროვნული კრებისა და მთავრობის თავმჯდომარედ.

ანტანტის წინააღმდეგ ბრძოლაში ქემალ ათათურქის მთავრობამ კურსი აიღო საბჭოთა რუსეთზე. თავის მხრივ, რუსეთიც ხალისით წავიდა ამ კავშირზე, რადგან იქმნებოდა მის მიერ ამიერკავკასიის სახელმწიფოების კელავ დაპყრობის პერსპექტივა, აგრეთვე, მახლობელ აღმოსავლეთში სოციალისტური იდეების ექსპორტირების შესაძლებლობა.²⁰⁴ მართალია, ბოლშეიკებმა ვერ შეძლეს თავიანთი პროგრამის სრულად რეალიზება, მაგრამ ოსმალეთთან დაახლოებით მაინც წარმატებას მიაღწიეს (ბაქოს უსისხლო გასაბჭოება). ასე რომ, მათ მეგობრულ აღიანსს ორმხრივი დაინ-

²⁰⁰ იხ. საქართველოს დამუშავებული კრების 1920 წ. 19 მარტის სხდომის სტენოგრაფიული ანგარიში, თბ., 1920, გვ. 59.

²⁰¹ სცსა, პმფ. ს. 394, ფურც. 262.

²⁰² ვაზ. „საქართველო“, №58, 1920.

²⁰³ სცსა, პმფ. ს. 404, ფურც. 57.

²⁰⁴ იხ. ლ.თოიძე, ინტერვენციაც, ოკუპაციაც, ძალდატანებითი გასაბჭოებაც, ფაქტობრივი ანექსიაც, თბ., 1991, გვ. 46-51.

ტერესება ჰქონდა ამასთან, ორივე სახელმწიფოს შორის მაშინ არსებობდა პოლიტიკური, სახელმწიფოებრივი და ტერიტორიულ-რეგიონალური სადავო საკითხები. ანტანტის წამყვანმა სახელმწიფოებმა აღდგო ევრ აუღეს ოსმალეთის გარშემო შექმნილ პრობლემებს, სრულად ევრ შეაფასეს ქმნალ ათათურქის მიერ დაწყებული ეროვნული მოძრაობის მნიშვნელობა, რითაც კარგად ისარგებლა რუსეთის ბოლშევიკურმა მთავრობამ.

ბათუმის ოლქში ქართული ჯარის შემოსვლის შემდეგ, მტრული ძალები აქტიურ მოქმედებაზე გადავიდნენ. მათი უშუალო ხელმძღვანელობით ქობულეთის რაიონში ცდუნებას აყოლილი სოფლის მოსახლეობის გარკვეული ნაწილი იარაღით დადგა მდ. ჩოლოქთან. ქესკინ-ზადეს ტიპის სედაიმილეთელები ფინანსურად და მორალურად ცდილობდნენ ხალხზე ზეგავლენის გაძლიერებას. არ ერიდებოდნენ შანტაჟსაც. მაგალითად, ქობულეთედ იუსუფ ქათამაქეს 1920 წლის მარტში გარდაცვალა შვილი. სედაიმილეთელებმა მგლოვიარე ოჯახს ერთი კვირის განმავლობაში არ მისცეს დასაფლავების უფლება. შეწუხებული გლეხი იძულებული გახდა, შეპირებოდა ავანტიურისტებს, რომ იარაღით დადგებოდა მათ მხარეს, მხოლოდ ამის შემდეგ შეძლო ჭირისუფალმა მიცვალებულის დაკრძალვა.²⁰⁵

საოკუპაციო ხელისუფლებისა და ანტიქართული ძალების ზრახვები საბოლოოდ ჩაიშალა. მათ ევრ შეძლეს ქობულეთში ინციდენტის გაღრმავება ოსმალეთ-აზერბაიჯანისა და ბოლშევიკების მისწრაფების მიუხედავად, რომლებიც თანხებს არ იშურებდნენ ქართული ჯარის საწინააღმდეგო გამოსვლების ორგანიზაციისათვის, ხალხი მათ მაინც განუდგა.

ქართული ჯარის ნაწილები ნატანებიდან დაიძრა ქობულეთისაკენ. ინგლისის წარმომადგენლობასთან შეთანხმების შემდეგ, საქართველოს მთავრობის ბრძანებით, ისინი შეჩერდნენ მდინარე ჩოლოქთან. ასეთი პასიურობით ისარგებლეს იქ ჩასაფრებულმა ავანტიურისტებმა და ატეხეს სროლა. ჩოლოქის ოპერაციის ორგანიზატორი იყო კუკ-კოლისი. მას მხარს უბამდნენ აზერბაიჯანის საკონსულოს და რუსთა ეროვნული საბჭოს ხელმძღვანელობა, „სედაი მილეთის“ უკიდურესი მემარცხენე ფრთა ქესკინ-ზადეს ხელმძღვანელობით, აგრეთვე, ყოფილი დენიკინელები.²⁰⁶ ამ პროვოკაციის ორგანიზატორები იყვნენ ოსმალეთიდან გადმოსული შეიარაღებული პირებიც. ბოლშევიკი ჟურნალისტის მ. რუმანოვის კორესპონდენტის მიხედვით, გადმოისროლეს რა „დამოუკიდებელი აჭარისტანის“ ლოზუნგი, ინგლისელები ცდილობდნენ არ გაეწყვიტათ „მეგობრული ურთიერთობები საქართველოსთან“. ამიტომ, „მისი ბათუმისაკენ მოძრაობა შეაჩერეს აჯანყებულთა მიერ ქობულეთის ფრონტის შექმნით, რაც დაუყოვნებლივ გამოიყენეს თურქმა ნაციონალისტებმა და აჯანყებულთა რიგები შეივსო ბევრი თურქი ოფიცრით“.²⁰⁷

თანამედროვე თურქულ ისტორიოგრაფიაში ფაღლისფიცირებულია ქობულეთ-ჩოლოქის ინციდენტი. კერძოდ, თელიან, რომ 1920 წელს ბათუმში დისლოცირებული იყო ოსმალეთის სამხედრო ძალების მნიშვნელოვანი რაოდენობა. თითქოს 30 აპრილს ბათუმის მხრიდან ჩოლოქთან იბრძოდა ოსმალეთის 10-ათასკაციანი შენაერთი.²⁰⁸ მართალია, ამ პერიოდში აჭარაში რიცხობრივად გაიზარდა პროთურქული დაჯგუფებები, მაგრამ რეგულარული სამხედრო ნაწილები, ცხადია, ოსმალებს აქ არ ჰყავდათ და ამას არც ინგლისელები დაუშვებდნენ.

²⁰⁵ აშშუ., ს. 247.

²⁰⁶ სცსა, პმუ, ს. 416.

²⁰⁷ Борьба за победу Советской власти в Аджарии, с. 327.

²⁰⁸ Artvin ve çevresi, 1828-1921 savaşları. Hazırlayan M. Adil Özder Ankara, 1971. s. 197.

ანგორის ანკარის მთავრობას კარგად ესმოდა შექმნილი ვითარების სიმწვავე დაინტერესებულ მხარეთა პოზიციები და შესაძლებლობები. ამასთან დაკავშირებით, საინტერესოა მე-15 კორპუსის სარდლის ქიაზიმ ყარაბექირის ინფორმაცია, რომელიც ხეობად ინგლისელთა მიერ ბათუმის ოლქიდან ჯარების ევაკუაციას იგი შესაძლებელად მიიჩნევდა ამ რეგიონში თურქეთის სამხედრო ნაწილების შეყვანას.²⁰⁹ აღნიშნულ ინფორმაციაზე დართული თურქეთის საგარეო საქმეთა სამინისტროს რეზოლუციით ჩანს, რომ ვითარების სათანადოდ გარკვევამდე ანგორის მთავრობა ცდილობდა სამხრეთ-დასავლეთ საქართველოში ფრთხილად ემოქმედა.²¹⁰ ამგვარი პოზიცია იმაზეც მიუთითებს, რომ ჯერ კიდევ სუსტ თურქეთს არ შეეძლო აჭარაში მსხვილი სამხედრო შენაერთების გადმოსროლა. სამაგიეროდ, გახშირდა წერილი ბანდებისა და სამხედრო კონსულტანტების შემოგზავნა, რომლებიც მონაწილეობდნენ ქობულეთისა და ხულოს ინციდენტებში.

საქართველოს სამხედრო ნაწილებისა და სარდლობის გონივრული მოქმედების წყალობით, მოწინააღმდეგეებმა ვერ შეძლეს ქობულეთის პროვოკაციის ესკალაცია. სამაგიეროდ, გათამამებული ბანდები იქიდან დაიძრნენ ზემო აჭარისაკენ, ხულოში დისლოცირებული ქართული რაზმის განსაიარაღებლად. დაიწვეს, აგრეთვე, სატრანსპორტო საშუალებებით საბრძოლო იარაღის და საჭურველის იქ გადაზიდვა ეროვნული ძალების მოთხოვნის მიუხედავად, ინგლისის საოკუპაციო ხელისუფლებას არაფერი მოუოქმედებია ამ წინასწარ დაგეგმილი სისხლიანი აქციის აღსაკვეთად.

ხულოზე შეტევის გეგმა შემუშავდა ქობულეთის ავანტიურის მოთავეების - ქესკინ-ზადესა და ბიბინ-ზადეს ხელმძღვანელობით. მასში კონსტრუქციული ცვლილებები შეიტანეს ოსმალეთიდან გადმოსულმა ემისრებმა.²¹¹ მოსახლეობის გადაბირებისათვის ჩატარებული ღონისძიება უშედეგო გამოდგა. არავის გამოუთქვამს სამარცხვინო აქციაში მონაწილეობის სურვილი.²¹² ზემო აჭარის მცხოვრებლები ატყობინებდნენ საქართველოს მთავრობის საგანგებო რწმუნებულს ბათუმში - მ. ხოკოლავას სოფელ ჭვანაში მტრების მიერ დაწყებულ სამზადისზე და თხოვდნენ გაემლიერებინა ხულოსა და არტანუჯ-ართვინის რაზმები.²¹³ დიდთოვლობამ გოდერძის უღელტეხილზე ხელი შეუშალა ახალციხიდან დამატებითი რაზმების შემოყვანას. ამან გაუადვილა მოწინააღმდეგეს საომარი ოპერაციის დაწყება. სოფელ დანისპარაულთან და გოდერძის უღელტეხილის მიდამოებში განაღებულ ბრძოლებში სამთავრობო ჯარის ნაწილთან ერთად მამაცურად იბრძოდა აჭარელთა 100-კაციანი რაზმი.²¹⁴ სამწუხაროდ, კლიმატური პირობებისა და უგზობის გამო წინსვლა შეუძლებელი გახდა. საბოლოოდ, მცირე რაზმის წინააღმდეგობამ ასრი დაკარგა. იგი განაიარაღეს. ეს შეტაკება თავისი ხელწერით ქობულეთის ოპერაციის ანალოგიური იყო. ორივე ერთი ძალის მიერ, ერთნაირი გეგმით იყო მომზადებული. როგორც ქობულეთში, ისევე აქაც, ძირითად საომარ ძალას წარმოადგენდნენ ყანადური ბანდები და ოსმალეთიდან გადმოსული შეიარაღებულ „ჩეთეს“ რაზმები.

ამ გამოსვლებისადმი ხალხის უარყოფითი დამოკიდებულება გამოიკვეთა ხულოსა და ჭვანაში ჩატარებულ კრებებზე. ქესკინ-ზადემ განაცხადა, რომ ინგლისელებთან შეთანხმებით მათ მომხრეებს ევალებოდათ გოდერძის უღელტეხილის

²⁰⁹ Arşiv basbakanlık Türkiye Cumhuriyeti., BEO 346468, s. 16.

²¹⁰ იქვე, გვ. 18.

²¹¹ ვაზ. „საქართველო“, №66, 1920.

²¹² ვაზ. „სახალხო საქმე“, №836, 1920.

²¹³ სცსა, პმფ, ს. 416.

²¹⁴ ვაზ. „სახალხო საქმე“, №843, 1920.

გადაკეტვა და აჭარის გაწმენდა ქართული ჯარისაგან ამის შემდეგ უნდა გამოეცხადებინათ აჭარის დამოუკიდებლობა ინგლისის პროტექტორატის ქვეშ.²¹⁵

საქართველოს წარმომადგენლობისადმი გაგზავნილ წერილებში ქობულეთისა და ზემო აჭარის მოსახლეობა მოითხოვდა პროვოკატორების დასჯას. ამას მოჰყვა განხეთქილება „სედაი მიღეთის“ ორგანიზაციაში. მემედ ჭყონიას ხელმძღვანელობით, ყოფილი სედიმილეთელებისაგან ჩამოყალიბდა 100-კაციანი შეიარაღებული რაზმი, რომელიც შეუდგა აჭარაში გაბნეული ყაჩაღური ბანდების ლიკვიდაციას.²¹⁶

ასეთ ეთთარებაში დაცხადების ანტანტის უმაღლესი საბჭოს წინასწარი გადაწყვეტილება ერთა ლიგის მანდატით ბათუმისაგან თავისუფალი ქალაქ-სახელმწიფოს შექმნის შესახებ. ამან გამოიწვია ქართული საზოგადოებრიობის მძაფრი პროტესტი. სამუსლიმანო საქართველოს მეჯლისმა, მემედ აბაშიძის თავმჯდომარეობით, 23 აპრილის დაგმო ეს ფაქტი და ხაზგასმით განაცხადა, „ბათუმის ოლქის მკვიდრნი, სარწმუნოებით მუსლიმანები, ხოლო ისტორიით, სისხლითა და ხორცით, ენით ქართველები, ეუცხადებთ ყველას, რომ არაეის მიეცემთ უცხოის ნებას ჩაერიოს ჩვენს საქმეებში და დაეპატრონონ ჩვენი ქვეყნის გამგებლობას“, რომ „მეჯლისი შეუწყნარებლად თელის ბათუმის საკითხის საერთაშორისო საკითხად გადაქცევას“. საჭიროა მოკავშირეებმა ბათუმ-აჭარის ბედი გადაწყვიტონ მის მკვიდრ მცხოვრებთა სურვილის საფუძველზე და ეს რეგიონი საქართველოს დაუბრუნონ.²¹⁷

ასეთ პირობებში გააქტიურდა რესპუბლიკის მთავრობაც. მან დამატებითი ძალები შემოიყვანა ბათუმის ოლქში. ამან დაძაბა ურთიერთობა დიდი ბრიტანეთის სარდლობასთან.²¹⁸ ქართველებმა მოკავშირეებს შესთავაზეს პრობლემის გადაწყვეტის კომპრომისული ვარიანტი - ბათუმის ოლქში შესული ჯარები დაქვემდებარებოდნენ ინგლისის სარდლობას. უმაღლესმა კომისარმა ოლივერ უორდროპმაც მოუწოდა თავის მთავრობას ბათუმის ოლქში ქართველებთან სამხედრო თანამშრომლობისკენ. ეს პოზიცია, გარკვეულად, გაიზიარეს ინგლისის საგარეო საქმეთა სამინისტრომაც, მაგრამ აღმოსავლეთში დიდი ბრიტანეთის ჯარების სარდლობა და ბათუმის ოლქის საოკუპაციო ხელისუფლება კვლავ ძველ პოზიციებზე რჩებოდნენ და კატეგორიულად მოითხოვდნენ საქართველოს ჯარის უკან გაყვანას, თუნდაც ძალით.²¹⁹

1920 წ. 7 მაისს გაფორმდა და გამოქვეყნდა რსფსრ-საქართველოს ხელშეკრულება, რომელიც აღიარებდა საქართველოს რესპუბლიკის სუვერენიტეტს ბათუმის ოლქზე და სცნობდა მის შემადგენლობაში. სანაცვლოდ საქართველოდან უნდა განედევნათ უცხო სახელმწიფოების (ანტანტის) ჯარები. რესპუბლიკის მთავრობამაც მკვეთრად ანტიინგლისური პოზიცია დაიკავა. ამიტომ ლონდონში მიზანშეწონილად ჩათვალეს ბათუმის დატოვება და მისი საქართველოსთვის ჩაბარება. ასეთივე გადაწყვეტილება მიიღო საფრანგეთის მთავრობამაც.

ქართული ჯარის წინსვლა ბათუმისკენ დაიწყო 1920 წ. 1 ივლისიდან. იმავე დღეს ქობულეთში გაიმართა მიტინგი, რომელიც დასრულდა სამხედრო ნაწილების პარადით. 4 ივლისს ბათუმის გარეუბანში, ბარცხანის დასახლებაში, ეროვნულ არმიას შეხედნენ დამფუძნებელი კრებისა და მეჯლისის წევრები, ქალაქის ინტელიგენცია.

განმათავისუფლებელი ბრძოლის ორწლიანი პერიოდი დამთავრდა 7 ივლისს ბათუმში ქართული ჯარის სასაიმიო აღლუმით, რომლის აენაგარდში იდგა აჭარის

215 სცხსა, პმფ. ს. 416.

216 იქვე.

217 იხ. შაბაშიძე, თხზულებანი, გამოსცა გურამ შარაძემ, თბ. 1998, გვ. 221-223.

218 რ. ცუხუშვილი, ტერიტორიული საკითხები ინგლის-საქართველოს ურთიერთობებში (1918-1921), თბ., 1996, 42-50.

219 აბ. სურგულაძე, მსირობე, პორტო-ფრანკო ბათუმში, ბათ., 1996, გვ. 77-80.

მეჯლისი მემედ აბაშიძის მეთაურობით. მასთან ერთად იყვნენ დამფუძნებელი კრების წევრები პ. საყვარელიძე, გრ. ვეშაპელი, ს. ფირცხალაია, ი. გობენია ჯარებს წინ მიუძღოდა მთავარსარდალი გენ. გ. კვინიტაძე იმავე დროს ჯარის ერთი ნაწილი შევიდა ბორჩხაშიც. ამით დასრულდა საოკუპაციო ხელისუფლების მმართველობა სამხრეთ-დასავლეთ საქართველოში.

მშობლიურ კერაზე ბათუმის მშვიდობიანად დაბრუნება ზეიმით აღინიშნა. გაზეთები აღტაცებით იუწყებოდნენ ამ სასიხარულო ამბავს. პრესაში დაიბეჭდა მისასალმებელი წერილები, პატრიოტული ლექსები. ვასილ რუხაძე, გიორგი ქუჩიშვილი და მხატვრული სიტყვის სხვა ოსტატები აღფრთოვანებას გამოხატავენ ბათუმის დაბრუნების გამო და იმედოვნებდნენ, რომ ამიერიდან მიიწივს „საქართველოს მიწა-წყალს ვეღარაგინ გადმოსთელავა“.²²⁰

ამრიგად, სამხრეთ-დასავლეთ საქართველოს დედა-სამშობლოსთან დაბრუნებისათვის ბრძოლა წარმატებით დასრულდა. თუმცა ისიც აღსანიშნავია, რომ ბათუმიდან ანტანტის ჯარების გაყვანის შემდეგ საქართველო მარტოღობაში დარჩა მოახლოებული თურქული და ბოლშევიკური საფრთხის წინაშე.

§6. სოციალურ-პოლიტიკური ვითარება 1920 წლის მეორე ნახევარში

ბათუმის ოლქის საქართველოს შემადგენლობაში დაბრუნების შემდეგ პირველი რიგის ამოცანა იყო მისი ადმინისტრაციული მოწყობა, რისთვისაც უკვე ივნისის დამლევს ბათუმში ჩამოვიდა დამფუძნებელი კრების საგანგებო კომისია ჰაიდარ აბაშიძის, პაველ საყვარელიძის, დათა ვანჩაძის, ივანე გობენიას, სამსონ ფირცხალაიას და გრიგოლ ვეშაპელის შემადგენლობით. ადგილობრივ პოლიტიკოსებთან თათბირის შემდეგ მიზანშეწონილად ჩათვალეს აქაური პირობების შესატყვისი ავტონომიური სახელისუფლებო სტრუქტურების შექმნა. ავტონომიური საკანონმდებლო ხელისუფლების ასეთ ორგანოდ მემედ აბაშიძის დასი განიხილავდა სამუსლიმანო საქართველოს მეჯლისს, რომელსაც, მათივე აზრით, დამფუძნებელი კრებისაგან უნდა მიეღო შესაბამისი ლეგიტიმაცია. თუმცა, აღსანიშნავია ისიც, რომ რევოლუციის მართვა-გამგებლობის ფორმის თაობაზე განსხვავებული აზრი იყო თვით „სამუსლიმანო საქართველოს განმათავისუფლებელ კომიტეტში“. მისი ერთი ნაწილი, და მათ შორის ჰაიდარ აბაშიძე, იყო დედასამშობლოსთან ავტონომიის გარეშე შეერთების მომხრე. მაგრამ, პ. აბაშიძისვე ცნობით, საქართველოს მთავრობის „პასუხისმგებელმა წევრებმა“, მათ შორის ნოე რამიშვილმა, არ გაიზიარეს პირდაპირი შეერთების მომხრეთა პოზიცია და „კატეგორიულად ურჩიეს“ მათ ქვეყნის ტერიტორიული მთლიანობის აღდგენის ინტერესებიდან გამომდინარე, მიეღოთ ავტონომიის იდეა.²²¹

ამგვარი წინასწარი შეთანხმების მიუხედავად, შეცვლილი ვითარების გამო, ბათუმის ოლქი გამოცხადდა საგენერალ-გუბერნატოროდ და დროებით დაწესდა საგანგებო მმართველობა. საქართველოს რესპუბლიკის მთავრობამ უკვე 3 ივლისს საჯაროდ განმარტა, რომ „ეს გადაწყვეტილება გამოიწვია საშიშროებამ, რასაც

²²⁰ გაზ. „აქარა“, №121, 1994 (რამაზ სურმანიძის პუბლიკაცია).

²²¹ აბ. სურგულაძე, ცხოვრება და ღვაწლი ჰაიდარ აბაშიძისა, გვ. 63; აგრეთვე, პაბაშიძის მოგონება. იხ. ნ.ჯაფარიძის პუბლიკაციაში, გაზ. „საბჭოთა აქარა“, №142, 1990.

ქვეყნის ერთიანობას უქმნიდნენ ბათუმსა და მის ოლქში მოკალათებული სხვადასხვა მიმართულების ანტისახელმწიფოებრივი დაჯგუფებები. ისინი 1920 წ. მაისში მდ. წოლოქიან შეიარაღებული წინააღმდეგობის პროვოცირების შემდეგაც (ვდილობდნენ ჩამოეგლიჯათ ეს კუთხე საქართველოს სხეულიდან²²² ამის თავიდან აცილება კი არსებულ პირობებში შესაძლებელი იყო მხოლოდ საგანგებო, სამხედრო მდგომარეობასთან შეფარდებული მმართველობით. ამასთან, მიუთითებდნენ, რომ ეს იყო დროებითი მოვლენა და წარმოადგენდა გარდამავალ ეტაპს ავტონომიური მმართველობის გზაზე.

მთავრობის განმარტების მიუხედავად, პ. აბაშიძის ცნობით, ამ ამბავმა „ბათუმში დიდი მითქმა-მოთქმა და ბევრი გულისწყრომაც გამოიწვია... და გასაქანი მიეცა ყოველგვარ არასასურველ შესაძლებლობას“²²³

ბათუმისა და მისი ოლქის საგანგებო კომისრად დაინიშნა სოციალ-დემოკრატიული პარტიის ავტორიტეტული წარმომადგენელი ბენია ჩხიკეიშვილი. ის იმავდროულად რჩებოდა ქ. თბილისის მოურავად და რესპუბლიკის უმაღლეს საკანონმდებლო ორგანოს წევრად, რაც, მისი ორგანიზატორული თვისებების მიუხედავად, ართულებდა სპეციფიკური რევიონის მართვას. ამავე თვალსაზრისით, „ზოგიერთი მისი თანამედროვე წრეგადასულად მიიჩნეოდა საგანგებო კომისრის მკაცრ მომთხოვნელობას, რის გამოც მის პოლიტიკას მალე ბევრი უმეყოფილო გამოუჩნდა ქალაქსა და ოლქში.

7 ივლისს საგანგებო კომისართან ერთად ბათუმს ჩამოეიდნენ ცენტრალური უწყებების წარმომადგენლები და დაიწვეს ადგილობრივი დაწესებულებების გადაბარება. შედეგები შეჯამდა აგვისტოს შუა რიცხვებში ბ. ჩხიკეიშვილის ხელმძღვანელობით მოწვეულ საგანგებო თათბირს²²⁴.

ორკეევა, რომ იუსტიციის სამინისტროს რწმუნებულებმა გადაიბარეს ქალაქის და ოლქის სასამართლო დაწესებულებები, აგრეთვე, ბათუმის საპრობილე დაადგინეს ბათუმის და ოლქის დაყოფა საგამომიებლო და სამოსამართლო უბნებად. ბ.ჩხიკეიშვილის წინადადებით გადაწყდა შარიათის კანონმდებლობის აღდგენა ოლქის მკვიდრი მოსახლეობისათვის სამოქალაქო სამართლის საქმეთა განსახილველად. ხელშეუხებელი რჩებოდა მიწაზე საკუთრება და მოხმარება. აღსანიშნავია, რომ ეს იყო მნიშვნელოვანი ღონისძიებები მოსახლეობის სოციალური ინტერესების დაცვის თვალსაზრისით.

ფინანსთა სამინისტროს წარმომადგენელმა ჩაიბარა ხაზინა, საბაუო, სააქციზო სამმართველო და სახელმწიფო ბანკი. საგანგებო კომისრის დადგენილება ავალდებულებდა სახელმწიფო და ეკრძო საკრედიტო საზოგადოებებს აღენ-მიცემობა და ანგარიშსწორება ეწარმოებინათ საქართველოს რესპუბლიკის კანონებით.

გზათა სამინისტროს რწმუნებულებმა გადაიბარეს ბათუმის ე.წ. „არდაგანის გარაჟი“ - სახელოსნოებით, ტრანსპორტი, ელექტროსადგური და საწყობი ბურუნთაბიეში, აგრეთვე, ბათუმის სახლგაო პორტის სამმართველო.

რესპუბლიკის მიწათმოქმედების სამინისტროს დაქვემდებარებაში გადაეიდა სატყეო და საადგილმამულო განყოფილება, ჩაქვის მამული და ბოტანიკური ბაღი, ოლქის ყველა საცდელი სასოფლო-სამეურნეო დაწესებულება, ართყინის ზეთისხი-

²²² გაზ. „ერთობა“, №148, 1920.

²²³ პ. აბაშიძე, მოგონება, გაზ. „საბჭოთა აჭარა“, №142, 1990.

საქართველოს მთავრობის რწმუნებული ბათუმის ოლქში მუხრან ხოქოლაგაც მიუთითებდა, რომ ბათუმის ოლქში ცენტრალ-გუბერნატორის დანიშვნით სარგებლობდნენ ბოროტგანმზრახველები, თესვენდნენ ხალხში შუღლს და ავრცელებდნენ ხმებს, რომ საქართველოს ხელისუფლება უარს ამბობდა ავტონომიის მინიჭებაზე და მმართველობაში ადგილობრივ ძალთა ჩაბმას (გაზ. „ერთობა“, №171, 1920).

²²⁴ იხ. სცსა, ფ. 1861, ან. 2, ს. 127, ფურც. 16-32.

ლის და ხეილის სანერგე, სააგარაკო და სხვა სახელმწიფო ნაკეთების გამგებლობა. რესპუბლიკის შინაგან საქმეთა სამინისტროს წარმომადგენელს ჩაბარდა ინგლისელი გუბერნატორის სამოქალაქო სამმართველო, საოლქო და ქალაქის მილიციის სამმართველოები. ქალაქი ბათუმი დაიყო 5 სამილიციო უბნად, რომელთაც სათავეში ედგა მილიციის კომისარი. ქალაქის შინაგან საქმეთა სამმართველო დაკომპლექტდა 330 მილიციელით. დაახლოებით ასეთივე შტატი ჰქონდა საოლქო მილიციას.

გადაიბარეს, აგრეთვე, საგანმანათლებლო, სამედიცინო და სავეტერინარო დაწესებულებები.

მთავარი და სერიოზული წინააღმდეგობა, რაც ახალ ხელისუფლებას უნდა დაეძლია, იყო ბათუმსა და ოლქში გაფანტული საქართველოს ერთიანობის მტრების და ბანდიტური ელემენტების გამოვლენა და აღადგენა. საგანგებო კომისარიატ ენერჯენტულად მოვიდა საქმეს. კანონგარეშედ გამოცხადდნენ და ჩამოერთვათ უძრავ-მძრავი ქონება გენერალ ტერმენს და პოლკოვნიკ იონინს, რომლებიც სეპარატისტ ქესკინ-ზადესთან ერთად ხოფაში გაიქცნენ და იქ განაგრძობდნენ რაზმების ორგანიზებას ბათუმზე თავდასხმისათვის.²²⁵ ასეთივე ზომები გატარდა ცნობილი რუსი „ელიკოდერეაენიკების“ – პ. მასლოვის, ს. გინკულის, ს. კობიევის და ნ. მალინოვსკის მიმართაც, რომლებმაც ბათუმის ოლქის საქართველოს იურისდიქციაში გადასვლის წინ ყირიმში - ვრანგელთან შეაფარეს თავი.²²⁶ მათთან ერთად გაიქცნენ მდიდარი მიწათმფლობელები და ვაჭარ-საეკულანტები. ისინი ბათუმ-ქობულეთის სანაპირო სუბტროპიკულ ზოლში ფლობდნენ საუკეთესო მიწებს და ძვირადღირებულ აგარაკებს მთელი ეს ქონება გადაეცა საქართველოს რესპუბლიკის მიწათმოქმედების სამინისტროს და ჩაირიცხა სახელმწიფო ფონდში.

რეპრესიული ზომები გატარდა ქ. ბათუმში, დაბა მახინჯაურში, ციხისძირსა და ქობულეთში ჩაბუდებული იმ ძველი ჩინოვნიკებისა და ოფიცრების მიმართაც, რომლებიც დიდი ბრიტანეთის ოკუპაციის პერიოდში საქართველოს წინააღმდეგ მტრულ აგიტაციას ეწეოდნენ, აგრეთვე, იმათ მიმართაც, ვინც 1920 წ. მაისში მონაწილეობდა ჩოლოქის პროვოკაციაში.²²⁷ მათთან ერთად დააპატიმრეს და საქართველოდან გაასახლეს თეთრგვარდიელ შოვინისტთა ტრუბადური გაზეთ „ნაშ კრაის“ რედაქციაც.

რესპუბლიკის უშიშროებასა და ერთიანობას სერიოზულ საფრთხეს უქმნიდნენ ბოლშევიკებიც. რსფსრ-საქართველოს 1920 წ. 7 მაისის ხელშეკრულებით კომუნისტურ პარტიას საქართველოში მიეცა ლეგალური მუშაობის საშუალება. საბჭოთა რუსეთმაც ისარგებლა ამით და ს. კიროვის მეთაურობით თბილისში გამოგზავნა მრავალრიცხოვანი დიპლომატიური მისია სათანადო დაფინანსებით. მან გააჩაღა აშკარა ანტისამთავრობო აგიტაცია და მოქმედებდა საბჭოთა ხელისუფლების დამყარების სასარგებლოდ.

ბ. ჩხიკვიშვილმა გაითვალისწინა შექმნილი ვითარება და თავიდანვე შეზღუდა ასეთი რუსი „დიპლომატების“ საქმიანობა. ბათუმელ კომუნისტთა წარმომადგენლებს მან დაუფარავად განუცხადა, რომ არ დაუშვებდა პოლიტიკურ ცხოვრებაში საქართველოს რესპუბლიკის მოწინააღმდეგე უცხო ძალების მონაწილეობას.²²⁸ დააპატიმრეს ბოლშევიკებს შიტიმასნილი ე. ბელოვი და ი. კაზაკოვი, რომლებიც კინტრშის ხიდის აფეთქებაში მონაწილეობდნენ და ჩოლოქთან ქესკინ-ზადეს ბანდებს იარაღს

²²⁵ სკსსა, ფ. 1861, ან. 2, ს. 167, ფურც. 11; გაზ. „ერთობა“, №168, 1920.

²²⁶ სკსსა, ფ. 1861, ან. 2, ს. 167, ფურც. 36.

²²⁷ იქვე, ფურც. 35; იქვე, ან. 1, ს. 441, ფურც. 4, 21-23, 25-26.

²²⁸ გაზ. „საქართველოს კომუნისტი“, №23, 1920.

აწოდებდნენ,²²⁹ გამოცხადდა ბოლშევიკთა ლიდერის იე. პეცოვის ძებნაც.²³⁰

ბათუმის ოლქში სერიოზულ პრობლემებს ქმნიდა სიძვირე, რაც გამოიწვია სპეკულანტთა მიერ ფასების ხელოვნურად აწევამ. ხელისუფლებამ მათ ასალაგმავად გაატარა სათანადო ღონისძიებები.²³¹

სასწრაფო და გადაუდებელი ამოცანა იყო ოლქის სოფლებში ადმინისტრაციის მოწყობა, პირველ ყოვლისა კი – მილიციის უბნების შექმნა, რადგან ჩაქვისწყლის ხეობასა და ბათუმის მახლობელ სოფლებში ანტისახელმწიფოებრივ ძალებს არაერთი საიმედო თავშესაფარი გააჩნდათ. თურქეთთან საზღვარიც სუსტად იყო დაცული, რაც უკონტროლო მიმოსვლის შესაძლებლობას ქმნიდა ამიტომ, უკვე 13 იელისს, საგანგებო კომისარმა ცენტრიდან მოითხოვა დამატებითი სამხედრო ძალა ბანდიტიზმის აღსაქვეთად და თურქეთთან საზღვრის ჩასაკეტად.

იელისის შუა რიცხვებში საგანგებო კომისარმა დაიწყო „სამუშაო მოგზაურობა“ ბათუმის ოლქში. იგი მასობრივ თავყრილობებზე ხედებოდა ადგილობრივ მოსახლეობას, მთავრობისადმი მოხსენებაში ბ. ჩხიკიშვილი შენიშნავდა, რომ ბათუმის ოლქში სიმშვიდისა და ახალი ადმინისტრაციის მოწყობის საქმეში ბევრად უკეთესი მდგომარეობა იყო სემო აჭარაში, რასაც მნიშვნელოვანწილად ჯგემალ ხიმშიაშვილის დამსახურებად თვლიდა. სწორედ მისი გავლენით, ხალხმა არ მიიღო სამთავრობო ჯარის შემოსვლის შემდეგ ქობულეთიდან ლტოლვილი ორასამდე შეიარაღებული პირი, რომლებიც აქედან ხოფაში გადაეიდნენ.²³² თუმცა, შენიშნავდა საგანგებო კომისარი, „ვნებათაღელვა მთლიანად არ არის დამცხრალი. პროვოკატორები ისევ დადიან ხალხში და აპირებენ მათ გადაბირებასო“.²³³

მემედ აბაშიძის აზრით, უკმაყოფილების საფუძველს, ძირითადად, ქმნიდა ავტონომიის საკითხის მოუხეარებლობა ამიტომ მისი მეთაურობით, უკვე 26 იელისს, თბილისში ჩავიდა სამუსლიმანო საქართველოს მეჯლისის დელეგაცია (ხალილ სურმანიძე, სულიმან ბუქანიძე, მუსტაფ ჩიშურიძე და ჯგემალ ქიქავა). გაზ. „ერთობის“ ცნობით, მათ თან ჩაიტანეს მეჯლისის დადგენილება „რესპუბლიკის დამფუძნებელ კრებასთან შეთანხმებით აჭარის ავტონომიის გამოცხადების შესახებ“.²³⁴

გაზეთისათვის მიცემულ განმარტებაში მ. აბაშიძე მიუთითებდა, რომ აჭარაში მოქმედებდა რამდენიმე ანტისახელმწიფოებრივი ჯგუფი: „ახალგაზრდა თურქების“ კომიტეტი, აზრბაიჯანის აგენტები, ბოლშევიკები, რუსი მოხალისეები (თეთრგვარდიელები), ძველი ადმინისტრაცია და სხვა მოსული ელემენტები. მეჯლისის დელეგაციის განმარტებით, მთავრობის მიერ ავტონომიის გამოცხადების გადავადება ბათუმის ოლქში აღიქმებოდა მასზე უარის თქმად, რაც ხელსაყრელ ნიადაგს უქმნიდა ოსმალური, რუსული თუ აზრბაიჯანული ავტონომიის ღოზუნგებით აქ მოქმედ ანტიქართულ ძალებს. ამიტომ მ. აბაშიძეს მიზანშეწონილად მიაჩნდა სამუსლიმანო საქართველოში ძალაუფლების გადაცემა მეჯლისისათვის. მით უმეტეს, რომ „მცხოვრებნი მეჯლისს თანაგრძნობით უყურებდნენ და მისი მეშვეობით საქართველოსთან დაკავშირებულად გრძნობდნენ თავს“.²³⁵

ბ. ჩხიკიშვილი კი იმავე 26 იელისს ნ. ჟორდანიასადმი გაგზავნილ წერილში²³⁶

²²⁹ სცსა, ფ. 1861, ან. 1, ს. 441, ფურც. 27-28.

²³⁰ ამხფ, ფ. 2, ს. 242, ფურც. 137.

²³¹ სცსა, ფ. 1861, ან. 2, ს. 167, ფურც. 63.

²³² იქვე, ფურც. 23-25.

²³³ იქვე, ფურც. 25.

²³⁴ გაზ. „ერთობა“, №175, 1920.

²³⁵ იქვე.

²³⁶ სცსა, ფ. 1861, ან. 2, ს. 127, ფურც. 1-9.

ამტიკცებდა, რომ მის ხელთ არსებული დოკუმენტებით, მეჯლისში იყენენ ანტი-ქართული ორიენტაციის წევრებიც. ამდენად, ის ვერ ჩაითვლებოდა მთლად საიმედო დასაყრდენ სახელმწიფოებრივ სტრუქტურად. მისივე აზრით, გარეგნული იყო ბათუმის ოლქში არსებული სიმშვიდეც, რადგან საქართველოს ერთიანობის მტრები ხელსაყრელ დროს ელოდნენ, რათა გაეღვივებინათ სარწმუნოებრივი ფანატიზმი და აემხედრებინათ მოსახლეობა. ამდენად, ბ. ჩხიკიშვილის შეფასებით, ფარდამავლ პერიოდში სამუსლიმანო საქართველოს მმართველობისათვის მთავრობის მიერ არჩეული გზა იყო „ერთადერთი და სწორი“. განსაკუთრებული პირობების მოხსნის შემდეგ კი „აუტონომიის საწინააღმდეგო პრინციპულად არაფერი მაქვსო“, - დასძინდა საგანგებო კომისარო. ისე კი მას, როგორც თავგამოდებულ სოციალ-დემოკრატს, წარმოუდგენლად მიაჩნდა ძალაუფლების გადაცემა ძველი, ბეგური შემადგენლობის მეჯლისისათვის ამასთან, სავსებით სამართლიანად, ბ. ჩხიკიშვილს მეჯლისის ესახებოდა არა საკანონმდებლო, არამედ ადგილობრივი მმართველობის ორგანოდ, რომელიც ხელახლა უნდა აერჩიათ დემოკრატიულ საფუძველზე, რესპუბლიკის საერთო კანონების შესაბამისად.²³⁷ რომ მიეღო ლეგიტიმური რეგიონული საკანონმდებლო ხელისუფლების სტატუსი.

ბ. ჩხიკიშვილის მოსაზრებებს იზიარებდნენ ბათუმში მოღვაწე სხვა პოლიტიკოსებიც. თვით მეჯლისში გამოიკეთა საქართველოსთან აუტონომიის გარეშე შეერთების ჯგუფი. მათგან ბ. ჩხიკიშვილმა შექმნა 15-კაციანი კომისია ბათუმის ოლქის მართვა-გამგეობის კომპეტენციის და ფარგლების საბოლოოდ შესამუშავებლად და საქართველოს დამფუძნებელ კრებაში შესაბამისი დოკუმენტის წარსადგენად.²³⁸

სამუსლიმანო საქართველოს ახალგაზრდებშიც გამოჩნდნენ სოციალ-დემოკრატიული იდეების მიმდევრები (რიზალ გოგიტიძე, ხასან თხილაიშვილი და სხვ.). ბ. ჩხიკიშვილის ცნობით, ისინი კონსერვატორების საპირისპიროდ ხელისუფლებასთან ერთად „აწარმოებდნენ საერთო-სახელმწიფოებრივ მუშაობას“.²³⁹

„სამუსლიმანო საქართველოს განმათავისუფლებელი კომიტეტის“ ვეტერანი და სოციალ-დემოკრატიული პარტიის წევრი ზ. თხილაიშვილი პრესაშიც გამოვიდა ბათუმის ოლქის ადმინისტრაციული მოწყობის საკითხზე. აუტონომია მას მიაჩნდა ფართო ადგილობრივ არჩევით თვითმმართველობად. ამასთან, ის ერობის მომხრე იყო და მოითხოვდა აჭარის სოფლებში სოციალ-დემოკრატიული ორგანიზაციების ჩამოყალიბებას.²⁴⁰

ზემოაღნიშნული იდეა მმართველი სოციალ-დემოკრატიული პარტიის პოზიციებიდან განაუთარა თაოსიმ ხიმშიაშვილმა. მის მიერ 1920 წ. ნოემბერ-დეკემბერში გაზეთ „ერთობაში“ გამოქვეყნებულ წერილებში: „ქართველი მუსლიმანები და მისი დემოკრატია“, „მეჯლისი და აუტონომია“ და სხვ.²⁴¹ ხაზგასმული იყო, რომ არსებულ პირობებში „აუტონომიის შემოღება ძალაუფლებას ისევე ზემოთა წრეებს დაუტოვებდა, ხოლო დემოკრატია კვლავ დამონებული და დაბეჩავებული დარჩებოდა“.

იგივე მოსაზრებით თ. ხიმშიაშვილი სუბიექტურად აფასებდა „სამუსლიმანო საქართველოს განმათავისუფლებელ კომიტეტს“ და მას თავისი სოციალური ბუნებით აიგივებდა „სედაი მიღეთთან“. მისივე განმარტებით, ორივე ეს ორგანიზაცია

²³⁷ გაზ. „ერთობა“, №235, 1920; გაზ. „ბათუმის ფურცელი“, №29, 1920.

²³⁸ გაზ. „ერთობა“, №235, 1920.

²³⁹ იქვე.

²⁴⁰ გაზ. „ბათუმის ფურცელი“, №29 და №31, 1920.

²⁴¹ გაზ. „ერთობა“, №№252, 256, 263, 273, 1920.

გამოდიოდა სარწმუნოებრივი დროშით და ავტონომიის მოთხოვნით. ამით კი ისინი ხალხში ალყეებდნენ ფანატიზმს, ოღონდ იმ განსხვავებით, რომ პირველი დგას ეროვნულ ნიჟარზე და მოითხოვს ავტონომიას საქართველოს ფარგლებში, ხოლო მეორე - ამას მოვლის გარეშე იმპერიალისტური ძალებისაგან ამასთან, თ. ხიმშიაშვილის მტკიცებით, პოლიტიკური ავტონომია იყო ერთპიროვნული ლიდერობის მოსურნე მეჯლისის ხელმძღვანელთა ინიციატივა, ხოლო ხალხი მასში გულისხმობდა მხოლოდ სკოლის და რელიგიური საქმეების თვითგანკარგვას და არა პოლიტიკურ მმართველობას.

აღნიშნული საჯარო გამოსვლები და სამუხლიმანო საქართველოს პრობლემების სოციალისტურ პრიზმაში განხილვა თავისიმ ხიმშიაშვილს მმართველი პარტიის ნდობას უხევეჭდა ჩანს, ამავე მიზნით, მის თანამოაზრეებს უცდიათ „სახალხო პარტიის“ დაარსებაც, რეგიონის ყველა დემოკრატიული ელემენტის გასაერთიანებლად, თუმცა, უშედეგოდ.²⁴²

მოვლენათა შემდგომმა მსყველობამაც აიყენა აღნიშნული პრობლემისადმი თ. ხიმშიაშვილის მიდგომის ნაკლები გულწრფელობა და დადასტურა, რომ მას ძირითადად ამოძრავებდა სამუსლიმანო საქართველოში პოლიტიკური სადავეების ხელში ალყების ინტერესები, რაც მკვეთრად არასასურველი ფორმით წარმოინდა საბჭოთა ხელისუფლების პირველ წლებში.

ბათუმის ოლქის საგანგებო კომისიის პოლიტიკური კურსის მხარდამჭერად გამოვიდნენ, აგრეთვე, გაზეთები - „ბათუმის ფურცელი“ და „ეზო ბატუმა“. მათი შეფასებით, საქართველოს საგარეო ვითარების სტაბილიზაციამდე სახიფათო იყო ამ მხარეში რაიმე პოლიტიკური ნაბიჯის გადადგმა და ავტონომიის შემოღება.²⁴³

და ბოლოს, მძიმე საშინაო და საგარეო ვითარების პირობებში, სამუსლიმანო საქართველოსთვის (ასევე საინგილოსა და აფხაზეთისათვის) ავტონომიური მმართველობის ნაქარვეად და მოუშადადებლად მინიჭებისაგან თავს იკავებდა საქართველოს მთავრობაც. მ. აბაშიძე და მეჯლისის ხელმძღვანელობა კი დაუინებით მოითხოვდა ავტონომიის დაუყოვნებლივ შემოღებას. ამ საფუძველზე თავი იჩინა დაპირისპირებამ მეჯლისსა და მთავრობის მიერ დანიშნულ საგანგებო კომისარს შორის.

შექმნილ ვითარებაში გასარკვევად ხელისუფლებამ 21 სექტემბერს ბათუმში მოაგვინა დამფუძნებელი კრების წევრი, სოციალ-დემოკრატი პეტრე გელეიშვილი. მან 12 დღის მანძილზე იმობზაურა ოლქში, შეხვდა სხვადასხვა სოციალური მიდგომარეობის და სასულიერო წოდების ადგილობრივი პირებს. 8 ოქტომბერს მან მთავრობის თავმჯდომარეს წარუდგინა დაწვრილებითი ანგარიში,²⁴⁴ რომელიც შეიცავს მრავალ საყურადღებო ფაქტს და არგუმენტს. ა. გელეიშვილის შეფასებით,²⁴⁵ მთავრობას ბათუმის ოლქის შემოერთების შემდეგ აქ „სრულიად არაფერი გაუკეთებია... არც ერთი ახალი მომხრე და მოყვარე ჩვენი ქვეყნისა არ შეგვიძენია და რაც გეყავდა სულ-ერთიანად მოგვიმდურებია... სრულიად საკმარისია რაიმე უსიამოვნება მოგვიხდეს მეზობელ სახელმწიფოსთან, რომ ქართველი მაჰმადიანები გაყენენ პირველი ავანტიურისტის რჩევას და გამოვიდნენ ჩვენს საწინააღმდეგოდ“.

242 გაზ. „ერთობა“, №256, 1920.

243 გაზ. „ბათუმის ფურცელი“, №30, 1920.

244 ა.სიღაგაძე, გ.გურული, პოლიტიკური სიტუაცია აჭარაში (1920 წ.). პ.გელეიშვილის მოხსენებით ბარათი საქართველოს დემოკრატიული რესპუბლიკის მთავრობის თავმჯდომარეს. თბ., 1998, გვ. 11-34.

245 ბ. გელეიშვილი იყო ქართველ სოციალ-დემოკრატთა პირველი თაობის წარმომადგენელი, საქართველოს ეროვნული საბჭოს და დამფუძნებელი კრების (მარალამენტის) წევრი. ის გამოირჩეოდა ჯიუტი ხასიათით და რადიკალურობით. მის სერიოზული უთანხმოება ჰქონდა ნოე ჟორდანიასთან და მისი მთავრობის წევრებთან. (იხ. იქვე, გვ. 8-9). ეს თვისება აშკარად იგრძნობა მის მიერ წარდგენილ მოხსენებით ბარათშიც.

ამგვარი საგანგაშო დასკვნის საფუძველად პ. გელეიშვილი, რიგ სხვა არგუმენტებთან ერთად, თვლიდა ავტონომიის საკითხის მოუგვარებლობას, რაც, მისივე სიტყვით, აქ ყველას აღელვებდა, „დიდს და პატარას, ბეგს, გლეხს თუ სასულიერო პირს, ნასწაველს თუ უსწაველს“²⁴⁶.

პ. გელეიშვილის აზრით, ადამებულობის განსამუხტავად აუცილებელი იყო მთავრობის პოლიტიკის ძირფესვიანად შეცვლა კერძოდ, ეროვნულ-კულტურული მუშაობის ფართოდ გაშლა: „უფარგისი ჩინონიკების“ აქედან გაწვევა; სამსახურში ადგილობრივი ინტელიგენციის ჩაბმა და მათზე დაყრდნობა“²⁴⁷.

ბათუმის ოლქში მთავრობის ადმინისტრაციულ პოლიტიკას დაუპირისპირდა ეროვნულ-დემოკრატიული პარტია თავის გაზეთ „საქართველოთი“, სოციალისტ-ფედერალისტების გაზეთი „სახალხო საქმე“ და თვით მმართველი პარტიიდან გამოყოფილ „დამოუკიდებელ სოციალ-დემოკრატთა“ გაზეთი „ახალი სხივი“²⁴⁸. ოპოზიციური პრესა დიდ მნიშვნელობას ანიჭებდა მ. აბაშიძის და მის თანამოაზრეთა მოღვაწეობას და აკრიტიკებდა ბ. ჩხიკეიშვილის მმართველობის ხაზს და მთავრობის საკადრო პოლიტიკას ასევე მიუთითებდნენ მთავრობის „სოციალისტური ექსპერიმენტების“ უარყოფით როლზე ამ ახალშემოერთებულ რეგიონში.

გაზეთი „სამუსლიმანო საქართველოც“ დაუფარავად ამხელდა ზემოაღნიშნულ შეცდომებს, მაგარამ, ამასთან, სათანადო წინდახედულებასაც იჩენდა და ქართველ მაჰმადიანებს მოუწოდებდა საქართველოს რესპუბლიკის მთავრობის ერთგულები-საკენ. აფროზილებდა თანამემამულეებს – არ წამოგებოდნენ მტრის პროვოკაციულ ქადაგებებს, ერთმანეთისაგან გაემიჯნათ მთავრობის პოზიცია და ბ. ჩხიკეიშვილის და მისი მოხელეების მოქმედებანი.

ასეთი პოლიტიკური ენებთაღელვის ვითარებაში, 1920 წ. 5 ნოემბერს, დამფუძნებელმა კრებამ კვლავ განიხილა სამუსლიმანო საქართველოს, აფხაზეთისა და საინგილოს ავტონომიის საკითხი. გადაწყდა საგარეო საფრთხის შენელებამდე სამივე რეგიონში დაეტოვებინათ საგანგებო მმართველობა ამასთან, აღინიშნა, რომ ავტონომიური მმართველობის საკითხი იყო გათვალისწინებული რესპუბლიკის კონსტიტუციის პროექტში.²⁴⁹

საქართველოს მთავრობამ გაითვალისწინა, რომ ბ. ჩხიკეიშვილის პოლიტიკას ბათუმსა და ოლქში ბევრი უკმაყოფილო ჰყავდა ამიტომ, ნოემბრის შუა რიცხვებში ის თბილისში გაიწვია და აქ გრიდავი გიორგაძე დანიშნა. ამასთან, შეზღუდა საგანგებო კომისიის სტატუსი და გარდაქმნა მთავრობის განსაკუთრებულ რწმუნებულად ბათუმის ოლქში.²⁵⁰

ოპოზიციური პრესა კმაყოფილებით შეხვდა ამ ფაქტს. გრ. გიორგაძემ გაითვალისწინა წინამორბედის შეცდომები და ადგილობრივი ძალები მიიწვია ადმინისტრაციულ აპარატში, რითაც გარკვეულად ჩააცხრო ენებთაღელვა მანვე შექმნა სათათბირო, რომელშიც შეედიდნენ მეჯლისის სამი, ქალაქის ორი და რაიონების თითო წარმომადგენელი.

²⁴⁶ პ. გელეიშვილის მოხსენებითი ბარათი... გვ. 22-23.

²⁴⁷ იქვე გვ. 33.

²⁴⁸ გაზ. „ერთობა“, №235, 1920.

²⁴⁹ გაზ. „ერთობა“, №273, 1920.

ზარილავი, 1921 წ. 21 თებერვალს მიღებულ საქართველოს კონსტიტუციაში (მუხლი 107) ჩაწერილია: „საქართველოს რესპუბლიკის განუყოფელ ნაწილებს - აფხაზეთს (სოხუმის ოლქი), სამუსლიმანო საქართველოს (ბათუმის მხარე) და ზაქათალას (ზაქათალის ოლქი) ენიჭებათ ადგილობრივი საქმეებში ავტონომიური მმართველობა“.

²⁵⁰ გაზ. „ერთობა“, №262, 1920.

* * *

1920 წ. მეორე ნახევარში საგრძნობლად გაუარესდა ბათუმის ოლქის ეკონომიკური მდგომარეობა. აზერბაიჯანის გასაბჭოებაში და ნავთობის მოწოდების შეწყვეტამ ჩაკლა ბათუმის მრეწველობა. დაიხურა ნავთობის ექსპორტთან დაკავშირებული საწარმოები, რის შედეგადაც უმუშევართა რიცხვმა შემოდგომისათვის 5.500 კაცს მიაღწია.²⁵¹

არც მომუშავენი იყვნენ უკეთეს პირობებში. საბჭოთა რუსეთის მიერ იზოლაციაში მოქცეულ საქართველოში მალე საგრძნობი გახდა ფულის კურსის დაცემა. პროდუქტებსა და პირველადი მოხმარების საქონელზე ფასების ზრდის გამო მუშა-მოსამსახურეთა ხელფასი ვეღარ აკმაყოფილებდა მოთხოვნილების მინიმუმსაც კი. ამიტომ ოლქის ხელმძღვანელობამ მთავრობის წინაშე დააყენა ხელფასების გაზრდის საკითხი.²⁵² მაგრამ ფულის ინფლაციის გამო მთავრობამ ამისგან თავი შეიკავა. სამაგიეროდ, ბათუმის ქალაქის მმართველობას მისცა კახეთიდან სიმინდის შეუზღუდავად შემოტანის უფლება.²⁵³

ხელისუფლებამ სცადა, აგრეთვე, ქალაქის მოსახლეობის სასურსათო გაჯირგების ნაწილობრივ შემსუბუქება ე.წ. „მუშათა მაგიდების“ და იაფი სასაღილეობის შემოღებით, მაგრამ ეს ვერ ხსნიდა პრობლემას. ბათუმში მრავლად იყვნენ საშოვარზე ჩამოსულები და სეზონურად მომუშავენი. ამიტომ დაიწყო მათი ქალაქიდან ადმინისტრაციული წესით გასახლება.²⁵⁴

მძიმე მდგომარეობა იყო სოფლადაც, რის მოწმეც 1920 წ. სექტემბერში გახდა თითი ა.კ. ჩხენკელი. გაზეთის ცნობით: ბათუმის და არტანის მხარეთა სოფლებში, რომელთა „მცხოვრებლებმა დიდი გაჭირვება, დარბევა, გაძარცვა-აწოკება და ქვითა განიცადეს ამ ექვსი წლის განმავლობაში... განსაკუთრებით აღსანიშნავია ქერივობლების სიმრავლე ყოველი ფეხის ნაბიჯზე. დეპუტატმა დაათვალიერა... ღარიბთა ქოხები და ერთი პეშვი ფქვილიც ვერ ნახა. მდგომარეობა აუწერელია ქალი და ბავშვი ბევრ ალაგს უკვე სხვის მომიკლ ყანებში აგროვებს თითო-ორილა ქერის თავთავს.“²⁵⁵

მძიმე სასურსათო მდგომარეობა შეიქმნა აქ დისლოცირებულ სამხედრო ნაწილებშიც, რის შესახებაც 1920 წ. ოქტომბერ-ნოემბერში არაერთხელ აცნობეს მომარაგების ცენტრალურ უწყებას თბილისში.²⁵⁶ უფრო ადრე კი გელეიშვილიც მიუთითებდა მძიმე საყოფაცხოვრებო პირობებზე და სურსათის ნაკლებობაზე, რაც ჯარისკაცებს უბიძგებდა წერილმანი ქურდობისა და იარაღით ვაჭრობისკენ.²⁵⁷

მძიმე მდგომარეობით სარგებლობდნენ მტრები, პირველ ყოვლისა – ბოლშევიკები, რომლებიც ბათუმში კვლავ გამოსინდნენ, როგორც კი მხარე დედა-სამშობლოს დაუბრუნდა. თუმცა, ბ. ჩხიკიშვილის საგანგებო კომისრად მუშაობის პერიოდში მათი საქმიანობა აქ შეზღუდული იყო.

საბჭოთა პერიოდის ქართული ისტორიოგრაფია აცხადებდა, თითქოს 1920 წ. მეორე ნახევარში ბოლშევიკურმა იდეოლოგიამ მოიცვა ბათუმის ოლქის სოფლებიც, რაც არ შეეფერება სინამდვილეს. ბოლშევიკები ძირითადად ქ. ბათუმში საქმიან-

²⁵¹ ბ.კეციტარია, აპარაში რევოლუციური მოძრაობის ისტორიის ნარკვევები, წ. 2, ბათ., 1962, გვ. 167.

²⁵² სცსა, ფ. 1861, ან. 2, ს. 142, ფურც. 3, 7-8.

²⁵³ იქვე.

²⁵⁴ Чавленшвили М.И., Октябрьская революция и борьба за установление Советской власти в Аджарии (1917-1921 гг.), Батуми, 1987, с. 154-158.

²⁵⁵ გაზ. „ერთობა“, 1920, №215.

²⁵⁶ სცსა, ფ. 1861, ან. 2, ს. 142, ფურც. 2, 23.

²⁵⁷ ა.სილაგაძე, ვ.გურული, პოლიტიკური სიტუაცია აპარაში (1920 წ.), გვ. 25-26.

ნობდნენ ამასთან, მათი რიცხვიც უმნიშვნელო იყო.²⁵⁸ პატრიარქალურ სოფლებში კი ბოლშევიკური იდეოლოგიის წარმატებისათვის საფუძვლები არ არსებობდა ამიტომაც იყო, რომ სომხეთის გასაბჭოების შემდეგ ბოლშევიკებმა აქცენტი გადაიტანეს ბათუმიდან მოშორებულ ართვინის მხარეზე, სადაც სომეხი ეროვნების მოსახლეობაში შექმნეს თავიანთი ორგანიზაცია. ამავე დროს, ართვინის მხარის ქართულ მაჰმადიანთა სოფლებში გამომჩნდნენ ემისრები საბჭოთა აზერბაიჯანიდან, რომლებიც თავიანთ აგიტაციაში ცდილობდნენ კომუნისტური იდეები მიესადაგებინათ ყურანის დოგმებთან.²⁵⁹

ბუნებრივია, ხელისუფლება ცდილობდა ამ „მეხუთე კოლონის“ გაუენებელყოფას, რაც იმდროინდელ ბოლშევიკურ პრესაში თუ რსფსრ მთავრობის ოფიციალურ ნოტაში აისახებოდა, როგორც საქართველოს მთავრობის მხრივ 1920 წ. 7 მაისის ხელშეკრულების დარღვევა.

მუშა-მოსამსახურეებზე ეფექტური ზემოქმედებისათვის ბოლშევიკები ცდილობდნენ აღედგინათ თავიანთი გავლენა ბათუმის პროფკავშირებში. მათ ეს შესძლეს მეზღვაურთა პროფკავშირში, რომლის უმრავლესობა არაქართველი იყო. იგივე ტენდენცია შეიმჩნეოდა მენაეთობეთა და მეღვინეთთა კავშირებშიც. ამან სერიოზულად ჩააფიქრა რესპუბლიკის მთავრობა. მისი მითითებით, 1920 წ. აგვისტოში ბათუმში ჩამოვიდა პროფკავშირების დელეგაცია საქართველოს პროფსაბჭოს თავმჯდომარის ხელაძის მეთაურობით. მას რამდენიმე შეხვედრა ჰქონდა დარგობრივი პროფკავშირების წარმომადგენლებთან მიმდინარე მიმენტისა და ბოლშევიკების ზრახვების გარკვევის-შეფასების მიზნით.²⁶⁰

ბათუმელმა ბოლშევიკებმა სცადეს სტეენითა და პროვოკაციული ლოზუნგებით არე-დარევა შეეტანათ საზიგოო შეხვედრაში, რომელიც ქალაქის საზოგადოებრიობამ 14 სექტემბერს მოუწყო ნავსადგურში ევროპიდან გემით ჩამოსულ II ინტერნაციონალის ბელადებს კამილ პიუსმანს, ემილ ვანდერველდეს, თომას შოუს, რამზაი მაკდონალდს, ქალბატონ სნოუდენს და სხვ.²⁶¹ მათ გააერცვლეს პროკლამაცია, რომელიც მოუწოდებდა მუშებს ზურგი ექციათ „სოციალიზმის მოღალატე ყვითელი (II) ინტერნაციონალისათვის“ და დარაზმულიყენენ მსოფლიო პროლეტარული რევოლუციისათვის მებრძოლი წითელი (III) ინტერნაციონალის გარშემო.²⁶² რომელიც 1919 წ. შექმნეს ბოლშევიკებმა ქ. მოსკოვში.

ბოლშევიკების მიერ მოწყობილი ობსტრუქციის მიუხედავად, ნავსადგურში დაწყებული ზეიმი გაგრძელდა ქალაქის სათათბიროს შენობაში, სადაც სტუმრებს მიესალმა მსცოვანი სოციალ-დემოკრატი ისიდორე რამიშვილი. ბათუმის ქალაქის სათათბიროს გადაწყვეტილებით, დელეგაციის პატივსაცემად ქალაქის მთავარ ქუჩას - მარინეს გამზირს ეწოდა ინტერნაციონალის გამზირი; დელეგაციის წევრები აირჩიეს ბათუმის საპატიო მოქალაქეებად; ქალაქის ორ გიმნაზიაში დაწესდა სპეციალური სტიპენდია და სხვ.

ასევე საზიგოო ვითარებაში ჩაიარა II ინტერნაციონალის ბელადების ორკვირიანმა სტუმრობამ მთელს საქართველოში. ამადლელებელი იყო მათი ბათუმიდან

²⁵⁸ თვალსაჩინო ბოლშევიკური მოღვაწის მ.ორახელაშვილის ცნობით: 1920 წ. 15 ოქტომბრისათვის საქართველოს კომპარტიაში სულ 1.800 წევრი იყო. მათგან ბათუმის ორგანიზაცია მხოლოდ 150 კაცს მოითვლიდა (Борьба за победу Советской власти в Аджарии, с. 335).

²⁵⁹ ტყეშტარია, აჭარის კომუნისტური ორგანიზაციის ისტორიიდან (1917-1922), გვ. 105-106.

²⁶⁰ იქვე, გვ. 107.

²⁶¹ ავადმყოფობის გამო ორი კვირის დაჯავიანებით, 29 სექტემბერს, ბათუმში ჩამოვიდა კარლ კუცკოც მუელდოთურთ.

²⁶² იხ. ვაზ. „ერთობა“, №225, 1920.

ევროპაში გაცილებდაც. შრომის სასახლეში შეკრებილთა წინაშე გამოვიდა ე. ვანდერ-ველდუ მან საქართველო შეაფასა „მიზიური სოციალისტური წყობილების სამშობლოდ“ და ხაზგასმით აღნიშნა, რომ II ინტერნაციონალი აქტიურად იღვაწებდა საქართველოს დამოუკიდებლობის იურიდიულად ცნობისათვის მართლაც, მათ ევროპაში აქტიურად გააჩაღეს საამისო კამპანია.²⁶³

ყირიმისა და სომხეთის გასაბჭოების პარალელურად, რუსეთის მთავრობა ემზადებოდა საქართველოს ოკუპაციისთვისაც. სათანადო იდეოლოგიური საფუძვლების შესამზადებლად მოსკოვის პრესასა და რადიოში გახშირდა საპროტესტო ნორტები და გამოსვლები დასავლეთ ევროპის ქვეყნებისა და საქართველოს მისამართით. აერცვლებდნენ ცრუ ხმებს, თითქოს მზადდებოდა ანტანტის ჯარების მიერ ბათუმის ხელახალი ოკუპაცია, ან საქართველოს მთავრობისაგან მისი იჯარით გადაცემა, რაც იქნებოდა რუსეთისა და აზერბაიჯანის საბჭოთა რესპუბლიკების წინააღმდეგ ახალი ინტერვენციის დასაწყისი და ა.შ.

საქართველოს მთავრობამ 1920 წ. 4 ნოემბერს გააკეთა კატეგორიული განცხადება და უარყო ინგლისის, ან სხვა ძალების მიერ ბათუმის მოსალაოდნელი დაკავების საფრთხე.²⁶⁴ დიდი ბრიტანეთის მთავრობის საპასუხო განცხადებაში კი ხაზგასმული იყო, რომ საქართველოს დამოუკიდებლობას ემუქრებოდა არა ანტანტა, არამედ თვით საბჭოთა რუსეთი.²⁶⁵

ამ პერიოდში ბოლშევიკთა გააქტიურება საგრძნობი გახდა ბათუმშიც. ცენტრმა აქ მოაუწვინა გამოცდილი პარტიული მუშაკები, მათ შორის იყო ბ. ძეგლაძე, რომელიც ახალგაზრდობის მიმხრობის მიზნით შეუდგა კომკავშირის შექმნას.²⁶⁶

ყირიმის გასაბჭოებასთან დაკავშირებით ბათუმის მეზღვაურთა პროფკავშირმა გამოჰქიდა წითელი დროშები. იგივე მოთხოვეს ყირიმიდან ელტოლელი და ბათუმში თავშეფარებულ კერძო გემებსაც. ბოლშევიკებმა ბათუმში აშკარად გააჩაღეს ანტისამთავრობო პროპაგანდა. მათ საქმიანობას თბილისიდან დაუხარავედ ხელმძღვანელობდა საბჭოთა რუსეთის საელჩო, ხოლო ბათუმში - ამავე ქვეყნის საკონსულო. ხელი-სუფლებაც აღმკვეთი ღონისძიებებით პასუხობდა უცხო ძალების პროვოკაციულ საქმიანობას.²⁶⁷

ამ დროისათვის თურქეთში საგრძნობლად გაძლიერდა ქემალისტური მოძრაობა, რომელიც გამოვიდა ძველი ოსმალეთის საზღვრების აღდგენის ღოზუნგით. მათ თვალთ დაადგეს სამუსლიმანო საქართველოსაც. 1920 წ. ოქტომბერში სედაიმილეთელებმა აქ გაავრცელეს პროკლამაცია, თითქოს საფრთხე ექმნებოდა მუსლიმანურ სარწმუნოებას, დაიხურა სკოლები და ა.შ. ასახელებდნენ სხვა შემავიწროვებულ ფაქტებსაც და მოსახლეობას მოუწოდებდნენ მომსაღებულებიყენენ საქართველოს წინააღმდეგ საბრძოლველად.²⁶⁸ სხვა პროკლამაციაში კი ეწერა „სულ ახლო ხანში ჩვენ ომს გამოუცხადებთ ჩვენი სარწმუნოების და ხალხის უფლებათა მტრებს ჩვენი ჯარები გიახლოვებიან თქვენ“.²⁶⁹

²⁶³ მ.ჯიჯიყიშვილი, ბრძოლა საბჭოთა ხელისუფლებისათვის აჭარაში (1917-1921 წწ.), გვ. 148-150; Чавленшвили М.И., დასახ. ნაშრ., გვ. 142-144.

²⁶⁴ «РСФСР и Грузинская демократическая республика», М., 1922, с. 52-53.

²⁶⁵ «Борьба за победу Советской власти в Аджарии», с. 346-347.

²⁶⁶ ბ.ქვიციანი, აჭარის კომუნისტური ორგანიზაციის ისტორიიდან (1917-1922), გვ. 107-108.

²⁶⁷ მთავრობის წინააღმდეგ აგიტაციისათვის 18 ნოემბერს ბათუმში დაამატირეს მეზღვაურთა კავშირის ხელმძღვანელობა, ხოლო 1921 წ. 20 იანვარს ამგვარივე საქმიანობისათვის დააკვეს და ქვეყნიდან გააძევეს რუსეთის 49 მეზღვაური (Борьба за победу Советской власти в Аджарии (1917-1921), сс. 346, 348-350).

²⁶⁸ ხანჯელდიანი, საბჭოთა ხელისუფლების დამყარება აჭარაში (1917-1921), ბათ., 1971, გვ. 119.

²⁶⁹ გახ. „საქართველო“, №136, 1920.

ზოგ შემთხვევაში პროპაგანდას ცვლიდა ძალის დემონსტრირება. საზღვრისპირა ართინის მხარეში გადმოდიოდნენ „ჩეთნიკები“, რომლებიც ძალადობით და ყანალობით ცდილობდნენ შიში ჩაენერგათ მოსახლეობაში.²⁷⁰

საქართველოში რსფსრ სამხედრო ატაშე 5 ნოემბერს მოსკოვს აცნობებდა: „აჭარის ყველა მსხვილ ცენტრში ხდება კონსპირაციული შეხვედრები. მიდის იარაღის და ვაზნების შესყიდვა. 20 ოქტომბერს ხალხმრავალი კრება შედგა პლატფორმა „თამარის“ ერთ-ერთ აგარაკზე კრებაზე გამოვიდა რიზელი თურქი, ყველა მონაცემებით ოფიცერი, რომელმაც გააკეთა მოხსენება მუსტაფა ქემალის ამოცანებზე. მომხსენებელმა ურჩია დამსწრეთ, რომ დროზე ადრე არ დაეწყოთ რაიმე სეპარატული ღონისძიებები და დაეცადათ დირექტივებისათვის თურქეთიდან“.²⁷¹

ზემოთ აღინიშნა, რომ აზერბაიჯანის გასაბჭოების შემდეგ სამხრეთ-დასავლეთ საქართველოში ისლამისტური და ბოლშევიკური პროპაგანდა შეზავებული სახით მიმდინარეობდა. თუმცა, ბაქოს პანისლამისტურ კონტროლს დაკავშირებული ემისრები აგიტაციას უფრო თურქეთის სასარგებლოდ წარმართავდნენ. პ. გელეიშვილის ცნობით, ქობულეთელი სედაიმიღეთელების მიერ ბაქოს ყრილობაზე წარგზავნილმა დელეგატებმა „იქ განაცხადეს: თუ ქემალ-ფაშა წინ წამოვა, ჩვენ ბათუმის ოლქში 15 ათასი კაცი გვეყავს მზად, რომ შეუერთდეთ... ეს სედაიმიღეთელები ღამ-ღამობით სოფლებში აწყობენ კრებებს, უხსნიან ბაქოს ყრილობაზე შემუშავებული მოქმედების პროგრამას და ხალხს ამზადებენ ასაჯანყებლადო“.²⁷²

გარდა ზემოაღნიშნულისა, საქართველოს კონტრდასვერვამ ბათუმის ოლქში თურქეთიდან ოფიცერთა, ინსტრუქტორთა და პროპაგანდისტთა სხვადასხვა ფორმით შემოგზავნის არაერთი ფაქტი გამოაეღინა. დეკემბერში ბათუმში გამორჩენულ რიზედან და ტრაპიზონიდან შემოგზავნილი ცალკეული ჯგუფები, რომლებიც აცხადებდნენ, რომ ჩამოვიდნენ სამუშაოდ საყავებში, მეთევზებად და სხვ. საქართველოს შინაგან საქმეთა სამინისტროს ბათუმის საგანგებო რაზმის უფროსის – ჯანელიძის დასკვნით, მუშების და სხვა სახით გადაცმული აგენტების შემოგზავნას ანგორის მთავრობა ახდენდა „მი მოსაზრებით, რომ ბათომზედ და მის ოლქზედ გამოლაშქრების დროს ყველაფრით ხელი შეუწყოს მის შემოტევას“.²⁷³ ბათუმის საგანგებო რაზმის ოპერატიულმა მუშაკებმა ოლქის ადმინისტრაციაშიც გამოაეღინეს ქემალისტების რამდენიმე მომხრე და აგენტი.²⁷⁴

საგარეო საფრთხის ზრდის პირობებში, 8 ნოემბერს გამოცხადდა ბათუმის გეარდის მობილიზაცია.²⁷⁵ რამდენიმე დღეში დაიწყო 1890-1893 წლებში დაბადებულ მამაკაცთა საყოველთაო მობილიზაცია.²⁷⁶

შექმნილ ვითარებაში გაიზარდა საზღვარგარეთ გახიზნის მსურველთა რიცხვი. ბათუმში რსფსრ კონსულის 26 დეკემბრის ცნობით: „ბურჟუაზიის გაქცევამ საქართველოდან საზღვარგარეთ მიიღო ფართო ხასიათი. ბილეთებს პირდაპირ იტაცებენ...“²⁷⁷

იმევე წლის დეკემბერში ბათუმის ნავსადგურში რეიდზე დადგნენ საფრანგეთის სამხედრო გემები, რომლებითაც კრიტიკულ დროს აქედან უნდა გაეყვანათ უცხოელი დიპლომატები და მოქალაქეები. საფრანგეთის მთავრობამ თბილისში თავისი სამხედ-

²⁷⁰ სცსსა, ფ. 1861, ან. 2, ს. 142, ფურც. 21.

²⁷¹ იქვე, ფ. 1874, ან. 1, ს. 2, ფურც. 175.

²⁷² ა. სილაგაძე, ვაჟურული, ბოლიტიკური სიტუაცია აჭარაში (1920 წელი), გვ. 16.

²⁷³ სცსსა, ფ. 1872, ან. 1, ს. 10, ფურც. 6.

²⁷⁴ იქვე, ფ. 1874, ან. 1, ს. 3, ფურც. 151.

²⁷⁵ იქვე, ს. 2, ფურც. 216.

²⁷⁶ Гз. «Чхо Батуми», №108, 1920.

²⁷⁷ სცსსა, ფ. 1874, ან. 1, ს. 3, ფურც. 182.

რო მისიის მეთაურს მისცა ინსტრუქცია, რომ საჭიროების შემთხვევაში უზრუნველყო საქართველოს მთავრობის წევრების ევაკუაციაც.²⁷⁸

შექმნილ ვითარებაში გადაწყვეტი მნიშვნელობა ჰქონდა, თუ რა პოზიციას დაიკავებდა ოლქის მკვიდრი მოსახლეობა. ამიტომ, ნოემბერ-დეკემბერში იგი შემოიარეს საქართველოს მთავრობის და ადგილობრივი ინტელიგენციის ავტორიტეტულმა წარმომადგენლებმა: ისიდორე რამიშიელმა, პაიდარ აბაშიძემ, პლატონ მიქაბერიძემ და სხვ. 17 ნოემბერს ქობულეთში შედგა „თემთა სასოგადო ყრილობა“, რომელმაც „საყოველთაოდ განაცხადა, რომ როგორც დღეს შექმნილ რთულ პირობებში, აგრეთვე, სამომავლოდ იგი არის და იქნება ავტონომიურად საქართველოს დემოკრატიასთან ერთად, სამშობლოს ასაყვავებლად და მისი ძლიერების განსამტკიცებლად“.²⁷⁹

29 დეკემბერს ქედაში შეკრებილმა სოფლების წარმომადგენლებმაც დაადასტურეს თავიანთი ერთგულება მთავრობისადმი და გამოხატეს მზადყოფნა დაეცვათ რესპუბლიკა ყოველგვარი თავდასხმისგან.²⁸⁰ მსგავსი სულისკვეთებით ჩაიარა 16 დეკემბერს ხულოში შაია ბოლქვაძის თავმჯდომარეობით შეკრებილმა ზემო აჭარის სოფლების წარმომადგენელთა ხალხმრავალმა მიტინგმაც.²⁸¹

გარდა სამაზრო ცენტრებისა, მოსახლეობასთან შეხვედრები შედგა, აგრეთვე მსხვილ სასოფლო თემებში. 17 დეკემბერს სოფ.ფურტოში გაიმართა სხალთის სასოგადოების სოფლების მრავალრიცხოვანი კრება ემინ ქარცივაძის მეთაურობით. 18 დეკემბერს კი ხიჭაურში, მემედ ბერიძის თაოსნობით, შეიკრიბნენ ჭეანის სასოგადოების მცხოვრებნი. 19 დეკემბერს დანდალოელებთან გაიმართა შეხვედრა იბრაიმ დიასამიძის ინიციატივით, 20 დეკემბერს კი სოფ. მერისში მოიწვიეს დიდი სახალხო ყრილობა საჭირ-ბეგ შერვაშიძის მეთაურობით. შეკრებილებმა მოითხოვეს სკოლების და მღალაიების გახსნა, გზების და წყალსადენების გამორეკა, აგრეთვე, თურქეთთან საზღვრების გამაგრება ამ მიზნით მთავრობას დაუთქვამდნენ თანადგომას და სათანადო დახმარებას გამწვევი ძალით, ურმებით და ა.შ. ისინი გამოთქვამდნენ მზადყოფნას, რომ თავიანთ ტერიტორიაზე არ მისცემდნენ ასპარეზს საქართველოს ერთიანობის მტრებს.²⁸²

ასეთ ვითარებაში დასრულდა და 1921 წ. 5 იანვარს პრესაშიც გამოქვეყნდა „სამუსლიმანო საქართველოს განმათავისუფლებელი კომიტეტისა“ და საქართველოს მთავრობის მიერ შემუშავებული ძირითადი მუხლები ბათუმისა და მისი ოლქის ავტონომიის ფორმის შესახებ.²⁸³ ამ დოკუმენტში ნათქვამი იყო, რომ „სამუსლიმანო საქართველო შედის საქართველოს დემოკრატიული რესპუბლიკის შემადგენლობაში და წარმომადგენს მის განუყოფელ ნაწილს ფართო ავტონომიური მართვა-გამგებლობით“. შემდეგ მუხლებში განსაზღვრული იყო მისი საშინაო მმართველობის

²⁷⁸ იქვე, ფურც. 183.

²⁷⁹ აღსანიშნავია, რომ საქართველოზე საბჭოთა რუსეთის თავდასხმის შემდეგ, საფრანგეთის სამხედრო ესკადრამ უზრუნველყო საქართველოს სანაპირო ზოლის დაცვა. ამის გამო ბოლშევიკებმა ვერ შეძლეს თავისი საზღვაო ფლოტის გამოყენება და იძულებული გახდნენ მხოლოდ სახმელეთო ბრძოლით შემოეარჯულიყვნენ. ასე გადაურჩა ზღვისპირა ქალაქები და მისი მოსახლეობა რუსული ტყვემცხებით ნგრევას და განადგურებას. ფრანგული სომალელების მეშვეობით მოხდა აგრეთვე, 1921 წ. 17 მარტს, საქართველოს მთავრობის, სამხედრო პირების, მშვიდობიანი მოქალაქეების და ეროვნული საგანძურის ბათუმიდან ევაკუაცია (იხ. თ. ჩაჩანიძე, ფრანგული ესკადრის ოპერაციები საქართველოს სანაპიროსთან, სამხედრო-ბოლშევიკურა ურნ. „არსენალი“, №6, ივნისი 2006, გვ. 40-44).

²⁷⁹ იქვე, ფ. 1861, ან. 2, ს. 193, ფურც. 46.

²⁸⁰ იქვე, ფ. 1874, ან. 1, ს. 3, ფურც. 150.

²⁸¹ იქვე, ფ. 1861, ან. 2, ს. 193, ფურც. 58-60.

²⁸² იქვე, ფურც. 61-62; 73-74.

²⁸³ გაზ. „სამუსლიმანო საქართველო“, №496, 1921.


და კომპეტენციის ფარგლები. მე-5 მუხლით ადგილობრივ საკანონმდებლო ორგანოდ ცხადდებოდა მეჯღისი, რომელიც, მსგავსად საქართველოს დამფუძნებელი კრებისა, უნდა არჩეულიყო „საყოველთაო, პირდაპირი, თანასწორი და ფარული კენჭისყრით პროპორციული წარმომადგენლობის პრინციპის თანახმად“. 21-ე მუხლით სამუსლიმანო საქართველოს სახელმწიფო ენად გამოცხადდა ქართული ენა. მე-16 მუხლი კი „სამშობლოს ინტერესების დასაცავად გარეშე თუ შინაური მტრისაგან“ აცხადებდა „სამუსლიმანო საქართველოს მუდმივი სახალხო ლეგიონის“ შექმნას ნებაყოფლობით საწვისებზე, რომელიც „საომარ ვითარებაში ექვემდებარებოდა საქართველოს ცენტრალურ მთავრობას“²⁸⁴ და ა.შ.

ამ მომენტიანათვის აღნიშნული დოკუმენტის საერთო-ქართული ხასიათი და სამშობლო-ქვეყნის განუყოფლობისადმი სახელმწიფოებრივი დამოკიდებულება იმდენად აშკარა იყო, რომ მის წინააღმდეგ ტრაპიზონში სასწრაფოდ დაიბეჭდა ავტონომისტ - სედაიმიღეთელების ბროშურა მყვირალა სათაურით „გასაყიდი ხალხი“. მასში ამ დოკუმენტის ყველა მუხლი შეფასებული იყო, როგორც მუსლიმანთა სოლიდარობის საწინააღმდეგო დებულება და ქართულ-ქრისტიანულ სამყაროსთან ქართველ მაჰმადიანთა თანდათანობითი შერწყმის ღონისძიება.²⁸⁵


ამრიგად, ქართველ მამულიშვილთა მრავალწლიან ბრძოლასა და ღვაწლს ერის ერთიანობა-მთლიანობის აღდგენა-შენარუნებისათვის უნაყოფოდ არ ჩაუვლია. 1920 წ. მეორე ნახევარში ბათუმის ოლქში შექმნილი სოციალურ-პოლიტიკური სირთულეების მიუხედავად, ჯანსაღმა ეროვნულმა ძალებმა სწორად განსაზღვრეს არსებული რეალობა და შეძლეს საერთო-ეროვნული და სახელმწიფოებრივი ინტერესების შესატყვისი გადაწყვეტილებების მიღება. ამით წარმატებით დაგვირგვინდა სახელმწიფოებრიობააღდგენილ საქართველოსთან მისი სამხრეთ-დასავლეთი ტერიტორიების პოლიტიკურად გაერთიანების უმნიშვნელო-ვანესი ამოცანა, რაც ეროვნული კონსოლიდაციის უცლიობელ პირობას ქმნიდა.

²⁸⁴ საქართველოზე საბჭოთა რუსეთის თავდასხმისთანავე დაიწყო ამ ლეგიონის ფორმირება. მის მეთაურად დაინიშნა გენერალი ასლან აბაშიძე. 16 თებერვალს საქართველოს გენშტაბში შესული ცნობით: „აჭარლები ითხოვენ ფრონტზე გაგზავნას და შემედ-ბეგ აბაშიძეს უკვე პყავს 300 კაცი“ (სცსსა, ფ. 1872, ან. 1, ს. 22, ფურც. 3,23).

²⁸⁵ იხ. გაზ. „სოციალისტ-ფედერალისტი“, №№58, 60, 62, 1920.



საქართველოს დემოკრატიული რესპუბლიკის სახელმწიფო დროშა და გერბი



1921 წლის მარტში ბათუმში გამოცემული
დამოუკიდებელი საქართველოს პირველი კონსტიტუცია

საქართველოს დემოკრატიული რესპუბლიკის მთავრობა
(დამტკიცებული საქართველოს დამფუძნებელი კრების მიერ 1919 წ. 21 მარტს)



ნოე ჟორდანია



ნოე რამიშვილი




აკაკი გვაზდარიძე




კონსტანტინე კანდელაკი




ნოე ზომერიკი




საქართველოს დამფუძნებელი კრების სხდომა.
მარჯვნივ ლოჯაში სხედან საქართველოს მთავრობის წევრები. თბილისი, 1919 წ.




1919 წელი – საქართველოს დემოკრატიული რესპუბლიკის დამოუკიდებლობის
ერთი წლისთავის ზეიმი თბილისში. ტრიბუნაზე: ნ. ჟორდანიას, მთავრობის სხვა წევრები
და უცხოეთის სახელმწიფოთა წარმომადგენლები



1918 წ. დეკემბერი. ღიდი ბრიტანეთის ჯარების შემოსვლა ბათუმში



ინდუსთა ბატალიონი



ინგლისელი (შოტლანდიელი) ჯარისკაცები ბათუმში

Proclamation of the Military Governor of the Province and town of Batoum.

In order that everybody should have the same time and the same manner in fast I order:

At 12 midnight (Christmas Eve) January of the 25 1919 to put the watches forward 50 minutes and to use throughout the time used by the British Military Authorities.

A sign is fixed daily at 12 o'clock and this has most respectfully to read by all government offices.

Authenticity of this order will be certified by the Administration.

21 Jan. 1919
Batoum.

Military Governor
of Batoum province
COOKE COLLIS

П Р И К А З Ъ

Военного Губернатора Батумской Области.

Въ видѣхъ единообразія въ назначеніи времени и показанія въ часахъ, приказываю:

Въ полночь сего зимняго времени съ 21 на 22 января (с. в.) переставитъ часы на 50 минутъ впередъ и пошло, какъ отнынѣ, спрѣдъ до особаго распоряженія, часы по времени, приписанному въ календарѣхъ часовъ.

Ежедневно будетъ производиться выстрѣлъ изъ пушки въ 12 ч. дня по новому назначенію времени, каковое отнынѣ принято во всѣхъ правительственныхъ учрежденіяхъ.

Вниманіе къ исполненію этого приказа будетъ подвергнуто законной отвѣтственности.

21 января 1919 г.
г. Батумъ.


Виссаянъ Губернаторъ
Батумской Области
КУКЪ-КОЛЛИСЪ



(2)

(1)


(3)




ბათუმის ოლქის ბრიტანული სოკუკაციო ხელისუფლების მიერ გამოცემული ბრძანება (1), საფოსტო მარკები (2) და 1919 წ. ადგილობრივ მძიმეკევაში გაშვებული ე.წ. „ბათუმის ხაზინის ფულადი ნიშნები“ – ჩეკები (3)



დიდი ბრიტანეთის უმაღლესი კომისარი,
საქართველოს მეგობარი ოლივერ უორდროპი,



ო. უორდროპის წიგნი „საქართველოს
სამეფო“. გამოიცა ლონდონში, 1888 წ.



ოლივერ უორდროპი და ცნობილი მეწარმე, მეცენატი დავით სარაჯიშვილი

საგუსლიმანო საქართველოს
განმათავისუფლებელი კომიტეტი



მემედ აბაშიძე



ჰაიდარ აბაშიძე



ზია აბაშიძე



სულეიმან დიასამიძე



სულეიმან ბეგანიძე



ზასან თხილაიშვილი



ფადირ შერგამიძე



იუნუს წულუკიძე



იუსუფ ქათაიძე



ქემალ ნოლაიძე

საგარეო ურთიერთობების

საბჭო-სა ამერიკის ურთიერთობების
სახეობის საკითხზე
კვირი 27-30 აპრილი 1934
საბჭოთა ურთიერთობების მინისტრის განცხადება

1 სვეტი	100 მან.
2 სვეტი	200 მან.
3 სვეტი	300 მან.

საქართველო

საბჭო-სა ამერიკის ურთიერთობების საკითხზე

საბჭო-სა ამერიკის ურთიერთობების

დენიკინი იბრწივდა, დედა, მთლიანი, განუყოფელი რუსეთის აღსაზღვრელი. ის ვერ აღმოშობა რუსეთის ხალხის დამპყრობის და მსგავსი თავის მათრახების მოზრუნებას აპირებდა განთავისუფლებულ ერთა წინააღმდეგ. მთელი რუსეთი ძველ სასლავურში, - აი მისი დევიზი. ის ებოღა ღრუბნით ისტორიულ რუსეთის ბატონობისაგან განთავისუფლებულ ერებს და იმედებდა, რომ მისვე განთავისუფლებულ მათ თავისუფლებას, მარა მან ვერ შეიარაღდა მისი მტაცებლური მიზანი. ის უკვე თავის რევოლუციონერ ლენინარით ისტორიის არბენში გადაიქცეა.

ლენინიც არბენდა ამავე მიზანს უნახურება, ის, როგორც დენიკინი, არ ცნობს ერთა თვითგანორყვევის უფლებას. ისიც, როგორც მკვდის გენერალნი, ცნობდა ღრუბნით იმსებნებს ყოველ რუსეთის ტერიტორიაზე აღმოცენებულ რესპუბლიკებს და ცუცხლთა და მახვლითა უჭურება მათ რუსეთზე მსუბუქებას. განსხვავება მხოლოდ იმაშია, რომ დენიკინი მტაცუნა რეაქციის სახელით აერთიანებდა რუსეთს, ლენინი კი ამავე ლაშქარს სოციალისტების სახელით. მარა ესთვის არაა გასაკები, რომ სოციალისტი ამ მთლიან შირბაა, ნამდვილით კი ეს არას მთლიან და მთლიან იმპერიალისტი, რომელიც არაღრით არ განსხვავდება კაპიტალისტურ იმპერიალისტების მტაცებლურ პოლიტიკისაგან.

მთლიან საუკუნოების განმავლობაში გზიდავებს სხვა და სხვა ერები თვითიმპერიალისტების კლანებში. მთელი საუკუნოების განმავლობაში ეს ერები ერთდენ უსაბორო ნობილის რუსეთის ბატონობისაგან თავის დასახსნელით. დღემდე რევოლუციამ ამ ერებს საშუალება მისცა აღტანდენ შობის უღლო-საგან თავის დაღმწეება. მათ შეუძენ თავის რესპუბლიკები, შიამევენ თავის სახეები ისე, როგორც ამას უკრანახებდათ თავის ქვეყნის საარსებო ინტერესები. ერთი ერთი - ერთი სასლავნიკო, აღარენ მათ და ეს არის სწორედ განმარცხებუბა არა მხოლოდ საპრეტორიანობისა, არამედ ხალხთა შორის წინამძღური ურთიერთობის დამატკეცბისა. ეს არის ენა ხალხთა წინ მთავულობის განტკეცბისა.

და ეყვლა ის, ვინც ამ ენას წინ ელოება, ვინც არ ცნობს ერთა თვითიმპერიალისტების უფლებას, ის

ერთი უნახურება არა მხოლოდ უსაბოროლობას, არამედ უაღრესათ რევოლუციონერ საქმეს.

და ასეთ რევოლუციონერ საქმეს უნახურება რუსეთის არა მხოლოდ თვითიმპერიალისტული ლენინის, რომელიც განთავისუფლებულ ერებს დამპყრობისა და მსგავსი

და ამ უაღრესად რევოლუციონერ საქმეში მის კოვლელების ცოცხლება დამზარეთ ის რუსები, რომლებიც დენიკინის მეთაურობით მთლიან რუსეთის აღდგენას ლენინებენ. ლენინის დღევანდლებს და დენიკინებებს ხომ ერთი მიზანი აქვთ: ეს არის დიდი რუსეთის აღდგენა ძველი სასლავურში. და რაკ ვერ განახორციელეს შეგებს დენიკინის შვიი დროშის ქვეშ, დიდი ხალხისთ შეუერთებენ ლენინის მთელ დროშას, რომელიც განთავისუფლებულ ერთა მტერია.

ამოლო მომავალი ხდებანაგებებს, რომ დენიკინებუბი და ბალმეველები ბელუსელ ჩაკიდებულნი აღდგენთ თავენ საერთო მძევლს „იმპერიალისტების“ წინააღმდეგ. ბატონოკები წინთაც ვერმიცუბადენ დენიკინს. ვინაიდან ეს დენიკინი მათ „იმპერიალისტებს“ უჭერობდა. დენიკინის გზებში უკვე ვერმოქმედენ ლენინს. ვინაიდან ეს ლენინიც მათ „იმპერიალისტებს“ უჭერობს. ბატონი დენიკინები ვერ ვერ ბედავენ ამართ ბალმევეკებისაღმ მიზნობას, რადგან ვერ ვერ ბედავენ ეს ვატებოტებში იტვლისელების განანდენებას, მარა უკვე არის უტყუარი ნიშნები იმისა, რომ დენიკინებები მალე ჩადგებენ კომუნისტების წყებში.

და ვინაიდან ჩვენნი ქალაქი დენიკინებუბა ხელშია, ამ გარემოების უნდა გაერთიანო სათიანადი ანგარანი, მთელი მთლიანი და საბაბორო რანგში დენიკინებებსაგან შესდგება, ეს შეიარაღებულ ხალხს სურავის გაუკვირება თუ ერთ მსწერიერ ბაღს. მთლიან რუსეთის აღმდგენელ ბალმევეკებს მიუერთობა.

ასეთია რუსების იმპერიალისტები, წითელია ის თუ შავი, ორივე ერთი მავალია შეპყრობელი. ეს ძალაა - თავისუფალი ერთა დამპყრობის, რუსების გაერთიანება.

მარა სწორედ ამ მავლს ვადაკკებენ რუსეთის იმპერიალისტები ამ დროში იმინი საბოჭოლოდ იონს ანარმოდენენ არი კი მათ ეწიათ საქმე განიკავებულბებულ ერთა ძალუბთან. და ეს, ერები მათ



ბენია ჩხიკვიშვილი – ბათუმის ოლქის
საგანგებო კომისარი (1920 წ.)



გიორგი ლორთქიფანიძე



თემურ ზიმშიაშვილი



სილიბესტრო ჯიბლაძე



ისიდორე რამიშვილი



ვალდია გოგუაძე



ჯემალ ტქიაევა



მემედ გოგობერიძე



ყემბერ ხაბაზი

საქართველოს დემოკრატიული რესპუბლიკის გენერლები



ასლან აბაშიძე – დამოუკიდებელი საქართველოს პირველი გენერალი აჭარიდან



კონსტანტინე აფხაზი



სტეფანე ასმეტელაშვილი



ზაქარია ბაქრაძე



ტარასი ვაშაკიძე



ალექსანდრე ზაქარიაძე



გიორგი კვინიტაძე




გიორგი მაზნიაშვილი



გიორგი (გიგუმა) ერისთავი



სახალხო გვარდიის მთავარი შტაბი
(შუაში ზის ნოე ფორდანია, მისგან მარჯვნივ ვალიკო ჯუღელი)



დასავლეთ ევროპის სოციალისტური ინტერნაციონალის (II) დელეგაცია საქართველოში.
მიტინგი თბილისში. 1920 წ. სექტემბერი



სოციალისტური ინტერნაციონალის (II) დელეგაციის წევრები



ბათუმის საერთო ხედი

§ 1. განათლება

სამხრეთ-დასავლეთ საქართველო შუა საუკუნეებში დაწინაურებული კულტურული მხარე იყო. აქაურ ეკლესიებსა და სამონასტრო ცენტრებში აქტიური საგანმანათლებლო ცხოვრება დღვდა. ეს მრავალგზის აღწინააღმდეგებდა ქართველ მოღვაწეებს 1879 წელს ილია ჭავჭავაძე წერდა: „... ჩვენი ყოფილი ცხოვრება იქ აქვავებულა, ჩვენს სიცოცხლეს იქ უჩქეფნია, ჩვენის სულის ძლიერებას იქ აღუმართავს თავისი სახელგანთქმული დროშა... სწავლა, განათლება, მამულისათვის თავგამებებული სიყვარული თითქმის იქილამ უფინებოდა ჩვენს ქვეყანას ერთ დროს“.¹

იაკობ გოგებაშვილი აღნიშნავდა: „შუა საუკუნეებში, როდესაც საქართველოს სამეფო ჰყვოდა, მესხეთი (სადაც შედიოდა აჭარაც - ავტ.) ძლიერ დაწინაურებული ნაწილი იყო ჩვენის ქვეყნისა. განათლებით, მოქალაქეობით, სხვადასხვა ხელოვნების ცოდნით მესხნი ბეერად სჯობდნენ სხვა ქართველებსა“.² დიდი პედაგოგი ამას იმიტაც ხსნიდა, რომ სამხრეთი საქართველო უშუალოდ ესაზღვრებოდა ბიზანტიას.

ანალოგიურია თვლო სასოკიას აზრიც: „აჭარა, - ამბობდა იგი, - ზემო ქართლის ანუ სამცხე-საათაბაგოს ნაწილს შეადგენდა. ჩვენს ისტორიაში ეს მხარე ცნობილია ჩვენს საუკეთესო მწიგნობართა აქეანად და სამშობლოდ“.³

ოსმალთა მიერ დაპყრობის შემდეგ სამხრეთ-დასავლეთ საქართველოში, ხანგრძლივი დროის მანძილზე, ნადგურდებოდა ქართული კულტურისა და განათლების ცენტრები, იღვენებოდა ქართული ენა. „განათლების სისტემა“ მედრესეთი ამოიწურებოდა, სადაც მოსარდებს მათთვის გაუგებარ არაბულ ენაზე რელიგიურ დოგმებს ასუპირებდნენ. მოსახლეობა ფიზიკური განადგურებისა და სულიერი დეგრადირების ხდურბლზე აღმონდა.

XIX საუკუნის 60-იანი წლებიდან სამხრეთ-დასავლეთ საქართველოს სოციალური და სულიერი მდგომარეობის შესასწავლად, სხვა მიზნებთან ერთად, ამ მხარეში იმოგზაურეს დ. ბაქრაძემ, ი. კერესელიძემ, გ. ყაზბეგმა, ს. მესხმა, თ. სახოკიამ, ზ. ჭიჭინაძემ, ი. მეუნარგიამ და სხვ. ისინი ერთხმად აღნიშნავენ, რომ აჭარაში წმინდად იყო შემონახული ქართული ენა, ადათ-წესები და სწე-ჩვეულებანი. დიმი. ბაქრაძე წერდა: „აჭარაში ქართული ენა თითქმის დღემდე შეუზღალავად შემორჩათ“.⁴ ზ. ჭიჭინაძე ახლოს გაეცნო ხალხის ცხოვრებას, მოგზაურობისას ქართულ წიგნებს არიგებდა, სადლოცავად მემუროშიც შედიოდა, რამაც მას მოსახლეობის ნდობა და სიყვარული მოუპოვა. თავის ერთ-ერთ ნაშრომში ზ. ჭიჭინაძეს მოჰყავს ქვემო აჭარის მუფთის ხასან ყერძაძის სიტყვები: „ბატონო, ჩვენ ყველანი ქართველები ვართ, ჩვენი ქვეყანაც საქართველოა, ჩვენი ენა და ქვეყანაც ქართულია... ჩვენს სახლში ჩვენი ქალ-

¹ ი. ჭავჭავაძე, თხზ., ტ. IV, თბ., 1955, გვ. 11-12.
² ი. გოგებაშვილი, საგანძურო, თბ., 1982, გვ. 280.
³ თ. სახოკია, მოგზაურობანი, ბათ., 1985, გვ. 232.
⁴ დ. ბაქრაძე, არქეოლოგიური მოგზაურობა გურიასა და აჭარაში, ბათ., 1987, გვ. 40.

ბაღანა სულ ქართულ წიგნებს კითხულობენ“.⁵ საინტერესოა, რომ ამ სიტყვების ავტორი მუსლიმანური რელიგიის მაღალჩინოსანი მსახურია და ეს ერთეული შემთხვევა როდი იყო.

აჭარა, მთლიანად სამხრეთი საქართველო, იყო ილიას, აკაკის, გრ. ორბელიანის, დ. ყიფიანის, ი. გოგებაშვილის, ნ. ნიკოლაძის, ვაჟა-ფშაველას, კ. მამაცაშვილის, ს. მესხის, ზ. ჭიჭინაძის, გ. წერეთლის, თ. სახოკიას, გ. ყაზბეგის, ი. კერესელიძის, დ. კლდიაშვილის, პ.უმიკაშვილის და სხვა ერისკაცების მთავარი სასურუნავი. მათ ძალისხმევას ადგილსუც ნოყიერი ნიადაგი დახვდა. ამ მხრივ ნაყოფიერად მოვაწობდნენ შერიფ და ნური ხიმშიაშვილები, იბრაიმ და მემედ აბაშიძეები, ლომან-ევენდი ქარცივაძე, გულო კაიკაციშვილი, აბდულ მიქელაძე, ჰაიდარ აბაშიძე, დედე ნიუარაძე და სხვ. ისინი დაუღალაუად საქმიანობდნენ სამხრეთ-დასავლეთ საქართველოში ეროვნული თვითშეგნების აღორძინების, ქართული სკოლებისა და სხვა საგან-მანათლებლო დაწესებულებების გახსნისათვის, სიბნელიდან ხალხის გამოყვანისათვის.

შერიფ ხიმშიაშვილი 1879 წ. გაზეთ „დროებაში“ დაბეჭდილ „გულწრფელ აღსარებაში“ მაღლიერებას გამოხატავდა ქართული საზოგადოებისადმი და წინასწარმეტყველებდა, რომ საერთო ძალისხმევით სამუსლიმანო საქართველოში მალე წინ წაიედოდა „ქვეყნის მაშენებლობა, განახლებოდა ციხე-ტაძარნი, სამოქალაქო ვაჭრობა, ხელოსნობა, სწავლა-მეცნიერება ზნე-კეთილობით“.⁶ მოგვიანებით მემედ აბაშიძე წერდა: „მიუხედავად სარწმუნოებრივი განსხვავებულობისა, საერთო უბედურების დროს, თავის დედა-ქვეყნის შვილებს, მაშაიდან ძმებს დღიან პატარამდე ქრისტიანამ ქართველობამ ძმური ნუგეზის ხელი გაუწოდა და შეძლებისდაგვარად შესავლენისა დახმარება აღმოუჩინა... ჩვენდამი მათი ამაგი და მზრუნველობა ვერ დაიფასების...“⁷

განთავისუფლების შემდეგ აჭარას ყოველ სფეროში სჭირდებოდა დახმარება, მაგრამ მთავარი მაინც იყო სკოლების გახსნა, წიგნების გავრცელება სწავლა-განათლება ილია ჭავჭავაძეს ადამიანის არსებობის პირობად მიიჩნდა. 1881 წელს იგი წერდა: „სკოლის უმთავრესი საგანი და საქმე, საზოგადოდ, ის არის, რომ ერის მოზარდს თაობას აუხილოს გონების თვალი, გაუჩარხოს გულის-ყური, გაუწურთოს და კეთილად მოუმართოს გრძნობა, შეაჩვიოს მოზარდის ჭკუა-გონება მართლმსჯელობასა და თვითმსჯელობას... სკოლამ უნდა მოუშზადოს ერს გონებით და გულით გაღვივებული კაცი იმოედენად, რომ იგი საკუთარის ჭკუით და გულით გაუჭირებელიე გაუძღვეს იმ სულიერს და ხორციელს პატარა მოედანს, საცა ერის უმრავლესობა სულს იბრუნებს, სულითა და ხორციით იღვწის და მოქმედებს“. ერის მოძღვარი შემდეგ მიუთითებდა: „ცოდნა, სწავლა-განათლება დღევანდელი კაცისათვის არსებითი პურია. უამათოდ ადამიანი დღეს ყველაფერს მოკლებულია ადამიანობასაც, სარჩო-საბადებულსაც, ღონესაც და შეძლებასაც... ცხოვრების მოედნიდან ბურთი დღეს მარტო მცოდნეს გააქვს, მარტო მცოდნეს აქვს საკმაო და საპატიო კერძი წუთისოფლის სუფრაზედ...“.⁸

დედასამშობლოსთან დაბრუნების შემდეგ ბათუმის ოლქში სკოლების გახსნა პრაქტიკული მუშაობის საგანი გახდა. ამასთან დაკავშირებით „შინაურ მიმოხილვაში“ 1879 წ. ილია წერდა: „თუ ჩვენი სიხარული აჭარა-ქობულეთის შემოერთებაზედ პირმოთენიობა არ იყო, თუ ჩვენგან წარმოთქმულ მხურვალე სიტყვებს მკვიდრი

⁵ ზ. ჭიჭინაძე, ქართველ მამადაინათა ცხოვრება, ტყ., 1916, გვ. 43.

⁶ თ. სახოკია, მოგზაურობანი, გვ. 201.

⁷ გ. შარაძე, მემედ აბაშიძე, თხზულებანი, თბ., 1998, გვ. 72.

⁸ ა. ჭავჭავაძე, თხზ., ტ. IV, გვ. 275, 358-359.

საუფუძველი ჰქონდათ, ესეა უნდა გაეუმართოთ ხელი ამ ახლადდაბადებულს წერაკითხვის გამავრცელებელ საზოგადოებას და ვალად დაესდოთ, რომ აჭარასა და ქობულეთში რაც შეიძლება მომეტებული შკოლები დამართოს ეს შკოლები სხვა ყოველს საშუალებაზედ მეტად სულთ და გულით შემოგვიერთებენ... და ისევ ძმურს სიყვარულს წამოაგდებენ ჩვენში, როგორც უწინ, იმათ ოსმალის ხელში ჩავარდნის დრომდე ყოფილა“⁹ ერის გამთლიანების, გაჭირვებიდან ხალხის გამოყვანის უპირველეს საშუალებად ი. ჭავჭავაძე განათლებას მიიჩნევდა იგი წერდა: „ეხლა ჩვენ ერთი დიდი და უდიდესი მოვალეობა გვაწევს: ძმებს ძმურად უნდა დაეხედეთ... უნდა იმათთვისაც ვიზრუნოთ... თუ ჭირში ვუძმეთ, ჭირში მივეშველენით - ჩვენი ერთმანეთის დაურღვეველის კავშირის გაბზაც უუტყველია ეს ისმინეთ და გაიგეთ, ქართველობაჲ რა გაგვიხსნის გზას მაგ კავშირის გაბმისათვის? აკაი წერეთელმა კსთქვა და ჩვენც ვიტყვი, რომ ამისათვის ერთი უებარი სახსარია: სწავლა, ცოდნა და მეცნიერება (ხაზგასმა ჩვენია - ავტ.). სწავლა, ცოდნა და მეცნიერება ღონეა იმისათნა, რომელსაც დღეს წინ ვერაფერი ვერ უღატება... ცოდნა უტყვეველი ფარია არსებობისათვის, ბასრი ხნალია მოგვიერებისათვის.“¹⁰

XIX ს. 70-80-იანი წლების მიჯნაზე ქართული სახალხო სკოლების გახსნისათვის ნაყოფიერი ნიადაგი შეიქმნა: ასპარეზზე აქტიურობდა თერგდალეულთა თაობა: გამოსცეს ი. გოგებაშვილის უკვდავი „ბუნების კარი“ (1868 წ.) და „ღეღაენა“ (1876 წ.); 1879 წელს ჩამოყალიბდა „ქართველთა შორის წერა-კითხვის გამავრცელებელი საზოგადოება“, რომელიც აარსებდა სკოლებს, ბიბლიოთეკებს, ხელმძღვანელობდა წიგნების გამოცემას და ა.შ. ხალხი ამ საზოგადოებას სასესებით კანონზომიერად უწოდებდა სახალხო განათლების სამინისტროს საზოგადოების დიდ ავტორიტეტზე ისიც მტყუყულებდა, რომ მის თავმჯდომარეებად იყვნენ ერის დიდი მოამბეები - დ. ყიფიანი, ი. ჭავჭავაძე, ყაზბეგი. ამ საზოგადოების აჭარის განყოფილების პირველი თავმჯდომარე 80-იან წლებში იყო პოეტი გრიგოლ ეოლსკი (უმწიფარიძე). XX საუკუნის 10-იანი წლებიდან კი მას ხელმძღვანელობდნენ ჯერ გ. ჟურული და შემდეგ გ. ელიავა განყოფილებას ჰყავდა 160-მდე წევრი. „ქართველთა შორის წერა-კითხვის გამავრცელებელმა საზოგადოებამ, - წერდა ი. გოგებაშვილი, - რაწამ დაარსდა, მაშინვე ჯეროვანი ყურადღება მიაქცია განათლების ამგვარ სამწუხარო მდგომარეობას საქართველოში“¹¹ მისი სიტყვით კი მდგომარეობა მართლაც საეალალო იყო; 1879 წ. 912962 ქართველზე მოდიოდა 167 სასწავლებელი, ანუ ერთი სასწავლო დაწესებულება 5460 სულზე, მაშინ როცა 706886 სომეხს ჰქონდა 256, ანუ ერთი სასწავლებელი 2760 კაცზე¹² 1880-1885 წლებისათვის საქართველოში ყველა ტიპის 230 სკოლა მოქმედებდა რაც შეეხება აჭარას, 70-იანი წლებისათვის ბათუმში, დიბ. ბაქრაძის ცნობით, იყო დაბალი ტიპის ორი სკოლა - ბერძნული და თურქული. ზ. ჭიჭინაძის ცნობით, ქედში 1770 წლიდან არსებობდა მუფთის სკოლა, რომელიც ხოჯებს და მოლებს ამზადებდა სულ ბათუმის ოლქში მოქმედებდა 207 მედრესე. ამიტომაც „ძველი საქართველოს არეზარეში სწავლა-განათლების მხრივ არც ერთი კუთხე არ არის ისე ჩამორჩენილი, როგორც აჭარა“¹³, - დაასკენიდა ჟურნალი „განათლება“.

ქ.მ.წ.კ.ბ. საზოგადოებამ იმთავითვე სწორი კურსი აიღო. მან ქართველი ერის ბურჟად გამოაცხადა მშობელიური ენა და ილაშქრებდა რა რუსიფიკატორული

⁹ იქვე, თხზ. ტ. V, თბ., 1955, გვ. 46

¹⁰ იქვე, გვ. 19-20.

¹¹ ი. გოგებაშვილი, რჩეული ნაწერები, ტ. 2, თბ., 1940, გვ. 97.

¹² იქვე, გვ. 92-93.

¹³ ჟურნ. „განათლება“, №3, 1991, გვ. 2.

პოლიტიკის წინააღმდეგ, მოითხოვდა სასწავლებლებში ქართულ ენაზე სწავლების შემოღებას. ერისკაცებს მიანდათ, რომ ეს დაწესებულებები იმ შემთხვევაში უშეგლიდნენ საქართველოს, თუ ხალხის და სკოლის ენა ერთი იქნებოდა. „ჰველა სკოლა, განსაკუთრებით სახალხო, დედა-ენაზედ უნდა იყოს დაფუძნებული; დედა-ენით უნდა სასწავლებელი, მით უნდა ვითარდებოდეს, მით უნდა ხარობდეს; დედა-ენა სულა სკოლისა“.¹⁴ ი. გოგებაშვილი ამასთანავე, ხაზს უსვამდა ქართული ენის ღირსებებს - ბრუნვის სიმარტივეს, გრამატიკული სქესების არარსებობას, თანდებულთა სიტყვის ბოლოში მოქცევას, ზმნის მრავალფეროვნებას და მოქნილობას, სინონიმებისა და ლექსიკის სიმდიდრეს. ქართული ენა ისე ღრმავა, რომ ვერ ამოსწორავს ასი შექსპირიო, ამბობდა იაკობი და იმოწმებდა რუსი პედაგოგის ე. უშინსკის სიტყვებს „ვიდრე ენა ცოცხალია და ხალხი იმაზედ ლაპარაკობს, - ხალხიც ცოცხალია“.¹⁵ შემთხვევითი არც ის არის, რომ დასავლეთის გამოჩენილი პედაგოგები პირველ-დაწყებით სკოლას მშობლიური ენის სკოლას უწოდებდნენ. ცნობილ პედაგოგს - ლუარსაბ ბოცვაქას მიანდა, რომ თუ „დედა-ენა რიგაინად არ ესმის ბავშვს, ისე სხვა საგნების სწავლება არასოდეს ნაყოფიერი არ იქნება“.¹⁶

მშობლიურ ენაზე სწავლების ი. გოგებაშვილისეული მეთოდოლოგია მთლიანად გაიზიარა მემედ აბაშიძემ,¹⁷ რომელიც 1900-იანი წლებიდან აქტიურად გამოვიდა ასპარეზზე. იგი ამ საკითხს უკავშირებს ეროვნული ერთიანობის სახელმწიფოებრივ პრინციპებს და აცხადებს: „ხალხი, რომელიც დაკარგავს მშობლიურ ენას, დაკარგავს ეროვნულ-სახელმწიფოებრივ სახესაც“. ამიტომ წერილში - „ქართული ენის გაქმნენისათვის“ იგი ქართულ ენას ეროვნული სიმტკიცის საძირკვლად მიიჩნევს და მას „ჩვენსი ერის მთლიანობის გამომხატველ ენას“ უწოდებს.¹⁸

მ. აბაშიძე აღფრთოვანებით მიესალმებოდა ყოველ ძალისხმევას, რომელიც ქართული ენის პოზიციების განმტკიცებას უწყობდა ხელს. იგი ყურადღების გარეშე არ ტოვებდა არც ერთ ფაქტს, რომელიც ქართულ ენაზე მეტყველებას მატებდა ძალას და ღონეს ამის საუკეთესო ნიმუშია მისი გამოხმაურება გაზეთ „დროების“ 50 წლისთავის გამო. ქართული გაზეთის მთავარ მონაპოვრად მან მიიჩნია სწორედ ხალხის ეროვნული და ზნეობრივი შეგნების ჩამოყალიბებისათვის ხელის შეწყობა. მ. აბაშიძე „დროების“ დიდ დამსახურებად იმასაც მიიჩნევს, რომ ქართული ენის შემწეობით „ამეტიველა თავისი ქვეყნის ის კუთხეც კი, რომელიც დროთა გარემოების გამო დიდხანს იყო მოწყვეტილი სამშობლოს დანარჩენ ნაწილებს“.¹⁹

ქართული ენის მნიშვნელობაზე მ. აბაშიძე ყურადღებას ამახვილებს აგრეთვე თავის ცნობილ წერილში „მაჰმადიანი და ქრისტიანი ქართველების სულიერი ერთობა“. იგი აღფრთოვანებით წერს იმის შესახებ, რომ სოფ. ქაქუთიდან ჩამოსულმა დეპუტაციამ, რომლის შემადგენლობაში იყვნენ მღვდელი ს. შავიშვილი და მოლა ა. ეარშანიძე, დასვა ქართული სკოლის შენობის გაფართოებისა და ქართულ ენაზე სწავლების საკითხი. ქართული ენის პოზიციების გაძლიერებას კი, როგორც აღნიშნული წერილის სათაურდანაც ჩანს, მ. აბაშიძე მიიჩნევდა სხვადასხვა რელიგიის ქართველთა სულიერი ერთობის საფუძვლად და წყაროდ.²⁰ ამ შეხედულებას აეთარტებს ის სტატიამი „სარწმუნოება და ეროვნება“, რომელშიც პრინციპულად მოით-

¹⁴ ი. გოგებაშვილი, რჩული ნაწერები, ტ. 2, გვ. 70.

¹⁵ იქვე, გვ. 150.

¹⁶ ლ. ბოცვაქაძე, პედაგოგიური თხზულებანი, ტ. 1, თბ., 1982, გვ. 51.

¹⁷ იხ. ნ. გუგუნიას, მემედ აბაშიძე-განმანათლებელი, ბათ., 1998.

¹⁸ მ. აბაშიძე, რჩული ნაწერები, 1973, გვ. 48, 51-52.

¹⁹ იქვე, გვ. 13.

²⁰ იქვე, გვ. 23-24.

ხოვდა ეროვნების დაქვემდებარებას სარწმუნოებაზე მაღლა „ეროვნულ საკითხებს სარწმუნოებრივი საკითხები უნდა ჩამოვაშოროთ“ - წერდა მ. აბაშიძე ამიტომაც ეროვნების განსახლების მთავარ კრიტერიუმად მშობლიურ ენას აღიარებდა.

ქ.შ.წ.კ.გ. საზოგადოებამ 1880-იანი წლების დასაწყისში მიზნად დაისახა სწორედ მშობლიურ ენაზე გაეხსნა სკოლები ბათუმში, ქობულეთსა და შავშეთში. უსახსრობისა და სხვა დაბრკოლებათა გამო ქობულეთსა და შავშეთში ეს შეუძლებელი გახდა. ბათუმში სკოლის გახსნას და ორგანიზაციული და ფინანსური საკითხების მოგვარებას კი უშუალოდ ილია ხელმძღვანელობდა. იგი აქ სამჯერ ჩამოვიდა. მისი ძალისხმევით 1881 წლის 23 მარტს ბათუმში გაიხსნა პირველი ქართული სკოლა. მას დაესწრო ილია და სიტყვაც წარმოთქვა საზოგადოებამ სკოლისათვის 240 მანეთად დაიქირავა 3-თახიანი შენობა პირველ წელს სკოლაში იყო 28 მოწაფე, მათ შორის 11 მაჰმადიანი ქართველი, რომელთაგან ერთი იყო გოგონა - უღვივე აბაშიძე ადგილობრივ მკვიდრთაგან მაშინ სკოლაში სწავლობდნენ მ. აბაშიძე, ს. დიასამიძე, ხ. ჩალაძე, დ. ქიქავა, ლ. ჭიჭინაძე, ხ. დიასამიძე, ხ. მიქელაძე, ჯ. ჭყონია, ი. ეფერდოლი, მ. გვარდოლი, ხ. თავდგირიძე, ე. მიქელაძე, ე. თავდგირიძე, თ. შირნანოლი, შ. სადუოლი და სხვ. ეს იყო ერთკლასიანი სახალხო სკოლა სწავლების ორწლიანი კურსით. ისწავლებოდა საღვთო სჯული, ქართული ენა, რუსული ენა, არითმეტიკა, თვალსაჩინოება, სუფთა წერა, გალობა და გიმნასტიკა. პირველ მასწავლებლად დაინიშნა ალექსანდრე ნანეიშვილი.

სკოლის მთავარი ამოცანა ქართველ მაჰმადიანთა შეილები მოზიდვა იყო. ამ პრობლემის გადაჭრა სიძნელეთა დაძლევის გარეშე როდი მიმდინარეობდა რელიგიის ზოგიერთი მსახური და მათ ფეხისხმასაყოლილნი ხალხს მოუწოდებდნენ, შეილები სკოლაში არ გაეშვათ, გაგიგიაურებნო. როგორც ცნობილია, დედასამშობლოსთან აჭარის დაბრუნებისთანავე დაიწყო მუჰაჯირობა - მშობლიური ადგილების დანახების მოვლის აყრა-გადასახლება. ამ პროცესს წინ აღუდგნენ ქართველი ინტელიგენცია და ადგილობრივი მოწინავე ადამიანები. შერიფ ხიმშიაშვილი თანამოქმედ მიმართავედა „ნუ დუჰავთ თავს, ნუ დუჰავთ ცოლ-შვილს, თორემ ბოლოს ინანებთ. რუსებს თქვენს გარდა სხვანიც ჰყავთ მუსლიმანები ყმად, მაგრამ მათ არავინ აქრისტიანებს ამიტომ გთხოვთ აქ დარჩენას“.²¹

მუჰაჯირობის პროცესში მაჰმადიან ქართველთა შეილების რაოდენობა სკოლაში მინიმუმამდე შემცირდა. ასეთ ვითარებაში ადგილობრივ მკვიდრთა მოზიდვით თავი ინახელა მოსე ნათაძემ, რომელიც პირველი სკოლის მასწავლებლად მუშაობდა 1882-1891 წლებში. ს. მესხი ასე აფასებდა მის საქმიანობას: „ათი დღის განმავლობაში თითქმის მუდამდღე დავიარებოდი ნათაძის გაკვეთილებზე და საზოგადოდ სასიამოვნო შთაბეჭდილებები გამოვიტანე. ბატონ ნათაძის ხელში ჩვენი ბათუმის სკოლა საიმედო და სასურველ ნიადაგზე იქნება დამდგარი. ერთი საკეთილო თვისებაც შევნიშნე ბ-ნ ნათაძეს: იმას კეთილი განწყობილება გაუმართავეს, შეუთვისებია და დაახლოებია ადგილობრივ მაჰმადიან ქართველებს და ეს დიდ დამსახურებად ჩაითვლება“.²² ასევე დიდ შეფასებას აძლევდა მას თ.სახოკია: „მეისტორიემ არ უნდა დაივიწყოს ის უანგარო ღვაწლი და ამაგი, რა ღვაწლი და ამაგი დაგველო მაშინ პირველდაწყებითი სკოლის მასწავლებლად მოსე ნათაძემ. პირველადვე წინდახედული, საქმის მოყვარული, შეგნებული კაცი რომ არ ჩადგომოდა სათავეში ამ დიდხალ და წმინდა საქმეს, ვინ იცის, როგორ დაგვეფრთხო მაჰმადიანი ქართველები“.²³

²¹ ზ.ჭიჭინაძე, დასახ. ნაშრ., გვ. 187.

²² გაზ. „დროება“, №270, 1882.

²³ თ.სახოკია, მოგზაურობანი, გვ. 238.

1891 წ. იჭაქეჭავაძის რეკომენდაციით პირველი სკოლის გამგე-მასწავლებლად დაინიშნა მიხაკო შარაშიძე, რომელიც აქ 1897 წლამდე მუშაობდა. იგი ილიამ ასე დამოძღვრა: „დიდი სიფრთხილით და მოხერხებით არის საჭირო მუსლიმანებს შორის მუშაობა დახსოვდეთ, რომ ქართველი მუსლიმანები, ჩვენი ძმები, მეტად ნიჭიერი, დინჯი, დაკვირვებულნი და სარდლობიანი ხალხია. იხიარე ყოველი ღონე, რომ მათი ნდობა და სიყვარული დაიმსახურო... დიდი მიღწევა იქნება ჩვენის მხრივ წერა-კითხვასთან ერთად თუ შეაგნებინებთ, რომ ისინი ქართველები არიან, რომლებიც ჩვენგან განირჩევიან მხოლოდ სარწმუნოებით“.²⁴ ასეთ შეფასებაში ნათლად ჩანს, თუ როგორ უნდა ემუშავათ მაჰმადიან ქართველთა შორის ეროვნული თვითშეგნების გამოლეილება-აღორძინებისთვის.

პირველ სკოლას განსაკუთრებულ მუხრეობას უწვედნენ იაკობ გოგებაშვილი და ნიკო ცხვედაძე. ისინი სისტემატურად ჩამოდიოდნენ ბათუმში, რათა დახმარებოდნენ მასწავლებლებს სკოლის დაარსების 10 წლისთავეზე ი. გოგებაშვილი წერდა: „ერთი უპირველესი საქმე, რომელსაც „წერა-კითხვის სასოგადოება“ შეუდგა ამ ათი წლის წინათ, იყო სახალხო სკოლის დაარსება ბათუმში. განზრახვა, რომელმაც გამოიწვია ამ სკოლის დაფუძნება, მდგომარეობდა იმაში, რომ ახლად შემოერთებულ მაჰმადიან ქართველთა შვილები მოეხივნა, პირველდაწყებითი განათლება მიეცა მათთვის, გაემართნა ქართულს წერა-კითხვაში, მათის შუამავლობით შემდეგში გაეერთილებინა აჭარა-ქობულეთში ქართული წიგნის ცოდნა“.²⁵

ბათუმის პირველი სკოლისათვის დიდად ზრუნავდნენ ადგილობრივი მოწინავე საზოგადოების წარმომადგენლები: ექვთიმე ბერძენიშვილი, იბრაიმ აბაშიძე, ხუსეინ აბაშიძე, ქალაქისთავი დლუკა ასათიანი, პოეტო გრიგორი ვოლსკი, გრიგორ ელიაძე, პლატონ კიკინიშვილი, ილია ფერაძე, ილია მელია, ქეთევან ჯურული, ნიკო საბაშვილი და სხვ. ლ. ასათიანის, ი. აბაშიძის და ე. ბერძენიშვილის თაოსნობით და ქველმოქმედთა ფულადი დახმარებით 1895 წ. აშენდა ერთსართულიანი სასკოლო შენობა. 1883 წლიდან ამ სკოლის მზრუნველად გვევლინება იბრაიმ აბაშიძე. იგი კ.შ.ქ.ჯ. საზოგადოებას წერდა: „...რომ ჩვენი ძმური კავშირი სასურველად გაძლიერდეს, აქ თქვენც და ჩვენც მიგვანჩია, ერთი აუცილებელი ღონისძიება, - ეს გახლავთ სკოლა... ყველას უნდა მიიყვანოს იქ შვილი, მაგრამ სად გინდათ, რომ დაატოთ... ჩვენ გვექონდა საკუთარი მექთები... ეს სკოლა რუსებმა ჯერ ყაზარმათ გადააქციეს, მერე პოლიციამ მთლად დაშალა. დღეს ეს საკუთარი ადგილიც მთავრობამ წაიღო... გთხოვთ ამ საქმეს თქვენე უპატრონოთ, რომ მალე მოგვეცნის ადგილი“.²⁶ მართლაც, მიწის ნაკეთი, რომელიც ადრე აბაშიძეებს ეკუთვნოდათ, დაუბრუნდათ ქველმოქმედთა და სკოლაც მასვე ააშენეს.

90-იანი წლების მეორე ნახევრიდან ბათუმის სკოლაში მასწავლებლად მუშაობდნენ ი. გოგოლაშვილი, ს. ბერიკაშვილი, ბ. მარგველაშვილი, მ. ლომთათიძე, პ. წულუკიძე, ხოლო 1903 წლიდან ალ. მგელაძე, რომელიც ხულოს სკოლიდან გადმოიყვანეს. აღსანიშნავია, რომ შემდგომში ბათუმის პირველ ქართულ სკოლას მგელაძის სკოლას ეძახდნენ.

1881 წ. ბათუმში გაიხსნა სამკლასიანი სასწავლებელი (რუსულ ენაზე სწავლებით), რომელიც 1886 წ. ექსკლასიანად გადაკეთდა. 1886 წ. დაარსდა ბათუმის ქალთა დაბალი ტიპის რუსული სასწავლებელი - შემდგომში მარიამის ქალთა სასწავლებელი. ამავე წლებში გაიხსნა ბერძნული და სომხური სკოლები. 90-იანი წლებიდან

²⁴ აჭარის სახელმწიფო მუზეუმის შრომები, ტ. 7, ბათ., 1972, გვ. 30.

²⁵ ი. გოგებაშვილი, რჩული ნაწერები, ტ. 2, გვ. 267.

²⁶ გ. შარაძე, ილია ჭავჭავაძე და იბრაიმ აბაშიძე, გაზ. „ლიტერატურული საქართველო“, №31, 1997.

(ვალკეულ პირთა ინიციატივით ბათუმში იხსენება კერძო სკოლები, მათ შორის პალიევას (1888 წ.), ლებედევას (1893 წ.), ველტუხინას და ბერაიას (1902 წ.), მეფისოვას (1903 წ.). ასეთ კერძო ტიპის სკოლებს განათლების მდგომარეობაზე, მათი შეხედულებების გამო, სერიოზული გავლენა არ ქონდათ.

1886 წ. ქუთაისის გუბერნიის სკოლების განყოფილებამ გონიოს უბნის სოფ. მარადიდში დააარსა სკოლა, მაგრამ იგი დღემდე აღმოჩნდა იმავე წელს მთავრობის მოხელის, ალ. ბერიძის ინიციატივით, სკოლა გაიხსნა ხულოში, რომლის შენობის გასამართავად მოსახლეობამ გაიღო ხარჯები. მასწავლებლად დაინიშნა სპარსი, რომელმაც ქართული ენა ცუდად იცოდა, ამის გამო მოსწავლეთა რაოდენობა 30-დან 10-მდე შემცირდა. ამ მიზეზით მასწავლებელი გაათავისუფლეს.

1908 წ. ხულოს ორკლასიან სასწავლებელში მასწავლებლად გაიზარა ცნობილი პედაგოგი ბართლომე მეგრელიძე. მისი მეუღლე ქალებს ჭრა-კერვასთან ერთად წერა-კითხვასაც ასწავლიდა.

მოწინავე ინტელიგენციის თაოსნობით და ხალხის მოთხოვნით სკოლები გაიხსნა 1885 წ. - სოფ. ახალშენში, 1886 წ. - აჭყაში,²⁷ 1890 წ. - დაგეაში, 1892 წ. - ხულოში, 1900-1905 წლებში - ორთაბათუმში, აჭში, ქედასა და კიორიკეში, 1908 წ. - ყოროლისთავსა და ბარცხანაში, 1910 წ. - ჩაქეში, 1913 წ. - მახუნცეთში, 1914 წ. - ქაქუთსა და აღამბარში, 1916 წ. - ბობოყვათში, 1914 წ. - წყავროკასა და ანგისაში, 1920 წ. - აჭარისწყალსა და ერგეში. საქმე შეფერხდა I მსოფლიო ომის გამო. ზოგიერთი სკოლა მაშინ კიდევ დაიხურა.

ბათუმის საზოგადოება, პირველ რიგში, ქალაქისთავი ლუკა ასათიანი, ქ.შ.კ.გ. საზოგადოების ბათუმის განყოფილების თავმჯდომარე გრიგოლ ვილსკი, თვითმმართველობის მდივანი ივანე მესხი XIX საუკუნის დასასრულს იღვწოდნენ ბათუმში ეჯათა და ქალთა გიმნაზიების გახსნისათვის. ეს კი დიდ სირთულეს უკაეშირდებოდა საჭირო იყო ცენტრალური ხელისუფლების ნებართვა, შენობები, მასწავლებელთა კადრები და ა.შ. ლ. ასათიანი სპეციალურად გაემგზავრა პეტერბურგს ნებართვის მისაღებად. მისივე ზრუნვით მოკლე დროში აიგო ორსართულიანი შენობაც, რომელშიც 1897 წ. 14 სექტემბერს საზეიმოდ გაიხსნა ეჯათა გიმნაზია (დღეს მასში შოთა რუსთაველის სახელმწიფო უნივერსიტეტია). ამავე დროს გრძელდებოდა მუშაობა ქალთა გიმნაზიის დასაარსებლადაც. მისი წინააღმდეგი იყო განათლების საქმეთა მაშინდელი მზრუნველი, მაგრამ ბათუმის თვითმმართველობამ ეს დაბრკოლებაც გადალახა, გამოიწვია თანხები, ააგო შენობა და 1900 წელს ქალთა გიმნაზიაც გაიხსნა (დღეს მასში დავით აღმაშენებლის სახელობის №2 საშუალო სკოლაა).

გიმნაზიების პირველ და მოსამზადებელ კლასებში იღებდნენ 8 წლის ასაკის ბავშვებს. მათ ასწავლიდნენ საღეთო სჯულს, რუსულ გრამატიკას, რიტორიკას, პოეტიკას, მათემატიკას, გეოგრაფიას, ისტორიას, ფიზიკას, კანონმდებლობის ისტორიას, სოფლის მეურნეობას და სამოქალაქო არქიტექტურას, უცხო და ლათინურ ენებს, სუფთა წერას, ხატვა-ხაზვას, ფაკულტატიური წესით ზოგიერთ სხვა საგანსაც. გიმნაზიებში სწავლების ენა რუსული იყო. მშობლიური ქართული ენა ისწავლებოდა, როგორც ერთ-ერთი საგანი.

²⁷ 1887 წ. იყო სკოლის გახსნის ცდა ქობულეთში. იანვარში აქ შედგა საზოგადოების საერთო კრება, რომელმაც აირჩია სკოლის დაარსების მზრუნველი კომიტეტი; კინტრიშის უბნის უფროხის მოვალეობის შემსრულებელი აღექვანდრე არბელიძე, დედე ნიჟარაძე და გულო კაიკაციაშვილი. ამ უკანასკნელმა მაშინ უსასყიდლოდ გამოჰყო მიწის მონაკვეთი (აბსურგულაძე, გულო კაიკაციაშვილი, გვ. 20).

1915 წ. კ.შ.წ.კ.გ. სასოგადოების პარალელურად, გიორგი ყაზბეგის თაოსნობით, დაარსდა ქართველთა შორის კულტურულ-საქველმოქმედო სასოგადოების კავშირი, რომელიც მხარში ამოუდგა „წერა-კითხვის“ სასოგადოებას.

სხდომასზე, რომელსაც ესწრებოდნენ ლ. ბოცვაძე, ხ. ჭიჭინაძე, გრ. ნათაძე, გრ. ყიფშიძე, ალ. მისაბერძენი და პ. გოთუა, განიხილეს აჭარაში სკოლების გახსნის საკითხი. ამ მიზნით სასოგადოებამ გამოიყო 16 ათასი რუბლი, ხოლო ყოველთვიური ხარჯებისათვის - 8 ათასი რუბლი. საერთო ხელმძღვანელობა დაეწავლა ცნობილ პედაგოგს იერემია გულისაშვილს, რომლის ინიციატივით 1916 წ. 2 იანვარს ბათუმში მოიწიეს სასოგადოების აჭარის განყოფილების გამგეობის სხდომა. თამაჯდომარეობდა ცნობილი მოღვაწე რეჟებ ნიჭარაძე, მუშაობაში მონაწილეობდნენ გრ. ელიაშვილი, კ. გოგოლაძე, ი. ლორთქიფანიძე, ალ. მგელაძე, ირ. ღლონტი, ა. წითლიძე, ბათუმის ქალაქისათვის ი. ანდრონიკაშვილი. სხდომის გადაწყვეტილებით და ადგილებზე პატრიოტ მაშუღიშვილთა დახმარებით, მარტო 1916 წ. გაიხსნა 6 დაწყებითი ქართულ სკოლა: ეროლისთავეში (ორკომპლექტიანი), ხუცუბანში (სამკომპლექტიანი), ალაშხარში (ორკომპლექტიანი) ნსუტუნეთში (ერთკომპლექტიანი) ქედის აგარაში (ერთკომპლექტიანი) და ხულოს აგარაში (ერთკომპლექტიანი).²⁸ იმავე წელს გაიხსნა დაწყებითი სკოლები შავშეთის სოფელ წყალსიმერში, ზემო აჭარის სოფლებში - თხილვანასა და ოლადაურში.

ხუცუბანში სამკომპლექტიანი დაწყებითი სკოლის „ორგანიზაცია დაეწავლა არსენ წითლიძეს, რეჟებ ნიჭარაძის თანხლებით მან მოიარა ხუცუბანი, შეხვდა ინმაილ კაიაკიშვილს, სოფლის სხვა თავაკებს და გააცნო სკოლის გახსნის გადაწყვეტილება. ამ წინადადებას ხუცუბნელები დიდი ენთუზიაზმით შეხვდნენ და სასკოლო ნაკეთის გამოძენის ინიციატივა იკისრეს. სკოლას მავლად გორაკსე დაეთმო შესანიშნავი ნაკეთი.“²⁹ 1916 წ. 23 მარტს ხუცუბნის სკოლა შეუდგა მუშაობას. სამივე კომპლექტში მიიღეს 127 მოსწავლე, მათ შორის 45 გოგონა, რაც იმ დროისათვის დიდი მოვლენა იყო. სკოლის გამგედ დანიშნა შესანიშნავი მოღვაწე და პედაგოგი არსენ წითლიძე, მასწავლებლებად - თამარ დარეჯანაშვილი და ბაბო ბრეგვაძე, სადამოს საათებში სკოლაში უფროსი ასაკის მოქალაქეებიც დადიოდნენ და წერა-კითხვას სწავლობდნენ. მოსწავლეები მართავდნენ კონცერტებს, დგამდნენ სპექტაკლებს, ატარებდნენ სხვა კულტურულ ღონისძიებებს, რომლებშიც აქტიურად მონაწილეობდნენ მოსწავლე გოგონებიც. ასე რომ, სკოლა სოფლის კულტურულ ცენტრად იქცა. 1916 წ. მიწურულს იგი გადაკეთდა სამეურნეო სკოლად, რომელიც მოსწავლეებს სუბტროპიკული კულტურების განხრით აგრონომიულ განათლებას აძლევდა. სკოლასთან დაარსდა 20-საწლიანი პანსიონი, სადაც სხვა სოფლებიდან და მაზრებიდან მოსული მოსწავლეები ცხოვრობდნენ. 1918 წ. ოსმალთა მიერ აჭარის ოკუპაციისას სკოლა დაიხურა, თუმცა, მათი განდევნის შემდეგ ისევ განაახლა მუშაობა.

განათლების სისტემაში სათანადო ადგილი ეკავა პროფესიულ-ტექნიკურ სასწავლებლებს. ბათუმს ამ მხრივ კარგი ტრადიცია აქვს. 1889 წლის ოქტომბერში აქ გაიხსნა პირველი პროფესიული, ე.წ. სახელოსნო სასწავლებელი,³⁰ რომელმაც დიდი წვლილი შეიტანა სამრეწველო საწარმოებისათვის კვალიფიციური მუშახელის მომზადებაში.

²⁸ ე.ციცაძე, ზოგადსამანათლებლო სკოლის განვითარება აჭარის ასს რესპუბლიკაში, ბათ., 1970, გვ. 20.

²⁹ აბ.სურგულაძე, პირველი სკოლა ხუცუბანში. - ჟურნ. „ჭოროხი“, №4, 1987.

³⁰ შთოდაძე, ბათუმის ქალაქის №1 საშუალო პროფტექნიკური სასწავლებელი, ბათ., 1975.

90-იან წლებში ბათუმში გაიხსნა მუშათა საკვირაო სკოლებიც, სადაც წარმოებაში დასაქმებული ახალგაზრდები სწავლობდნენ.

საერთოდ, მაშინდელ სკოლებში სწავლების შინაარსი არ შეესაბამებოდა ხალხის ინტერესებს. სასწავლო გეგმებში მცირე იყო საათები ქართულ ენასა და ბუნებათმცოდნეობის საგნებში. ერთკლასიან (სამგანყოფილებიან) სკოლებში რუსულ ენას ეთმობოდა 30 საათი, არითმეტიკას 15, ქართულ ენას მხოლოდ 9 საათი. მშობლიური ენისა და ლიტერატურის სწავლების თითქმის უგულვებელყოფის გამო არ ხერხდებოდა სწავლებისა და აღზრდის პროცესის ერთიანობის დაცვა. კიდევ მეტი, რუსიფიკატორულ პრინციპებზე აგებული სასწავლო გეგმები და პროგრამები აფერხებდნენ პატრიოტი, დამოუკიდებელი ქვეყნის მშენებლის ფორმირებას.

1918-1921 წლებში დემოკრატიული საქართველოს მთავრობამ გარკვეული ღონისძიებანი განახორციელა განათლების დარგის გაეროვნულობა-განვითარებისათვის. 1918 წ. ივანე ჯავახიშვილის ხელმძღვანელობით დაარსდა თბილისის უნივერსიტეტი. შეიქმნა სწავლების დემოკრატიზაციის წინა პირობები, ყურადღება მიექცა იანრიბთა შეილების სწავლებას და მთის რაიონებში სკოლების გახსნას. 1920 წ. 8-15 იანვარს წატარდა საქართველოს მასწავლებლებთან ყრილობა, რომელმაც მიიღო გადაწყვეტილება სასკოლო რეფორმის შესახებ. ამ დოკუმენტზე მუშაობდნენ ივ. ჯავახიშვილი, დ. უზნაძე, ლ. ბოცვაძე, გ. ახვლედიანი, ს. ხუნდაძე, ი. ფერაძე და სხვ. სამწუხაროდ, იგი ვერ განხორციელდა საბჭოთა რუსეთის მიერ დემოკრატიული საქართველოს ოკუპაციის გამო.

სკოლების ქსელის განვითარებას თან უნდა ახლდეს პედაგოგიური კადრების მომზადება, რადგან სკოლის წარმატება, უპირველესად, კარგ მასწავლებელზე დამოკიდებულია. 1912 წ. დაიწვა საკითხი ბათუმში სამასწავლებლო ინსტიტუტის გახსნის შესახებ, მაგრამ იგი ვერ განხორციელდა. ამის მიუხედავად, აჭარა არ განიცდიდა კვალიფიციური კადრების ნაკლებობას. გურიიდან, იმერეთიდან, სამეგრელოდან და საქართველოს სხვა კუთხეებიდან მოდიოდნენ მასწავლებლები, რომელთაც განათლების ჩირადიანი შექმნდათ ხალხში. ამასთან, პედაგოგთა მრავალი წერილი შედიოდა ხელისუფლების ორგანოებსა და წ.კ.გ. საზოგადოებაში თხოვნით, რათა სამუშაოდ გამოეყვანათ აჭარაში. ეს დიდი პატრიოტული მოძრაობა იყო ნიმუში იმისა, თუ როგორ სრუნავდა მთელი საქართველო ახლად შემოერთებული ძმების მომავალზე, კულტურისა და განათლების აღორძინებაზე. მათ ამაგს არასოდეს დაივიწყებს მაღლიური შთამომავლობა. იმხანად აჭარის სკოლებში წარმატებით მოღვაწეობდნენ ალ. ნაჩიშვილი, მ. ნათაძე, მ. შარაშიძე, ი. გოგოლიშვილი, ს. ბერიკაშვილი, ბ. მარგველაშვილი, მ. ლომინაძე, ბ. მეგრელიძე, პ. წულუკიძე, ალ. მგელაძე, ბ. დოლიძე, ვ. ძიძიგური, ა. წითლიძე, ი. გულისაშვილი, ი. ფერაძე, თ. ჯაყელი, დ. ქინქლაძე, ნ. გეგელია, ლ. ჩიმაკაძე და სხვ., რომლებმაც ფასდაუდებელი ამაგი დასდეს აჭარაში განათლების საქმეს. ამავე პერიოდში სწავლა-აღზრდის თეორიულ და პრაქტიკულ საკითხებზე თავიანთი პედაგოგიური შეხედულებანი ჰქონდათ გამოქვეყნებული მ. აბაშიძეს, გ. კაიკაციშვილს, პ. აბაშიძეს და სხვ.

ამრიგად, 1878-1921 წლებში მოწინავე ქართველი ინტელიგენციისა და ადგილზე მამულიშვილთა თავდადებით განათლების დარგში მნიშვნელოვანი ღონისძიებანი განხორციელდა, თუმცა ჯერ კიდევ ბევრი რამ იყო გასაკეთებელი.

§2. ეულტურული და საქველმოქმედო საქმიანობა

სკოლასთან ერთად აჭარის მოსახლეობის ეროვნულ გათვითცნობიერებაში დიდი როლი შეასრულა კულტურულ-საგანმანათლებლო დაწესებულებებმა. ამ მხრივ უპირველესად უნდა მოვიხსენიოთ ქ.შ.წ.კ.გ. საზოგადოების ბათუმის განყოფილება. მისი ერთ-ერთი უპირველესი საზრუნავი იყო მამადაინი ქართველების წარვანა საქართველოს სასწავლებლებში.³¹ ამ მიზნით 1914 წლის 1 სექტემბერს თბილისის ქართულ გიმნაზიაში დააწესა ცნობილი მეცენატი ამების ზუბალაშვილების ორი სტიპენდია.³² ეს პატივი წილად ხელამ მურად გუნთაიშვილსა და სულეიმან კაიაკიცი-შვილს.³³

გარდა თბილისისა, სასწავლებლად აგზავნიდნენ რუსეთის საუნივერსიტეტო ქალაქებშიც. მოსკოვის უნივერსიტეტში 1907 წ. ჩამოყალიბდა აჭარულ სტუდენტთა სათვისტომო.³⁴ რომლის მიზანი იყო მატერიალური მხარდაჭერა ხელმოკლე სტუდენტებისათვის. იგი აგრეთვე თვალს ადევნებდა როგორ ასრულებდა ჩამოსული სტუდენტი მოვალეობას, როგორ სწავლობდა და ეუფლებოდა მეცნიერებას. შემდეგში მისმა საქმიანობამ პოლიტიკური ხასიათი მიიღო და ეროვნულ-განმათავისუფლებელ ბრძოლაში ჩაერთო.³⁵

1884 წ. ბათუმის მოწინავე ინტელიგენციის თაოსნობით საქმიანობას შეუდგა „ბათუმის საქველმოქმედო საზოგადოება“,³⁶ რომლის გამგეობაში შედიოდნენ: კ. სევერინა (თაემჯდომარე), ა. ტიაპოკინა (თაემჯდომარის ამხანაგი (მოადგილე)), რ. კუსიატინა, ი. პარონბეკოვი (ხაზინადარი), ე. ტურკინი (მდივანი), ე. გულიაეა, ი. მურომოვი, ა. ორლოვსკი, ა. სლაფოჩინსკი, ი. ხუდადოვი და სხვ. საზოგადოების მიზანი იყო გაჭირვებულ, უმწკო და უპოვართა მდგომარეობის შემსუბუქება, ობოლთა აღზრდა, უბედური შემთხვევის (ავადმყოფობა, დამწვრობა და სხვ.) გამო დაზარალებულთათვის უპროცენტო სესხის მიცემა, დახმარება სამუშაოს მოპოვებაში და სხვ. საზოგადოებასთან არსებობდა ღამის თავშესაფარი და სამკურნალო, რომლითაც სარგებლობდნენ როგორც ადგილობრივი მცხოვრებლები, ასევე სხვა ქალაქებიდან ჩამოსულინი. თავშესაფარში მისულთ ეკიმები უსასყიდლოდ ემსახურებოდნენ.

საქველმოქმედო საზოგადოების გამგეობა ტანსაცმლით დაეხმარა 27 ღარიბს, სწავლის ფული გადაუხადა 4 მოსწავლეს, გასცა 2716 უფასო სადილი. 1900 წ. სამკურნალოთი ისარგებლა 3464 ავადმყოფმა.³⁷ საზოგადოება დაეხმარა არა მარტო ქართველებს, არამედ სხვა ერების წარმომადგენლებს.

ქართველი ხალხის კულტურულ და სულიერ ცხოვრებაში დიდი როლი შეასრულა „საქართველოს საისტორიო და საეთნოგრაფიო საზოგადოებამ“, რომელიც დაარსდა 1907 წ. გამოქვნილი მოღვაწის, მამულიშვილისა და მეცნიერის ექვთიმე თაყაიშვილის თავკაცობით.³⁸ 1908 წლიდან ბათუმში აღნიშნული საზოგადოების წარმომადგენელი იყო ილია ფერაიჟე, რომელიც შემდეგ შეცვალა ტროფიმე ინასარიძემ, ართვინში კი ამ მოვალეობას ასრულებდა ნიკოლოზ ერისთავი-შარვაშიძე. საზოგა-

³¹ გაზ. „იმერეთი“, №79, 1914.

³² სცსსა, ფ. 481, ან. 1, ს. 1467, ფურც. 1-2.

³³ იქვე, ფურც. 3.

³⁴ ЦГИА С.-Пб., ф. 418, оп. 498, д. 10, л. 1.

³⁵ დ. გურუშიძე, რასაცა გაცემ... ფურც. „ცისკარი“, №7, 1987, გვ. 141.

³⁶ გაზ. „კვალ“, 1902, №34, გვ. 549.

³⁷ Отчет Батумского Благотворительного общества за 1899 г., Бат., 1900, с. 1, 15; იხ. აგრეთვე, Батум и его окрестности, с. 15.

³⁸ რ. მეტრეველი, საქართველოს საისტორიო და საეთნოგრაფიო საზოგადოება, თბ., 1982, გვ. 96.

დოების ადგილობრივი განყოფილებები აგროეებდნენ ხელნაწერებს, ძველ წიგნებს, ნუმისმატიკურ მასალებს, აწყოზდნენ ექსპედიციებს მხარის შესწავლის მიზნით, გამოფენებს და სხვ.

მიუხედავად ცარიზმის მცდელობისა – გსა დაქვშო ცოდნის გაერცვლები-სათვის, ხალხი ყოველ ღონეს ხმარობდა, რათა დაწაფებოდა განათლებას ამ მხრივ საყურადღებო ბათუმის ინტელიგენციის ინიციატივით და საქალაქო სასწავლებლის მასწავლებელთა მონდომებით, 1896 წელს ბათუმში გახსნილი ე.წ. საკვირაო სკოლა მასში გაერთიანებული იყო 212 მსმენელი. 1901 წ. საკვირაო სკოლა დაარსდა ბარცხანაშიც. გაზეთი „კვალი“ წერდა: „ბარცხანაში საკვირაო სკოლის გახსნა სწორედ რომ ავადმყოფის დაიარაგებული ალაგის მიგნება და ეს ავადმყოფი ალაგი არ უნდა დარჩეს შეუმჩნეველი ჩვენს მცირერიცხოვან და საზოგადო საქმესე გულშემატკივარ მუშაკთა“.³⁹ სკოლის კონტინგენტი შეადგენდა 130-135 მსმენელს, მეცადინეობა ტარდებოდა კვირაში ოთხჯერ საღამოს რვის ნახევრიდან ათის ნახევრამდე.⁴⁰ მათში ძირითადად გაერთიანებული იყო ქალაქის მშრომელი მოსახლეობა.

კულტურულ ცხოვრებაში მნიშვნელოვანი როლი ეჭირა ბიბლიოთეკას პირველი ბიბლიოთეკა ბათუმში 1896 წელს საქალაქო სასწავლებელთან გაიხსნა ბიბლიოთეკისათვის წიგნები შეუწირავს ლევ ტოლსტოის.

1900 წელს ალ. წულუკიძისა და ფ. მახარაძის ინიციატივით ბათუმში დაფუძნდა სახალხო ბიბლიოთეკა, რომელიც შემდეგ საჯარო ბიბლიოთეკად გადაკეთდა იგი ნ. გოგოლის სახელს ატარებდა. 1904 წ. ბიბლიოთეკა ღებულობდა 15 დასახელების გაზეთს და 21 ჟურნალს მეცნიერების სხვადასხვა დარგიდან. 1910 წ. ბიბლიოთეკას ჰყავდა 3374 მუდმივი მკითხველი.⁴¹ ბიბლიოთეკის თანამშრომელთა თაოსნობით პერიოდულად გამომდიოდა კატალოგი.

1913 წ. ბათუმის მეორე საპოლიციო უბანში (მუშათა უბანი) ქალაქის თეთ-მმართველობის ხარჯით გაიხსნა ბიბლიოთეკა-სამკითხველო.⁴²

ცნობილმა მესტამემ ბართლომე კილაძემ მრავალი წიგნი შესწირა ბათუმის და ქობულეთის ბიბლიოთეკა-სამკითხველოებს.

ბათუმის ინტელიგენციის საუკეთესო წარმომადგენლებს – დ. კლდიაშვილს, გრ. ვოლსკის ი. მესხს, გ. ელიავას, ი. ღლონტს, ნ. გომანს და სხვებს დაებადათ ბათუმში ე.წ. საბავშვო მუზეუმის შექმნის იდეა. საქმის მოგვარება დააებალეს ი. ღლონტს, ი. ლაზაროიძის და ნ. გომანს. მათ, თავის მხრივ, მოლაპარაკება გამართეს ქალაქისთავ ი. ანდრონიკაშვილთან და ხმოსდა გ. ჟურულთან. 1908 წ. 19 მარტს ქალაქის თეთმმართე-ლობამ თავის სხდომასე დააკმაყოფილა ბათუმელი ინტელიგენციის თხოვნა და საქალაქო სასწავლებელთან გახსნა ე.წ. საბავშვო მუზეუმი, რომელიც 1912 წ. 15 ოქტომბერს გადაკეთდა საქალაქო მუზეუმად. მის დირექტორად დაინიშნა ნ. გომანი. მუზეუმის მოსაწყობად ქალაქის თეთმმართველობამ გაიღო: 1908 წ. – 200 რუბლი, 1911 წ. – 300, ხოლო 1914 წ. – კელავ 200 რუბლი.⁴³

1913 წ. მუზეუმში დაცული იყო 536 ექსპონატი, 1915 წ. – 872 ერთეულამდე.⁴⁴ მუ-ზეუმს კერძო პირებმა მრავალი საყურადღებო ექსპონატი შეწირეს, რომელთაც ღიდი მნიშვნელობა ჰქონდა მხარის ეკონომიკური, პოლიტიკური და კულტურული ვითარე-ბის შესასწავლად.

³⁹ გაზ. „კვალი“, №12, 1901, გვ. 189.

⁴⁰ გაზ. „კვალი“, №21, 1901, გვ. 204.

⁴¹ გრ.ბაბილოძე, სახალხო განათლება აჭარის ასსრ-ში (1921-1957), ბათ., 1958, გვ. 63.

⁴² ფურნ. „განათლება“ №10, 1913, გვ. 792; „ბათუმის გაზეთი“, №94, 1913.

⁴³ სახელედიანი, აჭარის სახელმწიფო მუზეუმი, ბათ., 1958, გვ. 10.

⁴⁴ იქვე, გვ. 19.

XX ს 10-იან წლებში საქართველოში პოპულარობით სარგებლობდა სახალხო უნივერსიტეტები. 1909 წ. მათ რიცხვს შეემატა „სახალხო უნივერსიტეტების ბათუმის საზოგადოება“, რომელიც 199 წერს აერთიანებდა, ხოლო 1910 წ. – 242 აჭარბებდა. ლექციების წასაკითხად გამგეობა იწვევდა საქცილისიტებს იმ დარგებიდან, რომლებიც უნივერსიტეტში ისწავლებოდა. ლექციების კითხვას თან ახლდა ლიტერატურულ-მუსიკალური ღონისძიებები, რაც მსმენელთა დიდ დაინტერესებას იწვევდა და ხელს უწყობდა სახალხო უნივერსიტეტის პოპულარიზაციას საზოგადოების ფართო მასე-ბში.

ბათუმის სახალხო უნივერსიტეტის გამგეობა დაბეჯითებით ეძებდა მუშაობის ახალ ფორმებს და მეთოდებს, რადგან ღრმად სწამდათ: „სახალხო უნივერსიტეტი უნდა იყოს ცოცხალი დაწესებულება, ცხოვრების მოთხოვნილებით გამოწვეული“.⁴⁵ გამგეობას გულწრფელად სურდა ხელი შეეწყო მსმენელთა გონებრივი და ინტელექტუალური პორიზონტის გაფართოებისათვის. ამ მიზნით გადაწყდა უნივერსიტეტთან გახსნილიყო საღამოს კურსები, რომლის მიზანი იქნებოდა ქალაქის მოსახლეობის დაბალი ფენებისათვის დაწყებითი განათლების საფუძვლების მიცემა. მართლაც, მალე ჩამოყალიბდა ასეთი კურსები ქართული, რუსული და სომხური ჯგუფებით. ლექტორ-მასწავლებლებად შეირჩა 40 კაცი. საღამოს კურსების თემატიკა მიუსადაგეს მსმენელთა გონებრივ დონეს. ასწავლიდნენ წერა-კითხვასა და ანგარიშს.⁴⁶

სახალხო უნივერსიტეტმა და საღამოს კურსებმა მნიშვნელოვანი როლი შეასრულა მოსახლეობის დაბალი ფენების გათვითცნობიერებასა და განათლებაში.

პირველი მსოფლიო ომის დროს ბათუმის ოლქი სამომხრო ოკუპაციების ას-პარესად გადაიქცა ოსმალეთის სამხედრო მინისტრი ენეერ ფაშა დარწმუნებული იყო, რომ მისი გამოჩენა კავკასიაში რუსეთის წინააღმდეგ აამხედრებდა მაჰმადიანურ მო-სახლეობას. ამ მიზნით მან თავისი აგენტები შემოგზავნა აჭარაში, მაგრამ უშედეგოდ. ამის მიუხედავად, ცარიზმი მაინც უნდობლად ეკიდებოდა ადგილობრივ მოსახლეობას. ბოლოს იგი ღალატშიც დაადანაშაულა. ამ კრიტიკულ მომენტში მაჰმადიანი მოძებების დასაცავად ერთსულოვნად აღსდგა სრულიად საქართველო.

ამ მხრივ დიდი მუშაობა გასწია „ქართულმა საქველმოქმედო საზოგადოებამ“ (თამეჯდომარე მიხეილ მაჩაბელი), რომელიც, თუმცა, 1906 წ.⁴⁷ დაარსდა, მაგრამ აქტიური საქმიანობა დაიწყო მოგვიანებით, 1914 წლიდან.

მსოფლიო ომის დაწყებისთანავე საქველმოქმედო საზოგადოებამ და მისმა სარაიონო განყოფილებებმა დაადგინეს, მატერიალური და მორალური დახმარება აღმოეჩინათ ომში გაწვეულთა, დაჭრილ და დასახინრებულ მეომართა ოჯახებისათვის. ამ მიზნის განხორციელებაში მთავარ გამგეობას გეერდში ამოუდგა ბათუმის ადგილობრივი განყოფილებაც, რომელმაც მოღვაწეობა დაიწყო 1915 წ. აპრილიდან ე. კრინიციკის ხელმძღვანელობით (წევრები: რ. ნიუარაძე, გ. ელიავა, ს. მდივანი, ი. მელია, ი. ლორთქიფანიძე, გ. ანჯაფარიძე, კ. გოგოლაძე).⁴⁸ სულ მალე იგი გახდა ის ცენტრი, რომელიც ნივთიერ, საექიმო, იურიდიულ და მორალურ დახმარებას უწევდა ქართველ მაჰმადიანებს. 1916 წ. ასეთივე განყოფილება შეიქმნა არტაანში (თამეჯდომარე ტ. კესელი, შემდეგ გ. სალარიძე).⁴⁹

ომმა უბედურება დაატეხა თავს სამხრეთ-დასავლეთ საქართველოს, მოსახლეო-

⁴⁵ გაზ. „ცნობის ფურცელი“, №159, 1901.

⁴⁶ გრ.ზაბილოძე, დასახ. ნაშრ., გვ. 63.

⁴⁷ სცსსა, ფ. 517, ან. 1, ს. 139, ფურც. 1.

⁴⁸ ანგარიში ქართული საქველმოქმედო საზოგადოების მოქმედებისა 1915 წელს, თბ., 1916, გვ. 32.

⁴⁹ სცსსა, ფ. 517, ან. 1, ს. 63, ფურც. 2.

ბის სახელ-კარი და სარჩო-საბადებელი ცეცხლმა შთანთქა შეპრწუნებული ხალხი აქეთ-იქით იფანტებოდა, მრავალი დაიხოცა.

ასეთ ვითარებაში თანამოქმეთა გადასარჩენად ქართველ ხალხს თავი უნდა გამოედო, მართალია, ცარიზმმა მაჰმადიან ქართველებს მოღალატის იარღილი მიაკერა და მათ დასაცავად ხმის ამოდება აკრძალა, რითაც მონდრომა ხალხის გათიშვა-დაპირისპირებაც, მაგრამ ამის მიუხედავად მოწინავე ქართველი საზოგადოება და ქართული პრესა მაინც ერთსულოვნად აღსდგა მოქმეთა დატყვევ-დახმარებისათვის.

საზოგადოებამ და, განსაკუთრებით, მისმა განყოფილებებმა ქუთაისსა და ბათუმში, დიდი მუშაობა ჩაატარეს შეწირულებათა (საკეები, ტანსაცმელი, სასოფლო-სამეურნეო იარაღები, სათესლე მარცვლეული და სხვ.) შესაგროვებლად და მოკლე ხანში ომით დაზარალებული რაიონების მოსახლეობას გამოუგზავნეს 11 ვაგონი სიმინდი. ყურადღება მიექცა მოსახლეობის სამედიცინო მომსახურებასაც. დაარსდა სპეციალური სამედიცინო კომისია (თავმჯდომარე ა. ელიაშვილი), რომლის წევრები მოსახლეობას უფასოდ მეურნალობდნენ, ავადმყოფებს აძლევდნენ წამლებსა და სხვა სამედიცინო მედიკამენტებს. პირველ სექტემბრამდე გადაუდებელი სამედიცინო დახმარება გაეწია 870 ავადმყოფს.⁵⁰

საქველმოქმედო საზოგადოებამ და მისმა განყოფილებებმა შექმნეს სპეციალური სარეგისტრაციო პუნქტები და ლტოლვილთა თავშესაფრები,⁵¹ რომლებიც აგროვებდნენ ზუსტ ცნობებს მათი რაოდენობისა და მდგომარეობის შესახებ. აღირიცხა 25000-ზე მეტი ლტოლვილი, რომელთა ძირითადად ნაწილმა თავი მოიყარა ქუთაისის გუბერნიასა და სოხუმის ოლქში. ამის გამო მათზე ზრუნვის სიმძიმე საზოგადოების ქუთაისის განყოფილებას დაეკისრა.

მთავარმა გამგეობამ იზრუნა ლტოლვილთა მამულების შენარჩუნებისთვისაც, როდესაც ადგილზე დავიწყეს მათი გაცემა-გაყიდვა. 1916 წლის თებერვალში ბათუმს ჩამოვიდა ქუთაისის განყოფილების რწმუნებული, რომელმაც საქველმოქმედო საზოგადოების სახელზე იჯარით აიღო 12 სოფელი. ეს სოფლები გადახვეწილთა დაბრუნებაზე იჯარით მიეცათ ადგილზე დარჩენილ აჭარლებს. პირობა ასეთი იყო: მიწა დაუყონებლივ გადაეცემოდა მესაკუთრეს, როგორც კი მშობლიურ კერას დაუბრუნდებოდა.⁵²

დარბეულ, დამშეულ ხალხს მრავალგვარი დახმარება სჭირდებოდა, რომ „მამა-პაპათა სისხლით მორწყულ ადგილ-მამულიდან არ გადახვეწილიყო“. კურნალი „თეატრი და ცხოვრება“ წერდა: „საჭიროა მთელმა ქართველმა ხალხმა, მოწინავე საზოგადოებამ, საფინანსო, საქველმოქმედო, წოდებრივმა და სხვა დაწესებულებებმა თვალსაჩინო თანხა გადასდონ დაზარალებულ აჭარელთა სასარგებლოდ. თბილის-ქუთაისს და საქართველოს სხვა დაბა-ქალაქ-სოფლებშიაც გაიმართოს დილა-საღამოები ამავე მიზნით, აჭარაში გაიგზავნოს შესაფერი კაცები დახმარების აღმოსაჩენად“.⁵³

ცნობილი ქართველი მწერალი დომინიკა ერისთავი (განდგილი) წერდა: „ქართველო ქალებო! დაეხმაროთ ჩვენს მოძმეებს, გავილოთ ჩვენი წვლილი ვის რამდენიც შეგვიძლია და სიკედილს და გასაჭირს გადავარჩინოთ ჩვენი ძმები და შეილები. მე თამამად მოგმართავთ თქვენ, რადგან ვიცი, თქვენ უფრო მგრანობიარე ხართ და უფრო

⁵⁰ ანგარიში ქართული საქველმოქმედო საზოგადოების მოქმედებისა 1915 წელს, გვ. 6.

⁵¹ ბავშვთა თავშესაფრები გაიხსნა ბათუმში, არტანუში, ლაზისტანის სოფ. აბუსილანში და სხვ.

⁵² სცსსა, ფ. 517, ან. 1, ს. 6, ფურც. 52.

⁵³ ურნ. „თეატრი და ცხოვრება“, №24, 1915, გვ. 2.

მხნედ შეუდგებით ამ წმინდა მოვალეობის ასრულებას.⁵⁴

საქველმოქმედო საზოგადოების და მისი განყოფილებების ინიციატივით, საქართველოში გაჩაღდა შემოწირულობათა შეგროვება ქუთაისის ქართული გიმნაზიის მოსწავლეთა კორპორაციამ აჭარლების სასარგებლოდ გაიღო 192 რუბლი და 24 კაპი დაბა ლაილაშში, ადგილობრივი ინტელიგენციის თაოსნობით, აჭარელთა სასარგებლოდ გამართულ წარმოდგენა-საღამოზე შემოსული 100 რუბლზე მეტი გამოუგზავნეს ქართველ მაჰმადიანებს.⁵⁵ 1915 წ. 5 მარტს ქუთაისში ჩატარდა საქველმოქმედო საღამო ჰაიდარ აბაშიძის მონაწილეობით. საღამოს მთელი შემოსავალი გამიზნული იყო დაზარალებულთა დასახმარებლად.⁵⁶ 1915 წ. 23 მაისს ვაჟა-ფშაველამ გაზ. „სახალხო ფურცლის“ რედაქციის მეშვეობით გამოგზავნა „ერთ ქართულ ოჯახში“ შეკრებილი შეიდი რუბლი და ხუთი შაური.⁵⁷

ქართველ დაჭრილ ჯარისკაცთა წერილში ნათქვამი იყო: „ჩვენ, დაჭრილი დაავადებულნი ვართ ჯარისკაცების ერთი ნაწილი, რომელნიც თვინისში ეიმყოფებით ლაზარეთში, ვსწირავთ უკანასკნელ კაპიკს, რათა ამით მიინც შეეუმსუბუქეთ გაჭირვება დაზარალებულთა“.⁵⁸

ლტოლეილთა დასახმარებლად მნიშვნელოვანი ღონისძიებები განახორციელა საქველმოქმედო საზოგადოების სოხუმის განყოფილებამ. მან შექმნა შრომის ბიურო, რომელმაც სხვადასხვა სამუშაოზე დაასაქმა ასამდე აჭარელი და ლაზი, ასზე მეტ ოჯახს დაეხმარა ტყვედ წაყვანილთა მოძებნასა და სურსათ-სანოვავით უზრუნველყოფაში.⁵⁹ ბათუმის საქველმოქმედო საზოგადოების გამგეობის დაეულებით ჰაიდარ აბაშიძემ 1916 წ. ორჯერ იმოგზაურა ლაზეთში და დამშუულ მოსახლეობას სიმინდი ნაუტრანა.

პირველი მსოფლიო ომის პერიოდში პეტერბურგში ჩამოყალიბდა საქველმოქმედო, გ.წ. „ტატიანა ნიკოლოზის ასულის კომიტეტი“, რომელიც ეხმარებოდა ომში გაწვეულთა ოჯახებს და ლტოლეილებს, აარსებდა ბავშვთა თავშესაფრებს, სკოლებს, ბეჭდვდა ჟურნალს, რომელიც სხვადასხვა საკითხებთან ერთად აქვეყნებდა ლტოლვილ ბავშვთა ფოტოსურათებს და მათ ადგილსამყოფელს თავშესაფრებში.⁶⁰ „ტატიანას კომიტეტი“ არაერთხელ დაეხმარა ქართულ საქველმოქმედო საზოგადოებასაც. 1916 წ. მან 6000 რუბლი გამოუყო მთავარ გამგეობას ხულოში ამბულატორიის გასახსნელად და ბავშვთა თავშესაფრის მოსაწყობად,⁶¹ მალე მანვე 40000 რუბლი გამოგზავნა აჭარაში ოთხი სკოლის გასახსნელად.⁶²

საქველმოქმედო საზოგადოების თაოსნობით, 1915 წ. გამოიცა გაზეთი-ალმანახი „ძმური სიტყვა“ (ქართულ და რუსულ ენებზე), რომლის უმთავრესი მიზანი იყო ნიეთიერი და მორალური დახმარება აჭარლებისათვის. გამგეობა დაეხმარა აპოლონ წულაძეს ნაშრომის „ძმური სიტყვა ქართველ მუსლიმანებს“ გამოცემაში. ტირაჟის დიდი ნაწილი უფასოდ გაერცყელდა.

ეპისკოპოსმა ლეონიდემ მოითხოვა: „მთელ ქართველობიდან შეეჯგუფდეთ ხუთასი კაცი, შევიტანოთ ყოველწლივ ოცი რუბლი“ და ეს „თანხა მოხმარდეს ქართველ

⁵⁴ აბ.წულაძე, ძმური სიტყვა, ბათ., 1991, გვ. 57.

⁵⁵ გაზ. „საშობლო“, №163, 1915.

⁵⁶ აბ.სურგულაძე, ცხოვრება და ღვაწლი ჰაიდარ აბაშიძისა, გვ. 30.

⁵⁷ გაზ. „სახალხო ფურცელი“, №288, 1915.

⁵⁸ გაზ. „თანამედროვე აზრი“, №20, 1915.

⁵⁹ დგურეშიძე, ქველმოქმედება საქართველოში (ისტორიული ნარკვევი), ქუთ., 1993, გვ. 151.

⁶⁰ სცსა, ფ. 517, ან. 1, ს. 32, ფურც. 37.

⁶¹ იქვე, ს. 68, ფურც. 15.

⁶² იქვე, ს. 36, ფურც. 4.

მაჰმადიანთა შეიღების საშუალო სასწავლებელში აღზრდას⁶³ მართლაც, მადლე საზოგადოებამ ბათუმის ოლქში გახსნა 6 ქართული სკოლა, რომლებშიც არაერთი თაობა აღიზარდა.

§3. მ ნ ე რ ლ ო ბ ა

1877-1878 წლების ომის შედეგად დედასაქართველოსთან დაბრუნებულ აჭარაში ისევე იწყება მწერლობის აღორძინება. მტერმა აქ ვერ ჩაკლა ქართული სიტყვა ამიტომ მშობლიური კულტურის სიერცეში დაბრუნებულ აჭარაში მოღვაწე თეთნასწაველი პოეტები ბუჰანა ბაირახტარ-შავეიშვილი (1814-1880), ხუსეინ ხაბაზი (ქამჯარაძე - 1818-1893), ხუსეინ ბეჟანიძე (1823-1883), მემედ ჭყონია (1860-1940), ხუსეინ ბაჯელიძე (1866-1943), რეჯებ მჟაენაძე (1873-1929) და სხვები მტკიცედ დადგნენ სულიერი ერთობის პოზიციებზე. ქართული პოეტური სიტყვის სილამაზისა და პატრიოტული გრძნობების სადად გამოხატვის საინტერესო ნიმუშია სწორედ ხუსეინ ბეჟანიძის „თამარ დედოფლის ლექსი“.

„ათასი კაბა ყმა მყავდა,
ყველანი ოქროს ღილითა,
ვაჭმევედი დედალ ხოხობსა,
ვასმევედი ბროლის ჭიქითა.
ვინც რომ შემება, შევები
აღალითა და ჯიქითა,
აწი თქვენ იცით, მეფენო,
ვინც დარჩით ამას იქითა“.

რეჯებ მჟაენაძე აღტაცებით შეხედა ოსმალთა ბატონობისგან აჭარის განთავისუფლებას, მაგრამ ვერ შეურიგდა მეფის რუსეთის ანტიხალხურ პოლიტიკას. მან ეროვნულ უბედურებად ჩათვალა მუჰაჯირად წასვლა და ყველაფერს აკეთებდა მისი შეჩერებისათვის. ბოლოს იმდენად დაიძაბა ურთიერთობა რეჯებ მჟაენაძესა და ხელისუფლებას შორის, რომ ყოფილი ხოჯა ყაჩაღის ცხოვრებას ეხიარა და შიშის ზარს სცემდა მეფის რუსეთის სატრაპებს. რეჯები ყაჩაღობაშიც თხზავდა ლექსებს და ავრცელებდა ხალხში. როცა სამშობლოში ცხოვრება შეუძლებელი გახდა, რეჯებიც გადაიხვეწა ოსმალეთში. ლექსი, რომელითაც ის საყვარელ სამშობლოს გამოეთხოვა, საესეა ქართული სულითა და სიყვარულით:

„ახლა თქვენ გემშვიდობებით,
დედაც, მამაც და დიებო,
მშვიდობით, ჩემო მამულო,
ქებო, მიწაც და ხიებო,
გომარდულ, ბარათაულო,
სალაეთებო, ტყიებო“.

ერთ ლექსში, მოგიანებით, სამშობლოდან გადახვეწის გამო, რეჯები იტყვის საქართველოდან „მე სიკვდილს გამოვექეცი და არა სამშობლოსო“.

⁶³ გაზ. „საქართველო“, 1915, №155.

ეროვნული სულისკეთებით გამსჭვალული შემოქმედების განვითარებას ხელს უწყობდა გაპოინილ ქართველ მწერალთა და ხელოვნების მოღვაწეთა ხშირი ურთიერთობები აჭარის ახალი თაობის ინტელიგენციასთან. XIX ს. ბოლოსა და XX ს. 20-იან წლებამდე ძირითადად ბათუმში ცხოვრობდნენ და მოღვაწეობდნენ ქართული ლიტერატურის კლასიკოსი დავით კლდიაშვილი (1862-1933) და ცნობილი პოეტი და საზოგადო მოღვაწე გრიგოლ ვოლსკი (1859-1907 წწ.).

დავით კლდიაშვილი გრიგოლ ვოლსკის შესახებ წიგნში „ნემი ცხოვრების გზაზე“ აღნიშნავდა: „მაწვილობიდან წერდა ქართულად ლექსებს უმწიფარიძის ფსევდონიმით. ლექსებმა ყურადღება მიიქციეს და უმწიფარიძე საყვარელ პოეტად იყო ცნობილი. ამასთანავე, მან მშვენიერად იცოდა ქართული და რუსული და ითვლებოდა საუკეთესო მთარგმნელად რუსულიდან ქართულად და ქართულიდან რუსულად“.⁶⁴

გრ. ვოლსკის ლიტერატურული მემკვიდრეობა წარმოდგენილია საყურადღებო კრიტიკული წერილებითაც. მართალია, ეს მასალა უხე არ არის, მაგრამ შინაარსით მდიდარი და საყურადღებოა. მან ილიას სიცოცხლეშივე თარგმნა „ეპიცია-ადამიანი“, შიო არაგვისპირელის „ესაა ნენი ცხოვრება?“, ეკატერინე გაბაშვილის „სახრობე-ლასთან“.

დავით კლდიაშვილი, როგორც მწერალი და საზოგადო მოღვაწე, ბათუმში ცხოვრების პერიოდში (1882-1908 წწ.) წამოყალიბდა აქ ის წამოვიდა, როგორც მეფის არმიის ოფიცერი, მაგრამ „თავის სამშობლოს გულმხურვალე პატრიოტს, პროგრესული იდეალებით გატაცებულ ახალგაზრდას არაფერი ჰქონდა საერთო თვით-მპყრობელურ სამხედრო არისტოკრატასთან - არმიაში სამსახურის მთელ მანძილზე დავითს განუწყვეტელი ბრძოლა უხდებოდა თავის შვირაზმულ უფროსებთან თუ თანამოსამსახურე ოფიცრებთან, რომელთა უმრავლესობაც დიდმკურბელური სულით იყო გამსჭვალული. მათ, ახლისადმი უნდობლობისა და ზიზღის სულისკეთებით აღზრდილთ, თავიანთ პირდაპირ მოწოდებად მიაჩნდათ ჯარისკაცის დამონება, მისი პიროვნების ფესქვეშ გათელვა, რუსეთის იმპერიაში შემაველ ხალხთა ნაძალადევი გადაგვარება“.⁶⁵

დაკლდიაშვილი, როგორც სამხედრო მოხელე, ამ ფონზე სრულიად განსხვავებული სულისკეთებით მოღვაწეობდა. ის იყო დემოკრატი და ჰუმანისტი, ჯარისკაცებთან დამოკიდებულებაში ხელმძღვანელობდა პრინციპით: „ჯარისკაცი ყაზარმულ ცხოვრებას ცოტაოდნად მაინც დაწერებულებიყო“. ამიტომ „სწავლა, წერტნა ჯარისკაცების - განსაკუთრებით ახლად მიღებული ჯარისკაცებისა, - იგონებს დავითი, - ისე გექონდა მოწოპილი, რომ სულ მოკლე დროში უკვე შეთვისებული ჰქონდათ საჭირო ცოდნა და ეს ისეთი გზით, როს სრულიად არ დაღავედა მას და არ ბეზრდებოდა... ჩენი გუნდის ჯარისკაცი ადვილად გამოირჩეოდა: ოფიცრებთანაც უფრო თამამი მოლაპარაკე, უფრო ხალისიანი და მხიარული“. „დასჯა მოესპეთ, - განაგრძობს დავითი, - უბრალო შენიშენა საქმარისი იყო მიგვეცა, რომ შეცდომა არ გამეორებულებიყო“.

ბათუმში დ. კლდიაშვილი აქტიურ საზოგადოებრივ საქმიანობას ეწეოდა. მისი პრინციპი იყო: „მე ჯერ მოქალაქე ვარ და მერე სამხედრო პირი... რაც დღეს ჩვენს ცხოვრებაში ხდება, თვალს ეადვენებ, ვაძლეე ანგარიშს და ემსჯელობ გულახდილად, დაუმიღალავედ“.

დ. კლდიაშვილმა ბათუმში დაიწყო სამწერლო-შემოქმედებითი საქმიანობა. აქ დაიწერა მისი საუკეთესო ნაწარმოებები - „შერისხვა“ (1894 წ.), „მსხვერპლი“ (1894

⁶⁴ დავით კლდიაშვილი, თხზ., სრული კრებული ორ ტომად, ტ. I, თბ., 1952, გვ. 178.

⁶⁵ ქართული ლიტერატურის ისტორია, ტ. V, თბ., 1982, გვ. 91.

წ.), „სოლომან მორბედაძე“ (1894 წ.), „სამანიშვილის დედინაცვალი“ (1891 წ.), „ქამუშაძის გაჭირვება“ (1900 წ.), პიესები – „ირინეს ბედნიერება“ (1897 წ.), „ღარისპანის გასაჭირი“ (1903 წ.) და სხვ.

ლიტერატურის ისტორიაში დ. კლდიაშვილის ბათუმში მოღვაწეობა შეფასებულია, როგორც დიდი მამულიშვილის ბრძოლა საქართველოს სიკეთისათვის ამის შესახებ სრულყოფილ წარმოდგენას გვაძლევს მისივე წიგნი-მოგონება „ჩემი ცხოვრების გზაზე“. ნაწარმოები იწვევს XIX ს. 80-იანი წლების ბათუმის აღწერით. იგი, როგორც ქალაქი, იმ წლებში ყალიბდებოდა ამის გამო მას მოაწვდა უამრავი ბედის-მაძიებელი და, როგორც მოსალოდნელი იყო, ავანტიურისტები უფრო აქტიურობდნენ, ვიდრე ადგილობრივი მოსახლეობა საჭირო იყო აქაურ ქართულ მოსახლეობაში ეროვნული თვითშეგნების ამპლლება, განსაკუთრებით სულიერი კულტურის აღორძინება. ილიამ ეროვნული სკოლის გახსნით დაიწყო ეს ისტორიული მოძრაობა იგი ემყარებოდა აჭარის პროგრესული საზოგადოების მხარდაჭერასა და თანადგომას და კლდიაშვილი აქტიურად ჩაება ამ დიდ საქმეში, დაუახლოვდა ადგილობრივი მოსახლეობის ფართო წრეებს, მოწინავე ინტელიგენციას ევროელ ეოლსკის, გიორგი ზდანბევის, ლუკა ასათიანს, დურმიშხან და ქეთევან გურულებს, ბათუმის ოლქის უფროსის თანაშემწეს მელიტონ ლორთქიფანიძეს, მემედ აბაშიძეს, ჰუსეინ ქათამაძეს, ფერათ და სულემან ბეჟანიძეებს და სხვ.

ბათუმში მოღვაწეობისას დ. კლდიაშვილი მოსარჩლედ და მშველელად ჰყავდა ადგილობრივი მოსახლეობას. ხელისუფლებასთან დაპირისპირების პირობებში დიდი მნიშვნელობა ჰქონდა განათლებულ კაცს, რომელიც გონიერ შუამდგომლობას გაუწევდა დაბეჭდებულ ხალხს ეს განსაკუთრებით აუცილებელი იყო სასამართლოში, სადაც დავით კლდიაშვილს საგანგებოდ ირჩევდნენ თარჯიმნად.

დ. კლდიაშვილი თავის მოგონებაში ფართო ადგილს უთმობს ბათუმის სანჯაყბეგ აბაშიძეების ცხოვრებისა და საზოგადო მოღვაწეობის აღწერას. იგი დიდ პატივს მიაგებს ასლან აბაშიძეს, რომელმაც თანაუგრძნო ოდესაში რეაქციული ძალების მსხვერპლს, ტრაგიკულად დაღუპულ პერსპექტიულ მეცნიერს – საბა კლდიაშვილს ასლან აბაშიძემ უმეთაურა ცხენოსანთა ამაღლას და წინ გაუძღვა სამელოვიარო პროცესიას, რომელიც მიაცილებდა საბა კლდიაშვილის ნეშტს ბათუმის რკინიგზის სადგურისაკენ. „ზღვა ხალხი მიჰყვებოდა კუბოს გასაოცარი წესრიგით. პროცესიას წინ მიუძღოდნენ ცხენოსნები ასლან-ბეგ აბაშიძის მეთაურობით“ - წერს დავით კლდიაშვილი.

დ. კლდიაშვილის „ჩემი ცხოვრების გზაზე“ მხატვრულ ღირებულებასთან ერთად ბათუმის ისტორიისათვის დიდმნიშვნელოვან პირველწყაროს წარმოადგენს.

აჭარის მკვიდრთა შორის პირველი ლიტერატორი, ვინც XX ს. დასაწყისიდან თანმიმდევრული ხასიათი მიანიჭა სამწერლო საქმიანობას აჭარაში, იყო ილია ჭავჭავაძის თანამოაზრე და სულიერი მემკვიდრე მემედ აბაშიძე. მისი, „როგორც ლიტერატორის, უმთავრესი და ისტორიულად უმნიშვნელოვანესი დამსახურება ისაა, რომ სამსაუკუნოვანი დესპოტური მკურთხელობისა და უცხო ენის ბატონობის შემდეგ, მან, პირველმა ამ მხარეში, მიიწვევბული, დამცირებული და დაჩაგრული მშობლიური ქართული სიტყვა კვლავ გამოაღვიძა, გაამხნევა, აამუშავა და მხატვრული აზროვნების სამსახურში ჩააყენა“.⁶⁶

მ. აბაშიძის შემოქმედება ძირითადად წარმოდგენილია მხატვრულ-თარგმანებით, ერთი ორიგინალური მოთხრობით - „სულა მადლაძე“ და რამდენიმე კრიტიკული ნაშ-

⁶⁶ ფრ.ხალვაში, სიტყვა და საქმე, ბათ., 1985, გვ. 74.

რომით. მის კალამს ეკუთვნის ლექსიც სათაურით „ბათუმი“. მისი ერთი ტაეპი ქართლოს კასრადისაგან ჩაიწერა და გამოაქვეყნა პროფ. გ. შარაძემ:

„მზე გადახარა! ბათუმის ცაზე
 ვარსკვლავებმა თავის ქება იწყეს ციმციმით,
 როს კვლავ იმხარა
 - ვერ შევედრებითო, -
 ვარსკვლავები ჩაქრნენ სირცხელით.“⁶⁷

1905 წელს თურქი მწერლის - ნამიკ ქემალის გარდაცვალების გამო მემედ აბაშიძემ დაბეჭდა ნეკროლოგი „ქემალ-ბეგი“, რომლითაც იწყება მისი, როგორც ლიტერატურის კრიტიკოსის, მოღვაწეობა. „ქემალ-ბეგი“ ყურადღებას იქცევს იმით, რომ მასში ცხადად არის მინიშნებული კრიტიკოსის პოზიცია მწერლისადმი დამოკიდებულებაში. მხედველობაში გვაქვს ხუთი მთავარი ღირსება, რომელსაც განსაკუთრებით აფასებს მემედ აბაშიძე მწერლის პიროვნებასა და მოღვაწეობაში, კერძოდ: 1. მწერალი კარგად უნდა ფლობდეს მშობლიურ და უცხოურ ენებს; 2. უნდა იყოს პუბლიკური; 3. უნდა გამოიჩინოს ფართო განათლებით; 4. აუცილებლად უნდა იყოს თავისი ქვეყნის პატრიოტი; 5. უნდა იდგეს ხალხის ინტერესების სადარაჯოზე, ხოლო ეს მისი სახალხო პოზიცია თუ ხელისუფლებასთან ოპოზიციაში დააყენებს, მწერალი მზად უნდა იყოს ბრძოლისათვის მემედ აბაშიძეს ნამიკ ქემალი ასეთ თავდადებულ მოღვაწედ ჰყავს წარმოდგენილი.

მემედ აბაშიძე პირველი ქართველი მწერალია, ვინც XX ს. დამდეგს დაიწყო თურქული ლიტერატურის საუკეთესო ნიმუშების თარგმნა ქართულ ენაზე. მან თარგმნა დრამატურგ ნამიკ ქემალის პიესები „სილისტრია“, „სამშობლო“, „ხევალი ჩოჯუკი“, „გულნიპალი“, სეფეეთ-ნემიზის პიესა „შეიქთხვა და განმარტება“, ჯელილ მემედ-ყული ზადეს პიესა „მიცვალებულნი“, პროზაიკოს გუზიფე საბრის მოთხრობა „მუნევერი“, აბდულლამ ზუდის მოთხრობა „დაი“, ომარ ხაიამის რუბაიები. მანვე თურქულ ენაზე დაიწყო შ. რუსთაველის „ეფუხისტყაოსნის“ თარგმნა, მაგრამ აღარ დასცაღდა.

მ. აბაშიძე, როგორც მთარგმნელი, ეროვნული მოღვაწეა. ის თარგმნის არა საერთოდ, არამედ ქართველი მკითხველისათვის. ამ თვალსაზრისით საყურადღებოა ნამიკ ქემალის დრამატული ნაწარმოების „სამშობლოს“ („სილისტრია“) თარგმანი, რომელიც 1904 წ. დაიბეჭდა ურნალ „მოამბის“ №4, 6, 7, 11 ნომერში.⁶⁸ 1917 წ. მ. აბაშიძემ თარგმნა და გამოაქვეყნა ნამიკ ქემალის პიესა „გულნიპალი“. იგი გამსჭვალულია იდეით იმის შესახებ, რომ მზის ქვეშ არაფერი არ შეიძლება იყოს დაფარული. პიესა ამხელს ტირანიის საშინელებას, მაგრამ ტირანიაზე უფრო ძლიერია სიყვარული, სიყვარული ამარცხებს ტირანიას.

დედასაქართველოსთან აჭარის სულიერი ერთობის აღდგენისა და განმტკიცებისათვის მემედ აბაშიძის, ჰაიდარ აბაშიძისა და მათი თანამოაზრე მოღვაწეების ბრძოლას რეპეტიულმა ძალებმა დაუპირისპირეს პანისლამისტური მოძრაობა. იგი მიზნად ისახავდა საქართველოსაგან სამხრეთი რაიონების ჩამოშორებას. ეს იყო „სედი მილეთის“ („ხალხის ხმა“) ორგანიზაცია. სედიმილეთელებმა ბათუმში დააარსეს სამუსლიმანო კომიტეტი და მტრული პოზიცია დაიკავეს ჭეშმარიტად ეროვნული ორგანიზაციის, მემედ აბაშიძის თაოსნობით ჩამოყალიბებული „სამუსლიმანო საქართ-

⁶⁷ გ. შარაძე, მემედ აბაშიძე, ბათ., 1995, გვ. 55.

⁶⁸ პოეტ-აკადემიკოს ოსებ გრიშაშვილს, ჩანს, ძალიან მოსწონებია იგი, როგორც ლიტერატურული ფაქტი, ამოუტყობია ურნალიდან, აუკინძავს, გაუკეთებია წარწერა სრულად „მოამბე“ და დაუცავს თავის ბიბლიოთეკაში, სადაც დღემდე ინახება. მეცნიერულ მიმოქცევაში შემოიტანა დოქ. ერ. მესხიაძე.

ველოს განმათავისუფლებელი კომიტეტის“ მიმართ. აჭარის მოსახლეობის ძირითადი ნაწილი არ იზიარებდა „სუდაი მიღეთის“ პოზიციას. ამიტომ მის გამოსვლას კომიტეტის წინააღმდეგ პროგრესულმა ეროვნულმა ძალებმა მამხილებელი სიტყვა შეაგებეს. ამ მხრივ საინტერესოა გასუთ „სამუსლიმანო საქართველოს“ 1920 წლის №372-ში დაბეჭდილი ლექსი „ხმა ქობულეთიდან“ (ლექსი „სუდაი მიღეთობზე“).

სუდაიმიღეთელების ბნელ საქმიანობას ამხელს თვითნასწაველი პოეტი, განმათავისუფლებელი კომიტეტის ერთ-ერთი აქტიური მოღვაწე ხასან თხილაიშვილი (1891-1942 წწ.). 1918 წელს, როცა ოსმალებმა სცადეს რეფერენდუმის ჩატარება, ხასან თხილაიშვილმა დიდი გაბედულება გამოიჩინა და თვით ვალის (გუბერნატორის) თანდასწრებით განაცხადა, რომ ხმას აძლევს დედასამშობლოსთან აჭარის შეერთებას ამის გამო მოკლდა დაუპირეს, მაგრამ თანამოაზრეებმა გადაარჩინეს. ლექსში „მესხეთს“ მხილებულია სწორედ „სუდაი მიღეთის“ ანტიქართული ხასიათი.

ხასან თხილაიშვილი მიუთითებს იმ ძირითად ძალაზე, რასაც უნდა ვეყრდნობოდეთ ყოველგვარი ჯურის მტრისა და ორგულის წინააღმდეგ ბრძოლაში. ეს არის ჩვენი ეროვნული ისტორიული ცხოვრება, გმირული და სახელოვანი წარსული. ეს იდეა ასეა ხორცშესხმული ამ სტრიქონებში:

„განა არ გვეყო ცრემლები,
განა არ კმარა გოდება?
რომ დღესაც არ გვასვენებენ,
აესული აღარ გეშორდება?
ისტორიულად ნაქებო,
მესხეთო, ტურფა მხარეო,
შოთა რუსთველის მშობელო,
გამოიღვიძეო მაღეო“.⁶⁹

საქართველოსთან აჭარის სულიერი ერთობისა და ეროვნული მთლიანობის განმტკიცების გულმართალი მომღერალი იყო თვითნასწაველი პოეტი მემედ ჭყონია (1860-1940 წწ.). ის დაიბადა სოფ. ქობულეთში, აქტიურად მონაწილეობდა აჭარიდან ოსმალთა განდევნაში 1877-1878 წლების ომის დროს.

მემედ ჭყონია იყო ეროვნულ-პატრიოტური მოძრაობის მონაწილე, შეუპოვრად ებრძოდა ყველას, ვინც ცდილობდა საქართველოსგან აჭარის მოწყვეტას მის ლექსში „სამშობლოს სიყვარული“, რაფიელ ერისთავის „სამშობლო ხევესურისას“ მსგავსად, გამოხატულია უსაზღვრო ერთგულება დედასამშობლო საქართველოსადმი.

„სამშობლო მიწის ნამცეცი
ყოველ სხვა განძზე ძვირია,
მას მკერდით დავეფარები,
თუნდ ვიქნე განაგმირია
მისთვის მშობილვარ, გაეზრდილვარ,
სიცოცხლე მისთვის მჭირია
მისთვის ღხინად მიჩნს ყოველი
ტანჯვა და გასაჭირია“.⁷⁰

პუბლიცისტიკა აჭარაში ეროვნული მთლიანობის დიდ სამსახურში იდგა. დედასაქართველოსთან სულიერი კავშირის განმტკიცებას შეაღიეს თავიანთი შეგნე-

⁶⁹ გაზ. „სამუსლიმანო საქართველო“, №375, 1920.

⁷⁰ იყო და მარად იქნება, შემდგენელი მაია ვარშანიძე, ბათ., 1978, გვ. 30.

ბული სიცოცხლე ცნობილია პუბლიცისტიკაში გულო კაიკაციშვილმა (1841-1923 წწ.), დედე ნიჟარაძემ, აბდულ მიქელაძემ (1853-1919 წწ.) და სხვ.

დედე ნიჟარაძემ და გულო კაიკაციშვილმა, აჭარიდან პირველებმა, დედასაქართველოსთან სულიერი კავშირების განმტკიცების მიზნით, თავიანთი შვილები თბილისის სათავადაზნაურო სასწავლებელში მიიბარეს და ცდილობდნენ ახლო ურთიერთობის დამყარებას მოწინავე საზოგადოებასთან. გულო კაიკაციშვილმა ხარჯები გაიღო ქობულეთში პირველი ქართული სკოლისა და პირველი ბიბლიოთეკის დაარსებისათვის.⁷¹

წერილში „აჭარა“, რომელიც 1915 წელს გაზეთ „თანამედროვე აზრის“ ფურცლებზე გამოქვეყნდა, აბდულ მიქელაძემ ყურადღება გაამახვილა რელიგიურ სხვადასხვაობასთან დაკავშირებულ სიძნელეებზე ავტორის აზრით, ერთ ხალხში რელიგიურ საფუძველზე წარმოქმნილი გაუცხოების სინდრომი ადვილად დაიძლევა ერთმანეთის მიმართ გამოვლენილი ზრუნვითა და დახმარებით. 1915 წ. როგორც ცნობილია, რუსეთის სამთავრობო წრეებმა აჭარას დასწამეს დღალტი, ამ ცილისწამებას წინ აღუდგა პროგრესული საზოგადოება. აბდულ მიქელაძემ სწორი შეფასება მისცა ქართველობის ეროვნულ პოზიციას „გაზეთში ვკითხულობთ, თუ რა თანაგრძნობით შეხედნენ ქრისტიანი ქართველები ჩვენს უბედურებას, ეგებულობთ, რომ ყველა კუთხეში მყოფი ჩვენი ძმები შემოწირულობას აგროვებენ. შეძლებისდაგვარად გვეწვიან თეთი დამშუული სოფლები, გვეწვიან ველზე მყოფი ჯარიკაცები, გვეწვიან დიდი და პატარა ვიცით, რომ ამ შემწეობით ჩვენი დახოცილი მკედრები არ გაცოცხლდებიან, ჩვენი ნაშუსის შემბღალაეი არ დაისჯება, დამწვარ-გაპარტახებული სახლ-კარეზო-მიდამო არ აწმუნდება, ნალიები სიძინდით არ გაიყვება, მაგრამ თითოეული კაპეიკი, ქრისტიანი ქართველის მიერ ჩვენთვის გადადებული, მილიონია, თითოეული თანაგრძნობის სიტყვა ჩვენი მალამოა. გეწამს, რომ ეს თანაგრძნობა უფრო იმატებს, მეტათ შეგვაკავშირებს და ყველას, ვისაც ამდენ ხანს არ სწამდა, რომ ჩვენ, რაკი სხვადასხვა რჯული გვაქვს, ამიტომ არ შეგვიძლია ძმები და მეგობრები ვიყოთ, ეს ურწმუნონიც დარწმუნდებიან, რომ ჩვენ ერთნი ვართ. დღეს ჩვენებური კაცისა და ქალის თვალები თქვენსკენ იცქირება, თქვენი მლოცველია და თქვენგან მოვლის ხსნას.“⁷²

XX საუკუნის პუბლიცისტიკა ახალ საფეხურზე აიყვანეს მემედ და შიდად აბაშიძეებმა. ქართული მშენებლობის წიადში აღზრდილი მოაზროვნეები, მოვლენებს ეროვნული მითითებიდან ხედავდნენ და მკითხველში ქართულ სულს ზრდიდნენ.

პუბლიცისტურ წერილებში მემედ აბაშიძე ხშირად მიმართავს მსჯელობის დიალოგურ ფორმას, რადგან ამ დროს მაქსიმალურად ელინდება პოლემიკის შინაარსის სიმდიდრე. ამ თვალსაზრისით, შეიძლება ითქვას, იგი გამორჩეული ოსტატია ქართულ პუბლიცისტიკაში. მისი წერილი – „ქართველი მაჰმადიანების გამოხმაურება“ ამის დადასტურებაა.

კიდევ ერთი განსაკუთრებული ღირსება მოეთხოვება პუბლიცისტის თხზულებას – ეს არის სიმართლის, თუნდაც მწარე და მტკივნეული იყოს იგი, დაუფარავად და გაბედულად თქმა ხალხისათვის. 1916 წელს მწვავე კამათი მიმდინარეობდა პრესაში ეროვნულ საკითხებზე. სოციალ-დემოკრატების გაზეთმა „თანამედროვე აზრი“, თავისი პოზიცია გამოხატა, რომელიც გარეგნულად დემოკრატიულ ელფერს ატარებს, ფაქტობრივად კი მოწვევტილი იყო რეალურ სინამდვილეს. მ. აბაშიძემ გაზეთ „სახალ-

⁷¹ თ. კომახიძე, აჭარის მოამბე, თბ., 1995, გვ. 26.

⁷² იყო და მარად იქნება, გვ. 160.

ხო ფურცელში“ გამოაქვეყნა პოლემიკური წერილი დიალოგის ფორმით და დეტალურად ცხადყო სოციალ-დემოკრატების კონცეფციის უსუსურობა ის წერდა „გაზეთი „თანამედროვე აზრი“ გვეუბნება დემოკრატია მომხრეა ერთა თვითგამორკვევისა და ისტორიულ-ტერიტორიულისა და სარწმუნოებრივი პრინციპის ნაცვლად პერსონალურს იცავს ყოველმა მოქალაქემ თვითონვე უნდა გადაწყვიტოს, რომელ ეროვნებას ეკუთვნის. მოქალაქის განცხადება - აი მართლმსაჯული ეროვნული ვინაობის გამოვსევითა და სხვა“. მ. აბაშიძე უარყოფს საკითხის ასე დაყენებას დედამამშობლოსთან ახლადდარბუნებულ სამუსლიმანო საქართველოში, სადაც ჯერ კიდევ არ იყო ყველაფერი ცხადად გამოკვეთილი, განსაკუთრებით ეროვნული ცნობიერების სფეროში.

ქართველ პუბლიცისტთა შორის მ. აბაშიძე იყო ერთი იმათგანი, ვისთვისაც მშობლიური ენა უზენაესის ხარისხშია წარმოდგენილი. ის შემოქმედებითად ავითარებს ენისადმი იმ დამოკიდებულებას და პასუხისმგებლობას, რომელიც საუკუნეების მანძილზე ყალიბდებოდა ჩვენში. გიორგი მერჩულეს ცნობილი სიტყვების პერიფრაზირებად ჟღერს 1919 წ. მ. აბაშიძის წერილში „ჩვენი მიმართულების განმარტება“ ჩამოყალიბებული მოსაზრება ქართული ენის ეროვნული, ისტორიული და პოლიტიკური მნიშვნელობის შესახებ. „საქართველოს“ განმარტება არ ესაჭიროება, - წერს მ. აბაშიძე, - როცა „საქართველო“ ითქმის, მაშინ, უპირველეს ყოვლისა, თვალწინ წარმოგიდგება ამ სახელწოდების ენით მეტყველი ერის მიწა-წყალი, სამშობლო“. ამ კონცეფციითაა დაწერილი წერილები: „დედა ენა“, „სამამამდიანო საქართველო“, „ქართული ენის სიწმინდისათვის“. მათში ავტორი ქართულ ენას „ჩვენი ერის მთლიანობის გამომხატველს უწოდებს და ასაბუთებს იმ აზრს, რომ „ჩვენი მშობლიური ენის სიმდიდრე და განვითარება ისევ სიტყვიერების სიღრმეში დამალული ძალების კვლევა-ძიებასა და მათ განვითარებაზეა დამოკიდებული“.

მ. აბაშიძემ მრავალი პუბლიცისტური წერილი მიუძღვნა ქრისტიან და მუსლიმან ქართველთა სულიერი ერთობის აღდგენასა და განმტკიცებას. მათგან მეცნიერულ და პოლიტიკურ მნიშვნელობას დღესაც ინარჩუნებს „სიტყვა ქართველთა და აზერბაიჯანელთა კრებაზე 1905 წლის 10 მაისს“, „მამამდიანთა და ქრისტიანი ქართველების სულიერი ერთობა“ (1916 წ.), „გაზეთი „თანამედროვე აზრი“ და „სამამამდიანო საქართველო“ (1916 წ.), „ძმებო, მუსლიმანო ქართველებო!“ (1918 წ.), „სიტყვა მუსლიმან ქართველთა პირველ ყრილობაზე“ (1919 წ.), „სიფრთხილე, სიფრთხილე“ (1920 წ.) და სხვ. მათში ავტორი ერთიან, ძლიერ და დამოუკიდებელ საქართველოზე ოცნებობდა და ესწრაფოდა იმ წინააღმდეგობითა დაძლევის, რაც ხელს უშლიდა ქვეყნის ერთიანობას. ის წერდა: „ჩვენი მიზანია სამუსლიმანო და საქრისტიანო საქართველოს პოლიტიკური მთლიანობის უზრუნველყოფა“. ამ მიზნის მიღწევისათვის, მ. აბაშიძის აზრით, საყრდენ პრინციპებს შეადგენდა: 1. ენის ერთიანობა; 2. განსხვავება ეროვნებასა და სარწმუნოებას შორის ეროვნების უპირატესობით; 3. პატივისცემა განსხვავებული რელიგიისადმი; 4. განათლება; 5. ავტონომიური მართვა-გამგებლობა სამუსლიმანო საქართველოსათვის.

ჰაიდარ აბაშიძეც მტკიცედ დგას ეროვნებასა და სარწმუნოებას შორის განსხვავებაზე და აცხადებს, რომ „სარწმუნოებას არ შეუძლია ეროვნების გამოცვლა“.⁷³ მისი წარმოდგენით, „არ არის მიღებული, რომ როდესაც ეროვნებაზე გვეკითხებიან, სჯულიც დაუსახელოთ“. აქედან გამომდინარე, მ. აბაშიძეს ლოგიკურად მიჰყავს მკითხველი იმის შეგნებამდე, რომ ეროვნება უფრო მაღალი ღირებულებაა,

⁷³ ჰაიდარ აბაშიძე, წერილები, თბ., 1963, გვ. 57.

ვიდრე სარწმუნოება. მას შემოაკეს პეზლიცისტიკაში ბრწყინვალე თეზისი ეროვნების ღუთაბასთან გათანაწორების შესახებ. მისი სიტყვებია: „ეროვნება მეორე ღმერთია“.⁷⁴

ჰ. აბაშიძის, როგორც პეზლიცისტის, დამსახურებაა ხალხის ეროვნულ გათვითცნობიერებაში ხელეწიერებისა და ლიტერატურის როლის წინა პლანზე წამოწევა და დაფასება. ის სამართლიანად თვლის, რომ მწერლობის განვითარება ხელს შეუწყობს ერის საერთო განვითარებას. „ყოველ ერს, როგორი ლიტერატურაც არ უნდა ჰქონდეს, თავისი უნდა ერჩიოს სხვისას, ვინაიდან თავისი ლიტერატურის საშუალებით ვითარდება და წინ მიდის კულტურულად ესა თუ ის ხალხი“.⁷⁵

ასევე მნიშვნელოვანია ჰ. აბაშიძის მსჯელობა ეროვნული კულტურისა და ეროვნული ერის ურთიერთობის შესახებ. მისი აზრით, შეიძლება ერთ ერში რამდენიმე რელიგია იყოს თუ ერის ნაწილები, რომლებსაც სხვადასხვა რელიგიური რწმენა აქვთ, ერთ ენაზე მეტყველებენ, ისინი მაინც ერთ ხალხს წარმოადგენს და ამ ენაზე შექმნილი ლიტერატურაც მათი საერთო კუთვნილებაა. ის წერს: „როგორც ბევრი ერების ნაწილები, ზოგი მაჰმადიანია და ზოგი ქრისტიანი, და ენა და ლიტერატურა ამა თუ იმ ერის წარმოშადგენელთ, ქრისტიანებსაც და მაჰმადიანებსაც, საერთო აქვთ, ისე ჩვენც, მაჰმადიან და ქრისტიან ქართველებს, საერთო გვაქვს ჩვენი მშობლიური დედაენა და ლიტერატურა. ეს ისე ნათელი და ცხადია, რომ ამის მტკიცება აღარ უნდა იყოს საჭირო“.⁷⁶

ჰ. აბაშიძე ხშირად ამბხილებს ყურადღებას ენისა და მწერლობის, როგორც ერის სულიერი ერთობის, საფუძელის შესახებ. იგი აღნიშნავს, რომ ყველა მაჰმადიანურ ქვეყანაში ეროვნება იცავს თავის ენას და მხოლოდ ქართველ მაჰმადიანებს უბნევენ გზა-კეალს, როცა სარწმუნოებით მაჰმადიანს, მაგრამ ეროვნებით ქართველს, შთაგონებენ მშობლიური ენის სიძულვილს. ასეთ პროპაგანდას ჰ. აბაშიძე თვლის ჩვენი ხალხის ეროვნული ერთიანობის წინააღმდეგ მიმართულ საქმედ. „ჩვენ და ჩვენი თანამომემ შეგნებული ქრისტიანი ქართველები, - წერს ჰ. აბაშიძე, - მივისწრაფვით კულტურული ერთობისაკენ, გვაერთიანებს საერთო ეროვნება, ენა, ლიტერატურა და ეროვნული ინტერესები, რომლების მიფუნქსება და დაფუძნება იქნებოდა ჩვენი კულტურულად დაბეჭადების და მოსპობის მომასწავებელი“.⁷⁷

ჰ. აბაშიძე ასევე დიდ ეროვნულ მისიას აკისრებდა ქართულ თეატრს. მისი ცნობილი წერილის („როდის გავიგე მე, რომ ქართველი ვარ“) მიხედვით, სწორედ თეატრის წყალობით გაეცა პასუხი სათაურში დასმულ კითხვას და სრულიად ახალი მიმართულება მიეცა ავტორის ეროვნულ ცნობიერებას. თეატრის ეროვნული მისიის პრობლემას ჰ. აბაშიძე საგანგებოდ შეეხო 1914 წელს მსახიობ კოტე ყიფიანის საიუბილეო საღამოზე წარმოთქმულ სიტყვაშიც და აღნიშნა: „მრავალწამებული საქართველო თუ წელში გაიძარბა, შავ ბედისწერას არ დაემონა, და ეერ წარიტაცა შავმა ყორანმა ვით უმწეო მსხვერპლი, ეს უმთავრესად იმის გამოც მოხდა, რომ სასცენო მოღვაწეობა კარგა ხანია მის ცის ქვეშ ძლიერ კულტურულ ძალად ცნობილ იქმნა... და მან, ამ ძალამ, ხელი შეუწყო ქართველი ერის არა თუ მხოლოდ ზნეობრივ წვრთნას, არამედ მის ნამდვილ ეროვნულ გათვითცნობიერებას. ჭეშმარიტად, ჩვენისთანა ბედში მყოფისათვის თეატრი ეროვნული სიცოცხლის დედა-ძარღვია... ქართული

⁷⁴ იქვე გვ. 98.

⁷⁵ იქვე გვ. 77.

⁷⁶ იქვე გვ. 78.

⁷⁷ იქვე გვ. 80.

თეატრი შეიქმნა სკოლად, ის ზრდის ჩვენი ერის ფართო მასას, აძლიერებს მის გულში არა თუ მხოლოდ ეროვნულ, არამედ ადამიანურ შეგნებასაც.⁷⁸

ჰ. აბაშიძე საგულისხმო შეხედულებებს ავითარებს ხალხის ეროვნული ცნობიერების კონსერვატული, კარგი გაგებით, ბუნების შესახებ. ეს შეხედულება მას კონცეფციის სახით აქვს ჩამოყალიბებული და ხშირად იყენებს თავის წერილებში. ავტორს აჭარის მკვიდრთა ცნობიერებაში კანონზომიერ მოვლენად ესახება ქართული სულის გადარჩენა. წერილში „მაჰმადიან ქართველთა ფანატოკოსობა და ეროვნული გრძნობა“ იგი წერს: „სამასმა წელმა... ვერ ამოაგდო... გულიდან... გრძნობა სამშობლოს სიყვარულისა, როგორც ამას მოელოდა ოსმალეთი“.⁷⁹ ეს იდეა ჰ. აბაშიძეს სხვა წერილში („ამასაც მტკიცება უნდა?“) ასე აქვს განვითარებული: „მართალია, თურქთა ბატონობამ და ისლამმა თავისი ბუკედი დაასვა მას, მაგრამ ეროვნული თვითარსება და ერი ვერ აღმოფხვრა მასში. ამას უტყუარად ამტკიცებს ის გარემოება, რომ მიუხედავად იმისა, რომ მაჰმადიანობასა თუ თურქთა გავლენას ჩვენსე 300-400 წლის ისტორია აქვს, ჩვენ მაინც ეროვნულად ქართველებად დავრსით, არ გადავგვარდით“.⁸⁰

ჰაიდარ აბაშიძე, როგორც ეს მეგრძოლ პუბლიცისტსა და მამულიშვილს მოეთხოვება, სწორედ ასეთი პრინციპულობით ებრძოდა ყოველგვარ ჩამორჩენილობას, შეზღუდულობას, ფანატიზმს და გულგრილობას ეროვნულ საკითხებში.

მკვერმეტყველების საუკეთესო ტრადიციების აღორძინება აჭარაში დაკავშირებულია გულო კაიკაციშვილისა და მემედ აბაშიძის სახელებთან.

სამგლოვიარო სიტყვა, რომელიც გულო კაიკაციშვილმა წარმოთქვა 1915 წ. აკაკის დაკრძალვაზე, ქართული სადარბაზო მკვერმეტყველების ნიმუშია. ორატორი მადლობას უხდის აკაკის თაობად დედასაქართველოსთან აჭარის დაბრუნების საქმის დაგვირგვინებისათვის. „წარსულ რუს-ოსმალეთის ომის დროს მოხდა განგება და კვლავ შემოგვიერთდით ჩვენს უფროს მოძვე ქართველებს და ესუნთქათ ქართველ ერთან ერთად. და ამ დროს, სამასი წლის შემდეგ, სადაც შევიინახეთ ქართული დედაენა, ჩვენც ველირსეთ დაგვენახა, დიდებულო აკაკი, სინათლე, რომელიც, ვითარცა უკვდავი, შენ აღუნთე ქართველ ერს“.

სამადლობელ სიტყვასთან ერთად, ორატორი პრაქტიკულ საბრძოლო ამოცანასაც უსახავდა საზოგადოებას მან ოსტატურად დაუკავშირა ეს ამოცანა დიდი აკაკის ავტორიტეტს და განაცხადა: „ჩვენი მხარე მეტად დაბნელებული იყო და ერთი საათით ვერ მოვიყინება ყველგან სინათლე და საჭიროა, რომ აქეთ უფრო მრავალი სანთელით შემოვიდნენ და გვევლდებო, დაუბრავ ამ შენებს, რომ ცალი თვალი და ერთი ხელით სანთელი ჩვენსკენ დაიჭირონ, გეინათონ და გეიატრონონ, აღვადგინოთ ჩვენი დედაენა, გეისხნან იმ გაჭირვებისაგან, რომელშიდაც ნამეტარ ახლა ვიმყოფებით“.⁸¹

სადარბაზო მკვერმეტყველების ასევე საუკეთესო ნიმუშია მემედ აბაშიძის სიტყვა, რომლითაც მან მიმართა 1918 წ. ხალილ ბეის ხელმძღვანელობით ბათუმში ჩამოსულ ოსმალეთის საზავო დელეგაციას. მ. აბაშიძემ სიტყვა ააგო ყველა ხალხისათვის ნაცნობი სტუმარ-მასპინძლის ტრადიციულ ურთიერთობაზე და იგი დამუხტა პოლიტიკური შინაარსით. არსი ამ სიტყვისა ისაა, რომ ოსმალთა ხელისუფლება უცხნა აჭარისათვის. თავისი სათქმელი მემედმა ასე ჩამოაყალიბა: „კეთილი იყოს თქვენი ჩვენთან სტუმრად ჩამობრძანება. ჩვენ, ქართველები, სტუმართმოყვარენი ვართ, ვიცით სტუმრის მიღება და პატივისცემა. მაგრამ მინდა ისიც იცოდეთ, რომ სტუმარს

⁷⁸ იქვე, გვ. 65-66.

⁷⁹ იქვე, გვ. 61.

⁸⁰ იქვე, გვ. 75.

⁸¹ იყო და მარად იქნება, გვ. 180.

უფლებას არ მიეცემო ჩვენ შინაურ საჭმეებში ჩაერიოს... თქვენ ბატონ-პატრონად ნუ იგულებოთ თავს ჩვენს მიწა-წყალზე*.

ამ სიტყვამ დელეგაცია დიდად გაანაწყენა. ამის გამო მემედ აბაშიძე, ჯემალ ქიქავა, ღაუთ სორბილაძე და ხასან ლორთქიფანიძე დააპატიმრეს და ტრაპიზონის ციხეში ჩასვეს.

დელდასაქართველოსთან ერთიანობის შესახებ ყოველთვის შთამბავებლად ლაპარაკობდა მ. აბაშიძე. მისი საყოველთაოდ ცნობილი სიტყვაა: „ერთი ენაზე მამული-შვილი თუ იამაყებს თავისი ქართველობით, დამერწმუნეთ, მეც ვიამაყებ ჩემს ქართველობით“. 1916 წ. თბილისში ნადიმზე წარმოთქმულ სიტყვაში მან დახატა დელდასამშობლოსთან დაბრუნებული აჭარის პოეტური სახე, ორატორი მხატვრულად ახროვანებს და ძლიერ ემოციურ ზეგავლენას ახდენს მსმენელზე, აი ეს სიტყვა: „ყვავილი რომ მოსწყდება ემეროს, დატკნება, გაყვითლდება... როდესაც ყვავილი მოწყდება, მიიკარით იგი გულს, დაიჭით ხელში, ეალერსეთ და იქნება იგივე ყვავილი, რომელი რომ იყო... აჭარა მოსწყვიტა ბედმა საუკუნოებით სამშობლოს გულს და ნუ გიკვირთ, თუ ეუცნაურებით, თუ დღეს საქმოდ ვერ უცვნიხართ, - მოჰკიდეთ ხელი და ისევ თქვენთან იქნება...“.

ორიგინალურად არის გადაწყვეტილი ცნობილი სადღეგრძელო, რომლითაც მ. აბაშიძემ ნადიმზე მიმართა მისთვის სათაყვანებელ ილია ჭავჭავაძეს: „მე ამ დიდბუნოვანი ადამიანის, ჩვენი ერის მოძღვრის სადღეგრძელო ბუნების წყლით მსურს დაგვიან, რადგან ეს უფრო შეესაბამება მის უანგარო და ფაქიზ ბუნებას. არაბთა ბრძნული თქვისა არ იყოს, „წყლით სულდგმულობს დედამიწაზე ყოველი“. ჩვენ ყველას განგვიცდია წყურვილის ძალა. რამდენჯერ თავდავიწყებით დაეწაფებოვართ მას და ბუნების ამ მაცოცხლებელი წყლით დაგვისამაგეს ჯერ მხურვალებისაგან შემშრალი ბაგენი, ხოლო შემდეგ რა აუწერელი სიამით გვიგრძნია მისი სისველე შინაგან.

აღმოსავლეთის გამოჩენილი მგოსნების პოეზიაში წყალს საპატიო ადგილი ეთმობოდა, ისინი თავიანთი საყვარელი ადამიანების სისპეტაკეს წყლის სიწმინდეს აღარბუნ და წყლის დინების საამო ხმას აიგივებენ მიჯნურთა ბუტბუტთან და მეც, როგორც თქვენს თანამესუფრეს, სრული შეგნებით მსურს წყლით შეესვა ჩვენი ერის სასიქადულო შვილის, ჩვენი ილიას, სადღეგრძელო, როგორც უსაყვარლესი და უსპეტაკესი ადამიანისა“.

ასე დაამთავრა მ. აბაშიძემ ილიას სადღეგრძელო და შესვა აზარფეშაში ჩახხმული წყალი. „ჩვენ, - იგონებს გ. ქიქავა, - მემედის მჭკვერმეტყველებით აღფრთოვანებულინი, ახლა თამამად შეეცქეროდით ილიას, რომელსაც სახე გაადარებლოდა. იგი კმაყოფილებით წამოდგა და შუბლზე ეამბორა მემედ-ბეგს“.

ეს სიტყვა, როგორც ორატორული ხელოვნების ნიმუში, რომელმაც თვით ილიას მოწონება დაიმსახურა, პირველ რიგში, გამოირჩევა სიდარბაისლით. ორატორი დამსახურების აღნიშვნით უდასტურებს ადრესატს გულთაოდ პატივისცემას. მას არ სჭირდება სურვილების კორიანტელი, რაც არასდროს არ იყო მთავარი ქართული სუფრისათვის და, მეტადრე, ღვაწლმოსილი ადამიანებისადმი პატივისცემის გამოსატყვისას. ამიტომ იყო ეს სიტყვა მართალი და, მაშასადამე, ძლიერი.

სადარბაზო მჭკვერმეტყველების საინტერესო ნიმუში შექმნა მ. აბაშიძემ ილიას დაღუპვის გამო გამოწვეული საყოველთაო მწუხარების გამოსახატავადაც. მან ასე მიმართა მსმენელს: „სამშობლოს ძმანო და დანო! 9 ამ თვეს უღმრთოდ და ვერაგულად სამშობლოსათვის წამებული დიდი ილია მშობელმა მისმა, როგორც ჭეშმარიტი ღვიძლი შვილი, ჩაიკრა სამარადისოდ თავის მშობლიურ გულმკერდში... და გულამოსკენილი ცხარის ცრემლებითა და ნადღლიანისა ხმით მიმართა თავის სანუ-

გეშო და საიმედო შეიღის - ილიას მკვლევებს, ბოროტ ავაზაკებს „აწ თქვენთვის არამი იყოს ჩემი ამავი, თქვენდამი ჩემი სრუნვა, შრომა და ღვაწლი, ჩემი მშობლიური ტკბილი ძუძუ, რითაც გაიკვებენით! შიშვლები შეგმოსეთ, ობლები დაგავაკაცეთ, ცოტად თუ ბევრად ცხოვრების საასპარესო მოედანზე გამოგიყვანეთ, იქნებ მომშველბოდით და ჩემს ძველ წყლულებს მალამოს დამიდებდით და მით ტანჯვა-მწუხარებას შემომცირებდით და დამაიმედებდით-მეთქი, მაგრამ ამოაღ!... თქვენის-თანების შობასა, ქვა რომ ეშობა, იქნებ სამშობლოს სახეიროდ სადგომებზე ანუ გზატკეცილებზე მაინც მოხმარდებოდა, ხოლო ამგვარი შემარცხენნი, საზარელი და თავსარდამცემი შემადრწუნებელი საქციელი არ მომხდარიყო.

თქვენ მოკალით საუნჯე ჩემი ცხოვრებისა! თქვენ დამიბნელეთ სინათლე ჩემი არემარისა!... თქვენ დაჰმეთ თქვენი ვინაობა, თქვენ უარჰყავით ჩემი წარსული, რომელიც იწყება შორეული ისტორიის საზღვარს იქითა!... თქვენ დამასახიჩრეთ! თქვენ დამამახინჯეთ!... ამომთხარეთ შანთებით ორივე თვალები! ამომგლიჯეთ ენა, გულ-ღვიძლი ისე, როგორც უღმობელმა ჯალათმა.

აწ ძალ აღარ მიძს! დატებით ჩემი სისხლითა, გაიხარეთ სამშობლოს მტრებო!”

ამ სიტყვის უმთავრესი თემა ილიას დამსახურების აღიარებაა. აქედან მომდინარეობს ილიას სიკვდილით საქართველოსათვის თაედატეხილი უდიდესი ტრაგედია.

ამრიგად, დედასაქართველოსთან დაბრუნებულ აჭარაში ისევე აღორძინდა შემოქმედებითი ცხოვრება. მწერლობა, პუბლიცისტიკა, ორატორული ხელოვნება ხალხის ეროვნული, პატრიოტული და ესთეტიკური აღზრდის მძლავრ ძალად იქცა. იგი მიზანდასახულად ემსახურებოდა მთავარს - საქართველოს სულიერი და ტერიტორიული მთლიანობის აღდგენა-განმტკიცებას.

§4. საისტორიო ზეპირსიტყვიერება

აჭარის საისტორიო ზეპირსიტყვიერებაში განსაკუთრებული ადგილი უკავია რუსეთ-ოსმალეთის ომებისა და მუჰაჯირობის ამსახველ ნიმუშებს, რომლებიც იქმნებოდა როგორც უშუალოდ მოვლენების კვლადაკვალ, ისე მომდევნო ხანაში. ამ ლექსებში შეინიშნება სოციალური უსამართლობის წინააღმდეგ ბრძოლის მოტივებიც.

რუსეთ-ოსმალეთის ომის (1877-78 წწ.) დროს აჭარის მოსახლეობა და აჭაური მესვეურები ცალსახად გამოხატადენდნ დედასაქართველოსთან დაბრუნების სურვილს. ამან დიდად შეუწყო ხელი ოსმალეებზე რუსეთის არმიის გამარჯვებას ომის ამსახველ ზოგიერთ ხალხურ ლექს-სიმღერაში ორივე მხარე მინუეულია თანაბარი ძალის (ეშის) მქონედ. ამის ნიმუშია ფართოდ გავრცელებული ლექსი „ალი-ფაშამ გვიღაღატა“, რომელიც ა უშიკაშვილმა ჩაიწერა 1890 წელს. მასში ნათქვამია: „ხანთქარი და რუსი ჩხუბობს, იგი არის ვორეე ეში“.⁸²

აღნიშნული ომის ამსახველი საინტერესო ფოლკორული მასალა ჩაუწერია „დროების“ თანამშრომელ იასონ ნათაძეს, რომელიც 80-იან წლებში ართვინში მსახურობდა და მკიდრო კონტაქტი ჰქონდა იჭაურ ქართველობასთან. მას უნდა ეკუთვნოდეს გას. „დროებაში“ (1882, №70) „გარდახვეწილის“ ფსევდონიმით დაბეჭდილი სტატია „ხმა მაჰმადიან საქართველოდამ“, რომელშიც აჭარელთა ყოფა-

⁸² ა. უშიკაშვილი, ხალხური სიტყვიერება ოთხ ტომად, ტ. I, თბ., 1964, გვ. 141.

ცხოვრება და სულიერი კულტურა გაშუქებული.⁸³ რედაქტორისადმი წერილში ი. ნათაძე აღნიშნავს, რომ კრებს აქაურ ზეპირსიტყვიერებას, განზრახული აქვს მათი გამოცემა და ნაწილს უგზავნის კიდევ, აქვე ავტორი მადლიერებით იხსენიებს მთქმელსაც - ოსმან წულუკიძეს.

ოსმან წულუკიძის რეპერტუარშია რუსეთ-ოსმალეთის ომის ციკლის ლექსებზე: „გაგზავნეს საჩხუბრათა ურუმელში სამი ფაშა“, „მიგვიყვანეს, გადაგვეწერეს, დაგვიყენეს მინბაშებო“, „ხონთქარი და რუსი ჩხუბობს“ და „წინ მოდიან კახელებო“. ერთ-ერთი ლექსის („ხონთქარი და რუსი ჩხუბობს“) გამომთქმელი ყოფილა დედე-ალა უზბაში. ეს იგივე დედე-ალა ნიჟარაძეა.⁸⁴ ომის დროს იგი სხვებთან ერთად მიემხრო რუსის ჯარს, რის გამოც ლექსებში არაერთგზის გაიჟღერა, „ბეგიებმა გვიღალატესო“.

კ. უმიკაშვილის არქივში დაცულია გულო კაიაკიშვილის ფაფის – ასლანის ქობულეთური ჩანაწერები, რომელთა უმეტესობა 1891 წლით არის დათარიღებული. აქ ყურადღებას იპყრობს რუსეთ-ოსმალეთის ომის ამსახველი ლექსთა ვარიანტები „ალი-ფაშას ღალატობა“, „ხაჯი ოღლის რომ უქია“ და ფირალის ეპოსის ნიმუშები: „ალიადა სუბაშოღლი“, „ახმედ ხარახის ლექსი“ და „ახალგაზრდა ყმაწვილების აეკაცობაზე.“⁸⁵

ომის ბოლო ეტაპიდან, როცა აშქარა გახდა აჭარის ბედი, იწყება მუჰაჯირობა, რაც სათანადოდ აისახა ზეპირსიტყვიერებაშიც. მუჰაჯირობის პრობლემა საერთოდ საფუძვლიანად არის შესწავლილი, გარკვეულია მისი სოციალურ-პოლიტიკური თუ ეკონომიკური მიზეზები. ხალხურმა სიტყვიერებამ კი მისთვის დამახასიათებელი უშუალოდ შემოგვინახა მოსახლეობის ეს ტრაგიკული მოვლენა, როცა ამ კუთხეში ერთმანეთს დაუპირისპირდა ორი დამპყრობლის ინტერესები. ხალხი კარგად ხედავდა, რომ „ვერას გახდებოდა“ მათ ორთაბრძოლაში. „წამქეხებლები კრიტიკულ მომენტში განზე რჩებოდნენ და ყველაფერი ხალხს ატყდებოდა თავზე.“⁸⁶

ზეპირსიტყვიერებამ შემოინახა სახელები ხალხის მოღალატე დიდგვაროვნებისა, ოსმალო მოხელეებისა თუ მათი აგენტებისა (ხოჯა ალი-ეფენდი, ხასან ალა და სხვ.), რომელთა დევიზიც იყო: „მე ნიშანი დაეიკიდე, რაღათ მინდა მეზობლები.“⁸⁷ საკუთარი პრივილეგიების შენარჩუნების მიზნით, მათ მოსახლეობა შეცდომაში შეიყვანეს, რუსთა წინააღმდეგ აამხედრეს, შემდეგ კი დააშინეს და უცხოეთის გზას გაუყენეს.

მოღალატე „ბეგიები (ფაშები)“ შემდგომი დროის ფოლკლორულ წყაროებში ერთ პიროვნებაში (ალი-ფაშა თავდგირიძე) დაკონკრეტდა, ყველა ცოდავ მას მიეწერა და რუსეთ-ოსმალეთის ომის ამსახველი ზოგადი ლექსი „ხონთქარი და რუსი ჩხუბობს“ უკვე „ალი ფაშას ლექსად“ გაფორმდა. ამ ციკლის ფოლკლორში ალი ფაშა წარმოდგენილია როგორც გამყიდველი, ბოროტი და ეგოისტი. „ალი ფაშა ეომა რუსებს და ბოლოს ფული აიღო მათგან, ხალხი კი დატია მოტყვილებული.“⁸⁸ ამიტომაც განაწამები ხალხის განაჩენი უმკაცრესია:

„ღმერთო, ფაშა ისე მორთე, არ გააწეედეს ზამთარი,
მისიანის ნახვას ჩივოდეს, საშიშრათ იყოს გამხდარი.“⁸⁹

ერთ-ერთ ქობულეთურ ვარიანტში აშქარად გამოსტყვივის ხალხის უკიდურესი ზიზიდი მოღალატის მიმართ და მისი დასჯაც სამართლიანობად არის მიჩნეული:

⁸³ გ.მაცაბერიძე, აჭარის ზეპირსიტყვიერების მასალები ბუმიკაშვილის არქივში. - „სამხრეთ-დასავლეთ საქართველოს ზეპირსიტყვიერება“, III, თბ., 1977, გვ.50.

⁸⁴ იქვე გვ. 51.

⁸⁵ იქვე გვ. 58.

⁸⁶ ა.ახვლედიანი, აჭარის საგმირო-საისტორიო სიტყვიერება, ბათ., 1970, გვ. 114.

⁸⁷ აჭარის ხალხური მოეზია, I, თბ., 1968, გვ. 62.

⁸⁸ ამავე, ს. 250, ფურც. 41.

⁸⁹ აჭარის ხალხური მოეზია, I, გვ. 64.

„მასაც კი არ დამართია, ბაწრით ჩაათრევს გემში.
ფაშას უყვარს ოქროს ფული, დაადნეს და ჩაასხეს პირში,
მისი ყვირილი ისმოდა სუფსის გაღმა ბაილეთში“.⁹⁰

სხვა ვარიანტით კი:

„სტამბოლში რომ ჩაიყვანეს, ჯაჯვი მოკიდეს კისერში,
საგიჟეში წაიყვანეს, აღარ მოსწრია ბარათი,
წარმატებებს მოელოდა, ის ღორივით ააჯყვირეს“.⁹¹

1878 წლის იანვარ-ივლისის გაურკვეველი ვითარება საბედისწერო აღმოჩნდა აჭარის მოსახლეობისათვის. ამ დროიდან იწყება მათი აყრა მშობლიური მიწა-წყლიდან. ამ მოვლენას ეხმიანება ლექსი „რუსის ზაკონი“, რომლის მიხედვითაც რუსის ჯარის ბათუმში შემოსვლა უბედურებად აღიქმება („ძველებურად არ გეგონოს, რუსი მოვიდა ბათუმში“). ახალმა დამპყრობელმა თავისი კანონები შემოიტანა, „ნაკაზანია და კატორღა“ დაუწესა ხალხს, ხოლო ადგილობრივმა აღებმა, ჩინ-მეღლეების საფასურად, ყურები დაიხშეს, თვალები დაიბრმავეს და თანამოქმეთა ინტერესები არაფრად ჩათვალეს. ამ მდგომარეობას, ბუნებრივია, მოჰყვა ხალხის სურვილი – გაქცეოდა მიუღებელ ვითარებას. ამგვარ პროტესტს თან ერთვოდა აღა-ბეგებისა თუ მოხელეების აგიტაციაც. ამიტომაც დაბნეული მოსახლეობის ერთმა ნაწილმა ოსმალებთან დაილო გეზი.

მუჰაჯირობის ამსახველი ლექსების უმთავრესი თემაა უსაშველო სედა-წუხილი, რაც მშობლიური ადგილების მიტოვებით და ახლობლებთან განშორებით იყო გამოწვეული. სოფ. ხინოში (ქობულეთის რაიონი) ჩაწერილი ერთი სატრფიალო ლექსის მიხედვით ქალიშვილი ასე ეთხოვება მუჰაჯირად მიმავალ სატრფოს:

„მე, შენი მგონი, რასა ეიჭ რასო,
ჩემი კურცხალი მიერთვის ზღვასო.
არ მიღალატო, ჩემო ძვირფასო!“

გულამოსკენილი ვაჟი პასუხობს:

„მიედივარ ჰამა, არ ეჯერვარ ამას,
დასტურ იქნება, გულს დაეკრავ ყამას,
არ მსურს სიცოცხლე, დევფიცავ მაშას“.⁹²

ოსმალებში გადახვეწილები მძიმე მდგომარეობაში აღმოჩნდნენ. მთაერობამ დანაპირები არ შეასრულა. ამიტომაც ბევრი უკანვე გამობრუნდა იმედგაცრუება ასახულია ხალხურ ლექსში „დაგველების მუჰაჯირად წასვლა“:

„თურქეთში რუმ ჩევიდენ, აღარ ხონდენ აფერი.
ერთმანეთსა ხკითხაედენ: სადაა ჩენი ადგილი?
დამირჩენ უკაცრავადა, აღარ იყო ადვილი“.⁹³

მუჰაჯირობის ციკლის ზეპირსიტყვიერება მარტოოდენ სამშობლოში დარჩენილთა რეპერტუარით როდია წარმოდგენილი; თურქეთის სხვადასხვა რეგიონში მცხოვრებ ქართველ ლტოლვილთა ფოლკლორული შემოქმედების ერთ-ერთი უმთავრესი თემაა მამულის მიტოვებით გამოწვეული წუხილი, მარადიულ ტკივილად რომ შემორჩენიათ ჩვენებურებს. აკი ამიტომაც მუჰაჯირთა შთამომავლებს შორის დიდი პოპულარობით სარგებლობს სევდით აღსავსე ე.წ. „მემღეკეთური ლექსი“:

⁹⁰ ბათუმის ნ.ბერძენიშვილის სახ. სამეცნიერო-კვლევითი ინსტიტუტის ფოლკლორული არქივი (შემდეგში ის ბსკოფა), ს. 191, გვ. 59.

⁹¹ აჭარის ხალხური პოეზია, I, გვ. 64.

⁹² ბსკოფა, ს. 67, გვ. 142-143.

⁹³ აჭარის ხალხური პოეზია, I, გვ. 65.

„აჭარას ვემშვიდობებით, რა ლამაზი დარიაო.

ჩვენ რო გემში ჩავედებით, ჩუენი გული კდარიაო“.⁹⁴

ქართველ მუჰაჯირებს საკუთარი თავისთვის „შეფრენილი ფუტკარები“ უწოდებიათ. ამ ეპითეტით სრულად არის დახასიათებული მათი ტკივილიანი ბედისწერა. ეს მწარე რეალობა უდევს საფუძვლად სევდიან სიმღერას „შეფრენილო ფუტკარო“, რომელშიც შერწყმულია ტრადიციული ქართული ხალხური პოეზიისათვის დამახასიათებელი სიმბოლიკა თუ მხატვრული სახეები, ზნეობრივ-მორალური კოდექსის შემცველი მოტივები, ზეპირსიტყვიერების სხვადასხვა ჟანრთაგან ნასესხები სალექსო სტრიქონები, მუჰაჯირთა სულიერ ქურაში რომ გამოწრთობდა დედასამშობლოს საგალობლად:

- „შეფრენილო ფუტკარო, წადი, მავანს უთხარო:

- შენ ქართველი შეილი ხარ, შეილო, მოდი ჩემთანა.

- ეოსა, ეორერა, ეოსა, შეილო, მოდი ჩემთანა...

შავი ზღვის პირზე თოვლი მოსულა,

შენი ფუტკარი სხეასთან წასულა,

შავი ზღვის პირზე ვარსკელავი ბრწყინავს,

შენი ფუტკარი დღეს სხვაგან ფრინავს,

ბახმაროს მთებზე დაუთოვლია,

შენი ფუტკარი სხეას უპოვია...“⁹⁵

მუჰაჯირთა რეპერტუარს ამშვენებს სიმღერა „თეთრი მამალი“, რომელიც ალგეორიული ხასიათისაა. „თეთრი მამალი“ სამშობლოზე ფიქრისა და ოცნების სიმბოლური გამოსატყულება, „ლამაზი ქალი“ კი - მუჰაჯირთა შთამომავლებისა. დრო-ჟამის გასვლის შემდეგ მუჰაჯირებიც თანდათან ეგუებიან ახალ სამკვიდროს, აღარ ყივის მათი დამცხრალი სული - „თეთრი მამალი“, აღარც თანამედროვე გურჯი ქალები იცრემლებიან; ახალ კერაზე მათ საკუთარი საზრუნავი გასწენიათ, თუმცა, დროადადრო წამოაგონდებთ, რომ დღევს გადაღმა მათი ნაფუძარი დარჩენილა, სადაც ახალი ბინადარნი სახლობენ.

ჰ. უმიკაშვილის არქივში დაცულია საისტორიო ზეპირსიტყვიერების საინტერესო ნიმუში „ბათომის ლექსი“, რომელიც ეკუთვნის ცნობილ სახალხო მთქმელს ბუჰანა შავიშვილს. იგი ჩაწერილია 1879 წლის 28 აგვისტოს, ბათუმში რუსეთის არმიის შემოსევიდან ერთი წლის შემდეგ. ლექსი გამოძახილია „პორტო-ფრანკოს“ უმძიმესი ეკონომიკური პოლიტიკისა. ხალხი უკმაყოფილებას გამოთქვამს იმის გამო, რომ ახალმა ვითარებამ მათი მდგომარეობა კიდევ უფრო უიმედო გახადა; გაღატაკებულ ხალხს ხელი არაფერზე მიუწვდებოდა დიდი საბაჟო გადასახადის გამო:

„ამ დამპალი ფრენგის ჩითით დუქნის პირი ავისილია,

თვალდამდგარებს ვერ შუუტყვიან, ფუხარა რომ დაესილია“.⁹⁶

აჭარის მკვიდრთა სწრაფვა თავისუფლებისა და დამოუკიდებლობისადმი ვერც ოსმალთა ბატონობის მძიმე ხანამ დათრგუნა და ვერც რუსულმა მმართველობამ გააფერმკრთალა. ბრძოლებმა მომხედურებთან თუ შინაგანმა სოციალურმა წინააღმდეგობებმა საუკუნეთა მანძილზე ზეპირსიტყვიერება გაამდიდრა გმირობისა და მამაცობის, მაღალზნეობრივი მოქალაქეობის, ქვეყნისა და ხალხის სამსახურში თავდადების სულიანკეთების გამსჭვალული საგმირო ლექს-სიმღერებით, რომლებმაც ისტორიას შემოუნახა მრავალი სახალხო გმირის სახე.

⁹⁴ შ.ფუტკარაძე, ჩვენებურების ქართული, ბათ., 1993, გვ. 98.

⁹⁵ იქვე, გვ. 54.

⁹⁶ აახლედიანი, დასახ. ნაშრ., გვ. 147.

ოსმალური მარწუხებისაგან თავდაღწეულ აჭარას დედამამშობლოსთან დაბრუნების შემდეგ თავს დაატყდა რუსული მმართველობის სიმძიმე ახალი მთავრობა რეპრესიებით პასუხობდა თავისუფლებისადმი სწრაფვას, უხეშად ერეოდა საუკუნოებრივი ტრადიციებით განმტკიცებულ ადათობრივ ნორმებში, რაც, ბუნებრივია, აძლიერებდა უკმაყოფილებას რუსული მმართველობის სისასტიკის მსხვერპლნი გახდნენ ფოლკლორში კარგად ცნობილი სახალხო გმირები: შირინ ვოდელიოლლი (შარაშიქ), მეველუდ დიასამიქ, ილიას ხილაძე, ყირიმიოლლი (მემედ დიასამიქ) და სხვ.

ვოდელიოლლი ფირალის ეპოსის ერთ-ერთი გამორჩეული პერსონაჟია მასზე ლექს-სიმღერები გავრცელებული იყო როგორც აჭარაში, ისე იმერხევეში. ვოდელიოლლის ლექსის ადრეული ვარიანტები ჩაიწერა ნ. მარმა სწორედ იმერხევეში და დაურთო საინტერესო შენიშვნები ლექსის ადრესატის ეინაობასა და წარმომავლობაზე.⁹⁷

შირინ შარაშიქ ფირალად გავიდა XIX-XX სს მიჯნაზე და ლექსიც იმავე დროსაა შეთხზული. ავტორადაც თვით ვოდელიოლლი ჩანს ამის თაობაზე ჯერ კიდევ ნ. მარმა მიუთითა. ამავე აზრისაა ფოლკლორული ტრადიციაც. მოქმედები ერთხმად აღნიშნავენ, რომ „ჭვანელი ყაჩაღი შირინა ვოდელიოლლი მის ქალს უთქვამდა ლექსებს... დიდი ლამაზი კაცი იყო. მაგას ყავდა შეყვარებული ქალი. ლექსით შაყვარა თავი“.⁹⁸

შირინ შარაშიქ პოპულარულ მეღეკსედ წარმოგვიდგება გამოთქმულია მოსაზრება, რომ „ვოდელიოლლის ლექსის“ ზოგიერთ ვარიანტში უქველესი სამონადირო ბალადის - „ავთანდილ გადინადირას“ - კონტამინირებაც თავდაპირველად სწორედ მისი ნახელავია, რადგანაც მოტივთა თანხედენილობას აქვს ადგილი.⁹⁹ ორივე გმირს სახელში ცოლი (შეყვარებული) დარჩა. სიყვდილის წინ შირინი იბარებს:

„ერთ ვოგოზე აძი დამრჩა...“

მე რომ მოვედე, სხვას მიეცით, მე კი მჯობდეს თეაღტანათა,

ჩემი ყამა და ქემერი თან გაატანეთ მზითვათა“.¹⁰⁰

ასეთივე მაღალზნობრივობით გამოირჩევა შირინის შორეული წინაპრის - ავთანდილის ანდერძიც ბალადაში „ავთანდილ გადინადირა“.¹⁰¹

შირინ შარაშიქზე შექმნილი ხალხური ლექსის ვარიანტებიდან თუ გადმოცემებიდან იგი სამართლიან შურისმაძიებლად, ადგილობრივი თვითმმართველობისა და რუსის ჯარისადმი შეურიგებელ ეაჟაკად წარმოჩინდება ფირალად გაეარდნის შემდეგ მას კიდევ უფრო დამძიმებია დანაშაული, მოუკლავს „ზაფთიებაში“ (პოლოცის უფროსი) და, ბუნებრივია, მშობლიურ კუთხეში აღარ დაედეგებოდა „ლაღატოდან მეშინია, უნდა წვედე მე ოსმალში“.¹⁰²

სახალხო გმირთა პლეადას ამშვენებს მეველუდ დიასამიქ, რომელიც თავისუფლებისათვის მებრძოლი გლეხის სიმბოლური სახეა. დ. კლდიაშვილი იგონებს „მეველუდა იყო აჭარელი ყაჩაღი, რომლის ბრბოს დიდ გასაჭირში ყავდა ჩაყენებული მთელი ადგილობრივი ადმინისტრაცია მეველუდა, სიცოცხლით სახსე ბიჭი, ერთ დროს მსახურობდა მილიციონერად და დიდ პატივისცემაში იყო. ტყუილად თუ სამართლიანად, ერთ დღეს მას დაბრალდა ვიღაც მოგზაურის გაძარცვაში მონაწილეობის

⁹⁷ Марр Н. Я., Дневник поездки в Шавшетно и Кларджетно, кн., VII, С - Пб., 1911, с. 47-53.

⁹⁸ აახვლედიანი, დასახ. ნაშრ., გვ. 187, 190.

⁹⁹ იქვე გვ. 192.

¹⁰⁰ აჭარის ხალხური ბოეზია, გვ. 66.

¹⁰¹ იქვე გვ. 58.

¹⁰² ბსკიფა, ს. 29, გვ. 133.

მიღება და დაჭერის იქნა. მეველუდა გამოძიების დროს გაიქცა, გადაეარდა და წაეიდა ყანადად. მალე ამხანაგებიც იშოვა. შეადგინა ბრძოლა და მოსვენებას არ აძლევდა აღმინისტრაციას თავის თამამი, გაბედული თარეშით.¹⁰³

მთავარმართებელი გოლიცინი, თურმე, იშუკრებოდა: „მომეცით მეველუდა, მომეცით, თორემ მთელ მხარეს აეიკლებო“. მოსყიდულმა მსტორებმა, მართლაც, დააჭერინეს მეველედ დიასამიძე და ის სიკვდილით დასაჯეს. პარადოქსია, მაგრამ ფაქტია, რომ აჭარის ზეპირსიტყვიერებაში მასზე ხალხური ლექსი არ შექმნილა, თუმცა, ზოგიერთი გადმოცემით, ასეთი ნაწარმოები თურქულ ენაზე არსებობს.

მეველედ დიასამიძის რაზმელის, ცნობილი ფირალის ილიასა ხილაძის სახელი აისახა აჭარის საგმირო-საისტორიო ლექსებშიც. იგი ფურტიოელი ყოფილა, რაზედაც ლექსის ზოგიერთი ვარიანტის დასათაურებაც („ფურტიოელი ილიასას ლექსი“) მიგვანიშნებს. ლექსის ავტორად კი მინიშნულია ცნობილი სახალხო მთქმელი რეჯეპ მუჟანაძე.¹⁰⁴

ილიასას ძმის სისხლი აულია და ტყეში გაეარდინლა ბოლოს მთავრობას შეუპყრია, სამხედრო-საეკლესიო სასამართლოს გაუსამართლებია და საჯაროდ ჩამოუხრჩვიათ. „გოლიცინის ბრძანებით... ქედაში შეჰყარეს მრავლად ქალი, კაცი, ბაეშეებიც და ილიასა საჯაროდ ჩამოახრჩვეს“, - გვაუწყებს დ. კლდიაშვილი.¹⁰⁵ ეს ამბავი უნდა მომხდარიყო 1898 წ. 28 დეკემბერს, რაზედაც „ილიასას ლექსის“ ვარიანტები მიუთითებს.¹⁰⁶

„ფურტიოელი ილიასას ლექსში“ გულსტიკივლია გამოთქმული იმის გამო, რომ „კაცის დარწმობის კანონი გამოვიდა მთავრობაში“ და რომ მოსახლეობა აიძულეს, ეყურებინა ილიასას ჩამოხრჩობისათვის. ხალხის თავშეყრის მიხანი იყო მათი დაშინება-დამორჩილება. „ეითომ ხალხმა შეშინდესო და ილიასა იმიტომ დაარწვეს ქედაში, მარა მაგით არაიენ არ შეშინებულა. ყანალობა ნიკოლას დროს კიდევ იყო.“¹⁰⁷

ლექსში ერთგვარ ჰიპერბოლასთან გვაქვს საქმე, რადგანაც მთქმელი ილიასას დასჯის დასტურს ეერთობიდან მიღებულად წარმოაჩენს

„თუ ავროფა არ უბრძანებს ხელმწიფესა და ყირალსა,
ისე კაცსა ვინ დაარწობს, იმ საკატორღე ფირალსა.“¹⁰⁸

მეფის რუსეთის მმართველობის სუსხიან ექოდ შემორჩა აჭარის საგმირო-საისტორიო ზეპირსიტყვიერებას „ყირიმლიოლლის ლექსი“, რომლის ავტორიც რეჯეპ მუჟანაძეა.¹⁰⁹

ყირიმლიოლლი, ანუ იგივე მემედ დიასამიძე, სოფელი გლეხი ყოფილა, XIX ს. დამლევეს ჩამოსულა ბათუმში და ქარხანაში დაუწყია მუშაობა. ამ ხანებში ფულს დახარბებულ წინიარსებულ მეზერჯოლდის მთავრობასთან დაუბეზღებია მასთან თავშეფარებული ყანალები: მეველედ დიასამიძე, ახმედ ყირიმლიოლლი (მემედის ძმა) და წაბლანელი ხუსია. გამთენიისას 300-კაციანი რაზმი დასხმია თავს მეზერჯოლდის სახლს, ხუსია და ახმედი მძინარენი ამოუხოცაეთ, მეველუდი კი დაჭრილი შეუპყრიათ. „აი შუუტყვია ახმედ ყირიმლიოლდის ძმას მემედას... და ამოვიდა ქედას... მივედა, დახედა კტარ ძმას... შუუქცია მის სოფელში და წვიდა.“¹¹⁰ ამ ამბის შემდეგ მემედ

¹⁰³ დ.კლდიაშვილი, ჩემი ცხოვრების გზაზე, ბათ., 1984, გვ. 31.

¹⁰⁴ ა.ახვლედიანი, დასახ. ნაშრ., გვ. 198.

¹⁰⁵ დ.კლდიაშვილი, დასახ. ნაშრ., გვ. 32-34.

¹⁰⁶ ჯ.ნოღაიძე, ნარკვევები და ჩანაწერები, წ. III, ბათ., 1977, გვ. 99; აჭარის ხალხური პოეზია, I, გვ. 69.

¹⁰⁷ ა.ახვლედიანი, დასახ. ნაშრ., გვ. 201.

¹⁰⁸ აჭარის ხალხური პოეზია, I, გვ. 69.

¹⁰⁹ იქვე, გვ. 75; ა.ახვლედიანი, ე.დავითაძე, „ჩამოთქვი, ჩემო ჩონგურო“, ბათ., 1979, გვ. 54.

¹¹⁰ ა.ახვლედიანი, დასახ. ნაშრ., გვ. 206-207.

ფირალად გაეარდნილა, მოუკლავს საში მესერჯოლი და ბოლომდე შეურიგებელი დარსენილა მთავრობის მიმართ.

ამ მკვლელობის გამო მემედ დიასამიძეს ჩამოხრნობა ელოდა ეს თვითონაც კარგად იცოდა, მაგრამ თავისი კუთხის მალაღწეობრივ ტრადიციებზე აღზრდილი ვაჟკაცისათვის მიუღებელი იყო რუსის კანონების მარწუხები და მათგან თავგზაბნულ თანამომხეთა საქციელიც. სახალხო გმირის პირით ლექსში გამოთქმულია უდიდესი სინანული იმის გამო, რომ ხალხში დასმენამ და ღალატმა იჩინა თავი ლექსში ხაზღაშმულია ყირიმლიოდლის ზნეობრიობა, მისი საქციელის სამართლიანობა. მემედი უმტკიცებს „ოქროკას“, რომ მისი შურისძიება სამართლიანია.

„ყირიმლიოდლის ლექსში“ დაგმობილია ბათუმის ოლქის პოლიციის მაშინდელი უფროსი სუმბათოვი, რომლის დროსაც აღიშართა აჭარაში პირველი სახრნობელა:

„...ოქროკაი, თუ მიხთება, ამ საქმიებით გეილანძდა,

კაცის დარწობის კანონი მის გაწერაზე გამოედა.“

ყველაზე დიდი საშინელება კი, რაც ამას მოჰყვა, ის იყო, რომ მთავრობამ აჭარის სოფლებში ეგზეკუცია ჩააყენა („რუსი სოფელში შამოედა“) და მესობლებს შორის შიში და უნდობლობა დაეთსა ლექსის სვედიანი ეპილოგი მთქმლის გულწრფელი აღსარებაა იმის გამო, რომ „მეფის ხელში დარწენილი თავს ვერ იხსნის ხელიდან“, რომ რუსმა „ღუნია ღალატობით ეილო“ და ხალხს საფიქრალი და სადარდებელი გაუწინა.

ხალხური გადმოცემით, რეჯებ მჟაენაძეს ხელისუფლებისაგან დენა განუცდია, რაკი ფირალისათვის ლექსი მოუძღვნია და შიგ ხალხის გულისტკივილიც ჩაუქსოვია ეს ბუნებრივიც იყო, რეჯებ მჟაენაძე თავისი კუთხის ღირსეული შვილია და ვერ ურიგებოდა ვერც მომხედურთა უღელს და ვერც თანამომხეთა უზნეობას ილიას ხილადის ჩამოხრნობა მას საკუთარი თვალთ უნახავს და, 25-30 წლის ვაჟკაცს, შერჯულს ხელისუფლების დაუნდობლობით, თავის ლექსებში დამკერობლისადმი ზიზი და თავისუფლებისადმი სწრაფვა ჩაუქსოვია. ამის გამო დენა დაუწყეს და ისიც თავისი ლექსების გმირების გზას დაადგა შუახევის ერთ-ერთ უღამაზეს სოფელ გომარდულში 1873 წელს დაბადებულმა სახალხო მელექსემ 1929 წელს თურქეთში, ქალაქ უდრემითის იენიჯეს რაიონში ჰპოვა სამუდამო საჯანე.

ეროვნული თმატიკის გარდა, რ. მჟაენაძის რეპერტუარში მნიშვნელოვანი ადგილი უკავია სოციალურ პრობლემებსაც.¹¹¹

ზეპირისტყვიერებაში შემინახა ხსოვნა ქობულეთელ ფირალ შამილიოდლის შესახებ. დიდი პოპულარობით სარგებლობს „შამილიოდლის ლექსი“. ირკევა, რომ იგი შეყვარებულის ძმას, ურიადნიკ მუხამედს სასიკვდილოდ გაუმეტებია შამილიოდლის ტყვია აუცდენია და მოუკლავს ურიადნიკი. ამის შემდეგ გზა უკვე ტყისაკენ მიდოდა. ფირალი გაუცია ვიდაც ქედელს, რომელსაც იგი ოჯახში მიუწვევია ლექსი გვაუწყებს, რომ შამილიოდლის ღირსეულად დაუცავს თავი და მოღალატე მასპინძელიც სიცოცხლისათვის გამოუსალმებია.

მმართველობის სუსხიანი რეჟიმისადმი აჭარის მოსახლეობის შეურიგებლობა კარგად არის გადმოცემული ჭვანის ხეობაში შეთხზულ ლექსში „ლექსი ჭვანის აჯანყებაზე“. მასში დაგმობილია დამსჯელი ჯარის აღვირახსნილობა.

აჭარის პოეტურმა ფოლკლორმა მისთვის დამახასიათებელი უშუალობითა და მიუკერძოებლობით ახასია „სედაი მილეთის“ („ხალხის ხმა“) მოღვაწეობაც. ეს ორგანიზაცია შეიქმნა ბათუმის ოლქში არსებული ბაქოს საქველმოქმედო საზოგადოების

¹¹¹ აახვლედიანი, ე.დავითაძე, დასახ. ნაშრ., გვ. 55.

განყოფილების ბაზაზე. მას იდეურ-პოლიტიკურად ხელმძღვანელობდნენ ოსმალეთის აგენტები. „სედაი მიღეთის“ ანტიქართულ პოლიტიკას იმთავითვე დაუპირისპირდა „სამუსლიმანო საქართველოს განმათავისუფლებელი კომიტეტი“.¹¹²

ოსმალეთის ჯანსაღი ნაწილის დამოკიდებულების გამომხატველია იუმორისტული „ლექსი სედაი მიღეთის ხელმძღვანელობაზე“.¹¹³ რომელშიც დაგმობილია ამ ორგანიზაციის პროოსმალური მოღვაწეობა. მასში აუბად მოიხსენიება ვინმე ბბინოვლი, რომელიც თელასაინო გეარის წარმომადგენელი ყოფილა, მაგრამ მცდარ გაზაზე დამდგარა. ბბინოვლი თანაუგრძნობდა ბორჩხელ ბერხან-ოღლის, რომელიც ოსმალთა აგენტი ყოფილა. მთქმელი კიცხავს ზაბით ბეგს, ხინოელ ხასან ეფენდის და სხვებს, რომლებიც „თურქთა დამქაშებად“ არიან შერაცხულები. ეს ლექსი არის სამშობლოს ერთიანობის მოწინააღმდეგეთა მიმართ პროტესტის ნიმუში და რეალურად გამოხატავს XX ს. 10-20-იანი წლების ვითარებას აჭარაში.

§5. საგამომცემლო საქმე

ოსმალთა მმართველობის პერიოდში ბათუმის ოლქი მოკლებული იყო პრესას და წიგნის ბეჭდვის სიკეთეს მხოლოდ შშობლიურ კერაზე დაბრუნების შემდეგ გახდა შესაძლებელი აქ წიგნებისა და ჟურნალ-გაზეთების გამოცემის და, საერთოდ, საგამომცემლო საქმის ორგანიზება.

პირველი სტამბა ბათუმში ამუშავდა 1879 წ.¹¹⁴ და იარსება 1921 წლამდე. მისი ორგანიზატორი იყო ცნობილი პოლიგრაფისტი ალექსანდრე ნიკოლოზის ძე მახარაძე.¹¹⁵ რომელიც თბილისიდან ჩამოვიდა. უკვე მომდევნო წლიდან, გვიანდელი გამოცემების მიხედვით, იგი „ტიპო-ლითოგრაფიის ფირმად“ გადაკეთდა.

აღ. მახარაძის სტამბა ბეჭდავდა განცხადებებს და ბლანკებს, ამზადებდა კონვერტებს, ღია ბარათებს, ასრულებდა სხვა ინდივიდუალურ დაკვეთებს. 1882 წლის 1 ივნისიდან დაიწყო რუსულ ენაზე ლიტერატურული და პოლიტიკური გაზეთის „ბატუმსკი ლისტოკ“-ის გამოცემა.¹¹⁶ „ჩვენი გაზეთის პროგრამა, - აღნიშნავდა აღ. მახარაძე სარედაქციო განცხადებაში, - ძალიან ნათელია და მოკლე მოვემსახურებით ადგილობრივ საჭიროებებს, ინტერესებს და სურვილებს“.¹¹⁷

1889 წ. აღ. მახარაძის სტამბაში დაიბეჭდა აჭარაში პირველი ქართული წიგნი. ეს იყო მღვდლის შეილის გერასიმე თევაძის მიერ შედგენილი „ახალი სახალხო ლექსები სედლოზედ, საღდათობაზედ და ჯიბის ფულზედ“.¹¹⁸ გაზ. „კვალი“ წერდა:

¹¹² ე.მესხია, სედაი მიღეთი. - საისტორიო მაცნე, №4, 1996, გვ. 24-34.

¹¹³ აჭარის ხალხური მოეზობა, I, გვ. 75-76.

¹¹⁴ ანჰე, ფ. 5, ან. 1, ს. 173, ფურც. 1; იქვე, ს. 148, ფურც. 7; გაზ. „წითელი მბეჭდავი“ (აჭარის პოლიგრაფთა ერთდღიანი საუბილყო გაზეთი ქართულ, რუსულ და სომხურ ენებზე), ბათი, 1923.

¹¹⁵ აღ.მახარაძე 1866 წლიდან (13 წლის ასაკში) ეუფლებოდა ტიპოგრაფიულ საქმეს. 1879 წლის დამდეგს საცხოვრებლად გადმოვიდა ბათუმში და იმავე წელს აქ მოაწყო კერძო სტამბა. მისი ავადმყოფობის (1895 წ.) და გარდაცვალების (1899 წ.) გამო სტამბას უძღვებოდნენ ჯერ მუდღეუფ ეფემია, შემდეგ კი შეილი ალექსანდრე მახარაძე.

¹¹⁶ გაზეთის პირველი 20 ნომერი დატულია რუსეთის სალტიკოვ-შჩედრინის სახელობის ეროვნულ ბიბლიოთეკაში (სანკტ-პეტერბურგი).

¹¹⁷ Газ. «Батумский листок», 1.06. 1882.

¹¹⁸ ამ წიგნის ერთი ეგზემპლარი ინახება სანკტ-პეტერბურგში სალტიკოვ-შჩედრინის სახ. ეროვნულ ბიბლიოთეკაში (საინვენტარო №6645).

„მგნა რომ იყოს, მაშინ განვიღო დროთა ჩვენთა მამა-პაპათა ძველნი სამარეშიაც კი უნდა შეიძინენ სიხარულით, რომ დღეს მათ ნატერას - ქართულ სიტყვიერებას - კვალათ მიეცა აღორძინება; ვიტყვი, რომ ძველათ, ოსმალთაგან უწყალოთ დახოცილთ და წამებულთ ქართველთა მამათა ნატერა აღსრულდა, მათი ცრემლი და სისხლი უბრალოთ არ დაინთხა, მათი ტანჯეა და წამება დროთა და ჟამთა ვითარებამ შეიწყნარა და სადაც გუშინწინ ქართველთა სისხელი და ენა ფერფლათ ქცევას და პირველ დამარხვას ეძლეოდა, დღეს იქ ჟამთა ვითარების მიუხეობთ, ქართული სტამბის ჩარხი ტრიპლეთს და ქართული წიგნები იბეჭდება“.¹¹⁹

ცნობილია ამ სტამბიდან გამოსული 26 დასახელების წიგნი - ქართულ (12) და რუსულ (14) ენებზე.

ალ. მახარაძის სტამბაში დროდადრო იბეჭდებოდა არალეგალური ლიტერატურა - რევოლუციური პროკლამაციები, ფურცლები და მოწოდებები. ამის გამო იგი ხშირად გაუჩხრიკავს ჟანდარმერიას, მაგრამ, როგორც თავად სტამბის მუშატრონე იჯონებდა, „სიფრთხილისა და მოხერხებულობის გამო არასოდეს არ ჩაეარდნილევართო“.¹²⁰

მოგვიანებით ამავე სტამბაში ქართულ და რუსულ ენებზე იბეჭდებოდა საზოგადოებრივ-პოლიტიკური მიმართულების გაზეთები: „ბათუმის გაზეთი“ (1911 წ. 15 ივლისი),¹²¹ რამდენიმე ნომერი „ბატუმსკი დენ“ (1916 წ.), „ტალღა“ (1917 წ.), „მუშის სიმართლე“ (1918 წ.).

1886 წ. ბათუმში გაიხსნა მეორე სტამბა, რომლის მუშატრონე იყო პ. ა. ლობკო. სტამბა ღებულობდა ყოველგვარ დაკვეთას, კერძოდ, ბეჭდავდა აფიშებს, პრესისურანტებს, ბლანკებს და ა.შ., აგრეთვე, რუსულ ენაზე გაზეთ „ბატუმ“-ს (1886 წ. 5 ივლისი). სტამბამ 1886 წ. ავგისტოში დაბეჭდა, აგრეთვე, პ. ს. კრასოვსკის წიგნი „სღვაზე ბანაობა ბათუმში“,¹²² რომელიც აჭარაში იყო რუსულ ენაზე პირველი ნაბეჭდი წიგნი.¹²³

1887-1888 წლების მიჯნაზე პ. ა. ლობკოს სტამბა გადავიდა ფ. ფ. კრიშტოფოვიჩის საკუთრებაში. ახალმა მუშატრონემ გამოცვალა ტექნიკური აღჭურვილობა, კერძოდ, შეიძინა „ამერიკული კონსტრუქციის დიდი-სწრაფმბეჭდავი მანქანა“ თავისი „ახალი შრიფტით, მორთულობით და საჩამომსხმელოთი“ და 1888 წ. 17 მარტს განაახლა მუშაობა.¹²⁴ იგი ბეჭდავდა კატალოგებს, ბლანკებს, აფიშებს, ღვინის, თამბაქოს ეტიკეტებს და ა.შ. აგრეთვე, განაგრძობდა გაზეთ „ბატუმის“ გამოცემას.

1893 წ. იანვრის შუა რიცხვებში ფ. კრიშტოფოვიჩის სტამბა შეიძინა ნ. პ. გურსკიამ. იგი 1888 წლიდან მუშაობდა გაზ. „ბატუმ“-ის რედაქციაში, როგორც ჩრდილოეთის სატელეფონო სააგენტოს კანტორის აგენტი, ხოლო 1893 წ. დამდეგს სტამბის სრულყოფებიანი მესაკუთრე გახდა.

ნ. პ. გურსკიას სტამბამ მნიშვნელოვნად გააფართოვა საქმიანობა ჩვეულებრივი ყოველდღიური საყოფაცხოვრებო შეკვეთების (კონვერტები, საქორწინო ბარათები, აფიშები, ბლანკები და ა.შ.) შესრულების გარდა, ბეჭდავდა სხვადასხვა ხასიათის ლიტერატურას. ცნობილია ამ სტამბის გამოცემული 30 დასახელების წიგნი ქართულ და რუსულ ენებზე. აგრეთვე განაგრძობდა გაზეთ „ბატუმ“-ის გამოცემას (1895 წ. 30

¹¹⁹ გაზ. „კვალი“, №31, 1896, გვ. 559.

¹²⁰ ამფხ. ფ. 5, ან. 1, ს. 173, ფურც. 1-6.

¹²¹ აქ და ქვემოთ მითითებულია გაზეთების მხოლოდ პირველი ნომრების გამოცემის თარიღები.

¹²² ერთი ეგზემპლარი დაცულია აჭარის არ. სახელმწიფო მუზეუმის ბიბლიოთეკაში, ორა კი რუსეთის სახელმწიფო ბიბლიოთეკაში (მოსკოვი).

¹²³ ქართული საბჭოთა ენციკლოპედიის ცნობით, პირველი წიგნი აქ დაბეჭდა 1889 წელს (იხ. „საქართველოს სსრ“, გვ. 332), რაც არ დასტურდება.

¹²⁴ Га. «Батум», 26. 02. 1889.

იელისიდან ეწოდებოდა „ბატუმ“- განცხადებათა ფურცელი). 1895 წლიდან აქვე იბეჭდება ახალი გაზეთი „ნერნომორსკი ვესტნიკ“, რომლის პირველი ნომერი 1 იელისს გამოვიდა. მოგვიანებით ამავე სტამბაში რუსულ ენაზე იბეჭდებოდა ახალი გაზეთები: „ბატუმ“ (1905 წ. 1 ოქტომბერი), „სარია“ (1906 წ. 27 მაისი), „სტრელა“ (1906 წ. 16 ივნისი) და „ბატუმსკი რაბოჩი“-ს რამდენიმე ნომერი, აგრეთვე „ქ- ბათუმის ექიმთა საზოგადოების ოქმები და შრომები“.

1908 წ. 6. 3 გურსკაიას სტამბა შეისყიდეს ნ. ი. ხეინგიამ (იგი აქ მუშაობდა 1900 წლიდან) და მისმა მეგობარმა გ. ი. ჩანტლაძემ.¹²⁵ 1912 წელს ეს უკანასკნელი მოკლეს და სტამბის ერთპიროვნული მფლობელი გახდა ნ. ხეინგია, თუმცა, მომდევნო წელს ამ სტამბაში გამოშვებულ წიგნებზე მითითებულია „ნ. ი. ხეინგია და კომპანია“. ამ შემთხვევაში სტამბის მესაკუთრეს ვიღაც უნდა ჰყავდეს შეამხანაგებულდი. ყოველ შემთხვევაში, მომდევნო წლების გამოცემებზე, ნ. ი. ხეინგიასთან ერთად, სხვა კომპანიონი არ ჩანს.

ახალმა მებატრონემ გარდაქმნა სტამბის ტექნიკური აღჭურვილობა, შეცვალა მოძველებული შრიფტი, საბეჭდი მოწყობილობა და 1910 წლიდან დაიწყო ინტენსიური საქმიანობა. ძირითადად აქ იბეჭდებოდა ქართულ და რუსულ ენებზე გამოშვებული გაზეთები „ბათუმის მოამბე“ (1911 წ. 7 მარტი), „ბატუმსკი დენ“ (1913 წ. 23 ივნისი), „ხმა“ (1914 წ. 11 თებერვალი), აგრეთვე „ბათუმის გაზეთი“ (1911-1914 წწ.), „ბატუმსკი ვესტი“ (1911-1912 წწ.), „იხვესტია“, (1917 წ.), „სეობოდნაია ჟიზნი“ (1917-1918 წწ.), „ბურვესტნიკ“ (1917-1918 წწ.), „ბატუმსკაია ჟიზნი“ (1920-1921 წწ.), „სამუსლიმანო საქართველო“ (1919-1921 წწ.),¹²⁶ „მუშათა პრესის დღე“ (1917 წ.) რამდენიმე ნომერი.

ნ. ხეინგიას სტამბა, რომელმაც იარსება 1921 წლამდე, ბეჭდავდა, აგრეთვე, პოლიტიკურ, სოციალურ-ეკონომიკურ და მხატვრულ ლიტერატურას. 1921 წლის მარტის დასაწყისში აქ დაიბეჭდა საქართველოს დემოკრატიული რესპუბლიკის პირველი – 1921 წლის 21 თებერვლის კონსტიტუცია. ცნობილია, აგრეთვე, ამ სტამბიდან გამოსული 16 დასახელების წიგნი ქართულ (მათ შორის ერთი თარგმნილია ფრანგულიდან, ერთიც ჩინურიდან) და 12 სახელწოდების წიგნი რუსულ ენებზე. აგრეთვე, ბეჭდავდა განცხადებებს, ანგარიშებს, აფიშებს და ამზადებდა საქორწინო მონაწილეებს, საფიზიტო ბარათებს და სხვ.

1895-1900 წლებში ბათუმში აქტიურ საგამომცემლო საქმიანობას შეუდგა კ. თავართქილაძისა და ა. მიქელაიშვილის სტამბა. მასთან არსებობდა წიგნის მაღაზია.¹²⁷ ცნობილია ამ სტამბის მიერ გამოცემულია 33 დასახელების წიგნი ქართულ (29) და რუსულ (4) ენებზე.

1900 წ. ბათუმში ამოქმედდა „ძმები თავართქილაძეების“ სტამბა, რომელიც 1904 წლამდე ბეჭდავდა წიგნებს, ჰქონდა წიგნის მაღაზიაც. ცნობილია ამ სტამბის მიერ გამოცემული 12 დასახელების წიგნი ქართულ ენაზე.

1900 წ. ბათუმში სტამბა გახსნეს გიორგი თავართქილაძემ, ბართლომე კილაძემ¹²⁸ და მაქსიმე წულაძემ (ეს უკანასკნელი ექვსი თვის შემდეგ ჩამოშორდა საქმეს).¹²⁹ ისინი 1909 წლამდე ერთობლივად ბეჭდავენდნ წიგნებს. ამ ხნის განმავლობაში

¹²⁵ ამხფ, ფ. 5, ან. 1, ს. 173, ფურც. 1.

¹²⁶ იყო „სამუსლიმანო საქართველოს განმთავისუფლებელი კომიტეტის“ ორგანო. რედაქცია (და სტამბა) ბოლოს მდებარეობდა მარისს გამზირზე.

¹²⁷ სტამბაც და წიგნის მაღაზიაც გახსნილი იყო მარინეს (დღეს მ. აბაშიძის) გამზირზე.

¹²⁸ ბართლომე კილაძე ამხანაგობისთან ერთად ბათუმში წიგნის ცნობილი გამომცემელი იყო. დასაწყისში სტამბა ჰქონდათ დონდუკოვ-კორსაკოვის (დღეს გამახურდას) ქუჩაზე, 1905 წ. გააღიბანეს მარინეს გამზირზე კომერციული ბანკის შენობაში.

¹²⁹ ამხფ, ფ. 5, ან. 1, ს. 143/162, ფურც. 2; ს. 173, ფურც. 1.

მათ ბევრი კარგი ნაშრომი გამოსცეს. შეგვიძლია დავასახელოთ თუნდაც ოსმალთა ბატონობისაგან ბათუმის განთავისუფლების 25 წლისთავისადმი მიძღვნილი კრებული «Ватумъ и его окрестности», რომელსაც დღესაც არ დაუკარგავს მეცნიერული ღირებულება.

1905 წ. 6 მარტს ამხანაგობა პრესაში გამოვიდა განცხადებით: „მრავალი წლის გამოცდილებამ, ტიპოგრაფიის ხელოვნებაში სპეციალურმა ცოდნამ და საქმისადმი ჩვენმა ენერგიულმა დამოკიდებულებამ შესაძლებლობა მოგვცა თანდათანობით გავუფართოოთ ჩვენს მიერ 1900 წ. დაარსებული სტამბა იმდენად, რომ დღეისათვის შეგვიძლია შევთავაზოთ ჩვენს პატივემულ კლიენტებს ყოველივე ის, რასაც ჰქვია საბოლოო სიტყვა ბეჭდვითი საქმის ხელოვნებაში. ძალებისა და საშუალებების დაუზოგავად, რომ ღირსეულად გეჰეასუხა ჩვენი კლიენტების სურვილებზე, აგრეთვე საქმის მოხერხებულობისათვის ჩვენ ამა წლის 1 იანვრიდან სტამბასთან გაეხსენით წიგნის, საწერი ქაღალდის, საკანცელარიო ნივთების მადაზია. სტამბა უშეგბს წიგნებს, ანგარიშებს, ცირკულიარებს, წერილების ბლანკებს, საეიზიტო და მისალოც ბარათებს, აგრეთვე ასრულებს ყოველნაირ ტიპოგრაფიულ სამუშაოს რუსულ, ქართულ, სომხურ და ევროპულ ენებზე“.¹³⁰

1907 წ. აპრილში გ. თეართქილაძე და ბ. კილაძე დააპატიმრეს, როგორც „აკრძალული ლიტერატურის გამოცემაში ეჭვმიტანილნი“, გაასამაროლეს, მაგრამ ბრალდება არ დაუმტკიცდათ და მალე განთავისუფლეს. უანდარმერიის მხრივ თეატალის მიუხედავად, ისინი მაინც ბეჭდადნენ არალეგალურ გამოცემებს. 1909 წ. ბ. კილაძე გადადის თბილისში, ხოლო გ. თეართქილაძე მარტო საქმიანობდა ბათუმში 1921 წლამდე. მოგვიანებით გ. თეართქილაძე იგონებდა: „მართალია, მე ვიყავი ეკრძო სტამბის პატრონი, მაგრამ ამ კულტურული საწარმოთი და დაუღალავი შრომით ეკეთებდა რეგულაციისათვის საჭირო საქმეს. იმის გამო, რომ მქონდა საკუთარი სტამბა და როგორც ოსტატს მიმყავდა საქმე, ეხმარებოდი რეგულაციას“.¹³¹

ცნობილია ამ სტამბის გამოცემული 24 დასახელების წიგნი ქართულ და 55 დასახელებისა რუსულ ენებზე. ამის გარდა, სტამბაში სხედასხვა დროს რუსულ ენაზე იბეჭდებოდა გაზეთები – „ბატუმსკი ლისტოკი“ (1906 წ.), „ბატუმსკიე იზეესტია“ (1909-1910 წწ.) და სხვ.

1899-1902 წლებში ბათუმში მოქმედებდა ვერიჩიევისა და კამენახერის სტამბა.¹³² აქვე არსებობდა სამხაზველო და საამკინძაო. გამოვლენილია ამ სტამბაში დაბეჭდილი 4 დასახელების წიგნი რუსულ ენაზე.

1902 წლის შუა რიცხვებში აღნიშნული სტამბა შეისყიდა ა. ე. კულჩიციმ. იგი მას ფლობდა 1903 წ. დამლევამდე. დადგენილია მხოლოდ 2 წიგნის გამოცემა რუსულ ენაზე. შემდეგ იგი ხ. მ. შმავესკიმ დაისაკუთრა. მის ხელში სტამბა მოქმედებდა 1921 წლამდე. ამ სტამბაში იბეჭდებოდა ლეგალური და არალეგალური გაზეთები ქართულ და რუსულ ენებზე: „ბატუმსკი ლისტოკი“ (1905 წ. 29 აპრილი), „ბატუმ“ (1912 წ. 1 სექტემბერი), „ბატუმსკიაა გაზეტა-კოპიკა“ (1913 წ. 1 სექტემბერი), „ბატუმ“ (1918 წ. 27 აპრილი), „ბატუმსკი დენ“ (1915 წ.), „ბატუმსკიე ვესტი“ (1913-1916 წწ.), „პურევესტნიკი“ (1917-1918 წწ.), „დენ სეობოდი“ (1917 წ.), „გოლოს ტრუდა“ (1919-1920 წწ.), „ეხო ბატუმა“ (1920 წ.), „ბათუმის ფურცელი“ (1920 წ.), „ბათუმის ცხოვრება“ (1920-1921 წწ.).

¹³⁰ Г аз. «Черноморский вестник», 06.03. 1905.

¹³¹ ამსფ, ფ. 5, ან. 1, ს. 164, ფურც. 15-16.

¹³² მდებარეობდა სასტუმრო „ფრანციის“ პირდაპირ, ბაბურიშვილის სახლში.

ცნობილია ხ. შმავესკის სტამბის მიერ რუსულ ენაზე გამოცემული 41 დასახელების წიგნი. აგრეთვე, იბეჭდებოდა აფიშები, ბლანკები და მზადდებოდა საქორწინო მოსაწვევები, საეიზიტო ბარათები და სხვ.

900-იანი წლების დამდეგიდან მოქმედებდა ი. ბ. მინკინის სტამბა. იგი ბათუმში იყო პირველი, რომელიც ორთქლზე მუშაობდა მას ჰქონდა უახლესი კონსტრუქციის 4 სწრაფმბეჭდავი მანქანა, საკუთარი საამქონძაო, საგრაფიორო, შტამპებისა და ბეჭდების, აგრეთვე, ქაღალდების, კონვერტების, მოსაწვევი და საეიზიტო ბარათების დასამზადებელი საამქრო საწყობითურთ. აქ ეღებულობდნენ დაკეთებს წიგნებსაც. დღეისათვის ცნობილია ა. მინკინის სტამბაში დაბეჭდილი წიგნები: 1904 წ. 9 დასახელებებისა - ქართულ ენაზე (მათ შორის ილიას და ირ. ევდოშვილის ნაწარმოებები) და 1905 წ. 2 დასახელების ქართულ და რუსულ ენებზე. აგრეთვე 1905 წ. 1 იანვრიდან იბეჭდებოდა გაზეთი „ჩერნომორსკი ვესტნიკ“-ის რამდენიმე ნომერი გადიდებული ფორმატით. სტამბა, როგორც ჩანს, 1905 წლის შემოდგომამდე მოქმედებდა, რადგან სექტემბრის შემდეგ გაზეთები მასზე ევლარაფერს ეხედებოდა.

ქუთაისის გუბერნიის უანდარმერის სამმართველოს ბათუმის ოლქის უფროსის თანაშემწის 1905 წ. 29 იანვრის პატაკიდან ჩანს, რომ 25 იანვარს ი. ბ. მინკინის სტამბის მუშებს გაუფიცვა მოუწყეიათ.¹³³

არსებობს მწირი ცნობები ბათუმში არსებული სხვა სტამბების შესახებაც. გ. პუტკინის სტამბა-ლითოგრაფია, სადაც სრულდებოდა სხვადასხვა ქრომო-ლითოგრაფიული და საგრაფიურო სამუშაოები. აქ დაიბეჭდა გაზეთი „ბურევესტნიკ“-ის რამდენიმე ნომერი, ცნობილია, აგრეთვე, 2 დასახელების წიგნი რუსულ ენაზე.

1918 წ. გ. პუტკინის სტამბის მფლობელი გახდა ნ. კარნაუხოვი და იგი ამუშავა 1921 წლამდე ამ სტამბაში იბეჭდებოდა გაზეთები: „ბურევესტნიკ“ (1919-1920 წწ.), „გოლოს ტრუდა“ (1919-1920 წწ.) „ბატუმსკი ვესტი“-ის (1919-1920 წწ.) რამდენიმე ნომერი.

1905-1921 წლებში ბათუმში მუშაობდა დ. კაპელის სტამბა,¹³⁴ რომელშიც 1909-1917 წლებში იბეჭდებოდა ჟურნალი „ბატუმსკი სელსკი ხოზიანი“ (1912 წლიდან „რუსკი სუბტროპიკი“) და ჟურნალი „ბატუმეც“, რომლის პირველი ნომერი 1910 წლის 23 აგვისტოს გამოვიდა, აგრეთვე, გაზეთი „ბატუმსკაია ჟიზნი“-ის (1921 წ.) რამდენიმე ნომერი. ამ სტამბიდან გამოვიდა 27 დასახელების წიგნი რუსულ ენაზე. აქ იბეჭდებოდა ბლანკები, პრეისკურანტები, ანგარიშები, მზადდებოდა საქორწინო და საეიზიტო ბარათები, კონვერტები და სხვ.

1908 წლიდან ბათუმში რეგისტრირებულია ა. შარიპოვის სტამბა, რომელშიც იბეჭდებოდა გაზეთები: „ბატუმსკი ენოსტი“ (1909 წლის 11 თებერვალი) და „ბატუმსკი გოლოს“ (1908 წ.). აგრეთვე, ჟურნალი „ბატუმსკი სელსკი ხოზიანი“-ის რამდენიმე ნომერი.

გვაქვს ცნობები ბათუმში მოქმედი ბერძნული სტამბების შესახებაც. აქ მუშაობდა ა. დიმიტრიადის „ბერძნული ტიპოგრაფია“, რომლიდანაც ცნობილია 1911 წელს რუსულ ენაზე დაბეჭდილი მხოლოდ ერთი წიგნი. სიცოცხლისუნარიანი აღმოჩნდა ნ. გალინოსის სტამბა, რომელშიც იბეჭდებოდა ბერძნულ ენაზე გაზეთი „ხავარგი“. ეს სტამბა მუშაობდა 1921 წლის შემდეგაც. ბოლშევიკები ამ სტამბით ინტენსიურად სარგებლობდნენ ინგლისულთა ოკუპაციის წლებშიც. ინგლისელები დარწმუნებული იყვნენ, რომ „სტამბას არ ჰქონდა რუსული შრიფტი“ და ამიტომ სერიოზულად არც

¹³³ ამხფ., ფ. 89, ან. 3, ს. 28*, ფურც. 55.

¹³⁴ 1905 წლიდან მდებარეობდა მისაილოვის ქუჩაზე, სასტუმრო „ფრანცის“ ბირდაბარ. მისამართი უცვლელია იყო შემდგომ წლებშიც.

გაუჩინებელია. ამის გამო ბოლშევიკები რუსულ ენაზე აქ შეუფერხებლად ბეჭდადენენ თავიანთ პროკლამაციებს.¹³⁵

ადრინდელის გარდა, ბათუმში არსებობდა სხვა სტამბებიც, რომლებიც ეკუთვნოდა ცალკეულ პირებს თუ საზოგადოებრივ ორგანიზაციებს. 1904-1920 წლებში გამოცემული წიგნებითა და ჟურნალ-გაზეთებით დასტურდება მ. ნ. სუკოიანის, კ. გ. პაპამოსკინის, „განათლების“, კ. ნ. ნიკიტინის, „ბათუმის საურთიერო საზოგადოების ბანკის“, „პორუჩიკ მიხაილოვის“ სტამბები. ცნობილია ამ სტამბების გამოცემული 20 დასახელების წიგნი - ქართულ (14) და რუსულ (6) ენებზე აქ იბეჭდებოდა გაზეთებიც.

ცხადია, გაცემას იწვევს პატარა ქალაქ ბათუმში ამდენი სტამბის არსებობა, მით უმეტეს, რომ ბევრი ერთდროულად და ერთმანეთის გვერდით მოქმედებდა სინამდვილეში გასაოცარი აქ არაფერია, თუ გავეცნობით ამ „საწარმოების“ ტექნიკურ აღჭურვილობას ან შესაძლებლობას, ამ მხრივ კი ისინი დიდად არ განსხვავდებოდნენ ერთმანეთისაგან. მეტწილად ეს იყო პრიმიტიული, არსებითად ერთი ან სამი საბეჭდი მანქანით აღჭურვილი სტამბა, რომელსაც ემსახურებოდა ორიდან (უმეტეს შემთხვევაში ერთი თავად მუშატორნი) ექვს მუშამდე. ამასთან, აქ დასახელებული სტამბებიდან ზოგი სრულიადაც არ იყო დასაქმებული წიგნების ან ჟურნალ-გაზეთების ბეჭდვით. მათი დიდი ნაწილი უპირატესად საამკინძაო საქმით, აფიშების, მოსაწვევი ბარათების ბეჭდვით, აგრეთვე, შტამპების, ბეჭდების, კარის გრაფიკული დაფების თუ ემალირებული აბრების დამზადებით იყო დაკავებული. და მაინც, XX საუკუნის პირველი ოცეულში ბათუმში იყო რამდენიმე დიდი სტამბა, რომლებიც გამოირჩეოდა ტექნიკური აღჭურვილობით, გამოშვებული პროდუქციის სიჭარბით, დასაქმებულ მუშათა რაოდენობით, წარმოების კულტურით.

ყველა ამ სტამბამ დიდი კვალი დააჩნია ბათუმის კულტურულ ცხოვრებას ისინი ბეჭდადენენ და აერცვლებდნენ იმ წიგნებსა და გაზეთებს, რომლებშიც თანამშრომლობდნენ ამ რეგიონის მკვიდრნიც და მშობლიური წერა-კითხვის სურნელი, სიტყობა და მადლი შეჰქონდათ უცხოელთა ხანგრძლივი ბატონობითა და ძალად თავსმოხეული უცხო რელიგიით დაბეჭდვულ ხალხში. გამოვლენილია ბათუმის სტამბებში ქართულ და რუსულ ენებზე დაბეჭდილი 316 დასახელების წიგნი, მათგან 116 ქართულ ენაზე. ბევრი ამ წიგნთაგან, განსაკუთრებით ეროვნულ-პატრიოტული შინაარსისა, საგანმანათლებლო მისიით მოვლენილმა პედაგოგებმა თუ მოგზაურებმა გააერცვლეს ბათუმის ოლქის სოფლებში, რითაც დიდი როლი შეასრულეს მოსახლეობის ეროვნულ გათვითცნობიერებასა და ქართული ხალხის ერთიანობის განმტკიცებაში.

ბათუმში წიგნებს გამოსცემდნენ ცალკეული ენთუზიასტებიც. ამ მხრივ აქტიურობდა 1911 წ. „ბათუმის გაზეთის“ რედაქტორი, ცნობილი გამოცემელი სპირიდონ ჭელიძე. იგი ბეჭდავდა და საზოგადოებას აწვდიდა არა მარტო საკუთარი შემოქმედების ნიმუშებს (კრებულები „სატირული ლექსები“, „სასიყვარულო ლექსები“), არამედ ქართველი (იროდიონ ედოშვილი, ვარლამ რუხაძე) და უცხოელი მწერლების ნაწარმოებებსაც (კრებული „ქნარი“). მანვე გამოსცა ნიკ. ბარათაშვილის ლექსების კრებული, აგრეთვე, პოლიტიკური და მეცნიერული ხასიათის ლიტერატურა, მათ შორის კ. მარქსის „საქიარო შრომა და კაპიტალი“, ე. ლიბკნეხტის „რა უნდა სოციალდემოკრატიებს“, მ. კოვალევსკის „ოჯახისა და საკუთრების წარმოშობა-განვითარება“, ანონიმი ავტორის მიერ თარგმნილი „პოლიტიკური ეკონომიის ანბანი (მრეწველობის

¹³⁵ მ. ცუქვიტარია, აქარაზა რევოლუციური მოძრაობის ისტორიის ნარკვევები, წ. 2, ბათ., 1962, გვ. 121-122.

განვითარება)“ და სხვ. ყველა ეს წიგნი დაიბეჭდა 1904-1911 წლებში ბ. კილაძის და გ. თავართქილაძის, ი. მინკინისა და სხვა სტამბებში.

ქართული წიგნების გამოცემელნი კარგად აცნობიერებდნენ იმ ფაქტს, თუ რა ხასიათის ლიტერატურის გამოცემა იქნებოდა სასარგებლო სამხრეთ-დასავლეთ საქართველოს მოსახლეობის ეროვნული თვითშეგნების ამოღებისათვის. სწორედ ამით აიხსნება ის, რომ მათ „რეკონსტრუქციის“ ჭარბად იყო წარმოდგენილი პატრიოტული შინაარსის წიგნები, მათ შორის: შოთა რუსთაველის პოემა, ილიას და აკაკის ლექსები, ნიკოლოზ ბარათაშვილის, მამია გურიელის, დავით კლდიაშვილის, ეგნატე ნინოშვილის, სიმონ გუგუნიას, შალვა დადიანისა და სხვ. ნაწარმოებები, ზაქარია ჭიჭინაძის და სხვ. ნაშრომები.

აღსანიშნავია ისიც, რომ ბათუმელ მესტამბე-გამომცემელთ უაღრესად გამახვილებული ჰქონდათ პოლიტიკური გრძობა, ცდილობდნენ არ ჩამორჩენოდნენ დროის მსვლელობას და ოპერატიულად მიეწოდებინათ საზოგადოებისათვის უმნიშვნელოვანესი პოლიტიკური დოკუმენტები. შეგვიძლია დავასახელოთ ნ. ხვინგაის სტამბის გამოცემები: „სამუსლიმანო საქართველოს განმათავისუფლებელი კომიტეტის პროგრამა და ინსტრუქცია“ (1919 წ.), საქართველოს დამფუძნებელი კრების მიერ 1921 წ. 21 თებერვალს მიღებული დემოკრატიული რესპუბლიკის კონსტიტუცია (1921 წ.) და ა.შ.

ბათუმში დიდი ყურადღებით ეკიდებოდნენ წიგნით ვაჭრობასაც. კერძო სტამბების ქართველი მფლობელები, რომლებიც ბეჭდავდნენ გაზეთებს, განსაკუთრებით წიგნებს და მათი გავრცელებით იყვნენ დაინტერესებულნი, ცდილობდნენ საკუთარი მაღალხეობის მოწოდებასაც. ამ მხრივ გამოირჩეოდა ნიკო ნიკოლაძის ძმის – მიხეილ ნიკოლაძის მაღალხეა.¹³⁶ რომელიც წიგნებით ვაჭრობასთან ერთად ეწეოდა წიგნის პროპაგანდასაც. აქ ხშირად იკრიბებოდნენ საბაასოდ არა მარტო ბათუმის ინტელიგენციის წარმომადგენლები, არამედ თბილისიდან ჩამოსული ქართული კულტურის ამბავდარნი. ბევრმა ბათუმელმა სწორედ ამ მაღალხეაში გაიცნო ქართული მწერლობის კლასიკოსები, გამოჩენილი საზოგადო მოღვაწეები.

ლიტერატორი ლეე მარანოესკი იგონებდა „1909 წ... ერთ დღეს, როცა ამხანაგებთან სამეცადინოდ მივდიოდი, იელისის პაპანაქება სიცხეში, ყოფილ მარინეს პროსპექტზე მდებარე ნიკოლაძის წიგნის მაღალხეაში, თვალი მოეკარი აკაკი წერეთლის ნაცნო სახეს. მაშინ არ ვიცოდი, რომ მგოსანი ბათუმში ელოდებოდა იტალიის გემის მოსვლას საფრანგეთში გასამგზავრებლად. მწერალთან ერთად იდგნენ ნიკო ნიკოლაძის ძმა, ქალაქის გამგეობის წევრი ვოლსკი, მწერალი დავით კლდიაშვილი და, თუ მესხიერება არ მღალატობს, ექიმები ელიაევა და მხეიძე. წიგნის მაღალხეაში შესული მოქალაქეები მოწიწებით ესალმებოდნენ აკაკი წერეთელს და მის თანმხლებთ“.¹³⁷

ბუკინისტური მაღალხეა („მეგობარი“) ჰქონდა, აგრეთვე, სპირიდონ ჭელიძეს, ბაზრის (დღეს შ. გორგილაძის) ქუჩაზე, ხედ ბაზართან (ახლა ხელოვნების მუზეუმის ტერიტორიაზე). მან იგი 1897 წ. გახსნა დაეით კლდიაშვილის სიტყვით: „ჰქონდა მაღალხეა ავსილი ძველი და ახალი წიგნებით, წიგნაკებით, ფურცლებით, გაზეთებით... დაქონდა სოფლებში, ხან ჰყიდდა, ხან ისე ავრცელებდა-არიგებდა... საქმოდ ენამეტყველი - იგი საოცარი ენერჯის პატრონი იყო, ამასთან, გულკეთილი და მოსიყვარულე ადამიანი. თავისი ტბილი სიტყვით და მოქცევით ხიბლავდა ახალგაზრდობას, რომელიც მოდიოდა მის მაღალხეაში და ხშირად მართავდა საუბარს ამა თუ იმ საგანზე“.¹³⁸

¹³⁶ მდებარეობდა მარიას ვაჭარზე თავადის ქალის გურიელის სახლში. აქ დღესაც წიგნის მაღალხეაა.

¹³⁷ იხ. ვაზ. საბუთოთა აქტარა“, 27.11.1960.

¹³⁸ დ.კლდიაშვილი, ჩემი ცხოვრების გზაზე, ბათ., 1984, გვ. 72.

სპ. ჭკელიძის მაღალის ხშირი კლიენტები იყვნენ დავით კლდიაშვილი, გრიგოლ ვოლსკი, კარლო ჩხეიძე, ალექსანდრე წულუკიძე და სხვ., აგრეთვე, საკვირაო სკოლის მსმენელი მოწინავე მუშები, ე.წ. ახალი თაობის ახალგაზრდები და ცხარედაც კამათობდნენ სხვადასხვა საჭირო ორგანოთა საკითხზე. ამის შესახებ თვით დ. კლდიაშვილი აღნიშნავდა: „მე ძლიერ მიყვარდა ამ მაღალში სიარული - მიყვარდა მისი პატრონი და მიყვარდა მოსმენა იმ გაცხარებული დაობისა, რომელიც იქ იმართებოდა ყმაწვილებს შორის“.¹³⁹

ბათუმში ცნობილი იყო აგრეთვე წიგნებისა და საწერი ქაღალდის სხვა მაღალბიბლიოთეკები. „უნიონი“¹⁴⁰, „განთიადი“¹⁴¹ და სხვ., რომლებიც ეკუთვნოდა ქართული წიგნის გამავრცელებელთა ამხანაგობებსა და საგამომცემლო სასოგადოებებს „გლეხი“, „მუშა“, „ცოდნა“, „მეგობრობა“ და ა.შ.

* * *

ხელისუფლებს მიერ ნებადართული და რეგისტრირებული ლეგალური სტამბების გარდა, არსებობდა არალეგალური სტამბებიც, ასეთი სტამბის შექმნისა და არალეგალური ლიტერატურის გამოცემა-გავრცელების პირველი ცდა ეკუთვნის ბათუმის პირველ მარქსისტულ წრეს, რომელიც 1895 წ. დაამყარა შექმნეს აქ მოქმედმა ქართველმა და რუსმა რევოლუციონერებმა.¹⁴² ქართველ მუშებში მარქსიზმის პროპაგანდის გაადვილების მიზნით, წრის ხელმძღვანელობამ გადაწყვიტა „კომუნისტური პარტიის მანიფესტის“ თარგმნა, რაც გრ. სოლორაშვილმა შეასრულა წრეს საკუთარი სტამბა არ ჰქონდა, მაგრამ გ. ფრანჩესკომ და მუშა ბევლარ მელიამ „ბევრი ცდის შემდეგ“ დაამზადეს „ქარგი პექტორაფი“, რომელზეც 1897 წ. დაბეჭდეს 100 ცალამდე „მანიფესტის“ პირველი თავი და ნაწყვეტები სხვა თავებიდან.¹⁴³ აქვე, პექტორაფზე დაუბეჭდავთ, აგრეთვე, გრ. სოლორაშვილის თარგმნილი „ერთი საუცხოო წიგნაკი“ და „რამდენიმე პროკლამაცია“.¹⁴⁴

უნდა ითქვას, რომ ქ. მარქსის ნაშრომები ბათუმში მოგვიანებითაც გამოსცეს 1905 წ. ბ. კილაძისა და გ. თავართქილაძის სტამბაში ინიციალებით (კ.მ.) დაბეჭდეს „ეაჭრობის თავისუფლება“, 1906 წელს „ჩერნომორსკის ვესტნიკის“ სტამბამ გამოაქვეყნა რ. რაქვენძის მიერ თარგმნილი „საქიარო შრომა და კაპიტალი“ და ა.შ.

ბათუმელ მესტამბეთა შორის ბ. კილაძე და გ. თავართქილაძე ყოველთვის გამოირჩეოდნენ მარქსისტულ-რევოლუციური ლიტერატურის გამოცემით. სწორედ მათთან დაიბეჭდა 1906 წ. კარლ კაუცკის რეფერატი კარლ მარქსზე (თარგმანი გიზო ანჯაფარიძისა, გამოცემა დავით შავიშვილისა), 1907 წ. სტ. დერევენსკის „რა აზრის არიან მიწის შესახებ სოც. - რევოლუციონერები და სოციალ-დემოკრატები?“ (თარგმანი მიხაკო ჯიბლაძისა), 1908 წ. ნ. როზანოვის „შრომის განმათავისუფლებელი ჯგუფი“ პლუხანოვის, ზასულჩინის, აქსელროდის და დეიჩის ბიოგრაფიებით (თარგმანი ილია ბახტაძისა) და სხვ.

რსდმ ბათუმის კომიტეტი ყოველთვის ცდილობდა საკუთარი არალეგალური სტამბის მოწყობას და აკრძალული ლიტერატურის, პროკლამაციებისა და მოწოდებების ადგილზე ბეჭდვის ორგანიზებას ამ საქმეს საფუძველი ჩაუყარა იოსებ ჯულაშვილმა, რომელმაც ქალაქის რევოლუციური ორგანიზაციის წამოყალიბებისთანავე

¹³⁹ იქვე.

¹⁴⁰ 1904 წ. იყო მიხაილოვის ქუჩის დასაწყისში, სასტუმრო „ფრანციოს“ შენობაში.

¹⁴¹ 1914 წ. მდებარეობდა მარინეს გამზირზე.

¹⁴² აბ. სურგულაძე, პირველი მარქსისტული წრე ბათუმში, თბ., 1972.

¹⁴³ ფურნ. „რევოლუციის მატთან“, №2, 1925, გვ. 87.

¹⁴⁴ ამსტ. ფ. 5, ს. 43, ფურც. 6-8.

1902 წლის დამდეგს, მოაწყო საიდუმლო სტამბაც.¹⁴⁵ ამ სტამბაში ძირითადად იბეჭდებოდა პროკლამაციები და მოწოდებები აქვე დასტამბეს ალექსანდრე წულუკიძის ე.წ. „რსდმპ ბათუმის კომიტეტის ფურცლები“. ისინი თავდაპირველად დაბეჭდეს პროკლამაციებად, ხოლო შემდეგ ბროშურად აკინძეს.¹⁴⁶

აღნიშნულმა სტამბამ, რომელიც კონსპირაციის მიზნით ხშირად იცვლიდა მისამართს, დროგამოშვებით, წარმატებით იმუშავა ორ წელზე მეტ ხანს – 1904 წ. აპრილამდე.

ნაევარდნის მიუხედავად, რსდმპ ბათუმის ორგანიზაციამ მალე კელაე მოაწყო ახალი არალეგალური სტამბა, რომელიც ინტენსიურად ბეჭდავდა პროკლამაციებს 1905-1907 წლების რევოლუციის დროს.¹⁴⁷

არალეგალური სტამბის საქმიანობა ბათუმში მნიშვნელოვნად გამოცოცხლდა 1917 წლის თებერვლის რევოლუციის შემდეგ, როცა ბოლშევიკურმა პარტიამ მიიღო ლეგალური საქმიანობის უფლება. მასში იბეჭდებოდა ბოლშევიკური განუთები ქართულ („მუშის სიმართლე“), რუსულ („ბურჟუაზიანი“) და სომხურ („მუშა და ჯარისკაცი“) ენებზე. ბათუმის ოკუპაციისას, 1918 წლის აპრილში, ეს სტამბა ხელთ იგდეს ოსმალებმა.

1919 წლის მაისში რსდმპ ბათუმის კომიტეტმა, ორგანიზაციის წევრი ასო-თამაშობი მუშების დახმარებით, არალეგალურად მოაწყო „კარგად გამართული“ სტამბა, რომელიც მოქმედებდა 1920 წლის 10 მაისამდე. მასში პროკლამაციებთან ერთად რუსულ ენაზე იბეჭდებოდა ბათუმის პროფსაბჭოს ბოლშევიკური მიმართულების გაზეთი „გოლოს ტრუდა“.¹⁴⁸

ამრიგად, XIX ს. დამლესა და XX ს. პირველ ოცწლეულში ბათუმში მოქმედმა პოლიგრაფიულმა საწარმოებმა, მათ მიერ გამოცემულმა სხვადასხვა სახის წიგნებმა და ჟურნალ-გაზეთებმა დადებითი როლი შეასრულეს ბათუმის ოლქის საზოგადოებრივ-პოლიტიკურ ცხოვრებასა და კულტურულ განვითარებაში.

§6. თეატრალური წარმოდგენები

მშობლიურ კერაზე დაბრუნებული სამხრეთ-დასავლეთ საქართველოს მოსახლეობის ეროვნულ გამოფხიზლება-გათვითცნობიერებაში დიდი როლი შეასრულა ქართულმა თეატრმა. მართალია, მისი მოღვაწეობა ძირითადად ბათუმით შემოიფარგლებოდა და ქართული სიტყვით მადლი ვერ მოჰფინა ვრცელი რეგიონის ყველა კუთხეს, განსაკუთრებით სამხრეთის რაიონებს, მაგრამ რაც გააკეთა, მაინც მნიშვნელოვანი წვლილი იყო ეროვნული ცნობიერებისა თუ სულისკეთების აღორძინებაში. ამ მხრივ დამახასიათებელია ჰაიდარ აბაშიძის ცნობილი აღსარება, რომელიც გადმოცემულია 1915 წ. გამოქვეყნებულ სტატიაში „როდის გავიგე მე, რომ ქართველი ვარ“.¹⁴⁹

¹⁴⁵ ბ.ციციტარი, აჭარაში რევოლუციური მოძრაობის ისტორიის ნარკვევები, წ. 1, ბათ., 1959, გვ. 76.

¹⁴⁶ აბ.სურგულაძე, ალექსანდრე წულუკიძე ბათუმში, ბათ., 1974, გვ. 33; აგრეთვე, ალ.წულუკიძე, თხზულებანი, თბ., 1967, გვ. 406.

¹⁴⁷ კრებ. აჭარის ისტორიულ-რევოლუციური ადგილები, გვ. 47.

¹⁴⁸ სტამბა ამუშავდა 1919 წ. 1 მაისს, 17 მაისს დაიბეჭდა აღნიშნული გაზეთის პირველი ნომერიც (კრებ. აჭარის ისტორიულ-რევოლუციური ადგილები, გვ. 50).

¹⁴⁹ იხ. ა. აბაშიძე, წერილები, ბათ., 1960, გვ. 48-50.

პიიადარ აბაშიძის ამ წერილიდან ნათლად ჩანს თეატრისა და კარგად შერჩეული რეპერტუარის დიდი მნიშვნელობა ადგილობრივი მოსახლეობის ეროვნული სულისკვეთებით აღზრდაში.¹⁵⁰ ამას კიდევ ითვალისწინებდნენ ბათუმში საგანსტროლოდ მომავალი ჩვენი თეატრალეები, რომლებიც პატრიოტული პიესებით ცდილობდნენ ქართველ მაჰმადიანებში მინაველული ეროვნული ცვეცხლის გაღვივებას ამიტომაც აქ სისტემატურად დგამდნენ ქართველი და უცხოელი ავტორების ისტორიულ-ჰეროიკული ხასიათის ისეთ პიესებს, როგორიც იყო დაჰ. ერისთავის „სამშობლო“, ვას სუმბათაშვილის „ლალატი“, კოტე მესხის „ბაგრატ IV“, აღ. ყაზბეგის „კონსტანტინე ბატონიშვილი“, აქე ცაგარელის „ქართველის დედა“ და სხვ. პიიადარ აბაშიძის აღნიშნული წერილი კიდევ ერთი მეტყველი დადასტურებაა, რომ ყოველ ასეთ დადგმას ყოველთვის ახლდა უაღრესად ეფექტური შედეგი.

ამიტომაც ქართველი საზოგადოება ფიზილად აღევენება თვალს ბათუმის სათეატრო ცხოვრებას, კერძოდ, აქ დადგმული პიესების შინაარსს ჟურნ. „თეატრი და ცხოვრება“ მძაფრად აკრიტიკებდა ეინმე ა. მამულაოვის (20-იანი წლებიდან ის პოლიეულშიც მოღვაწეობდა) სცენისმოყვარეთა დასს სწორედ რეპერტუარის გამო. „ბათუმი, რომელიც უნდა შეიქმნეს მთელი ქართველი მუსულმანების კულტურული აღორძინების ხელმძღვანელი, - წერდა ჟურნალი, - ვაჰარმა და სპეკულანტმა თავის სამოქმედო ბაზად გაიხადა. მთელი თვეების განმავლობაში, როდესაც ჯერ კიდევ არ იყო დაბრუნებული ქართველობა, ვიდაც მამულაოვა „ქველი სცენისმოყვარის“ იარღიყით მართა წარმოდგენები. ვერც ერთზე- ვერ მიიღებდი იოტის ოდენა კმაყოფილებას.“¹⁵¹

პროფესიულ თეატრალურ ცხოვრებას აჭარაში საფუძველი ჩაეყარა მშობლიურ კერაზე ამ მხარის დაბრუნებისთანავე. ბათუმის პოლიცმანისტერის დურმიშხან ჟურულის ოჯახში, სადაც იკრიბებოდა „ქართველი საზოგადოება“, შესანიშნავი დიასახლისის - ქეთევანის ინიციატივით შეიქმნა სცენისმოყვარეთა წრე.¹⁵² რამდენადაც მაშინ ქალაქში „არაფერი გასართობი არ იყო“, წრემ დიდი კულტურულ-საგანმანათლებლო მისია იკისრა და 1879 წ. 8 (20) იელისს¹⁵³ პირველ წარმოდგენად დადგა ზ. ანტონოვის „განა ბიძამ ცოლი შეერთო?“ გაზ. „დროების“ ცნობით, მას „სწრებოდნენ ბათუმის წარჩინებული პირნი. ერთხმად ისმოდა დიდი მაღლობა და თანაგრძობა... ახალ ქვეყანაში, ახალ ქართველებთან, პირველ ქართულ წარმოდგენას სკოლის გახსნის მიზნით საქმარისი შთაბეჭდილება მოუხდენია“. ამის გამო „ბუერისგან ისმობდა თხოვნა, რომ... ხშირად იყოს წარმოდგენა“.¹⁵⁴

ბათუმს მაშინ რამდენადმე ვარგისი სათეატრო დარბაზი არ ჰქონდა. ამიტომ დასმა წარმოდგენა გამართა „სამოქალაქო სასწავლებლის ეზოში მდგარ ერთ შენობაში“, რომელშიც „ასიოდე მაყურებელი თუ დაეტეოდა“.¹⁵⁵

ამ ფაქტს დაემთხვა იმხანად, 1879 წ. იელისში, ახლად აღდგენილი ქართული თეატრის გასტროლეები ბათუმში. ქეთევან ჟურულის სცენისმოყვარეთა დასს უკვე იმდენად გაღვივებინა ინტერესი თეატრალური სანახაობებისადმი, რომ ადგილობრივი საზოგადოება აღტაცებით შეხვდა ქართულ თეატრს. იგი მაშინ დასაველეთ

¹⁵⁰ ქართველმა ლიტერატურისმცოდნეებმა აღნიშნული სტატია თავისი მნიშვნელობით შეადარეს აკობ გოგებაშვილის უკედაჰ ქნილებას „იანანამ რა ჰქმნა“ (პროფ. გ.ზამბახიე). სხვათა შორის, მას შესანიშნავი ლექსი უძღვნა ფრ.ხალვაშმა [ქართული შეგნების მოესველი. ჟურნ. „საქართველოს ქალი“, №8, 1978).

¹⁵¹ ჟურნ. „თეატრი და ცხოვრება“, №4, 1920.

¹⁵² დ.კლდიაშვილი, ჩემი ცხოვრების გზაზე, ბათ., 1984, გვ. 22.

¹⁵³ გ.ბუნიაშვილი, ბათუმის თეატრი, თბ., 1979, გვ. 6.

¹⁵⁴ გაზ. „დროება“, №144, 1879.

¹⁵⁵ დ.კლდიაშვილი, დასახ. ნაშრ., გვ. 23.

საქართველოში მართაედა წარმოდგენებს და ფოთიდან გემით (რკინიგზა ჯერ კიდევ არ იყო) ჩამოვიდა ბათუმში. ეს პირველი სტუმრობა მოგვიანებით ვრცლად აღწერა ავქსენტის ცაგარელმა.¹⁵⁶

ეს აღწერა მრავალმხრივ საინტერესოა ცნობილია, რომ სამხრეთ-დასავლეთ საქართველოს შემოერთებისთანავე, ქართველმა საზოგადოებამ იღია ჭავჭავაძის მეთაურობით შემოშვა რეგიონის აღორძინების ვრცელი კულტურულ-საგანმანათლებლო პროგრამა, რომლის განხორციელებაშიც ახლად შექმნილ სათეატრო დასს საპატიო ადგილს აკისრებდა. 1879 წ. საფხულში მისი ჩამოსვლაც ამის დადასტურება იყო. ბათუმის ქართველ საზოგადოებას ღირსეულად შეუფასებია ეს ფაქტი. ამითაც უნდა აიხსნას არა მარტო „აუარებელი ხალხის“ დახვედრა ნავსადგურში, შემდეგ „სამსახურის მოხელეთა და ქართველი აფიცრობის“ დიდი ყურადღება და გულისხმიერება (ყველა სექტაკლზე „ბილეთების დატაცება“, ბანკეტები და სხვ.),¹⁵⁷ არამედ, რაც მოვარია, „მეტადრე ქართველი მაჰმადიანების“ დიდი ინტერესი. აქვს ცაგარელიც წერს, წარმოდგენებზე მათგან „ბუერი დადიოდა“ და „ძალიან მოესწონდითო“. აშკარაა, უცხოელთა ხანგრძლივი ბატონობის მიუხედავად, მკვიდრმა მოსახლეობამ არათუ დაივიწყა თავისი წარსული“, არამედ მას „სიამაყით მოუხსრობდა“. კიდევ მეტი, ქართველი მაჰმადიანები (ხიმშიაშვილი, თავდგირიძე თუ აბაშიძე) ქართული თეატრის მსახიობებს, აღმოსავლური ჩუულებრისაგან, „ხშირად იწვევდნენ“ თავისთან ყავაზე, „მიუსხდებოდნენ გვერდით“ და ესაუბრებოდნენ „ქვეყნის ბედ-იღბალზე“. ყველაფერი აინტერესებდათ: საქართველოს „ცხოვრების აე-კარგი“, „სწავლა-მეცნიერების გავრცელება“, „ეკონომიკური მდგომარეობა“ და „პოლიტიკური განწყობა“ (ეს ნათელი დადასტურება იყო 1877 წ. გამოქვეყნებულ ილიასეულ სტატიაში „ოსმალის საქართველო“ გაცხადებული დიდი ეროვნული ოპტიმიზმისა). ცხადია, ამიტომაც აქვს ცაგარელი აღფრთოვანებით წერდა: ბათუმში გექონდა „ყველამ გულითადი დახვედრა ყველგან გულწრფელი სიმპატიამ თეატრი მუდამ საესე და აღტაცებული სიამოვნება საზოგადოებისა“¹⁵⁸

თეატრის ეს პირველი სტუმრობა ბათუმში იყო უდაყოფ ღირსშესანიშნავე, რადგან საფუძველი დაუდო თეატრალურ ცხოვრებას, აგრეთვე, პროფესიული დასების გასტროლებს თითქმის ყოველ წელს ბათუმში ჩამოდიოდა ქუთაისის დრამატული დასი ლადო მესხიშვილის ხელმძღვანელობით. მის რეპერტუარში უცვლელად იყო დამყურებელთა არაერთხელ უჩვენა დავით ერისთავის „სამშობლო“, ალ. ყაზბეგის „კონსტანტინე ბატონიშვილი“, შექსპირის „ოტელო“, მონტის „გაიუს გრახუსი“, გუცკოვის „ურიელ აკოსტა“ და სხვ. როლებს ასრულებდნენ სცენის სახელოვანი ოსტატები: ლადო მესხიშვილი, ნინო ჩხვიძე, ალექსანდრე იმედაშვილი, ტასო აბაშიძე და სხვ.

ხშირი სტუმარი იყო თბილისის დრამატული თეატრიც, რომელსაც ყოველთვის ჩამოქონდა პიესები ისტორიულ თემებზე. 1904 წლის იანვრის გასტროლებისას მან წარმოადგინა ა. სუმბათაშვილის „ლაღატი“, რომელიც მოიწონა მყურებელმა გაზეთიც მაღალ შეფასებას აძლევდა მსახიობთა ოსტატობას, რამდენადაც „მწყობრად ჩატარეს მთელი პიესა“ და „საზოგადოება დიდად კმაყოფილი დარჩა“. როლები მაღალი ოსტატობით შეასრულეს ფეკმია მესხმა (სეინაბი), ვალერიან გუნიამ (ოთარ-ბეგი),

¹⁵⁶ ახ. ავქსენტის, კომედიები, იკრისაშვილის რედაქციით, წინათქმით, შენიშვნებით და ლექსიკონით, თბ., 1936, გვ. 389-392.

¹⁵⁷ ავქსენტის ადასტურებს: „ბათუმში სამი წარმოდგენა გაემართეთ: სამივეჯერ თეატრი სამსე იყო ხალხით. საწუქრება ბევრა მოხდოდათ ჩვენს არტისტ ქალებს“ (იქვე, გვ. 387).

¹⁵⁸ იქვე, გვ. 391.

კოტე ყიფიანმა (ანანია) და სხვ., ხოლო „მესხიშვილი ნამდვილი სოფელიან-ხანი იყო, დინჯი და აუწყარბეელი, ეჭვიანი, გონიერი, გულქვა, ძღვეამოსილი და მტარგალი“.¹⁵⁹

ქართული თეატრის პირველი სტუმრობა ბათუმში იმითაც აღმოჩნდა მნიშვნელოვანი, რომ დააჩქარა ქეთევან ჟურელის სცენისმოყვარეთა წრის მუდმივმოქმედ დასად გარდაქმნა. მისი წევრები იყვნენ ლევან მჭვალდიშვილი (მამა ეახტანგ მჭვალდიშვილისა, შემდეგოში მოსკოვის სამხატვრო თეატრის რეჟისორისა), კ. ბეთანელი, ი. კანდელაკი და სხვ. 1882 წლიდან ამ დასთან ახლო ურთიერთობა აქონდა დაეთ კლდიაშვილსაც, რომელიც ზოგჯერ სცენაზეც გამოდიოდა თავადაც იგონებდა, რომ ერთხელ გიორგი ერისთავის „გაყარში“ „ჩემი ნიქორთული ქართულით“ გაბრიელის როლი შეეასრულეთ.¹⁶⁰

უნდა ითქვას, რომ სცენის მტვრით „მოწამლულმა“ დ. კლდიაშვილმა შემდგომ დიდი ამაგი დასდო ბათუმის თეატრალურ ცხოვრებას იგი 90-იან წლებში სტუჟანე ხარაზიშვილთან ერთად იყო სცენისმოყვარეთა მუდმივი დასის ორგანიზატორი.¹⁶¹ მას თავის რეპერტუარში აქონდა ალ. ყაზბეგის, ზურაბ ანტონოვის, აგრეთვე, რუსი ავტორების პიესები. დასის აქტიური წევრები იყვნენ სტ. ხარაზიშვილის და-ძმები, ნიკოლაძე, ანჯაფარაძე, ლეაჩიჩაძე, სოლორაშვილი და სხვ.

ტრადიციულად იმართებოდა საღამოები თუ თეატრალური წარმოდგენები საქველმოქმედო მიზნით. შემოსული თანხით ეხმარებოდნენ ბათუმის ქართულ სკოლას, ნიჭიერ ღარიბ სტუდენტებს და კლდიაშვილი იგონებს ერთ ასეთ საღამოს, რომლის მთელი შემოსავალი (სამი ათას რუბლზე მეტი) ქართულ სკოლას გადაეცა ეს საღამო 1894 წ. ნინოობას გაიმართა გრიგოლ ვოლსკის და ივანე მესხის ინიციატივით და „არაჩვეულებრივი რამ იყო ბათუმისათვის თითქმის სამი თვე დასჭირდა მის მოწყობას, მაგრამ შრომას ტყუილად არ ჩაუვლია და საღამომ დიდებულად ჩაიარა. ეგებურთელად საზოგადო საკრებულოს დარბაზი ზღაპრულად იყო მორთული ელექტრონი, რაც იმ დროში იშვიათი იყო, - უხვად ანათებდა მთელ საკრებულოს საკონცერტო განყოფილება, რომელიც წინ უძღოდა საღამოს, შესამჩნევად იყო შემდგარი თბილისიდან მოწვეული ძალებით; ცალკე იყო მოწყობილი აზიური დარბაზი, სადაც უკრავდა თარს განთქმული მეთარე აბდულ-ბალი თავისი ამხანაგებით. საღამოზე მოწვეული იყო საყვარელი მგოსანი აკაკი წერეთელი, რომელსაც სადგურზე დაუხვდა მთლად ქართველობა და რომელსაც, გამონდა თუ არა ეაგონის კარებში, აუარებულმა ხალხმა აღტაცებით შესძახა მქუხარე ეაშა და დიდის ამბით მიაცილდა ეტლამდის აკაკიმ საღამოზე წაიკითხა თავისი ლექსები და, რაღა თქმა უნდა, დიდად აღაფრთოვანა ხალხით გაჭკედილი დარბაზი. ღამისი, შნობიანი, წარმოსადგევი პოეტი, თავისი ტკბილი ხმით, მომღიმარი სახით, მომხიბლავი შეხედულებით მართლაცდა საყვარელი იყო და ყველას თავი მოგვაწონა მისით იმ უცხოელებთან, რომლებიც მრავლად დაესწრნენ საღამოს“.¹⁶²

ნინოობის დღესასწაულის დ. კლდიაშვილისეულ აღწერილობას გარკვეულად აესებს გაზ. „ივერიის“ კორესპონდენტი, რომელიც პირადად ესწრებოდა საღამოს გაზეთში გამოქვეყნებულ კორესპონდენციაში იგი წერდა: „არტიტულმა საღამომ არტიტულად ჩაიარა... ძალიან ასიამოვნა საზოგადოება მ. ძნელადისამ პატარა, მაგრამ ხელოვნურად შემუშავებული ხმით და ღადო მესხიშვილმა და კოტე მესხმა თავიანთი

¹⁵⁹ გაზ. „ცნობის ფურცელი“, №2389, 1904.

¹⁶⁰ დ.კლდიაშვილი, დასახ. ნაშრ., გვ. 22.

¹⁶¹ ივერ. გვ. 23-24.

¹⁶² ივერ. გვ. 54.

სცენებით— ცეკვის დროს გურულ მემუსიკეთა სიმღერამ და ფერხულმა დიდი ქება გამოიწვია საზოგადოებაში, მეტადრე უცხოელებში.¹⁶³

სხვათა შორის, კორეასპონდენტნი იმედს გამოთქვამდა, ამიერიდან ნინოობა ყოველ წელს აღინიშნება. მართლაც, 14 იანვრის დღესასწაული ბათუმში შემდეგაც არაერთხელ იხეიშეს მასში, სხვადასხვა დროს, მონაწილეობდნენ ქართული ხელოვნების გამოჩენილი მოღვაწენი: ლადო მესხიშვილი, მელიტონ ბალანჩივაძე, გ. არადელი-იშხელი, ფილიმონ ქორიძე, ელ. ჩერქეზიშვილი, კოტე მესხი, ვასო აბაშიძე, ზ. გომელაური, ნ. გომიძეშვილი, ა. ჯაყელი, მიხ. კაცსაძე და მისი გუნდი, ნატო გაბუნია-ცაგარელი, აწუწუნავე, ვალ-გუნია და სხვ.

უნდა ითქვას, რომ ასეთივე საღამოები არაერთხელ გაიმართა ქობულეთის სკოლის სასარგებლოდაც, 1890 წ. 26 იანვარს წარმოადგინეს ზ. ანტონოვის კომედია „მე მინდა კნინა გაეხდე“ და აღ. ყაზბეგის გადმოკეთებული ვოდევილი „დიდა ქორწილის შემდეგ“. ამ სკოლის დასახმარებლად წარმოდგენები დადგეს აგრეთვე 1892 წ. 1 თებერვალს (ნ. კულიკოვის ვოდევილი „ალიაქოთი კეთილ ოჯახში“) და იმავე წლის 10 თებერვალს (კ. მესხის დრამა „თამარ ბატონიშვილი“).

ასევე, საქველმოქმედო მიზნით, ოლონდ ბიბლიოთეკის სასარგებლოდ, 1899 წ. მაყურებელს უჩვენეს სპექტაკლი (აექ. ცაგარელის ისტორიული დრამა „ქართველი დედა“). იმავე წლის 20 ივნისს სცენისმოყვარეებმა წარმოადგინეს, ამჯერად — მუშათა საკვირაო სკოლის სასარგებლოდ, აღ. ყაზბეგის დრამა „არსენა“, რომელსაც გაზ. „კვალის“ კორესპონდენტმა მალაღი შეფასება მისცა იგი წერდა, რომ „20 ივნისი დირშესანიშნავი დღეა ბათუმის მუშათა ცხოვრებაში... ბათუმში გაიღვიძა საზოგადო აზრმა, საზოგადო საქმეში.“¹⁶⁴

XIX საუკუნის 90-იან წლებში ბათუმში სცადეს პროფესიული თეატრის დაარსებაც. საქმის მოსაგვარებლად თბილისიდან ჩამოვიდნენ ახალგაზრდა თეატრალები (დ. რჩეულიშვილი, ი. მჭედლიშვილი, შ. საფაროვი და სხვ.). მათ შეადგინეს რეპერტუარი, რომელშიც დასადგმელად შეარჩიეს აკ. წერეთლის („კინტო“), აექ. ცაგარელის („ოინბაზი“), დავ. ერისთავის („სამშობლო“) პიესები. 1891 წ. 27 ოქტომბერს მათ, ადგილობრივ სცენისმოყვარეთა მონაწილეობით, კიდევ გამართეს პრემიერა (წარმოადგინეს აკ. წერეთლის „კინტო“), ნოემბერში და 26-29 დეკემბერს რამდენჯერმე წარმოადგინეს სპექტაკლები, მაგრამ მომდევნო წლიდან დასს აღარ განუახლებია დადგმები და საქმეც ამით დამთავრდა. პროფესიული თეატრის არსებობისათვის, როგორც ჩანს, იმხანად ნიდაგი ჯერ კიდევ არ არსებობდა.¹⁶⁵

პროფესიული დასის შექმნის ცდა განმეორდა 1902 წელსაც. ამჯერად ინიციატივა იკისრეს ადგილობრივმა სცენისმოყვარეებმა. 5 მაისს მათ კრებაც მოიწვიეს გაზ. „კვალის“ ცნობით, შეკრებილებმა საქმისადმი გულგრილობა გამოავლინეს და ცალკეულ ენთუზიასტთა (ნესტორ კალანდარიშვილი) აქტიურობის მიუხედავად (კომიტეტი კი აირჩიეს), საბოლოოდ მაინც უშედეგოდ დაიშალნენ.¹⁶⁶

სხვადასხვა წლებში იყო რუსული თეატრის შექმნის ცდებიც. 1904 წელს ეინმე ტიურკინმა მოაწყო სახალხო თეატრი (დღევანდელი ლერმონტოვისა და ზ. გორგილაძის ქუჩების გადაკეთაზე), რომელიც წარმოდგენებს მართავდა ქართულ, რუსულ და სომხურ ენებზე. იგი დროგამოშვებით მოქმედებდა 1915 წლამდე.

¹⁶³ გაზ. „ივერია“, №18, 1894.

¹⁶⁴ გაზ. „კვალის“, №26, 1899.

¹⁶⁵ გ. ბუნხიკაშვილი, დასახ. ნაშრ., გვ. 22.

¹⁶⁶ გაზ. „კვალის“, №20, 1902.

ანალოგიური იყო ე.წ. „სამერული საკრებულოს“ ქართულ-რუსული თეატრალური წრე გ. შილოვის ხელმძღვანელობით, რომელიც წარმოდგენებს მართავდა 1914-20 წლებში (დღევანდელ ნ. ბარათაშვილის ქუჩაზე, ე.წ. სპეცპოლიცენიკის ადგილას). 1917 წ. ივლისიდან მოქმედებდა ლანსკის თეატრი „ქელ-მელი“ (დღევანდელ კ. გამსახურდიასა და ს. ახმეტელის ქუჩების კუთხეში).

1912 წ. ბათუმში ქართული თეატრის ჩამოყალიბებას სათავეში ჩაუდგა შალვა დადიანი, 28 ავისტოს გაიმართა სცენისმოყვარეთა კრება შეიქმნა ამხანაგობა (ანტონ კორშევი, ელო ანდრონიკაშვილი, სტეფანე ხარაზიშვილი, სანდრო ყალაბეგიშვილი, სანდრო ხურციძე და სხვ.). რეისორად და ამხანაგობის საქმეთა გამგებლად აირჩიეს შალვა დადიანი. ახალდაფუძნებულ თეატრს ეწოდა „მოგზაური დასი“, რომელმაც იმავე წლის 15 სექტემბერს ლანდრეევის პიესით „გაუდვამუს“ შმავესკის თეატრში გახსნა თავისი პირველი სეზონი. ასე ჩაეყარა საფუძველი მესამე (თბილისის და ქუთაისის შემდეგ) პროფესიულ თეატრს ბათუმში.¹⁶⁷

1913 წ. მაისში დაარსდა ბათუმის დრამატული საზოგადოება. მის თავმჯდომარედ აირჩიეს ივანე მესხი. ამან კიდევ უფრო განამტკიცა თეატრის პოზიციები. ამის შედეგი იყო მისი პირველი გახსნა ქუთაისში. ბათუმელებმა ამ დროს ქუთათურებს უწყენეს ნინო ნაკაშიძის იმხანად პოპულარული „ვინ არის დამნაშავე?“

1915 წლიდან ბათუმის თეატრმა განაახლა წარმოდგენები და ცვალებადი წარმატებით მოქმედებდა 1918 წლამდე. უცხოელთა ოკუპაციისთანავე შეწყდა თეატრალური დადგმები, თუმცა, მცირე ხნით. 1920 წლის ივლისში ქალაქი საბოლოოდ შემოვიდა საქართველოს დემოკრატიული რესპუბლიკის იურისდიქციაში და „სახალხო წარმოდგენების მმართველმა წრემ“ ეასო ურუშაძის ხელმძღვანელობით ააღორძინა თეატრალური ცხოვრებაც. უკვე 25 ივლისს მან რამდენიმე ნაწარვეად გამართა პირველი სპექტაკლი - წარმოდგენის ია კვალაძის „ნომერი ოცდაერთი ჯგერით“, მაგრამ მან მაყურებელზე მინც დიდი შთაბეჭდილება მოახდინა. „ის ერთსულოვნება და საქმისადმი სიყვარული, რაც ამ წრემ ამ საღამოს გამოიჩინა, იშვიათია. ყველა გატაცებით და დაკვირვებით ასრულებდა ნაკისრ მოვალეობას,¹⁶⁸ - წერდა წარმოდგენის დამსწრე თბილისელი კორესპოდენტი.

საერთოდ, ქართული თეატრები, და კერძოდ, ბათუმის თეატრი, წარმოუდგენლად რთულ პირობებში მუშაობდა. მას არ ჰქონდა თავისი მუდმივი ფულადი ფონდი. ამიტომ მსახიობებს არ ეძლეოდათ ხელფასი. ასე რომ თეატრის არსებობა მთლიანად დამოკიდებული იყო წარმოდგენების დადგმით მიღებულ შემოსავალზე. ეს კი იმდენად მიზეზური იყო, რომ თეატრი ყოველ სეზონს დიდი ზარალით ამთავრებდა. ამ დანაკლისის შეესებას ცდილობდნენ საქველმოქმედო საღამოების გამართვით, მაგრამ მსახიობებს მინც გაჭირვებით გაჰქონდათ თავი და ფანატიკური სიყვარულის გამო ვერ ელვოდნენ თავიანთ პროფესიას.

ბათუმელი მაყურებელიც ასეთივე ერთგულებით და თავდადებით პასუხობდა თავის თეატრს. ამ მხრივ დამახასიათებელია 1912 წ. 26 დეკემბრის ეპიზოდი. მაშინ თეატრმა დადგა რევოლუციური შინაარსის გამო აკრძალული პიესა „როს ნადომობდენა“. შ. დადიანმა ის გააპარა სხვა სათაურით („ცხოვრების მეჯლისი“), თანაც სპექტაკლის შემდეგ მსახიობებმა და მაყურებლებმა იმდერეს „მარსელიოზა“. ამბავი გახმაურდა. გახ. „სახალხო გაზეთში“ (1913 წლის 4 იანვარი) დაბეჭდილი რეცენზიით ცენზორიც მიხვდა, რომ მოატყუეს აღიძრა საქმე. მართალია, რეცენზენტმა გაზეთის

¹⁶⁷ გ. ბუხნიკაშვილი, დასახ. ნაშრ., გვ. 49.

¹⁶⁸ ურნ. „თეატრი და ცხოვრება“, №28, 1920.

(მათ შორის თვედორე შალიაიანი). 1906 წ. ბათუმში საცხოვრებლად ჩამოვიდა მუსიკისმცოდნე მარია სეიშნეესკაია, რომელმაც ჩამოაყალიბა „სამსახიობო წრე“. 1907 წ. 10 თებერვალს მან წარმოადგინა ოპერა „აიდას“ პირველი აქტი, ხოლო იმავე წლის 25 აპრილს - „მძინარე მუსეუნახაი“.

ასე გააქტიურებული თეატრალური ცხოვრების მიუხედავად, ბათუმში კარგა ხანს არ იყო თეატრისათვის რამდენადმე გამოსადეგი შენობა თავდაპირველად წარმოდგენილი იმართებოდა სამოქალაქო სასწავლებლის ეზოში მდგარ პატარა შენობაში, რომელიც, როგორც აღინიშნა, მხოლოდ 100 მაყურებელს იტევდა. 1881 წელს ააგეს 400-ადგილიანი შენობა დონდუკოვ-კორსაკოვის (დღეს გამსახურდიას) ქუჩაზე. მალე იგი გადაიტანეს ანანიევის მამულში (დღეს ვაჟა-ფშაველას და მემედ აბაშიძის ქუჩების კუთხე). ამიტომ მას, სოფჯერ, ანანიევის თეატრსაც ეძახდნენ (დაანგრის 1890 წელს). 1889 წელს ააგეს ქალაქის საზოგადო საკრებულოს შენობა (ყოფილი ოფიცერთა სახლი). იგი კი დაიწვა 1900 წელს, მაგრამ ორი წლის შემდეგ ისე აღადგინეს. შენობა უდავოდ იყო ძველი ბათუმის ერთ-ერთი დიდი ნაგებობა. მას ჰქონდა ვრცელი საცკევაო დარბაზი, თუმცა სცენა იყო შესამჩნევად მცირე. ამის მიუხედავად, იგი დიდხანს ასრულებდა დრამატული თუ საოპერო თეატრის მოვალეობას. აქ დაიდგა არაერთი სპექტაკლი, საგასტროლოდ ჩამოსულ მრავალ მომღერალს შეუსრულებია რომანსები თუ საოპერო არიები (ეს შენობა ტერიტორიის კეთილმოწყობასთან დაკავშირებით 1997 წელს დაანგრის).

XIX საუკუნის 90-იან წლებში ბათუმში თავისი დასით ჩამოვიდა ანტრეპრენორი ტომსკი. წარმოდგენებისათვის მან დაიქირავა ახლანდელი ცირკის ადგილზე არსებული ბელგიელი კომერსანტის მ. მარშოს რკინის ნაკეთობათა დიდი საწყობი. ტომსკიმ აქ მოაწყო საკმაოდ ვრცელი კლუბი 900 ადგილით. მოგვიანებით ეს შენობა იჯარით აიღო ადვოკატმა იურკეიშიმა, რომელმაც მცირე რემონტისა და შიგა სივრცის შეფიცვრის შემდეგ გახსნა თეატრი (გ.წ. „რკინის თეატრი“). ეს ნაგებობა 1924 წლის დიდთოვლობისას ჩაინგრა.

1916 წ. სტამბის მფლობელმა და წიგნების ცნობილმა გამომცემელმა შმავესკიმ თეატრისათვის ააგო სპეციალური დიდი შენობა (ყოფილი ხალხური შემოქმედების საოლქო სახლი), რომელიც დიდხანს დირსეულად ასრულებდა თავის ფუნქციას (დაანგრის 1989 წ.).

* * *

ქართველი საზოგადოება თეატრალურ წარმოდგენებს რომ ვუყვებოდნენ იყვნებდა პატრიოტული იდეების პროპაგანდისათვის, ამის თვალსაჩინო ნიმუშია პირველი სპექტაკლი ქობულეთის რაიონის სოფელ ხუცუბანში. იგი ადგილობრივი სცენისმოყვარეების მეშვეობით განახორციელა ცნობილმა პედაგოგმა და საზოგადო მოღვაწემ არსენ წითლიძემ.

ა. წითლიძე 1916 წ. დამდგვიდან დაუკავშირდა ხუცუბანს, როდესაც „ქართველთა საქველმოქმედო საზოგადოებაში“ აქ გახსნა სკოლა და იგი მის გამგედ დანიშნა.¹⁷¹ აღნიშნული სკოლა მალე გადაიქცა სოფლად ახალი ცხოვრების ჭეშმარიტ შუქურად, რადგან ახალგაზრდები (და უფროსი თაობის ადამიანებიც) აქ მარტო მშობლიურ ენაზე წერა-კითხვას კი არ სწავლობდნენ, არამედ ჭრა-კერვას, ხელსაქმეს და მეურნეობის საფუძვლებსაც ეუფლებოდნენ. სკოლის პედაგოგიურმა პერსონალმა (გამგე ა.წითლიძე, მასწავლებლები თამარ დარეჯანაშვილი, ბაბო ბრეგაძე) უანგარო სამ-

¹⁷¹ აბსურგულაძე, პირველი სკოლა ხუცუბანში. ფურნ. „ქობოლი“, №4, 1987.

სახურით ღრმა კვალი დაამინია ხუცუბუნელთა სულიერ ცხოვრებას. ყველა, ვინც პირადად იცნობდა აწითლიძეს, იგონებს, რომ არა თუ ნაცნობები ან მოწაფეები, არამედ შემდეგ დაბადებულებიც კი, დიდი სიყვარულით მოიხსენიებდნენ პირველი გამგის პიროვნებას, ამაგსა და კამსახურებას.

ხუცუბანში ა წითლის ხელმძღვანელობით ორგანიზებული კულტურულ-საგანმანათლებლო საქმიანობიდან უდავოდ აღსანიშნავია პირველი თეატრალური წარმოდგენის გამართვა ამ მიზნით მან 1920 წ. ზაფხულში ხუცუბანში მიიწვია ცნობილი პროფესიონალი მსახიობი ალიოშა (ანდრო) ჯაყელი, რომელმაც მასწავლებელ ქიშვარდ მეგრელიძესთან ერთად შეარჩია ადგილობრივი სცენისმოყვარენი და დაიწყო სპექტაკლის რეპეტიციები.¹⁷² ასეთი რამ მანამდე უცნობი იყო არა მარტო ხუცუბნისათვის, არამედ აჭარის სოფლებისთვისაც საერთოდ. ამიტომ ადგილობრივი მოსახლეობა მას დიდი ინტერესით შეხვდა.

მოგონებაში „45 წელი სასოფლო სცენაზე“ ა. ჯაყელი აღნიშნავს თავისი მუშაობის შესახებ „ბათუმში და მის რაიონებში“, „წარმოდგენებში აჭარელი ახალგაზრდების მონაწილეობაზე“, მაგრამ გაკერით და ძალზე ზოგადად. სხვათა შორის, იგი არ მოიხსენიებს არც ხუცუბუნელთა სპექტაკლს, რაც ცხადია, ართულებს იმ პირველი დადგმის სრული ისტორიის აღდგენას. ამ ხარვეზს მნიშვნელოვნად აესებს აწგარდაცვლილი სულიმან კაიკაციშვილის მოგონებები. ს. კაიკაციშვილი ჯერ კიდევ რევოლუციამდე სწავლობდა თბილისის ქართულ გიმნაზიაში, ბინად კი ცხოვრობდა ცნობილი საზოგადო მოღვაწის დავით კარიჭაშვილის ოჯახში, სადაც სისტემატურად ხვდებოდა ქართული ინტელექტუალის შესანიშნავ წარმომადგენლებს.

ს. კაიკაციშვილი იგონებს არსენ წითლიძეს თურმე დასადგმელად შეურჩევი აკაკი წერეთლის ისტორიული დრამა „პატარა კახი“. მართალია, მონაწილე ძალებისათვის იგი მეტად რთული იყო, მაგრამ სკოლის ხელმძღვანელი საეხებით სამართლიანად ფიქრობდა, რომ ისტორიული ნაწარმოებით მოსახლეობას დაანახებდა ქართული ხალხის თავგანწირულ ბრძოლას, მის გმირულ წარსულს და მით კიდევ უფრო გაუძლიერებდა პატრიოტულ გრძობებს. პატარა კახს თვით ა. ჯაყელი ანსახიერებდა, ხოლო სხვა როლებს ასრულებდნენ სოფლის ე.წ. „გამოსული ახალგაზრდები“: ოსმან მოწყობილი, ოსმან და ხასან მუჟანაბეები, ხუსეინ და შუქრი კაიკაციშვილები, იუსუფ მახარაძე, მურად წერეთელი, არიფ პაპუნაიშვილი, ხასან ყულუჯიშვილი, მუჰამედ ხარაზი, ხუსეინ შაქირიშვილი, ხუსეინ ნაკაიძე, აგრეთვე, მოწვეულნი ამაღლია სიმონიძე, გაიოზ წულაძე, კოტე ერქომაიშვილი, რკინიგზელი გვაღია, ქობულეთის სადგურის მოღვაწე ელენე (პირველის სახელი და მეორის გვარი უცნობია) და სხვ. მასობრივი სცენებისათვის დამდგმელმა ნადურის საუკეთესო მომღერალ-შემსრულებლები შეარჩია.

რეპეტიციები ერთ თვეს მიმდინარეობდა. პიესა „გააზრებულად დამუშავდა“. განსაკუთრებით „საამო იყო მასობრივი სცენა, სადაც ნადი ყანას ამუშავებდა და სიმღერას დასახოდა“. ბოლოს დაინიშნა სპექტაკლის წარმოდგენის დღეც.

წარმოდგენისათვის რამდენადმე ვარგისი შენობა ხუცუბანს არ გააჩნდა. ამიტომ სკოლის შენობაზე შეაჩერეს არჩევანი. სხვათა შორის, სკოლას არ ჰქონდა დარბაზი, მაგრამ სცენისმოყვარე ენთუზიასტებმა გამოიღეს სკოლის ერთი შიგა კედელი და ასე სახელდახლოდ მოწყობილ დარბაზში გამართეს სცენა. სცენის მოსაწყობად საჭირო ფიცრები და „დეკორაციები“ (ფარდაგები, ჭურჭელი, სკამები) მოსახლეობიდან მოიტა-

¹⁷² ა. ჯაყელი, 45 წელი სასოფლო სცენაზე, თბ., 1952, გვ. 60.

ნეს, ყველაზე ბოლოს განათების საკითხიც მოუგვარებიათ. ხუცუბანსა და სამებაში ძლიერ შეუგროვებიათ 7 ცალი დასაკიდი ნაეთის ლამფა.

წარმოდგენის დღე - 19 აგვისტო - ხუცუბნელთათვის ნამდვილ ზეიმიად გადაიქცა. 12 საათზე სკოლის ეზოში დაიგუგუნა სასულე ორკესტრმა. მალე ხალხიც შეიკრიბა. წარმოდგენას ბათუმიდან ესწრებოდა „სამუსლიმანო საქართველოს განმათავისუფლებელი კომიტეტი“ პასუხისმგებელი მუშაკი ისმაილ თეგზაძე, რომელსაც სასულე ორკესტრთან ერთად თან ამოყვანა ფოტოგრაფიც.¹⁷³ გართობა-მხიარულების შემდეგ (ეზოში ბუფეტიც იყო გამართული და სასაბლიო მაგიდებიც გაშლილი). დაირქა ზარი და შეკრებილი ხალხიც დაიძრა შენობისკენ. დაიწყო სპექტაკლი. წარმოდგენა „ისეთი სილამაზითა და ხალისით მიდიოდა, რომ ჩაუერებლები დიდ კმაყოფილებას გრძობდნენ... როცა მასობრივ სცენაში ხალხმა თავისივე ნათესავ-მეზობლები დაინახა“.

წარმოდგენის შემდეგ ა. წითლიძეს დიდი ეახშიმი გაუმართავი ჩამოსული სტუმრების, სოფლის პატრისაცემი ადამიანებისა და სცენისმოყვარეებისათვის. ხუცუბანში პირველი სპექტაკლის გამო შეკრებილთ მიხსალდებინ ა. წითლიძე, ი. თეგზაძე, ა. ჯაყელი. საპასუხო სიტყვები წარმოთქმეს ოსმან მოწყობილმა და იუსუფ მახარაძემ. ი. თეგზაძის წინადადებით, ეახშიმზე ღეკსები წაუეთხაეთ სულეიმან კაიკაციშვილსა და „განსაკუთრებით მგრძნობიარედ“ ხუსეინ ნაკაიძეს ბოლოს შეკრებილებმა და სპექტაკლის მონაწილეებმა გადაიღეს ერთობლივი სურათი და უაღრესად კმაყოფილები გამოემშვიდობნენ ერთმანეთს.

ხუცუბანში გამართული ეს პირველი სპექტაკლი საინტერესოა, აგრეთვე, ეროვნული თეატრის ისტორიის თვალსაზრისითაც. საქმე ისაა, რომ პირველი მსოფლიო ომის (1914-1918) განაღების შემდეგ ბათუმში შეწყდა თეატრალური დადგმები. მართალია, 1916 წელს ა. ჯაყელმა შექმნა სცენისმოყვარეთა წრე და რამდენიმე წარმოდგენაც (ა. ცაგარელის „რაც გინახავს, ვეღარ ნახავ“, ა. წერეთლის „პატარა კახი“, დ.ერისთავის „სამშობლო“ და სხვ.) გამართა, მაგრამ ბათუმი და მთელი აჭარა 1918-1920 წლებში უცხოელთა ბატონობის ქვეშ მოექცა და თეატრალური ცხოვრება აქ ისევე ჩაქვდა.¹⁷⁴ მართალია, ერთხანს აქ სპექტაკლებს მართავდა მამულიოვი, მაგრამ მისმა „ვერც ერთმა წარმოდგენამ“ ხალხს „იოტისოდენა კმაყოფილება“ ვერ მოუტანა.

ასეთ ვითარებაში ხუცუბანში განხორციელებულ წარმოდგენას მცირე, მაგრამ საპატიო წვლილი შეჰქონდა ეროვნული თეატრალური ტრადიციების აღდგენა-გააქტიურებაში. ამასთან ისტორიულ თემაზე პიესის დადგმით ხუცუბნელმა სცენისმოყვარეებმა, საცსებით სამართლიანად, ხაზი გაუსვეს ქართული თეატრის მნიშვნელობას უცხოელთა ბატონობისაგან განთავისუფლებული მოსახლეობის ეროვნულ-პატრიოტული სულისკვეთების ამადლებასა და კულტურულ აღორძინებაში.

ცნობილი არაა, რამდენჯერ წარმოდგინეს აღნიშნული სპექტაკლი ხუცუბანში, უჩვენეს თუ არა იგი მეზობელი სოფლების მცხოვრებთ, მაგრამ ფაქტია, სკოლის ხელმძღვანელობა თეატრალურ დადგმებს, როგორც მასების აღზრდის მძლავრ საშუალებას, მომდევნო ხანაშიც დიდი ყურადღებით ეკიდებოდა. ბათუმური გაზეთის „პროლეტარული ბრძოლის“ უცნობი კორესპონდენტი, რომელმაც 1922 წლის 25 სექტემბერს ინახულა ხუცუბნის სკოლა, აღფრთოვანებული წერდა: „მოწაფეები

¹⁷³ აღნიშნული პატრიოტული ორგანიზაციის ინტერესს წარმოდგენისადმი არ იყო შემთხვევითი. მაშინ ქობულეთის მხარეში აქტიურობდნენ პროთურქული „სუდანი მილითის“ მომხრეები, რომლებიც ეწინააღმდეგებოდნენ მშობლიურ ეკრანა აპარის დაბრუნებას. ამიტომ კომიტეტი თვლიდა, რომ ხუცუბნელთა სპექტაკლი, პოლიტიკური თვალსაზრისით, იქნებოდა ეროვნული ერთიანობის იდეის კადავების საუკეთესო საშუალება.

¹⁷⁴ გ.ბუნიაკაშვილი, დასახ. ნაშრ., გვ. 59-62.

წარმოდგენის გამართვას აპირებდნენ და რეპეტიციებს გადიოდნენ. ამ საფუხელში ამ ახალგაზრდობამ ხუცუბანში და მის მახლობელ სოფლებში სამი სხვადასხვა წარმოდგენა გამართა. ასე წარმოდგინეთ, ერთ სოფელში, გარდა კაცებისა, წარმოდგენას პირ-ჩადრიანი „ხანუმებიც“ დასწრო.¹⁷⁵ მართალია, ცნობა ძალზე მწირია - კორესპონდენტი არ უთითებს პიესების სახელწოდებებს, როლების შემსრულებლებს, არც იმ სოფლებს, სადაც „გასტროლებზე“ იყვნენ სკოლის სცენისმოყვარენი, მაგრამ „სამი სხვადასხვა წარმოდგენის გამართვა“ და მეოთხის რეპეტიციები, „საგასტროლო“ გასვლები მესობელ სოფლებში, სპექტაკლებზე „პირ-ჩადრიანი ხანუმების“ დასწრებაც იმის მიანეგებელი იყო, რომ თეატრი და თეატრალური წარმოდგენები მტკიცედ მიკვიდრებოდა აჭარის ყოფა-ცხოვრებაში.

§7. სამედიცინო სამსახური

პირველი სამედიცინო დაწესებულება ბათუმის ოლქში იყო სამხედრო ჰოსპიტალი, რომელიც რუსეთის ჯარის შემოსევისთანავე გაიხსნა ბათუმში. თავიდან იგი განლაგდა ზღვისპირას დროებით კარებებში, ერთი წლის შემდეგ კი აშენდა ბარაკები. ჰოსპიტლის პირველი მთავარი ექიმი იყო მედიცინის დოქტორი კაზიმირ ალექსანდრეს ძე სევერინი.

ოლქის სამხრეთ ნაწილში კავკასიის სამხედრო სამედიცინო სამმართველომ დანიშნა თავისი უფროსი ექიმები: არტაანში - მ. ა. დავიდოვი, ოლთისში - ი. ნ. ბულგაკოვი, ართვინში - ი. ი. პლიაპისი, რომლებიც ძირითადად ემსახურებოდნენ ოფიცრებს და მათი ოჯახის წევრებს, შეძლებისდაგვარად მეთვალყურეობდნენ ინფექციური დაავადებების თავიდან აცილებას.

1897 წ. ართვინში გამოიწინა ქართველი ექიმიც - ლეონტი ლუარსაბის ძე გოცი-რიძე, ის უშუალოდ ემსახურებოდა მოსახლეობას და შედეგად კარგი ჰქონდა.¹⁷⁶

ბათუმის ჰოსპიტალი მხოლოდ სამხედროებს ემსახურებოდა. გამონაკლისი დაშვებული იყო მდიდარი ფაბრიკანტების ან მსხვილი ჩინოენიკების მიმართ. ჰოსპიტლის პერსონალს ვეალებოდა, აგრეთვე, ინფექციური და ენდემური დაავადებების წინააღმდეგ პროფილაქტიკური მუშაობა. ამ გზით ადმინისტრაცია ცდილობდა სამხედრო ნაწილებისათვის გადაადგილებების და განსაკუთრებით საშიში ინფექციების აცილებას. ეს ობიექტურად ადგილობრივი მოსახლეობის დაცვაც იყო.

დასავლეთ საქართველოში მაშინ მძინეარებდა ე.წ. „ჭაობის ცხელება“ (მალარია). 1883 წლიდან 1892 წლამდე, ე.ი. თითქმის ათი წლის განმავლობაში, ჰოსპიტალში იმკურნალა 5343 კაცმა, წლიურად საშუალოდ 530 ავადმყოფმა. მათგან მესამედი, ე.ი. დაახლოებით 1800 ავად იყო მალარიით. აქედან ნათელია, მალარიის ფონზე როგორი დიდი იქნებოდა სხვა დაავადებების ხედრითი წილი. მდგომარეობას უკიდურესად ართულებდა სათანადო სტაციონარული დაწესებულების უქონლობა. ფაქტობრივად, ბათუმში არც ერთი სამოქალაქო ექიმი არ მუშაობდა. 1878 წ. დაინიშნა ე.წ. ქალაქის ექიმი, რომელიც მხოლოდ სასამართლო - სამედიცინო ექსპერტის მოვალეობას ასრულებდა. მის ფუნქციებში არ შედიოდა ავადმყოფთა მკურნალობა, ამ

¹⁷⁵ ვაზ. „პროლეტარული ბრძოლა“, №471, 1922.

¹⁷⁶ Кавказский календарь, Тиф., 1897.

თანამდებობაზე პირველი დღიდანვე მუშაობდა ფეოლორ ალექსანდრეს ძე შეფერო.

ორი წლის შემდეგ სწორედ ფ. შეფერმა დააყენა მცირე სტაციონარით ქსენონის გახსნის საკითხიც. ასეთი დაწესებულება მართლაც გაიხსნა დროებით ის კერძო ბინაში მოთავსეს. მხოლოდ 1887 წ. ფ. შეფერისავე ინიციატივით ყოფილ ეოსნესენსკის (ახლა მედიკოსვილის) ქუჩაზე აშენდა 25-საწოლიანი, აჭარაში პირველი სახელმწიფო სამედიცინო სტაციონარული დაწესებულება, სადაც 1902 წლამდე მუშაობდნენ ფ. შეფერი (გარდაიცვალა 1892 წ. ქოლერის ეპიდემიის დროს), გრგოლ ელიაევი, ტიმოლეონ ტრიანტაფილიდესი, მისი მეუღლე ვალენტინა, კონდრატი მხეიძე და სხვ.

1890 წელს ბათუმის საქველმოქმედო საზოგადოებამ მარინეს (ახლა მემედ აბაშიძის) პროსპექტზე ღარიბებისათვის გახსნა უფასო ამბულატორია, რომელიც 12 წლის შემდეგ დაიხურა ფულადი სახსრების უქონლობის გამო. საყურადღებოა, რომ ამბულატორია წლიურად საშუალოდ 4000-მდე ავადმყოფს ღებულობდა.¹⁷⁷

ბაქო-ბათუმის რკინიგზის გაყვანის შემდეგ დიდად იმატა რკინიგზელთა რიცხვმა. მათ არ გააჩნდათ საკუთარი სამედიცინო დაწესებულება. 1886 წლიდან ჰუავედათ ერთადერთი ექიმი, შემდგომში ცნობილი პოეტი და საზოგადო მოღვაწე გრიგოლ ვოლსკი. რკინიგზის უწყებამ ქობულეთში მხოლოდ 1902 წ. გახსნა 10 საწოლიანი ლაზარეთი ტუბერკულოზიანებისათვის. იგი დიდხანს იყო რკინიგზელთა ერთადერთი სამედიცინო დაწესებულება ბათუმის ოლქში.

სოფლის მოსახლეობა მოკლებული იყო სამედიცინო დახმარებას და მხოლოდ ხალხური მედიცინით სარგებლობდა. კავკასიაში, მართალია, 1884 წ. დაიწყო სოფლის სამედიცინო პუნქტების გახსნა, მაგრამ ბათუმის ოლქში მან 12 წლით დაიგვიანა. ქუთაისის გუბერნიის საქიმო უწყებამ მხოლოდ 1896 წ. გახსნა ხულოსა და ქედაში საექიმო პუნქტები, სადაც ფერშალი და ბებიაკალი მუშაობდნენ. ქედაში შტატიო ექიმიც ირიცხებოდა, მაგრამ ის თვეში ერთხელ, ხელფასის აღებისას თუ მოინახულებდა პუნქტს.¹⁷⁸

იმავე წელს ბათუმის ქსენონის შენობა გაანადგურა ხანძარმა, რის გამოც მწუავედ დანსვა ახალი საავადმყოფოს მშენებლობის საკითხი. მისი ინიციატორი, ექიმებთან ერთად, იყო ქალაქისთავე ლუკა ასათიანი. გადაწყდა ბარაკული ტიპის 120-საწოლიანი საავადმყოფოს აშენება.

1901 წ. ბათუმში იფეთქა შავი ჭირის ეპიდემიამ, რის გამოც იძულებული გახდნენ ჯერ კიდევ დაუშთარებელი საავადმყოფოს ბარაკებში გაეხსნათ ეპიდემიური სტაციონარები. ეპიდემიის წაცხრობის შემდეგ, ბარაკები წესრიგში მოიყვანეს და 1902 წ. 3 ოქტომბერს გაიხსნა ქალაქის საავადმყოფო (ამჟამად რესპუბლიკური ცენტრალური კლინიკური საავადმყოფო). მას ჰქონდა 6 ბარაკი: ადმინისტრაციული, თერაპიული, ფსიქიატრიული, ინფექციური, ქირურგიული და ვენეროლოგიური, აგრეთვე დამხმარე ნაგებობები: სამრეცხაო, ცვიხაუზი, პერსონალის საცხოვრებელი, სამზარეულო, საკუჭნაო, საცხედრე (მორგი) და ამბულატორია. ამბულატორიული ავადმყოფები იხდიდნენ 50 კაპიკიდან 5 რუბლამდე. სტაციონარული მკურნალობა დღიურად 75 კაპიკიდან - 3 რუბლამდე ღირდა.¹⁷⁹

ასეთი სიძვირე გამოწვეული იყო იმით, რომ თუ რუსეთის იმპერიაში მოქმედი „სამკურნალო დაწესებულებათა წესდებით“ ქალაქის ყველა მცხოვრებს ევალებოდა საავადმყოფოს სასარგებლოდ შეეტანა წელიწადში 1 რუბლი, ბათუმში ეს წესი

¹⁷⁷ აპერტია, ნარკოვი აჭარაში ჯანმრთელობის დაცვის ისტორიიდან, ბათ., 1958, გვ.17, 18, 26.

¹⁷⁸ იქვე, გვ. 27-28.

¹⁷⁹ «Батум и его окрестности», Бат., 1906, с. 568-579.

რატომღაც შეცვალეს და წლიური შესატანის ნაცვლად გაზარდეს გადასახადი მკურნალობისათვის. ამან ის შედეგი გამოიღო, რომ ავადმყოფთა დიდი ნაწილი მამა-პაპურად, სახლში მკურნალობდა, ხოლო ნაწილი - საავადმყოფოდან ეწერებოდა განკურნებად.

საავადმყოფოს მთავარ ექიმს გუბერნატორი ნიშნავდა. პირველ მთავარ ექიმად პეტერბურგიდან მოიწვიეს ობუხოვის საავადმყოფოს ექიმი - ქირურგი, შემდგომში ბაქოს სამედიცინო ინსტიტუტის პროფესორი ბორის ფინკელშტეინი. მასთან ერთად მუშაობდნენ სხვადასხვა დარგის სპეციალისტები: კონდრატე მხეიძე, გრიგოლ ელიაეა, ბორის ფროლოვი, ალექსანდრე შატილოვი (შემდგომში ცნობილი პროფესორი-ოქულისტი, თბილისის სამედიცინო ინსტიტუტის კათედრის გამგე), ალექსანდრე თუმანიშვილი, პლატონ გიგინეიშვილი, სერგეი სოლოეკინი და სხვ.¹⁸⁰

ამგვარად, ბათუმის საავადმყოფოში ახალი განყოფილებების გახსნამ და სპეციალისტების დანიშვნამ საფუძველი ჩაუყარა ავადმყოფთა დაყოფას დაავადების სახეების მიხედვით, რაც კვალიფიციური სამედიცინო დახმარების ჩანასახსაც წარმოადგენდა.

მრავალი სიძნელის მიუხედავად (ტექნიკური, ფინანსური, მატერიალური), ბათუმელი ექიმები საავადმყოფოს დაარსების პირველი დღიდანვე ცდილობდნენ გამოეყენებინათ XX საუკუნის დასაწყისის სამედიცინო მეცნიერების მიღწევები. ამიტომაც პირველი წლებიდანვე საავადმყოფო ერთ-ერთი მოწინავე სტაციონარულ დაწესებულებად გადაიქცა მთელ კავკასიაში. 1911-1913 წლებში საავადმყოფოში რეგისტრირებულ ავადმყოფთა 30-40 პროცენტზე ბათუმში ჩამოსულენი იყვნენ.

მკურნალობის მაღალი ფასების მიუხედავად, სახელმწიფო ვერ კისრულობდა საავადმყოფოს შეკეთებას, მოწყობილობით აღჭურვას და მის ტექნიკურ გამართვას; მას არ გააჩნდა თეთრეულის საშრობი, არადაამკაყოფილებელი იყო განათება და წყალმომარაგება, სამედიცინო პერსონალის ნაწილი ცხოვრობდა ცვიხაუხში, ნაწილი - ფსიქიატრიულ ბარაკში (რომელშიც ავადმყოფებს საერთოდ არ აწვენდნენ), ხოლო მზარეული თავისი ორი თანაშემწით - სამზარეულოში.

გადატვირთული იყო ქირურგიული და ქალთა განყოფილებები, რის გამოც არ ჰქონდათ საშუალება ცალკე მოეთავსებინათ ახლად ნაოპერაციები ავადმყოფები. ცალკე არ იყო გამოყოფილი ოთახები ჩირქოვანი ავადმყოფების, მომაკვდავების, ტუბერკულოზიანების, მორიგე პერსონალის, ექიმებისათვის და ა.შ.

1904 წლამდე საავადმყოფოს არ გააჩნდა კანალიზაცია და ელექტროგანათება, ეზოს გარშემო ეკვროდა ღრმა ჭაობი, რის გამოც კოლოები მოსვენებას არ აძლევდნენ ავადმყოფებს, ხშირ შემთხვევაში ისინი აქვე ავადდებოდნენ მაღარით.

ცხადია, ცუდი აღჭურვილობა, კლინიკურ-დიაგნოსტიკური მოწყობილობის უქონლობა, მედიკამენტების ნაკლებობა აძნელებდა დროულ დიაგნოსტიკას და მკურნალობას. მაღალი იყო სიკვდილიანობა (6,0-9,6%), განსაკუთრებით თერაპიულ და ინფექციურ განყოფილებებში.

1904 წ. საავადმყოფოში შეიქმნა საექიმო საბჭო, რომელიც ბეტქავდა ანგარიშებს, ქალაქის თვითმმართველობას ყოველწლიურად უდგენდა ნაკლოვანებათა სიას და თხოულობდა მათ გამოსწორებას, მაგრამ ხშირად იგი დაუკმაყოფილებელი რჩებოდა. საავადმყოფოს ერთგვარი მოწესრიგება მოხერხდა მხოლოდ 1911-1912 წლებში, ბინა გამოეყო მთავარ ექიმს, ფართობი მიეცა ლაბორატორიას, განცალკევდნენ თერაპიული განყოფილების ავადმყოფი მამაკაცები, რომელთაც სხვა დაავადებებ-

¹⁸⁰ ვაკაჭაძე, რ.სურმანიძე, ჟანმრთელობის სამკვდლო, ბათ., 1974, გვ. 10.

თან ერთდროულად ჰქონდათ ენერგიული სნეულებაც.

10 წლის მანძილზე საავადმყოფოს არ გააჩნდა რენტგენის აპარატი, რის გამოც ავადმყოფები თბილისში იგზავნებოდნენ. აპარატის შექმნა მოხერხდა მხოლოდ 1912 წ. ექიმ გ. ე. სობოლევსკის ინიციატივით.

საავადმყოფო ემსახურებოდა არა მარტო ქ. ბათუმის, არამედ ოლქისა და ნაწილობრივ ქუთაისის გუბერნიის მოსახლეობასაც. მისი დაფინანსება ხდებოდა ქალაქის მოსახლეობის რიცხვის მიხედვით, ფაქტობრივად კი ხარჯავდა ორჯერ მეტს რის გამოც შენობის შესაკეთებლად და ინვენტარ-მოწყობილობის შესაძენად ფული აღარ რჩებოდა.

1909 წ. უსახსრობის გამო საწოლი ადგილები შემცირდა 80-მდე, ხოლო პირველი მსოფლიო ომის დაწყებისას – 50-მდე. ამასთან, საავადმყოფო გადაიტანეს სკოლის შენობაში, ხოლო ბარაკებში სამხედრო ჰოსპიტალი გაიხსნა. ოსმალთა ოკუპაციის დროს ბათუმის საავადმყოფო ევაკუირებულ იქნა ფოთში. ოსმალებმა საავადმყოფოს შენობაში თავიანთი ჰოსპიტალი გახსნეს.

მძიმე მდგომარეობა იყო ოლქის სოფლებში, ქედის სამედიცინო პუნქტით სარგებლობდნენ მხოლოდ მასურის ცენტრისა და ახლომდებარე სოფლების მცხოვრებლები. უგზობობა ამწელებდა მძიმე ავადმყოფების გადმოყვანას. კიდევ უფრო მძიმე იყო ვითარება ზემო აჭარაში. მასურის ერთადერთ ფერშალს 50 კმ. რადიუსში უხდებოდა თითქმის 20 000 მცხოვრების მომსახურება. 1897 წ. ხულოს ფერშალს თავის აფთიაქში მხოლოდ ქინაქინა და საფაღარათო ზეთი აღმოაჩნდა.¹⁸¹

სოფლად მქინევარებდა მაღარია, ჩიყვი და მრავალი ინფექციური დაავადება. სიკვდილიანობა წლითწლობით მატულობდა, ძირითადად ტუბერკულოზიანებში. მოსახლეობას ამ დაავადების იმდენად ეშინოდა, რომ ერთი ავადმყოფის გამოიქნაც საკმარისი იყო, რათა ეს ოჯახი სრული იზოლაციის მსხვერპლი გამხდარიყო არა მარტო უცხოთა, არამედ ახლო მეზობლებისა და ნათესაების მხრივ.

1903 წ. ართვინში, არტანუჯში, ხულოსა და ქობულეთში გახსნეს საექიმო პუნქტები - ქსენონები, რომლებიც შემდეგ 10-საწოლიან საავადმყოფოებად გადაკეთდა. ქედაში ექიმის შტატი გაუქმდა, ხოლო საფერშლო პუნქტი ხულოს საავადმყოფოს დაექვემდებარა. 1910 წლისათვის ხულოსა და ქედის ქსენონებს, ორივეს ერთად, 12 საწოლი ჰქონდათ. ერთი წლის განმავლობაში ისინი 13 ავადმყოფს მოემსახურენ, ხოლო 1913 წ. - 34. ართვინსა და არტანუჯში ავადმყოფთა სიმცირის ძირითადი მიზეზი ის იყო, რომ ამ ქსენონებში ექიმები ფორმალურად ირიცხებოდნენ. გარდა ამისა, იქ სამუშაოდ მოდიოდნენ ძირითადად მამაკაცები, 1906 წ. ამ ქსენონებში სამუშაოდ ბებიაკალებიც გამოჩნდნენ.

მდგომარეობას ართულებდა მედიკამენტების სიმცირე. ხულოს ფერშალს ს. დემინისკაიას სამედიცინო კარადაში 1909 წ. მხოლოდ 7 დასახელების წამალი აღმოაჩნდა: საფაღარათო ზეთი, იოდი, მწვანე საპონი, ღიზოლი, ვილკინსონის მალაქო, ქაფური და ვალერიანი.¹⁸²

1913 წ. მონაცემებით, ბათუმის ოლქში სახელმწიფო სამსახურში მუშაობდა 15 ექიმი. მათგან მხოლოდ 8 ასრულებდა ექიმის პრაქტიკულ მოვალეობას, დანარჩენი კი ადმინისტრაციულ საქმეებში იყო დაკავებული. ისინი ბათუმში ცხოვრობდნენ, სადაც ამ დროს კიდევ 18 კერძო ექიმი მოღვაწეობდა.

პირველმა მსოფლიო ომმა ბათუმის ოლქში, განსაკუთრებით ართვინის ოკრუგში,

¹⁸¹ თ.სახოკია, მოგზაურობანი, გვ. 193-194.

¹⁸² აპერტია, დასახ. ნაშრ., გვ. 30.

მოშალა განვითარების გზაზე მყოფი სამოქალაქო სამედიცინო სამსახური. ართენის და არტანუჯის ქსენონები გაუქმდა და იქ მომუშავე რამდენიმე ექიმი და ბებიაქალი დაიფანტნენ. ერთადერთი ფერშალი – სოფია დემინსკაია, რომელიც ხულოდან ართენში გადაიყვანეს, ომის შემდეგ კვარცხანის სპილენძის საბადოების საფერშლო პუნქტში მუშაობდა.

1916 წ. იანვარში სრულიად რუსეთის ქალაქთა კავშირმა ბათუმში, სასტუმრო „იმპერიალის“ შენობაში, აგრეთვე ხულოში, გახსნა 50-საწოლიანი, ხოლო მარადიდსა და ქედაში – 25-საწოლიანი საავადმყოფოები. ქედაში საავადმყოფოს საკუთარი ორსართულიანი სახლი დაუთმო ცნობილმა სახელმწიფო მოღვაწემ, პროფესიით ექიმმა ყადირ შერვაშიძემ. თუმცა, წლის ბოლომდე სამივემ შეწყვიტა საქმიანობა. პირველი მსოფლიო ომისა და უცხოელ ოკუპანტთა მოსელის შემდეგ ის პუნქტებიც გაუქმდა, ადრე რომ მოქმედებდა.¹⁸³

1919 წ. მუშაობა განაახლა ექიმთა საზოგადოებამ, მისი მოთხოვნით, საავადმყოფოს გადასცეს გაძარცვლ-გაპარტახებული შენობები, სადაც მოეწყო 60 საწოლი.¹⁸⁴

აჭარა, უცხოელთა ბატონობის გამო, ორი წლის დაგვიანებით, 1920 წლის 7 იელის დაუბრუნდა დამოუკიდებელ საქართველოს. ამიტომ მთავრობამ აქ ვერ შეძლო იმ მცირედი რეფორმების გატარებაც, რომლებიც სხვაგან მეტ-ნაკლებად დაწყებული იყო. არსებული მცირე სამედიცინო ქსელი მას დახედა სრულიად გაჩანაგებული და გაპარტახებული. ექიმთა ნახევარზე მეტი ქალაქიდან იყო გასული. აი ციფრობრივი მონაცემებიც.¹⁸⁵

აჭარაში იყო:	1913 წ.	1920 წ.
საავადმყოფო	3	1
საწოლები	145	80
მათ შორის ქალაქში	120	80
სოფლად	25	-
ექიმთა რიცხვი სულ	39	19
მათ შორის სოფლად	3	-

უმწოდო გამოიყურებოდა ისეთი დიდი საზოგადოებრივი ორგანიზაცია, როგორიც იყო რუსეთის ქალაქთა კავშირი. მატერიალურ ბაზას და ფინანსებს მოკლებულმა, უხელისუფლებობისა და ანარქიის ეითარებაში, მან ვერ შეძლო რაიმე ზომების გატარება, რათა ოდნავ მაინც გაეუმჯობესებინა სამედიცინო მომსახურება.

ამის მიუხედავად, საქართველოს დემოკრატიულმა მთავრობამ რამდენიმე თვეში მოაგვარა ზოგი აუცილებელი საქმე. ყურადღება გადაიტანეს წითელი ჯვრის საზოგადოებაზე, რომელმაც თავისი სამედიცინო ბრიგადები გაგზავნა ქედის, ხულოს და ქობულეთის სოფლებში. ბათუმში გაიხსნა წითელი ჯვრის საავადმყოფო და აფთიაქი, რომლებიც მსოფლიო ომში დაზარალებულ ხეიბრებს, ლტოლვილებს, ობლებსა და ქერიებს ემსახურებოდა.

1880 წ. ბათუმის ოლქში გაიხსნა პირველი აფთიაქი. მაშინვე გაჩნდა სააფთიაქო მალახიებიც, რომელთა მფლობელები „შეთავსებით“ ავადმყოფთა მკურნალობასაც

¹⁸³ იქვე, გვ. 34.

¹⁸⁴ ვ.კვაჭაძე, რ.სურმანიძე, დასახ. ნაშრ., გვ. 14-17.

¹⁸⁵ Сурманидзе Р. Д. Развитие советского здравоохранения в Аджарской АССР, Тб., 1982, с.4.

ეწეოდნენ.

ბათუმში ახალი საავადმყოფოს გახსნისთანავე საქმეს შეუდგა მისი აფთიაქიც, სადაც მუშაობდნენ ექიმი და ფერშალი. მზა პრეპარატებს ღებულობდნენ კაეკასიის ამხანაგობის ადგილობრივი საწობიდან, ხოლო ალკალიიდებს, ქლოროფორმსა და ზოგიერთ სხვა ნაერთებს საავადმყოფო იწერდა პამპურგიდან (გერმანია) მერკის, ბრანდტის და ტიშანის ფირმებიდან. სოფლად პირველი აფთიაქი ქობულეთში გაიხსნა.

* * *

ბათუმის ოლქის მოსახლეობის ჯანმრთელობის დაცვის საეკონომიკურ მდგომარეობა ძირითადად გამოწვეული იყო სანიტარული კულტურის დაბალი დონით, კომუნალური, კვების და პირადი ჰიგიენის ნორმების უხეში დარღვევებით. როგორც ქალაქად, ისე სოფლად საშინელი ანტისანიტარია სუფევდა.

აუტანელ საცხოვრებელ პირობებზე თითქმის ყოველდღე იწერებოდა ადგილობრივ პრესაში. ეგნატე ნინოშვილი,¹⁸⁶ რომელიც ერთხანს მანათაშივის ქარხანაში მუშად მუშაობდა, აღნიშნავდა: მუშათა საცხოვრებლები უფრო ჰგავდა ფაცხებს, ვიდრე ჩვეულებრივ სახლებს. ირგველი სიბინძურე და ჭაობია, ადამიანს გაეღაცა კი უჭირს საცხოვრებელ ოთახებში დღისითაც კი ბნელა. მოგვიანებით ექიმებმა აღუქსანდრე მაღალაშვილმა¹⁸⁷ და მიხეილ სეგალმა¹⁸⁸ მუშათა ყოფა-ცხოვრების საშინელ პირობებს სპეციალური ნაშრომები უძღვეს.

გაუგადი ჭაობების გამო ბათუმი და მისი შემოგარენი ციების ბუდე იყო. ეს აწუხებდა ყველას. სასოგადოებრიობას ესმოდა, რომ თუ მოხერხდებოდა ჭაობის დაშრობა, ქალაქი მალე დაიჭერდა ღირსეულ ადგილს შავიზღვისპირეთის კურორტებს შორის. მეტიც, უცხოელები (მოგზაურები, მწერლები, ორიენტალისტები) მას დიდ მომავალს უწინასწარმეტყველებდნენ, ადარებდნენ ევროპის კურორტებს და ახალ ნიცას და რივიერას უწოდებდნენ.

ა. რემერტის, ვ. ჟილინსკის, მ. ბეთანელის, ტ. ტრიანტაფილიდისის, ვ. სეკორცოვის, ნ. საბაშვილის, გ. ვოლსკის და სხვათა მეცადინეობით მე-19 ს. 80-90-იან წლებიდან ბათუმში დაიწყო არხების გაყვანა, რამაც მალე გამოიღო შედეგი - ქალაქის ცენტრალური ნაწილი გათავისუფლდა ჭაობებისაგან. საყურადღებოა ისიც, რომ მრეწველებს, მეწარმეებს და დიდ მაგნატებს სამეურნეო და საცხოვრებელი სახლის ასაშენებლად მიწის ფართობს გამოუყოფდნენ დაჭაობებულ ადგილას, რომ იგი დაეშროთ და კეთილმოეწყოთ. არხების გაყვანისათვის თანხები დააბანდეს პავლოვმა, ჟილინსკიმ, ივანოვმა და სხვებმა, რომელთა სახელს ეს არხები დღესაც ატარებს.

საერთოდ, ბათუმს რუსეთის იმპერიაში მაღაროების პოლუსს უწოდებდნენ. ამიტომ არც იყო გასაკვირი, რომ პირველი სამალაროო სადგური აქ გაიხსნა 1913 წლის 12 მაისს.¹⁸⁹ მისი პირველი გამგე იყო სერგეი სოლოჟკინი.¹⁹⁰ სადგურმა გადამწყვეტი როლი შეასრულა საშიში ქორნიკული დაავადების დაძლევისა და სათანადო კადრების მომზადება-აღზრდაში. ბათუმში ჭაობების დაშრობამ დასაბამი მისცა ქალაქის საკურორტო მეურნეობის განვითარებას.

¹⁸⁶ რ. სურმანიძე, დავუიწვარი სახეები, ბათ., 1969, გვ. 44.

¹⁸⁷ Протоколы и труды общества врачей в г. Батуме. Бат., 1908, с. 103-120.

¹⁸⁸ Сегаль М. Л. Жилища рабочих в г. Батуме., Кут., 1903, с. 7-10.

¹⁸⁹ Сурмандзе Р. Д. Общество врачей Аджарии и русско-грузинские медицинские связи, Бат., 1978, с. 23.

¹⁹⁰ იქვე, გვ. 22-23.

* * *

1864 წ. გრიგოლ ორბელიანის ინიციატივით თბილისში დაარსდა კავკასიის სამედიცინო საზოგადოება. მისი დახმარებით და ბათუმელი ექიმების (გ. ელიაძე, დ. კუზიატინი, კ. მხეიძე, ტ. ტრიანტაფილიდესი, გ. ვოლსკი, მ. ფენსტერი და სხვ.) ინიციატივით 1896 წ. 20 ნოემბერს (ტე.სტ.) დაფუძნდა ბათუმის ექიმთა საზოგადოებაც, რომელიც ერთ-ერთი უძველესია ამიერკავკასიაში (ოცდამეხუთე იყო იმპერიაში და მესამე კავკასიაში - თბილისისა და ქუთაისის შემდეგ).¹⁹¹ მისი შექმნის ნებართვას რომ იძლეოდა, ხელისუფლება მიზნად ისახავდა არმიაში სანიტარულ-ჰიგიენური პირობების გაუმჯობესებას და დაავადებების შემცირებას. ამის გამო საზოგადოების წევრად უპირატესად რეკომენდაციას აძლევდნენ სამხედრო ექიმებს (ბათუმის ექიმთა საზოგადოების 37 დამფუძნებელიდან სამოქალაქო უწყებაში მხოლოდ 6 მუშაობდა). ამის მიუხედავად, ოლქის ექიმთა მოწინავე ნაწილი იმთავითვე ჩაება საშინელო ეპიდემიების - მალარიის, ენდემიური ჩიყვის წინააღმდეგ, აგრეთვე, ზღვისპირა ზოლის გაჯანსაღებისა და მის საკურორტო ზონად გადაქცევისათვის ბრძოლაში.

ექიმთა საზოგადოება თავის ყოველთვიურ სხდომებზე ისმენდა მოხსენებებს ქალაქად და სოფლად სანიტარულ-ჰიგიენური რეჟიმის დამყარების, ეპიდემიების წინააღმდეგ ბრძოლის თაობაზე და სხვა სასიცოცხლო საკითხებზე, შეიმუშავებდა რეკომენდაციებს, რაც რეგულარულად წარედგინებოდა ადგილობრივ ხელისუფლებას. მართალია, მათი დიდი ნაწილი უყურადღებოდ რჩებოდა, მაგრამ ზოგიერთის რეალიზაცია იმ დროისათვის დიდი პროგრესი იყო.

ბათუმელი ექიმები მონაწილეობდნენ თვითმპყრობელობის წინააღმდეგ გამოსვლებსა და დემონსტრაციებში, რის გამოც ბევრმა განიცადა რეპრესიები (ა. შატილოვი, ა. მაღალაშვილი, ბ. ფინკელშტეინი, კ. გოგინიშვილი, ყ. შერვაშიძე, გ. ვოლსკი და სხვ.).¹⁹²

ექიმების - ტ. ტრიანტაფილიდესის, ა. თუმანიშვილის, მ. ფენსტერის, გ. ვოლსკის, ს. სოლოვიკინის და სხვ. მეცადინეობით მოეწყო პირველი სანატორიუმები, დასასვენებელი სახლები და ბავშვთა ბანაკები მახინჯაურში, მწვანე კონცხსა და ქობულეთში.¹⁹³

სხვადასხვა დროს ექიმთა საზოგადოებას მჭიდრო ურთიერთობა ჰქონდა რუსეთისა და საზღვარგარეთის გამოჩენილ მეცნიერ-მედიკოსებთან, რაც დიდ როლს ასრულებდა მათ პროფესიულ დახელოვნებასა და უცხოეთის სამეცნიერო წრეებთან ურთიერთობის დამყარება-გაფართოებაში.¹⁹⁴

პირველი მსოფლიო ომის დროს ბათუმის ექიმთა საზოგადოებამ შეწყვიტა მუშაობა მისი აღდგენა მოხერხდა საქართველოს დამოუკიდებლობის გამოცხადების შემდეგ, კერძოდ, 1919 წ. ამ დროს აქ მომუშავე მცირერიცხოვანი ექიმთა ჯგუფისათვის უპირველესი იყო ქალაქის სანიტარული მდგომარეობის გაუმჯობესება, ლტოლვილთა საბინაო და განსახლება-მოწყობის საკითხები, ბრძოლა ეპიდემიების, მალარიის, სიძიერისა და შიმშილის წინააღმდეგ.

* * *

აჭარის ზღვისპირეთის კურორტების შესახებ პირველ ცნობას ვხვდებით ამ კუთხის გათავისუფლებიდან ერთი წლის შემდეგ. 1879 წ. კავკასიის ექიმთა საზოგა-

¹⁹¹ იქვე გვ. 8.

¹⁹² იქვე გვ. 68-81.

¹⁹³ იქვე გვ. 26-30.

¹⁹⁴ იქვე გვ. 81-90.

დოკუმენტების სხდომაზე სამედიცინო ნაწილის ინსპექტორმა, დოქტორმა ა. რემერტმა ბათუმი შეაფასა, როგორც კლიმატური სადგური.¹⁹⁵

იმავე წელს სამხედრო კორესპონდენტი ა. ფრენკელი წერდა: „სოციერთი არა-ჯანსაღი პირობების მიუხედავად, ბათუმის კლიმატი შეიძლება სასარგებლოდ მივიჩნიოთ. უნდა ვიფიქროთ, რომ ქალაქის სანიტარიული მდგომარეობის გაუმჯობესების კვალობაზე ბათუმს დიდი რაოდენობით მოაწყდება მოგზაურები და ავადმყოფები“.¹⁹⁶

ოდნავ მოგვიანებით, კავკასიის არქეოლოგთა ყრილობაზე ჩამოსულმა გერმანელმა მეცნიერმა რუდოლფ ვირხომმა აღნიშნა, „ბათუმი და მისი შემოგარენი სედაგამოჭრილია კლიმატური სადგურისათვის“. 1884 წელს დოქტორი ფ. ვილინსკი თავის ნაშრომში — „ბათუმის სამედიცინო-ტოპოგრაფიული ნარკვევი“, ქალაქს ახასიათებს, როგორც უდიდესი საკურორტო მნიშვნელობის პუნქტს მიუხედავად ზემოთქმულისა, ბათუმი საკურორტოდ დიდხანს არ გამოიყენებოდა, თუმცა ექიმები კვლავ ასაბუთებდნენ მის დიდ საკურორტო მომავალს.

1898 წ. პეტერბურგში ბალნეოკლიმატურ ყრილობაზე მიაღწინეს ბათუმელი ექიმი და ქალაქისათვის მოადგილე, ცნობილი ქართველი პოეტი გრგოლსკი, რომელმაც წაითხა მისივე კოლეგის ტ. ტრიანტაფილიდესის მოხსენება „ბათუმის მოსაზღვრე მახინჯაური და მწვანე კონცხი“. მომხსენებელი კატეგორიული ტონით იცავდა ბათუმელი ექიმების აზრს იმის შესახებ, რომ ამ ქალაქს აქვს მაღალი კლინიკური ღირსებები. ამასთან, ასახელებდა დაავადებებს, რომლებზეც ადგილობრივი კლიმატი კეთილსმყოფლად მოქმედებდა.

ბათუმის გიმნაზიის პედაგოგი, შემდგომში ცნობილი მეცნიერი, აკად. ნ. ს. დერჟავინი 1902 წ. წერდა: „თუ ბათუმი თავისი არსებობის 25 წლისთავე გაუფალი ტყეებისა და ჭაობების დანე ანდრონოკაშელის ამიერკავკასიაში ერთ-ერთ საუკეთესო ქალაქად იქცა, არაფერი შეუშლის ხელს, რომ თავისი არსებობის 50 წლისთავე იგი მართლაც ნიჭად იქცეს, ამ სიტყვის ჭეშმარიტი გაგებით. ის მართლაც გახდება მსგავსი ქალაქი, რადგანაც ყველა მონაცემი აქვს ამისათვისაც და კულტურული დაწინაურებისათვისაც“.¹⁹⁷

ამ დროისათვის იმდენი მეცნიერულად დასაბუთებული მასალა დაგროვდა, რომ ბათუმის ექიმთა სასოვადობა წინადადებით შევიდა ქალაქის თვითმმართველობაში, ქალაქგარეთ კლიმატური სადგურისათვის გამოეყოთ შესაფერისი მიწის ნაკვეთი. ქალაქისათვის ივანე ანდრონოკაშელის შესაბამისი თხოვნით წარსდგა პეტერბურგში მიწათმოწყობის მინისტრთან, მაგრამ სახასიონო მიწის გამოყოფაზე მისგან უარი მიიღო.¹⁹⁸ მიუხედავად ამისა, ექიმთა შეუპოვობამ და ძალისხმევამ შედეგი გამოიღო. 1904 წ. ქობულეთში რკინიგზის უწყების პერსონალისათვის გაიხსნა 25-საწოლიანი სანატორიუმი, ერთი წლის შემდეგ კი ასეთივე სადგური მოეწყო მწვანე კონცხზეც. აჭარის ტერიტორიაზე ეს იყო პირველი საკურორტო დაწესებულება, რამაც შემდგომში დასაბამი მისცა სააგარაკო საქმის განვითარებას.

აქვე უნდა ითქვას, რომ ექიმთა შორისაც არ იყო ერთსულოვნება ზოგი მათგანი (მ. ი. იერუსალიმსკი, ს. პ. ტრიიცკი) სეპტიკურად უყურებდა აჭარის სანაპიროზე საკურორტო მშენებლობას. ბათუმში განლაგებული ჯარის ნაწილების ჯანმრთელობის მდგომარეობის ანალიზის საფუძველზე ექიმი მ. იერუსალიმსკი მიუღებლად

¹⁹⁵ Протоколы и труды Об-ва врачей в г. Батуме (შუპოკლ. ПТОВБ), 1913, გვ. 166.

¹⁹⁶ Френкель А. Очерки Чурук-су и Батума, Тиф., 1879, с. 107.

¹⁹⁷ Державин Н.С. Всеобщий адрес-ежегодник Батума, 1902, с. 51-52.

¹⁹⁸ ПТОВБ, 1905, с. 9.

თელიდა აქ არათუ კურორტის განვითარებას, არამედ ეს ქალაქი მას საცხოვრებლადაც უფარვისად მიაჩნდა ჭაობებისა და საშინელი მაღაროების გამო. ამ აზრს დაუპირისპირდნენ ექიმები ე. წ. პრიანიშნიკოვი, ა. ნ. შატილოვი, ა. ა. თუმანიშვილი და სხვ, რომლებსაც მაგალითად მოჰყავდათ სოხუმი, გაგრა და სოჭი, სადაც მაღაროა და ჭაობები არანაკლები იყო, მაგრამ კურორტები იქ დღითი დღე ფართოვდებოდა. მაღაროის წინააღმდეგ ბრძოლა და საკურორტო მშენებლობა ერთდროულად უნდა წარიმართოსო - სამართლიანად შენიშნავენდნენ ისინი.¹⁹⁹

1911 წ. ბათუმს ეწვია მოსკოვის ფიზიოთერაპიული საზოგადოების 43 წევრი, რომელსაც დიდი რუსი პედიატრი, პროფესორი ა. ა. კისელი ხელმძღვანელობდა. სტუმრებმა დაათვალიერეს ბათუმი და მისი ახლომახლო ადგილები, აღფრთოვანებულმა ა. კისელმა აღნიშნა: „ბათუმს, როგორც რუსულ რივიერას, უეჭველად ელოდება კლიმატური სადგურის დიდი მომავალი“.²⁰⁰

სტუმრების რეკომენდაცითა და რჩევით, ბათუმელმა ექიმებმა იმავე წელს დააფუძნეს საკურორტო საზოგადოება. მან თავისთავსე აიღო ამ საქმის კოორდინაცია, მაგრამ მთავრობისაგან ვერაფერი მხარდაჭერა ვერ ჰპოვა, არ ჰქონდა საკუთარი სახსრები და მალე შეწყვიტა არსებობაც.

იმ დროისათვის აჭარის სანაპირო ზოლი იმდენად პოპულარული გახდა, რომ მოსკოვის ბავშვთა სიკედილიანობასთან მეტძობლმა საზოგადოებამ ქობულეთში 15 ბავშვი გამოგზავნა დასასვენებლად. მათი სანატორიული მკურნალობის შედეგი შთამაგონებელი აღმოჩნდა, ამიტომ საზოგადოებამ გადაწყვიტა ქობულეთში საკუთრად ეყიდა შენობა, სადაც 1912 წელს 40-მა ბავშვმა ჩაიტარა მკურნალობა.

ბათუმის ექიმთა საზოგადოება დღენიდაც შეახსენებდა ქალაქის თვითმმართველობას, რომ არ შეენელებინა კეთილმოწყობითი სამუშაოები. ამ მიზნით თვითმმართველობასთან შეიქმნა განსაკუთრებული საკურორტო კომისია, რომლის წევრებმა - ინჟინრებმა რაფალსკიმ და სვიშეკსკიმ შეადგინეს ქალაქის კანალიზაციის დეტალური ხარჯთაღრიცხვა.²⁰¹

1914 წ. პეტერბურგში, შავიზღვისპირეთის მოღვაწეთა ყრილობაზე, ექიმმა ს. სოლოვიკინმა წაიკითხა მოხსენება „ბათუმი, როგორც თბილი კლიმატური სადგური“, რომელმაც დამსწრეთა დიდი ინტერესი და გამოხმაურება ჰპოვა.

ქართველ საზოგადო მოღვაწეებს, ბუნებრივია, არ სიამოვნებდათ, როცა ქართულ ტერიტორიებს უწოდებდნენ „რუსულ რივიერას“, „რუსეთის ნიცას“ და სხვა მსგავს სახელებს. მაგ, ამის საპროტესტო გამოძახილი იყო გაზეთ „სახალხო ფურცელში“ გამოქვეყნებული თეოდორე ლლონტის ვრცელი ნარკვევი „საქართველოს რივიერა (ბათუმის ოლქი)“, რომელიც მხარის ისტორიულ-ეკონომიკურ და სტატისტიკურ მიმოხილვასთან ერთად, საკურორტო აღწერილობასაც შეიცავს.²⁰²

პირველმა მსოფლიო ომმა გაანეღა ექიმთა და ინჟინერთა ენთუზიაზმი. ოქტომბრის გადატრიალებისა და სხვა მოვლენების გამო ერთხანს კურორტებისათვის არავის ეცალა ამით ისარგებლეს კერძო პირებმა და ზღვის სანაპიროზე მრავალი აგარკი აიშენა სხვათა შორის, მეფის ხელისუფლება განსაკუთრებული დამსახურებისათვის სააგარაკოდ მიწებს ურიგებდა თვის ჩინონიკებს, უპირატესად ყოფილ გენერლებს. ასეთი აგარაკების რიცხვი აჭარის ტერიტორიაზე ორასს აღწევდა. იმ დროისათვის საკურორტო საქმის განვითარება ამაზე შორს ვერ წაივდა.

¹⁹⁹ ПТОВБ, 1908, с. 237-264.

²⁰⁰ ПТОВБ, 1913, с. 35.

²⁰¹ Сурманидзе Р. Д., Общество... Бат., 1978, с. 29.

²⁰² გაზ. „სახალხო ფურცელი“, №285-287, 291; 20-27 მაისი, 1915.

რეგიონის მოსახლეობისთვის სამედიცინო დახმარების გაწევის საქმეში დიდი როლი შეასრულა მოხალისე მოწყალეების დებისა და სანიტრების რაზმებმა. ცნობილია, რომ აჭარა გამუდმებით საომარი მოქმედებების ასპარეზად იყო გადაქცეული, ამიტომ, ამ რაზმების დროებითი ლაზარეთები თითქმის უწყვეტლევ იყო განლაგებული მის ტერიტორიაზე. ლაზარეთებში მომუშავე ექიმები და მოწყალეების დები, ძირითად საქმიანობასთან ერთად, შესაძლო სამედიცინო დახმარებას ადგილობრივ მოსახლეობასაც უწევდნენ.

ორ კეცვა, რომ საქართველოში მოხალისე მოწყალეების დების, ანუ წითელი ჯვრის რაზმები წამოყალიბდა გაცილებით ადრე, ვიდრე დაარსდებოდა შვეიცარიის წითელი ჯვრის საერთაშორისო ორგანიზაცია (1863 წ.) და რუსეთის დაჭრილთა და ავადმყოფთა მზრუნველობის საზოგადოება (1867 წ.).

საქართველოში დაჭრილთა და ავადმყოფთა დახმარების ორგანიზებული რაზმი შეიქმნა 1828-29 წწ. რუსეთ-ოსმალეთის ომის დროს, ციხისძირის ტერიტორიაზე და მისი მეთაური იყო მარიამ ზაალის ასული ორბელიანი-გურიელისა (1780-1841).²⁰³ ამაზე მეტყველებს დოკუმენტი, რომელშიც ნათქვამია, რომ მარიამ ორბელიანმა „ციხისძირის ომზედ თეთი თავისის მილიციით იმსახურა ერთგულად, რომელშიც მრავალი აფიცარი და მდაბალი სალდათი გამოიყვანა ცეცხლიდამ დაჭრილნი; არა თუ მხოლოდ იზრუნა გამოყვანისათვის და გამოსხნისათვის მათისა, არამედ თეთი თავისის ხელითა მსახურებდა აფიცართა და სალდათთა საზრდელის მიღებით და სამსახური-თა არა რასა დაუშოგავს გულის მოდგინება თვისა“.²⁰⁴

ქართულმა წითელმა ჯვარმა თავი გამოიჩინა 1853-56 წწ. ყირიმის ომის დროსაც. ამ დროს ჩოლოქის მიდამოებში, სახალხო ლაშქრის ზრდის კვლობაზე, დასტაქრებისა და მოწყალეების დების რიცხვმაც მოიმატა სწორედ მათი დამსახურების შედეგად, მძიმე ჭრილობებს ცოცხლად გადაურჩნენ ასეულის მეთაური ნიკო ზურაბის ძე ჭაჭავაძე (რომელის ერთხანს მეკლარი ეგონათ), მისი თანაშემწე მიხეილ ბიძინას ძე ერისთავი, პოლკოვნიკი გიორგი იოსების ძე ჯანდიერი („დროშა-გიორგი“), კაპიტანი გიორგი ციციშვილი და სხვ. დასტაქართა რაზმებს მეთაურობდნენ გრიგოლ შაბურიშვილი და ბეჟან თურმანიძე.²⁰⁵

გამონაკლისი არც 1877-78 წწ. რუსეთ-ოსმალეთის ომია. ამ დროს სახალხო რაზმელთა რიცხვი კიდევ უფრო გაიზარდა, მოიმატა მოწყალეების დების რაოდენობამაც და არცაა გასაკვირი, რომ ზოგი მათგანი ჭოროხის ხეობაში თანამომეტა დახმარებისა და მშობლიური მიწა-წყლის დაცვის საქმეს შეეწირა მათ შორის არიან ნინო დავითის ასული გურიელი (1857-1877) და სხვ. ამ ომში დაჭრილთა და ავადმყოფთა მკურნალობის საქმეს ხუცუბან-მუხაესტატეს მიდამოებში ხელმძღვანელობდა თავადი გიორგი დავითის ძე ამილახვარი (1857-1917). კობულეთის რაზმებში აქტიურად მონაწილეობდნენ ელისაბედ ყაზბეგი (1844-1915), გ. ჯაყელი და სხვანი.

წითელი ჯვრის რაზმებმა თავი გამოიჩინეს ბათუმში 1905 წლის რევოლუციური მოვლენების დროს. მათ სათავეში ბათუმელი ექიმები ა. მაღალაშვილი, ბ. ფინკელშტეინი, კ. მხეიძე ჩაუდგნენ და დაჭრილთა დასახმარებლად ქუჩაში გამოვიდნენ. აქ თავი ისახელეს ქალაქისთავ ი. ანდრონიკაშვილის მეუღლემ ლიდა ანდრონიკაშვილმა (1861-1953), რომელმაც თავად შექმნა მოხალისე მოწყალეების დების რაზმი, მოიმატა მედიკამენტები, შესახვევი მასალა და თეთრეული, დაჭრილებს კი საკუთარ სახლში უწევდა სამედიცინო დახმარებას. მან ეს საქმიანობა პირველი მსოფლიო ომის დრო-

²⁰³ რ. სურმანიძე, მფარველი ანგელოზები. ბათ., 2005, გვ. 33-36.

²⁰⁴ ქვ. ჩხატარაიშვილი. გურიის სამთავროს შეერთება რუსეთთან, თბ., 1985, გვ. 99-100.

²⁰⁵ რ. სურმანიძე, მფარველი... გვ. 40-46.


საც განაგრძო. უფრო მეტიც, მასთან თბილისიდან ჩამოვიდა ნათესავი მოწვეალების და ანეტა ანდრონიკაშვილი (1892-1916), რომელიც გემ-პოსპიტალ „პორტუგალს“ გაჰყვა; გემი ბათუმის მახლობლად ზღვაში წაძირეს და 113 მოწვეალების დასთან და დაჭრილებთან ერთად ანეტაც დაიღუპა.

ქართულმა წითელმა ჯვარმა ბათუმში საკუთარი აფთიაქიც ააშენა (1912წ.), ხოლო ცნობილმა სასოგადო მოღვაწემ და ექიმმა ყადირ შერვაშიძემ ამ ორგანიზაციას ლაზარეთისათვის ქედაში საკუთარი ორსართულიანი სახლი დაუთმო. ამ შენობაში 1972 წლამდე რაიონული საავადმყოფო იყო განთავსებული.

მოწვეალების დების მოხალისეთა რაზმებში ჭეშმარიტი გმირობა გამოიჩინა ბათუმელმა ელენე კონსტანტინეს ასულმა ხეჩინაშვილმა (1890-1957), რომელიც მამაკაცურად გამოეწყო და პირველი მსოფლიო ომის წლებში დაჭრილთა და ავადმყოფთა გადასარჩენად, ექიმ ელადიმურ ცენტერსკის გამოგონილი სახელით იბრძოდა.²⁰⁶

წითელი ჯვრის ქართული ორგანიზაცია, ისევე, როგორც მთელ საქართველოში, ბათუმის ოლქისა და აჭარის ტერიტორიაზეც ერთგულად ასრულებდა მედიცინის მუშაკთა თანაშემწის და სანდო დამხმარის როლს.

²⁰⁶ რ. სურმანიძე, მფარველი... გვ. 49-124.




პირველი ქართული სკოლა ბათუმში



ალექსანდრე ნანეიშვილი —
ბათუმის პირველი ქართული
სკოლის პირველი მასწავლებელი



ცნობილი ბათუმელი პედაგოგები:
მიხეილ შარაშიძე, ირაკლი ღლონტი, ალექსანდრე მგელაძე,
ნიკო ჯაყელი



ბათუმის პირველი ქართული სკოლის მოსწავლეები



ორთაბათუმის სკოლის მოსწავლეები და მასწავლებლები, 1909 წ.




ბათუმის ვაჟთა გიმნაზია
(დღეს შოთა რუსთაველის სახელმწიფო უნივერსიტეტი)



ქალთა გიმნაზია (დღეს ქ. ბათუმის №2 სკოლა)



ბათუმის მარინეს სახელობის ქალთა უმაღლესი დაწვებითი სკოლის
მოსწავლეების 1917 წ. გამოშვება



ბათუმის საქალაქო (ექვსკლასიანი) სასწავლებელი



ნიკოლოზ გომანი. ბათუმის მუზეუმის დამაარსებელი (1908 წ.)




მუზეუმის ბეჭედი




ბათუმი. „ხოლოდნაია სლობოდას“ (დღეს ბარცხანა-ბონის დასახლება) ორკლასიანი ნორმალური სახელმწიფო სასწავლებელი - 1911 წ. გამოშვება




მურღლის (ართვის ოკრუგი) სასწავლებლის წარმომადგენლები
და მოსწავლეები 1910 წ.



ქედის ორკლასიანი სასწავლებელი



ართეინის ნორმალური სასწავლებლის მუსიკოსები
მურღულის ხეობაში ექსკურსიის დროს. 1910 წ.



ქალაქ ართეინის საერთო ხედი. XX ს. 10-იანი წლები



აკაკი წერეთელი



ვაჟა-ფშაველა



იაკობ გოგებაშვილი



დავით კლიდაშვილი



სოფრომ მაგალობლიშვილი



ალექსანდრე ცაზბეგი



ვენატე ნინაშვილი



იოსებ იმედაშვილი



მამია გურიელი



ეპისკოპოსი გაბრიელი
(ქიქოძე)



ეკატერინე გაბაშვილი



იონა მუნარჯია



ივანე გვარამაძე
(ვინზე მესხი)



ნიკო ცხველაძე



ანტონ ფურცელაძე



ალექსანდრე ყეფშიძე



შიო არაგვისპირელი



მარი ბროსე




პლატონ იოსელიანი




მოსე ჯანაშვილი



დავით კასრაძე



ბათუმის სტამბებში დაბეჭდილი წიგნები, გაზეთი და აფიშა



სერგეი პუტკინის ტიპოგრაფიული საწარმო ბათუმში



ბათუმის დრამატული წრის წევრები



ქეთევან ჟურული



შალვა დადიანი



ზუცუბნის ქართული სკოლის დრამატული წრის წევრები, რომლებმაც 1920 წ. 15 აგვისტოს დადგეს აკაკი წერეთლის „პატარა კახი“ (შუაში ზის მასწავლებელი არსენ წითლიძე)

აჭარაში მოღვაწე ემიგრები



გიორგი ულიავა



ტიმოლუნ
ტრიანტაფილიდესი



კონდრატი მშვიტე



სერგეი სოლოვკინი



ყადირ შერვაშიძე



კლატონ
გივინეიშვილი




მიხეილ ლოლუა



ქ. ბათუმის საავადმყოფოს ადმინისტრაციული კორპუსი, 1902 წ.





მიხეილის (დღეს – ზვიად გამსახურდიას) ქუჩა XX ს. დამღევს



ბათუმის ფოსტა-ტელეგრაფი
(აგებულია XIX საუკუნის დამღევს)

ძირითადი შემოკლებანი

- ამხფ - აჭარის ხარტიონ ახგლედიანის სახელობის მუზეუმის ხელნაწერთა ფონდი
აცსა - აჭარის ცენტრალური სახელმწიფო არქივი
- ბსკოფა - ბათუმის ნ. ბერძენიშვილის სახ. სამეცნიერო-კვლევითი ინსტიტუტის
ფოლკლორული არქივი
დაშკომი - საქართველოს დამოუკიდებლობის კომიტეტი
- სდსეკ - სამხრეთ-დასავლეთ საქართველოს ყოფა და კულტურა (კრებული)
სკფფა - საქართველოს კინო-ფოტო-ფონო არქივი
- სპა - საქართველოს ბრეზიდენტის არქივი
- სცსსა - საქართველოს ცენტრალური სახელმწიფო საისტორიო არქივი
- სცსსა პმფ - საქართველოს ცენტრალური სახელმწიფო საისტორიო არქივის
პარვარდის შიკროფირების ფონდი
- სჯმხფ - სამცხე-ჯავახეთის ივ. ჯავახიშვილის სახელობის ისტორიული
მუზეუმის ხელნაწერთა ფონდი
- სანკტ-პეტერბურგის
სცია - სანკტ-პეტერბურგის სახელმწიფო ცენტრალური
ისტორიული არქივი (იგივე ЦГИА С-Пб.)
- ქუთაისის ცსა-ქუთაისის ცენტრალური სახელმწიფო არქივი
- ქ.შ.წ.-კ.გ.ს. - ქართველთა შორის წერა-კითხვის გამავრცელებელი საზოგადოება
„ოზაკომი“ - ამიერკავკასიის განსაკუთრებული კომიტეტი (რუს. „Особый
Закавказский Комитет) - რუსეთის დროებითი მთავრობის (1917 წ.)
ამიერკავკასიის მმართველი ორგანო
- DBFP – Documents on British foreign policy 1919-1939
- АИЭ АНР - Институт Антропологии и Этнографии Акад. наук Российской Федерации
АВПР - Архив внешней политики России (г. Москва)
- АКТЫ - Акты, собранные Кавказской Археографической комиссией
- ИКОИРГО - Известия Кавказского отдела Императорского Российского Географического
Общества
- ПТОВБ – Протоколы и труды Общества врачей в г. Батум
- К.К. – Кавказский календарь (ყოველწლიური გამოცემა)
- ГАРФ – Государственный Архив Российской Федерации
- ООППАДЗК - Обзор отраслей промышленности, служащих предметом косвенного обложения
Акцизного Дела Закавказского края

გამომცემლობის დირექტორი
ნანა ხახუტაიშვილი

გამომცემლობის რედაქტორი – ლალი კონცელიძე
ტექნიკური რედაქტორი – ედუარდ ანანიძე

ხელმოწერილია დასაბეჭდად 28.05.2009
ქალაქის ზომა 60X84 1/8
ფიზიკური თაბახი 37.6
ტირაჟი 1000

შპსი სახელმწიფო

დაიბეჭდა უნივერსიტეტის სტამბაში
ა. ბათომი, ნინოშილის 35.

